

# আল-বিদায়া ওয়ান নিহায়া

(ইসলামের ইতিহাস : আদি-অন্ত)

দ্বিতীয় খণ্ড

মূল

আবুল ফিদা হাফিজ ইবন কাসীর আদ-দামেশ্কী (র)

মূল কিতাব পরিমার্জন ও সম্পাদনায়

- \* ড. আহমদ আবু মুলহিম \* ড. আলী নজীব আতাবী
- \* প্রফেসর ফুয়াদ সাইয়েদ \* প্রফেসর মাহদী নাসির উদ্দীন
- \* প্রফেসর আলী আবদুস সাতির



ইসলামিক ফাউন্ডেশন বাংলাদেশ

**আল-বিদায়া ওয়ান নিহায়া (দ্বিতীয় খণ্ড)**

**মূল : আবুল ফিদা হাফিজ ইবন কাসীর আদ-দামেশকী (র)**

**অনুবাদ : মাওলানা বোরহান উদ্দীন**

**মাওলানা মুহাম্মদ মুহিউদ্দীন**

**মাওলানা সৈয়দ মুহাম্মদ এমদাদ উদ্দীন**

**মাওলানা গোলাম সোবহান সিদ্দিকী**

**ইফাবা অনুবাদ ও সংকলন : ১৮৪৮**

**ইফাবা প্রকাশনা : ২০১৮/১**

**ইফাবা গ্রন্থাগার : ২৯৭.০৯**

**ISBN : 984-06-0617-4**

**গ্রন্থস্থল : ইসলামিক ফাউন্ডেশন বাংলাদেশ**

**প্রথম প্রকাশ : জুন ২০০১**

**দ্বিতীয় সংস্করণ**

**মে ২০০৭**

**জ্যৈষ্ঠ ১৪১৪**

**রবিউস সানি ১৪২৮**

**মহাপরিচালক**

**মোঃ ফজলুর রহমান**

**প্রকাশক**

**মোহাম্মদ আবদুর রব**

**পরিচালক, প্রকাশনা বিভাগ**

**ইসলামিক ফাউন্ডেশন বাংলাদেশ**

**আগারগাঁও, শেরে বাংলা নগর, ঢাকা-১২০৭**

**ফোন : ৮১২৮০৬৮**

**প্রচ্ছদ : জসিম উদ্দিন**

**কম্পিউটার কম্পোজ : মডার্ণ কম্পিউটার্স**

**মুদ্রণ ও বাঁধাই**

**মুহাম্মদ আবদুর রহীম শেখ**

**প্রকল্প ব্যবস্থাপক, ইসলামিক ফাউন্ডেশন প্রেস**

**আগারগাঁও, শেরে বাংলা নগর, ঢাকা-১২০৭**

**ফোন : ৯১১২২৭১**

**মূল্য : ৬০০ (হয়শত টাকা মাত্র)**

AL-BIDAYA WAN NIHAYA (2ND VOLUME) (Islamic History : First to Last—Second Volume): Written by Abul Fidaa Hafiz Ibn Kasir Ad-Dameshki (R) in Arabic, translated by Maulana Borhan Uddin, Maulana Muhammad Muhiuddin, Maulana Syed Muhammad Emdad Uddin and Maulana Golam Sobhan Siddiqui into Bangla and published by Muhammad Abdur Rab, Director, Publication, Islamic Foundation Bangladesh, Agargaon, Sher-e-Bangla Nagar, Dhaka-1207. Phone : 8128068

May 2007

E-mail : info @ islamicfoundation-bd.org

Website : www.islamicfoundation-bd.org

Price : Tk ৬০০ ; US Dollar : 10.00

## সূচিপত্র

	পৃষ্ঠা
হযরত মুসা (আ)-এর পরবর্তী বনী-ইসরাইলের নবীগণের বিবরণ	১৩
হিয়কীল (আ)-এর বিবরণ	১৪
হযরত আল-যাসা' (আ)-এর বিবরণ	১৭
শামুয়েল নবীর বিবরণ	১৯
হযরত দাউদ (আ)-এর বিবরণ	২৯
হযরত সুলায়মান (আ)	৮৮
হযরত দাউদ ও ইয়াহ্যা (আ)-এর মধ্যবর্তী ইসরাইল বংশীয় নবীগণের ইতিহাস	৭১
হযরত দানিয়াল (আ)-এর বিবরণ	৮৫
হযরত উয়ায়ির (আ)-এর বর্ণনা	৯১
খাকারিয়া ও ইয়াহ্যা (আ)	৯৮
হযরত ঈসা (আ)-এর বিবরণ	১১৩
সতী-সাধী নারী হযরত মারযামের পুত্র হযরত ঈসা (আ)-এর জন্মের বিবরণ	১২৫
আল্লাহ সন্তান গ্রহণ থেকে পরিত্র	১৩৯
হযরত ঈসা (আ)-এর জন্ম ও ওহীর সূচনা	১৫০
হযরত ঈসা (আ)-কে আসমানে উঠিয়ে নেয়ার বর্ণনা	১৭৯
যুল-কারনায়ন	১৯৮
ইয়াজুজ-মাজুজ ও তাদের প্রাচীরের বিবরণ	২০৮
আসহাবে কাহাফ-এর ঘটনা	২১৫
হযরত লুকমান (আ)-এর ঘটনা	২৪৩
অগ্নিকুণ্ড অধিপতিদের ঘটনা	২৫৫
বারসীসা-এর ঘটনা	২৬৮
হিজায়ী আরবদের উর্ধ্বতন পুরুষ 'আদনান-এর বৃত্তান্ত	৩৭১
আদনান পর্যন্ত হিজায়ের আরবদের উর্ধ্বতন বংশধারা	৩৮৩
সাবা' মু'আল্লাকার অন্যতম রচয়িতা ইমরান কায়স ইবন হজর আল-কিনদী	৪১৪
উমাইয়া ইবন আবুস সালত ছাকাফী	৪১৮
যায়দ ইবনে আমর ইবন নুফায়ল (রা)	৪৪৬
ঈসা (আ) ও বাসুলুল্লাহ (সা)-এর মধ্যবর্তী যুগের কয়েকটি ঘটনা	৪৫৬

[ চার ]

আবদুল মুতালিবের পুত্র যবেহ করার মানত	৪৬৩
আমিনা বিনতে ওহ্ব যুহরিয়ার সঙ্গে পুত্র আবদুল্লাহর বিদ্যাহ	৪৬৬
রাসূলুল্লাহ (সা)-এর পবিত্র জীবন-চরিত	৪৭০
রাসূলুল্লাহ (সা)-এর জন্ম	৪৮২
রাসূলুল্লাহ (সা)-এর জন্মের বিবরণ	৪৮৬
রাসূলুল্লাহ (সা)-এর জন্মের রাতে সংঘটিত অলৌকিক ঘটনাবলী	৪৯১
চাচা আবু তালিবের সঙ্গে রাসূলুল্লাহ (সা)-এর সিরিয়া সফর এবং পাত্রী বাহীরার সঙ্গে সাক্ষাত প্রসঙ্গ সায়ফ ইব্ন ফী-ইয়ায়ান-এর বর্ণনা এবং নবী করীম (সা) সম্পর্কে তাঁর সুসংবাদ প্রদান	৫১৫
রাসূলুল্লাহ (সা)-এর যৌবন প্রাপ্তি ও আল্লাহর আশ্রয়	৫২০
রাসূলুল্লাহ (সা)-এর নবুওত লাভ এবং এতদ্সম্পর্কিত কয়েকটি পর্বাতাস এ সম্পর্কিত আরও কয়েকটি আশ্রয় ঘটনা	৬০১
আমর ইব্নে আল জুহানীর কাহিনী	৬১৯
	৬২৩



## মহাপরিচালকের কথা

‘আল-বিদায়া ওয়ান নিহায়া’ প্রখ্যাত মুফাসসির ও ইতিহাসবেত্তা আল্লামা ইবনে কাসীর (র) প্রণীত একটি সুবৃহৎ ইতিহাস গ্রন্থ। এই গ্রন্থে সৃষ্টির শুরু তথা আরশ, কুরসী, নভোমগুল, ভূমগুল প্রভৃতি এবং সৃষ্টির শেষ তথা হাশর-নশর, কিয়ামত, জান্নাত, জাহান্নাম প্রভৃতি সম্পর্কে আলোচনা করা হয়েছে।

এই বৃহৎ গ্রন্থটি ১৪টি খণ্ডে সমাপ্ত হয়েছে। আল্লামা ইবনে কাসীর (র) তাঁর এই গ্রন্থকে তিনি ভাগে ভাগ করেছেন। প্রথম ভাগে আরশ, কুরসী, ভূমগুল, নভোমগুল এতদুভয়ের অন্তর্বর্তী সব কিছু তথা ফেরেশতা, জিন, শয়তান, আদম (আ)-এর সৃষ্টি, যুগে যুগে আবির্ভূত নবী-রাসূলগণের ঘটনা, বনী ইসরাইল, ইসলাম-পূর্ব যুগের ঘটনাবলী এবং মুহাম্মদ (সা)-এর জীবন-চরিত আলোচনা করা হয়েছে। দ্বিতীয় ভাগে রাসূলুল্লাহ (সা)-এর ওফাতকাল থেকে ৭৬৮ হিজরী সাল পর্যন্ত সুনীর্ঘ কালের বিভিন্ন ঘটনা এবং মনীষীদের জীবনী আলোচনা করা হয়েছে। তৃতীয় ভাগে রয়েছে ফির্ণা-ফাসাদ, যুদ্ধ-বিশ্রাহ, কিয়ামতের আলামত, হাশর-নশর, জান্নাত-জাহান্নামের বিবরণ ইত্যাদি।

লেখক তাঁর এই গ্রন্থের প্রতিটি আলোচনা কুরআন, হাদীস, সাহাবাগণের বর্ণনা, তাবেঙ্গন ও অন্যান্য মনীষীর উক্তি দ্বারা সমৃদ্ধ করেছেন। ইবন হাজার আসকালানী (র), ইবনুল ইমাদ আল-হাস্বলী (র) প্রমুখ ইতিহাসবিদ এই গ্রন্থের প্রশংসন করেছেন। বদরুদ্দীন আইনী (র) এবং ইবন হাজার আসকালানী (র) গ্রন্থটির সার-সংক্ষেপ রচনা করেছেন। বিজ্ঞানদের মতে, এ গ্রন্থের লেখক ইবনে কাসীর (র) ইমাম তাবারী, ইবনুল আসীর, মাসউদী ও ইবন খালদুনের ন্যায় উচ্চস্তরের ভাষাবিদ, সাহিত্যিক ও ইতিহাসবেত্তা ছিলেন।

বিখ্যাত এ গ্রন্থটির বাংলা অনুবাদ দ্বিতীয় খণ্ড পাঠকের হাতে তুলে দিতে পেরে আমরা আল্লাহ তা'আলা'র শুকরিয়া আদায় করছি। আমরা গ্রন্থখানির অনুবাদক ও সম্পাদকমণ্ডলীকে আন্তরিক মুবারকবাদ জানাচ্ছি। গ্রন্থটির প্রকাশনার ক্ষেত্রে যাঁরা সাহায্য-সহযোগিতা করেছেন তাঁদের সবাইকে মুবারকবাদ জানাচ্ছি।

পরম করুণাময় আল্লাহ তা'আলা আমাদের এ শ্রম কবূল করুন। আমীন!

মোঃ ফজলুর রহমান  
মহাপরিচালক  
ইসলামিক ফাউন্ডেশন বাংলাদেশ

## প্রকাশকের কথা

প্রথম মানব-মানবী হয়েরত আদম ও হাওয়া (আ) থেকে মানব সভ্যতার শুভ সূচনা হয়েছে। হয়েরত আদম (আ) ছিলেন মানব জাতির আদি পিতা এবং সর্বপ্রথম নবী। আল্লাহ তা'আলা মানুষ সৃষ্টির পর তাঁর বিধি-বিধান আবিয়া-ই-কিরামের মাধ্যমেই মানব জাতির কাছে পৌছিয়েছেন। নবী-রাসূলগণ সহীফা অথবা কিতাব নিয়ে এসেছেন। মানব ইতিহাসের বিভিন্ন ঘটনা, আবিয়া-ই-কিরামের আগমন ও তাঁদের কর্মবহুল জীবন সম্পর্কে পবিত্র কুরআন ও হাদীসে বিশদভাবে বর্ণিত হয়েছে। তাই ইসলামের নির্ভুল ইতিহাস জানার জন্য কুরআন ও হাদীসই হলো মৌলিক উপাদান। আজ বিজ্ঞানের চরম উৎকর্ষের যুগেও কুরআন-হাদীসের তত্ত্ব ও তথ্য প্রশ়াস্তীতভাবে প্রমাণিত।

আবুল ফিদা হাফিজ ইবন কাসীর (র) কর্তৃক আরবী ভাষায় রচিত 'আল-বিদায়া ওয়ান নিহায়া' এছে আল্লাহ তা'আলার বিশাল সৃষ্টি জগতসমূহের সৃষ্টিতত্ত্ব ও রহস্য, মানব সৃষ্টিতত্ত্ব এবং আবিয়া-ই-কিরামের সুবিস্তৃত ইতিহাস বর্ণনা করা হয়েছে। ১৪ খণ্ডে সমাপ্ত এই বৃহৎ গ্রন্থটি অত্যন্ত নির্ভরযোগ্য ও জনপ্রিয় একটি ইতিহাস গ্রন্থ। লেখক গ্রন্থটি তিন ভাগে বিভক্ত করে রচনা করেছেন।

গ্রন্থের প্রথম ভাগে সৃষ্টি জগতের তত্ত্ব-রহস্যবলী, আদম (আ) থেকে সর্বশেষ নবী হয়েরত মুহাম্মদ (সা) পর্যন্ত আবিয়া-ই-কিরামের ধারাবাহিক আলোচনা, বনী ইসরাইল ও আইয়ামে জাহেলিয়াতের ঘটনাবলীর বিশদ বিবরণ লিপিবদ্ধ করা হয়েছে। দ্বিতীয় ভাগে নবী করীম (সা)-এর ওফাতের পর থেকে ৭৬৮ হিজরী পর্যন্ত উল্লেখযোগ্য খলীফা, রাজা-বাদশাহগণের উত্থান-পতনের ঘটনা, সামাজিক, রাজনৈতিক ও আর্থিক বিষয়াবলীর সবিস্তার আলোচনা করা হয়েছে। তৃতীয় ভাগে রয়েছে মুসলিম উম্মাহর অশান্তি ও বিপর্যয়ের কারণ, কিয়ামতের আলামতসমূহ, হাশর-নশর, জান্নাত-জাহান্নাম ইত্যাদির বিশদ বিবরণ। তাই ইসলামের ইতিহাস চর্চাকারীদের জন্য গ্রন্থটি দিক-নির্দেশক হিসেবে বিবেচিত হয়ে আসছে।

গ্রন্থটির গুরুত্বের প্রতি লক্ষ্য রেখে ইসলামিক ফাউন্ডেশন বাংলাদেশ সবগুলো খণ্ড অনুবাদের উদ্যোগ গ্রহণ করে। ইতোমধ্যে গ্রন্থটির ৯ খণ্ডের অনুবাদ প্রকাশিত হয়েছে। বাংলা ভাষাভাষী পাঠকদের সুবিধার্থে 'আল-বিদায়া ওয়ান নিহায়া'র বাংলা নামকরণ করা হয়েছে 'ইসলামের ইতিহাস : আদি-অন্ত'। গ্রন্থটির অনুবাদ ও সম্পাদনার সাথে যাঁরা সম্পৃক্ত ছিলেন তাঁদের সবাইর প্রতি রইলো আমাদের আন্তরিক মোবারকবাদ।

গ্রন্থটির দ্বিতীয় খণ্ড ২০০১ সালে অনুবাদ ও সংকলন বিভাগ থেকে প্রথম প্রকাশিত হয়। প্রকাশের অল্প কিছু দিনের মধ্যেই এর সকল কপি ফুরিয়ে যায়। ব্যাপক পাঠকচাহিদার প্রেক্ষিতে বর্তমানে এর দ্বিতীয় সংস্করণ প্রকাশ করা হলো।

আমরা আশা করি বইটি পূর্বের মতোই পাঠক মহলে সমাদৃত হবে। আল্লাহ আমাদের প্রচেষ্টা করুন!

মোহাম্মদ আবদুর রব  
পরিচালক, প্রকাশনা বিভাগ  
ইসলামিক ফাউন্ডেশন বাংলাদেশ

## সম্পাদনা পরিষদ

অধ্যাপক মাওলানা আবদুল মানান (সভাপতি)  
মাওলানা আবদুল্লাহ বিন সাইদ জালালাবাদী (সদস্য)  
পরিচালক, অনুবাদ ও সংকলন বিভাগ (সদস্য সচিব)

# আল-বিদায়া ওয়ান নিহায়া

## দ্বিতীয় খণ্ড

بِسْمِ اللَّهِ الرَّحْمَنِ الرَّحِيمِ

## হ্যরত মূসা (আ)-এর পরবর্তী বনী-ইসরাইলের নবীগণের বিবরণ

‘আল্লামা ইব্ন জারির (র) তাঁর ইতিহাস গ্রন্থে লিখেছেন, আমাদের এই উষ্মতের মধ্যে যেসব ইতিহাসবিদ ও ‘আলিম প্রাচীন ইতিহাসের চর্চা করেছেন, তাঁদের সর্ববাদীসম্মত মতে, ‘ইউশা’ (আ)-এর পরে কালিব ইব্ন ইউফান্না (কালব বন যোফনা) বনী ইসরাইলের নেতৃত্বে সমাজীন হন। কালিব ছিলেন মূসা (আ)-এর অন্যতম শিষ্য এবং তাঁর বোন মরিয়মের স্বামী। ঐ যুগে আল্লাহ ভীরু ব্যক্তিবর্গের মধ্যে শীর্ষস্থানীয় দুই ব্যক্তি ছিলেন ‘ইউশা’ ও কালিব। বনী ইসরাইল যখন জিহাদে যেতে অধীকৃতি জানাচ্ছিল তখন এ দু’ব্যক্তি তাদের উদ্দেশ্য বলেছিলেনঃ

أَدْخُلُوا عَلَيْهِمُ الْبَابَ فَإِذَا دَخَلْتُمُوهُ فَاقْبِكُمْ غَالِبُونَ وَعَلَى اللَّهِ فَتَوَكَّلُوا  
انْ كُنْتُمْ مُؤْمِنِينَ.

তোমরা তাদের মুকাবিলা করে দ্বারে প্রবেশ কর, প্রবেশ করলেই তোমরা জয়ী হবে আর তোমরা মু’মিন হলে আল্লাহর উপরই নির্ভর কর। (মায়দা : ২৩)

ইব্ন জারীর বলেন, কালিবের পরে বনী ইসরাইলের পরিচালক হন হিয়্কীল ইব্ন ইউফান্না (হজুর ইন্দ্রিয়ের সেই হিয়্কীল যিনি আল্লাহর নিকট দোয়া করার ফলে আল্লাহ ঐ সব মৃত লোকদের জীবিত করে দিয়েছিলেন, যারা সংখ্যায় হাজার-হাজার হওয়া সত্ত্বেও মৃত্যু-ভয়ে নিজেদের ঘর-বাড়ি ছেড়ে বেরিয়ে গিয়েছিল।

## হিয়কীল (আ)-এর বিবরণ

আল্লাহর বাণী :

أَلْمَ تَرَ إِلَى الدِّينِ خَرَجُوا مِنْ دِيَارِهِمْ وَهُمُ الْوُفُ حَذَرَ الْمَوْتُ فَقَالَ لَهُمْ  
اللَّهُ مُوْتُوا ثُمَّ أَحْيَاهُمْ إِنَّ اللَّهَ لَذُو فَضْلٍ عَلَى النَّاسِ وَلَكِنَّ أَكْثَرَ النَّاسِ لَا  
يَشْكُرُونَ -

তুমি কি তাদেরকে দেখনি যারা মৃত্যু-ভয়ে হাজারে-হাজারে তাদের আবাস ভূমি ত্যাগ করেছিল? তারপর আল্লাহ তাদেরকে বলেছিলেন, “তোমাদের মৃত্যু হোক।” তারপর আল্লাহ তাদেরকে জীবিত করেছিলেন। নিশ্চয়ই আল্লাহ মানুষের প্রতি অনুগ্রহশীল; কিন্তু অধিকাংশ লোক কৃতজ্ঞতা প্রকাশ করে না। (২ বাকারা : ২৪৩)

মুহাম্মদ ইব্ন ইসহাক ওহাব ইব্ন মুনাবিহ সূত্রে বর্ণনা করেছেন : ইউশার মৃত্যুর পর কালিব ইব্ন ইউফান্না বনী-ইসরাইলের নেতা হন এবং তাঁর ইন্তিকালের পর হিয়কীল ইব্ন ইউফী বনী ইসরাইলের পরিচালনার দায়িত্বভার গ্রহণ করেন। এই হিয়কীল ইবনুল আজুয় তথা বৃক্ষার পুত্ররূপে পরিচিত, যার দোয়ায় আল্লাহ সে সব মৃত লোকদেরকে জীবিত করে দিয়েছিলেন, যাদের ঘটনা পূর্বোক্ত আয়াতে উল্লিখিত হয়েছে।

ইব্ন ইসহাক বলেন, এসব লোক মহামারীর ভয়ে ঘর-বাড়ি ছেড়ে পালিয়ে যায় এবং এক প্রান্তের উপনীত হয়। আল্লাহ বললেন, তোমাদের মৃত্যু হোক। ফলে তারা সকলেই তথায় মারা যায়। অবশ্য তাদের লাশগুলো হিংস্র জঙ্গুর কবল থেকে রক্ষা করার জন্য বেষ্টনীর ব্যবস্থা করা হয়। এভাবে সুদীর্ঘকাল অতিক্রান্ত হয়। একদা হ্যরত হিয়কীল তাদের নিকট দিয়ে অতিক্রম করেছিলেন। তিনি থমকে দাঁড়ান ও চিন্তা করতে থাকেন। এ সময় একটি গায়েবী আওয়াজের মাধ্যমে তাকে জিজেস করা হয়, আল্লাহ এ মৃত লোকগুলোকে তোমার সম্মুখে জীবিত করে দেন তা কি তুমি চাও? হিয়কীল বললেন, জী হ্যাঁ। এরপর তাঁকে বলা হল, তুমি হাড়গুলোকে আদেশ কর, যাতে সেগুলো গোশত দ্বারা আবৃত হয় এবং শিরাগুলো যেন পরম্পর সংযুক্ত হয়ে যায়। আল্লাহর নির্দেশ অনুযায়ী হিয়কীল হাড়গুলোকে সে আহ্বান করার সাথে সাথে লাশগুলো সবই জীবিত হয়ে গেল এবং সমস্তের তাকবীর ধ্বনি উচ্চারণ করল।

আসবাত ঐতিহাসিক সুন্দী থেকে বিভিন্ন সূত্রে ইব্ন ‘আবাস, ইব্ন মাসউদ প্রমুখ সাহাবী থেকে উপরোক্ত আয়াতে (أَلْمَ تَرَ إِلَى الدِّينِ خَرَجُوا.....) উল্লিখিত ঘটনা সম্পর্কে লিখেছেন : ওয়াসিত এর নিকটে অবস্থিত একটি জনপদের নাম ছিল দাওয়ার-দান (দাওর্দান)

এ জনপদে একবার ভয়াবহ মহামারী দেখা দেয়। এতে সেখানকার অধিকাংশ লোক ভয়ে পালিয়ে যায় এবং পার্শ্ববর্তী এক এলাকায় অবস্থান করে। জনপদে যারা থেকে গিয়েছিল তাদের কিছু সংখ্যক মহামারীতে আক্রান্ত হয়ে মারা যায়; কিছু বেশির ভাগ লোকই বেঁচে যায়। মহামারী চলে যাওয়ার পর পালিয়ে যাওয়া লোকজন জনপদে ফিরে আসে। জনপদে থেকে যাওয়া লোকদের মধ্যে যারা বেঁচেছিল তারা পরম্পর বলাবলি করল যে, আমাদের যেসব ভায়েরা এলাকা ত্যাগ করে চলে গিয়েছিল তারাই বুদ্ধিমত্তা ও দূরদর্শিতার পরিচয় দিয়েছে। তাদের মত যদি আমরাও চলে যেতাম তবে সবাই বেঁচে থাকতাম। পুনরায় যদি এ রকম মহামারী আসে তবে আমরাও তাদের সাথে চলে যাব। পরবর্তী বছর আবার মহামারী ছড়িয়ে পড়ে। এবার জনপদ শূন্য করে সবাই বেরিয়ে গেল এবং পূর্বের স্থানে গিয়ে অবস্থান নিল। সংখ্যায় এরা ছিল তেক্ষিণ হাজার বা তার চাইতে কিছু বেশি। যে স্থানে তারা সমবেত হয়, সে স্থানটি ছিল একটি প্রশস্ত উপত্যকা। তখন একজন ফিরিশতা উপত্যকাটির নীচের দিক থেকে এবং আর একজন ফিরিশতা উপত্যকাটির উপর দিক থেকে আওয়াজ দিয়ে বললেন, “তোমাদের মৃত্যু হোক”। আগে যে সমস্ত লোক মারা গেল, তাদের মৃত দেহগুলো সেখানে পড়ে থাকল। একদা নবী হিয়কীল ঐ পথ দিয়ে যাচ্ছিলেন। এ দৃশ্য দেখে তিনি বিস্ময়ে দাঁড়িয়ে গেলেন, গভীরভাবে চিন্তা করতে লাগলেন এবং আপন মুখের চোয়াল ও হাতের আঙ্গুল মুচড়াতে থাকলেন। এ অবস্থায় আল্লাহ তাঁর নিকট ওহী পাঠিয়ে জিজেস করলেন, হিয়কীল! তুমি কি দেখতে চাও, আমি কিভাবে এদেরকে পুনরায় জীবিত করিঃ হিয়কীল বললেন জী হাঁ, আমি তা দেখতে চাই। বস্তুত তিনি এখানে দাঁড়িয়ে এই বিষয়েই চিন্তাময় ছিলেন এবং আল্লাহর শক্তি প্রত্যক্ষ করে অবাক দৃষ্টিতে তাকিয়ে ছিলেন। তাঁকে বলা হল, তুমি আহ্বান কর। তিনি আহ্বান করলেন, হে অস্তিসমূহ! আল্লাহ তোমাদেরকে একত্রিত হওয়ার নির্দেশ দিয়েছেন। দেখা গেল, যার ঘার অস্তি উড়ে উড়ে পরম্পর সংযুক্ত হয়ে কংকালে পরিণত হয়েছে। তাঁকে পুনরায় বলা হল, আহ্বান কর। তিনি আহ্বান করলেন, “হে অস্তিসমূহ! আল্লাহ তোমাদের কংকালগুলো গোশত ইত্যাদি দ্বারা আবৃত করার নির্দেশ দিয়েছেন।” দেখা গেল, কংকালগুলো মাংস দ্বারা আবৃত হয়ে তাতে শিরা-উপশিরা চালু হয়ে গিয়েছে এবং যে কাপড় পরিহিত অবস্থায় তাদের মৃত্যু হয়েছিল, সে কাপড়গুলোই তাদের দেহে শোভা পাচ্ছে। এরপর হিয়কীলকে বলা হল, আহ্বান কর। তিনি আহ্বান করলেন, “হে দেহসমূহ! আল্লাহর হৃকুমে দাঁড়িয়ে যাও!” সাথে সাথে সবাই দাঁড়িয়ে গেল। আসবাত বলেন, মনসুর মুজাহিদ সৃতে বর্ণনা করেছেন যে, লোকগুলো জীবিত হয়ে এ দোয়াটি পাঠ করে :

سبحانك اللهم وبحمدك لا إله إلا أنت

অর্থ : হে আল্লাহ! আপনি অতি পবিত্র-মহান, যাবতীয় প্রশংসা আপনার, আপনি ব্যক্তিত অন্য কোন ইলাহ নেই এরপর তারা জনপদে আপন সম্প্রদায়ের কাছে ফিরে যায়। জনপদের অধিবাসীরা দেখেই তাদেরকে চিনতে পারল যে, এরাই ঐসব লোক, যারা আকশ্মিকভাবে মৃত্যু মুখে পতিত হয়েছিল। তবে যে কাপড়ই তারা পরিধান করতেন, তাই পুরনো হয়ে যেতো। এরপর এ অবস্থায়ই নির্ধারিত সময়ে তাদের সকলের স্বাভাবিক মৃত্যু হয়। এদের সংখ্যা সম্পর্কে বিভিন্ন মতামত পাওয়া যায়। ইব্ন আব্বাস (রা) থেকে বর্ণিত, এদের সংখ্যাটি চার হাজার; অপর বর্ণনা মতে আট হাজার; আবু সালিহ এর মতে নয় হাজার; ইব্ন আব্বাস (রা)-এর আপার এক বর্ণনা মতে চালিশ হাজার। সাইদ ইব্ন আবদুল আয়ায় তাদের সম্বন্ধে বলেছেন,

তারা ছিল অত্যন্ত শক্তিশালী একটি জাতি। ইব্ন জুরায়জ আতা থেকে বর্ণনা করেছেন যে, শত সতর্কতা অবলম্বন করা সত্ত্বেও যে কেউ তাকদীর লিখন খণ্ডাতে পারে না, এটা তারই এক রূপক দৃষ্টান্ত। কিন্তু অধিকাংশ আলিমের মতে এটা ছিল একটি বাস্তব ঘটনা :

ইমাম আহমদ এবং বুখারী ও মুসলিম (র) ..... ইব্ন আবুরাস (রা) থেকে বর্ণনা করেন যে, একবার হ্যরত উমর ইব্ন খাতাব (রা) সিরিয়ার উদ্দেশ্যে রওয়ানা হন। সারাগ (سرع) নামক স্থানে পৌছলে আবু উবায়দা ইব্ন জাররাহ (রা) ও তাঁর সঙ্গী সেনাধাক্ষগণ তাঁর সাথে সাক্ষাৎ করে জানান যে, সিরিয়ায় বর্তমানে মহামারীর প্রাদুর্ভাব দেখা দিয়েছে। এ সংবাদ শুনে সম্মুখে অঞ্চসর হবেন কিনা- সে বিষয়ে পরামর্শের জন্যে তিনি মুহাম্মদের ও আনসারদের সাথে বৈঠকে বসেন। আলোচনায় তাদের মধ্যে মতানৈক্য দেখা দেয়। এমন সময় আবদুর রহমান ইব্ন আওফ (রা) এসে তথায় উপস্থিত হন। তাঁর কোন এক প্রয়োজনে তিনি প্রথমে পরামর্শ বৈঠকে উপস্থিত ছিলেন না। তিনি বললেন, এ ব্যাপারে আমার একটা হাদীস জানা আছে। আমি রাসূলুল্লাহ (স)-কে বলতে শুনেছি : যদি কোন এলাকায় মহামারী দেখা দেয়, আর পূর্ব থেকেই তোমরা সেখানে অবস্থানরত থাক, তাহলে মহামারীর ভয়ে পালিয়ে যাওয়ার উদ্দেশ্যে সে এলাকা ত্যাগ করো না। আর যদি কোন অঞ্চলে মহামারী ছড়িয়ে পড়ার সংবাদ পাও এবং তোমরা সে অঞ্চলের বাইরে থাক, তবে সে দিকে অঞ্চসর হয়ো না।

হাদীসটি শোনার পর হ্যরত উমর (রা) আল্লাহর শোকর আদায় করেন এবং মদীনায় ফিরে আসেন। ইমাম আহমদ..... আবদুল্লাহ ইব্ন 'আমির ইব্ন রাবী'আ থেকে বর্ণনা করেন যে, আবদুর রহমান ইব্ন আওফ (রা) সিরিয়ায় হ্যরত উমর (রা)-কে রাসূল (সা)-এর হাদীস শুনিয়ে বলেছিলেন : “এই মহামারী দ্বারা পূর্ববর্তী যুগের উম্মতদেরকে শান্তি দেয়া হত; সুতরাং কোন এলাকায় মহামারী বিস্তারের সংবাদ শুনতে পেলে সেখানে তোমরা প্রবেশ করবে না; কিন্তু কোন স্থানে তোমাদের অবস্থানকালে যদি মহামারী দেখা দেয় তাহলে ভয়ে সে স্থান ত্যাগ করবে না।” এ কথা শোনার পর হ্যরত উমর (রা) সিরিয়া থেকে ফিরে আসেন।

মুহাম্মদ ইব্ন ইসহাক বলেন, হিয়কীল (আ) বনী-ইসরাইলের মধ্যে কত কাল অবস্থান করেছিলেন, সে সম্বন্ধে কোন তথ্য পাওয়া যায় না। যা হোক, কোন এক সময়ে আল্লাহ তাঁকে তাঁর নিকট উঠিয়ে নেন। হিয়কীলের মৃত্যুর পর বনী-ইসরাইলরা আল্লাহকে প্রদত্ত অঙ্গীকারের কথা বে-মালুম ভুলে যায়। ফলে তাদের মধ্যে ব্যাপকভাবে বিদ্যাতের প্রসার ঘটে। তারা মূর্তি পূজা আরম্ভ করে। তাদের এক উপাস্য দেব-মূর্তির নাম ছিল বা'আল (بعل)। অবশেষে আল্লাহ তাদের প্রতি একজন নবী প্রেরণ করেন। তাঁর নাম ছিল ইলিয়াস ইব্ন ইয়াসীন ইব্ন ফিলহাস ইব্ন ঈয়ার ইব্ন হারুন ইব্ন ইমরান। ইতিপূর্বে আমরা হ্যরত খিয়ির (আ)-এর আলোচনা প্রসঙ্গে হ্যরত ইলিয়াস (আ)-এর আলোচনা করে এসেছি। কেননা, বিভিন্ন স্থানে সাধারণত তাদের উল্লেখ প্রায় এক সাথে করা হয়ে থাকে। তাছাড়া সূরা সাফ্ফাতে হ্যরত মুসা (আ)-এর ঘটনা উল্লেখ করার পর ইলিয়াস (আ)-এর ঘটনা উল্লেখ করা হয়েছে। এ কারণে তাঁর সম্পর্কে আমরা পূর্বেই আলোচনা করে এসেছি। মুহাম্মদ ইব্ন ইসহাক ওহব ইব্ন মুনাবিহ (র) সূত্রে বর্ণনা করেছেন যে, হ্যরত ইলিয়াসের পর তাঁরই উত্তরাধিকারী হ্যরত আল-য়াসা' (اليسع) ইব্ন আখতুব বনী ইসরাইলের প্রতি নবীরূপে প্রেরিত হন।

## হ্যরত আল-যাসা‘ (আ)-এর বিবরণ

আল্লাহ তা’আলা আল-যাসা‘আ-এর নাম অন্যান্য নবীর নামের সাথে কুরআনের বিভিন্ন স্থানে উল্লেখ করেছেন। সূরা আন‘আমে বলা হয়েছে :

وَاسْمَاعِيلَ وَالْيَسَعَ وَبِيُونْسَ وَلُوطًا وَكُلًا فَخَلَقْنَا عَلَى الْعَالَمِينَ  
(الآية : ٨٦)

অর্থ : আরও সৎ পথে প্রচালিত করেছিলাম ইসমাইল, আল-যাসা‘আ, ইউনুস ও লুটকে; এবং শ্রেষ্ঠত্ব দান করেছিলাম বিশ্ব জগতের উপর প্রত্যেককে (আনআম : ৮৬)।

সূরা সাদ এ বলা হয়েছে :

وَأَذْكُرْ اسْمَاعِيلَ وَالْيَسَعَ وَذَا الْكَفْلِ وَكُلُّ مِنَ الْأَخْيَارِ (الآية : ٤٨)

শ্রেণি কর, ইসমাইল, আল-যাসা‘আ ও যুল-কিফ্লের কথা, এরা প্রত্যেকেই ছিল সজ্জন। (৩৮ সাদ : ৪৮)।

ইসহাক ইব্ন বিশর আবু হৃয়ায়ফা.....হাসান (রা) সূত্রে বর্ণনা করেন যে, ইলিয়াস (আ)-এর পরে আল-যাসা‘আ ছিলেন বনী ইসরাইলের নবী। তিনি আল্লাহর ইচ্ছানুযায়ী নির্ধারিত সময় পর্যন্ত তাদের মধ্যে অবস্থান করেন। বনী ইসরাইলকে তিনি আল্লাহর আনুগত্য করার ও ইলিয়াসের শরী‘আতের অনুবর্তী হওয়ার আহ্বান জানান। মৃত্যুর পূর্ব পর্যন্ত তিনি এ দায়িত্ব পালন করেন যান। তাঁর ইন্তিকালের পর আগত বনী ইসরাইলের বহু প্রজন্ম এ পৃথিবীতে আগমন করে। তাদের মধ্যে ব্যাপক হারে বিভিন্ন প্রকার বিদ্বাত ও পাপাচার সংক্রামক ব্যাধির ন্যায় ছড়িয়ে পড়ে। এ সময়ে বহু অত্যাচারী বাদশাহের আবির্ভাব ঘটে। তারা আল্লাহর নবীগণকে নির্বিচারের হত্যা করে। এদের মধ্যে একজন ছিল অত্যন্ত অহংকারী ও সীমালংঘনকারী। কথিত আছে, হ্যরত যুল-কিফ্ল (আ) এই অহংকারী বাদশাহ সম্পর্কে বলেছিলেন যে, সে যদি তওবা করে ও অন্যায় কাজ ত্যাগ করে তবে আমি তার জান্মাতের যিম্মাদার। এ কারণেই তিনি যুল-কিফ্ল বা যিম্মাদার অভিধায় অভিহিত হন।

মুহাম্মদ ইব্ন ইসহাক (র) বলেছেন, আল-যাসা‘আ ছিলেন আখতুবের পুত্র। কিন্তু হাফিজ আবুল কাসিম ইব্ন আসাকির তাঁর বিখ্যাত ইতিহাস গ্রন্থে ‘ইয়া’ (إي) হরফের অধীনে লিখেছেন, আল-যাসা‘আর নাম আসবাত এবং পিতার নাম ‘আদী; বৎশ তালিকা নিম্নরূপ : আল-যাসা‘আ আসবাত ইব্ন আদী ইব্ন শূতালিম ইব্ন আফরাইম (شوتلام) ইব্ন ইউসুফ ইব্ন ইয়া‘কুব ইব্ন ইসহাক ইব্ন ইবরাহীম খলীলুল্লাহ (আ)। কেউ কেউ বলেন, তিনি ছিলেন হ্যরত ইলিয়াস (আ)-এর চাচাত ভাই। কথিত আছে, হ্যরত আল-যাসা‘আ হ্যরত ইলিয়াসের সাথে কাসিয়ুন (কাসিয়ুন) নামক পর্বতে বালা-বাঙ্কা বাদশাহের ভয়ে আঘাতগোপন আল-বিদায়া ওয়ান নিহায়া (২য় খণ্ড) ৩—

করেছিলেন। পরে উভয়ে সেখান থেকে আপন সম্প্রদায়ের নিকট প্রত্যাবর্তন করেন। এরপর ইলিয়াস (আ) ইন্তিকাল করলে আল-য়াসা'আ (আ) তাঁর স্ত্রাভিষিক্ত হন এবং আল্লাহহ তাঁকে নবুওত দান করেন। আবদুল মুন'ইম ইবন ইদরীস তাঁর পিতার সৃত্রে ওহাব ইবন মুনবিহ থেকে এই তথ্য প্রদান করেছেন। অন্যান্য ঐতিহাসিকগণ বলেছেন যে, তিনি বানিয়াসে (بانياس) বসবাস করতেন। ইবন আসাকির আল-য়াসা'আ শব্দের বানান সম্পর্কে লিখেছেন, এ শব্দটি তিনি প্রকারে উচ্চারিত হয়ে থাকে যথাঃ আল-য়াসা'আ (الْيَسْعَ آلَ يَسْعَ) আল-য়াস'আ (الْيَسْعَ) এবং আল- লায়াসা'আ (الْلَّيْسَعَ)। এটা হচ্ছে একটা নবীর নামের বিভিন্নরূপ। গ্রহকার বলেন, আমরা হ্যারত আইয়ুব (আ)-এর আলোচনার পরে যুল-কিফল সম্পর্কে আলোচনা করে এসেছি। কারণ কথিত আছে, তিনি ছিলেন হ্যারত আইয়ুব (আ)-এর পুত্র।

### পরিচ্ছেদ

ইবন জারীর ও অন্যান্য ঐতিহাসিকগণ বলেন যে, উপরোক্ত ঘটনার পর বনী-ইসরাইলের মধ্যে অনেক গুরুতর ঘটনা ঘটে এবং অপরাধ সংঘটিত হয়। এমর্কি বহু নবীকে তারা হত্যা করে। আল্লাহহ তখন নবীগণের পরিবর্তে অত্যাচারী রাজা-বাদশাদেরকে তাদের উপর চাপিয়ে দেন। যারা তাদের উপর অত্যাচারের স্তীম রোলার চালার এবং নির্বিচারে তাদেরকে হত্যা করে। এছাড়া আল্লাহহ তাদেরকে শক্রদের পদান্ত করে দেন। ইতিপূর্বে বনী ইসরাইল যখন কোন সম্প্রদায়ের বিরুদ্ধে যুদ্ধে অবতীর্ণ হত তখন তাদের ঐতিহাসিক সিন্দুকটি (তাবৃত) কাছে রাখত এবং যুদ্ধের ময়দানে একটি তাঁবুর মধ্যে 'তা' সংরক্ষণ করত। এই সিন্দুকের বরকতে আল্লাহহ তাদেরকে বিজয় দান করতেন। এ ছিল তাদের সেই পৰিত্র সিন্দুক যাতে ছিল হ্যারত মুসা ও হারুন (আ)-এর উত্তরসূরীদের পরিত্যক্ত বরকতময় সম্পদ ও শান্তিদায়ক বস্তু সমূহ। কিন্তু বনী ইসরাইলের এই বিপর্যয়কালে গাজা ও 'আসকালান এলাকার অধিবাসীদের' সাথে তাদের এক যুদ্ধ হয়। যুদ্ধে বনী ইসরাইলরা পরাজয় বরণ করে। শক্ররা বনী ইসরাইলদের উপর নিষ্পেষণ চালিয়ে তাদের থেকে সিন্দুক ছিনিয়ে নিয়ে যায়। বনী ইসরাইলের তৎকালীন বাদশাহুর নিকট এ সংবাদ পৌছলে তার ঘাড় বেঁকে যায় এবং দুঃখে-ক্ষোভে তিনি মৃত্যুবরণ করেন। এ সময় বনী ইসরাইলের অবস্থা দাঁড়ায় রাখাল বিহীন মেষপালের মত। বিচ্ছিন্ন-বিচ্ছিন্ন হয়ে তারা যায়াবরের ন্যায় জীবন কাটাতে থাকে। দীর্ঘদিন এ অবস্থায় থাকার পর আল্লাহহ শামুয়েল (شموئيل) নবীকে তাদের মধ্যে প্রেরণ করেন। এবার তারা শক্র বিরুদ্ধে যুদ্ধ পরিচালনার জন্যে একজন বাদশাহ নিযুক্ত করার জন্যে নবীর নিকট প্রার্থনা করে। এর পরের ঘটনা আল্লাহহ কুরআনে উল্লেখ করেছেন; আমরা পরে 'তা' আলোচনা করব। ইবন জারীর বলেন, ইউশা' ইবন নূনের ইন্তিকালের ৪৬০ বছর পর আল্লাহহ শামুয়েল ইবন বালীকে নবীরাপে প্রেরণ করেন। ইবন জারীর বনী-ইসরাইলের এই সময়কার বিস্তারিত আলোচনা প্রসঙ্গে ধারাবাহিকভাবে সকল বাদশাহুর বিবরণ দিয়েছেন। আমরা সে আলোচনা থেকে ইচ্ছাকৃতভাবেই বিরত রাইলাম।

১. এখানে আমালিকাদেরকে বুঝানো হয়েছে।

## শামুয়েল নবীর বিবরণ

শামুয়েল (আ)-এর বৎসরজ্ঞী নিম্নরূপ : শামুয়েল বা ইশমুইল ইবন বালী ইবন আলকামা ইবন ইয়ারখাম (بِرْخَام) ইবন আল ইয়াহু (الْيَاهُو) ইবন তাহু ইবন সূফ ইবন ‘আলকামা ইবন মাহিছ ইবন ‘আমুসা ইবন ‘আয়রুবা। মুকাতিল বলেছেন যে, তিনি ছিলেন হারুন (আ)-এর বংশধর। মুজাহিদ বলেছেন যে, তাঁর নাম ছিল ইশমুইল ইবন হালফাকা। তার পূর্ববর্তী বংশ তালিকা তিনি উল্লেখ করেন নি। সুন্দী ইবন ‘আব্রাস, ইবন মাসউদ প্রমুখ কতিপয় সাহাবী থেকে এবং ছালাবী ও অন্যান্য ঐতিহাসিকগণ এ প্রসঙ্গে বর্ণনা করেন যে, গাজা ও ‘আসকালান এলাকার অধিবাসী আমালিকা সম্প্রদায় বনী ইসরাইলের উপর বিজয় লাভ করে। এরা তাদের অসংখ্য লোককে হত্যা করে এবং বিপুল সংখ্যাক লোককে বন্দী করে নিয়ে যায়। তারপর লাবী বৎশের মধ্যে দীর্ঘ দিন পর্যন্ত নবী প্রেরণ বন্ধ থাকে। এ সময়ে তাদের মধ্যে মাত্র একজন মহিলা গর্ভবতী ছিল। সে আল্লাহর নিকট একজন পুত্র সন্তানের প্রার্থনা করে। আল্লাহ তার প্রার্থনা করুল করেন এবং একটি পুত্র সন্তানের জন্ম হয়। মহিলা তার নাম রাখেন ইশমুইল। ইবরানী বা হিব্রু ভাষায় ইশমুইল ইসরাইল শব্দের সমার্থক। যার অর্থ হচ্ছে আল্লাহ আমার প্রার্থনা করুল করেছেন। পুত্রটি বড় হলে তিনি তাঁকে মসজিদে (বায়তুল মুকাদ্দাসে) অবস্থানকারী একজন পুণ্যবান বান্দার দায়িত্বে অর্পণ করেন। উদ্দেশ্য ছিল যাতে তার পুত্র ঐ পুণ্যবান বান্দার সাহচর্যে থেকে তাঁর চারিত্রিক গুণাবলী ও ইবাদত-বন্দেগী থেকে সুশিক্ষা গ্রহণ করতে পারেন। ছেলেটি মসজিদেই অবস্থান করতে থাকেন। যখন তিনি পূর্ণ যৌবন প্রাপ্ত হন তখনকার একটি ঘটনা হচ্ছে এই যে, একদিন রাত্রিবেলা তিনি মসজিদের এক কোণে ঘুমিয়ে ছিলেন। হঠাতে মসজিদের পার্শ্ব থেকে একটি শব্দ তাঁর কানে আসে। তখন ভীত-সন্ত্রস্ত হয়ে তিনি জেগে উঠেন। তার ধারণা হয়, তাঁর শায়খই তাঁকে ডেকেছেন। তাই তিনি শায়খকে জিজ্ঞেস করলেন, আপনি কি আমাকে ডেকেছেন? তিনি ভয় পেতে পারেন এই আশঙ্কায় শায়খ তাঁকে সরাসরি কোন উত্তর দিলেন না। তিনি শুধু বললেন, হ্যাঁ, ঘুমিয়ে পড়। তখন তিনি ঘুমিয়ে পড়লেন। দ্বিতীয়বার অনুরূপ ঘটনা ঘটল। তারপর তৃতীয়বারও একই ঘটনার পুনরাবৃত্তি হল। তিনি দেখতে পেলেন, স্বয়ং জিব্রাইল (আ)-ই তাঁকে ডাকছেন। জিব্রাইল (আ) তাঁকে জানালেন যে, আল্লাহ আপনাকে আপনার সম্প্রদায়ের প্রতি নবীরূপে প্রেরণ করছেন। এরপর সম্প্রদায়ের সাথে তার যে ঘটনা ঘটে, কুরআন মজীদে আল্লাহ তার বিবরণ দিয়েছেন। আল্লাহর বাণী :

أَلَمْ تَرَ إِلَى الْمَلَأِ مِنْ بَنِي إِسْرَائِيلَ مِنْ بَعْدِ مُوسَى أَذْقَالُوا لِنَبِيِّ لَهُمْ  
ابْعَثْتُ لَنَا مَلِكًا نُقَاتِلُ فِي سَبِيلِ اللَّهِ—قَالَ هَلْ عَسَيْتُمْ أَنْ كُتِبَ عَلَيْكُمْ

الْقَتَالُ إِلَّا تُقَاتِلُوا—قَالُوا وَمَا لَنَا إِلَّا نُقَاتِلُ فِي سَبِيلِ اللَّهِ وَقَدْ أَخْرَجْنَا مِنْ دِيَارِنَا وَأَبْنَائِنَا—فَلَمَّا كُتِبَ عَلَيْهِمُ الْقَتَالُ تَوَلَّوْا إِلَّا قَاتِلًا مِنْهُمْ—وَاللَّهُ عَلَيْهِ بِالظُّلْمِينَ۔ وَقَالَ لَهُمْ نَبِيُّهُمْ أَنَّ اللَّهَ قَدْ بَعَثَ لَكُمْ طَالُوتَ مَلِكًا—قَالُوا أَنَّى يَكُونُ لَهُ الْمُلْكُ عَلَيْنَا وَتَحْنُ أَحَقُّ بِالْمُلْكِ مِنْهُ وَلَمْ يُؤْتَ سَعَةً مِنَ الْمَالِ قَالَ إِنَّ اللَّهَ اصْطَفَهُ عَلَيْكُمْ وَزَادَهُ بَسْطَةً فِي الْعِلْمِ وَالْجِسْمِ—وَاللَّهُ يُؤْتِي مُلْكَهُ مَنْ يَشَاءُ—وَاللَّهُ وَاسِعٌ عَلَيْهِمْ۔ وَقَالَ لَهُمْ نَبِيُّهُمْ أَنَّ أَيَّهَا مُلْكُهُ أَنْ يَأْتِيَكُمُ التَّابُوتُ فِيهِ سَكِينَةٌ مِنْ رَبِّكُمْ وَبَقِيَّةٌ مِمَّا تَرَكَ آلُ مُوسَى وَآلُ هَرُونَ تَحْمِلُهُ الْمَلَائِكَةُ أَنَّ فِي ذَلِكَ لَايَةً لَكُمْ أَنْ كُنْتُمْ مُؤْمِنِينَ۔ فَلَمَّا فَصَلَ طَالُوتُ بِالْجَنُودِ قَالَ إِنَّ اللَّهَ مُبْتَلِيكُمْ بِنَاهِرٍ فَمَنْ شَرِبَ مِنْهُ فَلَيْسَ مِنْيَ وَمَنْ لَمْ يَطْعَمْهُ فَإِنَّهُ مِنِ الْأَنْجَانِ إِلَّا مَنْ اغْتَرَفَ غُرْفَةً بِيَدِهِ—فَشَرِبُوا مِنْهُ إِلَّا قَلِيلًا مِنْهُمْ فَلَمَّا جَاءَوْهُ هُوَ وَالَّذِينَ آمَنُوا مَعَهُ قَالُوا لَا طَاقَةَ لَنَا الْيَوْمَ بِجَالُوتِ وَجَنُودِهِ قَالَ الَّذِينَ يَظْنُونَ أَنَّهُمْ مُلْقُوا اللَّهَ كَمْ مِنْ فِتْنَةٍ قَلِيلَةٍ غَلَبَتْ فِتْنَةً كَثِيرَةً بِإِذْنِ اللَّهِ وَاللَّهُ مَعَ الصَّابِرِينَ۔ وَلَمَّا بَرَزَوْا لِجَالُوتِ وَجَنُودِهِ قَالُوا رَبَّنَا أَفْرِغْ عَلَيْنَا صَبَرًا وَتَبَّتْ أَقْدَامَنَا وَأَنْصَرْنَا عَلَى الْقَوْمِ الْكُفَّارِينَ۔ فَهَزَّ مُؤْهِمٌ بِإِذْنِ اللَّهِ وَقُتِلَ دَاؤُدُ جَالُوتُ وَأَتَهُ اللَّهُ الْمُلْكُ وَالْحِكْمَةُ وَعَلِمَهُ مِمَّا يَشَاءُ—وَلَوْلَا دَفَعَ اللَّهُ النَّاسَ بِعَضَهُمْ بِبَعْضٍ لَفَسَدَتِ الْأَرْضُ وَلَكِنَّ اللَّهُ ذُو فَضْلٍ عَلَى الْعَلَمِينَ۔

অর্থাৎ তুমি কি মূসার পরবর্তী বনী ইসরাইলের প্রধানদেরকে দেখনিঃ তারা যখন তাদের নবীকে বলেছিল, আমাদের জন্যে এক রাজা নিয়ুক্ত কর, যাতে আমরা আল্লাহর পথে যুদ্ধ করতে পারিঃ সে বলল, এমন তো হবে না যে, তোমাদের প্রতি যুদ্ধের বিধান দেয়া হলে তখন আর তোমরা যুদ্ধ করবে না? তারা বলল, আমরা যখন নিজেদের আবাসভূমি ও সন্তান-সন্ততি থেকে বহিষ্কৃত হয়েছি, তখন আল্লাহর পথে কেন যুদ্ধ করব না? তারপর যখন তাদের প্রতি যুদ্ধের বিধান দেয়া হল, তখন তাদের অল্লাসংখ্যক ব্যক্তিত সকলেই পৃষ্ঠ প্রদর্শন করল এবং আল্লাহ জালিমদের সম্বন্ধে সবিশেষ অবহিত। এবং তাদের নবী তাদেরকে বলেছিল, আল্লাহ তালুতকে তোমাদের রাজা করেছেন; তারা বলল, “আমাদের উপর তার রাজতু কিরণে হবে, যখন আমরা তার অপেক্ষা কর্তৃত্বের অধিক হকদার এবং তাকে প্রচৰ ঐশ্বর্য দেয়া হয়নি!” নবী বলল,

“আল্লাহ্ অবশ্যই তাকে তোমাদের জন্যে মনোনীত করেছেন এবং তিনি তাকে জ্ঞানে ও দেহে সমৃদ্ধ করেছেন। আল্লাহর থাকে ইচ্ছে তাঁর রাজত্ব দান করেন আল্লাহ প্রার্থ্যময়, প্রজ্ঞাময়।” আর তাদের নবী তাদেরকে বলেছিল, তাঁর রাজত্বের নির্দর্শন এই যে, তোমাদের নিকট সেই তাবৃত আসবে, যাতে তোমাদের প্রতিপালকের নিকট হতে চিন্ত প্রশাস্তি এবং মূসা ও হারুন বংশীয়গণ যা রেখে গিয়েছে, তার অবশিষ্টাংশ থাকবে; ফিরিশাতাগণ তা’ বহন করে আনবেন। তোমরা যদি মুমিন হও তবে অবশ্যই তোমাদের জন্যে এতে নির্দর্শন আছে। তারপর তালুত যখন সৈন্যবাহিনীসহ বের হল সে তখন বলল, আল্লাহ এক নদী দ্বারা তোমাদের পরীক্ষা করবেন। যে কেউ তা থেকে পান করবে সে আমার দলভূক্ত নয়; আর যে কেউ তার স্বাদ গ্রহণ করবে না, সে আমার দলভূক্ত; এছাড়া যে কেউ তার হাতে এক কোষ পানি গ্রহণ করবে, সে-ও। তার পর অল্প সংখ্যাক ব্যক্তিত তারা তা থেকে পান করল। সে এবং তার সংগী ঈমানদারগণ যখন তা’ অতিক্রম করল তখন তারা বলল, জালুত ও তার সৈন্যবাহিনীর বিরুদ্ধে যুদ্ধ করার মত শক্তি আজ আমাদের নেই; কিন্তু যাদের প্রত্যয় ছিল আল্লাহর সাথে তাদের সাক্ষাৎ ঘটবে, তারা বলল, আল্লাহর হৃকুমে কত ক্ষুদ্র দল কত বৃহৎ দলকে পরাভৃত করেছে! আল্লাহ দৈর্ঘ্যশীলদের সাথে রয়েছেন। তারা যখন যুদ্ধের উদ্দেশ্যে জালুত ও তার সৈন্য বাহিনীর সম্মুখীন হল তখন তারা বলল, হে আমাদের প্রতিপালক ! আমাদের দৈর্ঘ্য দান কর, আমাদের অবিচলিত রাখ এবং কাফির সম্প্রদায়ের বিরুদ্ধে আমাদেরকে সাহায্য দান কর। সুতরাং তারা আল্লাহর হৃকুমে তাদেরকে পরাভৃত করল। আল্লাহ তাকে রাজত্ব এবং হিকমত দান করলেন; এবং যা তিনি ইচ্ছা করলেন তা তাকে শিক্ষা দিলেন। আল্লাহ যদি মানব জ্ঞাতির একদলকে অন্য দল দ্বারা প্রতিহত না করতেন তবে পৃথিবী বিপর্যস্ত হয়ে যেত। কিন্তু আল্লাহ জগতসমূহের প্রতি অনুগ্রহশীল। (২ সূরা বাকারা : ২৪৬-২৫১)

অধিকাংশ মুফাস্সিরের মতে উপরোক্ত আয়াতে যাদের ঘটনা বর্ণিত হয়েছে, যিনি তাদের নবী ছিলেন, তাঁর নাম শামুয়েল। কারো কারো মতে শামউন ২৪ : ২৫ (شَمْعُون) কেউ বলেছেন, শাময়েল ও শামউন অভিন্ন ব্যক্তি। আবার কেউ কেউ বলেছেন, সেই নবীর নাম ইউশা’ (يُوشَعَ)। তবে এর সম্ভাবনা ক্ষীণ। কেননা ইব্ন জারীর তাবারী লিখেছেন যে, ইউশা’ (আ)-এর ইতিকাল এবং শামুয়েল (আ)-এর নবুওত প্রাপ্তির মধ্যে চারশ’ ষাট বছরের ব্যবধান ছিল।

আয়াতের দ্বারা বুঝানো হয়েছে যে, বলী- ইসরাইলরা যখন একের পর এক যুদ্ধে পর্যুদস্ত হতে থাকল এবং শক্রদের নিপীড়নে জর্জরিত হয়ে গেল, তখন তারা সে যুগের নবীর কাছে গিয়ে তাদের জন্যে একজন বাদশাহ নিয়োগের আবেদন জানাল। যাতে তার নেতৃত্বে তারা শক্রের মুকাবিলায় লড়াই করতে পারে। আর নবী তাদেরকে বললেন :

هَلْ عَسِيْتُمْ إِنْ كُتِبَ عَلَيْكُمُ الْقِتَالُ أَلَا تُقَاتِلُوا قَاتِلُوا وَمَا لَنَا أَلَا نُقَاتِلَ فِي سَبِيلِ اللَّهِ وَقَدْ أُخْرِجْنَا مِنْ دِيَارِنَا وَأَبْنَائِنَا .

অর্থাৎ যুদ্ধ করতে আমাদেরকে কিসে বাধা দিবে? বিশেষত আমাদেরকে যখন আমাদের ঘর বাড়ি থেকে বহিকার করা হয়েছে আর আমাদের সন্তানদেরকে আমাদের থেকে বিছিন্ন করে দেয়া হয়েছে। অর্থাৎ আমাদের উপর যুদ্ধ চাপিয়ে দেয়া হয়েছে এবং আমরা নির্যাতিত। আমাদের সন্তান-সন্ততি শক্তি হাতে বন্দী। তাই এদেরকে উদ্ধার করার জন্যে আমাদের অবশ্যই যুদ্ধ করতে হবে। আল্লাহ বলেন:

فَلَمَّا كُتِبَ عَلَيْهِمُ الْقِتَالُ تَوَلَّوْا إِلَّا قَلِيلًا مِنْهُمْ وَاللَّهُ عَلَيْهِمْ بِالظُّلْمِ مُنِيبٌ.

(কিন্তু যখন তাদেরকে লড়াই করার নির্দেশ দেয়া হল, তখন অতি অল্প সংখ্যক লোক ছাড়া তারা সকলেই পৃষ্ঠ প্রদর্শন করল। আল্লাহ তা'আলা জালিমদেরকে ভাল করেই জানেন।) যেমন ঘটনার শেষ দিকে বলা হয়েছে যে, অল্প সংখ্যক লোকই বাদশাহৰ সাথে নদী অতিক্রম করে। তারা ছাড়া অবশিষ্ট সবাই যুদ্ধের ভয়ে ভীত হয়ে প্রত্যাবর্তন করে।

وَقَالَ لَهُمْ نَبِيُّهُمْ إِنَّ اللَّهَ قَدْ بَعَثَ لَكُمْ طَالُوتَ مَلِكًا

(তাদের নবী তাদেরকে বলল, আল্লাহ তালুতকে তোমাদের জন্যে বাদশাহ নিযুক্ত করেছেন।) তাফসীরবিদ ছাঁ'লাবী তালুতের বংশ তালিকা লিখেছেন এইভাবে : তালুত ইব্ন কায়শ (ইব্ন আফয়াল) ইব্ন সারু (চারু) ইব্ন তাহরাত (قیش) ইব্ন আফয়াহ (فیح) ইব্ন উনায়স ইব্ন বিনয়ামিন ইব্ন ইয়াকুব ইবন ইসহাক ইবন ইবরাহীম।

ইকরামা ও সুন্দী (র) বলেন, তালুত পেশায় একজন ভিস্তি ছিলেন। ওহাব ইবন মুনাবিহ বলেন, তিনি চামড়া পাকা করার কাজ করতেন। এ সম্পর্কে আরও বিভিন্ন মত রয়েছে। এ জন্যে বনী ইসরাইলের লোকজন নবীকে বলল :

أَنَّى يَكُونُ لَهُ الْمُلْكُ عَلَيْنَا وَنَحْنُ أَحَقُّ بِالْمُلْكِ مِنْهُ وَلَمْ يُؤْتَ سَعْةً مِنَ الْمَالِ.

তারা বলল, এ কেমন করে হয়, আমাদের উপর বাদশাহ হওয়ার তার কি অধিকার আছে? রাষ্ট্র-ক্ষমতা পাওয়ার ক্ষেত্রে তার চেয়ে আমাদেরই অধিকার বেশী। সে তো কোন বড় ধনী ব্যক্তিও নয়।) ঐতিহাসিকগণ লিখেছেন, দীর্ঘ দিন যাবত বনী ইসরাইলের লাও (لاو) শাখা থেকে নবী এবং যাহুয়া (يَهُو) শাখা থেকে রাজা-বাদশাহ হওয়ার প্রচলন চলে আসছিল। এবার তালুত যখন বিনয়ামীনের বংশধরদের থেকে রাজা মনোনীত হলেন, তখন তারা অপচন্দ করল এবং তার নেতৃত্ব সম্পর্কে কটাক্ষ করতে আরম্ভ করল। তারা দাবী করল, তালুতের তুলনায় রাজা হওয়ার অধিকার আমাদের বেশী। দাবীর সমক্ষে তারা বলল, তালুত তো একজন দরিদ্র ব্যক্তি; তার তো যথেষ্ট অর্থ সম্পদ নেই। এমন লোক কিভাবে রাজা হতে পারে? নবী বললেন,

إِنَّ اللَّهَ اصْطَفَهُ عَلَيْكُمْ وَزَادَهُ بَسْطَةً فِي الْعِلْمِ وَالْجِسْمِ

(আল্লাহ তোমাদের উপর তাকেই মনোনীত করেছেন এবং স্বাস্থ্য ও জ্ঞান উভয় দিকের যোগ্যতা তাকে প্রচুর দান করেছেন।) কথিত আছে, আল্লাহ শামুয়েল নবীকে ওহীর মাধ্যমে

জানিষ্টেছিলেন যে, বনী ইসরাইলের মধ্যে যে ব্যক্তি (তোমার হাতের) এ লাঠির সমান দীর্ঘকায় হবে এবং যার আগমনে ( তোমার কাছে রক্ষিত) শিং এর মধ্যে রাখা পরিত্ব তেল (دهن القدس) উথলে উঠবে, সে ব্যক্তিই হবে তাদের রাজা ।

এরপর বনী ইসরাইলের লোকজন এসে উক্ত লাঠির সাথে নিজেদেরকে মাপতে থাকে । কিন্তু তালুত ব্যতীত অন্য কেউ-ই লাঠির মাপে ঢিকেনি । তিনি নবীর নিকট উপস্থিত হতেই শিং এর তেল উথলে উঠল । নবী তাকে সেই তেল মাথিয়ে দিলেন এবং বনী ইসরাইলের রাজা হিসেবে ঘোষণা দিলেন । তিনি তাদেরকে বললেন :

إِنَّ اللَّهَ اصْنَطَفَاهُ عَلَيْكُمْ وَزَارَهُ بَسْطَةٌ فِي الْعَامِ

(আল্লাহ তাকে তোমাদের জন্যে মনোনীত করেছেন এবং তিনি তাকে জানে ও দেহে সম্মুখ করেছেন ।) জ্ঞানের ক্ষেত্রে সম্মতির বিষয়ে কেউ কেউ বলেছেন, তাঁর এ সম্মতি কেবল যুদ্ধের ব্যাপারে সীমাবদ্ধ । কিন্তু কারও কারও মতে এ সম্মতি সার্বিকভাবে এবং সকল ক্ষেত্রে । অনুরূপ দেহের সম্মতির ব্যাপারে কেউ বলেছেন, তিনি সবার চেয়ে দীর্ঘ ছিলেন । আবার কারো কারো মতে, তিনি সবার চেয়ে সুদর্শন ছিলেন । তবে স্বাভাবিকভাবে ধরে নেয়া যায় যে, নবীর পরে তালুতই ছিলেন বনী ইসরাইলের মধ্যে সর্বাধিক জ্ঞানী ও সুদর্শন ব্যক্তি ।

وَاللَّهُ يُؤْتِي مُلْكَهُ مَنْ يَشَاءُ  
وَاللَّهُ يُؤْتِي مُلْكَهُ مَنْ يَشَاءُ  
(বস্তুত আল্লাহ যাকে চান তাকেই তাঁর রাজ্য দান করেন ।) কেননা তিনিই মহাজ্ঞানী এবং সৃষ্টির উপর তৎকুম চালাবার ক্ষমতা একমাত্র তাঁরই আছে । (আল্লাহ হলেন অনুগ্রহ দানকারী এবং সকল বিষয়ে সম্যক অবগত ।)

وَقَالَ لَهُمْ نَبِيُّهُمْ أَنَّ أَيَّةً مُلْكِهِ أَنْ يَأْتِيَكُمُ التَّابُوتُ فِيهِ سَكِينَةٌ مِنْ رَبِّكُمْ  
وَبَقِيَّةً مِمَّا تَرَكَ أَلْ مُوسَى وَآلُ هَرُونُ تَحْمِلُهُ الْمَلَائِكَةُ إِنْ فِي ذَلِكَ لَآيَةٌ  
لَكُمْ أَنْ كُنْتُمْ مُؤْمِنِينَ ।

আর তাদের নবী তাদেরকে বলেছিল, তার রাজত্বের নির্দশন এই যে, তোমাদের কাছে সেই তালুত আসবে, যাতে তোমাদের প্রতিপালকের নিকট থেকে চিন্ত প্রশাস্তি এবং মূসা ও হারুন বংশীয়গণ যা' রেখে গিয়েছেন তার অবশিষ্টাংশ থাকবে । সিন্দুকটিকে ফিরিশতারা বয়ে আনবে । তোমরা যদি মু'মিন হয়ে থাক তবে এতে অবশ্যই তোমাদের জন্যে নির্দশন রয়েছে । (২ সূরা বাকারা : ২৪৮) । তালুতের রাজত্ব পাওয়ার এটা ছিল আর একটা বরকত । বনী ইসরাইলের নিকট বংশ - পরম্পরায় যে ঐতিহাসিক সিন্দুকটি ছিল, যার ওসীলায় তারা যুদ্ধে শক্তদের উপর জয়ী হত -- বনী ইসরাইলের বিপর্যয়কালে ঐ সিন্দুকটি শক্তরা ছিনিয়ে নিয়ে যায় । আল্লাহ অনুগ্রহ করে সেই সিন্দুকটি তালুতের মাধ্যমে বনী ইসরাইলকে ফিরিয়ে দেন । “সেই সিন্দুকে আছে তোমাদের প্রতিপালকের নিকট হতে চিন্ত প্রশাস্তি ।” কারও কারও মতে, তা' ছিল স্বর্ণের তস্তরী, যাতে নবীদের বক্ষ ধোত করা হত । কেউ বলেছেন, তা হয়েছে

শান্তিদায়ক প্রবহমান বায়ু। কেউ বলেছেন, সেই বস্তুটি ছিল বিড়ালের আকৃতির! যুদ্ধের সময় যখন তা' শব্দ করত তখন বনী ইসরাইলরা বিশ্বাস করত যে, তাদের সাহায্য প্রাপ্তি সুনিশ্চিত এবং মুসা ও হারন বংশীয়গণ যা কিছু রেখে গিয়েছে অর্থাৎ যে ফলকের উপর তাওরাত লিপিবদ্ধ ছিল, তার কিছু খণ্ড অংশ এবং তীহ ময়দানে তাদের উপর যে 'মান্না' নায়িল হত, তার কিছু অংশ বয়ে আনবে ফেরেশতারা। অর্থাৎ তোমাদের কাছে তাদের তা' বয়ে নিয়ে আসা তোমরা স্বচক্ষে প্রত্যক্ষ করবে। আমি তোমাদেরকে যা কিছু বলছি তার সত্যতা এবং তালুত যে নেতৃত্ব দানের অধিকারী তার সুস্পষ্ট প্রমাণ। তোমরা এ থেকে লাভ করবে। তাই আল্লাহ বলেছেন ৪: (এতে তোমাদের জন্যে নির্দেশন আছে যদি তোমরা মু'মিন হয়ে থাক।)

কথিত আছে যে, আমালিকা জাতি বনী ইসরাইলকে এক যুদ্ধে পরাজিত করে তাদের নিকট থেকে এ সিন্দুর ছিনিয়ে নিয়ে যায়। সিন্দুরটিতে ছিল তাদের চিত্ত প্রশান্তি ও পূর্ব পুরুষদের বরকতময় কিছু স্মারক। কেউ কেউ বলেছেন, এতে তাওরাত কিভাবও ছিল। আমালিকারা এ সিন্দুরটি ছিনিয়ে নিয়ে তাদের শহরের একটি মূর্তির নীচে রেখে দেয়। পরদিন সকালে তারা দেখতে পায় যে, সিন্দুরটি ঐ মূর্তির মাথার উপর বায়েছে। তারা সিন্দুরটি নামিয়ে পুনরায় মূর্তির নীচে রেখে দেয়। দ্বিতীয় দিন এসে পূর্বের দিনের ন্যায় তারা সিন্দুরটিকে মূর্তির মাথার উপরে দেখতে পায়। বারবার এ অবস্থা সংঘটিত হতে দেখতে তাদের দৃঢ় বিশ্বাস হল যে, আল্লাহর হৃকুমেই এ রকম হচ্ছে। অবশ্যে তারা সিন্দুরটিকে শহর থেকে এনে একটি পল্লীতে রেখে দেয়। কিন্তু এবার হল আর এক বিপদ। গ্রামবাসীদের ঘাড়ে এক প্রকার রোগ দেখা দেয়। এ অবস্থা কিছুদিন চলতে থাকলে তারা সিন্দুরটিকে দু'টি গাভীর উপর বেঁধে বনী ইসরাইলের বসতি এলাকার দিকে হাঁকিয়ে দেয়। গাভী দুটি সিন্দুরটিকে বয়ে নিয়ে চলতে থাকে। কথিত আছে, ফিরিশতারা গাভীকে পেছন দিক থেকে হাঁকিয়ে নিয়ে যাচ্ছিল। এভাবে সিন্দুরসহ গাভী দু'টি হাঁটতে হাঁটতে বনী ইসরাইলের নেতাদের এলাকায় প্রবেশ করে। বনী ইসরাইলকে তাদের নবী যেসব কথা বলেছিলেন, তারা সেভাবেই ঐসব কথা বাস্তবে পরিণত হতে দেখতে পায়। ফেরেশতারা সিন্দুরটি কিভাবে এনেছিলেন, তা আল্লাহই ভাল জানেন। তবে, আয়াতের শব্দ থেকে বাহ্যিক দৃষ্টিতে অনুমিত হয় যে, ফিরিশতারা সরাসরি নিজেরাই সিন্দুর বহন করে এনে ছিলেন। অবশ্য অধিকাংশ মুফাস্সির প্রথম ব্যাখ্যাই গ্রহণ করেছেন। আল্লাহর বাণীঃ

فَلَمَّا فَصَلَ طَالُوتُ بِالْجُنُودِ قَالَ إِنَّ اللَّهَ مُبْتَلِكُمْ بِنَهَرٍ فَمَنْ شَرِبَ مِنْهُ فَلَيْسَ مِنِّي وَمَنْ لَمْ يَطْعَمْهُ فَإِنَّهُ مِنِّي إِلَّا مَنِ اغْتَرَفَ غُرْفَةً بِيَدِهِ .

(অতঃপর তালুত যখন সৈন্য বাহিনীসহ বের হল, তখন সে বলল ৪: একটি নদীর মাধ্যমে আল্লাহ তোমাদেরকে পরীক্ষা করবেন। যে কেউ তা' থেকে পান করবে, সে আমার দলভুক্ত নয়। আর যে কেউ এর স্বাদ গ্রহণ করবে না, সে আমরা দলভুক্ত; তা'ছাড়া যে কেউ তার হাতে এক কোষ পানি গ্রহণ করবে সেও। (২ বাকারা ৪: ২৪৯)

ইবন আবাসসহ বহু মুফাস্সির বলেছেন, সেই নদীটি হল জর্দান নদী। একে 'শারীয়া' নামে অভিহিত করা হয়। আল্লাহর নির্দেশক্রমে ও নবীর হৃকুম অনুযায়ী সৈন্য বাহিনীকে পরীক্ষা

করার জন্যে তালুত এ ব্যবস্থা গ্রহণ করেছিলেন যে, যে লোক এ নদী থেকে পানি পান করবে সে আমার সাথে এই যুদ্ধে যেতে পারবে না। আমার সাথে কেবল সেই যেতে পারবে, যে আদৌ তা' পান করবে না কিংবা মাত্র এক কোষ পানি পান করবে। এরপর আল্লাহর বলেন, কিন্তু একটি ক্ষুদ্র দল ব্যতীত আর সকলেই তা থেকে পান করে। সুন্দী বলেন, তালুতের সৈন্য বাহিনীর সংখ্যা ছিল আশি হাজার। তাদের মধ্য থেকে পানি পান করেছিল ছিয়াত্তর হাজার। অবশিষ্ট চার হাজার সৈন্য তার সাথে ছিল। ইমাম বুখারী তাঁর 'সহীহ' গ্রন্থে বারা ইব্ন আযিব (রা) সূত্রে বর্ণনা করেন যে, আমরা বদর যুদ্ধে অংশ গ্রহণকারী কয়েকজন বসে আলাপ করছিলাম যে, বদর যুদ্ধে অংশ গ্রহণকারীদের সংখ্যা তালুত বাহিনীর যারা নদী পার হয়েছিল তাদের সমান। তালুতের সাথে যারা নদী পার হয়েছিল, তাদের সংখ্যা ছিল তিনশ' দশের কিছু বেশী। সুন্দী যে তালুত বাহিনীর সংখ্যা আশি হাজার বলেছেন, তা' সন্দেহমুক্ত নয়। কেননা বায়তুল মুকাদ্দাস এলাকাটিতে আশি হাজার লোকের যুদ্ধ করার মত অবস্থা ছিল না। আল্লাহর বাণীঃ

فَلَمَّا جَاءَ زَيْنَهُ هُوَ وَالَّذِينَ أَمْنَوْا مَعَهُ قَالُوا لَا طَاقَةَ لَنَا الْيَوْمَ بِجَالُوتَ  
وَجَنُودِهِ

(এরপর তালুত এবং তার সহযাত্রী মু'মিনগণ যখন তা' অতিক্রম করল তখন তারা বললঃ তালুত ও তার সৈন্য বাহিনীর সহিত মুকাবিলা করার কোন শক্তিই আজ আমাদের নেই।) অর্থাৎ শক্তি সংখ্যা অধিক হওয়ায় এবং সে তুলনায় নিজেদের সংখ্যা কম থাকায় তারা মুকাবিলা করতে অক্ষমতা প্রকাশ করছিল। কিন্তু যাদের প্রত্যয় ছিল আল্লাহর সাথে তাদের সাক্ষাৎ ঘটবে, তারা বললঃ বারবার দেখা গেছে যে, আল্লাহর হৃকুমে কত ক্ষুদ্র দল কত বৃহৎ দলকে পরাভূত করেছে। আল্লাহর ধৈর্যশীলদের সাথে রয়েছেন। এই দলের মধ্যে একটি অংশ ছিল অশ্বারোহী বাহিনী এবং তারাই ছিল স্ট্রান্ডার ও যুদ্ধ ক্ষেত্রে অসীম ধৈর্যশীল।

وَلَمَّا بَرَزُوا لِحَالُوتَ وَجَنُودِهِ قَالُوا رَبَّنَا أَفْرِغْ عَلَيْنَا صَبْرًا وَثَبِّتْ  
أَفْدَامَنَا وَأَنْصُرْنَا عَلَى الْقَوْمِ الْكُفَّارِينَ.

তারা যখন যুদ্ধের উদ্দেশ্য জালুত ও তার সৈন্য বাহিনীর সম্মুখীন হল, তখন তারা বললঃ হে আমাদের প্রতিপালক! আমাদেরকে ধৈর্য দান করুন, আমাদের সুদৃঢ় করে দিন এবং এই কাফির সম্প্রদায়ের বিরুদ্ধে আমাদেরকে সাহায্য দান করুন! তারা আল্লাহর নিকট প্রথমনা করে যেন তাদের ধৈর্য দান করেন। (২ বাকারা ২৫০) অর্থাৎ ধৈর্য যেন তাদেরকে এমনভাবে বেষ্টন করে রাখে, যাতে অন্তরের মধ্যে দৃঢ়তা আসে, কোন প্রকার সংশয় মনে না জাগে। তারাঁ আল্লাহর নিকট দু'আ করে যেন তারা যুদ্ধের ম্যদানে দৃঢ়পদে শক্তির মুকাবিলা করে বাতিল শক্তিকে পর্যন্ত করতে পারে এবং বিজয় লাভে ধন্য হতে পারে। এভাবে তারা বাহ্যিক দিক থেকে এবং অভ্যন্তরীণভাবে মজবুত হয়ে যুদ্ধের প্রস্তুতি নেয় এবং আল্লাহর নির্দর্শনসমূহ অঙ্গীকারকারী কাফির দুশ্মনদের মুকাবিলায় তাঁর সাহায্য প্রার্থনা করে। ফলে আল-বিদায়া ওয়ান নিহায়া (২য় খণ্ড) ৪—

সর্বশক্তিমান, সর্বশ্রোতা, সর্বদৃষ্ট, মহাজ্ঞানী ও নিশ্চিত তত্ত্বজ্ঞানের অধিকারী আল্লাহ তাদের প্রার্থনা ঘঞ্জে করেন ও তাদের কাঙ্গিত বিজয় দান করেন। এজন্য আল্লাহ বলেন : ﴿فَهَزَّ مُوْهِمٌ بِإِنَّ اللَّهَ هُوَ الْعَزِيزُ﴾ (শেষ পর্যন্ত ইমানদাররা আল্লাহর হকুমে তাদেরকে পরাজিত করে দিল)। অর্থাৎ শক্ত বাহিনী সংখ্যায় অধিক হওয়া সত্ত্বেও তালুত বাহিনী বিজয় লাভে সমর্থ হল। কেবলমাত্র আল্লাহর অনুগ্রহে এবং তাঁরই প্রদত্ত শক্তি ও সাহায্য বলে— তাদের নিজেদের শক্তি-সামর্থ্য দ্বারা নয়। অন্যত্র আল্লাহ বলেছেন :

وَلَقَدْ نَصَرْكُمُ اللَّهُ بِبَدْرٍ وَإِنَّمَا أَذْلَلَ فَاتَّقُوا اللَّهَ لَعَلَّكُمْ تَشْكُرُونَ.

আল্লাহ তোমাদেরকে বদরের যুদ্ধে সাহায্য করেছিলেন যখন তোমরা হীনবল ছিলে।  
সুতরাং তোমরা আল্লাহকে ডয় কর যাতে তোমরা কৃতজ্ঞতা প্রকাশ কর। (৩ আল-ইমরান : ১২৩)।

আল্লাহর বাণী :

**وَقُتِلَ دَاؤِدُ جَانُوتْ وَأَتَهُ اللَّهُ الْمُلْكُ وَالْحُكْمَةُ وَعَلِمَهُ مَا يَشَاءُ .**

এবং দাউদ জালুতকে হত্যা করল। আল্লাহ দাউদকে রাজ্য ও হিকমত দান করলেন এবং যা তিনি ইচ্ছা করলেন তা' তাকে শিক্ষা দিলেন। (২ বাকারা : ২৫১)

এ ঘটনা থেকে হ্যারত দাউদ (আ)-এর বীরতু প্রমাণিত হয়। এ যুদ্ধে তিনি এমন এক ব্যক্তিকে হত্যা করেন যার নিহত হওয়ার কারণে শক্ত বাহিনী পরাজিত হয়ে ত্রুট্য হয়ে যায়। বস্তুত যে যুদ্ধে শক্ত বাহিনীর রাজাই নিহত হয়, বিপুল পরিমাণ গন্মীমত সম্ভার হস্তগত হয়, এবং সাহসী যোদ্ধারা বন্দী হয়ে যায়, ইসলামের বিজয় কেতন দেব মৃত্যুদের উপরে বুলন্দ হয়। আল্লাহর প্রিয় বান্দাদের সবাই তাঁর শক্তিদের বিরুদ্ধে বিজয়ের পালা আসে এবং বাতিল দীন ও বাতিল পন্থাদের উপর সত্য দীন বিজয় লাভ করে তার চাইতে গৌরবের বিষয় আর কি হতে পারে? সুন্দী বলেন : হ্যারত দাউদ (আ) ছিলেন পিতার ত্রেজন পুত্রের মধ্যে সর্বকনিষ্ঠ। তিনি শুনতে পান যে, বন্নী ইসরাইলের রাজা তালুত, জালুত ও তার বাহিনীর বিরুদ্ধে যুদ্ধ করার জন্য বন্নী ইসরাইলকে সংগঠিত করছেন এবং তিনি ঘোষণা দিয়েছেন যে, যে ব্যক্তি জালুতকে হত্যা করতে পারবে তার সাথে তার কন্যাকে বিবাহ দিবেন এবং রাজা পরিচালনায় তাকে শরীক করবেন। দাউদ (আ) ছিলেন একজন তীরান্দাজ। তিনি নিক্ষেপক যন্ত্রে পাথর রেখেও নিক্ষেপ করতেন। বন্নী ইসরাইলরা যখন জালুতের বিরুদ্ধে যুদ্ধে গমন করে তখন দাউদ (আ) ও তাদের অভিযানে শরীক হন। গমন পথে একটি পাথর তাঁকে ডেকে বলল, আমাকে তুলে নিন।

ଆମାର ଦ୍ୱାରା ଆପଣି ଜାଲୁତକେ ହତ୍ୟା କରତେ ପାରବେନ । ଦାଉଦ (ଆ) ପାଥରଟି ତୁଲେ ନେନ । କିଛୁଦୂର ଗେଲେ ଡିତୀଯ ଆର ଏକଟି ପାଥର ଏବଂ ଆରଓ କିଛୁ ଦୂର ଅଗସର ହଲେ ତୃତୀୟ ଆରଓ ଏକଟି ପାଥର ଏକଇଭାବେ ଦାଉଦ (ଆ)-କେ ଡେକେ ତୁଲେ ନିତେ ବଲେ । ଦାଉଦ (ଆ) ତିନଟି ପାଥରଇ ଉଠିଯେ ନେନ ଏବଂ ଥଲେର ମଧ୍ୟେ ରେଖେ ଦେନ । ସୁନ୍ଦର ମୟାନାମେ ଦୁଇ ବାହିନୀ ସଖନ ବୁଝିରଚନା କରେ ପରମ୍ପର ମୁଖୋମୁଖୀ ହୟ ତଥନ ଜାଲୁତ ସୈନ୍ୟବୁଝ ଥେକେ ବେରିଯେ ଏସେ ମଞ୍ଚୁଦ୍ରେ ଅବତୀର୍ଣ୍ଣ ହେତୁଯାର ଆହ୍ଵାନ ଜାନାଯ । ଆହ୍ଵାନେ ସାଡା ଦିନେ ହ୍ୟରତ ଦାଉଦ (ଆ) ସମ୍ବାଦେ ଅଗସର ହନ ।

কিন্তু তাঁকে দেখে জালূত বলল, তুমি ফিরে যাও। কেননা, তোমার মত লোককে হত্যা করতে আমি ঘৃণবোধ করি। দাউদ (আ) বললেন, তবে তোমাকে আমি বধ করতে খুবই আগ্রহী। এ কথা বলে তিনি পাথর তিনটিকে থলের মধ্যে রেখে ঘুরাতে আরম্ভ করলেন। ঘুরাবার ফলে তিনটি পাথর পরস্পর মিলিত হয়ে একটি পাথরে পরিণত হয়। এবার এ পাথরটিকে তিনি জালূতের দিকে সজোরে নিষ্কেপ করেন। পাথরটি জালূতের মাথায় গিয়ে লাগে। সঙ্গে সঙ্গে তার মাথা চূর্ণ-বিচূর্ণ হয়ে যায়। এ অবস্থা দেখে জালূতের সৈন্য বাহিনী ছত্রভঙ্গ হয়ে রংক্ষেত্র থেকে পালিয়ে যায়। তালূত তাঁর প্রতিশ্রুতি অনুযায়ী তাঁর কন্যাকে দাউদ (আ)-এর সাথে বিবাহ দেন এবং রাজ্যে তাঁর শাসন চালু করেন।

অতি অল্প দিনের মধ্যেই বনী ইসরাইলের নিকট দাউদ (আ)-এর উচ্চ মর্যাদা প্রতিষ্ঠিত হয়। তালূতের চেয়ে তারা দাউদ (আ)-কেই অগাধিকার দিতে থাকে। কথিত আছে যে, এতে তালূতের অন্তরে হিংসার আগুন প্রজ্জলিত হয়ে উঠে এবং তিনি দাউদকে হত্যার প্রয়াস পান এবং তার সুযোগ খুঁজতে থাকেন; কিন্তু তিনি তাতে সফল হননি। দাউদ (আ)-কে হত্যা করার উদ্যোগ নিলে সমাজের আলিমগণ তালূতকে এ থেকে নির্দৃষ্ট হওয়ার পরামর্শ দেন এবং তাঁকে বাধা প্রদান করতে থাকেন। এতে তালূত ক্রুদ্ধ হয়ে আলিমদের উপর অত্যাচার চালান এবং মুষ্টিমেয়ে কয়েকজন ব্যতীত সবাইকে হত্যা করেন। কিন্তু কিছুদিন অতিবাহিত হবার পর এই ক্রৃতকর্মের জন্যে তিনি অনুত্তর হয়ে আল্লাহর নিকট তওবা করেন। অধিকাংশ সময় তিনি কান্নাকাটি করে কাটাতেন। রাত্রিকালে গোরস্তানে গিয়েও কান্নাকাটি করতে থাকেন। কোন কোন সময় তাঁর চোখের পানিতে মাটি পর্যন্ত ডিঁজে যেত। এ সময়ে এক রাত্রে একটি ঘটনা ঘটে। তালূত গোরস্তানে বসে কাঁদছেন। হঠাৎ কবর থেকে একটি শব্দ ভেসে এল। “হে তালুত! তুমি আমাদেরকে হত্যা করেছিলে, কিন্তু আমরা জীবিত। তুমি আমাদেরকে যাতনা দিয়েছিলে। কিন্তু আমরা এখন মৃত।” এতে তিনি ভীত-সন্ত্রস্ত হয়ে পড়লেন এবং আরও বেশী করে কাঁদতে লাগলেন। তিনি লোকজনের কাছে এমন একজন আলিমের সন্ধানে ঘুরতে থাকেন, যার নিকট তিনি তাঁর অবস্থা এবং তাঁর তওবা কবুল হবে কিনা জিজ্ঞেস করবেন। লোকেরা জবাব দিল, আপনি কি কোন আলিমকে অবশিষ্ট রেখেছেন? বল চেষ্টার পর একজন পুণ্যবতী মহিলার সন্ধান মিলল। মহিলাটি তালূতকে হ্যারত ইউশা নবীর কবরের কাছে নিয়ে গেলেন এবং ইউশাকে জীবিত করে দেয়ার জন্যে আল্লাহর নিকট প্রার্থনা জানালেন। আল্লাহ তাঁর প্রার্থনা কবুল করলেন।

হ্যারত ইউশা কবর থেকে উঠে দাঁড়ালেন এবং কিয়ামত হয়ে গেছে কি না জিজ্ঞেস করলেন। উত্তরে মহিলাটি বললেন, কিয়ামত হয়নি। তবে ইনি হচ্ছেন তালূত। তিনি আপনার কাছে জানতে চান যে, তাঁর তওবা কবুল হবে কিনা? ইউশা (আ) বললেন, হ্যাঁ, তওবা কবুল হবে। তবে শর্ত হল, তাঁকে বাদশাহী ত্যাগ করে শাহাদত লাভের পূর্ব পর্যন্ত আল্লাহর পথে যুক্ত রাত থাকতে হবে। এ কথাগুলো বলার সাথে সাথেই ইউশা (আ) পুনরায় ইন্তিকাল করেন। অতঃপর তালূত হ্যারত দাউদ (আ)-এর নিকট রাজ্য হস্তান্তর করে চলে যান। সাথে ছিল তাঁর

তেরজন পুত্র। সকলেই আল্লাহর পথে জিহাদ করতে থাকেন এবং জিহাদের ময়দানেই শাহাদত বরণ করেন। মুফাস্সিরগণ লিখেন, এদিকে ইঙ্গিত করেই আল্লাহ হ্যরত দাউদ (আ) প্রসংগে বলেছেন :

وَأَتَهُ اللَّهُ الْمُلْكُ وَالْحِكْمَةُ وَعَلِمَ مِمَّا يَشَاءُ

(আল্লাহ তাকে কর্তৃত ও হিকমত দান করলেন এবং যা তিনি ইচ্ছে করলেন তা তাকে শিক্ষা দিলেন)। ইব্ন জারীর তাঁর ইতিহাস ঘন্টে সুন্দীর সূত্রে উপরোক্ত তথ্য লিখেছেন। কিন্তু এ বিবরণের কয়েকটি দিক আপত্তিকর এবং আনৌ সমর্থনযোগ্য নয়।

মুহাম্মদ ইব্ন ইসহাক লিখেছেন, যেই নবী কবর থেকে জীবিত উঠে তালুতকে তওবার পদ্ধতি বলে দিয়েছিলেন, সেই নবীর নাম আল-য়াসায়া ইব্ন আখতূব। ইব্ন জারীরও তাঁর ঘন্টে এ কথা উদ্ধৃত করেছেন। ছালাবী বলেছেন, উল্লেখিত মহিলা তালুতকে শামুয়েল নবীর কবরের কাছে নিয়ে এসেছিলেন। তাঁর মৃত্যুর পর তালুত যে সব অপকর্ম করেছিলেন, সে জন্যে তিনি তাকে তিরক্ষার করেন। ছালাবীর এ ব্যাখ্যাই অধিকতর সঙ্গত। তাছাড়া তালুতের সাথে নবীর সাক্ষাৎ ও কথোপকথনের ব্যাপারটি সম্ভবত স্বপ্নের মধ্যে সংঘটিত হয়েছিল, কবর থেকে পুনর্জীবিত হয়ে নয়। কেননা এ জাতীয় কাজের প্রকাশ পাওয়া নবীদের মু'জিয়া বিশেষ। কিন্তু এ মহিলা তো আর নবী ছিলেন না। তাওরাতের অনুসারীদের ধারণা মতে, লুতের রাজতু প্রাপ্তি থেকে জিহাদের ময়দানে পুত্রদের সাথে তাঁর মৃত্যু পর্যন্ত মোট সময় ছিল চাল্লিশ বছর।

## হ্যরত দাউদ (আ)-এর বিবরণ

### তাঁর ক্ষয়ীলত, কর্মকাণ্ড, নবুওতের দলীল-প্রমাণ ও ঘটনাপঞ্জি

নবী হ্যরত দাউদ (আ)-এর বংশতালিকা নিম্নরূপ : দাউদ ইবন দৈশা ইবন 'আবীদ (عوبید) ইবন 'আবির (عابر) ইবন সালমুন ইবন নাহশুন ইবন 'আবীনাফিব (عوبيناذب) ইবন ইরাম ইবন হাসীরুন ইবন ফারিয ইবন যাহুয ইবন ইয়া'কুব ইবন ইসহাক ইবন ইবরাহীম খলীলুল্লাহ (আ)। হ্যরত দাউদ (আ) ছিলেন আল্লাহর বান্দা তাঁর নবী এবং বায়তুল মুকাদ্দাস এলাকায তাঁর খলীফা। মুহাম্মাদ ইবন ইসহাক কতিপয় আলিমের সূত্রে ওহাব ইবন মুনাবিহ থেকে বর্ণনা করেছেন : হ্যরত দাউদ (আ) ছিলেন বেঁটে, তাঁর চক্ষুদ্বয় ছিল নীলাত। তিনি ছিলেন স্বল্প কেশ বিশিষ্ট এবং পৃত-পবিত্র হৃদয়ের অধিকারী। ইতিপূর্বে উল্লেখ করা হয়েছে যে, হ্যরত দাউদ (আ) জালুত বাদশাহকে যুদ্ধ ক্ষেত্রে হত্যা করেন। ইবন আসাকিরের বর্ণনা মতে, এই হত্যাকাণ্ড সংঘটিত হয়েছিল মারাজুস সাফার নামক এলাকার সন্নিকটে উষ্মে হাকীমের প্রাসাদের কাছে। এর ফলে বনী ইসরাইলের লোকজন দাউদ (আ)-এর প্রতি আকৃষ্ট এবং তাঁকে ভালবাসতে থাকে এবং তাঁকে শাসকরূপে পাওয়ার আকাঙ্ক্ষা প্রকাশ করতে থাকে। ফলে তালুত যে ভূমিকা গ্রহণ করেন, একটু আগেই তা উল্লেখ করা হয়েছে। রাজ্যের নেতৃত্ব ও কর্তৃত হ্যরত দাউদ (আ)-এর উপর ন্যস্ত হয়। এভাবে আল্লাহ তা'আলা দাউদ (আ)-এর ক্ষেত্রে বাদশাহী ও নবুওত তথা দুনিয়া ও আখিরাতের কল্যাণ একত্রিত করে দেন। ইতিপূর্বে বাদশাহী থাকত বনী-ইসরাইলের এক শাখার হাতে আর নবুওত থাকত অন্য আর এক শাখার মধ্যে। কিন্তু আল্লাহ তা'আলা এখন উভয়টিই হ্যরত দাউদ (আ)-এর মধ্যে একত্রিত করে দিলেন। যেমন আল্লাহ তা'আলা বলেন :

وَقُتِلَ دَاوُدْ جَالُوتَ وَأَتَاهُ اللَّهُ الْمُلْكَ وَالْحُكْمَةَ وَعَلِمَ مِمَّا يَشَاءُ وَلَوْلَا  
دَفَعَ اللَّهُ النَّاسَ بِعْضَهُمْ بِبَعْضٍ لَفَسَدَتِ الْأَرْضُ وَلَكِنَّ اللَّهَ ذُو فَضْلٍ عَلَى  
الْعَالَمِينَ.

"দাউদ জালুতকে সংহার করল; আল্লাহ তাকে রাজত্ব ও হিকমত দান করলেন; এবং যা তিনি ইচ্ছে করলেন তা তাকে শিক্ষা দিলেন। আল্লাহ যাদি মানব জাতির এক দলকে অন্য দল দ্বারা প্রতিহত না করতেন তবে পৃথিবী বিপর্যস্ত হয়ে যেত। কিন্তু আল্লাহ জগতসমূহের প্রতি অনুগ্রহশীল। (২ বাকারা : ২৫১)

অর্থাৎ যদি শাসনকর্তা রূপে বাদশাহ নিযুক্তির ব্যবস্থা না থাকত তাহলে সমাজের শক্তিশালী লোকেরা দুর্বল লোকদেরকে নিশ্চিহ্ন করে দিত। এ জন্যে কোন কোন বর্ণনায় রচেছে অর্থাৎ আল্লাহর যমীনে শাসনকর্তা তাঁর ছায়া স্বরূপ। আমীরুল মু'মিনীন হ্যরত উছমান ইবন আফ্ফান (রা) বলেছেন :

انَّ اللَّهَ لِيَزْعُمُ بِالسُّلْطَانِ مَا لَا يَزْعُمُ بِالْقُرْآنِ .

অর্থাৎ আল্লাহ শাসনকর্তা দ্বারা এমন অনেক কিছু দমন করেন, যা কুরআন দ্বারা করেন না ; ইবন জারীর তাঁর ইতিহাস প্রভৃতি উল্লেখে করেন, বাদশাহ জালুত রণ-ক্ষেত্রে সৈন্য-বৃহ থেকে বেরিয়ে এসে মন্ত্রযুদ্ধে অংশ প্রাপ্ত করার জন্যে তালুতকে আহ্বান জানায়। কিন্তু তালুত নিজে অংশপ্রাপ্ত না করে জালুতের মুকাবিলা করার জন্য আপন সৈন্যদের প্রতি আহ্বান জানায়। দাউদ (আ) সে আহ্বানে সাড়া দিয়ে জালুতকে হত্যা করেন। ওহাব ইবন মুনাবিহ বলেন, ফলে লোকজন দাউদের প্রতি ঝুঁকে পড়ে এমনকি শেষ পর্যন্ত তালুতের কথা কেউ মুখেই আনতো না। তারা তালুতকে পরিত্যাগ করে দাউদের নেতৃত্ব বরণ করে নেয়। কেউ কেউ বলেছেন, নেতৃত্বের এ পরিবর্তন শামুয়েল নবীর আমলে হয়েছিল। কারও কারও মতে জালুতের সাথে যুদ্ধের ঘটনার পূর্বেই শামুয়েল (আ) হ্যারত দাউদকে শাসক নিযুক্ত করেন। ইবন জারীর অধিকাংশ ঐতিহাসিকের মত বর্ণনা করে লিখেছেন যে, জালুত বাদশাহ নিহত হওয়ার পরেই হ্যারত দাউদ (আ)-এর হাতে নেতৃত্ব আসে। ইবন আসাকির সাঙ্গে ইবন আবদুল আয়ীফ সূত্রে বর্ণনা করেছেন যে, হ্যারত দাউদ (আ) কাস্রে উপ্পে হাকীমের নিকট জালুতকে হত্যা করেছিলেন। ঐ স্থানে যে নদীটি অবস্থিত তার উল্লেখ স্বয়ং কুরআনের আয়াতেই বিদ্যমান আছে। দাউদ (আ) প্রসংগে কুরআনের অন্যত্র আল্লাহর বাণী :

وَلَقَدْ أَتَيْنَا دَاؤَدَ مَنِ افْضَلَأَ يَجِبَالُ أَوْبِيْ مَفَهُ وَالْطَّيْرُ وَالْأَنْثَى  
الْحَدِيدَ. أَنِ اعْمَلْ سُبْغَتٍ وَقَدْرٌ فِي السَّرْدِ وَاعْمَلُوا صَالِحًا إِنِّي بِمَا  
تَعْمَلُونَ بَصِيرٌ .

আমি নিশ্চয় দাউদের প্রতি অনুগ্রহ করেছিলাম এবং আদেশ করেছিলাম, হে পর্বতমালা! তোমরা দাউদের সংগে আমার পবিত্রতা ঘোষণা কর এবং বিহংগকুলকেও, তার জন্যে নমনীয় করেছিলাম লোহা, যাতে তুমি পূর্ণ মাপের বর্ম তৈরি করতে এবং বুননে পরিমাণ রক্ষা করতে পার এবং তোমরা সংকর্ম কর। তোমরা যা কিছু কর, আমি তার সম্যক দ্রষ্টা (৩৪ সাবা : ১০-১১)। আল্লাহ অন্যত্র বলেন :

وَسَخَرْنَا مَعَ دَاؤَدِ الْجِبَالِ يُسَبِّحُنَّ وَالْطَّيْرُ وَكُنَّا فَاعِلِينَ. وَعَلِمْنَاهُ  
صَنْعَةَ لَبُوْسٍ لَكُمْ لِتُحْصِنُكُمْ مِنْ بَاسِكُمْ فَهَلْ أَنْتُمْ شَاكِرُونَ .

আমি পর্বত ও বিহংগকুলের জন্যে নিয়ম করে দিয়েছিলাম যেন তাঁরা দাউদের সংগে আমার পবিত্রতা ও মহিমা ঘোষণা করে; এ সবের কর্তা আমিই ছিলাম। আমি তাকে তোমাদের জন্যে বর্ম নির্মাণ শিক্ষা দিয়েছিলাম, যাতে তা তোমাদের যুদ্ধে তোমাদেরকে রক্ষা করে; সুতরাং তোমরা কি কৃতজ্ঞ হবে না? (২১ : আমিয়া : ৭৯-৮০)

যুদ্ধক্ষেত্রে শক্তির আক্রমণ থেকে আত্মরক্ষার জন্যে আল্লাহ হ্যারত দাউদ (আ)-কে লোহা দ্বারা বর্ম তৈরি করতে সাহায্য করেন এবং তাকে তা তৈরি করার নিয়ম-পদ্ধতিও শিক্ষা দেন। যেমন আল্লাহ তাআ'লা বলেছেন —— وَقَدْرٌ فِي السَّرْدِ —— এবং বুনন কাজে পরিমাণ রক্ষা কর

—অর্থাৎ বুননটা এত সূক্ষ্ম হবে না যাতে ফাঁক বন্ধ হয়ে যেতে পারে, আর এতটা মোটাও হবে না যাতে ভেঙ্গে যেতে পারে। মুজাহিদ, কাতাদা, হাকাম ও ইকরীমা এ তাফসীরই করেছেন।

হাসান বসরী, কাতাদা ও আ'মাশ বলেছেন, আল্লাহ হ্যরত দাউদ (আ)-এর জন্যে লোহাকে এমনভাবে নরম করে দিয়েছেন যে, তিনি হাত দ্বারা যেমন ইচ্ছা পেঁচাতে ও ভাঁজ করতে পারতেন; এ জন্যে তাঁর আগুন বা হাতুড়ির প্রয়োজন হত না। কাতাদা বলেন, হ্যরত দাউদ (আ)-এই প্রথম মানুষ, যিনি মাপজোক মত আংটা ব্যবহার করে লৌহ বর্ম নির্মাণ করেন। এর আগে লোহার পাত দ্বারা বর্মের কাজ চালান হত। ইব্ন শাওয়ার বলেন, তিনি প্রতি দিন একটি করে বর্ম তৈরি করতেন এবং ছয় হাজার দিরহামের বিনিময়ে বিক্রি করতেন। হাদীসে এসেছে, মানুষের পবিত্রতম খাবার হল যা সে নিজে উপার্জন করে। (ان اطَّيْبَ مَا أَكَلَ الرَّجُلُ مِنْ كُسْبَهْ) আর আল্লাহর নবী হ্যরত দাউদ (আ) নিজের হাতে উপার্জিত খাদ্য দ্বারা জীবিকা নিবাহ করতেন। আল্লাহর বাণী :

وَإِنْكُرْ عَبْدَنَا دَاؤَدْ نَذَالاً بِدِ إِنَّهُ أَوَّابٌ إِنَّ سَخْرَنَا الْجِبَالَ مَعَهُ يُسَبِّحُ  
بِالْعَشِيِّ وَالْأَشْرَاقِ . وَالْطَّيْرُ مَحْشُورَةٌ كُلُّ لَهُ أَوَّابٌ وَشَدَّدْنَا مُلْكَهُ وَأَتَيْنَاهُ  
الْحُكْمَةَ وَفَصَلَ الْخَطَابَ.

এবং স্মরণ কর, আমার শক্তিশালী বান্দা দাউদের কথা; সে ছিল অতিশয় আল্লাহ অভিযুক্তি। আমি নিয়োজিত করেছিলাম পর্বতমালাকে যেন এরা সকাল-সন্ধ্যায় তার সাথে আমার পবিত্রতা ও মহিমা ঘোষণা করে, এবং সমবেত বিহংগকুলকেও; সকলেই ছিল তার অনুগত। আমি তার রাজ্যকে সুদৃঢ় করেছিলাম এবং তাকে দিয়েছিলাম প্রজ্ঞা ও ফয়সালাকারী বাণিজ্য। (৩৮ সাদ : ১৭-২০)।

ইব্ন আবুস (রা) ও মুজাহিদ (র) বলেন, আয়াতে উল্লেখিত প্রাপ্তি। অর্থ ইবাদত করার শক্তি। অর্থাৎ তিনি ছিলেন ইবাদত ও অন্যান্য সৎকাজে অত্যন্ত শক্তিশালী। কাতাদা (র) বলেন, তাঁকে আল্লাহ ইবাদত করতে দিয়েছিলেন শক্তি এবং ইসলামের বিভিন্ন বিষয়ে দিয়েছিলেন গভীর জ্ঞান। কাতাদা (র) আরও বলেন, আমাদের নিকট বর্ণনা করা হয়েছে যে, দাউদ (আ) রাতের বেলা দাঁড়িয়ে ইবাদত করতেন এবং বছরের অর্ধেক সময় রোয়া রাখতেন। বুখারী ও মুসলিমে হাদীস বর্ণিত হয়েছে যে, রাসূল (সা) বলেছেন : আল্লাহর নিকট ঐরূপ নামায সবচেয়ে প্রিয় যেরূপ নামায হ্যরত দাউদ পড়তেন এবং আল্লাহর নিকট ঐরূপ রোয়া সবচেয়ে পছন্দনীয় যেরূপ রোয়া হ্যরত দাউদ (আ) রাখতেন। তিনি রাতের প্রথম অর্ধেক ঘুমাতেন, তারপরে এক তৃতীয়াংশ নামাযে কাটাতেন এবং শেষে এক ষষ্ঠাংশ পুনরায় ঘুমিয়ে কাটাতেন। তিনি এক দিন রোয়া রাখতেন এবং একদিন রোয়া থাকতেন না। আর শক্তির মুকাবিলা হলে কখনও ভয়ে পালাতেন না। তাই আয়াতে বলা হয়েছে : “আমি পর্বতমালাকে নিয়োজিত করেছিলাম যেন তারা সকাল-সন্ধ্যায় তার সাথে পবিত্রতা ঘোষণা করে। আর পক্ষীকুলকেও, যারা তার কাছে সমবেত হত। সবাই ছিল তার অনুগত।” সূরা সাবায় যেমন বলা হয়েছে : —**لِجِبَالٍ أَوْبِيْ مَعْهُ وَالْطَّيْرِ** — হে পর্বতমালা! তোমরা দাউদের সাথে আমার পবিত্রতা

ঘোষণা কর এবং বিহংগকুলকেও। অর্থাৎ তার সাথে তাসবীহ পাঠ কর। ইব্ন আব্বাস, মুজাহিদ প্রমুখ এ আয়াতের তাফসীর এভাবেই করেছেন। অর্থাৎ তারা দিনের সূচনা লগ্নে ও শেষ ভাগে তাসবীহ পাঠ করত। হ্যরত দাউদ (আ)-কে আল্লাহ এমন দরাজ কষ্ট ও সূর মাধুর্য দান করেছিলেন, যা পৃথিবীর অন্য কাউকে দান করেননি। তিনি যখন তাঁর প্রতি অবতীর্ণ যাবুর কিতাব সুর দিয়ে পাঠ করতেন তখন আকাশে উড্ডীয়মান বিহংগকুল সুরের মূর্ছনায় থমকে দাঁড়াত এবং দাউদের সুরের সাথে সুর মিলিয়ে আবৃত্তি করত ও তার সাথে তাসবীহ পাঠ করত। এভাবেই তিনি সকাল-সন্ধ্যায় যখন তাসবীহ পাঠ করতেন তখন পাহাড়পর্বতও তার সাথে তাসবীহ পাঠে শরীক হত। আওয়াঙ্গ বলেছেন, হ্যরত দাউদ (আ)-কে এমন সুমধুর কঠস্বর দান করা হয়েছিল যেমনটি আর কাউকে দান করা হয়নি। তিনি যখন আল্লাহর কিতাব পাঠ করতেন তখন আকাশের পাখী ও বনের পশু তাঁর চার পাশে জড়ো হয়ে যেত! এমনকি প্রচণ্ড ক্ষুধায় ও তীব্র পিপাসায় তারা সে স্থানে মারা যেত কিন্তু নড়াচড়া করত না। শুধু এরাই নয়, নদীর পানির প্রবাহ পর্যন্ত থেমে যেত। ওহাৰ ইব্ন মুনাবিহ বলেছেন, দাউদ (আ)-এর কঠস্বর যে-ই শুনত লাফিয়ে উঠত এবং কঠের তালে তালে নাচতে শুরু করত। তিনি যাবুর এমন অভৃতপূর্ব কঠে পাঠ করতেন যা কোন দিন কেউ শুনেনি। সে সুর শুনে জিন, ইনসান, পক্ষী ও জীব-জন্ম আপন-আপন স্থানে দাঁড়িয়ে যেত। দীর্ঘক্ষণ দাঁড়িয়ে থাকার ফলে তাদের কেউ কেউ মারাও যেত।

আবু আওয়ানা বিভিন্ন সূত্রে .... মালিক থেকে বর্ণনা করেছেন, হ্যরত দাউদ (আ) যাবুর পড়া আরঞ্জ করলে কিশোরী মেয়েদের কুমারীত্ব ছিন্ন হয়ে যেত। তবে এ বর্ণনাটি সমর্থনযোগ্য নয়। আবদুল রায়ক ইব্ন জুরায়জ সূত্রে বর্ণনা করেন, তিনি গানের সুরে কিরাআত পড়া যাবে কি না-এ সম্পর্কে আতা (রা)-কে জিজ্ঞেস করলে তিনি বলেছিলেন, এতে দোষ কি? অতঃপর তিনি বললেন, আমি শুনেছি, উবায়দ ইব্ন উমর বলেছেন, হ্যরত দাউদ (আ) বাজনা বাজাতেন ও তার তালে তালে কিরাআত পড়তেন। এতে সুরের মধ্যে লহর সৃষ্টি হত। ফলে সুরের মূর্ছনায় তিনি কাঁদতেন এবং শ্রোতাদেরকেও কাঁদাতেন। ইমাম আহমদ আবদুর রায়কের সূত্রে..... আয়োশা (রা) থেকে বর্ণনা করেন, রাসূলুল্লাহ (সা) একদা আবু মূসা আশ'আরীর কিরাআত পড়া শুনে বলেছিলেন : আবু মূসাকে আলে দাউদের সুর লহরী দান করা হয়েছে।

বুখারী ও মুসলিমের শর্তে এ হাদীস বর্ণিত হয়েছে। অবশ্য এই সূত্রে এ হাদীস বুখারী মুসলিমে নেই। অন্যত্র ইমাম আহমদ হাসানের সূত্রে আবু হুরায়রা (রা) থেকে বর্ণনা করছেন, রাসূল (সা) বলেছেন : আবু মূসাকে দাউদের বাদ্য প্রদান করা হয়েছে। এ হাদীছটি মুসলিমের শর্তে বর্ণিত। আবু উচ্চমান তিরমিয়ী (র) বলেন, বাদ্য ও বাঁশরী শুনেছি, কিন্তু আবু মূসা আশ'আরীর কঠের চেয়ে তা অধিক শ্রুতি মধুর নয়। এ রকম মধুর সুর হওয়া সত্ত্বেও দাউদ (আ) অতি দ্রুত যাবুর পাঠ করতেন। এ সম্পর্কে ইমাম আহমদ ... আবু হুরায়রা (রা) থেকে বর্ণনা করেন। রাসূলুল্লাহ (সা) বলেছেন : তোমরা দাউদ অপেক্ষা ধীরে কিরাআত পড়। কেননা তিনি বাহনের উপর জিন লাগাবার আদেশ করে কুরআন (যাবুর) পড়তেন এবং জিন লাগান শেষ হবার আগেই তাঁর যাবুর পড়া শেষ হয়ে যেত। আর তিনি স্বহস্তে উপার্জন করেই জীবিকা নির্বাহ করতেন। ইমাম বুখারীও ... আবদুর রায়ক সূত্রে এ হাদীস প্রায় অনুরূপ শব্দে বর্ণনা

করেছেন। এরপর বুখারী (র) বলেছেন, এ হাদীস মূসা ইব্ন উকবা ..... আবু হুরায়রা (রা) থেকে বর্ণনা করেছেন। ইব্ন আসাকির তাঁর ইতিহাস গ্রন্থে দাউদ (আ)-এর আলোচনায় বিভিন্ন সূত্রে এ হাদীছখানা বর্ণনা করছেন।

হাদীসে উল্লেখিত কুরআন অর্থ এখানে যাবুর যা হয়রত দাউদ (আ)-এর উপর অবতীর্ণ হয়েছিল। এর বর্ণনাগুলো ছিল সংরক্ষিত। কেননা তিনি ছিলেন একজন বাদশাহ। তাঁর ছিল বহু অনুসারী। তাই বাহনের উপর জিন লাগাতে যতটুকু সময় লাগে সে সময় পর্যন্ত তিনি যাবুর পাঠ করতেন। ভক্তিসহ নিবিট চিন্তে ও সুর প্রয়োগে পড়া সম্ভেদে তার তিলাওয়াত ছিল অতোন্ত দ্রুত। আল্লাহর বাণীঃ ۝وَاتَّيْنَا دَاؤْدَ زَبُوراً—আমি দাউদকে যাবুর প্রদান করেছি। (১৭ ইসরাঃ ৫৫) এ আয়াতের তাফসীরে আমার তাফসীর গ্রন্থে ইমাম আহমদ ও অন্যান্যদের বর্ণিত হাদীস উদ্ধৃত করেছি যে, এ প্রসিদ্ধ আসমানী কিতাবখানা রমজান মাসে অবতীর্ণ হয়। গভীরভাবে অধ্যয়ন করলে দেখা যাবে যে, এতে বিভিন্ন উপদেশ ও প্রজ্ঞাপূর্ণ উক্তি রয়েছে। আল্লাহর বাণীঃ

وَشَدَّدْنَا مُلْكَهُ وَأَتْيَنَا الْحِكْمَةَ وَفَصَلَ الْخُطَابَ.

আমি তার রাজ্যকে সুদৃঢ় করেছিলাম এবং তাকে দিয়েছিলাম প্রজ্ঞা ও ফয়সালাকারী বাণিজ্য। (৩৮ সাদঃ ১৭) অর্থাৎ - তাঁকে আমি দিয়েছিলাম বিশাল রাজত্ব ও কার্যকর শাসন কৌশল। ইব্ন জারীর ও ইব্ন আবী হাতিম হয়রত ইব্ন আব্বাস (রা) থেকে বর্ণনা করেছেন যে, এক গাড়ী সংক্রান্ত বিচারে দু'ব্যক্তি দাউদ (আ)-এর শরণাপন্ন হয়। এদের একজন অপর জনের বিরুদ্ধে অভিযোগ করল যে, সে তার গাড়ী জোরপূর্বক ছিনয়ে নিয়েছে। কিন্তু বিবাদী অভিযোগ অঙ্গীকার করল। হয়রত দাউদ (আ) তাদের ফয়সালা রাত পর্যন্ত স্থগিত রাখলেন। আল্লাহ ঐ রাতে ওহীর মাধ্যমে নবীকে নির্দেশ দিলেন যে, বাদীকে মৃত্যুদণ্ড দিতে হবে। সকাল হলে নবী বাদীকে ডেকে আল্লাহর নির্দেশ জানিয়ে দেন এবং বলেন, আমি অবশ্যই তোমার উপর মৃত্যুদণ্ড কার্যকর করব। এখন বল, তোমার দাবীর মূলে আসল ঘটনা কি? বাদী বলল, হে আল্লাহর নবী! আমি কসম করে বলছি, আমার দাবী যথার্থ। তবে এ ঘটনার পূর্বে আমি বিবাদীর পিতাকে হত্যা করেছিলাম। তখন হয়রত দাউদ (আ) তাকে মৃত্যুদণ্ড দেওয়ার নির্দেশ দেন এবং সাথে সাথে তা কার্যকর হয়। এ ঘটনার পরে বনী ইসরাইলের মধ্যে দাউদ (আ)-এর মর্যাদা বৃদ্ধি পায় এবং তাঁর প্রতি তাদের আনুগত্য বৃদ্ধি পায়।

ইব্ন আব্বাস (রা) বলেন, এ কথাটাই ۝مُلْكَهُ وَشَدَّدْنَا مُلْكَهُ ۝বাক্যাংশে ব্যক্ত করা হয়েছে। -  
কাজী حَكْمَةٌ نَبুওয়াতٌ وَأَتْيَنَا الْحِكْمَةَ .- ও ফَصَلَ الْخُطَابَ .  
অর্থ নবুওয়াত, শা'বী, কাতাদাহ, আবু আবদুর রহমান প্রযুক্তের মতে 'ফাস্লাল খিতাব' অর্থ সাক্ষী ও শপথ অর্থাৎ বিচার কার্যের মূলনীতি হিসেবে বাদীর জন্যে সাক্ষী প্রমাণ আর বিবাদীর জন্যে শপথ গ্রহণ। তাদের মতে, আল্লাহ হয়রত দাউদ (আ)-কে এই মূলনীতি দান করেছিলেন। মুজাহিদ ও সুন্দীর মতে, 'ফাস্লাল খিতাব' অর্থ বিচার কাজের প্রজ্ঞা ও সঠিক সিদ্ধান্তে উপনীত হওয়া। মুজাহিদ বলেন, বাক্য প্রয়োগ ও সিদ্ধান্ত দানে স্পষ্টবাদিত। ইব্ন জারীরও এই ব্যাখ্যাকে অপ্রাধিকার দিয়েছেন। আবু আল-বিদায়া ওয়ান নিহায়া (২য় খণ্ড) ৫—

মুসা বলেছেন, ফাসলাল খিতাব হচ্ছে (হামদ ও সালাতের পরে) আমা বলা অর্থাৎ হ্যরত দাউদ-ই প্রথমে শব্দ ব্যবহার করেন, তার সাথে এ ব্যাখ্যার কোন বিরোধ নেই। ওহাব ইব্ন মুনাবিহ লিখেছেন, বনী ইসরাইল জাতির মধ্যে পাপাচার ও মিথ্যা সাক্ষী দেওয়ার প্রবণতা ব্যাপকভাবে বৃক্ষি পেলে হ্যরত দাউদ (আ)-কে একটি ফয়সালাকারী শিকল দেওয়া হয়। এই শিকলটি আসমান থেকে বায়তুল মুকাদ্দাসের পার্শ্বে রঞ্জিত 'সাখরা' পাথর খণ্ড পর্যন্ত ঝুলন্ত ছিল।

শিকলটি ছিল স্বর্ণের। ফয়সালা এভাবে হত যে, বিবদমান দু'ব্যক্তির মধ্যে যে সত্যের উপর প্রতিষ্ঠিত সেই ঐ শিকলটি নাগাল পেতো! আর অপরজন তা' পেতো না। দীর্ঘদিন ধাবত এভাবে চলতে থাকে। অবশ্যে এক ঘটনা ঘটে। এক ব্যক্তি অন্য এক ব্যক্তির নিকট একটা মুক্তা গচ্ছিত রাখে। যখন সে তার মুক্তাটি ফিরিয়ে আনতে যায় তখন ঐ ব্যক্তি তার দাবি প্রত্যাখ্যান করে। সে একটি লাঠি দিয়ে তার মধ্যে মুক্তাটি রেখে দেয়। অতঃপর তাদের বিবাদ মীমাংসার জন্যে সাথৰা পাথরের কাছে উপস্থিত হলে বাদী শিকলটি নাগাল পায়। বিবাদীকে তা ধরতে বলা হলে সে উক্ত মুক্তা সম্বলিত লাঠিটি বাদীর কাছে দিয়ে দেয়। এরপর সে আল্লাহর নিকট প্রার্থনা জানিয়ে বলে, হে আল্লাহ! আপনি অবশ্যই অবগত আছেন যে, আমি তাকে তার মুক্তাটি প্রত্যর্পণ করেছি। প্রার্থনার পর সে শিকলটি ধরতে সক্ষম হয়। এভাবে উক্ত শিকলটির দরূন বনী-ইসরাইলরা মুশকিলে পড়ে যায়। ফলে অল্প দিনের মধ্যেই শিকলটি উঠিয়ে নেয়া হয়। অনেক মুফাস্সিরই এ ঘটনাটিই উল্লেখ করেছেন। ইসহাক ইব্ন বিশর ও ওহাব ইব্ন মুনাবিহ সূত্রে প্রায় একলেই বর্ণনা করেছেন। আল্লাহর বাণী :

وَهَلْ أَتَاكَ نَبَأُ الْخَصْمِ إِذْ تَسَوَّرُوا الْمَحْرَابِ. إِذْ دَخَلُوا عَلَى دَاؤَدَ  
فَفَزَعُ مِنْهُمْ قَالُوا لَا تَخَفْ خَصْنَمْ بَغْيَ بَعْضُنَا عَلَى بَعْضٍ فَاحْكُمْ بِيْنَنَا  
بِالْحَقِّ وَلَا تُشْطِطْ وَاهْدِنَا إِلَى سَوَاءِ الصِّرَاطِ. إِنَّ هَذَا أَخِي لَهُ تِسْعُ  
وَتِسْعُونَ نَعْجَةً وَلَى نَعْجَةً وَاحِدَةً فَقَالَ أَكْفَلْنِيهَا وَعَزَّزْنِي فِي الْخُطَابِ.  
قَالَ لَقَدْ ظَلَمْكَ بِسُؤَالِ نَعْجَتِكَ إِلَى نِعَاجِهِ - وَإِنَّ كَثِيرًا مِنَ الْخُلَطَاءِ  
لَيَبْغِي بَعْضُهُمْ عَلَى بَعْضٍ إِلَّا الَّذِينَ آمَنُوا وَعَمِلُوا الصَّلِحَاتِ وَقَلِيلُ مَا هُمْ  
- وَظَنَّ دَاؤَدُ أَنَّمَا فَتَنَهُ فَاسْتَغْفَرَ رَبَّهُ وَخَرَ رَأْكَعًا وَأَنَابَ.

—তোমার নিকট বিবদমান লোকদের বৃত্তান্ত পৌছেছে কি? যখন তারা প্রাচীর ডিংগিয়ে ইবাদত খানায় আসল এবং দাউদের নিকট পৌছল, তখন সে তাদের কারণে ভীত হয়ে পড়ল। তারা বলল, ভীত হবেন না, আমরা দু'বিবদমান পক্ষ; আমাদের একে অপরের উপর জুলুম করেছে; অতএব আমাদের মধ্যে ন্যায় বিচার করুন; অবিচার করবেন না এবং আমাদেরকে সঠিক পথ নির্দেশ করুন। এ আমার ভাই, এর আছে নিরানবইটা দুর্ঘা এবং আমার আছে মাত্র একটি দুর্ঘা; তবুও সে বলে, আমার যিস্মায় একটা দিয়ে দাও; এবং কথায় সে আমার প্রতি

কঠোরতো প্রদর্শন করেছে। দাউদ বলল, তোমার দুষ্পাটিকে তার দুষ্পাটলোর সংগে ঘৃঙ্খ করার দাবি করে সে তোমার প্রতি জুলুম করেছে। শরীকদের অনেকে একে অন্যের উপর অবিচার করে থাকে। করে না কেবল মু'মিন ও সৎ কর্মপরায়ণ ব্যক্তিগণ এবং তারা সংখ্যায় স্বল্প। দাউদ বুঝতে পারল, আমি তাকে পরীক্ষা করেছি। আর সে তার প্রতিপালকের নিকট ক্ষমা প্রার্থনা করল এবং নত হয়ে লুটিয়ে পড়ল ও তার অভিমুখী হল। তারপর আমি তার ত্রুটি ক্ষমা করলাম। আমার নিকট তার জন্যে রয়েছে উচ্চ মর্যাদা ও শুভ পরিণাম। (৩৮ সাদ : ২১-২৫)

উপরোক্ত আয়াতে যে ঘটনার উল্লেখ করা হয়েছে, সে সম্পর্কে প্রাচীন ও আধুনিক বহু সংখ্যক মুফাসিসির অনেক কিস্মা-কাহিনীর অবতারণা করেছেন। কিন্তু তার অধিকাংশই ইসরাইলী বর্ণনা এবং এর মধ্যে সম্পূর্ণ মিথ্যা-বানোয়াট বর্ণনাও রয়েছে। আমরা এখানে সে সবের কিছুই উল্লেখ করছি না; শুধু কুরআনে বর্ণিত ঘটনাটির উল্লেখ করাই যথেষ্ট বিবেচনা করছি। সূরা সাদ-এর সিজদার আয়াত সম্পর্কে ইমামগণের মধ্যে দু' ধরনের মত পাওয়া যায়। কেউ কেউ বলেছেন, এ সিজদা অপরিহার্য; আবার অন্য কেউ কেউ বলেছেন, এটা অপরিহার্য নয়, বরং এটা শোকরানা সিজদা। এ প্রসংগে ইমাম বুখারী (র) মুজাহিদের সুত্রে বর্ণনা করেছেন যে, তিনি একদা ইব্ন আকবাস (রা)-কে জিজেস করেছিলেন : সূরা সাদ তিলাওয়াতকালে আপনি কেন সিজদা দেন? তিনি বললেন, তুমি কি কুরআনে পড় না?

وَمِنْ ذُرِّيَّتِهِ دَاؤَدَ وَسَلِيمَنَ وَأَيُوبَ وَيُوسُفَ وَمُوسَى وَهَرُونَ وَكَذَلِكَ  
نَجْزِي الْمُحْسِنِينَ. وَزَكَرِيَاً وَيَحْيَى وَعِيسَى وَالْيَاسَ كُلُّ مِنَ الصَّالِحِينَ.  
وَأَسْمَعِيلَ وَالْيَسَعَ وَيُونُسَ وَلُوطًا وَكُلُّا فَضَلَّنَا عَلَى الْعَلَمِينَ. وَمَنْ أَبَاهِمَ  
وَذَرِيَّتِهِمْ وَأَخْوَانِهِمْ وَاجْتَبَيْتِهِمْ وَهَدَيْتِهِمْ إِلَى صِرَاطٍ مُسْتَقِيمٍ. ذَلِكَ هُدَى  
اللَّهُ يَهْدِي بِهِ مَنْ يَشَاءُ مِنْ عِبَادِهِ وَلَوْ أَشْرَكُوا لَهُبَطَ عَنْهُمْ مَا كَانُوا  
يَعْمَلُونَ. أُولَئِكَ الَّذِينَ أَتَيْنَاهُمُ الْكِتَابَ وَالْحُكْمَ وَالنُّبُوَّةَ فَإِنْ يَكْفُرُبَهَا هُؤُلَاءِ  
فَقَدْ وَكَلَّابِهَا قَوْمًا لَيْسُوا بِهَا بِكُفَّارِينَ. أُولَئِكَ الَّذِينَ هَدَى اللَّهُ فِيهِمْ  
اقْتَدَمْ .

দাউদ, সুলায়মান.....আর আমি তাহাকে দান করিয়াছিলাম ইসহাক ও ইয়া'কুব, ইহাদের প্রত্যেককে সৎপথে পরিচালিত করিয়াছিলাম; পূর্বে নৃত্বকেও সৎপথে পরিচালিত করিয়াছিলাম এবং তাহার বংশধর দাউদ, সুলায়মান ও আইউব, ইউসুফ, মুসা ও হারুনকেও; আর এইভাবেই সৎকর্মপরায়ণদিগকে পুরস্কৃত করি; এবং যাকারিয়া, ইয়াত্ত্যা, 'ঈসা এবং ইল্যাসকেও সৎপথে পরিচালিত করিয়াছিলাম। ইহারা সকলে সজ্জনদের অন্তর্ভুক্ত; আরও সৎপথে পরিচালিত করিয়াছিলাম ইস্মাইল, আল-য়াসা'আ, ইউনুস ও লৃতকে; এবং শ্রেষ্ঠত্ব দান করিয়াছিলাম বিশ্বজগতের উপর প্রত্যেককে- এবং ইহাদের পিতৃ-পুরুষ, বংশধর ও আত্মবৃন্দের কতককে। আমি তাহাদিগকে মনোনীত করিয়াছিলাম এবং সরল পথে পরিচালিত করিয়াছিলাম। ইহা

আল্লাহর হিদায়াত, স্বীয় বান্দাদের মধ্যে যাহাকে ইচ্ছা তিনি ইহা দ্বারা সৎপথে পরিচালিত করেন। তাহারা যদি শির্ক করিত তবে তাহাদের কৃতকর্ম নিষ্ফল হইত। আমি উহাদিগকেই কিতাব, কর্তৃত্ব ও নুরুওয়াত দান করিয়াছি, অতঃপর যদি ইহারা ৪১৭ এইগুলিকে প্রত্যাখ্যান করে তবে আমি তো এমন এক সম্প্রদায়ের প্রতি এইগুলির ভাব অর্পণ করিয়াছি যাহারা এইগুলি প্রত্যাখ্যান করিবে না। উহাদিগকেই আল্লাহ সৎপথে পরিচালিত করিয়াছেন, সুতরাং তুমি তাহাদের পথের অনুসরণ কর। বল, ‘আহিং জন্য আমি তোমাদের নিকট পারিশ্রমিক চাহি না, ইহা তো শুধু বিষ্ণজগতের জন্য উপদেশ।’ (৬ আন‘আম : ৮৪ ও ৯০)

এ থেকে স্পষ্ট বুঝা যায় যে, দাউদ (আ) নবীগণের অন্যতম যাঁদের অনুসরণ করার জন্য আমাদের নবী (সা)-কে নির্দেশ দেয়া হয়েছে। সূরা সাদ-এর আয়াতে দাউদ (আ)-এর সিজদার কথা উল্লেখিত হয়েছে। সে অনুযায়ী রাসূল (স)-ও সিজদা করেছেন। ইমাম আহমদ .. ইকরামার সূত্রে ইব্ন আবুস (রা) থেকে বর্ণনা করেন: সূরা সাদ এর সিজদা আবশ্যিক সিজদার অস্তর্ভুক্ত নয়। তবে আমি রাসূলুল্লাহ (সা)-কে এ সিজদা করতে দেখেছি। ইমাম বুখারী, আবু দাউদ, তিরমিয়ী ও নাসাঈ অনুরূপ বর্ণনা করেছেন। ইমাম তিরমিয়ী একে হাসান ও সহীহ বলেছেন। ইমাম নাসাঈ (র)... সাইদ ইব্ন জুবায়রের সূত্রে ইব্ন আবুস (রা) থেকে বর্ণনা করেন। নবী করীম (সা) সূরা সাদ এ সিজদা করেছেন তওবা স্বরূপ, আর আমরা সিজদা করব শোকরিয়া স্বরূপ। শেষের কথাটি কেবল আহমদের বর্ণনায় আছে। তবে এর রাবীগণ সবাই নির্ভরযোগ্য।

আবু দাউদ... আবু সাইদ খুদরী (রা) থেকে বর্ণনা করেন, রাসূলুল্লাহ (সা) একবার মসজিদের মিস্বিরে বসে সূরা সাদ তিলাওয়াত করেন। সিজদার আয়াত পর্যন্ত পৌছে তিনি মিস্বির থেকে নেমে সিজদা আদায় করেন। উপস্থিতি লোকজনও তাঁর সাথে সিজদা আদায় করেন। অন্য এক দিন তিনি অনুরূপ মিস্বিরে বসে সূরা সাদ পাঠ করেন। যখন সিজদার আয়াত পড়েন, তখন উপস্থিতি লোকেরা সিজদা করতে উদ্যত হন। এ অবস্থা দেখে রাসূলুল্লাহ (সা) বললেন, এটা হচ্ছে জনৈক নবীর তওবা বিশেষ (সিজদার সাধারণ নির্দেশ নয়), তবে দেখছি তোমরা সিজদা করতে উদ্যত হয়েছ। তারপর তিনি মিস্বির থেকে নেমে সিজদা আদায় করেন। এ হাদীছখানা কেবল আবু দাউদই বর্ণনা করেছেন। তবে এর সনদ সহীহের শর্ত অনুযায়ী আছে। ইমাম আহমদ... আবু সাইদ খুদরী (রা) থেকে বর্ণনা করেন। তিনি একদা স্বপ্নে দেখেন যে, তিনি সূরা সাদ লিখেছেন। সিজদার আয়াত পর্যন্ত পৌছে তিনি, দোয়াত, কলম ও অন্য যা কিছু সেখানে ছিল, সবই সিজদায় লুঠিয়ে পড়েছে দেখতে পান। এ ঘটনা তিনি নবী করীম (সা)-এর নিকট ব্যক্ত করেন। তারপর থেকে তিনি সর্বদা এ সূরার সিজদা আদায় করতেন। এ হাদীসখানা কেবল ইমাম আহমদই বর্ণনা করেছেন।

তিরমিয়ী ও ইব্ন মাজাহ মুহাম্মদ ইব্ন ইয়ায়ীদের সূত্রে .... হযরত ইব্ন আবুস (রা) থেকে বর্ণনা করেন, এক ব্যক্তি রাসূলুল্লাহ (সা)-এর নিকট এসে বলল- ইয়া রাসূলুল্লাহ! মানুষ যেমন ঘুমের মধ্যে স্বপ্ন দেখে, আমিও তেমনি সালাত আদায় করছি। সালাতে আমি সিজদার আয়াত তিলাওয়াত করি এবং সিজদায় যাই। বৃক্ষটিও আমার সাথে সিজদা করে। আমি শুলাম সে সিজদা অবস্থায় একপ দোয়া করছেঃ “হে আল্লাহ! এর ওসীলায় আপনার নিকট আমার

জুন্যে পুরকারের ব্যবস্থা করুন, আপনার নিকট আমার জন্যে এর ছওয়াব সঞ্চিত রাখুন, এর ওসীলায় আমার দোষ-ক্ষতি দূর করে দিন এবং আমার এ সিজদা আপনি কবৃল করুন, যেমন কবৃল করেছিলেন আপনার নেক বান্দা দাউদ (আ) থেকে।” ইবন আবুস (রা) বলেন, আমার এ কথা শেষ হতেই দেখলাম, রাসূল (সা) সিজদার আয়াত তিলাওয়াত করে সিজদায় যান এবং লোকটি বৃক্ষের যে দোয়ার উল্লেখ করেছিল, শুনলাম তিনি সিজদায় সেই দোয়াটিই পড়ছেন। ইমাম তিরিমিয়ি এ হাদীস বর্ণনা করার পরে লিখেছেন যে, এটা গরীব পর্যায়ের হাদীস-এই একটি সূত্র ব্যতীত এর অন্য কোন সূত্র আমার জানা নেই।

কোন কোন মুফাস্সির বলেছেন, হযরত দাউদ (আ) তাঁর এ সিজদায় একটানা চালিশ দিন অতিবাহিত করেন। মুজাহিদ, হাসান প্রমুখ এ কথা উল্লেখ করেছেন। এ প্রসংগে একটি মারফু’ হাদীছও বর্ণিত হয়েছে। কিন্তু এর বর্ণনাকরী ইয়ায়ীদ রুক্কাশী হাদীস বর্ণনায় দুর্বল ও পরিত্যক্ত। আল্লাহর বাণী :

فَغَفِرْنَا لَهُ ذَالِكَ وَأَنَّ لَهُ عِنْدَنَا لِزُلْفَىٰ وَحُسْنَ مَابٍ

—আমি তার সে অপরাধ ক্ষমা করলাম। নিচয় আমার কাছে তাঁর জন্যে রয়েছে উচ্চ মর্তবা ও সুন্দর বাসস্থান। (৩৮ সাদ : ২৫)। অর্থাৎ কিয়ামতের দিন তিনি আল্লাহর নিকট উচ্চ মর্যাদা পাবেন। অর্থ বিশেষ নৈকট্য; এবং তাহল ন্যায় বিচার প্রতিষ্ঠার জন্যে আল্লাহ দাউদ (আ)-কে এ নৈকট্য দান করবেন। এ ব্যাপারে হাদীসে বর্ণিত হয়েছে :

الْمَقْسُطُونَ عَلَىٰ مَنَابِرِ مِنْ نُورٍ عَنْ يَمِينِ الرَّحْمَنِ وَكُلَّتَا يَدِيهِ يَمِينٌ

الذى يقطتون فى أهلهم و حكمهم وما ولوا

—অর্থাৎ যারা ন্যায় বিচার করে ও ন্যায়ের বিধান চালু করে, এবং তার পরিবারে ফয়সালায় এবং কর্তৃত প্রয়োগে তারা মেহেরবান আল্লাহর দক্ষিণ হস্তের কাছে প্রতিষ্ঠিত নূরের মিস্বরের উপরে অধিষ্ঠিত থাকবে। আর আল্লাহর উভয় হস্তই দক্ষিণ হস্ত। মুসনাদে ইমাম আহমদে.... আবু সাঈদ খুদরী (রা) থেকে বর্ণিত আছে, রাসূলুল্লাহ (সা) বলেছেন : কিয়ামতের দিন আল্লাহর নিকট সবচেয়ে প্রিয় ও নৈকট্যপ্রাপ্ত হল ন্যায় বিচারক শাসক; পক্ষান্তরে আল্লাহর নিকট কিয়ামতের দিন সবচেয়ে ঘৃণিত ও কঠিন শাস্তিযোগ্য ব্যক্তি হল জালিম বাদশাহ। তিরিমিয়ি অনুরূপ বর্ণনা করে বলেছেন, এই একটি সূত্র ব্যতীত অন্য কোন সূত্রে এ হাদীছখানা সম্পূর্ণরূপে বর্ণিত হয়নি। ইবন আবী হাতিম.... জাফর ইবন সুলায়মান থেকে বর্ণনা করেন। তিনি মালিক ইবন দীনারকে আয়াতের ব্যাখ্যায় বলতে শুনেছেন যে, হযরত দাউদ (আ) কিয়ামতের দিন আরশে আর্যামের স্তম্ভের কাছে দণ্ডায়মান থাকবেন, আল্লাহ তখন বলবেন, হে দাউদ! দুনিয়ায় তুমি যে মধুর সুরে আমার প্রশংসা ও মহত্ত্ব প্রকাশ করতে, সেইরূপ মধুর সুরে আজ আমার প্রশংসা ও মহত্ত্ব প্রকাশ কর। দাউদ (আ) বলবেন, হে আল্লাহ! আপনি তো তা আমার থেকে উঠিয়ে নিয়েছেন, এখন কিরণে তা করব? আল্লাহ বলবেন, আজ আমি তা তোমাকে ফিরিয়ে দিছি। অতঃপর দাউদ (আ) এমন মধুর আওয়াজে আল্লাহর প্রশংসা গাইবেন, যার প্রতি সমস্ত জান্নাতবাসী আকৃষ্ট হয়ে পড়বে।

আল্লাহর বাণী :

يَا دَاؤْدُ انَا جَعَلْنَاكَ خَلِيفَةً فِي الارْضِ فَاحْكُمْ بَيْنَ النَّاسِ بِالْحَقِّ وَلَا  
تَتَبَعِ الْهَوْى فَيَضِلُّكَ عَنْ سَبِيلِ اللَّهِ إِنَّ الَّذِينَ يُضِلُّونَ عَنْ سَبِيلِ اللَّهِ لَهُمْ  
عَذَابٌ شَدِيدٌ بِمَا نَسُوا يَوْمَ الْحِسَابِ .

—হে দাউদ! আমি তোমাকে পৃথিবীতে প্রতিনিধি করেছি, তুমি লোকদের মধ্যে সুবিচার কর এবং খেয়াল-খুশীর অনুসরণ করো না, কেননা তোমাকে আল্লাহর পথ থেকে বিচ্যুত করবে। যারা আল্লাহর পথ হতে ভষ্ট হয় তাদের জন্যে রয়েছে কঠিন শাস্তি, কারণ তারা বিচার দিবসকে বিস্তৃত হয়ে আছে। (৩৮ সাদ : ২৬)।

আলোচ্য আয়াতে হ্যরত দাউদ (আ)-কে সম্মোধন করা হলেও এর দ্বারা শাসক ও বিচারক মণ্ডলীকে উদ্দেশ্য করা হয়েছে এবং আল্লাহ তাদেরকে মানুষের মাঝে তাঁর পক্ষ থেকে নির্দেশিত ন্যায় বিচার ও সত্যের অনুসরণ করার আদেশ করেছেন। নিজেদের খেয়াল-খুশীর অনুসরণ করতে নিষেধ করেছেন। যারা সত্য পথ পরিত্যাগ করে নিজের খেয়াল-খুশীর পথ অনুসরণ করবে তাদেরকে আল্লাহ সতর্ক করে দিয়েছেন। সে যুগে হ্যরত দাউদ (আ) ছিলেন ন্যায় বিচার প্রতিষ্ঠা, প্রচুর ইবাদত ও অন্যান্য নেক কাজের ক্ষেত্রে অনুসরণীয় আদর্শ। কথিত আছে, রাত্রি ও দিনের মধ্যে এমন একটি সময় অতিবাহিত হত না, যে সময় তাঁর পরিবারবর্গের কোন না কোন সদস্য ইবাদতে মশগুল না থাকত। আল্লাহ বলেছেন :

اِعْمَلُوا اَلْدَاؤْدَ شُكْرًا وَقَلِيلٌ مِنْ عِبَادِي الشَّكُورِ

—হে দাউদ পরিবার! কৃতজ্ঞতা সহকারে তোমরা কাজ করে যাও। আমার বান্দাদের মধ্যে অন্ন সংখ্যকই কৃতজ্ঞ ( ৩৪ : সাবা : ১৩)। আবু বকর ইব্ন আবিদ দুনিয়া.... আবুল জালদ থেকে বর্ণনা করেন, তিনি বলেছেন, আমি দাউদ (আ)-এর ঘটনাবলী অধ্যয়ন করেছি। তাতে এ কথা পেয়েছি যে, তিনি আরজ করলেন, “হে আমার পালনকর্তা! আমি আপনার শুকরিয়া কিভাবে আদায় করব? আপনার নিয়ামত ব্যতীত তো আপনার শোকর আদায়ে আমি সামর্থ হব না।” অতঃপর দাউদ (আ)-এর নিকট ওহী আসে : “হে দাউদ! তুমি কি জান না যে, যে সব নিয়ামত তোমার কাছে রয়েছে, তা আমারই দেওয়া?” জবাবে দাউদ (আ) বললেন, “হ্যাঁ তাই, হে আমার রব!” আল্লাহ বললেন, “তোমার এ স্বীকারোভিতেই আমি সন্তুষ্ট।” বায়হাকী.... ইব্ন শিহাব থেকে বর্ণনা করেন, হ্যরত দাউদ (আ) বলেছিলেন — الحمد لله كما ينبغي لكرمه وجهه وعز جلاله — আল্লাহর জন্যে এমন যাবতীয় প্রশংসা নির্দিষ্ট, যেমন প্রশংসা তাঁর সন্তা ও মহত্ত্বের জন্যে উপযোগী। আল্লাহ বললেন, ‘হে দাউদঃ তুমি তো হেফাজতকারী ফিরিশতাদের মতই দোয়া করলে।’ আবু বকর ইবন আবিদ দুনিয়া.... সুফিয়ান ছাওয়ারী থেকে অনুরূপ বর্ণনা করেছেন। আবদুল্লাহ ইবন মুবারক

তাঁর ‘কিতাবুয় যুহ্দে’..... ওহাব ইব্ন মুনাব্বিহ থেকে বর্ণনা করেন : দাউদের বংশধরদের হিকমতের মধ্যে ছিল (১) কোন জ্ঞানী লোকের পক্ষে চারটি বিশেষ সময়ে গাফিল থাকা উচিত নয়, (ক) একটি সময় নির্দিষ্ট করবে, যে সময়ে সে একান্তে আল্লাহর ইবাদত করবে। (খ) একটি নির্দিষ্ট সময়ে আত্ম-সমালোচনায় প্রবৃত্ত হবে। (গ) একটি সময় নির্ধারণ করবে, যে সময়ে সে ঐ সব অন্তরূপ বন্ধুদের সাথে মিলিত হবে, যারা তাকে ভালবাসে এবং তার ক্রটিবিচ্যুতি ধরিয়ে দেয়। (ঘ) আর একটি সময় বেছে নিবে হালাল ও বৈধ বিনোদনের জন্যে। এই শেষোভ সময়টা তার অন্যান্য সময়ের কাজের সহায়ক হবে এবং অন্তরে প্রশাস্তি সৃষ্টি করবে। (২) একজন জ্ঞানী লোকের উচিত সময় সম্পর্কে সচেতন থাকা, রসনাকে সংযত রাখা এবং আপন অবস্থাকে সন্তুষ্ট চিন্তে মেনে নেওয়া। (৩) একজন জ্ঞানী লোকের কর্তব্য-তিনটি বিষয়ের যে কোন একটি ছাড়া যেন সে কোথাও যাত্রা না করে পরকালের পাথেয় সংগ্রহে, দুনিয়ার জীবন যাপনের উপাদান অবেষণে কিংবা বৈধ আনন্দ বিনোদনে।

ইব্ন আবিদ দুনিয়া ও ইব্ন আসাকির অন্য সূত্রে ওহাব ইব্ন মুনাব্বিহ থেকে অনুৰূপ বর্ণনা করেছেন। হাফিজ ইব্ন আসাকির হযরত দাউদ (আ)-এর কর্তৃগুলো শিক্ষামূলক উপদেশ বাণী তাঁর জীবনী আলোচনায় উল্লেখ করেছেন। তার কয়েকটি হল : (১) ইয়াতীমের সাথে দয়ালু পিতার মত আচরণ কর (كُن لِّيَتِيمَ كَالاَبِ الرَّحِيمِ) (২) শ্বরণ রেখ, যেমন বীজ বুনবে, তেমন ফলন পাবে। (৩) (واعْلَمْ اَنْتَ كَمَا تَزْرَعْ كَذَلِكَ تَحْصُدْ) (৪) একটি ‘গরীব’ পর্যায়ের মারফু হাদীসে বর্ণিত আছে, হযরত দাউদ (আ) বলেছিলেন : হে পাপের চাষকারী! يَارَاعُ السَّيْئَاتِ اَنْتَ تَحْصُدْ (৫) কোন মজলিসের নির্বোধ বক্তা হচ্ছে মৃতের শিয়ারে গায়কের তুল্য। مُثَلُ الْخَطِيبِ الْأَحْمَقِ فِي نَادِيِ الْقَوْمِ كَمُثُلُ الْمَغْنِيِّ عِنْدَ رَأْسِ الْمَيِّتِ (৬) ধনী থাকার পরে দরিদ্র হওয়ার মত দুর্ভাগ্য আর নেই। কিন্তু তার চেয়ে অধিক দুর্ভাগ্য হল ما أَقْبَحَ الْفَقْوَ بَعْدَ الْفَنِيِّ وَاقْبَعَ مِنْ ذَالِكَ (৭) (الضَّلاَلَةُ بَعْدَ المَعْدِيِّ) হিদায়াত লাভের পরে পথচার হওয়া নাই পারে না, কেননা এতে তোমার ও তার মধ্যে শক্তা সৃষ্টি হবে। (৮) تَعْدَنْ أَخَاْكِمْ بِمَا لَا تَنْجِزُهُ لَهُ فَانْ ذَالِكَ عِدَوَةً مَا بَيْنَكَ وَبَيْنَهِ মুহাম্মাদ ইব্ন সাদ..... আফরার মওলা উমর (রা) থেকে বর্ণনা করেন, ইয়াহুদীরা রাসূলুল্লাহ (সা)-এর একাধিক সহধর্মীণী দেখে লোকজনকে বলল, “তোমরা এ লোকটির প্রতি লক্ষ্য কর, সে আহারে পরিত্ণ হয় না; আল্লাহর কসম সে নারী ছাড়া কিছু বুঝে না।” সমাজে তাঁর একাধিক সহধর্মীণী থাকায় তারা তার প্রতি বিদ্রে প্রকাশ করে এবং তাঁর প্রতি দোষারোপ করে। তাদের

মন্তব্য হল, যদি ইনি নবী হতেন, তাহলে নারীদের প্রতি এতো লিঙ্গা থাকতো না। এ কৃৎসা  
রটনায় সবচেয়ে অগ্রণী ভূমিকা পালন করে হয়াই ইব্ন আখতাব। কিন্তু আল্লাহ তাদেরকে  
মিথ্যাবাদী প্রতিপন্থ করেন এবং নবী করীম (সা)-এর প্রতি তাঁর দান ও অনুগ্রহের কথা উল্লেখ  
করেন। **أَمْ يَحْسُدُونَ النَّاسَ عَلَىٰ مَا أَتَاهُمُ اللَّهُ مِنْ فَضْلِهِ** (অথবা আল্লাহ নিজ  
অনুগ্রহে মানুষকে যা দিয়েছেন, সে জন্যে কি তারা তাদেরকে হিংসা করে?) এখানে **نَاسٌ** বা  
**فَقَدْ أَتَيْنَا أَلَّا إِبْرَاهِيمَ الْكِتَابَ وَالْحِكْمَةَ وَأَتَيْنَاهُمْ مُلْكًا** (সা) —**عَظِيمًا**  
— তাহলে ইবরাহীমের বংশধরকেও তো আমি কিংবা হিকমত প্রদান করেছিলাম  
এবং তাদেরকে বিশাল রাজ্য দান করেছিলাম। (৪ নিসা : ৫৪) : ইবরাহীমের বংশধর বলতে  
এখানে হ্যরত সুলায়মান (আ)-কে বুঝানো হয়েছে। তাঁর ছিলেন এক হাজার স্ত্রী, তাদের মধ্যে  
সাত শ' স্বাধীন এবং তিন শ' বাঁদী। আর হ্যরত দাউদ (আ)-এর ছিলেন একশ' জন স্ত্রী,  
তাঁদের মধ্যে একজন ছিলেন হ্যরত সুলায়মান (আ)-এর মা-যিনি ইতিপূর্বে উরিয়ার স্ত্রী  
ছিলেন। পরে তাঁকে বিবাহ করেছিলেন। দেখা যাচ্ছে হ্যরত মুহাম্মদ (সা)-এর স্ত্রী সংখ্যার  
তুলনায় তাঁদের সংখ্যা অনেকগুণ বেশী। কালৰীও ঠিক এইরূপ বর্ণনা করেছেন।

হফিজ ইব্ন আসাকির তাঁর ইতিহাস গ্রন্থে লিখেছেন : এক ব্যক্তি ইব্ন আবাস (রা)-কে  
(নফল) রোয়া সম্পর্কে জিজেস করলে তিনি বলেন, এ বিষয়ে আমার নিকট সংরক্ষিত একটি  
হাদীস আছে। আপনি যদি শুনতে চান তবে আমি আপনাকে দাউদ (আ)-এর রোয়া সম্পর্কে  
বলতে পারি। কেননা তিনি অত্যন্ত বীর পুরুষ; দুশ্মনের বিরুদ্ধে মুকাবিলা কালে তিনি কখনও পলায়ন করতেন  
না। তিনি একদিন অন্তর অন্তর রোয়া রাখতেন। রাসূলুল্লাহ (সা) বলেছেন, সবচেয়ে উত্তম  
রোয়া হল দাউদ (আ)-এর রোয়া। তিনি সত্ত্বরটি সুরে যাবুর তিলাওয়াত করতেন। এগুলো তাঁর  
নিজেরই উদ্ঘাবিত স্বর। রাত্রে যখন নামাযে দাঁড়াতেন তখন নিজেও কাঁদতেন এবং তাতে অন্য  
সবকিছুও কাঁদতো। তাঁর মধুর সুরে সকল দুশ্চিন্তা ও ঝুঁসি দূর হয়ে যেত। তুমি আরও শুনতে  
চাইলে আমি তাঁর পুত্র হ্যরত সুলায়মান (আ)-এর রোয়া সম্পর্কে জানাতে পারি। কেননা, তিনি  
প্রতি মাসের প্রথম তিন দিন, মাঝের তিন দিন ও শেষের তিন দিন রোয়া রাখতেন। এভাবে  
তাঁর মাস শুরু হত রোয়ার মাধ্যমে। মধ্য-মাস অতিবাহিত হত রোয়া রাখা অবস্থায় এবং মাস  
শেষ হত রোয়া পালনের মাধ্যমে। তুমি যদি আরও শুনতে চাও তবে আমি তোমাকে মহিয়মী  
কুমারী মাতা মরিয়ম (আ)-এর পুত্র হ্যরত ঈসা (আ)-এর রোয়া সম্পর্কেও জানাতে পারি।  
তিনি সারা বছর ধরে রোয়া রাখতেন, যবের ছাতু খেতেন, পশমী কাপড় পরতেন, যা পেতেন  
তাই খেতেন, যা পেতেন না, তা চাইতেন না। তাঁর কোন পুত্র ছিল না যে, মারা যাবার  
আশংকা থাকবে কিংবা কোন ঘরবাড়ি ছিল না যে, নষ্ট হওয়ার আশংকা থাকবে। যেখানেই রাত  
হত সেখানেই নামাযে দাঁড়িয়ে যেতেন এবং ভোর পর্যন্ত নামাযে রত থাকতেন। তিনি একজন  
ভাল তীরান্দায় ছিলেন। কোন শিকারকে লক্ষ্য করে তীর ছুঁড়লে কখনও তা ব্যর্থ হত না। বনী

ইসরাইলের কোন সমাবেশ অতিক্রম করার সময় তাদের অভিযোগ শুনতেন ও প্রয়োজন পূরণ করে দিতেন। যদি তুমি আঁঁহী হও তবে আমি তোমাকে হ্যরত ঈসা (আ)-এর মা মারয়াম বিনতে ইমরানের রোয়া সম্পর্কেও জানাতে পারি। কেননা তিনি একদিন রোয়া রাখতেন এবং দুই দিন বাদ দিতেন। তুমি যদি জানতে চাও তবে আমি তোমাকে নবী উচ্চী আরাবী হ্যরত মুহাম্মদ (সা)-এর রোয়া সম্পর্কেও জানাতে পারি। তিনি প্রতি মাসে তিন দিন রোয়া রাখতেন এবং বলতেন, এটাই গোটা বছর রোয়া রাখার শামিল। ইমাম আহমদ... আরবাস (রা) থেকে হ্যরত দাউদ (আ)-এর রোয়ার বৃত্তান্ত মারফুরুপে বর্ণনা করেছেন।

### হ্যরত দাউদ (আ)-এর ইন্তিকাল

হ্যরত আদম (আ)-এর জন্ম বৃত্তান্ত আলোচনা প্রসংগে পূর্বোল্লেখিত হাদীসে বর্ণনা করা হয়েছে যে, আল্লাহ যখন আদমের পৃষ্ঠদেশ থেকে তাঁর সন্তানদের বের করেন তখন হ্যরত আদম (আ) তাঁদের মধ্যে সকল নবীকে দেখতে পান। তাঁদের মধ্যে একজনকে অত্যন্ত উজ্জ্বল চেহারা বিশিষ্ট দেখে তিনি বলেন, হে আল্লাহ! ইনি কে? আল্লাহ জানালেন, এ তোমার সন্তান দাউদ। আদম (আ) জিজেস করলেন, হে আমার প্রতিপালক! তার আয়ু কত? আল্লাহ তা'আলা জানালেন, ষাট বছর। আদম (আ) বললেন, হে পরোয়ারদিগার! তার আয়ু বাড়িয়ে দিন। আল্লাহ জানালেন, বৃদ্ধি করা যাবে না; তবে তোমার নিজের আয়ু থেকে নিয়ে বাড়িয়ে দিতে পারি। হ্যরত আদমের নির্ধারিত আয়ু ছিল এক হাজার বছর। তা থেকে নিয়ে দাউদ (আ)-এর আয়ু আরও চল্লিশ বছর বাড়িয়ে দেয়া হল। যখন হ্যরত আদমের আয়ু শেষ হয়ে আসে তখন মৃত্যুর ফিরিশতা আসেন। আদম (আ) বললেন, আমার আয়ুর তো এখনও চল্লিশ বছর বাকী। দাউদ (আ)-কে দেয়া বয়সের কথা তিনি সম্পূর্ণ ভুলে গিয়েছিলেন। এভাবে আল্লাহ আদম (আ)-এর আয়ু এক হাজার বছর এবং দাউদ (আ)-এর আয়ু একশ পূর্ণ করে দেন। এ হাদীসটি ইমাম আহমদ.... ইবন আরবাস (রা) থেকে বর্ণনা করেছেন এবং ইমাম তিরমিয়ী, ইবন খুয়ায়মা, ইবন হিবান ও হাকিম থেকে বর্ণনা করেছেন। তিরমিয়ী একে সহীহ বলে মন্তব্য করেছেন এবং হাকিম একে মুসলিমের শর্ত অনুযায়ী আছে বলে উল্লেখ করেছেন। আদম (আ)-এর আলোচনা প্রসঙ্গে এ সম্পর্কে বিশদভাবে উল্লেখ করা হয়েছে। ইবন জারীর লিখেছেন, কোন কোন আহলে কিতাবের মতে হ্যরত দাউদ (আ)-এর আয়ু ছিল সাতান্তর বছর। কিন্তু এটা ভুল ও প্রত্যাখ্যাত। তাঁদের মতে হ্যরত দাউদের রাজত্বের মেয়াদ ছিল চল্লিশ বছর। তাঁদের এ মত গ্রহণযোগ্য। কেননা আমাদের কাছে এর পক্ষে বা বিপক্ষে কোন প্রমাণ নেই।

হ্যরত দাউদ (আ)-এর ইন্তিকাল সম্পর্কে ইমাম আহমদ তাঁর মুসনাদ গ্রন্থে আবু হুরায়রা (রা) থেকে বর্ণনা করেন যে, রাসূলুল্লাহ (সা) বলেছেন : দাউদ (আ) ছিলেন অত্যন্ত ব্যক্তিত্ব ও আত্মর্মাদা সম্পন্ন। যখন তিনি বাইরে যেতেন তখন ঘরের দরজা বন্ধ করে যেতেন, যাতে তিনি ফিরে আসা পর্যন্ত অন্য কেউ তাঁর ঘরে প্রবেশ করতে না পারে। এভাবে একদিন তিনি ঘর আল-বিদায়া ওয়ান নিহায়া (২য় খণ্ড) ৬—

থেকে বেরিয়ে গেলেন। ঘরের দরজা বন্ধ করে দেয়া হল। এ সময় তাঁর স্ত্রী উঁকি দিয়ে দেখলেন যে, একজন পুরুষ লোক ঘরের মধ্যখানে দাঁড়িয়ে আছেন। তিনি প্রহরীকে জিজ্ঞেস করলেন : এ লোকটি কে? তালাবন্ধ ঘরে কিভাবে প্রবেশ করল? কসম আল্লাহর! নবী দাউদ (আ)-এর কাছে আমরা লজ্জায় পড়ব! এমনি সময় হ্যরত দাউদ (আ) ফিরে এলেন এবং দেখলেন ঘরের মধ্যখানে একজন পুরুষ লোক দাঁড়িয়ে আছে। দাউদ (আ) জিজ্ঞেস করলেন, তুমি কে? লোকটি বলল, আমি সেইজন, যে কোন রাজা বাদশাহকে তোয়াক্ত করে না এবং কোন আড়ালই তাকে আটকাতে পারে না। দাউদ (আ) বললেন, আল্লাহর কসম! তা হলে আপনি নিশ্চয়ই মালাকুল মওত? আল্লাহর নির্দেশ পালনের জন্যে আপনাকে স্বাগতম! এর অশ্লক্ষণ পরেই তাঁর রূহ কব্য করা হল। অতঃপর তাকে গোসল দেয়া হল ও কাফন পরান হলে। ইতিমাধ্য সূর্য উদিত হল। তখন সুলায়মান (আ) পাখীদের উদ্দেশ্যে বললেন, তোমরা দাউদ (আ)-এর উপর ছায়া করে রাখ। পাখীরা তাই করল। সন্ধ্যা হলে হ্যরত সুলায়মান (আ) পাখীদেরকে বললেন, তোমরা এখন পাখা সংকুচিত করে নাও। আবু হুরায়রা (রা) বলেন, পাখীরা কিভাবে তাদের পাখা মেলেছিল এবং কিভাবে বন্ধ করেছিল, তা তিনি নিজের হাত দিয়ে আমাদেরকে দেখাতে লাগলেন। দাউদ (আ)-এর উপর ঐদিন ছায়াদানে দীর্ঘ ডানা বিশিষ্ট বায পাখীর ভূমিকাই প্রধান ছিল। ইমাম আহমদ একাই এ হাদীসটি বর্ণনা করেছেন। তবে এর সনদ উত্তম এবং বর্ণনাকারীগণ নির্ভরযোগ্য। সুদ্দী ইব্ন আব্বাস (রা) থেকে বর্ণনা করেন, দাউদ (আ) আকশিকভাবে ইনতিকাল করেন তার মৃত্যুর দিন ছিল শনিবার। পাখীরা তাঁর দেহের উপর ছায়া দান করে।

ইসহাক ইব্ন বিশর ..... হাসান থেকে বর্ণনা করেন যে, দাউদ (আ) একশ' বছর বয়সে হঠাৎ এক বুধবারে ইনতিকাল করেন। আবুস সাকান আল-হাজারী বলেছেন, হ্যরত ইবরাহীম খলীল, হ্যরত দাউদ ও তদীয় পুত্র হ্যরত সুলায়মান (আ) তিনি জনেরই মৃত্যু আকশিক ভাবে হয়েছিল। এ বর্ণনাটি ইব্ন আসাকিরের। কারো কারো বর্ণনায় আছে যে, একদা হ্যরত দাউদ (আ) মিহ্রাব থেকে নীচে অবতরণ করছিলেন, এমন সময় মৃত্যুর ফিরিশতা তাঁর সম্মুখে এসে উপস্থিত হন। হ্যরত দাউদ (আ) তাকে বললেন, আমাকে নীচে নামতে বা উপরে উঠতে দিন! তখন ফিরিশতা বললেন, হে আল্লাহর নবী! আপনার জন্যে নির্ধারিত বছর, মাস, দিন ও রিয়িক শেষ হয়ে গিয়েছে। এ কথা শুনেই দাউদ (আ) সেখানেই একটি সিঁড়ির উপরে সিজদায় লুটিয়ে পড়েন এবং সিজদার অবস্থায়ই তাঁর রূহ কব্য করা হয়। ইসহাক ইব্ন বিশর ওহাব ইব্ন মুনাবিহ সূত্রে বর্ণনা করেন, গ্রীষ্মকালে রৌদ্রতাপের মধ্যে লোকজন হ্যরত দাউদ (আ)-এর জানায়ায় শরীক হয়। সে দিন তাঁর জানায়ায় এত বেশী লোক সমাগম হয় যে, সাধারণ লোক ছাড়া কেবল যাজকদের সংখ্যাই ছিল চল্লিশ হাজার। এরা সবাই ছিল লস্বাটুপী (বুরনুস টুপী) পরিহিত। মূসা ও হারুন (আ)-এর পরে বনী ইসরাইলের মধ্যে কারো জন্যে দাউদ (আ)-এর জন্যে যে শোক-তাপ প্রকাশ করা হয়, তা আর কারো জন্যে করা হয়নি। জানায়ায় উপস্থিত লোকজন রৌদ্র তাপে কষ্ট পাচ্ছিল। তাই রৌদ্র থেকে বাঁচার জন্যে তারা সুলায়মান (আ)-কে

ব্যবস্থা গ্রহণের অনুরোধ জানায়। সুলায়মান (আ) বের হয়ে পক্ষীকুলকে আহ্বান করেন। পক্ষীকুল তাঁর আহ্বানে সাড়া দেয়। তিনি লোকদেরকে ছায়া দানের জন্যে তাদেরকে নির্দেশ দেন। ফলে পক্ষীকুল পরম্পর মিলিত হয়ে পাখা মেলে চারদিকে এমনভাবে ঘিরে দাঁড়াল যে, সে স্থানে বাতাস চলাচল বন্ধ হয়ে যায়। এমনকি লোকজন শ্বাসরোক্ত হয়ে মারা যাওয়ার উপক্রম হয়। তারা এ অবস্থা থেকে মুক্তি লাভের জন্যে চিৎকার করে সুলায়মান (আ)-কে ফরিয়াদ জানাল। সুলায়মান (আ) বের হয়ে পাখীদেরকে ডেকে বললেন, তোমরা সূর্যের তাপ যে দিক থেকে আসছে সে দিকে ছায়া দাও, আর যে দিক থেকে বায়ু প্রবাহিত হচ্ছে সে দিক থেকে সরে যাও। পাখীরা তাই করল। তখন লোকজন এক দিকে ছায়ার নীচে থাকে এবং অন্য দিকে তাদের উপর দিয়ে বাতাস প্রবাহিত হতে থাকে। এটাকেই মানুষ সুলায়মান (আ)-এর কর্তৃত্বের প্রথম নির্দর্শন হিসেবে দেখতে পায়। হাফিজ আবু ইয়া'লা.... আবুদ দারদা (রা) থেকে বর্ণনা করেন যে, রাসূলুল্লাহ (সা) বলেছেন : আল্লাহ হ্যরত দাউদ (আ)-কে তাঁর সংগীদের মাঝ থেকে তুলে নেন, তারা কোন ফির্তায় পতিত হয়নি এবং দাউদের দীনকেও পরিবর্তন করেনি ; আর মাসীহৰ শিষ্যরা তার বিধান ও প্রদর্শিত পথের উপর দু'শ বছর বহাল ছিল। এ হাদীস গরীব পর্যায়ের। এটা 'মারফু' কিনা এ ব্যাপারে সন্দেহ আছে। এর সন্দে ওয়াদীন ইব্ন 'আতা হাদীস বর্ণনায় দুর্বল।

## হ্যরত সুলায়মান (আ)

হাফিজ ইবন আসাকিরের বর্ণনা মতে, হ্যরত সুলায়মান (আ)-এর নসবনামা নিনম্মরূপ :  
সুলায়মান ইবন দাউদ ইবন ঈশা (إيشه) ইবন আবীদ (عويد) ইবন ‘আবির ইবন সালমুন  
ইবন নাহশুন ইবন ‘আমীনাদাব ইবন ইরাম ইবন হাসিরুন ইবন ফারিস ইবন ইয়াছ্যা ইবন  
ইয়াকুব ইবন ইসহাক ইবন ইবরাহীম। সুলায়মান (আ) ছিলেন নবীর পুত্র নবী। ইতিহাসের  
কোন কোন বর্ণনায় এসেছে যে, তিনি দামিশ্কে গিয়েছিলেন এবং ইবন খাবুলাও অনুরূপ নসব  
বর্ণনা করেন। সুলায়মান (আ) প্রসংগে আল্লাহ বলেন :

وَرِثَ سُلَيْمَانُ دَاؤَدَ وَقَالَ يَا إِيَّاهَا النَّاسُ عِلْمٌنَا مَنْطِقَ الطَّيْرِ وَأُوتِينَا  
مِنْ كُلِّ شَيْءٍ إِنَّ هَذَا لَهُ الْفَضْلُ الْمُبِينُ:

সুলায়মান হয়েছিল দাউদের উত্তরাধিকারী এবং সে বলেছিল, “হে মানুষ! আমাকে  
পক্ষীকুলের ভাষা শিক্ষা দেয়া হয়েছে এবং আমাকে সকল কিছু দেয়া হয়েছে। এটা অবশ্যই  
সুস্পষ্ট অনুগ্রহ”। (২৭ নামল : ১৭) অর্থাৎ তিনি পিতা দাউদের নবুওয়াত ও রাজত্বের  
উত্তরাধিকারী হন। এখানে সম্পদের উত্তরাধিকারী অর্থে বলা হয়নি। কেননা, সুলায়মান  
(আ) ব্যতীত হ্যরত দাউদ (আ)-এর আরও অনেক পুত্র ছিলেন, তাঁদেরকে বাদ দিয়ে  
গুরু সুলায়মানের নামে সম্পদের উল্লেখ করার কোন অর্থ হয় না। তা ছাড়া সহীহ  
হাদীসে বিভিন্ন স্ত্রে একদল সাহাবী থেকে বর্ণিত হয়েছে যে, রাসূলুল্লাহ (সা) বলেছেন :  
অর্থাৎ আমরা উত্তরাধিকারী রেখে যাই না, আমরা যা  
কিছু রেখে যাই তা সাদ্কা। আমরা বলতে এখানে নবীদের জামাআত বুঝানো হয়েছে। এ  
বাক্যে রাসূলুল্লাহ (সা) মানুষকে জানিয়েছেন যে, নবীদের রেখে যাওয়া বৈষয়িক সম্পদের কেউ  
উত্তরাধিকারী হয় না, যেমন অন্যদের ক্ষেত্রে হয়ে থাকে। এর দাবীদার নয়, বরং তা  
সাদকা-দুষ্টঃ ও গরীবদেরই প্রাপ্য। কেননা, দুনিয়ার সহায়-সম্পদ যেমন আল্লাহর নিকট তুচ্ছ ও  
নগণ্য, তেমনি তাঁর মনোনীত নবীগণের নিকটও তা’ মূল্যহীন ও গুরুত্বহীন। হ্যরত  
সুলায়মানের উক্তি — يَا إِيَّاهَا النَّاسُ عِلْمٌنَا مَنْطِقَ الطَّيْرِ — “হে মানুষ! আমাকে  
পক্ষীকুলের ভাষা শিক্ষা দেয়া হয়েছে। অর্থাৎ হ্যরত সুলায়মান (আ) পাখীদের ভাষা বুঝতেন,  
তারা শব্দ করে কি বুঝাতে চায়, তিনি মানুষকে তার ব্যাখ্যা বলতেন। হাফিজ আবু বকর  
পঞ্চাকী.... আবু মালিক থেকে বর্ণনা করেন যে, একদিন সুলায়মান (আ) কোথাও যাচ্ছিলেন,

পথে দেখেন একটা পুরুষ চড়ই পাখী আর একটা স্ত্রী চড়ই পাখীর পাশে ঘোরাঘুরি করছে। সুলায়মান (আ) তার সাথীদেরকে বললেন, তোমরা বুঝেছ কি? চড়ই পাখীটি কী বলছে? তারা বলল, হে আল্লাহর নবী! এরা কী বলছে? সুলায়মান (আ) বললেন, সে তার সাথে বিবাহের প্রস্তাব দিছে এবং বলছে তুমি আমাকে বিয়ে কর, তা হলে তোমাকে নিয়ে আমি দামিশকের প্রাসাদের যে কক্ষে চাও, সেখানে বসবাস করব। অতঃপর সুলায়মান (আ) এরপ বলার কারণ ব্যাখ্যা করলেন যে, দামিশকের প্রাসাদ সমৃহ শক্ত পাথর দ্বারা নির্মিত। তার মধ্যে কেউই বসবাস করতে পারে না, তবে বিবাহের প্রত্যেক প্রস্তাবকই মিথ্যা আশ্বাস দিয়ে থাকে। ইব্ন আসাকির .... বায়হাকী থেকে অনুরূপ বর্ণনা করেছেন। চড়ই ছাড়া অন্যান্য সকল জীব-জন্ম ও প্রাণীর ভাষাও তিনি বুঝতেন। এর প্রমাণ কুরআনের আয়াত **وَأُوتِينَا مِنْ كُلِّ شَيْءٍ** অর্থাৎ আমাকে সকল জিনিসের জ্ঞান দান করা হয়েছে। যা একজন বাদশাহের জন্যে প্রয়োজন অর্থাৎ দ্রব্য -সামগ্রী, অস্ত্র, আসবাব পত্র, সৈন্য-সামগ্র্য, জিন, ইনসান, বিহংগকুল, বন্য জন্ম, বিচরণকারী শয়তান, জ্ঞান-বিজ্ঞান, বাক ও নির্বাক জীবের অন্তরের খবর জানা ইত্যাদি। এরপর আল্লাহ বলেছেন —**إِنَّهَا لَهُ الْفَضْلُ الْمُبِينُ**— এটা সুস্পষ্ট অনুগ্রহ। অর্থাৎ এ সবই সৃষ্টিকূলের স্রষ্টা ও আসমান-যমীনের সৃষ্টিকর্তার পক্ষ থেকে দান। যেমন আল্লাহ বলেনঃ

وَحُسْنِ لِسْلِيمَانَ جُنُودُهُ مِنَ الْجِنِّ وَالْأَنْسِ وَالْطَّيْرِ فَهُمْ يُوزَعُونَ.  
 حَتَّىٰ إِذَا أَتَوْا عَلَىٰ وَادِ التَّمْلِ قَالَتْ نَمْلَةٌ يَأْيُهَا التَّمْلُ ادْخُلُوا مَسَاكِنَكُمْ  
 لَا يَحْطِمُنَّكُمْ سُلَيْমَانُ وَجُنُودُهُ وَهُمْ لَا يَشْعُرُونَ. فَتَبَسَّمَ ضَاحِكًا مِنْ قَوْلِهَا  
 وَقَالَ رَبِّ أَوْزَعْنِيْ أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَىٰ وَالَّذِي وَأَنْ  
 أَعْمَلَ صَالِحًا تَرْضَاهُ وَادْخِلْنِيْ بِرَحْمَتِكَ فِيْ عِبَادِ الصَّالِحِينَ.

—সুলায়মানের সম্মুখে সমবেত করা হল তার বাহিনীকে— জিন, মানুষ ও পক্ষীকুলকে এবং এগুলোকে বিন্যস্ত করা হল বিভিন্ন ব্যাহে। যখন ওরা পিপীলিকা অধ্যাষ্ঠিত উপত্যকায় পৌছল তখন একটি পিংপড়ে বলল, “হে পিংপড়ের দল! তোমরা তোমাদের ঘরে প্রবেশ কর, যেন সুলায়মান ও তাঁর বাহিনী অজ্ঞাতসারে তোমাদেরকে পদতলে পিষে না ফেলে।” তার কথা শুনে সুলায়মান মুচকি হেসে বলল, “হে আমার প্রতিপালক! তুমি আমাকে সামর্থ্য দাও, যাতে আমি তোমার প্রতি কৃতজ্ঞতা কাশ করতে পারি। আমার প্রতি ও আমার পিতা-মাতার প্রতি তুমি যে অনুগ্রহ করেছ, গর জন্যে এবং যাতে আমি সৎ কাজ করতে পারি, যা তুমি পছন্দ কর এবং তোমার অনুগ্রহে আমাকে তোমার সৎকর্মপরায়ণ বান্দাদের শামিল কর। (২৭ নাম্ল : ১৭-১৯)

উপরোক্ত আয়াতে আল্লাহ তাঁর বান্দা, নবী ও নবীপুত্র হ্যরত সুলায়মান ইব্ন দাউদ (আ) সম্পর্কে জানাচ্ছেন যে, একদা সুলায়মান তাঁর জিন, ইনসান ও পাখী বাহিনী নিয়ে অভিযানে রওয়ানা হন। জিন ও ইনসান তাঁর সাথে সাথে চলে, আর পাখীরা উপরে থেকে বৌদ্ধ ইত্যাদি

হতে ছায়া দান করে। এই তিনি বাহিনীর তদারকীরূপে নিযুক্ত ছিল একটি পর্যবেক্ষক দল। তারা প্রথম থেকে শেষ পর্যন্ত বাহিনীকে নিয়ন্ত্রণ করতো। ফলে কেউ তার নিজ অবস্থান থেকে আগে যেতে পারতো না। আল্লাহ বলেন :

حَتَّىٰ إِذَا أَتَوْا عَلَىٰ وَادِ النَّمْلِ قَالَتْ نَمْلَةٌ يَأْيُهَا النَّمْلُ ادْخُلُوا مَسَاكِنَكُمْ لَا يَحْطِمْنَكُمْ سُلَيْمَانٌ وَجُنُودُهُ وَهُمْ لَا يَشْعُرُونَ.

পিংপড়েটি সুলায়মান ও তাঁর বাহিনীর অঙ্গতসারে দুর্ঘটনার বিষয়ে পিংপড়ের দলকে সাবধান করে দিল। ওহাব ইব্ন মুনাবিহ বলেছেন, উক্ত ঘটনায় সুলায়মান (আ) তাঁর আসনে আসীন অবস্থায় তায়েফের একটি উপত্যকা অতিক্রম করছিলেন। ঐ পিংপড়েটির নাম ছিল জারাস এবং তার গোত্রের নাম বানুশ শায়তান। সে ছিল খোঁড়া এবং আকৃতিতে নেকড়ে বাঘের মত। কিন্তু এর কোন কথাই সমর্থনযোগ্য নয়। বরং এই ব্যাপারে প্রমাণ পাওয়া যায় যে, তিনি তাঁর অশ্বারোহী বাহিনীতে ঘোড় সওয়ার অবস্থায় ছিলেন; আসনে আসীন ছিলেন না। কেননা যদি তাই হত তাহলে পিংপড়ের কোন ভয় থাকতো না, তারা পদদলিত হত না। কারণ তখন আসনের উপরই তাঁর যাবতীয় প্রয়োজনীয় জিনিস, সৈন্য বাহিনী, অশ্ব-উদ্ধৃতি, যাবতীয় প্রয়োজনীয় পত্র, তাঁর চতুর্স্পদ জন্ম, পাথী ইত্যাদি সব কিছুই থাকত। এ বিষয়ে সামনে আরও বিস্তারিত আলোচনা করা হবে।

এখান থেকে শ্পষ্ট বুঝা যায় যে, পিংপড়েটি তার দলবলকে বুদ্ধিমত্তার সাথে যে সঠিক নির্দেশ দিয়েছিল হযরত সুলায়মান (আ)-তা বুঝেছিলেন এবং আনন্দে মুচকি হেসেছিলেন। কেননা, আল্লাহ কেবল তাঁকেই এ বৈশিষ্ট্য দান করেছিলেন, অন্য কাউকে করেননি। কিন্তু কতিপয় মূর্খ লোক বলেছে যে, সুলায়মান (আ)-এর পূর্বে জীব-জন্মের বাকশক্তি ছিল এবং মানুষের সাথে তারা কথা বলত। নবী হযরত সুলায়মান তাদের কথা বলা বন্ধ করে দেন, তাদের থেকে অংগীকার আদায় করেন এবং তাদের মুখে লাগাম পরিয়ে দেন। এরপর থেকে তারা আর মানুষের সাথে কথা বলতে পারে না। কিন্তু এরপ কথা কেবল অভরাই বলতে পারে। ঘটনা যদি এ রকমই হত তাহলে সুলায়মান (আ)-এর জন্যে এটা কোন বৈশিষ্ট্য হত না এবং অন্যদের তুলনায় তাঁর মাহাত্ম্য রূপে গণ্য হবে না। কেননা তাহলে তো সকল মানুষই জীব-জন্মের কথা বুঝতো। আর যদি তিনি অন্যদের সাথে কথা না বলার অংগীকার নিয়ে থাকেন এবং কেবল নিজেই বুঝবার পথ করে থাকেন, তাহলে এরপ বন্ধ রাখার মধ্যেও কোন মাহাত্ম্য নেই। তাই তিনি আরয় করলেন :

رَبِّ أَوْزِعْنِيْ أَنْ أَشْكُرَ نِعْمَتَكَ الَّتِيْ أَنْعَمْتَ عَلَيْهِ وَعَلَىٰ وَالْدِيْ وَأَنْ أَعْمَلَ صَالِحًا تَرْضَاهُ وَأَدْخِلْنِيْ بِرَحْمَتِكَ فِيْ عِبَادِكَ الصَّالِحِينَ.

হে আমার পালনকর্তা, তুমি আমাকে সামর্থ্য দাও, যাতে আমি তোমার সেই নিয়ামতের কৃতজ্ঞতা প্রকাশ করতে পারি, যা তুমি আমাকে ও আমার পিতা-মাতাকে দান করেছ এবং যাতে

আমি তোমার পছন্দবীয় সৎকর্ম করতে পারি এবং আমাকে নিজ অনুগ্রহে তোমার সৎকর্মপরায়ণ বান্দাদের অস্তর্ভুক্ত কর। أَرْ شَدْنِي الْهَمْنِيْ أُوْزْعَنْيٌ<sup>۱</sup> আমার অস্তরে প্রেরণা জাগিয়ে দিন এবং সঠিক পথ প্রদর্শন করুন। নবী আল্লাহর নিকট প্রার্থনা করছেন -তিনি যেন তাঁকে সেইসব নিয়ামতের কৃতজ্ঞতা প্রকাশের তওফীক দেন, যা তিনি তাঁকে দান করেছেন এবং যে সব বিষয়ে অন্যদের উপর তাঁকে বৈশিষ্ট্যমণ্ডিত করেছেন। এসব নিয়ামতের কৃতজ্ঞতা স্বরূপ তিনি সৎকর্ম করার তওফীক কামনা করছেন এবং মৃত্যুর পরে নেক বান্দাদের সাথে তাঁর হাশের যাতে হয় সেই প্রার্থনাও জানিয়েছেন। আল্লাহ তাঁর এ প্রার্থনা কবূলও করেছেন। হয়রত সুলায়মান (আ)-এর মাতা ছিলেন একজন ইবাদতকারী সৎকর্মশীল মহিলা। যেমন সুন্নায়দ ইব্ন দাউদ... জাবির (রা) থেকে বর্ণনা করেন, নবী করীম (সা) বলেন, সুলায়মান ইব্ন দাউদের মাতা বলেছিলেন, “হে প্রিয় বৎস! রাত্রে অধিক ঘুমিয়ো না, কেননা এ অভ্যাস মানুষকে কিয়ামতের দিন নিঃস্ব-দরিদ্র করে উঠাবে।” ইব্ন মাজাহ তাঁর চারজন উস্তাদ সূত্রে এ হাদীস বর্ণনা করেছেন।

আবদুর রায়্যাক মামারের সূত্রে যুহুরী থেকে বর্ণনা করেছেন : সুলায়মান ইব্ন দাউদ (আ) ও তাঁর সৈন্য বাহিনী একদা ইসতিস্কা নামায (বৃষ্টির জন্মে প্রার্থনার নামায) আদায় করার জন্য বের হন। পথে দেখলেন, একটি পিংপড়ে তার একটা পা উপরের দিকে উঠিয়ে বৃষ্টি কামনা করছে। এ দৃশ্য দেখে সুলায়মান (আ) সৈন্যদেরকে বললেন, “তোমরা ফিরে চল! তোমাদের উপর বৃষ্টি বর্ষিত হবে। কেননা এই পিংপড়েটি আল্লাহর কাছে বৃষ্টি কামনা করছে এবং তার প্রার্থনা মঞ্জুর হয়েছে।” ইব্ন আসাকির লিখেছেন, এ হাদীছ মারফু’ সনদেও বর্ণিত হয়েছে। অতঃপর আবদুর রায়্যাক মুহাম্মদ ইব্ন আয়ীয়ের সূত্রে ... আবু হুরায়রা (রা) থেকে বর্ণনা করেন যে, তিনি রাসূলুল্লাহ (সা)-কে বলতে শুনেছেন : আল্লাহর এক নবী একবার আল্লাহর কাছে বৃষ্টি কামনার উদ্দেশ্যে লোকজন সাথে নিয়ে বের হয়েছিলেন। পথে তারা দেখতে পান যে, একটি পিংপড়ে আকাশের দিকে তার একটি পা উঠিয়ে বৃষ্টি কামনা করছে। অতঃপর ঐ নবী তাঁর সংগীদেরকে বললেন, তোমরা ফিরে চল; কেননা এ পিংপড়েটির ওসীলায় তোমাদের জন্যেও বৃষ্টি মঞ্জুর হয়েছে। সুন্দীর বর্ণনায় অতিরিক্ত আছে, চলার পথে তাঁরা দেখলেন একটি পিংপড়ে দু-পায়ে দাঁড়িয়ে এবং দু-হাত মেলে এই দোয়া করছে, হে আল্লাহ! আমরা আপনারই সৃষ্টিকূলের মধ্যে একটি সৃষ্টি। আপনার অনুগ্রহ থেকে আমরা নিরাশ হইনি। অতঃপর আল্লাহ তাদের উপর বৃষ্টি বর্ষণ করেন। আল্লাহর বাণী :

وَتَفَقَّدَ الطَّيْرَ فَقَالَ مَا لِيْ لَا أَرَى الْهُدُدَ أَمْ كَانَ مِنَ الْغَيْبِيْنَ. لَا عِذْنَيْنَ  
عَذَابًا شَدِيدًا أَوْ لَا ذَبَحَتَهُ أَوْ لَيَاتِيَنَّ بِسُلْطَنِ مُبِينٍ. فَمَكَثَ غَيْرَ بَعِيدٍ  
فَقَالَ أَحَاطْتُ بِمَا لَمْ تُحِيطْ بِهِ وَجَئْتُكَ مِنْ سَبَأٍ بِنَبَأٍ يَقِينٍ. إِنِّي وَجَدْتُ  
اَمْرًا أَتَمْلِكُهُمْ وَأَوْتَيْتُ مِنْ كُلِّ شَيْءٍ وَلَهَا عَرْشٌ عَظِيمٌ. وَجَدْتُهَا وَقَوْمَهَا

يَسْجُدُونَ لِلشَّمْسِ مِنْ دُونِ اللَّهِ وَزَيْنَ لَهُمُ الشَّيْطَنُ أَعْمَالَهُمْ فَصَدَّهُمْ عَنِ  
السَّبِيلِ فَهُمْ لَا يَهْتَدُونَ. إِلَّا يَسْجُدُوا لِلَّهِ الَّذِي يُخْرِجُ الْخَبَأَ فِي السَّمَاوَاتِ  
وَالْأَرْضِ وَيَعْلَمُ مَا تُخْفُونَ وَمَا تُعْلِنُونَ. اللَّهُ لَا إِلَهَ إِلَّا هُوَ رَبُّ الْعَرْشِ  
الْعَظِيمِ. قَالَ سَنَنْظُرُ أَصَدَقْتَ أَمْ كُثْتَ مِنَ الْكَذَّابِينَ. اذْهَبْ بِكِتْبِيْ هَذَا  
فَأَلْقِهِ إِلَيْهِمْ ثُمَّ تَوَلَّ عَنْهُمْ فَانْظُرْ مَاذَا يَرْجِعُونَ. قَالَتْ يَا يَاهَا الْمَلَوْا إِنِّيْ  
أَقْرَى إِلَى كِتْبَ كَرِيمٍ. إِنَّهُ مِنْ سُلَيْمَانَ وَإِنَّهُ بِسْمِ اللَّهِ الرَّحْمَنِ الرَّحِيمِ. إِلَّا  
تَعْلُوْ عَلَى وَأَتُوْنِيْ مُسْلِمِيْنَ. قَالَتْ يَا يَاهَا الْمَلَوْا أَفْتُوْنِيْ فِيْ أَمْرِيْ مَا  
كُثْتُ قَاطِعَةً أَمْرًا حَتَّى تَشَهَّدُونَ. قَالُوا نَحْنُ أُولُوا قُوَّةٍ وَأُولُوا بَاسٍ  
شَدِيدٍ وَالْأَمْرُ إِلَيْكَ فَانْظُرْ مَاذَا تَأْمُرِيْنَ. قَالَتْ إِنَّ الْمُلُوكَ إِذَا دَخَلُوا  
قَرِيَّةً أَفْسَدُوهَا وَجَعَلُوا أَعْزَةَ أَهْلِهَا أَذْلَهُ وَكَذَّلِكَ يَفْعَلُونَ. وَإِنِّيْ مُرْسَلَةٌ  
إِلَيْهِمْ بِهَدِيَّةٍ فَنَظِرُهُ بِمَيْرَجِ الْمُرْسَلُونَ. فَلَمَّا جَاءَ سُلَيْمَانَ قَالَ أَتُمْدُونَنِ  
بِمَالِ فَمَا أَتَنِيَ اللَّهُ خَيْرٌ مِمَّا أَتَكُمْ - بَلْ أَنْتُمْ بِهَدِيَّتِكُمْ تَفَرَّحُونَ. ارْجِعْ  
إِلَيْهِمْ فَلَنَأْتِيَهُمْ بِجُنُودٍ لَا قِبَلَ لَهُمْ بِهَا وَلَنُخْرِجَنَّهُمْ مِنْهَا أَذْلَهُ وَهُمْ  
صَغِرُونَ.

সুলায়মান পক্ষীকুলের সন্ধান নিল এবং বলল, “ব্যাপার কি, হৃদ্ভৃদ্বকে দেখছি না যে! সে  
অনুপস্থিত না কি? সে উপযুক্ত কারণ না দর্শালে আমি অবশ্য ওকে কঠিন শাস্তি দিব অথবা  
যবেহ করব।” কিছুকালের মধ্যেই হৃদ্ভৃদ্ব এসে পড়ল এবং বলল, “আপনি যা অবগত নন আমি  
তা অবগত হয়েছি এবং ‘সাবা’ থেকে সুনিষ্ঠিত সংবাদ নিয়ে এসেছি। আমি এক নারীকে  
দেখলাম তাদের উপর রাজতৃ করছে। তাকে সকল কিছু হতে দেয়া হয়েছে এবং তার আছে এক  
বিরাট সিংহাসন। আমি তাকে ও তার সম্প্রদায়কে দেখলাম তারা আল্লাহর পরিবর্তে সূর্যকে  
সিজ্দা করছে। শয়তান ওদের কার্যাবলী ওদের নিকট শোভন করেছে এবং ওদেরকে সৎপথ  
থেকে নিবৃত করেছে: ফলে তারা সৎপথ পায় না; নিবৃত করেছে এ জন্যে যে, ওরা যেন সিজ্দা  
না করে আল্লাহকে, যিনি আকাশমণ্ডলী ও পৃথিবীর লুকায়িত বস্তুকে প্রকাশ করেন, যিনি জানেন,  
যা তোমরা গোপন কর এবং যা তোমরা ব্যক্ত কর। ‘আল্লাহ’ তিনি ব্যতীত কোন ইলাহ নেই।  
তিনি মহা আরশের অধিপতি।” সুলায়মান বলল, “আমি দেখব, তুমি কি সত্য বলেছ, না তুমি  
মিথ্যাবাদী? তুমি যাও আমার এ পত্র নিয়ে এবং এটা তাদের নিকট অর্পণ কর; এরপর তাদের

নিকট হতে সরে থেকো এবং লক্ষ্য করো তাদের প্রতিক্রিয়া কী?" সেই নারী বলল, "হে পারিষদবর্গ! আমাকে এক সম্মানিত পত্র দেয়া হয়েছে; এটা সুলায়মানের নিকট হতে এবং তা এই— দয়াময়, পরম দয়ালু আল্লাহর নামে, অহমিকা বশে আমাকে অমান্য করো না, এবং আনুগত্য স্বীকার করে আমার নিকট উপস্থিত হও।" সেই নারী বলল, "হে পারিষদবর্গ! আমার এ সমস্যায় তোমাদের অভিমত দাও। আমি কোন ব্যাপারে একান্ত সিদ্ধান্ত করি না তোমাদের উপস্থিতি ব্যতীত।" ওরা বলল, "আমরা তো শক্তিশালী ও কঠোর যোদ্ধা; তবে সিদ্ধান্ত গ্রহণের ক্ষমতা আপনারই, কী আদেশ করবেন তা আপনি ভেবে দেখুন।" সে বলল, "রাজা-বাদশাহ্রা যখন কোন জনপদে প্রবেশ করে তখন তাকে বিপর্যস্ত করে দেয় এবং সেখানকার মর্যাদাবান ব্যক্তিদেরকে অপদস্থ করে; এরাও এরপই করবে; আমি তাদের নিকট উপটোকন পাঠাচ্ছি; দেখি দৃতরা কী নিয়ে ফিরে আসে।" দৃত সুলায়মানের নিকট আসলে সুলায়মান বলল, "তোমরা কি আমাকে ধন-সম্পদ দিয়ে সাহায্য করছ? আল্লাহ আমাকে যা দিয়েছেন, তা তোমরা যা দিয়েছ হতে উৎকৃষ্ট অথচ তোমরা তোমাদের উপটোকন নিয়ে উৎফুল্ল বোধ করছ। ওদের নিকট ফিরে যাও, আমি অবশ্যই ওদের বিরুদ্ধে নিয়ে আসব এক সেনাবাহিনী, যার মুকাবিলা করার শক্তি ওদের নেই। আমি অবশ্যই ওদেরকে সেখান থেকে বহিক্ষাব করব লাঞ্ছিতভাবে এবং ওরা হবে অবনমিত।" (২৭ : ২০-৩৭)

উপরোক্ত আয়াতে আল্লাহ হ্যরত সুলায়মান (আ) ও হৃদ্ভুদ পাখীর ঘটনা উল্লেখ করেছেন। সফরকালে প্রত্যেক শ্রেণীর পাখীদের থেকে কিছু সংখ্যক সম্মুখভাগে থাকত। তারা সময় মত তাঁর নিকট উপস্থিত হত এবং তাদের থেকে তিনি প্রয়োজনীয় সংবাদ জেনে নিতেন। তারা পালাক্রমে তাঁর কাছে নামত-যেমনটি সেনাবাহিনী রাজা-বাদশাহর সাথে করে থাকে, পাখীর দায়িত্ব সম্পর্কে হ্যরত ইব্ন আবস (রা) প্রমুখ বলেন, কোন শূন্য প্রাত্তর অতিক্রমকালে সুলায়মান (আ) ও তাঁর সংগীরা যদি পানির অভাবে পড়তেন, তা'হলে সে স্থানে পানি কোথায় আছে, হৃদ্ভুদ আল্লাহ প্রদত্ত ক্ষমতা বলে তার সন্ধান দিত। মাটি নীচে কোন্ স্তরে পানি আছে হৃদ্ভুদ তা বলে দিতে পারত। সুতরাং যেখানে পানি আছে বলে সে নির্দেশ করত, সেখানকার মাটি খুঁড়ে সেখান থেকে পানি উত্তোলন করা হত এবং প্রয়োজন অনুযায়ী তা ব্যবহৃত হতো। একদা সুলায়মান (আ) সফরকালে হৃদ্ভুদের সন্ধান করেন, কিন্তু তাকে তার কর্মসূলে উপস্থিত পেলেন না। তখন তিনি বললেন :

مَالِيْ لَا أَرَى الْهُدْهُدَ أَمْ كَانَ مِنَ الْغَيْبِيْنَ.

ব্যাপার কি, হৃদ্ভুদকে দেখছি না যে! সে অনুপস্থিত না কি? অর্থাৎ হৃদ্ভুদের হল কি, সে কি এ দলের মধ্যেই নেই। না কি আমার দৃষ্টির আড়ালে রয়েছেঃ لَعْزَبَتْهُ عَذَابًا شَدِيدًا

—আমি অবশ্যই তাকে কঠিন শাস্তি দিব। হৃদ্ভুদকে তিনি কোন কঠিন শাস্তি দেয়ার প্রতিজ্ঞা করেন। শাস্তির প্রকার সম্পর্কে মুফাসিরগণ বিভিন্ন কথা বলেছেন; অথবা আমি তাকে যবেহ করব, অথবা যে আমার নিকট উপযুক্ত কারণ দর্শাবে। অর্থাৎ এমন যুক্তিপূর্ণ কারণ দর্শাতে হবে যা তাকে এ বিপদ থেকে রক্ষার উপযুক্ত হয়।

অল্পক্ষণের মধ্যে হৃদ্রুদ্র এসে পড়ল, অর্থাৎ হৃদ্রুদ্র বেশী দেরী না করেই চলে আসল এবং সুলায়মান (আ)-কে বলল, “আপনি যা অবগত নন আমি তা অবগত হয়েছি।” অর্থাৎ আমি এমন বিষয়ের সক্ষান্ত পেয়েছি যার সন্ধান আপনি জানেন না। এবং ‘সাবা’ থেকে সুনিশ্চিত সংবাদ নিয়ে এসেছি। অর্থাৎ সত্য সংবাদ। “আমি এক নারীকে দেখলাম তাদের উপর রাজতৃকরছে। তাকে সবকিছু থেকে দেয়া হয়েছে এবং তার আছে এক বিরাট সিংহাসন।” এখানে ইয়ামানের সাবা রাজন্যবর্গের অবস্থা, শান-শওকত ও রাজত্বের বিশালতার কথা উল্লেখ করা হয়েছে। সুলায়মান (আ)-এর যুগের সাবার রাজার কোন পুত্র সন্তান না থাকায় তার কন্যার উপর রাজ্য পরিচালনার দায়িত্ব ভার অর্পিত হয়।

ছাঁলাবীসহ অন্যান্য ইতিহাসবিদ লিখেছেন, বিলকীসের পিতার মৃত্যুর পর তার সম্পদায়ের লোকেরা একজন পুরুষ লোককে তাদের রাজা মনোনীত করে। কিন্তু তার অযোগ্যতার কারণে রাজ্যের সর্বত্র বিশ্বখলা ছড়িয়ে পড়ে। বিলকীস তখন কৌশলে সে রাজার কাছে নিজের বিবাহের প্রস্তাব পাঠালেন। ফলে রাজা তাঁকে বিবাহ করেন। বিলকীস স্বামী-গৃহে গিয়ে স্বামীকে মদ্য পান করতে দেন। রাজা যখন মদ পান করে মাতাল অবস্থায় ছিল তখন বিলকীস তার দেহ থেকে মাথা বিচ্ছিন্ন করে দরজার উপর লটকিয়ে দেন। জনগণ সেখানে উপস্থিত হয়ে এ দৃশ্য দেখতে পেয়ে বিলকীসকে সিংহাসনে বসায় এবং তাঁর প্রতি আনুগত্য প্রকাশ করে। বিলকীসের বৎশপঞ্জি নিম্নরূপঃ বিলকীস বিনত সীরাহ (ইনি হৃদহাদ, ১.হ ১) নামে পরিচিত, আবার কেউ কেউ একে শারাহীলও বলেছেন।) ইব্ন যীজাদান ইব্ন সীরাহ ইব্ন হারছ ইব্ন কায়স ইব্ন সায়ফী ইব্ন সাবা ইব্ন ইয়াশজাব ইব্ন ইয়ারাব ইব্ন কাহতান। বিলকীসের পিতা ছিলেন একজন বিখ্যাত রাজা। তিনি ইয়ামানের কোন নারীকে বিবাহ করতে অসীকৃতি জানান। কথিত আছে, তিনি একজন জিন মহিলাকে বিবাহ করেছিলেন। তার নাম ছিল রায়হানা বিনত সাকান। তার গর্ভে একটি মেয়ের জন্ম হয়। তার নাম রাখা হয় তালকামা। ইনিই বিলকীস নামে অভিহিত হন।

ছাঁলাবী ..... আবু হুরায়রা (রা) থেকে বর্ণনা করেন, রাসূলুল্লাহ (সা) বলেছেন : বিলকীসের পিতা-মাতার একজন ছিল জিন। হাদীসটি গরীব পর্যায়ের এবং এর সনদ দুর্বল। ছাঁলাবী ..... আবু বাকরা (রা) সূত্রে বর্ণনা করেন, তিনি বলেছেন, এক দিন রাসূলুল্লাহ (সা)-এর দরবারে বিলকীসের প্রসংগ নিয়ে আলোচনা উঠলে তিনি বললেন : ঐ জাতির কোন মংগল নেই, যারা তাদের কর্তৃত্ব কোন নারীর হাতে তুলে দেয়। এ হাদীসের এক রাবী ইসমাইল ইব্ন মুসলিম আল-মাক্কী দুর্বল। ইমাম বুখারী (র) ‘আওফ—হাসানের মাধ্যমে আবু বাকরা (রা) থেকে বর্ণনা করেন, রাসূলুল্লাহ (সা)-এর নিকট যখন এ সংবাদ পৌছল যে, পারস্যবাসীরা পারস্য সম্রাটের কন্যাকে তাদের সম্রাজ্ঞী বানিয়েছে, তখন তিনি বলেছিলেন : ঐ জাতির কল্যাণ হবে না যারা তাদের নেতৃত্ব কোন নারীর উপর ন্যাস্ত করে। (مرءاً) ইমাম তিরমিয়ী এবং নাসাইও হাদীসটি বর্ণনা করেছেন। তিরমিয়ী একে হাসান সহীহ পর্যায়ের বলে মন্তব্য করেছেন। আল্লাহর বাণী : “তাকে সবকিছু থেকে দেয়া হয়েছে।” অর্থাৎ বাদশাহের জন্যে যা কিছু প্রয়োজন তা তাঁকে দেয়া হয়েছিল। “এবং তার ছিল বিরাট

সিংহাসন।” অর্থাৎ বিলকীসের সিংহাসন ছিল স্বর্ণ, মনি-মুক্তা খচিত ও বিভিন্ন প্রকার মূল্যবান ও উজ্জ্বল ধাতু দ্বারা সু-সজ্জিত। এরপর আল্লাহ তা'আলা তাদের কুফরী, অবাধ্যতা, গোমরাহী, সূর্য-পূজা এবং শয়তান কর্তৃক পথভ্রষ্ট হওয়া এবং এক ও অদ্বিতীয় আল্লাহ'র ইবাদত থেকে দূরে রাখার কথা উল্লেখ করেছেন। অথচ আল্লাহ তো ঐ সত্তা যিনি আসমান ও যমীনের গোপনীয় বিষয়কে প্রকাশ করেন এবং তাদের প্রকাশ্য-অপ্রকাশ্য সকল বিষয়ে সম্যক অবগত আছেন।

আল্লাহ'র বাণী : **اللَّهُ أَكْبَرُ الْعَرْشُ الْعَظِيمُ** —আল্লাহ— তিনি ব্যতীত কোন ইলাহ নেই। তিনি মহা আরশের অধিপতি। অর্থাৎ আল্লাহ'র এত বড় বিশাল আরশ রয়েছে যে, সমগ্র সৃষ্টি জগতে এর চেয়ে বড় আর কিছুই নেই। যা হোক, এ সময় হ্যারত সুলায়মান (আ) হৃদহৃদ পাখীর নিকট একটি পত্র দিয়ে বিলকীসের নিকট পাঠান। চিঠিতে তিনি আল্লাহ ও তাঁর রাসূলের আনুগত্যের প্রতি আহ্বান জানান এবং বশ্যতা স্বীকার করে তাঁর কর্তৃত্ব ও রাজত্বের প্রতি আনুগত্য দেখানোর নির্দেশ দেন। এ আহ্বান ছিল বিলকীসের অধীনস্ত সকল প্রজাদের প্রতি। তাই তিনি লেখেন : “অহমিকা বশে আমাকে অমান্য করো না।” অর্থাৎ আমার আনুগত্য প্রত্যাখ্যান ও নির্দেশ অমান্য করো না। “এবং আনুগত্য স্বীকার করে আমার নিকট উপস্থিত হও।” এ কথা তোমাকে দ্বিতীয়বার বলা হবে না এবং কোন রকম অনুরোধও করা হবে না। অতঃপর হৃদহৃদ বিলকীসের নিকট চিঠি নিয়ে আসে। এ ঘটনার পর থেকে মানুষ চিঠির আদান-প্রদান করতে শিখে। কিন্তু সেই অনুগত, বিনয়ী বিচক্ষণ পাখীর আনীত চিঠির মূল্যের সাথে কি আর কোন চিঠির তুলনা করা চলে। বেশ কিছু মুফাস্সির ও ঐতিহাসিক লিখেছেন যে, হৃদহৃদ পাখী ঐ চিঠি নিয়ে বিলকীসের রাজ-প্রাসাদে তাঁর কক্ষে প্রবেশ করে এবং তার সামনে চিঠিটি রেখে দিয়ে একটু দূরে সরে গিয়ে অপেক্ষা করতে থাকে যে, বিলকীস এর কি উত্তর দেন। বিলকীস তার মন্ত্রীবর্গ, পারিষদবর্গ ও অমাত্যদের এক জরুরী পরামর্শ সভা আহ্বান করেন। “রাণী বিলকীস বলল, হে পারিষদবর্গ! আমাকে একটি সম্মানিত পত্র দেয়া হয়েছে।” তারপর তিনি চিঠির শিরোনাম পড়লেন যে, “এটা সুলায়মানের পক্ষ থেকে এবং তা এই অসীম দাতা, পরম দয়ালু আল্লাহ'র নামে শুরু। আমার মুকাবিলায় শক্তি প্রদর্শন করো না এবং বশ্যতা স্বীকার করে আমার কাছে উপস্থিত হও।”

অতঃপর রাণী সভাসদবর্গের সাথে পরামর্শ বসেন, সমস্যা সমাধানের উপায় নিয়ে আলোচনা করেন। সৌজন্য ও ভাব-গান্ধীর্যপূর্ণ পরিবেশে তাদের উদ্দেশ্যে বলেন : “হে পারিষদবর্গ! আমার এই সমস্যায় তোমাদের অভিযত দাও। তোমাদের উপস্থিতি ব্যতীরেকে আমি কোন সিদ্ধান্ত গ্রহণ করি না।” অর্থাৎ তোমাদের উপস্থিতি ও পরামর্শ ব্যতীত কোন গুরুত্বপূর্ণ বিষয়ে আমি একা কখনও চূড়ান্ত সিদ্ধান্ত গ্রহণ করি না। “তারা বলল, আমরা শক্তিশালী ও কঠোর যোদ্ধা, এখন সিদ্ধান্ত গ্রহণের ক্ষমতা আপনারই। অতএব, আপনি ভেবে দেখুন, আমাদেরকে কি আদেশ করবেন।” অর্থাৎ তারা বুঝাতে চাইল, আমরা দৈহিকভাবে, প্রশিক্ষণের দিক দিয়ে এবং সমরাত্মে শক্তিশালী, যুদ্ধে কঠোর ও অটুল, রণাঙ্গণে শৌর্যবীর্যশালী বীরদের মুকাবিলা করতে সক্ষম। অতএব, আপনি যদি মুকাবিলা করতে চান তবে আমরা তাতে সক্ষম। এভাবে তারা চূড়ান্ত সিদ্ধান্ত গ্রহণের দায়িত্ব রাণীর উপর ন্যস্ত করে, যাতে রাণী তার

নিজের ও জনগণের জন্যে যেটা মংগলজনক ও সঠিক মনে করেন, সেই পছ্টা অবলম্বন করতে পারেন। ফলে দেখা গেল, রাণী যে সিদ্ধান্ত দিলেন, সেটাই ছিল সঠিক ও যথার্থ। তিনি ঠিকই বুৰেছিলেন যে, এই চিঠির প্রেরককে পরাভৃত করা যাবে না, তাঁর বিরোধিতা করা সম্ভব হবে না। তাঁর প্রতিরোধ করা যাবে না এবং তাকে ধোকা দেওয়াও সম্ভব হবে না। রাণী বললেন : “রাজা-বাদশাহু যখন কোন জনপদে প্রবেশ করে তখন তাকে বিপর্যস্ত করে দেয় এবং সেখানকার সন্ত্রান্ত ব্যক্তিবর্গকে অপদস্থ করে। তারাও এরূপই করবে।” রাণী যথার্থ মতামতই ব্যক্ত করেছিলেন যে, এই বাদশাহ যদি আমাদের এ দেশ আক্রমণ করেন ও বিজয়ী হন তাহলে এর দায়-দায়িত্ব আমার উপরই বর্তাবে এবং সমস্ত ক্ষেত্র, হামলা ও প্রবল চাপ আমার উপরই আসবে। “আমি তাদের নিকট কিছু উপটোকন পাঠাচ্ছি, দেখি প্রেরিত লোকেরা কি জওয়াব আনে।”

বিলকীস চেয়েছিলেন তাঁর নিজের পক্ষ থেকে ও জনগণের পক্ষ থেকে সুলায়মান (আ)-এর নিকট উপটোকন পাঠাতে। তাঁরপর তিনি তা পাঠিয়েও দিয়েছিলেন : কিন্তু তাঁর জানা ছিল না যে, আল্লাহর নবী হ্যরত সুলায়মান (আ) তা’ গ্রহণ করবেন না। কেননা রাণীর জনগণ ছিল কাফির। আর নবী ও তাঁর সৈন্যবাহিনী এই কাফির গোষ্ঠীকে পরাভৃত করতে সক্ষম ছিলেন। তাই যখন দৃত সুলায়মানের কাছে আগমন করল, তখন সুলায়মান বলল, “তোমরা কি ধন-সম্পদ দ্বারা আমাকে সাহায্য করতে চাও? আল্লাহ আমাকে যা দিয়েছেন, তা তোমাদেরকে প্রদত্ত বস্তু থেকে উত্তম। বরং তোমরাই তোমাদের উপটোকন নিয়ে সুখে থাক।” রাণী বিলকীস যে উপটোকন সামগ্রী পাঠিয়েছিলেন, তা ছিল পরিমাণে প্রচুর এবং মহা মূল্যবান দ্রব্য সম্ভার। মুফাস্সিমীনে কিরাম এর বিস্তারিত বিবরণ দিয়েছেন। অতঃপর সুলায়মান (আ) দরবারে উপস্থিত লোকজনের সম্মুখে উপটোকন বহনকারী দৃত ও প্রতিনিধি দলকে লক্ষ্য করে বলেন : “ফিরে যাও তাদের কাছে। এখন অবশ্যই আমি তাদের বিরুদ্ধে এমন এক সৈন্যবাহিনী নিয়ে আসব, যার মুকাবিলা করার শক্তি তাদের নেই। আমি অবশ্যই তাদেরকে অপদস্থ করে সেখান থেকে বহিষ্কার করব এবং তারা হবে লাঞ্ছিত।” দৃতকে বলা হচ্ছে যে, যেসব উপটোকন আমার কাছে এনেছ তা নিয়ে তুমি ফিরে যাও : কেননা, আল্লাহ আমাকে যে ধন-সম্পদ নিয়ামত হিসেবে দান করেছেন, তা এ উপটোকন যা নিয়ে তোমরা গৌরব ও অহংকারবোধ করছ। তাঁর তুলনায় অনেক বেশী এবং উৎকৃষ্ট। “আমি অবশ্যই ওদের বিরুদ্ধে নিয়ে আসব এক সৈন্য বাহিনী, যার মুকাবিলার শক্তি ওদের নেই।” অর্থাৎ আমি তাদের বিরুদ্ধে এমন সেনাদল পাঠাব যাদেরকে প্রতিহত করার, প্রতিরোধ গড়ে তোলার ও যাদের বিরুদ্ধে লড়াই করার ক্ষমতা তাদের নেই এবং আমি তাদেরকে তাদের বাড়ি-ঘর, শহর, তাদের লেনদেন ও দেশ থেকে অপদস্থ করে বহিষ্কার করব। “এবং ওরা হবে লাঞ্ছিত।” অর্থাৎ তারা হবে লাঞ্ছিত, অপমানিত ও ঘণ্টিত।

রাণী বিলকীসের রাজ্যের জনগণ যখন সুলায়মান (আ)-এর ঘোষণা জানতে পারল, তখন নবীর আনুগত্য ও বশ্যতা স্বীকার করা ছাড়া তাদের আর কোন উপায় ছিল না। সুতরাং তারা সেই মুহূর্তে নবীর ডাকে সাড়া দেয়ার জন্যে রাণীর নিকট এসে সমবেত হল ও বিনয়ের সাথে

তাঁর আনুগত্য করে যাওয়ার অংগীকার ব্যক্ত করল। সুলায়মান (আ) যখন তাদের আগমনের ও প্রতিনিধি দল প্রেরণের সংবাদ শুনলেন তখন তাঁর অনুগত এক জিনকে বললেন :

قَالَ يَا يَهُا الْمَلَوْا أَيُّكُمْ يَأْنِيْنِيْ بِعَرْشِهَا قَبْلَ أَنْ يَأْتُونِيْ مُسْلِمِيْنَ. قَالَ عَفْرِيْتُ مِنَ الْجِنِّ أَنَا أَتِيْكَ بِهِ قَبْلَ أَنْ تَقْوُمَ مِنْ مَقَامِكَ وَأَنِّي عَلَيْهِ لَقَوْيٌ أَمِيْنَ. قَالَ الَّذِيْ عِنْدَهُ عِلْمٌ مِنَ الْكِتَبِ أَنَا أَتِيْكَ بِهِ قَبْلَ أَنْ يَرْتَدَ إِلَيْكَ طَرْفُكَ - فَلَمَّا رَأَهُ مُسْتَقْرِراً عِنْدَهُ قَالَ هَذَا مِنْ فَضْلِ رَبِّيْ لِيَبْلُوْنِيْ أَشْكُرُ أَمْ أَكْفُرُ - وَمَنْ شَكَرَ فَإِنَّمَا يَشْكُرُ لِنَفْسِهِ وَمَنْ كَفَرَ فَإِنَّ رَبَّيْ غَنِيْ كَرِيمُ. قَالَ نَكِرُوا لَهَا عَرْشَهَا نَتَظَرُ أَتْهَدِيْ أَمْ تَكُونُ مِنَ الدِّيْنِ لَا يَهْتَدُونَ . فَلَمَّا جَاءَتْ قِيلْ أَهْكَدَا عَرْشُكَ . قَالَتْ كَانَهُ هُوَ . وَأُوتِيْنَا الْعِلْمَ مِنْ قَبْلِهَا وَكُنَّا مُسْلِمِيْنَ . وَصَدَهَا مَا كَانَتْ تَعْبُدُ مِنْ دُونِ اللَّهِ - إِنَّهَا كَانَتْ مِنْ قَوْمٍ كُفَّارِيْنَ . قِيلَ لَهَا ادْخُلِي الصَّرَحَ - فَلَمَّا رَأَتْهُ حَسِبَتْهُ لُجَّةً وَكَشَفَتْ عَنْ سَاقِيْهَا - قَالَ إِنَّهُ صَرَحٌ مُمَرَّدٌ مِنْ قَوَابِيْرِ - قَالَتْ رَبِّيْ ظَلَمْتُ نَفْسِيْ وَأَسْلَمْتُ مَعَ سَلِيمِنَ لِلَّهِ رَبِّ الْعَلَمِيْنَ .

—সুলায়মান আরো বলল, হে আমার পারিষদবর্গ! তারা আস্বাসমর্পণ করে আমার নিকট আসার পূর্বে তোমাদের মধ্যে কে তার সিংহাসন আমার নিকট নিয়ে আসবে? এক শক্তিশালী জিন বলল, “আপনি আপনার স্থান থেকে উঠার পূর্বে আমি তা’ এনে দেব এবং এ ব্যাপারে আমি অবশ্যই ক্ষমতাবান, বিশ্বস্ত।” কিতাবের জ্ঞান যার ছিল, সে বলল, “আপনি চোখের পলক ফেলার পূর্বেই আমি তা’ আপনাকে এনে দিব।” সুলায়মান যখন তা সম্মুখে রাখিত অবস্থায় দেখল তখন সে বলল, এটা আমার প্রতিপালকের অনুগ্রহ, যাতে তিনি আমাকে পরীক্ষা করতে পারেন, আমি কৃতজ্ঞ না অকৃতজ্ঞ। যে কৃতজ্ঞতা প্রকাশ করে, সে তো কৃতজ্ঞতা প্রকাশ করে নিজের কল্যাণের জন্যে এবং যে অকৃতজ্ঞ, সে জেনে রাখুক যে, আমার প্রতিপালক অভাবমুক্ত, মহানুভব। সুলায়মান বলল, তার সিংহাসনের আকৃতি অপরিচিত করে বদলিয়ে দাও; দেখি সে সঠিক দিশা পায়- না সে বিভ্রান্তদের শমিল হয়? সেই নারী যখন আসল : তখন তাকে জিজেস করা হল, “তোমার সিংহাসন কি এরূপই?” সে বলল, এতো যেন তাই! আমাদেরকে ইতি পূর্বেই প্রকৃত জ্ঞান দান করা হয়েছে এবং আমরা আস্বাসমর্পণও করেছি। আল্লাহব পরিবর্তে সে যার পূজা করত, তা-ই তাকে সত্য হতে নিষ্পত্ত করেছিল, সে ছিল কাফির সম্প্রদায়ের অন্তর্ভুক্ত। তাকে বলা হল, এই প্রাসাদে প্রবেশ কর। যখন সে তা দেখল তখন সে ওটাকে এক গভীর জলাশয় মনে করল এবং সে তার পদময় (পায়ের গোছা) অনাবৃত করল; সুলায়মান বলল, এতো স্বচ্ছ স্ফটিক খণ্ডিত প্রাসাদ। সেই নারী বলল, “হে আমার প্রতিপালক! আমি তো নিজের

প্রতি জুলুম করেছিলাম। আমি সুলায়মানের সহিত জগতসমূহের প্রতিপালক আল্লাহর নিকট আত্মসমর্পণ করছি।” (২৭ নামল : ৩৮-৮৮)

রাণী বিলকীস যে সিংহাসনের উপর বসে রাজ্য পরিচালনা করতেন, ঐ সিংহাসনটি বিলকীসের আগমনের পূর্বেই সুলায়মান (আ)-এর দরবারে হাজির করার জন্যে তিনি যখন জিনদেরকে আহ্বান করেন তখন এক শক্তিশালী জিন্ বলল : قَالَ عَفْرِيْتُ مِنَ الْجِنِّ أَنَّا  
قَبْلَ أَنْ تَقُومَ مِنْ مَقَامِكَ “আপনি আপনার স্থান থেকে উঠবার পূর্বেই আমি তা এনে দেব।”

অর্থাৎ আপনার মজলিস শেষ হবার পূর্বেই আমি তা হাজির করে দেব। কথিত আছে, সুলায়মান (আ) বনী-ইসরাইলের বিভিন্ন সমস্যা সমাধানকল্পে দিনের প্রথম থেকে দুপুরের পূর্ব পর্যন্ত মজলিস করতেন। وَأَنِّي عَلَيْهِ لَقَوْيٌ أَمِينٌ .“এবং এ ব্যাপারে আমি অবশ্যই ক্ষমতাবান, বিশ্বস্ত।” অর্থাৎ উক্ত সিংহাসন আপনার কাছে উপস্থিত করে দিতে আমি সক্ষম এবং তাতে যে সব মূল্যবান মনি-মুক্তা রয়েছে তা যথাযথভাবে আপনার কাছে বুঝিয়ে দেয়ার ব্যাপারে আমি বিশ্বস্ততার পরিচয় দেব। — قَالَ الَّذِي عِنْدَهُ عِلْمٌ مِنَ الْكِتَابِ “কিতাবের জ্ঞান যার ছিল, সে বলল।” এই উক্তিকারীর নাম আর্সফ ইব্ন বারাখীর্যা বলে প্রসিদ্ধি রয়েছে। ইনি ছিলেন হ্যরত সুলায়মান (আ)-এর খালাত ভাই। কেউ কেউ বলেন, ইনি ছিলেন একজন মু'মিন জিন্। কথিত আছে যে, ইস্মে আ'জম এই জিনের কঠস্থ ছিল। আবার কেউ কেউ বলেছেন, এই ব্যক্তি ছিলেন বনী-ইসরাইলের একজন বিখ্যাত আলিম। কেউ কেউ বলেছেন, ইনি স্বয়ং হ্যরত সুলায়মান (আ)। কিন্তু এ মতটি অত্যন্ত দুর্বল। সুহায়লী এ মতকে দুর্বল আখ্যায়িত করে বলেন যে, বাক্যের পূর্বাপর এ কথাকে আদো সমর্থন করে না। চতুর্থ আরও একটি মত আছে যে, তিনি হ্যরত জিবরাইল (আ)।

“আপনি চোখের পলক ফেলার পূর্বেই আমি তা আপনাকে এনে দেব।” এ কথার ব্যাখ্যায় বিভিন্ন জন বিভিন্ন মত প্রকাশ করেছেন যেমন : (১) যমীনের উপরে আপনার দৃষ্টির শেষ সীমা পর্যন্ত একজন লোকের যেতে ও ফিরে আসতে যত সময় লাগবে, এই সময়ের পূর্বে আমি নিয়ে আসব; (২) দৃষ্টি সীমার মধ্যে সবচেয়ে দূরবর্তী একটি লোকের হেঁটে এসে আপনার কাছে পৌঁছতে যে সময় লাগবে, এই সময়ের পূর্বে; (৩) আপনি পলক বিহীন একটানা দৃষ্টিপাত করতে থাকলে চক্ষু ক্লান্ত হয়ে যখন চোখের পাতা বন্ধ হয়ে আসবে তার পূর্বে; (৪) আপনি সম্মুখপানে সর্ব দূরে দৃষ্টিপাত করে পুনরায় দৃষ্টি নিজের কাছে ফিরিয়ে এনে চক্ষু বন্ধ করার পূর্বে। উল্লেখিত মতামতের মধ্যে এই সর্বশেষ মতটি অধিক যথার্থ বলে মনে হয়। “সুলায়মান যখন তা’ সম্মুখে রক্ষিত অবস্থায় দেখলেন” অর্থাৎ হ্যরত সুলায়মান (আ) বিলকীসের সিংহাসনকে যখন চোখের পলকের মধ্যে সুদূর ইয়ামান থেকে বায়তুল মুকাদ্দাসে উপস্থিত দেখতে পেলেন, “তখন সে বলল, এটা আমার প্রতিপালকের অনুগ্রহ, যাতে তিনি আমাকে পরীক্ষা করতে পারেন, আমি কৃতজ্ঞ, না অকৃতজ্ঞ।” অর্থাৎ এটা আল্লাহর পক্ষ থেকে আমার প্রতি অনুগ্রহ বিশেষ। আর বান্দাহ্র উপর তাঁর অনুগ্রহের উদ্দেশ্য হল তাকে পরীক্ষা করা যে,

সে এ অনুগ্রহ পেয়ে আল্লাহর কৃতজ্ঞতা প্রকাশ করে, না অকৃতজ্ঞ হয়। “যে কৃতজ্ঞতা প্রকাশ করে, সে তা করে নিজের কল্যাণের জন্যে।” অর্থাৎ কৃতজ্ঞতা প্রকাশের শুভ ফল তারই কাছে ফিরে আসে। “এবং যে অকৃতজ্ঞ, সে জেনে রাখুক যে, আমার প্রতিপালক অভাবমুক্ত, মহানুভব।” অর্থাৎ আল্লাহ কৃতজ্ঞতা প্রকাশকারীর কৃতজ্ঞতার মুখ্যপেক্ষী নন এবং অকৃতজ্ঞদের অকৃতজ্ঞতায় তাঁর কোনই ক্ষতি নেই।

অতঃপর সুলায়মান (আ) বিলকীসের এ সিংহাসনের কারুকার্য পরিবর্তন করে দিতে ও আকৃতি বদলিয়ে দিতে নির্দেশ দেন। উদ্দেশ্য ছিল, এর দ্বারা বিলকীসের জ্ঞান-বুদ্ধি পরীক্ষা করা। তাই তিনি বললেন : “দেখি, সে সঠিক দিশা পায় নাকি সে বিভাস্তদের শামিল হয়?” সে নারী যখন আসল, তখন তাকে জিজেস করা হল, তোমার সিংহাসন কি এরূপই? সে বলল, “এটা তো যেন তাই।” অর্থাৎ এটা ছিল তার বুদ্ধিমত্তা ও গভীর জ্ঞানের পরিচয়। কারণ এ সিংহাসন তার না হয়ে অন্যের হওয়া তার কাছে অসম্ভব মনে হচ্ছিল। কেননা, এটা সেই নির্মাণ করিয়েছে এবং দীর্ঘ দিন একে ইয়ামানে প্রত্যক্ষ করেছে। তার ধারণা ছিল না যে, এ ধরনের আশ্চর্য কারু-কার্য খচিত মূল্যবান সিংহাসন অন্য কেউ কানাতে পারে।

অতঃপর আল্লাহ তা'আলা সুলায়মান (আ) ও তার সম্প্রদায়ের সংবাদ দিয়ে বলছেন : “আমাদেরকে ইতিপূর্বেই প্রকৃত জ্ঞান দান করা হয়েছে এবং আমরা আত্মসমর্পণও করেছি। আল্লাহর পরিবর্তে সে যার পূজা করত তা-ই তাকে সত্য থেকে নিবৃত্ত করেছিল, সে ছিল কাফির সম্প্রদায়ের অস্তর্ভুক্ত।” অর্থাৎ বিলকীস ও তার সম্প্রদায়ের লোকেরা পূর্ব-পুরুষদের অক্ষ অনুকরণে আল্লাহকে বাদ দিয়ে সূর্যের পূজা করত। এই সূর্য-পূজাই তাদেরকে আল্লাহর সত্য পথ থেকে দূরে সরিয়ে রেখেছিল। অথচ সূর্য পূজার পক্ষে তাদের কাছে কোন দলীল-প্রমাণ কিছুই ছিল না। হ্যরত সুলায়মান (আ) জিন্দের দ্বারা একটি কাঁচের প্রাসাদ নির্মাণ করেছিলেন। প্রাসাদে যাওয়ার পথে তিনি একটি গভীর জলাশয় তৈরি করেন। জলাশয়ে মাছ ও অন্যান্য জলজ প্রাণী ছাড়েন। তারপর জলাশয়ের উপরে ছাদমুরপ স্থচ্ছ কাঁচের আবরণ নির্মাণ করেন। তারপর হ্যরত সুলায়মান তাঁর সিংহাসনের উপর উপবিষ্ট থেকে বিলকীসকে ঐ প্রাসাদে প্রবেশ করার আদেশ দেন।

“যখন সে তা দেখল তখন সে এটাকে এক গভীর জলাশয় মনে করল এবং সে তার পদব্য অনাবৃত করল। সুলায়মান বলল, এ তো স্বচ্ছ ক্ষুটিক মণিত প্রাসাদ! সেই নারী বলল, হে আমার প্রতিপালক! আমি তো নিজের প্রতি জুলুম করেছিলাম, আমি সুলায়মানের সাথে জগতসমূহের প্রতিপালক আল্লাহর নিকট আত্মসমর্পণ করছি।” কথিত আছে, বিলকীসের পায়ের গোছায় লম্বা লম্বা পশম ছিল। জিন্না চেয়েছিল এই পশম কোন উপায়ে সুলায়মানের সামনে প্রকাশ পাক এবং তা দেখে সুলায়মানের মনে ঘৃণা জন্মুক। জিন্দের এরূপ করার কারণ ছিল, বিলকীসের মা ছিল জিন। এখন সুলায়মান যদি বিলকীসকে বিবাহ করেন তা হলে সুলায়মানের সাথে বিলকীসও জিন্দের উপর প্রভুত্ব বিস্তার করবে বলে তারা আশংকা করছিল। কেউ কেউ বলেছেন, বিলকীসের পায়ের পাতা ছিল পশুর ক্ষুরের ন্যায়। এ মতটি অত্যন্ত দুর্বল, প্রথম মতটি সন্দেহমুক্ত নয়। কথিত আছে, হ্যরত সুলায়মান (আ) যখন বিলকীসকে বিবাহ করার

সিদ্ধান্ত নেন, তখন তার পায়ের পশম ফেলে দেয়ার উদ্যোগ গ্রহণ করেন। এ ব্যাপারে তিনি মানুষের পরামর্শ নেন। তারা ক্ষুর ব্যবহারের প্রস্তাৱ দেয়। বিলকীস এতে অসম্মতি প্রকাশ করেন। এরপর তিনি জিন্দেরকে জিজ্ঞেস করেন। তারা সুলায়মান (আ)-এর জন্যে চূনা তৈরি করে এবং একটা হাস্মানখানা নির্মাণ করে। এর পূর্বে মানুষ হাস্মানখানা কি, তা বুঝতো না। তিনিই সর্বপ্রথম হাস্মানখানা তৈরি করেন ও ব্যবহার করেন। সুলায়মান (আ) হাস্মানখানায় প্রবেশ করে চূণ দেখতে পান এবং পরীক্ষামূলকভাবে তা স্পর্শ করেন। স্পর্শ করতেই চূণের ঝাঁজে উহঃ বলে উঠেন; কিন্তু তার এ উহঃতে কোন কাজ হয়নি। তিবরানী এ ঘটনা রাসূল (সা) থেকে (মারফু' ভাবে) বর্ণনা করেছেন। কিন্তু তা সমর্থনযোগ্য নয়।

ছালাবী প্রমুখ লিখেছেন যে, সুলায়মান (আ) বিলকীসের সাথে পরিণয় সূত্রে আবদ্ধ হন এবং তাঁর রাজত্ব বহাল রেখে তাঁকে ইয়ামানে পাঠিয়ে দেন। তিনি প্রতি মাসে একবার করে ইয়ামানে গমন করতেন এবং তিনি দিন বিলকীসের কাছে থেকে পুনরায় চলে আসতেন। যাতায়াতে তিনি তাঁর সেই বিখ্যাত আসনটি ব্যবহার করতেন। তিনি জিন্দের দ্বারা ইয়ামানে তিনটি অনুপম প্রাসাদ নির্মাণ করিয়ে দেন। প্রাসাদ তিনটির নাম গামদান, সালিহীন ও বায়তুন। কিন্তু মুহাম্মাদ ইব্ন ইসহাক ..... ওহাব ইব্ন মুনাবিহ থেকে বর্ণনা করেন যে, সুলায়মান (আ) বিলকীসকে নিজে বিবাহ করেন নি। বরং তাঁকে তিনি হামাদানের বাদশাহৰ সাথে বিবাহ করিয়ে দেন এবং বিলকীসকে ইয়ামানের রাজত্বে বহাল রাখেন। এরপর তিনি জিন্দের বাদশাহ যুবি'আকে তাঁর অনুগত করে দেন। সে তথায় উপরোক্ষিত প্রাসাদ তিনটি নির্মাণ করে। তবে প্রথম বর্ণনাটিই অধিক প্রমিদ্ধ।

হযরত সুলায়মান (আ) প্রসংগে সূরা 'সাদ'-এ আল্লাহর বাণী :

وَهَبْنَا لِدَاؤْدَ سُلَيْمَنَ . نَعْمَ الْعَبْدُ أَنَّهُ أَوَّابٌ . إِذْ عُرِضَ عَلَيْهِ بِالْعُشَيْرِ  
الصَّفَنَتُ الْجِيَادُ . فَقَالَ أَنِّي أَحْبَبْتُ حُبَّ الْخَيْرِ عَنْ ذِكْرِ رَبِّيِّ . حَتَّى  
تَوَارَتْ بِالْحِجَابِ . رُدُّوهَا عَلَىٰ . فَطَفِقَ مَسْحًا بِالسُّوقِ وَالْأَعْنَاقِ . وَلَقَدْ  
فَتَنَّا سُلَيْمَنَ وَالْقَيْنَانَ عَلَىٰ كُرْسِيِّهِ جَسَدًا ثُمَّ أَنَابَ . قَالَ رَبُّ اغْفِرْلِيْ وَهَبْ  
لِيْ مُلْكًا لَا يَتَبَغِي لِأَحَدٍ مِّنْ بَعْدِيْ . إِنَّكَ أَنْتَ الْوَهَابُ . فَسَخَرْنَا لَهُ الرِّيحُ  
تَجْرِيْ بِأَمْرِهِ رُخَاءً حَيْثُ أَصَابَ . وَالشَّيْطَانُ كُلُّ بَنَاءٍ وَغَوَّاصٍ . وَآخَرِينَ  
مُقْرَنِيْنَ فِي الْأَصْفَادِ . هَذَا عَطَاؤُنَا فَامْنُنْ أَوْ أَمْسِكْ بِغَيْرِ حِسَابٍ . وَإِنَّ لَهُ  
عِنْدَنَا لِزْلْفِيْ وَحُسْنَ مَابِ .

—আমি দাউদকে দান করলাম সুলায়মান। সে ছিল উত্তম বান্দা এবং সে ছিল অতিশয় আল্লাহ অভিমুখী। যখন অপরাহ্নে তার সমুখে ধাবনোদ্যত উৎকৃষ্ট অশ্বরাজিকে উপস্থিত করা হল, তখন সে বলল, 'আমি তো আমার প্রতিপালকের স্মরণ হতে বিমুখ হয়ে সম্পদ প্রীতিতে

মগ্ন হয়ে পড়েছি, এ দিকে সূর্য অস্তমিত হয়ে গিয়েছে। এগুলোকে পুনরায় আমার সম্মুখে আনয়ন কর। তারপর সে এগুলোর পদ ও গলদেশ ছেদন করতে লাগল। আমি সুলায়মানকে পরীক্ষা করলাম এবং তার আসনের উপর রাখলাম একটি ধড়: তারপর সুলায়মান আমার অভিমুখী হল। সে বলল, হে আমার প্রতিপালক! আমাকে ক্ষমা কর এবং আমাকে দান কর এমন এক রাজ্য, যার অধিকারী আমি ছাড়া কেউ না হয়। তুমি তো পরম দাতা। তখন আমি তার অধীন করে ছিলাম বাযুকে, যা তার আদেশে, সে যেখানে ইচ্ছে করত সেথায় মৃদুমন্দ গতিতে প্রবাহিত হত এবং শয়তানদেরকে, যারা সকলেই ছিল প্রাসাদ নির্মাণকারী ও ঢুবুরী, এবং শৃঙ্খলে আবদ্ধ আরও অনেককে। এসব আমার অনুগ্রহ, এ থেকে তুমি অনাকে দিতে অথবা নিজে রাখতে পার। এর জন্যে তোমাকে হিসেব দিতে হবে না। এবং আমার নিকট রয়েছে তার জন্যে নৈকট্যের মর্যাদা ও শুভ পরিণাম। (৩৮ সাদ : ৩০-৪০)

এ আয়তগুলোতে আল্লাহ এ কথা উল্লেখ করছেন যে, তিনি দাউদকে পুত্র হিসেবে সুলায়মানকে দান করেছেন। এরপর সুলায়মানের প্রশংসায় বলেছেন, “সে ছিল উত্তম বান্দা এবং সে ছিল অতিশয় আল্লাহ অভিমুখী।” অতঃপর আল্লাহ হ্যরত সুলায়মান ও তাঁর উৎকৃষ্ট, শক্তিশালী অশ্ব সম্পর্কিত ঘটনার উল্লেখ করেছেন। صَافِنْتْ বা দ্রুতগামী অশ্ব বলতে ঐসব শক্তিশালী অশ্বকে বুঝানো হয়েছে, যেগুলো তিনি পার্যের উপর দাঁড়ায় এবং চতুর্থ পায়ের একাংশের উপর ভর করে দাঁড়ায়।

অর্থ প্রশিক্ষণগ্রাণ্ড দ্রুতগামী অশ্ব جبار  
স্মরণ থেকে বিমুখ হয়ে সম্পদ প্রীতিতে মগ্ন হয়ে পড়েছি, এদিকে সূর্য অস্তমিত হয়ে গিয়েছে।” কেউ কেউ এর অর্থ করেছেন, ঘোড়া চোখের আড়ালে চলে গিয়েছে। “এগুলোকে পুনরায় আমার সম্মুখে আনয়ন কর। অতঃপর সে এগুলোর পদ ও গলদেশ ছেদন করতে লাগল।” এ কথার দু’রকম তাফসীর করা হয়েছিল। প্রথম মতে অর্থ হল, তিনি তরবারী দ্বারা ঘাড়ের রং ও গলদেশ কেটে দিয়েছেন। দ্বিতীয় মতে অর্থ হল, ঘোড়াগুলোকে প্রতিযোগিতা করানোর পর ওগুলোকে ফিরিয়ে এনে তিনি ওগুলোর ঘাম মুছে দেন। অধিকাংশ আলিম প্রথম মত সমর্থন করেন। তাঁরা বলেছেন, হ্যরত সুলায়মান (আ) অশ্বরাজি পরিদর্শন করার কাজে লিঙ্গ থাকায় আসরের নামাযের সময় অতিবাহিত হয়ে যায় এবং সূর্য অস্তমিত হয়। হ্যরত আলীসহ কতিপয় সাহাবী থেকে একুপ বর্ণিত হয়েছে। কিন্তু এই বক্তব্যের উপর আপত্তি তোলা যায় যে, তিনি ওয়র ব্যতীত কখনও ইচ্ছাকৃতভাবে নামায কায়া করেন নি বলে নিশ্চিতরূপে বলা যায়। অবশ্য এ আপত্তির উত্তর এভাবে দেয়া যায় যে, তাঁর অশ্বরাজি ছিল জিহাদের জন্যে প্রস্তুত। তিনি সেগুলো পরিদর্শন করছিলেন আর এ জাতীয় ব্যাপারে নামায আদায় বিলম্ব করা তখনকার শরী’আতে বৈধ ছিল।

একদল আলিম দাবি করেছেন যে, খন্দকের যুদ্ধকালে রাসুলুল্লাহ (সা) আসরের নামায কায়া করেন; কারণ তখন পর্যন্ত একুপ করা বৈধ ছিল। পরবর্তীতে সালাতুল খাওফ (ভয়ের নামায)-এর দ্বারা একুপ কায়া বিধান রহিত হয়ে যায়। ইমাম শাফিউসহ কতিপয় আলিম এ কথা বলেছেন। কিন্তু মাকতুল, আওয়া’ঈ প্রমুখ বলেছেন, যুদ্ধের প্রচণ্ডতার কারণে নামায বিলম্বে আল-বিদায়া ওয়ান নিহায়া (২য় খণ্ড) ৮—

পড়া ও কায়া করা একটা স্থায়ী বিধান এবং ঐরূপ অবস্থায় আজও এ বিধানের কার্যকারিতা রয়েছে। আমরা তাফসীর গ্রন্থে সূরা নিসায় সালাতুল খওফের আলোচনায় এ বিষয়ে বিস্তারিত আলোচনা করেছি। অপর একদল আলিম বলেছেন, খন্দকের যুদ্ধে নবী করীম (সা)-এর আসরের নামায কায়া হয়েছিল ভুলে যাওয়ার কারণে। তাঁরা বলেন, হ্যরত সুলায়মান (আ)-এরও নামায কায়া হয়েছিল ঐ একই কারণে। যেসব মুফাস্সির ঘোড়া আড়ালে অদৃশ্য হয়ে যাওয়ার কথা বলেছেন তাঁদের মতে সুলায়মান (আ)-এর নামায কায়া হয়নি। এবং **رُدُّهَا عَلَىٰ فَطَقَ مَسْحًا بِالسُّوقِ وَالْأَعْنَاقِ**.

সম্পূর্ণ ভিন্ন হবে। তখন এর অর্থ হবে, ঘোড়াগুলিকে আমার কাছে ফিরিয়ে আন। ফিরিয়ে আনার পর তিনি সেগুলোর গলদেশ ও পায়ে হাত বুলিয়ে আদর করেন ও ঘাম মুছিয়ে দেন। ইব্ন জারীর এই তাফসীরকে সমর্থন করেছেন।

ওয়ালীবী হ্যরত ইব্ন আবরাস (রা) থেকে এ কথা বর্ণনা করেছেন। ইবনে জারীর এই তাফসীরকে এ কারণে অগ্রাধিকার দিয়েছেন যে, এতে সম্পদ বিনষ্ট করার অভিযোগ এবং বিনা অপরাধে পশুকে রগ কেটে শাস্তি দেওয়ার আপত্তি থাকে না। কিন্তু এ তাফসীরও প্রশ়াস্তীত নয়; কেননা, হতে পারে পশু এভাবে যবেহ করা তখনকার শরীরে আতে বিধিসম্মত ছিল। এ কারণে আমাদের অনেক আলিম বলেছেন, মুসলমানদের যদি আশংকা হয় যে, তাদের গন্মীমাত্রে প্রাণ কিংবা অন্য কোন উপায়ে প্রাণ পশু কাফিররা দখল করে নিবে তখন এসব পশু নিজেদের হাতে যবেহ করা ও ধ্বংস করে দেয়া বৈধ, যাতে কাফিররা এগুলো দখল করে শক্তি সঞ্চয় করতে না পারে। এই যুক্তিতেই হ্যরত জা'ফর ইব্ন আবী তালিব (রা) মৃতার যুদ্ধে নিজের অশ্বের পা নিজেই কেটে দিয়েছিলেন। কথিত আছে যে, হ্যরত সুলায়মান (আ)-এর ছিল বিরাট অশ্ব পাল। কারও মতে দশ হাজার এবং কারও মতে বিশ হাজার। কেউ কেউ বলেছেন যে, এসব অশ্বের মধ্যে বিশটি অশ্ব ছিল ডানা বিশিষ্ট।

আবু দাউদ (র) তাঁর সুনান গ্রন্থে ..... আয়েশা (রা) থেকে বর্ণনা করেন। রাসূলুল্লাহ (সা) তাৰুক অথবা খায়বার যুদ্ধ থেকে মদীনায় প্রত্যাগমন করে যখন বাড়িতে ফিরেন, তখন বাতাসে পর্দা সরে যাওয়ায় ঐ ফাঁক দিয়ে দেখেন, আয়েশা (রা) ঘরের মধ্যে কাপড়ের পুতুল নিয়ে খেলা করছেন। তিনি জিজ্ঞেস করলেন, আয়েশা! এগুলো কি? আয়েশা বললেন, এগুলো আমার যেয়ে। রাসূলুল্লাহ (সা) পুতুলদের মাঝে দুই ডানা বিশিষ্ট একটা কাপড়ের ঘোড়া দেখে জিজ্ঞেস করেন, মাঝখানের ওটা কি দেখা যায়? আয়েশা বললেন, ওটা ঘোড়া। রাসূলুল্লাহ (সা) জিজ্ঞেস করেন, ঘোড়ার উপরে ওটা কি? আয়েশা বললেন, ওটা ঘোড়ার দুই ডানা। রাসূলুল্লাহ (সা) বললেন, ঘোড়ার আবার দুই ডানা হয় নাকি? আয়েশা (রা) বললেন, কি, আপনি কি শুনেন নি যে, সুলায়মান (আ)-এর ঘোড়া ডানা বিশিষ্ট ছিল? আয়েশা বলেন, আমার এ কথা শুনে রাসূলুল্লাহ (সা) এমনভাবে হাসলেন যে, আমি তার মাড়ির শেষ দাঁত পর্যন্ত দেখতে গেলাম।

কোন কোন আলিম বলেছেন, সুলায়মান (আ) আল্লাহর সন্তুষ্টির উদ্দেশ্যে অশ্বরাজি বিনষ্ট করার পর আল্লাহ তাঁকে আরও উত্তম বস্তু দান করেন, তা হলো আল্লাহ বাতাসকে তাঁর অনুগত

করে দেন, যার সাহায্যে তিনি এক সকালে এক মাসের পথ এবং এক বিকেলে এক মাসের পথ অতিক্রম করতে পারতেন। পরবর্তীতে এ বিষয়ে বিস্তারিত আলোচনা আসছে। এর সমর্থনে ইমাম আহমদ ..... কাতাদা ও আবুদ্দাহমা (র) থেকে বর্ণনা করেন। তাঁরা দু'জন প্রায়ই বায়তুল্লাহর সফর করতেন। এমনি এক সফরে তাঁদের সাথে এক বেদুইনের সাক্ষাৎ হয়। বেদুইন লোকটি বলেন যে, একদা রাসূলুল্লাহ (সা) আমর হাত ধরে কাছে নিয়ে কিছু বিষয় শিক্ষা দিলেন- যা স্বয়ং আল্লাহ তাঁকে শিক্ষা দিয়েছেন। তিনি আমাকে বললেন, আল্লাহর ভয়ে তুমি যা কিছু ত্যাগ করবে, তার চেয়ে অধিক উত্তম বস্তু আল্লাহ তোমাকে দান করবেন। আল্লাহর বাণী : “আমি সুলায়মানকে পরীক্ষা করলাম এবং তার আসনের উপর রাখলাম একটি ধড়, অতঃপর সে আমার অভিমুখী হল।” ইব্ন জারীর, ইব্ন আবী হাতিমসহ বেশ কিছু সংব্যক্ত মুফাস্সির এ আয়াতের তাফসীরে প্রথম যুগের মনীষীগণের বরতে অনেক রিওয়ায়াত বর্ণনা করেছেন। কিন্তু এর অধিকাংশই কিংবা সম্পূর্ণটা ইসরাইলী বর্ণনা। অধিকাংশ ঘটনা খুবই আপত্তিকর। আমরা তাফসীর গ্রন্থে এ বিষয়ে আলোকপ্রত করেছি। এখানে শুধু আয়াতের উল্লেখ করেই ক্ষণ্ট হচ্ছি। তারা যা লিখেছে তার সারমর্ম হচ্ছে এই যে, সুলায়মান (আ) সিংহাসন থেকে চল্লিশ দিন অনুপস্থিত থাকেন। চল্লিশ দিন পর পুনরায় সিংহাসনে ফিরে আসেন এবং বায়তুল মুকাদ্দাস নির্মাণ করার আদেশ দেন। ফলে অত্যন্ত মজবুতভাবে বায়তুল মুকাদ্দাসের মসজিদটি নির্মিত হয়। কিন্তু ইতিপূর্বে আমরা লিখে এসেছি যে, সুলায়মান (আ) বায়তুল মুকাদ্দাস নির্মাণ করেননি বরং পুনঃনির্মাণ করেছিলেন। এটি প্রথমে নির্মাণ করেছিলেন ইসরাইল অর্ধাং ইয়াকুব (আ)। এ সম্পর্কে হ্যরত আবু যর (রা)-এর বর্ণিত হাদীস সেখানে উল্লেখ করা হয়েছে। তিনি রাসূলুল্লাহ (সা)-কে জিজ্ঞেস করেছিলেন, সর্বপ্রথম নির্মিত মসজিদ কোনটি? তিনি বললেন, মসজিদুল হারাম। আমি জিজ্ঞেস করলাম, তারপরে কোনটি? তিনি বললেন, বায়তুল মুকাদ্দাসের মসজিদ। আমি জিজ্ঞেস করলাম। এ দুই মসজিদ নির্মাণের মধ্যে সময়ের ব্যবধান কত? তিনি বললেন, চল্লিশ বছর। এখানে উল্লেখ্য যে, মসজিদে হারামের নির্মাতা হ্যরত ইবরাহীম (আ) ও হ্যরত সুলায়মান (আ)-এর মাঝে সময়ের ব্যবধান চল্লিশ বছর তো হতেই পারে না; বরং তা এক হাজার বছরেও বেশী।

উল্লেখিত আয়াতে হ্যরত সুলায়মান (আ) আল্লাহর নিকট এমন একটা রাজত্ব পাওয়ার আবেদন করেছেন, যেইরূপ রাজত্ব তাঁর পরে আর কাউকে দেওয়া হবে না- এর মর্ম হল, বায়তুল মুকাদ্দাসের নির্মাণ কাজ সম্পন্ন করা। এ সম্পর্কে ইমাম আহমদ, নাসাঈ, ইব্ন মাজাহ, ইব্ন খুয়ায়মা, ইব্ন হিবান, হাকিম প্রমুখ মুহাদিসগণ নিজ নিজ সনদে ..... ‘আমর ইবনুল আস (রা) থেকে বর্ণনা করেন যে, রাসূলুল্লাহ (সা) বলেছেন : সুলায়মান (আ) বায়তুল মুকাদ্দাস নির্মাণ করার সময় আল্লাহর নিকট তিনটি বিষয় চেয়েছিলেন। কিন্তু আল্লাহ তাঁকে তিনটির মধ্যে দু'টি দান করেছেন। আশা করি তৃতীয়টি আল্লাহ আমাদেরকে দান করবেন। তিনি আল্লাহর নিকট চেয়েছিলেন এমন ফয়সালা দানের ক্ষমতা, যা আল্লাহর ফয়সালার সাথে মিলে যায়। আল্লাহ তাঁকে তা’ দান করেন। তিনি আল্লাহর নিকট এমন একটা রাজত্ব পাওয়ার আবেদন করেন, যে রকম রাজত্ব তাঁর পরে আর কাউকে দেয়া হবে না। আল্লাহ এটা ও তাঁকে দান করেন। তিনি আল্লাহর নিকট আবেদন করেন যে, কোন লোক যদি এই (বায়তুল

মুকাদ্দাস) মসজিদে কেবল সালাত আদায় করার উদ্দেশ্যেই ঘর থেকে বের হয়, সে যেন এমন নিষ্পাপ হয়ে বেরিয়ে যায় যেমন নিষ্পাপ ছিল সে মায়ের পেট থেকে ভূমিষ্ঠ হওয়ার দিন। আমরা আশা করি এই তৃতীয়টা আল্লাহ আমাদেরকে দান করবেন। সুলায়মান (আ) যে ফয়সালা দিতেন তা যে আল্লাহর ফয়সালা অনুযায়ী হতো, সে প্রসংগে আল্লাহ তাঁর ও তাঁর পিতার প্রশংসায় বলেছেন :

وَدَأْدَ وَسُلَيْمَنْ إِذْ يَحْكُمَانِ فِي الْحَرْثِ إِذْ نَفَشَتْ فِيهِ غَنْمُ الْقَوْمِ وَكُنَّا  
لِحُكْمِهِمْ شَاهِدِينَ . فَمَفَمِّنَاهَا سُلَيْمَانَ وَكُلُّاً أَتَيْنَا حَكْمًا وَعِلْمًا -

এবং শ্বরণ কর দাউদ ও সুলায়মানের কথা, যখন তারা বিচার করছিল শস্যক্ষেত সম্পর্কে; তাতে রাত্রিকালে প্রবেশ করেছিল কোন সম্প্রদায়ের মেষ; আমি প্রত্যক্ষ করছিলাম তাদের বিচার। এবং আমি সুলায়মানকে এ বিষয়ের মীমাংসা বুঝিয়ে দিয়েছিলাম এবং তাদের প্রত্যেককে আমি দিয়েছিলাম প্রজ্ঞা ও জ্ঞান। (২১ আঁধিয়া : ৭৮-৭৯)।

কায়ী শুরায়হ ও অন্যান্য কতিপয় প্রাচীন মুফাস্সির এ আয়াতের শানে নৃঢ়লে লিখেছেন : হ্যরত দাউদ (আ)-এর নিকট যারা বিচারপ্রার্থী হয়েছিল তাদের আংগুরের ক্ষেত ছিল। অন্য এক সম্প্রদায় তাদের মেষপাল রাত্রিবেলায় ঐ ক্ষেতে চুকিয়ে দেয়। ফলে মেষপাল আঙুরের গাছ খেয়ে সম্পূর্ণরূপে বিনষ্ট করে ফেলে। অতঃপর বাদী-বিবাদী উভয় দল দাউদ (আ)-এর নিকট মীমাংসার জন্যে আসে। ঘটনার বিবরণ শুনে তিনি আংগুর ক্ষেতের মালিক পক্ষকে তার ক্ষয়-ক্ষতির সমপরিমাণ মূল্য প্রদান করার জন্যে মেষ-মালিক পক্ষকে নির্দেশ দেন। তারা সেখান থেকে বেরিয়ে যাওয়ার পথে দাউদ পুত্র সুলায়মানের সংগে তাদের সাক্ষাত হয়। সুলায়মান (আ) জিজেস করলেন, আল্লাহর নবী তোমাদেরকে কী ফয়সালা দিয়েছেন? তারা ফয়সালার বিবরণ শুনাল। সুলায়মান (আ) বললেন, যদি আমি এ ঘটনার বিচার করতাম তা'হলে এই রায় দিতাম না; বরং আমার ফয়সালা হত এভাবে যে, মেষপাল আংগুর ক্ষেতের মালিক পক্ষকে দেয়া হত। তারা এগুলোর দুধ, বাচ্চা, পশম থেকে উপকৃত হতে থাকতো, আর ক্ষেত মেষপালের মালিক পক্ষের নিকট অর্পণ করা হত। তারা তাতে চাষাবাদ করে শস্য উৎপন্ন করত। যখন শস্য ক্ষেত্র মেষপালক দ্বারা বিনষ্ট হওয়ার পূর্বের অবস্থায় পৌছে যেত। তখন শস্য ক্ষেত্র ক্ষেতের মালিক পক্ষকে এবং মেষপাল মেষের মালিক পক্ষকে প্রত্যর্পণ করা হত। এই কথা দাউদ (আ)-এর কর্ণগোচর হলে তিনি পূর্বের রায় রাহিত করে সুলায়মানের মত অনুযায়ী পুনরায় রায় দেন।

প্রায় এই ধরনের আর একটি ঘটনা বুখারী শরীফে ..... আবু হুরায়রা (রা) সূত্রে বর্ণিত হয়েছে। রাসূলুল্লাহ (স) বলেছেন : দুই মহিলা এক সংগে সফর করছিল। উভয়ের কোলে ছিল দুঃখপোষ্য শিশু পুত্র। পথে এক শিশুকে বায়ে নিয়ে যায়। অবশিষ্ট শিশুকে উভয় মহিলা নিজের পুত্র বলে দাবি করে এবং পরম্পর বাগড়ায় লিপ্ত হয়। দু'জনের মধ্যে বয়োঃজ্যোষ্ঠা মহিলা বলল, তোমার পুত্রকে বাঘ নিয়ে গেছে; আর কনিষ্ঠা মহিলাটি বলল, বরং তোমার পুত্রকেই বাঘে নিয়েছে। অতঃপর মহিলাদ্বয় হ্যরত দাউদ (আ)-এর নিকট এর মীমাংসার জন্যে যায়। তিনি

উভয়ের বিবরণ শুনে জ্যেষ্ঠা মহিলার পক্ষে রায় দেন, কারণ শিশুটি তার কাছে ছিল এবং ছোট জনের পক্ষে কোন সাক্ষী ছিল না। বিচারের পর তারা যখন বেরিয়ে যাচ্ছিল তখন সুলায়মান (আ)-এর সাথে তাদের সাক্ষীত হয়। তিনি বিচারের বর্ণনা শোনার পর একটা ছুরি আনার হৃকুম দেন এবং বলেন, আমি শিশুটিকে সমান দু'ভাগ করে প্রত্যেককে অর্ধেক করে দিব। তখন কনিষ্ঠা মহিলাটি বলল, আল্লাহ আপনাকে রহম করুন, আপনি ওকে দ্বি-খণ্ডিত করবেন না, শিশুটি ঐ মহিলারই, আপনি ওকে দিয়ে দিন। (তখন স্পষ্ট হয়ে গেল যে, শিশুটি কনিষ্ঠা মহিলারই) তাই তিনি শিশুটিকে কনিষ্ঠা মহিলাকেই প্রদান করেন। সম্ভবত উভয় রকম বিচার তখনকার শরী'আতে চালু ছিল। তবে সুলায়মান (আ) এর বিচার ছিল অধিকতর গ্রহণযোগ্য। এ কারণেই আল্লাহ তা'আলা কুরআন মজীদে প্রথমে সুলায়মান (আ)-এর সুবিচারের প্রশংসা করার পর তাঁর পিতা দাউদ (আ)-এর প্রশংসা করেছেন। যেমন আল্লাহ বলেছেন :

وَكُلًاً أَتَيْنَا حُكْمًا وَعِلْمًا وَسَخْرَنَا مَعَ دَاؤِدَ الْجِبَالِ يُسَبِّحُنَّ وَالْطَّيْرَ  
وَكُنَّا فَاعِلِينَ. وَعَلِمْنَاهُ صِنْعَةَ لَبُو سِرِّ لَكُمْ لِتُحْمِنِنُكُمْ مِنْ بَأْسِكُمْ فَهَلْ أَنْتُمْ  
شَاكِرُونَ .

—এবং তাদের প্রত্যেককে আমি দিয়েছিলাম প্রজ্ঞা ও জ্ঞান। আমি পর্বত ও বিহুৎকুলকে অধীন করে দিয়েছিলাম ওরা দাউদের সঙ্গে আমার পবিত্রতা ও মহিমা ঘোষণা করত। আমিই ছিলাম এই সমস্তের কর্তা। আমি তাকে তোমাদের জন্যে বর্ম নির্মাণ শিক্ষা দিয়েছিলাম, যাতে তা তোমাদের যুক্তে তোমাদেরকে রক্ষা করে; সুতরাং তোমরা কি কৃতজ্ঞ হবে না? (২১ আংসুয়া : ৭৯-৮০)। এরপর আল্লাহ তা'আলা বলেন :

وَلِسَلِيمَانَ الرِّيحَ عَاصِفَةَ تَجْرِيْ بِأَمْرِهِ إِلَى الْأَرْضِ إِلَيْ بَارَكْنَا فِيهَا  
وَكُنَّا بِكُلِّ شَيْءٍ عَالَمِينَ. وَمِنَ الشَّيَاطِينِ مَنْ يَعْوُصُونَ لَهُ وَيَعْمَلُونَ عَمَلاً  
دُونَ ذَلِكِ وَكُنَّا لَهُمْ حَافِظِينَ.

—এবং সুলায়মানের বশীভূত করে দিয়েছিলাম উদ্দাম বায়ুকে; তা' তার আদেশক্রমে প্রবাহিত হত সেই দেশের দিকে, যেখানে আমি কল্যাণ রেখেছি; প্রত্যেক বিষয় সম্পর্কে আমি সম্যক অবগত। এবং শয়তানদের মধ্যে কতক তার জন্যে ডুরুরীর কাজ করত; তা'ছাড়া অন্য কাজও করত; আমি ওদের রক্ষাকারী ছিলাম। (২১ আংসুয়া-৮১-৮২)

অন্যত্র আল্লাহ তা'আলা বলেছেন :

فَسَخْرَنَا لَهُ الرِّيحَ تَجْرِيْ بِأَمْرِهِ رُخَاءً حَيْثُ أَصَابَ. وَالشَّيَاطِينِ كُلُّ  
بَنَاءٍ وَغَوَّاصٍ. وَآخَرِينَ مُقْرَنِينَ فِي الْأَصْفَادِ. هُذَا عَطَاؤُنَا فَامْنُنْ أَوْ  
امْسِكْ بِغَيْرِ حِسَابٍ. وَإِنَّ لَهُ عِنْدَنَا لَزُلْفَىٰ وَحُسْنَ مَابٍ .

—তখন আমি তার অধীন করে দিলাম বায়ুকে, যা তার আদেশে, সে যেখানে ইচ্ছা করত সেখানে মৃদুমন্ড ভাবে প্রবাহিত হত, এবং শয়তানদেরকে যারা সকলেই ছিল প্রাসাদ নির্মাণকারী ও ঝুঁঝুরী, এবং শৃঙ্খলে আবদ্ধ আরও অনেককে। এ সবই আমার অনুগ্রহ; এ থেকে তুমি অন্যকে দিতে অথবা নিজে রাখতে পার। এর জন্যে তোমাকে হিসাব দিতে হবে না। এবং আমার নিকট রয়েছে তার জন্যে নেইকট্যের মর্যাদা ও শুভ পরিণাম। (৩৮ সাদ ৪ ৩৬-৪০)

হ্যরত সুলায়মান (আ) যখন আল্লাহর সন্তুষ্টির উদ্দেশ্যে তাঁর রক্ষিত অশ্বরাজির মায়া ত্যাগ করলেন তখন আল্লাহ তার পরিবর্তে বায়ুকে তাঁর অধীন করে দেন। যা ছিল অশ্বের তুলনায় অধিক দ্রুতগামী ও শক্তিশালী। এতে কোন রকম কষ্টও ছিল না; তাঁর নির্দেশে সে বায়ু প্রবাহিত হত মৃদুমন্ড গতিতে। যেই কোন শহরে তিনি যেতে ইচ্ছে করতেন, বায়ু সেখানেই তাকে নিয়ে যেত। হ্যরত সুলায়মানের ছিল কাঠের তৈরি এক বিশাল আসন তাতে পাকা ঘর, প্রাসাদ, তাঁরু, আসবাবপত্র, অশ্ব, উট, ভারি জিনিসপত্র, মানুষ, জিন্ এবং সর্বপ্রকার পশুপাখী প্রভৃতি প্রয়োজনীয় সবকিছুর স্থান সঙ্কলন হতো।

যখন তিনি কোথাও কোন সফরে বিনোদনে কিংবা কোন রাজা অথবা শক্তির বিরুদ্ধে অভিযানে বের হতেন, তখন ঐসব কিছু ঐ আসনে তুলে বায়ুকে হ্রকুম করতেন। বায়ু ঐ আসনের নীচে প্রবেশ করে তা' শুন্যে উঠিয়ে নিত। অতঃপর আসমান-যমীনের মধ্যবর্তী স্তর পর্যন্ত তা উঠার পর মৃদুমন্ড গতিতে চলার নির্দেশ দিলে বায়ু সেভাবে তা' সমুখে এগিয়ে নিয়ে যেত। আবার যখন দ্রুত যাওয়ার ইচ্ছে করতেন তখন বায়ুকে যেভাবে নির্দেশ দিতেন; ফলে বায়ু প্রবল বেগে ধাবিত হত এবং অল্প সময়ের মধ্যে নির্দিষ্ট স্থানে পৌঁছিয়ে দিত। এভাবে তিনি সকাল বেলা বায়তুল মুকাদ্দাস থেকে যাত্রা করে এক মাসের দূরত্বে অবস্থিত ইসতাখারে দ্বিপ্রহরের পূর্বেই পৌঁছে যেতেন এবং সেখানে বিকেল পর্যন্ত অবস্থান করে আবার সন্ধ্যার পূর্বেই বায়তুল মুকাদ্দাসে ফিরে আসতেন। আল্লাহ তা'আলা বলেন :

وَلَسْلِيمَانَ الرِّيحَ غُدوُهَا شَهْرُ وَرَاجُهَا شَهْرُ . وَأَسْلَنَا لَهُ عَيْنَ الْقَطْرِ .  
وَمِنَ الْجِنِّ مَنْ يَعْمَلُ بَيْنَ يَدِيهِ بَيْنَ رَبِّهِ وَمَنْ يَزِغُّ مِنْهُمْ عَنْ أَمْرِنَا نُذِّفُهُ  
مِنْ عَذَابِ السَّعِيرِ . يَعْمَلُونَ لَهُ مَا يَشَاءُ مِنْ مَحَارِيبٍ وَتَمَاثِيلَ وَجِفَانِ  
كَالْجَوَابِ وَقُدُورِ رَأْسِيَاتٍ . اِعْمَلُوا اَلْ دَاؤَدَ شُكْرًا . وَقَلِيلٌ مِنْ عِبَادِي  
الشَّكُورُ .

—আমি সুলায়মানের অধীন করেছিলাম বায়ুকে যা প্রভাতে এক মাসের পথ অতিক্রম করত এবং সন্ধ্যায় এক মাসের পথ অতিক্রম করত। আমি তার জন্যে গলিত তামার এক প্রস্বরণ প্রবাহিত করেছিলাম। তার প্রতিপালকের অনুমতিক্রমে জিন্দের কতক তার সমুখে কাজ করত। ওদের মধ্যে যে আমার নির্দেশ অমান্য করে তাকে আমি জুলন্ত অগ্নি-শান্তি-আস্থাদন করাব। তারা সুলায়মানের ইচ্ছানুযায়ী প্রাসাদ, ভাস্কর্য, হাওয়-সদৃশ বৃহদাকার পাত্র এবং সুদৃঢ়ভাবে স্থাপিত বৃহদাকার ডেগ নির্মাণ করত। আমি বলেছিলাম, হে দাউদ পরিবার!

কৃতজ্ঞতার সংগে তোমরা কাজ করতে থাক। আমার বান্দাদের মধ্যে অল্প সংখ্যকই কৃতজ্ঞ। - (৩৪ সাবা : ১২-১৩)।

হাসান বসরী (র) বলেছেন, হ্যরত সুলায়মান (আ) প্রভাতে দামিশ্ক থেকে যাত্রা শুরু করতেন এবং ইসতাখারে পৌঁছে সকালের নাস্তা করতেন। অবার বিকলে বেলা সেখান থেকে যাত্রা করে কাবুলে পৌঁছে রাত্রি যাপন করতেন। অথচ স্বাভাবিক গতিতে দামিশ্ক থেকে ইসতাখার যেতে সময় লাগতো এক মাস। অনুরূপ ইসতাখার থেকে কাবুলের দূরত্ব ছিল এক মাসের। শহর-নগর ও স্থাপত্য শিল্পের বিশেষজ্ঞগণ বলেছেন, ইসতাখার শহরটি জিন্রা হ্যরত সুলায়মান (আ)-এর জন্যে নির্মাণ করেছিল। এটা ছিল প্রাচীন তুর্কিস্তানের রাজধানী। অনুরূপ অন্যান্য কতিপয় শহর যেমন- তাদমুর বায়তুল মুকাদ্দাস, বাবে জাবরুন ও বাবুল বারীদ। শেষোক্ত দুটি শহর অনেকের মতে দামিশ্ক অঞ্চলে অবস্থিত।

ইব্ন আবুস (রা) মুজাহিদ, ইকরামা, কাতাদা (র) প্রমুখ অনেকেই **قطر** শব্দটির অর্থ করেছেন তামা। কাতাদা বলেন, এই তামা ইয়ামানের খনিজ সম্পদ ছিল। আল্লাহ তা উত্থিত করে ঝর্ণার আকারে সুলায়মান (আ)-এর জন্যে প্রবাহিত করে দেন। সুন্দী বলেন, তা মাত্র তিন দিন স্থায়ী ছিল। সুলায়মান (আ) তাঁর নির্মাণাদির জন্য প্রয়োজনীয় পরিমাণ তামা এই সময়ের মধ্যে সংগ্রহ করে নেন। আল্লাহর বাণী :

“কতক জিন् তার সামনে কাজ করত তার পালনকর্তার আদেশে। তাদের যে কেউ আমার আদেশ অমান্য করবে, আমি তাকে জুলন্ত অগ্নির শাস্তি আম্বাদন করাব। অর্থাৎ আল্লাহ কতক জিন্কে সুলায়মান (আ)-এর মজুর হিসেবে অধীনস্থ করে দিয়েছিলেন। তিনি তাদেরকে যে কাজ করার আদেশ দিতেন, তারা সে কাজই করত; এতে তারা গাফলতি করতো না বা অবাধ্য হত না। অবশ্য যে-ই অবাধ্য হত ও আনুগত্য প্রত্যাহার করত, তাকে তিনি দৃষ্টান্তমূলক শাস্তি দিতেন। তারা সুলায়মানের জন্যে নির্মাণ করত দুর্গ। **অর্থ- সুদৃশ্য প্রাসাদ** ও সভাকক্ষ প্রাচীর গাত্রে উৎকীর্ণ ভাস্কর্য। তখনকার শরীরাতে তা বৈধ ছিল। **وَجْفَانِ** ইব্ন আবুস বলেছেন, জিফানুন অর্থ মাটির গর্ত বা মাটির দ্বারা তৈরি পাত্র যা আকারে হাউয়ের ন্যায় বড়। মুজাহিদ, হাসান, কাতাদা, যাহহাক প্রমুখ মনীষীগণও অনুরূপ বলেছেন। জাওয়াব বহুবচন, এক বচনে জাবিয়াতুন। অর্থ হাওয়-যার মধ্যে পানি জমা থাকে। কবি আশা বলেছেন :

**تُرُوحُ عَلَى الْمُحَلَّقِ جَفْنَةٌ = كَجَابَةِ الشَّيْخِ الْعَرَاقِيِّ يَفْهَقُ**

অর্থ- তুমি সাঁবের বেলা মুহাল্লাক পরিবারের হাওয়ের পাড়ে উপস্থিত হবে, যা পানিতে পরিপূর্ণ থাকে। এ হাওয়টি শায়খে ইরাকির হাওয়ের মত। (এবং চুল্লির উপর স্থাপিত বিশাল ডেগ।) এর ব্যাখ্যা ইকরামা, মুজাহিদ প্রমুখ বলেছেন, কুদুরুর রাসিয়াত বলে চুল্লিতে স্থাপিত ডেগ বুঝানো হয়েছে। অর্থাৎ এসব ডেগ সর্বদা সেখানে স্থাপিত থাকে, কখনও নামিয়ে রাখা হয় না। এ কথা বলার তাৎপর্য হচ্ছে, তিনি সর্বদা জিন ও ইনসানকে খাদ্য সরবরাহ করতেন এবং তাদের প্রতি বদান্যতা প্রকাশ করতেন।

আল্লাহর বাণী : “(হে দাউদ পরিবার! কৃতজ্ঞতা সহকারে তোমরা কাজ করে যাও। আমার বান্দাদের মধ্যে অল্প সংখ্যকই কৃতজ্ঞ।)” আল্লাহর বাণী :

ଆର ଶ୍ରୀତାନ୍ଦିଗକେ ଯାରା ସକଳେଇ ଛିଲ ପ୍ରାସାଦ ନିର୍ମାଣକାରୀ ଓ ଡୁବରୀ ।

অর্থাৎ কিছু সংখ্যক শয়তান জিনকে সুলায়মানের অধীন করে দেয়া হয়। যারা প্রাসাদ অট্টালিকা নির্মাণে নিয়োজিত ছিল। আর কিছু জিনকে তিনি সমুদ্রের তলদেশ থেকে মনি-মুক্তা আহরণের কাজে নিযুক্ত করেছিলেন, এরা সে কাজই করত। “এবং শৃঙ্খলে আবদ্ধ আরও অনেককে।” অর্থাৎ কিছু দুষ্ট জিন অবাধ্য হওয়ার কারণে শাস্তি স্বরূপ তাদেরকে দু’জন দু’জন করে একত্রে শৃঙ্খলে আবদ্ধ করে রাখা হয়েছিল। উপরের বর্ণনায় যে সব জিনিসকে সুলায়মান (আ)-এর অধীনস্থ করার কথা উল্লেখ করা হয়েছে, সেগুলোর উপর তার শাসন ও নির্দেশ কার্যকর ছিল। এটাই হচ্ছে তাঁর সেই রাজত্ব ও কর্তৃত্ব, যার জন্যে তিনি আল্লাহ’র নিকট প্রার্থনা করেছিলেন, যে তাঁর পরে কিংবা পৰ্বে কেউই যেন আর তা না পায়।

ইমাম বুখারী ..... আবু হুরায়রা (রা) থেকে বর্ণনা করেন, রাত্তুলুহ-হ (সা) বলেছেন : গত  
রাত্রে নামায পড়ার সময় এক দুষ্ট জিন্ আমার নামায নষ্ট করার উদ্দেশ্যে আমার প্রতি থুথু  
নিষ্কেপ করে। কিন্তু আল্লাহ আমাকে তার উপর প্রবল করে দেন। আমি তাকে ধরে  
ফেলেছিলাম এবং মসজিদের খুটির সাথে বেঁধে রাখতে চেয়েছিলাম। তা করলে তোমার সবাই  
তাকে দেখতে পেতে। কিন্তু এই সময় হযরত সুলায়মানের দোয়া আমার স্মরণ হল- তিনি  
আল্লাহর কাছে প্রার্থনা করেছিলেন :

رَبِّ اغْفِرْلِيْ وَهَبْ لِيْ مُلْكًا لَا يَنْبَغِيْ لَأَحَدٍ مِّنْ بَعْدِيْ

“হে আমার পালনকর্তা, আমাকে ক্ষমা করে দাও এবং আমাকে এমন রাজত্ব দান কর, যা আমার পরে আর কেউ পাবে না।” (৩৮ সাদ ৪: ৩৫) তারপর আমি তাকে লাঞ্ছিত করে তাড়িয়ে দিলাম। ইমাম মুসলিম ও নাসাই শা‘বী থেকে অনুরূপ বর্ণনা করেছেন। ইমাম মুসলিম ..... আবুদ দারদা (রা) থেকে বর্ণনা করেন, রাসূলুল্লাহ (সা) একদা সালাত আদায় করছিলেন। আমরা শুনলাম, তিনি সালাতের মধ্যে বলছেন : ﴿أَعُوذُ بِاللّٰهِ مِنْكَ الْعَنْكَ بِلْعَنَةِ اللّٰهِ﴾ আমি আল্লাহর কাছে তোমার থেকে পানাহ চাই, আমি তোমাকে আল্লাহর লান্নতের অভিশাপ দিছি। রাসূলুল্লাহ এ কথাটি তিনি বার বললেন। এরপর তিনি হাত সম্প্রসারিত করলেন, মনে হল তিনি কোন কিছু ধরতে যাচ্ছেন। নামায শেষ হওয়ার পর আমরা বললাম, ইয়া রাসূলুল্লাহ! আমরা আপনাকে সালাতের মধ্যে এমন কথা বলতে শুন্মাম, যা ইতিপূর্বে কখনও শুনিনি। আমরা আরও দেখলাম আপনি হাত বাড়িয়ে দিলেন। তিনি বললেন, সালাতের মধ্যে আল্লাহর দুশমন ইবলীস আগনের হল্কা নিয়ে এসে আমার মুখমণ্ডলে ছুঁড়ে মারতে চেয়েছিল, তখন আমি তিনবার **الْعَنْكَ بِلْعَنَةِ اللّٰهِ التَّامَّ** আৰু **أَعُوذُ بِاللّٰهِ مِنْ** বলি। এরপর আমি তাকে ধরার উদ্যোগ নেই। আল্লাহর কসম, আমাদের ভাই নবী সুলায়মানের দোষ্যা যদি না থাকত তা হলে তাকে

বেঁধে রাখা হত এবং মদীনার ছেলে-মেয়েরা তাকে নিয়ে খেলা করত। ইমাম নাসাইও এ ঘটনাটি বর্ণনা করেছেন।

ইমাম আহমদ ..... আবু সাঈদ খুদরী (রা) থেকে বর্ণনা করেন, রাসূলুল্লাহ (সা) একদা ফজরের সালাত আদায়ের জন্যে দাঁড়িয়েছিলেন। আমি ও তাঁর পিছনে সালাতে শরীক ছিলাম: তিনি কিরাআত পড়ছিলেন; কিন্তু হঠাৎ কিরাআত জড়িয়ে যায়। সালাত শেষে তিনি বললেন, আজকের সালাতে আমার কিরাআত ইবলিস গুলিয়ে দেয়। তোমরা যদি দেখতে পারতে তা হলে বুঝতে পারতে। আমি তার টুটি চেপে ধরি। তার মুখ থেকে লালা বেরিয়ে আসে। এমনকি আমার বৃদ্ধাশুলি ও তর্জনীতে তার শীতলতা অনুভব করি। আমার ভাই সুলায়মান (আ)-এর দোয়ার কথা যদি মনে না পড়তো তা হলে মসজিদের খুঁটির সাথে আমি তাকে বেঁধে রাখতাম এবং মদীনার ছেলে-মেয়েরা তাকে নিয়ে খেলা করতো! অতএব, তোমরা চেষ্টা কর যাতে সালাত আদায়ের সময় তোমার ও কিবলার মাঝে অন্য কেউ আড়াল সৃষ্টি না করে। আবু দাউদ (র)-ও এ হাদীস ভিন্ন সূত্রে উল্লেখ করেছেন।

বহু প্রাচীন ঐতিহাসিক লিখেছেন যে, হযরত সুলায়মান (আ)-এর এক হাজার স্তুরি ছিলেন। তাঁদের মধ্যে সাতশ' ছিলেন স্বাধীন এবং তিনশত বাঁদী। কেউ কেউ এর বিপরীতে তিনশ' স্বাধীন ও সাতশ' বাঁদীর কথা বলেছেন। হযরত সুলায়মান (আ) ছিলেন অত্যন্ত ক্ষমতাবান ও সক্ষম পুরুষ। ইমাম বুখারী ..... আবু হুরায়রা (রা) থেকে বর্ণনা করেন, রাসূলুল্লাহ (স) বলেছেন: একদা হযরত সুলায়মান ইবন দাউদ (আ) বলেছিলেন, আজ রাত্রে আমি সন্তরজন স্তুরি কাছে যাব। প্রত্যেক স্তুরি গর্ভে একজন করে পুত্র সন্তান জন্ম হবে এবং তারা সকলেই অশ্ব চালনায় পারদর্শী হবে। আল্লাহর রাস্তায় তারা জিহাদ করবে। সুলায়মানের কাছে অবস্থানকারী একজন তখন বলেছিল, 'ইন্শা আল্লাহ' (আল্লাহ যদি চান); কিন্তু সুলায়মান (আ) ইন্শা আল্লাহ বলেন নি। ফলে সে রাতে কোন স্তুরি সন্তান ধারণ করেন নি। মাত্র একজন স্তুরি পরে একটি অসম্পূর্ণ সন্তান প্রসব করেন। রাসূলুল্লাহ (সা) বলেন, তিনি যদি 'ইন্শা আল্লাহ' বলতেন, তবে সকল স্তুরি থেকেই পুত্র সন্তান জন্ম হত এবং তারা আল্লাহর রাস্তায় জিহাদ করত। শু'আয়ব ও ইবন আবী ফিনাদ সন্তরের স্তুলে নববইজন স্তুরি কথা বর্ণনা করেছেন এবং এটাই বিশুদ্ধতম। ইমাম বুখারী একাই এই সূত্রে উক্ত হাদীছ বর্ণনা করেছেন। আবু ইয়া'লা থেকে ..... আবু হুরায়রা (রা) সূত্রে বর্ণিত হাদীছে 'একশত' স্তুরি কথা উল্লেখিত হয়েছে।

এই শেষোক্ত বর্ণনাটির সনদ সহীহৰ শর্ত পূরণ করে, যদিও অন্য কেউ এ সূত্রে হাদীসটি বর্ণনা করেন নি। ইমাম আহমদেরও আবু হুরায়রা (রা)-এর অনুরূপ একটি বর্ণনা রয়েছে।

ইমাম আহমদের অপর এক বর্ণনায় আছে যে, সুলায়মান (আ) ইন্শা আল্লাহ বলতে ভুলে গিয়েছিলেন। রাসূল (সা) বললেন, তিনি যদি ইন্শা আল্লাহ বলতেন, তা হলে তার সে নেক নিয়ত এভাবে নিষ্ফল হয়ে যেত না। বরং তাঁর ইচ্ছাই পূরণ হতো। বুখারী ও মুসলিমে আবদুর রায়হাক সূত্রে এভাবেই হাদীসটি বর্ণিত হয়েছে। ইসহাক ইবন বিশ্র কর্তৃক আবু হুরায়রা (রা) আল-বিদায়া ওয়ান নিহায়া (২য় খণ্ড) ৯—

সূত্রে অপর এক বর্ণনায় হ্যরত সুলায়মান (আ)-এর চারশ' স্ত্রী ও সাতশ' বাঁদীর উল্লেখসহ উক্ত ঘটনাটি বর্ণিত হয়েছে।

নবী করীম (সা) ঘটনাটি বর্ণনা করে বলেন, সেই সত্ত্বার কসম, যাঁর হাতে আমার জীবন, যদি হ্যরত সুলায়মান (আ) ইন্শা আল্লাহ বলতেন তা হলে যেভাবে তিনি বলেছিলেন সেভাবেই অশ্বারোহী পুত্র সত্ত্বান জন্ম হত এবং আল্লাহর রাস্তায় তারা জিহাদ করত। এই হাদীছের সনদ দুর্বল; কেননা ইসহাক ইব্ন বিশ্র হাদীছ বর্ণনায় বিশ্বস্ত নন, তিনি মুনকারুল হাদীছ। তাছাড়া এটি (সংখ্যার ব্যাপারে) সহীহ হাদীছের পরিপন্থী। তবে হ্যরত সুলায়মান (আ)-এর ছিল বিশাল সাম্রাজ্য। অসংখ্য সৈন্য-সামগ্র্য। বিভিন্ন প্রজাতির সেনাবাহিনী এবং রাজ্য পরিচালনার অন্যান্য সামগ্রী যা আল্লাহ তাঁর পূর্বেও কাউকে দেননি এবং পরেও কাউকে দেননি। যেমন তিনি বলেছিলেন : - وَأُوْتِينَا مِنْ كُلِّ شَيْءٍ : আমাকে সবকিছু দেয়া হয়েছে (২৭ নামল : ১৬)।

فَالْ رَبِّ اغْفِرْ لِي وَهَبْ لِي مُلْكًا لَا يَنْبَغِي لَاهِدٌ مِنْ بَعْدِي إِنَّكَ أَنْتَ الْوَهَابُ .

সুলায়মান বলল, হে আমার পালনকর্তা, আমাকে মাফ করুন এবং আমাকে এমন সাম্রাজ্য দান করুন যা আমার পরে আর কেউ পেতে পারবে না, নিশ্চয় আপনি মহাদাতা (৩৮ সাদ : ৩৫) সে মতে আল্লাহ সুলায়মানের প্রার্থিত সবকিছুই দিয়েছিলেন। রাসূলুল্লাহ (সা) আমাদেরকে তা জানিয়ে দিয়েছেন। তাঁর প্রতি প্রদত্ত অনুগ্রহের কথা আল্লাহ কুরআন মজীদেও নিম্নোক্তভাবে উল্লেখ করেছেন :

هَذَا عَطَاؤُنَا فَامْنُنْ أَوْ أَمْسِكْ بِغَيْرِ حِسَابٍ .

এগুলো আমার অনুগ্রহ। অতএব, এগুলো কাউকে দান কর অথবা নিজে রেখে দাও এর কোন হিসাব দিতে হবে না (৩৮ সাদ : ৩৯)। অর্থাৎ যাকে ইচ্ছা তাকে দিতে পার এবং যাকে ইচ্ছা নাও দিতে পার। এতে তোমাকে কোন জওয়াবদিহী করতে হবে না। অন্য কথায় তুমি যেইভাবে ইচ্ছা সম্পদ ব্যবহার ও খরচ করতে পার; কেননা তুমি যা-ই করবে তা-ই আল্লাহ তোমার জন্যে বৈধ করে দিয়েছেন। এ জন্যে তোমার কোন জবাব দিতে হবে না। যিনি একই সাথে নবী ও সম্রাট হন- তাঁর মর্যাদা এ রকমই হয়। পক্ষান্তরে যিনি কেবল বান্দা ও রাসূল হন, তাঁর মর্যাদা এ রকম হয় না। কেননা বরং আল্লাহ যেভাবে অনুমতি দেন সেভাবেই তাঁকে কাজ করতে হয়। আল্লাহ তা'আলা আমাদের শেষ নবী হ্যরত মুহাম্মদ (স)-কে উক্ত দুই অবস্থানের (النَّبِيُّ الْمَلِكُ - الْعَبْدُ الرَّسُولُ) যে কোন একটিকে প্রহণ করার ইথিতিয়ার দিয়েছিলেন। তিনি বান্দা ও রাসূল হওয়াকেই বেছে নেন। কোন কোন বর্ণনায় আছে যে, রাসূলুল্লাহ (সা) এ ব্যাপারে জিবরাইল (আ)-এর নিকট পরামর্শ চান। জিবরাইল তাঁকে বিনয়ী পথ অবলম্বনের দিকে ইঙ্গিত করেন। (تواضع)

সে মতে তিনি বান্দা ও রাসূল হওয়াকেই পছন্দ করেন। অবশ্য নবী (সা)-এর পরে তাঁর উম্মতের মধ্যে খিলাফত ও বাদশাহী উভয়টাই চালু রেখেছেন এবং কিয়ামত পর্যন্ত তা অব্যাহত থাকবে। সুতরাং তাঁর উম্মতের একটি দল কিয়ামত পর্যন্ত বিজয়ী হয়ে থাকবে।

হ্যরত সুলায়মান (আ)-কে আল্লাহ তা'আলা দুনিয়ার জীবনে যে সব অনুগ্রহ দান করেছেন তার উল্লেখ শেষে পরকালীন জীবনে যে সব অনুগ্রহ, পুরক্ষার সম্মান ও নৈকট্য দানের প্রতিশ্রূতি দিয়েছেন তারও উল্লেখ করেছেন যথাঃ **وَإِنَّ لَهُ عِنْدَنَا لِرُلْفَىٰ وَحُسْنَ مَابِ**

—নিচ্যই তার জন্যে আমার কাছে রয়েছে নৈকট্যের মর্যাদা ও শুভ পরিণতি।  
(৩৮ সাদ : ৪০)

### হ্যরত সুলায়মান (আ)-এর রাজত্বকাল, আয়ু ও মৃত্যু

এ প্রসংগে আল্লাহর বাণী :

**فَلَمَّا قَضَيْنَا عَلَيْهِ الْمَوْتَ مَادَلَهُمْ عَلَىٰ مَوْتِهِ الْأَدَابَةُ الْأَرْضِ تَأْكُلُ  
مِنْسَاتَهُ فَلَمَّا خَرَّ تَبَيَّنَتِ الْجِنُّ أَنْ لَوْ كَانُوا يَعْلَمُونَ الْغَيْبَ مَا لَبِثُوا فِي  
الْعَذَابِ الْمُهِينِ.**

“যখন আমি সুলায়মানের মৃত্যু ঘটালাম, তখন জিন্দেরকে তার মৃত্যুর বিষয় জানাল, কেবল মাটির পোকা যা তার লাঠি খাচ্ছিল। যখন সে পড়ে গেল তখন জিনেরা বুঝতে পারল যে, ওরা যদি অদৃশ্য বিষয় অবগত থাকত তা হলে ওরা লাঞ্ছনিক শান্তিতে আবদ্ধ থাকত না।” (৩৮ সাবা : ১৪)

ইব্ন জারীর ইব্ন আবী হাতিম ও অন্যান্য ঐতিহাসিকগণ ..... ইব্ন আব্বাস (রা)-এর বরাতে বর্ণনা করেন, রাসূলুল্লাহ (স) বলেছেন : হ্যরত সুলায়মান যখনই সালাত আদায় করতেন, তখনই সমুখে একটি চারা গাছ দেখতে পেতেন। তিনি গাছের কাছে তার নাম জিজ্ঞেস করতেন। গাছ নিজের নাম বলে দিত। তারপরে জিজ্ঞেস করতেন, কি কাজের জন্যে তোমার সৃষ্টি ? যদি রোপন করার উদ্দেশ্যে হয়ে থাকে তা হলে তা রোপন করা হত। আর যদি ঔষধ হিসেবে হয়ে থাকে, তবে ঔষধ উৎপাদনে লাগান হত। এক দিন তিনি সালাতে রত ছিলেন। সহসা সমুখে একটি বৃক্ষ-চারা দেখেন। জিজ্ঞেস করলেন, তোমার নাম ? সে বলল, আল-খারাব (الخرب). তিনি বললেন, কি উদ্দেশ্যে তোমার সৃষ্টি ? সে বলল, এই বায়তুল মুকাদ্দাস ধৰ্স করার উদ্দেশ্যে। তখন সুলায়মান (আ) দোয়া করলেন, “হে আল্লাহ! জিন্দের কাছে আমার মৃত্যুর অবস্থাটা গোপন রাখুন, যাতে মানুষ জিনেরা যে গায়েব জানে তা’ উপলব্ধি করতে না পারে। অতঃপর সুলায়মান (আ) ঐ বৃক্ষ-চারা দ্বারা একটি লাঠি তৈরি করেন এবং এক বছর যাবত উহাতে ভর করে দাঁড়িয়ে থাকেন। ও দিকে জিন্না পূর্ণ উদ্যমে কাজ চালিয়ে

যেতে থাকে। অবশ্যে পোকা লাঠিটি খেয়ে শেষ করে ফেলে। এ ঘটনা থেকে মানুষ সুস্পষ্টভাবে উপলক্ষ্য করতে পারল যে, জিন্না গায়েবের খবর জানে না; জানলে এক বছর পর্যন্ত এ লাঞ্ছনিক শাস্তি তারা কিছুতেই ভোগ করত না।

সাইদ ইব্ন জুবায়র বলেন, ইব্ন আববাস (রা) আয়াতটিকে এভাবেই পড়তেন (تَبَيَّنَتْ لِأَنْسَ أَنَّ الْجَنَّ تখন জিন্না পোকার কৃতজ্ঞতা প্রকাশ করল এবং তাদেরকে পানি দান করল। ইব্ন জারীর বলেন, আতা আল-খুরাসানীর এ বর্ণনায় অনেক আপত্তি আছে। ইব্ন আসাকির এ ঘটনাটি ইব্ন আববাস (রা) থেকে মাওকুফভাবে বর্ণনা করেছেন, যা অনেকটা যথার্থ বলে মনে হয়। সুন্দী হযরত সুলায়মান (আ)-এর ইতিহাস বর্ণনা প্রসংগে ইব্ন আববাস ও ইব্ন মাসউদসহ কতিপয় সাহাবা থেকে বর্ণনা করেছেন যে, সুলায়মান (আ) অন্যান্য কাজ-কর্ম থেকে অব্যাহতি নিয়ে বায়তুল মুকাদ্দাসে কখনও কখনও একটানা এক বছর, দু'বছর, এক মাস, দু'মাস কিংবা এর চেয়ে বেশী কিংবা এর চেয়ে কম সময় অবস্থান করতেন। তাঁর খাদ্য ও পানীয় মসজিদেই সরবরাহ করা হত। যে বারে তিনি মসজিদে প্রবেশ করার পর ইন্তিকাল করেন সে বারে এক নতুন ঘটনা দেখতে পান। প্রত্যহ সকাল বেলা তিনি দেখতেন, বায়তুল মুকাদ্দাসের অভ্যন্তরে একটি বৃক্ষ উদগত হচ্ছে। কাছে এসে নাম জিজ্ঞেস করলে বৃক্ষটি তার নাম বলে দিত। যদি তা রোপন করার উদ্দেশ্যে হতো তা হলে রোপন করতেন। যদি ঔষধরূপে ব্যবহারের জন্যে হতো তা হলে বলে দিত আমি ঔষধ-বৃক্ষ। যদি অন্য কোন উদ্দেশ্যে জন্মাত তবে বৃক্ষ তাও বলে দিত এবং তাকে সে কাজেই ব্যবহার করা হত। অবশ্যে এক দিন এমন এক বৃক্ষের জন্ম হল, যার নাম জিজ্ঞেস করলে সে বলল, আমার নাম খারুবা। সুলায়মান (আ) জানতে চাইলেন, তোমার সৃষ্টি কী উদ্দেশ্যে? বৃক্ষটি বলল, এই মসজিদ ধ্রংস করার জন্যে। সুলায়মান (আ) বললেন, আমি জীবিত থাকতে আল্লাহ এ মসজিদ ধ্রংস করবেন না। বরং তুমি এমন একটি বৃক্ষ- যার উপর ভর দেয়া অবস্থায় আমার মৃত্যু হবে এবং বায়তুল মুকাদ্দাসও ধ্রংস হবে। অতঃপর তিনি বৃক্ষ-চারাটি সেখান থেকে তুলে মসজিদের আংগিনার বাগানে রোপণ করেন। এরপর তিনি মিহ্রাবের প্রবেশ করে লাঠির উপর হেলান দিয়ে সালাতে দণ্ডয়মান হন। এ অবস্থায় তাঁর ইন্তিকাল হয়ে যায়; কিন্তু কর্মরত জিন্না তা টের পেলো না। তারা নবীর নির্দেশ মতে মসজিদের কাজ অব্যাহত রাখে। তাদের অন্তরে সর্বদা এ ভয় ছিল যে, কাজে ফাঁকি দিলে তিনি মিহ্রাব থেকে বেরিয়ে এসে শাস্তি দিবেন। অবশ্য, কখনও কখনও জিনগুলো মিহ্রাবের পাশে এসে একত্রিত হত। মিহ্রাবের সম্মুখে ও পশ্চাতে জানালা লাগান ছিল।

কোন জিন্ন পলায়নের ইচ্ছে করলে বলত, আমি কি এক দিকে প্রবেশ করে অন্যদিকে বের হয়ে যাওয়ার মতো চালাক নই? সুলায়মান (আ) মিহ্রাবের মধ্যে থাকা অবস্থায় কোন জিন্ন তাঁর দিকে তাকালেই সংগে সংগে সে পুড়ে যেত। একবার কর্মরত জিন্দের একজন মিহ্রাবে প্রবেশ করে সুলায়মান (আ)-এর পাশ দিয়ে অতিক্রম করে গেল, কিন্তু তাঁর কোন আওয়াজ শুনতে পেল না। পুনরায় সে ঐ পথে প্রত্যাবর্তন করল, তখনও কোন সাড়া-শব্দ পেল না। আবার সে ঘরে ঢুকলো কিন্তু পুড়ল না, তখন সে সুলায়মান (আ)-এর প্রতি তাকিয়ে দেখল, তাঁর মৃতদেহ

পড়ে রয়েছে। এবার জিন্টি বেরিয়ে এসে লোকজনকে জানাল যে, সুলায়মানের মৃত্যু হয়েছে। লোকজন দরজা খুলে মিহরাবে প্রবেশ করে দেখল ঘটনা সত্য। তারা তাঁর দেহকে বাইরে বের করে আনল। তারা দেখতে পেল যে, তাঁর লাঠিটি কীটে খেয়ে ফেলেছে। কুরআন মজীদে মন্সাৰ শব্দ এসেছে। এটা হাবশী ভাষার শব্দ অর্থ লাঠি। তিনি কবে, কত দিন আগে মারা গেছেন তা জানার কোন উপায় ছিল না। তাই মৃত্যুকাল বের করার উদ্দেশ্যে তারা একটি কীটকে একটি লাঠির গায়ে ছেড়ে দেয়। কীটটি একদিন এক রাত পর্যন্ত লাঠিটি খেতে থাকে। এবার তারা হিসেব বের করল যে, এই হারে একটা লাঠি খেতে এক বছর লাগে। তাতে তারা বুঝতে পারে যে, তিনি এক বছর পূর্বেই ইন্তিকাল করেছেন। যা হোক, হ্যারত সুলায়মান (আ)-এর মৃত্যুর পর পূর্ণ একটি বছর পর্যন্ত জিন্রা হাড়ভাঙ্গা খাটুনী খাটে। মানুষ তখন পূর্বের ধারণা পরিবর্তন করে নতুনভাবে বিশ্বাস করতে থাকে যে, জিন্রা গায়ের জানে-এ কথা সবৈব মিথ্যা। তারা যদি সত্যিই গায়ের জানত তা হলে সুলায়মান (আ)-এর মৃত্যু সম্পর্কে অবশ্যই অবগত হত এবং পূর্ণ এক বছর পর্যন্ত শাস্তিমূলক কাজে কিছুতেই আবদ্ধ থাকতো না। এ কথাই আল্লাহ কুরআনে বলেছেন :

مَادِلُّهُمْ عَلَىٰ مَوْتِهِ الْأَرَبَّةُ الْأَرْضِ تَأْكُلُ مِنْسَاتَهُ فَلَمَّا خَرَّ تَبَيَّنَتِ الْجِنُّ  
أَنْ لَوْ كَانُوا يَعْلَمُونَ الْغَيْبَ مَا لَبِثُوا فِي الْعَذَابِ الْمُهِينِ.

আমি যখন সুলায়মানের মৃত্যু ঘটালাম তখন জিন্দেরকে তার মৃত্যু বিষয় জানাল কেবল মাটির পোকা, যা সুলায়মানের লাঠি খাচ্ছিল। যখন সুলায়মান পড়ে গেল তখন জিন্রো বুঝতে পারল যে, তারা যদি অদৃশ্য বিষয়ে অবগত থাকত তা হলে লাঞ্ছনিক শাস্তিতে আবদ্ধ থাকত না।

আয়তে আল্লাহ বর্ণনা করেছেন, অর্থাৎ জিন্রা গায়ের জানার যে দাবি করত তা মানুষের কাছে ফাঁস হয়ে গেল। এরপর জিন্রা ঐ পোকাটির কাছে গিয়ে বলল, তুমি যদি খাদ্য দ্রব্য আহার করতে তবে আমরা তোমাকে উৎকৃষ্ট খাদ্য সরবরাহ করতাম। যদি তুমি পানীয় পান করতে তবে উন্নতমানের শরাব পান করাতাম। কিন্তু এগুলো যেহেতু তোমার আহার্য নয়, তাই আমরা তোমাকে পানি ও কাদা দিচ্ছি। বর্ণনাকারী বলেন, এরপর থেকে উই পোকাটি যেখানেই অবস্থান করত জিন্রা সেখানে পানি ও মাটি পৌঁছিয়ে দিত। এ কারণেই কাঠের ভিতরে যে মাটি দেখা যায়- তা বস্তুতঃ সেই উই পোকার কৃতজ্ঞতা প্রকাশার্থে জিন্রাই পৌঁছিয়ে দিয়ে থাকে। এই বর্ণনার মধ্যে কিছু ইসরাইলী বিবরণ আছে - যাকে সত্য বা মিথ্যা কোনটাই বলা যায় না।

আবু দাউদ (র) তাঁর গ্রন্থে কদর অধ্যায়ে ..... আ'মাশের সৃত্রে খাইছামা থেকে বর্ণনা করেন : হ্যারত সুলায়মান ইবন দাউদ মালাকুল মওতকে বলেছিলেন, আপনি যখন আমার রহ কবয় করবেন, তার পূর্বে আমাকে জানিয়ে দেবেন। ফিরিশতা বললেন, এ বিষয়ে আপনার থেকে আমার অধিক কিছু জানা নেই। বস্তুতঃ আমার নিকট একটি লিখিত পত্র দেয়া হয়। যার মৃত্যু হবে, ঐ পত্রে তার নাম লেখা থাকে। বর্ণনাকারী বলেন যে, সুলায়মান (আ) মালাকুল মওতকে বলেছিলেন, আপনি যখন আমার রহ কবয় করার আদেশ পাবেন তখন পূর্বাহ্নে আমাকে জানিয়ে দেবেন। একদা মালাকুল মওত এসে সুলায়মান (আ)-কে জানালেন, আপনার

রহ কব্য করার জন্যে আমি আদিষ্ট হয়েছি। আর স্বল্প সময় বাকী আছে।

তিনি তৎক্ষণাতে দুর্মদ শয়তান জিন্দেরকে ডেকে অবিলম্বে একটি প্রাসাদ নির্মাণ করার আদেশ দেন। নির্দেশ মতে তারা একটি কাঁচের প্রাসাদ তৈরি করল। এতে কোন দরজা জানলা ছিল না। সুলায়মান (আ) ঐ কাঁচের ঘরে লাঠির উপর হেলান দিয়ে সালাতে মগ্ন হন। ইত্যবসরে মালাকুল মওত তথায় প্রবেশ করে সুলায়মানের রহ কব্য করে নেন। অবশ্য তাঁর মৃত দেহ লাঠির উপর হেলান দেয়া অবস্থায়ই থেকে যায়। সুলায়মান (আ) মালাকুল মওতকে ফাঁকি দিয়ে মৃত্যুর হাত থেকে বাঁচার জন্যে এই কৌশল অবলম্বন করেন নি। জিন্রা তাঁর সম্মুখেই নির্মাণ কাজ চালিয়ে যাচ্ছিল। সুলায়মান (আ)-এর প্রতি তারা বারবার তাকিয়ে দেখত এবং মনে করত, তিনি তো জীবিতই আছেন। পরে আল্লাহ তাঁর লাঠির কাছে একটি উই পোকা পাঠান। উই পোকাটি লাঠির গায়ে লেগে থেতে শুরু করে। যখন লাঠির অভ্যন্তর ভাগ খেয়ে শূন্য করে ফেলে তখন তা দুর্বল হয়ে যায়। সুলায়মানের ভার সহ্য করতে না পেরে লাঠিটি ভেঙে যায় এবং তাঁর মৃতদেহ মাটিতে পড়ে যায়। জিন্রা এ অবস্থা দেখে কাজ ছেড়ে চলে যায়।

مَادِلُهُمْ عَلَىٰ مَوْتِهِ الْأَدَبَيُّ الْأَرْضِ تَأْكُلُ مِنْسَاتَهُ فَلَمَّا خَرَّ تَبَيَّنَتِ الْجِنِّ  
أَنْ لَوْ كَانُوا يَعْلَمُونَ الْغَيْبَ مَا لَبِثُوا فِي الْعَذَابِ الْمُهِينِ.

আয়াতে একথাই বর্ণনা করা হয়েছে। বর্ণনাকারী আসবাগ বলেন, আমি বিভিন্ন সূত্রে জানতে পেরেছি যে, উই-পোকাটি এক বছর যাবত লাঠিটি খাওয়ার পর সুলায়মান (আ) মাটিতে পড়ে যান। প্রাচীন অনেক লেখকই এই একই কথা বলেছেন।

ইসহাক ইব্ন বিশ্র মুহাম্মদ ইব্ন ইসহাকের সূত্রে যুহরী প্রমুখ থেকে বর্ণনা করেন যে, হ্যরত সুলায়মান (আ) বায়ান বছর জীবিত ছিলেন এবং চল্লিশ বছর রাজত্ব করেন। কিন্তু ইসহাক আবু রওক- ইকরামার সূত্রে ইব্ন আবুস (রা) থেকে বর্ণনা করেছেন যে, তাঁর রাজত্ব বিশ বছর স্থায়ী ছিল। ইব্ন জারীর লিখেছেন, সুলায়মান (আ)-এর বয়স মোটামুটি পঞ্চাশ বছরের কিছু বেশী।

কথিত আছে, হ্যরত সুলায়মান (আ) তাঁর রাজত্বের চতুর্থ বছরে বায়তুল মুকাদ্দাস নির্মাণ শুরু করেন। সুলায়মানের পরে তাঁর পুত্র রহবিআম, সতের বছর রাজত্ব করেন। ঐতিহাসিক ইব্ন জারীর লেখেন যে, এরপর বনী ইসরাইলের রাজত্ব ছিন্ন-ভিন্ন হয়ে যায়।

## হ্যরত দাউদ ও ইয়াহয়া (আ)-এর মধ্যবর্তী ইসরাইল বংশীয় নবীগণের ইতিহাস

উপরোক্ত সময়ের মধ্যে আগমনকারী নবীদের মধ্যে হ্যরত শাইয়া ইব্ন আমসিয়া (امصيا) অন্যতম (বাইবেলের ভাষায় আমোসোর পুত্র যিশাইয়) মুহাম্মদ ইবন ইসহাকের মতে, তাঁর আবির্ভাব হয়েছিল যাকারিয়া ও ইয়াহয়া (আ)-এর পূর্বে। তিনি সেই সব নবীর একজন, যাঁরা হ্যরত ঈসা ও মুহাম্মদ (সা) এর আগমনের সুসংবাদ প্রচার করেছিলেন। ঐ সময়ে বায়তুল মুকাদ্দাসে বনী ইসরাইলের শাসক ছিলেন রাজা হিয়কিয়া। যে কোন সংক্ষার ও সংশোধনমূলক কাজে তিনি নবী শাইয়ার আদেশ-নিষেধ মেনে চলতেন। বনী ইসরাইলের মধ্যে তখন ব্যাপক হারে দুর্নীতি, পাপাচার ও প্রাকৃতিক বিপর্যয়ের প্রাদুর্ভাব ঘটে। তাদের রাজা অসুস্থ হয়ে পড়েন এবং তাঁর পায়ে একটি ক্ষত সৃষ্টি হয়। এ সুযোগে ব্যাবিলনের রাজা সানহারীব বায়তুল মুকাদ্দাস আক্রমণে উদ্যোগী হয়। ইব্ন ইসহাক (র) বলেছেন, এ অভিযানে ছয় লক্ষ প্রতাকাবাহী সৈন্য অংশগ্রহণ করে। তাতে লোকজন অত্যন্ত ভীত-সন্ত্রিত হয়ে পড়ে। রাজা হ্যরত শাইয়ার নিকট জিজেস করেন যে, সানহারীব ও তার সৈন্যবাহিনী সম্পর্কে আল্লাহ তা'আলা কী ওহী প্রেরণ করেছেন? তিনি বললেন, তাদের সম্পর্কে আমার নিকট কোন প্রকার ওহী আসেনি। কিছুদিন অতিবাহিত হবার পর হ্যরত শাইয়ার নিকট এই মর্মে ওহী আসে যে, অন্ত দিনের মধ্যে রাজার মৃত্যু হবে। সুতরাং তিনি যেন তাঁর পছন্দমত কাউকে স্থলাভিষিক্ত করেন। নবীর মাধ্যমে এ সংবাদ পেয়ে রাজা কিবলামুখী হয়ে সালাত ও তসবীহ পাঠ করে অত্যন্ত ভারাক্রান্ত হৃদয়ে আল্লাহর প্রতি পূর্ণ আস্থা রেখে ধৈর্যের সাথে কেঁদে কেঁদে এই দোয়া করেন :

اللهم رب الارباب واله الا لاله يارحمن يارحيم يا من لا تأخذ سنة ولا  
نوم اذكرني بعلمي وفعلى وحسن قضائي على بنى اسرائيل وذاك كله  
كان منك فانت اعلم به من نفسى سرى واعلانى لك.

হে আল্লাহ, মহা প্রতিপালক, রাজাধিরাজ, দয়াময়, পরম দয়ালু! হে ঐ সন্তা, যাঁকে তন্দ্রা বা নিদ্রা স্পর্শ করে না। আমার জ্ঞান, আমার কার্যাবলী ও বনী ইসরাইলদের উপর আমার ন্যায়-বিচারের দিকে লক্ষ্য করে আপনি আমার প্রতি অনুগ্রহ করুন। আমার এ যা কিছু কৃতিত্ব, সবই আপনার করুণার দান। এ সম্পর্কে আপনি সর্বাধিক অবগত। আমার ভিতর ও বাহির সব আপনাতে ন্যস্ত।

আল্লাহর দোয়া কবুল করে তাঁর প্রতি অনুগ্রহ প্রদর্শন করেন এবং শাইয়ার (যীশাইও) নিকট ওইর মাধ্যমে সুসংবাদ দেন যে, তাঁর কান্নাতে আল্লাহ সদয় হয়েছেন। তিনি তাঁর আয়ু পনের বছর বৃদ্ধি করেছেন এবং তাঁর শক্তি সানহারীবের কবল থেকে তাঁকে রক্ষা করেছেন। নবীর নিকট থেকে এ সুসংবাদ শুনে রাজার অন্তর থেকে ভয়-ভীতি ও দুশ্চিন্তা দুরীভূত হয় এবং ক্রতজ্ঞতা প্রকাশার্থে সিজদাবন্ত হয়ে তিনি নিম্নোক্ত দোয়া পাঠ করেন :

اللَّهُمَّ أَنْتَ الَّذِي تَعْطِي الْمُلْكَ مِنْ تِسْأَءٍ وَتَنْزِعُهُ مِمَّنْ تِسْأَءُ وَتَعْزِي مِنْ  
تِسْأَءٍ وَتَذْلِي مِنْ تِسْأَءٍ عَالَمُ الْغَيْبِ وَالشَّهَادَةِ أَنْتَ الْأَوَّلُ وَالْآخِرُ وَالظَّاهِرُ  
وَالْبَاطِنُ وَأَنْتَ تَرْحِمُ وَتَسْتَجِيبُ دُعَوَةِ الْمُضْطَرِّينَ .

হে আল্লাহ! আপনি সেই মহান সন্তা, আপনি যাকে ইচ্ছা রাজ্য দান করেন এবং যার থেকে ইচ্ছা রাজ্য ছিনয়ে নেন; যাকে ইচ্ছা মর্যাদা দান করেন, যাকে ইচ্ছা লাঞ্ছিত করেন। দৃশ্য-অদৃশ্য যাবতীয় বিষয়ে আপনি সম্যক অবগত। আপনি আদি ও অন্ত এবং প্রকাশ্য ও অপ্রকাশ্য। বিপদ্ধস্তদের আহ্বানে আপনিই সাড়া দেন ও অনুগ্রহ করেন।

সিজদা শেষ হলে আল্লাহ শাইয়ার নিকট ওহী প্রেরণ করেন এবং রাজাকে এ কথা জানিয়ে দেয়ার নির্দেশ দেন যে, তিনি যেন ডুরুরের রস পায়ের ক্ষত স্থানে লাগিয়ে দেন, তাতে তিনি আরোগ্য লাভ করবেন। রাজা এ নির্দেশ পালন করেন এবং আরোগ্য লাভ করেন। এরপর আল্লাহ সানহারীবের সৈন্য-বাহিনীকে ধ্বংস করে দেন। ফলে সানহারীব ও তার পঁচজন সঙ্গী ব্যতীত তার গোটা সৈন্যবাহিনী মৃত্যুর কোলে ঢলে পড়ে। এই পঁচজনের মধ্যে একজন বুখত নসর।\*

বনী ইসরাইলের রাজা লোক পাঠিয়ে এদেরকে ধরে এনে বেড়ি পরিয়ে সন্তুর দিন পর্যন্ত শহরের অলি-গলিতে ঘুরিয়ে লাঞ্ছিত করেন। প্রত্যহ এদের প্রতি জনকে মাত্র দুটি করে যবের রুটি খেতে দেয়া হতো। এরপর তাদেরকে কারাগারে বন্দী করে রাখা হয়। আল্লাহ তখন শাইয়ার নিকট ওহী প্রেরণ করেন। তিনি রাজাকে এদের ছেড়ে দেয়ার নির্দেশ দেন, যাতে এরা আপন সম্পদায়ের লোকজনকে নিজেদের শাস্তি ও লাঞ্ছনা ভোগের বিবরণ শোনাতে পারে। সানহারীব মুক্তি পেয়ে ফিরে গিয়ে নিজ সম্পদায়ের লোকদেরকে সমবেত করে ঘটনার বিস্তারিত বিবরণ দেয়। প্রতি উত্তরে গণক ও যাদুকররা বলল, আমরা পূর্বেই আপনাকে ইস্রাইলীদের প্রতিপালক ও নবীগণ সম্পর্কে অবহিত করেছিলাম; কিন্তু আপনি আমাদের কথায় কান দেননি। এরা এমন একটি জাতি, যাদের প্রতিপালকের মুকাবিলা করার ক্ষমতা কারও নেই। এভাবে সানহারীবের পরিণতি তাই হল, যে সম্পর্কে আল্লাহ পূর্বেই তাদেরকে সাবধান করেছিলেন। এ ঘটনার সাত বছর পর সানহারীবের মৃত্যু হয়। ইব্ন ইসহাক বলেন, বাদশাহ হিয়াকিয়ার মৃত্যুর পর বনী ইসরাইলের মধ্যে পাপ প্রবণতা, অপরাধ, বিশ্রংখলা ও সন্ত্রাসী কার্যকলাপ অত্যধিক বৃদ্ধি পায়। হ্যরত শাইয়া তখন আল্লাহর প্রত্যাদেশ পেয়ে বনী ইসরাইলের লোকদেরকে

\* টীকা - একেই নেবুচাদ নেয়ার বা নেবুকাদ নেয়ার বলা হয়ে থাকে।

আহ্বান করলেন এবং আল্লাহর আদেশ পালনের জন্যে উপদেশ দান করলেন। নবী তাদেরকে সতর্ক করেছিলেন যে, আল্লাহর আদেশ লজ্জন করলে ও তাঁকে মিথ্যা প্রতিপন্থ করলে তাদের উপর শান্তি অবধারিত। হ্যরত শাইয়ার বক্তব্য শেষ হলে উপস্থিত জনগণ তাঁকে আকৃমণ করতে উদ্যত হল এবং হত্যা করার উদ্দেশ্যে তাঁর পশ্চাতে ধাওয়া করল। শাইয়া (আ) আত্মরক্ষার জন্যে সেখান থেকে পালিয়ে যান। এমন সময় তিনি সম্মুখে একটি বৃক্ষ দেখতে পান। বৃক্ষটি নবীকে শক্র কবল থেকে রক্ষার জন্যে দু'ভাগে বিভক্ত হয়ে যায়। তিনি তাতে প্রবেশ করেন এবং বৃক্ষের ফাটল বন্ধ হয়ে যায়। কিন্তু শয়তান তাঁর কাপড় টেনে ধরায় তার আঁচল বাইরে থেকে যায়। ইতিমধ্যে শক্র সেখানে এসে উপস্থিত হয়। তারা বৃক্ষের মধ্যে কাপড় আটকা দেখে করাত দ্বারা বৃক্ষটি দ্বিখণ্ডিত করে ফেলে। ফলে হ্যরত শাইয়ার দেহও দ্বিখণ্ডিত হয়ে যায়--ইন্নালিল্লাহি ওয়া ইন্না ইলায়াহি রাজিউন।

### লাবী\* ইব্ন ইয়াকুবের বৎসর হ্যরত আরমিয়া ইব্ন হালকিয়া

যাহ্হাক (র) ইবন আবুস (রা) থেকে বর্ণনা করেন যে, আরমিয়া ইব্ন হালকিয়া হচ্ছেন হ্যরত খিয়ির (আ)। কিন্তু এ বর্ণনাটি ‘গরীব’ পর্যায়ের এবং তা বিশুদ্ধ নয়। ইব্ন আসাকির কোন কোন গ্রন্থের উদ্ধৃতি দিয়ে বলেছেন, দামিশকে হ্যরত ইয়াহইয়া ইব্ন যাকারিয়া (আ)-এর রক্ত সদা প্রবহমান ছিল। আরমিয়া ইব্ন হালকিয়া সেই রক্তের উপর দাঁড়িয়ে বলেছিলেন, হে রক্ত! তুমি তো বহু মানুষকে পরীক্ষায় ফেলেছ, এখন থাম। তখন রক্ত থেমে যায় এবং অদৃশ্য হয়ে যায়। আবু বকর ইব্ন আবিদ-দুনয়া.....আবদুল্লাহ ইব্ন আবদুর রহমান থেকে বর্ণনা করেন, হ্যরত আরমিয়া একদা আল্লাহর নিকট জিজ্ঞেস করেছিলেন, হে আমার প্রতিপালক! আপনার নিকট প্রিয়তম বান্দা কে? উত্তরে আল্লাহ বলেছিলেন, সৃষ্টিক্লের পরিবর্তে আমাকে অধিক স্মরণ করে নশ্বরের ধোঁকায় সে পড়ে না এবং দুনিয়ার স্থায়ী থাকার বাসনাও করে না। পার্থিব জীবনের সুখ শান্তিকে সে উপেক্ষা করে চলে এবং বিলাস-সামগ্রী থেকে বঞ্চিত হলে খুশী হয়। এ জাতীয় বান্দাদেরকে আমি আমার নৈকট্য দান করব এবং কল্পনাতীতভাবে পুরুষ করব।

### বায়তুল মুকাদ্দাসের ধৰ্ম

এ সম্পর্কে আল্লাহর বাণী :

وَاتَّيْنَا مُوسَى الْكِتَبَ وَجَعَلْنَاهُ هُدًى لِبَنِي إِسْرَائِيلَ أَلَا تَتَخَذُوا مِنْ دُونِي وَكِيلًا. ذُرِّيَّةٌ مِنْ حَمْلَنَا مَعَ نُوحٍ. إِنَّهُ كَانَ عَبْدًا شَكُورًا. وَقَضَيْنَا إِلَى بَنِي إِسْرَائِيلَ فِي الْكِتَبِ لِتُفْسِدُنَّ فِي الْأَرْضِ مَرَتَّيْنِ وَلَتَعْلَمَنَّ عُلُّوا

\* ঢাকা বাইবেলে তাকে লেবী বলা হয়েছে।

كَبِيرًا . فَإِذَا جَاءَ وَعْدُ أُولَئِمَّا بَعْثَنَا عَلَيْكُمْ عِبَادًا لَّنَا أُولَئِيْ بَأْسٍ شَدِيدٌ فَجَاسُوا خَلَالَ الدِّيَارِ . وَكَانَ وَعْدًا مَفْعُولًا . ثُمَّ رَدَدْنَا لَكُمُ الْكَرَّةَ عَلَيْهِمْ وَأَمْدَنْنَاكُمْ بِأَمْوَالٍ وَبَيْنِ وَجَعْلَنَاكُمْ أَكْثَرَ نَفِيرًا إِنْ أَحْسَنْتُمْ أَحْسَنْتُمْ لَأَنفُسِكُمْ وَإِنْ أَسَأْتُمْ فَلَهَا . فَإِذَا جَاءَ وَعْدُ الْآخِرَةِ لِيَسْوُءُهُمْ وَجُوهُكُمْ وَلَيَدْخُلُوا الْمَسْجِدَ كَمَا دَخَلُوهُ أَوَّلَ مَرَّةٍ وَلَيُتَبَرُّوْ مَا عَلَوْا تَثْبِيرًا . عَسَى رَبُّكُمْ أَنْ يَرْحَمَكُمْ وَإِنْ عُذْتُمْ عُذْنَا وَجَعَلْنَا جَهَنَّمَ لِلْكُفَّارِ حَصِيرًا .

—আমি মূসাকে কিতাব দিয়েছিলাম ও তাকে করেছিলাম বনী ইসরাইলের জন্যে পথ নির্দেশক। আমি আদেশ করেছিলাম “তোমরা আমাকে ব্যতীত অপর কাউকেও কর্মবিধায়করণে গ্রহণ করো না।” “হে তাদের বংশধর! যাদেরকে আমি নৃহের সাথে আরোহণ করিয়েছিলাম, সে তো ছিল পরম কৃতজ্ঞ বান্দা।” এবং আমি কিতাবে প্রত্যাদেশ দ্বারা বনী ইসরাইলকে জানিয়েছিলাম, “নিশ্চয়ই তোমরা পৃথিবীতে দু’বার বিপর্যয় সৃষ্টি করবে এবং তোমরা অতিশয় অহংকার-স্ফীত হবে।” তারপর এ দু’য়ের প্রথমটির নির্ধারিত কাল যখন উপস্থিত হল, তখন আমি তোমাদের বিরুদ্ধে প্রেরণ করেছিলাম আমার বান্দাদেরকে, যুদ্ধে অতিশয় শক্তিশালী; তারা ঘরে ঘরে প্রবেশ করে সমস্ত ধ্রংস করেছিল। আর প্রতিশ্রূতি কার্যকরী হয়েই থাকে। তারপর আমি তোমাদেরকে পুনরায় তাদের উপর প্রতিষ্ঠিত করলাম, তোমাদেরকে ধন ও সন্তান-সন্ততি দ্বারা সাহায্য করলাম ও সংখ্যায় গরিষ্ঠ করলাম। তোমরা সৎকর্ম করলে সৎকর্ম নিজেদের জন্য করবে এবং মন্দ কর্ম করলে তাও করবে নিজেদের জন্যে। তারপর পরবর্তী নির্ধারিত কাল উপস্থিত হলে আমি আমার বান্দাদেরকে প্রেরণ করলাম তোমাদের মুখ্যমণ্ডল কালিমাচ্ছন্ন করবার জন্যে, প্রথমবার তারা যেভাবে মসজিদে প্রবেশ করেছিল পুনরায় সেভাবেই তাতে প্রবেশ করবার জন্যে এবং তারা যা অধিকার করেছিল তা সম্পূর্ণভাবে ধ্রংস করবার জন্যে। সন্তত তোমাদের প্রতিপালক তোমাদের প্রতি দয়া করবেন; কিন্তু তোমরা যদি তোমাদের পূর্ব আচরণের পুনরাবৃত্তি কর তবে আমিও পুনরাবৃত্তি করব। জাহানামকে আমি করেছি কাফিরদের জন্যে কারাগার। (১৭ ইসরাঃ ২-৮)

ওহাব ইব্ন মুনাবিহ বলেন, বনী ইসরাইলের মধ্যে যখন অনাচার ও পাপবৃত্তি সর্বগ্রাসীরূপ লাভ করে তখন তাদের নবী আরমিয়ার নিকট আল্লাহ এই মর্মে ওহী প্রেরণ করেন যে, তুমি তোমার সপ্তদায়ের লোকদেরকে জানাও যে, তাদের হৃদয় আছে; কিন্তু তারা উপলক্ষ্য করে না, চক্ষু আছে কিন্তু দেখে না, কান আছে শুনে না। আমি তাদের পূর্ব-পুরুষদের উত্তম কর্মসমূহ স্মরণ করেছি--ফলে তাদের সন্তানদের উপর আমার করুণাধারা বর্ষিত হয়েছে। ওদেরকে জিজেস করে দেখ, আমার আনুগত্যের সুফল তারা কিভাবে লাভ করেছে। আমার অবাধ্য হয়ে কেউ কি সৌভাগ্যবান হয়েছে, কিংবা আমার আনুগত্য করে কি কেউ দুর্ভাগ্য হয়েছে? সমস্ত প্রাণীই নিজ বাসস্থানের কথা স্মরণ করে এবং সে দিকেই ফিরে যায়। আর এই সপ্তদায়ের

লোকেরা আমার সেই সব আদেশ লংঘন করেছে, যা মেনে চলার কারণে আমি এদের পূর্ব পুরুষদেরকে সম্মানিত করেছিলাম। এরা ভিন্ন পথে চলে সম্মান লাভ করতে চেয়েছে। তাদের ধর্ম্যাজকরা আমার হক বিস্তৃত হয়েছে। তাদের বিদ্বান ব্যক্তিরা আমার পরিবর্তে অন্যের ইবাদত করেছে, তাদের ধর্মপ্রাণ ব্যক্তিরা নিজেদের জ্ঞান থেকে উপকৃত হয়নি এবং তাদের শাসকরা আমার ও আমার রাসূলগণের প্রতি মিথ্যা আরোপ করেছে। তাদের অস্তরে লুকায়িত আছে গভীর ষড়যন্ত্র আর মুখে আছে মিথ্যা বুলি। আমি আমার প্রতাপ ও মর্যাদার কসম করে বলছি, আমি তাদের উপর এমন এক জাতিকে চাপিয়ে দিব, যারা বুঝবে না এদের ভাষা, চিনবে না এদের চেহারা, বিগলিত হবে না তাদের অস্তর এদের কানায়। আমি তাদের মাঝে পাঠাব এমন এক জালিম বাদশাহ, যার সৈন্য-বাহিনীর বহর হবে মেঘমালার ন্যায়, সৈন্যদের সারিগুলোকে মনে হবে প্রশংসন গিরিপথ, তাদের পতাকার শব্দ ধ্বনি শোনা যাবে শরুন পালের উড্ডয়নের ধ্বনির ন্যায়। তাদের অশ্ব বাহিনীর আক্রমণ হবে স্টেগল পাথীর ছোবলের ন্যায়। তারা নগরসমূহকে ধ্বংসস্তূপে পরিণত করবে এবং পল্লীগুলোকে করবে বিরান। হায়, কি দুর্ভাগ্য জলিয়া ও তার অধিবাসীদের। হত্যা ও বন্দীত্বের লাঞ্ছনা-রশ্মিত তাদেরকে আবদ্ধ করা হবে। সহসাই পরিবর্তিত হয়ে যাবে বিবাহ অনুষ্ঠানের আনন্দ-কোলাহল বীভৎস চিৎকার ধ্বনিতে।

অশ্বের হেসা ধ্বনির স্থলে শ্রুত হবে হিস্র শ্বাপদের তর্জন-গর্জন। সুরম্য ভবনাদি ঘেরা মনোরম শহর পরিণত হবে বন্য জীব-জন্মের আবাস ভূমিতে। রাত্রিবেলা যে স্থান থাকত আলোর দীপ্তিতে সদা ঝলমল, সেখানে নেমে আসবে অমানিশার ঘোর অঙ্ককার। এদের ভাগ্যে জুটিবে সম্মানের পরিবর্তে লাঞ্ছনা, ঐশ্বর্যের পরিবর্তে দাসত্ব। তাদের স্ত্রীরা সুবভিত হওয়ার স্থলে হবে ধূলি ধূসরিত। উপাধান-আয়োশের স্থলে তারা চলবে নগ্নপদ উটের মত। তাদের দেহগুলো হবে মাটির খাদ্য, পরিণত হবে জঞ্জালে এবং সূর্যের তাপে হাঙ্গিগুলো চকচক করবে। এগুলো ব্যতীত আরও বিভিন্ন প্রকার শাস্তি দ্বারা আমি তাদেরকে নিষ্পেষিত করব। এরপর আমি আকাশকে হৃকুম দিব। ফলে আকাশ লৌহস্তরে পরিণত হবে এবং যমীন বিগলিত তামায় পরিণত হবে। এমতাবস্থায় বৃষ্টি হলেও ফসল উৎপাদিত হবে না, যদি অন্ত কিছু উৎপাদিত হয়ও তবে বন্য জীবজন্মের প্রতি আমার অনুগ্রহের কারণে হবে। ফসল উৎপন্ন হওয়ার সময় আমি বৃষ্টিপাত বন্ধ রাখব এবং ফসল উঠাবার সময় বৃষ্টিপাত ঘটাবো। এ সময়ের মধ্যে সামান্য পরিমাণ ফসল উৎপাদন করতে যদি তারা সক্ষমও হয় তবে ফসল নষ্ট করার বিভিন্ন দুর্যোগ আমি চাপিয়ে দেব। সে দুর্যোগ থেকে কিছু অংশ যদি রক্ষাও পায়, তা থেকে আমি বরকত উঠিয়ে নেব। যদি তারা আমার নিকট ফরিয়াদও করে আমি তাতে সাড়া দেব না। তারা আমার অনুগ্রহ কামনা করলেও আমি কিছুই দান করব না। তাদের কানাকাটিতেও আমি সদয় হব না। তাদের কাকুতি-মিনতি সন্ত্রেও আমি তাদের থেকে মুখ ফিরিয়ে নেব। এটি ইব্ন আসাকিরের বর্ণনা।

ইসহাক ইব্ন বিশ্রং..... ওহাব ইব্ন মুনাবিহ্ থেকে বর্ণনা করেছেন। তিনি বলেন, আল্লাহ নবী আরমিয়াকে বনী ইসরাইলের মাঝে প্রেরণ করেন। তখন তাদের পাপের মাত্রা, অপরাধ প্রবণতা চরম পর্যায়ে পৌছে গিয়েছিল। এমনকি বহু নবীকে তারা হত্যা করেছিল। তখন আল্লাহ

বুখ্ত নসরের অন্তরে বনী ইসরাইলের উপর হামলা করার ইচ্ছে জাগিয়ে দেন। তাই বুখ্ত নসর তাদেরকে আক্রমণ করার উদ্যোগ নেন। এ সময় আল্লাহ আরমিয়ার নিকট ওহী পাঠান। তিনি জানান, আমি বনী ইসরাইলকে ধ্রংস করব; তাদের পাপের সমুচিত শাস্তি দেবো। তুমি বায়তুল মুকাদ্দাসে সংরক্ষিত শুভ পাথরের উপর দাঁড়াও। সেখানে তোমার নিকট আমার ওহী ও নির্দেশ আসবে। আরমিয়া সেখানে গিয়ে দাঁড়ালেন এবং পরিধানের জামা ছিঁড়ে ফেললেন। আপন মাথায় ছাই মাখলেন। তারপরে সিজদায় গেলেন। সিজদায় পড়ে তিনি বলতে লাগলেন, হে আমার প্রতিপালক! কত ভাল হত যদি আমার মা আমাকে প্রসব না করতেন। কেননা আপনি আমাকে বনী ইসরাইলের শেষ যুগের নবী বানিয়েছেন; আর আমার কারণেই বায়তুল মুকাদ্দাস ধ্রংস হবে এবং বনী ইসরাইল নির্মূল হবে। আল্লাহ তাকে বললেন, সিজদা থেকে মাথা উঠাও। তিনি মাথা উঠালেন এবং কাঁদতে কাঁদতে বললেন, হে আমার প্রতিপালক! বনী ইসরাইলকে পরাভূত করবে কে? আল্লাহ জানালেন, তারা এক অগ্নিপূজারী সম্প্রদায়-তারা না আমার শাস্তির ভয় করে, না পুরক্ষার কামনা করে। আরমিয়া! তুমি উঠে দাঁড়াও এবং ওহী শ্রবণ কর! আমি তোমাকে তোমার নিজের ও বনী ইসরাইলের সংবাদ দেবো। আমি তোমাকে সৃষ্টি করার পূর্বেই তোমাকে মনোনীত করেছি। তোমার মায়ের পেটে তোমার আকৃতি দেওয়ার পূর্বেই তোমাকে পবিত্র করেছি, ভূমিষ্ঠ হওয়ার পূর্বেই তোমাকে নিষ্কলুষ বানিয়েছি। প্রাণবয়ক্ষ হওয়ার পূর্বেই তোমাকে নবুওত দান করেছি, পূর্ণ ঘোবনে উপনীত হওয়ার পূর্বেই তোমাকে মনোনীত করেছি এবং এক বিরাট গুরুত্বপূর্ণ বিষয়ের জন্যে তোমাকে আমি বাছাই করেছি। তুমি দেশের রাজার সাথে সাক্ষাৎ করে তাকে সরল-সঠিক পথ দেখাও। এ আদেশ পেয়ে নবী রাজার সাথে মিলিত হন ও সঠিক পথ প্রদর্শন করতে থাকেন। আল্লাহর নিকট থেকে নবীর নিকট প্রয়োজনীয় ওহী আসতে থাকে।

এরপর বনী ইসরাইলরা ক্রমান্বয়ে জঘন্য পাপে লিঙ্গ হয়ে পড়ে। তাদের শক্র সান্ধারীব ও তার সৈন্য বাহিনীর কবল থেকে আল্লাহ তাদেরকে যে রক্ষা করেছিলেন, সে কথাও তারা বেমালুম ভুলে যায়। তখন আল্লাহ নবীকে ওহীর মাধ্যমে জানান; আমি তোমাকে যে নির্দেশ দিই তা তাদের নিকট ব্যক্ত কর। আমার অনুগ্রহের কথা তাদেরকে শ্রবণ করিয়ে দাও; তারা যে সব পাপাচার ও বেদাতে লিঙ্গ হয়েছে তা তাদেরকে দেখিয়ে দাও। আরমিয়া নিবেদন করল : “হে আমার প্রতিপালক! আমি দুর্বল, যদি আপনি শক্তি না দেন; আমি অক্ষম, যদি আপনি ক্ষমতা প্রদান না করেন; আমি ভুল করব, যদি আপনি সঠিক পথে পরিচালিত না করেন, আমি অসহায় যদি আপনি সাহায্য না করেন; আমি লাঞ্ছিত যদি আপনি ইজ্জত না দেন।”

আল্লাহ তাঁকে জানালেন, হে আরমিয়া, তোমার কি জানা নেই যে, যাবতীয় ঘটনা আমারই ইচ্ছার বহিঃপ্রকাশ, সৃষ্টি ও নির্দেশ সবই আমার এখতিয়ারে। সকলের অন্তর ও জিহ্বা আমারই হাতে, যেমন ইচ্ছা আমি তা পরিবর্তন করি, সুতরাং আমারই আনুগত্য কর। আমার কোন সমকক্ষ নেই। আমার নির্দেশে আসমান, যমীন ও এ দুয়ের মধ্যবর্তী সবকিছু অস্তিত্ব লাভ করেছে। একক সন্তা কেবল আমিই এবং সকল ক্ষমতার অধিকারী একমাত্র আমিই। আমার নিকট যা কিছু আছে সে সম্পর্কে আমি ব্যক্তিত আর কেউই অবগত নয়। আমি এমন সন্তা যে,

সম্মতকে সম্মোধন করে বাক্যালাপ করেছি। সে তা বুঝতেও পেরেছে। আমি তাকে নির্দেশ দিয়েছি, সে সেই নির্দেশ পালনও করেছে। আমি তাকে সীমা নির্ধারণ করে দিয়েছি। সে ঐ সীমানা অতিক্রম করেনি। সে পর্বতের ন্যায় সু-উচ্চ তরঙ্গমালা উঠিত করে। তবে যখনই আমার নির্ধারিত সীমা পর্যন্ত পৌছে যায় তখনই আমার আনুগত্য ও নির্দেশ পালনার্থে ভীত শংকিত হয়ে তা গুটিয়ে ফেলে। আমি তোমার সাথেই আছি। আমি যখন আছি তখন কোন কিছুই তোমাকে স্পর্শ করতে পারবে না। তোমাকে এক গুরুত্বপূর্ণ জাতির নিকট প্রেরণ করা হয়েছে। তাদের নিকট তুমি আমার বাণী পেঁচিয়ে দাও। যারা তোমার অনুসরণ করবে তাদের সম্পরিমাণ ছওয়াব তুমি ও লাভ করবে। এতে তাদের ছওয়াব থেকে কিছুই কমানো হবে না। তুমি সম্প্রদায়ের নিকট যাও। তাদেরকে সম্মোধন করে বল, আল্লাহ্ তোমাদের পূর্ব-পুরুষের উত্তম গুণাবলীর কথা স্মরণ করিয়ে দিয়েছেন। তোমরা নবী রাসূলগণের বংশধর। তাদের উত্তম কার্যাবলীর কারণেই তিনি তোমাদের অস্তিত্ব টিকিয়ে রেখেছেন।

লক্ষ্য কর, তোমাদের পূর্ব-পুরুষগণ আমার আনুগত্য করার কি সুফল লাভ করেছে। আর আমার অবাধ্য হয়ে তোমাদের কি পরিণতি হয়েছে? ওদেরকে জিজেস কর, তারা কি দেখেছে কোন লোক আমার অবাধ্য হয়ে সৌভাগ্যের অধিকারী হয়েছে? কিংবা তারা কি জানে, কেউ আমার আনুগত্য করে দুর্ভাগ্যের শিকার হয়েছে? বনের পশুরাও যখন তাদের উত্তম বাসস্থানের কথা স্মরণ করে তখন তথায় যাওয়ার জন্যে উদয়ীব হয়ে পড়ে। অথচ এই সম্প্রদায়টি অতি উৎফুল্ল চিত্তে ধ্বংসের গহবরের দিকে ধাবিত হচ্ছে। তাদের পূর্ব-পুরুষদেরকে যেসব গুণাবলীর জন্যে সম্মানে ভূষিত করেছিলাম এরা সেগুলো পরিহার করে ভিন্ন পথে মর্যাদা লাভে প্রয়াসী। তাদের ধর্ম্যাজকরা আমার বান্দাদেরকে নিজেদের গোলাম বানিয়ে রেখেছে। আমার কিতাবের শিক্ষা উপেক্ষা করে তারা জনগণকে নিজেদের ইচ্ছামত পরিচালিত করছে। সাধারণ মানুষকে অজ্ঞতার অন্ধকারে ডুবিয়ে রেখেছে এবং আমার কর্মনীতি ও স্মরণ থেকে তাদেরকে গাফিল করে রেখেছে। এরা জনসাধারণকে আমার থেকে দূরে সরিয়ে রেখেছে। ফলে তারা আমার বান্দা হয়েও তাদের আনুগত্য করছে ও তাদের নেকট্য লাভের প্রয়াসী হচ্ছে। অথচ এ ধরনের আনুগত্য পাওয়ার হক কেবল আমারই। এভাবে আমার অবাধ্য হয়ে লোকজন ধর্ম্যাজকদের আনুগত্য করছে।

তাদের শাসকবর্গ আমার অনুগ্রহ লাভ করে কৃতজ্ঞতার পরিবর্তে দাঙ্গিকতা প্রদর্শন করছে। এবং আমার নীতি-কৌশলের পরিণতি থেকে নিশ্চিত নিরাপদ থাকবে বলে ধারণা করছে। পার্থিব জীবন তাদেরকে প্রতারণার ঘৃণ্ণবর্তে নিক্ষেপ করেছে। ফলে তারা আমার প্রেরিত কিতাবকে পরিত্যাগ করেছে। আমার সাথে কৃত প্রতিজ্ঞা ভুলে গিয়েছে। আমার কিতাবের মধ্যে পরিবর্তন করেছে, আমার প্রতি ও আমার রাসূলের প্রতি মিথ্যা আরোপের দুঃসাহস দেখিয়েছে। আমার পবিত্র সত্তা, সুউচ্চ মর্যাদা ও মহা প্রতাপ-প্রতিপত্তির জন্যে আমার রাজ্যের মধ্যে কারও অংশীদারিত্ব থাকা কি কখনও যুক্তিসংগত হতে পারে? আমার নির্দেশ উপেক্ষা করে অন্যের আনুগত্য করা কি কোন মানুষের পক্ষে বাঞ্ছনীয় হতে পারে? আমার পক্ষে কি কোন বান্দাকে মানুষের পূজনীয় করা কিংবা কাউকে কোন মানুষের পূজা করার অনুমতি দেওয়া শোভা পায়? নিরঙ্কুশ আনুগত্য তো কেবল আমারই প্রাপ্য।

এদের মধ্যে আলিম-ফকীহ ও শিক্ষিত শ্রেণীর অবস্থা এই যে, তারা তাদের পার্থিব স্বার্থ সংশ্লিষ্ট বিষয়াদি সম্পর্কে পড়াশুনা করে, শাসকবর্গের অনুগত হয়ে থাকে। ফলে শাসকদল যেসব বেদআত্মী কাজে লিপ্ত হয় এরা স্তুষ্টিচিত্তে তা-ই অনুসরণ করে চলে; আমার সাথে দেয়া অঙ্গীকার ভঙ্গ করে তারা শাসকদেরকে দেয়া অঙ্গীকার রক্ষা করে। এভাবে আলিম হয়েও তারা মূর্খের ভূমিকা পালন করছে। আমার কিতাবের যে জ্ঞান তারা অর্জন করেছিল তা থেকে তারা কোনভাবে উপকৃত হয়নি।

অপরদিকে নবীগণের বংশধরদের অবস্থা এমন শোচনীয় পর্যায়ে পৌছেছে যে, তারা অন্য শক্তির নিকট পরাজিত, বিভিন্ন প্রকার সমস্যায় জর্জরিত। বিভাস্তিমূলক আলাপ-আলোচনায় তারা লিপ্ত, তাদের পূর্ব-পুরুষদেরকে আমি যেভাবে সাহায্য ও সশ্বান দান করেছি এরাও সেইরূপ সাহায্য ও সশ্বান পাওয়ার প্রত্যাশা করে। তাদের ধারণা আমার অনুগ্রহ পাওয়ার যোগ্য অধিকারী কেবল তারাই, অন্য কেউ নয়। কিন্তু তাদের মধ্যে সততা ও সৎ চিন্তা নেই। তারা স্বরণ করে না তাদের পূর্ব-পুরুষ কিভাবে ধৈর্যধারণ করেছিল এবং অন্যেরা যখন প্রতারণার জালে আবদ্ধ হচ্ছিল তখন কত দৃঢ়তার সাথে তারা আমার নির্দেশ মেনে চলেছিল, কী পরিমাণ আঝোৎসর্গ তারা করেছিল এবং রক্ত ঝরিয়েছিল। তারা ধৈর্যের প্রকাষ্ঠা দেখিয়েছিল এবং দ্বিমানের দাবিকে সত্য প্রমাণিত করেছিল। ফলে আমার বিধান মর্যাদার আসনে অধিষ্ঠিত হয় এবং আমার দীন বিজয় লাভ করে। তাদের বদোলতেই এ জাতিকে আমি অবকাশ দিয়েছিলাম। আশা ছিল এরা লজ্জিত হয়ে আমার দিকে প্রত্যাবর্তন করবে।

এদেরকে আমি অবকাশ দিয়েছি। তাদের ক্রটি-বিচ্যুতি ক্ষমা করে দিয়েছি, তাদের সংখ্যা ও আয়ু বৃদ্ধি করে দিয়েছি। তাদের কাকুতি-মিনতি কবুল করেছি--যাতে তারা উপদেশ গ্রহণ করে। ফলে আকাশ তাদের উপর বৃষ্টি বর্ষণ করেছে। যমীন খাদ্য উৎপাদন করেছে, সুস্থ দেহ ও স্বচ্ছন্দ জীবন তারা উপভোগ করেছে, শক্রদের উপর জয়লাভ করেছে। কিন্তু তা সত্ত্বেও তারা আরও বেশি পাপাসক্ত হয়েছে। অপরাধের সীমা ছাড়িয়ে গিয়েছে এবং আমার নৈকট্য থেকে বহু দূরে চলে গিয়েছে। এ অবস্থা আর কতদিন চলতে দেয়া যায়? এরা কি আমার সাথে উপহাস করছে, নাকি আমার সাথে ধোকাবাজী করছে? তারা আমার সাথে প্রতারণা করছে, নাকি স্পর্ধা দেখাচ্ছে? আমার মর্যাদার কসম, তাদের জন্যে এমন এক ভয়াবহ বিপর্যয় আমি নির্ধারণ করে রেখেছি--যার প্রচণ্ডতায় বিজ্ঞ-জ্ঞানী লোকও উদ্ভ্রান্ত হয়ে যাবে, দাশনিকের তত্ত্বজ্ঞান ও বিবেক সম্পন্ন লোকের বিবেক-শক্তি লোপ পাবে। তাদের উপর এক প্রতাপশালী, পাষাণ-হৃদয়, নির্দয় শাসক চাপিয়ে দেব। ভয়ংকর তার চেহারা, দয়া-মায়া শূন্য তার অন্তর। আঁধার রাতের ন্যায় বিশাল সৈন্য-বাহিনী অনুগামী হবে তার। সৈন্য-বাহিনীর বৃহৎগুলো হবে মেঘমালার ন্যায়।

ধোঁয়ার ন্যায় আচ্ছাদন করে চলবে সৈন্যদের খণ্ড খণ্ড মিছিলগুলো। বাহিনীতে ব্যবহৃত প্রতাকার শব্দ হবে শুকুনপালের উড়োয়নের শব্দের মত। অশ্বারোহীদের ধাবমান গতি হবে ঈগল পাথীর ঝাঁকের ন্যায় গতিশীল। তারা সমস্ত শহর ধ্বংস করবে, গ্রাম উজাড় করবে এবং যা-ই হাতের কাছে পাবে, তা-ই বিনাশ করে ছাড়বে। তাদের অন্তর হবে কঠিন, কোন কিছুই পরোয়া করবে না, কারও অপেক্ষা করবে না, কারও প্রতি অনুগ্রহ দেখাবে না, কোন দিকে তাকাবে না,

কারও কথা শুনবে না। সিংহের মত গর্জন করতে করতে এক বাজার থেকে অন্য বাজারে ঘুরে বেড়াবে। তাদের ভয়ংকর রূপ দেখে শরীর শিউরে উঠবে। তাদের কথা শুনে জ্ঞানীর জ্ঞান লোপ পেয়ে যাবে। এমন ভাষায় কথা বলবে, যা কেউ বুঝবে না, এমন চেহারায় প্রকাশিত হবে, যা কেউ চিনবে না। আমার ইঞ্জতের কসম, এরপরে আমি তাদের বাড়ি-ঘর আমার পরিব্র কিতাব থেকে বঞ্চিত করে দেব। তাদের সভা-সমিতি ও বৈঠকাদিতে কিতাবের পাঠ ও আলোচনা বন্ধ করে দেব, তাদের মসজিদগুলো ঐসব আগন্তুক ও পরিচর্যাকারী থেকে শূন্য করে ফেলব, যারা অন্যের উদ্দেশ্যে এগুলোকে সুসজ্জিত করে রাখত, এর মধ্যে শয়ন করত। পুণ্য লাভের পরিবর্তে পার্থিব স্বার্থ হাসিলের উদ্দেশ্যে তারা ইবাদত করত, এখানে বসে দীনের পরিপন্থী চিন্তা-গবেষণা করত এবং এ মসজিদগুলোতে বসেই আমলবিহীন শিক্ষা গ্রহণ করত।

তাদের অবস্থার আমূল পরিবর্তন সাধন করব--শাসক শ্রেণীর সম্মানের পরিবর্তে লাঞ্ছনা, নিরাপত্তার পরিবর্তে ভয়-ভীতি, ঐশ্বর্যের পরিবর্তে দারিদ্র্যা, স্বচ্ছতার পরিবর্তে অনাহার, অনাবিল সুখ-শাস্তির পরিবর্তে বিভিন্ন প্রকার সংকট-সমস্যা, রেশমী পোশাকের পরিবর্তে জীর্ণশীর্ণ পশমী জামা, তেল-সুগন্ধি যুক্ত সংগীদের পরিবর্তে নিহত মানুষের লাশ এবং মাথায় রাজ-মুকুটের পরিবর্তে গলায় লোহার বেড়ি ও পায়ে শৃংখল পরিধানের দ্বারা আমি তাদের ভাগ্য পরিবর্তন করব। তাদের সুরম্য অট্টালিকা ও দুর্ভেদ্য দুর্গকে ধ্বংসস্তূপে, নিশ্চিন্দ্র গঁফুজ বিশিষ্ট শয়ন-কক্ষকে হিংস্র স্বাপনের আবাস স্থলে, অশ্র হেসার স্থলে নেকড়ের গর্জন, প্রদীপের আলোর স্থলে আগুনের ধোঁয়া এবং কোলাহল-কলরবের স্থলে নীরব-নিষ্ঠক পরিবেশে রূপান্তরিত করব। তাদের স্ত্রীদের হাতে চুড়ির বদলে বেড়ি, গলায় স্বর্ণ ও মুকার হারের বদলে লোহার শিকল, সুগন্ধি ও সুবাসিত তেলের বদলে ধুলি-বালি। কোমল বিছানায় উঁচু বালিশে হেলান দিয়ে থাকার বদলে বাজার-ঘাটে রাত্রি-দিনে ঘুরে বেড়ানোর এবং অন্দর মহলে ঘোমটা দিয়ে থাকার বদলে অনাবৃত চেহারায় খর-তাপের মধ্যে ভবঘুরে জীবন যাপনে বাধ্য করব।

এরপর আমি এদেরকে বিভিন্ন প্রকার শাস্তি দিয়ে নিষ্পেষিত করব। কেউ যদি সু-উচ্চ কোন স্থানে আশ্রয় নেয়, তা হলে আমার শাস্তি ও সেখানে গিয়ে পৌছবে। যে আমাকে সমাই করবে আমি তার প্রতি অনুগ্রহ দেখাব, আর যার দ্বারা আমার নির্দেশ পদদলিত হবে, আমি তাকে লাপ্তিত করব। এরপর আমার নির্দেশে আকাশ তাদের উপরে লোহার ঢাকনায় পরিণত হবে এবং মাটি গলিত তামার মত কঠিন হবে। ফলে আকাশ থেকে বৃষ্টি বর্ষিত হবে না এবং মাটি থেকে কিছুই উৎপন্ন হবে না। যদি অল্প কিছু বৃষ্টি হয়ও এবং তাতে যৎসামান্য ফসল ও উৎপন্ন হয় তা হলে তা নষ্ট করার উপদ্রব সৃষ্টি করব। যদি কিছু ফসল রক্ষা পেয়ে যায় তবে তার থেকে আমি বরকত উঠিয়ে নেব। আমার নিকট প্রার্থনা করলে সাড়া দেব না, কিছু পাওয়ার আবেদন করলে দান করব না, কাল্পনাকাটি করলে দয়া দেখাব না, করজোড়ে অনুনয়-বিনয় করলে তাদের থেকে মুখ ফিরিয়ে রাখব। তারা যদি এভাবে প্রার্থনা করে, হে আল্লাহ! আপনি আমাদের পূর্ব-পুরুষদের উপর আপনার রহমত ও কৃপা দান করেছেন এবং আমাদের উপরেও প্রথম দিকে তা অব্যাহত রেখেছেন- আমাদেরকে আপনার নৈকট্য দানের জন্যে বাহাই করেছেন, আমাদের মধ্যে বহু নবী প্রেরণ করেছেন, আসমানী কিতাব নায়িল করেছেন, বায়তুল মুকাদ্দাস মসজিদ

আমাদেরকে দিয়েছেন, আমাদেরকে শক্তিশালী করেছেন ও রাষ্ট্রীয় ক্ষমতা দান করেছেন। আমাদেরকে ও আমাদের পূর্ব-পুরুষদেরকে শিশুকালে আপন অনুগ্রহে লালন-পালন করেছেন এবং যৌবনকালে আপন রহমত দিয়ে সব রকম ক্ষতি থেকে হেফাজত করেছেন। আমরাই আপনার অনুগ্রহপ্রাণ লোকজন। সুতরাং আমরা যদি বিপথগামী হয়েও থাকি তবুও আপনার অনুগ্রহ আমাদের উপর অব্যাহত রাখুন, আমরা যদি বদলে গিয়েও থাকি আপনি বদলে যাবেন না, বরং আপনার অনুগ্রহ, ইহসান, কৃপা ও দান পুরোপুরি আমাদের প্রতি বর্ষণ করুন। তারা যদি ঐভাবে প্রার্থনা করে তবে আমি বলবো, আমার বান্দাদের উপরে প্রথমে আমি দয়া ও রহমত দেখিয়ে থাকি। এরপর যদি তারা আমার দাসত্ব কবুল করে নেয়, তা হলে আমি আমার দান পূর্ণ করে দেই। যদি তারা তা' বৃদ্ধি করে আমিও আমার দান বৃদ্ধি করি। যদি তারা কৃতজ্ঞতা প্রকাশ করে, আমি তখন আমার দান দিণ্ডণ করে দেই। যদি তারা পরিবর্তিত হয়ে যায় এবং বিপথগামী হয় তখন আমিও আমার কার্যধারা পরিবর্তন করি। তারা বিপথগামী হলে আমি ক্রুদ্ধ হই। আমি ক্রুদ্ধ হলে শাস্তি দান করি। আর আমার ক্রোধের সামনে কিছুই টিকে থাকতে পারে না।

কা'ব বর্ণনা করেন, তখন নবী আরমিয়া (আ) বললেন, হে আল্লাহ! আমি তো আপনার কৃপায় বেঁচে আছি, যা জানার তা আপনার থেকেই জানছি। আমি দুর্বল ও অসহায়, আপনার দরবারে কথা বলা আমার সাজে না। আজকের এই দিন পর্যন্ত আপনি নিজ রহমতে আমাকে জীবিত রেখেছেন। এ আয়াব ও শাস্তির ঘোষণাকে আমার চেয়ে অধিক ভয় পাওয়ার আর কেউ নেই। দীর্ঘদিন যাবত আমি এসব পাপী লোকদের মধ্যে অবস্থান করে আসছি। আমার পাশে থেকেই এরা আপনার অবাধ্য হয়ে চলেছে। আমি কোন প্রতিবাদ ও পরিবর্তন করতে পারিনি। এখন যদি আপনি আমাকে শাস্তি দেন, তা হলে সে শাস্তি আমার ক্রটির জন্যেই ভোগ করব; আর যদি আমাকে ক্ষমা করে দেন, তা হলে আপনার দরবারে আমার প্রত্যাশা।

এরপর নবী আরমিয়া (আ) বলেন, হে আমার প্রতিপালক! আপনি পবিত্র, যাবতীয় প্রশংসা আপনার; হে আমার প্রতিপালক! আপনি বরকতময় ও সুমহান। আপনি কি এ জনপদ ও পার্শ্ববর্তী অঞ্চল ধ্বংস করে দেবেন, এটা তো আপনার প্রেরিত অসংখ্য নবীর বাসস্থান এবং আপনার ওহীর অবতারণ স্থল। হে আমার প্রতিপালক! আপনি পবিত্র, প্রশংসার অধিকারী, হে আমার প্রতিপালক! আপনি বরকতময়, মহান। এ মসজিদ (বায়তুল মুকাদ্দাস) ধ্বংসের প্রাক্কালে আমার ফরিয়াদ—এ মসজিদের চতুর্পার্শ্বে আরও বহু মসজিদ ও বাঢ়ি-ঘর আছে, যেগুলো আপনার যিক্র ও স্বরণ করার উদ্দেশ্যে তৈরি করা হয়েছে। হে আমার রব! আপনি পবিত্র, প্রশংসনীয়, কল্যাণময় ও মহান, এ জাতিকে আপনি হত্যা ও শাস্তি দিতে যাচ্ছেন, এরা তো আপনার খলীল ইবরাহীম (আ)-এর বংশধর; আপনার সাথে একান্তে সংলাপকারী মূসা (আ)-এর অনুসারী এবং আপনার মনোনীত নবী দাউদ (আ)-এর সম্পন্নায়। হে আমার প্রতিপালক! ইবরাহীম খলীলুল্লাহৰ বংশধর, মূসা নাজীউল্লাহৰ উম্মত এবং দাউদ খলীফাতুল্লাহৰ সম্পন্নায়, যাদেরকে শায়েস্তা করার জন্যে আপনি অগ্নি পূজারীদেরকে চাপিয়ে দেবেন- এরপর আর কোন জনপদটি অবিশ্বষ্ট থাকবে, যারা আপনার শাস্তি থেকে রক্ষা পাবে?

আল্লাহ বলেন, “হে আরমিয়া! যে কেউ আমার অবাধ্য হয় সে আমার শাস্তি থেকে আদৌ অনবিহিত থাকে না। ঐসব লোকদেরকে আমি সম্মানিত করেছিলাম, কারণ তারা আমার আনুগত্য করেছিল। যদি তারা আমার অবাধ্য হত, তবে অবশ্যই আমি তাদেরকে অবাধ্যদের অন্তর্ভুক্ত করতাম। তবে আমি তাদের প্রতি সদয় হলে নিজ দয়ায় তাদেরকে সংশোধন করে থাকি।”

আরমিয়া (আ) বললেন, হে আমার প্রতিপালক! আপনি নবী ইবরাহীমকে আপন খ্লীলরূপে গ্রহণ করেছেন এবং তার বদৌলতে আমাদেরকে ধৃৎস থেকে রক্ষা করেছেন। নবী মুসাকে আপনি একান্তে ডেকে নিয়ে সংলাপ করেছেন। সুতরাং আমাদের প্রার্থনা, তার ওসীলায় আমাদেরকে রক্ষা করুন এবং আমাদের শক্রদেরকে আমাদের উপরে চাপিয়ে দেবেন না। তখন আল্লাহ তা'আলা তাঁর প্রতি ওহী নায়িল করলেন : হে আরমিয়া! তুমি যখন মায়ের উদরে ছিলে তখন থেকেই আমি তোমাকে পরিত্র রেখেছি এবং বর্তমান সময় পর্যন্ত জীবিত রেখেছি। তোমার সম্পূর্ণ যদি ইয়াতীম, বিধবা, মিসকীন ও পথিক লোকদের সাহায্য-সহযোগিতা করত তবে আমি তাদেরকে আপন আশ্রয়ে রাখতাম। তারা আমার নিকট এমন একটি উদ্যানের ন্যায় সমাদৃত হত, যার বৃক্ষগুলি সতেজ এবং পানি স্বচ্ছ-পরিত্র এবং যার পানি কখনও শুকিয়ে যায় না। ফল নষ্ট হয় না এবং শেষও হয় না। কিন্তু তোমার সম্পূর্ণ বনী ইসরাইলের অবস্থাটা কী? তাদের ব্যাপারে আমার অনুযোগ হচ্ছে- আমি তাদেরকে দয়ালু আহ্বানকারীর মত আমার দিকে আহ্বান করেছি, সকল প্রকার দুর্যোগ ও দুর্ভিক্ষ থেকে নিরাপদে রেখেছি। সচ্ছল ও সজীব জীবন তারা উপভোগ করেছে। কিন্তু আমার এ নিয়ামত ভোগ করে তারা মোটা-তাজা মেষের মত পরম্পর লড়াইয়ে লিঙ্গ রয়েছে। তাদের জন্যে শত আক্ষেপ, আমি তো কেবল ঐসব লোকদেরকে সম্মানিত করি, যারা আমার প্রতি সম্মান দেখায়। পক্ষান্তরে যারা আমার বিধানকে পদদলিত করে আমি তাদেরকে লাঞ্ছিত করে ছাড়ি। বনী ইসরাইলের পূর্বে যে সব জাতি এসেছে, তারা পাপাচারে লিঙ্গ হতো গোপনে, আর এরা পাপ কাজ করে প্রকাশ্যে। এরা পাপ করে মসজিদে, বাজারঘাটে, পর্বত শিখরে এবং বৃক্ষের ছায়ায়। ওদের ঘৃণ্য পাপাচারে অতিষ্ঠ হয়ে আসমান-যমীন ও পাহাড়-পর্বত চিৎকার করে আমার নিকট ফরিয়াদ করেছে; বন্য-জীবজন্তু ও কীট-পতঙ্গ এলাকা ত্যাগ করে দূর-দূরান্তে পালিয়ে গিয়েছে। এর পরেও তারা পাপাচার থেকে নিষ্পত্ত হচ্ছে না এবং আমার কিতাবের যে জ্ঞান তারা লাভ করেছে তা থেকে কোন উপকার লাভ করছে না।

তারপর আরমিয়া যখন বনী ইসরাইলের নিকট গিয়ে এসব কথা জানালেন এবং সবকিছু খুলে বললেন, তখন তারা এ শাস্তি ও আশ্বাবের কথা শুনে নবীর অবাধ্য হয়ে নবীকে বলল, তুমি মিথ্যা বলছ এবং আল্লাহর উপরে মিথ্যা আরোপ করছ! তুমি কি মনে করছ যে, আল্লাহ তাঁর এ যমীনকে ও মসজিদসমূহকে নিজের কিতাব, তাঁর ইবাদত ও তাওহীদ থেকে শূন্য করে দেবেন? এ সব চলে যাওয়ার পর তিনি এ পৃথিবীতে আর কাকে পাবেন? তুমি আল্লাহর উপর জগ্ন্য মিথ্যা আরোপ করেছ, আমরা স্পষ্ট বুঝতে পারছি তুমি পাগল হয়েছ। এ কথা বলে তারা নবীকে ধরে বন্দী করল এবং জেলখানায় আবদ্ধ করল। আল্লাহ এ সময় তাদের বিরুদ্ধে বৃক্ত আল-বিদায়া ওয়ান নিহায়া (২য় খণ্ড) ১১—

নসরকে প্রেরণ করেন। বুখ্ত নসর সমৈন্যে বনী ইসরাইলের এলাকায় উপনীত হয় এবং সকলকে অবরোধ করে রাখে। এ অবস্থার কথাই আল্লাহ তা'আলা কুরআনে বলেছেন : “فَجَاسُواْ خَلَالَ الدِّيَارِ” —“তারপর তারা ঘরে ঘরে প্রবেশ করে সবকিছু ধ্রংস করেছিল।” (বনী ইসরাইল ৪:৫)। দীর্ঘদিন অবরুদ্ধ থাকার পর বাধ্য হয়ে তারা বুখ্ত নসরের নিকট আত্মসমর্পণ করল এবং শহরের তোরণ খুলে দিল; সাথে সাথে বুখ্ত নসরের সৈন্যবাহিনী শহরের অলিতে-গলিতে এবং ঘরে-ঘরে প্রবেশ করল। বুখ্ত নসর তাদের ব্যাপারে নিষ্ঠুর জাহিলী নীতি অবলম্বন করে এবং অত্যাচারী শাসকসুলভ কঠিন নির্দেশ জারী করে; ফলে বনী ইসরাইলের মোট জনসংখ্যার এক তৃতীয়াংশকে হত্যা করা হয়। এক তৃতীয়াংশকে বন্দী করা হয় এবং পঙ্গু, বৃক্ষ ও বৃক্ষাদেরকে ছেড়ে দেয়া হয়। তারপর নিহতদের মৃত দেহের উপর ঘোড়া চালিয়ে সেগুলোকে দলিত-মথিত করে। বুখ্ত নসর বায়তুল মুকাদ্দাস ধ্রংস করে, শিশু-বালকদেরকে ধরে নিয়ে যায়, নারীদেরকে ঘোমটামুক্ত করে বাজারে উঠায়, যন্ত্রক্ষম পুরুষদেরকে হত্যা করে, দুর্গসমূহ গুঁড়িয়ে ফেলে, মসজিদগুলো বিধ্বস্ত করে, তাওরাত কিতাব জুলিয়ে দেয় এবং দানিয়াল (আ)-কে খোঁজ করে, যার নিকটে বুখ্ত নসর পূর্বেই পত্র লিখেছিল। কিন্তু দেখা গেল, তিনি ইতিপূর্বেই ইনতেকাল করেছেন। দানিয়ালের পরিবারবর্গ সে পত্রটি বের করে দিল। নিহত দানিয়ালের পরিবারে যারা জীবিত ছিলেন, তারা হলেন-হিয়কীল-তনয় ছোট দানিয়াল, মিশান্টিল, আয়রাইল ও মিখাইল। উক্ত চিঠির মর্ম অনুযায়ী তাদের প্রতি আচরণ করা হয়। দানিয়াল ইব্ন হিয়কীল (ছোট দানিয়াল) বড় দানিয়ালের স্থলাভিষিক্ত হয়েছিলেন।

বুখ্ত নসর তার সৈন্যবাহিনীসহ বায়তুল মুকাদ্দাসে প্রবেশ করে, সমগ্র সিরিয়ায় ধ্রংসযজ্ঞ চালায় এবং বনী ইসরাইলকে সম্মুলে বিনাশ করে। ধ্রংসলীলা সম্পন্ন করে বুখ্ত নসর সংগঠীত ধন-সম্পদ ও বন্দীদেরকে নিয়ে স্বদেশে ফিরে যায়। বন্দীদের মধ্যে কেবল ধর্ম-যাজক ও শাসক শ্রেণীর পরিবারভুক্ত শিশু-বালকদের সংখ্যা ছিল নকরই হাজার। বায়তুল মুকাদ্দাসে অবস্থিত উপাসনালয়গুলো পাথর ছুঁড়ে ধুলিসাং করে দেয়া হয় এবং মসজিদের অভ্যন্তরে শূকর যবেহ করা হয়। বন্দী বালকদের মধ্যে সাত হাজার ছিল দাউদ পরিবারের, এগার হাজার ইউসুফ ইব্ন ইয়াকুব ও তাঁর ভাই বিনয়ামীন এর বংশধর, আট হাজার ঈশা ইব্ন ইয়াকুব-এর বংশের, চৌদ হাজার হযরত ইয়াকুবের দু'পুত্র যাবালুন ও নাফতালী-এর বংশের, চৌদ হাজার দান ইব্ন ইয়াকুবের বংশের, আট হাজার ইয়াসতাখির ইব্ন ইয়াকুবের বংশ, দু'হাজার যাবালুন ইব্ন ইয়াকুবের অন্য এক শাখার, চার হাজার রুবেল ও লেবীয় বংশের এবং বার হাজার ছিল বনী ইসরাইলের অন্যান্য শাখার। এসব কিছু সংগে নিয়ে বুখ্ত নসর বাবিল শহরে গিয়ে পোছে।

ইসহাক ইব্ন বিশ্র বলেন, ওহাব ইব্ন মুনাববিহ বলেছেন, বায়তুল মুকাদ্দাস ও বনী ইসরাইলের ধ্রংস কার্য সম্পন্ন হওয়ার পর বুখ্ত নসরকে বলা হয় যে, বনী ইসরাইলের মধ্যে এক ব্যক্তি তাদেরকে এই পরিণতি সম্পর্কে সতর্ক করবেন, আপনার বৈশিষ্ট্যাবলী তাদের নিকট তুলে ধরবেন এবং এই কথাও শুনাতেন যে, আপনি তাদের যোদ্ধাদের হত্যা করবেন, শিশু সন্তানদের বন্দী করবেন, মসজিদসমূহ ধ্রংস করবেন এবং উপাসনালয়সমূহ জুলিয়ে দেবেন।

কিন্তু এরা তার কথা মিথ্যা বলে উড়িয়ে দেয়, তাকে অপবাদ দেয়, প্রহার করে, বন্দী করে ও জেলে আবদ্ধ করে রাখে। তখন বুর্খত নসর সেই ব্যক্তিকে হাজির করার নির্দেশ দেয়। ফলে আরমিয়াকে জেলখনা থেকে মুক্তি দেয়া হয়। বুর্খত নসর তাঁকে জিজ্ঞেস করল, আপনি কি এই পরিণতি সম্পর্কে ঐ সম্পদায়কে সতর্ক করেছিলেন? আরমিয়া বললেন, হ্যাঁ।

বুর্খত নসর জিজ্ঞেস করল, আপনি তা কিভাবে জানতে পারলেন? আরমিয়া (আ) বললেন, আল্লাহ আমাকে তাদের নিকট রাসূলরপে পাঠিয়েছেন। তিনিই আমাকে তা' জানিয়েছিলেন। বুর্খত নসর জিজ্ঞেস করল, তারা কি আপনাকে মিথ্যাবাদী বলে প্রহার করে জেলে আবদ্ধ করেছে? আরমিয়া বললেন, হ্যাঁ, তাই করেছে। বুর্খত নসর বলল, ঐ জাতি বড়ই দুর্ভাগা, যারা তাদের নবীকে মিথ্যাবাদী বলে, আল্লাহর রাসূলকে অস্মীকার করে। তখন বুর্খত নসর আরমিয়াকে বলল, আপনি যদি আমাদের সাথে যেতে চান, তবে চলুন, আমি আপনাকে সশ্রান্ত করব, সহযোগিতা করব; আর যদি নিজ শহরে থাকতে চান তা হলে থাকুন, আমি আপনাকে পূর্ণ নিরাপত্তা দান করব। এ প্রস্তাবের উত্তরে আরমিয়া বুর্খত নসরকে জানালেন, আমি সর্বদা আল্লাহর নিরাপত্তায় আছি, এক মুহূর্তের জন্যও তাঁর নিরাপত্তা থেকে বেরিয়ে আসিন। বলী ইসরাইলও যদি তাঁর নিরাপত্তা থেকে বেরিয়ে না আসত তা হলে তারা আপনাকে বা অন্য কাউকে ভয় করত না এবং আপনিও তাদের উপর শক্তি প্রয়োগ করতে পারতেন না।

আরমিয়ার মুখে এ বক্তব্য শুনার পর বুর্খত নসর তাঁকে তাঁর স্ব-স্থানে রেখে চলে গেল। আরমিয়া নিজ শহর সুলিয়ায় বসবাস করতে থাকেন। এ বর্ণনাটি গরীব পর্যায়ের। তবে এর মধ্যে উপদেশ ও সূক্ষ্ম তাৎপর্য নিহিত আছে। এ বর্ণনার আরবী ভাষা শৈলী নেহাত দুর্বল।

হিশাম ইব্ন মুহাম্মদ আল-কালবী বলেছেন, বুর্খত নসর ছিল পারস্য সম্রাটের অধীনে আহওয়াজ ও রোমের মধ্যবর্তী অঞ্চলের শাসনকর্তা। সম্রাটের নাম ছিল লাহ্ৰাসব। তিনি বল্খ শহর নির্মাণ করেন, যা খানসা নামে অভিহিত। তিনি তুর্কদের বিরুদ্ধে অভিযান চালিয়ে তাদেরকে কোণঠাসা করে ফেলেন। পারস্য সম্রাট বুর্খত নসরকে সিরিয়ায় বনী ইসরাইলের বিরুদ্ধে যুদ্ধ করার জন্যে প্রেরণ করেন। তিনি যখন সিরিয়ায় পৌঁছেন তখন দামেশকের অধিবাসীগণ তার সাথে সন্তুষ্টি করে। কোন কোন ঐতিহাসিক লিখেছেন, পারস্যের যে সম্রাট বুর্খত নসরকে যুদ্ধে প্রেরণ করেছিলেন, তার নাম ছিল বাহ্মন। তিনি লাহ্ৰাসবের পুত্র বাশতাসবের পরে পারস্যের সম্রাট হন। বাহ্মন কর্তৃক প্রেরিত দূতকে লাশ্বিত করার প্রতিশেধ গ্রহণের জন্যে বনী ইসরাইলের বিরুদ্ধে এ অভিযান প্রেরিত হয়েছিল।

ইব্ন জারীর ..... সাঈদ ইবনুল মুসায়িব (রা) থেকে বর্ণনা করেছেন যে, বুর্খত নসর দামেশকে এসে একটি আবর্জনাস্তুপের মধ্য থেকে অবিরাম রক্ত উথিত হতে দেখে লোকের নিকট এর কারণ জিজ্ঞেস করে। তারা জানায়, আমাদের পূর্ব-পুরুষদের আমল থেকেই এ অবস্থা চলে আসছে এবং আমরা এ রকমই সর্বদা দেখে আসছি। এ রক্তের উপর যখনই আবর্জনা ফেলে ঢেকে দেয়া হয় তখনই তা আবর্জনার উপরে উঠে আসে। আর বুর্খত নসর ঐ স্থানে সতর হাজার লোক হত্যা করে। ফলে রক্ত ওঠা বক্ষ হয়ে যায়। উপরোক্ত ঘটনা সাঈদ ইবনুল-মুসায়িব(রা) থেকে বিশুদ্ধ সূত্রে বর্ণিত হয়েছে। এটা হ্যারত ইয়াহ্যা ইব্ন যাকারিয়ার

রক্ত বলে হাফিজ ইবন আসাকিরের যে মন্তব্য পূর্বেই উল্লেখিত হয়েছে, তা' যথার্থ নয়। কেননা, ইয়াহ্যা ইবন যাকারিয়ার আগমন হয় বুখ্ত নসরের পর। তবে এ কথা সত্য যে, এটা হয় কোন নবীর রক্ত, না হয় কোন পৃণ্যবান লোকের রক্ত অথবা অন্য কারও রক্ত- যা আল্লাহই ভাল জানেন।

হিশাম ইবন কালবী বর্ণনা করেন, তারপর বুখ্ত নসর বায়তুল মুকাদ্দাসে যায় এবং সেখানকার শাসক তার সাথে সঞ্চি করেন। শাসক ছিলেন দাউদ (আ)-এর বংশধর। তিনি বনী ইসরাইলের পক্ষ থেকে এ পদক্ষেপ গ্রহণ করেন। বুখ্ত নসর উক্ত শাসকের নিকট থেকে মুচলেকা স্বরূপ কিছু লোক সংগে নিয়ে প্রত্যাবর্তন করে। তিবরিয়া নামক স্থানে পৌঁছে বুখ্ত নসর সংবাদ পায় যে, সঞ্চি করার কারণে ইসরাইল বংশীয়রা তাদের শাসকের বিরুদ্ধে বিদ্রোহ করে এবং তাকে হত্যা করে। এ সংবাদ শুনামাত্র বুখ্ত নসর মুচলেকাস্বরূপ নেয়া লোকগুলোকে হত্যা করে অতর্কিতে শহর আক্রমণ করে দখল করে নেয় এবং সকল সক্ষম লোকদেরকে হত্যা করে এবং শিশু-বালকদেরকে বন্দী করে।

হিশাম আরও বলেছেন, বুখ্ত নসর জেলখানা থেকে নবী আরমিয়াকে বের করে আনে। নবী তার নিকট বনী ইসরাইলকে এ পরিণতি থেকে সতর্ক করার জন্যে যা যা করেছিলেন সবকিছু খুলে বলেন; তারা নবীকে মিথ্যাবাদী বলে জেলে আটক করার কথাও তাকে তিনি জানান। বুখ্ত নসর বলল, যারা আল্লাহর নবীকে অমান্য ও অবমাননা করে, তারা একটি নিকৃষ্ট সম্পদায়। বনীর সাথে উভয় ব্যবহার করে বুখ্ত নসর সেখান থেকে বিদায় নিয়ে চলে যায়। এরপর নবী ইসরাইলের অবশিষ্ট দুর্বল লোকজন আরমিয়ার নিকট এসে সমবেত হয় এবং করুণ কঠে ফরিয়াদ জানিয়ে বলে, আমরা অপরাধ করেছি, জুলুম করেছি, এখন আল্লাহর নিকট নিজেদের কৃত অপকর্মের জন্যে তওবা করছি। আপনি আল্লাহর নিকট দোয়া করুন, যাতে তিনি আমাদের তওবা করুল করেন। নবী আল্লাহর নিকট আবেদন করলে তিনি জানান, তুমি যা বলছ তা' হবার নয়। দেখ, তারা যদি আন্তরিকভাবেই বলে থাকে, তবে তোমার সাথে যেন তারা এই শহরে অবস্থান করে। নবী তাদেরকে আল্লাহর পক্ষ থেকে এ কথা জানালেন। তারা বলল, “এ শহরে কীভাবে থাকা যায়, এখানকার অধিবাসীদের উপর আল্লাহর গ্যব পড়েছে। শহর ধ্বংস হয়েছে।” সুতরাং এখানে অবস্থান করতে তারা অঙ্গীকার করল।

ইবনুল কালবী বলেন, তখন থেকে বনী ইসরাইল বিভিন্ন শহরে ছড়িয়ে পড়ে- একদল যায় হিজায়ে, একদল ইয়াছরিবে, এক দল যায় ওয়াদিল কুরায় এবং একটি ক্ষুদ্র দল যায় মিসরে। তখন বুখ্ত নসর নবী ইসরাইলের বাদশাহ নিকট এই মর্মে পত্র লিখে যে, তাদের যে সব লোক পালিয়ে অন্য দেশে আশ্রয় নিয়েছে, তাদেরকে যেন তার নিকট পাঠিয়ে দেয়া হয়। বাদশাহ এতে অঙ্গীকৃতি জানান। তখন বুখ্ত নসর স্বৈরে উক্ত শহরে আক্রমণ চালিয়ে তাকে শোচনীয়ভাবে পরাজিত করে। সে তাদের উপর হত্যায়ে চালিয়ে তাদের স্ত্রীলোকদেরকে বন্দী করে এবং সেখান থেকে পশ্চিম দিকে অগ্রসর হয়। এ অভিযান অব্যাহতভাবে শেষ প্রান্ত পর্যন্ত চালিয়ে মরক্কো, মিসর, মিসর, বায়তুল মুকাদ্দাস, ফিলিস্তীন ও জর্ডান থেকে অসংখ্য বন্দী সাথে নিয়ে স্বদেশে প্রত্যাবর্তন করে। উক্ত বন্দীদের মধ্যে দানিয়াল (আ)-ও ছিলেন। তবে ইনি হলেন দানিয়াল ইবন হিয়কীল (ছোট দানিয়াল), দানিয়াল আকবার (বড় দানিয়াল) নন। এ বর্ণনাটি ওহাব ইবন মুনাব্বিহর।

## হ্যরত দানিয়াল (আ)-এর বিবরণ

ইবন আবিদ দুন্যা ..... আবদুল্লাহ ইবন হজায়ল থেকে বর্ণনা করেন যে, বৃথত নসর দু'টি সিংহ ধরে একটি কৃপের মধ্যে নিষ্কেপ করে এবং নবী দানিয়ালকে এনে ঐ দু'টি সিংহের মধ্যে ছেড়ে দেয়। কিন্তু সিংহ দু'টি তাঁর উপর কোনরূপ আক্রমণ করেনি। তিনি দীর্ঘক্ষণ সেখানে স্বাভাবিক ভাবেই অবস্থান করার পর মানুষের জৈবিক চাহিদা অনুযায়ী তাঁর খাদ্য পানীয়ের প্রয়োজন দেখা দেয়। তখন আল্লাহ ওহীর মাধ্যমে নবী আরমিয়াকে দানিয়ালের জন্যে খাদ্য পানীয় প্রস্তুত করতে বলেন। তিনি বললেন, হে আমার প্রতিপালক! আমি থাকি বায়তুল মুকাদ্দাস এলাকায়, আর দানিয়াল আছেন সুদৃঢ় ইরাকের বাবিল শহরে। সেখানে আমি কিভাবে খাদ্য পানীয় পৌছাব? আল্লাহ বললেন, হে আরমিয়া, আমি তোমাকে যা আদেশ করেছি, তুমি তা-ই কর; প্রস্তুতকৃত খাদ্য সামগ্ৰীসহ তোমাকে সেখানে পৌছিয়ে দেয়ার ব্যবস্থা শীঘ্ৰই আমি করছি। আরমিয়া (আ) খাদ্য তৈরি করলেন। তারপর এমন একজনকে প্রেরণ করা হলো, যিনি খাদ্য পানীয়সহ আরমিয়াকে উক্ত কৃপের পাড়ে পৌছিয়ে দিলেন। দানিয়াল ভিতর থেকে জিজ্ঞেস করলেন, এখানে কে? আরমিয়া (আ) নিজের পরিচয় দিয়ে বললেন- আমি আরমিয়া। দানিয়াল (আ) বললেন, কেন আপনি এখানে এসেছেন? আরমিয়া (আ) জানালেন, আপনার প্রভু আমাকে আপনার নিকট পাঠিয়েছেন। দানিয়াল (আ) বললেন, তা হলে আমার প্রভু আমাকে স্মরণ করেছেন? আরমিয়া বললেন, জী হ্যাঁ। তখন বলে উঠলেন : সমস্ত প্রশংসা সেই আল্লাহর যাকে কেউ স্মরণ করলে তিনি তাকে ভুলেন না; সমস্ত প্রশংসা সেই আল্লাহর, যাকে কেউ আহ্বান করলে তিনি সে আহ্বানে সাড়া দেন; সমস্ত প্রশংসা সেই আল্লাহর, যার প্রতি কেউ নির্ভরশীল হলে তিনি তাকে অন্যের দিকে ঠেলে দেন না; সমস্ত প্রশংসা সেই আল্লাহর, যিনি উচ্চম কাজের উচ্চম বিনিময় দান করেন; সমস্ত প্রশংসা সেই আল্লাহর, যিনি ধৈর্যের বিনিময়ে মুক্তি দান করেন; সমস্ত প্রশংসা সেই আল্লাহর, যিনি আমাদেরকে বিপদ থেকে উদ্ধার করেন ; সমস্ত প্রশংসা সেই আল্লাহর, যিনি আমাদের বিশ্বাস ও কর্মদ্যোগ শিথিল হয়ে পড়লে দৃঢ়তা দান করেন; সমস্ত প্রশংসা সেই আল্লাহর, যিনি আমাদের সকল উপায় শেষ হবার পর একমাত্র ভরসা স্থল।

ইউনুস ইবন বুকায়র ..... আবুল আলিয়া থেকে বর্ণনা করেন। তিনি বলেন, আমরা যখন তুস্ত্রর শহর জয় করি, তখন হরমুয়ানের বাড়িতে একটি খাটের উপর একটি মৃত দেহ দেখতে পাই। তার লাশের শিয়রের কাছে একটি আসমানী কিতাব। আমরা তা' নিয়ে আসি এবং হ্যরত উমর ইবনুল খাত্তাবকে দেখাই। তিনি হ্যরত কা'বকে ডেকে তার দ্বারা তা' আরবীতে অনুবাদ করান। আবুল আলিয়া বলেন, আরবদের মধ্যে আমিই সর্বপ্রথম ঐ কিতাবখানার

অনুদিত কপি পাঠ করি, যেভাবে আমি কুরআন পাঠ করে থাকি। খুল্দ ইব্ন দীনার বলেন, আমি আবুল আলিয়াকে জিজ্ঞেস করলাম, তাতে কী লেখা ছিল? তিনি বললেন, তাতে লিখিত ছিল তোমাদের কর্মকাণ্ড, ঘটনাবলী, কথাবার্তা ও পরবর্তীকালে ঘটিতব্য সার্বিক অবস্থা। আমি বললাম, আপনারা সে লোকটিকে কী করলেন? তিনি বললেন, আমরা দিনের বেলা তেরটি কবর খুড়লাম এবং রাত্রিকালে একটি কবরে তাঁকে দাফন করে সবক'টি কবর একই রূপ করে দিলাম। এ ব্যবস্থা করলাম যাতে সাধারণ লোক তার কবরের সঙ্গান না পায় এবং কবর খুঁড়ে না ফেলে।

বর্ণনাকারী জিজ্ঞেস করলেন, মানুষ তার কাছে কী প্রত্যাশা করে? আবুল আলিয়া বললেন, বৃষ্টি বর্ষণ বন্ধ হয়ে গেলে লোকজন এ খাট নিয়ে ময়দানে এসে বৃষ্টি কামনা করতো এবং এর ফলে বৃষ্টিপাত হত। তিনি জিজ্ঞেস করলেন, এ মৃত লোকটিকে জানেন কি? আবুল আলিয়া বললেন, তাঁর নাম দানিয়াল বলে শোনা যায়। রাবী পুনরায় জিজ্ঞেস করলেন, তিনি কত বছর পূর্বে মৃত্যুবরণ করেছেন? আবুল আলিয়া বললেন তিনশ' বছর পূর্বে। রাবী পুনরায় জিজ্ঞেস করলেন, এ সময়ের মধ্যে তার মৃতদেহের কোন পরিবর্তন হয়েছিল কি? আবুল আলিয়া বললেন, না, তবে মাথার পিছনের দিকের কয়েকটি চুলের পরিবর্তন হয়েছে মাত্র। নবীদের দেহ মাটিতেও পঁচে না এবং জীবজস্তুও খায় না। এ ঘটনাটি আবুল আলিয়া থেকে বিশুদ্ধ সনদে বর্ণিত হয়েছে। তবে তার মৃত্যু তারিখ যদি তিনশ' বছর পূর্বে হওয়া সঠিক হয় তা হলে তিনি নবী নন, বরং কোন পুণ্যবান ব্যক্তি হবেন। কেননা, সহীহ বুখারী শরাফীর বর্ণনা অনুযায়ী রাসূলুল্লাহ (সা) ও দুসা ইব্ন মারয়ামের মধ্যে অন্য কোন নবীর আগমন ঘটেন। আর এ দুই নবীর মধ্যবর্তী সময়ের ব্যবধান চারশ' বছর। কারও মতে ছয়শ' বছর, কারও মতে ছয়শ' বিশ বছর। কোন কোন লেখক ঐ ব্যক্তির মৃত্যু আটশ' বছর পূর্বে হয়েছিল বলে উল্লেখ করেছেন।

প্রতিহাসিক মতে দানিয়ালের মৃত্যুও প্রায় এই সময়ে হয়েছিল। এ হিসাব অনুযায়ী মৃত ব্যক্তি দানিয়ালও হতে পারেন, বা অন্য কোন নবীও হতে পারেন, কিংবা কোন নেককার লোকও হতে পারেন। তবে দানিয়াল হওয়ার সম্ভাবনাই অধিক। কেননা দানিয়াল নবীকেই পারস্য সম্রাট ধরে নিয়ে বন্দী করে রেখেছিল। আবুল আলিয়া থেকে সহীহ সনদে বর্ণিত হয়েছে যে, মৃত ব্যক্তিটির নাক এক বিঘত লম্বা ছিল। আনাস ইব্ন মালিক (রা) থেকে বিশুদ্ধ সূত্রে বর্ণিত হয়েছে যে, তার নাক এক হাত লম্বা ছিল। এ দিকে লক্ষ্য করলে বলা যেতে পারে যে, এ লাশ বহু পূর্বের, দূর অতীতের কোন নবীর লাশ।

আবু বকর ইব্ন আবিদুনয়া ..... তাঁর রচিত 'কিতাবু আহকামিল কুবুর' গ্রন্থে আবুল আশ'আছের বরাতে লিখেছেন, রাসূলুল্লাহ (সা) বলেছেন: নবী দানিয়াল আল্লাহর নিকট দোয়া করেছিলেন যে, তার দাফনকার্য যেন উম্মতে মুহাম্মাদীর হাতে সুস্পন্দন হয়। পরবর্তীকালে আবু মুসা আশআরীর হাতে তুস্ত্র নগরী বিজিত হলে তাঁর লাশ একটি সিদ্ধুকের মধ্যে দেখতে পান। এ সময় তাঁর দেহের শিরা ও কাঁধের মোটা রগ দু'টি নড়াচড়া করছিল। রাসূলুল্লাহ (সা) বলেছিলেন, "যে ব্যক্তি দানিয়ালের লাশ সনাক্ত করিয়ে দেবে, তাকে জান্নাতের সু-সংবাদ দিবে।" হারকুস নামক এক ব্যক্তি দানিয়ালের লাশ সনাক্ত করেছিলেন। আবু মুসা (রা) হ্যরত

উমর (রা)-কে এ বিষয়ে অবহিত করেন। তখন হ্যরত উমর (রা) পত্র মারফত তাঁকে জানান যে, দানিয়ালকে ওখানে দাফন কর এবং হারকুসকে আমার নিকট পাঠিয়ে দাও- কেননা, নবী করীম (সা) তাঁকে জানাতের সুস্থিতি দান করেছেন। বর্ণিত সূত্রে হাদীছটি মুরশাল এবং এর বিশুদ্ধতার ব্যাপারে সন্দেহের অবকাশ রয়েছে।

ইব্ন আবিদ দুনিয়া ..... আষাসা ইব্ন সাউদ থেকে বর্ণনা করেন যে, আবু মূসা মৃত দানিয়ালের সাথে একথানা আসমানী কিতাব, চর্বি ভর্তি একটি কলস, কিছু সংখ্যক দিরহাম ও তাঁর ব্যবহৃত আংটি পান। এরপর হ্যরত উমর (রা)-কে এ সম্পর্কে অবহিত করে আবু মূসা (রা) পত্র লিখেন। হ্যরত উমর (রা) চিঠির মাধ্যমে আবু মূসাকে জানান, আসমানী কিতাবখানা আমাদের নিকট পাঠিয়ে দাও, চর্বির কিছু অংশ আমাদের জন্মে পাঠাও এবং অবশিষ্ট অংশ থেকে আরোগ্য লাভের জন্যে মুসলমানদেরকে তোমার পক্ষ থেকে ব্যবহার করতে দাও, আর দিরহামগুলো তাদের মাঝে বণ্টন কর এবং আংটিটি তুমি ব্যবহার কর! ভিন্ন সূত্রে ইব্ন আবিদ দুনিয়া থেকে বর্ণিত, আবু মূসা (রা) যখন দানিয়ালের লাশ পেলেন, তখন তিনি ত' জড়িয়ে ধরেন, ও চুম্বন করেন। অতঃপর তিনি হ্যরত উমর (রা)-কে এ বিষয়ে অবহিত করেন এবং জানান যে, তাঁর লাশের সাথে প্রায় দশ হাজার দিরহাম মৃলোর ধন-সম্পদ পাওয়া গিয়েছে। বিভিন্ন লোক তাথেকে ধার নেয় এবং পরে ফেরত দিয়ে যায়। কেউ ফেরত না দিলে রোগে আঞ্চল্য হয়। তার পাশে আতর ভর্তি একটি কৌটা ও রয়েছে। হ্যরত উমর (রা) আবু মূসাকে জানান যে, তাকে বরই পাতা মিশানো পানি দ্বারা গোসল করিয়ে, কাফন পরিয়ে দাফন কর এবং তাঁর কবরটি এমনভাবে গোপন রাখ যেন কেউ তার সঙ্কান না পায়। মালামাল সম্পর্কে জানান যে, সেগুলো বায়তুলমালে জমা কর, আতরের কৌটা পাঠিয়ে দাও এবং আংটিটি তুমি নিজে ব্যবহার কর।

আবু মূসা (রা) থেকে বর্ণিত আছে যে, তাঁর নির্দেশক্রমে চারজন বন্দী নদীর মধ্যে বাঁধ দিয়ে তার তলদেশে কবর খুঁড়ে সেখানে হ্যরত দানিয়ালের লাশ দাফন করে। পরে আবু মূসা (রা) ঐ চার বন্দীকে ডেকে এনে হত্যা করে দেন।<sup>১</sup> ফলে আবু মূসা আশআরী (রা) ব্যতীত উক্ত কবরের সঙ্কান জানার মত আর কেউ অবশিষ্ট থাকল না। ইব্ন আবিদ দুনিয়া ..... আবুয়-যিনাদ থেকে বর্ণনা করেন যে, তিনি বলেছেন, আমি আবু মূসা আশআরীর পুত্র আবু বুরদার হাতে একটি আংটি দেখেছি, যাতে দু'টি সিংহ এবং সিংহদ্বয়ের মাঝে জন্মে ব্যক্তির চিত্র অংকিত রয়েছে; আর সিংহ দু'টি ঐ লোকটিকে জিহ্বা দ্বারা চাটছে। আবু বুরদা বললেন, এটি ঐ লোকটির আংটি-যাঁকে এই শহরের লোক দানিয়াল নামে জানে। তাঁকে দাফন করার সময় আবু মূসা (রা) তা' নিজের কাছে তুলে রাখেন।

আবু বুরদা বলেন, আবু মূসা আশআরী (রা) উক্ত জনপদের লোকজনের নিকট আংটিতে অংকিত এ চিত্রের কারণ জানতে চাইলে তারা জানায়, দানিয়ালের আবির্ভাবকালে দেশের যিনি শাসনকর্তা ছিলেন, তার নিকট জ্যোতিষী ও গণকদল এসে ভবিষ্যদ্বাণী করে যে, অমুক রাতে আপনার রাজ্য এমন একজন শিশুর জন্ম হবে, যে এ রাজ্য বিপর্যয় সৃষ্টি করবে।

১. সম্বৰ্ত্ত এরা ছিল মৃত্যুদণ্ড প্রাপ্ত কয়েন্দী।

রাজা বললেন, আল্লাহর কসম! এই রাত্রে যত শিশুর জন্ম হবে, আমি তাদের সকলকে হত্যা করব। বাস্তবে রাজা তাই করলেন। অবশ্য, শিশু দানিয়ালকে রাজার লোকজন সিংহ পালের মধ্যে নিক্ষেপ করে ঢেলে যায়। কিন্তু সিংহ তার কোন ক্ষতি করল না; বরং দু'টি সিংহ শিশুটিকে জিহ্বা দ্বারা চেটে সুস্থ রাখে। অতঃপর শিশুটির মাতা এসে সন্তানকে এ অবস্থায় দেখে সেখান থেকে উদ্ধার করে নিয়ে যান। এভাবে আল্লাহ দানিয়ালকে রক্ষা করেন এবং স্থীয় ইচ্ছা কার্যকরী করেন। আবু মুসা (রা) বলেন, ঐ জনপদের লোকজন জানায় যে, দানিয়ালের প্রতি আল্লাহর এ অনুগ্রহ স্মৃতিতে ধরে রাখার জন্যে দানিয়াল তাঁর আংটিতে নিজেকে সিংহদুয়ের চাটারত অবস্থা চিরাংকিত করে রাখেন। এ বর্ণনার সূত্রটি ‘হাসান’ পর্যায়ের।

### বিশ্বস্ত বায়তুল মুকাদ্দাস পুনঃনির্মাণ এবং বিক্ষিপ্ত বনী ইসরাইলের পুনরায় একত্রিত হওয়ার বর্ণনা

এ প্রসঙ্গে আল্লাহর বাণী :

أَوْ كَالَّذِي مَرَّ عَلَىٰ قَرِيَّةٍ وَهِيَ خَاوِيَّةٌ عَلَىٰ عُرُوشِهَا قَالَ أَنِّي يُحِبُّ هَذِهِ  
اللَّهُ بَعْدَ مَوْتِهَا فَأَمَاتَهُ اللَّهُ مِائَةً عَامٍ ثُمَّ بَعَثَهُ، قَالَ كُمْ لَبِثْتَ، قَالَ لَبِثْتَ  
يَوْمًا أَوْ بَعْضَ يَوْمٍ، قَالَ بَلْ لَبِثْتَ مِائَةً عَامٍ فَانْظُرْ إِلَىٰ طَعَامِكَ وَشَرَابِكَ  
لَمْ يَتَسَسَّهُ—وَانْظُرْ إِلَىٰ حِمَارِكَ وَلَا جُعْلَكَ أَيْهَةً لِلنَّاسِ وَانْظُرْ إِلَىِ الْعِظَامِ  
كَيْفَ تُنْشِرُهَا ثُمَّ نَكْسُوْهَا لَحْمًا—فَلَمَّا تَبَيَّنَ لَهُ قَالَ أَعْلَمُ أَنَّ اللَّهَ عَلَىٰ كُلِّ  
شَيْءٍ قَدِيرٌ.

—অথবা তুমি কী সে ব্যক্তিকে দেখনি, যে এমন এক নগরে উপনীত হয়েছিল, যা ধ্বংসস্তূপে পরিণত হয়েছিল। সে বলল, “মৃত্যুর পর কিরূপে আল্লাহ একে জীবিত করবেন?” তারপর আল্লাহ তাকে একশ’ বছর মৃত রাখলেন। পরে তাকে পুনর্জীবিত করলেন। আল্লাহ বললেন, “তুমি কতকাল অবস্থান করলে?” সে বলল, একদিন অথবা একদিনেরও কিছু কম অবস্থান করেছি। তিনি বললেন, না, বরং তুমি একশ’ বছর অবস্থান করেছ। তোমার খাদ্য সামগ্রী ও পানীয় বস্তুর প্রতি লক্ষ্য কর, তা অবিকৃত রয়েছে এবং তোমার গাধাটির প্রতি লক্ষ্য কর, কারণ তোমাকে মানব জাতির জন্য নির্দর্শন স্বরূপ করব। আর অঙ্গগুলোর প্রতি লক্ষ্য কর, কিভাবে সেগুলোকে সংযোজিত করি এবং গোশত দ্বারা ঢেকে দেই।’ যখন এ তার নিকট সুম্পষ্ট হল তখন সে বলে উঠল, আমি জানি যে, আল্লাহ নিশ্চয়ই সর্ববিষয়ে সর্বশক্তিমান। (২ বাকারা : ২৫৯)।

হিশাম ইব্ন কালবী বলেন, অতঃপর আল্লাহ আরমিয়া নবীর নিকট ওই প্রেরণ করে জানালেন যে, আমি বায়তুল-মুকাদ্দাসকে পুনরায় আবাদ করব। সুতরাং তুমি সেখানে যাও ও অবস্থান কর। নির্দেশ মতে আরমিয়া (আ) সেখানে গেলেন এবং দেখলেন যে, গোটা নগরী সম্পূর্ণরূপে ধ্রংসন্ত্বপে পরিণত হয়েছে। অবাক বিশ্বয়ে তিনি ভাবলেন, সুবহানাল্লাহ! আল্লাহ আমাকে এ নগরীতে অবস্থান করার নির্দেশ দিয়েছেন এবং জানিয়েছেন যে, তিনি একে পুনরায় আবাদ করবেন; কিন্তু তা কবে? এমন বিধিস্ত নগরীকে তিনি কতদিনে কিভাবে আবাদ করবেন? এসব চিন্তা করতে করতে তিনি ঘুমিয়ে গেলেন। তাঁর সাথে ছিল একটি গাধা ও কিছু খাদ্য দ্রব্য। এ ঘুমের মধ্যে তাঁর সন্তুর বছর কেটে যায়। ইতিমধ্যে বুর্খত নসর ও তার মনিব সম্মাট লাহুরাসার মৃত্যু হয়। লাহুরাসার একশ বিশ বছর যাবত রাজত্ব করেছিলেন। তাঁর মৃত্যুর পর তাঁর পুত্র বাশ্তাসাব তাঁর স্তুলাভিষিক্ত হন। তাঁরই রাজত্বকালে বুর্খত নসরের মৃত্যু হয়। বাশ্তাসাব সিরিয়া (শাম) সম্পর্কে অবগত হলেন যে, দেশটি ধ্রংসন্ত্বপে পরিণত হয়ে আছে, সমগ্র ফিলিস্তীন হিস্ত্র শ্বাপদে ভরে গিয়েছে এবং মানুষের কোন অস্তিত্ব সেখানে নেই। তাই তিনি সদয় হয়ে বাবিলে অবস্থানরত বনী ইসরাইলদেরকে আহ্বান করে জানালেন। তোমরা যারা নিজেদের দেশে সিরিয়ায় ফিরে যেতে চাও, যেতে পার। তিনি দাউদ বংশের একজনকে তাদের রাজা বানিয়ে বায়তুল মুকাদ্দাসহ অন্যান্য মসজিদ পুনর্নির্মাণ করার নির্দেশ দেন। বনী ইসরাইলরা তাদের রাজার সাথে আপন দেশ সিরিয়ায় চলে গেল এবং বায়তুল মুকাদ্দাস পুনঃপ্রতিষ্ঠা করল।

আল্লাহ তখন আরমিয়ার চোখ খুলে দিলেন। তিনি নগরীর আবাদ হওয়া দৃশ্যটি প্রত্যক্ষ করতে থাকলেন। এভাবে তাঁর আরও ত্রিশ বছর কেটে যায়। ফলে পূর্ণ নির্দ্বাকাল একশ বছর পূর্ণ হয় এবং তারপরে তিনি জগ্রাত হন। কিন্তু তিনি ধারণা করতে থাকেন যে, তার নির্দ্বাকাল কয়েক ঘণ্টার বেশি হয়নি। অথচ নগরীকে তিনি দেখেছিলেন ধ্রংস ও বিধিস্ত। আর নির্দ্বা থেকে জেগে এখন দেখতে পাচ্ছেন আবাদ নগরী হিসেবে। তাই সহসা বলে উঠলেন, আল্লাহ সবকিছুই করতে পারেন। অতঃপর বনী ইসরাইলরা তথায় বসবাস করতে থাকে। আল্লাহ তাদের রাজত্ব ফিরিয়ে দিলেন। এভাবে দীর্ঘকাল অতিবাহিত হয়। তারপর তারা বিভিন্ন দলে বিভক্ত হয়ে দ্বন্দ্ব কল্পে লিঙ্গ হয়। এ সুযোগে রোমান সম্রাট তাদের উপর আক্রমণ চালিয়ে তাদের দেশ দখল করে নেয়। রোমীয় খৃষ্টানদের শাসনাধীনে থেকে বনী ইসরাইলের শক্তি ও ঐক্য-সংহতি কিছুই অবশিষ্ট থাকল না।

ইব্ন জারির (র) তাঁর ইতিহাস গ্রন্থে উক্ত ঘটনা এভাবেই বর্ণনা করেছেন। তিনি আরও লিখেছেন যে, লাহুরাসাব ছিলেন একজন ন্যায়পরায়ণ শাসক। প্রজাবর্গ, সামন্ত রাজগণ, অধিনায়কগণ ও শহর-নগর সবই ছিল তাঁর অনুগত আঙ্গবহ। নগর তৈরি, নদী খনন ও সরাইখানা নির্মাণে তিনি ছিলেন অতিশয় বিজ্ঞ ও পারদর্শী। একশ বছরের উর্ধ্বে রাজ্য শাসনের পর দুর্বল ও ক্লান্ত হয়ে পড়লে আপন পুত্র বাশ্তাসবের নিকট ক্ষমতা ছেড়ে দিয়ে তিনি অবসর গ্রহণ করেন। বাশ্তাসবের আমলে সেদেশে মাজুসী ধর্মের (অগ্নিপূজার) উন্নব হয়। এ ধর্মের আল-বিদায়া ওয়ান নিহায়া (২য় খণ্ড) ১২—

সূচনা করেন যারদাশ্ত নামক এক ব্যক্তি। তিনি নবী আরমিয়ার সঙ্গে থাকতেন। নবীর উপর কোন এক কারণে তিনি রাগাভিত হন। নবী তাকে অভিশাপ দেন। ফলে যারদাশ্ত কুষ্ঠ রোগে আক্রান্ত হয়। অতঃপর তিনি আজার-বাইজানে গিয়ে বাশ্তাসবের সাথে মিলিত হন এবং তাকে নিজের উদ্ভাবিত মাজুসী ধর্মে দীক্ষিত করেন। এই ধর্ম প্রাহণ করার জন্যে বাশ্তাসব জনগণের উপর ভীষণভাবে চাপ সৃষ্টি করে। যারা স্বীকার করতে রাজি হয়নি তাদেরকে সে পাইকারীভাবে হত্যা করে। বাশ্তাসবের পরে তার পুত্র বাহ্মান পারস্যের সন্ত্রাট হয় এবং রাজ্য শাসনে যথেষ্ট খ্যাতি অর্জন করে।

বুর্খত নসর উপরোক্ত তিনজন সন্তাটের অধীনে আঞ্চলিক শাসনকর্তা ছিল এবং দীর্ঘ জীবন লাভ করেছিল। উপরোক্ত বর্ণনার সারমর্ম হল— ইব্ন জারিরের মতে, উক্ত জনপদের মধ্য দিয়ে অতিক্রমকারী ব্যক্তি হলেন হ্যরত আরমিয়া (আ)। কিন্তু ওহাব ইব্ন মুনাববিহ, আবদুল্লাহ ইব্ন উবায়দ প্রমুখ ঐতিহাসিকগণ হ্যরত আলী, আবদুল্লাহ ইব্ন সলাম, ইব্ন আব্বাস, হাসান, কাতাদা, সুদ্দী, সুলায়মান ইব্ন বুরায়দা প্রমুখ থেকে বর্ণনা করেছেন যে, উক্ত অতিক্রমকারী ব্যক্তি হ্যরত উয়ায়র (আ)। শেষোক্ত বর্ণনার সূত্র উপরের মতের বর্ণনার সৃত্রের অপেক্ষা অধিক শক্তিশালী এবং প্রথম যুগের ও পরবর্তী যুগের আলিমগণের অধিকাংশের নিকট বেশি প্রসিদ্ধ।

## হ্যরত উয়ায়র (আ)-এর বর্ণনা

ইব্ন আসাকির হ্যরত উয়ায়র (আ)-এর পূর্ব পুরুষদের বংশলতিকা নিম্নরূপ বর্ণনা করেছেন : উয়ায়র ইব্ন জারওয়া (ভিন্নমতে সুরীক) ইব্ন আদিয়া ইব্ন আইয়ুব ইব্ন দারযিনা ইব্ন আরী ইব্ন তাকী ইব্ন উসব ইব্ন ফিনহাস ইবনুল আফির ইব্ন হারুন ইব্ন ইমরান। কারও কারও বর্ণনায় উয়ায়র (আ)-এর পিতার নাম বলা হয়েছে সারখা। কোন কোন ঐতিহাসিকের মতে উয়ায়র (আ)-এর কবর দামিশকে অবস্থিত। ইব্ন আসাকির.... ইব্ন আব্রাস (রা) থেকে বর্ণনা করেন, রাসূলুল্লাহ (সা) বলেছেন, আমার জানা নেই, ঝর্ণাটা কি বিক্রি হয়েছে না বিক্রি হয়নি, আর উয়ায়র কি নবী ছিলেন নাকি নবী ছিলেন না।..... আবু হুরায়রা (রা) থেকেও একপ বর্ণিত হয়েছে। ইসহাক ইব্ন বিশর..... ইব্ন আব্রাস (রা) থেকে বর্ণিত। তিনি বলেন, বুখ্ত নসর যাদেরকে বন্দী করে নিয়েছিল, তাদের মধ্যে উয়ায়রও ছিলেন। তখন তিনি ছিলেন একজন কিশোর। যখন তিনি চালিশ বছর বয়সে উপনীত হন তখন আল্লাহ তাকে হিকমত (নবুওত) দান করেন। তাওরাত কিতাবে তার চাইতে ব্যৃৎপন্তিসম্পন্ন পভিত আর কেউ ছিল না। অন্যান্য নবীদের সাথে তাঁকেও নবী হিসেবে উল্লেখ করা হত। কিন্তু যখন তিনি আল্লাহর নিকট তাঁর ক্ষমতা সম্পর্কে প্রশ্ন করেন তখন তাঁর নবুওত প্রত্যাহার করে নেয়া হয়। কিন্তু এ বর্ণনাটি দুর্বল। সূত্র পরম্পরা বিচ্ছিন্ন ও অগ্রহণযোগ্য।

ইসহাক ইব্ন বিশর..... আবদুল্লাহ ইব্ন সালাম (রা) থেকে বর্ণনা করেন যে, উয়ায়র হলেন আল্লাহর সেই বান্দা, যাঁকে তিনি একশ বছর মৃত অবস্থায় রেখে পুনরায় জীবিত করেছিলেন। ইসহাক ইব্ন বিশর বলেন, বিভিন্ন সূত্রে ইব্ন আব্রাস (রা) থেকে বর্ণনা করেছেন যে, উয়ায়র ছিলেন একজন ডানী ও পুণ্যবান লোক। একদা তিনি তাঁর ক্ষেত-খামার ও বাগ-বাগিচা দেখার জন্যে ঘর থেকে বের হন। সেখান থেকে প্রত্যাবর্তনকালে দ্বিপ্রহরের সময় একটা বিধ্বন্ত বাড়িতে বিশ্রাম নেন। তাঁর বাহন গাধার পিঠ থেকে নিচে অবতরণ করেন। তাঁর সাথে একটি ঝুড়িতে ছিল ডুমুর এবং অন্য একটি ঝুড়িতে ছিল আঙ্গুর। খাওয়ার উদ্দেশ্যে তিনি একটি পেয়ালায় আঙ্গুর নিংড়িয়ে রস বের করেন এবং শুকনো ঝুঁটি তাতে ভিজিয়ে রাখেন। ঝুঁটি উক্ত রসে ভালুকপে ভিজে গেলে খাবেন, এই সময়ের মধ্যে বিশ্রামের উদ্দেশ্যে কিছু সময়ের জন্যে চিত হয়ে শুয়ে পড়েন এবং পা দুখানা দেয়ালের সাথে লাগিয়ে দেন। এ অবস্থায় তিনি বিধ্বন্ত ঘরগুলোর প্রতি লক্ষ্য করলেন, যার অধিবাসীরাও ধ্বংস হয়ে গিয়েছে। তিনি অনেকগুলো পুরাতন হাড় দেখতে পেয়ে মনে মনে ভাবলেন, “মৃত্যুর পর আল্লাহ কিরণে এগুলোকে জীবিত করবেন?” আল্লাহ যে জীবিত করবেন, এতে তাঁর আদৌ কোন সন্দেহ ছিল না। এ কথাটি তিনি কেবল অবাক বিশ্বয়ের সাথে ভেবেছিলেন। অতঃপর আল্লাহ মৃত্যুর ফেরেশতাকে পাঠিয়ে তাঁর ঝুঁটি কবজ করান এবং ‘একশ’ বছর পর্যন্ত মৃত অবস্থায় রেখে দেন।

একশ' বছর পূর্ণ হলে আল্লাহ উয়ায়িরের নিকট ফেরেশতা পাঠিয়ে দেন। এ দীর্ঘ সময়ে বনী ইসরাইলের মধ্যে অনেক পরিবর্তন সাধিত হয়ে গিয়েছিল এবং তার ধর্মের মধ্যে অনেক বিদাতের প্রচলন করেছিল। যা হোক, ফেরেশতা এসে উয়ায়িরের কাল্ব ও চক্ষুদ্বয় জীবিত করলেন, যাতে কিভাবে আল্লাহ মৃতকে জীবিত করবেন তা স্বচক্ষে দেখেন ও অন্তর দিয়ে উপলক্ষি করেন। এরপর ফেরেশতা উয়ায়িরের বিক্ষিণ্ড হাড়গুলো একত্রিত করে তাতে গোশত লাগালেন, চুল পশম যথাস্থানে সংযুক্ত করলেন এবং চামড়া দ্বারা সমস্ত শরীর আবৃত করলেন। সবশেষে তাঁর মধ্যে রুহ প্রবেশ করালেন। তাঁর দেহ এভাবে তৈরি হচ্ছে তা তিনি প্রত্যক্ষ করছিলেন এবং অন্তর দিয়ে আল্লাহর কুদরত উপলক্ষি করছিলেন। উয়ায়ির উঠে বসলেন। ফেরেশতা জিজ্ঞেস করলেন, আপনি এ অবস্থায় কতদিন অবস্থান করলেন? তিনি বললেন, এক দিন অথবা এক দিনেরও কিছু কম।' এরপ বলার কারণ হল, তিনি দ্বিপ্রহরে দিনের প্রথম ভাগে শুয়েছিলেন এবং সূর্যাস্তের পূর্বে উঠেছিলেন। তাই বললেন, দিনের কিছু অংশ, পূর্ণ দিন নয়। ফেরেশতা জানালেন, না, বরং আপনি একশ' বছর এভাবে অবস্থান করেছেন। আপনার খাদ্য সামগ্রী ও পানীয় বস্তুর প্রতি লক্ষ্য করুন! এখানে খাদ্য বলতে তাঁর শুকনা রুটি এবং পানীয় বলতে পেয়ালার মধ্যে আঙুর নিংড়ানো রস বুঝানো হয়েছে। দেখা গেল এ দুটির একটি ও নষ্ট হয়নি। রুটি শুকনা আছে এবং রস অবিকৃত অবস্থায় রয়েছে।

কুরআনে একেই বলা হয়েছে **لَمْ يَتَسْنَدْ** অর্থাৎ তা অবিকৃত রয়েছে। রুটি ও রসের মত তাঁর আঙুর এবং ডুমুরও টাটকা রয়েছে। এর কিছুই নষ্ট হয়নি। উয়ায়ির ফেরেশতার মুখে একশ' বছর অবস্থানের কথা শনে এবং খাদ্যদ্বয় অবিকৃত দেখে দ্বিধা-দ্বন্দ্বের মধ্যে পড়ে যান, যেন ফেরেশতার কথা তিনি মেনে নিতে পারছিলেন না। তাই ফেরেশতা তাঁকে বললেন, আপনি আমার কথায় সন্দেহ করছেন, তা হলে আপনার গাধাটির প্রতি লক্ষ্য করুন। উয়ায়ির লক্ষ্য করে দেখলেন যে, তাঁর গাধাটি মরে পঁচে গলে প্রায় নিশ্চিহ্ন হয়ে গিয়েছে। হাড়গুলো পুরাতন হয়ে যত্নত্ব বিক্ষিণ্ড হয়ে পড়ে রয়েছে। অতঃপর ফেরেশতা হাড়গুলোকে আহ্বান করলেন। সঙ্গে সঙ্গে হাড়গুলো চতুর্দিক থেকে এসে একত্রিত হয়ে গেল এবং ফেরেশতা সেগুলো পরম্পরের সাথে সংযুক্ত করে দিলেন। উয়ায়ির তা তাকিয়ে দেখছিলেন। তারপর ফেরেশতা উক্ত কংকালে রগ, শিরা-উপশিরা সংযোজন করেছেন। গোশত দ্বারা আচ্ছাদিত করেন এবং চামড়া ও পশম দ্বারা তা আবৃত করেন। সবশেষে তার মধ্যে রুহ প্রবেশ করান। ফলে গাধাটি মাথা ও কান খাড়া করে দাঁড়াল এবং কিয়ামত আরম্ভ হয়ে গিয়েছে ভেবে চীৎকার করতে লাগল।

আল্লাহর বাণী :

وَانْظُرْ إِلَى حِمَارِكَ وَلِنْجَعَلَكَ أَيَّةً لِّلثَّنَاسِ وَانْظُرْ إِلَى الْعِظَامِ كَيْفَ نُنْشِرُهَا ثُمَّ نَكْسُوْهَا لَحْماً

এবং তোমার গাধাটির প্রতি লক্ষ্য কর; কারণ তোমাকে মানব জাতির জন্যে নির্দেশনাব্ধরণ করব। আর অঙ্গগুলোর প্রতি লক্ষ্য কর, কিভাবে সেগুলোকে সংযোজিত করি এবং গোশত দ্বারা ঢেকে দেই। (২ : ২৫৯)।

অর্থাৎ তোমার গাধার বিক্ষিণ্ণ হাড়গুলোর প্রতি লক্ষ্য কর। কিভাবে সেগুলোকে গ্রহিতে গ্রহিতে সংযোজন করা হয়। যখন গোশতবিহীন হাড়ের কংকাল তৈরি হল তখন বলা হল, এবার লক্ষ্য কর, কিভাবে আমি এ কংকালকে গোশত দ্বারা আচ্ছাদিত করি। যখন তার নিকট এ বিষয়টি সুস্পষ্ট হয়ে গেল তখন তিনি বলে উঠলেন, আমি জানি যে, আল্লাহ সর্ববিষয়ে সর্বশক্তিমান। মৃতকে জীবিত করাসহ যে কোন কাজ করতে তিনি সম্পূর্ণ সক্ষম।

অতঃপর উয়ায়র (আ) উক্ত গাধার পিঠে আরোহণ করে নিজ এলাকায় চলে যান। কিন্তু সেখানে কোন লোকই তিনি চিনতে পারছেন না; আর তাকেও দেখে কেউ চিনতে পারছে না। নিজের বাড়ি-ঘরও তিনি সঠিকভাবে চিনে উঠতে পারছিলেন না। অবশ্যে ধারণার বশে নিজের মনে করে এক বাড়িতে উঠলেন। সেখানে অঙ্ক ও পঙ্কু এক বৃক্ষাকে পেলেন। তার বয়স ছিল একশ বিশ বছর। এই বৃক্ষ ছিল উয়ায়র পরিবারের দাসী। একশ' বছর পূর্বে তিনি যখন বাড়ি থেকে বের হয়ে যান, তখন এই বৃক্ষার বয়স ছিল বিশ বছর এবং উয়ায়রকে সে চিনত। বৃক্ষ বয়সে উপনীত হলে সে অঙ্ক ও পঙ্কু হয়ে যায়। উয়ায়র জিজেস করলেন, হে বৃক্ষ! এটা কি উয়ায়রের বাড়ি? বৃক্ষ বলল, হ্যাঁ, এটা উয়ায়রের বাড়ি। বৃক্ষ মহিলাটি কেঁদে ফেলল এবং বলল, এতগুলো বছর কেটে গেল, কেউ তার নামটি উচ্চারণও করে না, সবাই তাকে ভুলে গিয়েছে। উয়ায়র নিজের পরিচয় দিয়ে বললেন, আমিই সেই উয়ায়র। আল্লাহ আমাকে একশ' বছর মৃত অবস্থায় রেখে পুনরায় জীবিত করেছেন। বৃক্ষ বলল, কী আশ্র্য! আমরাও তো তাকে একশ বছর পর্যন্ত পাছি না, সবাই তার নাম ভুলে গিয়েছে, কেউ তাকে স্মরণ করে না। তিনি বললেন, আমিই সেই উয়ায়র। বৃক্ষ বলল, আপনি যদি সত্যিই উয়ায়র হন, তা হলে উয়ায়রের দোয়া আল্লাহক করুল করতেন। কোন রোগী বা বিপদগ্রস্তের জন্যে দোয়া করলে আল্লাহ তাকে নিরাময় করতেন এবং বিপদ থেকে মুক্তি দিতেন। সুতরাং আপনি আমার জন্যে দোয়া করুন, আল্লাহ আমার দৃষ্টিশক্তি ফিরিয়ে দিলে আপনাকে দেখব এবং আপনি উয়ায়র হলে আমি চিনব। তখন উয়ায়র দোয়া করলেন এবং বৃক্ষার চোখে হাত বুলিয়ে দিলেন। এতে তার অঙ্কজু দূর হয়ে গেল।

তারপর তিনি বৃক্ষার হাত ধরে বললেন, আল্লাহর হৃকুমে তুমি উঠে দাঁড়াও। সাথে সাথে তার পঙ্কুত্ব বিদূরিত হল, সে লোকের মত উঠে দাঁড়ালো। মনে হল সে বক্ষন থেকে মুক্তি লাভ করেছে। তারপর উয়ায়রের দিকে তাকিয়ে দেখে বলে উঠল, আমি সাক্ষ দিছি, আপনিই উয়ায়র। এরপর ঐ বৃক্ষ বনী ইসরাইলের মহল্লায় চলে গেল। দেখল, তারা এক আসরে জমায়েত হয়েছে। সে আসরে উয়ায়রের এক বৃক্ষ পুত্রও উপস্থিত ছিল, বয়স একশ আঠার বছর। শুধু তাই না, পুত্রদের পুত্রাও তথায় উপস্থিত ছিল, তারাও আজ প্রৌঢ়। বৃক্ষ মহিলা এক পার্শ্বে দাঁড়িয়ে মজলিসের লোকদেরকে ডেকে বলল, উয়ায়র তোমাদের মাঝে আবার ফিরে এসেছেন। কিন্তু বৃক্ষার এ কথা তারা হেসে উড়িয়ে দিল। তারা বলল, তুমি মিথ্যুক। বৃক্ষ নিজের পরিচয় দিয়ে বলল, আমি অমুক, তোমাদের বাড়ির দাসী। উয়ায়র এসে আমার জন্যে আল্লাহর নিকট দোয়া করেছেন। তিনি আমার দৃষ্টিশক্তি ফিরিয়ে দিয়েছেন এবং পঙ্কু পা সুস্থ করে দিয়েছেন। উয়ায়র বলেছেন, আল্লাহ তাকে একশ' বছর মৃত অবস্থায় রেখে আবার জীবিত

করে দিয়েছেন। এ কথা শোনার পর লোকজন উঠে উয়ায়রের বাড়িতে গেল এবং তাকে ভাল করে দেখল। উয়ায়রের বৃক্ষ পুত্র বলল, আমার পিতার দুই কাঁধের মাঝে একটি কাল তিল ছিল। সুতরাং সে কাঁধের কাপড় উঠিয়ে তিল দেখে তাকে চিনতে পারল এবং বলল, ইনিই আমার পিতা উয়ায়র। তখন বনী ইসরাইলের লোকজন উয়ায়রকে বলল, আমরা শুনেছি আপনি ব্যতীত অন্য কোন লোকের তাওরাত কিতাব মুখস্থ ছিল না। এ দিকে বুর্খত নসর এসে লিখিত তাওরাতের সমস্ত কপি আগুনে জ্বালিয়ে দিয়েছে। একটি অংশও অবশিষ্ট নেই। সুতরাং আপনি আমাদের জন্যে একখানা তাওরাত লিখে দিন। বুর্খত নসরের আক্রমণকালে উয়ায়রের পিতা সারুখা তাওরাতের একটি কপি মাটির নিচে পুঁতে রেখেছিলেন। কিন্তু সেই স্থানটি কোথায় উয়ায়র ব্যতীত আর কেউ তা জানত না। সুতরাং তিনি উপস্থিতি লোকদেরকে সাথে নিয়ে সেই স্থানে গেলেন এবং মাটি খুঁড়ে তাওরাতের কপি বের করলেন। কিন্তু এতদিনে তাওরাতের পাতাগুলো নষ্ট হয়ে সমস্ত লেখা মুছে গিয়েছে। এরপর তিনি একটি বৃক্ষের নিচে গিয়ে বসলেন, বনী ইসরাইলের লোকজনও তাঁর পাশে গিয়ে ঘিরে বসল। কিছুক্ষণের মধ্যে আকাশ থেকে দু'টি নক্ষত্র এসে তাঁর পেটের মধ্যে প্রবেশ করল। এতে গোটা তাওরাত কিতাব তাঁর স্থৃতিতে ভেসে উঠলো। তখন বনী ইসরাইলের জন্যে তিনি নতুনভাবে তাওরাত লিখে দিলেন। এ সবের জন্যে অর্থাৎ নক্ষত্রদ্বয়ের অবতরণ ও কার্যক্রম, তাওরাত কিতাব নতুনভাবে লিখন ও বনী ইসরাইলের নেতৃত্ব প্রহণের কারণে ইহুদীগণ উয়ায়রকে আল্লাহর পুত্র হিসেবে আখ্যায়িত করে। উয়ায়র হিয়কীল নবীর সাওয়াদ এলাকায় অবস্থিত আশ্রমে বসে তাওরাত কিতাবের পুনর্লিখন কাজসম্পন্ন করেছিলেন। যে নগরীতে তিনি ইন্তিকাল করেছিলেন তার নাম সাইরাবায (সাইরাবায)। ইব্ন আব্বাস (রা) বলেন, এ প্রসঙ্গে আল্লাহর বাণী (তোমাকে আমি মানব জাতির জন্যে নির্দশন বানাবার উদ্দেশ্যে একপ করেছি) মানব জ্ঞাতি বলতে এখানে বনী ইসরাইলকে বুঝানো হয়েছে। কেননা উয়ায়র তাঁর পুত্রদের মাঝে অবস্থান করেছিলেন। অথচ পুত্রগণ সবাই ছিল বৃক্ষ, আর তিনি অবশ্য যুবক। এর কারণ, যখন তাঁর মৃত্যু হয় তখন বয়স ছিল চাল্লিশ বছর। একশ' বছর পর আল্লাহ যখন তাঁকে জীবিত করলেন তখন (প্রথম) মৃত্যুকালের ঘোবন অবস্থার উপরেই জীবিত করেছিলেন। ইব্ন আব্বাস (রা) বলেছেন, বুর্খত নসরের ঘটনার পরে উয়ায়র পুনর্জীবিত হয়েছিলেন হাসানও এ একই মত প্রকাশ করেছেন। আবু হাতিম সিজিসতানী ইব্ন আব্বাসের বক্তব্যকে কবিতা আকারে নিম্নলিখিতভাবে রূপ দিয়েছেন।

وَاسْوَد رَأْسٌ شَابٌ مِّنْ قَبْلِهِ أَبْنَهُ - وَمِنْ قَبْلِهِ أَبْنَهُ فَهُوَ أَكْبَرُ

يَرِى أَبْنَهُ شِيخًا يَدْبُ عَلَى عَصَمٍ - وَلَحِيَتِهِ سُودَاءُ وَالرَّأْسُ اشْفَرُ

وَمَا لَابْنَهُ حِبْلٌ فَلَا فَضْلٌ قَوْةٌ - يَقُومُ كَمَا يَمْئُسُ الصَّبَى فَيَعْئِرُ

يَعْدُ أَبْنَهُ فِي النَّاسِ تَسْعِينَ حِجَّةً - وَعِشْرِينَ لَا يَجْرِي وَلَا يَتَبَخْتَرُ

وَعُمْرًا بِهِ ادْبَعُونَ امْرَهَا - وَلَانِ ابْنَهُ تَسْعَوْنَ فِي النَّاسِ عَبْرَ

فَمَا هُوَ فِي الْمُعْقُولِ أَنْ كُنْتَ دَارِي - وَانِ كُنْتَ لَا تَدْرِي فِي الْجَهَلِ تَعْذِيرٌ

অর্থ : তার (উয়ায়রের) মাথার চুল কালই আছে, কিন্তু এর পূর্বেই তার পুত্র ও পৌত্রের চুল পেকে সাদা হয়ে গিয়েছে। অথচ বড় তো তিনিই ।

তার পুত্রকে দেখা যায় বৃদ্ধ--লাঠির উপর ভর দিয়ে চলাফেরা করে; অথচ পিতার দাড়ি এখনও রয়েছে কাল এবং মাথার চুল লাল-খয়েরি ।

পুত্রের দৈহিক শক্তি-সামর্থ্য ক্ষীণ হয়ে গিয়েছে। ফলে মে যখন দাঢ়াতে ও হাঁটতে চায় তখন ছোট শিশুর ন্যায় আছাড় খেয়ে মাটিতে পড়ে যায় ।

সমাজের লোক জানে, তার (উয়ায়রের) পুত্র নবই বছর পর্যন্ত তাদের মাঝে চলাফেরা করেছে। কিন্তু বিশ বছর হল ভালুকপে চলতে ফিরতে পারছে না ।

পিতার বয়স চলিশ বছর, আর পুত্রের বয়স নবই বছর অতিক্রম করেছে। এ এমন একটি বিষয় যা তোমরা বুদ্ধি থাকলে তুমি অনুধাবন করতে পারবে। আর যদি এর মর্ম অনুধাবন করতে ব্যর্থ হও তা হলে তোমার অজ্ঞতা ক্ষমার্হ ।

## পরিচ্ছেদ

প্রসিদ্ধ মতে উয়ায়র (আ) ছিলেন বুনী ইসরাইলদের অন্যতম নবী। তিনি দাউদ ও সুলায়মান এবং যাকারিয়া ও ইয়াহ্যা (আ)-এর মধ্যবর্তী সময়ে আবির্ভূত হন। কথিত আছে, বুনী ইসরাইলের মধ্যে কারও নিকট যখন তাওরাত কিতাব সংরক্ষিত ছিল না, তখন উয়ায়রের স্মৃতিপটে আল্লাহ তাওরাত কিতাব জাগরুক করে দেন এবং বুনী ইসরাইলকে তিনি তা পঢ়ে শুনান। এ সম্পর্কে ওহাব ইব্ন মুনাবিহ (র) বলেছেন, আল্লাহর নির্দেশে একজন ফেরেশতা একটি নূরের চামচ নিয়ে আসেন এবং উয়ায়রের মুখের মধ্যে তা ঢেলে দেন। অতঃপর তিনি তাওরাতের হৃষি একটি কপি লিখে দেন। ইব্ন আসাকির লিখেছেন, ইব্ন আব্বাস (রা) একদা আবদুল্লাহ ইব্ন সালামের নিকট নিম্নোক্ত আয়াতটি **وَقَالَتِ الْيَهُودُ عُزِّيزٌ إِنَّ اللَّهَ** (ইহুদীরা উয়ায়রকে আল্লাহর পুত্র বলে থাকে) উল্লেখ পূর্বক জিজেস করেন যে, তাঁকে আল্লাহর পুত্র বলার কারণ কি? উত্তরে আবদুল্লাহ ইব্ন সালাম (রা) বললেন, বুনী ইসরাইলের মধ্যে এক সময়ে তাওরাত কঠিনকারী একজন লোকও ছিল না। তারা বলত, নবী মুসাও তাওরাত লিখিত আকারে ছাড়া আমাদেরকে দিতে পারেন নি। অথচ উয়ায়র নিজের স্মৃতি থেকে অলিখিত তাওরাত আমাদেরকে দিয়েছেন। তাঁর এ বিশ্বাসের প্রতিভা দেখে বুনী ইসরাইলের একদল লোক তাঁকে আল্লাহর পুত্র বলে আখ্যায়িত করে। এ কারণে অধিকাংশ আলিম বলেছেন, তাওরাত কিতাবের ধারাবাহিকতা উয়ায়রের সময়ে শেষ হয়ে যায়। তিনি যদি নবী না হয়ে থাকেন, তা হলে এ মন্তব্যটি খুবই প্রগিধানযোগ্য। আতা ইব্ন আবী রাবাহ এবং হাসান বসরীও এরপ মন্তব্য করেছেন।

ইসহাক ইব্ন বিশর..... বিভিন্ন সূত্রে আতা ইব্ন আবী রাবাহ থেকে বর্ণনা করেছেন যে, ফাত্রাত (শেষ নবী ও ঈসা (আ)-এর মধ্যবর্তী বিরতিকাল) যুগের নয়টি বিষয় খুবই উল্লেখযোগ্য, যথা : বুখ্ত নসর, সানআর উদ্যান<sup>১</sup>, সাবার উদ্যান<sup>২</sup>, আস্হাবুল-উখ্দুদ<sup>৩</sup>, হাসুরার ঘটনা, আসহাবুল কাহফ<sup>৪</sup>, আসহাবুল ফীল<sup>৫</sup>, ইনতাকিয়া<sup>৬</sup> নগরী ও তুবৰার ঘটনা<sup>৭</sup>

ইসহাক ইব্ন বিশ্র..... হাসান থেকে বর্ণনা করেছেন যে, উয়ায়রের ও বুখ্ত নসরের ঘটনা ফাতরাতকালে সংঘটিত হয়। সহীহ হাদীছে বর্ণিত, রাসুলুল্লাহ (স) বলেছেন, মরিয়ম পুত্র (ঈসা)-এর নিকটবর্তী লোক আমিই। কেননা আমার ও তার মাঝে অন্য কোন নবী নেই।

ওহাব ইব্ন মুনাবিহ লিখেছেন, উয়ায়রের আগমন হয়েছিল সুলায়মান ও ঈসা (আ)-এর মধ্যবর্তী সময়ে। ইব্ন আসাকির আনাস ইব্ন মালিক ও আতা ইবনুস সাইব থেকে বর্ণনা করেছেন যে, উয়ায়রের আগমন হয়েছিল হযরত ম্সা ইব্ন ইমরান (আ)-এর যামানায়। একদা তিনি আল্লাহর কুদরত সম্পর্কে জিজ্ঞাসা করার জন্যে মুসা (আ)-এর নিকট অনুমতি প্রার্থনা করেন। কিন্তু মুসা (আ) সে অনুমতি দেননি। এই ক্ষেত্রে তিনি সেখান থেকে চলে আসেন এবং বলেন : এক মুহূর্তের লাঙ্গনার তুলনায় শতবার মৃত্যুবরণ

১. সানআর বাগিচা : সুরা সাবায় উল্লিখিত ইয়ামনের রাজধানী সানআর ঐতিহাসিক বাগিচা। আল্লাহর নাফরমানির কারণে তা ধ্বন্স হয়ে যায়।
২. সাবার উদ্যান : সাবা ইয়ামনের এক বিখ্যাত পুরুষের নাম। তার ছয় পুত্র ইয়ামানে ও চার পুত্র সিরিয়ায় বসবাস করত। ইয়ামনের রাজধানী সানআ থেকে ৬০ মাইল পূর্বে মাআরিব নগরীতে ছিল সাবা জাতির বসতি। নগরীর দু'পাশে ছিল দুই পাহাড়। পাহাড়ের ঢলের পানি রোধে দু'পাহাড়ের মধ্যে বিরাট বাঁধ দেয়া হয়। উক্ত বাঁধের দু'পাশে বিশাল উদ্যান গড়ে উঠে। ফলে এই জাতি ধনে-ঝুঁক্র্যে অনাবিল শাস্তিতে বাস করে। কিন্তু আল্লাহকে ভূলে যেয়ে তারা মৃত্যি পূজ্য লিঙ্গ হয়। তাদের শাস্তির জন্যে আল্লাহ ইন্দুর দ্বারা বাঁধের নিম্নদেশ কেটে দিয়ে পাহাড়ী ঢল দ্বারা বাঁধ ভেঙে দেন। এতে উদ্যানসহ সমস্ত বসতি ধ্বন্স হয়ে যায়। (এটা ঈসা (আ)-এর আবির্ভাবের পরের ঘটনা)।
৩. আসহাবুল উখ্দুদ : অর্ধে অগ্নিকুক্তের জন্যে কৃত্যাত শাসকর্বণ। ইয়ামনের ইয়ামারী বাদশাহ আবু কারিয়া ইহুদী ধর্ম গ্রহণ করে নিজ দেশে প্রচার করে। তার পুত্র যু-নুওয়াস ইসায়ী ধর্মের প্রাণকেন্দ্র জাজুরান আক্রমণ করে ইসরাইলীদেরকে ইহুদী ধর্ম গ্রহণ করতে বাধ্য করে। তারা এতে অঙ্গীকৃতি জানালে প্রায় বিশ হাজার লোককে অগ্নিকুণ্ডে নিষেক করে হত্যা করে। এর প্রতিশোধে রোমের সাহায্য নিয়ে ইথিওপিয়ার খৃষ্টানগণ ইয়ামন আক্রমণ করে দখল করে নেয়। এটা ছিল ৩৪০ খ্রিস্টাব্দের ঘটনা।
৪. আসহাবুল কাহফ : (গুহাবাসী) এশিয়া মহাদেশের পশ্চিম উপকূলে অবস্থিত রোমকদের বৃহৎ নগরী আফসুস (পরবর্তীতে তরসুস নামে খ্যাত)-এর মুর্তি পূজারী বাদশাহ দকিয়ানুস (Decius) এর তয়ে তথাকার সাত জন ঈমানদার যুবক পালিয়ে গিয়ে এক পাহাড়ী গুহায় আঘাতে পড়েন। ক্লান্ত দেহে তারা ঘুমিয়ে পড়েন। এটা ছিল ২৫০ খ্রিস্টাব্দের ঘটনা। চান্দ্র হিসেবে ৩০৯ বছর (যা সৌর হিসেবে ছিল ৩০০ বছর) ঘুমাবার পর তারা জাগত হন ৫৫০ খ্রিস্টাব্দে। কিন্তু সময় পর পুনরায় ঘুমালে আল্লাহ তাদেরকে মৃত্যু দান করেন। এর বিশ বছর পর শেষ নবীর জন্ম হয়।
৫. আসহাবুল ফীল : (হস্তী বাহিনী) ইয়ামনের খৃষ্টান বাদশাহ আবরাহাহ রাজধানী সানআর বায়তুল্লাহর বিকল্প এক গীর্জা নির্মাণ করে। অতঃপর ১৩টি হাতি ও ৬০ হাজার সৈন্য নিয়ে কাঁবা ঘর ধ্বন্স করার উদ্দেশ্যে মক্কার দিকে যওয়ানা হয়। আল্লাহ আবাবিলের সাহায্যে তাকে ধ্বন্স করে দেন। রাসুলুল্লাহ (সা)-এর জন্মের ৫০ দিন মতান্তরে ৫৫ দিন পূর্বে এ ঘটনাটি ঘটে।
৬. সুরা ইয়াসীনে উল্লিখিত ইসমায়ী ধর্মের তিমজ্জন মুবারিগকে মিথ্যাবাসী সাব্যস্ত করায় ও তাদেরকে হত্যা করায় ইনতাকিয়া (এটিয়ক) নগর আল্লাহ ধ্বন্স করে দেন।
৭. তুর্কা : ইয়ামনের ইয়ামারী শাসকদের উপাধি ছিল 'তুর্কা'। এরা ইয়ামনের পশ্চিমাংশসহ দীর্ঘ দিন আরব ও ইরাক শাসন করেছে। শক্তিশালী এই রাজবংশ পরবর্তীকালে ইহুদী ধর্ম ত্যাগ করে মৃত্যুপূজা শুরু করে। ফলে আল্লাহ তাদেরকে ধ্বন্স করে দেন।

করাও সহজতর। (مائة موتة اهون من ذل ساعة) এ কথাটি এক কবি বলেছেন  
নিম্নোক্তভাবেঃ

قد يصبر الحر على السيف - ويأنف الصبر على الحيف  
ويؤثر الموت على حالة - يعجز فيها عن قرى الضيف

অর্থাৎ ব্যক্তিত্ব সম্পন্ন স্বাধীনচেতা মানুষ যুদ্ধের ময়দানে তরবারীর আঘাতকে স্বাগত জানায়, কিন্তু স্বাভাবিক মৃত্যুবরণ করাকে ঘৃণা করে। এমন অবস্থায় সে মৃত্যুবরণ করাকে অগ্রাধিকার দেয় যখন সে মেহমানদের আহার্য প্রদানে অপারগ হয়।

ইব্ন আসাকির প্রমুখ লেখকগণ ইব্ন আব্বাস, নূফ আল-বিকালী, সুফিয়ান ছাওরী প্রমুখ থেকে বর্ণনা করেছেন যে, উয়ায়র (আ) নবীই ছিলেন। কিন্তু মৃতকে জীবিত করার ব্যাপারে আল্লাহ'র ক্ষমতা সম্পর্কে প্রশ্ন করায় তাঁর নবুওত প্রত্যাহার করা হয়। কিন্তু এ বর্ণনাটি মুনকার বা অগ্রহণযোগ্য, এর বিশুদ্ধ হওয়া সম্পর্কে সন্দেহ আছে—সম্ভবত ইসরাইলী বর্ণনা থেকে এটা গৃহীত হয়েছে। এ বিষয়ে আরও একটি বর্ণনা লক্ষ্যণীয়। তা হল, আবদুর রায়হাক ও কুতায়বা ইব্ন সাদ..... নূফ আল-বিকালী থেকে বর্ণনা করেছেন যে, একদা উয়ায়র আল্লাহ'র নিকট একান্তে আবেদন করেন : “হে আমার প্রতিপালক! মানুষ তো আপনারই সৃষ্টি, যাকে ইচ্ছা তাকে আপনি পথভ্রষ্ট করেন এবং যাকে ইচ্ছা তাকে সংপথে পরিচালিত করেন।” আল্লাহ'র পক্ষ হতে তাকে বলা হল, তুমি এ কথা থেকে বিরত হও। কিন্তু তিনি পুনরায় একই কথা বললেন। তখন তাঁকে জানান হল, তুমি এ কথা থেকে বিরত থাক। অন্যথায় নবীদের তালিকা থেকে তোমার নাম কেটে দেয়া হবে। জেনে রেখ, আমি যা কিছু করি সে বিষয়ে প্রশ্ন তোলার অধিকার কারও নেই; কিন্তু মানুষ যা কিছু করবে তার জন্যে তাকে জবাবদিহী করতে হবে। এ বর্ণনা দ্বারা প্রতীয়মান হয় যে, সতর্ক করার পরও তিনি ঐ কথার পুনরাবৃত্তি করেন নি। সুতরাং নবীদের তালিকা থেকে তাঁর নাম কাটা যাওয়ার প্রশ্নই উঠে না।

ইমাম তিরমিয়ী ব্যতীত সিহাহ সিন্তাহৰ অন্যান্য সংকলকগণ..... আবু হুরায়রা (রা) থেকে বর্ণনা করেন যে, রাসূলুল্লাহ (সা) বলেছেন, জনৈক নবী একবার এক বৃক্ষের নিচে অবতরণ করেন। একটি পিংপড়া তাঁকে দংশন করে। তিনি সেখান থেকে বিদায় হওয়ার জন্যে মালপত্র গুটিয়ে নিতে বলেন। নির্দেশ মতে মালপত্র গুটিয়ে নেয়া হয়। অতঃপর তার হুকুমে পিংপড়দের বাসা পুড়িয়ে ফেলা হয়। তখন আল্লাহ ওহীর মাধ্যমে তাঁকে বললেন, থাম, একটি মাত্র পিংড়ার জন্যে এ কী করছ? ইসহাক....মুজাহিদ থেকে বর্ণনা করেন যে, ঐ নবী ছিলেন হযরত উয়ায়র (আ)। ইব্ন আব্বাস ও হাসান বসরী থেকে বর্ণিত যে, তিনি ছিলেন উয়ায়র (আ)।

## যাকারিয়া ও ইয়াহ্যা (আ)

আল্লাহর বাণী ৪ বিসমিল্লাহির রাহমানির রাহীম

كَهِيْعَصٌّ. ذَكْرُ رَحْمَتِ رَبِّكَ عَبْدَهُ زَكْرِيَاً. إِذْ نَادَى رَبَّهُ نِدَاءً حَفِيْعًا. قَالَ رَبِّ إِنِّي وَهَنِ الْعَظُمُ مِنِّي وَأَشْتَأْلِعُ الرَّأْسَ شَيْبًا وَلَمْ أَكُنْ بِدُعَائِكَ رَبِّ شَقِيْعًا. وَإِنِّي حَفْتُ الْمَوَالِيَ مِنْ وَرَاءِي وَكَانَتِ امْرَأَتِي عَاقِرًا فَهَبْ لِي مِنْ لَدُنْكَ وَلِيًّا. يَرِثُنِي وَيَرِثُ مِنْ أَلِيْعَقُوبَ وَاجْعَلْهُ رَبِّ رَضِيًّا. يَزَكْرِيَا إِنَّمَا نُبَشِّرُكَ بِغَلِمَنِ اسْمُهُ يَحْيَى لَمْ تَجْعَلْ لَهُ مِنْ قَبْلٍ سَمِيًّا. قُلْ رَبِّ إِنِّي يَكُونُ لِي غُلْمٌ وَكَانَتِ امْرَأَتِي عَاقِرًا وَقَدْ بَلَغْتُ مِنَ الْكِبَرِ عِتِيًّا. قَالَ كَذَلِكَ قَالَ رَبُّكَ هُوَ عَلَىٰ هِينٍ وَقَدْ خَلَقْتُكَ مِنْ قَبْلٍ وَلَمْ تَكُ شَيْئًا. قَالَ رَبِّ اجْعَلْ لِي أَيَّةً قَالَ أَيْتُكَ أَلَا تُكَلِّمُ النَّاسَ ثُلَثَ لَيَالٍ سَوِيًّا. فَخَرَجَ عَلَىٰ قَوْمِهِ مِنَ الْمَحْرَابِ فَأَوْحَىٰ إِلَيْهِمْ أَنْ سِيَّحُوا بُكْرَةً وَعَشِيًّا. يَيْحَيَىٰ خَذِ الْكِتَبَ بِقُوَّةٍ وَأَتَيْنَاهُ الْحُكْمَ صَبِيًّا. وَحَنَانًا مِنْ لَدُنَّا وَزَكْوَةً وَكَانَ تَقِيًّا. وَبِرًا بِوَالِدِيهِ وَلَمْ يَكُنْ جَبَارًا عَصِيًّا. وَسَلَمٌ عَلَيْهِ يَوْمَ وُلْدَهُ وَيَوْمَ يَمُوتُ وَيَوْمَ يُبْعَثُ حَيًّا.

—কাফ-হা-ইয়া-আয়ন-সাদ; এটা তোমার প্রতিপালকের অনুগ্রহের বিবরণ তাঁর বান্দা যাকারিয়ার প্রতি। যখন সে তাঁর প্রতিপালককে আহ্বান করেছিল নিঃতে। সে বলেছিল, “আমার অঙ্গি দুর্বল হয়েছে। বার্ধক্যে আমার মস্তক শুভ্রোজ্জ্বল হয়েছে।” হে আমার প্রতিপালক! তোমাকে আহ্বান করে আমি কথনও ব্যর্থকাম হইনি। ‘আমি আশাংকা করি আমার পর আমার স্বগোত্রীয়দের সম্পর্কে; আমার স্ত্রী বন্ধ্যা। সুতরাং তুমি তোমার নিকট হতে আমাকে দান কর উত্তরাধিকারী। যে আমার উত্তরাধিকারিত্ব করবে এবং উত্তরাধিকারিত্ব করবে ইয়াকুবের বংশের, এবং হে আমার প্রতিপালক! তাকে করো সন্তোষভাজন। তিনি বলেনেন: “হে যাকারিয়া! আমি তোমাকে এক পুত্রের সুসংবাদ দিছি। তাঁর নাম হবে ইয়াহ্যা; এ নামে পূর্বে আমি কারও নামকরণ করিনি।” সে বলল, “হে আমার প্রতিপালক! কেমন করে আমার পুত্র হবে যখন

আমার স্ত্রী বন্ধ্যা ও আমি বার্ধক্যের শেষ সীমায় উপনীত। তিনি বললেন, “এ এরপই হবে। তোমার প্রতিপালক বললেন, এ তো আমার জন্যে সহজসাধ্য, আমি তো পূর্বে তোমাকে সৃষ্টি করেছি যখন তুমি কিছুই ছিলে না।” যাকারিয়া বলল, হে আমার প্রতিপালক! আমাকে একটি নির্দশন দাও। তিনি বললেন, তোমার নির্দশন এই যে, তুমি সুস্থ থাকা সত্ত্বেও কারণ সাথে তিনি দিন বাক্যালাপ করবে না। অতঃপর সে কক্ষ হতে বের হয়ে তার সম্প্রদায়ের নিকট আসল। ইংগিতে তাদেরকে সকাল—সন্ধ্যায় আল্লাহর পবিত্রতা ও মহিমা ঘোষণা করতে বলল। (আমি বললাম) হে ইয়াহুয়া! এই কিতাব দ্যুতার সাথে গ্রহণ কর। আমি তাকে শৈশবেই দান করেছিলাম জ্ঞান এবং আমার নিকট হতে হৃদয়ের কোমলতা ও পবিত্রতা; সে ছিল মুস্তাকী। পিতামাতার অনুগত এবং সে ছিলনা উদ্বত-অবাধ্য। তার প্রতি শান্তি যেদিন তার মৃত্যু হবে এবং যে দিন সে জীবিত অবস্থায় পুনরঞ্চিত হবে (১৯ মারযাম : ১-১৫)

উক্ত ঘটনা প্রসংগে আল্লাহ অন্যত্র বলেন :

وَكَفَلَهَا زَكَرِيَاً كُلَّمَا دَخَلَ عَلَيْهَا رَزْقًا . قَالَ يُمَرِّيْمَ أَنِّي لَكَ هَذَا قَاتَتْ هُوَ مِنْ عِنْدِ اللَّهِ إِنَّ اللَّهَ يَرْزُقُ مَنْ يَشَاءُ بِغَيْرِ حِسَابٍ . هُنَالِكَ دَعَا زَكَرِيَاً رَبَّهُ قَالَ رَبِّيْ لِيْ مِنْ لَدُنْكَ ذُرِيْةً طَبِيبَةً أَنَّكَ سَمِيعُ الدُّعَاءِ . فَنَادَتْهُ الْمَلِيْكَةُ وَهُوَ قَائِمٌ يُصَلِّي فِي الْمَحْرَابِ إِنَّ اللَّهَ يُبَشِّرُكَ بِيَحْيَى مُصَدِّقًا بِكَلْمَةِ مِنْ اللَّهِ وَسَيِّدًا وَحُصُورًا وَنَبِيًّا مِنَ الصَّالِحِينَ . قَالَ رَبِّيْ أَنِّي يَكُونُ لِيْ غُلْمَانٌ وَقَدْ بَلَغَنِيَ الْكِبَرُ وَأَمْرَاتِيْ عَاقِرَةٌ قَالَ كَذَلِكَ اللَّهُ يَفْعُلُ مَا يَشَاءُ . قَالَ رَبِّيْ أَجْعَلْ لِيْ أَيْتَكَ أَلَا تَكُونَ النَّاسَ ثَلَثَةً أَيَّامٍ إِلَّا رَمْزًا . وَإِذْكُرْ رَبَّكَ كَثِيرًا وَسَيِّحْ بِالْعَشِيِّ وَالْأَبْكَارِ .

এবং তিনি তাকে (মরিয়মকে) যাকারিয়ার তত্ত্বাবধানে রেখেছিলেন। যখনই যাকারিয়া কক্ষে তার সাথে সাক্ষাত করতে যেত, তখনই তার নিকট খাদ্য-সামগ্রী দেখতে পেত। সে বলত, “হে মরিয়ম! এসব তুমি কোথায় পেলে?” সে বলত, এ আল্লাহর নিকট হতে। আল্লাহ যাকে ইচ্ছা অপরিমিত জীবনোপকরণ দান করেন। সেখানেই যাকারিয়া তার প্রতিপালকের নিকট প্রার্থনা করে বলল, “হে আমার প্রতিপালক! আমাকে তুমি তোমার নিকট হতে সৎ বংশধর দান কর। তুমই প্রার্থনা শ্রবণকারী।” যখন যাকারিয়া কক্ষে সালাতে দাঁড়িয়েছিল তখন ফেরেশতাগণ তাকে সঙ্গে ধন করে বলল, “আল্লাহ তোমাকে ইয়াহুয়ার সুসংবাদ দিচ্ছেন, সে হবে আল্লাহর বাণীর সমর্থক, নেতা, স্ত্রী-বিবাহী এবং পুণ্যবানদের মধ্যে একজন নবী।” সে বলল, “হে আমার প্রতিপালক! বার্ধক্য এসেছে এবং আমার স্ত্রী-বন্ধ্যা।” তিনি বললেন, এভাবেই। আল্লাহ যা ইচ্ছা তা-ই করেন।” সে বলল, “হে আমার প্রতিপালক! আমাকে একটি নির্দশন দাও।” তিনি বললেন, তোমার নির্দশন এই যে, তিনি দিন তুমি ইঙ্গিত ব্যৱীত কোন মানুষের সাথে কথা

বলতে পারবে না। আর তোমার প্রতিপালককে অধিক স্মরণ করবে। এবং সন্ক্ষয় ও প্রভাতে তাঁর পবিত্রতা ও মহিমা ঘোষণা করবে” (৩ আলে-ইমরান : ৩৭-৪১)

সূরা আবিয়ায় আল্লাহ তা'আলা বলেন :

وَزَكَرِيَا اذْنَادِي رَبَّهُ رَبَّ لَا تَذَرْنِيْ فَرِدًّا وَأَنْتَ خَيْرُ الْوَارِثِينَ.  
فَاسْتَجَبْنَا لَهُ وَهَبْنَا لَهُ يَحْيَى وَأَصْلَحْنَا لَهُ زَوْجَهُ إِنَّهُمْ كَانُوا يُسْرِعُونَ  
فِي الْخَيْرِ وَيَدْعُونَنَا رَغْبًا وَرَهْبًا . وَكَانُوا لَنَا خَشِعِينَ.

—এবং স্মরণ কর যাকারিয়ার কথা, যখন সে তাঁর প্রতিপালককে আহ্বান করে বলেছিল, “হে আমার প্রতিপালক! আমাকে একা রেখো না, তুমি তো শ্রেষ্ঠ মালিকানার অধিকারী।” অতঃপর আমি তাঁর আহ্বানে সাড়া দিয়েছিলাম এবং তাঁকে দান করেছিলাম ইয়াহুইয়া এবং তাঁর জন্যে তাঁর স্ত্রীকে যোগ্যতা সম্পন্ন করেছিলাম; তাঁরা সৎ কাজে প্রতিযোগিতা করত, তাঁরা আমাকে ডাকত আশা ও ভীতির সাথে এবং তাঁরা ছিল আমার নিকট বিনীত।” (২১ আবিয়া : ৮৯-৯০) আল্লাহ আরও বলেন :

وَزَكَرِيَا وَيَحْيَى وَعِيسَى وَالْيَاسَ كُلُّ مِنَ الصَّالِحِينَ.

—এবং যাকারিয়া, ইয়াহুইয়া, ঈসা ও ইলিয়াস, সকলেই সৎকর্মশীলদের অস্তর্ভুক্ত।

ইব্ন আসাকির তাঁর বিখ্যাত ইতিহাস গ্রন্থে হয়রত যাকারিয়া (আ)-এর বৎশ তালিকা নিম্নরূপ বর্ণনা করেছেন, যথা : যাকারিয়া ইব্ন বারবিয়া বা যাকারিয়া ইব্ন দান কিংবা যাকারিয়া ইব্ন লাদুন ইব্ন মুসলিম ইব্ন সাদূক ইব্ন হাশবান ইব্ন দাউদ ইব্ন সুলায়মান ইব্ন মুসলিম সাদীকা ইব্ন বারবিয়া ইব্ন বালআতা ইব্ন নাহুর ইব্ন শালুম ইব্ন বাহনাশাত ইব্ন আয়নামান ইব্ন রাহবি'আম ইব্ন সুলায়মান ইব্ন দাউদ। যাকারিয়া ছিলেন বনী ইসরাইলের নবী ইয়াহুইয়া (আ)-এর পিতা। তিনি পুত্র ইয়াহুইয়ার সন্ধানে দামিশকের বুচায়না শহরে গিয়েছিলেন। কেউ কেউ বলেছেন, পুত্র ইয়াহুইয়া নিহত হওয়ার সময় তিনি দামিশকেই অবস্থান করছিলেন। তাঁর নসবনামা সম্পর্কে আরও বিভিন্ন মত রয়েছে। উচ্চারণে যাকারিয়া। (দীর্ঘ স্বরবিশিষ্ট) যাকারিয়া বা যাকরা বলা হয়ে থাকে।

আল্লাহ তা'আলা রাসূলুল্লাহ (সা)-কে যাকারিয়া নবীকে সন্তান প্রদানের ঘটনা মানুষের নিকট বর্ণনা করার নির্দেশ দেন। আল্লাহ যখন যাকারিয়াকে পুত্র সন্তান দান করেন তখন তিনি ছিলেন বৃদ্ধ। তাঁর স্ত্রী যৌবনকাল থেকেই ছিলেন বৃদ্ধা। আর এখন বার্ধক্যে আক্রান্ত। কিন্তু এসব প্রতিকূল অবস্থা বিদ্যমান থাকা সত্ত্বেও তিনি আল্লাহর রহমত ও অনুগ্রহ থেকে নিরাশ হননি। আল্লাহ বলেন :

ذِكْرُ رَحْمَةِ رَبِّكَ عَبْدُهُ زَكَرِيَا اذْنَادِي رَبَّهُ بِنَاءً حَفِيَّا .

• (এটা তোমার পালনকর্তার অনুগ্রহের বিবরণ তাঁর বাদ্বা যাকারিয়ার প্রতি, যখন সে তাঁর পালনকর্তাকে আহ্বান করেছিল নিভৃতে।) কাতাদা এ আয়াতের ব্যাখ্যায় বলেছেন, আল্লাহ স্বচ্ছ

অন্তর ও ক্ষীণ আওয়াজ সম্পর্কে সম্যক অবহিত। কোন কোন প্রাচীন আলিম বলেছেন, হযরত যাকারিয়া (আ) রাত্রিবেলা নিন্দা থেকে উঠে অতি ক্ষীণ আওয়াজে, যাতে তাঁর কাছের কেউ শুনতে না পায় আল্লাহকে আহ্বান করে বলেন, হে আমার প্রভো! হে আমার প্রভো! হে আমার প্রভো! আল্লাহ তা'আলা আহ্বানে সাড়া দিয়ে বললেন : লাক্বায়েক ; লাক্বায়েক!! লাক্বায়েক!!! এরপর যাকারিয়া বলেন —**رَبَّ أَنِّيْ وَهَنَ الْعَظْمُ مِنِّيْ**—প্রভো! আমার অস্ত্রি দুর্বল হয়ে পড়েছে, বয়সে দেহ ভারাবন্ত হয়ে গিয়েছে। —**وَأَسْتَعْلَمُ الرَّأْسُ شَيْبًا**—বার্ধক্যে মন্ত্রক সুশুভ্র হয়েছে। অগ্নি শিখা যেমন কাঞ্চখণ্ড গ্রাস করে, তেমন বার্ধক্য আমার কাল চুল গ্রাস করে নিয়েছে।

হযরত যাকারিয়া (আ) আল্লাহকে জানালেন যে, বার্ধক্যের দুর্বলতা বাহ্যিকভাবে ও অভ্যন্তরীণভাবে তাঁকে গ্রাস করে ফেলেছে। —**وَلَمْ أَكُنْ بِدُعَائِكَ رَبِّ شَقِّيْا**

“হে আমার পালনকর্তা! আপনাকে ডেকে আমি কখনও বিকল মনোরথ হইনি।” অর্থাৎ-আমি ইতিপূর্বে আপনার নিকট যা কিছু চেয়েছি, আপনি তা আমাকে দিয়েছেন। হযরত যাকারিয়ার সন্তান কামনার পশ্চাতে যে প্রেরণাটি কাজ করেছিল, তা এই যে, তিনি হযরত মরিয়ম বিন্ত ইমরান ইবন মাছানকে বাযতুল মুকাদ্দাসে দেখাশুনার দায়িত্বভার গ্রহণ করেন। বাযতুল মুকাদ্দাসের যে কক্ষে বিবি মরিয়ম থাকতেন, সে কক্ষে যাকারিয়া (আ) যখনই যেতেন দেখতেন, তিনি মওসুমের পর্যাণ ফল মরিয়মের পাশে মওজুদ রয়েছে। বস্তুত এটা ছিল আওলিয়াদের কারামতের একটি নিদর্শন। তা’ দেখে হযরত যাকারিয়ার অন্তরে এ কথার উদয় হল যে, যে সন্তা মরিয়মকে তিনি মওসুমের ফল দান করছেন, তিনি আমাকে এই বৃক্ষ বয়সে সন্তান দান করতে পারেন। সূরা আলে-ইমরানে আছে, সেখানেই যাকারিয়া তার পালনকর্তার নিকট প্রার্থনা করল। বললো, হে আমার পালনকর্তা! তোমার নিকট থেকে আমাকে পৃত-পবিত্র সন্তান দান কর! নিশ্চয়ই তুমি প্রার্থনা শ্রবণকারী। (৩ : ৩৮)।

সূরা মরিয়ামে আল্লাহর বাণী :

وَإِنِّيْ خَفْتُ الْمَوَالِيْ مِنْ وَرَائِيْ وَكَانَتِ امْرَأَتِيْ عَاقِرًا .

—আমি ভয় করি আমার পর আমার স্বগোত্রকে এবং আমার স্ত্রী বন্ধ্য। বা **مَوَالِيْ** বা স্বগোত্র বলতে গোত্রের এমন একটি দলের কথা বুঝানো হয়েছে, যাদের ব্যাপারে নবী আশংকা প্রকাশ করেছেন যে, তাঁর মৃত্যুর পরে এরা বনী ইসরাইলকে বিভাস্ত করে শরীয়তের পরিপন্থী ও নবীর আনুগত্য বিরোধী কাজে জড়িয়ে ফেলবে। এ কারণে তিনি আল্লাহর নিকট একটি সুসন্তান প্রার্থনা করেন। তিনি বললেন : —**فَهَبْ لِيْ مِنْ لَدُنْكَ وَلِيْا**—আপনি আমাকে নিজের পক্ষ থেকে একজন উত্তরাধিকারী দান করুন। নবুওতের দায়িত্ব পালনে এবং বনী ইসরাইলের নেতৃত্ব প্রদানে সে হবে আমার স্তলাভিষিক্ত। —এবং —**وَيَرِثُ مِنْ أَلِ يَعْقُوبَ**। অর্থাৎ ইয়াকুবের সন্তানদের মধ্যে তার (অর্থাৎ আমার প্রার্থিত পুত্রের) পূর্ব-পুরুষগণ যেভাবে নবুওত, মর্যাদা ও ওহী প্রাণ হয়েছে, তাকেও সেই সুমহান মর্যাদায় অধিষ্ঠিত করুন! এখানে উত্তরাধিকারী বলতে ধন-সম্পদের উত্তরাধিকারী হওয়া

ବୁଝାନୋ ହୟାନି । କିନ୍ତୁ ଶୀ'ଆ ସମ୍ପଦାୟ ଏଥାନେ ଧନ-ସମ୍ପଦେର ଉତ୍ସର୍ଗିକାର ଅର୍ଥି ଗ୍ରହଣ କରେଛେ । ଇବନ୍ ଜାରୀରେ ଏଥାନେ ଶୀଯା ମତକେ ସମର୍ଥନ କରେଛେନ । ତିନି ସାଲିହ ଇବନ୍ ଇଉସୁଫେର ଉତ୍ସର୍ଗିକାର କଥା ଓ ନିଜେର ମତେର ସମର୍ଥନେ ଉପ୍ଲେଖ କରେଛେ ।

କିନ୍ତୁ କ୍ୟେକଟି କାରଣେ ଏହି ମତ ଗ୍ରହଣଯୋଗ୍ୟ ନୟ ।

(এক) সূরা 'নামল' এর ১৬ নং আয়াত 'دَأْوَدْ سُلِّيْمَانْ دَأْوَدْ — سুলায়মান দাউদের (নবুওত ও রাজত্বের) উত্তরাধিকারী হয়। এ আয়াতের অধীনে আমরা বুখারী মুসলিমসহ সহীহ, মুসনাদ ও সুনান গ্রন্থাদিতে বিভিন্ন সূত্রে বহু সংখ্যক সাহাবী থেকে বর্ণিত সেই প্রসিদ্ধ হাদীস উল্লেখ করেছি, যাতে রাসূলুল্লাহ (সা) বলেছেন : نورث مَا ترکنا فهو صدقۃ لا —আমরা কোন উত্তরাধিকারী রেখে যাই না, মৃত্যুর পরে যা কিছু পরিত্যক্ত সম্পদ থাকে, তা সর্বসাধারণের জন্যে সাদাকা বা দান হিসেবে গণ্য হবে।" এ হাদীস থেকে শ্পষ্ট বুঝা যাচ্ছে যে, রাসূলুল্লাহ (সা)-এর পরিত্যক্ত সম্পদের কোন উত্তরাধিকারী রেখে যাননি। এ কারণেই রাসূল (সা) তাঁর জীবদ্ধশায় যে সব সম্পত্তি ব্যক্তিগতভাবে ভোগ করতেন, হ্যরত আবু বকর সিন্দীক (রা) সেগুলো রাসূল (সা)-এর উত্তরাধিকারীদের হাতে তুলে দেননি। অথচ উপরোক্ত হাদীস যদি না থাকত তাহলে সেগুলো রাসূলের উত্তরাধিকারী রাসূল তনয় হ্যরত ফাতিমা, তাঁর নয়জন সহধর্মীণী ও তাঁর চাচা হ্যরত আব্বাস (রা) প্রমুখের হাতে আসতো। এসব উত্তরাধিকারীদের দাবির বিরুদ্ধে হ্যরত আবু বকর (রা) উপরোক্ত হাদীসটি দলীল হিসেবে পেশ করেন। রাসূলুল্লাহ (সা) থেকে উপরোক্ত হাদীস বর্ণনার প্রতি সমর্থন দেন হ্যরত উমর, হ্যরত উচ্ছমান, হ্যরত আলী, হ্যরত আব্বাস, আবদুর রহমান ইব্ন আওফ তালহা, যুবায়র, আবু হুরায়রা (রা) প্রমুখ সাহাবায়ে কিরাম।

(দুই) উপরোক্ত হাদীসটি ইমাম তিরমিয়ী তাঁর গ্রন্থে বহুচনের শব্দ দ্বারা বর্ণনা করেছেন-  
ফলে সকল নবীই এর অন্তর্ভুক্ত হয়ে যান। তিনি এভাবে বর্ণনা করেছেন  
نَحْنُ مُعَاشِرُ نَبِيٍّ لَا نُورٌ ثَالِثٌ। অর্থাৎ “আমরা নবীরা কোন উত্তরাধীকারী রেখে যাই না।” ইমাম  
তিরমিয়ী এ বর্ণনাটিকে সহীহ বলে আখ্যায়িত করেছেন।

(তিনি) নবীগণের নিকট দুনিয়ার সহায়-সম্পদ সর্বদাই অতি নগণ্য ও তুচ্ছ বলে গণ্য হয়েছে। তাঁরা কখনই এগুলো সংগ্রহে লিঙ্গ হননি, এর প্রতি জঙ্গেপ করেননি এবং এর কোন গুরুত্বই দেননি। সুতরাং সন্তান ধন-সম্পদ সংগ্রহের জন্যে প্রার্থনা করার প্রশ্নাই আসে না। কারণ, যে সন্তান ত্যাগের মহিমায় নবীদের মর্যাদার সীমানায় পৌঁছতে পারবে না, সে তো নবীর পরিত্যক্ত সামান্য সম্পদকে কোন গুরুত্বই দেবে না। তাই সেই তুচ্ছ সম্পদের উত্তরাধিকারী বানানোর লক্ষ্যে কোন সন্তান কামনা করা একেবারেই অবাস্তর।

(চার) ঐতিহাসিক মতে নবী যাকারিয়া পেশায় ছিলেন ছুতার। স্বহস্তে উপার্জিত রোয়গার দ্বারা জীবিকা নির্বাহ করতেন, যেমনটি করতেন হযরত দাউদ (আ)। বলাবাহল্য, নবীগণ সাধারণতও আয়-রোয়গারে এমনভাবে আস্থানিয়োগ করতেন না, যার দ্বারা অতিরিক্ত মাল সঞ্চয় হতে পারে এবং পরবর্তী সন্তানগণ তার উত্তরাধিকারী হতে পারবে। ব্যাপারটি দিবালোকের মত স্পষ্ট। সামান্য চিন্তা করলেই যে কেউ বিষয়টি সহজেই বুঝতে পারে।

ইমাম আহমদ ..... আবু হুরায়রা (রা) থেকে বর্ণনা করেন, রাসূলুল্লাহ (সা) বলেছেন, যাকারিয়া নবী ছিলেন একজন ছুতার। ইমাম মুসলিম ও ইবন মাজাহ অভিন্ন সূত্রে হাম্মাদ ইব্ন সালমা থেকে অনুরূপ বর্ণনা করেছেন। আল্লাহর বাণী : “হে যাকারিয়া! আমি তোমাকে এক পুত্রের সুসংবাদ দিচ্ছি, তার নাম হবে ইয়াহ্বীয়া; এ নামে পূর্বে আমি কারও নামকরণ করিনি।” এখানে এ কথাটি সূরা আল-ইমরানের-৩৯ নং আয়াতের ব্যাখ্যা হিসেবে বলা হয়েছে। সেখানে বলা হয়েছে : “যখন যাকারিয়া কক্ষে সালাতে দাঁড়িয়েছিল তখন ফেরেশতাগণ তাকে সর্বোধন করে বলল, আল্লাহ তোমাকে ইয়াহ্বীয়ার সুসংবাদ দিচ্ছেন, সে হবে আল্লাহর বাণী সমর্থক, নেতা, স্ত্রী-বিবাহী এবং পুণ্যবানদের মধ্যে একজন নবী।” এরপর যখন তাকে পুত্র সন্তানের সুসংবাদ দেয়া হল এবং তিনি নিশ্চিত হলেন তখন নিজের অবস্থার প্রতি লক্ষ্য করে সন্তান হওয়ার বিষয়ে বিশ্বিত হয়ে আল্লাহর নিকট জানতে চাইলেন। তিনি বললেন, “হে আমার প্রতিপালক! কেমন করে আমার পুত্র হবে, যখন আমার পত্নী বন্ধ্যা ও আমি বার্ধক্যের শেষ সীমায় উপনীত?” অর্থাৎ একজন বৃন্দ লোকের সন্তান কিভাবে হতে পারে? কেউ কেউ বলেছেন, হ্যরত যাকারিয়ার বয়স ছিল তখন সাতান্তর বছৱ। প্রকৃত পক্ষে তাঁর বয়স ছিল এর থেকে আরও বেশী। “আমার স্ত্রী বন্ধ্যা” অর্থাৎ যৌবনকাল থেকেই আমার স্ত্রী বন্ধ্যা- কোন সন্তানাদি হয় না। এমনি এক অবস্থায় হ্যরত ইবরাহীম খলীলকে ফিরিশতাগণ পুত্র হওয়ার সুসংবাদ দিয়েছিলেন, তখন তিনি বিশ্বয়ভরে জিজ্ঞেস করেছিলেন— “বার্ধক্য যখন আমাকে পেয়ে বসেছে, তখন তোমরা আমাকে সুসংবাদ জানাচ্ছ, বল, কি সেই সন্তান?” তাঁর স্ত্রী সারা বলেছিলেন, “কী আশ্চর্য! সন্তানের জননী হব আমি, যখন আমি বৃন্দা এবং এই আমার স্বামী বৃন্দ! এটা অবশ্যই এক অদ্ভুত ব্যাপার!” ফেরেশতারা বলল, “আল্লাহর কাজে তুমি বিশ্বয়বোধ করছো হে পরিবারবর্গ! তোমাদের প্রতি রয়েছে আল্লাহর অনুগ্রহ ও কল্যাণ! তিনি প্রশংসার্হ ও সম্মানার্হ” (১১ হুদ : ৭২, ৭৩)।

হ্যরত যাকারিয়া (আ)-কেও আগত ফেরেশতা ঠিক এ জাতীয় উত্তর দিয়েছিলেন। ফেরেশতা বলেছিলেন, “একপই হবে; তোমার প্রতিপালক বলেছেন, এ কাজ আমার জন্যে সহজসাধ্য; আমি তো পূর্বে তোমাকে সৃষ্টি করেছি, যখন তুমি কিছুই ছিলে না।” অর্থাৎ আল্লাহ যখন তোমাকে অস্তিত্বহীন অবস্থা থেকে অস্তিত্ব দান করতে পেরেছেন, তখন তিনি কি তোমার বৃন্দ অবস্থায় সন্তান দিতে পারবেন না? সূরা আবিয়ায় (৯০) আল্লাহর বাণী “অতঃপর আমি তার আহবানে সাড়া দিয়েছিলাম এবং তাকে দান করেছিলাম ইয়াহ্বীয়া এবং তার জন্যে তার স্ত্রীকে যোগ্যতাসম্পন্ন করেছিলাম। তারা সৎকর্মে প্রতিযোগিতা করত, তারা আমাকে ডাকত আশা ও ভীতির সাথে এবং তারা ছিল আমার নিকট বিনীত।” স্ত্রীকে যোগ্যতা সম্পন্ন করার অর্থ- স্ত্রীর মাসিক বন্ধ হয়ে গিয়েছিল, পুনরায় তা চালু হয়ে যায়। কারও মতে তাঁর স্ত্রী মুখরা ছিলেন, তা ভাল করে দেয়া হয়। যাকারিয়া বললেন, “হে আমার প্রতিপালক! আমাকে একটি নির্দশন দাও।” অর্থাৎ আমাকে এমন একটি লক্ষণ দাও, যা দ্বারা আমি বুঝতে পারিয়ে, এই প্রতিশ্রূত সন্তান আমার থেকে স্ত্রীর গর্ভে এসেছে। আল্লাহ জানালেন, “তোমার নির্দশন এই যে, তুমি সুস্থ থাকা সত্ত্বেও কারও সাথে তিনি দিন বাক্যালাপ করবে না।” অর্থাৎ তোমার বুঝবার সে লক্ষণ হল, তোমাকে নীরবতা আবিষ্ট করে ফেলবে, ফলে তিনি দিন পর্যন্ত মানুষের সাথে ইশারা ইংগিত ব্যৱীত কথা বলতে পারবে না। অথচ তোমার শরীর, মন ও মেজাজ সবই সুস্থ অবস্থায় থাকবে। এ সময়ে তাকে সকাল-সন্ধ্যায় অধিক পরিমাণ আল্লাহর যিক্র ও তাসবীহ মনে মনে

পাঠ করার নির্দেশ দেয়া হয়। এ সুসংবাদ পাওয়ার পর হ্যরত যাকারিয়া (আ) কক্ষ হতে বের হয়ে আপন সম্প্রদায়ের নিকট চলে আসলেন এবং তাদেরকে সকাল-সন্ধ্যায় আল্লাহর পবিত্রতা ও মহিমা ঘোষণা করতে ইঙ্গিত (ওহী) করলেন। এখানে ওহী শব্দটি গোপন নির্দেশ অর্থে ব্যবহৃত হয়েছে। মুজাহিদ ও সুন্দীর মতে, এখানে ‘ওহী’ অর্থ লিখিত গোপন নির্দেশ। কিন্তু ওহাব, কাতাদা ও মুজাহিদের ভিন্ন মতে ইংগিতের মাধ্যমে নির্দেশ। মুজাহিদ, ইকরিমা, ওহাব, সুন্দী ও কাতাদা বলেছেন, কোনরূপ অসুখ ব্যতীতই যাকারিয়া (আ)-এর জিহ্বা আড়ত হয়ে যায়। ইব্ন যায়দ বলেছেন, তিনি পড়তে ও তাসবীহ পাঠ করতে পারতেন; কিন্তু কারও সাথে কথা বলতে পারতেন না। আল্লাহর বাণী, “হে ইয়াহুইয়া, এই কিতাব দৃঢ়তার সাথে গ্রহণ কর, আমি তাকে শৈশবেই দান করেছিলাম জ্ঞান।” এ আয়াতের মাধ্যমে পূর্বে যাকারিয়া (আ)-কে যে পুত্রের সুসংবাদ দেয়া হয়েছিল, তারই অস্তিত্বে আসার কথা বলা হয়েছে। আল্লাহ তাকে শৈশবকালেই কিতাবের জ্ঞান ও প্রজ্ঞা দান করেছিলেন।

আবদুল্লাহ ইব্ন মুবারক (র) বলেন, মা'মার বলেছেন : একবার কতিপয় বালক ইয়াহুইয়া ইব্ন যাকারিয়াকে তাদের সাথে খেলতে যেতে বলেছিল, তখন তিনি তাদেরকে বলেছিলেন, “খেলার জন্যে আমাদেরকে স্থিত করা হ্যানি।” “শৈশবে তাকে জ্ঞান দান করেছিলাম”- এ আয়াতেরই বহিঃপ্রকাশ ঘটেছিল উক্ত ঘটনায়। আল্লাহর বাণী : “এবং আমার নিকট হতে তাকে দেয়া হয়েছিল হানানা, অর্থাৎ হৃদয়ের কোমলতা ও পবিত্রতা এবং সে ছিল মুত্তাকী।” ইব্ন জারীর ..... ইব্ন আব্বাস (র) থেকে বর্ণনা করেছেন যে, তিনি বলেছেন, ‘হানানা’ কি তা আমি জানি না। ইব্ন আব্বাস (রা) থেকে অপর সূত্রে এবং মুজাহিদ, ইকরিমা, কাতাদা ও যাহহাক থেকে বর্ণিত, ‘হানানা’ অর্থ ‘দয়া’। আমার নিকট থেকে দয়া এসেছিল অর্থাৎ যাকারিয়ার প্রতি আমি দয়া করেছিলাম, ফলে তাকে এই পুত্র সন্তান দান করা হয়েছিল। ইকরিমা বলেন, হানানা অর্থ মহবত; অর্থাৎ তাকে আমি মহবত করেছিলাম। উপরোক্ত অর্থ ছাড়া হানানা শব্দটি ইয়াহুইয়া (আ)-এর বিশেষ গুণও হতে পারে। অর্থাৎ মানুষের প্রতি ইয়াহুইয়ার ভালবাসা ছিল অধিক; বিশেষ করে তাঁর পিতা-মাতার প্রতি মহবত ও ভালবাসা ছিল অতি প্রগাঢ়। ইয়াহুইয়াকে পবিত্রতা দেয়া হয়েছিল অর্থাৎ- তাঁর চরিত্র ছিল নিষ্কলুষ এবং ক্রটিমুক্ত।

মুত্তাকী অর্থ আল্লাহর নির্দেশ পালনকারী ও নিষিদ্ধ কাজ থেকে দূরে অবস্থানকারী। এরপর আল্লাহ পিতা-মাতার প্রতি ইয়াহুইয়া (আ)-এর উন্নত ব্যবহার, তাঁদের আদেশ-নিষেধের আনুগত্য এবং কথা ও কাজের দ্বারা পিতা-মাতার অবাধ্যতা থেকে বিরত থাকার কথা উল্লেখ পূর্বক বলেন : “এবং সে ছিল পিতা-মাতার অনুগত এবং সে ছিল না উন্নত, অবাধ্য।” অতঃপর আল্লাহ বলেন : “তার প্রতি শান্তি যে দিন সে জন্মলাভ করে, যে দিন তার মৃত্যু হবে এবং যে দিন সে জীবিত অবস্থায় পুনরুত্থিত হবে।” উল্লেখিত সময় তিনটি মানব জীবনে অত্যধিক শুরুত্বপূর্ণ ও কঠিন অবস্থা হিসাবে বিবেচিত। কারণ, এ তিনটি সময় হল এক জগত থেকে আর এক জগতে স্থানান্তরের সময়। এক জগতে কিছুকাল অবস্থান করায় সে জগতের সাথে পরিচিতি লাভ ও ভালবাসা সৃষ্টি হওয়ার পর তা ছিন্ন করে এমন এক জগতে চলে যেতে হয়, যে জগত সম্পর্কে তার কিছুই জানা থাকে না। তাই দেখা যায় নবজাত শিশু মাতৃগর্ভের কোমল ও সংকীর্ণ স্থান ত্যাগ করে যথন এ সমস্যাপূর্ণ পৃথিবীতে আসে তখন সে চিৎকার করে কাঁদতে থাকে।

ଅନୁରୂପଭାବେ ଏ ପୃଥିବୀ ଛେଡେ ସଥନ ସେ ବର୍ଯ୍ୟ ଜଗତେ ଯାଯ, ତଥନେ ଏକଇ ଅବଶ୍ଵା ଦେଖା ଦେଯ । ଏମବ ଜଗତ ତ୍ୟାଗ କରେ ମୃତ୍ୟୁର ଆଂଗିନାୟ ପୌଛେ ସେ କବରେର ବାସିନ୍ଦା ହୁଁ ଇସ୍ରାଫୀଲେର ସିଂଗାୟ ଫୁଁକ ଦେଓଯାର ଅପେକ୍ଷାଯ ଥାକେ । ଏଇ ପରେଇ ତାର ସ୍ଥାୟୀ ବାସନ୍ତାନ । କବର ଥେକେ ପୁନରୁଥିତ ହବାର ପର ହୁଁ ସ୍ଥାୟୀ ଶାନ୍ତି ଓ ସୁଖ, ନା ହୁଁ ଚିରସ୍ଥାୟୀ ଶାନ୍ତି ଓ ଦୁଃଖ । କେଉଁ ହବେ ଜାହାନାତେର ଅଧିବାସୀ, ଆର କେଉଁ ହବେ ଜାହାନାମେର ବାସିନ୍ଦା । ଜନୈକ କବି ଅତି ସୁନ୍ଦରଭାବେ କଥାଟି ବଲେଛେନ :

وَلَدْتُكَ أَمْ بِاَكِيَا مُسْتَصْرِخَا وَالنَّاسُ حَوْلَكَ يَضْحَكُونَ سَرورَا  
فَاحْرَصَ لِنَفْسِكَ اَنْ تَكُونَ اَذَا بَكَوا فِي يَوْمٍ مُوتَكَ ضَاحِكًا مُسْرورًا

ଅର୍ଥଃ ଯେ ଦିନ ତୋମାର ମା ତୋମାକେ ଭୂମିଷ୍ଟ କରେଛିଲ, ସେ ଦିନ ତୁମି ଚିତ୍କାର ଦିଯେ କାଁଦଛିଲ, ଆର ଲୋକଜନ ପାଶେ ଥେକେ ଖୁଣିତେ ହାସଛିଲ । ଏଥନ ତୁମି ଏମନଭାବେ ଜୀବନ ଗଡ଼େ ତୋଳ, ଯେଣ ମୃତ୍ୟୁକାଳେ ତୁମି ଆନନ୍ଦଚିତ୍ତେ ହାସତେ ହାସତେ ମରତେ ପାର, ଆର ଲୋକଜନ ତୋମାର ପାଶେ ବମେ କାଁଦତେ ବାଧ୍ୟ ହୁଁ

ଉପରୋକ୍ତ ସ୍ଥାନ ତିନଟି ସଥନ ମାନୁଷେର ଉପର ଅତ୍ୟଧିକ କଠିନ, ତଥନ ଆନ୍ତାହ ହ୍ୟରତ ଇୟାହ୍‌ଇୟାକେ ପ୍ରତିଟି ସ୍ଥାନେଇ ଶାନ୍ତି ଓ ନିରାପତ୍ତାର ଘୋଷଣା ଦାନ କରେ ବଲେଛେନ : “ତାର ପ୍ରତି ଶାନ୍ତି ଯେ ଦିନ ସେ ଜନ୍ମ ଲାଭ କରେ, ଯେ ଦିନ ତାର ମୃତ୍ୟୁ ହେବ ଏବଂ ଯେ ଦିନ ସେ ଜୀବିତ ଅବଶ୍ଵାୟ ପୁନରୁଥିତ ହେବ ।” ସାଙ୍ଗେ ଇବ୍ନ ଆବି ଆରବା କାତାଦାର ସୂତ୍ରେ ହାସାନ ଥେକେ ବର୍ଣନା କରେନ, ଏକ ଦିନ ଇୟାହ୍‌ଇୟା ଓ ଈସା (ଆ) ପରମ୍ପର ସାକ୍ଷାତେ ମିଲିତ ହନ । ଈସା (ଆ) ଇୟାହ୍‌ଇୟା (ଆ)-କେ ବଲଲେନ, ଆମାର ଜନ୍ୟେ ଇସ୍ତିଗଫାର କର, କେନନା ତୁମି ଆମାର ଚାଇତେ ଉତ୍ସ । ଇୟାହ୍‌ଇୟା ବଲଲେନ, ବରଂ ଆପନି ଆମାର ଜନ୍ୟେ ଇସ୍ତିଗଫାର କରନ୍ତି, ଯେହେତୁ ଆମାର ତୁଳନାୟ ଆପନି ଶ୍ରେଷ୍ଠ । ଈସା ବଲଲେନ, ତୁମି ଆମାର ଚାଇତେ ଶ୍ରେଷ୍ଠ । କେନନା, ଆମି ନିଜେଇ ଆମାର ଉପର ଶାନ୍ତି ଘୋଷଣା କରେଛି, ଆର ତୋମାର ଉପର ଶାନ୍ତି ଘୋଷଣା କରେଛେ ସ୍ବୟଂ ଆନ୍ତାହ । ଏଇ ଦ୍ୱାରା ଉତ୍ସରେ ଉଚ୍ଚ ମର୍ଯ୍ୟାଦାର କଥା ଜାନା ଗେଲ । ସୂରା ଆଲେ-ଇମରାନେର ୩୯୨୯ ଆୟାତେ ଉଲ୍ଲେଖିତ “ସେ ହେବ ନେତା, ସ୍ତ୍ରୀ-ବିରାଗୀ ଏବଂ ପୁଣ୍ୟବାନଦେର ମଧ୍ୟେ ଏକଜନ ନବୀ” (سَيِّدًا وَ حَصُورًا وَ نَبِيًّا مِّنَ الصَّالِحِينَ) ଏଥାନେ ‘ହାସୂର’- ସ୍ତ୍ରୀ ବିରାଗୀ ପ୍ରସଂଗେ କେଉଁ କେଉଁ ବଲେଛେ- ହାସୂର ବଲା ହୁଁ ଏ ବ୍ୟକ୍ତିକେ, ଯେ କଥନେ କୋନ ନାରୀର ସଙ୍ଗ ଭୋଗ କରେ ନା, କେଉଁ କେଉଁ ଭିନ୍ନ ଅର୍ଥରେ କରେଛେ । ଏହିଇ ଅଧିକତର ଯୁକ୍ତିସମ୍ପତ । କେନନା, ଯାକାରିଯା (ଆ) ଦୋଯାଯ ବଲେଛିଲେ, “ଆମାକେ ତୁମି ତୋମାର ନିକଟ ଥେକେ ପବିତ୍ର ବଂଶଧର ଦାନ କର ।” ଏ ଦୋଯାର ସାଥେ ଉପରୋକ୍ତ ଅର୍ଥରେ ବେଶୀ ମିଳେ । ଇୟାମ ଆହମଦ ..... ଇବ୍ନ ଆବାସ ଥେକେ ବର୍ଣନା କରେନ, ରାସ୍‌ଲୁଲ୍ଲାହ (ସା) ବଲେଛେନ, ଆଦମ ସନ୍ତାନେର ମଧ୍ୟେ ଏମନ କେଉଁ ନେଇ, ଯେ କୋନ ଗୁନାହ କରେନ; କିଂବା ଅନ୍ତତଃ ଗୁନାହର ଇଚ୍ଛା ପୋଷଣ କରେନ, ଏକମାତ୍ର ଇୟାହ୍‌ଇୟା ଇବ୍ନ ଯାକାରିଯା ବାତୀତ । ଆର କାରାଓ ପକ୍ଷେଇ ଏରପ କଥା ବଲା ବାଞ୍ଛନୀୟ ନୟ ଯେ, “ଆମି ଇଉନୁସ ଇବ୍ନ ମାତ୍ରାର ଚେଯେ ଭାଲ ।” ଏ ହାଦୀଛରେ ସନଦେ ଆଲୀ ଇବ୍ନ ଯାଯଦ ଇବ୍ନ ଜାଦ୍‌ଆନ ନାମକ ବର୍ଣନାକାରୀ ସମ୍ପର୍କେ ଏକାଧିକ ଇମାମ ବିରାପ ମନ୍ତ୍ରବ୍ୟ କରେଛେ । ତାର ବର୍ଣିତ ହାଦୀଛ ଗ୍ରହଣଯୋଗ୍ୟ ନୟ । ଇବ୍ନ ଖୁୟାଯମା ଓ ଦାରାକୁତନୀ ଓ ହାଦୀଛଟିକେ ଆବୁ ଆସିମ ଆବାଦାନୀର ସୂତ୍ରେ ଉଚ୍ଚ ଆଲୀ ଇବ୍ନ ଯାଯଦ ଇବ୍ନ ଜାଦ୍‌ଆନ ଥେକେ ଆର ବିଶଦଭାବେ ବର୍ଣନା କରାର ପର ଇବ୍ନ ଖୁୟାଯମା (ର) ବଲେଛେନ : ଏହି ହାଦୀଛରେ ସନଦ ଆମାଦେର ଶର୍ତ୍ତ ଅନୁଯାୟୀ ନୟ ।

ইব্ন ওহাব ..... ইব্ন শিহাব থেকে বর্ণনা করেছেন, একদিন রাসূলুল্লাহ (সা) সাহাবাদের মাঝে আসেন। তাঁরা তখন বিভিন্ন নবীদের শ্রেষ্ঠত্ব নিয়ে আলোচনা করছিল।

একজন বলছিল, মুসা (আ) আল্লাহর সাথে কথা বলেছেন, তিনি কালীমুল্লাহ। আর একজন বলছিল, ঈসা আল্লাহর রহ ও তাঁর কালেমা-ঈসা রহল্লাহ। আর একজন বলছিল, ইবরাহীম আল্লাহর বন্ধু খলীলুল্লাহ। তখন রাসূলুল্লাহ (সা) বলছেন: শহীদের পুত্র শহীদের উল্লেখ করছ না কেন? তিনি তো পাপের তয়ে উটের লোমের তৈরী বন্ধু পরতেন এবং গাছের পাতা খেতেন। ইব্ন ওহাব বলেন, রাসূলুল্লাহ (সা) এ কথার দ্বারা ইয়াহুইয়া ইব্ন যাকারিয়াকে বুঝিয়েছিলেন। মুহাম্মদ ইব্ন ইসহাক..... ইবনুল আস (রা) থেকে বর্ণনা করেন, রাসূলুল্লাহ (সা) বলেছেন, প্রত্যেক আদম-সন্তান কিয়ামতের দিন কোন না কোন ক্রটিসহ আল্লাহর সম্মুখে হাজির হবে; কেবল ইয়াহুইয়া ইব্ন যাকারিয়াই হবেন তাঁর ব্যতিক্রম। মুহাম্মদ ইব্ন ইসহাক হাদীস বর্ণনায় তাদলীস<sup>১</sup> করেন।

আবদুর রায়্যাক.... সাঈদ ইবনুল মুসায়িব (রা) থেকে এ হাদীস মুরসালভাবে বর্ণনা করেছেন। ইব্ন আসাকিরও এ হাদীসখানা বিভিন্ন সূত্রে বর্ণনা করেছেন। এ কথা বলে রাবী তিলাওয়াত করতেন : وَسِيداً وَحَصُوراً। এরপর তিনি মাটি থেকে কিছু একটা তুলে ধরে বললেন, এ জাতীয় কিছু ব্যতীত তাঁর নিকট আর কিছুই ছিল না; তারপর তিনি একটা পশু কুরবানী করেন। এ বর্ণনাটি মাওকুফ পর্যায়ের, তবে এর মারফু' হওয়ার চাইতে মাওকুফ হওয়াটি বিশুদ্ধতর। ইব্ন আসাকির মামার থেকে বিভিন্ন সূত্রে উক্ত হাদীছ বর্ণনা করেছেন। অনুরূপ তিনি আবু দাউদ আত-তায়ালিসী প্রমুখ আবু সাঈদ (রা) থেকে বর্ণনা করেন, রাসূলুল্লাহ (সা) বলেছেন : হাসান ও হ্�সায়ন জান্নাতবাসী যুবকদের নেতা; তবে দুই খালাত ভাই ইয়াহুইয়া ও ঈসা (আ) তাঁর ব্যতিক্রম। আবু নুআয়ম ইসফাহানী..... আবু সুলায়মান থেকে বর্ণনা করেন, একদা ঈসা ইব্ন মারয়াম ও ইয়াহুইয়া ইব্ন যাকারিয়া (আ) একত্রে হেঁটে যাচ্ছিলেন। পথে এক মহিলার সাথে ইয়াহুইয়ার ধাক্কা লাগে। ঈসা (আ) বললেন, ওহে খালাত ভাই! আজ তুমি এমন একটি গুনাহ করে ফেলেছে যা কখনও মাফ হবে বলে মনে হয় না। ইয়াহুইয়া (আ) জিজ্ঞেস করলেন, খালাত ভাই! সেটা কী? ঈসা (আ) বললেন, এক মহিলাকে যে ধাক্কা দিলে! ইয়াহুইয়া বললেন, আল্লাহর কসম, আমি তো টেরই পাইনি। ঈসা বললেন, সুবহানাল্লাহ! কী আশ্চর্য! তোমার দেহ তো আমার সাথেই ছিল, তা হলে তোমার রহ কোথায় ছিল? ইয়াহুইয়া (আ) বললেন, আমার রহ আরশের সাথে সম্পৃক্ত ছিল। আমার রহ যদি জিরবাঈল (আ) পর্যন্ত যেয়ে প্রশান্তি পায়, তাহলে আমি মনে করি, আল্লাহকে আমি কিছু মাত্রাই বুঝতে পারিনি। এ বর্ণনাটি গরীব পর্যায়ের এটা ইস্রাইলী উপাখ্যান থেকে নেয়া হয়েছে। রাবী ইসরাইল ....খায়ছামা থেকে বর্ণনা করেন, ঈসা ইব্ন মারয়াম ও ইয়াহুইয়া ইব্ন যাকারিয়া ছিলেন পরম্পর খালাত ভাই। ঈসা ভেড়ার পশমজাত বন্ধু পরতেন, আর ইয়াহুইয়া পরতেন উটের লোমের তৈরী বন্ধু। উভয়ের মধ্যে কারোরই কোন দীনার-দিরহাম, দাস-দাসী ছিল না। ছিল না আশ্রয় গ্রহণের মত কোন ঠিকানা। যেখানেই রাত হত সেখানেই শুয়ে পড়তেন। তারপর যখন একে অপর থেকে বিদায় নেয় তখন ইয়াহুইয়া (আ) ঈসা (আ)-কে বললেন, আমাকে কিছু উপদেশ দিন। ঈসা

১. যাঁর নিকট থেকে হাদীস শুনেছেন, তাঁর নাম উহু রংখে পরবর্তী বর্ণনাকারীর নাম উল্লেখ করাকে তাদলীস বলে।

বললেন, ক্রোধ সংবরণ কর। ইয়াহুইয়া বললেন, ক্রোধ সংবরণ করা আমার পক্ষে সম্ভব নয়। ঈসা (আ) বললেন, সম্পদের মোহে পড়ো না। ইয়াহুইয়া (আ) বললেন, এটা সম্ভব।

হযরত যাকারিয়া (আ) স্বাভাবিকভাবে মৃত্যুবরণ করেছিলেন -এ সম্পর্কে ওহাব ইব্ন মুনাবিহ থেকে একটি বর্ণনায় রয়েছে— যাকারিয়া (আ) তাঁর সম্পদায় থেকে পালিয়ে একটি গাছের মধ্যে চুকে পড়েন। সম্পদায়ের লোকজন ঐ গাছটি করাত দ্বারা দ্বিখণ্ডিত করে ফেলে। করাত যখন তাঁর দেহ স্পর্শ করে, তখন তিনি চিংকার করেন। আল্লাহ তখন ওহী প্রেরণ করে তাঁকে জানান, তোমার চিংকার বন্ধ না হলে যমীন উল্টিয়ে দেয়া হবে। অতঃপর তিনি চিংকার বন্ধ করে দেন এবং তাঁর দেহ দ্বিখণ্ডিত হয়ে যায়। এ ঘটনা মারফু'ভাবেও বর্ণিত হয়েছে— যা আমরা পরে উল্লেখ করব। অপর বর্ণনায় বলা হয় যে, যিনি গাছের মধ্যে প্রবেশ করেছিলেন, তার নাম যীশাইর। আর হযরত যাকারিয়া স্বাভাবিকভাবেই ইন্তিকাল করেছিলেন।

ইমাম আহমদ..... হারিছ আনসারী থেকে বর্ণনা করেন, নবী করীম (সা) বলেছেন, আল্লাহ তা'আলা ইয়াহুইয়া ইব্ন যাকারিয়াকে পাঁচটি বিষয়ে আমল করতে এবং বনী ইসরাইলকেও আমল করার নির্দেশ দিতে প্রত্যাদেশ পাঠান। তিনি একটু বিলম্ব করেছিলেন। তখন ঈসা (আ) তাঁকে বলেছিলেন, আল্লাহ তোমাকে পাঁচটি বিষয়ে আমল করতে ও বনী ইসরাইলকে আমল করার হৃকুম করতে আদেশ পাঠিয়েছেন। এখন বল, বনী ইসরাইলের নিকট এ সংবাদ তুমি পৌঁছিয়ে দিবে, না আমি যেয়ে পৌঁছিয়ে দিবঃ ইয়াহুইয়া (আ) বললেন, ভাই! তুমি যদি পৌঁছিয়ে দাও, তাহলে আমার আশংকা হয়, আমাকে হয় শাস্তি দেয়া হবে, না হয় মাটির মধ্যে ধ্বসিয়ে দেয়া হবে। অতঃপর ইয়াহুইয়া (আ) ইসরাইলীদেরকে বায়তুল মুকাদ্দাসে সমবেত করলেন। মসজিদ লোকে পরিপূর্ণ হয়ে গেল। ইয়াহুইয়া সম্মুখ দিকের উচু স্থানে বসলেন। প্রথমে আল্লাহর প্রশংসা ও স্তুতি জানালেন। অতঃপর বললেন, আল্লাহ পাঁচটি বিষয়ের হৃকুম করেছেন। আমাকে ঐগুলো আমল করতে বলেছেন এবং তোমাদেরকেও আমল করার আদেশ দিতে বলেছেন।

এক : তোমরা এক আল্লাহর ইবাদত করবে, তাঁর সাথে অন্য কাউকে শরীক করবে না। কেননা তাঁর সাথে শরীক করার উদাহরণ হল যেমন, এক ব্যক্তি তার উপার্জিত খাঁটি স্বর্ণ বা রৌপ্য দ্বারা একটা গোলাম ঢেয় করল। এ গোলাম সারা দিন কাজ করে উপার্জিত ফসল নিজের মনিবকে বাদ দিয়ে অন্যের বাড়িতে উঠায়। তবে একপ গোলামের উপর তোমরা কেউ কি সন্তুষ্ট থাকবে? জেনে রেখো, আল্লাহই তোমাদেরকে সৃষ্টি করেছেন, তিনিই তোমাদের রিয়িকের ব্যবস্থা করেছেন; সুতরাং একমাত্র তাঁরই ইবাদত করবে, অন্য কাউকে তাঁর সাথে শরীক করবে না।

দুই : আমি তোমাদেরকে সালাতের আদেশ দিচ্ছি। কেননা আল্লাহ তাঁর বান্দার প্রতি তাঁর অনুগ্রহ অব্যাহত রাখেন, যতক্ষণ না বান্দা অন্য দিকে ফিরে তাকায়। অতএব, যখন তোমরা সালাত আদায় করবে, তখন অন্য দিকে তাকাবে না।

তিনি : সিয়াম পালন করার জন্যে আমি তোমাদেরকে নির্দেশ দিচ্ছি। কেননা, যে ব্যক্তি সিয়াম পালন করে, তার দৃষ্টান্ত হচ্ছে এমন ব্যক্তি, যে একটি দলের মধ্যে অবস্থান করছে। তার

নিকট মিশ্কের একটা কৌটা আছে। আর ঐ মিশ্কের সুস্তাগ দলের প্রতিটি লোক পাছে। আর শুন, সপ্তম পালনকারীর মুখের দুর্গন্ধি আল্লাহর নিকট মিশ্কের চাইতে অধিকতর সুস্তাগ হিসেবে বিবেচিত।

চারঃঃ দান-সাদ্কা করার জন্যে আমি তোমাদেরকে আদেশ দিচ্ছি। কেননা, যে ব্যক্তি দান সাদ্কা করে, তার উদাহরণ ঐ ব্যক্তির ন্যায়, যে শক্তির হাতে ধরা পড়ে বন্দী হয়েছে। তারা তার হাত পা বেঁধে হত্যা করার জন্যে উদ্যোগ নিয়েছে। ঠিক সেই মুহূর্তে সে প্রস্তাব দিল, আমি অর্থের বিনিময়ে মুক্তি চাই। তারা রাজী হল এবং সে ব্যক্তি কম-বেশী অর্থ দান করে জীবন রক্ষা করল।

পাঁচঃ আল্লাহর যিক্র (শ্রবণ) অধিক পরিমাণ করার জন্যে আমি তোমাদেরকে আদেশ দিচ্ছি। কেননা, যে ব্যক্তি অধিক পরিমাণে আল্লাহর যিক্র করে, তার দৃষ্টান্ত এমন এক ব্যক্তি, যাকে ধরার জন্যে শক্তরা দ্রুত ধাওয়া করছে। অতঃপর সে একটি সুরক্ষিত দুর্গে প্রবেশ করে আস্তরক্ষা করল। অনুরূপ বান্দা যতক্ষণ আল্লাহর যিকিরে নিমগ্ন থাকে, ততক্ষণ সে শয়তানের পাকড়াও থেকে নিরাপদে অবস্থান করে।

রাসূলুল্লাহ (সা) বলেছেন : আমি নিজে তোমাদেরকে পাঁচটি বিষয়ের আমল করার জন্যে নির্দেশ দিচ্ছি। এগুলো সম্পর্কে আল্লাহ আমাকে হকুম করেছেন; (১) জামায়াত বন্ধভাবে থাকা (২) নেতার কথা শোনা (৩) নেতার আনুগত্য করা (৪) প্রয়োজনে হিজরত করা এবং (৫) আল্লাহর পথে জিহাদ করা। কেননা যে ব্যক্তি জামায়াত থেকে এক বিঘত পরিমাণও বের হয়ে যায়, সে প্রকৃত পক্ষে ইসলামের রজুকে নিজের ঘাড় থেকে খুলে ফেলে। তবে যদি পুনরায় জামায়াতে ফিরে আসে তা হলে ভিন্ন কথা। আর যে ব্যক্তি জাহিলী যুগের বীতি-নীতি প্রতিষ্ঠার জন্যে আহ্বান করবে, সে জাহানামের ধুলিকণায় পরিগত হবে। এক ব্যক্তি জিজ্ঞেস করল, ইয়া রাসূলুল্লাহ! সে ব্যক্তি যদি সালাত-সাওমে অভ্যন্ত হয়? রাসূলুল্লাহ (সা) বললেন, যদি সে সালাত সাওম আদায় করে এবং নিজেকে মুসলমান বলে মনে করে তবুও। মুসলমানদেরকে সেই নামে ডাকবে, যে নাম তাদেরকে আল্লাহ দিয়েছেন। অর্থাৎ মু'মিন, মুসলমান, আল্লাহর -বান্দা। আবু ইয়া'লা, তিরমিয়ী, ইবন মাজাহ, হাকিম তাবারানী বিভিন্ন সূত্রে অনুরূপ বর্ণনা করেছেন।

ইবন আসাকির... রাবী' ইবন আনাস থেকে বর্ণনা করেন যে, রাসূলুল্লাহ (সা)-এর সাহাবীগণের উদ্ভৃতি দিয়ে আমাদেরকে জানান হয়েছে; তারা বনী ইসরাইলের আলিমদের থেকে শুনেছেন যে, ইয়াহ-ইয়া ইবন যাকারিয়া পাঁচটি বিধানসহ প্রেরিত হয়েছিলেন। অতঃপর পূর্বোল্লেখিত পাঁচটি বিষয়ের উল্লেখ করেন। তারা আরো বলেছেন, ইয়াহ-ইয়া (আ) অধিকাংশ সময় মানুষের সংস্পর্শ থেকে দূরে গিয়ে নির্জনে অবস্থান করতেন। তিনি বনে-জংগলে থাকতে বেশী পছন্দ করতেন, গাছের পাতা খেয়ে, নদীর পানি পান করে, কখনও কখনও টিপ্পিত থেয়ে জীবন ধারণ করতেন এবং নিজেকে সঙ্ঘোধন করে বলতেন, হে ইয়াহ-ইয়া! তোমার চেয়ে অধিক নিয়ামত আর কার ভাগ্যে জুটেছে? ইবন আসাকির বর্ণনা করেন, একবার ইয়াহ-ইয়ার পিতা-মাতা ছেলের সন্ধানে বের হন। বহু অনুসন্ধানের পর তাঁকে জর্দান নদীর তীরে দেখতে

পান। পুত্রকে সেখানে আল্লাহর ইবাদত ও তাঁর ভয়ে ভীত-কম্পিত দেখে তাঁরা উভয়ে অঝোরে কাঁদতে থাকেন। ইব্ন ওহাব ..... মুজাহিদ থেকে বর্ণনা করেন, ইয়াহুইয়া ইবন যাকারিয়ার খাদ্য ছিল সবুজ ঘাস। আল্লাহর ভয়ে তিনি অঝোরে কাঁদতেন। তাঁর এ কান্না এত বেশী হতো যে, যদি চোখে আল-কাতরার আস্ত্রণ থাকতো, তবে নিশ্চয়ই তাও ভেদ করে অশ্রু পড়তো।

মুহাম্মদ ইব্ন ইয়াহুইয়া ... ইব্ন শিহাব থেকে বর্ণনা করেন যে, একবার আমি ইদরীস আল-খাওলানীর মজলিসে বসা ছিলাম। তিনি বিভিন্ন ঘটনা বর্ণনা করছিলেন। এক পর্যায়ে এসে বললেন, তোমরা কি জান, সবচেয়ে উত্তম খাদ্য কে খেতেন? সকলেই তখন তাঁর দিকে দৃষ্টি ফিরালো। তিনি বললেন, সবচেয়ে উত্তম খাদ্য খেতেন হ্যরত ইয়াহুইয়া ইবন যাকারিয়া (আ)। তিনি বনের পশ্চের সাথে আহার করতেন। কেননা মানুষের সাথে জীবিকা নির্বাহ তাঁর নিকট খুবই অপচন্দনীয় ছিল। ইবনুল মুবারক বর্ণনা করেন, হ্যরত যাকারিয়া (আ) একবার তাঁর পুত্র ইয়াহুইয়াকে তিনি দিন যাবত পাঞ্চিলেন না। অতঃপর তিনি তাকে সন্ধান করার জন্যে জংগলে গমন করেন। সেখানে তিনি দেখতে পান যে, ইয়াহুইয়া একটি কবর খনন করে তার মধ্যে দাঁড়িয়ে অঝোরে কাঁদছেন। তিনি বললেন, প্রিয় বৎস! তোমাকে আমি তিনি দিন যাবত খুঁজে ফিরছি, আর তুমি কিনা কবর খুঁড়ে তার মধ্যে দাঁড়িয়ে কাঁদছ। তখন ইয়াহুইয়া উত্তর দিলেন, আবকাজান! আপনিই তো আমাকে বলেছেন, জান্নাত ও জাহান্নামের মাঝে এক বিশাল কঠিন ও দুর্গম ময়দান— যা কান্নার পানি ব্যতীত অতিক্রম করা যায় না। পিতা বললেন, সত্যিই বৎস!

প্রাণ ভরে কাঁদো। তখনে পিতা-পুত্র উভয়ে একত্রে কাঁদতে লাগলেন। ওহাব ইব্ন মুনাবিহ ও মুজাহিদ অনুরূপ বর্ণনা করেছেন। ইব্ন আসাকির মুজাহিদ থেকে বর্ণনা করেছেন, জান্নাতবাসীদের নিকট যে নিয়ামত সামঞ্জসী থাকবে, তার স্বাদ উপভোগে মন্ত থাকায় তারা নিদ্রা যাবে না। সুতরাং সিদ্ধীকীন যারা, তাঁদের অস্তরে আল্লাহর মহবতের যে নিয়ামত আছে, তার কারণে তাদেরও নিদ্রা যাওয়া সমীচীন নয়। অতঃপর তিনি বলেন, কতই না পার্থক্য উক্ত দুই নিয়ামতের মধ্যে। বর্ণনাকারীগণ বলেছেন, নবী ইয়াহুইয়া (আ) এত অধিক পরিমাণ কাঁদতেন যে, চোখের পানি গড়িয়ে পড়তে পড়তে তাঁর দুই গালে স্পষ্ট দাগ পড়ে যায়।

### হ্যরত ইয়াহুইয়া (আ)-এর হত্যার বর্ণনা

হ্যরত ইয়াহুইয়া (আ)-এর হত্যার বিভিন্ন কারণের মধ্যে প্রসিদ্ধতম কারণ এই যে, সে যুগে দামিশকের জনৈক রাজা তার এক মুহরাম\* নারীকে বিবাহ করার সংকল্প করে। হ্যরত ইয়াহুইয়া (আ) তাকে এ বিবাহ করতে নিষেধ করেন। এতে মহিলাটির মনে ইয়াহুইয়ার প্রতি ক্ষেত্রে সঞ্চার হয়। এক পর্যায়ে উক্ত মহিলা ও রাজার মধ্যে সম্পর্ক গভীর হয়ে ওঠে। তখন মহিলাটি রাজার নিকট ইয়াহুইয়াকে হত্যার আবদার জানায়। সে মতে রাজা তাঁকে উক্ত মহিলার হাতে তুলে দেন। মহিলাটি ইয়াহুইয়া (আ)-কে হত্যা করার জন্যে ঘাতক নিয়োগ করে। ঐ ঘাতক নির্দেশ মত তাঁকে হত্যা করে এবং কর্তিত মন্তক ও তাঁর রক্ত একটি পাত্রে রেখে মহিলার সামনে হাজির করে। কথিত আছে, মহিলাটি তৎক্ষণাত মারা যায়।

\* যাকে বিবাহ করা বৈধ নয়।

অন্য একটি বর্ণনায় রয়েছে, উল্লেখিত রাজার স্ত্রীই হ্যরত ইয়াহ্বীয়াকে মনে মনে ভালবাসত এবং তাঁর সাথে মিলনের প্রস্তাব পাঠায়। হ্যরত ইয়াহ্বীয়া (আ) তাতে অঙ্গীকৃতি জ্ঞাপন করেন। মহিলাটি নিরাশ হয়ে তাকে হত্যার বাহানা খোঁজে। সে রাজার নিকট সে জন্য অনুমতি প্রার্থনা করে। রাজা প্রথমে নিষেধ করলেও পরে অনুমতি দিয়ে দেয়। মহিলাটি ঘাতক নিয়োগ করে। সে ইয়াহ্বীয়ার রক্তমাখা ছিন মন্তক একটি পাত্রে করে মহিলার সামনে হাজির করে।

ইসহাক ইব্রাহিম-এর ‘মুবতাদা’ নামক গ্রন্থে এই মর্মে একটি হাদীস বর্ণিত হয়েছে। তিনি.... ইব্রাহিম-আবাস (রা) থেকে বর্ণনা করেন: মি’রাজের রাত্রে রাসূলুল্লাহ (সা) হ্যরত যাকারিয়া (আ)-কে আসমানে দেখতে পান। তিনি সালাম দিয়ে বললেন, হে ইয়াহ্বীয়ার পিতা! বনী-ইসরাইলরা আপনাকে কেন এবং কিভাবে হত্যা করেছিল, আমাকে বলুন! তিনি বললেন, হে মুহাম্মদ! এ বিষয়ে আমি আপনাকে বিস্তারিত বলছি, শুনুন! আমার পুত্র ইয়াহ্বীয়া ছিল তার যুগের অনন্য গুণের অধিকারী শ্রেষ্ঠ যুবক, সুদর্শন ও মর্যাদার আসনে অধিষ্ঠিত। যার সম্পর্কে আল্লাহ নিজেই বলছেন, “সে হবে নেতা ও স্ত্রী বিরাগী।” নারীদের প্রতি তাঁর কোন মোহ ছিল না। বনী ইসরাইলের রাজার স্ত্রী ইয়াহ্বীয়ার প্রতি আসক্ত হয়। সে ছিল ব্যাচিচারণী। সে ইয়াহ্বীয়ার নিকট কু-প্রস্তাব পাঠায়। আল্লাহ তাকে হেফাজত করেন। সে মহিলার প্রস্তাব ঘৃণাভরে প্রত্যাখ্যান করে। এতে মহিলাটি ঝুঁক হয়ে তাকে হত্যার ষড়যন্ত্র করে। বনী ইসরাইল সমাজে একটি বার্ষিক উৎসবের প্রচলন, যে দিন সবাই নির্দিষ্ট স্থানে একত্রিত হয়। উক্ত রাজার নীতি ছিল, কাউকে প্রতিশ্রুতি দিলে ভঙ্গ করত না এবং মিথ্যা কথা বলত না। রাজা উক্ত উৎসবের নির্দিষ্ট দিনে অনুষ্ঠানে উপস্থিত হয়। তাঁর স্ত্রী তাকে বিদায় অভিনন্দন জানায়। রাজা তাকে খুব ভালবাসত, অতীতে কিন্তু রাজা কখনো একে করেনি। অভিনন্দন পেয়ে খুশী হয়ে রাজা বলল, তুমি আমার নিকট যে আবদার করবে, আমি তা-ই পূরণ করবো। স্ত্রী বলল, আমি যাকারিয়ার পুত্র ইয়াহ্বীয়ার রক্ত চাই।

রাজা বলল, এটা নয়, অন্য কিছু চাও। স্ত্রী বলল, না, ওটাই আমি চাই। রাজা বলল, ঠিক আছে, তা-ই হবে। অতঃপর রাজার স্ত্রী ইয়াহ্বীয়ার হত্যার জন্যে জল্লাদ পাঠিয়ে দেয়। তখন তিনি মিহ্রাবের মধ্যে সালাত আদায়ে রত ছিলেন। যাকারিয়া (আ) বলেন, আমি পুত্রের পাশেই সালাত রত ছিলাম। এ অবস্থায় জল্লাদ ইয়াহ্বীয়াকে হত্যা করে এবং তার রক্ত ও ছিন মন্তক একটি পাত্রে করে উক্ত মহিলার নিকট নিয়ে যায়। রাসূলুল্লাহ (সা) বললেন, আপনার দৈর্ঘ্য তো প্রশংসনীয়। যাকারিয়া (আ) বললেন, এ ঘটনার সময় আমি সালাত থেকে কোনরূপ অন্যমনক্ষ হইনি। যাকারিয়া (আ) আরো বলেন, জল্লাদ ইয়াহ্বীয়ার কর্তৃত মন্তক মহিলার সম্মুখে রেখে দেয়। দিন শেষে যখন সক্ষ্য ঘনিয়ে আসে তখন আল্লাহ ঐ রাজা, তাঁর পরিবারবর্গ ও লোক-লক্ষ্যকরকে মাটির নীচে ধ্বসিয়ে দেন। পরদিন সকালে ঘটনা দেখে বনী ইসরাইলরা পরস্পর বলাবলি করল, যাকারিয়ার মনিব যাকারিয়ার অনুকূলে ঝুঁক হয়েছেন; চল আমরাও আমাদের রাজার অনুকূলে ঝুঁক হই এবং যাকারিয়াকে হত্যা করি। তখন আমাকে হত্যার উদ্দেশ্যে তারা সম্মিলিতভাবে আমার সন্ধানে বের হয়। ইতিমধ্যে এক ব্যক্তি বনী ইসরাইলের এ ষড়যন্ত্র সম্পর্কে আমাকে সাবধান করে দেয়। আমি তাদের হাত থেকে বাঁচার জন্যে সে স্থান

থেকে পলায়ন করি। কিন্তু ইবলীস তাদের সম্মুখে থেকে আমার গমন পথ দেখিয়ে দেয়। যখন দেখলাম, তাদের হাত থেকে বাঁচার কোন উপায় নেই, তখন সম্মুখে একটি গাছ দেখতে পাই। তার নিকট যাওয়ার জন্যে গাছটি তখন আমাকে আহ্বান করছিল এবং দু'ভাগে বিভক্ত হয়ে গিয়েছিল। আমি তখন তাতে চুকে পড়ি। কিন্তু ইবলীস তখন আমার চাদরের আঁচল টেনে ধরে, বৃক্ষের ফাটল মুদে যায়। কিন্তু আমার চাদরের আঁচলটি বাইরে থেকে যায়। বনী ইসরাঈল সেখানে উপস্থিত হলে ইবলীস জানায় যে, যাকারিয়া যাদুবলে এই গাছটির মধ্যে চুকে পড়েছে। বনী ইসরাঈল বলল, তা'হলে গাছটিকে আমরা পুড়িয়ে ফেলি। ইবলীস বলল, না বরং গাছটি করাত দিয়ে চিরে ফেল। যাকারিয়া বলেন, ফলে বৃক্ষের সাথে আমিও দ্বিখণ্ডিত হয়ে যাই।

**রাসূলুল্লাহ (সা)** জিজ্ঞেস করলেন, আপনি কি করাতের স্পর্শ বুঝতে পেরেছিলেন, কিংবা ব্যাখ্যা অনুভব করেছিলেন? যাকারিয়া বললেন, না; বরং ঐ গাছটি তা অনুভব করেছে, যার মধ্যে আল্লাহ আমার রহ রেখে দিয়েছিলেন। এ হাদীসটি অত্যন্ত গরীব পর্যায়ের। এ এক অঙ্গুত কাহিনী। **রাসূলুল্লাহ (সা)** থেকে এ হাদীছ বর্ণিত হওয়ার ব্যাপারটি আদৌ গ্রহণযোগ্য নয়। এ ঘটনার মধ্যে এমন কিছু কথা আছে, যা কোন মতেই গ্রহণ করা চলে না। এ বর্ণনা ছাড়া মি'রাজ সম্পর্কে বর্ণিত কোন হাদীসেই যাকারিয়া (আ)-এর উল্লেখ নেই। অবশ্য সহীহ হাদীসের কোন কোন বর্ণনায় এ কথা আছে যে, আমি ইয়াহুইয়া ও ঈসা দু'খালাত ভাইয়ের পাশ দিয়ে গমন করেছিলাম। অধিকাংশ আলিমের মতে তাঁরা ছিলেন পরম্পর খালাত ভাই। হাদীস থেকেও তাই স্পষ্ট বুঝা যাচ্ছে। কেননা, ইয়াহুইয়ার মা 'আশ্যা' বিন্ত ইমরান মারয়াম বিন্ত ইমরানের বোন ছিলেন। কিন্তু কারও কারও মতে ইয়াহুইয়ার মা 'আশ্যা' অর্থাৎ যাকারিয়ার স্তু ছিল মারয়ামের মা হান্না। অর্থাৎ ইমরানের স্তুর বোন। এ হিসেব মতে ইয়াহুইয়া হয়ে যান মারয়ামের খালাতো ভাই।

হ্যরত ইয়াহুইয়া (আ) কোন স্থানে নিহত হয়েছিলেন, সে সম্পর্কে মতভেদ আছে। কারও মতে বায়তুল মুকাদ্দাসের ভিতরে; কারও মতে মসজিদের বাইরে অন্য কোথাও। সুফিয়ান ছাওরী (র) বলেন যে, বায়তুল মুকাদ্দাসের অভ্যন্তরে যে ঐতিহাসিক পাথর আছে, সেখানে সন্তুরজন নবীকে হত্যা করা হয়। ইয়াহুইয়া (আ) তাঁদের অন্যতম। আবু উবায়দ.... সাঈদ ইবনুল মুসায়িব (রা) সূত্রে বর্ণনা করেন, বুখ্ত নসর যখন দামিশ্কে অভিযানে আসে, তখন ইয়াহুইয়া (আ)-এর রক্ত মাটির নীচ থেকে উপরের দিকে উপরিত হতে দেখতে পায়। সে এর কারণ জিজ্ঞেস করলে লোকজন প্রকৃত ঘটনা জানায়। তখন বুখ্ত নসর এ রক্তের উপরে সন্তুর হাজার বনী ইসরাঈলকে জবাই করে। ফলে রক্ত উঠা বন্ধ হয়ে যায়। এ বর্ণনার সূত্রে সাঈদ ইবনুল মুসায়িব (রা) পর্যন্ত সহীহ। এ বর্ণনা অনুযায়ী ইয়াহুইয়ার হত্যাস্থল দামিশ্ক। আর বুখ্ত নসরের ঘটনা সংঘটিত হয়েছিল হ্যরত ঈসা মাসীহৰ পরে। আতা ও হাসান বসরী (র) এই মত পোষণ করেন।

ইব্ন আসাকির ..... যায়দ ইব্ন ওয়াকিদ থেকে বর্ণনা করেন যে, তার আমলে দামিশ্কের মসজিদ পুনঃনির্মাণের সময় হ্যরত ইয়াহুইয়া (আ)-এর মস্তক বের হয়ে পড়ে। আমি তা প্রত্যক্ষ করেছিলাম। মসজিদের পূর্ব দিকের মিরাবের নিকট কিবলার যে দেয়াল ছিল, তার নীচ থেকে ঐ মস্তক বের হয়েছিল। মস্তকের চামড়া ও চুল অক্ষত ছিল। এক বর্ণনায় বলা

হয়েছে যে, মস্তকটি দেখলে মনে হয় যেন এই মাত্র কর্তন করা হয়েছে। অতঃপর উক্ত মসজিদের ‘সাকাসিকা’ নামক প্রসিদ্ধ স্তম্ভের নীচে মস্তকটি দাফন করা হয়।

ইব্ন আসাকির তাঁর ‘আল-মুসতাকসা’ ফী ফাযাইলিল আকসা’ নামক ঘন্টে মুআবিয়ার আপন দাস কাসিম থেকে বর্ণনা করেন, দামিশ্কের জনৈক রাজার নাম ছিল হাদ্দাদ ইব্ন হাদার। রাজা তার এক পুত্রকে তার ভাই আরয়ালের কন্যার সাথে বিবাহ করায়। পুত্র-বধূটি ছিল বহু ভূ-সম্পত্তির মালিক। দামিশ্কের সকল বাজার-ঘাট ছিল তার কর্তৃত্বাধীন। রাজপুত্র একদা কসম খেয়ে স্ত্রীকে তিন তালাক দিয়ে দেয়। কিন্তু কিন্তু দিন পর সে আবার ঐ স্ত্রীকে ফিরিয়ে নেয়ার সিদ্ধান্ত গ্রহণ করে এবং হ্যরত ইয়াহুইয়া (আ)-এর নিকট এ ব্যাপারে মাস্তালা জিজ্ঞেস করে। ইয়াহুইয়া বললেন, অন্যত্র বিবাহ ব্যতীত এই স্ত্রী পুনরায় গ্রহণ করা তোমার জন্যে বৈধ নয়। এ রকম সিদ্ধান্ত দেওয়ায় উক্ত মহিলার মনে ইয়াহুইয়ার প্রতি বৈরিতা সৃষ্টি হয় এবং সে তাঁকে হত্যা করার জন্যে রাজার নিকট অনুমতি চায়। মহিলার মা-ই এ কাজে তাকে প্ররোচিত করে। রাজা প্রথম দিকে বারণ করলেও পরে অনুমতি দিয়ে দেয়। ইয়াহুইয়া (আ) জায়রুন নামক স্থানে এক মসজিদে সালাত আদায় করছিলেন। এ অবস্থায় উক্ত মহিলা কর্তৃক প্রেরিত এক ব্যক্তি তাকে হত্যা করে এবং ছিন্ন মস্তক একটি পাত্রে করে নিয়ে যায়। কিন্তু তখনও ঐ পাত্র থেকে আওয়াজ আসছিল : **لَا تَحِلْ لَهُ حَتَّىٰ تَنْكِحَ زُوْجًا غَيْرًا**

(অন্যত্র বিবাহ ব্যতীত এ স্বামীর কাছে যাওয়া বৈধ হবে না, বৈধ হবে না) এ অবস্থা দেখে মহিলাটি পাত্রের উপর ঢাকনা দিয়ে আবদ্ধ করে নিজের মাথার উপর রেখে তার মায়ের নিকট নিয়ে আসে। কিন্তু তখনও পাত্রের মধ্য থেকে অনুরূপ আওয়াজ বের হচ্ছিল। মহিলাটি ইয়াহুইয়ার মস্তক রেখে তার মায়ের সম্মুখে যখন ঘটনার বিবরণ দিচ্ছিল, তখন তার দুই পা মাটির মধ্যে পুঁতে যায়। কিছুক্ষণের মধ্যে তার দেহ কোমর পর্যন্ত মাটির নীচে চলে যায়। মহিলার মা তুলুল এবং তার দাসীরা ভীত-সন্ত্রস্ত হয়ে চীৎকার করতে থাকে এবং নিজ নিজ মুখে করাঘাত করতে থাকে। দেখতে দেখতে মহিলার কাঁধ পর্যন্ত মাটির মধ্যে গেড়ে যায়। তখন তার মা সান্ত্বনা লাভের উদ্দেশ্যে মেয়েটির মস্তক মাটির নীচে চলে যাওয়ার আগে কেটে রাখার জন্যে এক জনকে নির্দেশ দেয়। উপস্থিত জন্মাদ সাথে সাথে তরবারী দ্বারা মস্তক কেটে নিয়ে আসে। কিন্তু সেই মুহূর্তেই মাটি মহিলার অবশিষ্ট দেহ ভিতর থেকে উগরে ফেলে দেয়। এভাবে মহিলাটির গোটা পরিবারই লাঙ্ঘনা ও অভিশাপে ধ্রংস হয়ে যায়।

অপরদিকে ইয়াহুইয়া (আ) যে স্থানে নিহত হয়েছিলেন, সে স্থানে মাটির নীচ থেকে রক্ত উপরের দিকে উখলে উঠছিল। এরপর বুর্খত নসর এসে পঁচান্তর হাজার বনী ইসরাইলকে হত্যা করলে রক্তের ঐ প্রবাহ বৃক্ষ হয়। সাইদ ইব্ন আবদিল আয়ীম (র) বলেছেন, ঐ রক্ত ছিল সমস্ত নবীদের মিশ্রিত রক্ত। মাটির তলদেশ থেকে সর্বদা উখলে উঠত এবং বাইরে গড়িয়ে যেত। হ্যরত আরমিয়া (আ) সে স্থানে দাঁড়িয়ে রক্তকে সঙ্ঘোধন করে বলেন, “হে রক্ত! বনী ইসরাইল তো শেষ হয়ে গিয়েছে, আল্লাহর হুকুমে এখন থাম।” এরপর রক্ত থেমে যায়। বুর্খত নসর অতঃপর হত্যাকাণ্ড বন্ধ করে এবং তলোয়ার গুটিয়ে নেয়। তার এ অভিযানকালে দামিশ্কের বহু লোক পালিয়ে বায়তুল মুকাদ্দাসে চলে যায়। বুর্খত নসর সেখানে গিয়েও তাদেরকে ধাওয়া করে এবং হত্যা করে। কত লোক যে এ অভিযানে তার হাতে নিহত হয়েছিল তার কোন হিসেব নেই। হত্যায়জ্ঞ শেষ হলে বহু সংখ্যক লোক বন্দী করে বুর্খত নসর দামিশ্ক ত্যাগ করে।

## হ্যরত ঈসা (আ)-এর বিবরণ

খৃষ্টান সম্প্রদায়ের বিশ্বাস, আল্লাহ'র সন্তান আছে। তাদের এ ভ্রান্ত বিশ্বাসের খণ্ডনে আল্লাহ'র তা'আলা সূরা আলে-ইমরানের প্রথম দিকে ধারাবাহিকভাবে তিরাশিটি আয়াত অবতীর্ণ করেছেন। নাজরান থেকে খৃষ্টানদের একটি প্রতিনিধিদল রাসূলে করীম (সা)-এর নিকট উপস্থিত হয়ে তাদের ভ্রান্ত ধর্ম-বিশ্বাসের কথা ব্যক্ত করে বলে যে, তারা ত্রিতুবাদে বিশ্বাসী এবং তাদের ধারণা অনুসারে আল্লাহ'হচ্ছেন তিনি সন্তাৱ এক সন্তা। তাদের মধ্যকার বিভিন্ন দল উপদলের মধ্যে এক দলের মতে সেই তিনি সন্তা হল : আল্লাহ, ঈসা (আ) ও মারয়াম। এই প্রেক্ষাপটে আল্লাহ'র তা'আলা সূরার প্রারঞ্চে উক্ত বিষয়ে আয়াত নাফিল করেন। তাতে তিনি বলেন যে, ঈসা (আ) আল্লাহ'র বান্দাদের মধ্যকার একজন বান্দা। অন্যান্য সৃষ্টির ন্যায় আল্লাহ' তাঁকেও সৃষ্টি করেছেন এবং মাতৃগতে আকৃতি দান করেছেন। তবে, আল্লাহ' তাঁকে পিতা ছাড়াই সৃষ্টি করেছেন, যেমন আদমকে পিতা ও মাতা ছাড়া পয়দা করেছেন। তাঁর ক্ষেত্রে তিনি কেবল বলেছেন 'কুন'- (হয়ে যাও) তখনই তিনি সৃষ্টি হয়ে যান। এ সূরায় আল্লাহ' ঈসার মাতা মারয়ামের জন্মের বৃত্তান্ত এবং তাঁর বৈশিষ্ট্যাবলী এবং ঈসার গর্ভধারণ সম্পর্কে বর্ণনা করেছেন। সূরা মারয়ামেও এ সম্পর্কে তিনি বিশদ বর্ণনা করেছেন। সে বিষয়ে আমরা পরে আলোচনা করব। সূরা আলে-ইমরানে আল্লাহ'র তা'আলা বলেন :

إِنَّ اللَّهَ اصْطَفَى أَدَمَ وَنُوحًا وَالْأَبْرَاهِيمَ وَالْأَعْمَرِيَّانَ عَلَى الْعَالَمِينَ.  
ذُرِّيَّةٌ بَعْضُهَا مِنْ بَعْضٍ وَاللَّهُ سَمِيعُ عَلِيهِمْ. إِذْ قَالَتِ امْرَأَتُ عِمْرَنَ رَبِّي  
إِنِّي نَذَرْتُ لَكَ مَا فِي بَطْنِي مُحَرَّرًا فَتَقَبَّلْ مِنِّي—إِنَّكَ أَنْتَ السَّمِيعُ  
الْعَلِيمُ. فَلَمَّا وَضَعَتْهَا قَالَتْ رَبِّي إِنِّي وَضَعْتُهَا أُنْثِي—وَاللَّهُ أَعْلَمُ بِمَا  
وَضَعَتْ—وَلَيْسَ الذِّكْرُ كَالْأُنْثِي—وَإِنِّي سَمِّيَّتُهَا مَرِيَمَ وَإِنِّي أُعِيْذُهَا بِكَ  
وَذُرِّيَّتَهَا مِنَ الشَّيْطَنِ الرَّجِيمِ. فَتَقَبَّلَهَا رَبُّهَا بِقَبُولٍ حَسَنٍ وَأَنْبَتَهَا نَبَاتًا  
حَسَنًا وَكَفَلَهَا زَكَرِيَّاً، كُلَّمَا دَخَلَ عَلَيْهَا زَكَرِيَّاً الْمُحْرَابَ وَجَدَ عِنْدَهَا رِزْقًا.  
قَالَ يَمْرِيْمُ أَتَّি لَكَ هَذَا، قَالَتْ هُوَ مِنْ عِنْدِ اللَّهِ، إِنَّ اللَّهَ يَرْزُقُ مَنْ يَشَاءُ  
بِغَيْرِ حِسَابٍ.

—নিশ্চয়ই আদমকে, নৃহকে ও ইবরাহীমের বংশধর এবং ইমরানের বংশধরকে আল্লাহ বিশ্বজগতে মনোনীত করেছেন। এরা একে অপরের বংশধর। আল্লাহ সর্বশ্রোতা, সর্বজ্ঞ। স্মরণ কর, যখন ‘ইমরানের স্ত্রী বলেছিল, হে আমার প্রতিপালক! আমার গর্ভে যা’ আছে তা একান্ত তোমার জন্যে আমি উৎসর্গ করলাম। সুতরাং তুমি আমার নিকট হতে তা’ কবূল কর, তুমি সর্বশ্রোতা, সর্বজ্ঞ; অতঃপর যখন সে তাকে প্রসব করল তখন সে বলল, হে আমার প্রতিপালক! আমি কন্যা প্রসব করেছি; সে ‘যা’ প্রসব করেছে, আল্লাহ তা’ সম্যক অবগত। ছেলে তো এই মেয়ের মত নয়। আমি তার নাম মারয়াম রেখেছি এবং অভিশঙ্গ শয়তান হতে তার ও তার বংশধরদের জন্যে তোমার শরণ নিষ্ঠি। তারপর তার প্রতিপালক তাকে সাথে কবূল করলেন এবং তাকে উত্তমরূপে লালন-পালন করলেন এবং তিনি তাকে যাকারিয়ার তত্ত্বাবধানে রেখেছিলেন। যখনই যাকারিয়া কক্ষে তার সাথে সাক্ষাত করতে যেত, তখনই তার নিকট খাদ্য-সামগ্রী দেখতে পেত। সে বলত, হে মারয়াম! এ সব তুমি কোথায় পেলে? সে বলত, এটা আল্লাহর নিকট হতে। আল্লাহ যাকে ইচ্ছা অপরিমিত জীবনেৱাপকরণ দান করেন।

(৩ আলে-ইমরান ৪: ৩৩-৩৭)

আল্লাহ এখানে আদম (আ)-কে এবং তাঁর সন্তানদের মধ্যে যারা তাঁর আনুগত্য ও অনুসরণে অটল ও অবিচল রয়েছিলেন, তাঁদের কথা উল্লেখ করেছেন। তারপর বিশেষভাবে বলেছেন, ইবরাহীমের বংশধরদের কথা। এর মধ্যে উক্ত বংশের ইসমাইলী শাখা ও ইসহাকের শাখা অন্তর্ভুক্ত। এরপর তিনি এই পৃত-পবিত্র আলে-ইমরানের বা ইমরান পরিবারের ফীলত বর্ণনা করেছেন। এখানে ইমরান বলতে মারয়ামের পিতাকে বুঝানো হয়েছে। মুহাম্মদ ইবন ইসহাক ইমরানের নসবনামা উল্লেখ করেছেন এভাবে : ইমরান ইবন বাশিম ইবন আমূন ইবন মীশা ইবন হিয়কিয়া ইবন আহ্রীক ইবন মৃছাম ইবন ‘আয়াধিয়া ইবন আমসিয়া ইবন ইয়াউশ ইবন আহ্রীহু ইবন ইয়ায়াম ইবন ইয়াহফাশাত ইবন ঈশা ইবন আয়ান ইবন রাহবি‘আম ইবন সুলায়মান ইবন দাউদ (আ)। অপর দিকে ইবন আসাকিরের বর্ণনা মতে হ্যরত মারয়ামের বংশধারা নিম্নরূপ : মারয়াম বিন্ত ইমরান ইবন মাছান ইবনুল আফির ইবনুল ইয়াওদ ইবন আখনার ইবন সাদূক ইবন ‘আয়াধ ইবন আল-যাফীয় ইবন আয়বূদ ইবন যারয়াবীল ইবন শালতাল ইবন যুহায়না ইবন বারশা ইবন আমূন ইবন মীশা ইবন হায়কা ইবন আহায ইবন মাওছাম ইবন আফিরিয়া ইবন যুরাম ইবন যুশাফাত ইবন ঈশা ইবন ঈবা ইবন রাহবিরাম ইবন সুলায়মান ইবন দাউদ (আ)। মুহাম্মদ ইবন ইসহাকের বর্ণিত নসব-নামার সাথে এই নসব-নামার যথেষ্ট পার্থক্য আছে; তবে মারয়াম যে দাউদ (আ)-এর বংশধর, এ ব্যাপারে কোন বিরোধ নেই। মারয়ামের পিতা ইমরান ছিলেন সে যুগে বনী ইসরাইলের ইমাম। তাঁর মা হান্না বিন্ত ফাকুদ ইবন কাবীল ছিলেন ইবাদতগুজার মহিলা। হ্যরত যাকারিয়া (আ) ছিলেন সে যুগের নবী।

অধিকাংশ ঐতিহাসিকের মতে তিনি ছিলেন মারয়ামের বোন আশইয়া’র স্বামী। কিন্তু কারও কারও মতে মারয়ামের খালার নাম ছিল ‘আশইয়া’ এবং যাকারিয়া ছিলেন এই আশইয়ার স্বামী।

মুহাম্মদ ইব্ন ইসহাক ও অন্যান্য ঐতিহাসিকগণ লিখেছেন, মার্যামের মায়ের কোন সন্তান হতো না। এ অবস্থায় একদিন তিনি দেখেন যে, একটি পাখী তার ছানাকে আদর-সোহাগ করছে। এ দৃশ্য দেখে তাঁর অন্তরে সন্তান লাভের অদম্য আগ্রহ জাগে। তখনই তিনি মানত করলেন যে, তিনি যদি গর্ভবতী হন তবে তাঁর পুত্র সন্তানকে আল্লাহর জন্যে উৎসর্গ করবেন। অর্থাৎ বায়তুল মুকাদ্দাসের খাদিম বানাবেন। মানত করার সাথে সাথেই তাঁর মাসিক স্নাব আরম্ভ হয়ে যায়। পবিত্র হওয়ার পর তাঁর স্থামী তাঁর সাথে মিলিত হন এবং মারয়াম তাঁর গর্ভে আসেন। আল-কুরআনের ভাষ্য হচ্ছে অতঃপর সে যখন তাকে প্রসব করল, তখন সে বলল, হে আমার প্রতিপালক! আমি কন্যা প্রসব করেছি। অথচ সে যা প্রসব করেছিল আল্লাহ তা সম্যক অবগত অর্থাৎ এর অন্য কেরাত অর্থাৎ আমি যা' প্রসব করেছি। "আর পুত্র সন্তান কন্যা সন্তানের মত হয় নায়।" অর্থাৎ বায়তুল মুকাদ্দাসের খেদমতের ব্যাপারে। সে যুগের লোক বায়তুল মুকাদ্দাসের খেদমতের জন্যে নিজেদের সন্তান মানত করত। "মারয়ামের মায়ের উক্তি, আমি তার নাম রাখলাম মারয়াম।" এ আয়াত থেকে দলীল গ্রহণ করে কেউ কেউ জন্মের দিনেই সন্তানের নামকরণের কথা বলেছেন। বুখারী ও মুসলিমে হযরত আনাস (রা) থেকে হাদীছ বর্ণিত আছে যে, তিনি তার নবজাত ভাইকে রাসূলুল্লাহ (সা)-এর নিকট নিয়ে যান। রাসূলুল্লাহ (সা) একটি খোরমা চিবিয়ে তার রস নব-জাতকের মুখে দেন এবং তার নামকরণ করেন আবদুল্লাহ। হযরত হাসান (র) ছামুরা (রা) সূত্রে মারফু' হাদীস বর্ণিত আছে, "প্রত্যেক পুত্র-সন্তান তার আকীকার দ্বারা সুরক্ষিত। জন্মের সপ্তম দিনে তার পক্ষ থেকে পশু জবাই করবে, তার নামকরণ করবে এবং মাথার চুল মুণ্ড করবে।" এ হাদীসটি বর্ণনা করেছেন ইমাম আহমদসহ সকল সুনান গ্রন্থকার এবং তিরমিয়ী একে 'সহীহ' বলে অভিহিত করেছেন। এ হাদীছের কোন কোন বর্ণনায় নামকরণে (يسمى) -এর স্তলে রক্তপ্রবাহিত করণ -এর উল্লেখ আছে। কেউ কেউ এ বর্ণনাকেও 'সহীহ' বলেছেন।

তারপর মারয়াম বললেন, "আমি একে এবং এর ভবিষ্যৎ বংশধরকে বিতাড়িত শয়তান থেকে রক্ষা করার জন্যে তোমারই শরণ নিছি।" মারয়ামের মায়ের এই দোষা তাঁর মানতের মতই কবূল হয়েছিল। এ সম্পর্কে হাদীসেও উল্লেখ পাওয়া যায়। ইমাম আহমদ..... আবু হুরায়রা (রা) থেকে বর্ণনা করেন যে, রাসূলুল্লাহ (সা) বলেছেন : যে কোন সন্তান ভূমিষ্ঠ হওয়ার সময় শয়তান তাকে স্পর্শ করে, তাই সে চিংকার করে কাঁদতে থাকে, কেবল মারয়াম ও তার পুত্র এর ব্যতিক্রম। আবু হুরায়রা (রা) বলেন, তোমরা ইচ্ছে করলে কুরআনের এ আয়াত পড়তে পার : وَإِنِّي أُعِذُّهَا بِكَ وَذْرِيَّتَهَا مِنَ الشَّيْطَانِ الرَّجِيمِ.

এ উভয় হাদীস আবদুর রায়্যাক (র) সূত্রে বর্ণিত। ইব্ন জারীর ..... আবু হুরায়রা (রা) থেকে অনুরূপ হাদীস বর্ণনা করেছেন। ইমাম আহমদ ভিন্ন সূত্রে ..... আবু হুরায়রা (রা) থেকে এ হাদীসটি নিম্নরূপভাবে বর্ণনা করেছেন; নবী করীম (সা) বলেছেন : বনী-আদমের প্রতিটি নবজাত শিশুকে শয়তান আঙ্গুল দিয়ে স্পর্শ করে, কেবল মারয়াম বিন্ত ইমরান ও তাঁর পুত্র ইস্মা এর ব্যতিক্রম। এ হাদীসটি কেবল এই একটি সূত্রেই বর্ণিত হয়েছে। ইমাম মুসলিমও ভিন্ন সনদে আবু হুরায়রা (রা) থেকে অনুরূপ বর্ণনা করেছেন। ইমাম আহমদ ভিন্ন সূত্রে আবু

হুরায়রা (রা) থেকে বর্ণনা করেন : রাসূলুল্লাহ (সা) বলেছেন, কোন মা যখন সন্তান প্রসব করে তখন মায়ের কোলেই শয়তান তাকে ঘৃষি মারে, কেবল মারয়াম ও তার পুত্র এর ব্যতিক্রম।

রাসূলুল্লাহ (সা) জিজেস করলেন, তোমরা দেখেছ কি, শিশু যখন ভূমিষ্ঠ হয়, তখন চিৎকার করে কাঁদে? সাহাবাগণ বললেন, হ্যা, ইয়া রাসূলুল্লাহ! আমরা দেখেছি। রাসূলুল্লাহ (স) বললেন, এ চিৎকার তখনই সে দেয়, যখন মায়ের কোলে শয়তান তাকে ঘৃষি মারে। এ হাদীস মুসলিমের শর্ত অনুযায়ী বর্ণিত। কায়স ..... আবু হুরায়রা (রা) থেকে বর্ণনা করেন, নবী করীম (সা) বলেছেন, যে কোন শিশু ভূমিষ্ঠ হলে শয়তান তাকে একবার বা দু'বার চাপ দেয়, কেবল ঈসা ইব্ন মারয়াম ও মারয়াম এ থেকে রক্ষা পেয়েছে। তারপর রাসূল (সা) এ আয়াত পাঠ করলেন। “আমি অভিশপ্ত শয়তান থেকে তার ও তার বংশধরদের জন্যে তোমার শরণ নিছি।”

মুহাম্মদ ইব্ন ইসহাক ও ইমাম আহমদ ..... আবু হুরায়রা (রা) থেকে বর্ণনা করেন, নবী করীম (সা) বলেছেন : প্রতিটি আদম সন্তান, যখন সে ভূমিষ্ঠ হয় তখন শয়তান তার পার্শ্বদেশে খোঁচা মারে কেবল ঈসা ইব্ন মারয়াম এর ব্যতিক্রম। শয়তান ঈসাকে খোঁচা মারতে গিয়ে পর্দায় খোঁচা মেরে চলে যায়। এ হাদীস বুখারী ও মুসলিমের শর্তে বর্ণিত। আল্লাহর বাণী : “অতঃপর তার প্রতিপালক তাকে ভালুকপে কবূল করলেন এবং তাকে উত্তমরূপে লালন-পালন করলেন, আর তাকে যাকারিয়ার তত্ত্বাবধানে রেখেছিলেন। অনেক মুফাস্সির লিখেছেন, মারয়াম ভূমিষ্ঠ হলে তাঁর মা তাঁকে একটি কাপড়ে জড়িয়ে বায়তুল মুকাদ্দাস মুসজিদে চলে যান এবং সেখানকার ইবাদতকারী লোকদের নিকট সোপর্দ করেন। মারয়াম ছিলেন তাদের নেতা ও সালাতের ইমামের কন্যা। তাই তার দেখাশুনার দায়িত্ব কে নেবে, এ নিয়ে তারা বাদানুবাদে লিঙ্গ হয়। বলাবাহ্ল্য যে, মারয়ামের দুঃখ পানের মেয়াদ শেষ হওয়ার পরেই তাকে বায়তুল মুকাদ্দাসে ইবাদতকারীদের দায়িত্বে সোপর্দ করা হয়েছিল। মারয়ামকে যখন তাদের কাছে সোপর্দ করা হয়, তখন তারা প্রতিযোগিতায় লিঙ্গ হয়— কে তার দায়িত্ব প্রহণ করবে।

হ্যরত যাকারিয়া (আ) ছিলেন সে যুগের নবী। তিনি চাঞ্চিলেন, নিজের দায়িত্বে রাখতে এবং এ ব্যাপারে অন্যদের তুলনায় তাঁরই হক ছিল সর্বাধিক। কেননা, তাঁর স্ত্রী ছিলেন মারয়ামের বোন, মতান্তরে খালা। কিন্তু অন্যরা এতে প্রতিদ্বন্দ্বিতা করল এবং লটারীর মাধ্যমে ফয়সালা করার দাবি জানাল। অতঃপর লটারী করা হল এবং তাতে যাকারিয়া (আ)-এর নাম উঠলো। প্রকৃতপক্ষে খালা তো মায়েরই তুল্য। আল্লাহর বাণী : “আর তাকে যাকারিয়ার তত্ত্বাবধানে রেখেছিলেন।” যেহেতু লটারীতে তিনি জয়ী হয়েছিলেন। এ বিষয়ে আল্লাহ তা'আলার বাণী : “এ হল গায়েবী সংবাদ, যা আমি তোমাকে ওহীর মাধ্যমে অবহিত করছি। মারয়ামের তত্ত্বাবধানের দায়িত্ব তাদের মধ্যে কে প্রহণ করবে এর মধ্যে যখন তারা তাদের কলম নিক্ষেপ করছিল তুমি তখন তাদের নিকট ছিলে না এবং তারা যখন বাদানুবাদ করছিল, তখনও তুমি তাদের নিকট ছিলে না।” (৩:৪৪)

মুফাস্সিরগণ লিখেছেন যে, কলমের মাধ্যমে লটারী তিনবার হয়েছিল। প্রথমবার প্রত্যেকে নিজ নিজ কলমে চিহ্ন দিয়ে এক জায়গায় রেখে দেয়। অতঃপর একজন অপ্রাপ্ত বয়স্ক বালককে

সেখান থেকে একটা কলম উঠিয়ে আনতে বলে। দেখা গেল, যাকারিয়ার কলমই উঠে এসেছে। তাদের দাবি অনুযায়ী দ্বিতীয়বার লটারী করা হয়। এবার লটারীর পদ্ধতি ঠিক করা হয় যে, প্রত্যেকের কলম নদীর মধ্যে ফেলে দেবে; তারপর যার কলম স্রোতের বিপরীত দিকে চলবে, সে জয়ী হবে। সিদ্ধান্ত অনুযায়ী কলম নদীতে নিষ্কেপ করা হয়। দেখা গেল, যাকারিয়ার কলম স্রোতের বিপরীতে চলছে এবং অন্য সবার কলম স্রোতের অনুকূলে প্রবাহিত হচ্ছে। তখন তারা তৃতীয় বার লটারী করার দাবি জানাল এবং বলল, এবার যার কলম স্রোতের অনুকূলে চলবে এবং অন্যদের কলম উজানের দিকে উঠে যাবে সেই জয়ী হবে। এবারের লটারীতেও যাকারিয়া (আ) জয়ী হলেন এবং মারয়ামের তত্ত্বাবধানের অধিকার লাভ করলেন। শরী'আতের বিচারেও লটারীতে জয়ী হওয়ায় তাঁর অগ্রাধিকার প্রতিষ্ঠিত হয়।

আল্লাহর বাণী : “যখনই যাকারিয়া মিহ্রাবের মধ্যে তার কাছে আসত, তখনই কিছু খাবার দেখতে পেত। জিজ্ঞেস করত, ‘মারয়াম’! কোথা থেকে এসব তোমার কাছে এল? সে বলত, এসব আল্লাহর নিকট থেকে আসে। আল্লাহ যাকে ইচ্ছা বেহিসাব রিয়িক দান করেন।”

মুফাস্সিরগণ লিখেছেন, হ্যরত যাকারিয়া মারয়ামের জন্যে বায়তুল মুকাদ্দাস মসজিদে একটি উত্তম কক্ষ নির্ধারণ করে দেন। তিনি ছাড়া ঐ কক্ষে অন্য কেউ প্রবেশ করত না। মারয়াম এই কক্ষে অবস্থান করে আল্লাহর ইবাদত করতেন। মসজিদের কোন খেদমতের সময় সুযোগ যখন আসত, তখন তিনি সে দায়িত্ব পালন করতেন। রাত-দিন সর্বদা সেখানে তিনি আল্লাহর ইবাদতে মশগুল থাকতেন। তিনি এত বেশী পরিমাণে আল্লাহর ইবাদত করতেন যে, বনী ইসরাইলের মধ্যে তাঁর ইবাদতকে দৃষ্টান্ত হিসেবে উল্লেখ করা হত। তাঁর বহু কারামত ও বৈশিষ্ট্যের কথা ইসরাইলী সমাজে প্রসিদ্ধি লাভ করে। হ্যরত যাকারিয়া (আ) যখনই মারয়ামের কক্ষে প্রবেশ করতেন তখনই তার নিকট বে-মৌসুমের বিরল খাদ্য দ্রব্য দেখতে পেতেন- যেমন শীত মৌসুমে গ্রীষ্মের ফল এবং গ্রীষ্ম মৌসুমে শীত কালের ফল দেখতে পেয়ে তিনি জিজ্ঞেস করতেন, মারয়াম! এসব তুমি কোথায় পেলে? সে বলত, এসব আল্লাহর নিকট থেকে অর্থাৎ আল্লাহই এসব খাদ্য সামগ্রী আমার জন্যে ব্যবস্থা করে দিয়েছেন। আর আল্লাহ যাকে ইচ্ছা করেন অপরিমিত রিয়্ক দান করেন। সেখানেই যাকারিয়ার মনে পুত্র-সন্তানের আকাঙ্ক্ষা জাগে এবং বয়স অনেক বেশী হওয়া সত্ত্বেও আল্লাহর নিকট দোয়া করে বলেন, “হে আমার পালনকর্তা! আমাকে তুমি তোমার নিকট থেকে সৎ বংশধর দান কর। নিশ্চয়ই তুমি প্রার্থনা শ্রবণকারী।” কোন কোন মুফাস্সির বলেছেন, হ্যরত যাকারিয়া (আ) প্রার্থনায় এ কথাও বলেছিলেন যে, হে মহান প্রভু! আপনি যেমন মারয়ামকে অসময়ে ফল দান করেছেন, আমাকেও একটি সন্তান দান করুন, যদিও অসময় হয়ে গেছে। এর পরবর্তী ঘটনাবলী আমরা যথা স্থানে বর্ণনা করে এসেছি।

আল্লাহর বাণী :

وَإِذْ قَالَتِ الْمَلِكَةُ يَمْرِيمٌ إِنَّ اللَّهَ اصْطَفَكِ وَطَهَّرَكِ وَصَنْطَفَكَ عَلَى نِسَاءِ الْعَلَمِينَ. يَمْرِيمٌ افْتَنْتِي لِرَبِّكِ وَاسْجُدْنِي وَارْكُعْنِي مَعَ الرَّكِعَيْنَ. ذَلِكَ مِنْ

أَنْبَاءِ الْغَيْبِ نُوحِيهِ إِلَيْكَ وَمَا كُنْتَ لَدَيْهِمْ أَذِيلُّوْنَ أَقْلَامَهُمْ أَيُّهُمْ يَكْفُلُ  
مَرِيمَ وَمَا كُنْتَ لَدَيْهِمْ أَذِيلُّوْنَ أَذْقَالَتِ الْمَلَائِكَةِ يَمْرِيمُ إِنَّ اللَّهَ  
يُبَشِّرُكِ بِكَلَمَةٍ مِّنْهُ أَسْمَهُ الْمَسِيحُ عِيسَى ابْنُ مَرِيمَ وَجِئْهَا فِي الدُّنْيَا  
وَالْآخِرَةِ وَمِنَ الْمُقْرَبِيْنَ. وَيُكَلِّمُ النَّاسَ فِي الْمَهْدِ وَكَهْلًا وَمِنَ الصَّالِحِينَ.  
قَالَتْ رَبِّ أَنِّي يَكُونُ لِيْ وَلَدٌ وَلَمْ يَمْسَسْنِي بَشَرٌ قَالَ كَذَلِكَ اللَّهُ يَخْلُقُ  
مَا يَشَاءُ—إِذَا قَضَى أَمْرًا فَإِنَّمَا يَقُولُ لَهُ كُنْ فَيَكُونُ. وَيَعْلَمُهُ الْكِتَابُ  
وَالْحُكْمَةُ وَالثُّورَةُ وَالْأَنْجِيلُ. وَرَسُولًا إِلَى بَنِي إِسْرَائِيلَ. أَنِّي قَدْ جَئْتُكُمْ  
بِأَيَّةٍ مِّنْ رَبِّكُمْ أَنِّي أَخْلُقُ لَكُمْ مِنَ الطَّيْنِ كَهْيَةً الطَّيْرِ فَانْفُخْ فِيهِ فَيَكُونُ  
طَيْرًا بِإِذْنِ اللَّهِ وَأَبْرِئُ الْأَكْمَةَ وَالْأَبْرَصَ وَأَحْيِي الْمَوْتَى بِإِذْنِ اللَّهِ  
وَأَنْبِئُكُمْ بِمَا تَأْكُلُونَ وَمَا تَدْخَرُونَ فِيْ بَيْوَتِكُمْ. إِنَّ فِيْ ذَلِكَ لَاءَةً لَكُمْ إِنْ  
كُنْتُمْ مُؤْمِنِيْنَ. وَمُصَبِّقًا لِمَا بَيْنَ يَدَيَّ منَ الثُّورَةِ وَلَا حِلَّ لَكُمْ بَعْضُ الَّذِيْ  
حُرِمَ عَلَيْكُمْ وَحَتَّىْكُمْ بِأَيَّةٍ مِّنْ رَبِّكُمْ فَاتَّقُوا اللَّهَ وَأَطِيعُوْنَ. إِنَّ اللَّهَ رَبِّيْ  
وَرَبِّكُمْ فَاعْبُدُوْهُ هَذَا صِرَاطٌ مُسْتَقِيْمٌ. فَلَمَّا أَحْسَ عِيسَى مِنْهُمْ الْكُفَّارَ قَالَ  
مِنْ أَنْصَارِيْ إِلَى اللَّهِ.

—স্মরণ কর, যখন ফেরেশতাগণ বলেছিল, হে মারয়াম! আল্লাহ তোমাকে মনোনীত ও  
পবিত্র করেছেন এবং বিশ্বের নারীগণের মধ্যে তোমাকে মনোনীত করেছেন। হে মারয়াম!  
তোমার প্রতিপালকের অনুগত হও ও সিজদা কর এবং যারা রূকু করে তাদের সাথে রূকু কর।  
এটা অদ্র্শ্য বিষয়ের সংবাদ, যা তোমাকে ওহী দ্বারা অবহিত করছি। মারয়ামের তত্ত্বাবধানের  
দায়িত্ব তাদের মধ্যে কে গ্রহণ করবে এর জন্যে যখন তারা তাদের কলম নিষ্কেপ করছিল, তুমি  
তখন তাদের নিকট ছিলে না এবং তারা যখন বাদানুবাদ করছিল তখনও তুমি তাদের নিকট  
ছিলে না। স্মরণ কর, যখন ফেরেশতাগণ বলল, হে মারয়াম! আল্লাহ তোমাকে তাঁর পক্ষ হতে  
একটি কলেমার সুসংবাদ দিচ্ছেন। তার নাম মসীহ—মারয়াম তনয় ইসা, সে দুনিয়া ও  
আধিরাতে সম্মানিত এবং সান্নিধ্যপ্রাঙ্গণের অন্যতম হবে। সে দোলনয় থাকা অবস্থায় ও  
পরিণত বয়সে মানুষের সাথে কথা বলবে এবং সে হবে পুণ্যবানদের একজন। সে বলল, হে  
আমার প্রতিপালক! আমাকে কোন পুরুষ স্পর্শ করেনি, আমার সন্তান হবে কীভাবে? তিনি  
বললেন, ‘এ ভাবেই’, আল্লাহ যা ইচ্ছা সৃষ্টি করেন। তিনি যখন কিছু স্থির করেন তখন বলেন,  
'হও' এবং তা হয়ে যায়। এবং তিনি তাকে শিক্ষা দিবেন কিতাব, হিকমত, তাওরাত ও ইন্জীল  
এবং তাকে বনী ইসরাইলের জন্যে রাসূল করবেন। সে বলবে, আমি তোমাদের প্রতিপালকের

পক্ষ হতে তোমাদের নিকট নির্দশন নিয়ে এসেছি। আমি তোমাদের জন্যে কাদা দ্বারা একটি পাখীর মত আকৃতি গঠন করব; তারপর তাতে আমি ফুঁৎকার দিব; ফলে আল্লাহর হৃকুমে তা পাখী হয়ে যাবে। আমি জন্মান্ত্র ও কুষ্ঠ ব্যাধিগ্রন্থকে নিরাময় করব এবং আল্লাহর হৃকুমে মৃতকে জীবন্ত করব। তোমরা তোমাদের ঘরসম্মতে যা আহার কর ও মওজুদ কর, তা তোমাদেরকে বলে দেব। তোমরা যদি মুর্মিন হও তবে এতে তোমাদের জন্যে নির্দশন রয়েছে। আর আমি এসেছি আমার সম্মুখে তাওরাতের যা রয়েছে তার সমর্থকরণে ও তোমাদের জন্যে যা নিষিদ্ধ ছিল তার কতকগুলোকে বৈধ করতে এবং আমি তোমাদের প্রতিপালকের পক্ষ থেকে তোমাদের নিকট নির্দশন নিয়ে এসেছি। সুতরাং আল্লাহকে ভয় কর আর আমাকে অনুসরণ কর। নিশ্চয়ই আল্লাহ আমার প্রতিপালক এবং তোমাদেরও প্রতিপালক। সুতরাং তোমরা তাঁর ইবাদত করবে। এটাই সরল পথ। (৩ আলে ইমরান : ৪২-৫১)

উপরোক্ত আয়াত সমূহে আল্লাহ এ কথা উল্লেখ করছেন যে, ফেরেশতাগণ মারয়ামকে এ সুসংবাদ পৌঁছান যে, আল্লাহ তাঁকে সে যুগের সমস্ত নারীদের মধ্যে মনোনীত করেছেন। যেহেতু তিনি তার থেকে সৃষ্টি করবেন পিতা ছাড়া পুত্র-সন্তান এবং তাঁকে এ সুসংবাদও দেন যে, সে পুত্রাণি হবেন মর্যাদাশীল নবী। “সে মানুষের সাথে কথা বলবে দোলনায় থাকা অবস্থায়।” অর্থাৎ শিশুকালেই তিনি মানুষকে এক ও অদ্বিতীয় আল্লাহর ইবাদতের দিকে আহ্বান করবেন। পরিণত বয়সেও তিনি মানুষকে ঐ একই আহ্বান জানাতে থাকবেন। এ থেকে বুঝা যায় যে, মারয়াম তনয় পরিণত বয়স পর্যন্ত বেঁচে থাকবেন এবং মানুষকে আল্লাহর ইবাদতের দিকে আহ্বান করবেন। এবং তাঁকে বেশী বেশী ইবাদত-বন্দেগী ও রুক্ম সিজিদা করার নির্দেশ দেয়া হয়। যাতে করে তিনি এই মর্যাদার যোগ্য হয়ে উঠেন এবং তিনি এ অপার নিয়ামতের শুকরিয়া আদায় করতে পারেন। তিনি এ নির্দেশ পূর্ণভাবে পালন করার চেষ্টা করতেন। কথিত আছে যে, দীর্ঘক্ষণ সালাতে দাঁড়িয়ে থাকতে থাকতে তাঁর দু'পা ফেঁটে যেত। আল্লাহ তাঁর উপর এবং তাঁর পিতা-মাতার উপর শান্তি বর্ষিত করুন।

আয়াতে রয়েছে, ফেরেশতাগণ বলেন, “হে মারয়াম! আল্লাহ তোমাকে মনোনীত করেছেন” এবং তোমাকে পবিত্র-পরিচ্ছন্ন করে দিয়েছেন।” অর্থাৎ মন্দ চরিত্র থেকে তোমাকে পবিত্র রেখেছেন এবং উন্মত গুণাবলী দ্বারা বিভূষিত করেছেন। “আর তোমাকে বিশ্বের নারীগণের মধ্যে মনোনীত করেছেন।” ‘বিশ্বের নারীদের’ দু’টি অর্থ হতে পারে : এক, সে যুগে বিশ্বে যত নারী ছিল, তাদের উর্ধে। যেমন মূসা (আ)-কে উদ্দেশ্য করে আল্লাহ বলেছেন, “আমি তোমাকে মানব জাতির উপর মনোনীত করেছি।” অনুরূপভাবে বনী ইসরাইল সম্পর্কে আল্লাহ বলছেন, ‘আমি জেনে শুনেই তাদেরকে বিশ্বে শ্রেষ্ঠত্ব দিয়েছিলাম।’ (৪৪ দুখান : ৩২) কিন্তু সবাই জানে যে, ইবরাহীম (আ) মূসা (আ)-এর চাইতে শ্রেষ্ঠ, এবং মুহাম্মদ (সা) উভয়ের চাইতে শ্রেষ্ঠ। অনুরূপ বিশ্বনবীর এ উম্মত অতীতের সমস্ত উম্মত থেকে শ্রেষ্ঠ এবং বনী ইসরাইল ও অন্যান্যদের তুলনায় সংখ্যায় অধিক, ইলম ও জ্ঞানে শ্রেষ্ঠ এবং আমলে ও ইখলাসে উন্নততর।

(২) “তোমাকে বিশ্বের নারীদের মধ্যে মনোনীত করেছেন।” এ কথাটি ব্যাপক অর্থেও হতে পারে। অর্থাৎ পূর্ববর্তী ও পরবর্তী বিশ্বের সমস্ত নারীকুলের মধ্যে মারয়ামই শ্রেষ্ঠ। কেননা, তিনি যদি নবী হয়ে থাকেন, যেমন ইব্ন হায়ম প্রমুখের ধারণা যে, ঈসা নবীর মা মারয়াম, ইসহাক নবীর মা সারা ও মূসা নবীর মা নবী ছিলেন। কেননা, এঁদের প্রত্যেকের সাথে ফেরেশতা কথা বলেছেন এবং মূসা নবীর মায়ের নিকট ওহী এসেছে। এমত অনুযায়ী মারয়াম অন্যান্য নারীদের তুলনায় তো বটেই, এমনকি সারা এবং মূসা (আ)-এর মায়ের তুলনায়ও শ্রেষ্ঠতর। কেননা, আয়াতে নবী অ-নবী সমস্ত নারীদের মধ্যে শ্রেষ্ঠ হওয়ার কথা বলা হয়েছে এবং এর সাথে সাংঘর্ষিক অন্য কোন আয়াত নেই। কিন্তু আবুল হাসান আশ'আরী ও অন্যান্য ধর্ম বিশারদগণ জমাহুর উলামা তথা আহলে সুন্নাত ওয়াল জামাআতের অভিমত উদ্ভৃত করে বলেছেন, নবুওত পুরুষদের মধ্যেই সীমাবদ্ধ, নারীদের মধ্যে কাউকেই তা’ দান করা হয়নি। এমত অনুযায়ী উক্ত আয়াতের অর্থ হবে, মারয়ামকে সর্বোচ্চ মর্যাদা দান করা হয়েছে। যেমন আল্লাহ অপর এক আয়াতে বলেছেন “মারয়াম-তনয় মসীহ তো কেবল একজন রাসূল, তার পূর্বে বহু রাসূল গত হয়েছে এবং তার মা সিদ্দীকা (সত্যনিষ্ঠ) ছিল।” (মাযিদা : ৭৫)। এ মত হিসেবে পূর্বের ও পরের সিদ্দীকা মর্যাদাপ্রাপ্ত নারীদের মধ্যে মারয়ামের শ্রেষ্ঠ হওয়ায় কোন বাধা নেই। হাদীসে মারয়ামের নাম আসিয়া বিনত মুঘায়িম খাদীজা বিন্ত খুওয়ায়লিদ এবং নবী তনয় হযরত ফাতিমা (রা)-এর সাথে এক সঙ্গে উল্লেখ করা হয়েছে।

ইমাম আহমদ, বুখারী, মুসলিম, তিরমিয়ী ও নাসাই (র) বিভিন্ন সূত্রে ..... হযরত আলী (রা) থেকে বর্ণনা করেন, রাসূলুল্লাহ (সা) বলেছেন : নারীদের মধ্যে সর্বোত্তম মারয়াম বিন্ত ইমরান এবং নারীদের মধ্যে সর্বোত্তম খাদীজা বিন্ত খুওয়ায়লিদ। ইমাম আহমদ ..... আনাস (রা) থেকে বর্ণনা করেন, রাসূলুল্লাহ (সা) বলেছেন : বিশ্বজগতে নারীদের মধ্যে কেবল চারজনই শ্রেষ্ঠ। তারা হলেন মারয়াম বিন্ত ইমরান, ফিরআউনের স্ত্রী আসিয়া, খাদীজা বিন্ত খুওয়ায়লিদ ও ফাতিমা (রা) বিন্ত মুহাম্মদ (সা)। তিরমিয়ী আবদুর রায়্যাকের সূত্রে উপরোক্ত সনদে এ হাদীস বর্ণনা করেছেন এবং ‘সহীহ’ বলে মন্তব্য করেছেন। ইব্ন মারদুওবেহ এবং ইব্ন আসাকির আনাস (রা) সূত্রে অনুরূপ বর্ণনা করেছেন।

ইমাম আহমদ ..... আবু হুরায়রা (রা) থেকে বর্ণনা করেন, নবী করীম (সা) বলেছেন : উটে আরোহিণীদের মধ্যে উত্তম মহিলা হলেন সতী-সার্ধী কুরায়শী মহিলা। ছোট শিশুদেরকে তারা অধিক ম্লেহ করে এবং স্বামীর সম্পদের পূর্ণ হেফাজত করে। আবু হুরায়রা (রা) বলেন, বিবি মারয়াম কখনও উটে আরোহণ করেন নি। ইমাম মুসলিম ও ইমাম আহমদ ভিন্ন ভিন্ন সূত্রে এ হাদীছতি বর্ণনা করেছেন।

তারপর আবু হুরায়রা (রা) বলেন, রাসূলুল্লাহ (সা)-এর জানা ছিল যে, ইমরানের কন্যা (মারয়াম) উটে আরোহণ করেন নি। এ হাদীস সহীহের শর্ত অনুযায়ী আছে এবং আবু হুরায়রা (রা) থেকে ভিন্ন সূত্রেও বর্ণিত হয়েছে।

আবু ইয়া'লা .... ইব্ন আকবাস (রা) থেকে বর্ণিত- রাসূলুল্লাহ (সা) একদা মাটির উপরে চারটি রেখা আঁকেন এবং সাহাবাগণের নিকট জিজ্ঞেস করেন, তোমরা কি বুঝতে পেরেছ এ রেখা কিসের? তাঁরা বললেন, আল্লাহ ও তাঁর রাসূলই ভাল জানেন। রাসূলুল্লাহ (সা) বললেন, জান্নাতবাসী মহিলাদের মধ্যে সর্বোত্তম মহিলা খুওয়ায়লিদের কন্যা খাদীজা, মুহাম্মদের কন্যা ফাতিমা, ইমরানের কন্যা মারয়াম এবং মুয়াহিমের কন্যা অর্থাৎ ফিরআওনের স্ত্রী আসিয়া। ইমাম নাসাঈ (র)-ও অনুরূপ হাদীস বর্ণনা করেছেন। আবুল কাসিম বাগাবী (র).... আয়েশা (রা) থেকে বর্ণিত। তিনি বলেন, আমি ফাতিমাকে জিজ্ঞেস করেছিলাম, রাসূলুল্লাহর অস্তিমকালে তুমি তাঁর মুখের উপর ঝুঁকে পড়ে প্রথমে কেঁদে ফেললে এবং পরক্ষণে আবার হেসে উঠলে, এর কারণ কি? ফাতিমা (রা) বললেন, আবু আমাকে প্রথমে জানালেন, এই রোগেই তাঁর ইস্তিকাল হবে, তাই আমি কেঁদেছি। দ্বিতীয়বার যখন ঝুঁকলাম তখন তিনি বললেন, আমার পরিবারের মধ্যে তুমিই সর্বপ্রথম আমার সাথে মিলিত হবে এবং তুমি হবে জান্নাতী মহিলাদের নেতৃী। অবশ্য, মারয়াম বিন্ত ইমরান-এর ব্যতিক্রম-এ কথা শনে আমি হেসেছি। এ হাদীসের মূল অংশ সহীহ গ্রহে আছে এবং উল্লেখিত সনদ মুসলিমের শর্ত অনুযায়ী আছে। এ হাদীস থেকে প্রতীয়মান হয় যে, পূর্ব উল্লেখিত চারজন মহিলার মধ্যে উক্ত দু'জন শ্রেষ্ঠ। অনুরূপ আর একটি হাদীস ইমাম আহমদ ..... আবু সাঈদ (র) থেকে বর্ণিত। রাসূলুল্লাহ (সা) বলেছেন, জান্নাতবাসী মহিলাদের নেতৃী হবে ফাতিমা, তবে মারয়াম বিনত ইমরানের ব্যাপারটি ব্যতিক্রম। এ হাদীসের উপরোক্ত সনদকে ইমাম তিরমিয়ী 'হাসান' ও সহীহ বলেছেন। অবশ্য হাদীসটি দুর্বল সনদে হয়েরত আলী (আ) থেকে বর্ণিত হয়েছে।

মোটকথা, উপরোক্ত হাদীস থেকে এটাই বুঝা যায় যে, চার জনের মধ্যে ফাতিমা ও মারয়ামই শ্রেষ্ঠ। এরপর কথা থাকে যে, এ দুজনের মধ্যে শ্রেষ্ঠ কে? এ বিষয়ে হাদীসের অর্থ দুরকম হতে পারে। একঃ মারয়াম ফাতিমার চাইতে শ্রেষ্ঠ; দুইঃ মারয়াম ও ফাতিমা উভয়ে সমর্যাদা সম্পন্ন। এ সভাবনার কারণ হল, হাফিজ ইব্ন আসাকির ইব্ন আকবাসের এক হাদীস বর্ণনা করেছেন। তাতে আছে, রাসূলুল্লাহ (সা) বলেছেন : জান্নাতবাসী মহিলাদের মধ্যে সবার শীর্ষে থাকবে মারয়াম বিনত ইমরান, তারপরে ফাতিমা তারপরে খাদীজা, তারপরে ফিরআওনের স্ত্রী আসিয়া। এখানে শব্দ বিন্যাস থেকে তাঁদের, মর্যাদার ক্রমবিন্যাস বুঝা যায়। ইতিপূর্বে যে সব হাদীস বর্ণিত হয়েছে সেখানেও চারজনের নাম উল্লেখ করা হয়েছে; যার দ্বারা মর্যাদার বিন্যাসও বুঝায় না এবং বিন্যাসের পরিপন্থীও বুঝায় না। এ হাদীসটিই আবু হাতিম (র) তিনি সূত্রে ইব্ন আকবাস (রা) থেকে বর্ণনা করেছেন -সেখানেও বর্ণনা থেকে মর্যাদার ক্রম বিন্যাস বুঝায় না।

ইব্ন মারদুইবেহ ... কুর্রা থেকে বর্ণিত। রাসূলুল্লাহ (সা) বলেছেন, পুরুষদের মধ্যে বিপুল সংখ্যক লোক পূর্ণতা (কামালিয়ত) লাভ করেছেন; কিন্তু মহিলাদের মধ্যে তিনজন ছাড়া আর কেউই পূর্ণতা অর্জন করেন নি। তাঁরা হচ্ছেন মারয়াম বিনত ইমরান, ফিরআওনের স্ত্রী আসিয়া ও খাদীজা বিনত খুওয়ায়লিদ। আর নারীদের মধ্যে আয়েশার মর্যাদা সেই পরিমাণ, যেই পরিমাণ মর্যাদা সমস্ত খাদ্যের মধ্যে ছারীদের\* ।

১. গোশতের ঝোলে ভেজনো রুটি।

আবু দাউদ ব্যতীত অধিকাংশ সিহাহ সিন্ডার অন্যান্য সংকলকগণ ... আবু মূসা আশআরী (আ) থেকে বর্ণনা করেন, রাসূলুল্লাহ (সা) বলেছেন: পুরুষদের মধ্যে অনেকেই পূর্ণতা লাভ করেছেন; কিন্তু নারীদের মধ্যে কেবল ফিরআওনের স্তৰি আসিয়া ও মারয়াম বিনত ইমরান ছাড়া আর কেউই পূর্ণতা অর্জন করতে পারেন নি। আর নারীদের উপর আয়েশার শ্রেষ্ঠত্ব তেমনি যেমন শ্রেষ্ঠত্ব রয়েছে সকল খাদ্যের উপর ছারীদের। এ হাদীছ সহীহ। বুখারী ও মুসলিম উভয়েই বর্ণনা করেছেন। হাদীছের শব্দ থেকে স্পষ্ট বুকা যায় যে, নারী জাতির মধ্যে পূর্ণতা কেবল দু'জন নারীর মধ্যে সীমাবদ্ধ এবং তারা হলেন মারয়াম ও আসিয়া। কেননা, তাঁরা উভয়েই দু'জন শিশু নবীকে তত্ত্বাবধান করেছিলেন। বিবি আসিয়া করে ছিলেন মূসা কালীমুল্লাহকে এবং বিবি মারয়াম করেছিলেন ঈস্মা রহমানুল্লাহকে। তবে পূর্ণতা আসিয়া ও মারয়ামের মধ্যে সীমাবদ্ধ হওয়ার অর্থ হল তাদের স্বাস্থ যুগের নারীদের মধ্যে তাঁরাই ছিলেন পূর্ণাঙ্গ মানুষ। এ ব্যাখ্যা অনুযায়ী শেষ নবীর উম্মতের মধ্যে আরও নারীদের পূর্ণতা লাভে এ হাদীছের সাথে কোন বিরোধ থাকে না। যেমন খাদীজা ও ফাতিমা। খাদীজা (রা) রাসূলুল্লাহর খেদমত করেছেন নবুওতের পূর্বে পনের বছর এবং নবুওতের পরে প্রায় দশ বছর। তিনি নিজের জানমাল দিয়ে নিষ্ঠার সাথে রাসূলুল্লাহ (সা)-এর সেবা-সহযোগিতা করেছেন। আর রাসূল তনয়া ফাতিমা তাঁর অন্যান্য বোনদের তুলনায় অধিক ফয়লতের অধিকারিণী। কেননা, রাসূলুল্লাহ (স)-এর জন্যে তিনি কষ্ট-নিপীড়ন সহ্য করেছেন এবং পিতার ইন্তিকালের শোক যাতনায় দৈর্ঘ্য ধারণ করেছেন। কিন্তু অন্যান্য বোনদের সবাই রাসূলুল্লাহর জীবন্দশায়ই ইন্তিকাল করেন।

অন্যদিকে হ্যরত আয়েশা (রা) ছিলেন রাসূলুল্লাহর প্রিয়তমা সহধর্মিণী। আয়েশা (রা) ব্যতীত অন্য কোন কুমারীকে রাসূলুল্লাহ বিবাহ করেন নি। শেষ নবীর উম্মতের মধ্যে এমনকি পূর্ববর্তী নবীগণের উম্মতের মধ্যেও আয়েশার চাইতে অধিক জ্ঞানী গুণী আর কোন মহিলা ছিলেন বলে জানা যায় না। অপবাদকারীরা যখন হ্যরত আয়েশা (রা)-এর বিরুদ্ধে অপবাদ রটায় তখন আল্লাহ তা'আলা সপ্ত আসমানের উপর থেকে নিজে আয়েশার পবিত্রতা ঘোষণা করে আয়াত নায়িল করেন। রাসূলুল্লাহ (সা)-এর ইন্তিকালের পর তিনি প্রায় পঞ্চাশ বছর জীবিত ছিলেন। এ দীর্ঘ সময়ব্যাপী তিনি কুরআন ও সুন্নাহর প্রচার-প্রসারে অসামান্য অবদান রাখেন, মুসলিম সমাজে উদ্ভৃত সমস্যাবলীর সমাধান দেন এবং মুসলমানদের পারম্পারিক দুর্দশ সহজেই মীমাংসার গুরুদায়িত্ব পালন করেছেন। হ্যরত আয়েশা (রা) ছিলেন সকল উম্মুল মু'মিনীনের মধ্যে শ্রেষ্ঠ। এমনকি প্রাচীন ও আধুনিক বহু সংখ্যক আলিমের মতে, হ্যরত খাদীজার চাইতেও আয়েশা (রা) শ্রেষ্ঠ। কিন্তু উত্তম পন্থা হল উভয়ের মর্যাদার তারতম্য করার ব্যাপারে নীরবতা অবলম্বন করা। যারা তারতম্য করেছেন তাঁরা সেই হাদীছের প্রতি লক্ষ্য রেখে করেছেন যে, নারীদের মধ্যে আয়েশার স্থান সে রকম, যে রকম খাদ্যের মধ্যে ছারীদের স্থান। কিন্তু এ হাদীছের ব্যাখ্যা দু'রকম করা যেতে পারে। এক, তিনি উল্লেখিত ও অনুল্লেখিত সকল নারীদের মধ্যে শ্রেষ্ঠ। দুই, উল্লেখিত নারীগণ ব্যতীত অন্যান্য নারীদের মধ্যে তিনি শ্রেষ্ঠ।

যাহোক, এখানে মূল আলোচনা ছিল হ্যরত মারয়াম বিনত ইমরান প্রসংগে। কেননা আল্লাহ তাকে পবিত্র করেছেন এবং তার যুগের সমস্ত নারীদের মধ্যে কিংবা সকল যুগের সমস্ত

নারীদের মধ্যে তাঁকে মনোনীত করেছেন। এ সম্পর্কে বিস্তারিত আলোচনা ইতিমধ্যেই হয়েছে। হাদীছ শরীফে বর্ণিত হয়েছে যে, হয়রত মারয়াম বিনত ইমরান এবং আসিয়া বিনত মুয়াহিম জান্নাতে রাসূল সাল্লাল্লাহু আলায়হিস সালামের সহধর্মীগণের অন্তর্ভুক্ত হবেন। তাফসীর গ্রন্থে আমরা প্রাথমিক যুগের কোন কোন আলিমের ব্যাখ্যা উল্লেখ করেছি, যেখানে **ثَيْبَاتٍ وَّ بَكَارًا** (অর্থাৎ বিবাহিত স্ত্রী ও কুমারী স্ত্রী)-এর ব্যাখ্যায় বিবাহিত স্ত্রী বলতে আসিয়া এবং কুমারী বলতে মারয়ামকে বুঝানো হয়েছে। তাফসীর গ্রন্থে সূরা তাহ্‌রীমের শেষ দিকে এ বিষয়ে বিস্তারিত আলোচনা করা হয়েছে।

তাবারানী ... সা'দ ইবন জুনাদ আল আওফী থেকে বর্ণিত। রাসূলুল্লাহ (সা) বলেছেন, জান্নাতের মধ্যে আল্লাহ আমার সংগে ইমরানের কন্যা মারয়াম, ফিরআওনের স্ত্রী ও মুসা নবীর ভগ্নীকে বিবাহ দিবেন। আবু ইয়া'লা ... আবু উমামা থেকে বর্ণিত হাদীছে মুসা (আ)-এর বোনের নাম কুলসুম বলে উল্লেখিত হয়েছে। আবু জা'ফর উকায়লী এ হাদীছ শেষের দিকে কিছু বৃদ্ধিসহ বর্ণনা করেছেন। অর্থাৎ রাসূলুল্লাহর কথা শোনার পর আবু উমামা বলেছিলেন, ইয়া রাসূলুল্লাহ! আপনার জন্যে এটা খুবই আনন্দের বিষয়। অতঃপর উকায়লী মন্তব্য করেন যে, হাদীছের এ অংশটি নির্ভরযোগ্য নয়। যুবায়র ইবন বাক্কার ... ইবন আবু দাউদ থেকে বর্ণনা করেন যে, একদা রাসূলুল্লাহ (সা) খাদীজার ঘরে প্রবেশ করেন। খাদীজা (রা) তখন মৃত্যু শয্যায় শায়িত। রাসূলুল্লাহ বললেন, হে খাদীজা! তোমার অবস্থা আমার নিকট খুবই অঙ্গীতিকর ঠেকছে। অবশ্য অঙ্গীতিকর বিষয়ের মধ্যে আল্লাহ অনেক কল্যাণ রেখে থাকেন। জেনে রেখ, আল্লাহ জান্নাতের মধ্যে তোমার সাথে ইমরানের কন্যা মারয়াম, মুসার বোন কুলসুম ও ফিরআওনের স্ত্রী আসিয়াকে আমার সংগে বিবাহ দিয়ে রেখেছেন। খাদীজা (রা) বললেন, ইয়া রাসূলুল্লাহ! আল্লাহ আপনার সাথে একৃপ করেছেন? তিনি বললেন, হ্যা। খাদীজা (রা) বললেন, বরকতময় হোক আপনাদের এ বিবাহ ও সন্তানাদি।

ইবন আসাকির .... ইবন আকবাস (র) থেকে বর্ণিত। হয়রত খাদীজা (রা) যখন মৃত্যু শয্যায় শায়িত তখন রাসূলুল্লাহ (সা) তাঁর নিকট গমন করেন এবং বলেন, হে খাদীজা! যখন তুমি তোমার সতীনদের সাথে মিলিত হবে তখন তাদেরকে আমার সালাম জানাবে। খাদীজা (রা) বললেন, ইয়া রাসূলুল্লাহ! আমার পূর্বে কি আপনি কাউকে বিবাহ করেছিলেন? রাসূলুল্লাহ বললেন, না, বিবাহ তো করিনি; কিন্তু আল্লাহ আমার সাথে মারয়াম বিনত ইমরান, আসিয়া বিনত মুয়াহিম এবং মুসার বোন কুলসুমকে বিবাহ দিয়েছেন। ইবন আসাকির ... ইবন উমর থেকে বর্ণিত। তিনি বলেন, একদা জিবরাঈল (আ) ওহী নিয়ে রাসূলুল্লাহর নিকট আসেন এবং রাসূলুল্লাহ (সা)-এর সাথে বসে আলাপ করেন। এমন সময় খাদীজা ঐ স্থান দিয়ে গমন করছিলেন। জিবরাঈল (আ) জিজেস করলেন, হে মুহাম্মদ! ইনি কে! রাসূলুল্লাহ (সা) বললেন, ইনি হলেন সিদ্দীকা আমার স্ত্রী। জিবরাঈল (আ) বললেন, তাঁর নিকট আল্লাহর পক্ষ থেকে আমার কাছে কিছু বার্তা আছে। আল্লাহ তাঁকে সালাম জানিয়েছেন এবং জান্নাতে তাঁর জন্যে নির্মিত মূল্যবান ঘরের সুসংবাদ দিয়েছেন, সেখানে নেই কোন দুঃখ, নেই কোন কোলাহল। খাদীজা (রা) বললেন, আল্লাহর নাম সালাম বা শান্তি। আর তাঁর থেকে সালাম ও শান্তির আশা

করা যায় এবং আপনাদের দু'জনের উপর সালাম, রহমত ও বরকত বর্ষিত হোক এবং আল্লাহর রহমত ও বরকত রাসূলুল্লাহর উপর অবতীর্ণ হোক। খাদীজা (রা) জিজ্ঞেস করলেন : কাসাব নির্মিত ঐ ঘরটি কি? তিনি বললেন, আয়তাকার মুক্তা নির্মিত একটি বৃহৎ কক্ষ। ঐ ঘরের অবস্থান হবে মারয়াম বিনত ইমরানের ঘর ও আসিয়া বিনত মুয়াহিমের ঘরের মধ্যবর্তী স্থানে। রাসূলুল্লাহ (সা) বললেন, কিয়ামতের দিন ঐ দু'জন হবে আমার স্তীদের অন্তর্ভুক্ত। খাদীজার প্রতি সালাম ও কষ্ট-কোলাহল মুক্ত মুক্তার ঘরের সুসংবাদের কথা সহীহ গ্রহে আছে; কিন্তু এই অতিরিক্ত কথাটুকুর বর্ণনা একান্তই বিরল। আর এ হাদীসসমূহের প্রতিটির সনদই সন্দেহযুক্ত।

ইবন আসাকির .... কা'আব আহবার থেকে বর্ণিত। হযরত মু'আবিয়া (রা) একবার তাঁকে বায়তুল মুকাদ্দাসের শুভ পাথর খণ্ড সম্পর্কে জিজ্ঞেস করেছিলেন। উত্তরে তিনি বলেছিলেন, উক্ত পাথর খণ্ডটি একটি খেজুর গাছের উপর স্থাপিত। গাছটি জান্নাতের একটি নদীর উপর অবস্থিত। ঐ গাছের নীচে বসে মারয়াম বিনত ইমরান ও আসিয়া বিনত মুয়াহিম জান্নাতবাসীদের জন্যে মালা গাঁথছেন। কিয়ামত পর্যন্ত তাঁরা এভাবে মালা গাঁথতে থাকবেন। এরপর ইবন আসাকির ....ভিন্ন সনদে উবাদা ইবনুস সামিত (রা) থেকে অনুরূপ হাদীস বর্ণনা করেছেন। কিন্তু উক্ত সনদে এ হাদীস অগ্রহণযোগ্য বরং জাল। আবু যুরআ...ইবন আবিদ থেকে বর্ণনা করেন যে, একদা মু'আবিয়া (রা) কা'ব আহবারকে বায়তুল- মুকাদ্দাসের পাথর খণ্ড সম্পর্কে জিজ্ঞেস করেছিলেন এবং উত্তরে তিনি অনুরূপ কথা বলেছিলেন। ইবন আসাকির (র) বলেন, উপরোক্তখন কথাটি কা'ব আহবারের কথা হতে পারে এবং তিনি এটা ইসরাইলী উপাখ্যান থেকে নিয়েছেন। আর ইসরাইলী উপাখ্যানের অনেক কথাই বানোয়াট ও কল্পিত—যা তাদের মধ্যে ধর্মদোষী মূর্খ লোকদের রচিত।

## সতী—সাধ্বী নারী হ্যরত মারয়ামের পুত্র হ্যরত ঈসা (আ)-এর জন্মের বিবরণ

আল্লাহর বাণী :

وَأَذْكُرْ فِي الْكِتَبِ مَرِيمَ - إِذْ أَنْتَبَذْتُ مِنْ أَهْلِهَا مَكَانًا شَرْقِيًّا . فَاتَّخَذْتُ  
مِنْ دُونِهِمْ حِجَابًا فَارْسِلْنَا إِلَيْهَا رُوحًا فَتَمَثَّلَ لَهَا بَشَرًا سَوِيًّا . قَالَتْ  
إِنِّي أَعُوذُ بِالرَّحْمَنِ مِنْكَ أَنْ كُنْتَ تَقِيًّا . قَالَ أَنَّمَا أَنَا رَسُولُ رَبِّكَ لَا هَبَّ  
لَكَ غُلَمًا زَكِيًّا . قَالَتْ إِنِّي يَكُونُ لِيْ غُلَمٌ وَلَمْ يَمْسِسْنِي بَشَرٌ وَلَمْ أَكُ  
بَغِيًّا . قَالَ كَذَلِكَ قَالَ رَبُّكَ هُوَ عَلَىٰ هَيْنَ . وَلَنْجُنَّلَهُ أَيَّةً لِلنَّاسِ وَرَحْمَةً  
مِنِّي . وَكَانَ أَمْرًا مَقْضِيًّا . فَحَمَلَتْهُ فَانْتَبَذَتْ بِهِ مَكَانًا قَصِيًّا . فَاجَاءَهَا  
الْمَخَاضُ إِلَى جِذْعِ النَّخْلَةِ - قَالَتْ يَا لَيْتَنِي مِنْ قَبْلِ هَذَا وَكُنْتُ نَسِيًّا  
مَنْسِيًّا . فَنَادَاهَا مِنْ تَحْتِهَا أَلَا تَحْزَنِيْ قَدْ جَعَلَ رَبُّكَ تَحْتَكَ سَرِيًّا . وَهُزِيَّ  
إِلَيْكَ بِجِذْعِ النَّخْلَةِ تُسْقَطُ عَلَيْكَ رُطْبًا جَنِيًّا . فَكُلِّيْ وَاشْرَبِيْ وَقَرَرِيْ عَيْنَيَا  
- فَامَّا تَرَيْنِيْ مِنَ الْبَشَرِ أَحَدًا فَقُولِيْ إِنِّي نَذَرْتُ لِلرَّحْمَنِ صَوْمًا فَلَنْ أَكُلَّمْ  
الْيَوْمَ انسِيًّا . فَأَتَتْ بِهِ قَوْمَهَا تَحْمِلُهُ - قَالُوا يَمْرِيمُ لَقَدْ جِئْتِ شَيْئًا  
فَرِيًّا . يَأْخُذْ هُرُونَ مَاكَانَ أَبُوكَ امْرًا سَوْءً وَمَا كَانَتْ أُمُّكَ بَغِيًّا . فَأَشَارَتْ  
إِلَيْهِ قَالُوا كَيْفَ نُكَلِّمُ مَنْ كَانَ فِي الْمَهْدِ صَبِيًّا . قَالَ إِنِّي عَبْدُ اللَّهِ اتَّنِي  
الْكِتَبِ وَجَعَلَنِيْ نَبِيًّا وَجَعَلَنِيْ مُبْرَكًا أَيْنَ مَا كُنْتُ وَأَوْصَنِيْ بِالصَّلَاةِ  
وَالزَّكُوَةِ مَادُمْتُ حَيًّا . وَبَرَأَبُو الدَّاتِيْ وَلَمْ يَجْعَلْنِيْ جَبَارًا شَقِيًّا . وَالسَّلَامُ  
عَلَيْ يَوْمِ وُلْدَتُ وَيَوْمِ أَمْوَاتُ وَيَوْمِ أُبْعَثُ حَيًّا . ذَلِكَ عِيسَى ابْنُ مَرِيمَ قَوْلُ  
الْحَقِّ الَّذِي فِيهِ يَمْتَرُونَ . مَا كَانَ لِلَّهِ أَنْ يَتَّخِذَ مِنْ وَلَدٍ سُبْحَنَهُ - إِذَا

قَضَىٰ أَمْرًا فَانْتَأَى يَقُولُ لَهُ كُنْ فَيَكُونُ . وَإِنَّ اللَّهَ رَبِّيْ وَرَبُّكُمْ فَاعْبُدُوهُ هَذَا صِرَاطٌ مُسْتَقِيمٌ . فَاخْتَلَفَ الْأَحْزَابُ مِنْ بَيْنِهِمْ فَوَيْلٌ لِلَّذِينَ كَفَرُوا مِنْ مَشْهَدِ يَوْمٍ عَظِيمٍ .

“বর্ণনা কর এই কিতাবে উল্লেখিত মারযামের কথা, যখন সে তার পরিবারবর্গ থেকে পৃথক হয়ে নিরালায় পূর্ব দিকে এক স্থানে আশ্রয় নিল। তারপর তাদের থেকে নিজেকে আড়াল করার জন্যে সে পর্দা করল। তারপর আমি তার নিকট আমার রূহকে পাঠালাম। সে তার নিকট পূর্ণ মানবাকৃতিতে আঘ্যপ্রকাশ করল। মারযাম বলল, আমি তোমার থেকে দয়াময়ের শরণ নিছ্ব যদি তুমি মুস্তাকী হও। সে বলল, আমি তো তোমার প্রতিপালক প্রেরিত, তোমাকে এক পবিত্র পুত্র দান করার জন্যে। মারযাম বলল, কেমন করে আমার পুত্র হবে যখন আমাকে কোন পুরুষ স্পর্শ করেনি এবং আমি ব্যভিচারিণীও নই? সে বলল, ‘এরপই হবে’। তোমার প্রতিপালক বলেছেন, এটা আমার জন্যে সহজসাধ্য এবং আমি তাকে এ জন্যে সৃষ্টি করব, যেন সে হয় মানুষের জন্যে এক নিদর্শন ও আমার নিকট হতে এক অনুগ্রহ; এটা তো এক স্থিরীকৃত ব্যাপার। তারপর সে গর্ভে তাকে ধারণ করল; তারপর তাকে নিয়ে এক দূরবর্তী স্থানে চলে গেল। প্রসব-বেদনা তাকে এক খেজুর গাছের নীচে আশ্রয় নিতে বাধ্য করল। সে বলল, হায়, এর পূর্বে আমি যদি মারা যেতাম ও লোকের স্মৃতি থেকে সম্পূর্ণ বিলুপ্ত হতাম! ফিরিশতা তার নীচ দিক থেকে আহ্বান করে তাকে বলল, “তুমি দুঃখ করো না, তোমর নীচ দিয়ে তোমার প্রতিপালক এক নহর সৃষ্টি করেছেন। তুমি তোমার দিকে খেজুর গাছের কাণ্ডে নাড়া দাও, তা তোমাকে পাকা তাজা খেজুর দান করবে। সুতরাং আহার কর, পান কর ও চোখ জুড়াও। মানুষের মধ্যে কাউকেও যদি তুমি দেখ, তখন বলবে, আমি দয়াময়ের উদ্দেশ্যে মৌনতাবলম্বনের মানত করেছি। সুতরাং আজ আমি কিছুতেই কোন মানুষের সাথে বাক্যালাপ করব না। তারপর সে সন্তানকে নিয়ে তার সম্প্রদায়ের নিকট উপস্থিত হল; তারা বলল, “হে মারযাম! তুমি তো এক অদ্ভুত কাণ্ড করে বসেছ। হে হারনের বোন! তোমার পিতা অসৎ ব্যক্তি ছিল না এবং তোমার মা ছিল না ব্যভিচারিণী।” তারপর মারযাম সন্তানের প্রতি ইংগিত করল। তারা বলল, যে কোলের শিশু, তার সাথে আমরা কেমন করে কথা বলব? সে বলল, “আমি তো আল্লাহর বান্দা। তিনি আমাকে কিতাব দিয়েছেন, আমাকে নবী করেছেন। যেখানেই আমি থাকি না কেন তিনি আমাকে বরকতময় করেছেন, তিনি আমাকে নির্দেশ দিয়েছেন যতদিন জীবিত থাকি ততদিন সালাত ও যাকাত আদায় করতে। আর আমাকে আমার মায়ের প্রতি অনুগত করেছেন এবং তিনি আমাকে করেন নি উক্তত ও হতভাগ্য। আমার প্রতি শান্তি যে দিন আমি জন্মালাভ করেছি, যেদিন আমার মৃত্যু হবে এবং যেদিন জীবিত অবস্থায় আমি পুনরুত্থিত হব।” এই-ই মারযাম-তনয় ঈসা। আমি বললাম সত্য কথা, যে বিষয়ে তারা বির্তক করে। সন্তান গ্রহণ করা আল্লাহর কাজ নয়, তিনি পবিত্র মহিমময়। তিনি যখন কিছু স্থির করেন তখন বলেন, ‘হও’ এবং তা হয়ে যায়। আল্লাহই আমার প্রতিপালক ও তোমাদের প্রতিপালক; সুতরাং তার ইবাদত কর, এটাই সরল পথ। তারপর দলগুলি নিজেদের মধ্যে মতানৈক্য সৃষ্টি করল; সুতরাং দুর্ভোগ কাফিরদের মহা দিবস আগমন কালে।” (১৯ মারযাম : ১৬-৩৭)

আল্লাহ কুরআন মজীদে মারযাম ও ঈসা (আ)-এর ঘটনাকে যাকারিয়ার ঘটনার পর পরই আলোচনা করেছেন। মারযামের ঘটনার পটভূমি রূপে যাকারিয়ার ঘটনাটি বর্ণনার পর এই ঘটনাটি আল্লাহ তা'আলা বর্ণনা করেছেন, সূরা আলে-ইমরানে উভয় ঘটনা একই সাথে বর্ণিত হয়েছে। সূরা আমিয়ায় ঘটনাদ্বয়কে এভাবে বর্ণনা করা হয়েছে “এবং স্মরণ কর যাকারিয়ার কথা, যখন সে তার প্রতিপালককে আহ্বান করেছিল: হে আমার প্রতিপালক! আমাকে একা রেখো না। তুমি তো শ্রেষ্ঠ মালিকানার অধিকারী।” তাবপর আমি তার আহ্বানে সাড়া দিয়েছিলাম এবং তাকে দান করেছিলাম ইয়াহ্যা এবং তার জন্যে তার স্ত্রীকে যোগ্যতা সম্পন্ন করেছিলাম। তারা সংকর্মে প্রতিযোগিতা করতো, তারা আশা ও ভীতি সহকারে আমাকে ডাকত এবং তারা ছিল আমার কাছে বিনীত। এবং স্মরণ কর সেই নারীর কথা, যে নিজ সতীত্বকে রক্ষা করেছিল। তারপর আমি তার মধ্যে আমার রহ ফুকে দিয়েছিলাম এবং তাকে ও তার পুত্রকে করেছিলাম বিশ্ববাসীর জন্যে এক নির্দশন।” (২১ আমিয়া : ৮৯-৯১)

ইতিপূর্বে আমরা আলোচনা করেছি যে, মারযামকে তার মা বায়তুল মুকাদ্দাসের খিদমদেতর জন্যে উৎসর্গ করেছিলেন। সেখানে মারযামের বোনের স্বামী বা খালার স্বামী যাকারিয়া তাঁর তত্ত্বাবধানের দায়িত্ব গ্রহণ করেন। যিনি ছিলেন ঐ যামানার নবী। যাকারিয়া (আ) মারযামের জন্যে বায়তুল মুকাদ্দাসে একটি উত্তম কক্ষ বরাদ্দ করেন। সেখানে তিনি ব্যক্তিত অন্য কারও প্রবেশের অনুমতি ছিল না। প্রাণ বয়স্কা হলে মারযাম আল্লাহর ইবাদতে এতো গভীরভাবে নিমগ্ন হন যে, সে যুগে তাঁর মত এত অধিক ইবাদতকারী অন্য কেউ ছিল না তার থেকে এমন সব অলৌকিক ঘটনা প্রকাশ পেতে থাকে, যা দেখে হযরত যাকারিয়ার (আ) মনে ঈর্ষার উদ্বেক হয়। একদা ফিরিশতা তাঁকে সুসংবাদ দিলেন যে, আল্লাহ তাঁকে বিশেষ উদ্দেশ্যে মনোনীত করেছেন; অচিরেই তাঁর এক পুত্র সন্তান জন্মাব করবেন, তিনি হবেন পৃত্-পবিত্র সম্মানিত নবী ও বিভিন্ন মু'জিয়ার অধিকারী। পিতা ব্যক্তিত সন্তান হওয়ার সংবাদে মারযাম অবাক হয়ে যান। তিনি বললেন, আমার বিবাহ হয়নি, স্বামী নেই, কিরণে আমার সন্তান হবে? জবাবে ফিরিশতা জানালেন, আল্লাহ সব কিছু করতে সক্ষম। তিনি যখন কোন কিছু অস্তিত্বে আনতে চান, তখন শুধু বলেন॥ ‘হয়ে যাও’ অমনি তা হয়ে যায়। মারযাম অতঃপর আল্লাহর সিদ্ধান্তের উপর বিনয়ের সাথে আত্মসমর্পণ করলেন। তিনি বুঝতে পারলেন, তাঁর সম্মুখে এক বিরাট পরীক্ষা। কেননা, সাধারণ লোক এতে সমালোচনার বড় উঠাবে। আল্লাহর শক্তি সম্পর্কে জানের অভাব ও সৃষ্টিতত্ত্ব সম্পর্কে অজ্ঞাত থাকার ফলে শুধু বাহ্যিক দৃষ্টিতে বিচার করেই তারা নানা কথা উঠাতে থাকবে। বায়তুল মুকাদ্দাসে অবস্থানকালে বিভিন্ন প্রয়োজনে মারযাম কখনও কখনও মসজিদের বাইরে আসতেন। যেমন মাসিক ঝুতুস্নাব হলে কিংবা পানি ও খাদ্যের সঙ্কানে অথবা অন্য কোন অতি প্রয়োজনীয় কাজে তিনি মসজিদ থেকে বেরিয়ে আসতেন। একদা এ জাতীয় এক বিশেষ প্রয়োজনে তিনি মসজিদ থেকে বের হলেন এবং দূরে এক স্থানে আশ্রয় নিলেন অর্থাৎ তিনি বায়তুল মুকাদ্দাস মসজিদের পূর্ব দিকে অনেক দূর পর্যন্ত একাকী চলে যান। আল্লাহ হযরত জিবরাইল আমীনকে তথায় প্রেরণ করেন। জিবরাইল (আ) মারযামের নিকট পূর্ণ মানবাকৃতিতে আত্মপ্রকাশ করল। মারযাম তাঁকে দেখেই বলে উঠলেন, “আমি তোমার থেকে দয়াময়ের আশ্রয় প্রার্থনা করি যদি তুমি আল্লাহ ভীরু হও।” আবুল

আলিয়া বলেন, আয়াতে উল্লেখিত ‘তাকিয়া’ বলা হয় এমন ব্যক্তিকে, যে নিষেধাজ্ঞা মেনে চলে, নিষিদ্ধ কাজকে যে ভয় করে। একটি দুর্বল মত অনুযায়ী বনী ইসরাইলের এক বিখ্যাত লম্পটের নাম ছিল তাকিয়া। মারয়ামের নিকট জিবরাইল মানবাকৃতিতে উপস্থিত হলে তাকে তাকিয়া ভেবে তিনি এ কথাটি বলেছিলেন। এ মতটি সম্পূর্ণ ভাস্ত ও একান্তই দুর্বল; এর কোন ভিত্তি বা দলীল প্রমাণ নেই।

জিবরাইল (আ) বলল, “আমি তো শুধু তোমার পালনকর্তার প্রেরিত এক দৃত।” অর্থাৎ আমি মানুষ নই—যা তুমি ভেবেছ; বরং আমি ফিরিশতা। আল্লাহ তোমার নিকট আমাকে প্রেরণ করেছেন। তোমাকে আমি এক পবিত্র পুত্র দান করে যাব। মারয়াম বলল, “কিরূপে আমার পুত্র হবে যখন কোন মানব আমাকে স্পর্শ করেনি এবং আমি ব্যভিচারিণীও কখনও ছিলাম না।” অর্থাৎ আমার এখনও বিবাহ হয়নি এবং আমি কখনও অশীল কাজে লিঙ্গ হইনি —এমতাবস্থায় আমার সন্তান হবে কিভাবে? সে বলল, এমনিতেই হবে। তোমার পালনকর্ত্তা বলেছেন, এটা আমার জন্যে সহজসাধ্য। অর্থাৎ পুত্র হওয়ার সংবাদে মারয়াম বিশ্বাস প্রকাশ করে যে প্রশ্ন করেছিলেন, তার উত্তরে ফিরিশতা বললেন, স্বামী না থাকা সত্ত্বেও এবং ব্যভিচারিণী না হওয়া সত্ত্বেও তোমার পুত্র সন্তান সৃষ্টির ব্যাপারে আল্লাহ সিদ্ধান্ত নিয়েছেন; আর তাঁর জন্যে এ কাজ অতি সহজ। কেননা, তিনি যা ইচ্ছা করেন সব কিছুই করতে পারেন। অতঃপর আল্লাহ বলেন : “আমি তাকে মানুষের জন্যে একটি নির্দশন ও আমার পক্ষ থেকে অনুগ্রহ করতে চাই।” অর্থাৎ এই অবস্থায় তাকে সৃষ্টি করে আমি বিভিন্ন পদ্ধায় আমার সৃষ্টি কৌশলের ক্ষমতার দৃষ্টান্ত পেশ করতে চাই। কেননা, আল্লাহ আদমকে নর-নারী ছাড়াই সৃষ্টি করেছেন, হাওয়াকে সৃষ্টি করেছেন নারী ছাড়া নর থেকে, ঈসাকে সৃষ্টি করেছেন নর ছাড়া নারী থেকে এবং অন্যান্য সবাইকে সৃষ্টি করেছেন নর ও নারী উভয় থেকে। “আমার পক্ষ থেকে অনুগ্রহ স্বরূপ”—এ কথার অর্থ হল—এই ঈসার সাহায্যে আমি মানুষের প্রতি আমার অনুগ্রহ প্রকাশ করতে চাই। কেননা, সে তার শৈশবে মানুষকে কেবল আমার ইবাদতের দিকে আহ্বান করবে এবং আল্লাহকে স্তু, সন্তান, অংশীদার সমকক্ষ, শরীক ও সাদৃশ্য থেকে মুক্ত থাকার বাণী প্রচার করবে।

**وَكَانَ أَمْرًا مَفْضِلًا**—“এটা তো এক স্থিরাকৃত ব্যাপার”—এ কথাটিকে দুই অর্থে নেয়া যায়, যথা: এক, মারয়ামের সাথে জিবরাইলের যে কথাবার্তা হয়, এটা ছিল তার শেষ কথা। অর্থাৎ এ বিষয়টি আল্লাহ চূড়ান্ত করে ফেলেছেন যার বাস্তবায়ন অবধারিত এবং যা অবশ্যই সংঘটিত হবে। মুহাম্মদ ইব্ন ইসহাক এই অর্থ গ্রহণ করেছেন এবং ইব্ন জারীর এটা সমর্থন করেছেন। দুই, মারয়ামের মধ্যে জিবরাইল (আ) কর্তৃক ঈসার রূহকে ফুঁকে দেওয়ার অর্থে ব্যবহৃত হয়েছে। যেমন সূরা তাহ্রীমে আল্লাহ বলেছেন : “আল্লাহ মু’মিনদের জন্যে আরও উপস্থিত করছেন, ইমরান তনয়া মারয়ামের দৃষ্টান্ত — যে তার সতীত্ব রক্ষা করেছিল, ফলে আমি তার মধ্যে রহ ফুঁকে দিয়েছিলাম।” (৬৬ তাহ্রীম : ১২)

জিবরাইল (আ) কিভাবে ফুঁক দিয়েছিলেন, সে সম্পর্কে একাধিক মুফাসসির লিখেছেন যে, জিবরাইল হ্যরত মারয়ামের জামার আঙ্গিনে ফুঁক দিয়েছিলেন। ঐ ফুঁক জামার মধ্যে দিয়ে তার গুপ্ত অংগে প্রবেশ করে এবং সংগে সংগে তিনি অন্তঃসন্ত্বা হন, যেরূপ নারীরা অন্তঃসন্ত্বা হয়ে

থাকে স্বামীর সাথে সহবাসের মাধ্যমে। যারা বলেছেন, জিবরাইল (আ) মারয়ামের মুখে ফুঁক দিয়েছিলেন অথবা মারয়ামের সাথে কথোপকথনকারী ছিলেন স্বয়ং ঐ রূহ, যা তার মুখের মধ্য দিয়ে ভিতরে প্রবেশ করেছিল। তাঁদের এই বজ্ঞ্য কুরআনের বর্ণনা ধারার পরিপন্থি। কারণ মারয়ামের ঘটনার বর্ণনা পদ্ধতি থেকে স্পষ্ট জানা যায় যে, মারয়ামের নিকট যাকে প্রেরণ করা হয়েছিল, তিনি ছিলেন একজন ফিরিশতা এবং সেই ফিরিশতা হলেন হ্যরত জিবরাইল আমীন (আ)। আর তিনিই তাঁর মধ্যে ফুঁক দিয়েছিলেন। ফিরিশতা মারয়ামের গুণ্ঠঅংগে ফুঁক দেননি। বরং তিনি মারয়ামের জামার আস্তিনে ফুঁক দিয়েছিলেন। সেই ফুঁক ভিতর দিয়ে গুণ্ঠ অংগে অবতরণ করে। এভাবেই মারয়ামের মধ্যে ফিরিশতার ফুঁক প্রবেশ করে, যেমন আল্লাহ বলেনঃ “অতঃপর আমি তার মধ্যে আমার রূহ ফুঁকে দিই।” এ বাণী থেকে বুঝা যায় যে, ফুঁক তার মধ্যে প্রবেশ করেছিল। তবে তা মুখের মধ্য দিয়ে নয়—যেমন উবায় ইব্ন কা’ব বলেছেন, কিংবা তার বক্ষ দিয়ে প্রবেশ করেনি— যেমন সুন্দী কোন কোন সাহাবার উদ্ধৃতি দিয়ে বলেছেন। তাই আল্লাহ বলেনঃ ‘অতঃপর সে গর্তে সন্তান ধারণ করল’ অর্থাৎ তার পুত্র গর্তে এল এবং তাকে নিয়ে সে এক দূরবর্তী স্থানে চলে গেল। কেননা, গর্তে সন্তান আসার পর মারয়ামের অন্তরে স্বাভাবিক ভাবেই সংকোচ সৃষ্টি হয়। তিনি বুঝতে পারলেন, অটীরেই লোকজন তাঁর প্রসংগে নানা কথা ছঁড়াবে। প্রথম যুগের একাধিক তাফসীরবিদ এ ব্যাপারে বিভিন্ন ঘটনার উল্লেখ করেছেন।

ওহাব ইব্ন মুনাব্বিহ বলেন, মারয়ামের অন্তঃস্ত্রু হওয়া সম্পর্কে সর্বপ্রথম যে ব্যক্তি টের পায়, সে হল বনী ইসরাইলের ইউসুফ ইব্ন ইয়া’কুব আন-নাজার নামক এক ব্যক্তি। তিনি ছিলেন মারয়ামেরই খালাত ভাই। মারয়ামের পৃতি-পুরিত্র চরিত্র, তাঁর ইবাদত-বন্দেগী ও দীনদারী সম্পর্কে তিনি ভালভাবেই অবগত ছিলেন। কিন্তু বিবাহ ব্যতীত অন্তঃস্ত্রু হওয়ায় তিনি ভীষণভাবে বিস্মিত হন। একদিন তিনি মারয়ামকে ডেকে জিজ্ঞেস করেন, মারয়াম! বল তো বীজ ছাড়াই কি শস্য হয় কখনও? মারয়াম বললেন, কেন হবে না? সর্বপ্রথম শস্য কিভাবে সৃষ্টি হল? তিনি আবার জিজ্ঞেস করলেন, বৃষ্টি ও পানি ব্যতীত কি বৃক্ষ জন্মায়? মারয়াম বললেন, জন্মায় বৈ কি? না হলে প্রথম বৃক্ষের জন্ম হল কিভাবে? তিনি বললেন, আচ্ছা, পুরুষের স্পর্শ ব্যতীত কি সন্তান জন্মগ্রহণ করে? মারয়াম বললেন, হ্যাঁ, হয়। আল্লাহ আদমকে সৃষ্টি করছিলেন নর-নারী ব্যতীত; এরপর তিনি বললেন, এখন তোমার ব্যাপারটা আমাকে খুঁজে বল, কি হয়েছে? মারয়াম বললেন, আল্লাহ আমাকে তাঁর এক বাণীর সুসংবাদ দিয়েছেন, “যার নাম হল মসীহ মারয়াম তনয় ঈসা; দুনিয়া ও আখিরাতের সে মহা সম্মানের অধিকারী এবং আল্লাহর ঘনিষ্ঠদের অন্তর্ভুক্ত। যখন সে মায়ের কোলে থাকবে এবং পূর্ণ বয়স্ক হবে তখন সে মানুষের সংগে কথা বলবে, আর সে সৎকর্মশীলদের অন্তর্ভুক্ত হবে।” বর্ণিত আছে যে, হ্যরত যাকারিয়া (আ)-ও মারয়ামকে এ ধরনের প্রশ্ন করেছিলেন এবং তিনি তাঁকেও অনুরূপ উত্তর দিয়েছিলেন।

সুন্দী সনদ উল্লেখ পূর্বক কতিপয় সাহাবী থেকে বর্ণনা করেছেন যে, একদা মারয়াম তাঁর বোনের নিকট উপস্থিত হন। বোন তাঁকে বললেন, আমি যে অন্তঃস্ত্রু, তা’কি তুমি টের পেয়েছো? মারয়াম বললেন, আমিও যে অন্তঃস্ত্রু? তখন একে অপরকে জড়িয়ে ধরলেন ও আল-বিদায়া ওয়ান নিহায়া (২য় খণ্ড) ১৭—

আলিঙ্গন করলেন। অতঃপর ইয়াহুইয়ার মা বললেন, আমি স্বপ্নে দেখেছি আমার পেটে যে সন্তান আছে সে তোমার পেটের সন্তানকে সিজদা করছে।

কুরআন মজীদের আয়াতে সে ইংগিতই রয়েছে : সে (ইয়াহুইয়া) হবে আল্লাহর বাণীর সমার্থক। হাদীসে উক্ত সিজদা বলতে এখানে বিনয় ও শুন্দু প্রদর্শন করা বুঝানো হয়েছে। যেমন সালাম করার সময় করা হয়। পূর্বেকার শরীয়তে এ রকম নিয়ম চালু ছিল। আল্লাহ আদম (আ)-কে সিজদা করার জন্যে ফেরেশতাদেরকে যে হৃকুম দিয়েছিলেন, সেটাও এই অর্থেই ছিল। আবুল কাসিম বলেন যে, সিজদা সংক্রান্ত উক্ত হাদীসের ব্যাখ্যায় মালিক (র) বলেছেন, আমার ধারণা, এটা ঈসা (আ)-এর শ্রেষ্ঠত্ব বুঝানোর জন্যে ছিল। কেননা, আল্লাহ তাঁকে মৃতকে জীবিত করার এবং অক্ষ ও কুষ্ঠ রোগীকে নিরাময় করার ক্ষমতা দান করেছিলেন।

ইব্ন আবি হাতিম এটি বর্ণনা করেছেন। মুজাহিদ থেকে বর্ণিত আছে, মার্যাম বলতেন, আমি যখন একাকী নির্জনে থাকতাম, তখন আমার পেটের বাচ্চা আমার সাথে কথা বলত। আর যখন আমি লোক সমাজে থাকতাম, তখন সে আমার পেটের মধ্যে তাসবীহ পাঠ করত।

স্পষ্টত মার্যাম অন্যান্য নারীদের মত স্বাভাবিকভাবে নয় মাস গর্ভ ধারণের পর প্রসব করেছিলেন। কেননা, এর ব্যক্তিগত হলে তার উল্লেখ করা হত। ইকরিমা ও ইব্ন আকবাস (রা) থেকে বর্ণনা করেন, তাঁর এ গর্ভকাল ছিল আট মাস। ইব্ন আকবাসের অপর বর্ণনায় রয়েছে যে, তিনি গর্ভধারণ মাত্রই সন্তান প্রসব করেছিলেন। আবার কেউ কেউ তাঁর গর্ভকাল মাত্র নয় ঘন্টা স্থায়ী ছিল বলে বলেছেন।

এ মতের সমর্থনে নিম্নের আয়াতের উল্লেখ করেছেন : তৎপর সে গর্ভে তাকে ধারণ করল। অতঃপর তৎসহ এক দূরবর্তী স্থানে চলে গেল। প্রসব বেদনা তাকে এক খেজুর বৃক্ষ মূলে আশ্রয় নিতে বাধ্য করল।” (১৯ মারযাম ২২-২৩) ৰ (অতঃপর) অক্ষরটি একাধিকবার ব্যবহৃত হয়েছে এবং এ অক্ষরটি দু’টি কাজের মধ্যে স্বল্প সময়ের ব্যবধান বুঝাবার জন্যে ব্যবহৃত হয়। তবে বিশুদ্ধতর মত হল, একটি কাজ বা ঘটনার পর আর একটি কাজ বা ঘটনা তার স্বাভাবিক ব্যবধান সহ আসে। যেমন সুরা হাজ্জে আল্লাহ বলেন, “তুম কি লক্ষ্য কর না যে, আল্লাহ বারি বর্ষণ করেন আকাশ হতে অতঃপর সবুজ শ্যামল হয়ে উঠে পৃথিবী ?” (২২: ৬৩) (এখানে স্পষ্ট যে, বারি বর্ষণের অন্তর্ক্ষণ পরেই পৃথিবী সবুজ শ্যামল হয়ে উঠে না: বরং স্বাভাবিক নিয়মে ব্যবধানের পরেই সে রকম হয়।) অনুরূপ সূরা মু’মিনুনে আল্লাহ বলেনঃ “অতঃপর আমি শুক্র বিন্দুকে পরিণত করি আলাকে। এবং আলাককে পরিণত করি অঙ্গিপুঞ্জারে অতঃপর অঙ্গিপুঞ্জকে দেকে দেই গোশ্ত দ্বারা। অবশ্যে তাকে গড়ে তুলি অন্য এক সৃষ্টিরূপে। অতএব সর্বোত্তম স্বষ্টি আল্লাহ কর মহান!” (২৩:১৩)

আয়াতে বর্ণিত মানব সৃষ্টির প্রতিটি পর্যায় অতিক্রম করতে সময় লাগে চল্লিশ দিন। এ কথা বুঝারী ও মুসলিমের হাদীসে আছে। মুহাম্মদ ইবন ইসহাক লিখেছেন, গোটা বনী ইসরাইলের মধ্যে এ সংবাদ দ্রুত ছড়িয়ে পড়ে যে, ‘মারযাম অন্তঃসন্তা হয়েছেন।’ এতে যাকারিয়া পরিবার দুঃখ শোকে সর্বাধিক মুহ্যমান হয়ে পড়ে। কোন কোন ধর্মহীন ব্যক্তি

(যিনদীক) জনেক ইউসুফের দ্বারা এরূপ হয়েছে বলে অপবাদ রটায়। ইউসুফ বায়তুল মুকাদ্দাসে একই সময়ে ইবাদত বন্দেগী করতেন। মারয়াম লোকালয় থেকে বহু দূরে লোকচক্ষুর অস্তরালে চলে যান। আল্লাহ বলেন, “গ্রসব বেদনা তাকে এক খর্জুর- বৃক্ষ তলে আশ্রয় নিতে বাধ্য করল।” ইমাম নাসাই (র) আনাস (রা) থেকে এবং বায়হাকী শান্দাদ ইব্ন আওস থেকে নির্দোষ সনদে মারফু’ হাদীছ বর্ণনা করেন যে, যে স্থানে মারয়াম আশ্রয় নিয়েছিলেন সে স্থানের নাম বায়তে লাহুম (বেথেলহাম)। পরবর্তীকালে জনেক রোমান সম্রাট ঐ স্থানে একটি সৌধ নির্মাণ করেন। সে স্মৃতি- সৌধ সম্পর্কে আমরা পরে আলোচন করব।

আল্লাহর বাণী “মারয়াম বলল হায়, আমি যদি কোনরূপে এর পূর্বে মারা যেতাম এবং মানুষের স্মৃতি থেকে সম্পূর্ণ বিলুপ্ত হয়ে যেতাম!” মারয়ামের এ মৃত্যু কামনা থেকে দলীল গ্রহণ করা হয়ে থাকে যে, ফিত্না বা মহা বিপদকালে মৃত্যু কামনা করা বৈধ। মারয়ামও এরূপ মহা-বিপদকালে মৃত্যু কামনা করেছিলেন। কেননা তিনি নিশ্চিত রূপেই বুঝতে পেরেছিলেন যে, আমার ইবাদত-বন্দেগী, পবিত্রতা, সার্বক্ষণিক মসজিদে অবস্থান ও ইতিকাফ করা, নবী পরিবারের লোক হওয়া ও দীনদারী সম্পর্কে লোকজন যতই অবগত থাকুক না কেন, যখনই আমি সন্তান কোলে নিয়ে তাদের মাঝে আসব তখনই তারা আমার বিরুদ্ধে অপবাদ দিবে। আমি যতই সত্য কথা বলি না কেন, তারা আমাকে মিথ্যাবাদী প্রতিপন্ন করবে।

এসব চিন্তা করেই তিনি উপরোক্ত কামনা করেন যে, এ অবস্থার সম্মুখীন হওয়ার আগেই যদি আমার মৃত্যু হয়ে যেত! কিংবা “মানুষের স্মৃতি থেকে সম্পূর্ণ বিলুপ্ত হয়ে যেতাম!” অর্থাৎ যদি আমার জন্মই না হত!

আল্লাহর বাণী, “অতঃপর নির দিক থেকে তাকে আহবান করল” কে এই আহবানকারী? আন্তর্ফী (র) ইব্ন আবুস (রা) থেকে বর্ণনা করেন যে, তিনি ছিলেন জিবরীল ফিরিশতা। শিশু ঈসা আহবানকারী নন; কেননা জনসম্মুখে যাওয়ার পূর্বে ঈসা (আ)-এর মুখ থেকে কোন কথা বের হয়নি। সাঈদ ইব্ন জুবায়র, আমর ইব্ন মায়মূন, যাহহাক, সুনী ও কাতাদা একুপই বলেছেন। কিন্তু মুজাহিদ, হাসান, ইব্ন যায়দ এবং সাঈদ ইবন জুবায়রের এক বর্ণনা মতে এই আহবানকারী ছিলেন, শিশু ঈসা (আ)। ইব্ন জারীর এই মতের সমর্থক।

আল্লাহর বাণীঃ “তুমি দুঃখ করো না। তোমার পালনকর্তা তোমার পাদদেশে একটি নহর সৃষ্টি করেছেন।”<sup>سَرِي</sup> এর অর্থ অধিকাংশ তাফসীরবিদদের মতে ছোট নহর। তাবারানী এ প্রসংগে একটি হাদীছ বর্ণনা করেছেন; কিন্তু সে হাদীছের সনদ দুর্বল। ইব্ন জারীর এ মত সমর্থন করেন এবং এটি বিশুদ্ধ মত। পক্ষান্তরে, হাসান, রাবী ইব্ন আনাস, ইব্ন আসলাম প্রমুখ মনীষীদের মতে<sup>سَرِي</sup> দ্বারা এখানে শিশু পুত্র ঈসাকে বুঝানো হয়েছে। কিন্তু পরবর্তী আয়াতের প্রতি লক্ষ্য করলে স্পষ্ট বুঝা যায় যে, প্রথম মতই সঠিক। আল্লাহ বলেন, “তুমি নিজের দিকে খেজুর গাছের কাণ্ডে নাড়া দাও, তা থেকে তোমার উপর সুপক্ষ তাজা খেজুর পতিত হবে।” আল্লাহ এ দু’ আয়াতে প্রথমে পানি ও পরে খাদ্যের ব্যবস্থার কথা জানিয়ে দিয়েছেন। তাই পরবর্তী আয়াতে বলেন; “এখন আহার কর, পান কর ও চক্ষু শীতল কর।” কেউ বলেছেন, খেজুর গাছটির কাণ্ডটি শুক্ষ ছিল। কেউ বলেছেন, শুক্ষ নয় ফলবাম ছিল। এ রকম

হওয়াও সম্ভব যে, খেজুর গাছটি তাজা ছিল, কিন্তু ঐ সময় তাতে ফল ছিল না। কেননা ঈসা (আ)-এর জন্য হয়েছিল শীতকালে। আর শীতকাল খেজুর ফলের মঙ্গসূম নয়। মারয়ামের প্রতি আল্লাহর অনুগ্রহ সূচক বাণী “তোমার উপর সুপক্ষ তাজা ফল পাতিত হবে” থেকে এই শেষোক্ত মতের সমর্থন বুঝা যায়। আমর ইব্ন মায়মুন বলেন, প্রসূতিদের জন্য খুরমা ও সুপক্ষ তাজা খেজুরের চেয়ে অধিক উৎকৃষ্ট খাদ্য আর নেই। এ কথা বলার পর তিনি উপরোক্ত আয়ত তিলাওয়াত করেন। ইব্ন আবি হাতিম..... আলী ইব্ন আবি তালিব (রা) থেকে বর্ণনা করেন, রাসূলুল্লাহ (সা) বলেছেনঃ খেজুর গাছকে তোমরা ভালবাস, সে তোমাদের ফুফু। কেননা তোমাদের পিতা আদমকে যে মাটি দ্বারা সৃষ্টি করা হয়েছিল সেই মাটি থেকেই খেজুর গাছের সৃষ্টি আর খেজুর গাছ ব্যতীত অন্য কোন গাছের নর-মাদার প্রজনন করা হয় না। রাসূলুল্লাহ (সা) বলেছেনঃ তোমাদের স্ত্রীগণ যেন শিশু সন্তানকে তাজা খেজুর খাওয়ায়। যদি তাজা খেজুর পাওয়া না যায় তা হলে অন্তত খুরমা যেন খেতে দেয়। জেনে রেখো, আল্লাহর নিকট সেই বৃক্ষের চেয়ে উত্তম কোন বৃক্ষ নেই, যে বৃক্ষের নীচে মারয়াম বিনত ইমরান অবতরণ করেছিলেন। এ হাদীসটি আবু ইয়ালাও তার মুসনাদ গ্রন্থে বর্ণনা করেছেন।

আল্লাহর বাণী : “যদি মানুষের মধ্যে কাউকে তুমি দেখ, তবে বলে দিওঃ আমি আল্লাহর উদ্দেশ্যে সওম মানত করেছি। সুতরাং আজ আমি কিছুতেই কোন মানুষের সাথে কথা বলব না।” মারয়ামকে তার নীচের দিক থেকে যিনি আহবান করেছিলেন সেই আহবানকারীর কথা এই পর্যন্ত শেষ হল। “ তুমি যদি কোন লোককে দেখ, তবে তাকে বলে দিও” এখানে মুখ দিয়ে কথা বলা নয় বরং ইশারা করে ও আপন অবস্থার প্রতি ইংগিত করার কথা বুঝানো হয়েছে। “আমি আল্লাহর উদ্দেশ্যে সওম মানত করেছি”। এখানে সওম অর্থ চুপ থাকা ও মৌনতা অবলম্বন করা। সে যুগের শরীআতে পানাহার ও বাক্যালাপ থেকে বিরত থাকাকে সওম বলা হত। কাতাদা, সুন্দী ও ইব্ন আসলাম এ কথা বলেছেন। পরবর্তী আয়তের দ্বারা তা’ বুঝা যায়। “আজ আমি কিছুতেই কোন মানুষের সাথে কথা বলব না।” কিন্তু আমাদের শরীআতে কোন রোষাদার ব্যক্তি যদি সকাল থেকে সন্ধ্যা পর্যন্ত চুপচাপ থাকে ও মৌনতা অবলম্বন করে কাটায় তবে তার রোষা মাকরহ হয়ে যায়।

আল্লাহর বাণী : “অতঃপর মার্যাম সন্তানকে নিয়ে তার সম্প্রদায়ের কাছে উপস্থিত হল। তারা বলল : “হে মারয়াম, তুমি তো একটি অদ্ভুত কাণ করে বসেছ। হে হারুন-ভগিনী, তোমার পিতা তো অসৎ লোক ছিল না এবং তোমার মা-ও ছিল না ব্যতিচারিণী।” আহলি-কিতাবদের উদ্ভৃতি দিয়ে প্রাথমিক যুগের বহু সংখ্যক আলিম বলেন যে, মারয়ামের সম্প্রদায়ের লোকেরা যখন দেখল, মারয়াম তাদের মাঝে নেই, তখন তারা তাঁর সঙ্গানে বের হয়। অবশ্যে তারা মারয়ামের নিকট পৌঁছে সে স্থানটিকে জ্যোতির্ময় দেখতে পেল এবং তার সাথে নবজাত সন্তান দেখে বলল, হে মারয়াম, তুমি তো এক বড় ধরনের অপরাধ করে বসেছ। কিন্তু তাদের এই বক্তব্য সংশয়মুক্ত নয়। এর প্রথম অংশ শেষ অংশের সাথে সাংঘর্ষিক। কেননা, কুরআনের ভাষ্য থেকে স্পষ্ট বুঝা যাচ্ছে যে, মারয়াম তার নবজাত শিশুকে নিজে কোলে নিয়ে সম্প্রদায়ের নিকট উপস্থিত হয়েছিলেন। ইব্ন আববাস (রা) বলেছেন, সন্তান ভূমিষ্ঠ

হওয়ার চল্লিশ দিন পর ও নিফাসের ইন্দত থেকে পবিত্র হওয়ার পর মারয়াম সম্প্রদায়ের নিকট এসেছিলেন।

মোটকথা, মারয়ামের সম্প্রদায়ের লোকেরা যখন তাঁর কোলে নবজাত শিশু সন্তানকে দেখল তখন বলল : “হে মারয়াম! তুমি তো এক বিরাট অন্যায় কাজ করে ফেলেছ।” فرية وفريباً  
হচ্ছে যে কোন গুরুতর অপকর্ম বা জঘন্য উক্তি। অতঃপর তারা মারয়ামকে উদ্দেশ্য করে বলল, “হে হারনের বোন!” এই হারন কে, সে সম্পর্কে বিভিন্ন মতামত রয়েছে। এক মতানুযায়ী ঐ যুগে হারন নামে একজন সুপ্রিসিঙ্ক ইবাদতকারী লোক ছিলেন। মারয়াম বেশী পরিমাণ ইবাদত করে তাঁর সম্পর্কায়ে উন্নীত হয়েছিলেন। এই সাদৃশ্যের জন্যই মারয়ামকে হারনের বোন বলা হয়েছে। সাঙ্গে ইব্ন জুবায়ির বলেন, ঐ যুগে হারন নামে এক জঘন্য লোক ছিল। তার সাথে তুলনা করে হারনের বোন বলা হয়েছে। তৃতীয় মতানুযায়ী ইনি মূসা (আ)-এর ভাই হারন। তাঁর ইবাদতের সাথে মারয়ামের ইবাদতের সাদৃশ্য থাকায় এখানে হারনের বোন বলা হয়েছে। চতুর্থ মত মুহাম্মদ ইব্ন কাব আল-কুরাজীর, যাতে বলা হয়েছে, এই মারয়াম মূসা ও হারন (আ)-এর সহোদর বোন। সে কারণে হারনের বোন বলা হয়েছে। কিন্তু এ মতটি যে সম্পূর্ণ ভাস্ত তা সামান্য শিক্ষিত লোকের কাছেও স্পষ্ট। কেননা ঈসার মা মারয়াম ও হারন-মূসার মধ্যে দীর্ঘ সময়ের ব্যবধান রয়েছে। তবে মুহাম্মদ কুরাজী সম্ভবত তাওরাতের একটি বর্ণনা থেকে বিভ্রান্ত হয়েছেন। ঐ বর্ণনায় আছে, যে তারিখে আল্লাহু মূসা (আ)-কে মুক্তি দিয়েছিলেন এবং ফিরআওন ও তার দলবলকে ডুবিয়ে মেরেছিলেন, প্রতি বছর সেই তারিখে মূসা ও হারনের বোন মারয়াম আনন্দে ঢোল পিটাতেন। কুরাজী মনে করেছেন এই মারয়াম ও ঐ মারয়াম অভিন্ন। কিন্তু তাঁর এ ধারণা সম্পূর্ণ ভুল। তা ছাড়া এটা সহীহ হাদীস ও কুরআনী বর্ণনার পরিপন্থী। তাফসীর গ্রন্থে এ বিষয়ে আমরা বিশদ আলোচনা করেছি। পঞ্চম মতে, হারন মারয়ামেরই সহোদর ভাই। সহীহ হাদীসে বর্ণিত হয়েছে যে, ঈসার মা মারয়ামের হারন নামে এক ভাই ছিলেন। মারয়ামের জন্ম ও তাঁর মা কর্তৃক মানত করার ঘটনায় কোথাও এ কথা বলা হয়নি যে, মারয়াম তাঁর বাপ মায়ের একমাত্র কন্যা ছিলেন, তাঁর কোন ভাই ছিল না।

ইমাম আহমদ ..... মুগীরা ইব্ন শু'বা থেকে বর্ণিত। মুগীরা বলেন, রাসূলুল্লাহ (সা) আমাকে নাজরামে প্রেরণ করেন। নাজরানবাসীরা আমাকে বলল, আপনারা কুরআনে পড়েন ۖ  
بَلَى ۖ هَذِهِ هَارُونَ ۖ হে হারনের বোন! কিন্তু এর অর্থের দিকে কি লক্ষ্য করেছেন ۖ কেননা হারনের  
ভাই মূসা ও মারয়াম-তনয় ঈসার মাঝে তো সময়ের বিরাট ব্যবধান। মুগীরা বলেন, আমি  
মদীনায় ফিরে এসে রাসূলুল্লাহ (সা)-কে বিষয়টি জানাই। তিনি বললেন, তুমি তাদেরকে এ  
কথা কেন বললে না যে, মানুষ তখন পূর্ববর্তী নবী ও সত্যনিষ্ঠ লোকের নামের সাথে মিলিয়ে  
নাম রাখত। ইমাম মুসলিম, নাসাই ও তিরমিয়ী এ হাদীসটি আবদুল্লাহ ইব্ন ইদ্রীস থেকে  
বর্ণনা করেছেন। তিরমিয়ী একে হাসান, সহীহ ও গরীব আখ্যায়িত করে বলেছেন, ইব্ন ইদ্রীস  
ব্যতীত অন্য কারও থেকে আমরা এ হাদীস পাইনি। অন্য বর্ণনায় আছে, রাসূলুল্লাহ (সা)  
বলেছিলেন : তাদেরকে তুমি কেন এ উন্নত দিলে না যে, তারা তাদের পূর্ববর্তী সৎলোক ও  
নবীদের নামের অনুসরণে নাম রাখত। কাতাদা প্রযুক্ত আলিমগণ উল্লেখ করেছেন যে, সে সময়ে

প্রচুর লোকের নাম রাখা হত হারুন বলে। কথিত আছে, একবার তাদের এক জানায়ায় বহু লোক উপস্থিত হয়। তন্মধ্যে হারুন নামধারী লোকের সংখ্যাই ছিল চল্লিশ হাজার।

মোটকথা, তারা বলেছিল, “হে হারুনের বোন” এবং হাদীস থেকেও প্রমাণ পাওয়া যায় যে, হারুন নামে মারয়ামের এক জ্ঞাতি ভাই ছিলেন এবং দীনদারী ও পরহেয়গারীতে তাঁর সুখ্যাতি ছিল। তখন তারা বলল : ”তোমার পিতা অসৎ লোক ছিলেন না এবং তোমার মা-ও ছিলেন না ব্যভিচারিণী।” অর্থাৎ তুমি তো এমন পরিবারের মেয়ে নও, যাদের চরিত্র এত নীচু পর্যায়ের। তোমার পরিবারের কেউই তো মন্দ কাজে জড়িত ছিল না। তোমার ভাই, পিতা ও মাতা কেউ তো এরূপ ছিলেন না। এভাবে তারা মারয়ামের চরিত্রে কলংক লেপে দিল এবং মহা অপবাদ আরোপ করল। ইব্ন জারীর (র) তাঁর ইতিহাস ঘষ্টে লিখেছেন, তারা হযরত যাকারিয়া (আ) এর উপর অসৎ কর্মের অপবাদ দেয় এবং তাঁকে হত্যা করার ষড়যন্ত্র করে। যাকারিয়া (আ) সেখান থেকে পলায়ন করলে তারাও তাঁর পিছু ধাওয়া করে। সম্মুখে একটি গাছে তাকে আশ্রয় দেয়ার জন্যে দ্বিখণ্ডিত হয়ে যায়। তিনি তার মধ্যে প্রবেশ করেন কিন্তু ইবলীস তাঁর চাদরের আঁচল টেনে ধরে। তখন তারা গাছটি সহ তাঁকে দ্বিখণ্ডিত করে দেয়।

কতিপয় মুনাফিক মার্যামকে তাঁর খালাত ভাই ইউসুফ ইয়াকুব আল-নাজ্জারকে জড়িয়ে অপবাদ দেয়। সম্প্রদায়ের লোকদের এ সব অপবাদের মুখে মারয়ামের অবস্থা যখন সঙ্গীন হয়ে পড়ল, বাকশক্তি রুক্ষ হয়ে গেল এবং নিজেকে অপবাদ থেকে মুক্ত করার কোন উপায়ই রইলো না, তখন তিনি মহান আল্লাহর উপর ভরসা রেখে “হাত দ্বারা সন্তানের দিকে ইংগিত করলেন।” অর্থাৎ সন্তানের দিকে ইংগিত করে তাদেরকে বুঝিয়ে দিলেন যে, তোমরা ওর কাছে জিজ্ঞেস কর এবং তার সাথে কথা বল। কেননা, তোমাদের প্রশ্নের জওয়াব তার কাছে পাওয়া যাবে এবং তোমরা যা শুনতে চাচ্ছ, তা তার কাছেই আছে। তখন উপস্থিত জনতার মধ্য থেকে দুষ্ট-দুর্দান্ত প্রকৃতির লোকেরা বলল : “যে কোলের শিশু, তার সাথে আমরা কেমন করে কথা বলব ?” অর্থাৎ তুমি আমাদের প্রশ্নের উত্তর অবুৰু শিশু বাচ্চার উপর কি করে ছেড়ে দিলে ? সে তো সবেমাত্র কোলের শিশু। যে মাথন ও ঘোলের মধ্যে পার্থক্য করতে জানে না। তুমি আমাদের সাথে ঠাট্টা-বিদ্রূপ করছ এবং মুখ দ্বারা কথা না বলে, অবুৰু শিশুর দিকে ইংগিত করে আমাদের সাথে উপহাস করছ। ঠিক এমন সময় শিশু ঈসা বলে উঠলেন : “আমি তো আল্লাহর বান্দা। তিনি আমাকে কিতাব দিয়েছেন এবং আমাকে নবী করেছেন। আমি যেখানেই থাকি, তিনি আমাকে বরকতময় করেছেন। তিনি আমাকে নির্দেশ দিয়েছেন, যতদিন জীবিত থাকি, ততদিন সালাত ও যাকাত আদায় করতে এবং মায়ের অনুগত থাকতে এবং আমাকে তিনি উদ্বৃত্ত ও হতভাগ্য করেন নি। আমার প্রতি সালাম যেদিন আমি জন্মগ্রহণ করেছি। যে দিন মৃত্যুবরণ করব এবং যে দিন পুনরুজ্জীবিত হয়ে উঠিত হব।” (১৯ মারয়াম ৩০-৩২)

এই হল ঈসা (আ) মুখ থেকে প্রকাশিত প্রথম কথা।

সর্বপ্রথম তিনি বললেন : “আমি আল্লাহর বান্দা”, এ কথার দ্বারা তিনি আল্লাহর দাসতৃকে স্বীকার করে নেন এবং আল্লাহ যে তাঁর প্রতিপালক এ কথার ঘোষণা দেন। ফলে জালিম লোকেরা দাবি করে যে, ঈসা (আ) আল্লাহর পুত্র, এ থেকে আল্লাহ যে পবিত্র তা তিনি ঘোষণা

করেন। ঈসা আল্লাহর পুত্র নন বরং তিনি যে, তাঁর বান্দা ও রাসূল এবং তাঁর এক দাসীর পুত্র একথাও ঘোষণা করেন। এরপর জাহিল লোকেরা তাঁর মায়ের উপর যে অপবাদ দিয়েছিল সে অপবাদ থেকে তাঁর মা যে পবিত্র ছিলেন সে সম্পর্কে বলেন, “আল্লাহ আমাকে কিতাব দিয়েছেন ও নবী করেছেন।” কেননা আল্লাহ এমন ব্যক্তিকে নবুওত দান করেন না, যার জন্ম হয় ব্যভিচারের মাধ্যমে। অথচ ঈসব অভিশপ্ত লোকগুলো ঈসা (আ)-এর প্রতি সেরুপ কৃৎসিং ধারণাই পোষণ করেছিল। সূরা নিসায় আল্লাহ বলেন, “তারা লা’নতহস্ত হয়েছিল তাদের কুফরীর জন্যে এবং মার্যামের প্রতি গুরুতর অপবাদ দেওয়ার জন্যে (৪ নিসা : ১৫৬)।

সেই যুগের কতিপয় ইহুদী এই অপবাদ রচিয়ে দিয়েছিল যে, মার্যাম ঝটুবতী অবস্থায় ব্যভিচারে লিঙ্গ হন। এতে তিনি অন্তঃসন্ত্বা হন (আল্লাহর লা’নত তাদের প্রতি)। আল্লাহ এ অপবাদ থেকে তাঁকে মুক্ত বলে ঘোষণা করেন এবং জানান যে, তিনি মহাসত্যবাদী তাঁর পুত্রকে আল্লাহ নবী ও রাসূল বানিয়েছেন। শুধু নবী-রাসূলই বানাননি, সমস্ত নবীদের মধ্যে শীর্ষস্থানীয় পাঁচজনের অন্যতম করেছেন। এ দিকেই ইংগিত করে শিশু ঈসা (আ) বললেন : “যেখানেই আমি থাকি না কেন, তিনি আমাকে বরকতময় করেছেন।” কেননা, তিনি যেখানেই থাকতেন সেখানেই মানুষকে এক ও অদ্বিতীয় আল্লাহর ইবাদতের দিকে আহ্বান জানাতেন। একই সাথে আল্লাহকে স্তু-পুত্র গ্রহণসহ যাবতীয় দোষ-ক্রটি মুক্ত হওয়ার ঘোষণা করতেন। “তিনি আমাকে সালাত ও যাকাতের নির্দেশ দিয়েছেন যতদিন আমি জীবিত থাকি।” এখানে বান্দার জন্যে দুটি স্থায়ী কর্মসূচীর উল্লেখ করা হয়েছে, যথা : সালাতে আল্লাহর সম্মুখে দণ্ডয়মান হওয়া ও যাকাত প্রদানের মাধ্যমে সৃষ্টির সেবা করা। সালাতের দ্বারা দাসত্বের গুণাবলী বিকশিত হয় আর যাকাত আদায়সহ অভাবী লোকদের সাহায্য, অতিথি সেবা, পরিবারবর্গের ভরণ-পোষণ, দাস-মুক্তি ও অন্যান্য সৎকাজে অর্থ ব্যয়ের দ্বারা যেমন উন্নত চরিত্র গড়ে উঠে, তেমনি অর্থ-সম্পদও পবিত্র হয়। অতঃপর বলেন : “এবং নির্দেশ দিয়েছেন আমার মায়ের অনুগত থাকতে এবং আমাকে তিনি উদ্ধৃত ও হতভাগ্য করেন নি।” অর্থাৎ আল্লাহ আমাকে মায়ের অনুগত করে সৃষ্টি করেছেন। শুধুমাত্র মায়ের আনুগত্যের কথা এ জন্যে বলেছেন যে, তিনি পিতা বিহীনই জন্মগ্রহণ করেন। মহান সেই সত্তা যিনি সমগ্র জগতের স্বষ্টা এবং যিনি তাঁর সৃষ্টিকে পবিত্র রেখেছেন এবং প্রত্যেককে সঠিক দিক নির্দেশনা দিয়েছেন। “এবং আমাকে তিনি উদ্ধৃত ও হতভাগ্য করেন নি।” অর্থাৎ আল্লাহ আমাকে পাশাণ-হন্দয় ও কর্কশভাসী করেন নি এবং আল্লাহর নির্দেশ ও আনুগত্যের পরিপন্থী কোন কথা বা কাজ আমার দ্বারা হবার নয়। “আমার প্রতি শান্তি যেদিন আমি জন্মাত্ব করেছি, যেদিন আমার মৃত্যু হবে এবং যেদিন জীবিত অবস্থায় আমি পুনরুত্থিত হব।” উল্লেখিত তিনটি অবস্থায় শান্তির গুরুত্ব সম্পর্কে ইতিপূর্বে হয়রত ইয়াহইয়া ইব্ন যাকারিয়ার বর্ণনা প্রসঙ্গে আলোচনা করা হয়েছে।

এ পর্যন্ত হয়রত ঈসা ইব্ন মার্যাম সম্পর্কে বিস্তারিত আলোচনা করার পর আল্লাহ বলেছেন : “এই মার্যাম-তনয় ঈসা, আমি সত্য কথা বলে দিলাম, যে বিষয়ে লোকেরা বিতর্ক করছে। সন্তান গ্রহণ করা আল্লাহর কাজ নয়, তিনি পবিত্র মহিমময় সন্তা। তিনি যখন কিছু করার সিদ্ধান্ত করেন তখন বলেন, ‘হও’ এবং তা হয়ে যায়।” (১৯ মার্যাম : ৩৪, ৩৫)

এখানে যেমন বলা হয়েছে তেমনি সূরা আলে-ইমরানেও ঈসা (আ)-এর ঘটনা বিস্তারিত আলোচনা করার পর বলা হয়েছে :

ذَلِكَ نَتْلُوهُ عَلَيْكَ مِنَ الْآيَاتِ وَالذِّكْرِ الْحَكِيمِ。 إِنَّ مَثَلَ عِيسَىٰ عِنْدَ اللَّهِ  
كَمَثَلِ أَدَمَ。 خَلَقَهُ مِنْ تُرَابٍ ثُمَّ قَالَ لَهُ كُنْ فَيَكُونُ。 الْحَقُّ مِنْ رَبِّكَ فَلَا تَكُنْ  
مِنَ الْمُمْتَرِينَ。 فَمَنْ حَاجَكَ فِيهِ مِنْ بَعْدِ مَا جَاءَكَ مِنَ الْعِلْمِ فَقُلْ تَعَالَوْا  
نَدْعُ أَبْنَاءَنَا وَأَبْنَاءَكُمْ وَنِسَاءَنَا وَنِسَاءَكُمْ وَأَنفُسَنَا وَأَنفُسَكُمْ ثُمَّ نَبْتَهِلُ  
فَنَجْعَلْ لَعْنَتَ اللَّهِ عَلَى الْكُذَّابِينَ。 إِنَّ هَذَا لَهُوَ الْقَصَصُ الْحَقُّ - وَمَا مِنْ  
إِلَهٌ إِلَّا اللَّهُ وَإِنَّ اللَّهَ لَهُوَ الْعَزِيزُ الْحَكِيمُ。 فَإِنْ تَوَلَّوْا فَإِنَّ اللَّهَ عَلِيمٌ  
بِالْمُفْسِدِينَ.

—যা আমি তোমার নিকট বিবৃত করছি তার নির্দশন ও সারগত বাণী হতে। আল্লাহর নিকট ঈসার দৃষ্টান্ত আদমের দৃষ্টান্ত সদৃশ। তাকে মাটি থেকে সৃষ্টি করেছিলেন, অতঃপর তাকে বলেছিলেন, ‘হও’ ফলে সে হয়ে গেল। এ সত্য তোমার প্রতিপালকের নিকট হতে, সুতরাং তুমি সংশ্যকারীদের অন্তর্ভুক্ত হয়ে না। তোমার নিকট জ্ঞান আসার পর যে কেউ এ বিষয়ে তোমার সাথে তর্ক করে তাকে বল, এস, আমরা আহ্বান করি আমাদের পুত্রগণকে ও তোমাদের পুত্রগণকে, আমাদের নারীগণকে ও তোমাদের নারীগণকে, আমাদের নিজদেরকে ও তোমাদের নিজদেরকে; অতঃপর আমরা বিনীত আবেদন করি এবং মিথ্যাবাদীদের উপর দেই আল্লাহর লাভন্ত। নিশ্চয়ই এটা সত্য বৃত্তান্ত। আল্লাহ ব্যক্তিত অন্য কেনন ইলাহ নেই। নিশ্চয় আল্লাহ পরম প্রতাপশালী, প্রজ্ঞাময়। যদি তারা মুখ ফিরিয়ে নেয়, তবে নিশ্চয় আল্লাহ ফাসাদকারীদের সম্বন্ধে সম্যক অবহিত। (আল-ইমরান : ৫৮-৬৩)

এ কারণে নাজরান থেকে আগত প্রতিনিধি দলের সাথে রাসূলুল্লাহ (সা)-এর বিতর্কের পরিপ্রেক্ষিতে মুবাহালার আয়াত নায়িল হয়। নাজরানের এই খৃষ্টান প্রতিনিধি দলের সদস্য ছিল ষাটজন। তন্মধ্যে চৌদজন ছিল নেতৃস্থানীয় এবং তিনজন ছিল সকলের শীর্ষস্থানীয়। তাদের সিদ্ধান্তই ছিল সবার জন্যে পালনীয়। তারা হল— আকিব, সায়িদ ও আবু হারিছা ইব্ন আলকামা। তারা রাসূলুল্লাহ (সা)-এর সাথে হ্যরত ঈসা (আ) সম্বন্ধে বিতর্কে লিখ্ত হয়। তখন এ প্রসংগে আল্লাহ সূরা আলে ইমরানের প্রথমাংশে অবতীর্ণ করেন। এতে ঈসা মাসীহ সম্পর্কে, তাঁর জন্ম ও তাঁর মায়ের জন্ম প্রসংগে আলোচনা করা হয় এবং রাসূলুল্লাহ (সা)-কে নির্দেশ দেওয়া হয় যে, তারা যদি কথা না মানে ও তোমার আনুগত্য না করে তবে তাদের সাথে মুবাহালা (বিনীত প্রার্থনা) করবে। কিন্তু দেখা গেল, তারা মুবাহালা করা থেকে সরে দাঁড়াল এবং রাসূলুল্লাহর সাথে সঙ্গি করার জন্যে অগ্রসর হল। প্রতিনিধি দলের অন্যতম নেতা আকিব

সংগী খৃষ্টানদের সম্মোধন করে বলল, তোমরা তো নিশ্চিত জান যে, মুহাম্মদ অবশ্যই আল্লাহর প্রেরিত নবী, তোমাদের নবী ইসার সংবাদ অনুযায়ী সময়ের নির্দিষ্ট ব্যবধানে তিনি এসেছেন। তোমরা অবশ্যই অবগত আছ যে, কোন সম্প্রদায় আল্লাহর নবীর সাথে মুবাহালা করলে গোটা সম্প্রদায়ই ধ্রংস হয়ে যায়। তোমরাও যদি তাঁর সাথে মুবাহালা কর, তবে সম্মূলে ধ্রংস হয়ে যাবে। আর যদি মুবাহালা না কর তাহলে তোমাদের ধর্ম সুসংহত হবে এবং ইসা (আ) সম্বক্ষে তোমাদের যে দাবি, তাও প্রতিষ্ঠিত থাকবে। সুতরাং তাঁর সাথে সঙ্গে চুক্তি করে দেশে ফিরে যাও।

অতঃপর তারা রাসূলুল্লাহ (সা)-এর নিকট সঙ্গির প্রস্তাব দিল এবং জিয়িয়া কর ধার্মের আবেদন জানাল এবং সেই সাথে রাসূলের পক্ষ থেকে একজন নির্ভরযোগ্য লোক তাদের সংগে পাঠাবার অনুরোধ করে। রাসূলুল্লাহ (সা) তাদের প্রস্তাবে সম্মত হয়ে আবু উবায়দা ইব্ন জার্রাহ (রা)-কে তাদের সাথে পাঠিয়ে দিলেন। সূরা আলে-ইমরানের তাফসীরে আমরা এ বিষয়ে বিস্তারিত আলোচনা করেছি। সীরাতুন-নবী অধ্যায়ে এ প্রসংগে বিশদ আলোচনা করা হবে।

মোটকথা, আল্লাহ হয়রত ইসা-মাসীহর ঘটনা সুম্পষ্টভাবে বর্ণনা করেছেন। তিনি আপন রাসূলকে বলেছেন : “এ-ই-মারয়ামের পুত্র ইসা, সত্য কথা, যে সম্পর্কে লোকেরা বিতর্ক করে।” অর্থাৎ ইসা (আ) আল্লাহর এক সৃষ্টি দাস। তাঁর এক দাসীর গর্ত থেকে তাঁকে সৃষ্টি করা হয়েছে। এ কারণে আল্লাহ বলেন : আল্লাহ এমন নন যে, সন্তান গ্রহণ করবেন, তিনি পবিত্র ও মহিমাময় সন্তা। তিনি যখন কোন কাজ করার সিদ্ধান্ত করেন, তখন এ কথাই বলেন : ‘হও’ এবং তা হয়ে যায়। অর্থাৎ কোন কিছুই তাঁর সিদ্ধান্তকে অচল করতে পারে না। কোন কিছুর তিনি পরোয়া করেন না এবং কোন কাজে তিনি ক্লান্ত হন না। বরং তিনি সব কিছুই করতে সক্ষম, যা ইচ্ছা করেন তা-ই করে থাকেন। “তাঁর বিষয়টা হল এমন যে, যখন কোন কিছু ইচ্ছা করেন, তখন বলেন, ‘হও’ অতঃপর তা হয়ে যায়।” এরপর তিনি বলেন, নিশ্চয় আল্লাহ্ আমার পালনকর্তা ও তোমাদের পালনকর্তা। অতএব, তোমরা তাঁর ইবাদত কর। এটা সরল পথ।”

মায়ের কোলে থাকা অবস্থায় হয়রত ইসার কথা এই পর্যন্ত শেষ। তিনি তাদেরকে জানিয়ে দিলেন, আল্লাহ তার প্রতিপালক এবং তাদেরও প্রতিপালক; তার প্রভু এবং তাদেরও প্রভু। আর এটাই সরল পথ। আল্লাহ বলেন : “অতঃপর দলগুলো নিজেদের মধ্যে মতানৈক্য সৃষ্টি করল। সুতরাং দুর্ভোগ কাফিরদের মহাদিবস আগমন কালে।” অর্থাৎ সেই যুগের ও পরবর্তী যুগের লোক হয়রত ইসা (আ) সম্পর্কে বিভিন্ন দলে বিভক্ত হয়ে পড়ে। ইয়াহুদীদের এক দল বলল, ইসার ব্যভিচার জাত সন্তান এবং এ কথার উপরই তারা অটল হয়ে থাকল। আর এক দল আরও অগ্রসর হয়ে বলল, ইসাই আল্লাহ। অন্য দল বলল, সে আল্লাহর পুত্র। কিন্তু সৃষ্টিজ্ঞান সম্পন্ন লোকেরা বললেন, তিনি আল্লাহর বান্দা ও তাঁর রাসূল। আল্লাহর এক বাঁদীর সন্তান এবং আল্লাহর কলেমা যা মারয়ামের প্রতি প্রদান করেছিলেন এবং তিনি আল্লাহর প্রেরিত রহ। এই আল-বিদায়া ওয়ান নিহায়া (২য় খণ্ড) ১৮—

শেষোক্ত দলই মুক্তিপ্রাণ। সত্যের উপর প্রতিষ্ঠিত এবং আল্লাহর সাহায্যপুষ্ট। যে ব্যক্তি ই হ্যরত ঈসা (আ) সম্পর্কে উপরোক্ত বিষয়গুলোর কোন একটি ব্যাপারেও বিরোধিতা করবে, সেই হবে কাফির পথভৃষ্ট ও জাহিল। এ জাতীয় লোকদেরকেই সাবধান করে আল্লাহ বলেছেন : “সুতরাং মহাদিবস আগমন কালে কাফিরদের জন্যে ধ্বংস।”

ইমাম বুখারী (র) সাদাকা ইবনুল ফযলের সূত্রে উবাদা ইবনুস সামিত (রা) থেকে বর্ণনা করেন। রাসূলুল্লাহ (সা) বলেছেন : যে ব্যক্তি সাক্ষ্য দেবে যে, আল্লাহ ব্যতীত আর কোন ইলাহ নেই, তিনি একক, তাঁর কোন অংশীদার নেই, মুহাম্মদ (সা) তাঁর বান্দা ও রাসূল, ঈসা আল্লাহর বান্দা রাসূল ও কলেমা, যা মারয়ামের প্রতি অর্পণ করেছেন এবং আল্লাহর পক্ষ হতে প্রেরিত রহু। জান্নাত জাহান্নাম সত্য। আল্লাহ তাঁকে জান্নাত দান করবেন। তার আমল যে রকম ইউক না কেন। ওয়ালীদ বলেন..... রাবী জুনাদা আরও কিছু বেশী বর্ণনা করেছেন যে, জান্নাতের আটটি দরজার মধ্যে যেটি দ্বারা ইচ্ছা সে প্রবেশ করতে পারবে। ইমাম মুসলিম দাউদ ইবন রশীদের সূত্রে .... জাবির (রা) থেকে এবং অন্য সূত্রে আওয়াই থেকে অনুৱন্প হাদীস বর্ণনা করেছেন।

## আল্লাহ সন্তান গ্রহণ থেকে পবিত্র

এ প্রসংগে সূরা মারয়ামে আল্লাহ বলেন :

وَقَالُوا اتَّخَذَ الرَّحْمَنُ وَلَدًا. لَقَدْ جِئْتُمْ شَيْئًا أَدًا. تَكَادُ السَّمَاوَاتُ  
يَتَفَطَّرُنَ مِنْهُ وَتَنْشَقُ الْأَرْضُ وَتَخْرُجُ الْجِبَالُ هَذَا. أَنْ دَعَوْا لِلرَّحْمَنِ وَلَدًا.  
وَمَا يَنْبَغِي لِلرَّحْمَنِ أَنْ يَتَّخِذَ وَلَدًا. إِنْ كُلُّ مَنْ فِي السَّمَاوَاتِ وَالْأَرْضِ إِلَّا  
أَتَى الرَّحْمَنَ عَبْدًا. لَقَدْ أَحْصَمُهُمْ وَعَدَهُمْ عَدًا. وَكُلُّهُمْ أَتَيْهِ يَوْمَ الْقِيَامَةِ  
فَرْدًا.

—তারা বলে, দয়াময় সন্তান গ্রহণ করেছেন! তোমরা তো এক বীভৎস কথার অবতারণা করেছ; (অর্থাৎ তোমাদের এ কথা অত্যন্ত ডয়াবহ, কুরুচিপূর্ণ ও নিরোট মিথ্যা।) এতে যেন আকাশমণ্ডলী বিদীর্ঘ হয়ে যাবে, পৃথিবী খণ্ড-বিখণ্ড হবে ও পর্বতমণ্ডলী চূর্ণ-বিচূর্ণ হয়ে আপত্তি হবে, যেহেতু তারা দয়াময়ের প্রতি সন্তান আরোপ করে। অথচ সন্তান গ্রহণ করা দয়াময়ের জন্যে শোভন নয়। আকাশমণ্ডলী ও পৃথিবীতে এমন কেউ নেই, যে দয়াময়ের নিকট বান্দারপে উপস্থিত হবে না। তিনি তাদেরকে পরিবেষ্টন করে রেখেছেন এবং তিনি তাদেরকে বিশেষভাবে গণনা করেছেন, এবং কিয়ামত দিবসে তাদের সকলেই তাঁর নিকট আসবে একাকী অবস্থায়। (১৯ মারয়াম : ৮৮-৯৫)

উক্ত আয়াতসমূহে আল্লাহ স্পষ্ট বলে দিয়েছেন যে, সন্তান গ্রহণ করা আল্লাহর জন্যে মোটেই শোভনীয় নয়। কেননা তিনি সব কিছুরই সৃষ্টিকর্তা ও মালিক এবং সব কিছু তাঁর মুখাপেক্ষী ও অনুগত। আকাশমণ্ডলী ও পৃথিবীর সকলেই তাঁর দাস, তিনি এ সবের প্রতিপালক। তিনি ব্যতীত আর কোন উপাস্য নেই, আর কোন প্রতিপালকও নেই। যেমন আল্লাহ তা'আলা বলেন :

وَجَعَلُوا لِلَّهِ شُرَكَاءَ الْجِنَّ وَخَلَقُوهُمْ وَخَرَقُوا لَهُ بَنِينَ وَبَنَتِ بَغْيَرِ عِلْمٍ  
سُبْحَانَهُ وَتَعَلَّى عَمَّا يَصِفُونَ. بَدِيعُ السَّمَاوَاتِ وَالْأَرْضِ أَنَّى يَكُونُ لَهُ وَلَدٌ  
وَلَمْ تَكُنْ لَهُ صَاحِبَةٌ. وَخَلَقَ كُلَّ شَيْءٍ وَهُوَ بِكُلِّ شَيْءٍ عَلِيمٌ. ذَلِكُمُ اللَّهُ  
رَبُّكُمْ لَا إِلَهَ إِلَّاهُو—خَالقُ كُلِّ شَيْءٍ فَاعْبُدُوهُ—وَهُوَ عَلَى كُلِّ شَيْءٍ وَكَيْلٌ.  
لَا تَدْرِكُهُ الْأَبْصَارُ وَهُوَ يُدْرِكُ الْأَبْصَارَ—وَهُوَ لِلطَّيِّفُ الْخَيْرُ.

—তারা জিনকে আল্লাহর শরীক করে, অথচ তিনিই ওদেরকে সৃষ্টি করেছেন এবং তারা অজ্ঞতাবশত আল্লাহর প্রতি পুত্র-কন্যা আরোপ করে; তিনি পবিত্র মহিমাবিত! এবং তারা যা বলে, তিনি তার উর্ধ্বে। তিনি আসমান ও যমীনের স্ফটা, তাঁর সন্তান হবে কিরণে? তাঁর তো কোন স্ত্রী নেই? তিনিই তো সমস্ত কিছু সৃষ্টি করেছেন এবং প্রত্যেক বস্তু সম্পর্কে তিনিই সবিশেষ অবহিত। তিনিই তো আল্লাহ, তোমাদের প্রতিপালক; তিনি ব্যতীত কোন ইলাহ নেই; তিনিই সব কিছুর স্ফটা; সুতরাং তোমরা তাঁর ইবাদত কর; তিনি সব কিছুর তত্ত্বাবধায়ক। তিনি দৃষ্টির অধিগম্য নহেন কিন্তু দৃষ্টি শক্তি তাঁর অধিগত এবং তিনিই সৃষ্টিদর্শী, সম্যক পরিজ্ঞাত। (৬ আনাম : ১০০-১০৩)

এখানে আল্লাহ স্পষ্ট জানিয়েছেন যে, তিনি সব কিছুর সৃষ্টিকর্তা। সুতরাং কিরণে তাঁর সন্তান হতে পারে? আমরা জানি, সম-শ্রেণীর দু'জনের মিলন ব্যতীত সন্তান হয় না। আর আল্লাহর সমকক্ষ, সদৃশ ও সমশ্রেণীর কেউ নেই। অতএব, তাঁর স্ত্রীও নেই। সুতরাং তাঁর সন্তানও হতে পারে না। যেমন আল্লাহ তা'আলা বলেন :

قُلْ هُوَ اللَّهُ أَحَدٌ—اللَّهُ الصَّمَدُ—لَمْ يَلِدْ وَلَمْ يُوْلَدْ وَلَمْ يَكُنْ لَّهُ كُفُواً أَحَدٌ.

বল, তিনিই আল্লাহ একক ও অদ্বিতীয়। আল্লাহ কারও মুখাপেক্ষী নহেন, সকলেই তাঁর মুখাপেক্ষী। তিনি কাউকেও জন্ম দেননি এবং তাঁকেও জন্ম দেয়া হয়নি এবং তাঁর সমতুল্য কেউ-ই নেই। (১১২ ইখলাস : ১ - ৪)

আল্লাহ ‘একক’ অর্থ তিনি এমন এক অস্তিত্ব যাঁর সন্তান কোন সদৃশ নেই। গুণবলীর কোন দৃষ্টান্ত নেই এবং কর্মকাণ্ডের কোন উদাহরণ নেই। (আস-সামাদ) এমন মনিবকে বলা হয় যার মধ্যে জ্ঞান, প্রজ্ঞা, করুণা ও সমস্ত গুণবলী পরিপূর্ণভাবে থাকে লে ব্যাদ। তিনি কাউকে জন্ম দেননি। অর্থ পূর্বের কোন কিছু থেকে তিনি সৃষ্টি নন। ও লে ব্যাদ কুণ্ড কুণ্ড নেই। অর্থাৎ তাঁর সমকক্ষ, সমপর্যায়ের ও সমান আর কেউ নেই। এ আয়াতগুলো থেকে জানা গেল যে, আল্লাহর নয়ীর, কাছাকাছি, তাঁর চেয়ে উর্ধ্বে বা সমপর্যায়ের অন্য কেউ নেই। সুতরাং তাঁর সন্তান হওয়ার কোন পথই খোলা নেই। কেননা সন্তান জন্ম হয় সম-জাতীয় বা অন্তর্ভুক্ত সম-শ্রেণীর কাছাকাছি দু'জনের মাধ্যমে কিন্তু আল্লাহ তার অনেক উর্ধ্বে। অন্যত্র আল্লাহ বলেনঃ

يَا أَهْلَ الْكِتَبِ لَا تَغْلِبُوا فِي دِينِكُمْ وَلَا تَقُولُوا عَلَى اللَّهِ إِلَّا الْحَقُّ—إِنَّمَا  
الْمَسِيحُ عِيسَى ابْنُ مَرِيمَ رَسُولُ اللَّهِ وَكَلِمَتُهُ—الْقَهَا إِلَى مَرِيمَ وَرُوحُ مِنْهُ  
فَأَمِنُوا بِاللَّهِ وَرَسُولِهِ وَلَا تَقُولُوا ثَلَثَةً—إِنَّهُمْ خَيْرًا لَّكُمْ—إِنَّمَا اللَّهُ أَهْلُ  
وَاحِدَ سُبْحَنَهُ أَنْ يَكُونَ لَهُ وَلَدٌ—لَهُ مَا فِي السَّمَاوَاتِ وَمَا فِي الْأَرْضِ وَكَفَى  
بِاللَّهِ وَكِيلًا. لَنْ يَسْتَنْكِفَ الْمَسِيحُ أَنْ يَكُونَ عَبْدًا لِّلَّهِ وَلَا الْمَلَائِكَةُ  
الْمُقْرَبُونَ وَمَنْ يَسْتَنْكِفْ عَنْ عِبَادَتِهِ وَيَسْتَكْبِرْ فَسَيَحْشُرُهُمْ إِلَيْهِ

جَمِيعًاٍ . فَأَمَّا الَّذِينَ أَمْنَوْا وَعَمِلُوا الصَّالِحَاتِ فَيُوَفَّىٰهُمْ أُجُورُهُمْ وَيَزِيدُهُمْ مِّنْ فَضْلِهِ وَأَمَّا الَّذِينَ اسْتَكْبَرُوا وَاسْتَكْبَرُوا فَيَعْذَبُهُمْ عَذَابًا أَلِيمًا وَلَا يَجِدُونَ لَهُمْ مِّنْ دُونِ اللَّهِ وَلِيًّا وَلَا نَصِيرًا .

—হে কিতাবীগণ! দীনের ব্যাপারে বাড়াবাড়ি করো না ও আল্লাহর সম্বন্ধে সত্য ব্যক্তিত বলো না। মারযাম তনয় ঈসা মসীহ তো আল্লাহর রাসূল এবং তাঁর বাণী, যা তিনি মারযামের নিকট প্রেরণ করেছিলেন ও তাঁর আদেশ। সুতরাং তোমরা আল্লাহ ও তাঁর রাসূলে ঈমান আন এবং বলো না তিনি। নিবৃত্ত হও, এটা তোমাদের জন্যে কল্যাণকর হবে। আল্লাহ তো একমাত্র ইলাহ; তাঁর সন্তান হবে— তিনি এ থেকে পবিত্র। আসমান ও যমীনে যা কিছু আছে সব আল্লাহরই; কর্মবিধানে আল্লাহই যথেষ্ট। মসীহ আল্লাহর বান্দা হওয়াকে কথনো হেয় জ্ঞান করে না, এবং ঘনিষ্ঠ ফেরেশতাগণও করে না। এবং কেউ তাঁর ইবাদতকে হেয় জ্ঞান করলে এবং অহংকার করলে তিনি অবশ্যই তাদের সকলকে তাঁর নিকট একত্র করবেন। যারা ঈমান আনে ও সৎকার্য করে তিনি তাদেরকে পূর্ণ পুরস্কার দান করবেন এবং নিজ অনুগ্রহে আরও বেশী দিবেন; কিন্তু যারা হেয় জ্ঞান করে ও অহংকার করে তাদেরকে তিনি মর্মস্তুদ শাস্তি দান করবেন এবং আল্লাহ ব্যক্তিত তাদের জন্যে তারা কোন অভিভাবক ও সহায় পাবে না। (৪ নিসা : ১৭১ - ১৭৩)

আল্লাহ আহলে কিতাব ও তাদের অনুরূপ সম্প্রদায়কে ধর্মীয় বিষয়ে বাড়াবাড়ি ও অহংকার প্রদর্শন করতে নিষেধ করেছেন। ধর্মে বাড়াবাড়ি অর্থ আকীদা-বিশ্বাস ও ক্রিয়া-কর্মে নির্ধারিত সীমা লজ্জন করা। নাসারা বা খৃষ্টান সম্প্রদায় মাসীহ-এর ব্যাপারে বাড়াবাড়ি ও সীমা লজ্জন করেছে। এ ক্ষেত্রে তাদের উচিত ছিল তাঁকে আল্লাহর বান্দা ও রাসূল হিসেবে বিশ্বাস করা এবং এই আকীদা পোষণ করা যে, তিনি আল্লাহর সতী বাঁদী কুমারী মারযামের সন্তান। ফিরিশতা জিবরাইলকে আল্লাহ মারযামের নিকট প্রেরণ করেন। তিনি আল্লাহর হৃকুম অনুযায়ী মারযামের মধ্যে ফুঁক দেন। এই প্রক্রিয়ায় হ্যরত ঈসা (আ) মারযামের গর্ভে আসেন। ফিরিশতার ফুঁকে মারযামের ভিতর যে জিনিসটি প্রবেশ করে, তা'হল রহল্লাহ বা আল্লাহর রহ। এই রহ আল্লাহর কোন অংশ নয় বরং আল্লাহর সৃষ্টি বা মাখ্লুক। আল্লাহর দিকে রহকে সম্পর্কিত করা হয়েছে সম্মানার্থে ও গুরুত্ব প্রকাশের উদ্দেশ্যে। যেমন বলা হয়ে থাকে, বায়তুল্লাহ (আল্লাহর ঘর), নাকাতুল্লাহ (আল্লাহর উদ্ধৃতি) আবদুল্লাহ (আল্লাহর বান্দা) ইত্যাদি। অনুরূপ একই উদ্দেশ্যে বলা হয়েছে রহল্লাহ অর্থাৎ আল্লাহর রহ। বিনা পিতায় জন্ম হওয়ায় হ্যরত ঈসাকে বলা হয়েছে রহল্লাহ। তাঁকে কালেমাতুল্লাহ বা আল্লাহর কলেমাও (বাণী) বলা হয়। কেননা আল্লাহর এক কলেমার (বাণী) দ্বারাই তিনি অস্তিত্ব লাভ করেন। যেমন আল্লাহ বলেছেন :

إِنَّ مَثَلَ عِيسَىٰ عِنْدَ اللَّهِ كَمَثَلِ ادْمَ حَلَقَةٌ مِّنْ تُرَابٍ ۗ ثُمَّ قَالَ لَهُ كُنْ فَيَكُونُ .

আল্লাহর নিকট ঈসার দৃষ্টান্ত আদমের দৃষ্টান্ত সদৃশ । তাকে বলেছিলেন, হও, ফলে সে হয়ে গেল । (৩ আলে ইমরান : ৫৯) । অন্যত্র আল্লাহ বলেছেন : তারা বলে, আল্লাহ সন্তান গ্রহণ করেছেন । তিনি অতি পবিত্র । বরং আকাশমণ্ডলী ও পৃথিবীতে যা কিছু আছে সব আল্লাহরই । সব কিছু তাঁরই একান্ত অনুগত । আল্লাহ আকাশমণ্ডলী ও পৃথিবীর স্মষ্টা । এর ফলে তিনি কোন কিছু করতে সিদ্ধান্ত করেন, তখন তার জন্য শুধু বলেন, ‘হও’ আর তা হয়ে যায় । (২ বাকারা ১১৬ - ১১৭)

এখানে আল্লাহ তা‘আলা বলেছেন, ইয়াছদীরা বলে, উয়ায়র আল্লাহর পুত্র এবং খৃষ্টানরা বলে, মসীহ আল্লাহর পুত্র । এটা তাদের মুখের কথা । পূর্বে যারা কুফরী করেছিল এরা তাদের মত কথা বলে । আল্লাহ ওদেরকে ধ্বংস করুন! তারা কেমন করে সত্য বিমুখ হয় ।” (৯ তা ওবা : ৩০) । এখানে আল্লাহ জানিয়ে দিয়েছেন যে, ইয়াছদী ও খৃষ্টান অভিশপ্ত উভয় দলই আল্লাহর ব্যাপারে অন্যায় ও অযৌক্তিক দাবি করেছে এবং ধারণা করেছে যে, আল্লাহর পুত্র সন্তান আছে । অথচ তাদের এ দাবির বহু উর্ধ্বে আল্লাহর মর্যাদা । আল্লাহ আরও জানিয়েছেন যে, তাদের এ দাবি সম্পূর্ণ মনগড়া । এদের পূর্ববর্তী পথভ্রষ্ট মানুষও এ জাতীয় মনগড়া উক্তি করেছে । তাদের সাথে এদের অন্তরের মিল রয়েছে । যেমন পথভ্রষ্ট গ্রীক দার্শনিকগণ বলেছেন, ওয়াজিবুল উজুদে ঈশ্বর বা আল্লাহ তাদের পরিভাষার আদি কারণ বা প্রথম অস্তিত্ব । **عَلَى الْعِلْمِ وَالْمُبْدَا** (عَلَى الْعِلْمِ وَالْمُبْدَا) । থেকে আকলে আউয়াল (বুদ্ধি সন্তা) প্রকাশ পায় । অতঃপর আকলে আউয়াল থেকে দ্বিতীয় আকলে (বুদ্ধিসন্তা) প্রাণ (نفس) আকাশ/কক্ষপথ (فالك) সৃষ্টি হয় । অতঃপর দ্বিতীয় আকল থেকে অনুরূপ তিনটি সৃষ্টির উভ্র হয় । এভাবে চলতে চলতে বুদ্ধিসন্তা ১০টি প্রাণ (نفس) ৯টি এবং আকাশ/কক্ষপথ ৯ টিতে গিয়ে শেষ হয়েছে । এগুলোর প্রত্যেকটির যে সব নাম তারা উল্লেখ করেছে এবং তাদের শক্তি ও ক্ষমতার যে বর্ণনা দিয়েছে তা সম্পূর্ণ মিথ্যা, মনগড়া ও নেহাং ধারণা প্রসূত । তাদের বক্তব্যের অসারতা, ভ্রষ্টতা ও মুর্খতা বর্ণনা করার স্থান এটা নয় । অনুরূপ আরবের কতিপয় মুশরিক গোত্র মূর্খতাবশত বিশ্বাস করত যে, ফিরিশতাগণ আল্লাহর কন্যা । তাদের মতে, আল্লাহ মর্যাদাবান জিন সর্দারদের জামাতা । উভয়ের মাধ্যমে জন্ম হয়েছে ফিরিশতা । এ সূত্রেই ফিরিশতাগণ আল্লাহর কন্যা অথচ আল্লাহ এ জাতীয় শির্ক থেকে সম্পূর্ণ মুক্ত ও পবিত্র ।

আল্লাহর বাণী :

**وَجَعَلُوا الْمَلِئَةَ الدِّينَ هُمْ عِبَادُ الرَّحْمَنِ إِنَّا ثُ- أَشَهِدُوا خَلْقَهُمْ سَتُكْتَبُ  
شَهَادَتُهُمْ وَيُسْأَلُونَ-**

তারা দয়াময় আল্লাহর বান্দা ফিরিশতাদরকে নারী গণ্য করেছে; এদের সৃষ্টি কি তারা প্রত্যক্ষ করেছিল? তাদের উক্তি লিপিবদ্ধ করা হবে এবং তাদেরকে জিজ্ঞেস করা হবে । (৪৩ যুখরুফ : ১৯)

এ প্রসংগে অন্যত্র আল্লাহ বলেন : এখন তাদেরকে জিজ্ঞেস কর, তোমার প্রতিপালকের জন্যেই কি রয়েছে কন্যা সন্তান এবং ওদের জন্যে পুত্র সন্তান? অথবা আমি কি ফিরিশতাদেরকে

নারীরপে সৃষ্টি করেছিলাম আর তারা তা প্রত্যক্ষ করছিল? দেখ, ওরা তো মনগড়া কথা বলে যে, আল্লাহ সন্তান জন্ম দিয়েছেন। ওরা নিশ্চয়ই মিথ্যাবাদী। তিনি কি পুত্র সন্তানের পরিবর্তে কন্যা সন্তান পছন্দ করতেন? তোমাদের কী হয়েছে, তোমরা কিরণ বিচার কর? তবে কি তোমারা উপদেশ গ্রহণ করবে না? তোমাদের কী সুস্পষ্ট দলীল প্রমাণ আছে? তোমরা সত্যবাদী হলে তোমাদের কিতাব উপস্থিত কর। ওরা আল্লাহ ও জিন জাতির মধ্যে আচীর্যতার সম্পর্ক স্থির করেছে, অথচ জিনেরা জানে তাদেরকেও উপস্থিত করা হবে শাস্তির জন্যে। ওরা যা বলে তা থেকে আল্লাহ পবিত্র মহান। আল্লাহর একনিষ্ঠ বান্দাগণ ব্যতীত। (৩৭ আয়াত: ১৪৯-১৬০)

অন্যত্র আল্লাহ বলেন: ওরা বলে, দয়াময় সন্তান গ্রহণ করেছেন। তিনি পবিত্র, মহান! তারা তো তাঁর সম্মানিত বান্দা। তারা আগে বেড়ে কথা বলে না; ওরা তো তাঁর আদেশ অনুসারেই কাজ করে থাকে। ওদের সম্মুখে ও পশ্চাতে যা কিছু আছে তা তিনি অবগত, তারা সুপারিশ করে শুধু তাদের জন্যে, যাদের প্রতি তিনি সন্তুষ্ট এবং তারা তাঁর ভয়ে ভীত-সন্তুষ্ট। তাদের মধ্যে যে বলবে, ‘আমিই ইলাহ তিনি ব্যতীত’ তাকে আমি প্রতিফল দিব জাহান্নাম, এভাবেই আমি জালিমদেরকে শাস্তি দিয়ে থাকি। (২১ আষ্বিয়া: ২৬ - ২৯)

মক্কী সূরা কাহফের শুরুতে আল্লাহ বলেন: “প্রশংসা আল্লাহরই, যিনি তাঁর বান্দার প্রতি এই কিতাব অবতীর্ণ করেছেন এবং এতে তিনি বক্তৃতা রাখেন নি। একে করেছেন সুপ্রতিষ্ঠিত তাঁর কঠিন শাস্তি সম্পর্কে সতর্ক করার জন্যে এবং মুমিনগণ, যারা সংকর্ম করে, তাদেরকে এই সুসংবাদ দেবার জন্যে যে, তাদের জন্যে আছে উত্তম পুরস্কার, যাতে তারা হবে চিরস্থায়ী। এবং সতর্ক করার জন্যে তাদেরকে যারা বলে যে, আল্লাহ সন্তান গ্রহণ করেছেন। এ বিষয়ে ওদের কোন জ্ঞান নেই এবং ওদের পিতৃপুরুষদেরও ছিল না। ওদের মুখ-নিঃসৃত বাক্য কী সাংঘাতিক! ওরা তো কেবল মিথ্যাই বলে। (১৮ কাহফ: ১-৫)

অন্যত্র আল্লাহ বলেন: “তারা বলে, আল্লাহ সন্তান প্রহণ করেছেন। তিনি মহান, পবিত্র। তিনি অভাবমুক্ত। আকাশমণ্ডলী ও পৃথিবীতে যা কিছু আছে, তা’ তাঁরই। এ বিষয়ে তোমাদের নিকট কোন সনদ নেই। তোমরা কি আল্লাহ সম্বন্ধে এমন কিছু বলছ, যে বিষয়ে তোমাদের কোন জ্ঞান নেই? বল, যারা আল্লাহ সম্বন্ধে মিথ্যা উদ্ভাবন করবে তারা সফলকাম হবে না। পৃথিবীতে ওদের জন্যে আছে কিছু সুখ সংজ্ঞোগ; পরে আমারই নিকট ওদের প্রত্যাবর্তন। আর কুফরীর কারণে ওদেরকে আমি কঠোর শাস্তির আশ্বাদ গ্রহণ করাব।” (১০ যুনুস: ৬৮ - ৭০)

কুরআন মজীদের উপরোক্ত মক্কী আয়াতগুলোতে ইহুদী খৃষ্টান, মুশরিক ও দার্শনিকদের সমস্ত দল-উপদলের মতামতের খণ্ডন করা হয়েছে যারা অজ্ঞতাবশত, বিশ্বাস করে ও দাবি করে যে, আল্লাহর সন্তান আছে। এসব জালিমদের সীমালংঘনমূলক উক্তি থেকে আল্লাহ পবিত্র ও মহান।

এ জগন্য উক্তি উচ্চারণকারীদের মধ্যে সবচাইতে প্রসিদ্ধ দল হল খ্রিষ্টান সম্প্রদায়। এ কারণে কুরআন মজীদে তাদের খণ্ডন করা হয়েছে সবচাইতে বেশী। তাদের স্ব-বিরোধী উক্তি, অজ্ঞতা ও জ্ঞানের দৈন্যের কথা বিশদভাবে আলোচনা করা হয়েছে। তাদের এই কুফরী উক্তির

মধ্যে আবার বিভিন্ন দল— উপদলের সৃষ্টি হয়েছে। আর এমনটি হওয়াই স্বাভাবিক। কেননা, বাতিল পছ্চীরা নানা দলাদলি, মতবিরোধ ও স্ব-বিরোধিতার শিকার হয়েই থাকে। পক্ষান্তরে হক এর মধ্যে কোন স্ব-বিরোধ থাকে না। আল্লাহ তা'আলা বলেন :

وَلَوْكَانَ مِنْ عَنْدِ غَيْرِ اللَّهِ لَوَجَدُوا فِيهِ أَخْتِلَافًا كَثِيرًا

—এ যদি আল্লাহ ব্যতীত অন্য কারও পক্ষ থেকে হত, তবে তারা তাতে অনেক অসংগতি পেত। (৪ নিসা : ৮২)

এ থেকে বুঝা গেল, যা হক ও সত্য, তা অভিন্ন ও অপরিবর্তিত থাকে এবং যা বাতিল ও অসত্য তা বিকৃত ও অঙ্গতিপূর্ণ হয়। এ কারণে পথভ্রষ্ট ও অভিশপ্ত খ্রিস্টানদের একদল বলছে যে, মসীহ-ই আল্লাহ; অন্য দল বলছে, মসীহ আল্লাহর পুত্র; তৃতীয় আর একদল বলছে, আল্লাহ হলেন তিন জনের তৃতীয় জন। সূরা আল মায়দায় আল্লাহর বাণী : “যারা বলে, মারয়াম তনয় মসীহ-ই আল্লাহ, তারা তো কুফরী করেছেই। বল, আল্লাহ মারয়াম তনয় মসীহ, তার মাতা এবং দুনিয়ার সকলকে যদি ধ্রংস করতে ইচ্ছা করেন তবে তাকে বাধা দিবার শক্তি কার আছে? আসমান ও যমীনের এবং ওগুলোর মধ্যে যা’ কিছু আছে তার সার্বভৌমত্ব আল্লাহরই। তিনি যা ইচ্ছা সৃষ্টি করেন এবং আল্লাহ সব বিষয়ে সর্বশক্তিমান।” (৫ মায়দা : ১৭)

এ আয়াতে আল্লাহ খ্রিস্টানদের কুফরী ও অজ্ঞতার কথা প্রকাশ করে জানিয়ে দিয়েছেন যে, তিনিই সব কিছুর সৃষ্টিকর্তা ও নিয়ন্ত্রণকারী, সব কিছুর উপর ইচ্ছামত ক্ষমতা প্রয়োগকারী, সব কিছুর প্রভু ও পালনকারী এবং তিনি সব কিছুর রাজাধিরাজ ও উপাস্য। উক্ত সূরার শেষ দিকে আল্লাহ বলেন, “যারা বলে, আল্লাহ-ই মারয়াম তনয় মসীহ, তারা তো কুফরী করেছেই” অথচ মসীহ বলেছিল, হে বনী ইসরাইল, তোমরা আমার প্রতিপালক ও তোমাদের প্রতিপালক আল্লাহর ইবাদত কর। কেউ আল্লাহর শরীক সাব্যস্ত করলে আল্লাহ তার জন্যে জান্নাত নিষিদ্ধ করবেন ও তার আবাস জাহানাম; জালিমদের জন্যে কোন সাহায্যকারী নেই।

যারা বলে, আল্লাহ তো তিনের মধ্যে একজন, তারা তো কুফরী করেছেই, যদিও এক ইলাহ ব্যতীত অন্য কোন ইলাহ নেই। তারা যা বলে তা হতে নিবৃত্ত না হলে, তাদের মধ্যে যারা কুফরী করেছে তাদের উপর অবশ্যই মর্মস্তুদ শাস্তি আপত্তি হবেই। তবে কি তারা আল্লাহর দিকে প্রত্যাবর্তন করবে না ও তাঁর নিকট ক্ষমা প্রার্থনা করবে না? আল্লাহ তো ক্ষমাশীল, পরম দয়ালু। মারয়াম তনয় মসীহ তো কেবল একজন রাসূল! তার পূর্বে বহু রাসূল গত হয়েছে এবং তার মাতা সত্যনিষ্ঠ ছিল। তারা উভয়ে খাদ্য গ্রহণ করত। দেখ, আমি ওদের জন্যে আয়াত সমূহ কিরণ বিশদভাবে বর্ণনা করি; আরও দেখ, ওরা কিভাবে সত্যবিমুখ হয়। (৫ মায়দা : ৭২-৭৫)।

উপরোক্ত আয়াত সমূহে আল্লাহ দ্যৰ্থহীন ভাবে খ্রিস্টানদের কুফরীর কথা জানিয়ে বলে দিয়েছেন যে, তারা তাদের নবী ঈসা (আ)-কে আল্লাহর পুত্র বলে, অথচ সেই ঈসাই তাদেরকে সুস্পষ্টভাবে জানিয়ে দিয়েছেন যে, তিনি আল্লাহর সৃষ্টি, আল্লাহ-ই তাকে প্রতিপালন করেছেন এবং মায়ের গর্ভে তাকে আকৃতি দান করেছেন। তিনি এক ও অদ্বীয় আল্লাহর ইবাদতের

দিকে মানুষকে আহ্বান করেছেন এবং এর বিরুদ্ধকারীদেরকে পরকালের শাস্তি, লাঞ্ছনা, ব্যর্থতা ও জাহান্মারের ভীতি প্রদর্শন করেছেন। আল্লাহর বাণীঃ “নিশ্চয় যে ব্যক্তি আল্লাহর সাথে অংশীদার হ্রস্ত করে, আল্লাহ তার জন্যে জান্মাত হারাম করে দেন এবং তার বাসস্থান হয় জাহান্মাম। অত্যাচারীদের কোন সাহায্যকারী নেই।” এরপর বলেছেনঃ “নিশ্চয় তারা কাফির, যারা বলেঃ আল্লাহ তিনের এক; অথচ এক উপাস্য ছাড়া কোন উপাস্য নেই।”

ইবন জারীর প্রমুখ বলেছেন, “আল্লাহ তিনের এক” এ কথা দ্বারা খ্রিস্টানদের ত্রিতুবাদের কথা বলা হয়েছে। কেননা তারা তিন সত্তায় বিশ্বাসী। যথাঃ পিতার সত্তা, পুত্রের সত্তা এবং কলেমা বা বাণীর সত্তা যা পিতার থেকে পুত্রের নিকট অবতরণ করে। এ ব্যাপারে তাদের মধ্যে মতবিরোধ হয়ে তিনটি উপদলের সৃষ্টি হয় যথাঃ মালিকিয়া, ইয়া’কুবিয়া ও নাস্তুরিয়া। পরবর্তীতে আমরা তাদের মতবিরোধ সম্পর্কে বিস্তারিত আলোচনা করব। খ্রিস্টানদের মধ্যে এই ত্রিতুবাদের জন্য হয় মসীহ এর তিন শ’ বছর পরে এবং শেষ নবীর আগমনের তিন শ’ বছর পূর্বে স্মার্ট কনষ্টান্টাইন ইবন কুসতুস এর আমলে। এ কারণে আল্লাহ বলেছেনঃ “এক উপাস্য ব্যক্তিত অন্য কোন উপাস্য নেই।” অর্থাৎ আল্লাহ ছাড়া আর কোন প্রভু নেই। তিনি একক। তাঁর কোন শরীক নেই। তাঁর কোন সদৃশ নেই। তাঁর সমতুল্য কেউ নেই। তাঁর স্ত্রী নেই, সন্তান নেই।

এরপর তাদেরকে সাবধান ও সতর্ক করে আল্লাহ বলেনঃ “তারা যদি তাদের এসব কথা হতে বিরত না হয় তবে তাদের মধ্যে যারা কুফরী করেছে তাদেরকে কঠিন যন্ত্রণাদায়ক শাস্তি দান করা হবে।” অতঃপর আল্লাহ তাদেরকে তাঁর নিজ কর্মণাবশে এসব জঘন্য বিষয় থেকে তওবা ও ইস্তিগফারের দিকে আহ্বান করে বলেছেন, “তারা কি আল্লাহর নিকট তওবা করবে না, তাঁর নিকট ক্ষমা চাইবে না? বস্তুত আল্লাহ বড় ক্ষমাশীল, পরম দয়ালু।” এরপরে আল্লাহ হ্যরত ঈসা ও তাঁর মায়ের অবস্থা বর্ণনা করেছেন। তিনি বলেন যে, মসীহ কেবল আল্লাহর বান্দা ও রাসূল এবং তার মা একজন পবিত্র ও সত্যনিষ্ঠ মহিলা, পাপাচারিণী নন। অথচ অভিশঙ্গ ইয়াহুদীরা তাঁর উপর ঐরূপ অপৰাদ দিয়ে থাকে। এ আয়াত থেকে প্রমাণিত হয় যে, মারয়াম নবী ছিলেন না। যেমনটি আমাদের একদল আলিম ধারণা করেছেন। “তারা উভয়েই খাদ্য গ্রহণ করত” এ কথা দ্বারা ইংরিত করা হয়েছে যে, অন্যদের মত তাদেরও পেশা-পায়খানার প্রয়োজন হতো। এমতাবস্থায় তাঁরা ইলাহ হন কীরুপে? আল্লাহ তাদের এ মূর্খতাব্যঝক উক্তি থেকে মুক্ত ও পবিত্র। সুন্দী প্রমুখ আলিমগণ বলেছেন, আল্লাহর বাণীঃ “নিশ্চয় তারা কাফির, যারা বলেঃ আল্লাহ তিন জনের একজন।” এখানে ‘ঈসা’ ও তার মাকে সম্পর্কে খ্রিস্টানদের বিশ্বাসের কথা বলা হয়েছে। তারা ‘ঈসা’ ও তাঁর মা ইলাহ বলত-যেমন ইলাহ বলত আল্লাহকে। এই সূরার শেষ দিকে আল্লাহ তাদের এ বিশ্বাসের কথা উল্লেখ করেছেন। আল্লাহর বাণীঃ

وَإِذْ قَالَ اللَّهُ يَعْيِسَى ابْنَ مَرْيَمَ إِنْ أَنْتَ قُلْتَ لِلنَّاسِ اتَّخِذُونِي وَأَمِّيَ الْهَمِينِ مِنْ دُونِ اللَّهِ—قَالَ سُبْحَنَكَ مَا يَكُونُ لِيْ أَقُولَ مَا لَيْسَ لِيْ بِحَقِّ—

إِنْ كُنْتُ قَاتِلُهُ فَقَدْ عَلِمْتَهُ-تَعْلَمُ مَا فِي نَفْسِي وَلَا أَعْلَمُ مَا فِي نَفْسِكَ-أَنْتَ أَنْتَ عَلَامُ الْغُيُوبِ . مَا قَاتَلْتُ لَهُمْ إِلَّا مَا أَمْرَتْنِي بِهِ أَنْ اعْبُدُوا اللَّهَ رَبِّي وَرَبَّكُمْ-وَكُنْتُ عَلَيْهِمْ شَهِيدًا مَا دُمْتُ فِيهِمْ-فَلَمَّا تَوَفَّيْتَنِي كُنْتَ أَنْتَ الرَّقِيبُ عَلَيْهِمْ-وَأَنْتَ عَلَى كُلِّ شَيْءٍ شَهِيدٌ . إِنْ شَعَرْبَهُمْ فَإِنَّهُمْ عِبَادُكَ وَإِنْ تَغْفِرْ لَهُمْ فَإِنَّكَ أَنْتَ الْعَزِيزُ الْحَكِيمُ .

“আল্লাহ যখন বলবেন, হে মারয়াম তনয় ‘ঈসা! তুমি কি লোকদেরকে বলেছিলে যে, তোমরা আল্লাহ ব্যতীত আমাকে ও আমার মাকে ইলাহুরপে গ্রহণ কর? সে বলবে, তুমিই মহিমাবিত! যা বলার অধিকার আমার নেই তা বলা আমার পক্ষে শোভন নয়। যদি আমি তা বলতাম, তবে নিশ্চয়ই তুমি তা জ্ঞানতে। আমার অন্তরে যা’ আছে তা’ তো তুমি অবগত আছ, কিন্তু তোমার অন্তরে কী আছে, আমি তা’ অবগত নই; তুমি তো অদৃশ্য সম্বন্ধে সম্যক পরিজ্ঞাত। তুমি আমাকে যে আদেশ করেছ তা’ ব্যতীত তাদেরকে আমি কিছুই বলিনি; তা এই: তোমরা আমার ও তোমাদের প্রতিপালক আল্লাহর ইবাদত কর; এবং যতদিন আমি তাদের মধ্যে ছিলাম ততদিন আমি ছিলাম তাদের কার্যকলাপের সাক্ষী; কিন্তু যখন তুমি আমাকে তুলে নিলে তখন তুমি-ই তো ছিলে তাদের কার্যকলাপের তত্ত্ববধায়ক এবং তুমিই সর্ববিষয়ে সাক্ষী। তুমি যদি তাদেরকে শাস্তি দাও তবে তারা তো তোমারই বান্দা, আর যদি তাদেরকে ক্ষমা কর তবে তুমি তো পরাক্রমশালী, প্রজ্ঞাময়।” (৫ মায়দা ৪ ১১৬-১১৮)

এখানে আল্লাহ ভবিষ্যতের সংবাদ দিয়েছেন যে, কিয়ামতের দিন আল্লাহ হ্যরত ঈসা (আ)-কে তাঁর উম্মত সম্পর্কে জিজ্ঞেস করবেন। তাঁর উম্মতের মধ্যে যারা তাঁকে আল্লাহর পুত্র অথবা আল্লাহর শরীক কিংবা তাঁকেই আল্লাহ বলে বিশ্বাস করতো এবং ঈসাই তাদেরকে এ বিশ্বাস করতে বলেছেন বলে তাঁর উপর মিথ্যা আরোপ করেছে তাদের ব্যাপারে এই জিজ্ঞাসাবাদ করা হবে। আল্লাহ তো ভালুকপেই জানেন যে, ঈসা এরূপ কথা আদৌ বলেন নি। তবুও তাঁকে জিজ্ঞেস করবেন তার সত্যতা প্রকাশ ও মিথ্যা আরোপকারীদের মুখোশ উন্মোচন করার উদ্দেশ্যে। আল্লাহ তাঁকে জিজ্ঞেস করবেন : “হে ঈসা ইবন মারয়াম! তুমি কি লোকদেরকে বলে দিয়েছিলে যে, আল্লাহকে ছেড়ে আমাকে ও আমার মাকে উপাস্য সাব্যস্ত কর? ঈসা (আ) বলবেন, “আপনি পরিত্ব” অর্থাৎ আপনি সকল শরীকের উর্ধ্বে। “আমার জন্যে শোভা পায় না কে, আমি এমন কথা বলি, যা’ বলার কোন অধিকার আমার নেই।” অর্থাৎ আপনি ব্যতীত এ কথা বলার অধিকার অন্য কারণ নেই।” যদি আমি বলে থাকি, তবে আপনি অবশ্যই পরিজ্ঞাত; আপনি তো আমার মনে যা আছে জানেন এবং আমি জানি না যা আপনার মনে আছে। নিশ্চয় আপনিই অদৃশ্য বিষয়ে জ্ঞাত।”

হ্যরত ঈসা (আ) এ জবাবে আদবের পরাকাষ্ঠা প্রদর্শন করেছেন : “আমি তো তাদেরকে কিছুই বলিনি, শুধু সে কথাই বলেছি -যা আপনি বলতে আদেশ করেছিলেন।” অর্থাৎ যখন আমাকে রাসূলরপে প্রেরণ করেন এবং আমাকে কিতাব দান করেন যা তাদেরকে আমি পড়ে

শুনাই। অতঃপর তিনি তাদেরকে যা বলেছিলেন তা ব্যাখ্যা করে বলেন : “তোমরা আল্লাহর দাসত্ব অবলম্বন কর, যিনি আমার ও তোমাদের পালনকর্তা।” অর্থাৎ যিনি আমারও সৃষ্টিকর্তা, তোমাদেরও সৃষ্টিকর্তা এবং যিনি আমারও রিযিকদাতা, তোমাদেরও রিযিকদাতা। “আমি তাদের সম্পর্কে অবগত ছিলাম যতদিন তাদের মধ্যে ছিলাম।” “অতঃপর যখন আপনি আমাকে তুলে নিলেন।” অর্থাৎ তারা যখন আমাকে হত্যার ও শুলে দেয়ার ঘড়্যন্ত করে, তখন দয়া পরবশ হয়ে আপনি আমাকে তাদের হাত থেকে উদ্ধার করে আপনার নিকট তুলে নেন এবং তাদের একজনের চেহারাকে আমার চেহারায় পরিবর্তন করে দেন, ফলে তারা তার উপর আক্রমণ করে ও নিজেদের জিঘাংসা চরিতার্থ করে। এ অবস্থা হওয়ার পরে “আপনিই তাদের সম্পর্কে অবগত রয়েছেন। আপনি সর্ববিষয়ে পূর্ণ পরিজ্ঞাত।” এরপর হ্যরত ঈসা তার অনুসারী নাসারা বাস্তিন্দের থেকে নিজের সম্পর্ক ছিন্ন করে তাদের ব্যাপারটি আল্লাহর নিকট সোপর্দ করে বলেন : “যদি আপনি তাদেরকে শাস্তি দেন, তবে তারা আপনার দাস।” অর্থাৎ তারা সে শাস্তির উপযুক্ত। আর যদি আপনি তাদেরকে ক্ষমা করেন, তবে আপনিই পরাক্রান্ত, মহাবিজ্ঞ।” ক্ষমা করার ব্যাপারে আল্লাহর ইচ্ছার উপর সোপর্দ করার অর্থ এই নয় যে, বাস্তবেও তাদেরকে ক্ষমা করা হবে। এ জন্যেই এখানে আল্লাহর শুণালীর মধ্য থেকে গাফুরুর রাহীম (ক্ষমাশীল, দয়ালু) না বলে ‘আযীযুন হাকীম’ (মহা পরাক্রমশালী প্রজ্ঞাময়) বলা হয়েছে।

তাফসীর কিতাবে আমরা ইমাম আহমদের বর্ণিত হ্যরত আবু যর (রা)-এর হাদীস উল্লেখ করেছি— যাতে তিনি বলেছেন, এক রাত্রে রাসূলুল্লাহ (সা) সালাতে দাঁড়িয়ে সকাল পর্যন্ত নিম্নের আয়াতটি তিলাওয়াত করতে থাকেন :

إِنْ تُعَذِّبْهُمْ فَإِنَّهُمْ عِبَادُكَ وَإِنْ تَغْفِرْ لَهُمْ فَإِنَّكَ أَنْتَ الْعَزِيزُ الْحَكِيمُ.

“আপনি যদি তাদেরকে শাস্তি দেন তবে তারা তো আপনারই দাস; আর যদি তাদেরকে ক্ষমা করেন তবে আপনি মহাপরাক্রমশালী ও প্রজ্ঞাময়।” রাসূলুল্লাহ (সা) বললেন। আমি আল্লাহর নিকট আমার উম্মতের জন্যে শাফা‘আত প্রার্থনা করলে তিনি আমাকে তা দান করেন। আল্লাহ চাহে তো মুশরিক ব্যতীত অন্যান্য পাপী বান্দারা তা লাভ করবে। এরপর তিনি নিম্নলিখিত আয়াতসমূহ পাঠ করেন :

وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا لِعَبِينَ. لَوْأَرْدَنَا أَنْ تَخْذِلَ  
لَهُوَا لَا تَخْذِلَنَا مِنْ لَدُنَّا إِنْ كُنَّا فَعْلِينَ. بَلْ نَقْذِفُ بِالْحَقِّ عَلَى الْبَاطِلِ  
فَيَدْمَغُهُ فَإِذَا هُوَ زَاهِقٌ وَلَكُمُ الْوَيْلُ مِمَّا تَصْفُونَ. وَلَهُ مَنْ فِي السَّمَوَاتِ  
وَالْأَرْضِ وَمَنْ عِنْدَهُ لَا يَسْتَكْبِرُونَ عَنْ عِبَادَتِهِ وَلَا يَسْتَحْسِرُونَ. يُسَيِّحُونَ  
الَّيْلَ وَالنَّهَارَ لَا يَفْتَرُونَ.

“আকাশ ও পৃথিবী এবং যা কিছু ওগুলোর অন্তর্বর্তী তা আমি ক্রীড়াছলে সৃষ্টি করিনি। আমি যদি ক্রীড়ার উপকরণ চাইতাম তবে আমি আমার নিকট যা আছে তা নিয়েই তা করতাম;

আমি তা করিনি। কিন্তু আমি সত্য দ্বারা আঘাত হানি মিথ্যার উপর, ফলে তা মিথ্যাকে চূর্ণ-বিচূর্ণ করে দেয় এবং তৎক্ষণাত্ম মিথ্যা নিশ্চিহ্ন হয়ে যায়। দুর্ভোগ তোমাদের তোমরা যা বলছ তার জন্যে! আকাশমণ্ডলী ও পৃথিবীতে যারা আছে তারা তাঁরই; তাঁর সান্নিধ্যে যারা আছে তারা অহংকারবশে তাঁর ইবাদত করা হতে বিমুখ হয় না এবং শান্তিও বোধ করে না। তারা দিনরাত তাঁর পবিত্রতা ও মহিমা ঘোষণা করে, তারা শৈথিল্য করে না। (২১ আমিয়া : ১৬-২০)

আল্লাহ বলেন : “আল্লাহ সন্তান গ্রহণ করতে ইচ্ছা করলে তিনি তাঁর সৃষ্টির মধ্যে যাকে ইচ্ছা মনোনীত করতে পারতেন। পবিত্র ও মহান তিনি। তিনি আল্লাহ, এক, প্রবল পরাক্রমশালী তিনি যথাযথভাবে আকাশমণ্ডলী ও পৃথিবী সৃষ্টি করেছেন। তিনি রাত দ্বারা দিনকে আচ্ছাদিত করেন এবং রাতকে আচ্ছাদিত করেন দিনের দ্বারা। সূর্য ও চন্দ্রকে তিনি করেছেন নিয়মাধীন। প্রত্যেকেই পরিভ্রমণ করে এক নির্দিষ্টকাল পর্যন্ত। জেনে রেখো, তিনি পরাক্রমশালী ক্ষমাশীল।” (৩৯ যুমার : ৪-৫)। আল্লাহ বলেন : “বল, দয়াময় আল্লাহর কোন সন্তান থাকলে আমি হতাম তার উপাসকগণের অগ্রণী। তারা যা আরোপ করে তা হতে আকাশমণ্ডলী ও পৃথিবীর অধিকারী ও আরশের অধিকারী পবিত্র ও মহান।” (৪৩ যুখরুফ : ৮১-৮২)। আল্লাহ বলেন : “বল, প্রশংসা আল্লাহরই, যিনি কোন সন্তান গ্রহণ করেননি, তাঁর সার্বভৌমত্বে কোন অংশীদার নেই এবং যিনি দুর্দশাপ্রস্ত হন না, যে কারণে তাঁর অভিভাবকের প্রয়োজন হতে পারে। সুতরাং সসজ্ঞমে তাঁর মাহায্য ঘোষণা কর।” (১৭ ইস্রার : ১১১)

আল্লাহ বলেন : “বল, তিনিই আল্লাহ, একক ও অঙ্গীতীয়। আল্লাহ কারও মুখাপেক্ষী নন, সকলেই তাঁর মুখাপেক্ষী। তিনি কাউকেও জন্ম দেননি এবং তাকেও জন্ম দেয়া হয়নি এবং তাঁর সমতুল্য কেউ-ই নেই।” (১১২ : সূরা ইখলাস) সহীহ হাদীসে বর্ণিত হয়েছে, রাসূলুল্লাহ (সা) বলেছেন, “আল্লাহ বলেন : বনী আদম আমাকে গালি দেয়; কিন্তু তার জন্যে এটা শোভা পায় না। সে বলে, আমার সন্তান আছে। অথচ আমি একক, মুখাপেক্ষাহীন। আমি কাউকে জন্ম দেইনি এবং কারও খেকে আমি জন্মগ্রহণ করিনি। আমার সমতুল্য কেউ নেই।” সহীহ হাদীসে আরও বর্ণিত হয়েছে, রাসূলুল্লাহ (সা) বলেছেন, পীড়াদায়ক কথা শোনার পর তাতে ধৈর্য ধরার ক্ষেত্রে আল্লাহর চাইতে অধিক ধৈর্যধারণকারী আর কেউ নেই। কারণ যে সব লোক আল্লাহর জন্যে সন্তান সাব্যস্ত করে তাদেরকে তিনি রিয়িক দিচ্ছেন এবং রোগ থেকে নিরাময় করছেন। তবে অন্য সহীহ হাদীসে বর্ণিত হয়েছে, রাসূলুল্লাহ (সা) বলেছেন : আল্লাহ জালিমকে কিছু দিনের জন্যে অবকাশ দিয়ে থাকেন। যখন তাকে পাকড়াও করবেন তখন আর রেহাই দিবেন না। অতঃপর রাসূলুল্লাহ (সা) নিম্নের আয়াতগুলো পাঠ করেন :

وَكَذَلِكَ أَخْذُ رِبِّكَ إِذَا أَخْذَ الْقُرْيَ وَهِيَ طَالِمَةٌ إِنَّ أَخْذَهُ الِّيْمُ شَدِيدٌ .

এইরূপ তোমার প্রতিপালকের শান্তি! তিনি শান্তিদান করেন জনপদসমূহকে যখন তারা জুলুম করে থাকে। নিচয়ই তাঁর শান্তি মর্মস্তুদ কঠিন। (১১ হুদ : ১০২)

অনুরূপ কথা আল্লাহ অন্যত্র বলেছেন :

**وَكَائِنٌ مِّنْ قَرِيْةٍ أَمْلِيْتُ لَهَا وَهِيَ ظَالِمَةٌ ثُمَّ أَخْذَنَاهَا وَإِلَى الْمَصِيرِ.**

এবং আমি অবকাশ দিয়েছি কত জনপদকে যখন ওরা ছিল জালিম; তারপর ওদেরকে শাস্তি দিয়েছি এবং প্রত্যাবর্তন আমারই নিকট। (২২ হা�জ্জ : ৪৮)

**نُمْتَعِّثُمْ قَلِيلًا ثُمَّ نَضْطَرُهُمْ إِلَى عَذَابٍ عَلِيْظٍ.**

“আমি ওদেরকে জীবনে পক্ষরণ ভোগ করতে দিব স্বল্পকালের জন্মে। তারপর ওদেরকে কঠিন শাস্তি ভোগ করতে বাধ্য করব।” (৩১ লুকমান : ২৪)

আল্লাহ বলেন : “বল, যারা আল্লাহ সম্বন্ধে যিথ্যা উদ্ভাবন করবে তারা সফলকাম হবে না। পৃথিবীতে ওদের জন্যে আছে কিছু সুখ-সঙ্গেগ; পরে আমারই নিকট ওদের প্রত্যাবর্তন। তারপর কুফরী হেতু ওদেরকে আমি কঠোর শাস্তির আস্থাদ গ্রহণ করাব।” (১০ ইউনুস : ৬৯-৭০)  
**فَمَهَلُّ الْكَافِرِينَ أَمْهَلُّهُمْ رُؤْيَاً**

“অতএব কাফিরদেরকে অবকাশ দাও; ওদেরকে অবকাশ দাও কিছুকালের জন্যে।” (৮৫  
 আত-তারিক : ১৭)

## হ্যরত ঈসা (আ)-এর জন্ম ও ওহীর সূচনা

পূর্বেই উল্লেখ করা হয়েছে যে, হ্যরত ঈসা (আ) বায়তুল মুকাদ্দাসের সন্নিকটে ‘বায়তে লাহমে’ জন্মগ্রহণ করেন। কিন্তু ওহাব ইব্ন মুনাববিহ (র)-এর ধারণা, হ্যরত ঈসা (আ)-এর জন্ম হয় মিসরে এবং মারয়াম ও ইউসুফ ইব্ন ইয়াকুব আল-নাজ্জার একই গাধার পিঠে আরোহণ করে ভ্রমণ করেন এবং গাধার পিঠের গদি ব্যতীত তাঁদের মধ্যে অন্য কোন আড়াল ছিল না। কিন্তু এ বর্ণনা সঠিক নয়। কেননা, ইতিপূর্বে উল্লেখিত হাদীস দ্বারা প্রমাণিত হয়েছে যে, ঈসা (আ)-এর জন্মস্থান হচ্ছে বায়তে লাহাম। সুতরাং এ হাদীসের মুকাবিলায় অন্য যে কোন বর্ণনা অগ্রহণযোগ্য।

ওহাব ইব্ন মুনাববিহ উল্লেখ করেছেন যে, হ্যরত ঈসা (আ) যখন ভূমিষ্ঠ হন তখন পূর্ব ও পশ্চিমের সমস্ত মূর্তি ডেঙ্গে পড়ে যায়। ফলে শয়তানরা অত্যন্ত বিচলিত হয়ে পড়ে। এর কোন কারণ তারা খুঁজে পাচ্ছিল না। অবশ্যে বড় ইবলীস তাদেরকে জানাল যে, ঈসা (আ)-এর জন্ম হয়েছে। শয়তানরা শিশু ঈসাকে তার মায়ের কোলে আর চারদিকে ফেরেশতাগণ দাঁড়িয়ে তাঁকে ঘিরে রেখেছেন দেখতে পেল। তারা আকাশে উদিত একটি বিরাট নক্ষত্রও দেখতে পেল। পারস্য সম্বাট এই নক্ষত্র দেখে শংকিত হয়ে পড়েন এবং জ্যোতিষীদের নিকট এর উদিত হওয়ার কারণ জিজ্ঞাসা করেন। জ্যোতিষীরা জানাল, পৃথিবীতে এক মহান ব্যক্তির জন্ম হয়েছে। এজন্য এই নক্ষত্র উদিত হয়েছে। তখন পারস্য সম্বাট উপটোকন হিসেবে স্বর্ণ, চান্দি ও কিছু লুবান দিয়ে নবজাতকের সঙ্গানে কতিপয় দৃত প্রেরণ করেন। দৃতগণ সিরিয়ায় এসে পৌছে। সিরিয়ার বাদশাহ তাদের আগমনের উদ্দেশ্য সম্পর্কে জিজ্ঞেস করেন। তারা উক্ত নক্ষত্র ও জ্যোতিষীদের মন্তব্যের কথা তাকে জানায়। বাদশাহ দৃতদের নিকট নক্ষত্রটির উদয়কাল সম্পর্কে জিজ্ঞেস করেন। উক্তর শুনে তিনি বুঝলেন, ঐ শিশুটি বায়তুল মুকাদ্দাসে জন্ম গ্রহণকারী মারয়াম পুত্র ঈসা। ইতিমধ্যেই ব্যাপক প্রচার হয়ে গিয়েছিল যে, নবজাত শিশুটি দোলনায় থেকেই মানুষের সাথে কথা বলেছেন। এরপর বাদশাহ দৃতদেরকে তাদের সাথে আনীত উপটোকনসহ শিশু ঈসার নিকট পাঠিয়ে দেন এবং এদেরকে চিনিয়ে দেয়ার জন্যে সাথে একজন লোকও দেন। বাদশাহ উদ্দেশ্য ছিল, দৃতগণ যখন উপটোকন প্রদান করে চলে আসবে, তখন এ লোক ঈসাকে হত্যা করে ফেলবে। পারস্যের দৃতগণ মারয়ামের নিকট গিয়ে উপটোকনগুলো প্রদান করে চলে আসার সময় বলে আসলো যে, সিরিয়ার বাদশাহ আপনার নবজাত শিশুকে হত্যা করার জন্যে চর পাঠিয়েছে। এ সংবাদ শুনে মারয়াম শিশুপুত্র ঈসাকে নিয়ে মিসরে চলে আসেন এবং একটানা বার বছর সেখানে অবস্থান করেন। এ সময়ের মধ্যে ঈসা (আ)-এর বিভিন্ন রকম কারামত ও মু'জিয়া প্রকাশ হতে থাকে। ওহাব ইব্ন মুনাববিহ কতিপয় মু'জিয়ার কথা উল্লেখ করেছেন। যথা :

(এক) বিবি মারয়াম মিসরের যে সর্দারের বাড়িতে অবস্থান করেন, একদা ঐ বাড়ি থেকে একটি বস্তু হারিয়ে যায়। ইঙ্গুক, দরিদ্র ও অসহায় লোকজন সে বাড়িতে বসবাস করত। কে বা কারা বস্তুটি ছুরি করেছে, তা অনুসন্ধান করেও তার কোন সন্দান পাওয়া গেল না। বিষয়টি মারয়ামকে ভীষণ চিন্তায় ফেলে দিল। বাড়ির মালিক ও অন্যান্য লোকজনও বিশ্বত অবস্থায় পড়ে গেল। অবশেষে শিশু ঈসা সেখানে অবস্থানকারী এক অঙ্ক ও এক পঙ্কু ব্যক্তির নিকট গেলেন। অঙ্ককে বললেন, তুমি এ পঙ্কুকে ধরে উঠাও এবং তাকে সাথে নিয়ে ছুরি করা বস্তা নিয়ে এস। অঙ্ক বলল, আমি তো তাকে উঠাতে সক্ষম নই। ঈসা বললেন, কেন, তোমরা উভয়ে যেভাবে ঘরের জানালা দিয়ে বস্তুটি নিয়ে এসেছিলে, সেভাবেই গিয়ে নিয়ে এস। এ কথা শোনার পর তারা এর সত্যতা স্বীকার করল এবং ছুরি করা বস্তুটি নিয়ে আসলো। এ ঘটনার পর ঈসার মর্যাদা মানুষের নিকট অত্যধিক বেড়ে যায়। যদিও তিনি তখন শিশু মাত্র।

(দুই) উক্ত সর্দারের পুত্র আপন সন্তানদের পরিবর্ততা অর্জনের উৎসবের দিনে এক ভোজ সভার আয়োজন করে। লোকজন সমবেত হল। খাওয়া-দাওয়া শেষ হল। সে যুগের নিয়মানুযায়ী এখন মদ পরিবেশনের পালা। কিন্তু মদ ঢালতে গিয়ে দেখা গেল কোন কলসীতেই মদ নেই। সর্দার পুত্র ভীষণ লজ্জায় পড়ে গেল। হ্যরত ঈসা (আ) এ অবস্থা দেখে প্রতিটি কলসীর মুখে হাত ধূরিয়ে আসলেন। ফলে সেগুলো সাথে সাথে উৎকৃষ্ট মদে পূর্ণ হয়ে গেল। লোকজন এ ঘটনা দেখে বিস্মিত হলো। ফলে, তাদের নিকট আরও মর্যাদা বৃদ্ধি পেল। মানুষ বিভিন্ন রকম উপটোকন এনে ঈসা ও তার মার কাছে পেশ করলো কিন্তু তাঁরা এর কিছুই গ্রহণ করলেন না। তারপর তারা বায়তুল মুকাদ্দাসের উদ্দেশ্যে রওয়ানা হয়ে পড়লেন।

ইসহাক ইব্ন বিশুর..... আবু হুরায়রা (রা) থেকে বর্ণনা করেন। হ্যরত ঈসা ইব্ন মারয়ামই প্রথম মানুষ, যিনি শিশুকালে কথা বলেছেন। আল্লাহ তাঁর রসনা খুলে দেন এবং তিনি আল্লাহর প্রশংসায় এমন অনেক কথা বলেন, যা ইতিপূর্বে কোন কান কখনও শোনেনি। এ প্রশংসায় তিনি চাঁদ, সুরঞ্জ, পর্বত, নদী, ঝর্ণা কোন কিছুকেই উল্লেখ করতে বাদ দেননি।

তিনি বলেন : হে আল্লাহ! সু-উচ্চ মর্যাদায় থেকেও আপনি বান্দার নিকটবর্তী। বান্দার নিকটবর্তী থেকেও আপনি সু-মহান মর্যাদায় অধিষ্ঠিত। সমস্ত সৃষ্টিকূলের উপরে আপনার শক্তি ও ক্ষমতা। আপনি এমন ক্ষমতাবান সন্তা, যিনি আপন দ্বারা মহাশূন্যে সাতটি স্তরে আকাশকে সৃষ্টি ও বিন্যস্ত করেছেন। এগুলো প্রথম দিকে ধোঁয়ার আকারে ছিল। পরে আপনার নির্দেশ মতে ওগুলো আপনার অনুগত হয়। এসব আকাশে ফিরিশতাকুল আপনার মহিমা বর্ণনায় তাসবীহ পাঠে রত। এগুলোতে আপনি রাতের অঙ্ককারে আলোর ব্যবস্থা করেছেন এবং সূর্যের আলো দ্বারা দিনকে আলোকিত করেছেন। আকাশে বজ্র ধ্বনিকে আপনার স্তুতি পাঠে নিয়োজিত রেখেছেন। আপনার স্তুতির সম্মানে সেগুলোর অঙ্ককার বিদূরিত হয়ে আলোয় উদ্ভাসিত হয়ে উঠে। আসমান রাজিতে আপনার স্থাপিত নক্ষত্রপুঞ্জকপী প্রদীপমালার সাহায্যে দিশাহারা পথিকগণ পথের দিশা পায়। অতএব হে আল্লাহ, আসমান রাজিকে বিন্যস্ত করে এবং যমীনকে বিস্তৃত করে আপনি মহা কল্যাণ সাধন করেছেন। যমীনকে আপনি পানির উপরে বিছিয়েছেন। তারপর পানির বিশাল চেউয়ের উপরে উঁচু করে রেখেছেন এবং চেউগুলোকে

নমনীয় হওয়ার আদেশ দিয়েছেন। আপনার আদেশ পালনার্থে টেউগুলো অবনত মস্তকে নমনীয় হয়। এরপর আপনি প্রথমে সমুদ্র ও সমুদ্র থেকে নদী সৃষ্টি করেছেন। তারপর ছোট ছোট নালা ও ঝর্ণা সৃষ্টি করেছেন। এরপর আপনি এ থেকে সৃষ্টি করেছেন খাল, বিল, গাছপালা ও ফল-ফলাদি। তারপর যমীনের উপরে স্থাপন করেছেন পাহাড়, পাহাড়গুলো পানির উপরে পেরেকের ন্যায় যমীনকে স্থির করে রেখেছে। এসব কাজে পর্বতমালা ও পাথরসমূহ আপনার পূর্ণ আনুগত্য করে। অতএব, হে আল্লাহ! আপনি অত্যন্ত বরকতময়। এমন কে আছে, যে আপনার মত করে আপনার প্রশংসা করতে পারে? কে আছে এমন, যে আপনার মত করে আপনার শুণাবলী বর্ণনা করতে সক্ষম? আপনি মেঘপুঞ্জকে ছড়িয়ে দেন। বাধা-বন্ধনকে মুক্ত করেন, সঠিক ফয়সালা করেন, এবং আপনিই শ্রেষ্ঠ ফয়সালাকারী। আপনি ব্যতীত অন্য কোন উপাস্য নেই। আপনি মহা পবিত্র। আপনি আমাদেকে যাবতীয় পাপ থেকে ক্ষমা প্রার্থনা করার হৃকুম করেছেন। আপনি ছাড়া আর কোন ইলাহ নেই। আপনি মহা পবিত্র। আকাশগুলীকে আপনি মানুষের ধরা হেঁয়া থেকে দূরে রেখে দিয়েছেন। আপনি ব্যতীত অন্য কোন ইলাহ নেই। আপনি মহা পবিত্র। জ্ঞানী লোকই কেবল আপনাকে উপলব্ধি করতে পারে। আমরা সাক্ষ্য দিচ্ছি, আপনি আমাদের নিজেদের উদ্ভুতিত উপাস্য নন। আপনি এমন পালনকর্তা নন, যার আলোচনা শেষ হতে পারে। আপনার কোন অংশীদার নেই যে, আপনাকে ডাকার সাথে তাদেরকেও আমরা ডাকবো। আমাদের সৃষ্টি কাজে আপনাকে কেউ সাহায্য করেনি যে, আপনার ব্যাপারে আমাদের কোন সন্দেহ হতে পারে। আমরা সাক্ষ্য দিচ্ছি — আপনি একক, মুখাপেক্ষীহীন, আপনি কাউকে জন্ম দেননি। আপনাকেও কেউ জন্ম দেয়নি, কোন দিক দিয়েই আপনার সমকক্ষ কেউ নেই।

ইসহাক ইব্ন বিশুর ..... ইব্ন আবুস (রা) থেকে বর্ণনা করেন। ঈসা ইব্ন মারয়াম (আ) শিশু অবস্থায় একবার কথা বলেন। এরপর তার কথা বলা বন্ধ হয়ে যায়। অন্যান্য শিশুরা যখন স্বাভাবিক বয়সে কথা বলে থাকে, তিনিও সে বয়সে পুনরায় কথা বলতে শুরু করেন। আল্লাহ তখন তাঁকে যুক্তির্পূর্ণ কথা ও বাগ্ধিতা শিক্ষা দেন। ইয়াভদীরা ঈসা (আ) ও তাঁর মাস্মৰ্কে জগন্ন উক্তি করে। তাঁকে তারা জ্ঞানজ সন্তান বলত। আল্লাহর বাণীঃ

وَبِكُفْرِهِمْ وَقَوْلِهِمْ عَلَىٰ مَرِيمَ بُهْتَانًا عَظِيْمًا

এবং তারা লা'ন্তগ্রস্ত হয়েছিল তাদের কুফরীর জন্যে ও মারয়ামের বিরুদ্ধে গুরুতর অপবাদের জন্যে। (৪ নিসাঃ ১৫৬)। ইসা (আ)-এর বয়স যখন সাত বছর, তখন তাঁর তাঁকে লেখাপড়া শিখাবার জন্যে বিদ্যালয়ে পাঠান। কিন্তু ঘটনা এমন হল যে, শিক্ষক তাঁকে যে বিষয়টিই শিখাতে চাইতেন, তিনি আগেই সে বিষয় সম্পর্কে বলে দিতেন। এমতাবস্থায় এক শিক্ষক তাঁকে 'আবু জাদ' শিখালেন। ইসা জিজ্ঞেস করলেন, 'আবু-জাদ' কি? শিক্ষক বললেন, আবু জাদ কি তা আমি বলতে পারি না। ইসা বললেন, যে বিষয়ে আপনি জানেন না, সে বিষয়ে আমাকে কেমন করে শিখাবেন? শিক্ষক বললেন, তা হলে তুমিই আমাকে শিখাও। ইসা বললেন, তবে আপনি ঐ আসন থেকে নেমে আসুন! শিক্ষক নেমে আসলেন। তারপর ইসা (আ) সে আসনে গিয়ে বসলেন এবং বললেন, আমার নিকট জিজ্ঞেস করুন! শিক্ষক জিজ্ঞেস করলেন, আবু জাদ কি? উত্তরে ইসা বললেন, ﴿الْفَلَّا দ্বারা لِلْأَعْلَم﴾ (আল্লাহর নিয়ামতরাশি) ।

দ্বারা بَهَاءُ اللَّهِ وَجْهَهُ اللَّهِ وَجَمَالُهُ جَيْم (আল্লাহর দীপ্তি) (আল্লাহর অনুপম সৌন্দর্য)।

এ উত্তর শুনে শিক্ষক বিশ্বিত হয়ে গেলেন। হযরত ইসা-ই সর্ব প্রথম আবু জাদ (ابو جاد) শব্দের ব্যাখ্যা প্রদান করেন।

অতঃপর ইসহাক ইব্ন বিশ্র এক দীর্ঘ হাদীস উল্লেখ করে বলেছেন যে, হযরত উচ্চমান রাসূলুল্লাহ (সা)-এর নিকট এ বিষয়ে জিজ্ঞেস করেছিলেন। রাসূলুল্লাহ (সা) তাঁর প্রতিটি শব্দের উত্তর দিয়েছিলেন। কিন্তু এ হাদীস মাঝে জাল। অনুরূপ ইব্ন আদীও ..... আবু সাঈদ খেকে এক মারফু' হাদীসের মাধ্যমে ইসার মক্তবে প্রবেশ, শিক্ষক কর্তৃক 'আবু জাদ' এর অক্ষর সমূহের অর্থ শিক্ষা দান ইত্যাদির উল্লেখ করেছেন। কিন্তু এ হাদীসও প্রহণযোগ্য নয়। ইব্ন আদী বলেছেন, এ হাদীস মিথ্যা। ইসমাইল ব্যতীত আর কেউ এ হাদীস বর্ণনা করেন নি। ইব্ন লুহায়আ আব্দুল্লাহ ইব্ন হুবায়রা থেকে বর্ণনা করেছেন যে, আব্দুল্লাহ ইব্ন উমর (রা) বলেছেনঃ ইসা ইব্ন মারযাম (আ) কিশোর বয়সে অন্যান্য বালকদের সাথে মাঠে খেলাধুলা করতেন। মাঝে মধ্যে তিনি তাদের কাউকে ডেকে বলতেন. তুমি কি চাও যে, তোমার মা কি কি খাদ্য তোমাকে না দিয়ে গোপন করে রেখেছে, আমি তা বলে দেইঃ সে বলত, বলে দিন। ইসা বলতেন, অমুক অমুক জিনিস গোপন করে রেখেছে। বালকটি তৎক্ষণাত দৌড়ে গিয়ে মাকে বলত, আপনি যে সব খাদ্য আমাকে না দিয়ে গোপন করে রেখে দিয়েছেন, তা আমাকে খেতে দিন। মা বলতেন, কি জিনিস আমি গোপন করে রেখেছিঃ বালক বলত, অমুক অমুক জিনিস। মা বলতেন, এ কথা তোমাকে কে বলেছেঃ ছেলে বলত, ইসা ইব্ন মারযাম বলেছে। এ কথা জানাজানি হয়ে যাওয়ার পর লোকজন পরামর্শ করল, আমরা যদি ছেলেদেরকে ইসার সাথে এ ভাবে মেলামেশার সুযোগ দিই তাহলে ইসা তাদেরকে নষ্ট করে ছাড়বে। সুতরাং সিদ্ধান্ত অনুযায়ী পরদিন তারা সকল ছেলেদেরকে একটা ঘরের মধ্যে আবদ্ধ করে রাখল। ইসা বালকদেরকে সন্ধান করে ফিরলেন; কিন্তু কাউকেও খুঁজে পেলেন না। অবশ্যে একটি ঘর থেকে তাদের কান্নাজড়িত চিংকার শুনতে পেয়ে লোকজনের নিকট জিজ্ঞেস করলেন, ঐ ঘরটির ভিতর শব্দ কিসের? তারা ইসাকে জানাল, ঘরের ওগুলো হচ্ছে বানর ও শূকর। তখন ইসা বললেন, হে আল্লাহ! এ রকমই করে দিন। ফলে বালকগুলো বানর ও শূকরে পরিণত হয়ে গেল। (ইব্ন আসাকির)

ইসহাক ইব্ন বিশ্র ..... ইব্ন আবুস (রা) থেকে বর্ণনা করেন। হযরত ইসা আল্লাহর ইঙ্গিত (ইলাহাম) অনুযায়ী বাল্যকালে বিশ্বায়কর কাজকর্ম দেখাতেন। ইয়াহুদীদের মধ্যে এ কথা ছড়িয়ে পড়ে। ইসা (আ) বয়োবৃদ্ধি লাভ করেন। বনী ইসরাইলরা তাঁর প্রতি শক্ততা পোষণ করতে থাকে। তাঁর মা এ জন্যে শংকিত হয়ে পড়েন। তখন আল্লাহ তাকে ওইর মাধ্যমে ছেলেসহ মিসরে চলে যাওয়ার নির্দেশ দেন। কুরআন পাকে আল্লাহ বলেনঃ

وَجَعَلْنَا ابْنَ مَرْيَمَ وَأَمْهَأَيَةً وَأَوْيَنْهُمَا إِلَى رَبِّوْةٍ ذَاتِ قَرَارٍ وَّمَعِينٍ.

—এবং আমি মারযাম তনয় ও তার মাকে করেছিলাম এক নির্দশন, তাদেরকে আশ্রয় দিয়েছিলাম এক নিরাপদ ও প্রস্তুত বিশিষ্ট উচ্চ ভূমিতে। (২৩ মু'মিনুনঃ ৫০)

আল-বিদায়া ওয়ান নিহায়া (২য় খণ্ড) ২০—

আয়তে উল্লেখিত নিরাপদ ও প্রস্তুবণ বিশিষ্ট উচ্চ ভূমি দ্বারা কোন স্থানকে বুঝানো হয়েছে, তা নির্ণয়ে প্রথম যুগের উলামা ও মুফাস্সিরগণের মধ্যে মতপার্থক্য রয়েছে। কেননা এ ধরনের বৈশিষ্ট্যময় স্থান খুবই বিরল। যেহেতু সমতল থেকে উচ্চ ভূমি, যার উপরিভাগ হবে প্রশস্ত ও সমতল এবং যেখানে রয়েছে পানির প্রস্তুবণ। **مَعْيِنٌ بَلَا هُوَ إِমَانٌ** বলা হয় এমন ঝর্ণাকে, যার পানি যমীনের উপর দিয়ে গড়িয়ে পড়ে। উচ্চ ভূমিতে এ ধরনের প্রস্তুবণ সাধারণত হয় না। এজন্যে এর অর্থ নির্ণয়ে বিভিন্ন মতামতের সৃষ্টি হয়েছে যথাঃ

(১) সেই স্থান, যেখানে মাসীহ জন্মগ্রহণ করেছিলেন অর্থাৎ বায়তুল মুকাদ্দাসের নিকটবর্তী একটি খেজুর বাগান। আল্লাহর বাণীঃ

نَادَاهَا مِنْ تَحْتِهَا أَلَا تَحْزِنِيْ قَدْ جَعَلَ رَبُّكَ تَحْتَكَ سَرِيًّا -

ফেরেশতা তার নিম্নপার্শ্ব হতে আহবান করে তাকে বলল, তুমি দুঃখ কর না তোমার পাদদেশে তোমার প্রতিপালক এক নহর সৃষ্টি করেছেন। (১৯ মারযাম : ২৪)। অধিকাংশ প্রাচীন আলিমদের মতে এটি একটি ছোট নহর। ইবন আবুরাস (রা) থেকে বিশেষ সূত্রে বর্ণিত —নহর দ্বারা এখানে দাশিমকের একাধিক নহরকে বুঝানো হয়েছে। সম্ভবত তিনি দাশিমকের নহর সমূহের সাথে ঐ স্থানের সাদৃশ্যের কথা ব্যক্ত করেছেন।

(২) কারও কারও মতে উচ্চ ভূমি দ্বারা মিসরকে বুঝানো হয়েছে। যেমন আহলে কিতাবদের একটি অংশ এবং তাদের অনুসারীগণ ধারণা পোষণ করেন।

(৩) কেউ বলেছেন উচ্চ ভূমি অর্থ এখানে রসুল্লাকে বুঝানো হয়েছে।

ইসহাক ইব্ন বিশ্র..... ওহাব ইব্ন মুনাব্বিহ থেকে বর্ণনা করেন যে, হ্যরত ঈসার বয়স যখন তের বছর, তখন আল্লাহ তাকে মিসর ত্যাগ করে ঝিলিয়া যাওয়ার নির্দেশ দেন। তখন ঈসার মায়ের মামাত ভাই ইউসুফ এসে ঈসা ও মারযামকে একটি গাধার পিঠে উঠিয়ে ঝিলিয়া নিয়ে যান এবং সেখানেই অবস্থান করতে থাকেন। আল্লাহ এখানেই তার উপর ইনজীল অবতীর্ণ করেন, তাওরাত শিক্ষা দেন, মৃতকে জীবিত করা, রোগীকে আরোগ্য করা, বাড়িতে প্রস্তুতকৃত খাদ্য সম্পর্কে না দেখেই জানিয়ে দেওয়ার জ্ঞান দান করেন। ঝিলিয়ার লোকদের মধ্যে তাঁর আগমন বার্তা পৌঁছে যায়। তাঁর দ্বারা বিশ্বাসকর ঘটনাবলী প্রকাশিত হতে দেখে তারা ঘৰ্য্যড়িয়ে যায় এবং আশ্র্যবোধ করতে থাকে। ঈসা (আ) তাদেরকে আল্লাহর দিকে আহবান জানান। এভাবে তাঁর নবুওতী প্রচার কার্য জনগণের মধ্যে বিকাশ লাভ করে।

### প্রসিদ্ধ চারখানা আসমানী কিতাব নায়িলের সময়কাল

আবৃ যুরআ দামেশকী (র) বর্ণনা করেন যে, তাওরাত কিতাব হ্যরত মূসা (আ)-এর উপর ৬ রম্যানে অবতীর্ণ হয়। এর চার শ' বিরাশি বছর পর হ্যরত দাউদ (আ)-এর উপর যাবুর নাযিল হয় ১২ রম্যানে। এর এক হাজার পঞ্চাশ বছর পর ১৮ রম্যানে হ্যরত ঈসা (আ)-এর উপর ইনজীল অবতীর্ণ হয় এবং ২৪ রম্যানে হ্যরত মুহাম্মদ (সা)-এর উপর কুরআন মজিদ নাযিল হয়। **شَهْرُ مَضَانَ الَّذِي أُنْزِلَ فِيْهِ الْقُرْآنُ**

রমযান মাস, এতে কুরআন অবতীর্ণ হয়েছে (২ বাকারা : ১৮৫)- এ আয়াতের অধীনে আমরা তাফসীর গ্রহে এতদ সম্পর্কীয় হাদীসগুলো উল্লেখ করেছি। সেখানে এ কথাও বলা হয়েছে যে, ঈসা (আ)-এর উপরে ইনজীল ১৮ রমযানে অবতীর্ণ হয়।

ইব্ন জারীর (র) তাঁর ইতিহাস গ্রন্থে লিখেছেন যে, ত্রিশ বছর বয়সকালে হ্যারত ঈসা (আ)-এর প্রতি ইনজীল অবতীর্ণ হয় এবং তেব্রিশ বছর বয়সের সময় তাঁকে আসমান উঠিয়ে নেয়া হয়। ইসহাক ইব্ন বিশ্ব..... আবু হৱায়রা (রা) থেকে বর্ণিত। আল্লাহ তা'আলা হ্যারত ঈসা ইবন মারয়ামের নিকট নিম্নলিখিত ওহী প্রেরণ করেন :

হে ঈসা! আমার নির্দেশ পালনে কঠোরভাবে চেষ্টা কর, হীনবল হয়ো না। আমার বাণী শ্রবণ কর ও আনুগত্য কর। হে ঈসা! তুমি এক পবিত্র সতী কুমারী ও তাপসী নারীর সন্তান। পিতা বিহীন তোমার জন্ম। বিশ্ববাসীর নির্দেশন স্বরূপ আমি তোমাকে সৃষ্টি করেছি। সুতরাং আমারই দাসত্ব কর, আমার উপরই ভরসা রাখ। সর্বশক্তি দিয়ে আমার কিতাবের অনুসরণ কর। সুরিয়ানী ভাষা-ভাষীদের নিকট কিতাবের বিষয়বস্তু ব্যাখ্যা করে শোনাও। তোমার সম্মুখে যারা আছে তাদের কাছে আমার বাণীগুলো পৌছিয়ে দাও। আমিই মহাসত্তা, চিরঙ্গীব, চিরস্থায়ী ও অক্ষয়। লোকজনের কাছে প্রচার করবে যে, আরবের উচ্চী নবীকে সত্য বলে জানবে। তিনি হচ্ছে উষ্ট্রারোহী, পাগড়ীধারী, বর্মধারী, জুতা পরিধানকারী এবং লাঠি ব্যবহারে অভ্যন্ত। তিনি বলেন আয়তলোচন, প্রশ্ন কপাল উজ্জ্বল চেহারা কেঁকড়ান চুল\*, ঘন দাঁড়ি, জোড়া ভুরু, উঁচু নাক বিশিষ্ট। তাঁর সামনের দাঁতগুলোতে সামান্য ঝাঁক থাকবে; থুতনীর উপরের ও ঠোঁট সংলগ্ন ছোট দাঁড়ি হবে দৃশ্যমান। তাঁর ঘাড় হবে রৌপ্য পাত্রের মত উজ্জ্বল। তাঁর হাঁসুলীর হাঁড় দু'টি হবে যেন প্রবহমান স্বর্ণ। তাঁর বুক থেকে নাভি পর্যন্ত কাল পশ্চমের রেখা থাকবে। এই রেখা ব্যতীত পেটে বা বুকের অন্য কোথাও চুল থাকবে না। তাঁর হাতের তালু ও পায়ের তলা হবে মাংসল। কোন দিকে তাকালে পূর্ণ দৃষ্টিতে তাকাবেন। হাঁটার সময় মনে হবে সম্মুখে ঝুঁকে যেন নিন্ন দিকে নেমে আসছেন। ঘর্মাঙ্ক অবস্থায় দেখলে মনে হবে যেন চেহারার উপরে মুক্তর দানা ছড়িয়ে দেয়া হয়েছে এবং মিশকের শ্বাগ চারিদিকে ছড়াচ্ছে। তাঁর পূর্বেও কাউকে এমন দেখা যায়নি এবং পরেও কেউ এমন আসবে না। তাঁর দৈহিক গঠন ও অবয়ব হবে অত্যন্ত সুশ্রী। তিনি অধিক বিবাহকারী, তাঁর সন্তান সংখ্যা হবে কম এবং তাঁর বংশধারা চলবে এক বরকতময় মহিলা থেকে। জানাতে তাঁর জন্যে থাকবে নির্ধারিত প্রকোষ্ঠ। প্রকোষ্ঠটি একটি প্রকাণ ফাঁপা মুক্তোয় নির্মিত। সেখানে থাকবে না কোন ক্লান্তি, থাকবে না কোন চিৎকার ধ্বনি। হে ঈসা! তুমি শেষ যামানার যিম্মাদার হবে, যেমন যাকারিয়া ছিল তোমার মায়ের যিম্মাদার, জানাতে তার জন্যে থাকবে সাক্ষ দানকারী দু'টি পাখীর ছান। আমার নিকট তার যে মর্যাদা, তা অন্য কোন মানুষের নেই। তার কিতাবের নাম হবে কুরআন, ধর্মের নাম হবে ইসলাম। আমার এক নাম সালাম। ধন্য সেই, যে তাঁর সময়কাল পাবে, তাঁর কর্মকাণ্ড প্রত্যক্ষ করবে ও তাঁর কথা শ্রবণ করবে।

\*টীকা : শামাইলে তিরমিয়ীর ১ম অধ্যায়ের দ্বিতীয় হাদীসের বর্ণনা মতে তাঁর চুল না ছিল অতাধিক কুণ্ডিত, না ছিল একেবারে সোজা।

## তৃবা বৃক্ষের বর্ণনা

নবী ঈসা (আ) একদা আল্লাহর নিকট নিবেদন করলেন, হে আমার প্রতিপালক! তৃবা কী? আল্লাহ জানালেন, তৃবা একটি বৃক্ষের নাম। আমি নিজ হাতে তা রোপণ করেছি। এটা প্রত্যেকটা জান্নাতের জন্যই। এর শিকড় রিয়ওয়ানে এবং তার পানির উৎস তাসনীম। এর শিশির কর্পুরের মত, এর স্বাদ আদার এবং স্বাগ মিশকের মত। যে ব্যক্তি এর থেকে একবার পান করবে সে কখনও পিপাসাবোধ করবে না। ঈসা (আ) বললেন, আমাকে একবার সে পান করার সুযোগ দিন। আল্লাহ বললেন, সেই নবী পান করার পূর্বে অন্য নবীদের জন্যে এটা পান করা নিষিদ্ধ এবং সেই নবীর উম্মতরা পান করার পূর্বে অন্য নবীদের উম্মতদের জন্যে এর স্বাদ গ্রহণ নিষিদ্ধ। আল্লাহ বললেন, হে ঈসা! আমি তোমাকে আমার নিকট উঠিয়ে আনব। ঈসা বললেন, প্রভো! কেন আমাকে উঠিয়ে নিবেন? আল্লাহ বললেন, আমি প্রথমে তোমাকে উঠিয়ে আনব। তারপর শেষ যামানায় আবার পৃথিবীতে পাঠাব। এতে তুমি সেই নবীর উম্মতের বিশ্বাসকর অবস্থা প্রত্যক্ষ করতে পারবে এবং অভিশঙ্গ দাঙ্গালকে হত্যা করার ব্যাপারে তাদেরকে সাহায্য করতে পারবে। কোন এক নামাযের সময় তোমাকে পৃথিবীতে নামাব। কিন্তু তুমি তাদের নামাযে ইমামতি করবে না। কেননা তারা হচ্ছে রহমতপ্রাপ্ত উম্মত। তাদের যিনি নবী, তারপর আর কোন নবী নেই।

হিশাম ইব্ন আশ্বার..... যায়দ থেকে বর্ণিত। ঈসা বলেছিলেন, প্রভো! আমাকে এই রহমত প্রাপ্ত উম্মত সম্পর্কে কিছু জানান। আল্লাহ বললেন, তারা আহমদ নবীর উম্মত। তারা হবে নবীতুল্য আলিম ও প্রজ্ঞাবান। আমার অল্প অনুগ্রহে তারা সন্তুষ্ট থাকবে। শুধু লা-ইলাহা ইল্লাল্লাহুর বদৌলতেই তাদেরকে আমি জান্নাতে প্রবেশ করাবো। তারাই হবে জান্নাতের অধিকাংশ অধিবাসী। কেননা, লা-ইলাহা ইল্লাল্লাহুর যিকির দ্বারা তাদের জিহবা যে পরিমাণ সিক্ত হয়েছে, সে পরিমাণ সিক্ত অন্য কোন জাতির হয়নি এবং সিজদা করাতে তাদের গর্দান যতবার ভূ-লুঁষ্টিত হয়েছে, ততবার অন্য কোন জাতির গর্দান ভূলুঁষ্টিত হয়নি। (ইব্ন আসাকির)

ইব্ন আসাকির আব্দুল্লাহ ইব্ন আওসাজা থেকে বর্ণনা করেন। আল্লাহ ওহীর মাধ্যমে ঈসা ইব্ন মারযামকে বলেন, তোমার চিন্তা-ভাবনায় আমাকেও নিত্য সাথী করে রাখ এবং তোমার আখিরাতের জন্যে আমাকে সম্মলুকপে রাখ। নফল ইবাদতের দ্বারা আমার নৈকট্য অর্জন কর, তাহলে আমি তোমাকে প্রিয় জানবো। আমাকে বাদ দিয়ে অন্য কাউকে তোমার বক্তু বানিয়ো না। একপ করলে তুমি লাঞ্ছিত হবে। বিপদে ধৈর্যধারণ কর এবং তাকদীরের প্রতি সন্তুষ্ট থাক। তোমার মধ্যে আমার সন্তুষ্টিকে জগ্নত রাখ। কেননা তোমার সন্তুষ্টি আমার আনুগত্যে নিহিত, অবাধ্যতায় নয়। আমার নৈকট্য লাভের চেষ্টা কর, আমাকে সর্বদা স্মরণ রাখ। তোমার অস্তরে যেন আমার ভালবাসা বিরাজ করে। অবসর সময়ে সদা সচেতন থাক। সূক্ষ্ম প্রজ্ঞাকে সুদৃঢ় কর। আমার প্রতি আগ্রহ ও ভীতি পোষণ কর। আমার ভীতি দ্বারা অস্তরকে সমাহিত কর। আমার সন্তুষ্টি অর্জনের জন্যে রাতের সম্বৰহার করবে। এবং দিনের বেলা থাকবে তৃক্ষণার্থ, যাতে করে আমার নিকট পূর্ণ পরিত্পত্তির দিল লাভ করতে পার। কল্যাণকর কাজে তোমার চেষ্টা-সাধনা নিয়োজিত রাখ। যেখানেই থাক, কল্যাণকর কাজের সহায়ক থাক। মানুষের

নিকট আমার উপদেশ পৌছিয়ে দাও। আমার ন্যায়পরায়ণতার সাথে আমার বান্দাদের মধ্যে ফয়সালা কর। তোমার নিকট আমি এমন উপদেশ নায়িল করেছি, যা মনের সন্দেহ-সংশয় ও বিশ্বৃতি রোগের নিরাময় স্বরূপ। তা চোখের আবরণ দূর করে ও দৃষ্টিকে প্রখর করে। তুমি কোথাও মৃতবৎ স্থবির হয়ে থেকো না, যতক্ষণ তোমার শ্বাস-প্রশ্বাস চলে। হে ঈসা ইব্ন মারয়াম! আমার প্রতি যে লোকই ঈমান আনে, সে আমাকে ভয় করে। আর যে আমাকে ভয় করে, সে আমার থেকে পুরক্ষারেও আশা রাখে। অতএব, তুমি সাক্ষী থেকো, ঐ ব্যক্তি আমার শান্তি থেকে নিরাপদ থাকবে- যাবৎ না সে আমার নীতি পরিবর্তন করে। হে কুমারী তাপসী মারয়ামের পুত্র ঈসা! জীবনভর কাঁদতে থাক, যেভাবে কেঁদে থাকে পরিবার-পরিজনকে বিদায় দান কালে কোন লোক এবং দুনিয়াকে প্রত্যাখ্যান করে, দুনিয়ার স্বাদ বর্জন করে এবং আপন প্রভুর নিকট পুরক্ষারের আকাঙ্ক্ষায় থাকে। লোকের সাথে কোমল ব্যবহার করবে। সালামের প্রসার ঘটাবে। মানুষ যখন নির্দায় বিভোর থাকে তখন তুমি কিয়ামতের ভয়াবহ অবস্থা ও বিভীষিকাময় কঠিন ভূ-কম্পনের ভয়ে জগ্রত থাকবে।

সেদিন আপন পরিবার ও ধন-সম্পদ কোনই কাজে আসবে না। নির্বেধরা যখন হাসি-ঠাট্টারত থাকে, তখন তুমি চক্ষুদ্বয়কে চিঞ্চার বিষাদের সুর্মা মেখে রাখ এবং এ ব্যাপারে ধৈর্য ধারণ কর এবং একে তোমার পুণ্যপ্রাপ্তির হেতু কর। ধৈর্য অবলম্বককারীদের জন্মে আমি যে পুরক্ষারের ওয়াদা করেছি, তা যদি তুমি পেয়ে যাও, তবে তোমার জীবন ধন্য। দুনিয়ার মোহ ছিন্ন করে ক্রমান্বয়ে আল্লাহর দিকে অগ্রসর হতে থাক। যে নিয়ামত তোমার আয়ত্তে এসেছে তা থেকে সামান্য স্বাদ গ্রহণ কর। যে নিয়ামত তোমার আয়ত্তে আসেনি তার লোভ করো না। দুনিয়ায় অল্পতেই সন্তুষ্ট থাক। জীবন ধারণের জন্যে একটি শুকনা খেজুরই তোমার জন্যে যথেষ্ট মনে করবে। দুনিয়া কোন পরিণতির দিকে ধাবিত হচ্ছে তা তুমি প্রত্যক্ষ করছ। পরকালের হিসাবের কথা স্মরণ রেখে আমল করতে থাক। কেননা সেখানে তোমাকে জবাবদিহি করতে হবে। আমি আমার মনোনীত নেককার লোকদের জন্যে সেখানে যেসব পুরক্ষারের ব্যবস্থা রেখেছি, তা যদি তুমি দেখতে, তাহলে তোমার অন্তর বিগলিত হয়ে যেত এবং সহ্য করতে না পেরে তুমি মারাই যেতে।

আবু দাউদ তাঁর কিতাবে তাকদীর অধ্যায়ে লিখেছেন, মুহাম্মদ ইব্ন ইয়াহ্যা..... তাউস থেকে বর্ণিত। একদা ঈসা ইব্ন মারয়ামের সাথে ইবলীসের সাক্ষাত হয়। ঈসা ইবলীসকে বললেন, তুমি তো জান, তোমার তাকদীরে যা লেখা হয়েছে তার ব্যতিক্রম কিছুতেই হবে না। ইবলীস বলল, তা হলে আপনি এই পাহাড়ের চূড়ায় উঠুন এবং সেখান থেকে লাফ দিয়ে নীচে পড়ে দেখুন জীবিত থাকেন কিনা। ঈসা (আ) বললেন, তুমি জান না, আল্লাহ বলেছেন, বান্দা আমাকে পরীক্ষা করতে পারে না, আমি যা' চাই তাই করে থাকি? যুহুরী বলেছেন, মানুষ কোন বিষয়ে আল্লাহকে পরীক্ষা করতে পারে না, বরং আল্লাহ মানুষকে পরীক্ষা করে থাকেন। আবু দাউদ বললেন, আহমদ তাউসের বরাতে বলেন। একবার শয়তান হ্যরত ঈসার নিকটে এসে বলল, আপনি তো নিজেকে সত্যবাদী বলে মনে করেন, তা হলে আপনি উর্ধে উঠে নীচে লাফিয়ে পড়ুন দেখি। ঈসা বললেন, তোমার অঙ্গস্ত হোক, আল্লাহ কি এ কথা বলেন নি যে,

হে আদম সন্তান! তোমরা আমার নিকট মৃত্যু কামনা করবে না? কেননা আমি যা চাই তা-ই করে থাকি। আবু তাওয়া আর রবী'..... খালিদ ইব্ন ইয়ায়ীদ থেকে বর্ণিত। শয়তান দশ বছর কিংবা দু' বছর যাবত ঈসা (আ)-এর সাথে ইবাদত বন্দেগী করতে থাকে। একদিন তারা এক পাহাড়ের উপরে অবস্থান করছিলেন। তখন শয়তান ঈসা (আ)-কে বলল, আমি যদি এখান থেকে লাফ দিয়ে নীচে পড়ি, তাহলে আমার তাকদীরে যা লেখা আছে তার কি কোন ব্যক্তিক্রম ঘটবে? ঈসা (আ) বললেন, আমি আল্লাহকে পরীক্ষা করার ক্ষমতা রাখি না, বরং আল্লাহর যথন ইচ্ছা আমাকে পরীক্ষা করে থাকেন। ঈসা (আ) এতক্ষণে চিনতে পারলেন যে, এ শয়তান ছাড়া আর কিছু নয়। সুতরাং তিনি তাঁকে তাড়িয়ে দিলেন। আবু বকর ইব্ন আবিদ দুনিয়া..... আবু উছমান (র) থেকে বর্ণিত। একদা হ্যরত ঈসা (আ) এক পাহাড়ের উপরে সালাত আদায় করছিলেন। এমন সময় তার নিকট ইবলীস এসে বলল, আপনি কি এই দাবী করে থাকেন যে, প্রতিটি বিষয়ই তার পূর্ব নির্ধারিত তাকদীর অনুযায়ী সংঘটিত হয়? ঈসা (আ) বললেন, হ্যাঁ। ইবলীস বলল, তাহলে আপনি এ পাহাড় থেকে লাফ দিয়ে নীচে পড়ুন এবং বলুন যে, এটাই আমার তাকদীরে ছিল। ঈসা (আ) বললেন, ওহে অভিশপ্ত শয়তান! আল্লাহ তাঁর বান্দাকে পরীক্ষা করতে পারেন, কিন্তু বান্দারা কখনও আল্লাহকে পরীক্ষা করতে পারে না।

আবু বকর ইব্ন আবিদ দুনিয়া..... সুফিয়ান ইব্ন উয়ায়না (র) থেকে বর্ণনা করেন যে, একদা হ্যরত ঈসার সাথে ইবলীসের সাক্ষাত হয়। ইবলীস বলল, হে ঈসা ইব্ন মারয়াম! আপনি দোলনায় শিশু অবস্থায় মানুষের সাথে কথা বলেছেন, এটা আপনার প্রভুত্বের বড় নির্দেশন। আপনার পূর্বে আর কোন মানব সন্তান ঐ অবস্থায় কথা বলেনি। ঈসা (আ) বললেন, না -প্রভুত্ব তো এই আল্লাহর জন্যে নির্ধারিত, যিনি আমাকে শিশু অবস্থায় কথা বলার শক্তি দিয়েছেন, এরপরে এক সময় আমাকে মৃত্যু দিবেন এবং পুনরায় জীবিত করবেন। ইবলীস বলল, আপনি মৃতকে জীবিত করে থাকেন, এটা আপনার প্রভু হওয়ার বড় প্রমাণ। ঈসা (আ) বললেন, তা হয় কিভাবে, প্রভু তো একমাত্র তিনি, যিনি জীবিত করার প্রকৃত মালিক। এবং আমি যাকে জীবিত করি, তিনি তাকে মৃত্যু দেন এবং পুনরায় তাকে জীবিত করেন। ইবলীস বলল, আল্লাহর কসম, আপনি আকাশেরও প্রভু এবং দুনিয়ারও প্রভু। এ কথা বলার সাথে সাথে ফিরিশ্তা জিবরীল (আ) তাকে আপন ডানা দ্বারা এক ঝাপটা মেরে সূর্যের কিনারায় পৌঁছিয়ে দেন। তারপরে আর এক ঝাপটা মেরে সশ্রম সমুদ্রের তলদেশে পৌঁছিয়ে দেন। এমনকি ইবলীস সমুদ্রের নীচে কাদার সংগে লেগে যায়। সেখান থেকে বেরিয়ে এসে ঈসা ইব্ন মারয়ামকে বলে, আমি আপনার থেকে যে শিক্ষা পেলাম, এমন শিক্ষা কেউ কারও থেকে পায় না। এ জাতীয় ঘটনা আরও বিশদভাবে ভিন্ন সূত্রে বর্ণিত হয়েছে।

হাফিজ আবু বকর আল খাতীব..... আবু সালমা সুয়ায়দ থেকে বর্ণিত। হ্যরত ঈসা (আ) একদা বায়তুল মুকাদ্দাসে সালাত আদায় করে বাড়ি ফিরছিলেন। একটি গিরিপথ দিয়ে যাওয়ার সময় ইবলীস তাঁর সম্মুখে এসে পথরোধ করে দাঁড়ায়। ঈসা (আ) ঘুরে গেলে সে আবার সম্মুখে এসে দাঁড়ায় এবং বলতে থাকে- আপনার জন্যে অন্য কারও দাসত্ব করা শোভা পায় না। এ কথাটি সে বারবার ঈসা (আ)-কে বলতে থাকে। ঈসা (আ) তার হাত থেকে ছুটে আসার জন্যে

আগ্রাণ চেষ্টা করছিলেন, কিন্তু পারছিলেন না। ইবলীস বারবার এ কথাই বলছিল যে, হে ঈসা! কারও দাস হওয়া আপনাকে মানায় না। শেষ পর্যন্ত তিনি আল্লাহর নিকট সাহায্য প্রার্থনা করেন। তখন হ্যরত জিবরীল ও মিকাইল ফিরিশতাদ্বয় সেখানে হাজির হলেন। ইবলীস তাদেরকে দেখা মাত্র থেমে গেল। কিছুক্ষণ পর ঐ গিরিপথেই ইবলীস ঈসা (আ)-এর সম্মুখে উপস্থিত হল। তখন ফিরিশতাদ্বয় ঈসা (আ)-এর সাহায্যে অগ্রসর হলেন। হ্যরত জিবরীল তাঁর ডানা দ্বারা ঝাপটা মেরে ইবলীসকে বাতনে ওয়াদীতে নিষ্কেপ করে দেন। ইবলীস সেখান থেকে উঠে পুনরায় ঈসা (আ)-এর নিকট আসল। সে ধারণা করল, সে ফেরেশতাদ্বয়কে যা হৃকুম করা হয়েছিল তা পালন করে তাঁরা চলে গিয়েছেন, আর আসবেন না। সুতরাং সে ঈসা (আ)-কে পুনরায় বলল, আমি আপনাকে ইতিপূর্বেই বলেছি, দাস হওয়া আপনার জন্যে শোভনীয় নয়। আপনার ক্রোধ কোন দাসের ক্রোধ নয়। আপনার সাথে সাক্ষাতকালে প্রকাশিত ক্রোধ থেকে আমি এ কথা বুঝেছি। আমি আপনাকে এমন এক বিষয়ের প্রতি আহবান জানাচ্ছি যা আপনার জন্যে লাভজনক। আমি শয়তানদেরকে হৃকুম দিব, তারা আপনাকে প্রভু মানবে। মানুষ যখন দেখবে জিনরা আপনাকে প্রভু মানছে তখন তারাও আপনাকে প্রভু বলে মানবে এবং আপনার ইবাদত করবে। আমি এ কথা বলছি না যে, আপনিই একমাত্র মা'বুদ আর কোন মা'বুদ নেই। আমার কথা হচ্ছে, আল্লাহ থাকবেন আসমানের মা'বুদ আর আপনি হবেন দুনিয়ার মা'বুদ।

ইবলীসের মুখে এ কথা শুনার পর ঈসা (আ) আল্লাহর নিকট সাহায্য প্রার্থনা করেন এবং উচ্চ আওয়াজ করেন। তখন হ্যরত ইসরাফীল (আ) উপর থেকে নীচে নেমে আসেন। জিবরীল ও মীকাইল ফিরিশতাদ্বয় তাঁর দিকে লক্ষ্য করেন। ইবলীস থেমে যায়। অতঃপর ইসরাফীল তাঁর ডানা দ্বারা ইবলীসকে আঘাত করেন এবং 'আয়নুশ শামসে' নিষ্কেপ করেন। কিছুক্ষণ পর দ্বিতীয়বার আঘাত করেন। এরপর ইবলীস সেখান থেকে অবতরণ করে ঈসা (আ)-কে একই স্থানে দেখতে পায় এবং তাঁকে উদ্দেশ্য করে বলে, হে ঈসা! আজ আমি আপনার জন্যেই দারুণ কষ্ট ভোগ করেছি। তারপর তাকে আয়নুশ শামসে নিষ্কেপ করা হয়। সেখানে আয়নুল হামিয়াতে সাত রাজাকে দেখতে পায়, তারা তাকে তাতে ডুবিয়ে দেয়। যখনই সে চিকার করেছে তখনই তারা তাকে সেই কর্দমে ডুবিয়ে দেয়। বর্ণনাকারী বলেন, এরপর ইবলীস কখনও ঈসা (আ)-এর নিকট আসেনি। ইসমাইল আস্তার..... আবু হ্যায়ফা (রা) থেকে বর্ণনা করেন যে, অতঃপর ইবলীসের নিকট তার দলবল শয়তানরা জমায়েত হয় এবং বলে, হে আমাদের সর্দার! আজ যে আপনাকে খুবই ক্লান্ত শ্রান্ত মনে হচ্ছে! ইবলীস হ্যরত ঈসার প্রতি ইংগিত করে বললঃ তিনি হচ্ছেন আল্লাহর নিষ্পাপ বান্দা। তাঁর উপর প্রভাব বিস্তার করার সাধ্য আমার নেই। তবে তাঁকে কেন্দ্র করে আমি বিপুল সংখ্যক লোককে বিপদগামী করব। বিভিন্ন প্রকার কামনা-বাসনা তাদের মধ্যে জাগিয়ে তুলব। তাদেরকে নানা দলে-উপদলে বিভক্ত করব। তারা তাঁকে ও তাঁর মাকে আল্লাহর আসনে বসাবে। কুরআন মজীদে আল্লাহ হ্যরত ঈসাকে ইবলীসের ধোকা থেকে হেফাজত করাকে তাঁর অনুগ্রহ হিসেবে উল্লেখ করে বলেনঃ

يَأَعِيسَى بْنَ مَرْيَمَ اذْكُرْ نِعْمَتِيْ عَلَيْكَ وَعَلَى وَالدِّيْنِكَ اذْ أَيْدِتُكَ بِرُوحِ  
الْقُدُسِ -

হে মারয়াম তনয় ঈসা! তোমার প্রতি ও তোমার জননীর প্রতি আমার অনুগ্রহ স্বরণ কর। পবিত্র আজ্ঞা অর্থাৎ জিবরীল ফিরিশতা দ্বারা আমি তোমাকে শক্তিশালী করেছিলাম। হিকমত, তাওরাত ও ইনজীল শিক্ষা দিয়েছিলাম; তুমি কর্দম দ্বারা আমার অনুমতিক্রমে পাখি সদৃশ আকৃতি গঠন করতে এবং তাতে ফুঁৎকার দিতে, ফলে আমার অনুমতিক্রমে তা পাখি হয়ে যেত; জন্মাঙ্ক ও কুষ্ঠ ব্যাধিগ্রস্তকে তুমি আমার অনুমতিক্রমে নিরাময় করতে এবং আমার অনুমতি ক্রমে তুমি মৃতকে জীবিত করতে; আমি তোমা হতে বনী ইসরাইলকে নিবৃত্ত রেখেছিলাম; তুমি যখন তাদের নিকট স্পষ্ট নির্দেশন এনেছিলে তখন তাদের মধ্যে যারা কুফরী করেছিল তারা বলেছিল, এ তো স্পষ্ট যাদু। (৫ মায়িদাঃ ১১০)।

আমি গরীব ও মিসকীন লোকদেরকে তোমার একান্ত ভক্ত ও সাথী বানিয়েছি— যাদের উপরে তুমি সত্ত্বুষ্ট; এমন সব শিষ্য ও সাহায্যকারী তোমাকে দিয়েছি, যারা তোমাকে জান্মাতের পথ প্রদর্শনকারী রূপে পেয়ে সন্তুষ্ট। জেনে রেখো, উক্ত গুণ দু'টি বান্দাৰ জন্যে প্রধান গুণ। যারা এ গুণ দু'টি নিয়ে আমার কাছে আসবে, তারা আমার নিকট সবচেয়ে উৎকৃষ্ট ও মনোনীত বান্দা হিসেবে গণ্য হবে। বনী ইসরাইলীরা তোমাকে বলবে, আমরা রোজা রেখেছি কিন্তু তা কবুল হয়নি, নামায পড়েছি কিন্তু তা গৃহীত হয়নি, দান-সাদকা করেছি কিন্তু তা মঙ্গুর হয়নি, উটের কান্দার ন্যায করুণ সুরে কেঁদেছি কিন্তু আমাদের কান্দার প্রতি দয়া প্রদর্শন করা হয়নি। এ সব অভিযোগের জবাব তাদের কাছে জিজ্ঞেস কর, এমনটা কেন হল? কোন জিনিসটি আমাকে এসব কবুল করা থেকে বাধা দিয়েছে? আসমান ও যমীনের সমস্ত ধন ভাণ্ডার কি আমার হাতে নেই? আমি আমার ধন ভাণ্ডার থেকে যেরূপ ইচ্ছা খরচ করে থাকি। কৃপণতা আমাকে স্পৰ্শ করে না। আমি কি প্রার্থনা শ্রবণের ক্ষেত্রে সর্বোক্তুম এবং দান করার ব্যাপারে সবচেয়ে উদার সত্তা নই? না আমার দান- অনুগ্রহ সংকুচিত হয়ে গিয়েছে? দুনিয়ার কেউ কারও প্রতি অনুগ্রহশীল হলে সে তো আমারই দয়ার কারণে তা করে থাকে।

হে ঈসা ইব্ন মারয়াম! ঐ সম্প্রদায়ের লোকদের অন্তরে আমি যে সব সদগুণ প্রদান করেছিলাম তারা যদি সেগুলোকে সঠিকভাবে কাজে লাগাত তা হলে আবিরাতের জীবনের উপরে দুনিয়ার জীবনকে প্রাধান্য দিত না এবং বুরতে পারত যে, কোথা থেকে তাদেরকে দান করা হয়েছে, আর তারা এটাও বিশ্বাস করত যে, মনের কামনা বাসনাই তাদের বড় দুশ্মন। তাদের রোজা আমি কিভাবে কবুল করি। যখন হারাম খাবার গ্রহণের মাধ্যমে তারা শক্তি সঞ্চয় করেছে? তাদের নামায আমি কিভাবে কবুল করি, যখন তাদের অন্তর ঐ সব লোকদের প্রতি আকৃষ্ট যারা আমার বিরোধিতা করে এবং আমার নিষিদ্ধ বস্তুকে হালাল জানে? কি করে তাদের দান-সাদকা আমি মঙ্গুর করি, যখন তারা মানুষের উপর জুলুম করে অবৈধ পছ্যায় তাদের ধন-সম্পদ ছিনিয়ে নেয়। হে ঈসা! আমি ঐ সব লোকদেরকে যথাযথ প্রতিদান দিব। হে ঈসা! তাদের কান্দায় আমি দয়া দেখাব কিভাবে, যখন তাদের হাত নবীদের রক্তে রঞ্জিত? এ কারণে তাদের প্রতি আমার ক্রোধ অতি মাত্রায় বেশী। হে ঈসা! যে দিন আমি আকাশ ও পৃথিবী সৃষ্টি করেছি- সে দিন-ই আমি এ বিষয়টি চূড়ান্ত করে রেখেছি যে, যে ব্যক্তি আমার দাসত্ব কবুল করবে এবং তোমার ও তোমার মা সম্পর্কে আমার বাণীকে সঠিক বলে মেনে নিবে, তাকে আমি তোমার ঘরের প্রতিবেশী বানাব, সফরের সাথী করব এবং অলৌকিক ঘটনা প্রকাশে তোমার

শরীক করব। যে দিন আমি আসমান যমীন সৃষ্টি করেছি, সে দিন এ বিষয়ে চূড়ান্ত ফয়সালা করে রেখেছি যে, যে সব লোক তোমাকে ও তোমার মাকে আল্লাহর সাথে শরীফ করে প্রভু বানাবে, তাদেরকে আমি জাহানামের সর্বনিম্ন স্থানে স্থান দিব। যে দিন আমি আসমান ও যমীন সৃষ্টি করেছি, সে দিন এই সিন্ধান্ত চূড়ান্ত করে রেখেছি যে, আমি আমার প্রিয় বান্দা মুহাম্মদের হাতে এ বিষয়টি নিপত্তি করব। তার উপরেই নবুওত ও রিসালাতের পরিসমাপ্তি টানব। তার জন্ম হবে মক্কায়, হিজরতস্থল (মদীনা) তায়িবা। শ্যাম দেশ তার করতলগত হবে। সে কর্কশ ভাষী ও কঠোর হৃদয় হবে না, বাজারে চিক্কার করে ফিরবে না, অশ্লীল অশ্রাব্য কথাবার্তা বলবে না। প্রতিটি বিষয়ে উত্তম পদ্ধা অবলম্বনের জন্যে আমি তাকে তাওফীক দিব। সৎ চরিত্রের যাবতীয় গুণাবলী তাকে প্রদান করব। তার অন্তর থাকবে তাকওয়ায় পরিপূর্ণ। জ্ঞান হবে প্রজ্ঞায় সমৃদ্ধ। প্রতিশ্রূতি রক্ষা করা তার স্বভাব, ন্যায় বিচার তার চরিত্র, সত্য তার শরীআত, ইসলাম তার আদর্শ, নাম হবে তার আহমদ।

আমি তার সাহায্যে মানুষকে বিভ্রান্তি থেকে সঠিক পথ দেখাব, অজ্ঞতা থেকে ফিরিয়ে জানের দিকে আনব, নিঃস্ব অবস্থা থেকে স্বচ্ছলতার দিকে আনব, বিপর্যস্ত অবস্থা থেকে উদ্ধার করে উন্নতির সোপানে উঠাব। তার দ্বারা সঠিক পথ প্রদর্শন করবো। তার সাহায্যে বধির ব্যক্তিকে শ্রবণ শক্তি দান করব, আচ্ছাদিত হৃদয় সমূক্তকে উন্মুক্ত করে দিব, বিভিন্ন কামনা-বাসনাকে সংযত করব। তার উন্নতকে পৃথিবীর শ্রেষ্ঠ উন্মত্তের মর্যাদা দান করব। মানব জাতির কল্যাণ সাধনের জন্যে তাদের অঙ্গুলদ্য ঘটবে। তারা মানুষকে ভাল কাজে আহবান জানাবে ও গর্হিত কাজ থেকে নিষেধ করবে। আমার নামে তারা নিষ্ঠাবান থাকবে। রাসূলের আনীত আদর্শকে তারা মনে-গ্রাণে বিশ্বাস করবে। তারা তাদের মসজিদে, সভা সমিতিতে বাড়ি ঘরে ও চলতে ফিরতে সর্বাবস্থায় আমার তাসবীহ পাঠ করবে, পবিত্রতা ঘোষণা করবে ও লা-ইলাহা ইল্লাল্লাহ কলেমা পড়বে। তারা দাঁড়ানো অবস্থায়, বসা অবস্থায় রুকু' সিজদার মাধ্যমে আমার জন্যে সালাত আদায় করবে। আমার পথে তারা সারিবদ্ধ হয়ে দুশ্মনের বিরুদ্ধে লড়াই করবে। আল্লাহর পথে রক্ত দান হচ্ছে তাদের নিকট পুণ্যকর্ম। সুসংবাদের আশায় তাদের অন্তর ভরপুর, তাদের পুন্য কৃজসমূহ প্রদর্শনীমুক্ত। রাতের বেলায় তারা আল্লাহর ধ্যানে মশগুল তাপস আর দিনের বেলায় যুদ্ধের ময়দানে সাক্ষাত সিংহ—এ সবই আমার অনুগ্রহ। যাকে ইচ্ছা তাকে দিই। আমি মহা অনুগ্রহশীল।

উপরে যা কিছু আলোচনা হল, এর সপক্ষে প্রমাণাদি আমরা সূরা মায়িদা ও সূরা সাফ্ এর প্রসঙ্গে বিস্তারিতভাবে বর্ণনা করব ইনশা আল্লাহ। আরু হ্যায়ফা ইসহাক ইব্ন বিশ্র বিভিন্ন সূত্রে কা'ব আল-আহবার, ওহাব ইবন মুনাবিহ, ইব্ন আবুবাস (রা) ও সালমান ফারসী (রা) থেকে বর্ণনা করেন। বর্ণনায় তাদের একজনের বক্তব্য অন্যজনের বক্তব্যের সাথে মিশে গেছে। তারা বলেন যে, হ্যরত ঈসা ইবন মারয়াম যখন বনী ইসরাইলের নিকট প্রেরিত হলেন এবং তাদের সম্মুখে সুস্পষ্ট নির্দেশনাদি তুলে ধরলেন তখন বনী ইসরাইলের মুনাফিক ও কাফির শ্রেণীর লোকেরা তাঁর সাথে উপহাস করতো। তারা জিজ্ঞেস করত, বলুন তো, অমুক গতকাল কী খাবার খেয়েছে এবং বাড়িতে সে কী রেখে এসেছে? হ্যরত ঈসা (আ) তাদেরকে সঠিক জবাব দিয়ে দিতেন। এতে মুমিনদের ঈমান এবং কাফির ও মুনাফিকদের সন্দেহ ও অবিশ্বাস আরও বেড়ে যেত, এতদসত্ত্বে ও হ্যরত ঈসার মাথা গৌঁজায় মত কোন ঘর বাড়ী ছিল না। খোলা আকাশের নীচে মাটির উপর তিনি সালাত ও তাসবীহ আদায় করতেন। তাঁর কোন

স্থায়ী আবাসস্থল বা ঠিকানা ছিল না। সর্বপ্রথম তিনি যে মৃত ব্যক্তিকে জীবিত করেন সে ঘটনাটি ছিল এরূপ :

একদা তিনি কোন এক কবরের পাশ দিয়ে যাচ্ছিলেন। ঐ কবরের নিকটে এক মহিলা বসে কাঁদছিল। ঈসা মহিলাকে জিজ্ঞেস করলেন, তোমার কৌ হয়েছে? মহিলাটি বলল, আমার একটি মাত্র কন্যা ছিল। সে ছাড়া আমার আর কোন সন্তান নেই। আমার সে কন্যাটি মারা গিয়েছে। আমি আল্লাহর সাথে প্রতিজ্ঞা করেছি যে, হয় তিনি আমার কন্যাকে জীবিত করে দিবেন, না হয় আমিও তার মত মারা যাব, এ জায়গা ত্যাগ করব না। আপনি এর দিকে একটু লক্ষ্য করুন। ঈসা (আ) বললেন, আমি যদি লক্ষ্য করি তবে কি তুমি এখান থেকে ফিরে যাবে? মহিলাটি বলল, হ্যাঁ তা-ই করব। তারপর হ্যারত ঈসা (আ) দু' রাকআত সালাত আদায় করে কবরের পাশে এসে বসলেন এবং বললেনঃ ওহে অমুক, তুমি আল্লাহর হৃকুমে উঠে দাঢ়াও, এবং বের হয়ে এস। তখন কবরটি সামান্য কেঁপে উঠল। ঈসা (আ) দ্বিতীয়বার আহবান করলেন। এবার কবরটি ফেটে গেল। তৃতীয়বার আহবান করলে কবরবাসিনী বেরিয়ে আসল এবং মাথার চুল থেকে ধুলাবালি খেড়ে ফেলতে লাগল। ঈসা (আ) তাকে জিজ্ঞেস করলেন, বের হতে তোমার দেরী হল কেন? মেয়েটি বলল, প্রথম আওয়াজ শোনার পর আল্লাহ আমার নিকট একজন ফিরিশতা পাঠান। তিনি আমার দেহের অংগ-প্রত্যাংগগুলি জোড়া লাগান। দ্বিতীয় আওয়াজের পর রহ আমার দেহের ভিতর প্রবেশ করে। তৃতীয় আওয়াজ যখন হল তখন আমার ধারণা হল, এটা কিয়ামতের আওয়াজ। আমি ভীত-শংকিত হয়ে পড়লাম। কিয়ামতের ভয়ে আমার মাথার চুল ও চোখের ভু সব সাদা হয়ে গিয়েছে। তারপর মেয়েটি তার মায়ের কাছে গিয়ে বলল, মা! আপনি আমাকে মৃত্যুর তিক্ত স্বাদ দুইবার গ্রহণ করালেন কেন? মা! ধৈর্য ধরুন, পুণ্যের আশা করুন। দুনিয়ার উপরে থাকার কোন অগ্রহ আমার নেই। হে রহমান! হে কলেমাতুল্লাহ! আপনি আল্লাহর নিকট দোয়া করুন, যেন আমাকে তিনি আখিরাতের জীবন ফিরিয়ে দেন এবং মৃত্যুর কষ্ট কমিয়ে দেন। ঈসা (আ) আল্লাহর নিকট দোয়া করলেন। ফলে মেয়েটির দ্বিতীয়বার মৃত্যু হল এবং তাকে কবরস্থ করা হল। এ সংবাদ ইয়াতুন্দীদের নিকট পৌছলে তারা ঈসা (আ)-এর প্রতি পূর্বের চাইতে অধিক বিদ্বেষ পরায়ণ হয়ে উঠে।

ইতিপূর্বে হ্যারত নৃহ (আ)-এর ঘটনা বর্ণনা করার পরে উল্লেখ করা হয়েছে যে, হ্যারত নৃহের পুত্র সাম-কে জীবিত করে দেয়ার জন্যে বনী ইসরাইলরা হ্যারত ঈসার নিকট দাবী জানায়। তিনি সালাত আদায় করে আল্লাহর নিকট দোয়া করেন। ফলে আল্লাহ তাঁকে জীবিত করে দেন। সাম জীবিত হয়ে বনী ইসরাইলদেরকে নৃহ (আ)-এর নৌকা সম্বন্ধে অবহিত করেন, ঈসা (আ) পুনরায় দোয়া করলে তিনি আবার মাটির সাথে মিশে যান।

সুদ্দী .... ইব্ন আববাস (রা)-এর বরাতে একটি ঘটনার উল্লেখ করেছেন। ঘটনাটি হল, বনী ইসরাইলের কোন এক বাদশাহৰ মৃত্যু হয়। কবরস্থ করার জন্যে তাকে খাটের উপর রাখা হয়। এ সময় হ্যারত ঈসা (আ) সেখানে উপস্থিত হন। তিনি আল্লাহর নিকট দোয়া করেন। ফলে বাদশাহ জীবিত হয়ে যায়। মানুষ অবাক দৃষ্টিতে এ আশ্চর্য ও অভূতপূর্ব ঘটনা প্রত্যক্ষ করে। আল্লাহর বাণী :

إِذْ قَالَ اللَّهُ يَعِيسَى بْنَ مَرْيَمَ اذْكُرْ نَعْمَتِي عَلَيْكَ وَعَلَى وَالدِّيْكَ -اذْ أَيْدَتُكَ بِرُوحِ الْقُدُّسِ تُكَلِّمُ النَّاسَ فِي الْمَهْدِ وَكَهْلًا- وَإِذْ عَلَمْتُكَ الْكِتَبَ وَالْحُكْمَةَ وَالْتُّورَاةَ وَالْأَنْجِيلَ وَإِذْ تَخْلُقُ مِنَ الطِّينِ كَهْيَةً الطَّيْرَ بِإِنْسِيْ فَتَنْفَخُ فِيهَا فَتَكُونُ طَيْرًا بِإِنْسِيْ وَتَبْرِيْ إِلَّا كَمَةَ وَالْأَبْرَصَ بِإِنْسِيْ . وَإِذْ تُخْرِجُ الْمَوْتَى بِإِنْسِيْ . وَإِذْ كَفَفْتُ بَنِي إِسْرَائِيلَ عَنْكَ اذْ جِئْتُهُمْ بِالْبَيْنَتِ فَقَالَ الَّذِيْنَ كَفَرُوا مِنْهُمْ أَنْ هَذَا إِلَّا سِحْرٌ مُّبِيْنٌ . وَإِذْ أَوْحَيْتُ إِلَى الْحَوَارِيْنَ أَنْ أَمْنُوا بِيْ وَبِرَسُولِيْ . قَالُوا أَمَنَّا وَأَشْهَدُ بِإِنَّنَا مُسْلِمُونَ .

আল্লাহ বলবেন, হে মারযাম-তন্য ঈসা! তোমার প্রতি ও তোমার মায়ের প্রতি আমার অনুগ্রহ শ্বরণ কর : পবিত্র আস্তা দ্বারা আমি তোমাকে শক্তিশালী করেছিলাম এবং তুমি দোলনায় থাকা অবস্থায় ও পরিণত বয়সে মানুষের সাথে কথা বলতে; তোমাকে কিতাব হিক্মত, তাওরাত ও ইন্জীল শিক্ষা দিয়েছিলাম; তুমি কাদা দ্বারা আমার অনুমতিক্রমে পাখী সদৃশ আকৃতি গঠন করতে এবং তাতে ফুঁৎকার দিতে, ফলে আমার অনুমতিক্রমে তা পাখী হয়ে যেত; জন্মাক্ষ ও কুষ্ট ব্যাধিগ্রন্থকে তুমি আমার অনুমতিক্রমে নিরাময় করতে এবং আমার অনুমতিক্রমে তুমি মৃতকে জীবিত করতে; আমি তোমা হতে বনী ইসরাইলকে নিবৃত্ত রেখেছিলাম; তুমি যখন তাদের নিকট স্পষ্ট নির্দশন এনেছিলে তখন তাদের মধ্যে যারা কুফরী করেছিল তারা বলেছিল, এতো স্পষ্ট যান্দু। আরও শ্বরণ কর, আমি যখন হাওয়ারীদেরকে এই আদেশ দিয়েছিলাম যে, তোমরা আমার প্রতি ও আমার রাসূলের প্রতি ঈমান আন, তারা বলেছিল, আমরা ঈমান আনলাম এবং তুমি সাক্ষী থাক যে, আমরা তো মুসলিম। (৫ মায়দা : ১১০-১১১)

এখানে আল্লাহ তা'আলা হ্যরত ঈসার প্রতি প্রদত্ত অনুগ্রহসমূহ ও পিতা ব্যতীত মায়ের থেকে সৃষ্টির কথা উল্লেখ করেছেন। তাঁকে তিনি মানব জাতির জন্যে নির্দশন বানিয়েছেন। বলা বাহ্য, এটা আল্লাহর অসীম ক্ষমতারই সুস্পষ্ট প্রমাণ। এ সবের পরেও তাঁকে রাসূল বানিয়ে নিজ অনুগ্রহ পূর্ণ করেন। “তোমার মায়ের প্রতি আমার অনুগ্রহ” অর্থাৎ প্রথমত, এই বিশাল নিয়ামতের অধিকারী মহান নবীর মা হওয়ার জন্যে তাঁর প্রতি যে কুৎসা রটনা করেছিল তা থেকে মুক্ত করার জন্যে প্রমাণ উপস্থাপন। “পবিত্র আস্তা দ্বারা আমি তোমাকে শক্তিশালী করেছিলাম।” পবিত্র আস্তা অর্থ জিবরাইল ফিরিশতা। জিবরাইলের দ্বারা শক্তিশালী করেছিলেন এভাবে যে, তিনি তাঁর রূহকে তাঁর মায়ের জামার হাতার মধ্যে ফুঁৎকার দিয়ে প্রবেশ করিয়ে দিয়েছিলেন; রিসালাতের দায়িত্ব পালনকালে তিনি ঈসা (আ)-এর সাথে সাথে থাকতেন এবং নবীর বিরোধীদেরকে তিনি প্রতিহত করতেন।” দোলনায় থাকা অবস্থায় ও পরিণত বয়সে কথা বলার” অর্থ-তুমি শিশুকালে দোলনায় থাকা অবস্থায় মানুষকে আল্লাহর দিকে আহ্বান করেছ এবং পরিণত বয়সেও তাদেরকে আহ্বান করবে।” কিতাব ও হিক্মত শিক্ষা দেওয়ার অর্থ লিপি

জ্ঞান ও গভীর অনুধাবন শক্তি দান করা। প্রাচীন যুগের আলিম এরূপ ব্যাখ্যা করেছেন। “কাদা দ্বারা পাথীর আকৃতি গঠন” অর্থাৎ আল্লাহর অনুমতিক্রমে তুমি কাদা দ্বারা পাথীর আকৃতি অবয়ব গঠন করতে। “আমার অনুমতিক্রমেপাথী হয়ে যেত।” অনুমতিক্রমে অর্থ আদেশক্রমে, আল্লাহর অনুমতি কথাটি আনার উদ্দেশ্য হল, মানুষ যাতে এই সন্দেহ না করে যে, ঈসা নিজের ক্ষমতা বলেই এরূপ করেছেন। জন্মান্ত বলতে এখানে কোন কোন আলিম বলেছেন : যার কোন চিকিৎসা নেই। কুষ্ঠ রোগীও এমন কুষ্ঠরোগ, যার কোন চিকিৎসা নেই। “মৃতকে জীবিত করা” অর্থাৎ কবর থেকে জীবিত অবস্থায় উঠানো। আমার অনুমতিক্রমে শব্দটির পুনরুক্তি। এ কথা দ্বারা ঐ ঘটনার দিকে ইংগিত করা হয়েছে, যখন বনী ইসরাইলরা তাঁকে শূলে চড়াবার জন্যে উদ্যত হয়েছিল। তখন আল্লাহ তাঁকে তাদের হাত থেকে রক্ষা করেছিলেন এবং আপন সান্নিধ্যে তুলে নিয়েছিলেন। “আমি যখন হাওয়ারীদেরকে ওই মারফত আদেশ দিয়েছিলাম” এখানে ওহীর দু’প্রকার ব্যাখ্যা পাওয়া যায়।

এক; ওহী অর্থ ইলহাম বা প্রেরণা জাগিয়ে দেওয়া। এ অর্থে কুরআনের আয়াত যেমন :

وَأَوْحَى رَبُّكَ إِلَيْنَا أَمْ مُوسَىٰ أَرْضِعِيهِ فَإِذَا حَفْتَ عَلَيْهِ فَالْقِيَةَ فِي الْيَمِّ

তুলে নিয়েছিলেন (১৬ নাহল : ৬৮);

মূসার মায়ের অন্তরে আমি ইংগিতে নির্দেশ করলাম, শিশুটিকে স্তন্য দান করতে থাক। যখন তুমি তার সম্পর্কে কোন আশংকা করবে তখন একে দরিয়ায় নিষ্কেপ করে দিও। (২৮ কাসাস : ৭)

দুই; রাসূলের মাধ্যমে প্রেরিত ওহী এবং তাদেরকে সত্য গ্রহণের তাওফীক দেওয়া। এ জন্যেই তারা প্রতি উত্তরে বলেছিল **أَمْنًا وَأَشْهَدْ بَانِنَا مُسْلِمُونَ** “আমরা ঈমান আনলাম এবং তুমি সাক্ষী থাক যে, আমরা মুসলিম।” হযরত ঈসা (আ)-এর প্রতি আল্লাহ প্রদত্ত অনুগ্রহ সমূহের মধ্যে অন্যতম বড় অনুগ্রহ এই যে, তিনি তাঁকে এমন একদল সাহায্যকারী ও সেবক দিয়েছিলেন, যারা তাকে সর্বোত্তমে সাহায্য-সহযোগিতা করতেন এবং মানুষকে এক অদ্বীতীয় আল্লাহর ইবাদতের দিকে আহ্বান জানাতেন। যেমন আল্লাহ তা’আলা হযরত মুহাম্মাদ (সা) সম্পর্কে বলেছেন :

هُوَ الَّذِي أَيَّدَكَ بِنَصْرِهِ وَبِالْمُؤْمِنِينَ وَالْفَ بَيْنَ قُلُوبِهِمْ لَوْ أَنْفَقْتَ مَا فِي الْأَرْضِ جَمِيعًا مَا أَلْفَتَ بَيْنَ قُلُوبِهِمْ وَلَكِنَّ اللَّهَ الَّفَ بَيْنَهُمْ إِنَّهُ عَزِيزٌ حَكِيمٌ.

তিনি তোমাকে আপন সাহায্য ও মুমিনদের দ্বারা শক্তিশালী করেছেন; এবং তিনি ওদের পরম্পরের হন্দয়ের মধ্যে প্রীতি স্থাপন করেছেন। পৃথিবীর যাবতীয় সম্পদ ব্যয় করলেও তুমি তাদের হন্দয়ে প্রীতি স্থাপন করতে পারতে না; কিন্তু আল্লাহ তাদের মধ্যে প্রীতি স্থাপন করেছেন। নিশ্চয়ই তিনি পরাক্রমশালী, প্রজ্ঞাময়। (৮ আনফাল : ৬২, ৬২)

আল্লাহ বলেন :

وَيَعْلَمُهُ الْكِتَابَ وَالْحُكْمَةَ وَالشُّورَاهَ وَالْأَنْجِيلَ. وَرَسُولًا إِلَىٰ بَنِيٍّ  
إِسْرَائِيلَ أَتَىٰ قَدْ جِئْتُكُمْ بِآيَةً مِّنْ رَبِّكُمْ أَتَىٰ أَخْلُقُ لَكُمْ مِّنَ الطَّينِ كَهْيَةً  
الطَّيْرِ فَانْفَخْ فِيهِ فَيُكُونُ طَيْرًا بِإِذْنِ اللَّهِ وَأَبْرَئُ الْأَكْمَهَ وَالْأَبْرَصَ وَأَخْرِيَّ  
الْمَوْتَىٰ بِإِذْنِ اللَّهِ وَأَتَيْتُكُمْ بِمَا تَأْتِيَ كُلُّهُنَّ وَمَا تَدَخِرُونَ فِي بُيُوتِكُمْ إِنَّ فِيٌّ  
ذَلِكَ لَا يَةً لَكُمْ إِنْ كُنْتُمْ مُؤْمِنِينَ. وَمُصَدِّقًا لِمَا بَيْنَ يَدَيِّ مِنَ الشُّورَاهِ  
وَلَا حِلٌّ لَكُمْ بَعْضُ الدِّيْنِ حُرْمَ عَلَيْكُمْ وَجِئْتُكُمْ بِآيَةٍ مِنْ رَبِّكُمْ فَاتَّقُوا اللَّهَ وَ  
أَطِيعُونَ. إِنَّ اللَّهَ رَبِّيٌّ وَرَبُّكُمْ فَاعْبُدُوهُ هَذَا صِرَاطٌ مُسْتَقِيمٌ. فَلَمَّا أَحَسَّ  
عِيْسَىٰ مِنْهُمُ الْكُفَّارَ قَالَ مَنْ أَنْصَارِيٌ إِلَى اللَّهِ قَالَ الْحَوَارِيُّونَ نَحْنُ  
أَنْصَارُ اللَّهِ أَمَّا بِاللَّهِ وَأَشْهَدُ بِأَنَّا مُسْلِمُونَ. رَبَّنَا أَمَّا بِمَا أَنْزَلْتَ  
وَأَتَبَعْنَا الرَّسُولَ فَاقْتَبَسْنَا مَعَ الشَّهِيدِينَ. وَمَكْرُوْ وَمَكْرَ اللَّهُ وَاللَّهُ خَيْرٌ  
الْمُكْرِيْنَ.

“এবং তিনি তাকে শিক্ষা দিবেন কিতাব, হিকমত, তাওরাত ও ইন্জীল এবং তাকে বনী ইসরাইলের জন্যে রাসূল করবেন। সে বলবে, আমি তোমাদের প্রতিপালকের পক্ষ হতে তোমাদের নিকট নির্দশন নিয়ে এসেছি। আমি তোমাদের জন্যে কাদা দিয়ে একটি পাখীর আকৃতি গঠন করব; তাতে আমি ফুঁৎকার দিব; ফলে আল্লাহর হৃকুমে তা পাখী হয়ে যাবে। আমি জন্মান্ধ ও কৃষ্ট ব্যাখ্যিস্তকে নিরাময় করব এবং আল্লাহর হৃকুমে মৃতকে জীবন্ত করব। তোমরা তোমাদের ঘরে যা আহার কর ও মওজুদ কর তা’তোমাদেরকে বলে দেব। তোমরা যদি মুমিন হও তবে এতে তোমাদের জন্যে নির্দশন রয়েছে। আর আমি এসেছি আমার সম্মুখে তাওরাতের যা রয়েছে তার সমর্থকরণে ও তোমাদের জন্যে যা নিষিদ্ধ ছিল তার কতকগুলোকে বৈধ করতে। এবং আমি তোমাদের প্রতিপালকের পক্ষ থেকে তোমাদের নিকট নির্দশন নিয়ে এসেছি। সুতরাং আল্লাহকে ভয় কর ও আমাকে অনুসরণ কর। আল্লাহ আমার প্রতিপালক এবং তোমাদেরও প্রতিপালক, সুতরাং তোমরা তাঁর ইবাদত করবে। এটাই সরল পথ। যখন ঈসা তাদের অবিশ্বাস উপলক্ষি করল তখন সে বলল, আল্লাহর পথে কারা আমার সাহায্যকারী। হাওয়ারীরা বলল, আমরাই আল্লাহর পথে সাহায্যকারী। আমরা আল্লাহতে ঈমান এনেছি। আমরা আত্মসমর্পণকারী, তুমি এর সাক্ষী থাক। হে আমাদের প্রতিপালক! তুমি যা অবতীর্ণ করেছ তাতে আমরা ঈমান এনেছি এবং আমরা এই রাসূলের অনুসরণ করেছি। সুতরাং আমাদেরকে সাক্ষ্য দানকারীদের তালিকাভুক্ত কর। এবং তারা চক্রান্ত করেছিল, আল্লাহও কৌশল করেছিলেন; আল্লাহ কৌশলীদের শ্রেষ্ঠ।” (৩ আলে ইমরান : ৪৮-৫৮)

প্রত্যেক নবীর মু'জিয়া ছিল তাঁর নিজ যুগের মানুষের চাহিদার উপযোগী। যেমন হ্যরত মূসা (আ)-এর যুগের লোকেরা ছিল তৌক্ষণ্যী যাদুকর। আল্লাহর তাঁকে এমন মু'জিয়া দান করলেন যা যাদুকরদের চোখ ঝলিয়ে দিয়েছিল এবং যাদুকররা তাঁর নিকট আত্মসমর্পণ করেছিল। যাদুকররা যাদু সংক্রান্ত তথ্যাদি সম্পর্কে অবগত ছিল। যাদুর দৌড় যে কী পর্যন্ত, সে সম্পর্কেও তারা অবহিত ছিল। সুতরাং যখন তারা মূসা (আ)-এর মু'জিয়া প্রত্যক্ষ করল তখন তারা বুঝতে পারলো যে, এতো মানবীয় ক্ষমতার বহির্ভূত ব্যাপার। আল্লাহর সাহায্য ও প্রদত্ত ক্ষমতা ব্যতীত কোন মানুষের ক্ষেত্রে এ ধরনের কিছু প্রকাশ হতে পারে না। কোন নবীর সত্যতা প্রমাণের জন্যে আল্লাহ একপ মানবীয় ক্ষমতার বহির্ভূত কিছু প্রকাশ করে থাকেন। সুতরাং কালবিলম্ব না করে তারা মূসা (আ)-এর নিকট আত্মসমর্পণ করলেন এবং ইসলাম গ্রহণ করলেন। অনুরূপভাবে হ্যরত ঈসা ইব্রাহিম মারযাম (আ)-কে যে যুগে প্রেরণ করা হয় সে যুগটি ছিল উন্নত চিকিৎসার জন্যে প্রসিদ্ধ। আল্লাহ তাঁকে এর সাথে সামঞ্জস্যপূর্ণ এমন মু'জিয়া দান করলেন যা ছিল তাদের ক্ষমতা ও আয়তনের বাইরে। একজন চিকিৎসক যখন অঙ্গ, খঙ্গ, কুষ্ঠ ও পঙ্গুকে ভাল করতে অক্ষম, সেখানে একজন জন্মাঙ্ককে ভাল করার পশ্চাই উঠে না। আর একজন মৃত ব্যক্তিকে কবর থেকে জীবিত উঠাবার শক্তি মানুষের জন্যে তো কল্পনাই করা যায় না। প্রত্যেকেই বুঝে যে, এসব এমন মু'জিয়া, যার মাধ্যমে এগুলো প্রকাশ পায় তার দাবির পক্ষে এটা হয়ে থাকে সুম্পষ্ট প্রমাণ এবং যে সন্তা তাকে প্রেরণ করেন তাঁর কুদরত ও মহাশঙ্কির প্রমাণ।

একই পদ্ধতিতে শেষ নবী হ্যরত মুহাম্মদ (সা)-কে যে যুগে প্রেরণ করা হয় সে যুগটি ছিল বালাগাত-ফাসাহাত তথা অলংকারশাস্ত্রে সমৃদ্ধ উন্নত ভাষা শিল্পের যুগ। আল্লাহ তাঁর উপর কুরআন মাজীদ অবতীর্ণ করেন। যে কোন ক্রটি থেকে তা মুক্ত। কুরআনের বাক্য ও শব্দগুলো এমনই মু'জিয়া যে, মানব ও জিন জাতিকে সম্প্রিতভাবে এই কুরআনের অনুরূপ একটি কুরআন, কিংবা অনুরূপ ১০টি সূরা অথবা মাত্র ক্ষুদ্র একটি সূরা রচনা করার চ্যালেঞ্জ করা হয়েছে। এরপর দৃঢ়তার সাথে বলা হয়েছে যে, তারা কোন দিন এ চ্যালেঞ্জের মুকাবিলা করতে পারবে না-বর্তমানেও না, ভবিষ্যতেও না, এখনই যখন পারেনি, ভবিষ্যতে কখনও পারবে না। এরকম ভাষা তারা তৈরি করতে এ জন্যে পারবে না, যেহেতু এটা আল্লাহর বাণী। আর আল্লাহর সাথে কোন কিছুরই তুলনা হতে পারে না -না তাঁর সন্তার সাথে না তাঁর গুণাবলীর সাথে, না তাঁর কার্যাবলীর সাথে।

হ্যরত ঈসা (আ) যখন বনী ইসরাইলের নিকট অকাট্য দলীল-প্রমাণ স্পষ্টভাবে তুলে ধরেন তখন তাদের অধিকাংশ লোকই কুফরী, ভ্রষ্টতা, বিদ্রোহ ও অবাধ্যতার উপর অটুল থেকে যায়। তবে তাদের একটি ক্ষুদ্র দল তাঁর পক্ষ অবলম্বন করে এবং বিরোধিতাকারীদের প্রতিবাদ জানান। তাঁরা নবীর সাহায্যকারী হন ও তার শিষ্যত্ব বরণ করেন। তাঁরা নবীর আনুগত্য করেন, সাহায্য-সহযোগিতা করেন ও উপদেশ মেনে চলেন। এই ক্ষুদ্র দলটির আত্মপ্রকাশ তখন ঘটে যখন বনী ইসরাইল তাঁকে হত্যার জন্যে পরিকল্পনা গ্রহণ করে এবং সে যুগের জনৈক বাদশাহের সাথে ষড়যন্ত্র পাকাপোক্ত করে তাঁকে হত্যা ও শূলে চড়ানোর চক্রান্ত সম্পন্ন করে। কিন্তু আল্লাহ

তাঁকে তাদের ষড়যন্ত্র থেকে রক্ষা করেন। তাদের মধ্য থেকে নবীকে তাঁর সান্নিধ্যে উঠিয়ে নেন এবং তাঁর একটি শিষ্যকে তাঁর চেহারার অনুরূপ চেহারায় রূপান্তরিত করে দেন। কিন্তু বনী ইসরাইলীয় তাকে ঈসা মনে করে হত্যা করে ও শূলে ঢড়ায়। এব্যাপারে তারা ভুল সিদ্ধান্ত গ্রহণ করে ও সত্যকে উপেক্ষা করে। খ্রীষ্টান সম্প্রদায়ের অধিকাংশ লোক এদের দাবিকে সমর্থন করে। কিন্তু উভয় দলই এ ব্যাপারে ভুলের মধ্যে রয়েছে।

আল্লাহর বাণী “তারা এক চক্রান্ত করেছিল, আর আল্লাহ এক কৌশল অবলম্বন করলেন। আল্লাহই উত্তম কৌশল অবলম্বনকারী।” আল্লাহ আরও বলেন :“স্মরণ কর, মারয়াম তনয় ‘ঈসা বলেছিল, হে বনী ইসরাইল! আমি তোমাদের নিকট আল্লাহর রাস্ত এবং আমার পূর্ব হতে তোমাদের নিকট যে তাওরাত রয়েছে আমি তার সমর্থক এবং আমার পরে আহ্মদ নামে যে রাস্ত আসবেন আমি তার সুসংবাদদাতা। পরে সে যখন স্পষ্ট নির্দর্শনসহ তাদের নিকট আসল তারা বলতে লাগল, এতো এক স্পষ্ট যান্ত্র। যে ব্যক্তি আল্লাহর দিকে আছত হয়েও আল্লাহ সম্বন্ধে মিথ্যা রচনা করে তার অপেক্ষা অধিক জালিম আর কে? আল্লাহ জালিম সম্প্রদায়কে সংপথে পরিচালিত করেন না। তারা আল্লাহর নূর ফুৎকারে নিভাতে চায় কিন্তু আল্লাহ তাঁর নূর পূর্ণরূপে উদ্ভাসিত করবেন যদিও কাফিররা তা অপছন্দ করে।” (সূরা সাফ ৪:৬-৮)

এরপরে আল্লাহ বলেন : “হে মুমিনগণ! আল্লাহর দীনের সাহায্যকারী হও, যেমন মারয়াম তনয় ‘ঈসা বলেছিল তার শিষ্যগণকে, আল্লাহর পথে কে আমার সাহায্যকারী হবে? শিষ্যগণ বলেছিল, আমরাই তো আল্লাহর পথে সাহায্যকারী। অতঃপর বনী ইসরাইলদের একদল ঈমান আনল এবং একদল কুফরী করল। পরে আমি মুমিনদেরকে শক্তিশালী করলাম তাদের শক্রদের মুকাবিলায় : ফলে তারা বিজয়ী হল। (৬ সূরা সাফ : ১৪)। অতএব, ঈসা (আ) হলেন বনী ইসরাইলের শেষ নবী। তিনি তাদের তার পরে আগমনকারী সর্বশেষ নবীর সুসংবাদ দান করেন, তাঁর নাম উল্লেখ করেন এবং তাঁর লক্ষণ ও বৈশিষ্ট্যসমূহ বর্ণনা করেন, যাতে করে সেই নবী যখন আগমন করবেন তখন তারা তাঁকে চিনতে পারে ও তাঁর আনুগত্য করতে পারে। তারা যাতে কোন রকম অজুহাত তুলতে না পারে, সে জন্যে তিনি দলীল-প্রমাণ চূড়ান্তভাবে পেশ করেন এবং তাদের প্রতি এটা ছিল আল্লাহর অনুকূল্যা স্বরূপ। যেমনটি আল্লাহ বলেন : “যারা অনুসরণ করে বার্তাবাহক উচ্চী নবীর যার উল্লেখ তাওরাত ও ইন্জীল যা তাদের নিকট আছে তাতে লিপিবদ্ধ পায়। যে তাদেরকে সংক্রান্তের নির্দেশ দেয় ও অসংক্রান্ত বাধা দেয়, যে তাদের জন্যে পরিত্র বস্তু বৈধ করে ও অপবিত্র বস্তু অবৈধ করে এবং যে মুক্ত করে তাদেরকে তাদের গুরুত্বার থেকে ও শৃঙ্খল থেকে যা তাদের উপর ছিল। সুতরাং যারা তার প্রতি বিশ্বাস স্থাপন করে, তাকে সম্মান করে, তাকে সাহায্য করে এবং যে নূর তার সাথে অবতীর্ণ হয়েছে তার অনুসরণ করে, তারাই সফলকাম। (৭ আরাফ : ১৫৭)

মুহাম্মদ ইবন ইসহাক ... রাস্ত (সা)-এর কতিপয় সাহাবীদের বরাতে বর্ণনা করেন যে, একদা তাঁরা বলেন, ইয়া রাস্তাল্লাহ! আমাদেরকে আপনার নিজের সম্পর্কে অবহিত করুন। উত্তরে তিনি বলেন, আমি ইবরাহীম (আ)-এর দোয়ার ফলে, ঈসা (আ)-এর সুসংবাদ। যখন আমি মায়ের পেটে ছিলাম তখন আমার মা স্বপ্ন দেখেছিলেন যে, তাঁর থেকে একটি নূর বের

হয়ে শাম দেশের বুসরা নগরী প্রাসাদরাজিকে আলোকে উদ্ভাসিত করে দিয়েছে। ইরবায ইব্ন সারিয়া ও আবু উমামা ও রাসূলুল্লাহ (সা) থেকে অনুরূপ বর্ণনা করেছেন। তাঁদের বর্ণনায় এসেছে যে, আমি ইবরাহীম (আ)-এর দোয়া এবং ঈসা (আ)-এর সুসংবাদ। ইবরাহীম (আ) যখন ক'বা ঘর নির্মাণ করেন তখন আল্লাহর নিকট দোয়া করেছিলেন যে, “হে আমাদের প্রতিপালক! তাদের মধ্য হতে তাদের নিকট এক রাসূল প্রেরণ কর। (২ বাকারা : ১২৯)।

অতঃপর বনী ইসরাইলের মধ্যে নবুওতের ধারাবাহিকতা যখন ঈসা (আ) পর্যন্ত এসে শেষ হল তখন তিনি তাদেরকে জানিয়ে দেন যে, তাদের মধ্যে নবী প্রেরণের ধারা শেষ হয়ে গিয়েছে। এরপর আরবদের মধ্যে এক উচ্চী নবী আসবেন। তিনি হবেন খাতিমুল আম্বিয়া বা শেষ নবী। তাঁর নাম হবে আহমদ, তিনি হচ্ছেন মুহাম্মদ ইব্ন আবদুল্লাহ ইব্ন আবদুল মুতালিব ইব্ন হাশিম। ইসমাইল ইব্ন ইবরাহীমের বংশধর।

আল্লাহ বলেন, “পরে সে যখন স্পষ্ট নির্দেশনসহ তাদের নিকট আসল, তারা বলতে লাগল, এতো এক স্পষ্ট যাদু” (৬ সাফ : ৬)। “সে যখন আসল” -এখানে ‘সে’ সর্বনাম দ্বারা ঈসা (আ)-কেও বুঝান হতে পারে, এবং আবার মুহাম্মদ (সা)-কেও বুঝান হতে পারে। তারপার আল্লাহ তা'আলা মুমিনদেরকে ইসলামের সেবায় আত্মনিয়োগ করতে, মুসলমানদেরকে সাহায্য করতে এবং নবীকে সম্মান করতে ও ইকামতে দীন এবং দাওয়াত সম্প্রসারণ কাজে সহযোগিতা করতে নির্দেশ দান করেন।

আল্লাহ বলেন, “হে মুমিনগণ! আল্লাহর দীনের সাহায্যকারী হও, যেমন মারযাম-তনয় বলেছিল তার শিষ্যগণকে, আল্লাহর পথে কে আমার সাহায্যকারী হবে।” অর্থাৎ আল্লাহর দিকে মানুষকে আহ্বান জানাবার কাজে কে আমাকে সাহায্য করবে? “শিষ্যগণ বলেছিল, আমরাই তো আল্লাহর পথে সাহায্যকারী।” নাসিরা নামক একটি গ্রামে ঈসা নবীর সাথে শিষ্যদের এই কথাবার্তা হয়েছিল; এ জন্যেই পরবর্তীতে তারা নাসিরা নামে আখ্যায়িত হয়।

আল্লাহর বাণী : “অতঃপর বনী ইসরাইলদের একদল ঈমান আনল এবং একদল কুফরী করল।” অর্থাৎ ঈসা (আ) যখন বনী ইসরাইলসহ অন্যদেরকে আল্লাহর দিকে দাওয়াত দেন তখন কিছু লোক দাওয়াত করুল করল এবং কিছু লোক প্রত্যাখ্যান করল। সীরাতবেতা ইতিহাসবিদ ও তাফসীরবিদগণ লিখেছেন যে, এন্টিয়কের সমস্ত অধিবাসী ঈসা (আ)-এর প্রতি ঈমান আনয়ন করে। ঈসা (আ) এন্টিয়কে তিনজন দুত প্রেরণ করেন। তাদের এক জনের নাম শামউন আস-সাফা। তারা তার আহ্বানে সাড়া দেয় এবং ঈমান গ্রহণ করে। সুরা ইয়াসীনে যে তিনজন দূতের উল্লেখ আছে, এরা সেই তিনজন নন, আলাদা তিনজন। আসহাবুল কারিয়ার ঘটনায় আমরা এ বিষয়ে আলোচনা ইতিপূর্বে করেছি। বনী ইসরাইলের অধিকাংশ ইয়াহুদী ঈসা (আ)-এর দাওয়াত প্রত্যাখ্যান করে। পরবর্তীতে আল্লাহ ঈমান গ্রহণকারীদেরকে সাহায্য ও শক্তি দান করেন। ফলে তারা ঈমান প্রত্যাখ্যানকারীদেরকে পর্যন্ত করে এবং তাদের উপর বিজয় লাভ করে। এ প্রসংগে আল্লাহ বলেন, “শ্঵রণ কর, যখন আল্লাহ বললেন, হে ঈসা! আমি তোমার মেয়াদ পূর্ণ করছি এবং আমার নিকট তোমাকে তুলে নিছি এবং যারা সত্য প্রত্যাখ্যান করেছে তাদের মধ্য হতে তোমাকে মুক্ত করছি। আর তোমার অনুসারীগণকে কিয়ামত পর্যন্ত

কাফিরদের উপরে প্রাধান্য দিচ্ছি। (৩ আলে ইমরান : ৫৫) এ আয়াতের আলোকে যে সব দল ও সম্প্রদায় হ্যরত ইস্মাইল (আ)-এর দীন ও দাওয়াতের অধিক নিকটবর্তী, তারা তুলনামূলক নিম্নবর্তীদের উপর বিজয় ও প্রাধান্য লাভ করবে। সুতরাং ইস্মাইল (আ)-এর ব্যাপারে মুসলামানদের বিশ্বাসই যথার্থ যাতে কোন সন্দেহ নেই। আর তা হচ্ছে তিনি আল্লাহর বান্দা ও রাসূল। সুতরাং নাসারাদের (খ্রীষ্টানদের) উপর তারা বিজয়ী থাকবেন। কেননা, নাসারাগণ তাঁর ব্যাপারে বাড়াবাড়ি করেছে তাঁর ব্যাপারে সীমালজ্বন করেছে, এবং আল্লাহ তাকে যে মর্যাদা দিয়েছেন তারা তার চাইতে উর্ধে স্থান দিয়েছে।

যেহেতু মোটামুটিভাবে অভিশঙ্গ ইয়াহুদীদের তুলনায় ইস্মাইল (আ)-এর আদর্শের কাছাকাছি অবস্থানে আছে, সে জন্যে তারা ইয়াহুদীদের উপরে বিজয়ী হয়ে ইসলামের পূর্বেও ছিল এবং ইসলামের আবির্ভাবের পরেও রয়েছে।

### আসমানী খাপ্তার বিবরণ

আল্লাহর বাণী :

إذْ قَالَ الْحَوَارِيُّونَ يَعِيسَى ابْنَ مَرِيمَ هَلْ يَسْتَطِيعُ رَبُّكَ أَنْ يُنْزِلَ عَلَيْنَا مَائِدَةً مِنَ السَّمَاءِ。 قَالَ اتَّقُوا اللَّهَ إِنْ كُنْتُمْ مُؤْمِنِينَ。 قَالُوا نُرِيدُ أَنْ تَأْكُلَ مِنْهَا وَتَطْمِئِنَ قُلُوبُنَا وَنَعْلَمُ أَنْ قَدْ صَدَقْنَا وَنَكُونَ عَلَيْهَا مِنَ الشَّهِيدِينَ。 قَالَ عِيسَى ابْنُ مَرِيمَ اللَّهُمَّ رَبَّنَا أَنْزِلْ عَلَيْنَا مَائِدَةً مِنَ السَّمَاءِ تَكُونُ لَنَا عِيْدًا لَا وَلَنَا وَآخِرَنَا وَآيَةً مِنْكَ。 وَأَرْزُقْنَا وَآتْنَا خَيْرُ الرَّازِقِينَ。 قَالَ اللَّهُ إِنِّي مُنْزِلُهَا عَلَيْكُمْ فَمَنْ يَكْفُرْ بَعْدُ مِنْكُمْ فَإِنِّي أَعْذِبُهُ عَذَابًا لَا أَعْذِبُهُ أَحَدًا مِنَ الْعَلَمِينَ。

“শ্বরণ কর, হাওয়ারীগণ বলেছিল, হে মারয়াম-তনয় ইস্মাইল! তোমার প্রতিপালক কি আমাদের জন্যে আসমান হতে খাদ্য পরিপূর্ণ খাপ্তা (মায়িদা) প্রেরণ করতে সক্ষম? সে বলেছিল, আল্লাহকে ভয় কর, যদি তোমরা মুমিন হও। তারা বলেছিল, আমরা চাই যে, তা থেকে কিছু খাব এবং আমাদের অন্তর প্রশান্তি লাভ করবে। আর আমরা জানতে চাই যে, তুমি আমাদেরকে সত্য বলেছ এবং আমরা এর সাক্ষী থাকতে চাই। মারয়াম-তনয় ইস্মাইল বলল, হে আল্লাহ, আমাদের প্রতিপালক! আমাদের জন্যে আসমান হতে খাদ্যপূর্ণ খাপ্তা প্রেরণ কর; এটা আমাদের পূর্ববর্তী ও পরবর্তী সকলের জন্যে হবে আনন্দোৎসব স্বরূপ ও তোমার নিকট হতে নির্দশন। এবং আমাদেরকে জীবিকা দান কর; তুমই তো শ্রেষ্ঠ জীবিকাদাতা। আল্লাহ বললেন, আমিই তোমাদের নিকট এটা প্রেরণ করব; কিন্তু এরপর তোমাদের মধ্যে কেউ কুফরী করলে তাকে এমন শান্তি দিব, যে শান্তি বিশ্বজগতের অপর কাউকেও দিব না।” (মায়িদা : ১১২-১১৫)

আল-বিদায়া ওয়ান নিহায়া (২য় খণ্ড) ২২—

তাফসীর প্রস্তুত এ আয়াতের ব্যাখ্যায় আমরা খাঞ্চা অবতারণ প্রসংগে সেই সব হাদীস উল্লেখ করেছি যা হ্যরত ইবন আবুস, সালমান ফারসী, আম্বাৰ ইবন ইয়াসির প্রমুখ থেকে বর্ণিত হয়েছে। ঘটনার সারসংক্ষেপ এই; হ্যরত ঈসা (আ) হাওয়ারীগণকে ত্রিশ দিন সওম পালনের নির্দেশ দেন। তারা ত্রিশ দিন সওম পালন শেষে ঈসা (আ)-এর নিকট আসমান থেকে খাদ্যপূর্ণ খাঞ্চা অবতীর্ণ করার আবদার জানায়। উদ্দেশ্য ছিল— তারা আল্লাহর প্রেরিত এই খাদ্য আহার করবে। তাদের সওম ও দোয়া আল্লাহ কবুল করেছেন এ ব্যাপারে অন্তরে প্রশান্তি লাভ করবে, সওমের মেয়াদ শেষে সওম ভংগের দিনে ঈদ উৎসব পালন করবে, তাদের পূর্ব পুরুষ ও উত্তর পুরুষ এবং তা' ধনী ও দরিদ্র সকলের জন্যে আনন্দের বিষয় হিসেবে গণ্য হবে। ঈসা (আ) এ ব্যাপারে তাদেরকে অনেক উপদেশ দিলেন। তাঁর আশংকা হল, এরা আল্লাহর এ নিয়মতের শুকরিয়া আদায় করতে এবং এর শর্তাদি পূরণ করতে সক্ষম হবে না। কিন্তু তারা তাদের আবদার পূরণ না হওয়া পর্যন্ত উপদেশ শুনতে প্রস্তুত হল না। অবশেষে তাদের পীড়াপীড়িতে বাধ্য হয়ে তিনি আল্লাহর নিকট দোয়া করতে প্রস্তুত হন। তিনি সালাতে দণ্ডযামান হলেন। পশম ও চুলের তৈরি কস্বল পরিধান করলেন এবং অবনত মস্তকে কান্নায় বুক ভাসিয়ে দিলেন। তিনি আল্লাহর নিকট কাকুতি-মিনতি করে দোয়া করলেন যেন তাদের প্রার্থীত জিনিস তিনি দিয়ে দেন আর আল্লাহ আসমান থেকে খাদ্য ভর্তি খাঞ্চা অবতীর্ণ করেন।

মানুষ তাকিয়ে দেখছিল যে, দু'টি মেঘের মাঝখান থেকে খাঞ্চাটি দীরে দীরে নীচের দিকে নেমে আসছে। খাঞ্চাটি যতই পৃথিবীর নিকটবর্তী হচ্ছিল ততই ঈসা (আ) বেশী বেশী করে আল্লাহর নিকট দোয়া করছিলেন, “হে অল্লাহ! একে তুমি রহমত, বরকত ও শান্তি হিসেবে দান কর। শান্তি হিসেবে দিও না।” খাঞ্চাটি ক্রমান্বয়ে নেমে এসে একেবারে নিকটবর্তী হয়ে গেল এবং ঈসা (আ)-এর সম্মুখে মাটির উপর থামল। খাঞ্চাটি ছিল রূমাল দিয়ে ঢাকা। ঈসা (আ) বলে *بِسْمِ اللّٰهِ خَيْرِ الرَّازِقِينَ* বলে রূমালখানা উঠালেন। দেখলেন, তাতে সাতটি মাছ ও সাতটি ঝুটি আছে। কেউ বলেছেন, এর সাথে সির্কা ছিল। আবার কেউ কেউ বলেছেন, ঐগুলোর সাথে ডালিম এবং ফল ফলাদি ও ছিল। উক্ত খাদ্য দ্রব্যগুলো ছিল অত্যন্ত সুগন্ধি। আল্লাহ বলেছিলেন, ‘হও আর তাতেই তা’ হয়ে গিয়েছিল।’ তারপর ঈসা (আ) তাদেরকে খাওয়ার জন্যে আহ্বান করেন। তারা বলল, আপনি প্রথমে খাওয়া আরম্ভ করুন তারপরে আমরা খাব। ঈসা (আ) বললেন, এ খাঞ্চার জন্যে তোমরাই প্রথমে আবেদন করেছিলে; কিন্তু প্রথমে খেতে তারা কিছুতেই রাজি হল না। হ্যরত ঈসা (আ) তখন ফকীর, মিসকীন, অভাবগ্রস্ত, রোগাক্রান্ত ও পঙ্চদেরকে খাওয়ার আদেশ দেন। এ জাতীয় লোকদের সংখ্যা ছিল তেরোশ। সকলেই তা থেকে খেলো। ফলে দুঃখ-দুর্দশা ও রোগ-শোক যার যে সমস্যা ছিল, এই খাদ্যের বরকতে তা থেকে সে নিরাময় লাভ করল। যারা খেতে অস্বীকার করেছিল তা’ দেখে তারা খুবই লজ্জিত হল ও অনুশোচনা করতে লাগল। কথিত আছে, এই খাঞ্চা প্রতিদিন একবার করে আসত। লোক এ থেকে ত্রুটি সহকারে আহার করত। খাদ্য একটুও হ্রাস পেতো না। প্রথম দল যেভাবে আহার করত, শেষের দলও এ একইভাবে আহার করত। কথিত আছে, প্রতিদিন সাত হাজার লোক এই খাদ্য আহার করত।

কিছু দিন অতিবাহিত হলে একদিন পর পর খাপ্তা অবতরণ করত। যেমন সালিহ (আ)-এর উটনীর দুধ একদিন পর পর লোকেরা পান করত। অতঃপর আল্লাহ হ্যরত ঈসা (আ)-কে আদেশ দেন যে, এখন থেকে খাপ্তার খাবার শুধুমাত্র দরিদ্র ও দুর্দশাগ্রস্ত লোকেরাই আহার করবে। ধনী লোকেরা তা থেকে আহার করতে পারবে না। এই নির্দেশ অনেককেই পীড়া দেয়। মুনাফিকরা এ নিয়ে বিরূপ সমালোচনা করতে শুরু করল। ফলে আসমানী খাপ্তা সম্পূর্ণরূপে বন্ধ হয়ে গেল এবং সমালোচনাকারীরা শূকরে পরিণত হল।

ইব্ন আবি হাতিম ও ইব্ন জারীর উভয়ে..... আশ্মার ইব্ন ইয়াসির (রা) থেকে বর্ণনা করেন। নবী করীম (সা) বলেছেন ৪ রুটি ও গোশতসহ খাপ্তা আসমান থেকে অবতীর্ণ হয়েছিল এবং বনী ইসরাইলকে নির্দেশ দেয়া হয়েছিল যে, তারা এর অপব্যবহার করবে না, সঞ্চয় করে রাখবে না ও আগামী দিনের জন্যে ঘরে তুলে নিবে না। কিন্তু তারা এতে খিয়ানত করে সঞ্চয় করে রাখে ও আগামী দিনের জন্যে ঘরে তুলে নেয়। ফলে তাদেরকে বানর ও শূকরে পরিণত করা হয়। ইব্ন জারীর আশ্মার (রা) থেকে বিভিন্ন সূত্রে মণ্ডুফরূপে এ হাদীস বর্ণনা করেছেন এবং এটাই সঠিক। হাদীসটি যে সূত্রে মারফুরূপে বর্ণিত হয়েছে তা' মুন্কাতা বা বিভিন্ন সূত্রের হাদীস। হাদীসটির মারফু' হওয়া নিশ্চিত হলে এ ব্যাপারে এটি হবে চূড়ান্ত ফয়সাল। কেননা, খাদ্যপূর্ণ খাপ্তা আদৌ অবতীর্ণ হয়েছিল কি না সে সম্পর্কে আলিমদের মধ্যে মতভেদ আছে। তবে অধিকাংশের মতে তা' অবতীর্ণ হয়েছিল। উপরোক্ত হাদীস ও কুরআনের প্রকাশভঙ্গী থেকে তাই বুঝা যায়।

বিশেষ করে এই আয়াত : ﴿أَنِي مُنْزَلُهَا عَلَيْكُمْ﴾ (আমি অবশ্যই তা তোমাদের উপর অবতীর্ণ করব।) "ইব্ন জারীর দৃঢ়তার সাথে এই মর্তের পক্ষে প্রমাণাদি উল্লেখ করেছেন। তিনি বিশুদ্ধ সনদে মুজাহিদ ও হাসান বসরীর মতামত উল্লেখ করেছেন। তারা বলেছেন, মায়দা আদৌ অবতীর্ণ হয়নি। তারা বলেন, এই আয়াত "এরপর তোমাদের মধ্যে কেউ কুফরী করলে তাকে এমন শাস্তি দিব, যে শাস্তি বিশ্বজগতের অপর কাউকেও দিব না"। (মায়দা ৪:১১৫) যখন নায়িল হয় তখন বনী ইসরাইলরা মায়দা অবতীর্ণের আবদার প্রত্যাহার করে নেয়। এ কারণেই বলা হয়ে থাকে যে, নাসারাগণ মায়দার ঘটনা সম্পর্কে অবহিত নয় এবং তাদের কিতাবেও এ ঘটনার বাস্তবে কোন উল্লেখ নেই। অথচ এমন একটি ঘটনা বাস্তবে সংঘটিত হলে তার উল্লেখ না থেকে পারে না। তাফসীর গ্রন্থে এ বিষয়ে আমরা বিশদভাবে আলোচনা করেছি। আগ্রহী ব্যক্তি সেখান থেকে দেখে নিতে পারেন।

### পরিচ্ছেদ

আবু বকর ইব্ন আবিদ দুনিয়া..... বকর ইব্ন আবদিল্লাহ মুয়ানী থেকে বর্ণনা করেনঃ একদা হাওয়ারীগণ হ্যরত ঈসা (আ)-কে খুঁজে পাচ্ছিলেন না। জনৈক ব্যক্তি তাদেরকে বলল, তিনি সমুদ্রের দিকে গিয়েছেন। তারা সন্ধান করতে করতে সমুদ্রের দিকে গেল। সমুদ্রের তীরে গিয়ে দেখেন, তিনি পানির উপর দিয়ে হাঁটছেন। সমুদ্রের তরঙ্গ একবার তাঁকে উপরে উঠাচ্ছে এবার নীচে নামাচ্ছে। একটি চাদরের অর্ধেক গায়ের উপর দিয়ে রেখেছেন আর বাকী অর্ধেক তাঁর পরিধানে আছে। পানির উপর দিয়ে হাঁটতে হাঁটতে তিনি তাঁদের নিকটে আসেন। তাঁদের

মধ্যকার শ্রেষ্ঠতম ব্যক্তিটি বললেন, “হে আল্লাহর নবী! আমি কি আপনার নিকট আসব? তিনি বললেন, হ্যাঁ, এস, যখন তিনি এক পা পানিতে রেখে অন্য পা তুলেছেন, অমনি চিংকার করে উঠেন উহঃ হে আল্লাহর নবী! আমি তো ডুবে গেলাম। ঈসা (আ) বললেন, ওহে দুর্বল ঈমানদার! তোমার হাত আমার দিকে বাড়াও। কোন আদম সন্তানের যদি একটা যব পরিমাণও ঈমান থাকে তাহলে সে পানির উপর দিয়ে হাঁটতে পারে।

আবু সাইদ ইবনুল আরাবী.... বকর থেকে অনুরূপ ঘটনা বর্ণনা করেছেন। ইব্ন আবিদ দুনিয়া.... ফুয়ায়ল ইব্ন ইয়ায় থেকে বর্ণনা করেন: জনেক ব্যক্তি জিজেস করল, হে ঈসা! আপনি কিসের সাহায্যে পানির উপর দিয়ে হাঁটেন? তিনি বললেন, ঈমান ও ইয়াকীনের বলে। উপস্থিত লোকেরা বলল, আপনি যেমন ইয়াকীন রাখেন, আমরাও তেমনি ইয়াকীন রাখি। ঈসা বললেন, তাই যদি হয় তা' হলে তোমরাও পানির উপর দিয়ে হেঁটে চল। তখন তারা নবী ঈসার সাথে পানির উপর দিয়ে হাঁটা শুরু করল। কিন্তু ঢেউ আসা মাত্রই তারা সকলেই ডুবে গেল। নবী বললেন, তোমাদের কী হল হে? তারা বলল, আমরা ঢেউ দেখে ভীত হয়ে গিয়েছিলাম। নবী বললেন, কত ভাল হত যদি ঢেউ এর মালিককে তোমরা ভয় করতে। অতঃপর তিনি তাদেরকে বের করে আনলেন। কিছুক্ষণ পর তিনি মাটিতে হাত মেরে এক মুষ্টি মাটি নিলেন। পরে হাত খুললে দেখা গেল এক হাতে স্বর্ণ এবং অন্য হাতে মাটির ঢেলা কিংবা কঙ্কন। তিনি তাদেরকে জিজেস করলেন, এ দু'হাতের কোনটির বস্তু তোমাদের কাছে প্রিয়তর? তারা বলল, স্বর্ণ। নবী বললেন, আমার নিকট স্বর্ণ ও মাটি উভয়ই সমান। ইতিপূর্বে ইয়াহ-ইয়া ইব্ন যাকারিয়া (আ)-এর ঘটনায় আমরা উল্লেখ করেছি যে, হযরত ঈসা (আ) পশমী বন্ধু পরিধান করতেন, গাছের পাতা আহার করতেন। তাঁর বসবাসের কোন ঘরবাড়ী ছিল না। পরিবার ছিল না, অর্থ সম্পদ ছিল না এবং আগামী দিনের জন্যে কিছু সঞ্চয় করেও তিনি রাখতেন না। কেউ কেউ বলেছেন, তিনি তাঁর মায়ের সূতা কাটার চরকার আয় থেকে আহার করতেন।

ইব্ন আসাকির শা'বী থেকে বর্ণনা করেছেন যে, ঈসা (আ)-এর সম্মুখে কিয়ামতের আলোচনা করা হলে তিনি চিংকার করে উঠতেন এবং বলতেন, ইব্ন মারয়ামের নিকট কিয়ামতের আলোচনা করা হবে আর তিনি চৃপচাপ থাকবেন তা' হয় না। আবদুল মালিক ইব্ন সাইদ ইব্ন বাহর থেকে বর্ণিত: হযরত ঈসা (আ) যখন উপদেশ বাণী শুনাতেন তখন তিনি সন্তান হারা মায়ের ন্যায় কান্নাকাটি করতেন। আবদুর রায়্যাক জা'ফর ইব্ন বালকাম থেকে বর্ণনা করেন যে, ঈসা (আ) সকাল বেলা ঘূম থেকে উঠে এক্রূপ দোয়া করতেন, “হে আল্লাহ! আমার যা অপছন্দ তা থেকে আত্মরক্ষা করতে আমি সক্ষম নই; যে কল্যাণ আমি পেতে চাই তা আমার অধিকারে নেই, সব বিষয় রয়েছে অন্যের হাতে। আমি আমার কাজের মধ্যে বন্দী; সুতরাং আমার চেয়ে অসহায় আর কেউ নেই। হে আল্লাহ! আমার শক্তিকে হাসিয়ো না এবং আমার কারণে আমার বন্ধুকে কষ্ট দিও না। আমার দীনের মধ্যে সংকট সৃষ্টি করিও না এবং আমার প্রতি সদয় হবে না এমন লোককে আমার উপর চাপিয়ে দিও না।”

ফুয়ায়ল ইব্ন ইয়ায়, ইউনুস ইব্ন উবায়দ সূত্রে বর্ণনা করেন, হ্যরত ঈসা (আ) বলতেন, যতক্ষণ আমরা দুনিয়ার ভোগ-বিলাস থেকে বিমুখ হতে না পারবো, ততক্ষণ প্রকৃত ঈমানের স্বাদ অনুভব করতে পারব না। ফুয়ায়ল আরও বলেছেন, ঈসা (আ) বলতেন, আমি সৃষ্টিতত্ত্ব নিয়ে চিন্তা-গবেষণা করেছি। তাতে আমি দেখেছি যে, যাকে সৃষ্টি করা হয়েছে তার তুলনায় যাকে সৃষ্টি করা হয়নি সে-ই আমার কাছে বেশী ঈর্ষণীয়। ইসহাক ইব্ন বিশর..... হাসান (র) সূত্রে বর্ণনা করেন, কিয়ামতের দিন হ্যরত ঈসা (আ) হবেন সংসার-বিমুখদের নেতা। তিনি আরও বলেছেন : কিয়ামতের দিন পাপ থেকে পলায়নকারী লোকদের হাশর হবে ঈসা (আ)-এর সাথে।

রাবী আরও বলেনঃ একদিন হ্যরত ঈসা (আ) একটি পাথরের উপর মাথা রেখে শয়ে পড়েন। তিনি গভীর নিদায় আচ্ছন্ন হয়ে পড়েন। এমন সময় ঐ স্থান দিয়ে ইবলিস যাচ্ছিল। সে বলল, “ওহে ঈসা ! তুমি কি বলে থাক না যে, দুনিয়ার কোন বস্তুর প্রতি তোমার আগ্রহ নেই? কিন্তু এই পাথরটি তো দুনিয়ার বস্তু।” তখন হ্যরত ঈসা (আ) পাথরটি ধরে তাঁর দিকে ছুঁড়ে মারলেন এবং বললেন, দুনিয়ার সাথে এটিও তুই নিয়ে যা। মু'তামির ইব্ন সুলায়মান বলেন, একদা হ্যরত ঈসা (আ) তাঁর শিষ্যদের সাথে নিয়ে বের হন। তাঁর পরিধানে ছিল পশমের জুব্বা, চাদর ও অন্তর্বাস। তাঁর পায়ে কোন জুতা ছিল না। তিনি ছিলেন ক্রন্দনরত। তাঁর মাথার চুল ছিল এলোমেলো। ক্ষুধার তীব্রতায় চেহারা ছিল ফ্যাকাশে। পিপাসায় ঠোঁট দুঁটি শুক। এ অবস্থায় তিনি বনী ইসরাইলের লোকদেরকে সালাম দিয়ে বললেন : আল্লাহর মেহেরবানীতে আমি দুনিয়াকে তারা সঠিক অবস্থানে রেখেছি। এতে আশৰ্য হবার কিছু নেই এবং এর জন্যে আমার গৌরবেরও কিছু নেই। তোমরা কি জান, আমার ঘর কোথায়? তারা বলল, হে বৃহুল্লাহ! কোথায় আপনার ঘর? তিনি বললেন, আমার ঘর হল মসজিদ, পানি দিয়েই আমার অঙ্গসজ্জা। ক্ষুধাই আমার ব্যঙ্গন। রাতের চাঁদ আমার বাতি, শীতকালে আমার সালাত পূর্বাচল, শাক-সজ্জাই আমার জীবিকা, মোটা পশমই আমার পোষাক। আল্লাহর ভয়ই আমার পরিচিতি, পঙ্ক ও নিঃস্বর আমার সঙ্গী-সাথী। আমি যখন সকালে উঠি তখন আমার হাত শূন্য, যখন সক্ষ্য হয় তখনও আমার হাতে কিছু থাকে না। এতে আমি সন্তুষ্ট ও তৃপ্ত এবং নিরুদ্ধিগ্রস্ত। সুতরাং আমার চাইতে ধনী ও সচল আর কে আছে? বর্ণনাটি ইব্ন আসাকিরের।

আবু হুরায়রা (রা) সূত্রে তিনি বর্ণনা করেছেন : রাসূলুল্লাহ (সা) বলেন, আল্লাহ হ্যরত ঈসার নিকট এই মর্মে ওই পাঠান যে, তোমাকে শক্ররা যাতে চিনতে ও কষ্ট দিতে না পাবে সে জন্যে তুমি সর্বদা স্থান পরিবর্তন করতে থাকবে। আমার সন্তুষ্ম ও প্রতিপত্তির কসম, আমি তোমাকে এক হাজার হুরের সাথে বিবাহ দিব এবং চারশ' বছর যাবত ওলীমা খাওয়াব, এ হাদীসটি গরীব পর্যায়ের। এটা একটি ইসরাইলী বর্ণনা। আবদুল্লাহ ইব্ন মুবারক, খালফ ইব্ন হাওশব থেকে বর্ণনা করেন, হ্যরত ঈসা (আ) হাওয়ারীদেরকে বলেছিলেন, রাজা-বাদশাহরা যেমন দীন ও হিকমত তোমাদের জন্যে ছেড়ে দিয়েছে, তোমরাও তেমন তাদের জন্যে দুনিয়া ছেড়ে দাও। কাতাদা বর্ণনা করেন, ঈসা (আ) বলেছিলেন : তোমরা আমার নিকট প্রশ্ন কর। কেননা, আমার অন্তর কোমল, নিজের কাছে আমি ক্ষুদ্র। ইসমাইল ইব্ন আইয়্যাশ.... ইব্ন

উমর (রা) থেকে বর্ণনা করেন, ঈসা (আ) হাওয়ারীদেরকে বলেছিলেন : যবের রুটি আহার কর, খালিস পান পান কর এবং দুনিয়া থেকে শান্তি ও নিরাপদের সাথে বের হয়ে যাও। আমি তোমাদেরকে নিগঢ় তত্ত্বকথা জানাচ্ছি যে, দুনিয়ায় যা সুস্থাদু, আখিরাতে তা বিস্মাদ আর দুনিয়ায় যা বিস্মাদ আখিরাতে তা-ই সুস্থাদু। আল্লাহর প্রকৃত বান্দারা দুনিয়ায় ভোগ বিলাসের জীবন যাপন করতে পারে না। তোমাদেরকে আমি সঠিক বলছি যে, তোমাদের মাঝে সবচেয়ে নিকৃষ্ট ব্যক্তি হচ্ছে সেই লোক, যে জ্ঞানী হওয়া সত্ত্বেও প্রবৃত্তির অনুসরণ করে এবং চায় যে, সকলেই যেন তার মত হয়।

আবু হুরায়রা (রা) থেকেও অনুরূপ হাদীস বর্ণিত হয়েছে। আবু মুসআব মালিক থেকে বর্ণনা করেন, ঈসা (আ) বনী ইসরাইলদেরকে বলতেন : খালিস পান পান কর, তাজা সজি খাও এবং যবের রুটি আহার কর। গমের রুটি খেয়ো না যেন। কেননা তোমরা এর শোকের আদায় করতে পারবে না। ইব্ন ওহাব .. ইয়াহিয়া ইব্ন সাইদ থেকে বর্ণনা করেন, ঈসা (আ) বলতেন : তোমরা দুনিয়া অতিক্রম করে যাও। একে আবাদ করো না। তিনি বলতেন : দুনিয়ার মহবত সকল গুনাহের মূল এবং কুদৃষ্টি অন্তরের মধ্যে কাম-ভাব উৎপন্ন করে। উহায়ব ইব্ন ওয়ার্দও অনুরূপ বর্ণনা করেছেন। তবে তাঁর বর্ণনায় এইটুকু বেশী আছে যে, কামনা-বাসনা অধিকাংশ ক্ষেত্রে মানুষকে দীর্ঘস্থায়ী দুঃখে ফেলে। ঈসা (আ) বলতেন, ‘হে দুর্বল আদম-সত্ত্বা! যেখানেই থাক আল্লাহকে ভয় কর, দুনিয়ায় মেহমান হিসেবে জীবন যাপন কর। মসজিদকে নিজের ঘর বানাও। চক্ষুদ্বয়কে কাঁদতে শিখাও, দেহকে ধৈর্যধারণ করতে ও অন্তরকে চিন্তা করতে অভ্যস্ত কর। আগামী দিনের খাদ্যের জন্যে দুশ্চিন্তা করো না এটা পাপ। তিনি বলতেন, ‘সমুদ্রের তরঙ্গের উপরে ঘর বানান যেমন সম্ভব নয় তেমনি দুনিয়ায় স্থায়ীভাবে থাকাও সম্ভব নয়।’ কবি সাবিকুল বরবরী এ প্রসংগে সুন্দর কথা বলেছেন যথাঃ

لَكْمَ بِيُوتِ الْسَّيُوفِ وَهُلْ - يَبْنَىٰ عَلَى الْمَاءِ بِيَتِ اسْمَهُ مَدْر

অর্থাৎ তলোয়ারের পথেই তোমাদের ঘর শোভা পায়। যে ঘরের ভিত্তি মাটির উপরে, তা' কি পানির উপরে বানানো সম্ভব?

সুফিয়ান ছাওয়ী বলেন, ঈসা (আ) বলেছেন : মুমিনের অন্তরে দুনিয়ার মহবত ও আখিরাতের মহবত একত্রে থাকতে পারে না- যেভাবে একত্রে থাকতে পারে না একই পাত্রে আগুন ও পানি। ইবরাহীম হারবী.... আবু আবদুল্লাহ সূফী সূত্রে বলেন, ঈসা (আ) বলেছেন : দুনিয়া অর্বেষণকারী লোক সমুদ্রের পানি পানকারীর সাথে তুলনীয়। সমুদ্রের পানি যত বেশী পান করবে তত বেশী পিপাসা বৃদ্ধি পাবে এবং তা' তাকে মৃত্যুর পথে ঠেলে দেবে। ঈসা (আ) বলেছেন : শয়তান দুনিয়া অর্বেষণ ও কামনাকে আকর্ষণীয় করে এবং প্রবৃত্তির লালসার সময় শক্তি যোগায়।

আ'মাশ খায়চামা থেকে বর্ণনা করেন, ঈসা (আ) সংগী-সাথীদের সামনে আহার্য রেখে নিজে আহার থেকে বিরত থাকতেন এবং বলতেন, মেহমানদের সাথে তোমরাও এইরূপ আচরণ করবে। জনৈক মহিলা ঈসা (আ)-কে বলেছিল, ধন্য সেই লোক, যে আপনাকে ধারণ করেছিল

এবং ধন্য সেই স্থান যে আপনাকে দুধ পান করিয়েছিল। উভরে ঈসা (আ) বলেছিলেন, ধন্য সেই ব্যক্তি, যে আল্লাহর কিতাব পাঠ করে ও তাঁর বিধান মেনে চলে। ঈসা (আ) আরও বলেছেন, সেই ব্যক্তিই সৌভাগ্যের অধিকারী যে নিজের গুনাহ শ্বরণ করে কান্নাকাটি করে, জিহ্বাকে সংযত রাখে এবং যার ঘরই তার জন্য যথেষ্ট হয়। তিনি বলেছেন, ঐ চক্ষুর জন্যে সুসংবাদ, যে গুনাহ থেকে চিন্তামুক্ত অবস্থায় ঘুমিয়ে যায় এবং জেগে উঠে গুনাহ বিহীন কাজে মনেনিবেশ করে। মালিক ইব্ন দীনার থেকে বর্ণিত। ঈসা (আ) আপন শিষ্যবর্গের সাথে কোথাও যাচ্ছিলেন। পথে একটি মৃত দেহ দেখতে পেলেন। শিষ্যরা বলল, মৃত দেহ থেকে তীব্র দুর্গন্ধ বের হচ্ছে। ঈসা (আ) বললেন, তার দাঁতগুলো কত সাদা। এ কথা বলে তিনি শিষ্যদেরকে গীবত করা থেকে বিরত থাকার উপদেশ দিচ্ছিলেন। আবু বকর ইব্ন আবিদ দুনিয়া.... যাকারিয়া ইব্ন আদী সূত্রে বর্ণনা করেন। একদা ঈসা (আ) ইব্ন মারয়াম বললেন, হে হাওয়ারীগণ! দীন নিরাপদ থাকলে দুনিয়ার নিম্নমান নিয়েই সন্তুষ্ট থাক; যেমন দুনিয়াদার ব্যক্তিরা দুনিয়ার জীবন নিরাপদ থাকলে দীনের নিম্নমান নিয়ে সন্তুষ্ট থাকে। এ প্রসংগে কবি বলেন :

ارى رجلا بادنى الدين قد قنعوا - ولا اraham رضوا فى العيش بالدون  
فاستغن بالدين عن دنيا الملوك كما-استغنى الملوك بدنياهم عن  
الدين

অর্থাৎ আমি লক্ষ্য করেছি, এক শ্রেণীর লোক আছে যাদের মধ্যে দীন কম থাকলেও তাতেই তারা সন্তুষ্ট। কিন্তু দুনিয়ার সংকীর্ণতায় তারা রাজী নয়। সুতরাং রাজা বাদশাহদের দুনিয়া থেকে বিমুখ হয়ে দীন নিয়েই তুমি সন্তুষ্ট থাক, যেমন রাজা বাদশাহরা দীন থেকে বিমুখ হয়ে দুনিয়া পেয়ে সন্তুষ্ট থাকে।

আবু মাসআব মালিক থেকে বর্ণনা করেন, ঈসা ইব্ন মারয়াম বলেছেন : আল্লাহর যিকির ব্যতীত কথাবার্তা বেশী বল না; অন্যথায় তোমাদের অন্তর কঠিন হয়ে যাবে। আর কঠিন অন্তর আল্লাহ থেকে দূরে থাকে, কিন্তু তোমরা সে বিষয়ে অবগত নও। মানুষের গুনাহের প্রতি এমনভাবে দৃষ্টি দিও না, যেন তুমই প্রভু বরং নিজেকে দাসের ভূমিকায় রেখে সে দিকে লক্ষ্য কর। কেননা, মানুষ দুই শ্রেণীর হয়ে থাকে। কেউ বিপদ থেকে মুক্ত, কেউ বিপদগ্রস্ত। বিপদগ্রস্তের প্রতি সদয় হও এবং বিপদমুক্তের জন্যে আল্লাহর প্রশংসা কর। ছাওরী..... ইবরাহিম তায়মী সূত্রে বর্ণনা করেন, ঈসা (আ) তাঁর সাথীদেরকে বলেছেন, আমি তোমাদেরকে যথার্থ বলছি, যে ব্যক্তি ফিরদাউস আশা করেন তার উচিত যবের রূপটি আহার করা এবং আবর্জনা স্থূলের মধ্যে কুকুরদের সাথে বেশী বেশী ঘুমান। মালিক ইব্ন দীনার বলেন, ঈসা (আ) বলেছেন, ছাইযুক্ত যব আহার করা এবং আবর্জনার উপরে কুকুরের সাথে ঘুমানোর অভ্যাস ফিরদাউস প্রত্যাশীদের মধ্যে খুব কমই দেখা যাচ্ছে।

আবদুল্লাহ ইব্ন মুবারক..... সালিম ইব্ন আবিল জা'দ সূত্রে বর্ণনা করেন। হ্যরত ঈসা (আ) বলেছেন ৪ তোমরা কাজ কর আল্লাহর জন্যে, পেটের জন্যে নয়। পাখীদের প্রতি লক্ষ্য কর, তারা সকালে বের হয়। সন্ধ্যায় ফিরে তারা চাষাবাদও করে না, ফসলও ফলায় না; আল্লাহ-ই তাদেরকে খাওয়ান। যদি বল যে, পাখীদের চেয়ে আমাদের পেট বড়। তা হলে গরু ও গাধার দিকে তাকাও। সকালে যায়, সন্ধ্যায় ফিরে আসে। এরাও না ক্ষেত করে, না ফসল ফলায়; আল্লাহ-ই এদেরকে রিয়িক দান করেন। সাফওয়ান ইব্ন আমর...ইয়ায়ীদ ইব্ন মায়সারা থেকে বর্ণনা করেন, একদা হাওয়ারীগণ ঈসা (আ)-কে বললেন, হে মাসীহল্লাহ! দেখুন, আল্লাহর মসজিদ করতই না সুন্দর। মাসীহ বললেন, ঠিক ঠিক: তবে আমি তোমাদেরকে যথার্থ জানচ্ছি, আল্লাহ এ মসজিদের পাথরগুলোকে স্থায়ীভাবে দণ্ডয়মান রাখবেন না। বরং তার সাথে সংশ্লিষ্টদের গুনাহের কারণে ধ্বংস করে দিবেন। তোমাদের স্বর্ণ-রৌপ্য ও পছন্দনীয় ধন-সম্পদ দিয়ে আল্লাহর কোন কাজ নেই। এই দুনিয়ায় আল্লাহর নিকট প্রিয় বস্তু হচ্ছে সৎ অন্তর। এর সাহায্যেই আল্লাহ দুনিয়াকে আবাদ রেখেছেন এবং এর জন্য তিনি দুনিয়া ধ্বংস করে দিবেন, যখন তা' পরিবর্তিত হয়ে যাবে।

ইব্ন আসাকির তাঁর ইতিহাস গ্রন্থে মুজাহিদের সূত্রে ইব্ন আব্বাস (রা) থেকে বর্ণনা করেন, নবী আকরম (সা) বলেছেন ৪: একদা হ্যরত ঈসা (আ) একটি ধ্বংসপ্রাপ্ত শহরের উপর দিয়ে যাচ্ছিলেন। শহরের বিধ্বস্ত প্রাসাদরাজি দেখে তিনি অবাক হয়ে তাকিয়ে থাকেন। কিছু সময় পর তিনি আল্লাহর নিকট আবেদন করেন, হে আল্লাহ! এই শহরকে আমার কতিপয় প্রশ্নের উত্তর দেয়ার অনুমতি দিন। আল্লাহ তা'আলা বিধ্বস্ত শহরটিকে ঈসার প্রশ্নের উত্তর দেয়ার নির্দেশ প্রদান করেন। তখন শহরটি ঈসা (আ)-কে ডেকে বলল, হে প্রিয় নবী ঈসা (আ)! আপনি আমার নিকট কী জানতে চান? ঈসা (আ) বললেন, তোমার বৃক্ষরাজি কোথায় গেল? তোমার নদী-নালার কী হলো? তোমার প্রাসাদ-রাজির কী অবস্থা? তোমার বাসিন্দারা কোথায় গেল? উত্তরে শহর বলল, হে প্রিয় নবী! আল্লাহর ওয়াদা কার্যকরী হয়েছে। তাই আমার বৃক্ষরাজি শুকিয়ে গিয়েছে, নদী-নালা পানিশূন্য হয়ে গিয়েছে, প্রাসাদরাজি ধ্বংস স্তুপে পরিণত হয়েছে এবং আমার বাসিন্দারা সবাই মারা গিয়েছে। ঈসা (আ) বললেন, তবে তাদের ধন-সম্পদ কোথায়? শহরটি উত্তর দিল, তারা হালাল ও হারাম পস্তুয় নির্বিচারে সম্পদ সঞ্চয় করেছিল, সে সবই আমার অভ্যন্তরে রক্ষিত আছে। আসমান ও যমীনের সব কিছুর সন্তুষ্টিকারী তো আল্লাহই।

অতঃপর ঈসা (আ) বললেন ৪: তিনি ব্যক্তির ব্যাপারে আমার অবাক লাগে। তারা হল (১) যে ব্যক্তি দুনিয়ার সন্ধানে মন্তব্য। অথচ মৃত্যু তার পশ্চাতে লেগে আছে (২) যে ব্যক্তি প্রাসাদ নির্মাণ করছে, অথচ কবর তার ঠিকানা; (৩) যে ব্যক্তি অট্টহাসিতে মজে থাকে, অথচ তার সম্মুখে আগুন। আদম-সন্তানের অবস্থা এই যে, অধিক পেয়েও সে ত্প্ত হয় না; আর কম পেলেও তুষ্ট থাকে না। হে আদম সন্তান! তুমি তোমার ধন-সম্পদ এমন লোকদের জন্যে সঞ্চয় করে রেখে যাচ্ছ, যারা তোমার প্রশংসা করবে না। তুমি এমন প্রভুর পানে এগিয়ে চলছ, যিনি

তোমার কোন ওষর শুনবেন না । তুমি তো তোমার পেট ও প্রবৃত্তির গোলাম হয়ে রয়েছে । কিন্তু তোমার পেট সেই দিন পূর্ণ হবে, যে দিন তুমি কবরে প্রবেশ করবে । হে আদম-সন্তান ! অচিরেই তুমি কবরে প্রবেশ করবে । হে আদম সন্তান ! অচিরেই তুমি দেখতে পাবে, তোমার সঞ্চিত ধন-রত্ন অন্যের পাছাকে ভারী করছে । এ হাদীসটি সনদের বিচারে খুবই ‘গরীব’ পর্যায়ের । কিন্তু উত্তম উপদেশপূর্ণ হওয়ায় উল্লেখিত হলো ।

সুফিয়ান ছাওরী ইবরাহীম তায়মী সুত্রে বর্ণনা করেন, ঈসা (আ) বলেন : হে হাওয়ারীগণ ! তোমরা তোমাদের মূল্যরান সম্পদ আসমানে রাখ । কেননা, মানুষের অন্তর সেই দিকেই আকৃষ্ট থাকে, যেখানে তার মূল্যবান সম্পদ সঞ্চিত থাকে । ছাওর ইব্ন ইয়ায়ীদ আবদুল আয়ীয ইব্ন ঘুবয়ান থেকে বর্ণনা করেন, ঈসা ইব্ন মারয়াম থেকে বর্ণনা করেন, ঈসা ইব্ন মারয়াম বলেছেন : যে ব্যক্তি ইলম শিখে অন্যকে শিখায় এবং সে মতে আমল করে, উর্ধজগতে তাকে বিরাট সম্মানে ভূষিত করা হয় । আবু কুরায়ব বলেন, বর্ণিত আছে, হ্যরত ঈসা (আ) বলেছেন : যেই ইলম তোমাকে কাজের ম্যদানে নিয়ে যায় না, কেবল মজলিস মাহফিলে নিয়ে যায়, তাতে কোন কল্যাণ নেই । ইব্ন আসাকির এক ‘গরীব’ সনদে ইব্ন আকবাস থেকে মারফু হাদীস বর্ণনা করেছেন যে, ঈসা (আ) বনী ইসরাইলদের মাঝে গিয়ে এক ভাষণে বলেন : হে হাওয়ারীগণ ! অযোগ্য লোকদের নিকট হিকমতের কথা বলিও না । এরূপ করলে হিকমত ও প্রজ্ঞাকে হেয় করা হবে । কিন্তু যোগ্য লোকদের নিকট তা’ বলতে কৃপণতা কর না । তা’ হলে তাদের উপর অবিচার করা হবে । যে কোন বিষয়ের তিনটি অবস্থা হতে পারে (১) যার উত্তম হওয়া স্পষ্ট ; এগুলোর অনুসরণ কর । (২) যার মন্দ হওয়া স্পষ্ট ; এর থেকে দূরে থাক ; (৩) যার ভাল বা মন্দ হওয়া সন্দেহযুক্ত ; তার ফয়সালা আল্লাহর উপর ছেড়ে দাও । আবদুর রায়্যাক ..... ইকরিমা থেকে বর্ণনা করেন, ঈসা (আ) বলেছেন শূকরের কাছে মুক্তা ছড়ায়ো না । কেননা মুক্তা দিয়ে সে কিছুই করতে পারে না, আর জ্ঞানপূর্ণ কথা এই ব্যক্তিকে বলো না, যে তা শুনতে চায় না । কেননা জ্ঞানপূর্ণ কথা মুক্তার চাইতেও মূল্যবান আর যে তা’ চায় না, সে শূকরের চাইতেও অধম । ওহাব প্রমুখ রাবী ইকরিমা থেকে অনুরূপ বর্ণনা করেছেন ।

ইকরিমা আরও বর্ণনা করেন, ঈসা (আ) হাওয়ারীদেরকে বলেছেন : তোমরা হচ্ছ পৃথিবীতে লবণ তুল্য । যদি নষ্ট হয়ে যাও তবে তোমাদের জন্য কোন ঔষধ নেই । তোমাদের মধ্যে মূর্খতার দু'টি অভ্যাস আছে (১) বিনা কারণে হাসা এবং (২) রাত্রি জাগরণ না করে সকালে উঠা । ইকরিমা থেকে বর্ণিত, ঈসা (আ)-কে জিজ্ঞাসা করা হয়, কোন ব্যক্তির ফির্তনা সবচাইতে মারাত্মক ? তিনি বললেন : আলিমের পদস্থলন । কেননা আলিমের পদস্থলনে আরও বহু লোক বিপথগামী হয়ে যায় । রাবী আরও বলেন, হ্যরত ঈসা (আ) বলেছেন : হে জ্ঞান পাপীরা ! দুনিয়াকে তোমরা মাথার উপরে রেখেছ, আর আখিরাতকে রেখেছ পায়ের নীচে । তোমাদের কথাবার্তা যেন সর্বরোগের নিরাময় হয় । কিন্তু তোমাদের কার্যকলাপ হচ্ছে মহাব্যাধি । তোমাদের উপমা হচ্ছে সেই মাকাল গাছ যা দেখলে মানুষ আকৃষ্ট হয় কিন্তু তার ফল খেলে মারা যায় । ওহাব থেকে বর্ণিত, ঈসা (আ) বলেছেন : হে নিকৃষ্ট জ্ঞান পাপীরা ! তোমরা জান্নাতের দরজায় আল-বিদায়া ওয়ান নিহায়া (২য় খণ্ড) ২৩—

বসে আছ, কিন্তু তাতে প্রবেশ করছো না আর নিঃস্বদেরকে তাতে প্রবেশ করার জন্যে আহবানও করছ না। আল্লাহর নিকট সর্বাধিক নিকৃষ্ট মানুষ সেই জ্ঞানী ব্যক্তি, যে তার জ্ঞানের বিনিময়ে দুনিয়া অর্জন করে। মাকতুল বর্ণনা করেন, একবার ঈসার সাথে ইয়াইয়া (আ)-এর সাক্ষাত হয়। ঈসা (আ) হাসিমুখে তাঁর সাথে মুসাফিহা করেন। ইয়াহ্ইয়া (আ) বললেন, কি খালাত ভাই! হাসছেন যে, মনে হচ্ছে আপনি নিরাপদ হয়ে গেছেন? ঈসা (আ) বললেন, তোমাকে বিষণ্ণ দেখাচ্ছে কেন, নৈরাশ্যে ভুগছ না কি? তখন আল্লাহ উভয়ের নিকট ওহী প্রেরণ করে জানালেন, ‘তোমাদের দু’জনের মধ্যে সে-ই আমার নিকট প্রিয়তর, যে তার সঙ্গীর সাথে অধিকতর হাসিমুখে মিলিত হয়।’

ওহাব ইব্ন মুনাব্বিহ বর্ণনা করেছেন, একদা হ্যরত ঈসা ও তাঁর সংগীরা একটি কবরের পাশে থামলেন। ঐ কবরবাসী সংকটপূর্ণ অবস্থায় ছিল। তখন সংগীরা কবরের সংকীর্ণতা নিয়ে আলাপ করতে লাগলেন। তাদের কথা শুনে ঈসা (আ) বললেনঃ তোমরা মায়ের পেটে এর চেয়ে সংকীর্ণ স্থানে ছিলে। তারপরে আল্লাহ যখন চাইলেন প্রশংসন জায়গায় নিয়ে আসলেন। আবু উমর বলেন, ঈসা (আ) যখন মৃত্যুর কথা আলোচনা করতেন, তখন তাঁর চামড়া ভেদ করে রক্ত ঝরে পড়ত। হ্যরত ঈসা (আ)-এর থেকে এ জাতীয় অনেক উক্তি বর্ণিত আছে। হাফিজ ইবন আসাকির তাঁর গ্রন্থে বহু উক্তি উদ্ধৃত করেছেন। আমরা এখানে সংক্ষিপ্তভাবে কিছু উল্লেখ করলাম।

## হ্যরত ঈসা (আ)-কে আসমানে উঠিয়ে নেয়ার বর্ণনা আল্লাহ তাআলা কৃত্ক ঈসা (আ)-কে রক্ষা এবং ইয়াহুদী ও নাসারাদের তাঁকে শূলে চড়াবার মিথ্যা দাবি প্রসঙ্গ

এ প্রসংগে আল্লাহর বাণী :

وَمَكْرُوا وَمَكَرَ اللَّهُ . وَاللَّهُ خَيْرُ الْمَكِرِينَ . إِذْ قَالَ اللَّهُ يَعِيسَى اِنِّي مُتَوَفِّيْكَ وَرَأَفِعُكَ إِلَيَّ وَمُطْهِرُكَ مِنَ الَّذِينَ كَفَرُوا وَجَاعِلُ الدِّينَ اِتَّبَاعُوكَ فَوْقَ الَّذِينَ كَفَرُوا إِلَيْ يَوْمِ الْقِيَامَةِ ثُمَّ إِلَيَّ مَرْجِعُكُمْ فَاحْكُمْ بَيْنَكُمْ فِيمَا كُنْتُمْ فِيهِ تَخْتَلِفُونَ .

এবং তারা চক্রান্ত করেছিল, আল্লাহও কৌশল করেছিলেন, আল্লাহ কৌশলীদের শ্রেষ্ঠ। স্মরণ কর, যখন আল্লাহ বললেন, “হে ঈসা! আমি তোমার কাল পূর্ণ করছি এবং আমার নিকট তোমাকে তুলে নিছি এবং যারা কুফরী করেছে তাদের মধ্য হতে তোমাকে পবিত্র করছি। আর তোমার অনুসারীদেরকে কিয়ামত পর্যন্ত কাফিরদের উপর প্রাধান্য দিছি। অতঃপর আমার কাছে তোমাদের প্রত্যাবর্তন। তারপর যে বিষয়ে তোমাদের মতান্তর ঘটছে আমি তা মীমাংসা করে দিব।” (আলে-ইমরান : ৫৪-৫৫)

আল্লাহ আরও বলেন :

فِيمَا نَقْضُهُمْ مِنْ تَآثَارَهُمْ وَكَفَرُهُمْ بِاِيَّتِ اللَّهِ وَقَتْلُهُمُ الْاَنْبِيَاءَ بِغَيْرِ حَقٍّ  
وَقَوْلُهُمْ قَلُوبُنَا غُلْفٌ ، بَلْ طَبَعَ اللَّهُ عَلَيْهَا بِكُفْرِهِمْ فَلَا يُؤْمِنُونَ اَلَّا قَلِيلًاً .  
وَبِكُفْرِهِمْ وَقَوْلِهِمْ عَلَى مَرِيمَ بِهْتَانًا عَظِيمًا . وَقَوْلِهِمْ اِنَّا قَتَلْنَا الْمَسِيحَ  
عِيسَى ابْنَ مَرِيمَ رَسُولَ اللَّهِ ، وَمَا قَاتَلُوهُ وَمَا صَلَبُوهُ وَلَكِنْ شُبَهَ لَهُمْ ،  
وَإِنَّ الَّذِينَ اخْتَلَفُوا فِيهِ لَفِي شَكٍّ مِنْهُ ، مَا لَهُمْ بِهِ مِنْ عِلْمٍ اَلَا اِتَّبَاعُ الظَّنِّ  
، وَمَا قَاتَلُوهُ يَقِيْنًا . بَلْ رَفَعَهُ اللَّهُ اِلَيْهِ ، وَكَانَ اللَّهُ عَزِيزًا حَكِيمًا . وَإِنَّ  
مَنْ اهْلَ الْكِتَبِ اَلَا لَيُؤْمِنَ بِهِ قَبْلَ مَوْتِهِ ، وَيَوْمَ الْقِيَامَةِ يَكُونُ عَلَيْهِمْ  
شَهِيدًا .

এবং তারা লা'নতগ্রস্ত হয়েছিল তাদের অংগীকার ভঙ্গের জন্যে, আল্লাহর আয়াতকে প্রত্যাখ্যান করার জন্যে, নবীগণকে অন্যায়ভাবে হত্যা করার জন্যে এবং আমাদের হনদয় আচ্ছাদিত, তাদের এই উক্তির জন্যে। বরং তাদের কুফরীর কারণে আল্লাহ তাতে মোহর মেরে দিয়েছেন। সুতরাং তাদের অল্প সংখ্যাক লোকই বিশ্বাস করে। এবং তারা লা'নতগ্রস্ত হয়েছিল তাদের কুফরীর জন্যে ও মারযামের বিরুদ্ধে গুরুতর অপবাদের জন্যে। আর আমরা আল্লাহর রাসূল মারযাম-তনয় ঈসা মসীহকে হত্যা করেছি— তাদের এই উক্তির জন্যে। অথচ তারা তাকে হত্যা করেনি, ক্রুশবিদ্ধও করেনি, কিন্তু তাদের এরপ বিভ্রম হয়েছিল। যারা তার সম্বন্ধে মতভেদ করেছিল, তারা নিশ্চয়ই তার সম্বন্ধে সংশয়যুক্ত ছিল; এ সম্পর্কে অনুমানের অনুসৃণ ব্যতীত তাদের কোন জ্ঞানই ছিল না। এটা নিশ্চিত যে, তারা তাকে হত্যা করেনি, এবং আল্লাহ তাকে তাঁর নিকট তুলে নিয়েছেন এবং আল্লাহ পরাক্রমশালী, প্রজ্ঞাময়। কিতাবীদের মধ্যে প্রত্যেকে তার মৃত্যুর পূর্বে তাকে বিশ্বাস করবেই এবং কিয়ামতের দিন সে তাদের বিরুদ্ধে সাক্ষ্য দিবে। (নিসা : ১৫৫-১৫৯)

উপরোক্ত আয়াতসমূহ দ্বারা আল্লাহ মানুষকে জানিয়ে দিলেন যে, তিনি হ্যরত ঈসা (আ) কে নির্দাচ্ছন্ন করার পরে আসমানে তুলে নেন— এটা সন্দেহাতীতভাবে বিশুদ্ধ মত। ইয়াভ্রদীরা ঐ যুগের জনৈক কাফির বাদশাহর সাথে ষড়যন্ত্র করে তাঁকে যে নির্যাতন করতে চেয়েছিল, আল্লাহ তা থেকে তাঁকে মুক্ত করেন।

হাসান বসরী ও মুহাম্মদ ইসহাক বলেন, ঐ বাদশাহের নাম ছিল দাউদ ইব্ন নুরা। সে ঈসা (আ)-কে হত্যা ও ক্রুশবিদ্ধ করার হৃকুম দেয়। হৃকুম পেয়ে ইয়াভ্রদীরা শুক্রবার দিবাগত শনিবার রাত্রে বায়তুল মুকাদ্দাসের একটি কক্ষে ঈসা (আ)-কে অবরুদ্ধ করে রাখে। পরে যখন হত্যার উদ্দেশ্যে তারা কক্ষে প্রবেশ করে তখন আল্লাহ তা'আলা কক্ষে বিদ্যমান ঈসা (আ)-এর অনুসূরীদের মধ্য হতে একজনের চেহারাকে তাঁর চেহারার সদৃশ করে দেন এবং ঈসা (আ)-কে বাতায়ন-পথে আকাশে তুলে নেন। কক্ষে যারা ছিল তারা ঈসা (আ)-কে তুলে নেয়ার দৃশ্য প্রত্যক্ষ করছিল। ইতিমধ্যে বাদশাহুর রক্ষীরা কক্ষে প্রবেশ করে ঈসা (আ)-এর চেহারা বিশিষ্ট ঐ যুবককে দেখতে পায়। তারা তাকেই ঈসা (আ) মনে করে ধরে এনে শূলে চড়ায় এবং মাথায় কাঁটার টুপি পরায়। তাঁকে অধিক লাঞ্ছিত করার জন্যে তারা এই ব্যবস্থা গ্রহণ করে। সাধারণ নাসারা, যারা ঈসা (আ)-এর ঘটনা প্রত্যক্ষ করেনি, তারা ইয়াভ্রদীদের ঈসা (আ)-কে ক্রুশ বিদ্ধ করার দাবি মেনে নেয়। ফলে, তারাও সত্য থেকে স্পষ্ট ও চূড়ান্ত বিভ্রান্তির অতল তলে নিষ্কিণ্ড হয়। সেই জন্যে আল্লাহ বলেন, “কিতাবীদের প্রত্যেকেই তাঁর মৃত্যুর পূর্বে তাঁর প্রতি বিশ্বাস করবে।” অর্থাৎ কিয়ামতের পূর্বে শেষ যুগে ঈসা (আ) যখন পৃথিবীতে পুনরায় আসবেন তখন তাঁর স্বাভাবিক মৃত্যুর পূর্বে তখনকার সকল কিতাবীরাই তাঁর প্রতি বিশ্বাস আনবে। কেননা তিনি পুনর্বার পথিবীতে আসবেন এবং শূকর বধ করবেন, ক্রুশ ধৰ্ম করবেন, জিয়িয়া কর রহিত করবেন এবং ইসলাম ব্যতীত অন্য কোন দীন কবুল করবেন না। তাফসীর গ্রন্থে সূরা নিসায় এই আয়াতের ব্যাখ্যায় এ প্রসঙ্গে যাবতীয় হাদীস আমরা উল্লেখ করেছি এবং এই কিতাবে ‘ফিতান ও মালাহিম’ (কিয়ামত— পূর্ব বিপর্যয় ও মহাযুদ্ধ) অধ্যায়ে মাসীহদ-

দাজ্জাল প্রসংগে আমরা এ বিষয়ে বিস্তারিত আলোচনা করব। দাজ্জালকে হত্যার জন্যে ইমাম মাহদীর অবতরণ প্রসংগে যত হাদীস ও রিওয়ায়ত আছে, সবই সেখানে বর্ণনা করা হবে। এখানে আমরা ঈসা (আ)-কে আসমানে উঠিয়ে নেয়া সম্পর্কে আলোচনা সীমাবদ্ধ রাখব।

ইব্ন আবি হাতিম ইব্ন আব্বাস (রা)-এর বরাতে বর্ণনা করেন, আল্লাহ যখন ঈসা (আ)-কে আসমানে তুলে নিতে ইচ্ছা করলেন তখন ঘটনা ছিল এই যে, বায়তুল মুকাদ্দাসের একটি কক্ষে ঈসা (আ)-এর বারজন হাওয়ারী অবস্থান করছিলেন। তিনি মসজিদের একটি ঝরনায় গোসল করে ঐ কক্ষে শিষ্যদের নিকট যান। তাঁর মাথার চুল থেকে তখনও পানি ঝরে পড়ছিল। তিনি বললেন, তোমাদের মধ্যে এমন এক ব্যক্তি আছে, যে তার প্রতি ঈমান আনার পর বারো (১২) বার আমার সাথে বিশ্বাসঘাতকতা করবে। এরপরে তিনি তাদের নিকট জিজেস করলেন, তোমাদের মধ্যে কে রাজী আছে যাকে আমার গঠনাকৃতি দ্বারা পরিবর্তন করা হবে এবং আমার স্থলে তাকে হত্যা করা হবে, পরিগামে আমার সাথে সে মর্যাদা লাভ করবে? উপস্থিত শিষ্যদের মধ্যে সর্বকনিষ্ঠ এক যুবক দণ্ডযামান হলেন। ঈসা (আ) তাঁকে বললেন, বস। এরপর তিনি দ্বিতীয় বার একই আহ্বান জানান। এবারও ঐ যুবকটি দণ্ডযামান হলেন। ঈসা (আ) তাঁকে বসতে বললেন। তৃতীয়বার তিনি আবারও একই আহ্বান রাখেন। ঐ যুবক দাঁড়িয়ে বললেন, এ জন্যে আমি প্রস্তুত। ঈসা (আ) বললেন, তাই হবে, তুমই এর অধিকারী। অতঃপর যুবকটির গঠনাকৃতিকে ঈসার গঠনাকৃতি দ্বারা পরিবর্তন করে দেয়া এবং মসজিদের একটি বাতায়ন পথে ঈসা (আ)-কে আসমানে তুলে নেয়া হয়। এরপর ইয়াহুদীদের একটি অনুসন্ধানকারী দল ঈসা (আ)-কে ধরার জন্যে এসে উক্ত যুবককে ঈসা (আ) মনে করে ধরে নিয়ে আসে ও তাকে হত্যা করে এবং ক্রুশবিদ্ধ করে। জনেক শিষ্য ঈসা (আ)-এর প্রতি ঈমান আনার পর বার বার বিশ্বাসঘাতকতা করে। এ ঘটনাকে কেন্দ্র করে বনী ইসরাইল তিন দলে বিভক্ত হয়ে পড়ে; যথাঃ

১. আল-ইয়াকুবিয়াঃ এই দল বিশ্বাস করে যে, এতদিন আল্লাহ স্বয়ং আমাদের মাঝে বিদ্যমান ছিলেন, এখন তিনি আসমানে উঠে গিয়েছেন।

২. আল-নাসুরিরিয়াঃ এই দলের বিশ্বাস হল, আল্লাহর পুত্র আমাদের মধ্যে এতদিন ছিলেন, এখন তাঁকে আল্লাহ নিজের কাছে উঠিয়ে নিয়েছেন;

৩. আল মুসলিমুনঃ এই দলের মতে ঈসা (আ) আল্লাহর বান্দা ও রাসূল। আল্লাহর যতদিন ইচ্ছা ছিল ততদিন তিনি আমাদের মধ্যে ছিলেন। এখন তাঁকে আল্লাহ নিজের সান্নিধ্যে উঠিয়ে নিয়েছেন। উক্ত তিনি দলের মধ্যে কাফির দুই দল একত্রিত হয়ে মুসলিম দলের বিরুদ্ধে লড়াই অব্যাহত রাখে; ফলে মুসলিম দল নিষ্ঠেজ হয়ে পড়ে। এ অবস্থা দীর্ঘদিন চলার পর আল্লাহ মুহাম্মদ (সা)-কে রসূলরূপে প্রেরণ করেন। ইব্ন আব্বাস (রা) বলেন, এই দিকে ইঁগিত করেই কুরআনে বলা হয়েছে “পরে আমি মুমিনদেরকে শক্তিশালী করলাম তাদের শক্রদের মুকাবিলায়; ফলে তারা বিজয়ী হল (৬ সাফ : ১৪)। এ হাদীসের সনদ ইব্ন আব্বাস (রা) পর্যন্ত বিশুদ্ধ এবং মুসলিমের শর্ত অনুযায়ী সহীহ। ইমাম নাসাই আবু কুরায়বের সূত্রে আবু মুআবিয়া থেকেও অনুরূপ বর্ণনা করেছেন। ইব্ন জারীর মুসলিম ইব্ন জানাদার সূত্রে আবু

মুআবিয়া থেকে এ হাদীস বর্ণনা করেছেন। এ ছাড়া আরও অনেক গ্রন্থকার এ হাদীস স্ব-স্ব কিতাবে উল্লেখ করেছেন। এ হাদীসটি সবচেয়ে দীর্ঘায়িতভাবে বর্ণনা করেছেন মুহাম্মদ ইব্ন ইসহাক। তাঁর বর্ণনায় এসেছে, ঈসা (আ) আল্লাহর নিকট তাঁর মতৃকে পিছিয়ে দেয়ার জন্যে দোয়া করতেন, যাতে তিনি রিসালাতের দায়িত্ব পূর্ণ করতে পারেন। দাওয়াতী কাজ সম্প্রসারণ করতে পারেন এবং অধিক পরিমাণ লোক যাতে আল্লাহর দীনে প্রবেশ করতে পারে। কথিত আছে, হযরত ঈসা (আ)-এর সান্নিধ্যে বারজন হাওয়ারী ছিলেন; (১) পিতর, (২) ইয়াকুব ইব্ন যাবদা (সিবদিয়), (৩) ইয়াহ্নাস (যুহান্না) ইনি ইয়া'কুবের ভাই ছিলেন (৪) ইন্দারাউস (আল্দিয়), (৫) ফিলিপ, (৬) আবরো ছালমা (বর্তলময়), (৭) মথি, (৮) টমাস (থমা), (৯) ইয়াকুব ইব্ন হালকুবা (আলকেয়), (১০) তাদাউস (থদেয়), (১১) ফাতাতিয়া শিমন ও (১২) (ইয়াহ্না ইঙ্কারিয়োৎ) ইউদাস কারয়া ইউতা \*এই শেষোক্ত ব্যক্তি ইয়াহুদীদেরকে ঈসা (আ)-এর সন্ধান দিয়েছিল। ইব্ন ইসহাক লিখেছেন, হাওয়ারীদের মধ্যে সারজিস নামক আর এক ব্যক্তি ছিল যার কথা নাসারারা গোপন রাখে। এই ব্যক্তিকেই মাসীহৰ রূপ দেয়া হয়েছিল এবং ক্রুশবিন্দু করা হয়েছিল। কিন্তু নাসারাদের কিছু অংশের মতে যাকে মাসীহৰ রূপ দেয়া হয় ও ক্রুশে বিন্দু করা হয়, তার নাম জভাস ইব্ন কারয়া ইউতা ।

যাহুদাক.....ইব্ন আব্বাস (রা) থেকে বর্ণনা করেন, ঈসা (আ) শাম'উনকে তাঁর স্তুতিভিত্তি করেছিলেন এবং ইয়াহুদীরা জভাসকে হত্যা করেছিল -যাকে ঈসার অনুরূপ আকৃতি দেয়া হয়েছিল। আহমদ ইব্ন মারওয়ান বলেন, মুহাম্মদ ইবন জাহ্ম ফার্রা থেকে শুনেছেন- কুরআনের আয়াত— “তারা চক্রান্ত করেছিল আর আল্লাহও কৌশল অবলম্বন করেছিলেন এবং আল্লাহ কৌশলীদের শ্রেষ্ঠ !” এ সম্পর্কে ফার্রা বলেছেন যে, ঈসা (আ) দীর্ঘ দিন তাঁর খালার নিকট থেকে দূরে থাকার পর একদিন খালার বাড়িতে আসেন। তাঁর আগমন দেখে রা'স আল জালুত নামক ইয়াহুদী সেখানে উপস্থিত হয় এবং ঈসা (আ)-এর বিরুদ্ধে লোকজনকে জমায়েত করে। ফলে বহু লোক জমায়েত হলো আর তারা দরজা ভেংগে ফেলে এবং রা'স আল-জালুত ঈসা (আ)-কে ধরে আনার জন্যে ঘরের ভিতরে প্রবেশ করে। আল্লাহ ঈসা (আ)-কে তার দৃষ্টি থেকে আড়াল করে রাখেন। কিছু সময় পর সে বেরিয়ে এসে বলল, ঈসাকে ঘরের মধ্যে দেখতে পেলাম না। রা'স আল জালুতের সাথে ছিল নাংগা তলোয়ার। এ দিকে আল্লাহ তাকেই ঈসার রূপে রূপান্তরিত করে দিয়েছিলেন। উপস্থিত সবাই বলল, তুমি-ই তো ঈসা। সুতরাং তারা তাকে ধরে হত্যা করেনি, ক্রুশবিন্দুও করেনি; কিন্তু তাদের এইরূপ বিভ্রম হয়েছিল।” ইব্ন জারীর ... ওহে ইব্ন মুনাববিহ থেকে বর্ণনা করেন যে, ঈসা (আ) সতের জন হাওয়ারী সহ এক ঘরে প্রবেশ করেন। এ অবস্থা তাদেরকে ঘেরাও করে ফেলে। যখন তারা দেখে ইয়াহুদীরা ঘরের ভেতর প্রবেশ করে তখন আল্লাহ তাদের সকলের চেহারাকে ঈসা (আ)-এর চেহারার মত করে দেন। এ দেখে বনী ইসরাইলরা বলল, তোমরা সবাই যাদু করে আমাদেরকে ধোঁকা দিচ্ছ। হয় আসল ঈসাকে আমাদের নিকট বের করে দাও, নচেৎ তোমাদের সবাইকে

টাকাঃ বঙ্গীয়ক নামগুলো বাংলাদেশ বাইবেল সোসাইটির প্রকাশিত ‘ইনজীল শরীফ’ থেকে গৃহীত।

হত্যা করব। তখন ঈসা (আ) সাথীদেরকে বললেন, তোমাদের মধ্যে কে আছ, যে নিজের প্রাণের বিনিময়ে আজ জাল্লাত ক্রয় করবে। এক ব্যক্তি বললেন, আমি রাজি আছি। এরপর সে ব্যক্তি বনী-ইসরাইলদের সমুখে এসে বললেন, আমিই ঈসা। বস্তুত ঐ ব্যক্তিকে আল্লাহ ঈসা (আ)-এর আকৃতি দান করেছিলেন। তখন তারা তাঁকে ধরে হত্যা করল ও ক্রুশবিন্দ করল। এ জন্যই বনী-ইসরাইলরা বিভ্রান্ত হয় ও ধারণা করে যে, তারা ঈসা (আ)-কেই হত্যা করেছে। অন্যান্য প্রাচ্ছান্নরাও এই একই ধারণা পোষণ করে এবং বলে ঈসাকে হত্যা করা হয়েছে। অথচ ঐ দিনই আল্লাহ ঈসা (আ)-কে আসমানে তুলে নিয়েছিলেন।

ইব্ন জারীর .... ওহব থেকে বর্ণনা করেন, আল্লাহ যখন ঈসা (আ)-কে জানিয়ে দেন যে, অচিরেই তুমি দুনিয়া থেকে নিষ্কৃতি পাচ্ছ তখন তিনি বিচলিত হয়ে পড়েন এবং দুশ্চিন্তাগ্রস্ত হন। এ সময় তিনি হাওয়ারীগণকে দাওয়াত করেন। তাঁদের জন্যে খাদ্য প্রস্তুত করেন। তাঁদেরকে জানিয়ে দেন যে, রাত্রে তোমরা আমার নিকট আসবে, তোমাদের কাছে আমার প্রয়োজন আছে। হাওয়ারীগণ রাত্রে আসলে ঈসা (আ) তাদেরকে নিজ হাতে খানা পরিবেশন করে খাওয়ান। আহার শেষে নিজেই তাঁদের হাত ধূয়ে দেন ও নিজের কাপড় দ্বারা তাঁদের হাত মুছে দেন। এ সব দেখে হাওয়ারীগণ আশ্চর্যস্বিত হলেন এবং বিব্রত বোধ করলেন। ঈসা (আ) বললেন, দেখ, আমি যা কিছু করব কেউ যদি তার প্রতিবাদ করে তবে সে আমার শিষ্যদের অন্তর্ভুক্ত নয় এবং আমিও তার কেউ নই। তখন তারা তা মেনে নিলেন।

আর ঈসা (আ) বললেন, আমি আজ রাত্রে তোমাদের সাথে যে আচরণ করলাম, তোমাদের সেবা করলাম, খাদ্য পরিবেশন করলাম, হাত ধূয়ে দিলাম, এ যেন তোমাদের জন্যে অনুকরণীয় আদর্শ হয়ে থাকে। তোমরা জান যে, আমি তোমাদের মধ্যে সর্বোত্তম। সুতরাং তোমরা একে অপরের উপর নিজেকে শ্রেষ্ঠ মনে করবে না;। বরং নিজেকে অপরের চাইতে ছোট জান করবে। তোমরা তো প্রত্যক্ষ করলে, কিভাবে আমি তোমাদের সেবায় নিজেকে নিয়োজিত করলাম। তোমরাও ঠিক এই ভাবে করবে। আর তোমাদের কাছে আমার যে প্রয়োজন তা হল, তোমরা আমাকে সাহায্য করবে, আমার জন্যে আল্লাহর নিকট দোয়া করবে এবং মনে প্রাণে দোয়া করবে যেন তিনি আমার মৃত্যুকে পিছিয়ে দেন। ঈসা (আ)-এর কথা শোনার পর হাওয়ারীগণ যখন দোয়া করার জন্যে প্রস্তুত হলেন এবং নিবিষ্ট চিন্তে দোয়া করতে বসলেন, তখন গভীর নিদ্রা তাঁদেরকে আচ্ছন্ন করে ফেললো। ফলে তাঁরা দোয়া করতে সমর্থ হলেন না। ঈসা (আ) তাদেরকে ঘুম থেকে জাগাবার চেষ্টা করেন এবং বলেন, কী আশ্চর্য, তোমরা কি মাত্র একটা রাত আমার জন্যে ধৈর্যধারণ করতে ও আমাকে সাহায্য করতে পারবে না? তাঁরা বললেন, আল্লাহর কসম, আমরা কিছুই বুঝতে পারছি না যে, আমাদের এ কী হল? আমরা তো প্রতি দিন রাত্রে দীর্ঘ সময় পর্যন্ত জেগে থাকি, কথাবার্তা বলি; কিন্তু আজ রাত্রে তার কিছুই করতে পারছি না। যখনই দোয়া করতে যাই তখনই ঘুম এসে মাঝখানে বাধা হয়ে দাঁড়ায়। তখন হ্যরত ঈসা (আ) বললেন, রাখাল মাঠ থেকে বিদায় নিচ্ছে আর বকরীগুলো চারিদিকে ছড়িয়ে পড়ছে। এ জাতীয় আরও বিভিন্ন কথা তিনি বলতে থাকেন এবং নিজের বিয়োগ ব্যথার কথা ব্যক্ত করেন।

অতঃপর ঈসা (আ) বললেন : আমি তোমাদেরকে একটি সত্য কথা বলছি- তোমাদের মধ্যে একজন আজ মোরগ ডাক দেয়ার পূর্বে আমার সাথে তিনবার বিশ্বাসঘাতকতা করবে, তোমাদের মধ্যে একজন সামান্য কয়েকটি দিরহামের বিনিময়ে শক্তদের কাছে আমার সন্ধান বলে দেবে এবং আমার বিনিময়ে প্রাণ অর্থ ভক্ষণ করবে। এরপর তারা সেখান থেকে বেরিয়ে পড়ল ও বিস্কিট হয়ে গেল। এদিকে ইয়াহুদীরা ঈসা (আ)-কে সন্ধান করে ফিরছে। তারা শামউন নামক এক হাওয়ারীকে ধরে বলল, এই ব্যক্তি ঈসার শিষ্য। কিন্তু সে অঙ্গীকার করে বলল, আমি ঈসার শিষ্য নই। এ কথা বললে, তারা শামউনকে ছেড়ে দিল। কিছুক্ষণ পরে তাকে অন্য ইয়াহুদীরা পাকড়াও করলে সে পূর্বের ন্যায় উভর দিয়ে আঘাতক্ষা করল। এমন সময় ঈসা হঠাতে মোরগের ডাক শুনতে পান। মোরগের ডাক শুনে তিনি চিন্তিত হয়ে পড়েন এবং কাঁদতে থাকেন। প্রভাত হওয়ার পর জনৈক হাওয়ারী ইয়াহুদীদের নিকট গিয়ে বলল, আমি যদি তোমাদেরকে ঈসা মাসীহৰ সন্ধান দিই, তা হলে তোমরা আমাকে কী পুরস্কার দিবে? ইয়াহুদীরা তাকে ত্রিশটি দিরহাম দিল, বিনিময়ে সে তাদের নিকট তাঁর সন্ধান বলে দিল। কিন্তু এর পূর্বেই তাকে ঈসার অনুরূপ চেহারা দান করা হয় এবং তাদেরকে বিভ্রান্তিতে ফেলা হয়। ফলে তাকেই তারা পাকড়াও করে রশি দ্বারা শক্ত করে বাঁধল এবং একথা বলতে বলতে টেনে-হেচড়ে নিয়ে গেল যে, তুমই তো মৃতকে জীবিত করতে, জীন-ভূত তাড়াতে, পাগল মানুষকে সুস্থ করে দিতে। এখন এই রশির বন্ধন থেকে নিজেকে মুক্ত কর দেখি! তারা তার উপর খুঁত নিক্ষেপ করল, দেহে কাঁটা ফুটাল এবং যেই ত্রুশে বিদ্ধ করার জন্যে স্থাপন করা হয়েছিল, সেখানে তাকে নিয়ে আসল।

ইতিমধ্যে ঈসা (আ)-কে আল্লাহ নিজ সান্নিধ্যে তুলে নিয়েছেন এবং ইয়াহুদীরা ঐ চেহারা পরিবর্তিত ব্যক্তিকে ত্রুশবিন্দু করল। ত্রুশের উপরে লাশ সাত দিন পর্যন্ত ছিল। এরপর ঈসা (আ)-এর মা এবং অন্য এক মহিলা যে পাগল ছিল এবং যাকে ঈসা (আ) সুস্থ করেছিলেন উভয়ে কাঁদতে কাঁদতে ত্রুশবিন্দু লোকটির কাছে আসলেন। তখন হ্যারত ঈসা (আ)-তাঁদের কাছে এসে জিজ্ঞেস করলেন, আপনারা কাঁদছেন কেন? তাঁরা বললেন, আমরা তো তোমার জন্যে কাঁদছি। ঈসা (আ) বললেন, আমাকে আল্লাহ তাঁর সান্নিধ্যে তুলে নিয়েছেন এবং উভয় অবস্থায় রেখেছেন; আর এই যাকে ত্রুশবিন্দু করা হয়েছে তার ব্যাপারে ইয়াহুদীরা বিভ্রান্তির শিকার হয়েছে। অতঃপর তিনি হাওয়ারীদের প্রতি নির্দেশ দিলেন যেন, অমুক স্থানে তারা তাঁর সাথে সাক্ষাত করেন। নির্দেশ মতে এগারজন হাওয়ারী তথ্য গিয়ে তাঁর সাথে সাক্ষাতে মিলিত হন। সেই এক হাওয়ারী অনুপস্থিত থাকে, যে ঈসাকে দিরহামের বিনিময়ে বিক্রি করেছিল এবং ইয়াহুদীদেরকে তাঁর সন্ধান বলে দিয়েছিল; তার সম্পর্কে ঈসা (আ) শিষ্যদের নিকট জিজ্ঞেস করলেন। উভরে তারা জানাল যে, সে তার কর্মের উপর অনুপত্ত হয়ে আঘাতত্যা করেছে। ঈসা (আ) বললেন, যদি সে তওবা করত তবে আল্লাহ তার তওবা কবুল করতেন। অতঃপর তিনি ইয়াহুদী নামক সেই যুবকের কথা জিজ্ঞেস করলেন, যে তাদেরকে অনুসরণ করত। তিনি জানালেন, সে তোমাদের সাথেই আছে। এরপর ঈসা (আ) বললেন, তোমরা এখান থেকে চলে যাও; কেননা, অচিরেই তোমরা নিজ সন্ধানের ভাষায় কথা বলবে। সুতরাং তাদেরকে সতর্ক করবে এবং দীনের দাওয়াত দেবে।

এই হাদীসের সনদ গরীব ও অভিনব। তবে নাসারাদের বর্ণনা সমূহের মধ্যে এটা অনেকটা বিশুদ্ধ। তারা বলেছে, মসীহ মারয়ামের নিকট এসেছিলেন। মারয়াম খেজুর গাছের শাখার কাছে বসে কাঁদছিলেন। ঈসা (আ) তাকে দেহের ক্ষত-বিক্ষত স্থানগুলো দেখান এবং মারয়ামকে জানান যে, তাঁর ঝুঁকে উপরে তুলে নেয়া হয়েছে এবং দেহকে ক্রুশবিন্দু করা হয়েছে। নাসারাদের বর্ণিত এ ঘটনা সম্পূর্ণ মিথ্যা, বানোয়াট, মনগড়া, অতিরিক্ত ও বাতিল। সত্যের পরিপন্থী ও অতিরিক্ত সংযোজন।

ইব্ন আসাকির ইয়াহুইয়া ইব্ন হাবীবের সূত্রে বর্ণনা করেন যে, যে ব্যক্তিকে ক্রুশবিন্দু করা হয়েছিল, মারয়াম ধারণা করেছিলেন যে, সে তাঁরই পুত্র। তাই তিনি ঘটনার সাত দিন পর বাদশাহীর লোকদের নিকট গিয়ে লাশটি নামিয়ে দেয়ার আবেদন জানান। তারা তাঁর আবেদনে সাড়া দেয় এবং সেখানেই লাশটি দাফন করা হয়। তারপর মারয়াম ইয়াহুইয়ার মাকে বললেন, চল, আমরা মাসীহুর কবর যিয়ারত করে আসি। উভয়ে রওয়ানা হলেন। কবরের কাছাকাছি পৌঁছলে মারয়াম ইয়াহুইয়ার মাকে বললেন, পর্দা কর! ইয়াহুইয়ার মা বললেন, কার থেকে পর্দা করবঃ? বললেন : কেন কবরের কাছে ঐ যে লোকটিকে দেখা যায়, তার থেকে! ইয়াহুইয়ার মা বললেন, কী বলছঃ? আমি তো কাউকে দেখতে পাচ্ছি না! মারয়াম তখন ভাবলেন, ইনি জিবরাস্টল ফিরিশতা হবেন। বস্তুত জিবরাস্টলকে তিনি বহু পূর্বে দেখেছিলেন।

যা হোক, ইয়াহুইয়ার মাকে সেখানে রেখে মারয়াম কবরের কাছে গেলেন। কবরের নিকট গেলে তিনি তাকে চিনতে পান। আর জিবরাস্টল বললেন, মারয়াম! কোথায় যাচ্ছ? মারয়াম বললেন, মাসীহুর কবর যিয়ারত করতে এবং তাকে সালাম জানাতে। জিবরাস্টল বললেন, মারয়াম! এ তো মাসীহ নয়। তাঁকে তো আল্লাহ তাঁর সান্নিধ্যে তুলে নিয়েছেন, কাফিরদের হাত থেকে তাঁকে পবিত্র করেছেন। তবে কবরবাসীকে মসীহুর আকৃতি বদলে দেয়া হয়েছে এবং তাকেই, ক্রুশবিন্দু করা হয়েছে। এর নির্দশন হচ্ছে এটা যে, ঐ লোকটির পরিবারের লোকজন একে খুঁজে বেড়াচ্ছে, কোথাও তার সন্ধান পাচ্ছি না এবং তার কি হয়েছে তাও তারা জানে না; এর জন্যে তারা কেবল কান্নাকাটি করে ফিরছে। তৃতীয় অমুক দিন অমুক বাগানের নিকট আসলে মাসীহুর সাথে সাক্ষাৎ করতে পারবে; এ কথা বলে জিবরাস্টল সেখান থেকে প্রস্থান করেন।

মারয়াম তার বোনের নিকট ফিরে এসে জিবরাস্টলের ব্যাপারে জানালেন এবং বাগানের বিষয়টিও বললেন। নির্দিষ্ট দিনে মারয়াম সেই বাগানের নিকট গেলে সেখানে মাসীহুকে দেখতে পান। ঈসা (আ) মাকে দেখতে পেয়ে তাঁর দিকে ছুটে আসেন, মা তাঁকে জড়িয়ে ধরেন, এবং তার মাথায় চুম্বন দেন। তিনি পূর্বের মত তাঁর জন্যে দোয়া করেন। তারপর বলেন, মা! আমার সম্প্রদায়ের লোকেরা আমাকে হত্যা করতে পারেনি, আল্লাহ আমাকে তাঁর সান্নিধ্যে তুলে নিয়েছেন এবং আপনার সাথে সাক্ষাত করার অনুমতি দিয়েছেন। অচিরেই আপনার মৃত্যু হবে। ধৈর্য ধরুন ও বেশী বেশী আল্লাহকে স্মরণ করুন। অতঃপর ঈসা উর্ধলোকে চলে গেলেন। এরপর মারয়ামের সাথে তাঁর মৃত্যুর পূর্বে ঈসার আর সাক্ষাত হয়নি। রাবী বলেন, ঈসা (আ)-এর উর্ধারোহনের পরে তাঁর মা পাঁচ বছর জীবিত ছিলেন এবং তিপ্পান বছর বয়সকালে তিনি ইনতিকাল করেন।

আল-বিদায়া ওয়ান নিহায়া (২য় খণ্ড) ২৪—

হাসান বসরী (র) বলেছেন, যে দিন হ্যরত ঈসা (আ)-কে আসমানে নেয়া হয় সে দিন পর্যন্ত তাঁর বয়স হয়েছিল চৌত্রিশ বছর। হাদীসে বর্ণিত হয়েছে জান্নাতবাসীদের চুল ছোট হবে, দাঁড়ি উদ্ভূত হয়নি তাঁরা এমন যুবকই হবেন। তাদের চোখে সুরমা লাগান থাকবে ও তাঁরা তেক্রিশ বছরের যুবক হবেন। অন্য এক হাদীসে বর্ণিত হয়েছে, জান্নাতবাসীরা ঈসা (আ)-এর সমবয়সের হবেন এবং ইউসুফ (আ)-এর সৌন্দর্যমণ্ডিত চেহারা লাভ করবেন। হাম্মাদ ইব্ন সালমা .. সাইদ ইবনুল মুসায়িব থেকে বর্ণনা করেন, ঈসা (আ)-কে যখন আসমানে তুলে নেয়া হয় তখন তাঁর বয়স ছিল তেক্রিশ বছর।

হাকিম তাঁর মুস্তাদরাক গ্রন্থে এবং ইয়াকুব ইব্ন সুফিয়ান ফাসাবী তাঁর ইতিহাস গ্রন্থে ইব্ন আবি মারয়ামের সূত্রে .. আয়েশা (রা) থেকে বর্ণনা করেন যে, তিনি বলেন, আমাকে ফাতিমা (রা) বলেছেন যে, রাসূলুল্লাহ (সা) তাঁকে জানিয়েছেন : একজন নবীর পরে যদি আর এক জন নবীর আবির্ভাব হয় তবে পরবর্তী নবীর বয়স পূর্ববর্তী নবীর বয়সের অর্ধেক হয়। নবী (সা) আমাকে আরও বলেছেন যে, ঈসা ইব্ন মারয়াম একশ বিশ বছর জীবিত ছিলেন। সুতরাং আমি দেখছি, ষাট বছরের মাথায় আমার মৃত্যু হবে। ফাসাবীর বর্ণিত এ হাদীসের সনদ গরীব পর্যায়ের।

ইব্ন আসাকির বলেন, বিশুদ্ধ মত এই যে, ঈসা (আ) ঐ পরিমাণ বয়স পাননি। এর দ্বারা তাঁর উশ্মতের মধ্যে তাঁর অবস্থানকাল বুঝানই উদ্দেশ্য। যেমন সুফিয়ান ইব্ন উয়ায়না .. ইয়াহ্যা ইব্ন জাদা থেকে বর্ণনা করেন, হ্যরত ফাতিমা (রা) বলেন, রাসূলুল্লাহ (সা) আমাকে জানিয়েছেন : ঈসা ইব্ন মারয়াম বনী ইসরাইলের মধ্যে চল্লিশ বছর অবস্থান করেছিলেন। এ হাদীসের সনদ বিচ্ছিন্ন। জারীর ও ছাওরী আমাশের মাধ্যমে ইবরাহীম থেকে বর্ণনা করেন : ঈসা (আ) তাঁর সম্পন্দায়ের মধ্যে চল্লিশ বছর অবস্থান করেছিলেন। আমীরুল মুমিনীন হ্যরত আলী (রা) থেকে বর্ণিত : হ্যরত ঈসা (আ)-কে রম্যান মাসের বাইশ তারিখের রাত্রে আকাশে উঠিয়ে নেয়া হয়। হ্যরত আলী (রা)-ও শক্রদের বর্ণার আঘাত পাওয়ার পাঁচ দিন পর রম্যানের বাইশ তারিখ রাত্রে ইনতিকাল করেন।

যাহহাক (র) ইব্ন আবৰাস (রা) থেকে বর্ণনা করেন, ঈসা (আ)-কে যখন আসমানে তুলে নেয়া হয় তখন এক খণ্ড মেঘ তাঁর নিকটবর্তী হয়। তিনি এর উপর বসেন। মা মারয়াম সেখানে উপস্থিত হন। পুত্রকে বিদায় জানান ও কান্নাকাটি করেন। তারপরে তাঁকে তুলে নেয়া হয়। মারয়াম তাকিয়ে সে দৃশ্য দেখতে থাকেন। উর্ধে উঠার সময় ঈসা (আ) তাঁর মাকে নিজের চাদরখানা দিয়ে যান এবং বলেন, এইটি হবে কিয়ামতের দিনে আমার ও আপনার মধ্যে পরিচয়ের উপায়। শিশ্য শামউনের উদ্দেশ্যে তিনি নিজের পাগড়ীটি নিক্ষেপ করেন। ঈসা যখন উপরের দিকে উঠতে থাকেন তখন মা মারয়াম হাতের আঙুল উঠিয়ে ইঁগিতে তাঁকে বিদায় জানাতে থাকেন। যতক্ষণ না তিনি চোখের আড়ালে চলে যান। মারয়াম ঈসাকে অত্যধিক মেহ করতেন। কেননা, পিতা না থাকার কারণে ঈসা পিতামাতা উভয়ের ভালবাসা মাকেই দিতেন। সফরে হোক কিংবা বাড়িতে হোক মারয়াম ঈসাকে সর্বদা কাছে রাখতেন, মুহূর্তের জন্মেও দূরে যেতে দিতেন না। জন্মেক কবি বলেছেন :

وَكُنْتَ أَرِي كَالْمَوْتَ مِنْ بَيْنِ سَاعَةٍ - فَكَيْفَ بَيْنَ كَانَ مَوْعِدَهُ  
الْحَشْرٍ .

এক মুহূর্তের বিরহ যেখানে আমার নিকট মৃত্যু যন্ত্রণার ন্যায় কঠিন, সেখানে রোজ হাশের পর্যন্ত দীর্ঘ বিরহ ব্যথা আমি কিভাবে সইব?

ইসহাক ইব্ন বিশ্র মুজাহিদ ইব্ন জুবায়র (র) সুত্রে বর্ণনা করেন, ইয়াভুদীরা মসীহুরপী যেই ব্যক্তিকে ক্রুশবিদ্ধ করেছিল তাকে তারা আসল মসীহ বলেই বিশ্বাস করত। অধিকাংশ নাসারা মূর্খতাবশত এই বিশ্বাসেরই সমর্থক ছিল। এরপর তারা মাসীহুর শিষ্য সমর্থকদের উপর ধর-পাকড়, হত্যা ও নির্যাতন আরঙ্গ করে। এ সংবাদ রোম অধিপতি ও তদানিস্তন দামিশকের বাদশাহুর নিকট পৌঁছে। বাদশাহকে জানান হয় যে, ইয়াভুদীরা এমন এক ব্যক্তির শিষ্য সমর্থকদের উপর নির্যাতন চালাচ্ছে, যে ব্যক্তি নিজেকে আল্লাহুর রাসূল বলে দাবী করে, সে মৃত্যুকে জীবিত করে, জন্মান্ব ও কুস্ত রোগীকে নিরাময় করে এবং আরো অনেক বিস্ময়কর ঘটনা ঘটায়। ইয়াভুদীরা তার উপর চড়াও হয় এবং তাঁকে হত্যা করে। তাঁর শিষ্য ও অনুসারীদেরকে লাঙ্ঘিত করে ও বন্দী করে রাখে। এ সব কথা শুনে বাদশাহ উক্ত নবীর কতিপয় অনুসারীকে তাঁর নিকট আনার জন্যে দৃত প্রেরণ করেন।

বাদশাহুর দৃত কয়েকজন অনুসারীকে সেখানে নিয়ে আসে। এদের মধ্যে ইয়াহুইয়া ইব্ন যাকারিয়া এবং শামউন সহ বেশ কিছুলোক ছিলেন। বাদশাহ তাদের নিকট মাসীহুর কার্যাবলী সম্পর্কে জিজ্ঞাসাবাদ করেন। তাঁরা বিস্তারিতভাবে মাসীহুর কাজকর্ম সম্পর্কে বাদশাহকে অবগত করেন। সবকিছু শুনে বাদশাহ তাদের নিকট মাসীহুর দীন গ্রহণ করেন। তাঁদের দীনের দাওয়াতের প্রসার ঘটান। এভাবে ইয়াভুদীদের উপরে সত্য বিজয় লাভ করে এবং নাসারাদের বাণী তাদের উপর শ্রেষ্ঠত্বের সম্মানে ভূষিত হয়। অতঃপর বাদশাহ ক্রুশবিদ্ধ লাশের কাছে লোক প্রেরণ করেন। শূল কাট থেকে লাশ নামান হয় এবং ক্রুশ-ফলকটি নিয়ে আসা হয়। বাদশাহ ক্রুশ ফলককে সম্মান প্রদর্শন করেন। তখন থেকে নাসারা সম্প্রদায় ক্রুশচিহ্নকে সম্মান করতে শুরু করে। এ ঘটনার পর থেকে নাসারা (খৃষ্টান) ধর্ম রোম সাম্রাজ্য প্রসার লাভ করে। কিন্তু কয়েকটি কারণে এই বর্ণনাটি সংশয়মুক্ত নয়। এক : ইয়াহুয়া ইব্ন যাকারিয়া (আ) নবী ছিলেন। ঈসা (আ)-কে ক্রুশবিদ্ধ করা হয়েছে, এ কথা তিনি স্বীকার করতেন না। কেননা তিনি ছিলেন মা'সুম নবী। ঈসা (আ)-কে নিরাপদ হেফাজতে নেয়া হয়েছে এই সত্যে তিনি বিশ্বাস করতেন। দুই : মাসীহুর আগমনের তিনশ' বছর পর রোম সাম্রাজ্যে খৃষ্টান ধর্ম প্রবেশ করে, তার পূর্বে নয়। এটাই ঐতিহাসিক সত্য। কেননা রোমে খৃষ্টান ধর্ম প্রবেশ করেছিল কুস্তুনতীন ইব্ন কুস্তুন-এর শাসনামলে, যিনি ছিলেন কনষ্টান্টিনোপল তথা ইস্তাম্বুল শহরের প্রতিষ্ঠাতা। এ বিষয়ে আমরা পরে আলোচনা করব। তিনি : ইয়াভুদীরা ঐ ব্যক্তিকে শূলে চড়ানোর পর সেই স্থানটিকে একটি ঘণিত স্থান হিসেবে ফেলে রাখে। সেখানে তারা ময়লা-আবর্জনা ও মৃত জীবজন্ম নিষ্কেপ করত। সম্ভাট কনষ্টান্টাইনের আমল পর্যন্ত এ অবস্থা চলতে থাকে।

অতঃপর সম্ভাট কনষ্টান্টাইনে মা হায়লানা আল হার্রানিয়া আল-ফুন্দুকানিয়া উক্ত ক্রুশবিদ্ধ লোকটিকে মাসীহ বলে বিশ্বাস করেন এবং সেখান থেকে তাকে উদ্কার করেন। তিনি সেখানে

## আল-বিদায়া ওয়ান নিহায়া

লোক প্রেরণ করেন। তারা ক্রুশের শূল দণ্ডিত খুঁজে পায়। কথিত আছে, উক্ত শূলদণ্ড যেই কোন রোগী স্পর্শ করলে আরোগ্য লাভ করত। আল্লাহই ভাল জানেন ঘটনা এই রকম হয়েছিল কিনা। কেননা যেই ব্যক্তি শূলে জীবন দিয়ে আঝোৎসর্গ করেছিল সে একজন নেককার লোক ছিল। অথবা হতে পারে এটা সেই যুগের খ্রীষ্টদের জন্যে একটি ফির্তনা বিশেষ। যে কারণে তারা উক্ত দণ্ডকে সম্মান করত এবং স্বর্ণ ও মুক্তা দ্বারা তাকে মুড়িয়ে রেখেছিল। এখান থেকে তারা বরকত ও কল্যাণের প্রতীক হিসেবে ক্রুশটিক ব্যবহার করা আরম্ভ করে।

এরপর সম্মাটের মা হায়লানার নির্দেশে ঐ স্থানের সমস্ত আবর্জনা পরিষ্কার করে যেখানে উন্নত মানের পাথর দ্বারা একটি সুশোভিত গীর্জা নির্মাণ করা হয়। বর্তমান কালে যা বায়তুল মুকাদ্দাস শহর নামে খ্যাত। এই শহরটির অপর নাম কুমামা (কুমামা অর্থ আবর্জনা, যেহেতু পূর্বে এখানে আবর্জনা ছিল)। খ্টানরা একে কিয়ামাহ্তও বলে। কেননা, কিয়ামতের দিন এই স্থান থেকে মাসীহৰ দেহ পুনরুত্থিত হবে বলে তাদের বিশ্বাস। সম্মাট জননী হায়লানা অতঃপর নির্দেশ দেন যে, এখন থেকে এই শহরের সমস্ত ময়লা আবর্জনা ও পঁচা-গলা ইয়াহুদীদের কিবলা হিসেবে পরিচিত বায়তুল মুকাদ্দাসে অবস্থিত শুভ পাথর (সাখরা)-এর উপর ফেলতে হবে। নির্দেশ মতে সমস্ত আবর্জনা সেখানেই নিক্ষেপ করা অব্যাহত থাকে। অবশেষে হ্যরত উমর ইবনুল খান্দাব (রা) বায়তুল মুকাদ্দাস জয় করেন। তিনি স্বয়ং সেখানে গমন করে নিজের চাদর দ্বারা বায়তুল মুকাদ্দাসঁ ঝাড় দেন এবং সকল নাপাকী ও ময়লা আবর্জনা পরিষ্কার করেন। অবশ্য তিনি ইয়াহুদীদের কিবলা হিসেবে রক্ষিত পাথরের পেছনে মসজিদের প্রতিষ্ঠা করেন নি বরং তার সামনের দিকে রেখেছেন— যেখানে রাসূল (সা) ইসরার রাত্রে নবীদের সাথে সালাত আদায় করেছিলেন।

### ঈসা (আ)-এর শুণাবলী স্বভাব-চরিত্র ও মাহাত্ম্য

আল্লাহর বাণী :

مَا الْمَسِيحُ ابْنُ مَرِيْمٍ لَا رَسُوْلُ. قَدْ خَلَّتْ مِنْ قَبْلِهِ الرُّسُلُ. وَأَمْمَهُ صِدِّيقَةٌ.

মারয়াম-তনয় মসীহ তো কেবল একজন রাসূল, তার পূর্বে বহু রাসূল গত হয়েছে এবং তার মা সত্যনিষ্ঠ ছিল। (৫ মায়দাঃ ৭৫)

মাসীহ অর্থ অত্যধিক ভ্রমণকারী। ঈসা (আ)-এর প্রতি ইয়াহুদীদের কঠোর শক্রতা, মিথ্যা আরোপ এবং তাঁর উপর ও তাঁর মায়ের উপর অপবাদ দেওয়ার কারণে সৃষ্টি ফির্তনা ফসাদ থেকে দীনকে রক্ষার জন্যে তিনি জীবনের অধিকাংশ সময় সফরে কাটান। এই কারণে তাঁকে মাসীহ বলে আখ্যায়িত করা হয়। কেউ কেউ বলেন, তার পায়ের তলা সমতল থাকার কারণে হ্যরত ঈসা (আ)-কে মাসীহ বলা হয়। আল্লাহর বাণী :

ثُمَّ قَفِّيْنَا عَلَى أَشَارِهِمْ بِرُسُلِنَا وَقَفَّيْنَا بِعِيْسَى ابْنِ مَرِيْمَ وَاتِّيْنَهُ الْأَنْجِيلِ.

অতঃপর আমি তাদের অনুগামী করেছিলাম আমার রাসূলগণকে এবং অনুগামী করেছিলাম মারয়াম তনয় ঈসাকে আর তাকে দিয়েছিলাম ইনজীল। (৫৭ হাদীসঃ ২৭)

### আল্লাহর বাণী

وَأَتَيْنَا عِيسَى ابْنَ مَرِيمَ الْبَيْنَتِ وَأَيَّدْنَاهُ بِرُوحِ الْقُدْسِ.

এবং মারয়াম-তনয় ঈসাকে স্পষ্ট প্রমাণ দিয়েছি এবং পরিত্র আত্মা দ্বারা তাকে শক্তিশালী করেছি। (২ বাকারা : ৮৭)

এ সম্পর্কে কুরআনে প্রচুর আয়াত বিদ্যমান। ইতিপূর্বে বুখারী ও মুসলিমে হাদীস বর্ণিত হয়েছে যে, এমন কোন শিশু সন্তান নেই, যাকে জন্মের সময় শয়তান পেটের পার্শ্বদেশে খোঁচা না দেয়। জন্মের সময় শয়তানের খোঁচার কারণেই সে চিংকার করে কাঁদে। তবে মারয়াম ও তাঁর পুত্র ঈসা (আ)-এর ব্যতিক্রম। শয়তান তাঁকে খোঁচা মরতে গিয়েছিল। কিন্তু তা না পেরে ঘরের পর্দায় খোঁচা মেরে চলে যায়। উবাদা থেকে উমায়র ইব্ন হানীর বর্ণিত হাদীস ইতিপূর্বে উল্লেখ করা হয়েছে যে, রাসূলুল্লাহ (সা) বলেছেনঃ যে ব্যক্তি সাক্ষ্য দিবে যে, আল্লাহ ব্যতীত আর কোন ইলাহ নেই। তিনি একক তাঁর কোন শরীক নেই, আর মুহাম্মদ (সা) তাঁর বান্দা ও রাসূল। আর ঈসা আল্লাহর বান্দা, তাঁর রাসূল এবং তাঁর কলেমা যা তিনি মারয়াম-এর নিকট প্রেরণ করেছিলেন এবং তাঁর পক্ষ থেকে প্রেরিত রহ। (আরও সাক্ষ্য দিবে যে,) জান্নাত সত্য ও জাহানাম সত্য, আল্লাহ তাকে জান্নাতে প্রবেশ করাবেন, তার অন্য আমল যা-ই হোক না কেন। বুখারী ও মুসলিম হাদীসটি বর্ণনা করেছেন, তবে এ পাঠটি বুখারী ও মুসলিমে শা'বী আবু বুরদা, আবু মূসা আশআরী (রা) থেকে বর্ণিত।

রাসূলুল্লাহ (সা) বলেছেন যদি কোন লোক তার দাসীকে আদব-কায়দা শেখায় এবং তা ভালভাবে শেখায় এবং তাকে ইলম শেখায় আর তা উন্মত্তাবে শেখায় তারপর তাকে আয়াদ করে দেয় এবং পরে তাকে বিয়ে করে নেয় তবে সে দু'টি প্রতিদান পাবে। আর যদি কেউ ঈসা (আ)-এর প্রতি ঈমান রাখে অতঃপর আমার প্রতিও ঈমান আনে, তার জন্মেও দু'টি পুরস্কার। আর গোলাম যদি তার প্রতিপালককে ভয় করে এবং দুনিয়ার মুনিবদেরকেও মেনে চলে তবে সেও পাবে দু'টি পুরস্কার। এ পাঠ বুখারীর।

ইমাম বুখারী (র) ইবরাহীম ইবন মুসার সূত্রে..... আবু হুরায়রা (রা) থেকে বর্ণনা করেন, নবী করীম (সা) বলেছেনঃ যে রাতে আমার মিরাজ হয়েছিল, সে রাতে মুসার সাথে আমার সাক্ষাত হয়েছিল। অতঃপর রাসূলুল্লাহ তার বর্ণনা দিয়ে বলেন, তিনি ছিলেন দীর্ঘ দেহী ব্যক্তি, তাঁর চুল কোঁকড়ান ছিল। মনে হচ্ছিল, তিনি যেন ইয়ামান দেশীয় শানুয়া গোত্রের লোক। তিনি বলেন, ঈসার সাথেও আমার সাক্ষাত হয়েছিল। অতঃপর তিনি তার বর্ণনা দিয়ে বলেনঃ তিনি ছিলেন মধ্যম দেহী ও গৌরবর্ণের। যেন তিনি এই মাত্র হাম্মামখানা থেকে বের হয়েছেন। ঐ রাতে আমি ইবরাহীমকেও দেখতে পেয়েছি। আর তাঁর বৎসরদের মধ্যে তাঁর সাথে আমার চেহারার মিল সবচাইতে বেশী। ইবরাহীম ও মূসা (আ)-এর বর্ণনায় আমরা এ হাদীসখানা উল্লেখ করেছি। ইমাম বুখারী মুহাম্মদ ইবন কাছীর সূত্রে..... ইবন উমর (রা)

থেকে বর্ণনা করেন। নবী করীম (সা) বলেছেনঃ মি'রাজের রাতে আমি ঈসা, মূসা ও ইবরাহীমকে দেখতে পেয়েছি। ঈসা গৌর বর্ণ, কোঁকড়ানো চুল এবং প্রশস্ত বক্ষ বিশিষ্ট লোক, মূসা বাদামী রং বিশিষ্ট, তাঁর দেহ সুঠাম এবং মাথার চুল কোঁকড়ান, যেন জাঠ গোত্রের লোক। এ হাদীসটি কেবল বুখারীতেই আছে।

ইমাম বুখারী (র) ইবরাহীম ইবন মুনয়িরের সূত্রে..... আব্দুল্লাহ ইব্ন উমর (রা) থেকে বর্ণনা করেন। একদা নবী করীম (সা) লোকজনের সামনে মাসীহ দাজ্জালের কথা উল্লেখ করলেন। তিনি বললেন, আল্লাহ একচক্ষ বিশিষ্ট নন। শুনে রেখে, মাসীহ দাজ্জালের ডান চোখ কানা। তার চোখ যেন ফুলে যাওয়া আংগুরের মত ভাসাভাসা। আমি এক রাতে স্বপ্নে আমাকে কা'বার কাছে দেখলাম। হঠাৎ সেখানে বাদামী রং-এর এক ব্যক্তিকে দেখলাম। তোমরা যেমন সুন্দর বাদামী রঙের লোক দেখে থাক তার চাইতেও বেশী সুন্দর ছিলেন তিনি। তাঁর মাথার সোজা চুলগুলো তাঁর দু'কাঁধ পর্যন্ত ঝুলছিল। তার মাথা থেকে ফেঁটা ফেঁটা পানি ঝরে পড়ছিল। তিনি দু'জন লোকের কাঁধে হাত রেখে কা'বা শরীফ তা'ওয়াফ করছিলেন। আমি জিজ্ঞেস করলাম, ইনি কে? তারা জবাব দিল, ইনি হলেন মাসীহ ইব্ন মারয়াম। তারপর তাঁর পেছনে আর একজন লোক দেখলাম। তার মাথার চুল ছিল বেশী কোঁকড়ান, ডান চোখ কানা। আকৃতিতে সে আমার দেখা লোকদের মধ্যে ইব্ন কাতানের সাথে অধিক সাদৃশ্যপূর্ণ। সে একজন লোকের দু'কাঁধে ভর করে কা'বার চারদিকে ঘুরছিল। আমি জিজ্ঞেস করলাম, এই লোকটি কে? তারা বলল, এ হল মাসীহ দাজ্জাল। ইমাম মুসলিম এ হাদীসখানা মূসা ইব্ন উকবার সূত্রে বর্ণনা করেছেন।

ইমাম বুখারী বলেন, আব্দুল্লাহ ইব্ন নাফিও এ হাদীস অনুরূপ বর্ণনা করেছেন। অতঃপর তিনি যুহুরী থেকে বর্ণনা করেন, ইবন কাতান খুজা'আ গোত্রের লোক, জাহিলী যুগে তার মৃত্যু হয়। এ হাদীসে রাসূল (সা) হিদায়েতকারী মাসীহ ও গোমরাহকারী মাসীহৰ মধ্যে পার্থক্য বলে দিয়েছেন। যাতে ঈসা মাসীহ পুনরায় আগমন করলে মুমিনগণ তাঁর উপর ঈমান আনতে ও মাসীহ দাজ্জাল থেকে সতর্ক হতে পারেন। ইমাম বুখারী আব্দুল্লাহ ইবন মুহাম্মাদের সূত্রে..... আবু হুরায়রা (রা) থেকে বর্ণনা করেন, রাসূলুল্লাহ (সা) বলেছেনঃ ঈসা (আ) এক ব্যক্তিকে চুরি করতে দেখে তাকে জিজ্ঞেস করেন, তুমি কি চুরি করেছ? সে বলল, 'কখনও নয়। সেই সত্তার কসম, যিনি ব্যতীত আর কোন ইলাহ নেই।' তখন ঈসা (আ) বললেন, 'আমি আল্লাহর প্রতি ঈমান আনলাম ও আমার দু' চোখকে অবিশ্বাস করলাম।' আব্দুর রাজ্জাক (র) থেকেও অনুরূপ হাদীস মুহাম্মাদ ইবন রাফি বর্ণনা করেছেন। ইমাম আহমদ আফ্ফানের সূত্রে..... আবু হুরায়রা (রা) থেকে অনুরূপ বর্ণনা করেন।

এ হাদীস থেকে হ্যারত ঈসা (আ)-এর পবিত্র ও বলিষ্ঠ চরিত্র ফুটে উঠেছে। যখন লোকটি আল্লাহর কসম বলল, তখন তিনি মনে করলেন যে, কোন ব্যক্তি আল্লাহর নামে মিথ্যা কসম থেতে পারে না, বরং নিজের চোখে দেখা বিষয়কে আগ্রাহ্য করে তার ওয়ারই গ্রহণ করলেন। তিনি বললেন, আমি আল্লাহর প্রতি ঈমান আনছি। অর্থাৎ তোমার কসমের জন্যে তোমার কথা

সত্য বলে মেনে নিছি এবং আমার চোখকে অবিশ্বাস করছি। ইমাম বুখারী (র) ..... ইব্ন আব্বাস (রা) থেকে বর্ণনা করেন, রাসূলুল্লাহ (সা) বলেছেন, তোমরা হাশরের মাঠে খালি পা, নগু দেহ এবং খাতনা বিহীন অবস্থায় সমবেত হবে। তারপর তিনি এ আয়ত পাঠ করলেন, “যেভাবে আমি প্রথমবার সৃষ্টি করেছি, ঠিক তেমনিভাবে দ্বিতীয় বারও করবো। এটা আমার ওয়াদা। আমি তা অবশ্যই পূর্ণ করবো। (২১ আংসুয়া ৪: ১০৪)

হাশরের দিন সর্বপ্রথম যাকে কাপড় পরানো হবে, তিনি হলেন ইবরাহীম (আ)। তারপর আমার অনুসারীদের কিছু সংখ্যককে ডান দিকে জান্মাতে এবং কিছু সংখ্যককে বাম দিকে জাহানামে নিয়ে যাওয়া হবে। তখন আমি বলব, এরা তো আমার লোক। তখন বলা হবে, আপনি তাদের থেকে বিদায় নেয়ার পর থেকেই তারা পিছটান দিয়েছে। যেমন বলেছিলেন, পৃণ্যবান বান্দা ঈসা ইবন মারয়াম। তাঁর উক্তিটি হলো এ আয়ত ৪: “আর আমি যতদিন তাদের মধ্যে ছিলাম, ততদিন আমি তাদের উপর সাক্ষী ছিলাম। এরপর আপনি যখন আমাকে উঠিয়ে নিলেন তখন আপনিই তাদের হেফাজতকারী ছিলেন। আর আপনি তো সব কিছুর উপর সাক্ষী। যদি আপনি তাদেরকে আয়াব দিতে চান তবে এরা তো আপনারই বান্দা। আর যদি আপনি তাদেরকে ক্ষমা করে দেন, তবে আপনি নিশ্চয়ই পরাক্রমশালী ও প্রজ্ঞাময়।” এ হাদীসটি বর্ণিত সূত্রে কেবল ইমাম বুখারীই বর্ণনা করেছেন, ইমাম মুসলিম এ সূত্রে বর্ণনা করেন নি। এ ছাড়াও ইমাম বুখারী হুমায়দী সূত্রে..... ইব্ন আব্বাস (রা) থেকে বর্ণনা করেন, তিনি হ্যরত উমর (রা)-কে মিশারের উপর দাঁড়িয়ে বলতে শুনেছেন, তিনি বলেছেন, আমি নবী (সা)-কে বলতে শুনেছি, ‘তোমরা আমার প্রশংসা করতে গিয়ে অতিশয়োক্তি করো না, যেমন ঈসা ইব্ন মারয়াম সম্পর্কে নাসারারা করেছিল। আমি তো আল্লাহর বান্দা মাত্র। সুতরাং তোমরা আমার সম্পর্কে বলবে, আল্লাহর বান্দা ও তাঁর রাসূল।’

ইমাম বুখারী (র) আবু হুরায়রা (রা) থেকে বর্ণনা করেন। নবী করীম (সা) বলেছেন, তিনি জন শিশু ব্যতীত আর কেউ দোলনায় কথা বলেন নি। (১) হ্যরত ঈসা (২) বনী ইসরাইলের মধ্যে এক ব্যক্তি ছিল, যাকে জুরাইজ বলে ডাকা হত। একদা সে নামাযরত থাকা অবস্থায় তার মা এসে তাকে ডাকল। সে ভাবল, আমি কি ডাকে সাড়া দিব, না নামাযে নিমগ্ন থাকব। জবাব না পেয়ে তার মা বলল, ইয়া আল্লাহ! ব্যভিচারীগীর চেহারা না দেখা পর্যন্ত তুমি একে মৃত্যু দিও না। জুরাইজ তাঁর ইবাদত খানায় থাকতেন। একবার তাঁর কাছে এক মহিলা আসল। সে অসৎ উদ্দেশ্যে তাঁর সাথে কথা বলল। কিন্তু জুরাইজ তাতে রাজী হলেন না। অতঃপর মহিলাটি একজন রাখালের নিকট গেল এবং তাকে দিয়ে মনোবাসনা পূরণ করল। পরে সে একটি পুত্র সন্তান প্রসব করল। তাকে জিজ্ঞেস করা হল, এটি কাঁর সন্তান? স্ত্রীলোকটি বলল, জুরাইজের। লোকেরা তাঁর কাছে আসল এবং তাঁর ইবাদত খানাটি ভেঙ্গে দিল। আর তাঁকে নিচে নামিয়ে আনল ও গালিগালাজ করল। তখন জুরাইজ উয়ু করে সালাত আদায় করলেন ৪: এরপর নবজাত শিশুটির নিকট এসে তাকে জিজ্ঞেস করলেন ৫: হে শিশু! তোমার পিতা কে? সে জবাব দিল, অমুক রাখাল আমার পিতা। তখন বনী ইসরাইলের লোকেরা জুরাইজকে বলল, আমরা

আপনার ইবাদতখানাটি সোনা দিয়ে তৈরি করে দিচ্ছি। জুরাইজ বললেন, না, তবে কাদা মাটি দিয়ে তৈরি করে দিতে পার। (৩) বনী ইসরাইলের একজন মহিলা তার শিশুকে দুধ পান করছিল। তার কাছ দিয়ে একজন সুদর্শন পুরুষ আরোহী চলে গেল। মহিলাটি দোয়া করল, ইয়া আল্লাহ! আমার ছেলেটিকে তার মত বানাও। শিশুটি তখনই তার মায়ের স্তন ছেড়ে দিল এবং আরোহীর দিকে মুখ ফিরিয়ে বলল, ইয়া আল্লাহ! আমাকে তার মত করো না। এরপর মুখ ফিরিয়ে মায়ের দুধ পান করতে লাগল। আবু হুরায়রা (রা) বলেন, আমি যেন নবী করীম (সা)-কে দেখতে পাচ্ছি, তিনি নিজের আংগুল চুয়ে দেখাচ্ছেন। এরপর সেই মহিলাটির পাশ দিয়ে একটি দাসী চলে গেল। মহিলাটি বলল, ইয়া আল্লাহ! আমার শিশুটিকে এর মত করো না। শিশুটি তৎক্ষণাৎ মায়ের স্তন ছেড়ে দিয়ে বলল, ইয়া আল্লাহ! আমাকে তার মত কর। মাজিজেস করল, তা কেন? শিশুটি জবাব দিল, সেই আরোহী লোকটি ছিল বড় জালিম, আর এ দাসীটিকে লোকে বলছে তুমি চুরি করেছ, যেনা করেছ। অথচ সে এসবের কিছুই করেনি।

ইমাম (র) বুখারী আবু হুরায়রা (রা) থেকে বর্ণনা করেন, তিনি বলেন, আমি শুনেছি, রাসূলুল্লাহ (সা) বলেছেনঃ আমি মারযামের পৃতি ঈসার বেশী নিকটতম। আর নবীগণ যেন পরম্পর বৈমাত্রে ভাই, অর্থাৎ বাপ এক, মা ভিন্ন ভিন্ন। আমার ও ঈসার মাঝখানে কোন নবী নেই। এই সত্ত্বে ইমাম বুখারীই-এ হাদীসটি বর্ণনা করেছেন। ইব্ন হবিবান এবং ইমাম আহমদ হাদীসটি ঈষৎ শান্তিক পরিবর্তনসহ বর্ণনা করেন। তবে ইমাম আহমদের বর্ণনায় অতিরিক্ত আছে, কিয়ামতের পূর্বে ঈসা পুনরায় দুনিয়ায় অবতরণ করবেন। যখন তাঁকে দেখবে তখন তোমরা চিনতে পারবে। কারণ তিনি হবেন মাঝারি গড়নের। গায়ের রং লালচে সাদা। মাথার চুল সোজা। মনে হবে যেন মাথার চুল থেকে পানি টপকে পড়ছে। যদিও তিনি পানি স্পর্শ করেন নি। তিনি এসে তুশ ভাঙবেন, শূকর হত্যা করবেন। জিয়িয়া কর রহিত করবেন। একমাত্র ইসলাম ছাড়া সে যুগের সকল ধর্ম ও মতবাদ খতম করবেন। আল্লাহ তাঁর হাতে মিথ্যুক মাসীহ দাজ্জালকে ধ্বংস করবেন। সমস্ত পৃথিবী শান্তি ও নিরাপত্তায় ভরে যাবে। এমনকি উট ও সিংহ, বাঘ ও গরু এবং নেকড়ে ও বকরী একই সাথে একই মাঠে বিচরণ করবে। কিশোর বালকগণ সাপের সাথে খেলা করবে। কিন্তু কেউ কারও ক্ষতি করবে না। যতদিন আল্লাহর ইচ্ছা ততদিন তিনি পৃথিবীতে থাকবেন। তারপর তিনি স্বাভাবিকভাবে ইন্তিকাল করবেন এবং মুসলমানরা তাঁর জানায়। পড়বে। আবু দাউদ ..... হাম্মাম ইব্ন ইয়াহ্যা থেকে অনুরূপ বর্ণনা করেছেন। হিশাম ইব্ন উরওয়া আবু হুরায়রা (রা) থেকে বর্ণনা করেন যে, রাসূলুল্লাহ (সা) বলেছেনঃ ঈসা (আ) পৃথিবীতে চলিশ বছর অবস্থান করবেন। এই কিতাবের মালাহিম (যুদ্ধ বিগ্রহ) অধ্যায়ে ঈসা (আ)-এর অবতরণ সম্পর্কে বিস্তারিত আলোচনা করা হবে। তাফসীর গঠনেও আমরা সূরা নিসার এই আয়াত : “কিতাবীদের মধ্যে প্রত্যেকে তার মৃত্যুর পূর্বে তাঁর প্রতি ঈমান আনবেই। এবং কিয়ামতের দিন সে তাদের বিরঞ্জে সাক্ষ্য দিবে (৪নিসাঃ ১৫৯)-এর তাফসীর প্রসঙ্গে এ সম্পর্কে বিশদ আলোচনা করা হয়েছে।

রাসূলুল্লাহ (সা) বলেছেন : ঈসা (আ)-এর পুনরায় দুনিয়ায় আগমন কিয়ামতের অন্যতম লক্ষণ। দামিশকের শুভ মিনারায় উপর তিনি অবতরণ করবেন। তিনি যখন অবতরণ করবেন তখন ফজরের নামাযের ইকামত হতে থাকবে। তাঁকে দেখে মুসলমানদের ইমাম বলবেন, হে রহুল্লাহ! সম্মুখে আসুন ও নামাযের ইমামতি করুন! ঈসা (আ) বলবেন, “না, আপনারা একে অন্যের উপর নেতো, এ সম্মান আল্লাহ এ উপরতকেই দান করেছেন।” অন্য বর্ণনায় এসেছে, ঈসা (আ) ইমাম ছাহেবকে বলবেন, আপনিই ইমামতি করুন। কেননা, আপনার জন্যে ইকামত দেয়া হয়েছে। অতঃপর গ্রে ইমামের পেছনে তিনি সালাত আদায় করবেন। নামায শেষে তিনি বাহনে আরোহণ করে মাসীহ দাজ্জালের সঙ্গানে বের হবেন এবং মুসলমানরা তাঁর সাথে থাকবেন। দাজ্জালকে লুদ তোরণের নিকট পেয়ে সেখানেই তিনি নিজ হাতে তাকে হত্যা করবেন। ইতিপূর্বে উল্লেখ করা হয়েছে যে, দামিশকের পূর্ব পার্শ্বে এই মিনার যখন শুভ পাথর দ্বারা নির্মাণ করা হয় তখনই দৃঢ় আশ্পা করা হয়েছিল যে, এখানেই তিনি অবতরণ করবেন। এই স্থানটি বিধ্বস্ত হওয়ার পর নাসারাদের অর্থ দ্বারাই এটি নির্মাণ করা হয়েছিল। ঈসা (আ) এখানে অবতরণ করে শূকর নিধন করবেন। ক্রুশ ভেংগে চুরমার করবেন এবং ইসলাম ছাড়া অন্য কোন দীন তিনি গ্রাহ্য করবেন না।

ঈসা (আ) রাওহা থেকে হজ্জ কিংবা উমরা অথবা উভয়টির নিয়ত করে বের হবেন এবং তা' সম্পন্ন করবেন। চল্লিশ বছর জীবিত থাকার পর তিনি ইন্তিকাল করবেন। তাকে রাসূলুল্লাহ (সা)-এর হজরায় রাসূলুল্লাহ (সা) ও তাঁর প্রথম দুই খলীফার নিকট দাফন করা হবে। এ সম্পর্কে ইব্ন আসাকির তাঁর ইতিহাস প্রস্তুত ঈসা (আ)-এর বর্ণনা প্রসংগে হযরত আয়েশা (রা) বর্ণিত মারফু' হাদীসে উল্লেখ করেছেন যে, হযরত ঈসা (আ)-কে রাসূলুল্লাহ (সা)-এর হজরা শরীফের মধ্যে রাসূলুল্লাহ, আবু বকর ও উমরের সাথে দাফন করা হবে। কিন্তু এই হাদীসের সনদ বিশুদ্ধ নয়। ইমাম আবু ঈসা তিরমিয়ী আবুল্লাহ ইব্ন সালাম (রা) থেকে বর্ণনা করেন যে, তাওরাত কিতাবে মুহাম্মদ (সা) ও ঈসা ইব্ন মারয়ামের বৈশিষ্ট্য উল্লেখ করা হয়েছে। সেখানে আছে যে, হযরত ঈসাকে মুহাম্মদ (স)-এর সাথে দাফন করা হবে। এ হাদীসের অন্যতম রাবী আবু মওন্দ মাদানী বলেন, রাসূলুল্লাহ (সা)-এর হজরায় একটি কবর পরিমাণ স্থান খালি আছে। ইমান তিরমিয়ী (র) এ হাদীসকে হাসান বলেছেন। ইমাম বুখারী (র) বলেন, আমার মতে এ হাদীসটি বিশুদ্ধ নয়। ইমাম বুখারী সুলায়মান থেকে বর্ণনা করেন যে, হযরত ঈসা ও মুহাম্মদ (সা)-এর মধ্যে নবুওতের বিরতিকাল ছয় শ' বছর। কাতাদার মতে, পাঁচ শ' ষাট বছর। কারও মতে পাঁচ শ' চল্লিশ বছর। যাহহাকের মতে, চার শ' ত্রিশ বছরের কিছু বেশী কিন্তু প্রসিদ্ধ মত ছয় শ' বছর। তবে কেউ কেউ বলেছেন, চান্দ বছরের হিসেবে ছয় শ' বিশ বছর এবং সৌর বছর হিসেবে ছয় শ' বছর।

ইবন হিবান তাঁর সহীহ গ্রন্থে ঈসা (আ)-এর উপরত্বে কত দিন সঠিক দীনের উপরে ও নবীর আদর্শের উপরে টিকেছিল সে সম্পর্কে আলোচনা করেছেন। তিনি আবুদ দারদা (রা) থেকে বর্ণনা করেন। রাসূলুল্লাহ (সা) বলেছেন : আল্লাহ দাউদ নবীকে তাঁর অনুসারীদের মধ্যে মৃত্যু দেন। কিন্তু এতে তাঁর অনুসারীরা বিপথগামীও হয়নি, দীনও পরিবর্তন করেনি। আর ঈসা আল-বিদায়া ওয়ান নিহায়া (২য় খণ্ড) ২৫—

মাসীহৰ অনুসারীৱা তাঁৰ বিদায়েৰ পৰে দু'শ বছৰ তাঁৰ নীতি ও আদৰ্শেৰ উপৰে টিকে ছিল। ইব্ন হিবান এ হাদীসকে সহীত' বললেও মূলত এৱ সনদ গৱীব পৰ্যায়েৱ। ইবন জারীৰ মুহাম্মদ ইব্ন ইসহাকেৰ বৱাত দিয়ে লিখেছেন যে, ঈসা (আ)-কে আসমানে তুলে নেয়াৰ পূৰ্বে তিনি হাওয়ারীগণকে উপদেশ দিয়েছিলেন, তাৱা যেন মানুষকে এক ও লা-শৱীক আল্লাহৰ ইবাদতেৰ দিকে ডাকতে থাকে। তিনি তাদেৱ প্ৰত্যেককে সিৱিয়া ও প্ৰাচ্য-প্ৰতীচ্যেৰ জনগোষ্ঠিৰ এক এক এলাকা দাওয়াতী কাজেৰ জন্যে নিৰ্দিষ্ট কৱে দিয়েছিলেন।

বৰ্ণনাকাৰীগণ বলেছেন যে, সে এলাকায় যে হাওয়ারীকে নিয়োগ কৱা হয়েছিল, তিনি সেই এলাকাৰ অধিবাসীদেৱ সাথে তাদেৱ নিজ ভাষায় কথা বলতেন। অনেক ঐতিহাসিক বলেছেন, হ্যৱত ঈসা (আ)-এৱ নিকট থেকে চার জন লোক ইনজীল উদ্বৃত্ত কৱেছেন। তাঁৱা হলেন, লুক, মথি, মাৰ্কুস (মাৰ্ক) ও ইউহান্না (যোহন)। কিন্তু এই ইনজীল চতুষ্টয়েৰ মধ্যে একটিৰ সাথে আৱ একটিৰ যথেষ্ট গৱমিল বিদ্যমান। একটিৰ মধ্যে বেশী তো আৱ একটিতে কম। উক্ত চার জনেৰ মধ্যে মথি ও ইউহান্না হ্যৱত ঈসাৰ যুগেৰ এবং তাৱা তাঁকে দেখেছিলেন। মাৰ্কুস ও লুক তাঁৰ সমসামান্যিক ছিলেন না, বৱং তাঁৱা ছিলেন ঈসাৰ শিষ্যদেৱ শিষ্য। তবে তাঁৱা মাসীহৰ উপৰ যথাৰ্থ ঈমান আনেন ও তাঁকে সত্য নবী বলে স্বীকাৰ কৱেন। দামিশকেৱ এক ব্যক্তি ঈসা মাসীহৰ উপৰ ঈমান আনেন, তাৱ নাম যায়ন (صَبِّيْنَا)। তবে তিনি পোল নামক জনৈক ইহুদীৰ ভয়ে দামিশকেৱ পূৰ্ব গেটে গীৰ্জাৰ নিকটে একটি গুহায় আঞ্চলিক কৱে থাকেন। উক্ত ইহুদী ছিল অত্যাচাৰী ও ঈসা (আ)-এৱ প্ৰতি এবং তাঁৰ আদৰ্শেৰ প্ৰতি চৰম বিদ্বেষী। এই ব্যক্তিৰ এক ভাইপো ঈসা (আ)-এৱ উপৰ ঈমান আনাৰ কাৱণে সে তাৱ মাথাৰ চুল মুড়িয়ে দেয়। শহৱেৰ রাস্তায়-রাস্তায় ঘূৱায় এবং পাথৰ মেৰে তাকে হত্যা কৱে। একদিন সে শুনতে পেল ঈসা (আ) দামিশক অভিমুখে রওনা হয়েছেন। তখন সে তাঁকে হত্যা কৱাৰ উদ্দেশ্যে খচকে আৱোহণ কৱে সেদিকে বেৱিয়ে পড়ল।

কাওকাৰ নামক স্থানে পৌছে সে ঈসা (আ)-কে দেখতে পেল। ঈসা (আ)-এৱ শিষ্যদেৱ দিকে অগ্ৰসৰ হতেই এক ফেৰেশতা এসে পাখা দিয়ে আঘাত কৱে তাৱ চোখ কানা কৱে দিলেন। এ ঘটনা প্ৰত্যক্ষ কৱে তাৱ অন্তৰে ঈসা (আ)-এৱ প্ৰতি বিশ্বাস জন্মায়। তখন সে ঈসা (আ)-এৱ নিকট গিয়ে নিজেৰ অপৱাধ স্বীকাৰ কৱে ঈমান আনে ঈসা (আ) তাৱ ঈমান গ্ৰহণ কৱলেন। অতঃপৰ সে ঈসা (আ)-কে তাৱ চক্ষুদ্বয়েৰ উপৰ হাত বুলিয়ে দিতে অনুৱোধ কৱল, যাতে আল্লাহ তাৱ দৃষ্টিশক্তি ফিরিয়ে দেন। ঈসা (আ) বললেন, তুমি যায়ন-এৱ কীছে ফিরে যাও। দামিশকেৱ পূৰ্ব প্ৰান্তে লম্বা বাজাৱেৰ পাৰ্শ্বে তাকে পাবে। সে তোমাৰ জন্যে দোয়া কৱবে। ঈসা (আ)-এৱ কথামত সে সেখানে এসে যায়নকে পেল। যায়ন তাৱ জন্যে দোয়া কৱলে সে দৃষ্টিশক্তি ফিরে পেল। পোল আন্তৰিকভাৱে ঈসাৰ প্ৰতি ঈমান এনেছিলেন তিনি তাকে আল্লাহৰ বান্দা ও রাসূল হিসেবে বিশ্বাস কৱতেন। তাৱ নামে দামিশকে একটি গীৰ্জা তৈৰি কৱা হয়। পোলৰ গীৰ্জা নামে খ্যাত এই গীৰ্জাটি সাহাবাদেৱ যুগে দামিশক বিজয়কালেও বিদ্যমান ছিল। পৱৰ্বতীকালে এটা ধৰ্ম হয়ে যায়। সে ইতিহাস আমৱা পৰে বলব।

## পরিচ্ছেদ

হ্যরত ঈসা মাসীহ (আ)-কে আসমানে উঠানোর পর তাঁর সম্পর্কে তাঁর অনুসারীদের মধ্যে বিভিন্ন মতামতের সৃষ্টি হয়। ইব্ন আবুসহ প্রথম যুগের অনেক মনীষী এ সম্পর্কে বর্ণনা করেছেন। আমরা সূরা সাফ-এর আয়াত— “পরে আমি মুমিনদেরকে শক্তিশালী করলাম তাদের শক্তিদের মুকাবিলায়; ফলে তারা বিজয়ী হল।” (৬১ সাফ: ১৪)-এর ব্যাখ্যায় ইব্ন আবুসহ (রা) প্রমুখ বলেছেন, তাদের একদল বিশ্বাস করে যে, তিনি আল্লাহর বান্দা ও তাঁর রাসূল। তিনি আমাদের মধ্যে ছিলেন, এখন তাঁকে আসমানে তুলে নেয়া হয়েছে। দ্বিতীয় দল বলে, তিনি হলেন স্বয়ং আল্লাহ। তৃতীয় দলের মতে, তিনি আল্লাহর পুত্র। বৃন্দুত প্রথম দলের বিশ্বাসই যথার্থ। অন্য দল দু'টির বক্তব্য জগন্য কুফুরী, তাদের মতবিরোধ সম্পর্কে আল্লাহ বলেন : “অতঃপর দলগুলো নিজেদের মধ্যে মতানৈক্য সৃষ্টি করল, সুতরাং দুর্ভোগ কাফিরদের মহাদিবস আগমনকালে।” (১৯ মার্যাম : ৩৭)

এ ছাড়া ইনজীলের চারজন বর্ণনাকারীর বর্ণনা উদ্ভুত করাব মধ্যেও কম, বেশী পরিবর্তন ও পরিবর্ধন করা হয়েছে। তারপর হ্যরত ঈসা (আ)-এর তিমশ’ বছর পর ইনজীল ও ঈসায়ী ধর্মের উপর বিরাট দুর্যোগ নেমে আসে। চার দলের চারজন আর্ক বিশপ, পাদ্রী ও সাধু-সন্ন্যাসীগণ মাসীহ সম্পর্কে এত অসংখ্য মতে বিভক্ত হয়ে পড়েন, যা নির্ণয় করা কঠিন হয়ে পড়ে। তারা তাদের এ বিরোধের ফয়সালার জন্যে কনস্ট্যান্টিনোপল নগরীর প্রতিষ্ঠাতা সন্ত্রাট কনস্ট্যান্টাইনের শরণাপন্ন হয়। এটা ছিল তাদের প্রথম মহাসম্মেলন। সন্ত্রাট সবকিছু শুনে অধিকাংশ দল যে মতের উপর ঐকমত্য পোষণ করে, সে মতকেই গ্রহণ করেন। এই দলের নামকরণ করা হয় মালাইকা (মালাকিয়া)। এ মতের বাইরে যারা ছিল তাদেরকে নির্যাতীত করেন ও দেশাভ্যরিত করেন। আবদুল্লাহ ইব্ন আব্দুস্মের অনুসারী যারা ঈসা (আ)-কে আল্লাহর বান্দা ও রাসূল হিসেবে বিশ্বাস করতেন তারা একঘরে হয়ে পড়েন। তাঁরা বিভিন্ন পাহাড়ী অঞ্চলে ও উপত্যকায় গিয়ে বসবাস করতে শুরু করেন। তাঁরা সেখানে ইবাদতখানা, গীর্জা ও উপাসনালয় তৈরি করেন এবং সন্ন্যাসী জীবন-যাপন করতে থাকেন। এরা উপরোক্ত ফের্কাসমূহের সংশ্রব থেকে দূরে থাকেন। অপরদিকে মালাইকা সম্প্রদায় গ্রীক স্থাপত্যের অনুকরণে বিভিন্ন জায়গায় বিরাট বিরাট গীর্জা স্থাপন করে। তারা তাদের কিবলা পূর্ব দিকে পরিবর্তন করে, যদিও কিবলা ইতিপূর্বে উভয়ের জাদাইর দিকে ছিল।

## বেথেলহাম ও কুমামার ভিত্তি স্থাপন

হ্যরত ঈসা মাসীহ (আ) যে স্থানে জন্মগ্রহণ করেছিলেন সে স্থানে সন্ত্রাট কনস্ট্যান্টাইন একটি প্রাসাদ নির্মাণ করেন, যার নাম রাখা হয় বায়তু লাহাম (বেথেলহাম)। অপর দিকে সন্ত্রাটের মা হায়লানা কথিত ক্রুশবিদ্ধ ঈসার কবরের উপর আর একটি প্রাসাদ তৈরি করেন, যার নাম রাখা হয় কুমামা। ইহুদীদের প্রচারণায় পড়ে তারাও বিশ্বাস করত যে, নবী ঈসা মাসীহকেই ক্রুশবিদ্ধ করা হয়েছে। কিন্তু এই মত পোষণকারী পূর্বের ও পরের সকলেই কাফির। এরা বিভিন্ন রকম মনগড়া বিধি-বিধান ও আইন-কানুন তৈরি করে। এসব বিধানের মধ্যে ছিল পুরাতন

নিয়ম তথা তাওরাতের বিরোধিতা করা। তারা তাওরাতে স্পষ্টভাবে নিষিদ্ধ ও হারাম বস্তুকে হালাল করে নেয়, যেমন শূকর খাওয়া। তারা পূর্বমুখী হয়ে উপাসনা করে। অথচ ঈসা-মাসীহ বাযতুল মুকাদ্দাসের শুভ পাথরের দিকে মুখ করে ছাড়া ইবাদত করতেন না। শুধু তিনিই নন, বরং মূসা (আ)-এর পরবর্তী সকল নবী বাযতুল মুকাদ্দাসের দিকে ফিরে নামায আদায় করেছেন। এমনকি শেষ নবী হ্যারত মুহাম্মদ (সা)-ও হিজরতের পরে ঘোল কিংবা সতের মাস পর্যন্ত বাযতুল মুকাদ্দাসকে কিবলা করে নামায আদায় করেছেন। পরে তিনি আল্লাহর হৃকুমে ইবরাহীম খলীল (আ) কর্তৃক নির্মিত কা'বা ঘরের দিকে ফিরে নামায পড়েন।

তারা গীর্জাগুলোতে মূর্তি স্থাপন করে অথচ ইতিপূর্বে গীর্জায় কখনও কোন মূর্তি রাখা হতো না। তারা এমন সব আকীদা তৈরি করে যা শিশু, মহিলা ও পুরুষ নির্বিশেষে সকলেই বিশ্বাস করত। এই আকীদার নাম ছিল ‘আমান’। প্রকৃত পক্ষে এটা ছিল সম্পূর্ণ কুফরী আকীদা ও বিশ্বাস ভঙ্গের নামান্তর। মালাকিয়া ও নাসতুরিয়া দলভুক্ত সকলেই ছিল নাসতুরাস এর অনুসারী। এরা ছিল দ্বিতীয় মহা সম্মেলনপন্থী। আর ইয়াকৃবিয়া সম্প্রদায় হচ্ছে ইয়াকৃব আল বারাদায়ীর অনুসারী। এরা হল তৃতীয় মহা সমাবেশ পন্থী। এ দুই দলই প্রথমোক্ত দলের একই আকীদা পোষণ করত, যদিও খুঁটিনাটি বিষয়ে পারস্পরিক বিরোধ ছিল। আমি তাদের কুফরী আকীদার কথা বর্ণনা করছি।

আর কুফরের বর্ণনা করায় কেউ কাফির হয় না। তাদের আকীদার বাক্যগুলোর মধ্যে এমন সব জঘন্য শব্দ আছে, যার মধ্যে কুফরীর ভাব অতি প্রকট এবং তা অত্যন্ত বিভ্রান্তিকর। এ আকীদা মানুষকে জুলন্ত অগ্নিকুণ্ডে পৌঁছিয়ে দেয়। তাদের বলে থাকে যে, আমরা এক আল্লাহকে বিশ্বাস করি যিনি সবকিছুর নিয়ন্ত্রক, আসমান ও যমীনের দৃশ্যমান, অদৃশ্যমান সবকিছুর সৃষ্টিকর্তা, ঐ একই প্রতিপালককে আমরা মানি। মাসীহ সেই এক আল্লাহরই একক পুত্র। অনাদিকালেই পিতা থেকে তাঁর জন্ম। তিনি নূর থেকে সৃষ্টি নূর। সদা প্রভু থেকে তিনিও সদা প্রভু। তিনি জন্মাতাত করেছেন, সৃষ্টি হননি। সেই মূল উপাদানে তিনি পিতার সমকক্ষ যার দ্বারা সবকিছু সৃষ্টি হয়েছে। আমাদের ললাটলিপি অনুযায়ী আমরা মানুষ। আমাদের মুক্তির জন্যে তিনি আসমান থেকে অবতরণ করেছেন এবং পবিত্র আস্থা দ্বারা দেহ ধারণ করেছেন ও কুমারী মার্যামের গর্ভ থেকে মানবরূপে আঘাতকাশ করেছেন। এরপর মালাতিস নাবাতীর আমলে ক্রুশবিন্দ হয়েছেন, দুঃখ পেয়েছেন। তারপরে সমাধিষ্ঠ হয়েছেন। সমাধিষ্ঠ হওয়ার তিন দিন পর কবর থেকে বেরিয়ে এসেছেন এবং আসমানে উঠে গিয়ে পিতার ডান পাশে বসে আছেন। আবার তিনি দেহ ধারণ করে আসবেন। জীবিত ও মৃতদের খোজ ব্বর নিবেন। তাঁর রাজত্বের ক্ষয় নেই। তিনি পবিত্র আস্থা। তিনি প্রভু, জীবন দানকারী। পিতার কাছ থেকে এসেছেন। পিতার সাথে থাকবেন। পুত্র সিজদা পাওয়ার যোগ্য। নবীকুলের মধ্যে দোলনায় কথা বলার শৌরূব তিনিই লাভ করেছেন। আল্লাহর সাথে পবিত্র ও পূর্ণাঙ্গ সম্পর্ক তাঁর। সমস্ত পাপ ক্ষমা

করার জন্যে তিনি প্রতিশ্রূতিবদ্ধ। তিনি চিরঞ্জীব, মৃতকে জীবন দানকারী, সর্বদা বিরাজমান ও যিষ্মাদার।

## অতীতকালের কাহিনী

অতীতকাল বলতে এখানে বনী ইসরাইলের যুগ থেকে আরবের জাহিলী যুগের পূর্ব পর্যন্ত সময় বুঝান হয়েছে। এই সময়কালের বড় বড় ঘটনা এখানে আলোচনা করা হবে। আর আরবের জাহিলী যুগ সম্পর্কে এই অধ্যায়ের পরে আলোচনা আসবে। আল্লাহর বাণী : পূর্বে যা ঘটেছে তার সংবাদ আমি এভাবে তোমার নিকট বিবৃত করি এবং আমি আমার নিকট হতে তোমাকে দান করেছি উপদেশ (২০ তাহা : ৯৯)। সূরা ইউসুফে আল্লাহ বলেন, “আমি তোমার নিকট উত্তম কাহিনী বর্ণনা করছি, ওহীর মাধ্যমে তোমার নিকট এই কুরআন প্রেরণ করে; যদিও এর পূর্বে তুমি ছিলে অনবহিতদের অন্তর্ভুক্ত।” (১২ ইউসুফ : ৩)

## যুল-কারনায়ন

এ প্রসংগে আল্লাহর বাণী :

وَيَسْأَلُونَكَ عَنْ ذِي الْقَرْبَىْنِ. قُلْ سَأَتْلُوا عَلَيْكُمْ مِنْهُ ذُكْرًا. إِنَّ مَكْنَاتَهُ فِي الْأَرْضِ وَأَتْيَنَاهُ مِنْ كُلِّ شَيْءٍ سَبَبًا. فَاتَّبِعْ سَبَبًا. حَتَّىٰ إِذَا بَلَغَ مَغْرِبَ الشَّمْسِ وَجَدَهَا تَغْرُبُ فِي عَيْنٍ حَمِيَّةٍ وَوَجَدَ عِنْدَهَا قَوْمًا قَلَنَّا يَا ذَالْقَرْنَيْنِ أَمَّا أَنْ تُعَذِّبَ وَآمَّا أَنْ تَتَخَذَ فِيهِمْ حُسْنًا. قَالَ أَمَّا مِنْ ظَلَمٍ فَسَوْفَ تَعْذِبُهُ ثُمَّ يُرَدُّ إِلَيْ رَبِّهِ فَيُعَذَّبُهُ عَذَابًا نُكْرًا. وَآمَّا مِنْ أَمْنٍ وَعَمَلٍ صَالِحًا فَلَهُ جَزَاءُ الْحُسْنَىٰ - وَسَنَقُولُ لَهُ مِنْ أَمْرِنَا يُسْرًا. ثُمَّ اتَّبِعْ سَبَبًا. حَتَّىٰ إِذَا بَلَغَ مَطْلَعَ الشَّمْسِ وَجَدَهَا تَطْلُعُ عَلَى قَوْمٍ لَمْ نَجْعَلْ لَهُمْ سَبَبًا. حَتَّىٰ إِذَا بَلَغَ بَيْنَ السَّدَيْنِ وَجَدَ مِنْ دُونِهِمَا قَوْمًا لَا يَكَادُونَ يَفْقَهُونَ قَوْلًا. قَالُوا إِذَا الْقَرْنَيْنِ إِنَّ يَاجُوجَ وَمَاجُوجَ مُفْسِدُونَ فِي الْأَرْضِ فَهَلْ نَجْعَلُ لَكُمْ خَرْجًا عَلَى أَنْ تَجْعَلَ بَيْنَنَا وَبَيْنَهُمْ سَدًا. قَالَ مَا مَكْنَىٰ فِيهِ رَبِّيْ خَيْرٌ فَأَعِينُونَيْ بِقُوَّةٍ أَجْعَلْ بَيْنَكُمْ وَبَيْنَهُمْ رَدْمًا. أَتُؤْنِي زُبَرَ الْحَدِيدِ. حَتَّىٰ إِذَا سَاوَى بَيْنَ الصَّدَافَيْنِ قَالَ انْفُخُوا. حَتَّىٰ إِذَا جَعَلَهُ نَارًا قَالَ أَتُؤْنِي أَفْرَغَ عَلَيْهِ قَطْرًا. فَمَا اسْطَاعُوا أَنْ يَظْهَرُوهُ وَمَا اسْتَطَاعُوا لَهُ نَقْبًا. قَالَ هَذَا رَحْمَةٌ مِنْ رَبِّيْ فَإِذَا جَاءَ وَعْدُ رَبِّيْ جَعَلَهُ دَكَاءً وَكَانَ وَعْدُ رَبِّيْ حَقًّا.

“ওরা তোমাকে যুল-কারনায়ন সহস্রে জিজ্ঞেস করে। বল, আমি তোমাদের নিকট তার বিষয় বর্ণনা করব। আমি তাকে পৃথিবীতে কর্তৃত দিয়েছিলাম এবং প্রত্যেক বিশয়ের উপায়-উপকরণ দান করেছিলাম। অতঃপর সে এক পথ অবলম্বন করল। চলতে চলতে সে যখন সূর্যের অস্তগমন স্থানে পৌঁছল তখন সে সূর্যকে এক পংকিল জলাশয়ে অস্তগমন করতে দেখল এবং সে সেখানে এক সম্প্রদায়কে দেখতে পেল। আমি বললাম, ‘হে যুল-কারনায়ন!

তুমি এদেরকে শাস্তি দিতে পার অথবা এদের ব্যাপার সদয়ভাবে গ্রহণ করতে পার।' সে বলল, 'যে কেউ সীমালংঘন করবে, আমি তাকে শাস্তি দিব, অতঃপর সে তার প্রতিপালকের নিকট প্রত্যাবর্তিত হবে এবং তিনি তাকে কঠিন শাস্তি দিবেন। তবে যে ঈমান আনে এবং সৎকর্ম করে তার জন্যে প্রতিদান স্বরূপ আছে কল্যাণ এবং তার প্রতি ব্যবহারে আমি ন্যূন কথা বলব।

আবার সে এক পথ ধরল। চলতে চলতে যখন সে সূর্যোদয় স্থলে পৌঁছল, তখন সে দেখল তা' এমন এক সম্প্রদায়ের উপর উদয় হচ্ছে যাদের জন্যে সূর্যতাপ হতে কোন অস্তরাল আমি সৃষ্টি করিনি। প্রকৃত ঘটনা এটাই, তার বৃত্তান্ত আমি সম্যক অবগত আছি। আবার সে এক পথ ধরল। চলতে চলতে সে যখন দুই পর্বত প্রাচীরের মধ্যবর্তী স্থলে পৌঁছল, তখন সেখানে সে এক সম্প্রদায়কে পেল যারা তার কথা একেবারেই বুঝতে পারছিল না। তারা বলল, 'হে যুল-কারনায়ন! ইয়াজুজ ও মাজুজ পৃথিবীতে অশাস্তি সৃষ্টি করছে; আমরা কি তোমাকে কর দিব এই শর্তে যে, তুমি আমাদের ও তাদের মধ্যে এক প্রাচীর গড়ে দিবে?' সে বলল, 'আমার প্রতিপালক আমাকে যে ক্ষমতা দিয়েছেন তা-ই উৎকৃষ্ট; সুতরাং তোমরা আমাকে শ্রম দিয়ে সাহায্য কর, আমি তোমাদের ও তাদের মধ্যস্থলে এক মজবুত প্রাচীর গড়ে দিব। তোমরা আমার নিকট লৌহ পিণ্ডসমূহ আনয়ন কর, অতঃপর মধ্যবর্তী ফাঁকা স্থান পূর্ণ হয়ে যখন লৌহস্তুপ দুই পর্বতের সমান হল তখন সে বলল, তোমরা হাঁপরে দম দিতে থাক। যখন তা' আগুনের মত উত্পন্ন হল, তখন সে বলল, তোমরা গলিত তামা আনয়ন কর, আমি তা ঢেলে দিই এর উপর। এরপর তারা 'তা' অভিক্রম করতে পারল না বা ভেদ করতেও পারল না। সে বলল, এটা আমার প্রতিপালকের অনুগ্রহ। যখন আমার প্রতিপালকের প্রতিশ্রূতি পূর্ণ হবে তখন এটাকে চূর্ণ-বিচূর্ণ করে দেবেন এবং আমার প্রতিপালকের প্রতিশ্রূতি সত্য।' (১৮ কাহফ : ৮৩-৯৮)

আল্লাহ এখানে যুল-কারনায়নের বর্ণনা দিয়েছেন। তাকে তিনি ন্যায়-পরায়ণ বলে প্রশংসা করেছেন। প্রাচ্য ও প্রতীচ্যের শেষ প্রান্ত পর্যন্ত তিনি অভিযান পরিচালনা করেছিলেন। সমস্ত ভূ-খণ্ডের উপর তিনি বিজয় লাভ করেছিলেন। সকল দেশের অধিবাসীরা তাঁর আনুগত্য স্বীকার করেছিল। তাদের মধ্যে তিনি পূর্ণ ইনসাফ প্রতিষ্ঠা করেছিলেন। বস্তুত তিনি আল্লাহর সাহায্যপ্রাপ্ত এক সফল ও বিজয়ী বীর এবং ন্যায় প্রতিষ্ঠাকারী বাদশাহ। তাঁর সম্পর্কে বিশুদ্ধ কথা হল, তিনি একজন ন্যায়-পরায়ণ বাদশাহ। অবশ্য কারো কারো মতে, তিনি নবী, কারো কারো মতে, রাসূল। তাঁর সম্পর্কে একটি বিরল মত হচ্ছে, তিনি ছিলেন ফেরেশতা। এই শেষোক্ত মতটি আমীরুল মু'মিনীন হ্যরত উমর ইবনুল খাতাব (রা) থেকে শৃঙ্খল হয়ে বর্ণিত হয়েছে। কেননা, হ্যরত উমর (রা) একদিন শুনতে পেলেন যে, এক ব্যক্তি অপর একজনকে বলছে, হে যুল-কারনায়ন! তখন তিনি বললেন, থাম, যে কোন একজন নবীর নামে নাম রাখাই যথেষ্ট, ফেরেশতার নামে নাম রাখার কী প্রয়োজন? সুহায়লী এ ঘটনা বর্ণনা করেছেন।

'ওকী' ..... মুজাহিদের সূত্রে আবদুল্লাহ ইব্ন আমর (রা) থেকে বর্ণনা করেছেন যে, যুল-কারনায়ন নবী ছিলেন। হাফিজ ইব্ন আসাকির ..... আবু হুরায়রা (রা) থেকে বর্ণনা করেন, রাসূলুল্লাহ (সা) বলেছেন : আমি জানি না, তুর্কা বাদশাহ অভিশপ্ত ছিল কি না; আমি

এটাও জানি না যে, শরয়ী শাস্তি দ্বারা দণ্ডপ্রাপ্তের গুনাহ মাফ হবে কি না; আমি জানি না, যুল-কারনায়ন নবী ছিলেন কি না! এ হাদীস উপরোক্ত সনদে গরীব।

ইসহাক ইব্ন বিশ্র ..... ইব্ন আব্বাস (রা) থেকে বর্ণনা করেন যে, যুল-কারনায়ন ছিলেন একজন ধার্মিক বাদশাহ। আল্লাহর তাঁর কাজ-কর্মে সন্তুষ্ট ছিলেন নিজ কিতাবে তিনি তাঁর প্রশংসন করেছেন। তিনি ছিলেন আল্লাহর সাহায্যপ্রাপ্ত। হ্যরত খিয়ির (আ) ছিলেন তাঁর উফীর। তিনি আবারও বলেছেন যে, খিয়ির (আ) থাকতেন তাঁর সেনাবাহিনীর অগ্রভাগে। বর্তমান কালে বাদশাহৰ নিকট উফীরের যেই স্থান, যুল-কারনায়নের নিকট হ্যরত খিয়িরের ছিল ঠিক সেইরূপ উপদেষ্টার মর্যাদা। আবারকী প্রমুখ ঐতিহাসিকগণ লিখেছেন যে, যুল-কারনায়ন হ্যরত ইবরাহীম খলীলুল্লাহ (আ)-এর নিকট ইসলাম গ্রহণ করেন এবং হ্যরত ইবরাহীমের সাথে তিনি ও ইসমাঈল (আ) একত্রে কাঁবা তাওয়াফ করেন। উবায়দ ইব্ন উসায়র তাঁর পুত্র আবদুল্লাহ ও অন্যান্য বর্ণনাকারী বলেছেন যে, যুল-কারনায়ন পদব্রজে হজ্জ পালন করেন। ইবরাহীম (আ) তাঁর আগমনের সংবাদ পেয়ে তাঁর সাথে সাক্ষাত করেন, তাঁকে দোয়া করেন ও তাঁর ট্রুপের সন্তুষ্টি প্রকাশ করেন। আল্লাহ মেঘপুঞ্জকে যুল-কারনায়নের অনুগত করে দিয়েছিলেন। যেখানে তিনি যেতে চাইতেন মেঘমালা তাকে সেখানে বহন করে নিয়ে যেত।

যুল-কারনায়ন নামকরণের ব্যাপারে ঐতিহাসিকগণ বিভিন্ন কারণ উল্লেখ করেছেন। কারও মতে, তাঁর মাথায় দুইটি শিং-এর মত ছিল এ কারণে তাঁকে যুল-কারনায়ন (দুই শিংওয়ালা) বলা হয়েছে। ওহে ইব্ন মুনাবিহ বলেন, তাঁর মাথায় তামার দুইটি শিং ছিল। এটা দুর্বল মত। কোন কোন আহলি-কিতাব বলেছেন, যেহেতু তিনি রোম ও পারস্য এই উভয় সাম্রাজ্যের সন্ত্রাট ছিলেন তাই তাঁকে একপ উপাধি দেয়া হয়েছে। কেউ বলেন, যেহেতু তিনি সূর্যের দুই প্রান্ত পূর্ব ও পশ্চিম এবং এর মধ্যবর্তী সমস্ত জায়গার একচ্ছত্র বাদশাহ ছিলেন, তাই তাঁকে এই নামে ভূষিত করা হয়েছে। এই ব্যাখ্যা ইমাম যুহরীর এবং অন্যান্য মতের তুলনায় এ মতটিই অধিক গ্রহণযোগ্য। হাসান বসরী বলেন, তাঁর মাথার চুলের দু'টি উঁচু ঝুঁকি ছিল যার কারণে তাকে এই নাম দেয়া হয়। ইসহাক ইব্ন বিশ্র ..... শুআয়বের পিতা থেকে বর্ণনা করেন যে, তিনি এক পরাক্রমশালী বাদশাহকে আল্লাহর দিকে আহ্বান করেন। এতে সে তার একটি শিং-এর উপর আঘাত করে ভেংগে চুরমার করে দেয়। এ ঘটনার পর থেকে তাকে যুল-কারনায়ন বলে আখ্যায়িত করা হয়। ইমাম ছাওরী ..... আলী ইব্ন আবি তালিব (রা) থেকে বর্ণনা করেন, জনৈক ব্যক্তি হ্যরত আলী (রা)-কে যুল-কারনায়ন সম্পর্কে জিজ্ঞেস করলে তিনি বলেন, যুল-কারনায়ন আল্লাহর এক সৎ বান্দা। আল্লাহর তাঁকে উপদেশ দেন। তিনি উপদেশ করুল করেন। তিনি তাঁর সম্প্রদায়কে আল্লাহর দিকে আহ্বান করেন। তাঁরা তাঁর একটি শিং-এর উপর সজোরে আঘাত করে। ফলে তিনি মারা যান। আল্লাহর তাঁকে জীবিত করেন। আবারও তিনি তাঁর সম্প্রদায়কে আল্লাহর দিকে আহ্বান করেন। তখন তারা তাঁর অপর শিং-এর উপর আঘাত করে। এ আঘাতেও তিনি মারা যান। এখান থেকে তাঁকে যুল-কারনায়ন বলা হয়ে থাকে। শু'বা আল-কাসিমও..... হ্যরত আলী (রা) থেকে অনুরূপ বর্ণনা করেছেন। আবুত তুফায়ল হ্যরত আলী (রা) থেকে বর্ণনা করে বলেন, যুল-কারনায়ন নবী, রাসূল বা ফেরেশতা কোনটিই ছিলেন না। তিনি ছিলেন একজন পুণ্যবান ব্যক্তি।

যুল-কারনায়নের আসল নাম কি ছিল সে ব্যাপারে বিভিন্ন রকম বর্ণনা পাওয়া যায়। যুবায়র ইব্ন বাক্কার ইব্ন আব্বাস (রা) থেকে বর্ণনা করেন যে, তাঁর নাম আবদুল্লাহ ইব্ন যাহাক ইব্ন মা'আদ। কারও বর্ণনা মতে, মুসআব ইব্ন আবদুল্লাহ ইব্ন কিনান ইব্ন মানসূর ইব্ন আবদুল্লাহ ইব্ন আয়দ ইব্ন আওন ইব্ন নাবাত ইব্ন মালিক ইব্ন যায়দ ইব্ন কাহলান ইব্ন সাবা ইব্ন কাহতান।

একটি হাদীসের বর্ণনায় আছে যে, যুল-কারনায়ন হিম্যার গোত্রভুক্ত ছিলেন। তাঁর মা ছিলেন রোম দেশীয়। প্রথম জনের অধিকারী হওয়ায় যুল-কারনায়নকে ইবনুল ফায়লাসুফ বা মহাবিজ্ঞানী হলা হতো। হিম্যার গোত্রের জনৈক কবি তাদের পূর্ব-পুরুষ যুল-কারনায়নের প্রশংসায় নিম্নরূপ গৌরবগাঁথা লিখেন :

قَدْ كَانَ ذُو الْقَرْنَيْنِ جَدِّيْ مُسْلِمًا - مَلِكًا تَدِينُ لَهُ الْمُلُوكُ وَتَحْشِيدٌ  
بَلَغَ الْمَشَارِقَ وَالْمَغَارِبَ يَبْتَغِيْ - أَسْبَابَ أَمْرٍ مِنْ حَكِيمٍ مُرْشِدٍ  
فَرَأَىْ مَغْيِبَ الشَّمْسِ عِنْدَ غُرْوِبِهَا - فِيْ عَيْنِ ذِيْ خَلْبٍ وَثَاطِ حَرْمَدٍ  
مِنْ بَعْدِهِ بِلْقِيسُ كَانَتْ عَمَّتِيْ - مَلَكَتْهُمْ حَتَّىْ أَتَاهَا الْهَدْهَدُ

অর্থ : যুল-কারনায়ন ছিলেন আমার পিতামহ, মুসলমান ও এমন এক বাদশাহ। অন্যান্য রাজন্যবর্গ তাঁর বশ্যতা স্বীকার করে ও তাঁর নিকট আত্মসম্পণ করেন। তিনি অভিযানের পর অভিযান পরিচালনা করে পৃথিবীর পূর্ব ও পশ্চিম প্রান্ত পর্যন্ত পৌঁছেন এবং মহাজ্ঞানী পথপ্রদর্শক আল্লাহর প্রদত্ত উপায়-উপকরণ অনুসন্ধান করেন। পশ্চিমে সূর্যের অস্তাচলে গিয়ে সেখানে সূর্যকে এক কর্দমাকু কাল জলাশয়ে অস্ত যেতে দেখেন। তাঁর পরে আসেন সন্দ্রাজী বিলকীস। তিনি ছিলেন আমার ফুফু। বিশাল রাজ্যের অধিকারী হন তিনি। ‘সুলায়মানের হৃদ্দেন পাথীর আগমন পর্যন্ত তিনি অত্যন্ত প্রতাপের সাথে রাজ্য পরিচালনা করেন।’

সুহায়লী লিখেছেন, কেউ কেউ তাঁর নাম বলেছেন মারযুবান ইব্ন মারযুবা। ইব্ন হিশাম এ কথা উল্লেখ করেছেন। তবে তিনি অন্যত্র যুল-কারনায়নের নাম লিখেছেনঃ আস-সা'ব ইব্ন যী-মারাইদ। তুব্বা বংশের ইনিই প্রথম বাদশাহ। বীরুস্স-সাবা'র ঘটনায় তিনি ইবরাহীমের পক্ষে ফয়সালা দিয়েছিলেন। কেউ বলেছেন, যুল-কারনায়নের নাম আফরীদুন ইবন আসফিয়ান-যিনি যাহাককে হত্যা করেছিলেন। আরবের বাগী পুরুষ কুস তাঁর এক ভাষণে বলেছিলেনঃ হে আয়দ ইব্ন সা'ব যুল-কারনায়নের বংশধর। তোমাদের পূর্বপুরুষ যুল-কারনায়ন যিনি পূর্ব ও পশ্চিমের বাদশাহ, জিন ও ইনসানের উপর ক্ষমতা প্রয়োগকারী এবং দু'হাজার বছর যার বয়স। এ সত্ত্বেও তা যেন ছিল এক লহ্মার মত। এ কথা উল্লেখ করার পর ইব্ন হিশাম কবি আ'শার নিম্নোক্ত কবিতা আবৃত্তি করেনঃ

وَالصَّعْبُ ذُو الْقَرْنَيْنِ أَصْبَحَ ثَاوِيَاً - بِالْجَنْوِ فِيْ جَدَّثِ أَشْمُ مُقْيِمَاً

“অতঃপর সা'ব যুল-কারনায়ন মাটির নীচে কবরের মধ্যে দীর্ঘস্থায়ীভাবে অবস্থান গ্রহণ করেন এবং সেখানে অবস্থানরত অবস্থায় তার সুবাস নিতে থাকেন।”

আল-বিদায়া ওয়ান নিহায়া (২য় খণ্ড) ২৬—

ইমাম দারাকুত্নী ও ইব্ন মাকুলা বলেছেন, যুল-কারনায়নের নাম হুরমুস। তাঁকে বলা হত হারবীস ইব্ন কায়তুন ইব্ন রামী ইব্ন লান্তী ইব্ন কাশলূরীন ইব্ন ইউনান ইব্ন ইয়াফিছ ইব্ন নূহ (আ)। ইসহাক ইব্ন বিশ্র .....কাতাদা (র) থেকে বর্ণনা করেন যে, বাদশাহ ইঙ্কান্দর (আলেকজাঞ্জার)-ই হলেন যুল-কারনায়ন। তাঁর পিতা ছিলেন প্রথম কায়সার (রোম সম্রাট)। ইনি সাম ইব্ন নূহ (আ)-এর বৎসর। আর দ্বিতীয় যুল-কারনায়ন হচ্ছেন ইঙ্কান্দার ইব্ন ফিলিপস ইব্ন মুসরীম ইব্ন হুরমুস ইব্ন মায়তুন ইব্ন রুমী ইব্ন লান্তী ইব্ন ইউনান ইব্ন ইয়াফিছ ইব্ন যুনাহ ইব্ন শারখুন ইব্ন রুমাহ ইব্ন শারফত ইব্ন তাওফীল ইব্ন রুমী ইব্ন আসফার ইব্ন ইয়াকিয় ইব্ন ঈস ইব্ন ইসহাক ইব্ন ইবরাহীম আল-খালীল (আ)। হাফিজ ইব্ন আসাকির তাঁর ইতিহাস গ্রন্থে এই নসবনামা উল্লেখ করেছেন। যুল-কারনায়ন আল-মাকদুনী আল-ইউনানী আল মিসরী আলেকজান্দ্রিয়া নগরীর প্রতিষ্ঠাতা, যিনি দ্বিতীয় শাসনামলে রোমের ইতিহাস সৃষ্টি করেছিলেন। প্রথম যুল-কারনায়ন থেকে এই দ্বিতীয় যুল-কারনায়ন দীর্ঘকাল পরে হ্যারত ঈসা (আ)-এর তিনশ' বছর পূর্বে জন্মগ্রহণ করেন। দার্শনিক এরিষ্টেল ছিলেন তাঁর উচ্চীর। তিনি দারার পুত্র দারাকে হত্যা! করেন এবং পারস্য সাম্রাজ্যকে পদান্ত করেন। আমরা এ ব্যাপারে বিস্তারিত আলোচনা করলাম এজন্যে যে, অনেকেই উভয় ইঙ্কান্দারকে অভিন্ন ব্যক্তি মনে করেন। ফলে তাঁরা এ বিশ্বাস করেন যে, কুরআনে যে যুল-কারনায়নের কথা বলা হয়েছে তাঁরই উচ্চীর ছিলেন এরিষ্টেল। এ বিশ্বাসের ফলে বিরাট ভূল ও জটিলতার সৃষ্টি হয়। কেননা প্রথম যুল-কারনায়ন ছিলেন মুমিন, সৎ, আল্লাহভক্ত ও ন্যায়-পরায়ণ বাদশাহ। হ্যারত খিমির (আ) তাঁর উচ্চীর। অনেকের মতে, তিনি ছিলেন নবী।

পক্ষান্তরে দ্বিতীয় যুল-কারনায়ন ছিল মুশরিক। তার উচ্চীর একজন দার্শনিক। তাছাড়া এ দু'জনের মধ্যে দু'হাজার বছরের চাহিতেও অধিক সময়ের ব্যবধান। সুতরাং কোথায় এর অবস্থান, আর কোথায় তার অবস্থান। উভয়ের মধ্যে বিরাট ব্যবধান, কোনই সামঞ্জস্য নেই। অজ্ঞ ও নির্বোধ লোকেরাই দু'জনকে এক বলে ভাবতে পারে। এই প্রেক্ষাপটে আল্লাহর বাণী : “ওরা তোমাকে যুল-কারনায়ন সম্বন্ধে জিজ্ঞেস করছে।” এর কারণ হচ্ছে : কতিপয় কুরায়শের কাফিরগণ ইহুদীদের কাছে গিয়ে বলে, তোমরা আমাদেরকে এমন কিছু কথা বলে দাও, যে বিষয়ে আমরা মুহাম্মদ (সা)-এর জ্ঞান পরীক্ষা করতে পারি। ইহুদীরা এদেরকে শিখিয়ে দিল যে, তোমরা তাকে এমন এক ব্যক্তির কথা জিজ্ঞেস কর, যে সমগ্র ভূ-খণ্ড বিচরণ করেছে। আর কতিপয় যুবকের পরিচয় জিজ্ঞেস কর, যারা তাদের বাড়ি থেকে বের হয়ে নিরবদ্দেশ হয়ে গিয়েছিল, যাদের পরিণতি সম্পর্কে কেউ কিছু জানে না। কুরায়শুরা ফিরে এসে রাসূলুল্লাহ (সা)-কে এ প্রশ্ন করলে আল্লাহ তা'আলা আসহাবে কাহফ ও যুল-কারনায়নের ঘটনা সম্বলিত আয়াতসমূহ নাখিল করেন।

আল্লাহ বলেন, “বল, আমি শীষ্টাই তোমাদেরকে এ বিষয়ে জানাব।” অর্থাৎ এদের বর্ণনা ও অবস্থা সম্পর্কে বিস্তারিত জানাব। আয়াতে উল্লেখিত **‘জর’** অর্থঃ তার পরিচয়ের জন্যে যেটুকু প্রয়োজন ও কল্যাণকর ততটুকু বলা হবে। অতঃপর আল্লাহ বলেন : “আমি তাকে পৃথিবীতে

কর্তৃত দিয়েছিলাম ও প্রত্যেক বিষয়ের উপায়-উপকরণ দান করেছিলাম।” অর্থাৎ তাকে বিরাট রাজত্ব দিয়েছিলাম এবং রাষ্ট্রের এমন সব উপায়-উপকরণ তার করায়ত করে দিয়েছিলাম যার সাহায্যে সে বিরাট বিরাট কাজ সমাধা করতে ও বড় বড় উদ্দেশ্য পূরণ করতে পারতো। কুতায়বা ..... হাবীব ইব্ন হাশ্মাদ থেকে বর্ণনা করেন। হাবীব বলেন, আমি হযরত আলী ইব্ন আবি তালিবের কাছে বসা ছিলাম। এমন সময় এক ব্যক্তি তাঁকে জিজ্ঞেস করল, যুল-কারনায়ন কী উপায়ে পৃথিবীর পূর্ব প্রান্ত থেকে পশ্চিম প্রান্ত পর্যন্ত পৌছতে পারলেন? হযরত আলী (রা) বললেন, মেঘমালাকে তাঁর অনুগত করে দেয়া হয়েছিল, সকল উপকরণ তাঁর হস্তগত করা হয়েছিল এবং তাঁর জন্যে আলো বিচ্ছুরিত করা হয়েছিল। এ পর্যন্ত বলে জিজ্ঞেস করলেন, আরও বলা লাগবে না কি? শুনে লোকটি চুপে হয়ে গেল, আর হযরত আলী (রা)-ও থেমে গেলেন। আবু ইসহাক সাবীয়া ..... মুআবিয়া (রা) থেকে বর্ণনা করেন, সমগ্র পৃথিবীর বাদশাহী করেছেন চারজন : (১) সুলায়মান ইব্ন দাউদ (আ), (২) যুল-কারনায়ন (৩) হুলওয়ানের জনেক অধিবাসী (৪) অন্য একজন। জিজ্ঞেস করা হল, তিনি কি খিয়ির? বললেন, না।

যুবায়র ইব্ন বাক্কার..... সুফিয়ান ছাওরী (রা) থেকে বর্ণনা করেন, সমগ্র পৃথিবীতে রাজত্ব করেছেন এমন বাদশাহ ছিলেন চারজন, দুইজন মুমিন (১) নবী সুলায়মান (২) যুল-কারনায়ন এবং দুইজন কাফির। (৩) নমরুদ ও (৪) বুখত নসর। সাউদ ইব্ন বশীরও এইরূপ বর্ণনা করেছেন। ইসহাক ইব্ন বিশ্র..... হাসন বসরী (র) থেকে বর্ণনা করেন যে, নমরুদের পরে যুল-কারনায়ন বাদশাহ হন। তিনি একজন খাঁটি-নেককার মুসলমান ছিলেন। তিনি প্রাচ্য ও প্রতীচ্যে অভিযান চালান। আল্লাহ তাঁর আয়ু বাড়িয়ে দেন ও তাঁকে সাহায্য করেন। ফলে সমস্ত জনপদ তিনি নিজের অধীনে আনেন, ধন-রত্ন করায়ত্ব করেন, দেশের পর দেশ জয় করেন এবং বহু কাফির নিধন করেন। তিনি বিভিন্ন জনপদ, শহর ও কিছু অতিক্রম করে চলতে চলতে পৃথিবীর পূর্ব সীমান্তে ও পশ্চিম সীমান্ত পর্যন্ত পৌছে যান। এ সম্পর্কে আল্লাহ বলেন : ‘তারা তোমাকে যুল-কারনায়ন সম্পর্কে-জিজ্ঞেস করে। বল, আমি তোমাদের কাছে তার কিছু অবস্থা বর্ণনা করব। আমি তাকে পৃথিবীতে প্রতিষ্ঠিত করেছিলাম এবং প্রত্যেক বিষয়ের কার্যোপকরণ দান করেছিলাম।’ অর্থাৎ উপায়-উপকরণ অব্যেষণের জ্ঞান দান করেছিলাম।

ঐতিহাসিক ইসহাক লিখেছেন, মুকাতিল বলেন যে, যুল-কারনায়ন দেশের পর দেশ জয় করেন, ধনরত্ন সংগ্রহ করেন এবং যারা তার দীন গ্রহণ করত ও তা অনুসরণ করত তাদেরকে ছেড়ে দিতেন, অন্যথায় হত্যা করতেন। —আর আমি তাকে প্রত্যেক বিষয়ের উপায়-উপকরণ দিয়েছিলাম। এ আয়াতে **سَبَّابًا** এর অর্থ ইব্ন আব্বাস, মুজাহিদ, সাউদ ইব্ন জুবায়র, ইকরিমা, উবায়দ ইব্ন ইয়া'লা, সুদ্দী, কাতাদা ও যাহ্হাক-এর মতে ইলম বা জ্ঞান। কাতাদা ও মাতা আল-ওয়াররাকের মতে, ভূ-পৃষ্ঠের বিভিন্ন নির্দর্শন, অবস্থান, অবস্থা ও প্রকৃতি। আবদুর রহমান ইব্ন যায়দ ইব্ন আসলামের মতে, বিভিন্ন ভাষার জ্ঞান। কেননা, যুল-কারনায়ন যে জাতির বিবরণেই লড়াই করতেন সেই জাতির ভাষায় তাদের সাথে কথা বলতেন। কিন্তু এর সঠিক অর্থ এই যে, এমন প্রতিটি উপকরণই এর অন্তর্ভুক্ত যার

সাহায্যে তিনি রাষ্ট্রের মধ্যে ও বাইরে নিজ উদ্দেশ্য পূরণের জন্যে ব্যবহার করতেন। কারণ, তিনি প্রতিটি বিজিত দেশ থেকে প্রয়োজন পরিমাণ সম্পদ, খাদ্য-সামগ্রী ও পাথেয় গ্রহণ করতেন-যা তাঁর কাজে লাগত এবং অন্য দেশ জয়ের জন্যে সহায়ক হত।

কোন কোন আহলি কিতাব উল্লেখ করেছেন, যুল-কারনায়ন এক হাজার ছয় শ' বছর আয়ু পেয়েছিলেন। তিনি গোটা বিশ্ব ভ্রমণ করেন এবং মানুষকে এক আল্লাহর দিকে আহ্বান জানাতে থাকেন। কিন্তু তাঁর বয়সকাল সম্পর্কে যে সব মতামত ব্যক্ত করা হয়েছে, তাতে সন্দেহের অবকাশ আছে। “আমি তাকে প্রত্যেক বিষয়ের উপায়-উপকরণ দিয়েছিলাম” এ আয়াত সম্পর্কে বায়হাকী ও ইব্ন আসাকির এক দীর্ঘ হাদীস বর্ণনা করেছেন, কিন্তু সে হাদীসটি অত্যন্ত মুনকার পর্যায়ের। এই হাদীসের জনৈক রাবী মুহাম্মদ ইব্ন ইউনুসের বিরচন্দে মিথ্যাচারিতার অভিযোগ রয়েছে। এ কারণে আমরা এখানে সে হাদীস উল্লেখ করলাম না। আল্লাহর বাণীঃ “অতঃপর সে এক পথ অবলম্বন করল। চলতে চলতে সে যখন সূর্যের অস্তগমন স্থলে পৌছল।” অর্থাৎ চলতে চলতে পৃথিবীর পশ্চিম দিকে এমন এক স্থানে গিয়ে পৌছলেন, যে স্থান অতিক্রম করা কারও পক্ষে সম্ভব নয়। এখানে এসে তিনি থেমে যান। এই স্থানটি হল পশ্চিম আটলান্টিক মহাসাগরের উপকূল। এর মধ্যে ছিল কতগুলো দ্বীপ। দ্বীপগুলোকে আরবীতে খালিদাত দ্বীপপুঁজ বলা হয়।

মানচিত্রবিদদের কারও কারও মতে, এই দ্বীপ থেকেই ভূ-ভাগ শুরু হয়েছে, কিন্তু অন্যদের মতে উক্ত সাগরের উপকূল থেকে ভূ-পৃষ্ঠের সূচনা যা পূর্বেই উল্লেখিত হয়েছে। যুল-কারনায়ন এখানে দাঁড়িয়ে সূর্যের অস্তগমন প্রত্যক্ষ করেন। “সে সূর্যকে এক পংকিল জলাশয়ে অস্তগমন করতে দেখল।” পংকিল জলাশয় বলতে সাগরকে বুঝান হয়েছে। কেননা যে বাঙ্গি সাগর থেকে বা তার উপকূল থেকে প্রত্যক্ষ করে সে দেখতে পায় সূর্য যেন সমুদ্রের মধ্য থেকে উদিত হচ্ছে এবং সমুদ্রের মধ্যে অস্ত যাচ্ছে। এ কারণে আয়াতের মধ্যে **هَذِهِ جَنَدٌ وَّ جَنَدٌ** শব্দ বলা হয়েছে, যার অর্থ সে দেখতে পেল। একথা বলা হয়নি যে, সূর্য পংকিল জলাশয়ে অস্ত গেল। কাব আল আহবার বলেছেন **حَمَّةٌ** অর্থ কাল বর্ণের কাদ। **حَمَّةٌ** কে কেউ কেউ পড়েছেন। কারও মতে, উর্ভৰ্য শব্দের অর্থ একই অর্থাৎ পংকিল জলাশয়। আবার **কَمْتُ** কেউ কেউ বলেন

**حَمِيَّة** অর্থ উষ্ণ। কেননা সূর্যের কিরণ এখানে সোজাসুজি ও তীর্যকভাবে প্রতিত তয়, ফলে এর্থানকার পানি উষ্ণ থাকে। ইমাম আহমদ...আবদুল্লাহ ইব্ন উমর (রা) থেকে বর্ণনা করেন, রাসূলুল্লাহ (সা) একবার সূর্য অস্ত যাওয়ার সময় সেদিকে তাকালেন এবং বললেনঃ এটা আল্লাহর সৃষ্টি এক উষ্ণ অগ্নিপিণ্ড (فِي نَارِ اللَّهِ الْحَامِيَّةِ)। আল্লাহর হৃকুম দ্বারা যদি বাধা প্রদান না করা হত, তবে ভূ-পৃষ্ঠের সবকিছু জ্বালিয়ে-পুড়িয়ে দিত। এ হাদীস ‘গরীব’ পর্যায়ের সনদে জনৈক অজ্ঞাত পরিচয় রাবী বলেছেন। হাদীসটি মারফু পর্যায়ের হওয়ার ব্যাপারেও সন্দেহ আছে। এটা আবদুল্লাহ-ইব্ন আমরের উক্তিও হতে পারে। কেননা, ইয়ারমুকের যুদ্ধে দুইটি প্রাচীন কিতাব তাঁর হস্তগত হয়। এই কিতাব থেকে তিনি অনেক কথা বর্ণনা করতেন।

কোন কোন কাহিনীকার বলেছেন যে, যুল-কারনায়ন সূর্যের অস্তগমন স্থান অতিক্রম করে সেনাদল সহ দীর্ঘদিন পর্যন্ত অঙ্ককারের মধ্যে সম্মুখপানে অগ্নসর হয়েছিলেন। তাদের এ কথা ভুল এবং যুক্তি ও রেওয়ায়ত এর পরিপন্থী।

## আবে-হায়াতের সন্ধানে যুল-কারনায়ন

ইব্ন আসাকির ওকী' (র) এর সূত্রে ..... যায়নুল আবেদীন থেকে এক দীর্ঘ ঘটনা বর্ণনা করেছেন। ঘটনার সারমর্ম এই যে, যুল-কারনায়নের সাথে একজন ফেরেশতা থাকতেন। তাঁর নাম ছিল রানাকীল। একদিন যুল-কারনায়ন তাঁকে জিজেস করলেন, পৃথিবীতে একটি ঝর্ণা আছে নাকি, যার নাম আইনুল হায়াত বা সঙ্গীবনী ঝর্ণা? ফেরেশতা ঝর্ণাটির অবস্থান সম্পর্কে বিস্তারিত জানালেন। যুল-কারনায়ন তার সন্ধানে যাত্রা শুরু করলেন। হয়রত খিয়ির (আ)-কে তিনি অগ্রবর্তী দলে রাখলেন। যেতে যেতে এক অন্ধকার উপত্যকায় গিয়ে ঝর্ণার সন্ধান পেলেন। খিয়ির ঝর্ণার কাছে গিয়ে সেখান থেকে পানি পান করলেন। কিন্তু যুল-কারনায়ন ঝর্ণার কাছে যেতে পারলেন না। তিনি সেখানে অবস্থিত একটি প্রাসাদে এক ফেরেশতার সাথে মিলিত হলেন। ফেরেশতা যুল-কারনায়নকে একটি পাথর দান করলেন। পরে তিনি সেনাবাহিনীর নিকট ফিরে এলে আলিমগণ পাথরটি সম্পর্কে তাঁকে জিজেস করলেন। তিনি পাথরটিকে ওজন করার জন্য এক পাল্লায় রাখলেন এবং অপর পাল্লায় অনুরূপ এক হাজার পাথর রাখলেন। কিন্তু ঐ পাথরটির পাল্লা ভারী হল। তখন হয়রত খিয়ির (আ)-ও পাথরটির রহস্য সম্পর্কে জিজেস করলেন। তখন তিনি তার বিপরীত পাল্লায় একটি পাথর উঠিয়ে তার উপর এক মুষ্টি মাটি ছেড়ে দিলেন। এবার পাল্লাটি ভারী হয়ে গেল। তখন তিনি বললেন, এটা ঠিক বনী আদমের উপমা যারা কবরের মাটি ছাড়া কোন কিছুতেই ত্পু হয় না। এ দৃশ্য দেখে আলিমগণ ভক্তিভরে তাঁর প্রতি নত হলেন।

এরপর আল্লাহ ঐ এলাকার অধিবসীদের ব্যাপারে ফয়সালা দেন : “আমি বললাম হে যুল-কারনায়ন! তুমি এদেরকে শাস্তি দিতে পার অথবা এদের ব্যাপার সদয়ভাবে গ্রহণ করতে পার। সে বলল, যে কেউ সীমালংঘন করবে আমি তাকে শাস্তি দিব, অতঃপর সে তার প্রতিপালকের নিকট প্রত্যাবর্তন হবে এবং তিনি তাকে কঠিন শাস্তি দিবেন।” সুতরাং তার উপর দুনিয়ার শাস্তি ও আখিরাতের শাস্তি উভয়টিই কার্যকর হবে। দুনিয়ার শাস্তির কথা আগে বলা হয়েছে। কেননা, কাফিরদের জন্যে এটা সাবধান ও সতর্কতাবৃৱণ। “তবে যে ঈমান আনে এবং সৎকর্ম করে তার জন্যে প্রতিদানবৃৱণ আছে কল্যাণ এবং তার প্রতি ব্যবহারে আমি নম্র কথা বলব।” এখানে অধিক মূল্যবান প্রতিদানের কথা প্রথমে বলা হয়েছে অর্থাৎ-আখিরাতের পুরুষার, তারপরে বলা হয়েছে তাদের প্রতি তার অনুগ্রহের কথা, এই অনুগ্রহ হলো ন্যায়-নীতি, জ্ঞান ও ঈমান “আবার সে এক পথ ধরল”。 অর্থাৎ তিনি পঞ্চিম থেকে প্রত্যাবর্তন করে পূর্ব দিকে যাওয়ার পথ ধরলেন। কথিত আছে, পঞ্চিম প্রান্ত থেকে পূর্ব প্রান্তে ফিরে আসতে তাঁর বার বছর অতিবাহিত হয়। ‘চলতে চলতে যখন সে সূর্যোদয়স্থলে পৌছল, তখন সে দেখল তা’ এমন এক সম্প্রদায়ের উপর উদ্দিত হচ্ছে, যাদের জন্যে সূর্যতাপ থেকে কোন অন্তরাল আমি সৃষ্টি করি নি।” অর্থাৎ তাদের কোন ঘর-বাড়ি ছিল না এবং সূর্যের তাণ থেকে বাঁচার কোন উপায় ছিল না। তবে অনেক আলিম বলেছেন যে, তারা মাটিতে কবরের ন্যায় এক প্রকার সুড়ংগে প্রচণ্ড তাপের সময় আশ্রয় নিত। “প্রকৃত ঘটনা এটাই তার বৃত্তান্ত আমি সম্যক অবগত আছি”। অর্থাৎ যুল-কারনায়নের সকল কর্মকাণ্ড সম্পর্কে আমি অবহিত। আমি তাকে হেফাজত করেছিলাম এবং পৃথিবীর পঞ্চিম থেকে পূর্ব সীমান্ত পর্যন্ত সুদীর্ঘ যাত্রা পথে আমার প্রহরা তার উপর কার্যকর ছিল।

উবায়দ ইব্ন উমায়র ও তাঁর পুত্র আবদুল্লাহ প্রমুখ আলিমগণ বলেছেন যে, যুল-কারনায়ন পদব্রজে হজু পালন করেন। হযরত ইবরাহীম খলীল (আ) যুল-কারনায়নের আগমনের সংবাদ পেয়ে সম্মুখে অঞ্চসর হয়ে তাঁর সাথে সাক্ষাৎ করেন। উভয়ে একত্রে মিলিত হলে ইবরাহীম খলীল (আ) তাঁর জন্যে দোয়া করেন এবং কতিপয় উপদেশ দেন। কথিত আছে, হযরত খলীল একটি ঘোড়া নিয়ে এগিয়ে যান এবং যুল-কারনায়নকে তাতে আরোহণ করতে বলেন। কিন্তু যুল-কারনায়ন অঙ্গীকার করে বলেন, যে শহরে আল্লাহ'র খলীল বিদামান আছেন সেই শহরে আমি বাহনে আরোহণ করে প্রবেশ করব না। তখন আল্লাহ মেঘমালাকে তাঁর অনুগত করে দেন এবং ইবরাহীম এ সুখবর তাঁকে জানিয়ে দেন। তিনি যেখানে যাওয়ার ইচ্ছে করতেন মেঘমালা তাঁকে সেখানে নিয়ে যেত। আল্লাহ'র বাণী : “আবার সে এক পথ চলতে চলতে সে যখন দুই পর্বত প্রাচীরের মধ্যবর্তীস্থলে পৌছল, তখন সেখানে সে এক সম্প্রদায়কে পেল যারা তার কথা একেবারেই বুঝতে পারছিল না।” এ সম্প্রদায় সম্পর্কে বলা হয়েছে যে, এরা হল তুর্কী জাতি-ইয়াজুজ ও মাজুজের জাতি ভাই।

এ সম্প্রদায়ের লোকজন যুল-কারনায়নের নিকট অভিযোগ করে যে, ইয়াজুজ ও মাজুজ গোত্রাদ্বয় তদের উপর অত্যাচার চালায়, লুট-তরাজ ও ধূংসাত্তুক কার্যক্রমের দ্বারা শহরকে বিপর্যস্ত করে ফেলে। তারা যুল-কারনায়নকে কর দিতে অংগুহ প্রকাশ করল, যাতে তিনি তাদের ও ইয়াজুজ-মাজুজের মাঝে একটি প্রাচীর তৈরী করে দেন। যাতে করে তারা আর এদিকে উঠে আসতে না পারে। যুল-কারনায়ন তাদের থেকে কর নিতে অঙ্গীকার করেন এবং তাকে আল্লাহ যে সম্পদ ও ক্ষমতা দিয়েছেন তাতেই সন্তোষ প্রকাশ করেন। তিনি বললেন “আমার প্রতিপালক আমাকে যে ক্ষমতা দিয়েছেন তা-ই উৎকৃষ্ট।” তিনি তাদেরকে শ্রমিক ও উপকরণ সরবরাহ করতে বললেন এবং উক্ত দুই পর্বতের মধ্যবর্তী ফাঁকা স্থান ভরাট করে বাঁধ নির্মাণ করে দেয়ার প্রতিশ্রূতি দিলেন। আর এ দু'পর্বতের মধ্যবর্তী স্থান ছাড়া ইয়াজুজ-মাজুজের আসার অন্য কোন পথ ছিল না। তাদের এক দিকে ছিল গভীর সমুদ্র অন্য দিকে সুউচ্চ পর্বতমালা। অতঃপর তিনি লোহা ও গলিত তামা, মতান্তরে সীসা দ্বারা উক্ত বাঁধ নির্মাণ করেন। কিন্তু প্রথমোক্ত মতই সঠিক। সে মতে এ বাঁধ নির্মাণে তিনি ইটের পরিবর্তে লোহা এবং সুরক্ষি পরিবর্তে তামা ব্যবহার করেন। আল্লাহ বলেন “এরপর তারা তা’ অতিক্রম করতে পারল না।” “এবং ভেদ করতেও পারল না” অর্থাৎ কুঠার বা শাবল দ্বারা ছিদ্র করতে পারল না। সহজের মুকাবিলায় সহজ ও কঠিনের মুকাবিলায় কঠিন নীতি অবলম্বন করা হল। “সে বলল, এটা আমার প্রতিপালকের অনুগ্রহ।” অর্থাৎ এ বাঁধ নির্মাণের ক্ষমতা আল্লাহ-ই দান করেছেন। এটা তাঁরই অনুগ্রহ ও দয়া। কেননা, এর দ্বারা উক্ত সীমালংঘনকারী জাতির অত্যাচার থেকে তাদের প্রতিবেশী লোকদেরকে রক্ষা করতে পেরেছেন। “যখন আমার প্রতিলিঙ্কের প্রতিশ্রূতি পূর্ণ হবে” অর্থাৎ শেষ যামানায় মানব জাতির উপর তাদের বের হয়ে আসার নির্ধারিত সময় যখন উপস্থিত হবে। “তখন তিনি একে চূর্ণ-বিচূর্ণ করে দিবেন।” অর্থাৎ মাটির সাথে মিশিয়ে দিবেন। কেননা, তাদের বের হয়ে আসার জন্যে এ রকম হওয়া আবশ্যিক। এ কারণে আল্লাহ বলেন “এবং আমার প্রতিপালকের প্রতিশ্রূতি সত্য।”

অন্যত্র আল্লাহ বলেন, “ইয়াজুজ-মাজুজকে যখন ছেড়ে দেয়া হবে তখন তারা ভৃ-পৃষ্ঠের উঁচু স্থান দিয়ে দ্রুত অগ্রসর হতে থাকবে।” “আল্লাহর সত্য প্রতিশ্রূতি নিকটবর্তী।” এজন্যে এখানেও আল্লাহ বলেছেন, “সেদিন আমি তাদেরকে ছেড়ে দিব এ অবস্থায় যে, একদল আর এক দলের উপর তরংগের মত পতিত হবে।” ‘সেদিন’ বলতে বিশুদ্ধ মতে বাঁধ ভেংগে দেয়ার দিনকে বুঝান হয়েছে। “এবং শিংগায় ফুঁৎকার দেওয়া হবে। অতঃপর আমি তাদের সকলকেই একত্রিত করব।” (১৮ কাহফ : ৯৯)। ইয়াজুজ ও মাজুজের বের হওয়া সংক্রান্ত বর্ণিত হাদীস সমূহ আমরা তাফসীর গ্রন্থে উল্লেখ করেছি। এই গ্রন্থের ‘ফিতান ও মালাহিম’ অধ্যায়ে আমরা সেগুলো উল্লেখ করব।

আবু দাউদ আত্-তায়ালিসী (র) সুফিয়ান ছওরী (বা)-এর উন্নতি দিয়ে বলেন, সর্বপ্রথম যিনি মুসাফাহার প্রবর্তন করল তিনি হলেন, যুল-কারনায়ন : কা’ব আল-আহবার থেকে বর্ণিত। তিনি মুআবিয়া (বা)-কে বলেছেন : যুল-কারনায়নের মৃত্যুর সময় উপস্থিত হলে তিনি তাঁর মাকে ওসিয়ত করেন যে, আমার মৃত্যু হয়ে গেলে আপনি তোজের ব্যবস্থা করবেন এবং নগরীতে সমস্ত মহিলাদেরকে ডাকবেন। তারা আসলে তাঁদের সম্মুখে খানা রেখে সন্তান হারা মহিলারা ব্যতীত অন্যদেরকে আহার করতে বলবেন। যে সব মহিলা সন্তান হারিয়েছে তারা যেন উক্ত খাদ্য ভক্ষণ না করে। ওসিয়ত অনুযায়ী মা সকল ব্যবস্থা সম্পন্ন করে উক্তরূপে আহার গ্রহণের আহ্বান জানালেন। কিন্তু একজন মহিলাও খাবার স্পর্শ করল না। যুল-কারনায়নের মা আশ্র্য হয়ে জিজেস করলেন, কী ব্যাপার তোমরা সকলেই কি সন্তান হারায়? তারা বলল, আল্লাহর কসম, আমরা প্রত্যেকেই সন্তান হারিয়েছি। তখন এ একই অবস্থা প্রত্যক্ষ করে তিনি মনে সান্ত্বনা লাভ করলেন। ইসহাক ইব্ন বিশ্র আবদুল্লাহ ইব্ন যিনাদের মাধ্যমে জনৈক আহলি কিতাব থেকে বর্ণনা করেন যে, যুল-কারনায়নের ওসিয়ত ও তাঁর মায়ের উপদেশ একটি সুদীর্ঘ মূল্যবান উপদেশ। বহু-জ্ঞানপূর্ণ ও কল্যাণকর কথা তাতে আছে। যুল-কারনায়ন যখন ইস্তিকাল করেন, তখন তার বয়স হয়েছিল তিনি হাজার বছর। এ বর্ণনাটি ‘গরীব’ পর্যায়ের।

ইব্ন আসাকির (র) অন্য এক সূত্রে বলেছেন, যুল-কারনায়ন ছত্রিশ বছর জীবিত ছিলেন। কারও মতে তিনি বত্রিশ বছর বেঁচে ছিলেন। হযরত দাউদ (আ)-এর সাতশ’ চাতুর্থ বছর পর এবং আদম (আ)-এর পাঁচ হাজার একশ’ একাশি বছর পর তিনি দুনিয়ায় আগমন করেন এবং শোল বছর রাজত্ব করেন। ইব্ন আসাকিরের এ বক্তব্য দ্বিতীয় ইসকান্দারের ক্ষেত্রে প্রযোজ্য হয়, প্রথম ইসকান্দারের ক্ষেত্রে নয়। তিনি দুই ইসকান্দারের মধ্যে প্রথম জন ও দ্বিতীয় জনের মধ্যে তালগোল পাকিয়ে ফেলেছেন। প্রকৃত পক্ষে ইসকান্দার দুইজন। আমরা বিভিন্ন বিজ্ঞজনের উন্নতি দিয়ে এ আলোচনার শুরুতে সে বিষয়ে উল্লেখ করে এসেছি। যারা দুই ইসকান্দারকে একজন ভেবেছেন তাদের মধ্যে সীরাত লেখক আবদুল মালিক ইব্ন হিশাম অন্যতম। হাফিজ আবুল কাসিম সুহায়লী এর জোর প্রতিবাদ করেছেন ও কঠোর সমালোচনা করেছেন এবং উভয় ইসকান্দারের মধ্যে সুস্পষ্টভাবে পার্থক্য নির্ণয় করে দেখিয়েছেন। সুহায়লী বলেছেন, সন্তুষ্ট প্রাচীন যুগের কতিপয় রাজা-বাদশাহ প্রথম ইসকান্দারের সাথে তুলনা করে দ্বিতীয় ইসকান্দারকেও যুল-কারনায়ন নামে আখ্যায়িত করেছেন।

## ইয়াজুজ-মাজুজ ও তাদের প্রাচীরের বিবরণ

ইয়াজুজ-মাজুজের যে হযরত আদম (আ)-এর বংশধর, এ ব্যাপারে কারো দ্বিমত আছে বলে আমাদের জানা নেই। প্রমাণ হল সহীহ বুখারী ও মুসলিমে বর্ণিত হযরত আবু সাউদ (রা)-এর হাদীস।

তিনি বলেন, রাসূলুল্লাহ (সা) ইরশাদ করেছেন : কিয়ামত দিবসে আল্লাহ তা'আলা আদেশ দিবেন, হে আদম! উঠ, তোমার বংশধরদের মধ্য থেকে জাহান্নামীদেরকে জাহান্নামের দিকে পাঠিয়ে দাও। হযরত আদম (আ) বলবেন, হে প্রতিপালক! জাহান্নামীদের সংখ্যা কত? আল্লাহ তা'আলা বলবেন, প্রতি হাজারে ৯৯৯ জন জাহান্নামী আর একজন মাত্র জাহান্নামী। তখন শিশুগণ বৃক্ষে পরিণত হবে। গর্ভবতী নারীদের গর্ভপাত ঘটবে এবং তুমি তাদেরকে মাতালের মত দেখতে পাবে, যদিও তারা নেশাগ্রস্ত নয়। বস্তুত আল্লাহর শাস্তি কঠিন।

সাহাবীগণ বললেন, ইয়া রাসূলুল্লাহ! আমাদের মধ্যে সে একজন কে হবে? জবাবে রাসূলুল্লাহ (সা) বললেন, সুসংবাদ গ্রহণ কর যে, তোমাদের থেকে হবে একজন আর ইয়াজুজ মাজুজের মধ্য থেকে হবে এক হাজার জন। অপর বর্ণনায় এসেছে যে, সুসংবাদ গ্রহণ কর, তোমাদের মধ্যে দু'টো দল রয়েছে; সে দু'দল যেখানে যাবে সেখানে সংখ্যাধিক্য হবে। এটি প্রমাণ করে যে, ইয়াজুজ মাজুজের সংখ্যা অত্যধিক এবং তারা সাধারণ মানুষের চাইতে অনেকগুণ বেশি।

দ্বিতীয় কথা হল, তারা হযরত নূহ (আ)-এর বংশধর। কারণ জগতবাসীর উদ্দেশ্যে হযরত নূহ (আ)-এর দোয়া رَبَّ لَا تَذْرِّ عَلَى الْكُفَّارِ دِيَارًا হে আমার প্রতিপালক, পৃথিবীতে কাফিরদের মর্ধ্য হতে কোর্ন গৃহবাসীকে অব্যাহতি দিবেন না।<sup>(১)</sup> আল্লাহ তা'আলা কবুল করেছেন বলে জানিয়েছেন। আবার আল্লাহ তা'আলা বলেছেন فَ

تَارِبَرَ اَنْجِيَنَاهُ وَأَصْحَبَ السَّفِينَةَ رَسْخَا كরেছি (২) তিনি অন্যত্র বলেছেন تَارِبَرَ اَنْجِيَنَاهُ وَجَعَلَنَا ذُرْ يَتَهُ هُمُ الْبَقِينَ (৩) আমি বিদ্যমান রেখেছি বৎস পরম্পরায়।

মুসনাদ ও সুনান-এর বরাতে ইতিপূর্বে আলোচিত হয়েছে যে, হযরত নূহ (আ)-এর তিন পুত্র ছিলেন সাম, হাম ও ইয়াফিছ। এদের মধ্যে সাম হচ্ছেন আবরদের পূর্বপুরুষ, হাম সুদানীদের পূর্বপুরুষ এবং ইয়াফিছ তুর্কীদের পূর্বপুরুষ। সুতরাং ইয়াজুজ মাজুজ তুর্কীদেরই

১. ৭১ : নূহ - ২৬

২. ২৯ : আনকাবুত - ১৫

৩. ৩৭ : সাক্ষাত - ৭৭।

গোত্র। এরা মোঙ্গল সম্প্রদায়ভুক্ত। দুর্ধর্ষতা এবং ধ্বংস সাধনে এরা মোঙ্গলদের অন্যান্য শাখার তুলনায় অগ্রগামী। সাধারণ মানুষের তুলনায় সাধারণ মোঙ্গলদের যে অবস্থা সাধারণ মোঙ্গলদের তুলনায় ইয়াজুজ মাজুজের অবস্থা তদ্দৃপ। কথিত আছে যে, তুর্কীদের একপ নামকরণের কারণ হল বাদশাহ যুলকারনাইন যখন তাঁর ঐতিহাসিক প্রাচীর তৈরি করেন, তখন ইয়াজুজ মাজুজকে ঐ প্রাচীরের পেছনে থাকতে বাধ্য করেন। ওদের একটি গোত্র বিচ্ছিন্ন হয়ে প্রাচীরের এদিকে রয়ে গিয়েছিল। এদের দুর্ধর্ষতা পূর্বোক্তদের সমর্পণায়ের ছিল না। ওদেরকে প্রাচীরের এ পাশে রেখে দেয়া হয়েছিল। তাই তাদের নাম হয়েছে তুর্ক বা পরিত্যক্ত।

কেউ কেউ বলেন যে, ইয়াজুজ মাজুজের সৃষ্টি হয়রত আদম (আ)-এর বন্ধনোষকালীন বীর্য থেকে। ঐ বীর্য মাটির সাথে মিলিত হয় এবং তা থেকে তাদেরকে সৃষ্টি করা হয়েছিল। তারা হয়রত হাওয়া (আ)-এর গর্ভজাত সন্তান নয়। শায়খ আবু যাকারিয়া নববী সহীহ মুসলিমের ভাষ্যগ্রন্থ ও অন্যান্য গ্রন্থে এ বক্তব্য উন্মুক্ত করেছেন এবং এ বক্তব্য যথার্থভাবেই দুর্বল বলে অভিমত প্রকাশ করেছেন। কারণ এর পক্ষে কোন দর্শনীয় প্রমাণ নেই। বরং কুরআনের আয়াত দ্বারা আমরা যা প্রমাণ করেছি যে, এ যুগের সকল মানুষই নৃহ (আ)-এর বংশধর, উপরোক্ত বক্তব্য তার বিপরীত।

যারা এ ধারণা পোষণ করেন যে, ইয়াজুজ মাজুজের অবয়ব বিভিন্ন প্রকারের এবং শারীরিক দৈর্ঘ্যে তাদের মধ্যে পরম্পরের ব্যবধান বিস্তর। কতক হল সুদীর্ঘ খেজুর গাছের মত, আর কতক একেবারে খাটো। তাদের কতক এমন যে, এক কান বিছিয়ে অপর কান দিয়ে নিজেকে ঢেকে নেয়। এ সব উক্তির কোন প্রমাণ নেই, এগুলো নেহায়েত কাল্পনিক উক্তি।

সঠিক মত হল এই যে, তারা হয়রত আদম (আ)-এর বংশধর এবং তাদের আকৃতি-প্রকৃতি ও সাধারণ মানুষের ন্যায়ই। নবী করীম (সা) বলেছেন :

إِنَّ اللَّهَ خَلَقَ أَدْمَ وَطَوْلَهُ سِتُّونَ ذِرَاعًا

আল্লাহ তাআলা হয়রত আদম (আ)-কে সৃষ্টি করেছেন। হয়রত আদম (আ)-এর দৈর্ঘ্য ছিল ষাট হাত। তারপর মানুষ ক্রমান্বয়ে খাটো হতে হতে বর্তমান পর্যায়ে এসে পৌছেছে। এ বিষয়ে এটিই চূড়ান্ত ফয়সালা।

কেউ কেউ যে বলেন, ওদের একজনের ঔরসে ১০০০ জন সন্তান জন্মগ্রহণ না করা পর্যন্ত তার মৃত্যু হয় না; এ বর্ণনা যদি বিশুদ্ধ প্রমাণিত হয় তবেই আমরা মানব। তা না হলেও আমরা ওটি প্রত্যাখ্যান করব না; কারণ বিবেক-বুদ্ধি এবং রেওয়ায়াতের আলোকে এমনটি হওয়াও সম্ভব। আল্লাহই সর্বজ্ঞ। অবশ্য এ ব্যাপারে একটি হানীসও রয়েছে। তবে তা প্রমাণ সাপেক্ষ।

আল্লামা তাবারানী বর্ণনা করেন, নবী করীম (সা) থেকে বর্ণিত আছে যে, তিনি বলেন :

إِنَّ يَٰ جُوْجَ وَمَاجُوْجَ مِنْ وُلْدِ أَدْمَ وَلَوْ أُرْسِلُوا لَا فَسَدُوا عَلَى النَّاسِ  
مَعَاهِشَهُمْ وَلَنْ يَمُوتْ مِنْهُمْ رَجُلٌ إِلَّا تَرَأَتْ مِنْ ذِرَّتِهِ الْفَأَنْصَاعِدَا.

ইয়াজুজ মাজুজ হ্যরত আদম (আ)-এর বংশধর। তাদেরকে ছেড়ে দেয়া হলে মানব জাতির জীবনে পক্রণগুলো ধ্রংস করে দিত। এক হাজার কিংবা ততোধিক সন্তানের জন্য না দেওয়া পর্যন্ত তাদের কোন পুরুষের মৃত্যু হয় না। ওদের পশ্চাতে রয়েছে তিনটি দল। তাবীল, তারীগ ও মানসাক। এটি একটি চূড়ান্ত গরীব পর্যায়ের হাদীস। এর সন্দ দুর্বল এবং এতে অগ্রহণযোগ্য বর্ণনাকারী রয়েছে।

ইবন জারীর (র) তাঁর ইতিহাস প্রস্ত্রে এ মর্মের একটি হাদীস উল্লেখ করেছেন যে, মিরাজের রাতে রাসূলুল্লাহ (সা) ওদের নিকট গিয়েছিলেন এবং তাদেরকে আল্লাহর পথে আসার দাওয়াত দিয়েছিলেন। তারা তাঁর ডাকে সাড়া দেয়নি এবং তাঁর অনুসরণ করেনি। তিনি ওখানকার ঐ উস্থিৎ ত্রয়কেও দাওয়াত দিয়েছিলেন, এরা তাঁর আহ্বানে সাড়া দিয়েছিল। মূলত এটি একটি জাল হাদীস। এই আবু মুআয়ম আমর ইবন সুবহর গড়া জাল বর্ণনা। মিথ্যা হাদীস রচনার স্বীকারোক্তিকারীদের মে অন্যতম।

যদি কেউ প্রশ্ন করেন যে, সহীহ বুখারী ও সহীহ মুসলিমের হাদীস কী করে প্রমাণ করে যে, কিয়ামতের দিনে ইয়াজুজ-মাজুজ সম্প্রদায় ঈমানদারদের বদলে যাবে জাহানামে, অথচ ইয়াজুজ-মাজুজের নিকট তো কোন রাস্ল প্রেরিত হননি?

আমি আল্লাহ তা'আলা বলেছেন ﴿وَمَا كُنَّا مُعْذِّبِينَ حَتَّىٰ نَبْعَثَ رَسُولًا،﴾  
রাস্ল না পাঠ্যনো পর্যন্ত কাউকে শান্তি দেই না।

তাহলে এ প্রশ্নের উত্তর হবে এই যে, তাদের বিরুদ্ধে প্রমাণ সাব্যস্ত না করে এবং তাদেরকে আত্মপক্ষ সমর্থনের সুযোগ না দিয়ে তাদেরকে শান্তি দেয়া হবে না। যেমনটি উক্ত আয়াতে রয়েছে।

তারা যদি রাসূলুল্লাহ (সা)-এর নবুওয়াত প্রাণ্তির পূর্ববর্তী সময়ের লোক হয়ে থাকে এবং তাদের প্রতি অন্যান্য রাসূল এসে থাকেন তবে তাদের বিকল্পে প্রমাণ তো সাব্যস্ত হয়েই গিয়েছে। আর যদি তাদের প্রতি কোম রাসূল প্রেরিত না হয়ে থাকেন, তবে তাদের বিধান হবে দই রাসূলের অন্তবর্তী যুগের লোকদের মত এবং যাদের নিকট দাওয়াত পৌছেনি তাদের মত।

এ বিষয়ে একাধিক সাহারী থেকে বর্ণিত হাদীস রয়েছে যে, রাসুলুল্লাহ (সা) বলেছেন এ পর্যায়ের লোকদের কিয়ামতের ময়দানে পরীক্ষা করা হবে। তখন যে ব্যক্তি সত্যের ডাকে সাড়া দিবে সে জান্নাতে প্রবেশ করবে, যে ব্যক্তি তা প্রত্যাখ্যান করবে সে জাহানামে প্রবেশ করবে। বিভিন্ন সনদ, শব্দ ও ইমামগণের মন্তব্য সহ আলোচ্য হাদীসটি আমরা উল্লেখ করেছি **مَا كُنَّا مُعْذِنِينَ حَتَّىٰ نَبْعَثَ سُوءً لِّكُلِّ أَهْلِ جَنَّةٍ** ।

ଶାୟଥ ଆବୁଲ ହାସାନ ଆଶାରୀ ଏ ବିଷୟେ ଆହଲୁସ ସୁନ୍ନାହ ଓଯାଳ ଜାମାଆତେର ଇଜମା ବା ଏକମତୀ ବ୍ୟେକ୍ତ ବଲେ ଉଲ୍ଲେଖ କରେଛେ ।

তাদেরকে পরীক্ষা করায় তাদের মুক্তি অনিবার্য সাব্যস্ত হয় না এবং এটি তাদের জাহান্নামী হওয়া বিষয়ক সংবাদের পরিপন্থীও নয়। কারণ, আল্লাহ তা'আলা তো রাসূলকে আপন ইচ্ছা মুতাবিক অদৃশ্য বিষয়াদি অবহিত করেন। আল্লাহ তাঁকে অবহিত করেছেন যে, ওরা পাপাচারী লোক এবং তাদের প্রকৃতিই সত্য গ্রহণে ও সত্যের প্রতি আনুগত্য প্রদর্শনে অঙ্গীকৃতি জানায়। ফলে কিয়ামত দিবস পর্যন্ত তারা সত্যের আহ্বানকারীর ডাকে সাড়া দিবে না। এতে প্রমাণিত হয় যে, দুনিয়াতে তাদের নিকট সত্যের দাওয়াত পৌছলে তারা অধিকতর দৃঢ়তার সাথে প্রত্যাখ্যান করত। কারণ দুনিয়াতে সত্য প্রত্যাখ্যানকারী অনেক মানুষই ভয়ংকর কিয়ামতের ময়দানে আনুগত্য প্রদর্শন করবে। সুতরাং ঐ সব ভয়ানক ও ভয়ংকর অবস্থা দর্শনের পর ঈমান আনা, দুনিয়ায় ঈমান আনা অপেক্ষা অধিকতর যুক্তিযুক্ত। আল্লাহই সর্বজ্ঞ।

আল্লাহ তা'আলা বলেছেন :

وَلَوْ تَرَى إِذْ الْمُجْرِمُونَ نَاكِسُوا رُءُوفَ سِهْمٍ عِنْدَ رَبِّهِمْ رَبَّنَا أَبْصَرْنَا  
وَسَمِعْنَا فَارْجِعْنَا نَعْمَلْ صَالِحًا إِنَّا مُؤْقِنُونَ .

এবং হায়, যদি তুমি দেখতে যখন অপরাধীরা তাদের প্রতিপালকের সম্মুখে নতশির হয়ে বলবে, হে আমাদের প্রতিপালক! আমরা প্রত্যক্ষ করলাম ও শ্রবণ করলাম, এখন তুমি আমাদেরকে পুনরায় প্রেরণ কর আমরা সৎকর্ম করব, আমরা তো দৃঢ় বিশ্বাসী।<sup>১</sup>

আল্লাহ তা'আলা আরও বলেন, أَسْمِعْ بِهِمْ وَآبْصِرْ يَوْمَ يَأْتِيْ تُونَنَا ওরা সে দিন আমার নিকট আসবে সেদিন কত স্পষ্ট শুনবে ও দেখবে।<sup>২</sup>

ইতিপূর্বে আলোচিত হয়েছে যে, যুল-কারনাইন প্রাচীর নির্মাণ করেছেন লোহা এবং তামা দ্বারা। সেটিকে তিনি সুউচ্চ, সুদৃঢ় ও সুদীর্ঘ পর্বতের সমান করেছেন। পৃথিবীর বুকে এর চেয়ে শ্রেষ্ঠ এবং উপকারী নির্মাণ কাজ আর আছে বলে জানা যায় না।

ইমাম বুখারী (র) বলেন, এক ব্যক্তি রাসূলুল্লাহ (সা)-কে বলল, আমি ঐ প্রাচীরটি দেখেছি। রাসূলুল্লাহ (সা) বললেন, কেমন দেখেছ? সে বলল, জমকালো চাদেরের ন্যায়।<sup>৩</sup> রাসূলুল্লাহ (সা) বললেন, আমিও তাই দেখেছি। ইমাম বুখারী (র) এ হাদীসটি সনদ উল্লেখ না করেই দৃঢ় প্রত্যয়ের সাথে উন্নত করেছেন। অবশ্য আমি অবিচ্ছিন্ন সনদে এটির বর্ণনা খুঁজে পাইনি।

তবে ইবন জারীর (র) তাঁর তাফসীর থেক্ষে মুরসাল ঝুপে হাদীসটি উন্নত করেছেন। তিনি বলেছেন, হ্যরত কাতাদা (র) থেকে বর্ণিত, তিনি বলেন, আমাদের নিকট আলোচনা করা হয়েছে যে, এক ব্যক্তি বলেছিল, ইয়া রাসূলুল্লাহ! আমি ইয়াজুজ মাজুজের প্রাচীর দেখেছি।

১. ৩২ সাজদাহ, ১২

২. ১৯ মারযাম : ৩৮

৩. الْبَرَدَ المُحَبَّرُ. অর্থ কালো বক্স।

রাসূলুল্লাহ (সা) বললেন, তাহলে আমার নিকট সেটির বর্ণনা দাও। সে ব্যক্তিটি বলল, সেটি ডোরাদার চাদরের ন্যায়, যার একটি ডোরা কালো এবং অপরটি লাল ছিল। রাসূলুল্লাহ (সা) বললেন, আমিও তাই দেখেছি। কথিত আছে যে, খলীফা ওয়াছিক বিল্লাহ যুলকারনাইনের প্রাচীর দেখার জন্য একদল প্রতিনিধি প্রেরণ করেছিলেন। পথে অবস্থিত রাজ্য সমূহের রাজাদের নিকট তিনি চিঠি লিখে দিয়েছিলেন যে, তাঁরা যেন ঐ প্রতিনিধি দলকে নিজ নিজ রাজ্য অতিক্রম করে প্রাচীর পর্যন্ত পৌছার ব্যাপারে সাহায্য করেন। যাতে তারা প্রাচীর সম্পর্কে অবগতি লাভ করতে পারেন এবং যুলকারনাইন এটি কিভাবে নির্মাণ করেছেন তা স্বচক্ষে প্রত্যক্ষ করতে পারে। ঐ প্রতিনিধি দলটি ফিরে এসে ঐ প্রাচীর সম্পর্কে বর্ণনা দেয় যে, তাতে একটি বিরাট দরজা রয়েছে। দরজায় রয়েছে বহু তালা। এটি সুউচ্চ, মজবুত ও সুড়ত। প্রাচীর নির্মাণের পর যে লোহার ইট ও যন্ত্রপাতি অবশিষ্ট ছিল সেগুলো একটি সুড়ত মহলের মধ্যে রাখিত আছে। তারা আরও বলেন যে, সংশ্লিষ্ট দেশগুলোর রাজাদের পক্ষ থেকে নিয়োজিত প্রহরীগণ সার্বক্ষণিক ঐ প্রাচীরটি প্রহরায় নিয়োজিত রয়েছে। এটির অবস্থান ছিল পৃথিবীর উত্তর পূর্বে কোণের উত্তর পূর্ব অংশে। কথিত আছে, তাদের শহর বহুদূর পর্যন্ত বিস্তৃত ও প্রশস্ত ছিল। কৃষিকাজ ও জলে-স্থলে শিকার করে তারা জীবিকা নির্বাহ করতো। একমাত্র সৃষ্টিকর্তা আল্লাহ তা'আলা ব্যতীত ওদের সংখ্যা কেউ জানে না।

যদি কেউ প্রশ্ন করে যে, আল্লাহ তা'আলার বাণী :

فَمَا أَسْطَعَاهُوا أَنْ يَظْهِرُوهُ وَمَا أَسْتَطَاعُوا لَهُ نَقْبَاً -

(এরপর তারা সেটি অতিক্রম করতে পারল না এবং ভেদ করতেও পারল না)১ এবং রাসূলুল্লাহ (সা)-এর নিম্নোক্ত হাদীসটির মাঝে সমর্থয় সাধন করা যাবে কিভাবে? হাদীসটি ইমাম বুখারী ও মুসলিম (র) এভাবে উদ্ভৃত করেছেন যে, উম্মুল মু'মিনীন যায়নাব বিনত জাহাশ (রা) বলেন : একদা রাসূলুল্লাহ (সা) ঘুম থেকে জেগে উঠলেন। তাঁর মুখমণ্ডল তখন রক্তিম বর্ণ। তিনি বলছিলেন, লাইলাহা ইল্লাল্লাহ; আরবদের ধ্রংস নিকটবর্তী। আজ ইয়াজুজ মাজুজের প্রাচীর এতটুকু ছিদ্র হয়ে গেছে। (অতঃপর তিনি বৃদ্ধাঙ্গুলি ও তর্জনী দ্বারা বৃত্ত বানিয়ে দেখান)। আমি আরও করলাম, ইয়া রাসূলুল্লাহ! আমাদের মধ্যে সৎকর্মশীল ব্যক্তিগণ থাকা সত্ত্বেও কি আমরা ধ্রংস হয়ে যাব? তিনি বললেন, হ্যাঁ। যখন পাপাচার বৃদ্ধি পাবে। সহীহ বুখারী ও সহীহ মুসলিমে উহায়ব আবু হুরায়রা (রা) সূত্রে উদ্ভৃত করেছেন। তিনি বলেন, রাসূলুল্লাহ (সা) ইরশাদ করেছেন, আজ ইয়াজুজ মাজুজের প্রাচীর এতটুকু খুলে গিয়েছে। তিনি বৃদ্ধাঙ্গুলি ও তর্জনী দ্বারা বৃত্ত বানিয়ে দেখালেন।

উল্লেখিত প্রশ্নের উত্তর হয়ত এই যে, রাসূলুল্লাহ (সা) “প্রাচীর খুলে গিয়েছে” বাক্যাংশের দ্বারা ফিতনা ও অকল্যাণের দরজাগুলো খুলে গিয়েছে বুঝিয়েছেন। এটি একটি রূপক বাক্য ও বাগধারা স্বরূপ। তাই এতে কোন অসঙ্গতি নেই। অথবা উত্তর এই যে, ‘প্রাচীর খুলে গিয়েছে’

বাক্যাংশের দ্বারা রাসূলুল্লাহ (সা) বাস্তবে প্রাচীর খুলে গিয়েছে বুঝিয়েছেন এবং আয়াতে “তারা এটি অতিক্রম করতে পারল না এবং ভেদ করতেও পারল না” দ্বারা তখনকার সময়ের প্রতি নির্দেশ করা হয়েছে। কারণ, আয়াতে বর্ণিত শব্দ অতীতবাচক। সুতরাং পরবর্তীতে তাতে ছিদ্র হয়ে যাওয়া আয়াতের পরিপন্থী নয়। পরবর্তীতে এমন হতে পারে যে, আল্লাহর অনুমতিক্রমে এবং আল্লাহ কর্তৃক ক্ষমতা প্রাপ্ত হয়ে তারা অল্প করে ক্রমান্বয়ে ঐ নির্ধারিত সময়ে প্রাচীর ক্ষয় করে ফেলবে।

অবশেষে এক সময়ে নির্ধারিত মেয়াদও পূর্ণ হবে এবং আল্লাহর নির্ধারিত উদ্দেশ্যও সফল হবে তারপর তারা বেরিয়ে পড়বে। যেমন আল্লাহ তা'আলা বলেন :

وَهُمْ مِنْ كُلِّ حَدَبٍ يَنْسِلُونَ  
এবং তারা প্রতি উচ্চ ভূমি হতে ছুটে আসবে। ১১

অবশ্য অন্য একটি হাদীসের কারণে অধিক সমস্যা সৃষ্টি হয়। হাদীসটি ইমাম আহমদ (র) তাঁর মুসনাদ গ্রন্থে আবু হুরায়রা (রা) সূত্রে উন্নত করেছেন। রাসূলুল্লাহ (সা) ইরশাদ করেছেন :

ইয়াজুজ মাজুজ প্রতিদিন ঐ প্রাচীরটি খুঁড়ে চলছে। খুঁড়তে খুঁড়তে তারা যখন এতটুকু পৌঁছে সূর্যের আলো দেখতে পাওয়ার উপক্রম হয়, তখন তাদের উট ও বকরীর নাকে জন্ম নেয় এমন কীট। নেতা বলে যে, আজ তোমরা ফিরে যাও; আগামী কাল অন্যায়ে খোঁড়া শেষ করে দিবে। পরের দিন তারা এসে দেখতে পায় যে, ইতিপূর্বে যতটুকু ছিল প্রাচীরটি এখন তার চাইতে অধিকতর মজবুত হয়ে রয়েছে। এভাবে যখন তাদের অবরুদ্ধ রাখার মেয়াদ শেষ হবে এবং আল্লাহ তা'আলা তাদেরকে লোকালয়ে প্রেরণের ইচ্ছা করবেন, তখন তারা খুঁড়তে খুঁড়তে সূর্যের আলো দেখার পর্যায়ে চলে এলে তাদের নেতা বলবে, এখন ফিরে যাও, আগামীকাল ইনশাআল্লাহ খোঁড়া শেষ করতে পারবে।

পরদিন তারা এসে প্রাচীরটিকে পূর্ববর্তী দিবসের রেখে যাওয়া অবস্থায় দেখতে পাবে। তখন তারা খনন কার্য শেষ করে লোকালয়ে বেরিয়ে আসবে। তারা পৃথিবীর সব পানি পান করে ফেলবে। লোকজন নিজ নিজ দুর্গে আশ্রয় নিবে। এরপর ইয়াজুজ মাজুজ আকাশের দিকে তীর নিক্ষেপ করবে। রঙের চিহ্নসহ তীর ফিরে আসবে। তারা বলবে যে, আমরা পৃথিবীর অধিবাসীদেরকে পদান্ত করেছি এবং আকাশের অধিবাসীদের উপর বিজয় লাভ করেছি। তারপর আল্লাহ তা'আলা তাদের ঘাড়ে কীট সৃষ্টি করে দিবেন। এ কীটের দ্বারা তিনি তাদেরকে ধ্বংস করবেন।

রাসূলুল্লাহ আরও বলেছেন :

وَالَّذِي نَفْسُ مُحَمَّدٍ بِيَدِهِ إِنَّ دُوَابًّا لَا رِضٍ لَتَسْنِمْ وَتَشْكُرُ شُكْرًا مِنْ  
لُحُومِهِمْ وَدِمَائِهِمْ-

যে মহান সত্তার হাতে মুহাম্মদের প্রাণ তাঁর শপথ ওদের গোশত ও রক্ত খেয়ে পৃথিবীর জীবজন্মগুলো মোটা তাজা হয়ে উঠবে এবং শুকরিয়া প্রকাশ করবে।

ইমাম আহমদ (র) ইবনে মাজাহ ও তিরমিয়ী (র) ভিন্ন ভিন্ন সূত্রে হাদীসটি বর্ণনা করেছেন। ইমাম তিরমিয়ী (র) হাদীসটি গরীব পর্যায়ের বলে মন্তব্য করেছেন। এ হাদীসে উল্লেখ করা হয়েছে যে, ওরা প্রতিদিন জিহ্বা দিয়ে ঐ প্রাচীরটি চাটতে থাকে। চাটতে চাটতে প্রাচীরটি এমন পাতলা হয়ে যায় যে, অপর দিকে সূর্যের কিরণ দেখা যাওয়ার উপক্রম হয়।

এ হাদীসটি যদি রাসূলুল্লাহ (সা)-এর উক্তি না হয়ে কা'ব আল আহবারের উক্তি হয় যেমন কেউ কেউ বলেছেন, তবে আমরা ঐ অসঙ্গতির হাত থেকে মুক্তি পাই। আর এটি যদি প্রকৃতই রাসূলুল্লাহ (সা)-এর বাণী হয়ে থাকে তবে বলা হবে যে, তাদের ঐ কর্মতৎপরতা চলবে আখেরী যামানায় তাদের বেরিয়ে আসার নিকটবর্তী সময়ে, যেমন কা'ব আল-আহবার থেকে বর্ণিত হয়েছে। অথবা এটি বলা যাবে যে, **مَا اسْتَطَاعُوا لَهُ نَفْرَةً** অর্থ এদিক থেকে ওদিক পর্যন্ত ছিদ্র করে সারতে পারেনি। সুতরাং এটি তাদের জিহ্বা দিয়ে চাট। অথচ ছিদ্র না করা এর পরিপন্থী নয়। আল্লাহই সর্বজ্ঞ। এ সূত্রে আলোচ্য হাদীস এবং সহীহ বুখারী ও মুসলিমে উদ্ধৃত হাদীস রাসূলুল্লাহ (সা)-এর বাণী “আজ ইয়াজুজ মাজুজের প্রাচীর এই পরিমাণ ছিদ্র হয়ে গেছে” এর সমর্থয় সাধন করা যায় এভাবে যে, আজ ছিদ্র হয়ে গিয়েছে অর্থ প্রাচীরের এপার-ওপার ত্বেদ করে ছিদ্র হয়েছে। আল্লাহই সম্যক জ্ঞাত।

## আসহাবে কাহাফ-এর ঘটনা

আল্লাহ তা'আলা বলেন :

أَمْ حَسِبْتَ أَنَّ أَصْحَابَ الْكَهْفِ وَالرَّقِيمَ كَانُوا مِنْ أَيْتَنَا عَجَبًا . إِذَا أَوَى  
الْفَتْيَةُ إِلَى الْكَهْفِ فَقَالُوا رَسَّا أَتَنَا مِنْ لَدُنْكَ رَحْمَةً وَهَيَّئْنَا لَنَا مِنْ أَمْرِنَا  
رَشِداً . فَضَرَبُنَا عَلَى أَذَانِهِمْ فِي الْكَهْفِ سِنِينَ عَدَدًا . ثُمَّ بَعْثَنَاهُمْ لِنَعْلَمَ أَيُّ  
الْحَرَبَيْنِ أَحْصَى لِمَا لَبِثُوا أَمَدًا . نَحْنُ نَقْصُ عَلَيْكَ نَبَاهُمْ بِالْحَقِّ . إِنَّهُمْ  
فِتْيَةٌ أَمْنُوا بِرَبِّهِمْ وَزَدْنَهُمْ هُدًى . وَرَبَطْنَا عَلَى قُلُوبِهِمْ إِذْ قَامُوا فَقَالُوا  
رَبُّنَا رَبُّ السَّمَاوَاتِ وَالْأَرْضِ لَنْ تَدْعُونَا مِنْ دُونِهِ الْهَأَ لَقَدْ قُلْنَا إِذَا شَطَطْنَا .  
هُؤُلَاءِ قَوْمُنَا اتَّخَذُوا مِنْ دُونِهِ الْهَأَ لَوْلَا يَأْتُونَ عَلَيْهِمْ بِسُلْطَنٍ بَيْنَ  
أَظْلَمَ مِمْنِ افْتَرَى عَلَى اللَّهِ كَذِبًا . وَإِذَا اعْتَزَلُتُمُوهُمْ وَمَا يَعْبُدُونَ إِلَّا اللَّهُ  
فَأَوْا إِلَى الْكَهْفِ يَنْسِرُ لَكُمْ رَبُّكُمْ مِنْ رَحْمَتِهِ وَيَهْيَئِ لَكُمْ مِنْ أَمْرِكُمْ فَرَقًا .  
وَتَرَى الشَّمْسَ إِذَا طَلَعَتْ تَرَازُورٌ عَنْ كَهْفِهِمْ ذَاتَ الْيَمِينِ وَإِذَا غَرَبَتْ  
تَقْرِضُهُمْ ذَاتَ الشَّمَالِ وَهُمْ فِي فَجْوَةٍ مِنْهُ ذَلِكَ مِنْ أَيْتِ اللَّهِ - مَنْ يَهْدِ اللَّهُ  
فَهُوَ الْمُهْتَدِ - وَمَنْ يُضْلِلُ فَلَنْ تَجِدَ لَهُ وَلِيًّا مُرْشِدًا . وَتَحْسِبُهُمْ أَيْقَاظًا وَهُمْ  
رُقُودٌ وَنُقَلِّبُهُمْ ذَاتَ الْيَمِينِ وَذَاتَ الشَّمَالِ وَكَلِّبُهُمْ بَاسِطُ ذِرَاعَيْهِ  
بِالْوَصِيدِ - لَوْاطَلَعْتَ عَلَيْهِمْ لَوْلَيْتَ مِنْهُمْ فِرَارًا وَلَمْلِيَتْ مِنْهُمْ رُعْبًا .  
وَكَذَلِكَ بَعْثَنَاهُمْ لِيَتَسَاءَلُوا بَيْنَهُمْ قَالَ قَائِلٌ مِنْهُمْ كَمْ لَبِثْتُمْ . قَالُوا لَبِثْنَا  
يَوْمًا أَوْ بَعْضَ يَوْمٍ . قَالُوا رَبُّكُمْ أَعْلَمُ بِمَا لَبِثْتُمْ فَابْعَثُوا أَحَدَكُمْ بِوَرِقُكُمْ  
هَذِهِ إِلَى الْمَدِينَةِ فَلَيَنْظُرُ أَيُّهَا أَزْكَى طَعَامًا فَلَيَأْتِكُمْ بِرِزْقٍ مِنْهُ  
وَلَيَتَلَطَّفْ وَلَا يُشْعِرُنَّ بِكُمْ أَحَدًا . إِنَّهُمْ إِنْ يَظْهَرُوا عَلَيْكُمْ يَرْجُمُوكُمْ

أَوْيَعِدُوكُمْ فِي مُلْتَهِمْ وَلَنْ تُفْلِحُوا إِذَا أَبَدًا . وَكَذَلِكَ أَعْتَرْنَا عَلَيْهِمْ لِيَعْلَمُوا  
أَنَّ وَعْدَ اللَّهِ حَقٌّ وَإِنَّ السَّاعَةَ لَرَيْبَ فِيهَا إِذْ يَتَنَازَعُونَ بَيْنَهُمْ أَمْرَهُمْ  
فَقَالُوا ابْنُوا عَلَيْهِمْ بُنْيَانًا . رَبُّهُمْ أَعْلَمُ بِهِمْ . قَالَ الَّذِينَ غَلَبُوا عَلَىٰ أَمْرِهِمْ  
لَنْ تَخْذِنَ عَلَيْهِمْ مَسْجِدًا . سَيَقُولُونَ ثَلَاثَةُ رَأْبِعُهُمْ كَلْبُهُمْ . وَيَقُولُونَ خَمْسَةُ  
سَادِسُهُمْ كَلْبُهُمْ رَجْمًا بِالْغَيْبِ وَيَقُولُونَ سَبْعَةُ وَثَامِنُهُمْ كَلْبُهُمْ . قُلْ رَبِّي  
أَعْلَمُ بِعِدَتِهِمْ مَا يَعْلَمُهُمْ إِلَّا قَلِيلٌ فَلَا تُمَارِ فِيهِمْ إِلَّا مِرَاءً ظَاهِرًا وَلَا تَسْتَفْتِ  
فِيهِمْ مَنْهُمْ أَحَدًا . وَلَا تَقُولُنَّ لِشَائِيْءٍ إِنِّي فَاعْلَمُ ذَلِكَ غَدًا . إِلَّا أَنْ يَشَاءَ اللَّهُ  
وَإِذْكُرْ رَبَّكَ إِذَا نَسِيْتَ وَقُلْ عَسَىٰ أَنْ يَهْدِيَنَّ رَبِّيْ لِأَقْرَبَ مِنْ هَذَا رَشَدًا .  
وَلَبِثُوا فِي كَهْفِهِمْ ثَلَاثَ مَائَةٍ سِنِينَ وَأَزْدَادُوا تِسْعًا . قُلْ اللَّهُ أَعْلَمُ بِمَا  
لَبِثُوا . لَهُ غَيْبُ السَّمَاوَاتِ وَالْأَرْضِ أَبْصِرْ بِهِ وَأَسْمِعْ . مَالَهُمْ مِنْ دُونِهِ مِنْ  
وَلِيٍّ وَلَا يُشْرِكُ فِي حُكْمِهِ أَحَدًا .

তুমি কি মনে কর যে, গুহা ও রাকীম (পর্বত বা ফলক)-এর অধিবাসীরা আমার নির্দশনাদির মধ্যে বিশ্যাকরণ যখন যুবকরা গুহায় আশ্রয় নিল তখন তারা বলেছিল, হে আমাদের প্রতিপালক! আপনি নিজ থেকে আমাদেরকে অনুগ্রহ দান করুন এবং আমাদের জন্যে আমাদের কাজকর্ম সঠিক ভাবে পরিচালনার ব্যবস্থা করুন। অতঃপর আমি ওদেরকে গুহায় কয়েক বছর ঘুমন্ত অবস্থায় রাখলাম। পরে আমি ওদেরকে জাগরিত করলাম জানার জন্যে যে, দু'দলের মধ্যে কোনটি ওদের অবস্থিতি কাল সঠিকভাবে নির্ণয় করতে পারে। আমি তোমার নিকট ওদের বৃত্তান্ত সঠিকভাবে বর্ণনা করছি। ওরা ছিল কয়েকজন যুবক। ওরা ওদের প্রতিপালকের প্রতি ঈমান এনেছিল এবং আমি ওদের সৎপথে চলার শক্তি বৃদ্ধি করেছিলাম।

এবং আমি ওদের চিন্ত দৃঢ় করে দিলাম। ওরা যখন উঠে দাঁড়াল তখন বলল, আমাদের প্রতিপালক আকাশরাজি ও পৃথিবীর প্রতিপালক। আমরা কখনই তাঁর পরিবর্তে অন্য কোন ইলাহকে আহ্বান করব না। যদি করে বসি, তবে তা অত্যন্ত গর্হিত হবে। আমাদেরই এই স্বজ্ঞাতিরা তাঁর পরিবর্তে অনেক ইলাহ গ্রহণ করেছে। তারা এ সকল ইলাহ সম্বন্ধে স্পষ্ট প্রমাণ উপস্থিত করে না কেন? যে আল্লাহ সম্বন্ধে মিথ্যা উত্তোলন করে তার চাইতে অধিক জালিম আর কে?

তোমরা যখন বিচ্ছিন্ন হলে ওদের থেকে এবং ওরা আল্লাহর পরিবর্তে যাদের উপাসনা করে তাদের থেকে তখন তোমরা গুহায় আশ্রয় গ্রহণ কর। তোমাদের প্রতিপালক তোমাদের জন্য তাঁর দয়া বিস্তার করবেন এবং তিনি তোমাদের জন্যে তোমাদের কাজকর্মকে ফলপ্রসূ করার ব্যবস্থা করবেন।

তুমি দেখতে পেতে—ওরা গুহার প্রশংস্ত চতুরে অবস্থিত, সূর্য উদয়কালে ওদের গুহার দক্ষিণ পার্শ্বে হেলে যায় এবং অস্তকালে ওদেরকে অতিক্রম করে বামপার্শ দিয়ে। এ সমস্ত আল্লাহর নির্দশন আল্লাহ যাকে সৎপথে পরিচালিত করেন, সে সৎপথ প্রাপ্ত এবং তিনি যাকে পথভ্রষ্ট করেন, তুমি কখনই তার কোন পথ প্রদর্শনকারী অভিভাবক পাবে না। তুমি মনে করতে ওরা জাহ্নত, কিন্তু ওরা ছিল নিন্দিত। আমি তাদেরকে পার্শ্ব পরিবর্তন করাতাম ডান দিকে ও বামে এবং ওদের কুকুর ছিল সম্মুখের পা দুটো গুহাদ্বারে প্রসারিত করে। তাকিয়ে ওদেরকে দেখলে তুমি পেছনে ফিরে পলায়ন করতে ও ওদের ভয়ে আতংকগ্রস্ত হয়ে পড়তে। এবং এভাবেই আমি ওদেরকে জাগরিত করলাম যাতে ওরা পরম্পরের মধ্যে জিজ্ঞাসাবাদ করে। ওদের একজন বলল, তোমরা কতকাল অবস্থান করেছ? কেউ কেউ বলল, একদিন অথবা একদিনের কিছু অংশ। কেউ কেউ বলল, তোমরা কতদিন অবস্থান করেছ তা তোমাদের প্রতিপালকই ভাল জানেন।

এখন তোমাদের একজনকে তোমাদের এই মুদ্রাসহ নগরে প্রেরণ কর সে যেন দেখে কোন খাদ্য উত্তম এবং তা হতে যেন কিছু তোমাদের জন্যে নিয়ে আসে। সে যেন বিচক্ষণতার সাথে কাজ করে ও কিছুতেই যেন তোমাদের সম্বন্ধে কাউকেও কিছু জানতে না দেয়। ওরা যদি তোমাদের বিষয় জানতে পারে তবে তোমাদেরকে প্রস্তরাঘাতে হত্যা করবে অথবা তোমাদেরকে ওদের ধর্মে ফিরিয়ে নিবে এবং সে ক্ষেত্রে তোমরা কখনই সাফল্য লাভ করবে না। এবং এভাবে আমি মানুষকে তাদের বিষয় জানিয়ে দিলাম, যাতে তারা জ্ঞাত হয় যে, আল্লাহর প্রতিশ্রূতি সত্য এবং কিয়ামতে কোন সন্দেহ নেই।

যখন তারা তাদের কর্তব্য বিষয়ে নিজেদের মধ্যে বিতর্ক করছিল তখন অনেকে বলল, ওদের ওপর সৌধ নির্মাণ কর। ওদের প্রতিপালক ওদের বিষয়ে ভাল জানেন। তাদের কর্তব্য বিষয়ে যাদের মত প্রবল হল তারা বলল, আমরা তো নিশ্চয়ই ওদের পার্শ্বে মসজিদ নির্মাণ করব। কেউ কেউ বলবে, ওরা ছিল তিনজন, ওদের চতুর্থটি ছিল ওদের কুকুর এবং কেউ কেউ বলবে ওরা ছিল পাঁচজন, ওদের ষষ্ঠটি ছিল ওদের কুকুর। অজানা বিষয়ে অনুমানের ওপর নির্ভর করে। আবার কেউ কেউ বলবে, ওরা ছিল সাত জন, ওদের অষ্টমটি ছিল ওদের কুকুর। বল, আমার প্রতিপালকই ওদের সংখ্যা ভাল জানেন, ওদের সংখ্যা অল্প কয়েকজনই জানে। সাধারণ আলোচনা ব্যতীত আপনি ওদের বিষয়ে বিতর্ক করবেন না এবং ওদের কাউকে ওদের বিষয়ে জিজ্ঞাসাবাদ করবেন না। কখনই তুমি কোন বিষয়ে বলবে না ‘আমি এটি আগামীকাল করব। আল্লাহ ইচ্ছা করলে’ এ কথা না বলে। যদি ভুলে যাও তবে তোমার প্রতিপালককে স্মরণ করবে এবং বলবে, সম্ভবত আমার প্রতিপালক আমাকে ওটি অপেক্ষা সত্যের নিকটতর পথনির্দেশ করবেন। ওরা ওদের গুহায় ছিল তিনশ’ বছর আরও নয় বছর। তুমি বল, তারা কতকাল ছিল তা আল্লাহই ভাল জানেন, আকাশরাজি ও পৃথিবীর অজ্ঞাত বিষয়ের জ্ঞান তাঁরই। তিনি কত সুন্দর দৃষ্টি ও শ্রোতা! তিনি ব্যতীত ওদের অন্য কোন অভিভাবক নেই। তিনি কাউকে তাঁর কর্তৃত্বে শরীর করেন না। (১৭, কাহাফ ৪৯-২৬)

আসহাবে কাহাফ ও যুল-কারনাইন সম্পর্কে আয়াত নাযিল হওয়ার পটভূমি সম্বন্ধে মুহাম্মদ ইবন ইসহাক ও অন্যরা সীরাত গ্রন্থে উল্লেখ করেছেন যে, কুরায়শগণ মদীনার ইয়াহুনীদের নিকট একটি প্রতিনিধি দল প্রেরণ করেছিল। উদ্দেশ্য এই যে, ইয়াহুনীগণ তাদেরকে কতক প্রশ্ন শিখিয়ে দিবে। কুরায়শগণ সেগুলো রাসূলুল্লাহ (সা)-কে জিজ্ঞেস করবে এবং এরপরাই তারা তাকে পরীক্ষা করবে। ইয়াহুনীগণ বলেছিল যে, তোমরা তাকে এমন এক সম্প্রদায় সম্পর্কে জিজ্ঞেস করবে, যারা অতীতেই বিলীন হয়ে গিয়েছে। যার ফলে ত্রিয়াকলাপ সম্পর্কে জানা যায় না। আর প্রশ্ন করবে পৃথিবী প্রদক্ষিণকারী একজন লোক সম্পর্কে। এবং জিজ্ঞেস করবে রহ সম্পর্কে।

এই প্রেক্ষাপটে আল্লাহ তা'আলা নাযিল করলেন : ﴿وَيَسْتَلْوِنُكَ عَنِ الرُّوحِ أَعْلَمُ  
أَنْ حَسِبْتَ أَنَّ أَصْحَابَ الْكَهْفِ وَالرِّيقِيمِ كَانُوا مِنْ أَيْتَنَا عَجَبًا  
أَنْ دَعَاهُمُ الْمُجْرِمُونَ وَيَسْتَلْوِنُكَ عَنْ ذِي الْقَرْنَيْنِ  
أَنْ حَسِبْتَ أَنَّ أَصْحَابَ الْكَهْفِ وَالرِّيقِيمِ كَانُوا مِنْ أَيْتَنَا عَجَبًا  
أَنْ دَعَاهُمُ الْمُجْرِمُونَ﴾

তুমি কি মনে কর যে, গুহা ও রাকীমের অধিবাসীরা আমার নির্দশনাদির মধ্যে বিশ্বয়কর?

অর্থাৎ আমি আপনাকে যেসব অভূতপূর্ব আশ্চর্যজনক বিষয়াদি, উজ্জ্বল নির্দশনাদি ও বিশ্বয়কর ঘটনাবলী সম্পর্কে অবহিত করেছি, সে সবের তুলনায় গুহা ও রাকীমের অধিবাসীদের সংবাদ ও ঘটনা মোটেই আশ্চর্যজনক নয়।

এখানে কাহফ অর্থ পর্বত গুহা। শুয়ায়ের আল জুবাই বলেন, গুহাটির নাম হায়যুম। রাকীম শব্দ সম্পর্কে হ্যারত ইবন আবাস (রা) বলেন, রাকীম দ্বারা কি বুঝানো হয়েছে, তা আমার জানা নেই।

কেউ কেউ বলেন, রাকীম অর্থ লিখিত ফলক-যাতে সেখানে আশ্রয় গ্রহণকারীদের নাম এবং তাদের ঘটনাবলী লিখিত রয়েছে। পরবর্তী যুগের লোকজন এটি লিখে রেখেছিল। ইবন জারীর ও অন্যান্যগণ এ অভিমত সমর্থন করেন। কেউ কেউ বলেন, রাকীম হল সেই পর্বতের নাম, যে পর্বতের গুহায় তারা আশ্রয় নিয়েছিলেন।

ইবন আবাস (রা) ও শু'আয়ের আল জুবাই বলেন, ঐ পর্বতের নাম বিনাজলুস। কারো কারো মতে, রাকীম হচ্ছে ঐ গুহার পাশে অবস্থিত একটি উপত্যকার নাম। অন্য কারো কারো মতে, এটি ঐ এলাকার একটি জনপদের নাম।

শু'আয়ের আল জুবাই বলেন, তাদের কুকুরের নাম ছিল হামরান। কতক তাফসীরকার বলেছেন যে, তাঁরা ছিলেন হ্যারত ঈসা (আ)-এর পরবর্তী যুগের লোক এবং তাঁরা খৃষ্টান ছিলেন। কিন্তু তাঁদের সম্পর্কে ইয়াহুনীদের শুরুত্ত আরোপ এবং তাদের সম্পর্কে সংবাদ সংগ্রহের আগ্রহ দ্বারা প্রমাণিত হয় যে, তারা হ্যারত ঈসা (আ)-এর পূর্ববর্তী যুগের লোক। আয়াতের বাচনভঙ্গ থেকে প্রতীয়মান হয় যে, তাদের সম্প্রদায়ের লোকজন ছিল মুশরিক। তা না সৃষ্টিপূজা

করত। বহু তাফসীরকার ও ইতিহাসবিদ অভিমত প্রকাশ করেছেন যে, তারা বাদশাহ দাকরানুমের সময়ের অভিজাত বংশীয় লোক ছিলেন। কারো কারো অভিমত যে, তারা রাজপুত্র ছিলেন।

ঘটনাচক্রে তারা সম্প্রদায়ের উৎসবের দিনে একত্রিত হয়। তাদের সম্প্রদায়ের লোকেরা সেখানে যে মূর্তিদেরকে সিজদা করছে এবং প্রতিমাগুলোকে সম্মান প্রদর্শন করছে, তা তারা প্রত্যক্ষ করে। তখন তারা গভীর মনোযোগের সাথে তা পর্যালোচনা করেন। আল্লাহ তা'আলা তাদের অন্তরের উদাসীনতার পর্দা ছিন্ন করে দেন এবং তাদের মনে সত্য ও হিদায়াতের উন্মেষ ঘটান। ফলে তারা উপলক্ষি করেন যে, তাদের সম্প্রদায়ের এসব কাজকর্ম সম্পূর্ণ ভিত্তিহীন। যুবকর্গণ তাদের ওই ধর্ম পরিত্যাগ করেন এবং এক আল্লাহর ইবাদতে আস্থানিয়োগ করেন।

কেউ কেউ বলেন যে, যুবকদের প্রত্যেকের মনে আল্লাহ তা'আলা তাওহীদ ও হিদায়াতের অনুভূতি সৃষ্টি করে দিয়েছিলেন। তারপর তারা সকলেই লোকজনের সংসর্গ ত্যাগ করে এক নির্জন এলাকায় এসে উপস্থিত হন। সহীহ বুখারীতে এ বিষয়ে একটি বিশুদ্ধ হাদীছ উন্নত হয়েছে। সেটি এই :

الْأَرْوَاحُ جُنُودٌ مُجَنَّدَةٌ فَمَا تَعَارَفَ مِنْهَا اتَّلَافٌ وَمَا تَنَاكَرَ مِنْهَا اخْتَلَفَ.

রহগুলো সুবিন্যস্ত বাহিনী স্বরূপ। তাদের মধ্যে যেগুলো পূর্ব-পরিচিত, সেগুলো বন্ধুত্বের বক্ষনে আবদ্ধ হয়। আর যারা পরম্পর অপরিচিত তাদের মধ্যে মতপার্থক্য দেখা দেয়। তখন তারা একে অপরের অবস্থা সম্পর্কে জিজ্ঞাসা করে। প্রত্যেকে নিজ নিজ অবস্থান বর্ণনা করে। তখন জানা যায় যে, তারা সবাই নিজ নিজ গোত্র ছেড়ে এসেছে এবং ওদের সাথে সম্পর্ক ছিন্ন করে আপন দীন রক্ষার্থে পালিয়ে এসেছে। ফিতনা, বিশৃঙ্খলা ও পাপাচারের বিস্তৃতিকালে এভাবে সমাজ ত্যাগ করা শরীয়ত সম্মত।

আল্লাহ তা'আলা বলেন :

نَحْنُ نَقْصُ عَلَيْكَ نَبَاهُمْ بِالْحَقِّ إِنَّهُمْ أَمْنُوا بِرَبِّهِمْ وَزَدْنَهُمْ هُدًى.  
وَرَبَطْنَا عَلَى قُلُوبِهِمْ أَذْقَانُهُمْ فَقَالُوا رَبُّنَا رَبُّ الْسَّمَاوَاتِ وَالْأَرْضِ لَنْ  
نَدْعُوا مِنْ دُونِهِ إِلَهًا لَقَدْ قُلْنَا أَذَا شَطَطًا. هُؤُلَاءِ قَوْمًا اتَّخَذُوا مِنْ دُونِهِ  
الْهَمَةَ. لَوْلَا يَأْتُونَ عَلَيْهِمْ بِسُلْطَنٍ بَيْنِ

আমি তোমার নিকট ওদের বৃত্তান্ত সঠিকভাবে বর্ণনা করছি। ওরা ছিল কয়েকজন যুবক। ওরা ওদের প্রতিপালকের প্রতি ঈমান এনেছিল এবং আমি ওদের সৎপথে চলার শক্তি বৃদ্ধি করেছিলাম। এবং আমি ওদের চিন্ত দৃঢ় করে দিলাম, ওরা যখন ওঠে দাঁড়াল তখন বলল, আমাদের প্রতিপালক আকাশরাজি ও পৃথিবীর প্রতিপালক! আমরা কখনই তাঁর পরিবর্তে অন্য কোন ইলাহকে আস্থান করব না, যদি করে বসি তবে তা অত্যন্ত গর্হিত হবে। আমাদের এই

স্বজাতিগণ, তাঁর পরিবর্তে অনেক ইলাহ গ্রহণ করেছে। এরা এ সকল ইলাহ সম্বন্ধে স্পষ্ট প্রমাণ উপস্থিত করে না কেন? অর্থাৎ তারা যে পথ অবলম্বন করেছে এবং যে অভিমত অনুসরণ করেছে তার যথার্থতা সম্পর্কে প্রকাশ্য দলীল উপস্থাপন করে না কেন?

فَمَنْ أَظْلَمُ مِمْنِ افْتَرَى عَلَى اللَّهِ كَذِبًا - وَإِذَا عَنَزَ لَتَمُوهُمْ وَمَا يَعْبُدُونَ  
اللَّهُ .

যে ব্যক্তি আল্লাহ সম্বন্ধে মিথ্যা উত্তোলন করে তার চাইতে অধিক জালিম আর কে? তোমরা যখন তাদের থেকে বিছিন্ন হলে এবং ওরা আল্লাহর পরিবর্তে যাদের ইবাদত করে তাদের থেকে অর্থাৎ দীনের প্রশ্নে তোমরা যখন তাদের থেকে পৃথক হয়ে গেলে এবং তারা আল্লাহ ব্যতীত যেগুলোর উপাসনা করে সেগুলোকে ত্যাগ করলে। কারণ তারা আল্লাহর সাথে শরীক সাবাস্ত করত। যেমন হ্যারত ইবরাহীম খলীলুল্লাহ বলেছিলেন :

إِنِّي بِرَاءٌ مِّنْ نَعْبُدُونَ الَّذِي فَطَرَنِيْ فَأَنْهُ سَيِّدِنِينَ .

তোমরা যেগুলোর পূজা কর তাদের সাথে আমার কোন সম্পর্ক নেই। সম্পর্ক আছে শুধু তাঁরই সাথে, যিনি আমাকে সৃষ্টি করেছেন। তিনিই আমাকে সৎপথ দেখাবেন। এ যুবকরাও অনুরূপ বলেছিলেন। (৪৩ যুখরুফ ২৬-২৭) আয়াতের ব্যাখ্যায় কেউ কেউ বলেন যে, দীনের প্রশ্নে তোমরা যেমন তোমাদের সম্পদায় থেকে পৃথক হয়ে গিয়েছ, দৈহিকভাবেও তোমরা তাদের থেকে বিছিন্ন হয়ে যাও, যাতে ওদের অনিষ্ট থেকে তোমরা নিরাপদ থাকতে পার।

فَأُوا إِلَى الْكَهْفِ يَنْشُرُ لَكُمْ رَبُّكُمْ مِّنْ رَحْمَتِهِ وَلِيُهْبِي لَكُمْ مِّنْ أَمْرِكُمْ  
مِرْفَقاً .

তখন তোমরা গুহায় আশ্রয় গ্রহণ কর। তোমাদের প্রতিপালক তোমাদের জন্যে তাঁর দয়া বিস্তার করবেন এবং তিনি তোমাদের জন্যে তোমাদের কাজ কর্মকে ফলপ্রসূ করার ব্যবস্থা করবেন। অর্থাৎ তাঁর রহমতের পর্দা দ্বারা তোমাদেরকে ঢেকে দিবেন। তোমরা তার নিরাপত্তা ও আশ্রয়ে থাকবে। এবং তিনি তোমাদের পরিণাম কল্যাণময় করে দিবেন। যেমন হাদীছ শরীকে এসেছে :

اللَّهُمَّ أَحْسِنْ عَاقِبَتَنَا فِي الْأُمُورِ كُلُّهَا وَاجْرِنَا مِنْ خِزْنِ الدُّنْيَا وَمِنْ  
عَذَابِ الْآخِرَةِ

হে আল্লাহ! সকল কর্মে আমাদেরকে কল্যাণময় পরিণতি দান করুন এবং দুনিয়ার লাঞ্ছনা ও আবিরাতের আয়াব থেকে আমাদেরকে রক্ষা করুন।

এরপর তাঁরা যে গুহায় আশ্রয় নিয়েছিলেন সে সম্পর্কে আল্লাহ তা'আলা বলেন যে, গুহাটি উত্তরমুখী ছিল। তার পশ্চিম দিকে ঢালু ছিল। কিবলার দিকে ঢালু উত্তরমুখী স্থান অধিক কল্যাণকর স্থান রূপে বিবেচিত হয়ে থাকে।

আল্লাহ তা'আলা বলেন :

وَتَرَى الشَّمْسَ إِذَا طَلَعَتْ تَزُورُ عَنْ كَهْفِهِمْ ذَاتَ الْيَمِينِ وَإِذَا غَرَبَتْ تَقْرِبُهُمْ ذَاتَ الشَّمَاءِ -

তুমি দেখতে পেতে, ওরা গুহার চতুরে অবস্থিত। সূর্য উদয়কালে ওদের গুহার ডান দিকে হেলে যায় এবং অস্তকালে ওদেরকে অতিক্রম করে বাম পার্শ্ব দিয়ে। অর্থাৎ গ্রীষ্মকালে সূর্য উদিত হওয়ার সময় তাদের গুহার পশ্চিম দিকে আলো ছড়ায়, তারপর সূর্য যতই উপরে উঠতে থাকে, ক্রমাগতে ততই ঐ আলো গুহা থেকে বেরিয়ে যেতে থাকে। এটি হল সূর্যের ডান দিক দিয়ে অতিক্রম করা। অতঃপর সূর্য মধ্য আকাশে উথিত হয় এবং গুহা থেকে ঐ আলো বেরিয়ে যায়। তারপর যখন অন্ত যেতে শুরু করে তখন পূর্ব পাশ দিয়ে অল্প অল্প করে আলো প্রবেশ করতে থাকে। অবশেষে সূর্য অন্ত যায়। এ ধরনের স্থানে একাপই দেখা যায়। তাদের গুহায় মাঝে মধ্যে সূর্যের আলো প্রবেশের এই ব্যবস্থার উদ্দেশ্য ছিল যাতে ঐ গুহার আবহাওয়া দূর্ঘিত না হয়।

وَهُمْ فِي فَجْوَةٍ مِنْهُ ذَلِكَ مِنْ أَيْتِ اللَّهِ

ওরা গুহার প্রশস্ত চতুরে অবস্থিত। এ সব আল্লাহর নির্দর্শন। অর্থাৎ তাদের পানাহার না করে, খাদ্য দ্রব্য গ্রহণ না করে শতশত বৎসর এ অবস্থায় বিদ্যমান থাকটা আল্লাহ তা'আলার নির্দর্শনাদির অন্যতম এবং তাঁর মহা শক্তির প্রমাণ স্বরূপ।

مَنْ يَهْدِ اللَّهُ فَهُوَ الْمُهْتَدِ ، وَمَنْ يُضْلِلْ فَلَنْ تَجِدَ لَهُ وَلِيًّا مُرْشِدًا .  
وَتَحْسِبُهُمْ أَيْقَاظًا وَهُمْ رُقُودٌ -

আল্লাহ যাকে সৎপথে পরিচালিত করেন সে সৎপথ প্রাপ্ত এবং তিনি যাকে পথভ্রষ্ট করেন তুমি কখনই তার কোন পথ প্রদর্শনকারী অভিভাবক পাবে না। তুমি মনে করতে তারা ঘুমস্ত অথচ তারা জাগ্রত। এর ব্যাখ্যায় কেউ কেউ বলেন, তা এ জন্যে যে, তাদের চোখ খোলা ছিল, যাতে সুদীর্ঘকাল পর্যন্ত বন্ধ থাকার ফলে চক্ষু নষ্ট হয়ে না যায়।

وَتَقْلِبُهُمْ ذَاتَ الْيَمِينِ وَذَاتَ الشَّمَاءِ

আমি ওদেরকে পার্শ্ব পরিবর্তন করাতাম ডানে, বামে—এর ব্যাখ্যায় কেউ কেউ বলেন, বৎসরে একবার করে তাদের পার্শ্ব পরিবর্তন করানো হত। এ পাশ থেকে ও পাশে ফেরানো হত। হতে পারে বৎসরে একাধিকবারও তা ঘটতো। আল্লাহই সম্যক অবগত।

وَكَلْبُهُمْ بَاسِطٌ ذِرَاعِيهِ بِالْوَصِيدِ

তাদের কুকুর ছিল সম্মুখের পা দুটো গুহার মুখের দিকে প্রসারিত করে। শুআয়ের আল-জুবাই বলেন, তাদের কুকুরের নাম ছিল হামরান। অন্য এক তাফসীরকার বলেন, **وَصِيدْ** অর্থ দরজার চৌকাঠ। অর্থাৎ যুবকগণ যখন নিজ নিজ গোত্র থেকে একাকী বেরিয়ে এসেছিলেন, তখন যে কুকুরটি তাদের সাথে এসেছিল সেটি শেষ পর্যন্ত তাদের সাথে থেকে যায়। এটি গুহার মধ্যে প্রবেশ করেনি। বরং দু'হাত গুহামুখে রেখে গুহার প্রবেশ পথে বসেছিল। এটি ঐ কুকুরের অনুপম শিষ্টাচার এবং যুবকদের প্রতি সন্ত্রমবোধের নির্দর্শন। কারণ সাধারণত যে ঘরে কুকুর থাকে সে ঘরে রহমতের ফিরিশতা প্রবেশ করেন না। সাহচর্য ও আনুগত্যের স্বভাবতই একটা প্রভাব থাকে। তাই যুবকদের অনুসরণ করতে গিয়ে কুকুরটি ও তাদের সাথে অমর হয়ে থাকে। কারণ যে যাকে ভালবাসে সে তার সৌভাগ্যের অংশীদার হয়। একটি কুকুরের ব্যাপারে যখন এমন হল তখন সমানের পাত্র কোন পৃণ্যবানের অনুসরণকারীর ক্ষেত্রে কী হতে পারে তা সহজেই অনুমেয়।

বহু ধর্মীয় বঙ্গা ও তাফসীরকার উক্ত কুকুর সম্পর্কে অনেক লম্বা চওড়া কাহিনীর উল্লেখ করেছেন। এগুলোর অধিকাংশই ইসরাইলী বর্ণনা থেকে নেয়া এবং এর অধিকাংশ নির্জলা মিথ্যা। এতে কোন ফায়দাও নেই। যেমন কুকুরটির নাম ও রঙ বিষয়ে তাদের ভিন্ন ভিন্ন বর্ণনা।

এ গুহাটি কোথায় অবস্থিত, এ নিয়ে উলামায়ে কিরামের মধ্যে মতভেদ রয়েছে। তাঁদের অনেকে বলেন, এটি আয়লা অঞ্চলে অবস্থিত। কেউ বলেন, এটির অবস্থান নিনোভা এলাকায়। কারো মতে, কলকা অঞ্চলে এবং কারো মতে রোমকদের এলাকায়। শেষ অভিমতটিই অধিক যুক্তিসংগত।

আল্লাহ তা'আলা তাদের কাহিনীর অধিক কল্যাণকর অংশটি এমন প্রাঞ্জলভাষায় বর্ণনা করলেন এবং যেন শ্রবণকারী তা প্রত্যক্ষ করছে এবং নিজের চোখে তাদের গুহার অবস্থা, গুহার মধ্যে তাদের অবস্থান, ওদের পার্শ্ব পরিবর্তন এবং তাদের গুহা মুখে হাত প্রসারিত করে উপবিষ্ট কুকুর স্বচক্ষে দেখছে। এরপর আল্লাহ তা'আলা বলেন :

لَوِ اطْلَعْتَ عَلَيْهِمْ لَوَلَيْتَ مِنْهُمْ فَرَارًا وَلَمْلِيْتَ مِنْهُمْ رُعبًا

তুমি যদি ওদেরকে তাকিয়ে দেখতে তবে পিছনে ফিরে পালাতে এবং ওদের ভয়ে আতঙ্কহস্ত হয়ে পড়তে অর্থাৎ তারা যে পর্যায়ে গিয়ে পৌঁছেছে এবং যে গুরুগম্ভীর ও ভীতিকর অবস্থার সৃষ্টি হয়েছিল তার জন্য। সম্ভবত এ সম্বোধনটি সকল মানুষের জন্যে, শুধুমাত্র প্রিয় নবী (সা)-এর জন্যে নয়। যেমন আল্লাহ তা'আলার বাণী **فَمَا يُكَبِّكُ بَعْدُ بَالْبَيْنِ** সুতরাং এর পরে কিসে তোমাকে কর্মফল সম্বন্ধে অবিশ্বাসী করে? এ আয়াতে 'তোমাকে' বলতে সাধারণভাবে অবিশ্বাসী মানবদেরকে বুঝানো হয়েছে। নবী করীম (সা)-কে নয়। কারণ, মানুষ সাধারণত ভীতিকর দৃশ্য দেখলে পালিয়ে যায়। এ জন্যেই আল্লাহ তা'আলা বলেছেন :

لَوِ اطْلَعْتَ عَلَيْهِمْ لَوَلَيْتَ مِنْهُمْ فَرَارًا وَلَمْلِيْتَ مِنْهُمْ رُعبًا

এতে বুরো যায় যে, শোনা আর দেখা এক কথা নয়। যেমন হাদীসেও এ বিষয়ে সমর্থন রয়েছে। কারণ, আলোচ্য ঘটনায় গুহাবাসীর ভৌতিক সংবাদ শুনে কেউ পালায়নি বা ভৌত হয়নি।

তারপর আল্লাহ তা'আলা বলেন যে, তিনি তাদেরকে জাহাত করলেন তাদের ৩০৯ বছর নিদ্রামগ্ন থাকার পর। জাহাত হওয়ার পর তাদের একে অন্যকে বলল :

كَمْ لَبِثْتُمْ، قَالُوا لَبِثْنَا يَوْمًا أَوْ بَعْضَ يَوْمٍ، قَالُوا رَبُّكُمْ أَعْلَمُ بِمَا لَبِثْتُمْ  
فَابْعَثُنَا أَحَدُكُمْ بِرَقْمٍ هَذِهِ فِي الْمَدِينَةِ-

তোমরা কতকাল অবস্থান করেছ? কেউ কেউ বলল, একদিন অথবা এক দিনের কিছু অংশ। অপর কেউ বলল, তোমরা কতকাল অবস্থান করেছ তা তোমাদের প্রতিপালকই ভাল জানেন। তখন তোমাদের একজনকে তোমাদের এই মুদ্রাসহ নগরে প্রেরণ কর। অর্থাৎ তাদের সাথে থাকা রৌপ্য মুদ্রার দিকে ইঙ্গিত করে তা নিয়ে নগরে যেতে বলেছিল।

কথিত আছে যে, ওই নগরীর নাম ছিল দাফমূম। সে গিয়ে দেখুক কোন খাদ্য উত্তম। অর্থাৎ কোনটি উৎকৃষ্টমানের। فَلِيَأَتِكُمْ بِرْزَقٌ مِّنْ أَنْتُمْ অতঃপর তা থেকে যেন কিছু খাদ্য নিয়ে আসে তোমাদের জন্যে। অর্থাৎ যা তোমরা খেতে পারবে। এটি ছিল তাদের সংযম ও নির্লাভ মনোভাবের পরিচায়ক। وَلَيَتَطَافِ ف সে যেন বিচক্ষণতার সাথে কাজ করে। নগরে প্রবেশ করার সময়

وَلَا يَشْعَرُنَّ بِكُمْ أَحَدًا . إِنَّهُمْ إِنْ يَظْهَرُوا عَلَيْكُمْ يَرْجُمُوكُمْ أَوْ يُعِيدُوكُمْ  
فِي مُلْتَهِمْ وَلَفْ تُفْلِحُوا أَذَا آبَدًا .

এবং কিছুতেই যেন তোমাদের সম্বন্ধে কাউকে কিছু টের পেতে না দেয়। ওরা যদি তোমাদের বিষয় জানতে পারে তবে তোমাদেরকে প্রস্তরাঘাতে হত্যা করবে অথবা তোমাদেরকে ওদের ধর্মে ফিরিয়ে নিবে এবং সেক্ষেত্রে তোমরা কখনই সাফল্য লাভ করবে না।

অর্থাৎ আল্লাহ তোমাদেরকে ওদের বাতিল ধর্ম থেকে উদ্ধার করার পর তোমরা যদি পুনরায় ওদের মধ্যে ফিরে যাও তবে আর তোমাদের সাফল্য নেই। তারা এ জাতীয় কথাবার্তা এ জন্য বলেছিল যে, তারা মনে করেছিল তারা একদিন, একদিনের কতকাংশ কিংবা তার চাইতে কিঞ্চিতাধিক সময় নিদ্রামগ্ন ছিল। তারা যে ৩০০ বছরের অধিককাল ধরে নিদ্রামগ্ন ছিল এবং ইতিমধ্যে যে রাষ্ট্রক্ষমতার বহুবার হাত বদল হয়েছে, নগর ও নগরবাসীর পরিবর্তন সাধিত হয়েছে, তাদের প্রজন্মের লোকদের যে মৃত্যু হয়েছে, অন্য প্রজন্ম এসেছে এবং তারাও চলে গিয়েছে, অতঃপর অন্য আরেক প্রজন্মের আবির্ভাব হয়েছে; তার কিছুই তারা তখনও আঁচ করে উঠতে পারেন। এজন্যে তাদের একজন অর্থাৎ তীয়সীস যখন নিজের পরিচয় গোপন রাখার উদ্দেশ্যে ছান্নবেশে গুহা থেকে বের হন এবং নগরে প্রবেশ করেন তখন তা তাঁর নিকট

অপরিচিত ঠেকে। নগরবাসীরা যেই তাকে দেখে অপরিচিত বোধ করে। তার আকার-আকৃতি কথাবার্তা এবং তার মুদ্রা সবই নগরবাসীর নিকট অপরিচিত ও আশ্র্যজনক ঠেকে।

কথিত আছে যে, তারা তাকে তাদের রাজার নিকট নিয়ে যায় এবং তারা তাকে গুপ্তচর বলে সন্দেহ করে। কেউ কেউ তাঁকে শক্তিশালী শক্র মনে করে তাব ক্ষতিকর আক্রমণেরও আশংকা করেছে। কতক ঐতিহাসিকের মতে, তিনি তখন তাদের নিকট থেকে পালিয়ে যান। আর কতক ঐতিহাসিকের মতে, তিনি নগরবাসীকে তাঁর নিজের ও সাথীদের অবস্থার বিবরণ দেন। অতঃপর তারা তাঁর সাথে তাদের অবস্থান ক্ষেত্রের দিকে রওয়ানা হয়, যাতে তিনি তাদেরকে নিজেদের অবস্থানস্থল দেখিয়ে দেন। নগরবাসী গুহার নিকট এসে পৌছার পর তীয়সীম সর্বাঙ্গে তার সাথীদের নিকট প্রবেশ করেন। তিনি নিজেদের প্রকৃত অবস্থা এবং নিদ্রার মেয়াদ সম্পর্কে তাদেরকে অবহিত করেন। তখন তারা উপলব্ধি করে নেয় যে, মূলত এটি মহান আল্লাহর নির্ধারিত একটি বিষয়। কথিত আছে যে, এরপর তাঁরা আবার নিদ্রামগ্ন হয়ে পড়েন। মতান্তরে এরপর তাঁদের ইস্তিকাল হয়ে যায়।

ঐ নগরবাসীদের সম্পর্কে বলা হয়েছে যে, তারা ঐ গুহাটি খুঁজে পায়নি। গুহাবাসীদের অবস্থা সম্পর্কে আল্লাহ তা'আলা তাদেরকে অনবহিত রেখে দেন। কেউ কেউ বলেন যে, গুহাবাসীদের ব্যাপারে তাদের মনে ভীতির সৃষ্টি হওয়ার দরঢণ গুহায় প্রবেশ করতে পারেনি। গুহাবাসীদের ব্যাপারে কি ব্যবস্থা নেয়া যায়, সে বিষয়ে নগরবাসীদের মধ্যে মতভেদ দেখা দেয়। তাদের একদল বলল আব্নুও<sup>أَبْنُوا عَلَيْهِمْ بُنْيَانًا</sup> তাদের উপর সৌধ নির্মাণ করে দাও। অর্থাৎ গুহামুখ বক্স করে দাও, যাতে তারা সেখান থেকে বের হতে না পারে। বা কেউ তাদেরকে কষ্ট দেয়ার উদ্দেশ্যে তাদের নিকট যেতে না পারে।

আপর দল বলল, আর এদের মতই প্রবল ছিল **لَنْ تَخْذِنَنَّ عَلَيْهِمْ مَسْجِدًا**। আমরা অবশ্যই ওদের উপর মসজিদ নির্মাণ করব। অর্থাৎ ইবাদতখানা তৈরি করব। এ সকল পৃথ্ব্যবান লোকদের পাশাপাশি থাকার কারণে তা বরকতময় হয়ে থাকবে। পূর্ববর্তী উম্মতদের মধ্যে একপ মসজিদ নির্মাণের রেওয়াজ প্রচলিত ছিল। আমাদের শরীয়তে এ বিষয়ে দিক নির্দেশনা হল, ঐ হাদীস যা সহীহ বুখারী ও মুসলিমে বর্ণিত আছে, রাসূলুল্লাহ (সা) ইরশাদ করেনঃ

**لَعَنَ اللَّهِ الْيَهُودُ وَالنَّصَارَى إِثْخَذُوا قُبُورَ أَنْبِيَاءِهِمْ مَسَاجِدَ.**

‘আল্লাহ তা’আলার লান্ত ইয়াহুদী ও খৃষ্টানদের ওপর, তারা তাদের নবীদের কবর সমূহকে মসজিদে পরিণত করেছে।’ ওরা যা করেছে রাসূলুল্লাহ (সা) তাঁর উম্মতদেরকে তা না করার জন্য সতর্ক করে দিয়েছেন।

আল্লাহ তাআলা বলেন,

**وَكَذِلِكَ أَعْثَرْنَا عَلَيْهِمْ لِيَعْلَمُوا أَنَّ وَعْدَ اللَّهِ حَقٌّ وَأَنَّ السَّاعَةَ لَارِيبٌ فِيهَا -**

এবং আমি মানুষকে এভাবে তাদের বিষয় জানিয়ে দিলাম—যাতে তারা জ্ঞাত হয় যে, আল্লাহর প্রতিক্রিয়া সত্য এবং কিয়ামতে কোন সন্দেহ নেই। ১৫:২১

বহু তাফসীরকার বলেছেন যে, এর অর্থ হল যাতে লোকজন জানতে পারে যে, পুনরুত্থান সত্য এবং কিয়ামত অনুষ্ঠানে কোন সন্দেহ নেই। মানুষ যখন অবগত হবে যে, গুহাবাসিগণ তিনশ' বছরেও অধিককাল ধরে নিদুমগু ছিল তারপর কোন প্রকারের বিকৃতি ছাড়া যে অবস্থায় ছিলেন ঠিক সে অবস্থায়ই জ্ঞাত হয়ে উঠেন। তখন তারা উপলক্ষ্য করতে পারবে যে, মহান সত্ত্ব তাদেরকে কোন পরিবর্তন ছাড়া অক্ষুন্ন রাখার ক্ষমতা রাখেন, তিনি নিশ্চয়ই কীটদষ্ট ও বিচূর্ণ অঙ্গ বিশিষ্ট মানবদেহকে মৃত্যুর পর পুনরুত্থিত করার ক্ষমতা রাখেন। এটি এমন একটি বিষয় যাতে ঈমানদারগণ কোনই সন্দেহ পোষণ করে না।

اَنَّمَا اَمْرُهُ اِذَا أَرَادَ شَيْئًا اَنْ يَقُولَ لَهُ كُنْ فَيَكُونُ.

‘তাঁর ব্যাপার শুধু এই, তিনি যখন কোন কিছুর ইচ্ছা করেন তিনি সেটিকে বলেন হও, ফলে তা হয়ে যায়।’ (৩৬ : ইয়াসীন : ৮২)

অবশ্য আয়াতের ব্যাখ্যা এমনও হতে পারে যে, ‘যাতে তারা জানতে পারে’ বলতে গুহাবাসীগণকে বুঝানো হয়েছে। কারণ তাদের নিজেদের সম্পর্কে তাদের অবগত হওয়াটা তাদের সম্পর্কে অন্যের অবগত হওয়া অপেক্ষা অধিকতর প্রভাব বিস্তারকারী। আবার এমনও হতে পারে যে, আয়াতে তারা জানতে পারে বলতে সকলকেই বুঝানো হয়েছে। এরপর আল্লাহ তা'আলা বলেন :

سَيَقُولُونَ ثَلَاثَةُ رَأَبِعُهُمْ كَلْبُهُمْ، وَيَقُولُونَ خَمْسَةُ سَادِسُهُمْ كَلْبُهُمْ رَجْمًا  
بِالْغَيْبِ، وَيَقُولُونَ سَبْعَةُ وَثَامِنُهُمْ كَلْبُهُمْ -

‘কেউ বলবে ওরা ছিল তিনজন, ওদের চতুর্থটি ছিল ওদের কুকুর এবং কেউ বলে ওরা ছিল পাঁচজন, ওদের ষষ্ঠিটি ছিল ওদের কুকুর। অজানা বিষয়ে অনুমানের উপর নির্ভর করে। আবার কেউ কেউ বলবে, ওরা ছিল সাতজন, ওদের অষ্টমটি ছিল ওদের কুকুর। (সুরা কাহফ : ২২) তাদের সংখ্যা সম্পর্কে মানুষের তিনটি অভিমতের কথা উল্লেখ করা হয়েছে। প্রথম দুটো অভিমত দুর্বল সাব্যস্ত করা হয়েছে এবং তৃতীয়টিকে সত্য বলে স্বীকৃতি দেয়া হয়েছে। এতে বুঝা যায় তৃতীয় অভিমতটি যথার্থ। এছাড়া অন্য কোন মত থাকলে তাও উল্লেখিত হতো। এ তৃতীয় মতটি যথার্থ না হলে তাও দুর্বল বলে চিহ্নিত করা হতো। তাই তৃতীয় মতটিই সঠিক। এ জাতীয় বিষয়ে বিতর্কে যেহেতু কোন উপকারিতা নেই সেহেতু আল্লাহ তা'আলা তাঁর রাসূল (স)-কে এই আদব শিক্ষা দিয়েছেন যে, মানুষ যখন এ জাতীয় বিষয়ে মতভেদ করবে তখন তিনি যেন বলেন, ‘আল্লাহই ভাল জানেন।’ এ জন্যেই আল্লাহ তা'আলা বলেন, قُلْ رَبِّيْ فِيْمِ اَعْلَمُ بِعَدَهِمْ هُمْ مَا يَعْلَمُهُمْ اَلْقَلِيلُ ‘বল আমার প্রতিপালকই ওদের সংখ্যা ভাল জানেন। ওদের সংখ্যা অল্প কয়েকজনই জানে।’ ওদের সংখ্যা অল্প কয়েকজনই জানে।

আলোচনা ব্যতীত তুমি ওদের বিষয়ে বিতর্ক করবে না।” অর্থাৎ সহজ ও স্বাভাবিক আলোচনা করুন। এ জাতীয় বিষয়বস্তু নিয়ে বিতর্কে লিঙ্গ হবেন না। আর তাদের সমস্কে কোন মানুষকে কিছু জিজেস করবেন না। এ কারণে শুরুতে আল্লাহ তা'আলা তাদের সংখ্যা অস্পষ্ট রেখেছেন।

আল্লাহ তা'আলা বলেছেন “إِنَّهُمْ فِتْيَةٌ أَمْنُوا بِرَبِّهِمْ” “ওরা ছিল কয়েকজন যুবক, ওরা ওদের প্রতিপালকের প্রতি ঈমান এনেছিল।” তাদের সংখ্যা বর্ণনা যদি সমধিক গুরুত্বপূর্ণ হত তবে দৃশ্যমান ও অদৃশ্য সকল বিষয়ে অবগত মহান আল্লাহ তা'আলা সূরার প্রারম্ভেই ওদের সংখ্যার বিবরণ দিতেন।

আল্লাহ তা'আলা বলেন, لَكَ غَدَأَ إِلَّا أَنْ يَشَاءَ اللَّهُ<sup>عَزَّوَجَلَّ</sup> “কখনও তুমি কোন বিষয়ে বলবে না, আমি এটি আগামীকাল করব” ‘আল্লাহ ইচ্ছা করলে’ কথাটি না বলে। এটি একটি উচ্চস্তরের শিষ্টাচার যা আল্লাহ এ আয়াতে শিক্ষা দিয়েছেন এবং আপন সৃষ্টিকুলকেও এ ব্যাপারে উৎসাহিত করেছেন। অর্থাৎ কেউ যদি বলতে চায় যে, অবিলম্বে আমি এ কাজটি করব তবে তার জন্যে শরীয়তের বিধান এই যে, সে ‘ইনশাআল্লাহ’ বলবে। যাতে এতে তার সুদৃঢ় সংকল্প প্রকাশ পায়। কারণ আগামীকাল কি হবে তা তো বান্দা জানে না। সে এটাও জানে না যে, সে যে কাজটি করার সংকল্প করেছে তা তার তাকদীরে আছে কিনা। এই ইনশাআল্লাহ শব্দটি শর্ত বলে গণ্য হবে না, বরং এটি তার দৃঢ় সংকল্প বলেই গণ্য হবে। এ জন্যে হ্যরত ইবন আবুস (রা) বলেন, বাক্যে ইনশাআল্লাহ শব্দটি এক বছর মেয়াদের মধ্যে যুক্ত করা চলে। তবে কোন কোন ক্ষেত্রে এটি শীত্রুতা জ্ঞাপক অর্থেও ব্যবহৃত হয়। যেমন ইতিপূর্বে হ্যরত সুলায়মান (আ)-এর ঘটনায় আলোচিত হয়েছে। তিনি বলেছিলেন, আজ রাতে আমি ৭০ জন স্ত্রীর সাথে মিলিত হবো। তারা প্রত্যেকে একটি করে ছেলে সন্তান প্রসব করবে, যারা আল্লাহর পথে জিহাদ করবে। তখন নেপথ্যে তাঁকে বলা হয়েছিল, ‘ইনশাআল্লাহ’ বলুন! তিনি তা বলেন নি। অতঃপর তিনি সহবাস করলেন। তাতে মাত্র একজন স্ত্রী একটি অসম্পূর্ণদেহী ছেলে প্রসব করেন।

এ প্রসঙ্গে রাসূলুল্লাহ (সা) বলেছেন :

وَالَّذِي نَفْسِيْ بِيَدِهِ لَوْقَالَ اِنْ شَاءَ اللَّهُ لَمْ يَحْنَثْ وَكَانَ دَرِكًا لِحَاجَتِهِ.

সে মহান সন্তান হাতে আমার প্রাপ তাঁর শপথ, হ্যরত সুলায়মান (আ) যদি ইনশাআল্লাহ বলতেন, তবে তাঁর শপথ ভঙ্গ হত না এবং তাঁর মনোবাঞ্ছণ্য পূর্ণ হত।

আল্লাহ তা'আলার বাণী “وَإِذْ كُرْرَبَ إِذَا فَسِيْتَ” “যদি ভুলে যাও তবে তোমার প্রতিপালককে শ্বরণ কর!” কারণ ভুলে যাওয়াটা কোন কোন সময় শয়তানের প্রভাবে হয়ে থাকে। তখন আল্লাহর শ্বরণ অন্তর থেকে প্রভাব বিদ্রূরিত করে দেয়। ফলে যা ভুলে গিয়েছিল তা শ্বরণে আসে।

আল্লাহর বাণী “وَقُلْ عَسَلَى أَنْ يَهْدِيَنِي رَبِّيْبٌ لِأَقْرَبَ مِنْ هَذَا رَشَدًا” “এবং বল সম্বত আমার প্রতিপালক আমাকে এটি অপেক্ষা সত্যের নিকটতর পথ নির্দেশ করবেন।”

অর্থাৎ যখন কোন বিষয়ে অস্পষ্টতা এসে যায় এবং লোকজনের মধ্যে মতভেদ দেখা দেয় তবে আপনি আল্লাহ অভিযুক্ত হোন, তিনি বিষয়টিকে আপনার জন্যে সহজ ও স্বাভাবিক করে দিবেন। এরপর আল্লাহ তাআলা বলেন, **وَلَبِّسُوا فِي كَهْفِهِمْ ثِلَاثَمَةَ سِبْطِينَ** “তারা তাদের গুহায় ছিল তিনশ’ বছর, আরও নয় বছর।” তাদের সুনীর্ঘ কাল গুহায় অবস্থানের কথা উল্লেখ তাৎপর্যবহ। তাই আল্লাহ তাআলা এর উল্লেখ করেছেন। এখানে অতিরিক্ত নয় বছর হল চান্দু মাসের হিসাবে। সৌর বছরের ৩০০ বছর পূর্ণ করতে চান্দু মাসের হিসেবে অতিরিক্ত নয় বছরের প্রয়োজন হয়। কারণ প্রতি ১০০ সৌর বছর থেকে ১০০ চান্দু বছরের সময়কাল তিন বছর কম হয়ে থাকে। **قُلْ اللَّهُ أَعْلَمُ بِمَا لَبِّثُوا!** “ক্ষেত্রে আল্লাহই ভাল জানেন।” অর্থাৎ এ জাতীয় কোন বিষয়ে যদি আপনাকে কেউ জিজ্ঞেস করে আর আপনার নিকট সে বিষয়ে কোন লিখিত প্রমাণ না থাকে তবে বিষয়টি মহান আল্লাহর প্রতি সোপর্দ করে দিন।

“আকাশরাজি ও পৃথিবীর অজ্ঞাত বিষয়ের জ্ঞান তাঁরই।” অর্থাৎ অদৃশ্য বিষয়ে অবগত তিনিই, তাঁর সৃষ্টির মধ্যে যাকে ইচ্ছা তাকে তা অবগত করান, অন্য কাউকে নয়। “তিনি কত সুন্দর দৃষ্টি ও শ্রোতা।” অর্থাৎ তিনি সবকিছুকে যথাস্থানে স্থাপন করেন। কারণ তাঁর সৃষ্টি সম্পর্কে এবং সেগুলোর চাহিদা ও প্রয়োজন সম্পর্কে তিনি সম্যক অবগত।

مَا لَهُمْ مِنْ دُونِهِ مِنْ وَلَىٰ وَلَا يُشْرِكُ فِي تَارِيخِ آنَّا لَهُمْ أَهْوَانٌ  
তারপর আল্লাহ তাআলা বললেন, “তিনি ব্যতীত ওদের অন্য কোন অভিভাবক নেই। তিনি কাউকে নিজ কর্তৃত্বে  
শরীক করেন না।” অর্থাৎ রাজত্বে, ক্ষমতায় ও কর্তৃত্বে আপনার প্রতিপালক একক, অনন্য। তাঁর  
কোন শরীক ও অংশীদার নেই।

## একজন ঈমানদার একজন কাফিরের বিবরণ

সৱ্যা কাহফ-এ গুহাবাসীদের ঘটনা বর্ণনার পর আল্লাহ তা'আলা ইরশাদ করেন :

وَاضْرِبْ لَهُم مَثَلًا رَجُلَيْنِ جَعَلْنَا لَاهِدَهُمَا جَنَّتَيْنِ مِنْ أَعْنَابٍ وَحَافَفْنَهُمَا  
بِنَخْلٍ وَجَعَلْنَا بَيْنَهُمَا زَرْعًا. كُلْتَا الْجَنَّاتِيْنِ أَتَتْ أَكْلُهَا وَلَمْ تَظْلِمْ مِنْهُ  
شَيْئًا وَفَجَرْنَا خَلْلَهُمَا نَهَرًا. وَكَانَ لَهُ ثَمَرٌ فَقَالَ صَاحِبُهُ وَهُوَ يُحاورُهُ أَنَا  
أَكْثُرُ مِنْكَ مَالًا وَأَعْزُّ نَفْرًا. وَدَخَلَ جَنَّتَهُ وَهُوَ ظَالِمٌ لِنَفْسِهِ قَالَ مَا أَظُنُّ أَنْ  
تَبِيدَ هَذِهِ أَبَدًا. وَمَا أَظُنُّ السَّاعَةَ قَائِمَةً وَلَئِنْ رُدِدتُّ إِلَى رَبِّي لَاجِدَنَّ  
خَيْرًا مِنْهَا مُنْقَلَبًا. قَالَ لَهُ صَاحِبُهُ وَهُوَ يُحاورُهُ أَكَفَرْتَ بِالَّذِي خَلَقْتَ مِنْ

تُرَابٌ ثُمَّ مِنْ نُطْفَةٍ ثُمَّ سَوْكَ رَجُلًا. لَكِنَّهُوَ اللَّهُ رَبِّيْ وَلَا اشْرِكْ بِرَبِّيْ  
اَحَدًا. وَلَوْلَا اذْدَخَلْتَ جَنَّتَكَ قُلْتَ مَا شَاءَ اللَّهُ لَا قُوَّةَ اَلَّا بِاللَّهِ اِنْ تَرَنَ اَنَا  
اَقْلَ مِنْكَ مَالًا وَوَلَدًا. فَعَسَى رَبِّيْ اَنْ يُؤْتِيَنِ خَيْرًا مِنْ جَنَّتِكَ وَيُرْسِلَ  
عَلَيْهَا حُسْبَانًا مِنَ السَّمَاءِ فَتُصْبِحَ صَعِيدًا زَلَقًا. اَوْ يُصْبِحَ مَأْوَهَا غُورًا  
فَلَنْ تَسْتَطِعَ لَهُ طَلَبًا. وَاحْبِطْ بِثَمَرِهِ فَاصْبِحَ يُقْلُبُ كَفَيْهِ عَلَى مَا اَنْفَقَ  
فِيهَا وَهِيَ خَاوِيَّةٌ عَلَى عَرْوُشِهَا وَيَقُولُ يَلِيْتَنِي لَمْ اشْرِكْ بِرَبِّيْ اَحَدًا. وَلَمْ  
تَكُنْ لَهُ فِتَّةٌ يَنْصَرُونَهُ مِنْ دُونِ اللَّهِ وَمَا كَانَ مُنْتَصِرًا. هُنَالِكَ الْوَلَيَّةُ  
**لِلَّهِ الْحَقُّ. هُوَ خَيْرُ شَوَابًا وَخَيْرُ عُقبًا.**

“তুমি ওদের নিকট পেশ কর দুই ব্যক্তির উপমা।” তাদের একজনকে আমি দিয়েছিলাম দুটি আঙুরের বাগান এবং এ দুটোকে আমি খেজুর গাছ দ্বারা পরিবেষ্টিত করেছিলাম এবং এ দুয়ের মধ্যবর্তী স্থানকে করেছিলাম শস্যক্ষেত্র। উভয় উদ্যানই ফল দান করত এবং তাতে কোন ত্রুটি করত না। এবং উভয়ের ফাঁকে ফাঁকে প্রবাহিত করেছিলাম নহর এবং তার প্রচুর ধন সম্পদ ছিল।

তারপর কথা প্রসঙ্গে সে তার বন্ধুকে বলল, ধন সম্পদে আমি তোমা অপেক্ষা শ্রেষ্ঠ এবং জনবলে তোমা অপেক্ষা শক্তিশালী। এভাবে নিজের প্রতি জুলুম করে সে তার উদ্যানে প্রবেশ করল। সে বলল, আমি মনে করি না যে, এটি কখনো ধৰ্মস হয়ে যাবে। আমি মনে করি না যে, কিয়ামত হবে, আর আমি যদি আমার প্রতিপালকের নিকট প্রত্যাবৃত্ত হইই, তবে আমি তো নিশ্চয়ই এটি অপেক্ষা উৎকৃষ্ট স্থান পাব। উভয়ের তার বন্ধু তাকে বলল, তুমি কি তাঁকে অঙ্গীকার করছ যিনি তোমাকে সৃষ্টি করেছেন মাটি ও পরে শুক্র থেকে এবং তারপর পূর্ণাঙ্গ করেছেন মানব আকৃতিতে? কিন্তু আল্লাহই আমার প্রতিপালক এবং আমি কাউকে আমার প্রতিপালকের শরীক করি না। তুমি যখন তোমার উদ্যানে প্রবেশ করলে তখন কেন বললে না, আল্লাহ যা চান তা-ই হয়, আল্লাহর সাহায্য ব্যক্তিত কোন শক্তি নেই!

তুমি যদি ধনে ও সন্তানে আমাকে তোমা অপেক্ষা নিকৃষ্টতর মনে কর, তবে হয়তো আমার প্রতিপালক আমাকে তোমার উদ্যান অপেক্ষা উৎকৃষ্টতর কিছু দেবেন। এবং তোমার উদ্যানে আকাশ থেকে নির্ধারিত বিপর্যয় প্রেরণ করবেন, যার ফলে সেটি উদ্ভিদশূন্য ময়দানে পরিণত হবে। অথবা সেটির পানি ভূগর্ভে অভর্তি হবে এবং তুমি কখনও সেটির সন্ধান লাভে সক্ষম হবে না। তার ফল সম্পদ বিপর্যয়ের বেষ্টিত হয়ে গেল এবং সে তাতে যা ব্যয় করেছিল তার জন্যে আক্ষেপ করতে লাগল, যখন সেটি মাচানসহ ভূমিসাঁৎ হয়ে গেল। সে বলতে লাগল, হায়, আমি যদি কাউকে আমার প্রতিপালকের শরীক না করতাম! আর আল্লাহ ব্যক্তিত তাকে সাহায্য

করার কোন লোকজন ছিলনা এবং সে নিজেও প্রতিকারে সমর্থ হল না। এ ক্ষেত্রে কর্তৃত্ব আল্লাহরই, যিনি সত্য। পুরস্কার দানে ও পরিণাম নির্ধারণে তিনিই শ্রেষ্ঠ। ১৮ কাহফ : ৩২-৪৪

কতক তাফসীরকার বলেন, এটি একটি উদাহরণ মাত্র। বাস্তবে এমনটা ঘটেই ছিল তা নাও হতে পারে। তবে জমহুর তাফসীরকারের অভিমত এই যে, এটি একটি বাস্তব ঘটনা। আল্লাহ তাআলার বাণী (মাল্লাহ) “তাদের নিকট পেশ কর একটি উপমা।” অর্থাৎ কুরায়শ বংশীয় কাফিরগণ যে দুর্বল ও দরিদ্র মুসলমানদের সাথে মিলিত হয় না বরং তাদেরকে তুচ্ছ-তাচ্ছিল্য করে এবং ঈমানদারদের ওপর অহংকার করে তার প্রেক্ষিতে ঐ কাফিরদের নিকট এই উদাহরণ বর্ণনা করুন। যেমন অন্যত্র আল্লাহ তাআলা বলেছেন, **وَاضْرِبْ لَهُمْ مَثَلًا**“ওদের নিকট পেশ কর এক জনপদ অধিবাসীদের দৃষ্টান্ত তাদের নিকট তো এসেছিল রাসূলগণ।”<sup>১</sup> মূসা (আ)-এর ঘটনা বর্ণনার পূর্বে আমরা জনপদ বাসীদের ঘটনা উল্লেখ করেছি।

প্রসিদ্ধ অভিমত এই যে, আলোচ্য ব্যক্তিদ্বয় পরম্পর বঙ্গু ছিল, একজন ঈমানদার, অপরজন কাফির। কথিত আছে যে, তাদের উভয়ের ধনসম্পদ ছিল। ঈমানদার ব্যক্তি আল্লাহর সম্মুষ্টি অর্জনের লক্ষ্যে তার ধনসম্পদ আল্লাহর আনুগত্যে ও তাঁর পছন্দনীয় খাতে ব্যয় করে দেয়। পক্ষান্তরে কাফির ব্যক্তি তার সম্পদ ব্যয় করে দুটো বাগান তৈরী করে। আলোচ্য আয়াতে বর্ণিত বৈশিষ্ট্যমণ্ডিত বাগান দ্বারা তার বাগানদ্বয়কে বুঝানো হয়েছে। সেই দুটোতে ছিল আঙ্গুর, খেজুর এবং শস্য ক্ষেত্র। পানি সিঞ্চনের জন্য ও সৌন্দর্য বর্ধনের জন্যে তার স্থানে স্থানে নহর প্রবাহিত ছিল। বাগানে ফল এসেছিল প্রচুর, নদীগুলোতে নয়নাভিরাম ঢেউ খেলত এবং ফল-ফসল ছিল মনোমুগ্ধকর। এগুলো নিয়ে বাগানের মালিক তার ঈমানদার দরিদ্র বঙ্গুর মুকাবিলায় গর্ব প্রকাশ করে বলে আঁকা হয়েছে। “**أَتَ أَكْثَرُ مِنْكُمْ مَا لَا وَأَعْزَزُ نَفَرًا**।”<sup>২</sup> অর্থাৎ বিশাল বাগানের মালিক। এ কথা দ্বারা সে বুঝিয়েছে যে, সে ঈমানদার অপেক্ষা উন্নত। তার উদ্দেশ্য হল, বঙ্গু! তোমার যে ধন সম্পদ ছিল তা তুমি যে পথে ব্যয় করেছ তাতে তোমার কী লাভ হল? তোমার বরং উচিত ছিল তা-ই করা যা আমি করেছি। তাহলে তুমি আমার সমান হয়ে যেতে পারতে। এসব বলে সে ঈমানদার বঙ্গুটির মুকাবিলায় অহংকার করতে থাকে।

**وَدَخَلَ جَنَّتَهُ وَهُوَ طَالِمٌ لِنَفْسِهِ**

“এভাবে নিজের প্রতি জুলুম করে সে তার বাগানে প্রবেশ করল।” অর্থাৎ অশোভন পস্তুয় সে বাগানে প্রবেশ করে এবং বলে :

**مَا أَظْنُ أَنْ تَبِيدَ هَذِهِ آبَدًا**

১. ৩৬ ইয়াসীন ১৩।

২. ১৯ মারইয়াম আয়াত ৭৮

৩. ৪১, হা-রীম সাজদা ৫০

“আমি মনে করি না যে, এটি কখনও ধূস হবে।”<sup>১</sup> প্রশংস্ত বাগান, পর্যাণ্ত পানি এবং সুদৃশ্য লতাপাতা ও বৃক্ষরাজি দেখে তার এ ধারনা জন্মে। সে ভেবেছিল যে, এই বৃক্ষরাজির কোনটি নষ্ট হলে তার স্থলে তার চাইতে সুন্দর নতুন বৃক্ষ জন্ম নিবে এবং পর্যাণ্ত পানি বিদ্যমান থাকায় শস্য ও ফসলাদি সর্বদা উৎপাদিত হতে থাকবে।

এরপর সে বলল, **وَمَا أَظْنُنَّ السَّاعَةَ قَائِمَةً** “এবং আমি এও মনে করি না যে, কিয়ামত অনুষ্ঠিত হবে।”<sup>২</sup> পার্থিব জীবনের ধূসশীল বিলাস বৈভবের প্রতি সে আস্থাশীল হয়ে পড়ে। এবং চিরস্থায়ী আখিরাতকে সে অস্বীকার করে। তারপর সে বলল, **وَلَئِنْ رُدْرُتُ إِلَىٰ رَبِّي لَأَجِدَنَّ خَيْرًا مِّنْهَا مُنْفَلِبًا** “আমি যদি আমার প্রতিপালকের নিকট প্রত্যাবৃত্ত হই-ই তবে আমি তো নিশ্চয়ই এটি অপেক্ষা উৎকৃষ্ট স্থান পাব।” “অর্থাৎ আখিরাত ও পুনরুত্থান যদি একান্তই ঘটে তাহলে সেখানে আমি এখানকার চাইতে উৎকৃষ্ট স্থান পাব। এটি সে এ কারণে বলেছে যে দুনিয়ার জীবন সম্পর্কে সে ধোকায় পড়েছে এবং সে **বিশ্বাস** করেছে যে, তার প্রতি আল্লাহর ভালবাসা ও আল্লাহর নিকট তার প্রাপ্য অংশ হিসেবে আল্লাহ তা’আলা তাকে এসব দিয়েছেন। আস ইবন ওয়াইল কাফিরও এরূপ বলেছিল। **أَفَرَأَيْتَ الَّذِي كَفَرَ بِاِيمَانِنَا**।

**وَقَالَ لَأُوتَيْنَ مَالًا وَلَدَأَطْلَعَ الْغَيْبَ أَمِ اتَّخَذَ عِنْدَ الرَّحْمَنِ عَهْدًا** “তুমি কি লক্ষ্য করেছ তাকে যে আমার আয়াতসমূহ প্রত্যাখ্যান করে এবং বলে আমাকে ধন সম্পদ ও সন্তান সন্তুতি দেয়া হবেই। সে কি অদৃশ্য সম্বন্ধে অবহিত হয়েছে অথবা দয়াময়ের নিকট থেকে প্রতিশ্রূতি লাভ করে।”<sup>৩</sup> এ আয়াতসমূহে আল্লাহ তা’আলা ‘আশ ইবন ওয়াইল ও খাবাব ইবন আয়িত (রা)-এর ঘটনা বর্ণনা করেছেন।

আল্লাহ তা’আলার পক্ষ থেকে নিয়ামত প্রাপ্তির পর কতক মানুষের পরিণাম কি হয় তার বর্ণনা প্রসঙ্গে আল্লাহ তা’আলা বলেন :

**لَيَقُولُنَّ هَذَا إِلِيٌّ وَمَا أَظْنُنَّ السَّاعَةَ قَائِمَةً وَلَئِنْ رُجِعْتُ إِلَىٰ رَبِّيْ أَنَّ لِيْ عِنْدَ الْحُسْنِيْ**

“সে অবশ্যই বলে যে, এটি আমার প্রাপ্য এবং আমি মনে করি না যে, কিয়ামত সংঘটিত হবে। আর যদি আমার প্রতিপালকের নিকট একান্তই প্রত্যাবর্তিত হই তাঁর নিকট তা আমার জন্মে কল্যাণই থাকবে।”<sup>৪</sup> এ জাতীয় লোকদের সম্পর্কে আল্লাহ তা’আলা বলেন :

**فَلَنْ تَبْيَنَ الدِّيْنَ كَفَرُوا بِمَا عَمَلُوا وَلَنْ يُقْنَتُهُمْ مِنْ عَذَابٍ غَلِيظٍ**

“কাফিরদেরকে তাদের কৃতকর্ম সম্পর্কে অবশ্যই অবগত করব এবং ওদেরকে আস্থাদন করাব কঠোর শাস্তি।”<sup>৫</sup>

১. ২৮ কাসাস ৭৮

২. ২৮ কাসাস ৭৮

৩. ৩৪ সাবাহ ৩৭

৪. ২৩ মু’মিনুন ৫৫

৫. ৪১ হামীম সাজদা-৫০

কারন বলেছিল “এ সম্পদ আমি আমার জ্ঞান বলে প্রাপ্ত হয়েছি।<sup>১</sup> অর্থাৎ আল্লাহ জানেন যে, আমি ঐ ধন সম্পদ পাওয়ার হকদার। এ সম্পর্কে আল্লাহ তাআলা বলেন :

أَوْ لَمْ يَعْلَمْ أَنَّ اللَّهَ قَدْ أَهْلَكَ مِنْ قَبْلِهِ مِنَ الْقُرُونِ مَنْ هُوَ أَشَدُّ مِنْهُ قُوَّةً  
وَأَكْثَرُ جَمِيعًا وَلَا يُسْئِلُ عَنْ ذُنُوبِهِمُ الْمُجْرِمُونَ

সে কি জানত না আল্লাহ তার পূর্বে বহু মানব গোষ্ঠীকে ধ্বংস করেছেন যারা তার অপেক্ষা শক্তিতে ছিল প্রবল, সংখ্যায় ছিল অধিক? অপরাধীদেরকে তাদের অপরাধ সম্পর্কে প্রশ্ন করা হবে না?<sup>২</sup> ইতিপূর্বে হয়রত মুসা (আ)-এর ঘটনা বর্ণনাকালে আমরা কারনের ঘটনা আলোচনা করেছি।

وَمَا أَمْوَالُكُمْ وَلَا أَوْلَادُكُمْ ..... وَهُمْ فِي الْفُرْتَنِ  
আল্লাহ তাআলা বলেন : “তোমাদের ধন সম্পদ ও সন্তান-সন্ততি এমন কিছু নয় যা তোমাদেরকে আমার নিকর্তব্যী করে দিবে। তবে যারা ঈমান আনে ও সৎকর্ম করে তারাই তাদের কর্মের জন্যে পাবে বহুগুণ পুরস্কার। আর তারা প্রাসাদে নিরাপদে থাকবে।”<sup>৩</sup>

আল্লাহ তাআলা আরও বলেন :

أَيْحَسَبُونَ أَنَّمَا نُصِدُّهُمْ بِهِ مِنْ مَالٍ وَبَنِينَ نُسَارِعُ لَهُمْ فِي الْخَيْرَاتِ  
بَلْ لَا يَشْعُرُونَ

“তারা কি মনে করে যে, আমি তাদেরকে সাহায্য স্বরূপ যে ধনেশ্বর্য ও সন্তান-সন্ততি দান করেছি তার দ্বারা তাদের জন্য সকল প্রকার মঙ্গল ত্বরান্বিত করছিঃ না, তারা বুঝে না।”<sup>৪</sup>

আয়াতে উক্ত মূর্খ ব্যক্তিটি পার্থিব ধনেশ্বর্য পেয়ে ধোঁকায় পতিত হয়। তাই সে অস্তীকার করে আখিরাতকে এবং সে যখন দাবি করে যে, আখিরাত যদি সংঘটিত হয়ই তবে সেখানে প্রভুর নিকট সে এখানকার তুলনায় উৎকৃষ্ট স্থান পাবে আর তার সাথী ঈমানদার ব্যক্তি যখন এসব কথা শুনল তখন ঈমানদার ব্যক্তিটি তাকে বলল, ‘অর্থাৎ যুক্তি পেশ করলো আক্ফর্ত বাল্ডী খ্লাক মি তুরাব তুম মি নুল্যেছে তুম সোক’ তুমি কি তাঁকে অস্তীকার করছ যিনি তোমাকে সৃষ্টি করেছেন মাটি থেকে ও পরে শুক্র থেকে এবং তারপর পুর্ণাংগ করেছেন মানুষের আকৃতিতে? অর্থাৎ তুমি কি পুনরুত্থান অস্তীকার করছ অথচ তুমি জান যে, আল্লাহ তোমাকে সৃষ্টি করেছেন মাটি থেকে, অতঃপর শুক্র থেকে। তারপর পর্যায়ক্রমে তোমাকে আকৃতি দিয়েছেন। অবশেষে তুমি পরিণত হয়েছ শ্রবণশক্তি ও দৃষ্টিশক্তি সম্পন্ন

১. ২৮ কাসাস ৭৮

২. ২৮ কাসাস ৭৮

৩. ৩৪ সাবাহ ৩৭

৪. ২৩ মুমিনুন ৫৫

পরিপূর্ণ পুরষে। ফলে তুমি জ্ঞান লাভ করতে পারছ, হাতে ধারণ করতে পারছ এবং হস্তয়ে উপলক্ষি করতে পারছ। তাহলে কি করে তুমি পুনরুত্থান অবীকার করছ? অথচ নতুন করে সৃষ্টি করতেও আল্লাহ তাআলা ক্ষমতাবান।

“**كِنْ هُوَ اللَّهُ رَبِّيْ**”  
**تَوْمَارِ الْبَلَّا**র বিশ্বাস করি তোমার বিশ্বাসের বিপরীত যে,  
**هُوَ اللَّهُ رَبِّيْ وَلَا**  
**أَشْرَكُ بَرَبِّيْ أَهَدًا** “আল্লাহই আমার প্রতিপালক এবং আমি কাউকে আমার প্রতিপালকের শরীক করিনা।”<sup>১</sup> অর্থাৎ তিনি ব্যতীত অন্য কারো ইবাদত করি না। আমি বিশ্বাস করি যে, দেশগুলো খৃংস হয়ে যাওয়ার পর তিনি সেগুলোকে পুনরুত্থান করবেন এবং মৃতদেরকে পুনরুজ্জীবিত করবেন। চূর্ণ বিচূর্ণ হাতগুলোকে একত্রিত করবেন। আমি এও জানি যে, আল্লাহর সৃষ্টি জগতে এবং তাঁর রাজত্বে তাঁর কোন শরীক নেই এবং তিনি ব্যতীত কোন ইলাহ নেই।

এরপর ঈমানদার ব্যক্তিটি তার সাথীকে সে আচরণ শিখিয়ে দিচ্ছে বাগানে প্রবেশের সময় তার যা করা উচিত ছিল। এ সূত্রে সে বলল, **لَا قُوَّةَ إِلَّا بِاللَّهِ** “তুমি যখন তোমার উদ্যানে প্রবেশ করলে তখন কেন বললেনা, আল্লাহ যা চাচান তাই হয় আল্লাহর সাহায্য-ব্যতীত কোন শক্তি নেই?” এ জন্যে কারো নিকট তার ধন-সম্পদ কিংবা পুরিবার-পরিজন কিংবা ব্যক্তিগত কোন অবস্থা পছন্দসই ও আনন্দদায়ক মনে হলে তার জন্যে **لَا قُوَّةَ إِلَّا بِاللَّهِ** মাঝে বলা মুস্তাহাব। এ বিষয়ে রাসূলুল্লাহ (সা)-এর একটি মরফু হাদীস বর্ণিত হয়েছে। অবশ্য হাদীসটির বিশুদ্ধতা প্রশ্নাত্তীত নয়।

আবু ইয়ালা মুসলী বর্ণনা করেন যে, হযরত আনাস (রা) থেকে বর্ণিত আছে যে, রাসূলুল্লাহ (সা) ইরশাদ করেছেন :

**مَا أَنْعَمَ اللَّهُ عَلَىٰ عَبْدٍ نِعْمَةً مِنْ أَهْلٍ أَوْ مَالٍ أَوْ لَدِ فَيَقُولُ مَاءَ شَاءَ اللَّهُ  
لَا قُوَّةَ إِلَّا بِاللَّهِ فَيَرِى فِيهِ أَنَّهُ دُونَ الْمَوْتِ.**

“আল্লাহ কোন বান্দাকে পরিবারে, ধন-সম্পদে কিংবা সন্তান-সন্তনিতে কোন নিয়ামত দান করলে সে যদি **مَا شَاءَ اللَّهُ لَا قُوَّةَ إِلَّا** বলে, তবে সে মৃত্যু ব্যতীত নিয়ামতের খৃংস প্রত্যক্ষ করবে না। তিনি ঐ আয়াতের ব্যাখ্যা প্রসঙ্গে তিনি এ কথাটি বলেন। হাফিজ আবুল ফাতহ আবদী এই সনদ বিশুদ্ধ নয় বলে মন্তব্য করেছেন। এরপর ঈমানদার লোকটি তার কাফির সাথীকে বলল : “**فَعَسِّىٰ رَبِّيْ أَنْ يُؤْتِيْنَ مِنْ جَنَّتَكَ** : আমি আশা করি আমার প্রতিপালক আমাকে তোমার উদ্যান অপেক্ষা উৎকৃষ্টতর কিছু দিবেন।” অর্থাৎ আখিরাতে “আর তোমার উদ্যানে আকাশ থেকে নির্ধারিত বিপর্যয় প্রেরণ করবেন।” হযরত ইবন আবুবাস (রা) যাহাক ও কাতাদা (র) বলেন, অর্থাৎ আকাশ থেকে আয়াব প্রেরণ করবেন। এখানে বুঝান হয়েছে যে, আল্লাহ তাআলা প্রচণ্ড বৃষ্টি বর্ষণ করবেন যা সকল ক্ষেত্রে ও বৃক্ষকে উৎপাটিত করে দিবে। **فَتَصْبِحَ صَعِيْدًا زَلَقًا**

“ফলে সেটি উজ্জিদ শূন্য ময়দানে পরিণত হবে” অথবা উহার পানি ভূগর্ভে অস্তর্হিত হবে।” এটি প্রবহমান প্রবন্ধের বিপরীত “অতঃপর তুমি কখনও সেটির সঙ্গান লাভে সক্ষম হবে না।” অর্থাৎ এই পানি পুনরায় ফিরিয়ে আনতে সক্ষম হবে না।

আল্লাহ তা'আলা বলেন وَأَحْبِطَ بِتَمَرَه “তার সকল সম্পদ বিপর্যয়ে বেষ্টিত হয়ে গেল।” অর্থাৎ এমন এক বিপর্যয় নেমে এর যে, যা তার সকল ফল ফসল পরিবেষ্টন করে ফেলল এবং তার উদ্যান ধ্রংস ও বিনষ্ট করে দিল।

فَاصْبَحَ يُقْلِبُ كَفِيهُ عَلَىٰ مَا أَنْفَقَ فِيهَا وَهِيَ خَاوِيَةٌ عَلَىٰ عَرْوَشِهَا

“এবং সে তাতে যা ব্যয় করেছিল তার জন্য আক্ষেপ করতে লাগল, যখন সেটি মাচানসহ ভূমিস্যাং হয়ে গেল।” অর্থাৎ সম্পূর্ণরূপে ধ্রংস হয়ে গেল, যার পুনঃ আবাদের কোন অবকাশই থাকল না। এটি হল তার প্রত্যাশার সম্পূর্ণ বিপরীত।

যখন সে বলেছিল, “আমি মনে করি না যে, এটি কখনও ধ্রংস হয়ে যাবে।” অবশ্যে সে মহান আল্লাহর সম্পর্কে তার ইতিপূর্বেকার কুফরী মন্তব্যের জন্য অনুত্তম হল এবং বলতে লাগল, يَا لَيْتَنِي لَمْ أُشْرِكْ بِرَبِّيْ أَحَدًِ “হায়! আমি যদি কাউকেও আমার প্রতিপালকের শরীক না করতাম!”

ولَمْ تَكُنْ لَهُ قُيَّةٌ يَنْصُرُونَهُ مِنْ دُونِ اللَّهِ وَمَا كَانَ :  
আল্লাহ তা'আলা বলেন مُنْتَصِرًا هُنَالِكَ “এবং আল্লাহ ব্যতীত তাকে সাহায্য করার কেউ ছিল না। এবং সে নির্জেও প্রতিকারে সমর্থ হল না সেখানে” অর্থাৎ যে দোষ সে করেছে তার ক্ষতিপূরণ করে দেয়ার মত কেউ ছিল না আর তার নিজেরও তা করার ক্ষমতা ছিল না। যেমন অন্যত্র আল্লাহ তা'আলা বলেন, “কোন শক্তিও নেই, সাহায্যকারীও নেই।”

আল্লাহ তা'আলা বলেন, “সাহায্য করার অধিকার একমাত্র আল্লাহরই।” কতক তাফসীরকার হُفَالَّكَ الْوَلَيَةُ لِلَّهِ الْحَقُّ থেকে নতুন বাক্য শুরু করেন। এরূপ পাঠ করাও উত্তম বর্তে যেমন আল্লাহ তা'আলা বলেন، الْمُلْكُ يَوْمَئِنَ الْحَقُّ، “সেদিন প্রকৃত কর্তৃত্ব হবে দয়াময়ের এবং কাফিরদের জন্য সেদিন হবে কঠিন।” তখন কোন অবস্থাতেই তার নির্দেশ রদ করা যাবে না, বাধা দেয়া যাবে না। এবং কেউ তা লংঘন করতে পারবে না আর সর্বাবস্থায়ই যথার্থ কর্তৃত আল্লাহরই। অবশ্য কতক তাফসীরকার শব্দকে **الْوَلَيَةُ** শব্দের বিশেষণরূপে পেশ যুক্তভাবে পাঠ করেছেন। এ দুটো পরম্পর ওত্থোতভাবে জড়িত।

আল্লাহ তা'আলার বাণী **“هُوَ خَيْرُ شَوَابًا وَخَيْرُ عُقْبًا”** “পুরুষ দানে ও পরিণাম নির্ধারণে তিনিই শ্রেষ্ঠ।”<sup>১</sup> অর্থাৎ ছওয়ার তথা প্রতিদানের দিক থেকে এবং পরিণাম তথা দুনিয়া ও আখিরাতে শেষ ফল রূপে তাঁর আচরণ উদ্যান মালিকের জন্যে উত্তম ও কল্যাণকর।

এ ঘটনার অন্তর্নিহিত শিক্ষা এই যে, দুনিয়ার জীবনের প্রতি আকৃষ্ট হওয়া এবং এর ধোকায় পড়া এবং এর প্রতি ভরসা করা কারো জন্যে উচিত নয়। বরং সর্বাবস্থায় আল্লাহর আনুগত্য এবং তাঁর ওপর তাওয়াক্কুল ও ভরসা রাখাকে জীবনের একমাত্র লক্ষ্য রূপে নির্ধারণ করবে। নিজের হাতে যা আছে তার প্রতি নয় বরং আল্লাহর নিকট যা আছে তার প্রতিই অধিকতর আস্থাশীল থাকা উচিত। উক্ত ঘটনায় এ শিক্ষাও রয়েছে যে, কোন ব্যক্তি আল্লাহর আনুগত্য ও তাঁর পথে ব্যয় করার বিপরীতে অন্য কিছুকে অগ্রাধিকার দিলে তার জন্যে তাকে শাস্তি ভোগ করতে হবে। কখনো কখনো তার আশা আকাঞ্চ্ছার বিপরীতে তার ওই ধন-সম্পদ উঠিয়ে নেয়া হবে।

আলোচ্য ঘটনায় এ শিক্ষাও রয়েছে যে, সহানুভূতিশীল ও কল্যাণকামী ভাইয়ের উপদেশ মেনে চলা কর্তব্য। তার বিরোধিতা ঐ নসীহত প্রত্যাখ্যানকারীর জন্যে দুঃখ ও ধূংস ডেকে আনে। এতে এ ইঙ্গিতও রয়েছে যে, নির্ধারিত শেষ সময় যখন এসে যাবে এবং নির্দেশ যখন কার্যকর হয়ে যাবে তখন অনুতঙ্গ হলেও কোন লাভ হবে না। আল্লাহই সাহীয়কারী তাঁর উপরই ভরসা।

### উদ্যান মালিকদের ঘটনা

আল্লাহ তা'আলা বলেন :

إِنَّ بَلَوْنَا هُمْ كَمَا بَلَوْنَا أَصْحَابَ الْجَنَّةِ. إِذَا قُسِّمُوا لِيَصْرِمُنَّهَا مُصْبِحِينَ. وَلَا يَسْتَثْنُونَ. فَطَافَ عَلَيْهَا طَائِفٌ مِنْ رَبِّكَ وَهُمْ نَائِمُونَ. فَأَصْبَحَتْ كَالصَّرِيرِمِ. فَتَنَادَوْا مُصْبِحِينَ. أَنْ اغْدُوا عَلَى حَرْثِكُمْ إِنْ كُنْتُمْ صَرِمِينَ. اِنْطَلِقُوا وَهُمْ يَتَخَافَّتُونَ. أَنْ لَا يَدْخُلُنَّهَا الْيَوْمَ عَلَيْكُمْ مِسْكِينٌ. وَغَدَوْا عَلَى حَرْدٍ قُدْرِينَ. فَلَمَّا رَأَوْهَا قَالُوا إِنَّا لَخَائِلُونَ. بَلْ نَحْنُ مَحْرُومُونَ. قَالَ أَوْسْطَهُمْ أَلْمَ أَقْلُ لَكُمْ لَوْلَا تُسِّحُونَ. قَالُوا سُبْحَنَ رَبِّنَا إِنَّا كُنَّا ظَلَمِينَ. فَاقْبَلَ بَعْضُهُمْ عَلَى بَعْضٍ يَتَلَّا وَمُؤْنَ. قَالُوا يَوْمَنَا إِنَّا كُنَّا طَغِيْنَ. عَسَى رَبُّنَا أَنْ يُبْدِلَنَا خَيْرًا مِنْهَا إِنَّا إِلَى رَبِّنَا رَاغِبُونَ. كَذَلِكَ الْعَذَابُ - وَلَعَذَابُ الْآخِرَةِ أَكْبَرُ - لَوْكَانُوا يَعْمَلُونَ

“আমি ওদেরকে পরীক্ষা করেছি যেভাবে পরীক্ষা করেছিলাম উদ্যান মালিকদেরকে। যখন তারা শপথ করেছিল যে, ওরা প্রত্যুষে আহরণ করবে বাগানের ফল, এবং তারা ইনশাআল্লাহ বলেন। অতঃপর আপনার প্রতিপালকের নিকট থেকে এক বিপর্যয় হানা দিল সেই উদ্যানে, যখন তারা ছিল নিন্দিত। ফলে সেটি দম্প হয়ে কাল বর্ণ ধারণ করল। প্রত্যুষে ওরা একে

অপরকে ডেকে বলল, তোমরা যদি ফল আহরণ করতে চাও তবে সকাল সকাল বাগানে চল। অতঃপর ওরা চলল নিম্নস্থরে কথা বলতে বলতে। অদ্য যেন তোমাদের নিকট কোন অভাবস্তু এতে প্রবেশ করতে না পারে। তারপর ওরা নিবৃত্ত করতে সক্ষম এ বিশ্বাস নিয়ে প্রভাতকালে বাগানে যাত্রা করল। ওরা যখন বাগানের অবস্থা প্রত্যক্ষ করল। তখন বলল, আমরা তো দিশা হারিয়ে ফেলেছি। বরং আমরা তো বঞ্চিত। ওদের শ্রেষ্ঠ ব্যক্তি বলল, আমি কি তোমাদের বলিনি, এখনও তোমরা আল্লাহর পবিত্রতা ও মহিমা ঘোষণা করছ না কেন? তখন ওরা বলল, আমরা আমাদের প্রতিপালকের পবিত্রতা ও মহিমা ঘোষণা করছি, আমরা তো সীমালংঘনকারী ছিলাম। তারপর ওরা একে অপরের প্রতি দোষারোপ করতে লাগল। ওরা বলল, হায়! দুর্ভোগ আমাদের। আমরা তো ছিলাম সীমালংঘনকারী। সম্ভবত আমাদের প্রতিপালক আমাদেরকে দিবেন উৎকৃষ্টতর বিনিয়য়। আমরা আমাদের প্রতিপালকের অভিমুখী হলাম। শাস্তি এরপই হয়ে থাকে এবং আবিরাতের শাস্তি কঠিনতর। যদি তারা জানত।”<sup>১</sup> এটি একটি উপমা। কুরায়শ বংশীয় কাফিরদের জন্যে আল্লাহ তাআলা এ উপমাটি বর্ণনা করেছেন। কারণ আল্লাহ তাআলা সম্মানিত রাসূল প্রেরণ করে তাদের প্রতি অনুগ্রহ করেছেন। কিন্তু এর বিপরীতে তারা রাসূলকে প্রত্যাখ্যান ও তাঁর বিরোধিতা করেছে। যেমন আল্লাহ তাঁ‘আলা বলেন :

الَّمْ تَرَ إِلَى الَّذِينَ بَدَلُوا نِعْمَةَ اللَّهِ كُفَّرًا وَأَحْلَلُوا قَوْمَهُمْ رَأْرَ الْبَوَارِ  
جَهَنَّمَ يَصْلُونَهَا - وَبِئْسَ الْقَرَارِ .

“তুমি কি ওদের লক্ষ্য করো না যারা আল্লাহর অনুগ্রহের বদলে অকৃতজ্ঞতা প্রকাশ করে এবং ওরা ওদের সম্প্রদায়কে নামিয়ে আনে ধ্বংসের ক্ষেত্রে। জাহান্নামে যার মধ্যে ওরা প্রবেশ করবে, কত নিকৃষ্ট এই আবাসস্থল!”<sup>২</sup>

হযরত ইবন আবিদাস (রা) বলেন, এখানে কুরায়শ বংশীয় কাফিরদেরকে বুঝানো হয়েছে। তাদেরকে আল্লাহ তাআলা একটি উদ্যানের মালিকের সাথে তুলনা করেছেন। এমন একটি উদ্যান যার মধ্যে রয়েছে নানা জাত ও নানা রঙের ফলমূল ও শস্য। সেগুলো পরিপন্থ ও কর্তন যোগ্য হয়ে উঠেছিল।

এ প্রেক্ষিতে আল্লাহ তাআলার বর্ণনা “إِنْ أَقْسَمُواْ ” “যখন তারা শপথ করেছিল” নিজেদের মধ্যে সংগ্রহ করবে তারা আহরণ করবে বাগানের ফল” অর্থাৎ ফল কেটে ঘরে তুলবে তথা শস্য সংগ্রহ করবে “مُصْنِحِينَ ” “অর্থাৎ ভোর বেলায়” যাতে কোন ফকীর কিংবা অভাবী লোক তাদেরকে দেখতে না পায়, এবং ওদেরকে কিছু দিতে না হয়। তারা এ বিষয়ে শপথ করেছে বটে কিন্তু তাতে ইনশাআল্লাহ বলেনি। ফলে আল্লাহ তাদেরকে লক্ষ্য অর্জনে ব্যর্থ করে দিলেন। তাদের বাগানে প্রেরণ করলেন আপদ ও দুর্যোগ। ঐ দুর্যোগে উদ্যানটি বিরান হয়ে যায়। ঐ আপদটি ছিল জুলাত আঙুন। এটি বাগানকে সম্পূর্ণরূপে ধ্বংস করে দেয়। ফলে কাজে আসার মত কিছুই অবশিষ্ট থাকল না।

১. ৬৮ কালাম ১৭-৩৩

২. ১৪ ইবরাহীম ২৭৮-২৯

فَطَافَ عَلَيْهَا طَائِفٌ مِنْ رَبِّكَ وَهُمْ نَائِمُونَ  
 “ফলে সেটি পুড়ে গিয়ে কালো বর্ণ ধারণ করল” অর্থাৎ অঙ্ককার রাত্রিয় মত কাল হয়ে গেল। এটি হল তাদের আশা আকাঞ্চ্ছার বিপরীত। فَتَنَاهُوا مُصْبِحِينَ “প্রত্যুষে তারা একে অপরকে ডেকে বলল” অর্থাৎ তারা খুব ভোরে ঘুম থেকে উঠল এবং একে অপরকে ডেকে বলল সংগ্রহের কাজ শেষ কর। أَنِ اغْدُوا عَلَى حَرْثِكُمْ إِنْ كُنْتُمْ صَارِمِينَ “তারপর অর্থাৎ তারা চুপি চুপি এ কথা বলতে বলতে যাত্রা করল” (أَلَيْكُمْ مَسْكِينًا) অর্থাৎ তারা সবাই এ বিষয়ে পরামর্শ করে যে ফকীররা যেন কোনভাবেই চুকতে না পারে। একমত হল وَغَدُواْ أَعْلَى حَرْدَ قَادِرِينَ “অতঃপর তারা নিবৃত্ত করতে সক্ষম এ বিশ্বাস নিয়ে প্রভাতকালে বাগানে যাত্রা করল” অর্থাৎ তারা এই অসৎ মতলব মনে মনে এঁটে তা বাস্তবায়নে সক্ষম মনে করে যাত্রা করল। তাফসীরকার ইকরামা ও শাবী (র) বলেন, আয়াতের অর্থ হল, ফকীর-মিসকীনদের প্রতি ক্রুদ্ধ মনোভাব নিয়ে তারা রওয়ানা করল। তাফসীরকার সুন্দী (র) বলেছেন যে, ওদের বাগানের নাম ছিল হারদ (حرد). তবে তার এ বক্তব্য কষ্টকল্পিত ও বাস্তবতা বর্জিত।

أَرْثَادَ بَلْ خُلِنَّا الْيَوْمَ عَلَيْكُمْ مَسْكِينًا  
 অর্থাৎ বাগানের অবস্থা প্রত্যক্ষ করল এবং নিজেদের মন্দ নিয়াতের প্রেক্ষিতে সুদৃশ্য, সবুজ শ্যামল ও মনোরম বাগান যে দুঃখজনক পরিণতি লাভ করেছে তা দেখল তখন তারা লালু লালু তারা বলল, আমরা তো দিশা হারিয়ে ফেলেছি আমরা আমাদের বাগানে পৌছতে ব্যর্থ হয়েছি এবং অন্য পথে চলে এসেছি।

“বরং আমরা তো বপ্তি” অর্থাৎ আমাদের অসৎ উদ্দেশ্যের জন্য আমরা শাস্তি প্রাপ্ত হয়েছি এবং ফসলের বরকত থেকে বপ্তি হয়েছি। قَالَ أَوْسَطُهُمْ  
 “ওদের মধ্যম ব্যক্তি বলল” হ্যরত ইবন আবুবাস (রা) মুজাহিদ ও অন্যান্য তাফসীরকারের মতে এর অর্থ তাদের সর্বাধিক ন্যায়পরায়ণ ও শ্রেষ্ঠতম ব্যক্তি বলল, أَلْمَ أَقْلُ  
 “আমি কি তোমাদেরকে বলিনি? এখনও তোমরা আল্লাহর পবিত্রতা ও মহিমা ঘোষণা করছ না কেন?” কতক তাফসীরকার বলেন, এর অর্থ তোমরা ইনশাআল্লাহ বলছ না কেন? মুজাহিদ (র) সুন্দী (র) ও ইবন জারীর (র)-এর মতে। অন্য কতক তাফসীরকার বলেন, তোমরা ইতিপূর্বে যে মন্দ কথা বলেছ তার পরিবর্তে এখন ভাল কথা বলছ না কেন?

قَالُوا سُبْحَنَ رَبِّنَا إِنَّا كُنَّا ظَمِينِينَ. فَأَقْبَلَ بَعْضُهُمْ عَلَى بَعْضٍ  
 قَالُوا يُوَيْلَنَا إِنَّا كُنَّا طَغِينِ.  
 “তখন ওরা বলল, আমরা আমাদের প্রতিপালকের পবিত্রতা ও মহিমা ঘোষণা করছি। আমরা তো সীমালংঘনকারী ছিলাম। তারপর ওরা একে অপরের প্রতি দোষারোপ করতে লাগল। ওরা বলল, হায়! দুর্ভোগ আমাদের, আমরা তো ছিলাম সীমালংঘনকারী।” তারা তাদের

কৃতকর্মের জন্যে এমন সময় লজিত হল ও অনুতপ্ত হল যখন অনুতপ্ত হওয়ায় তাদের কোন লাভ হলো না। শাস্তি ভোগের পর তারা দোষ স্বীকার করল। তখন দোষ স্বীকারে কোন কাজ হয় না।

কথিত আছে যে, ওরা পরম্পরে ভাই ছিল। পিতার মৃত্যুর পর তারা এ বাগানের মালিকানা লাভ করে। তাদের পিতা এ বাগান থেকে প্রচুর ফলমূল সাদকা করতেন। তারা এটির মালিক হওয়ার পর পিতার কাজকে তারা বোকায়ী মনে করল এবং দরিদ্রদেরকে না দিয়ে সম্পূর্ণ ফল নিজেরাই ঘরে তোলার ইচ্ছা করেছিল। ফলে আল্লাহ তাআলা তাদেরকে ঐ কঠিন শাস্তি প্রদান করলেন। এ কারণেই আল্লাহ তাআলা ফলের সাদকা প্রদানের নির্দেশ দিয়েছেন এবং ফল কাটার দিবসে সাদকা প্রদানে উৎসাহিত করেছেন।

يَكُلُّوْ مِنْ شَمْرَه اذَا آتَمْرَ وَاتُواْ حَقَّهُ يَوْمَ حَصَادِهِ  
 “যখন সেটি ফলবান হয় তখন সেটির ফল আহরণ করবে এবং ফসল তোলা দিনে সেটির হক আদায় করবে।”<sup>১</sup> কতক তাফসীরকার বলেন, এই উদ্যানের মালিকগণ ইয়ামানের যারওয়ান নামক জনপদের অধিবাসী ছিল। অন্য কতক তাফসীরকারের মতে, তারা ছিল আবিসিনিয়ার অধিবাসী। আল্লাহই সর্বজ্ঞ। আল্লাহ তাআলা বলেন “كَذَلِكَ الْعَذَابُ” “শাস্তি এরূপই হয়ে থাকে” অর্থাৎ যে আমার নির্দেশের বিরুদ্ধাচারণ করে এবং সৃষ্টি জর্গতের অভাবীদের প্রতি দয়া প্রদর্শন না করে তাকে আমি এভাবেই শাস্তি দিয়ে থাকি। “وَالْعَذَابُ أَلَّا خَرَأْ أَكْبَرُ” “এবং আখিরাতের শাস্তি কঠিনতর” অর্থাৎ দুনিয়ার আয়াব অপেক্ষা অধিক ভয়াবহ ও স্থায়ী লুকানুঁ “যদি তারা জানত তাহাতে যাই মুম্বুন”

আলোচ্য উদ্যান মালিকদের ঘটনা আল্লাহ তাআলার বাণী আয়াতদ্বয়ে বর্ণিত ঘটনার অনুরূপ। আল্লাহ তাআলা উক্ত আয়াতদ্বয়ে বলেছেন :

صَرَبَ اللَّهُ مَثَلًا قَرِيْةً كَانَتْ أَمْنَةً مُطْمَئِنَةً يَأْتِيهَا رِزْقُهَا رَغْدًا مِنْ كُلِّ  
 مَكَانٍ فَكَفَرَتْ بِاَنْفُسِهَا اللَّهُ لِبَاسُ الْجُوعِ وَالْخَوْفُ بِمَا كَانُوا  
 يَصْنَعُونَ . وَلَقَدْ جَاءَهُمْ رَسُولٌ مِنْهُمْ فَكَذَبُوهُ فَلَا خَذَّهُمُ الْعَذَابُ وَهُمْ  
 طَلَمُونَ .

“আল্লাহ দৃষ্টান্ত দিচ্ছেন এক জনপদের যা ছিল নিরাপদ ও নিশ্চিত, যেখানে আসত সব দিক থেকে প্রচুর জীবনোপকরণ : তারপর তারা আল্লাহর অনুগ্রহ অস্বীকার করল। ফলে তারা যা করত তার জন্যে আল্লাহ তাদেরকে আস্বাদ গ্রহণ করালেন ক্ষুধা ও ভীতির আচ্ছাদনের। তাদের নিকট তো এসেছিল এক রাসূল, তাদেরই মধ্য হতে, কিন্তু তারা তাকে অস্বীকার করেছিল, ফলে সীমা লংঘন করা অবস্থায় শাস্তি তাদেরকে গ্রাস করল।”<sup>২</sup> কোন কোন তাফসীরকার বলেছেন, এটি একটি উপমা। মক্কাবাসীদের নিকট এই উপমাটি পেশ করা হয়েছে। অপর

১. ৬ আনন্দাম ১৪১

২. ১৬ নাহল ১১২-১১৩

কতক তাফসীরকার বলেন, আলোচ্য দৃষ্টান্ত দ্বারা মক্কাবাসীদেরকেই বুঝানো হয়েছে। তাদেরকে এবং তাদের কাজ কর্মকেই তাদের নিকট দৃষ্টান্ত রূপে পেশ করা হয়েছে। এ উভয় মতের মধ্যে কোন বিরোধ নেই। আল্লাহই সঠিক জানেন।

## সাব্ত<sup>১</sup> বিষয়ক সীমা লংঘনকারী আঘলা অধিবাসীদের ঘটনা

সুরা আরাফে মহান আল্লাহ তাআলা বলেন,

وَسْتَلَهُمْ عَنِ الْقَرْيَةِ الَّتِي كَانَتْ حَاضِرَةً الْبَحْرِ إِذْ يَعْدُونَ فِي السَّبْتِ  
إِذْ تَأْتِيهِمْ حِيتَانُهُمْ يَوْمَ سَبْتِهِمْ شُرُعًا وَيَوْمَ لَا يَسْبِتُونَ لَا تَأْتِيهِمْ . كَذَلِكَ  
تَبْلُوهُمْ بِمَا كَانُوا يَفْسُقُونَ . وَإِذْ قَاتَلَتْ أُمَّةٌ مِنْهُمْ لِمَ تَعْظُلُونَ قَوْمَانَ اللَّهِ  
مُهْلِكُهُمْ أَوْ مُعِذَّبُهُمْ عَذَابًا شَدِيدًا - قَالُوا مَعْذِرَةً إِلَى رَبِّكُمْ وَلَعَلَّهُمْ يَتَّقَوْنَ .  
فَلَمَّا نَسُوا مَا ذَكَرُوا بِهِ أَنْجَيْنَا الَّذِينَ يَنْهَوْنَ عَنِ السُّوءِ وَأَخْذَنَا الَّذِينَ  
ظَلَمُوا بِعِذَابٍ بِئْسٌ بِمَا كَانُوا يَفْسُقُونَ . فَلَمَّا عَتَوْا عَنْ مَا نُهُوا عَنْهُ قُلْنَا  
لَهُمْ كُوْنُوا قَرَدةً خَاسِئِينَ

“তাদেরকে সমুদ্র তীরবর্তী জনপদবাসীদের স্বরূপে জিজেস কর, তারা শনিবারে সীমালংঘন করত। শনিবার উদযাপনের দিন মাছ পানিতে ভেসে তাদের নিকট আসত। কিন্তু যেদিন তারা শনিবার উদযাপন করত না। সেদিন মাছগুলো তাদের নিকট আসত না। এভাবে তাদেরকে পরীক্ষা করেছিলাম, যেহেতু তারা সত্য ত্যাগ করত।

শ্঵রণ কর, তাদের একদল বলেছিল, আল্লাহ যাদেরকে ধ্রংস করবেন: কিংবা কঠোর শাস্তি দিবেন, তোমরা তাদেরকে সদুপদেশ দাও কেন? তারা বলেছিল, তোমাদের প্রতিপালকের নিকট দায়িত্ব মুক্তির জন্য এবং যাতে তারা সাবধান হয় এ জন্যে। যে উপদেশ তাদেরকে দেয়া হয়েছিল তারা যখন সেটি বিশ্বৃত হয় তখন যারা অসৎ কার্য থেকে নিবৃত্ত করত তাদেরকে আমি উদ্বার করি এবং যারা জুলুম করে তারা কুফরী করত বলে আমি তাদেরকে কঠোর শাস্তি দেই। তারা যখন নিষিদ্ধ কার্য ঔদ্ধত্য সহকারে করতে লাগল তখন তাদেরকে বললাম, ঘৃণিত বানর হও।

وَلَقَدْ عَلِمْتُمُ الَّذِينَ أَنْدَوْا مِنْكُمْ فِي السَّبْتِ  
فَقُلْنَا لَهُمْ كُوْنُوا نُمَا قَرَدةً خَاسِئِينَ . فَجَعَلْنَاهَا نَكَالًا لِمَا بَيْنَ بَدِيهَا وَمَا خَلْفَهَا

১. সাব্ত শব্দের অর্থ শনিবার। এটি ইয়াহুদীদের সাংগীতিক ইবাদাতের জন্য নির্দিষ্ট ছিল।

২. ৭ আরাফ ১৬৩-১৬৬

৩. ২ বাকারা ৬৫

“তোমাদের মধ্যে যারা শনিবার সম্পর্কে সীমালংঘন করেছিল তাদেরকে তোমরা নিশ্চিতভাবে জান। আমি তাদেরকে বলেছিলাম, তোমরা ঘৃণিত বানর হও। আমি এটি তাদের সমসাময়িক ও পরবর্তীগণের শিক্ষা গ্রহণের জন্য দৃষ্টান্ত ও মুত্তাকীদের জন্যে উপদেশ স্বরূপ করেছি।”<sup>৩</sup>

অন্যত্র আল্লাহ তাআলা বলেন **كَمَا لَعَنَهُمْ كَمَا لَعَنَّا أَصْحَابَ السَّبْتِ وَكَانَ أَمْرٌ اللَّهُ مَفْعُولٌ** “অথবা সাব্তওয়ালাদেরকে সেরূপ লানত করেছিলাম যেরূপ তাদেরকে লানত করার পূর্বে। আল্লাহর আদেশ কার্যকরী হয়েই থাকে।”

ইবন আবুস, মুজাহিদ, ইকবীমা, কাতাদা, সুদী (র) ও অনান্য মুফাসিসরগণ বলেছেন, এরা ছিল আয়লা বা ঈলা (Elath) অধিবাসী। ইবন আবুস (রা) এও বলেছেন যে, স্থানটি মাদয়ান ও তূর এর মধ্যস্থলে অবস্থিত। তাফসীরকারগণ বলেন, সে যুগে তাওরাতের শিক্ষা অনুযায়ী তারা শনিবারে পার্থিব কাজকর্ম হারাম জ্ঞান করত। ফলে মাছ এ দিবসে তাদের পক্ষ থেকে নিরাপদ ও স্বস্তিতে থাকত। কারণ ঐ দিন মাছ শিকার করা তাদের জন্যে হারাম ছিল। সকল প্রকারের কাজ-কর্ম ব্যবসা-বাণিজ্য ও আয়-উপার্জন সেদিনের জন্যে হারাম ছিল। শনিবারে প্রচুর মাছ তাদের সমুদ্র তীরবর্তী আবাসিক এলাকার কাছাকাছি চলে আসত এবং নির্ভয়ে-নিরাপদে এদিক-ওদিক ঘোরাফেরা করত। তারা ওগুলো ধরতও না ওগুলোকে ভীতি প্রদর্শনও করতো না।

“যেদিন তারা শনিবার উদযাপন করত না সেদিন তাদের নির্কট মাছও আসর্ত না” এ জন্যে যে, শনিবার ব্যতীত অন্যান্য দিনে তারা মাছ শিকার করত। আল্লাহ তাআলা বলেন **كَذَلِكَ نَبْلُوْهُمْ** “এভাবে আমি তাদেরকে পরীক্ষা করেছিলাম।” অর্থাৎ শনিবারে প্রচুর মাছের আনাগোনার ব্যবস্থা করার মাধ্যমে তাদেরকে যাচাই করেছিলাম। “যেহেতু তারা সত্য ত্যাগ করত।” অর্থাৎ তাদের ইতিপূর্বেকার সত্যত্যাগের কারণে।

তারা শনিবারে প্রচুর মাছের সমাহার দেখে শনিবারেই তারা মাছ শিকারের ফন্দি খোঁজে। তারা রশি, জাল ও বড়শী তৈরি করে এবং খালও খনন করে রাখে। ঐ খাল হয়ে পানি যেন তাদের তৈরি শিকার ক্ষেত্রে পৌছে। পানির সাথে মাছ তাদের প্রস্তুতকৃত শিকার ক্ষেত্রে গিয়ে পৌছলে যেন বের হতে না পারে।

পরিকল্পনা মুত্তাবিক তারা সব কিছু তৈরি করে নেয়। শুক্রবারে তারা যন্ত্রপাতি ও সকল কৌশল কার্যকর করত। শনিবারে নির্ভয়ে মাছগুলো যখন উপস্থিত হত তখন শিকার ক্ষেত্রের মুখ বন্ধ করে দেয়া হত। শনিবার চলে গেলে তারা মাছগুলো ধরে আনত।

আল্লাহ তাআলা তাদের প্রতি অসন্তুষ্ট হলেন এবং তাদেরকে লানত দিলেন। কারণ তারা আল্লাহর নির্দেশের বিরুদ্ধে এমন কৌশল অবলম্বন করেছিল বাহ্যিকভাবে তা কৌশলই মনে হবে কিন্তু মূলত সেটি ছিল আল্লাহর নির্দেশের স্পষ্ট বিরুদ্ধাচরণ।

তাদের একদল এ সকল কাজ করার পর যারা তা করেনি তারা দু'দলে বিভক্ত হয়ে যায়। একদল ওদের এ অপকর্ম এবং আল্লাহর নির্দেশের ও তার শরীয়তের বিরোধিতা করাকে প্রত্যাখ্যান করে। অপর দল নিজেরা ঐ অপকর্মে লিঙ্গ হয়নি, আবার অপকর্মে লিঙ্গদেরকে বাধাও দেয়নি। বরং যারা বাধা দিয়েছিল তারা তাদেরকে তিরক্ষা করেছিল। এবং বলেছিল :

لَمْ تُعْطُوْنَ قَوْمَانِ اللَّهِ مُهْلِكُهُمْ أَوْ مُعْذَبُهُمْ عَذَابًا شَدِيدًا

“আল্লাহ যাদেরকে ধ্রংস করবেন কিংবা কঠোর শাস্তি দিবেন তোমরা তাদেরকে সদুপদেশ দাও কেন?” অর্থাৎ তাদেরকে বাধা দানে লাভ কি? তারা নিশ্চিতভাবে শাস্তি ভোগের উপযুক্ত হয়েছে। বাধাদানকারী দল উভয় দিল যে, “**مَعْذَرَةُ إِلَيْ رَبِّكُمْ**,” তোমাদের প্রতিপালকের নিকট দায়িত্ব মুক্তির জন্যে।” অর্থাৎ আমাদেরকে সৎকার্জের আদেশ ও অসৎকার্জের বাধাদানের যে দায়িত্ব দেয়া হয়েছে আল্লাহর শাস্তির ভয়ে আমরা সে দায়িত্বই পালন করছি। **وَلَعَلَّهُمْ يَتَقْوُنْ** “এবং যাতে তারা সাবধান হয়” অর্থাৎ এমনও হতে পারে যে, তারা তাদের অপকর্ম থেকে বিরত হবে। তারা যদি আমাদের উপদেশ গ্রহণ করে এবং অপকর্ম থেকে ফিরে আসে তবে আল্লাহ তাদেরকে ক্ষমা করবেন এবং তাঁর আয়ার থেকে তাদেরকে রক্ষা করবেন।

আল্লাহ তাআলা বলেন **فَلَمَّا نَسُوا مَاذَكَرُوا بِهِ** “যে উপদেশ তাদেরকে দেয়া হয়েছিল তারা যখন তা বিস্ম্যত হয়।” অর্থাৎ যারা এ গর্হিত অপকর্ম থেকে বারণ করেছিল তাদের প্রতি কর্ণপাত করেনি। **أَنْجَيْنَا الَّذِينَ يَنْهَوْنَ عَنِ السُّوءِ** “তখন যারা অসৎকর্ম থেকে নিবৃত্ত করত আমি তাদেরকে উদ্ধার করি।” এরা হল সৎ কার্জে আদেশ দানকারী ও অসৎকার্জে নিবৃত্তকারী দল। **وَآخَذْنَا الَّذِينَ ظَلَمُوا بِعَذَابٍ بَيْسِيسٍ** “এবং যারা জুলুম করে অর্থাৎ দুর্কর্ম করেছে আমি তাদেরকে কঠিন শাস্তি দিই।” অর্থাৎ যত্নাদায়ক শাস্তি। **بِمَا كَانُوا** **يَفْسُقُونَ** “তারা সীমালজ্বন করত বলে তারপর আল্লাহ তাআলা তাদের উপর আপত্তি শাস্তির বিবরণ দিচ্ছেন এই বলে তখন তাদেরকে উদ্ধার করতে লাগল তখন তাদেরকে বললাম, **فَلَمَّا عَتَوْا عَمَّا نَهَا عَنْهُ قُلْنَا لَهُمْ كُونُوا قَرَدَةً** “খাসীন যখন তারা নিষিদ্ধ কার্য উদ্দেশ্য সহকারে করতে লাগল তখন তাদেরকে বললাম, ঘৃণিত বানর হয়ে যাও” এ সম্পর্কে আরও যে সকল আয়াত এসেছে একটু পরেই আমরা সেগুলো উল্লেখ করব।

মোদাকথা, আল্লাহ তাআলা জানিয়ে দিলেন যে, যারা জালিম ছিল তিনি তাদেরকে ধ্রংস করেছেন আর তাদের অপকর্ম প্রত্যাখ্যানকারী স্ট্রান্ডারদেরকে তিনি রক্ষা করেছেন। কিন্তু নিরবতা অবলম্বনকারী স্ট্রান্ডারগণের ব্যাপারে কিছু বলেননি। ফলে নিরবতা অবলম্বনকারী স্ট্রান্ডারগণের পরিণতি সম্পর্কে আলিমগণের দু'টি মত রয়েছে, একদল বলেন, এরা উদ্ধার প্রাপ্তদের সাথে উদ্ধার লাভ করেছেন, আর অপর দল বলেন, তারা ধ্রংস প্রাপ্তদের সাথে ধ্রংস হয়েছে। মুহাক্কিক আলিমগণের মতে প্রথম অভিমতটি সঠিক। শ্রেষ্ঠ তাফসীরকার হযরত ইবন আবুআস (রা) শেষ পর্যন্ত এ অভিমতটি গ্রহণ করেছেন। তাঁর আয়াদকৃত দাস ইকরামার সাথে যুক্তি তর্কের প্রক্ষিতে তিনি এ সিদ্ধান্তে পৌছেন। এজন্যে ইকরামা (রা)-কে তিনি এক জোড়া উচ্চ মূল্যের পোশাক দানে সম্মানিত করেন।

আমার মতে, নীরবতা অবলম্বনকারী দলকে নাজাত প্রাপ্তদের অন্তর্ভুক্ত উল্লেখ করা হয়নি এ জন্যে যে, তারা অন্তরে ওদের অশীলতাকে অপছন্দ করেছিল বটে, কিন্তু তাদের উচিত ছিল বাহ্যিক দিকটাকেও অন্তরের দিকের ন্যায় মৌখিকভাবে প্রত্যাখ্যানের স্তরে উন্নীত করা। এটি অবশ্য মধ্যম স্তরের অবস্থান। সর্বোচ্চ স্তর হল অন্যায় কাজকে সরাসরি শক্তি প্রয়োগে বাধা দান, এর পরের স্তর হল মুখে প্রতিবাদ করা এবং তৃতীয় স্তর হল অন্তরে ঘৃণা করা।

আলোচ্য নীরবতা অবলম্বনকারী লোকদের কথা যখন স্পষ্টভাবে উল্লেখ করা হয়নি তখন নিশ্চয়ই তারা নাজাতপ্রাপ্তদের অন্তর্ভুক্ত। কারণ তারা অশীল কাজে অংশ গ্রহণ করেনি বরং অশীলতাকে ঘৃণা করেছিল।

আবদুর রাজ্জাক আতা খুরাসানী (র) সূত্রে বর্ণনা করেন যে, যারা উল্লেখিত অপকর্ম ও পাপাচারে লিঙ্গ হয়েছিল শহরের অন্য অধিবাসীরা তাদেরকে সমাজচ্যুত করেছিল এবং কেউ কেউ তাদেরকে ঐ অপকর্মে বাধাও দিয়েছিল। কিন্তু তারা ঐ উপদেশ গ্রহণ করেনি।

বাধা দানকারীরা একটি পৃথক স্থানে রাত্রি যাপন করত এবং অপরাধী ও নির্দোষদের মাঝে অন্তরায় স্বরূপ স্থাপিত দরজাগুলো রাতে বন্ধ করে রাখত। কারণ, তারা অপকর্মকারীদের ধ্বংসের অপেক্ষায় ছিলেন। একদিন ভোরবেলা দেখা গেল ওদের দিককার দরজা বন্ধ। ওরা দরজা খোলেনি। অনেক বেলা হয়ে গেল। শহরের অধিবাসিগণ একজন লোককে ওদের সিঁড়িতে ওঠে ওপর থেকে তাদের অবস্থা জেনে নিতে নির্দেশ দিল। উপরে উঠে সে দেখতে পেল যে, ওরা সবাই লেজ বিশিষ্ট বানরে পরিণত হয়ে রয়েছে। তারা লাফালাফি ও দৌড়াদৌড়ি করছিল। শেষে ওদের দরজা খোলা হল। বানরেরা তাদের আত্মীয় স্বজন ও ঘনিষ্ঠ লোকদেরকে চিনতে পেরেছিল কিন্তু আত্মীয় স্বজনেরা ওদেরকে চিনতে পারেনি। ওরা অসহায়ভাবে আত্মীয় স্বজনের নিকট আশ্রয় চাহিল ও কাকুতি-মিনতি করছিল। অপকর্মে বাধা দানকারী লোকেরা ভর্তসনার স্বরে বলছিল, আমরা কি তোমাদেরকে অপকর্মে নিষেধ করিনি? মাথা নেড়ে বানরেরা সায় দিচ্ছিল যে, হ্যাঁ, নিষেধ করেছিলে।

এতটুকু বলে হ্যরত আবদুল্লাহ ইবন আবাস (রা) কেঁদে ফেললেন। তিনি বললেন, আমরা তো এখন বহু অন্যায় ও গর্হিত কাজ দেখছি কিন্তু তা প্রতিরোধও করছি না এবং ঐ বিষয়ে কোন কথাও বলছি না। আওফী (র) হ্যরত ইবন আবাস (রা)-এর উদ্ধৃতি দিয়ে বলেন, ঐ জনপদের যুবকরা বানরে পরিণত হয়েছিল, আর বৃদ্ধরা পরিণত হয়েছিল শূকরে।

ইবন আবী হাতিম ....ইবন আবাস (রা) সূত্রে বর্ণনা করেন যে, তিনি বলেছেন, তারা অল্প সময় জীবিত থেকেই মরে গিয়েছিল। ওদের আর কোন বংশধর হয়নি।

যাহ্হাক (র) হ্যরত ইবন আবাস (রা) সূত্রে বর্ণনা করেন যে, বানরে রূপান্তরিত মানুষগুলো তিনদিনের বেশি জীবিত থাকেন। এদের খাদ্য ও পানীয় গ্রহণের কোন সুযোগ হয়নি। ওদের কোন বংশধরও হয়নি। সূরা বাকারা ও সূরা আরাফের তাফসীরে আমরা এ সম্পর্কিত বর্ণনাগুলো বিস্তারিত আলোচনা করেছি।

ইবন আবি হাতিম ও ইবন জারীর.... মুজাহিদ (র) সূত্রে বর্ণনা করেন, তিনি বলেন মূলত ঐ লোকগুলোর অন্তঃকরণ সমূহ বিকৃত করে দেয়া হয়েছিল। দৈহিকভাবে বানর ও শূকরে তারা পরিণত হয়নি। বরং এটি একটি রূপক উদাহরণরূপে আল্লাহ তাআলা এটা বর্ণনা করেছেন। যেমন অন্যত্র আল্লাহ তাআলা বলেছেন : **كَمْلُ الْحَمَارِ يَحْمِلُ أَسْفَاراً** “তাদের দৃষ্টান্ত হচ্ছে পুস্তক বহনকারী গর্দভের মত। তার এ বর্ণনার সনদ বিশুদ্ধ হলেও বর্ণনাটি অত্যন্ত গরীব পর্যায়ের। এটি কুরআন মজীদের প্রকাশ্য বর্ণনার বিপরীত এবং এ বিষয়ে বহু প্রাচীন ও আধুনিক উলামা-ই-কিরামের স্পষ্ট বক্তব্যের বিরোধী। আল্লাহই ভাল জানেন।

জনপদ অধিবাসীদের ঘটনা **إذْ جَاءَهَا الْمُرْسَلُونَ** “যখন তাদের নিকট এসেছিল রাসূলগণ” হ্যরত মূসা (আ)-এর ঘটনা বর্ণনার পূর্বে ঐ জনপদ অধিবাসীদের ঘটনা আলোচিত হয়েছে। সাবা অঞ্চলের অধিবাসীদের ঘটনা। আরবদের ইতিহাস অধ্যায়ে সাবাৰ অধিবাসীদের কথা আলোচিত হবে, ইন্শাআল্লাহ।

কারণ ও বাল ‘আমের ঘটনা মূসা (আ)-এর বর্ণনা প্রসঙ্গে পূর্বেই বর্ণিত হয়েছে। তদ্বপ্তি খিয়ির (আ) ফিরআওন ও যাদুকরণ সম্পর্কে মূসা (আ)-এর বর্ণনা প্রসঙ্গে আলোচনা করা হয়েছে। গাতীর ঘটনাটি ও মূসা (আ)-এর বর্ণনায় আলোচিত হয়েছে। মৃত্যু ভয়ে যে কয়েক হাজার লোক নিজেদের বাসস্থান ত্যাগ করে চলে গিয়েছিল। তাদের কথা ‘হিয়কীল’ এর বর্ণনায় আলোচিত হয়েছে। মূসা (আ)-এর পর আগত বনী ইসরাইলের নেতৃত্বানীয় ব্যক্তিবর্গের কথা শামুয়েল (আ)-এর বর্ণনায় আলোচিত হয়েছে। আর জনপদ অতিক্রমকারী ব্যক্তির কথা আলোচিত হয়েছে হ্যরত উয়ায়র (আ)-এর বর্ণনায়।

## হযরত লুকমান (আ)-এর ঘটনা

আল্লাহ তাআলা বলেন :

وَلَقَدْ أَتَيْنَا لُقْمَانَ الْحِكْمَةَ أَنِ اشْكُرْ لِلَّهِ. وَمَنْ يَشْكُرْ فَإِنَّمَا يَشْكُرُ لِنَفْسِهِ. وَمَنْ كَفَرَ فَإِنَّ اللَّهَ غَنِيٌّ حَمِيدٌ. وَإِذْ قَالَ لُقْمَانُ لَبْنِهِ وَهُوَ يَعِظُهُ يَبْنَى لَا تُشْرِكْ بِاللَّهِ إِنَّ الشَّرْكَ لَظُلْمٌ عَظِيمٌ. وَوَصَّيْنَا الْإِنْسَانَ بِوَالِدِيهِ حَمَلَتْهُ أُمُّهُ وَهُنَا عَلَى وَهْنٍ وَفِصْلِهِ فِي عَامِيْنِ أَنِ اشْكُرْ لِيْ وَلِوَالِدِيْكَ. إِلَى الْمُصِيرِ. وَإِنْ جَاهَدَاكَ عَلَى أَنْ تُشْرِكَ بِيْ مَا لَيْسَ لَكَ بِهِ عِلْمٌ فَلَا تُطْعِهِمَا وَصَاحِبْهُمَا فِي الدُّنْيَا مَعْرُوفًا وَأَتَيْعُ سَبِيلًا مِنْ أَنَابَ إِلَى ثُمَّ إِلَى. مَرْجِعُكُمْ فَإِنَّبِكُمْ بِمَا كُنْتُمْ تَعْمَلُونَ. يَبْنَى إِنَّهَا إِنْ تَكُ مِثْقَالَ حَبَّةٍ مِنْ خَرْدَلٍ فَتَكُنْ فِي صَخْرَةٍ أَوْ فِي السَّمُوتِ أَوْ فِي الْأَرْضِ يَأْتِ بِهَا اللَّهُ إِنَّ اللَّهَ لَطِيفٌ خَبِيرٌ. يَبْنَى أَقِيمَ الصَّلَاةَ وَأَمْرُ بِالْمَعْرُوفِ وَأَنْهُ عَنِ الْمُنْكَرِ وَأَصِيرُ عَلَى مَا أَصَابَكَ إِنَّ ذَلِكَ مِنْ عَزْمِ الْأَمُورِ. وَلَا تُصَعِّرْ خَدَكَ لِلنَّاسِ وَلَا تَمْشِ فِي الْأَرْضِ مَرَحًا- إِنَّ اللَّهَ لَا يُحِبُّ كُلَّ مُخْتَالٍ فَخُورٍ. وَاقْصِدْ فِي مَشِيكَ وَأَغْضُضْ مِنْ صَوْتِكَ. إِنَّ أَنْكَرَ الْأَصْنَوَاتِ لَصَوْتِ الْحَمَيْرِ.

“আমি লুকমানকে জ্ঞান দান করেছিলাম এবং বলেছিলাম যে, আল্লাহর প্রতি কৃতজ্ঞতা প্রকাশ কর। যে কৃতজ্ঞতা প্রকাশ করে সে তো তা করে নিজেরই জন্যে এবং কেউ অকৃতজ্ঞ হলে আল্লাহ তো অভাবমুক্ত, প্রশংসার্হ। শ্বরণ কর, যখন লুকমান উপদেশছলে তার পুত্রকে বলেছিল, হে বৎস! আল্লাহর কোন শরীক করো না, নিশ্চয়ই শিরক চরম জুলুম। আমি তো মানুষকে তার পিতামাতার প্রতি সদাচরণের নির্দেশ দিয়েছি। মা সন্তানকে কষ্টের পর কষ্ট বরণ করে গর্ভে ধারণ করে এবং তার দুধ ছাড়ান হয় দু'বছরে। সুতরাং আমার প্রতি ও তোমার পিতামাতার প্রতি কৃতজ্ঞ হও। প্রত্যাবর্তন তো আমারই নিকট। তোমার পিতামাতা যদি তোমাকে পীড়াপীড়ি করে আমার সমকক্ষ দাঁড় করাতে, যে বিষয়ে তোমার কোন জ্ঞান নেই।

তুমি তাদের কথা মানো না তবে পৃথিবীতে তাদের সাথে বসবাস করবে সৎভাবে এবং যে বিশুদ্ধচিত্তে আমার অভিমুখী হয়েছে তার পথ অবলম্বন কর। অতঃপর তোমাদের প্রত্যাবর্তন আমারই নিকট এবং তোমরা যা করতে সে বিষয়ে আমি তোমাদেরকে অবহিত করব। হে বৎস! কোন বস্তু যদি সরিষার দানা পরিমাণও হয় এবং সেটি যদি থাকে শিলাগর্ভে অথবা আকাশে কিংবা মাটির নিচে আল্লাহ তাও উপস্থিত করবেন। আল্লাহ সূক্ষ্মদর্শী, সম্যক অবগত। হে বৎস! সালাত কায়েম কর সৎ কর্মের নির্দেশ দেবে আর অসৎ কর্মে নিষেধ করবে এবং আপন্দে-বিপদে ধৈর্যধারণ করবে। এটিই তো দৃঢ় সংকল্পের কাজ। অহংকার বলে তুমি মানুষকে অবজ্ঞা করবে না এবং পৃথিবীতে উদ্ধৃতভাবে বিচরণ করবে না। নিশ্চয় আল্লাহ কোন উদ্ধৃত অহংকারীকে পছন্দ করেন না।

তুমি পা ফেলবে সংযতভাবে এবং তোমার কষ্টস্বর নিচু কর। নিশ্চয় সুরের মধ্যে গর্দভের সুরই সর্বাপেক্ষা অন্তিমকর।”

আলোচ্য লুকমান হলেন লুকমান ইবন আনকা ইবন সাদুন। কেউ কেউ বলেন, লুকমান ইবন ছারান। শেষোক্ত মতটি বর্ণনা করেছেন সুহায়লী ইবন জারীয় ও কুতায়ী থেকে। সুহায়লী বলেন, লুকমান ছিলেন আয়লা গোত্রের নূবীয় সাম্প্রদায়ের লোক। আমি বলি, লুকমান একজন ইবাদতগ্যার, বাণী, প্রজ্ঞাবান ও পুণ্যবান ব্যক্তি। কেউ কেউ এও বলেছেন যে, লুকমান ছিলেন হ্যরত দাউদ (আ)-এর যুগের একজন কায়ী। আল্লাহই তাল জানেন।

সুফিয়ান ছাওরী....ইবন আববাস (রা) সুত্রে বলেন, লুকমান ছিলেন জনৈক আবিসিনীয় দাস, পেশায়। নাজ্জার বা সুত্রধর কাতাদা আবদুল্লাহ ইবন মুবায়র (রা) সুত্রে বর্ণনা করেন, তিনি বলেছেন, আমি জাবির ইবন আবদুল্লাহ (রা)-কে জিজেস করেছিলাম যে, লুকমান সম্পর্কে শেষ পর্যন্ত আপনাদের অভিমত কি নাজ্জার বা সুত্রধর তিনি বললেন, লুকমান ছিলেন খর্বাকৃতি এবং নূবী গোত্রস্থিত চ্যাপ্টা নাক বিশিষ্ট লোক। ইয়াহ্যা ইবন সাঈদ আনসারী সাঈদ ইবন মুসায়্যাব থেকে বর্ণনা করেন, লুকমান ছিলেন মিসরীয় কৃষ্ণকায় লোক। তার ওষ্ঠাধর ছিল মোটা ও পুরু : আল্লাহ তা'আলা তাঁকে হিকমত ও প্রজ্ঞা দিয়েছিলেন, নবৃত্ত দান করেন নি। আওয়ায়ী বলেন, আবদুর রহমান ইবন হারমালা বলেছেন জনৈক কৃষ্ণজ ব্যক্তি সাঈদ ইবল মুসায়্যাব (রা)-এর নিকট এসে কিছু যাঞ্চা করলেন...তিনি বললেন, তুমি কৃষ্ণজ বলে দুঃখ করো না। কারণ, তিনজন কৃষ্ণজ ব্যক্তি শ্রেষ্ঠতম মানুষদের অন্তর্ভুক্ত হয়েছেন। তারা হলেন, হ্যরত বিলাল (রা), হ্যরত উমার (রা)-এর আজাদকৃত দাস মাহজা' (রা) এবং লুকমান হাকীম। তৃতীয় লুকমান ছিলেন কৃষ্ণকায় নূবীয় বংশোদ্ধৃত পুরু ওষ্ঠাধর বিশিষ্ট লোক।

তাফসীরকার মুজাহিদ (র) থেকে বর্ণিত, লুকমান ছিলেন কৃষ্ণকায় ক্রীতদাস। ঠোঁট দু'টো পুরু এবং পা দুটো ফাটা। এক বর্ণনায় আছে, তিনি ছিলেন চ্যাপ্টা পা বিশিষ্ট।

উমর ইবন কায়স বলেন, লুকমান ছিলেন একজন কৃষ্ণকায় ক্রীতদাস। ঠোঁট দু'টো পুরু, পা দু'টো চ্যাপ্টা। তিনি যখন লোকজনকে উপদেশ দিছিলেন এমন সময় একজন লোক এসে বলল, আপনি না আমার সাথে অমুক অমুক স্থানে বকরী চরিয়েছিলেন? তিনি বললেন, হ্যা :

লোকটি বলল, তাহলে আমি এখন যা দেখছি, এ পর্যায়ে আপনি উন্নীত হলেন কেমন করে? তিনি উত্তর দিলেন, সত্য বলা এবং অপ্রয়োজনীয় বিষয়ে মৌনতা অবলম্বনের মাধ্যমে। এ বর্ণনাটি ইবন জাবীরের। ইবন আবী হাতিম আবদুর রহমান ইবন আবী ইয়ায়ীদ ইবন জাবির থেকে বর্ণনা করেন, তিনি বলেছেন, লুকমান হাকীমের হিকমত ও প্রজ্ঞার বদৌলতে আল্লাহ তা'আলা তাঁকে উচ্চ মর্যাদা দান করেছেন। তাঁর পূর্বে পরিচিত এক ব্যক্তি তাঁকে দেখে বলল, আপনি কি অমুকের ত্রীতাদাস ছিলেন না? আপনি কি পূর্বে বকরী চরাতেন না? তিনি বললেন, হ্যাঁ, লোকটি বলেন, কিসে আপনাকে আমার দেখা এ পর্যায়ে উন্নীত করল? তিনি বললেন, • তকদীরের লিখন, আমানতদারী, সত্যবাদিতা ও অপ্রয়োজনীয় বিষয় বর্জন।

'আফরার আযাতকৃত দাস উমর থেকে বর্ণিত। তিনি বলেন, এক ব্যক্তি লুকমান হাকীমের নিকট উপস্থিত হয় এবং সে বলে, আপনি তো বনী নুহাস গোত্রের ত্রীতাদাস লুকমান? তিনি বললেন, হ্যাঁ। লোকটি বলল, আপনি সেই কৃষ্ণকায় বকরী চরানো ব্যক্তিই তো? তিনি বললেন, আমার কালোবর্ণ বলার অপেক্ষা রাখে না। আমার কোন বিশ্বাস আপনাকে বিশ্বিত করছে? সে বলল, তা এই যে, লোকজন আপনার কচে জড়ে হচ্ছে, আপনার দরজা ওদেরকে আচ্ছাদিত করছে এবং আপনার বক্তব্যে তারা প্রীতও হচ্ছে। লুকমান বললেন, ভাতিজা! আমি তোমাকে যা বলবো, তুমি যদি তা কর তবে তুমিও আমার মত হতে পারবে।

সে বলল, তা কী? লুকমান বললেন, আমি আমার দৃষ্টি অবনত রাখি। আমার জিহবা সংযত রাখি। আমার পানাহার ও ঘোনাচারের ব্যাপারে আমি সংযম অবলম্বন করি। আমার দায়িত্ব পালন করি। অঙ্গীকার পূরণ করি। মেহমানদেরকে সম্মান করি। প্রতিবেশীদের হক আদায় করি। অপ্রয়োজনীয় বিষয় বর্জন করি। এ কর্মগুলোই আমাকে এ পর্যায়ে এনে পৌছিয়েছে, যা তুমি দেখতে পাচ্ছ।

ইবন আবী হাতিম...আবু দারদা (রা) থেকে বর্ণিত। লুকমান হাকীমের আলোচনায় একদিন তিনি বললেন, তাঁর না ছিল উলেখযোগ্য পরিবার-পরিজন, না ধন-সম্পদ, না কোন বংশ-মর্যাদা, না কোন বৈশিষ্ট্য। তবে তিনি ছিলেন সুস্থামদেহী মীরবতা অবলম্বনকারী, চিন্তাশীল, গভীরভাবে পর্যবেক্ষণকারী। দিনের বেলা তিনি কখনও ঘুমাতেন না, তাকে কেউ থুথু ফেলতে দেখেনি, দেখেনি কাশি দিতে, পেশাব-পায়খানা করতে, গোসল করতে কিংবা বাজে কাজকর্ম করতে এবং কেউ তাকে হাসতেও দেখেনি। খুব গভীর কোন জ্ঞানের কথা না হলে বা কেউ জিজ্ঞাসা না করলে তিনি কখনও তাঁর বক্তব্য পুনঃউচ্চারণ করতেন না।

তিনি বিবাহ করেছিলেন এবং তাঁর একাধিক সন্তানও জন্মগ্রহণ করেছিলেন। এদের মৃত্যুতে তিনি কাঁদেননি। তিনি রাজা-বাদশাহ ও আমীর-উমরাদের নিকট যেতেন তাদের অবস্থা দেখার জন্যে, চিন্তা-ভাবনা করার জন্যে এবং ওদের জীবন থেকে শিক্ষা গ্রহণের জন্যে। ফলে তিনি এ মর্যাদার অধিকারী হন।

কেউ কেউ বলেন যে, তাকে নবুওত গ্রহণের এখতিয়ার দেয়া হয়েছিল। তিনি নবুওতের গুরু দায়িত্ব পালনে শংকিত হলেন। তাই তিনি হিকমত তথা প্রজ্ঞাকেই বেছে নেন। কারণ,

এটি ছিল তাঁর নিকট সহজতর। এ মন্তব্যের যথার্থতা সম্পর্কে সন্দেহের অবকাশ রয়েছে। আল্লাহই ভাল জানেন। এটা হ্যরত কাতাদা (রা) থেকে বর্ণিত। আমরা পরে তা উল্লেখ করব। ইবন আবী হাতিম ও ইবন জারীর ইকবামা সূত্রে বর্ণনা করেন যে, তিনি বলেন, লুকমান নবী ছিলেন। বর্ণনাকারী জাবির জুফী এর কারণে এই বর্ণনাটি দুর্বল বর্ণনারূপে গণ্য করা হয়।

জম্হুর তথা অধিকাংশ উলামা-ই-কিরামের মতে লুকমান ছিলেন প্রজ্ঞাময় ও বিচক্ষণ একজন ওলী। তিনি নবী ছিলেন না। আল্লাহ তা'আলা পবিত্র কুরআনে হ্যরত লুকমানের কথা উল্লেখ করে তাঁর প্রশংসা করেছেন। হ্যরত লুকমান তার প্রাণপ্রিয় ও সর্বাধিক স্নেহধন্য পুত্রকে যে উপদেশ দিয়েছেন, আল্লাহ তা'আলা পবিত্র কুরআনে তাও উল্লেখ করেছেন। লুকমান তার পুত্রকে প্রথম যে উপদেশটি দেন, তাহলে (لَتُشْرِكْ بِاللَّهِ إِنَّ الشَّرْكَ لَظُلْمٌ عَظِيمٌ) হে বৎস! আল্লাহর সাথে শরীক করো না। নিচ্যই শিরক চরম জুলুম। তিনি পুত্রকে শিরক করতে নিষেধ করলেন এবং সতর্ক করে দিলেন। ইমাম বুখারী ...আব্দুল্লাহ সূত্রে বর্ণনা করেন, তিনি বলেন (الَّذِينَ أَمْنُوا وَلَمْ يَلْبِسُوا إِيمَانَهُمْ بِظُلْمٍ) যারা স্টিমান এনেছে এবং তাদের স্টিমানকে জুলুম দ্বারা কল্পিত করেনি। আয়াত যখন নায়িল হল, তখন সাহাবা (রা)-এর নিকট এটি গুরুতর বলে মনে হল। তাঁরা বললেন, আমাদের মধ্যে এমন কে আছে, যে তার স্টিমানকে জুলুম দ্বারা কল্পিত করেনি? রাসূলুল্লাহ (সা) বললেন, আয়াত দ্বারা তা বুঝানো হয়নি। তোমরা কি লুকমানের উপদেশ শুননি? তিনি বলেছিলেন :

يَبْنَىٰ لَا تُشْرِكْ بِاللَّهِ إِنَّ الشَّرْكَ لَظُلْمٌ عَظِيمٌ

হে বৎস! আল্লাহর সাথে শরীক করো না। নিচ্য শিরক করা চরম জুলুম। ইমাম মুসলিম (র) মুসলিম ইবন মিহরান আল আ'মাশ থেকে উক্ত হাদীছথানা উদ্ধৃত করেছেন।

অতঃপর আল্লাহ তা'আলা প্রসঙ্গক্রমে পিতামাতা সম্পর্কে তার নির্দেশের কথা উল্লেখ করেছেন। তিনি সন্তানের ওপর পিতামাতার অধিকারের কথা, তারা মুশরিক হলেও তাদের প্রতি সদাচরণের কথা এবং তাদের দীন কবুল করার ব্যাপারে তাদের আনুগত্য না করার কথা উল্লেখ করেছেন। এরপর পুত্রের প্রতি লুকমানের এ উপদেশের কথা উল্লেখ করেছেন,

يَبْنَىٰ إِنَّهَا إِنْ تَكُ مِثْقَالَ حَبَّةٍ مِّنْ خَرْدَلٍ فَتَكُنْ فِي صَخْرَةٍ أَوْ فِي السَّمَوَاتِ أَوْ فِي الْأَرْضِ يَأْتِ بِهَا اللَّهُ إِنَّ اللَّهَ لَطِيفٌ حَبِيرٌ.

হে বৎস! কোন কিছু যদি সর্বের দানা পরিমাণও হয় এবং সেটি যদি থাকে শিলাগর্ভে অথবা আকাশে অথবা মাটির নিচে, আল্লাহ তাও উপস্থিত করবেন। আল্লাহ সূক্ষ্মদর্শী সম্যক অবগত। (নিসা : ৪০)

এর দ্বারা লুকমান তার পুত্রকে মানুষের প্রতি জুলুম করতে বারণ করলেন। জুলুম যদিও সর্বে দানা পরিমাণও হয়। কারণ, আল্লাহ তা'আলা জুলুম সম্পর্কে জিজ্ঞাসাবাদ করবেন। জুলুমকে হিসাব নিকাশকালে হাজির করবেন এবং আমলের পাল্লায় রাখবেন। যেমন আল্লাহ তা'আলা বলেন (إِنَّ اللَّهَ لَا يَنْظِلُمُ مِثْقَالَ ذَرَّةٍ)। আল্লাহ অনু পরিমাণও জুলুম করেন না।

আল্লাহ তা'আলা আরও বলেন :

وَنَصْعُ الْمَوَازِينَ الْقِسْطَ لِيَوْمِ الْقِيَامَةِ فَلَا تُظْلِمُ نَفْسٌ شَيْئًا . وَإِنْ  
كَانَ مِثْقَالَ حَبَّةٍ مِنْ حَرْذَلٍ أَتَيْنَا بِهَا . وَكَفَى بِنَا حَسِيبِينَ .

এবং কিয়ামত দিবসে আমি স্থাপন করব ন্যায় বিচারের মানদণ্ড। সুতরাং কারো প্রতি কোন অবিচার করা হবে না এবং কর্ম যদি তিল পরিমাণ ও জনের ও হয় তবুও আমি সেটি উপস্থিত করব। হিসাব গ্রহণকারী রূপে আমিই যথেষ্ট। (২১ আবিয়া : ৪৭)

এর দ্বারা জানিয়ে দেয়া হল যে, জুলুম দৃষ্টিতে তিল পরিমাণ ক্ষুদ্র ও তুচ্ছ হলেও এবং তা দরজা জানালাইন এমন কি ছিদ্র বিহীন কঠিন পাথরের মধ্যে রাখা হলেও অথবা বিশাল ও বিস্তৃত এই অসীম আসমানের গহীন অঙ্ককার স্থান থেকে কোন বস্তুতে পতিত হলেও আল্লাহ তা'আলা সেটি সম্পর্কে অবগত থাকেন। (إِنَّ اللَّهَ لَطِيفٌ خَبِيرٌ) আল্লাহ সূক্ষ্মদর্শী সম্যক অবহিত। অর্থাৎ আল্লাহ তা'আলার ইলম অত্যন্ত সূক্ষ্ম। তাই সাধারণতঃ যা লোকচক্ষুর আড়ালে থাকে, সেই অণু পরিমাণ বিষয় ও তাঁর অগোচরে থাকে না।

আল্লাহ তা'আলা বলেন :

وَمَا تَسْقُطُ مِنْ وَرَقَةٍ إِلَّا يَعْلَمُهَا وَلَا حَبَّةٌ فِي ظُلْمَتِ الْأَرْضِ وَلَا رَطْبٌ  
- تার অজ্ঞাতসারে একটি পাতাও পড়ে না। মৃত্তিকার  
অঙ্ককারে এমন কোন শস্য কণাও অংকুরিত হয় না অথবা রসযুক্ত কিংবা শুক এমন কোন বস্তু  
নেই, যা সুস্পষ্ট কিতাবে নেই। (৬ আন'আম : ৫৯)

আল্লাহ তা'আলা আরও বলেন :

- وَمَا مِنْ غَائِبَةٍ فِي السَّمَاءِ وَالْأَرْضِ إِلَّا فِي كِتَابٍ مُّبِينٍ  
পৃথিবীতে এমন কোন গোপন রহস্য নেই, যা সুস্পষ্ট কিতাবে নেই।

অন্যত্র আল্লাহ তা'আলা বলেন :

عَالَمِ الْغَيْبِ لَا يَعْزُبُ عَنْهُ مِثْقَالُ ذَرَّةٍ فِي الْلَّسْمُوْتِ وَلَا فِي الْأَرْضِ وَلَا  
أَصْفَرُ مِنْ ذَلِكَ وَلَا أَكْبَرُ إِلَّا فِي كِتَابٍ مُّبِينٍ .

তিনি অদৃশ্য সম্পর্কে সম্যক অবগত, আকাশরাজি ও পৃথিবীতে তাঁর অগোচর নয় অণু পরিমাণ কিছু, কিংবা তদপেক্ষা ক্ষুদ্র অথবা বৃহৎ কিছু, বরং এর প্রত্যেকটি লিপিবদ্ধ আছে সুস্পষ্ট কিতাবে। (৬ নাম্ল : ৭৮)

সুন্দী (র) কতিপয় সাহাবীর (রা) বরাতে বলেন, পূর্বোল্লেখিত আয়াতে 'সাখরা' শব্দটি দ্বারা সাত যমীনের নিচে অবস্থিত পাথর বুঝানো হয়েছে। আতিয়া আওফী, আবু মালিক ছাওরী ও মিনহাল ইবন উমর (রা) থেকে অনুরূপ বর্ণিত হয়েছে। তবে এই অভিমতের বিশুদ্ধতায়

সন্দেহের অবকাশ রয়েছে। এ ছাড়াও পাথর দ্বারা পৃথিবীর তলদেশের পাথর বুরানোর ব্যাপারটি সন্দেহমুক্ত নয়। কেননা, উক্ত আয়াতে শব্দটি অনিদিষ্ট জাপক। এটি দ্বারা তাদের বক্তব্য অনুযায়ী ঐ পাথরটি বুরানো হলে নির্দিষ্ট বাচক **الحجرة**। শব্দটি ব্যবহৃত হত। বস্তুতঃ আয়াতে **صخرةً** অর্থ যে কোন পাথর, যেমনটি ইমাম আহমদ (র) আবু সাঈদ খুদরী (র) সূত্রে বর্ণনা করেছেন যে, রাসূলুল্লাহ (সা) বলেছেন :

**لَوْاْنَ احَدُكُمْ يَعْمَلُ فِي صَخْرَةٍ صَمَاءٍ لَّيْسَ لَهَا بَابٌ وَلَا كُوَّةٌ لَّخْرَجَ عَمَلُهُ  
لِلنَّاسِ كَائِنًا مَا كَانَ**

— তোমাদের কেউ যদি দরজা ও ছিদ্রহীন পাথরের মধ্যেও কোন আমল করে তা ও মানুষের সম্মুখে প্রকাশিত হয়ে পড়বে, আমলটি যে পর্যায়েরই হোক না কেন।

এরপর হ্যরত লুকমান তাঁর পুত্রকে বললেন (**يُبَيِّنِي أَقْمِ الصَّلْوَة**) নামায কায়েম কর। অর্থাৎ সকল নিয়ম নীতি সহকারে ফরজ, ওয়াজির, ওয়াক্ত, রকু সিজদা, ধীর-স্থির ও বিনয় সব কিছুর প্রতি লক্ষ্য রেখে এবং এতদসম্পর্কিত শরীয়তের নিষিদ্ধ বিষয়াদি পরিহার করে পূর্ণাঙ্গ রূপে নামায আদায় কর।

এরপর তিনি বললেন (وَأَمْرٌ بِالْمَعْرُوفِ وَإِنْهُ عَنِ الْمُنْكَرِ) সৎকর্মের নির্দেশ দিবে এবং অসৎ কর্মে নিষেধ করবে। অর্থাৎ নিজে শক্তি ও সামর্থ্য অনুযায়ী তা করবে। হাতে তথা বল প্রয়োগে বাধা দেয়ার ক্ষমতা থাকলে বল প্রয়োগে বাধা দিবে। নতুবা মুখে, তাতেও সমর্থ না হলে অস্তরে। এরপর পুত্রকে নির্দেশ দিলেন ধৈর্য ধারণের। বললেন : (বিপদে আপদে ধৈর্য ধারণ করো।) এ নির্দেশ এ কারণে দিলেন যে, সৎকাজের আদেশ ও অসৎ কাজে নিষেধ করতে গেলে সাধারণতঃ বাধা ও প্রতিরোধের সম্মুখীন হতে হয়। তবে এর পরিণাম উৎকৃষ্ট। এটি সর্বজনবিদিত যে, সবুরে মেওয়া ফলে। হ্যরত লুকমান বলেন : –**إِنَّ ذَلِكَ مِنْ عَزْمِ الْاَمْوَرِ** – এটিতো দৃঢ় সংকলনের কাজ, এটি অপরিহার্য ও বটে।

তিনি বললেন (وَلَا تُصْنِعْ خَدْكَ لِلنَّاسِ) অহংকার বশে তুমি মানুষকে অবজ্ঞা করো না। হ্যরত ইবন আবাস, মুজাহিদ, ইঁকরামা, সাঈদ ইবন জুবায়র, যাহহাক, ইয়ায়ীদ ইবন আসাম, আবুল যাওয়া ও অন্যরা বলেছেন যে, এর অর্থ হল মানুষের প্রতি অহংকারী হয়ো না। এবং লোকজনের সাথে কথা বলার সময় তাদের প্রতি গর্ব ভরে ও অবজ্ঞা বশে অন্য দিকে মুখ ফিরিয়ে কথা বলো না।

ভাষাবিদগণ বলেছেন, **الصحر**। হচ্ছে উটের ঘাড়ের একটি রোগ বিশেষ, যাতে তার মাথা ঝুঁকে পড়ে। অহংকারী ব্যক্তি যে লোকের সাথে কথা বলতে গেলে দণ্ড ভরে তার মুখমণ্ডল অন্য দিকে ফিরিয়ে রাখে, তাকে ঐ উটের সাথে তুলনা করা হয়েছে।

আবু তালিব তাঁর কবিতায় বলেন :

**وَكُنَّا قَرِيمًا لَا نُقْرِنُ ظُلْمَةً - إِذَا مَا شَنَوْا صَعْرَ الْخُدُودِ نُقِيمُهَا**

সুপ্রাচীন কাল থেকেই আমরা জুলুমকে প্রশ্রয় দেই না। যখন তাঁরা মুখ বাঁকা করে নেয় তখন আমরা তা সোজা করে দিই।

উমরা ইবন হাই তাগলিবী বলেন :

وَكُنَّا إِذَا الْجِبَارُ صَعَدَ حَدًّا - أَقْمَنَا لَهُ مِنْ مَيْلٍ فَتَقُومَا

কোন স্বৈরাচারী ব্যক্তি তার মুখ বাঁকা করে নিলে, আমরা তা সোজা করে দেই। ফলে সেটি সোজা হয়ে যায়।

অতঃপর লুকমান তাঁর পুত্রকে বললেন :

وَلَا تَمْسِحِ فِي الْأَرْضِ مَرَحًا إِنَّ اللَّهَ لَا يُحِبُّ كُلَّ مُخْتَالٍ فَخُورٍ

এবং পৃথিবীতে উর্ধ্বভাবে বিচরণ করো না। কারণ, আল্লাহ কোন উদ্ধৃত অহংকারীকে পছন্দ করেন না। তিনি তাঁর পুত্রকে মানুষের সম্মুখে দণ্ড অহংকার ও উদ্ধৃত্য সহকারে পথ চলতে নিষেধ করেছেন। যেমন আল্লাহ তা'আলা বলেন :

وَلَا تَمْسِحِ فِي الْأَرْضِ مَرَحًا إِنَّكَ لَنْ تَخْرِقَ الْأَرْضَ وَلَنْ تَبْلُغَ الْجِبَالَ  
طُولاً -

ভূ-পৃষ্ঠে দণ্ডভাবে বিচরণ করো না, তুমি কখনই পদভাবে ভূ-পৃষ্ঠ বিদীর্ণ করতে পারবে না। এবং উচ্চতায় তুমি কখনই পর্বত প্রমাণ হতে পারবে না। (১৭ ইসরায়েল, ৩৭)

অর্থাৎ তুমি তোমার দ্রুতগতি সম্পন্ন পথ চলায় সকল শহর, নগর অতিক্রম করে যেতে পারবে না, তোমার পদাঘাতে পৃথিবীকে বিদীর্ণ করতে পারবে না, আর তোমার বিশালাত্মক অহংকার ও উচ্চতায় তুমি পাহাড়ের সমান উঁচু হতে পারবে না। সুতরাং নিজের প্রতি তাকাও। এবং বুঝে নাও যে, তুমি তোমার সীমাবদ্ধতা ছাড়িয়ে যেতে পারবে না।

হাদীছ শরীফে আছে, এক ব্যক্তি দু'টো কাপড় পরে গর্ব ভরে পথ চলছিল। তখন আল্লাহ তা'আলা তাকে ভূমিতে প্রোথিত করে দিলেন। কিয়ামত পর্যন্ত সে নিচের দিকে প্রোথিত হতে থাকবে। অপর এক হাদীছে এসেছে, রাসূলুল্লাহ (সা) বলেছেন :

إِيَّاكَ وَآسِبَابَ الْأَزِارَ فَإِنَّمَا مِنْ الْمَجْيِلَةِ لَا يُجِبُّهَا اللَّهُ

গোড়ালীর নিচ পর্যন্ত লুঙ্গি ঝুলিয়ে দেওয়া থেকে তুমি নিজেকে বাঁচিয়ে রাখ। কেননা তা অহংকারের পরিচায়ক আল্লাহ তা পছন্দ করেন না। এ আয়াতে আল্লাহ তা'আলা বলেছেন :

إِنَّ اللَّهَ لَا يُحِبُّ كُلَّ مُخْتَالٍ فَخُورٍ

আল্লাহ কোন দাঙ্গিক অহংকারীকে পছন্দ করেন না।

পথ চলতে অহংকার প্রদর্শন থেকে বারণ করার পর লুকমান তাঁর পুত্রকে মধ্যম গতিতে পথ চলতে নির্দেশ দিলেন। কারণ, পথ চলাতো লাগবেই। তিনি এ বিষয়ে পুত্রকে মন্দ দিক সম্পর্কে নিষেধ করলেন এবং কল্যাণকর দিকটি অবলম্বনের নির্দেশ দিলেন। তিনি বললেন, আল-বিদায়া ওয়ান নিহায়া (২য় খণ্ড) ৩২—

(পথ চলার মধ্য পস্তা অবলম্বন কর) অর্থাৎ খুব মন্ত্রগতি কিংবা খুব দ্রুতগতির কেন্টাই অবলম্বন করবে না। বরং মধ্যম গতি অবলম্বন করবে। আল্লাহ তা'আলা বলেন :

وَعَبَادُ الرَّحْمَنِ الَّذِينَ يَمْشُونَ عَلَىٰ الْأَرْضِ هَوْنًا وَإِذَا خَاطَبُهُمْ  
الْجَاهِلُونَ قَالُوا سَلَامًا

রহমানের বাস্তা তারাই যারা পৃথিবীতে নম্রভাবে চলাফেরা করে এবং তাদের সাথে যখন মূর্খরা কথা বলতে থাকে তখন তারা বলে সালাম।

এরপর লুকমান তাঁর পুত্রকে বললেন, (এবং কষ্টস্বর নিচু কর)। অর্থাৎ তুমি যখন কথা বলবে তখন প্রয়োজন নির্ভরিক উচ্চ স্বরে কথা বলবে না। কারণ, সর্বোচ্চ এবং সর্বনিকৃষ্ট কষ্টস্বর হল গাধার স্বর। সহীহ বুখারী ও মুসলিমে বর্ণিত আছে যে, বাত্রি বেলায় গাধার ডাক শুনলে রাসূলুল্লাহ (সা) আউয়ুবিল্লাহ পড়ার নির্দেশ দিয়েছেন। কারণ, গাধা শয়তানকে দেখতে পায়। এ জন্যেই বিনা প্রয়োজনে কষ্টস্বর উচ্চ করতে নিষেধ করেছেন। বিশেষতঃ হাঁচি দেয়ার সময়। হাঁচির সময় শব্দ নীচু রাখা এবং মুখ ঢেকে রাখা মুস্তাহাব। রাসূলুল্লাহ (সা) একপ করতেন বলে হাদীছে প্রমাণ রয়েছে। অবশ্য, আযানের সময় উচ্চ স্বরে আযান দেয়া, যুদ্ধের সময় উচ্চ স্বরে আহ্বান জানানো এবং বিপদ-আপদ ও মৃত্যুর আশংকায় উচ্চস্বরে কাউকে ডাকা শরীয়তসম্মত।

হযরত লুকমান (আ)-এর এসব প্রজ্ঞাপূর্ণ বক্তব্য, কল্যাণকর ও অকল্যাণরোধক উপদেশাবলী আল্লাহ তা'আলা কুরআন মজিদে উল্লেখ করেছেন। হযরত লুকমান (আ)-এর বিবরণ ও উপদেশাবলী সম্পর্কে আরও বহু বর্ণনা রয়েছে। তাঁর বক্তব্য সম্পূর্ণ হিকমত-ই-লুকমান নামে তাঁর বলে কথিত একটি পুস্তক পাওয়া যায়। সে পুস্তক হতে কিছু বক্তব্য এখন আমরা উল্লেখ করব ইনশা আল্লাহ।

ইমাম আহমদ---ইবন উমর (রা) থেকে বর্ণিত। তিনি বলেন, রাসূলুল্লাহ (সা) আমাদেরকে জানালেন যে, লুকমান হাকীম বলতেন, আল্লাহ তা'আলা কোন কিছু আমানত রূপে দিলে তিনি তা হিফাজতও করেন।

ইবন আবী হাতিম কাসিম ইবন মুখায়মারা থেকে বর্ণিত। রাসূলুল্লাহ (সা) বলেছেন, লুকমান তাঁর পুত্রকে বলেছিলেন, ‘হে বৎস! হিস্ত ও প্রজ্ঞা দরিদ্রদেরকে রাজার আসনে বসিয়েছে। উবাই.... আওন ইবন আবদুল্লাহ থেকে বর্ণিত। লুকমান তাঁর পুত্রকে বলেছিলেন, হে বৎস! তুমি কোন মজলিশে উপস্থিত হলে ইসলামের রীতি অর্থাৎ সালাম দ্বারা তাদের অন্যায় জয় করবে। তারপর মজলিসের এক পাশে বসে পড়বে। ওদের কথা বলার পূর্বে তুমি কোন কথা বলো না। তারা আল্লাহর যিকর ও আল্লাহ সম্পর্কে আলোচনায় নিয়োজিত হলে তুমি তাদের সাথে আলোচনায় অংশ নিবে। তারা যদি অন্য কোন বিষয়ে আলোচনা করে তবে তুমি তাদেরকে ত্যাগ করে অন্যদের কাছে চলে যাবে।

উবাই হাফস ইবন উমার থেকে বর্ণিত। তিনি বলেন, হযরত লুকমান (আ) এক থলে সরিষা পাশে নিয়ে তাঁর পুত্রকে উপদেশ দিতে বসেছিলেন। একটি করে উপদেশ দিছিলেন আর একটি করে সরিষা থলে থেকে বের করছিলেন। এভাবে তাঁর সব সরিষা শেষ হয়ে গেল। তখন তিনি বললেন, হে বৎস! আমি তোমাকে এমন উপদেশ দিলাম, কোন পর্বতকে এ উপদেশ শুনালে সেটি ফেটে চৌচির হয়ে যেত। তাঁর পুত্রের অবস্থা ও তাই হয়েছিল।

আবু কাসিম তাবারানী ইবন আবুস (রা) সূত্রে বলেন, রাসূলুল্লাহ (সা) বলেছেন :

اِتَّجِدُوا السَّوْدَانَ فَإِنْ شَاءَ اللَّهُ مِنْهُمْ مِنْ اَهْلِ الْجَنَّةِ لُقْمَانَ الْحَكِيمَ وَالنَّجَّابَ  
شَيْءٌ وَبِلَالُ الْمُؤْذِنُ

— তোমরা কৃষ্ণজন্মের সাথে সুসম্পর্ক রাখ। তাদের তিমজন নিশ্চিতভাবেই জান্নাতী। লুকমান হাকীম, নাজাশী এবং মুয়ায়্যিন বিলাল (রা)।

তাবারানী এর ব্যাখ্যায় বলেন, অর্থাৎ বিলাল হাবশী, হানীছুটি একাধারে গরীব ও মুনকার পর্যায়ের। ইমাম আহমদ (র) তাঁর কিতাবুয় যুহুদ নামক গ্রন্থে হযরত লুকমান (আ) সম্পর্কে আলোচনা করতে গিয়ে অনেক গুরুত্বপূর্ণ ও কল্যাণকর তথ্যাদি পরিবেশন করেছেন। তিনি বলেছেন, ওয়াকীদী মুজাহিদ সূত্রে **لُقْمَانَ الْحَكِيمَ** (আমি লুকমানকে প্রজ্ঞাদান করেছি)। আয়াতের ব্যাখ্যায় তিনি বলেন, হিকমত অর্থ ধর্মীয় প্রজ্ঞা ও সত্য প্রাপ্তি, নবুওত নয়।

ওহব ইবন মুতানবিহ ইবন আবুস (রা) সূত্রে বলেন লুকমান ছিলেন হাবশী ক্রীতদাস। আসওয়াদ---সাঈদ ইবন মুসায়াব সূত্রে বর্ণিত, লুকমান (আ) পেশায় ছিলেন দর্জি। সাইয়াদ--মালিক ইবন দীনারকে উদ্ভৃত করে বলেন, লুকমান তাঁর পুত্রকে বলেছিলেন, হে বৎস! তুমি ব্যবসা রূপে আল্লাহর ইবাদতকে বেছে নাও, তাহলে পুঁজি ছাড়াই লাভ পাবে। ইয়ায়ীদ মুহাম্মদ ইবন ওয়াছিকে উদ্ভৃত করে বলেন, লুকমান তাঁর পুত্রকে লক্ষ্য করে প্রায়ই বলতেন, হে বৎস! আল্লাহকে ভয় কর। তোমার অন্তর কলুষিত থাকা অবস্থায় মানুষের শ্রদ্ধা অর্জনের জন্যে তুমি আল্লাহকে ভয় করার ভান করো না।

ইয়ায়ীদ খালিদ বিরদকে উদ্ভৃত করে বলেন, লুকমান ছিলেন একজন হাবশী ক্রীতদাস। পেশায় ছুতার। তাঁর মালিক তাঁকে একটি বকরী জবাই করতে বলেছিল। সে মতে তিনি একটি বকরী জবাই করেন। বকরীর উৎকৃষ্টতম দুটো টুকরো আনতে মালিক তাঁকে নির্দেশ দেয়। তিনি বকরীটির জিহবা ও হৎপিণি নিয়ে আসেন। মালিক তাকে জিজ্ঞেস করল, এর চাইতে উৎকৃষ্ট কোন অঙ্গকি এ বকরীতে নেই? তিনি বললেন, না। মালিক কিছু সময় চুপ করে থাকার পর আবার তাঁকে বললো, আমার জন্যে অপর একটি বকরী জবাই কর। তিনি তার জন্যে অপর একটি বকরী জবাই করলেন। মালিক বললো, এটির নিকৃষ্টতম টুকরো দু'টো ফেলে দাও! তিনি বকরীটির জিহবা ও হৎপিণি ফেলে দিলেন।

মালিক বলল, আমি তোমাকে উৎকৃষ্ট দুটো টুকরো আনতে বললাম। তুমি নিয়ে এলে জিহবা আর হৃৎপিণ্ড। আবার নিকৃষ্টতম দুটো টুকরা ফেলে দিতে বললাম; তুমি জিহবা আর হৃৎপিণ্ড ফেলে দিলে, এর রহস্য কি? লুকমান বললেন, জিহবা ও হৃৎপিণ্ড যতক্ষণ পরিত্ব থাকে ততক্ষণ এ দু'টো অপেক্ষা উৎকৃষ্ট কিছু থাকে না। আবার এ দু'টো যখন কলুষিত হয়, তখন এ দু'টো অপেক্ষা ঘৃণিত অন্য কিছু থাকে না।

দাউদ ইবন রশীদ অবু উচ্চমান সূত্রে বলেন, লুকমান তাঁর পুত্রকে বলেছিলেন, মূর্খদের সাথে বন্ধুত্ব স্থাপনে আগ্রহী হয়ো না। তাহলে সে মনে করবে যে, তার কর্মে তুমি সম্ভুষ্ট। বিজ্ঞ ব্যক্তিদের অসম্ভুষ্টিকে তুচ্ছ ভেবো না। তাহলে সে তোমার সাথে সম্পর্ক ছিন্ন করতে পারে।

দাউদ ইবন উসায়দ আবদুল্লাহ ইবন যায়দ সূত্রে বলেন, লুকমান বলেছেনঃ জেনে নাও যে, প্রজ্ঞাবানদের মুখে আল্লাহর হাত থাকে। তিনি যা তৈরি করে দেন, তা ব্যতীত তারা কথা বলেন না।

আবদুর রায়যাক বলেন যে, তিনি ইবন জুরায়জকে বলতে শুনেছেন, আমি রাতে মাথা ঢেকে রাখতাম। উমর (রা) আমাকে বললেন, তুমি রাতে মাথা ঢেকে রাখ কেন? তুমি কি জাননা যে, লুকমান (আ) বলেছেন, দিনের বেলা মাথা ঢেকে রাখ অপমানজনক এবং রাতে তা ওয়র বা অপারগতার নির্দর্শন। তাহলে তুমি রাতে মাথা ঢাক কেন? তখন আমি তাকে বললাম, লুকমান (আ)-এর তো কোন ঝণ ছিল না। সুফিয়ান বলেন, লুকমান তার পুত্রকে বলেছিলেন হে বৎস! নীরবতা অবলম্বন করে আমি কখনো লঙ্ঘিত হইনি। কথা বলা যদি রূপা হয় তবে নীরব থাকা হচ্ছে সোনা।

আবদুস সামাদ কাতাদা সূত্রে বলেন, লুকমান তাঁর পুত্রকে বলেছিলেন, হে বৎস! মন্দ থেকে দূরে থাক। তাহলে মন্দ তোমা হতে দূরে থাকবে। কারণ মন্দের জন্যেই মন্দের সৃষ্টি। আবু মুআবিয়া উরওয়া সূত্রে বলেন, হ্যরত লুকমানের প্রজ্ঞাপূর্ণ বক্তব্যে আছে, হে বৎস! অতিরিক্ত মাখামাখি পরিহার করবে। কারণ, অতিরিক্ত মাখামাখি ঘনিষ্ঠজনকে ঘনিষ্ঠজন থেকে দূরে সরিয়ে দেয়। এবং প্রজ্ঞাকে ঠিক তেমনি বিলুপ্ত করে দেয়, যেমনটি আগে উচ্ছাস করে থাকে। হে বৎস! অতি ক্রোধ বর্জন কর, কারণ তা' প্রজ্ঞাবান ব্যক্তির অন্তঃকরণকে ধ্বংস করে দেয়।

ইমাম আহমদ উবায়দ ইবন উমায়র সূত্রে বলেন, লুকমান (আ) উপদেশ স্থলে তাঁর পুত্রকে বলেছিলেন, হে বৎস! দেখে শুনে মজলিস বেছে নেবে। যদি এমন মজলিস দেখ, যেখানে আল্লাহর যিকর হয়, তবে তুমি তাদের সাথে সেখানে বসবে। কারণ, তুমি নিজে জ্ঞানী হলে তোমার জ্ঞান তোমার উপকার করবে; আবার তুমি মূর্খ হলে মজলিসের লোকেরা তোমাকে জ্ঞান দান করবে। আল্লাহ তা'আলা তাদের ওপর রহমত নায়িল করলে তাদের সাথে তুমিও রহমতের অংশ পাবে।

হে বৎস! যে মজলিসে আল্লাহর যিকর হয় না, সে মজলিসে বসো না। কারণ, তুমি নিজে জ্ঞানী হলে তখন তোমার জ্ঞান তোমার কোন উপকার করবে না। আবার তুমি যদি মূর্খ হও তারা তোমার মূর্খতা আরও বৃদ্ধি করে দিবে। উপরন্তু আল্লাহ তাদের ওপর কোন গ্যব নায়িল করলে

তাদের সাথে তুমি গঘবে পতিত হবে। হে বৎস! ঈমানদারের রক্তপাতকারী শক্তিমান ব্যক্তিকে দৰ্শা করোনা। কারণ, তার জন্যে আল্লাহর নিকট এমন ঘাতক রয়েছে, যার মৃত্যু নেই। আবু মুয়াবিয়া ..... উরতয়া (র) সূত্রে বলেন, ‘আলহিকমাহ’ প্রচল্প রয়েছে যে, হে বৎস! তুমি ভাল কথা বলবে এবং হাসিমুখে থাকবে। তাহলে দানশীল ব্যক্তিদের তুলনায় তুমি মানুষের নিকট অধিকতর প্রিয় হবে।

তিনি আরও বলেন, ‘আলহিকমাহ’ গ্রন্থে অথবা তাওরাতে আছে যে, নম্রতা হল প্রজ্ঞার মন্তক স্বরূপ। তিনি এও বলেছেন যে, তাওরাতে আছে, তুমি যেমন দয়া করবে, তেমন দয়া পাবে। তিনি আরও বলেছেন যে, হিকমত গ্রন্থে আছে, যেমন বপন করবে তেমন ফসল তুলবে। তিনি বলেন, ‘আলহিকমাহ’ গ্রন্থে আছে, তোমার বন্ধুকে এবং তোমার পিতার বন্ধুকে ভালবাস।

আবদুর রায়্যাক-- আবু কিলাবা সূত্রে বলেন, লুকমান (আ)-কে জিজ্ঞেস করা হয়েছিল কোন ব্যক্তি অধিক ধৈর্যশীল? তিনি বললেন, সেই ধৈর্য, এবং পরে কষ্ট দেওয়া হয় না। তাঁকে জিজ্ঞেস করা হল, কোন ব্যক্তি সর্বাধিক জ্ঞানী? তিনি বললেন, সে ব্যক্তি, যে অন্যের জ্ঞান দ্বারা নিজের জ্ঞান বৃক্ষি করে। বলা হল, কোন লোক উগ্রম? তিনি বললেন, ধনি ব্যক্তি বলা হল, প্রাচুর্যের অধিকারী? সম্পদের প্রাচুর্য? তিনি বললেন, না বরং আমি সে ব্যক্তিকে বুঝিয়েছি, যার কাছে কোন কোন কল্যাণ চাওয়া হলে তা পাওয়া যায়। তা না হলে অন্তত সে অন্যের দ্বারস্থ হয় না। সুফিয়ান ইবন উয়ায়না বলেন, লুকমান (আ)-কে বলা হল, নিকৃষ্টতম ব্যক্তি কে? তিনি বললেন, যে ব্যক্তি এ কথার পরোয়া করে না যে, লোকে তাকে মন্দ কার্যে লিষ্ট দেখবে।

আবু সামাদ মালিক ইবন দীনার সূত্রে বলেন, প্রজ্ঞাপূর্ণ কথার মধ্যে আমি এটা পেয়েছি যে, মানুষের খেয়াল খুশী ও কৃপ্তবৃত্তি সম্পর্কে সমাজের উপরতলার যে সকল লোক আলাপ-আলোচনা করে আল্লাহ তাদেরকে ধ্রংস করে দেন। আমি তাতে আরও পেয়েছি যে, তুমি যা জান তা অমল না করে যা জান না তা জানার মধ্যে কোন কল্যাণ নেই। এটি তো সে ব্যক্তির ন্যায়, যে কাঠ সংগ্রহ করে বোঝা বাঁধে, তারপর তা মাথায় তুলে নিতে চেষ্টা করে, কিন্তু পারে না। তারপর গিয়ে আরও কাঠ সংগ্রহ করে।

আবদুল্লাহ ইবন আহমদ আবু সাঈদ (র) সূত্রে বলেন, হ্যরত লুকমান তাঁর পুত্রকে বলেছিলেন, হে বৎস! পরহেয়গার ব্যক্তিরাই যেন তোমার খাদ্য খায় এবং তোমার কাজকর্মে বিজ্ঞেনদের পরামর্শ নিও।

এ বিষয়ে ইমাম আহমদ (র) যা বর্ণনা করেছেন, এগুলো হচ্ছে তার সারসংক্ষেপ। ইতিপূর্বে আমরা কতক বর্ণনা উল্লেখ করেছি, যা তিনি বর্ণনা করেন নি। আবার তিনি এমন কতক বর্ণনা উল্লেখ করেছেন, যা আমাদের নিকট ছিল না। আল্লাহই ভাল জানেন। ইবন আবী হাতিম ---কাতাদা (র) সূত্রে বলেন, আল্লাহ তা'আলা লুকমান হাকীমকে নবুওত ও হিকমতের যে কোন একটি বেছে নেয়ার ইথিতিয়ার দিয়েছিলেন। তিনি নবুওতের পরিবর্তে হিকমতই গ্রহণ করেন। তারপর জিবরাস্তেল (আ) তাঁর নিকট এলেন। তিনি তখন নিদ্রামগ্নি। জিবরাস্তেল (আ) তাঁর নিকট হিকমতের বারি বর্ষণ করেন। এরপর থেকে তিনি হিকমতপূর্ণ কথা বলতে শুরু করেন।

সা'দ বলেন, আমি কাতাদা (র)কে বলতে শুনেছি যে, লুকমানকে জিজ্ঞেস করা হয়েছিল, আপনি নবুওত না নিয়ে হিকমত নিলেন কেন? আপনাকে তো আপনার প্রতিপালক ইখতিয়ার দিয়েছিলেন। উত্তরে তিনি বললেন, আমাকে যদি বাধ্যতামূলক ভাবে নবুওত দেয়া হত তাহলে আশা করি, আমি ঐ দায়িত্ব পালনে সাফল্য লাভ করতাম। কিন্তু আমাকে যখন যে কোন একটি বেছে নেয়ার ইখতিয়ার দেয়া হল, তখন আমি নবুওতী গুরুদায়িত্ব পালনে অক্ষম হয়ে যাব বলে আশংকা করলাম। তখন হিকমতই আমার নিকট প্রিয়তর মনে হয়।

এ বর্ণনাটি সংশয় মুক্ত নয়। কারণ, কাতাদা (র) থেকে সাঈদ ইবন কাছীরের বর্ণনা সম্পর্কে হাদীছবেত্তাগণের বিরুপ সমালোচনা রয়েছে। উপরন্তু সাঈদ ইবন আবী আরবা কাতাদা (র) থেকে বর্ণনা করেছেন' যে, আয়াতের ব্যাখ্যায় তিনি বলেছেন, হিকমত অর্থ প্রজ্ঞা ও ইসলাম। তিনি নবী ছিলেন না, তাঁর প্রতি ওহীও অবতীর্ণ হয়নি। পূর্ববর্তী কালের উলামা-ই কিরামও স্পষ্টভাবে তা বলেছেন। তাঁদের মধ্যে মুজাহিদ; সাঈদ ইবন মুসায়ব ও ইবন আবৰাস (রা) প্রমুখ প্রথম যুগের আলিমগণ দৃঢ়ভাবে এমত পোষণ করতেন। আল্লাহই ভাল জানেন।

## অগ্নিকুণ্ড অধিপতিদের ঘটনা

আল্লাহ তা'আলা বলেন :

وَالسَّمَاءُ ذَاتَ الْبُرُوجِ . وَالْيَوْمُ الْمَوْعُودُ . وَشَاهِدٌ وَمَشْهُودٌ . قُتِلَ أَصْحَابُ الْأَخْدُودِ . النَّارَادَاتِ الْوَقُودُ . إِذْهُمْ عَلَيْهَا قُعُودٌ . وَهُمْ عَلَىٰ مَا يَفْعَلُونَ بِالْمُؤْمِنِينَ شَهُودٌ . وَمَا نَقْمُوْا مِنْهُمْ إِلَّا أَنْ يُؤْمِنُوا بِاللَّهِ الْعَزِيزِ الْحَمِيدِ . الَّذِي لَهُ مُلْكُ السَّمَاوَاتِ وَالْأَرْضِ وَاللَّهُ عَلَىٰ كُلِّ شَيْءٍ شَهِيدٌ . إِنَّ الَّذِينَ فَتَنُوا الْمُؤْمِنِينَ وَالْمُؤْمِنَاتِ ثُمَّ لَمْ يَتُوبُوا فَلَهُمْ عَذَابٌ جَهَنَّمَ وَلَهُمْ عَذَابٌ أَلِفَّرِيقٍ .

(১) শপথ বুরজ বিশিষ্ট আকাশের (২) এবং প্রতিশ্রুত দিবসের (৩) শপথ দ্রষ্টা ও দ্রষ্টের (৪) ধ্বংস হয়েছিল কুণ্ডের অধিপতিরা (৫) ইক্ষনপূর্ণ যে কুণ্ডে ছিল আগুন (৬) যখন তারা সেটির পাশে উপবিষ্ট ছিল (৭) এবং তারা মুমিনদের সাথে যা করছিল তা প্রত্যক্ষ করছিল (৮) ওরা তাদেরকে নির্যাতন করেছিল শুধু এ কারণে যে, তারা বিশ্বাস করত পরাক্রমশালী ও প্রশংসার্থ আল্লাহে (৯) আকাশ রাজি ও পৃথিবীর সর্বময় কর্তৃত্ব যার, আর আল্লাহ সর্ববিষয়ে দ্রষ্টা। (১০) যারা ঈমানদার নর-নারীকে বিপদাপন্ন করেছে এবং পরে তাওবা করেনি তাদের জন্য আছে জাহানামের শাস্তি, আছে দহন যন্ত্রণা। (৮৫ বুরজ : ১-১০)

এ সূরার তফসীর প্রসঙ্গে আলোচ্য বিষয় সম্পর্কে আমরা ব্যাপক ও বিস্তারিত আলোচনা করেছি, আলহামদুলিল্লাহ। মুহাম্মদ ইবন ইসহাক মনে করেন যে, কুণ্ড অধিপতিরা হযরত ঈসা (আ)-এর নবুওত প্রাপ্তির পরবর্তী যুগের লোক। পক্ষান্তরে অন্যান্যরা মনে করেন যে, এটি তার পূর্বের যুগের ঘটনা। এ ধরনের ঘটনা পৃথিবীতে একাধিকবার ঘটেছে। স্বেরাচারী কাফির রাজা বাদশাহরা বারে বারে ঈমানদার মানুষদের ওপর এ প্রকার নির্যাতন চালিয়েছে। তবে কুরআন মজীদে উল্লেখিত ব্যক্তিদের ব্যাপারে একটি মারফু' হাদীছ এবং ইবন ইসহাক বর্ণিত একটি বর্ণনা রয়েছে। এ দুটো পরম্পর বিরোধী। পাঠকের জ্ঞাতার্থে আমি উভয় বর্ণনাই উল্লেখ করছি। ইমাম আহমদ সুহায়ব (রা) সূত্রে বর্ণনা করেন, রাসসূলুল্লাহ (সা) বলেছেন, তোমাদের পূর্বের যুগে এক রাজা ছিল। তার ছিল এক যাদুকর। যাদুকর বার্ধক্যে উপনীত হওয়ার পর রাজাকে বলল, আমি তো বৃদ্ধ হয়ে গিয়েছি আর আমার মৃত্যুও ঘনিয়ে এসেছে। এখন আমাকে একটি বালক যোগাড় করে দিন, থাকে আমি যাদু শিখাব। রাজা একটি বালক যোগাড় করে দিলেন।

যাদুকর ওকে যাদু শিখাচ্ছিল। রাজার রাজপ্রাসাদ ও যাদুকরের আখড়ার মধ্যখানে ছিল জনেক ধর্ম্যাজকের আস্তানা। বালকটি একদিন ধর্ম্যাজকের আস্তানায় আসে এবং তার কথা শোনে। তার কথা বালকটির পছন্দ হয়। এ দিকে বালকটি যাদুকরের নিকট গেলে যাদুকর তাকে প্রহার করতো এবং বলতো, বিলম্ব করেছিস কেন? কিসে তোকে আটকে রাখে? নিজের বাড়িতে গেলে পরিবারের লোকজন তাকে প্রহার করতো এবং বলতো দেরী করেছিস কেন? এ বিষয়টি সে যাজককে জানায়। যাজক তাকে পরামর্শ দেয় যে, যাদুকর তোমাকে মারতে গেলে তুমি বলবে আমার ঘরের লোকজন আমাকে আটকে রেখেছিল। আর ঘরের লোকজন মারতে গেলে বলবে যাদুকর আমাকে আটকে রেখেছিল। একদিন যাওয়ার পথে সে পথের ওপর একটি বিশালাকৃতির ভয়ানক জন্ম দেখতে পায়। যেটি লোকজনের পথ আটকে রেখেছিল। পথিকগণ পথ অতিক্রম করতে পারছিল না। বালকটি মনে মনে বলে, আল্লাহ! তা'আলার নিকট যাদুকরের কাজ বেশি প্রিয়, নাকি ধর্ম্যাজকের কাজ বেশি প্রিয়, তা আমি আজ পরীক্ষা করব। সে একটি পাথর তুলে নিয়ে এ বলে জন্মুটির দিকে ছুঁড়ে মারল, হে আল্লাহ! যাজকের কর্ম যদি আপনার বেশি প্রিয় ও পছন্দনীয় হয় তবে এ পাথর দ্বারা জন্মুটিকে বধ করে দিন, যাতে লোকজন পথ অতিক্রম করতে পারে। তার পাথরের আঘাতে জন্মুটি নিহত হয়। যাজকের নিকট গিয়ে সে তা জানায়। যাজক বললেন, প্রিয় বৎস! আল্লাহর নিকট তুমি আমার চেয়ে অধিক প্রিয়। তুমি অবশ্যই বিপদে পড়বে, পরীক্ষার সম্মুখীন হবে। বিপদে পড়লে কাউকে আমার সন্ধান দিবে না।

তারপর বালকটি জন্মান্তকে দৃষ্টিশক্তি দান করত, কুষ্ঠরোগ নিরাময় করত। তার হাতে আল্লাহ রোগীদেরকে সুস্থ করে দিতেন। রাজার এক পারবদ্ধ অঙ্গ হয়ে গিয়েছিল। বালকের কথা তাঁর কানে যায় তিনি প্রচুর হাদিয়া নিয়ে বালকের নিকট এসে বললেন, তুমি যদি আমাকে সুস্থ করে দিতে পার তবে এসব হাদিয়া তুমি পাবে। বালক বলল, আমি তো কাউকে সুস্থ করতে পারি না। একমাত্র আল্লাহই সুস্থ করেন। আপনি যদি তাঁর প্রতি ঈমান আনেন এবং আমি তাঁর নিকট দোয়া করি তাহলে তিনি আপনাকে সুস্থ করে দিবেন। তিনি ঈমান আনলেন এবং বালকটি দোয়া করল। আল্লাহ তাঁকে সুস্থ করে দিলেন।

তারপর উক্ত সভাবদ রাজার নিকট আসলেন এবং ইতিপূর্বে যেভাবে বসতেন সেভাবে বসলেন। রাজা বললেন, তোমাকে দৃষ্টি শক্তি ফিরিয়ে দিল কে? জবাবে তিনি বললেন, আমার প্রতিপালক। রাজা বলল, আমি? তিনি বললেন, না। আমার ও অপনার প্রতিপালক আল্লাহ। রাজা বলল, আমি ছাড়া তোমার কি অন্য কোন প্রতিপালক আছে? তিনি বললেন, হ্যা, আমার এবং আপনার প্রতিপালক আল্লাহ। তখন রাজা তাকে বিরামাইনভাবে নির্যাতন করতে লাগল। শেষ পর্যন্ত তিনি বালকটির সম্পদ নিয়ে নিলেন। তখন বালকটিকে রাজ দরবারে নিয়ে আসা হলো। রাজা বলল, বৎস! যাদু বিদ্যায় তুমি এত পারদর্শিতা অর্জন করেছ যে, জন্মান্ত ও কুষ্ঠরোগীকে পর্যন্ত নিরাময় করতে পার এবং সকল রোগের চিকিৎসা করতে পার। বালকটি বলল, আমি তো নিরাময় করি না। নিরাময় করেন আল্লাহ তা'আলা। রাজা বলল, আমি? সে বলল, না। রাজা বলল, আমি ছাড়া তোমার কি অন্য কোন প্রতিপালক আছে? জবাবে বালকটি বলল, আমার এবং আপনার প্রতিপালক আল্লাহ।

তখন রাজা তার উপর বিরামহীন নির্যাতন চালাতে লাগল। শেষ পর্যন্ত সে যাজকের নাম প্রকাশ করে দিল। যাজককে রাজ দরবারে ডাকা হল। রাজা তাকে বলল, তোমার ধর্ম ত্যাগ কর। তিনি তাতে অঙ্গীকৃতি জানান। তাঁর মাথার মধ্যভাগে করাত চালিয়ে তাকে দু'ভাগে বিভক্ত করে দেয়া হয়। অঙ্গ ব্যক্তিকে রাজা বলল, এ ধর্ম ত্যাগ কর। তিনি তাতে অঙ্গীকৃতি জানালেন। তার মাথায় করাত রেখে তাকে দু'ভাগে ভাগ করে দেয়া হল। রাজা তখন বালককে বলল, এ ধর্ম ত্যাগ কর। সে তাতে অঙ্গীকৃতি জানাল। অতঃপর একদল নয়া লোক দিয়ে তাকে পাহাড়ের ওপর পাঠানো হয়। রাজা তাদেরকে নির্দেশ দিল যে, তোমরা পাহাড়ের ঢুঁড়ায় উঠে দেখবে, সে তার ধর্ম ত্যাগ করে কিনা! যদি সে ধর্ম ত্যাগ করে তো ভাল। নতুন ধাক্কা মেরে তাকে ওখান থেকে ফেলে দিবে।

তারা বালকটিকে নিয়ে যায়। যখন তারা পাহাড়ের ওপর উঠল, তখন বালকটি বলল, হে আল্লাহ! আপনার ইচ্ছা মূল্যবিক তাদের বিরুদ্ধে আমাকে সাহায্য করুন! এ সময় হঠাৎ সবাইকে নিয়ে পর্বত কেঁপে উঠে। সবাই পাথর চাপা পড়ে মারা যায়। বালকটি পথ খুঁজে খুঁজে সেখান থেকে বেরিয়ে আসে এবং রাজার নিকট উপস্থিত হয়। আর রাজা তাকে জিজ্ঞেস করে, তোমার সাথে যারা ছিল তাদের খবর কি? বালকটি উত্তর দিল, তাদের বিরুদ্ধে আল্লাহই আমার জন্য যথেষ্ট হয়েছেন। তখন রাজা তাকে তার লোকজন দিয়ে একটি নৌকায় করে সমুদ্রে পাঠিয়ে দিল। রাজা বলল, তোমরা যখন গভীর সমুদ্রে গিয়ে পৌছবে তখন যদি সে তার ধর্ম ত্যাগ করে তবে ভাল কথা। অন্যথায় তাকে সমুদ্রে ডুবিয়ে মারবে। লোকজন তাকে সমুদ্রে নিয়ে গেল। বালকটি বলল, হে আল্লাহ! আপনার যেভাবে ইচ্ছা আমাকে ওদের বিরুদ্ধে সাহায্য করুন। তখন তারা সবাই সমুদ্রে ডুবে মারা গেল। বেঁচে গেল (বালকটি) সে ফিরে এসে রাজার নিকট উপস্থিত হল। তখন রাজা তাকে জিজ্ঞেস করলো, তোমার সাথী লোকজনের সংবাদ কি? বালকটি উত্তরে জানাল, আল্লাহ তা'আলা আমার সাহায্যে ওদের ব্যাপারে উপযুক্ত ব্যবস্থা নিয়েছেন।

বালক রাজাকে আরো বলল যে, আমি যে পরামর্শ দিব, সে অনুযায়ী ব্যবস্থা না নিলে আপনি আমাকে হত্যা করতে পারবেন না। আমার পরামর্শ মানলেই কেবল আমাকে হত্যা করতে পারবেন। তখন রাজা জিজ্ঞেস করল, তোমার পরামর্শটি কি? সে বলল, সকলকে একটি মাঠে সমবেত করবেন। তারপর আমাকে খেজুর গাছের কাণ্ডে শূলে ঢাঢ়াবেন। এরপর আমার ঝুঁড়ি থেকে একটি তীর নিয়ে এই বিসমিল্লাহি রাবিল গোলাম-এই বালকের প্রতু আল্লাহর নামে নিক্ষেপ করছি। বলে তীরটি আমার দিকে নিক্ষেপ করবেন। রাজা তখন তাই করল। তীর গিয়ে বালকের ললাটের উপর পড়ল সে নিজের ক্ষত স্থানে হাত রাখল এবং শহীদ হয়ে গেল। এসব দেখে উপস্থিত লোকজন চীৎকার করে বলে উঠল, আমরা বালকটির প্রতিচালকের প্রতি ঈমান আনলাম। আমরা বালকটির প্রতিচালকের প্রতি ঈমান আনলাম। রাজাকে বলা হল, আপনি যা আশঙ্কা করেছিলেন তাইতো হল। আল্লাহ আপনার প্রতি সেই বিপদই তো নায়িল করলেন। লোকজন সকলেই তো ঈমান এনে ফেলেছে। রাজার নির্দেশে প্রত্যেক গলির মুখে গর্ত খনন করা হল। তাতে আগুন জ্বালানো হল। রাজা বলল, যে ব্যক্তি এ ধর্ম ত্যাগ করবে তাকে রেহাই দিবে। আর যারা তাতে স্বীকৃতি জানাবে তাদেরকে অগ্নিকুণ্ডে নিক্ষেপ করবে।

লোকজন ওখান দিয়ে যাচ্ছিল আর অগ্নিকুণ্ডে পতিত হচ্ছিল। জনেকা মহিলা তার নিকট উপস্থিত হল। এক দুঃখপোষ্য শিশুসহ সেখানে মহিলাটি আগুনে পতিত হতে ইতস্ততঃ করছিল। তার শিশুটি বলে উঠল, মা! তুমি দৈর্ঘ্যধারণ কর, কারণ, তুমি সত্যের ওপর রয়েছে। এটি ইমাম আহমদের বর্ণনা। ইমাম মুসলিম ও নাসাই প্রমুখ সহীহ হাদীছটি বর্ণনা করেছেন। এগুলো আমি আমার তাফসীর প্রাণে বিস্তারিত বর্ণনা করেছি।

মুহাম্মদ ইবন ইসহাক এ ঘটনাটি অন্যভাবে বর্ণনা করেছেন; তিনি বলেন, নাজরানের অধিবাসিগণ ছিল মুশরিক। তারা দেব-দেবীর পূজা করত। নাজরানের পার্শ্ববর্তী একটি গ্রামে (নাজরান নগর হল নাজরান অঞ্চলের কেন্দ্রীয় শহর) এক যাদুকর বসবস করত। নাজরানের বালকদের সে যাদু বিদ্যা শিক্ষা দিত। ইবনে মুনাবিহু বলেন, ফাইমুন নামক জনেক ব্যক্তি সেখানে এসে একটি তাঁবু স্থাপন করে। তাঁর তাঁবুটি ছিল নাজরান ও যাদুকরের গ্রামের মধ্যবর্তী স্থানে। নাজরানের লোকেরা তাদের ছেলেদেরকে ঐ যাদুকরের নিকট নিয়মিত পাঠাত। সে তাদেরকে যাদু বিদ্যা শিক্ষা দিত। অন্যান্য বালকের সাথে তামুর তাঁর পুত্র আবদুল্লাহকে যাদুকরের নিকট প্রেরণ করে। যাওয়ার পথে আবদুল্লাহ ঐ তাঁবুওয়ালা লোকটিকে দেখত। তার নামাখ ও ইবাদত আবদুল্লাহর ভাল লাগত। সে তাঁবু ওয়ালার নিকটস্থিতে এবং তার কথাবার্তা শুনতে লাগলো। শেষ পর্যন্ত সে মুসলমান হয়ে গেল। আল্লাহর একত্বাদে বিশ্঵াস স্থাপন করে সে তার ইবাদত করতে লাগল। তাঁবু ওয়ালার নিকট থেকে ইসলামের বিধি-বিধান জেনে নিত। অবশেষে ইসলামের বিধি বিধান-সম্পর্কে যখন সে গভীর জ্ঞান অর্জন করে তখন সে তাঁবুওয়ালার নিকট তা গোপন রাখতেন। তিনি বললেন, ভাতিজা! তুমি ইসমে আজম সহ্য করতে পারবে না। তোমার দুর্বলতা সম্পর্কে আমি শংকিত। তামুরের ধারণা ছিল যে অন্যান্য বালকের ন্যায় তার পুরুটিও নিয়মিত যাদুকরের আস্তানায় যাতায়াত করছে!

আবদুল্লাহ যখন বুঝতে পারল যে, ইসমে আজম শিক্ষা দেওয়ার ব্যাপারে তার গুরু কার্পণ্য করছেন এবং তার দুর্বলতার আশংকা করছেন তখন সে কয়েকটি তীর সংগ্রহ করে। এরপর তার জানা আল্লাহর প্রত্যেকটি নাম ঐ তীরগুলোতে লিখে। প্রত্যেকটিতে একটি করে নাম লিখা শেষ করে সে এক স্থানে আগুন জ্বালায়। এরপর একটি একটি করে তীর আগুনে নিক্ষেপ করতে থাকে। ক্রমে আমি লেখা তীরটি আগুনে ফেলার সাথে সাথে তীরটি লাফিয়ে উঠে এবং আগুন থেকে বেরিয়ে আসে। আগুনে তীরটির সামান্যতমও ক্ষতি হয়নি। ঐ তীরটি নিয়ে আবদুল্লাহ তার গুরুর নিকট উপস্থিত হয় এবং বলে যে, সে ইসমে আজম জেনে ফেলেছে, যা তার গুরু গোপন রেখেছিলেন। গুরু বললেন, বল তো কোনটি ইসমে আজমঃ সে বলল, তা এরূপ একুশ। গুরু বললেন, তুমি কেমন করে জানলেঃ বালক সকল ঘটনা খুলে বলে। গুরু বললেন, ভাতিজা! তুমি ঠিকই ইসমে আজম জেনে নিয়েছ। তবে নিজেকে সংযত রাখবে। অবশ্য তুমি তা পারবে বলে আমার মনে হয় না।

এরপর থেকে আবদুল্লাহ নাজরানে প্রবেশ করলে এবং কোন দুঃস্থি ও বিপদগ্রস্ত লোক দেখলে বলত, হে আল্লাহর বাল্দা, তুমি আল্লাহর একত্বাদ মেনে নাও এবং আমার দীনে প্রবেশ

কর। আমি তোমার জন্যে আল্লাহর নিকট দোয়া করব। আল্লাহ তোমাকে বিপদ থেকে উদ্ধার করবেন। সংশ্লিষ্ট লোক ঈমান আনলে সে দোয়া করত এবং আল্লাহ ঐ বিপদগ্রস্ত লোককে বিপদমুক্ত করতেন। এভাবে তার বিষয়টি নাজরানের রাজার কানে পৌছে। রাজা তাকে তলব করে এবং তাকে অভিযুক্ত করে বলে যে, তুমি আমার প্রজাদের মধ্যে অশান্তি সৃষ্টি করেছ। আমার দীন ও আমার পূর্ব পূরুষের দীনের বিরুদ্ধাচরণ করেছ। আমি ওর প্রতিশোধ নেব।

আবদুল্লাহ বলল, আপনি তা পারবেন না। রাজা পাইক পেয়াদা সহকারে তাকে পাঠাল। সুউচ্চ পর্বত শৃঙ্খ থেকে তাকে নিচে নিক্ষেপ করা হল। কিন্তু তার কোনই ক্ষতি হল না। তাকে প্রেরণ করা হল নাজরানের সমুদ্রে, সেখানে যাই নিক্ষেপ করা হয় তাই ধ্রংস হয়। বালককে ঐ সমুদ্রে নিক্ষেপ করা হয়। সে সমুদ্র থেকে নির্বিবাদে উঠে আসে। আবদুল্লাহ যখন সকল ক্ষেত্রে জয়ী হল তখন সে রাজাকে বলল, আপনি যতক্ষণ পর্যন্ত আল্লাহতে ঈমান না আনবেন এবং যতক্ষণ পর্যন্ত আল্লাহর একত্রিত স্বীকার না করবেন, ততক্ষণ আমাকে হত্যা করতে পারবেন না। আপনি যদি ঈমান আনেন তবে আমার ওপর কর্তৃত পাবেন এবং আমাকে হত্যা করতে পারবেন। অগত্যা রাজা আল্লাহর একত্রিত স্বীকার করল এবং আবদুল্লাহ ইবন তামুরের ন্যায় কলেমা পাঠ করল। তারপর তার লাঠি দ্বারা আবদুল্লাহকে আঘাত করে রক্ত প্রবাহিত করে দিল। অবশেষে আবদুল্লাহ মারা গেল। রাজারও সেখানে মৃত্যু হল। এবার সকলে আল্লাহর দীন গ্রহণ করলেন।

আবদুল্লাহ মূলতঃ হযরত ঈসা (সা)-এর ইনজীলের অনুসারী ছিলেন। এরপর খৃষ্ট ধর্মাবলম্বীগণের যে পরিণতি হয়েছিল, তাদের পরিণতিও তাই হয়েছিল। নাজরান অঞ্চলে খৃষ্ট ধর্মের প্রসারের এটাই ছিল মূল কারণ। ইবন ইসহাক বলেন, আবদুল্লাহ ইবন তামুর সম্পর্কে মুহাম্মদ ইবন কাব'ব ও কতক নাজরান অধিবাসীর বর্ণনা এরূপই। প্রকৃত ঘটনা যে কোন্টি, তা আল্লাহই ভাল জানেন। বর্ণনাকারী আরও বলেন, অতঃপর বাদশাহ যু-নুওয়াস তার সৈন্য সামন্তসহ এ খৃষ্ট ধর্মাবলম্বীদের বিরুদ্ধে অভিযান পরিচালনা করে। সে তাদেরকে ইয়াহুদী ধর্ম গ্রহণ অথবা মৃত্যু এ দু'টোর যে কোন একটি বেছে নিতে বলে। তারা মৃত্যুকেই বছে নেয়। আক্রমণকারীরা বহু গত খনন করে এবং তাতে আগুন জ্বালিয়ে অগ্নিকুণ্ড তৈরি করে। অতঃপর ওদেরকে তরবারীর আঘাতে খণ্ড বিখণ্ড করে হাতপা কেটে ফেলে এবং অগ্নিকুণ্ডে নিক্ষেপ করে পুড়িয়ে মারে। প্রায় বিশ হাজার হ্রাস্তানকে তারা এভাবে হত্যা করে।

যুনুওয়াস ও তাঁর সৈন্যদের বর্ণনা দিয়ে আল্লাহ তা'আলা তার রাসূলের নিকট এ.আয়াত নাফিল করেন :

**فَتْلَ أَصْبَحَ الْأَخْدُودَ النَّارَ ذَاتَ الْوَقْدَ**

ধ্রংস হয়েছিল কুণ্ড আধিপতিরা। ইঙ্কন্পূর্ণ যে কুণ্ডে ছিল অগ্নি। এতে বুদ্ধা যায় যে, এই ঘটনা আর সহীহ মুসলিমে বর্ণিত ঘটনা এক নয়।

কেউ কেউ বলেন যে, অগ্নিকুণ্ড বিষয়ক ঘটনা পৃথিবীতে একাধিক বার ঘটেছে। যেমন ইবন আবী হাতিম আবদুর রহমান ইবন জুবায়ের থেকে বর্ণিত তিনি বলেন, ইয়ামানে অগ্নিকুণ্ডের ঘটনা ঘটেছিল তুব্বা রাজার আমলে। কনষ্টান্টিনোপালে ঘটেছিল রাজা কনষ্টান্টিনাইনের আমলে

যখন সে খৃষ্টানদেরকে হযরত ঈসা (আ)-এর কিবলা ও তার প্রচারিত একত্ববাদ থেকে ফিরিয়ে নেয়। সে তখন একটি অগ্নিকুণ্ড প্রজ্ঞালিত করেছিল। যে সকল খৃষ্টান হযরত ঈসা (আ)-এর দীন ও তাঁর একত্ববাদে অবিচল ছিল, সে তাদেরকে অগ্নিকুণ্ডে নিষ্কেপ করে পুড়িয়ে মেরেছিল।

ইরাকের ব্যাবিলন শহরে এ ঘটনা ঘটেছিলঃ সম্রাট বুখাত নসর (Nebuehad Negar)-এর শাসনামলে তিনি একটি মূর্তি নির্মাণ করেছিলেন। লোকজনকে নির্দেশ দিয়েছিলেন ওই মূর্তিকে সিজদা করতে। লোকজন সিজদা করেছিল। কিন্তু দানিয়াল (আ) ও তাঁর দুইজন সাথী আয়রিয়া ও মাসাইল সিজদা করতে অস্বীকৃতি জানান। সম্রাট তাদের জন্যে একটি উনুন তৈরি করে। তাতে কাঠ ও আগুন জ্বালিয়ে সেই অগ্নিকুণ্ডে তাদের দু'জনকে নিষ্কেপ করে। আল্লাহ তাআলা তাদের জন্য অগ্নিকুণ্ডকে শীতল ও শান্তিময় করে দেন এবং তাদেরকে আগুন থেকে রক্ষা করেন এবং অত্যাচারীদেরকে ঐ অগ্নিকুণ্ডে নিষ্কেপ করেন। তারা ছিল সংখ্যায় ৯ জন। আগুন তাদেরকে পুড়িয়ে ছাই করে দিয়েছিল। আসবাত বর্ণনা করেন যে, এই আয়াতের ব্যাখ্যায় সুন্দী বলেছেন, অগ্নিকুণ্ড ছিল তিনটি। একটি সিরিয়ায়, একটি ইরাকে এবং অপরটি ইয়ামানে। এটি ইবন আবী হাতিমের বর্ণনা। সূরা বুরজের তাফসীরে আমি অগ্নিকুণ্ড অধিপতিদের ঘটনাবলী সম্পর্কে বিস্তারিত আলোচনা করেছি। সকল প্রশংসা একমাত্র আল্লাহর।

### বনী ইসরাইল থেকে ঘটনা বর্ণনায় অনুমতি প্রসঙ্গে

ইমাম আহমদ (র) আবু সাঈদ খুদরী (রা) থেকে বর্ণিত নবী করীম (সা) ইরশাদ করেছেনঃ

حَدَّثُوا عَنِّيْ وَلَا تَكْذِبُوْا عَلَىْ مَنْ كَذَبَ عَلَىِّ مُتَعَدِّدًا فَلَيَتَبُوْا مَقْعَدَهُ  
مِنَ النَّارِ وَحَدَّثُوا عَنْ بَنِيْ إِسْرَائِيلَ وَلَا حَرَجَ -

“আমার থেকে তোমরা হাদীস বর্ণনা কর। আমার প্রতি মিথ্যা আরোপ করো না। যে ব্যক্তি ইচ্ছাকৃতভাবে আমার প্রতি মিথ্যা আরোপ করে, সে যেন জাহানামে তার আবাস স্থির করে নেয়। বনী ইসরাইল থেকে বর্ণনা কর, তাতে কোন দোষ নেই।”

আহমদ (র) আবু সাঈদ খুদরী (রা) থেকে আরো বর্ণনা করেন যে, রাসূল (সা) ইরশাদ করেছেন ‘আমার থেকে তোমরা কুরআন ব্যতীত অন্যকিছু লিখবে না। আমার থেকে কুরআন ব্যতীত অন্য কিছু কেউ লিখে থাকলে তা মুছে ফেলবে। তিনি আরও বলেছেন, ইসরাইলীদের থেকে বর্ণনা করতে পার, তাতে দোষ নেই। আমার থেকে হাদীস বর্ণনা কর। আমার প্রতি মিথ্যা আরোপ করো না। যে আমার প্রতি মিথ্যা আরোপ করে- (বর্ণনাকারী হাম্মাম বলেন-আমার মনে হয় রাসূলুল্লাহ (সা) ইচ্ছাকৃত শব্দটি বলেছেন)। সে যেন জাহানামকেই তার আবাসস্থলরূপে নির্ধারণ করে নেয়। (মুসলিম, নাসাই)।

আবু আওয়ানা ---- যায়দ ইবন আসলাম সুন্দেশে এ হাদীসটি বর্ণনা করেছেন। আবু দাউদ বলেন, হাম্মাম এতে ভুল করেছেন। আসলে এ উক্তিটি আবু সাঈদের। তিরমিয়া (র) সুফিয়ান

..... যায়দ ইবন আসলাম সূত্রে এ হাদীসের অংশ বিশেষ মারফু রূপে বর্ণনা করেছেন। আল্লাহই ভাল জানেন।

ইমাম আহমদ (র) ..... আবদুল্লাহ ইবন আমর ইবন 'আস (রা) সূত্রে বর্ণনা করেন যে, তিনি রাসূলুল্লাহ (সা)-কে বলতে শুনেছেন : **بَلْغُوا عِنْيٌ وَلَوْ أَيْ**

"তোমরা একটি আয়ত হলেও আমার থেকে প্রচার কর!" বনী ইসরাইল থেকে বর্ণনা করতে পার, তাতে দোষ নেই। যে ব্যক্তি ইচ্ছাকৃতভাবে আমার প্রতি মিথ্যা আরোপ করবে, সে তার বাসস্থান জাহানামে ধরে নিবে। অনুরূপভাবে ইমাম আহমদ (র) ইমাম বুখারী ও ইমাম তিরমিয়ী (র) তিনি সূত্রে উক্ত হাদীসটি বর্ণনা করেছেন। তিরমিয়ী (র) বলেন, হাদীসটি হাসান ও সহীহ পর্যায়ের।

আবু বকর বায়ার ..... আবদুল্লাহ ইবন আমর (রা) সূত্রে বর্ণনা করেন, রাসূলুল্লাহ (সা) প্রায়ই রাতের বেলা আমাদের নিকট ইসরাইলীদের ঘটনাবলী বর্ণনা করতেন। এভাবে ভোর হয়ে যেত। গুরুত্বপূর্ণ নামায ব্যতীত অন্য কোন কাজে আমর ঐ মজলিস থেকে উঠতাম না। আবু দাউদেও বর্ণনাটি রয়েছে।

বায়ার ..... ইমরান ইবন হুসায়ন (রা) সূত্রে অনুরূপ একটি হাদীস বর্ণনা করেছেন। তবে বায়ারের মতে, হাদীসটি ইমরান ইবন হুসায়ন (রা) থেকে নয় বরং আবদুল্লাহ ইবন আমর (রা) থেকেই বর্ণিত।

আহমদ (র) ..... আবু হুরায়রা (রা) থেকে এ মর্মে আরেকটি হাদীস বর্ণনা করেন এবং তার সনদ সহীহ বলে উল্লেখ করেন।

হাকিম আবু ইয়ালা ..... জাবির (রা) থেকে বর্ণনা করেন, তিনি বলেন, রাসূলুল্লাহ (সা) ইরশাদ করেছেন, তোমরা বনী ইসরাইল সূত্র থেকে বর্ণনা কর, কেননা তাদেরকে উপলক্ষ করে বহু বিশ্যয়কর ঘটনা ঘটেছে। অতঃপর রাসূলুল্লাহ (সা) বলতে শুরু করলেন যে, একদা বনী ইসরাইলের একদল লোক পথে বের হয়। তারা এসে একটি গোরস্থানে পৌছে। তারা পরম্পর বলাবলি করে যে, আমরা যদি দু'রাকআত নামায আদায় করে আল্লাহর নিকট দোয়া করি, অতঃপর এ গোরস্থান থেকে একজন মৃত ব্যক্তি বেরিয়ে আসে, তাহলে আমরা তাকে মৃত্যুর অবস্থা সম্পর্কে জিজ্ঞেস করতাম। তারা নামায অন্তে দোয়া করে। তখনই একজন লোক কবর থেকে মাথা তোলে। তার দু' চক্ষুর মধ্যখানে সিজদার চিহ্ন। সে বলল, আপনারা আমার কাছে কি চান? একশ' বছর আগে আমার মৃত্যু হয়েছে। এখনও আমার দেহ থেকে মৃত্যুর তাপ ঠাণ্ডা হয়নি। আপনারা আল্লাহর নিকট দোয়া করুন আল্লাহ যেন আমাকে আমার পূর্বাবস্থায় ফিরিয়ে নেন। এটি একটি গৱীব পর্যায়ে হাদীস। বস্তুত বনী ইসরাইল থেকে ঘটনা বর্ণনা জায়েয সাব্যস্ত হলেও তাদ্বারা ঐ ঘটনাবলীর কথাই বুঝাবে, যেগুলোর যথার্থ হওয়ার সম্ভাবনা রয়েছে। যে সকল ঘটনাও বর্ণনা আমাদের নিকট সুরক্ষিত সত্যের বিপরীত ও বিরোধী হওয়ার প্রেক্ষিতে বাতিল ও অসত্য বলে প্রমাণিত। কিংবা সন্দেহমূলক হবে সেগুলো অবশ্যই পরিত্যজ্য ও প্রত্যাখ্যাত হবে। ওগুলোর ওপর নির্ভর করা যাবে না।

উপরন্তু ইসরাইলী কোন বর্ণনা জায়েয হলেও তার বিশুদ্ধতায় বিশ্বাস স্থাপন জরুরী নয়। কেননা, এ প্রসঙ্গে ইমাম বুখারী (র) বর্ণনা করেছেন যে, হযরত আবু হুরায়রা (রা) থেকে বর্ণিত। তিনি বলেছেন, কিভাবীরা হিকু ভাষায় তাওরাত পাঠ করে এবং মুসলমানদের নিকট তা আরবী ভাষায় ব্যাখ্যা করে। এ প্রসঙ্গে রাসূলুল্লাহ (সা) বলেছেন :

لَا تُصِدِّقُوا أَهْلَ الْكِتَبِ وَلَا تُكَذِّبُوهُمْ وَقُولُوا أَمَّا بِاللَّهِ وَمَا أُنْزِلَ إِلَيْنَا<sup>۱</sup>  
وَمَا أُنْزِلَ إِلَيْكُمْ وَإِلَهُنَا وَإِلَهُكُمْ وَاحِدٌ وَنَحْنُ لَهُ مُسْلِمُونَ<sup>۲</sup>

“তোমরা ইয়াহুদী-নাসারাদেরকে সত্যবাদী বা মিথ্যাবাদী প্রতিপন্থ করবে না; বরং তোমরা বলবে, আমরা ঈশ্বান এনেছি আল্লাহর প্রতি, আমাদের নিকট যা নায়িল হয়েছে তার প্রতি এবং তোমাদের প্রতি যা নায়িল হয়েছে তার প্রতি, আমাদের ইলাহ এবং তোমাদের ইলাহ এক, অভিন্ন। আমরা তাঁর প্রতি আত্মসমর্পণকারী।” ইমাম বুখারী (র) এককভাবে হাদীসটি বর্ণনা করেছেন।

ইমাম আহমদ (র)..... আবু নামলা আনসারীর পিতা সূত্রে বর্ণনা করেছেন যে, একদা তিনি রাসূলুল্লাহ (সা)-এর নিকট উপবিষ্ট ছিলেন। তখন সেখানে একজন ইয়াহুদী উপস্থিত হয়। সে বলে, হে মুহাম্মদ (সা)! এ লাশটি কি কথা বলতে পারবে? রাসূলুল্লাহ (সা) বললেন, ‘আল্লাহ ভাল জানেন।’ ইয়াহুদী বলল, আমি সাক্ষ্য দিচ্ছি, এ লাশটি কথা বলবে। রাসূলুল্লাহ (সা) বললেন, আহলি কিভাব তথা ইয়াহুদী- নাসারাগণ তোমাদের নিকট কোন কথা বললে তোমরা তাদেরকে সত্যবাদী বা মিথ্যাবাদী প্রতিপন্থ করো না। বরং তোমরা এ কথা বলবে যে, ‘আমরা ঈশ্বান এনেছি আল্লাহর প্রতি, তার কিভাব সমৃহের প্রতি, এবং তাঁর রাসূলগণের প্রতি।’ এতটুকু বলার ফলে তারা সত্যবাদী হয়ে থাকলে তোমরা তাদেরকে মিথ্যাবাদী বলছ না। আর তারা মিথ্যাবাদী হয়ে থাকলে তোমরা তাদেরকে সত্যবাদী বলছ না। হাদীসটি ইমাম আহমদ (র) এককভাবে বর্ণনা করেছেন।

ইমাম আহমদ .....জাবির ইবন আবদুল্লাহ (রা) সূত্রে বর্ণনা করেন, উমর ইবন খাতাব (রা) একদা রাসূলুল্লাহ (সা)-এর নিকট এলেন। তাঁর হাতে ছিল একটি কিভাব। আহলি কিভাবের জনৈক ব্যক্তি থেকে তিনি তা পেয়েছিলেন। তিনি সেটি রাসূলুল্লাহ (সা)-কে পাঠ করে শুনান। রাসূলুল্লাহ (সা) ত্রুটি হলেন এবং বললেন, হে খাতাবের পুত্র! তোমরা কি এ শরীয়ত সম্পর্কে সন্দিহান? যে মহান সন্তান হাতে আমার প্রাণ তাঁর শপথ, আমি তোমাদের নিকট নিয়ে এসেছি সুস্পষ্ট আলোকময় দীন। তোমরা ওদের নিকট কিছু জানতে চাইবে না। তাহলে তারা হয়ত তোমাদেরকে সত্য তথ্য দিবে কিন্তু তোমরা সেটাকে মিথ্যা গণ্য করবে। আবার তারা হয়ত তোমাদেরকে অসত্য তথ্য দিবে, কিন্তু তোমরা তা সত্য বলে মেনে নেবে।

لَوْأَنْ مُوسَى كَانَ حَيًّا مَا وَسِعَهُ إِلَّاَنْ يَتَبَعَّنَى<sup>۳</sup>

‘যে পবিত্র সন্তান হাতে আমার প্রাণ তাঁর কসম, মূসা (আ)-ও যদি এখন জীবিত থাকতেন তাহলে আমার অনুসরণ না করে তার কোন উপায় থাকতো না।’ এ হাদীসটি ইমাম আহমদ

(র) এককভাবে উদ্ধৃত করেছেন। অবশ্য এর সনদ ইমাম মুসলিম (র)-এর শর্ত পূরণ করে।

এ সব হাদীস দ্বারা সুস্পষ্টভাবে প্রমাণিত হয় যে, ইসরাইলীরা তাদের প্রতি নায়িলকৃত আসমানী কিতাবকে পরিবর্তন ও বিকৃত করেছে। এসবের ভুল ব্যাখ্যা করেছে এবং এগুলোর অপব্যবহার করেছে। বিশেষত সে সব আরবী ভাষ্যের ক্ষেত্রে যেগুলো তারা উদ্ধৃত করে থাকে, এগুলো সম্পর্কে তাদের পর্যাঙ্গ জ্ঞান নেই। ঐ কিতাবগুলো তাদেরই ভাষায় নায়িল হওয়া সত্ত্বেও তারা এর ভুল ও বিকৃত ব্যাখ্যা করে থাকে। এমতাবস্থায় অন্য ভাষায় তার সঠিক ব্যাখ্যা তারা কেমন করে করবে? এ জন্যে তাদের আরবী উদ্ধৃতিতে প্রচুর ভুল-ক্রটি পরিলক্ষিত হয়। তা ছাড়া তাদের অসং উদ্দেশ্য ও অশুভ মনোভাব তো রয়েছেই। যে ব্যক্তি তাদের বর্তমান কিতাবগুলো মনোযোগ সহকারে অধ্যয়ন করবে এবং তাদের ভুল ব্যাখ্যা ও জগন্য বিকৃতিগুলো গভীরভাবে পর্যবেক্ষণ করবে তাদের বিকৃতি ও পরিবর্তন-পরিবর্ধন তার নিকট স্পষ্টভাবে ধরা পড়বে। আল্লাহই সাহায্যকারী ও রক্ষাকারী।

তাওরাত কিতাবের কিছু অংশ তারা প্রকাশ করে। কিন্তু তারা অধিকাংশই তা গোপন রাখে। এর যতটুকু তারা প্রকাশ করে তার মধ্যে রয়েছে সত্য বিকৃতি ও ভুল ব্যাখ্যা। যারা ওদের বজ্য, প্রকাশিত বিবৃতি, অপ্রকাশিত তথ্য এবং শব্দ ও অর্থগত দিক থেকে ক্রটিপূর্ণ ভাষ্যগুলো পর্যালোচনা করবে, তাদের নিকট তা ধরা পড়বে।

ইসরাইলীদের থেকে যিনি সর্বাধিক ও সর্বোচ্চম ঘটনাবলী বর্ণনা করেছেন তিনি হচ্ছেন কাব আল-আহবার। উমর (রা)-এর যুগে তিনি ইসলাম গ্রহণ করেন। আহলি কিতাব থেকে তিনি কিছু কিছু বিষয় বর্ণনা করতেন। ইসলামের কষ্টিপাথের সত্যের অনুকূল হওয়ার এবং তার মনকে ইসলামের প্রতি আকৃষ্টি করার উদ্দেশ্যে উমর (রা) তাঁর কতক বর্ণনা ভাল বলে গ্রহণ করতেন। এর ফলে বহু মানুষ কাব আল-আহবার থেকে তাঁর বর্ণনাগুলো সংগ্রহ করার সুযোগ পায়। তিনিও সে সকল বিষয়াদি ব্যাপকভাবে বর্ণনা করেছেন, যেগুলোর অধিকাংশেরই কানাকড়ি মূল্য নেই। এর কতক নিশ্চিতভাবেই অসত্য আর কতক সত্য ও বিশুদ্ধ। আমাদের নিকট প্রমাণিত সত্য এ গুলোকে সমর্থন করে।

ইমাম বুখারী (র) হায়দ ইবন আবদুর রহমান সূত্রে বর্ণনা করেন, তিনি মুআবিয়া (রা)-কে মদীনা শরীফে একদল কুরায়শ বংশীয় লোকের নিকট হাদীস বর্ণনা করতে শুনেছেন। প্রসঙ্গক্রমে কাব আল-আহবারের কথা উল্লেখিত হয়। মুআবিয়া (রা) বলেন, আহলি কিতাব থেকে যারা বর্ণনা করেছেন, তাদের মধ্যে কাব আল-আহবার সর্বাধিক সঠিক ও সত্য তথ্য বর্ণনাকারী। এতদসত্ত্বেও আমরা তাঁর বর্ণনায় অসত্য তথ্য দেখতে পাই। অর্থাৎ তাঁর অজ্ঞাতসারেই এরূপ ঘটেছে।

ইমাম বুখারী (র)..... হযরত ইবন আবাস (রা) থেকে বর্ণনা করেন। তিনি বলেন, ইয়াতুনি নাসারাদের নিকট লোকে কোন বিষয়ে জানতে চায় কিভাবে? অথচ আল্লাহ তা'আলা তাঁর রাসূলের প্রতি যে কিতাব নায়িল করেছেন তোমাদের সেই কিতাব তো সর্বশেষ আসমানী কিতাব। তোমরা এটি তিলাওয়াত করে থাকো—যা খাঁটি ও নির্ভেজাল।

আল্লাহ তা'আলা তো তোমাদেরকে জানিয়ে দিয়েছেন যে, ইয়াহুদী-নাসারাগণ তাদের কিতাব বিকৃত ও পরিবর্তন করেছে এবং তাদের নিজ হাতে কিতাব লিখে তা আল্লাহর কিতাব বলে চালিয়ে দিয়েছে, স্বল্প মূল্যের পার্থিব স্বার্থ হাসিলের উদ্দেশ্যে। তোমাদের নিকট যে জ্ঞান এসেছে তা কি তোমাদেরকে ওদের নিকট কিছু জিজ্ঞেস করতে বারণ করেনি? আল্লাহর কসম, আমি তো ওদের কাউকেই তোমাদের প্রতি নাফিলকৃত কিতাব সম্পর্কে কিছু জানতে চাইতে দেখি না।

ইবন জারীর (র) থেকে বর্ণিত, আবদুল্লাহ ইবন মাসউদ (রা) বলেছেন, তোমরা ইয়াহুদী নাসারাদের নিকট কিছু জানতে চেয়ে না। কারণ তারা তোমাদেরকে সত্য পথ দেখাবে না। তারা নিজেরাই তো পথচার হয়েছে। তাদের কথা শুনলে তোমরা হয়ত সত্যকে মিথ্যা এবং মিথ্যাকে সত্য বলে ধারণা করবে। আল্লাহই ভাল জানেন।

### বনী ইসরাইলের তাপস জুরায়জের ঘটনা

ইমাম আহমদ (র)..... আবু হুরায়রা (রা) সূত্রে বর্ণনা করেন, রাসূলুল্লাহ (সা) ইরশাদ করেছেন, তিনজন ছাড়া মায়ের কোলে থাকা অবস্থায় আর কেউ কথা বলেনি। ১। ঈসা ইবন মরিয়ম (আ), ২। বনী ইসরাইলের একজন ইবাদতগুজার লোক, যার নাম ছিল জুরায়জ। একটি ইবাদতখানা তৈরি করে তিনি ওখানে ইবাদত করতেন। জুরায়জের ইবাদতের কথা বনী ইসরাইলের মধ্যে ছড়িয়ে পড়ে। তাদেরই একজন ব্যাভিচারী বলে যে, তোমরা চাইলে আমি ওকে জন্ম করে দিতে পারি। লোকজন বলল, ঠিক আছে, আমরা তাই চাই। সে তখন জুরায়জের নিকট এসে নিজেকে তার কাছে পেশ করল। জুরায়জ সেদিকে তাকিয়েও দেখলেন না। জুরায়জের ইবাদতখানার পাশে একটি রাখাল তার বকরী চরাতো। সে তার সাথে ব্যভিচারে লিঙ্গ হয়। তাতে সে গর্ভবতী হয়ে পড়ে। যথাসময়ে সে একটি পুত্র সন্তান প্রসব করে। লোকজন জিজ্ঞেস করল, এটি কার সন্তান? সে বলল, জুরায়জের। তারা তখন জুরায়জের ইবাদতখানায় ঢাঁও হয়। তারা তাকে টেনে নামায়। এমনকি তারা গালাগালি করে, প্রহার করে তার ইবাদত খানাটি ভেঙ্গে দেয়। তখন জুরায়জ বললেন, ব্যাপার কি? তারা বলল, তুমি এ স্ত্রী লোকটির সাথে ব্যভিচারে লিঙ্গ হয়েছে। ফলে সে একটি ছেলে প্রসব করেছে। জুরায়জ বললেন, সে ছেলেটি কোথায়? তারা বলল, এই যে। জুরায়জ তখন উঠে দাঁড়িয়ে নামায আদায় করেন। আল্লাহর দরবারে দোয়া করলেন। তারপর ছেলেটির নিকট গিয়ে আঙুলে খোঁচা দিয়ে বললেন, হে বালক! আল্লাহর কসম, তোমার জন্মদাতা কে? সে বলল, 'আমি রাখালের পুত্র।' এটা শুনে সবাই জুরায়জের দিকে অগ্রসর হয় এবং তাকে চুমো খেতে থাকে। তারা বলে, আমরা সোনা দিয়ে আপনার ইবাদতখানা তৈরি করে দেব। জুরায়জ বললেন, না, তা আমার দরকার নেই। পূর্বে যেমন ছিল তেমন করে মাটি দিয়েই তৈরি করে দাও! রাসূলুল্লাহ (সা) বললেন, ত্তীয়জন হল জনেকা মহিলা তার শিশুকে কোলে নিয়ে দুধ পান করাছিল। সেখান দিয়ে একজন সুসজ্জিত ঘোড় সওয়ার অতিক্রম করছিল। মহিলাটি বলল, 'হে আল্লাহ! আমার ছেলেকে এ লোকের ন্যায় বানিয়ে দিন!' এটা শুনে শিশুটি তার মায়ের স্তন ছেড়ে দেয়

এবং ঘোড় সওয়ারের দিকে তাকিয়ে বলে, 'হে আল্লাহ! আমাকে ওর মত করবেন না।' এরপর সে পুনরায় মায়ের স্তনে ফিরে আসে এবং তা' চুষতে থাকে। আবু হুরায়রা (রা) বলেন, আমি যেন এখনও দের্ঘি যে, রাসূলল্লাহ (সা) শিশুর ঐ কাজটি দেখিয়ে দিচ্ছেন এবং তিনি তাঁর নিজের আঙ্গুল মুখে পুরে তা চুষছেন।

এরপর মহিলাটি একজন ক্রীতদাসীর পাশ দিয়ে অতিক্রম করছিল। লোকজন তাকে প্রহার করছিল। মহিলাটি বলল, হে আল্লাহ! আমার ছেলেকে ওই ক্রীতদাসীর ন্যায় করবেন না। রাসূলল্লাহ (সা) বলছিলেন যে, তখনই শিশুটি তার মায়ের স্তন ছেড়ে দেয় এবং ক্রীতদাসীর প্রতি তাকিয়ে বলে, 'হে আল্লাহ! আমাকে এই ক্রীতদাসীর মত করবেন। তখন মা-ছেলের মধ্যে একুপ কথোপকথন শুরু হয়।

মা-টি বলে, আমার পেছন দিয়ে সুসজ্জিত অশ্঵ারোহী যাচ্ছিল, আমি বললাম, হে আল্লাহ! আমার ছেলেকে এই এর মত বানাবেন। তখন তুমি বললে যে, হে আল্লাহ! আমাকে ওর মত বানাবেন না। তারপর আমি এই ক্রীতদাসীর পাশ দিয়ে যাচ্ছিলাম। আমি বললাম, 'হে আল্লাহ! আমার ছেলেকে এই ক্রীতদাসীর মত বানাবেন না।' তুমি বললে, 'হে আল্লাহ! আমাকে ওর মত বানাবেন।' এর রহস্য কি? জবাবে শিশুটি বলল, আশ্বারান, অশ্বারোহী সুসজ্জিত ব্যক্তিটি একজন প্রতাপশালী ও অত্যাচারী লোক। আর ওই ক্রীতদাসীটি একজন অসহায় মহিলা। তারা তাকে ব্যভিচারের অপবাদ দিচ্ছে। অথচ সে তা করেনি। তারা বলছে, তুই চুরি করেছিস। অথচ সে চুরি করেনি। সে সর্বাবস্থায় বলছিল---- 'আল্লাহই আমার জন্য যথেষ্ট।'

ইমাম বুখারী (র) 'আয়িরা' সংক্রান্ত অধ্যায়ে এবং জুলুম সংক্রান্ত অধ্যায়ে এবং ইমাম মুসলিম (র) আদব অধ্যায়ে হাদীসটি বর্ণনা করেছেন।

ইমাম আহমদ (র)..... আবু হুরায়রা (রা) সূত্রে বর্ণনা করেন, নবী করীম (সা) ইরশাদ করেছেন, জুরায়জ একদা তাঁর ইবাদতখানায় ইবাদত করছিলেন, এমন সময় সেখানে তাঁর মা এসে হাজির হন। তিনি বলেন, হে জুরায়জ! আমি তোমার মা, আমার সঙ্গে কথা বল! হাদীস বর্ণনার সময় রাসূলল্লাহ (সা) কিভাবে তাঁর ডান হ্র-এর ওপর হাত রেখেছিলেন আবু হুরায়রা (রা) তা' দেখিয়ে দিচ্ছিলেন। জুরায়জের মা যখন হাজির হন তখন জুরায়জ ছিলেন নামায়ের মধ্যে। মনে মনে তিনি বললেন, হে আল্লাহ! আমি এখন কি করি, একদিকে মা অপর দিকে নামায! শেষ পর্যন্ত তিনি নামাযকেই প্রাধান্য দেন। তার মা তখন ফিরে চলে যায়। এরপর তার মা পুনরায় তার নিকট আসেন। ঘটনাক্রমে তখনও তিনি নামাযে রত ছিলেন। মা ডেকে বললেন, হে জুরায়জ! আমি তোমার মা। আমার সাথে কথা বল। তিনি মনে মনে বললেন, হে আল্লাহ। একদিকে নামায, অপর দিকে আমার মা। আমি তখন কি করি? শেষ পর্যন্ত তিনি নামাযকেই প্রাধান্য দিলেন।

তখন মা বললেন, হে আল্লাহ! এই জুরায়জ, আমার পুত্র। আমি তার সাথে কথা বলতে চেয়েছিলাম সে আমার সাথে কথা বলেনি। হে আল্লাহ! কোন ব্যভিচারিণীর হাতে লাক্ষ্মিত না করে তার মৃত্যু দিবেন না। কোন ব্যভিচারিণী তাকে ফাঁদে ফেলার জন্যে ডাকলে হে আল্লাহ! আপনি তাকে ফাঁদে ফেলার ব্যবস্থা করে দিবেন।

আল-বিদায়া ওয়ান নিহায়া (২য় খণ্ড) ৩৪—

একজন রাখাল জুরায়জের ইবাদতখানার পাশে রাত্রি যাপন করত। এক রাতে এক মহিলা বেরিয়ে আসে। রাখাল তার সাথে ব্যভিচারে লিঙ্গ হয়। ফলে সে একটি পুত্র সন্তান প্রসব করে। লোকজন বলে ‘এটি কার সন্তান?’ সে বলল, এই ইবাদতখানার মালিকের সন্তান। লোকজন তাদের কুঠারাদি নিয়ে জুরায়জের ইবাদত খানায় উপস্থিত হয় এবং টাঁকার করে তাঁকে ডাকতে থাকে। তিনি নিরম্ভুর রহিলেন। এরপর তারা তাঁর ইবাদতখানাটি ভাঙতে শুরু করে। তিনি বেরিয়ে তাদের নিকট আসেন। তারা বললো, এই মহিলাটির সাথে কথা বল। তিনি বললেন, আমি তো তাকে হাসতে দেখছি। তারপর তিনি শিশুটির মাথায় হাত বুলিয়ে বললেন, তোমার পিতা কে? জবাবে শিশুটি বলল, আমার পিতা বকরীর রাখাল। তখন তারা বলল, ‘হে জুরায়জ! তোমার যে ইবাদতখানাটি আমরা নষ্ট করেছি তা আমরা সোনা-রূপা দিয়ে নির্মাণ করে দিব। তিনি বললেন, না, বরং পূর্বে যেমন ছিল তেমন করে তৈরি করে দাও। তখন তারা তাই করলো। ইমাম মুসলিম (র) ‘অনুমতি প্রার্থনা’ পর্বে এ হাদীসটি উদ্ধৃত করেছেন।

ইমাম আহমদ (র) আবু হুরায়রা (রা) সূত্রে এ মর্মে আরেকটি হাদীস. বর্ণনা করেন। তাতে রাখাল পুরুষের স্ত্রে রাখাল স্ত্রী লোকের উল্লেখ রয়েছে। তাতে বর্ণিত হয়েছে যে, এক রাখাল বালিকা নিজেদের বকরী চরাত। সে এসে জুরায়জের ইবাদতখানার ছায়ায় বসত। একদিন সে কোন এক লোকের সাথে ব্যভিচারে লিঙ্গ হয় এবং তাতে সে গর্ভবর্তী হয়ে পড়ে। সে জনতার হাতে ধরা পড়ে যায়। তখনকার বিধান ছিল ব্যভিচারীকে মৃত্যুণ্ড দেয়া হত। লোকজন বলল, এ সন্তানটি কার? রাখাল মহিলাটি বলল, ইবাদতখানার মালিক জুরায়জের। লোকজন তাদের কুঠারাদি নিয়ে ইবাদতখানার উপর ঝাঁপিয়ে পড়লো। তারা বললো, হে জুরায়জ, হে ভগ্ন ইবাদতকারী! বেরিয়ে আয়। জুরায়জ নেমে আসতে অঙ্গীকৃতি জানালো এবং নামাযে রত রহিলেন। লোকজন তার ইবাদতখানা ভাঙ্গ শুরু করে। এ অবস্থা দেখে তিনি নিচে নেমে আসেন। তারা জুরায়জ এবং উক্ত মহিলার গলায় রশি বেঁধে দু'জনকে পাড়ায় পাড়ায় ঘুরাতে থাকে।

ইত্যবসরে জুরায়জ তাঁর আঙ্গুলী মহিলার পেটে রেখে বলেন, হে শিশু তোমার পিতা কে? গভর্নেট শিশু বলে ওঠে, আমার পিতা বকরীর রাখাল ওয়ুক ব্যক্তি। লোকজন তখন জুরায়জকে চুম্ব খেতে শুরু করে। তারা বলে যে, আপনি যদি অনুমতি দেন তবে আমরা সোনা-রূপা দিয়ে আপনার ইবাদতখানা তৈরি করে দেব। তিনি বললেন, না, দরকার নেই। বরং পূর্বে যেরূপ ছিল সেইরূপেই পুনঃ নির্মাণ করে দাও। এটি একটি গরীব পর্যায়ের হাদীস। এর সনদ ইমাম মুসলিমের শর্ত পূরণ করে।

উল্লেখিত তিনজন ব্যক্তি মায়ের কোলে থাকা অবস্থায় কথা বলেছেন। ঈসা ইবন মরিয়ম (আ) তাঁর ঘটনা ইতিপূর্বে উল্লেখ করা হয়েছে। জুরায়জের ইবাদত খানার পার্শ্ববর্তী রাখালের ওরসে যেনাকারিগীর পুত্র। যা এইমাত্র বর্ণিত হলো। তার নাম ছিল ইয়াবুস। ইমাম বুখারী (র) স্পষ্টভাবে এটি উল্লেখ করেছেন।

তৃতীয় ব্যক্তি হল দুঃখদানকারিগী মহিলার কোলে থাকা পুত্র। মহিলা কামনা করেছিল তার পুত্র যেন সুসজ্জিত অশ্বারোহীর মত হয়। আর পুত্র চেয়েছিল সে যেন অপবাদ প্রাণ্ডা অথচ

নির্দোষ মহিলার ন্যায় হয়। দাসীটি অনবরত বলছিল—‘আল্লাহই আমার জন্যে যথেষ্ট। তিনি কতই না উত্তম কর্মবিধায়ক।’ ইতিপূর্বে মুহাম্মদ ইবন সীরীন আবু হুরায়রা (রা) থেকে মারফু সনদে ‘এটি বর্ণিত হয়েছে।

ইমাম আহমদ (র) হাওয়া ..... আবু হুরায়রা (রা) সনদে রাসূলুল্লাহ (সা) থেকে দুঃঘোষ্য এ শিশুর ঘটনা উন্নত করেছেন। এ সনদটিও হাসান পর্যায়ের।

ইমাম বুখারী (র) বলেন, আবু হুরায়রা (রা) সূত্রে বর্ণনা করেন যে, তিনি রাসূলুল্লাহ (সা)-কে বলতে শুনেছেন যে, একজন মহিলা তার পুত্রকে দুধ পান করাচ্ছিল। এমতাবস্থায় সেখান দিয়ে যাচ্ছিল এক অশ্বারোহী। মহিলাটি এ বলে দোয়া করে, হে আল্লাহ! আমার পুত্র এই অশ্বারোহীর মত না হওয়া পর্যন্ত তার মৃত্যু দিবেন না। ছেলেটি বলে উঠল, হে আল্লাহ! আমাকে এই অশ্বারোহীর মত বানাবেন না। তারপর পুনরায় দুধ চুষতে থাকে।

অতঃপর তারা পথে দেখল, একজন মহিলা—তাকে টেনে টেনে নেয়া হচ্ছে। আর তাকে নিয়ে সবাই হাস্য, কৌতুক ও খেলা করছে। শিশুর মাতা বলল, হে আল্লাহ! আমার ছেলেকে এই মহিলার মত বানাবেন না। ছেলে বলল, হে আল্লাহ! আমাকে এই মহিলার মত বানাবেন। অতঃপর ব্যাখ্যা স্বরূপ ছেলেটি বলল, ওই যে অশ্বারোহী সে তো কাফির। আর এই ক্রীতদাসী—লোকজন বলছে, সে যেনা করেছে, আর সে বলছে, আমার জন্যে আল্লাহই যথেষ্ট। তারা বলছে, সে চুরি করেছে; সে বলছে, আমার জন্যে আল্লাহই যথেষ্ট। যারা মায়ের কোলে থাকা অবস্থায় কথা বলেছে, তাদের মধ্যে ইউসুফ (আ)-এর পক্ষে সাক্ষ্যদাতা শিশুটিও রয়েছে যা ইতিপূর্বেই আলোচিত হয়েছে। তাদের মধ্যে ফিরআওন পরিবারের চুল বিন্যাসকারিণীর শিশুটিও রয়েছে। আল্লাহ ভাল জানেন।

## বারসীসা-এর ঘটনা

এটি জুরায়জের ঘটনার বিপরীত। জুরায়জ ছিলেন পুতৎপবিত্র আর বারসীসা ছিল পথ-ভষ্ট। আল্লাহ তাআলার বাণী :

كَمِثْلِ الشَّيْطَانِ إِذْ قَالَ لِلنِّسَانَ اكْفُرْ . فَلَمَّا كَفَرَ قَالَ إِنِّي بِرِءٌ  
مِّنْكَ إِنِّي أَخَافُ اللَّهَ رَبَ الْعَلَمِينَ . فَكَانَ عَاقِبَتَهُمَا فِي النَّارِ خَالِدِينَ  
فِيهَا . وَذَلِكَ جَزَاءُ الظَّلَمِينَ .

“এরা শয়তানের মত, সে মানুষকে বলে, ‘কুফরী কর’, তারপর যখন সে কুফরী করে তখন সে বলে, তোমার সাথে আমার কোন সম্পর্ক নেই, আমি তো জগতসমূহের প্রতিপালক আল্লাহকে ভয় করি”।<sup>১</sup> ফলে উভয়ের পরিণাম হবে জাহানাম। সেখায় তারা স্থায়ী হবে। আর এটাই জালিমদের কর্মফল। এর ব্যাখ্যা সম্পর্কে ইবন জারীর আবদুল্লাহ ইবন মাসউদ (রা) সূত্রে বলেন, একজন মহিলা বকরী চৰাত। তার ছিল চার ভাই। রাতের বেলা সে ধর্ম্যাজকেরে উপাসনালয়ে এসে আশ্রয় নিত।

একদিন যাজক এসে তার সাথে কুকর্ম করে। তাতে সে অন্তৎস্বত্ত্বা হয়ে পড়ে। শয়তান এসে প্ররোচণা দিয়ে বলে, মহিলাকে খুন করে মাটি চাপা দিয়ে দাও। লোকে তো তোমাকে বিশ্বাস করে। তারা তোমার কথা শুনবে। শয়তানের প্ররোচণায় সে মহিলাটিকে খুন করে এবং মাটি চাপা দিয়ে দেয়। এবার শয়তান স্বপ্নে মহিলার ভাইদের নিকট উপস্থিত হয়। তাদেরকে বলে যে, উপাসনালয়ের যাজক তোমাদের বোনের সাথে কুকর্ম করেছে এবং সে অন্তৎস্বত্ত্বা হয়ে পড়ায় তাকে খুন করে অমুক স্থানে মাটি চাপা দিয়ে দিয়েছে। সকাল হলে ভাইদের একজন বললো, আল্লাহর কসম! গত রাতে আমি এক আশ্চর্যজনক স্বপ্ন দেখি, সেটি তোমাদেরকে বলব কি বলব না তা স্থির করতে পারছি না।

অন্যরা বলল, তুমি বরং ঐ স্বপ্নের কথা আমাদেরকে বল। সে তা বর্ণনা করলো। অন্যজন বললো, আল্লাহর কসম, আমিও স্বপ্নে তাই দেখেছি। তৃতীয়জন বললো, আমিও তাই দেখেছি। তখন তারা বলাবলি করে যে, নিশ্চয়ই এর মধ্যে কোন রহস্য আছে। তারা সবাই তাদের শাসনকর্তাকে যাজকের বিরুদ্ধে প্রতিশোধ নিতে উদ্বৃদ্ধ করে। তারপর সবাই যাজকের নিকট যায় এবং তাকে উপাসনালয় থেকে নামিয়ে আনে। এ সময়ে শয়তান যাজকের নিকট উপস্থিত হয়ে বলে, আমিই তোমাকে এ বিপদে ফেলেছি। আমি ছাড়া কেউ তোমাকে এখান থেকে উদ্ধার

করতে পারবে না। সুতরাং তুমি আমাকে একটি সিজদা কর; আমি তোমাকে যে বিপদের ফেলেছি তা থেকে উদ্ধার করব। সে মতে সে তাকে সিজদা করল। তারপর শাস্তি বিধানের জন্যে যখন শাসনকর্তার নিকট তাকে নিয়ে গেল তখন শয়তান সেখান থেকে কেটে পড়ে তখন তাকে নিয়ে হত্যা করা হয়। ইবন আবুরাস (রা) সূত্রেও অনুরূপ বর্ণিত হয়েছে।

আমিরূল মুমিনীন আলী ইবন আলী তালিব (রা) থেকে অন্য এক সনদে এ ঘটনাটি বর্ণিত হয়েছে। ইবন জারীর আবদুল্লাহ ইবন নাহীদকে উদ্ভৃত করে বলেন, আমি আলী (রা)-কে বলতে শুনেছি। তিনি বলছিলেন, এক ধর্ম্যাজক দীর্ঘ ষাট বছর ধরে ইবাদত করেছিল। শয়তান তাকে জন্ম করতে ফন্দি আঁটে। অতঃপর সে এক মহিলার ওপর আচর করে। সে মহিলার কয়েকটি ভাই ছিল। ভাইদেরকে সে বলল, ওকে চিকিৎসার উদ্দেশ্যে যাজকের কাছে নিয়ে যাও। ভাইয়েরা মহিলাটিকে যাজকের নিকট নিয়ে যায়। তার চিকিৎসা করল। মহিলাটি কয়েকদিন তার ওখানে ছিল। একদিনের কথা। মহিলার প্রতি আসঙ্গ হয়ে সে তার সাথে কুকর্মে লিপ্ত হয়। সে তাতে গর্ভবতী হয়ে পড়ে। অবশেষে যাজকটি তাকে হত্যা করে। তার ভাইয়েরা বোনের খোঁজে যাজকের নিকট আসে। এ দিকে শয়তানও তার কাছে। উপস্থিত হয়ে বললেন, এক সময় তুমি আমাকে ব্যর্থ করে দিয়েছিলে। এখন আমি তোমাকে দিয়ে এসব কাণ্ড ঘটিয়েছি। অতএব এখন তুমি আমার আনুগত্য কর। আমি তোমাকে উদ্ধার করব। তুমি আমাকে একটি সিজদা কর। যাজকটি তাকে সিজদা করল। তখন শয়তান বলল, এখন তোমার সাথে আমার কোন সম্পর্ক নেই। আমি বিশ্ব প্রতিপালক আল্লাহকে ভয় করি। এ প্রসঙ্গেই আল্লাহ তা'আলা ইরশাদ করেনঃ

كَمَثَلِ الشَّيْطَانِ إِذْ قَالَ لِلْإِنْسَانِ اكْفُرْ فَلَمَّا كَفَرَ قَالَ إِنِّي بَرِئٌ مِّنْكَ  
إِنِّي أَخَافُ اللَّهَ رَبَّ الْعَلَمِينَ.

“এরা শয়তানের মত, সে মানুষকে বলে, ‘কুফরী কর’। অতঃপর যখন সে কুফরী করে, তখন সে বলে, তোমার সাথে আমার কোন সম্পর্ক নেই। আমি জগতসমূহের প্রতিপালক আল্লাহকে ভয় করি”।<sup>১</sup>

### গুহায় আশ্রয় গ্রহণকারী তিন ব্যক্তির ঘটনা

পূর্বেকার যামানার তিন ব্যক্তি একদা একটি গুহায় আশ্রয় গ্রহণ করেন। গুহার মুখটি অক্ষম রূপ্ত হয়ে যায়। তখন তারা নিজেদের সৎকর্মের উসিলা দিয়ে আল্লাহর নিকট দোয়া করেন। আল্লাহ তাদেরকে বিপন্নুক্ত করেন।

ইমাম বুখারী (র) ইবন উমার (রা) সূত্রে বর্ণনা করেন, রাসূলুল্লাহ (সা) ইরশাদ করেছেন, তোমাদের পূর্বেকার যুগের তিনজন লোক পথ চলছিল। হঠাৎ তারা ঝড়ে পতিত হয়। তারা একটি গুহায় আশ্রয় নেয়। তখন অক্ষম গুহার মুখ বন্ধ হয়ে যায়। তারা পরম্পরে বলাবলি

<sup>1.</sup> ৫৯ হাশর ১৬

করতে থাকে, আল্লাহর কসম! এই বিপদটি থেকে যে কোন পুণ্যকর্মের উসিলা ব্যতীত তোমরা মুক্তি পাবে না। এখন প্রত্যেকেই নিজ নিজ উন্নত কর্মের উসিলা দিয়ে আল্লাহর দরবারে দোয়া কর। তাদের একজন এ বলেন, দোষা শুরু করল, ‘হে আল্লাহ’ আপনি তো জানেন, আমার এক শুমিক ছিল। এক ফুরক<sup>১</sup> ধান পারিশুমিক ধার্য করে সে আমার কাজে নিয়োজিত হয়েছিল। কাজ শেষে পারিশুমিক না নিয়েই সে চলে যায়। অতঃপর তার সে ধান আমি জমিতে বপন করে ফসল উৎপন্ন করি। ক্রমান্বয়ে তা বৃক্ষ পেতে থাকে। অবশেষে তা দিয়ে আমি একটি গাড়ী ক্রয় করি। একদিন সে আমার নিকট তার পারিশুমিক নেয়ার জন্যে আসে। আমি বলি, ওই যে গাড়ী তা তুমি নিয়ে যাও। সে আমাকে বলে, আমার তো আপনার নিকট শুধু এক ফুরক ধানই পাওনা। আমি বলি, তোমার সে ধান থেকেই এই গাড়ী তুমি তা নিয়ে যাও। সে তখন এই গাড়ীটি নিয়ে চলে যায়। ‘হে আল্লাহ! আপনি যদি মনে করেন যে, আপনার ভয়েই আমি এক্ষেপ করেছি, তবে আমাদেরকে এ বিপদ থেকে উদ্ধার করুন। এতে পাথর একটুখানি ফাঁক হয়ে যায়।

অপর একজন বলেন, ‘হে আল্লাহ! আপনি তো জানেন, আমার ঘরে বৃক্ষ মাতা পিতা ছিলেন। প্রতি রাতে আমি তাদেরকে বকরীর দুধ পান করাতাম। এক রাতে আমার আসতে বিলম্ব হয়ে যায়। আমি যখন আসি, তখন আমার পিতামাতা ঘুমিয়ে পড়েছিলেন। আমার পরিবার-পরিজন ও ছেলে-মেয়েরা তখনও ক্ষুধায় ছটফট করছিল, কানাকাটি করছিল। আমার পিতামাতা দুধ পান না করা পর্যন্ত আমি পরিবারের কাউকেই দুধ পান করতে দিতাম না। এসময়ে আমি পিতামাতাকে ঘুম থেকে জাগিত করা সমীচীন মনে করিনি। আবার তাদেরকে রেখে পরিবারের অন্যদেরকে দুধ খেতে দেয়াও পছন্দ করিনি। আমি তাদের জগত হওয়ার অপেক্ষায় থাকি। এভাবে ভোর হয়ে যায়। ‘হে আল্লাহ! আপনি যদি মনে করেন যে, আপনার ভয়ে আমি এক্ষেপ করেছি তাহলে আমাদের বিপদ দূর করে দিন! অতঃপর শুহার মুখের পাথর আরেকটি ফাঁক হয়ে যায়, যাতে আকাশ দেখতে পাওয়া যায়। তাদের অপরাজন বলেন, হে আল্লাহ! আপনি তো জানেন, আমার এক চাচাত বোন ছিল। সে ছিল আমার সর্বাধিক প্রিয়। আমি তাকে কুকর্মের জন্য প্ররোচিত করি। একশ'টি স্বর্ণ মুদ্রা না দেওয়া পর্যন্ত সে তাতে অঙ্গীকৃতি জানায়। আমি সে পরিমাণ স্বর্ণ মুদ্রা অর্জনের চেষ্টা চালাই। আমি তা সংগ্রহ করে তা তার হাতে তা অর্পণ করি। তখন সে আমাকে সুযোগ দেয়। আমি যখন চূড়ান্ত মুহূর্তে উপনীত হই তখন সে বলে ওঠে, আল্লাহকে ভয় করুন! বৈধ পঞ্চায় ব্যতীত আমার শুলিতাহানি করবেন না। তখনই আমি উঠে আসি এবং আমার একশ' স্বর্ণ মুদ্রাও রেখে আসি। ‘হে আল্লাহ! আপনি যদি মনে করেন যে, আপনার ভয়েই আমি তা করেছি, তবে আমাদের বিপদ দূর করে দিন। অতঃপর আল্লাহ তাআলা তাদের বিপদ দূর করে দিলেন। তারা গুহা থেকে বেরিয়ে আসে।

ইমাম মুসলিম (র) ইমাম আহমদ (র) নিজ নিজ সনদে অনুরূপ বর্ণনা উদ্ধৃত করেছেন। ইমাম আহমদের একটি বর্ণনায় কিছু অতিরিক্ত কথাও রয়েছে। বায্যারও অনুরূপ বর্ণনা উদ্ধৃত করেছেন।

.১. মদীনা শরীয়তে প্রচলিত তিন সা বা দশ কেজি বিশিষ্ট মাপপাত্র।

## অঙ্ক, কুষ্ঠ ও টাক মাথাওয়ালা তিন ব্যক্তির ঘটনা

ইমাম বুখারী (র) ও মুসলিম (র) একাধিক সূত্রে বর্ণনা করেন যে, আবু হুরায়রা (রা) রাসূলুল্লাহ (সা)-কে বলতে শুনেছেন যে, বনী ইসরাইলের তিন ব্যক্তি একজন কুষ্ঠ রোগী, একজন অঙ্ক, একজন টাক মাথা বিশিষ্ট ছিল। আল্লাহ তা'আলা তাদেরকে পরীক্ষা করতে চাইলেন। তাদের নিকট আল্লাহ তাআলা একজন ফিরিশতা পাঠালেন। তিনি প্রথম কুষ্ঠরোগীর নিকট উপস্থিত হন।

ফিরিশতা তাকে জিজ্ঞেস করেন, তোমার প্রিয় বস্তু কি? সে বলে, সুন্দর রং ও সুন্দর তৃক। লোকজন এখন আমাকে ঘৃণা করে। ফিরিশতা তার গায়ে হাত বুলিয়ে দেন। ফলে তার রোগ ধিদূরিত হয়। তাকে সুন্দর রং ও সুন্দর তৃক দান করা হয়। ফিরিশতা আবার বলেন, কোন সম্পদ তোমার নিকট প্রিয়? সে বলে, উট। অথবা সে বললো, গাভী। (কুষ্ঠ রোগীও টেকো মাথা বিশিষ্ট এ দু'জনের একজন উট চেয়েছিল অপরজন চেয়েছিল গাভী। তাদের কে উট চেয়েছিল আর কে গাভী চেয়েছিল তা নিয়ে রাবীর সন্দেহ রয়েছে।) ফিরিশতা একটি দশ মাসের গর্ভবতী উটনী তাকে প্রদান করেন এবং বলেন, এতে আল্লাহ তোমাকে বরকত দিন!

রাসূলুল্লাহ বলেন, অতঃপর ফিরিশতা আসেন টেকো মাথা বিশিষ্ট ব্যক্তির নিকট। তিনি তাকে জিজ্ঞেস করেন। কোন বস্তু তোমার প্রিয়? জবাবে সে বলে। আমার প্রিয় হল সুন্দর চুল, আর এই টাক যেন দূরীভূত হয়। লোকজন তো এখন আমাকে ঘৃণা করে। ফিরিশতা তার মাথায় হাত বুলিয়ে দিলেন। টাক দূরীভূত হয় এবং তার মাথায় সুন্দর চুল গজায়। আবার ফিরিশতা বলেন, কোন সম্পদ তোমার নিকট প্রিয়? সে বলে, গরু। ফিরিশতা তাকে একটি গর্ভবতী গাভী দান করেন এবং বলেন, আল্লাহ এতে তোমাকে বরকত দিন।

এবার ফিরিশতা আসেন অঙ্ক ব্যক্তির নিকট। তিনি জিজ্ঞেস করলেন, তোমার প্রিয় বস্তু কি? সে বললো, আল্লাহ যেন আমার দৃষ্টি শক্তি ফিরিয়ে দেন। আমি যেন লোকজনকে দেখতে পাই। ফিরিশতা তার চোখে হাত বুলিয়ে দিলেন। আল্লাহ তাআলা তার দৃষ্টিশক্তি ফিরিয়ে দিলেন। ফিরিশতা বললেন, কোন সম্পদ তোমার প্রিয়? সে বলে, ছাগল। তিনি তাকে একটি গর্ভবতী বকরী দান করেন।

ইতিমধ্যে উটনী, গাভী ও বকরী বাচ্চা দিতে থাকে। ক্রমে ক্রমে উট ওয়ালার মাঠ উটে ভর্তি হয়ে যায়। গাভীওয়ালার মাঠ পূর্ণ হয়ে যায় গরুতে। আর বকরী ওয়ালার মাঠ পরিপূর্ণ হয় বকরীতে।

এরপর একদিন ফেরেশতা কুষ্ঠরোগীর নিকট তার পূর্বের আকৃতি নিয়ে উপস্থিত হন। তিনি বললেন, আমি একজন মিসকিন। সফরে এসে আমার যা ছিল সব ফুরিয়ে গেছে। আল্লাহর সাহায্য এবং অতঃপর আপনার সহযোগিতা ব্যতীত আমার দেশে ফেরার কোন উপায় নেই। যে আল্লাহ আপনাকে সুন্দর দেহ, বর্ণ ও সুন্দর তৃক দান করেছেন তাঁর দোহাই দিয়ে আপনার নিকট আমি একটি উট ভিক্ষা চাইছি। আমার সফর কালে সেটি কাজে লাগবে। সে বলল, মানুষের চাহিদার শেষ নেই। ফেরেশতা বলেন, আপনাকে আমার চেনা চেনা মনে হচ্ছে। আপনি না কুষ্ঠ রোগী ছিলেন? মানুষ আপনাকে ঘৃণা করত। আর আপনি ছিলেন দরিদ্র। আল্লাহই তো

আপনাকে সব সম্পদ দান করেছেন। সে বলল, আমি তো বংশানুক্রমে উত্তরাধিকার সূত্রে এ সম্পদের মালিক হয়েছি। ফেরেশতা বললেন, তুমি যদি মিথ্যাবাদী হয়ে থাকো, তাহলে আল্লাহ যেন তোমাকে পূর্বাবস্থায় ফিরিয়ে দেন।

এরপর ফেরেশতা টেকো মাথা লোকের নিকট তাঁর আকৃতি নিয়ে আসলেন। কুষ্ঠরোগীকে যেরূপ বলেছিলেন, তাকেও সেরূপ বললেন। সেও ঐ কুষ্ঠরোগীর মত উত্তর দিল। ফেরেশতা বললেন, তুমি মিথ্যাবাদী হলে আল্লাহ যেন তোমাকে পূর্বাবস্থায় ফিরিয়ে দেন।

এরপর ফেরেশতা অঙ্গ ব্যক্তির নিকট তাঁর আকৃতিতে আসলেন। তিনি বললেন, আমি মিসকিন ও মুসফির ব্যক্তি। সফরে এসে আমার সহায় সম্বল ফুরিয়ে পিয়েছে। আল্লাহর সাহায্য ও তারপর আপনার সহায়তা ব্যতীত আমার বাড়ি ফিরে যাওয়ার কেন্দ্র ব্যবস্থা নেই। যে মহান আল্লাহ আপনাকে দৃষ্টিশক্তি ফিরিয়ে দিয়েছেন তার দোহাই দিয়ে আমি আপনার নিকট একটি বকারী যাঞ্জা করছি। ওটি দ্বারা আমার সফরের প্রয়োজনীয় খরচ মিটাবো। বকারী ওয়ালা বলল, আমি ছিলাম অঙ্গ। আল্লাহ আপনাকে দৃষ্টি শক্তি ফিরিয়ে দিয়েছেন। আমি ছিলাম দরিদ্র। আল্লাহ আপনাকে ধনী বানিয়েছেন। তোমার যেটা পছন্দ সেটা নিয়ে যাও। আল্লাহর নামে তুমি আজ যেটিই নিবে আমি তাতে দৃঢ় পাব না। ফিরিশতা বললেন, আপনার মাল আপনি রেখে দিন। বস্তুত আল্লাহ আপনাদের তিনজনকে পরীক্ষা করলেন। আপনার প্রতি আল্লাহর রাজী হয়েছেন। পক্ষান্তরে আপনার অপর দুই সাথীর প্রতি আল্লাহ নারাজ ও অসন্তুষ্ট হয়েছেন।

এটি ইমাম বুখারী (র)-এর ভাষ্য। বনী ইসরাইল বিষয়ক হাদীসসমূহে তিনি এটি উন্নত করেছেন।

### এক হাজার স্বর্ণমুদ্রা ধার নিয়ে তা পরিশোধের ঘটনা

ইমাম আহমদ (র) বলেন, হযরত হুরায়রা (রা) থেকে বর্ণিত। রাসূলুল্লাহ (সা) বনী ইসরাইলের এক লোকের ঘটনা বর্ণনা করেছেন। উক্ত লোক বনী ইসরাইলের অন্য এক ব্যক্তি থেকে এক হাজার স্বর্ণ মুদ্রা ধার চেয়েছিল। ঝণ্ডাতা বললো, কয়েকজন সাক্ষী নিয়ে আস। সে বললো, ‘সাক্ষীরূপে আল্লাহই যথেষ্ট।’ ঝণ্ডাতা বলেছিল, একজন জামিন নিয়ে আসুন। সে বলল, জামিন হিসেবে আল্লাহই যথেষ্ট। ঝণ্ডাতা তখন বলে, তুমি যথার্থই বলেছো।

সে মতে সে তাকে এক হাজার স্বর্ণ মুদ্রা দিল। ঝণ্ড গ্রহিতা এরপর এক সমুদ্র যাত্রায় বের হয়। তার কাজ শেষ হলে নির্দিষ্ট সময়ে সে ঝণ্ড পরিশোধের উদ্দেশ্যে ঝণ্ড দাতার নিকট পৌছার জন্যে একটি বাহন খুঁজতে থাকে। কিন্তু কোন বাহন সে খুঁজে পায়নি। তখন সে একটি কাষ্ঠখণ্ড সংগ্রহ করে। সেটিকে ছিন্দ করে। এক হাজার স্বর্ণ মুদ্রা এবং ঝণ্ডাতার উদ্দেশ্যে লিখিত একটি চিঠি সে ঐ ছিন্দের মধ্যে ঢুকিয়ে দেয়। অতঃপর ভাল করে ছিন্দের স্থানটি বন্ধ করে দেয়। অতঃপর ঐ কাষ্ঠখণ্ডটি নিয়ে সে উপস্থিত হয় সমুদ্রের তীরে। সে বলে, হে আল্লাহ! আপনি তো জানেন অমুক ব্যক্তি থেকে আমি এক হাজার স্বর্ণ মুদ্রা ধার নিয়েছিলাম। সে আমার নিকট জামিন দাবি করে। আমি তাকে বলেছিলাম যে, জামিন রূপে আল্লাহই যথেষ্ট। সে আমার নিকট সাক্ষী দাবি করে। আমি বলি সাক্ষীরূপে আল্লাহই যথেষ্ট। এতে সে রাজী হয়। আমি তো যথাসাধ্য চেষ্টা করেছি একটি বাহন যোগাড় করার জন্য। যাতে যথাসময়ে আমি তাঁর টাকা

পৌছিয়ে দিতে পারি। কিন্তু আমি কোন বাহন পেলাম না। এখন সেই এক হাজার মুদ্রা আপনার নিকট আমানত রাখছি। এ বলে ঐ কাঠখণ্ডটি সে সমুদ্র ভাসিয়ে দেয়। কাঠ ভেসে যায় সমুদ্রে। সে ফিরে যায় এবং নিজ দেশে পৌছার জন্যে বাহন খুঁজতে থাকে। ঝণ গ্রহীতা তার সম্পদ নিয়ে আগমনকারী বাহনের অপেক্ষায় থাকে। হঠাৎ সেই সম্পদ সম্পত্তি কাঠটি তার নজরে পড়ে। পরিবারের জ্বালানি কাঠ রূপে ব্যবহারের জন্যে সে কাঠটি বাঢ়ি নিয়ে যায়। সেটি কাটতে গিয়ে সে উক্ত স্বর্ণ মুদ্রা ও চিঠিটি পায়। পরবর্তীতে একদিন ঝণ গ্রহীতা তার নিকট এক হাজার স্বর্ণ মুদ্রা নিয়ে এসে উপস্থিত হয়। সে বলে, আমি বাহন সংগ্রহ করার জন্যে যথাসাধ্য চেষ্টা করেছি। যাতে করে পাওনা টাকা নিয়ে যথাসময়ে আপনার নিকট আসতে পারি। কিন্তু যে বাহনে করে আমি আপনার নিকট এসেছি সেটির পূর্বে কোন বাহন পাইনি। ঝণদাতা বললো, তুমি ইতিপূর্বে আমার নিকট কোন কিছু প্রেরণ করেছিলে? সে বললো, আমি তো আপনাকে বলেছি-ই যে, এ বাহনের পূর্বে আমি কোন বাহন পাইনি। ঝণ দাতা বললো, তোমার কাঠের ভেতরে রাখা স্বর্ণ মুদ্রা আল্লাহ তাআলা আমার নিকট পৌছিয়ে দিয়েছেন। যে এক হাজার স্বর্ণ মুদ্রা সাথে করে এনেছো তা নিয়ে তুমি ফিরে যাও।

ইমাম আহমদের সনদ সহকারে হাদীসটি এভাবে উল্লেখ করেছেন। ইমাম বুখারী (র) তাঁর সহীহ গ্রন্থের একাধিক স্থানে সনদ ছাড়াই নিশ্চয়তা প্রকাশক শব্দ দ্বারা লাইছ ইবন সাদ সূত্রে এবং কোন কোন ক্ষেত্রে তাঁর কাতিব আবদুল্লাহ ইবন সালিহ সূত্রে সনদ সহকারে উল্লেখ করেছেন। এতদসত্ত্বেও হাকিম বায়িয়ার যে তাঁর মুসনাদ গ্রন্থে হাদীসটি একক বর্ণনা বলে মন্তব্য করেছেন, তাতে বিশ্বিত হতে হয়।

### সততা ও আমানতের আরও দৃষ্টান্ত ঘটনা

ইমাম বুখারী (র) বলেন, আবু হুরায়রা (রা) সুত্রে বর্ণনা করেন, তিনি বলেছেন, রাসূলুল্লাহ (সা) বলেছেন এক ব্যক্তি অপর এক ব্যক্তির নিকট থেকে একখণ্ড জমি ক্রয় করেছিল। যে ব্যক্তি জমি ক্রয় করে সে ঐ জমিতে একটি স্বর্ণভর্তি কলসী পায়। সে বিক্রেতাকে বলে যে, আপনার স্বর্ণ আপনি নিয়ে নিন। আমি তো আপনার নিকট থেকে শুধু জমিই ক্রয় করেছি। স্বর্ণ ক্রয় করিনি।

জমির মালিক বলে, আমি জমি এবং জমির অভ্যন্তরস্থ সবকিছু আপনার নিকট বিক্রয় করেছি। তারা দু'জনে মীমাংসার জন্যে ত্রৃতীয় এক ব্যক্তিকে সালিশ নির্ধারণ করে। সে ব্যক্তি বলে, আপনাদের কোন ছেলে মেয়ে আছে কি? একজন বললো, আমার একটি পুত্র সন্তান আছে। অন্যজন বললো, আমার আছে একটি কন্যা সন্তান। মীমাংসাকারী ব্যক্তিটি বললো, ঐ মেয়েকে ঐ ছেলেটির নিকট বিয়ে দিয়ে দিন। ঐ স্বর্ণ দু'জনের জন্যে ব্যয় করুন এবং ঐ দু'জনকে দান করে দিন।

বনী ইসরাইলের বর্ণনায় ইমাম বুখারী (র) এ হাদীসটি উল্লেখ করেছেন। ইমাম মুসলিম (র)-ও হাদীসটি উন্মুক্ত করেছেন। তিনি এও উল্লেখ করেছেন যে, বাদশাহ যুলকারনাইন-এর যুগে এ ঘটনাটি ঘটেছিল। যুলকারনাইনের যুগ তো বনী ইসরাইলের যুগের বহু পূর্বে ছিল। আল্লাহই ভাল জানেন।

ইসহাক ইবন বিশররে তাঁর আল মুরতাদা প্রস্ত্রে সাঈদ ইবন আবী আরুবাহ---হাসান (র) থেকে বর্ণনা করেছেন যে, যুলকারনাইন নিজে তাঁর অধীনস্থ রাজা-বাদশাহ এবং কর্মচারীদের অবস্থা পর্যবেক্ষণ করতেন। কারো সম্পর্কে কোন বিশ্বাস তঙ্গের ঘটনা তার গোচরে এলে তিনি সে ব্যাপারে ব্যবস্থা গ্রহণ করতেন। নিজে সরাসরি অবগত না হয়ে কারো অভিযোগের প্রেক্ষিতে কোন ব্যবস্থা গ্রহণ করতেন না।

একদিন তিনি ছদ্মবেশে এক শহরে ঘুরছিলেন। একাদিক্রমে কয়েকদিন তিনি এক বিচারকের আদালতে বসেন। তিনি দেখলেন, কেউই বিচার প্রার্থী হয়ে ঐ বিচারকের আদালতে আসে না। বেশ কয়েকদিন পর্যন্ত এ অবস্থা লক্ষ্য করার পর যুলকারনাইন যখন এ বিচারক সম্বন্ধে কিছুই জানতে পারলেন না। তখন তিনি ওখান থেকে ফিরে যেতে মনস্থ করেন। সেদিনই তিনি লক্ষ্য করলেন, দু'জন লোক বিচারপ্রার্থী হয়ে উক্ত বিচারকের নিকট এসেছে। একজন আরজি পেশ করে বলে যে, মাননীয় বিচারক! আমি ঐ ব্যক্তি থেকে একটি বাড়ি ক্রয় করে তা আবাদ করি। ঐ বাড়িতে আমি গুণ্ঠ ধনের সঞ্চান পাই। আমি তাকে এটি নিয়ে যেতে বলি। কিন্তু সে তা নিয়ে যেতে অঙ্গীকার করে।

অপরজনকে উদ্দেশ্য করে বিচারক বলেন, এ ব্যাপারে তুমি কি বল? জবাবে সে বললো, আমি কখনো এ মাটির নিচে কোন সম্পদ লুকিয়ে রাখিনি এবং এ গুণ্ঠন সম্পর্কে আমি কিছুই জানি না। সুতরাং এটি আমার নয়। আমি তা গ্রহণ করব না। বাদী বলে, মাননীয় বিচারক! কাউকে আমার নিকট থেকে তা নিয়ে আসতে আদেশ করুন। তারপর আপনার যেখানে খুশী তা ব্যবহার করবেন। বিচারক বললেন, তুমি নিজে যে বিপদ থেকে রক্ষা পেতে চাও আমাকে তার মধ্যে জড়াতে চাচ্ছো? তুমি আমার প্রতি সুবিচার করনি। আমি মনে করি, দেশের আইনেও এরূপ বিধান নেই। বিচারক আরও বললেন, আচ্ছা, আমি কি এমন একটি ব্যবস্থা করব যাতে তোমাদের উভয়ের প্রতি ইনসাফ হয়। তারা বললো, অবশ্যই।

বিচারক বাদীকে উদ্দেশ্য করে বললেন, তোমার কি কোন পুত্র সন্তান আছে? সে বলল : জী হ্যাঁ। অপরজনকে বললেন, তোমার কি কোন কন্যা সন্তান আছে? সে বললো জী হ্যাঁ। তিনি বললেন, দু'জনেই যাও তোমার মেয়েকে তার ছেলের সাথে বিবাহ দিয়ে দাও। এ সম্পদ থেকে তাদের বিবাহের ব্যয় নির্বাহ করবে। আর যা অবশিষ্ট থাকবে তা তাদেরকে দিয়ে দেবে। সেটি দ্বারা তারা তাদের সংসার চালাবে। তাহলে দু'জনেই এ ধনের লাভ-ক্ষতির সমান অংশীদার হবে।

বিচারকের রায় শুনে বাদশাহ যুলকারনাইন মুঝ হলেন। তারপর বিচারককে ডেকে বললেন, আপনার মত এমন চমৎকার করে বিচার অন্য কেউ করতে পারে বলে আমার মনে হয় না। অন্য কোন বিচারক এমন ফয়সালা দিতে পারে বলে আমি বিশ্বাস করি না। বিচারক বাদশাহকে চিনেননি। তিনি বললেন, কেউ কি এছাড়া অন্য কোন রায় দিতে পারে? যুলকারনাইন বললেন, হ্যাঁ, দেয়ই তো। বিচারক বললেন, তারপরও ওদের দেশে কি বৃষ্টি বর্ষিত হয়? একথা শুনে বিশ্বিত হলেন যুলকারনাইন। তিনি মন্তব্য করলেন, এরূপ লোকের বদৌলতেই আসমান-যুগীন এখনও টিকে রয়েছে।

## আরেকটি শিক্ষণীয় ঘটনা

ইমাম বুখারী (র) বলেন, আবু সাঈদ খুদরী (রা) থেকে বর্ণিত, রাসূলুল্লাহ (সা) বলেছেন, বনী ইসরাইলের এক লোকের ঘটনা। সে ৯৯ জন মানুষ খুন করেছিল। তারপর কোন বুর্যগ ব্যক্তির খৌজে বের হয়। সে একজন ইয়াহুনী ধর্ম্যাজকের নিকট এসে পৌছে বলে, আমার তাওবা করুল হবে কি? ধর্ম্যাজক বলেন, না, তোমার কোন তাওবা করুল হবে না। তখন সে ঐ ধর্ম্যাজককেও হত্যা করে।

এরপর সে অন্য বুর্যগ লোকের সঙ্গান করেছিল। একজন বলল, অমুক জনপদে যাও। পথে তার মৃত্যুর সময় হয়। তার বক্ষদেশ তখন ঐ জনপদ অভিমুখী ঝুঁকে রয়েছিল। তখন রহমতের ফিরিশতা ও আযাবের ফিরিশতা উভয় পক্ষের মধ্যে বাদানুবাদ শুরু হয়। আল্লাহ তা'আলা সম্মুখ ভাগের ভূমিকে নির্দেশ দিলেন সংকুচিত ও কাছাকাছি হয়ে যেতে। পেছনে রেখে আসা ভূমিকে নির্দেশ দিলেন সম্প্রসারিত ও দূরে সরে যেতে ফিরিশতাদেরকে নির্দেশ দিলেন উভয় দিকে ভূমি মেপে দেখতে। দেখা গেল, সম্মুখের গন্তব্য স্তল পেছনের ছেড়ে আসা স্থান থেকে এক বিঘত নিকটে। অতঃপর তাকে ক্ষমা করে দেয়া হয়।

ইমাম বুখারী (র) এরপ সংক্ষিপ্ত-ই-বর্ণনা করেছেন। ইমাম মুসলিম (র) তা বিশদভাবে বর্ণনা করেছেন।

## অন্য একটি হাদীস

ইমাম বুখারী (র) বলেন, আবু হুরায়রা (রা) সূত্রে একাধিক সনদে বর্ণনা করেন, একদিনের কথা, রাসূলুল্লাহ (সা) ফজরের নামায শেষে মুসল্লীদের দিকে মুখ করে বসলেন। তিনি বললেন, একজন লোক একটি গরু নিয়ে যাচ্ছিল। এক সময় সে গরুটির পিঠে চড়ে বসে এবং সেটিকে প্রহার করে। গরুটি বলে উঠে, আমাকে তো এ কাজের জন্যে সৃষ্টি করা হয়নি। আমাকে সৃষ্টি করা হয়েছে জমি চাষ করার জন্যে। তখন লোকজন অবাক হয়ে বলে, সুবহানাল্লাহ, গরু আবার কথা বলে! রাসূলুল্লাহ (সা) বললেন, আমি নিজে এ ঘটনাটি বিশ্বাস করি। আবু বকর (রা) এবং উমর (রা)-ও এ ঘটনা বিশ্বাস করেন। এ আলোচনার সময় আবু বকর ও উমর (রা) কিন্তু সেখানে ছিলেন না।

অতঃপর রাসূলুল্লাহ (সা) বললেন, এক ব্যক্তি বকরী চরাচ্ছিল। এমন সময় একটি নেকড়ে বাঘ হামলা চালিয়ে একটি বকরী নিয়ে যায়। বকরী ওয়ালা তার পিছু পিছু ছুটতে থাকে। শেষ পর্যন্ত সে বকরী নেকড়ের হাত থেকে উদ্ধার করতে সমর্থ হয়। নেকড়েটি বললো, আজ ভূমি এটিকে আমার হাত থেকে উদ্ধার করে নিলে তবে হিংস্র জীবদের রাজত্বের দিনে, কে তাকে রক্ষা করবে? সেদিন তো আমি ব্যতীত কোন রাখাল থাকবে না। এটি শুনে লোকজন বলে উঠে, সুবহানাল্লাহ! নেকড়েও আবার কথা বলে? রাসূলুল্লাহ (সা) বলেন, আমি আবু বকর (রা) ও উমর (রা) আমরা সবাই এটি বিশ্বাস করি। সেখানে আবু বকর (রা) ও উমর (রা) উপস্থিত ছিলেন না।

ইমাম তিরমিয়ী (র) হাদীসটি হাসান, সহীহ বলে অভিহিত করেছেন। ইমাম মুসলিম (র) সহীহ সনদে হাদীসটি বর্ণনা করেছেন।

### অন্য একটি হাদীস

ইমাম বুখারী (র) বলেন, আবু হুরায়রা (রা) থেকে বর্ণিত, রাসূলুল্লাহ (সা) বলেছেন, তোমাদের পূর্ববর্তী উম্মতের মধ্যে অনেক ইলহামপ্রাপ্ত লোকও ছিলেন। এই উম্মতের মধ্যে যদি একে কেউ থেকে থাকেন তবে তিনি হবেন উমর ইবনুল খাতাব (রা)। ইমাম মুসলিম (র) ভিন্নসূত্রে হাদীসটি উল্লেখ করেছেন।

### অন্য একটি হাদীস

ইমাম বুখারী (র) মুয়াবিয়া (রা) সূত্রে বর্ণনা করেন, যে বছর তিনি হজ্জ করেন সে বছর জনৈক পাহারাদারের হাত থেকে এক গোছা পরচুলা নিয়ে বলেছেন, হে মদীনাবাসীগণ! তোমাদের আলিমগণ কোথায়? আমি রাসূলুল্লাহ (সা)-কে বলতে শুনেছি, তিনি এ ধরনের চুল ব্যবহার করতে বারণ করে বলেছেন, “বনী ইসরাইলের মহিলাগণ যখন একপ কৃত্রিম চুলের ব্যবহার করতে শুরু করে তখন তারা ধ্বংস হয়।”

ইমাম মুসলিম (র) এবং আবু দাউদ (র) এ হাদীসটি উদ্ধৃত করেছেন। ইমাম তিরমিয়ী (র) হাদীসটিকে সহীহ বলে আখ্যায়িত করেছেন।

ইমাম বুখারী (র) বর্ণনা করেন, মুআবিয়া ইবন আবু সুফিয়ান শেষ বার যখন মদীনা শরীফ এলেন তখন তিনি খুৎবা দানকালে তার আস্তীন থেকে এক গোছা পরচুলা বের করেন এবং বলেন, ইয়াহুদী ব্যতীত অন্য কেউ এ কাজ করে বলে তা আমি মনে করতাম না। রাসূলুল্লাহ (সা) এ কর্মকে মিথ্যাচার রূপে আখ্যায়িত করেছেন। অর্থাৎ কৃত্রিম চুল লাগানো।

### অন্য একটি হাদীস

ইমাম বুখারী (র) আবু হুরায়রা (রা) থেকে বর্ণনা করেন। তিনি বলেন, রাসূলুল্লাহ (সা) ইরশাদ করেছেন, একটি কুকুর একটি কুয়ার পাড়ে হাঁপাছিল। তৎক্ষণায় তার প্রাণ ঘায় ঘায়। বনী ইসরাইল বৎশের একজন ব্যতিচারিণী মহিলা এ বিষয়টি লক্ষ্য করে। অতঃপর সে তার মোজা খুলে নেয় এবং তার সাহায্যে কুকুরটিকে পানি পান করায়। এর উসিলায় আল্লাহ তা'আলা উক্ত ব্যতিচারিণীকে ক্ষমা করে দেন। ইমাম মুসলিম (র)-ও হাদীসটি বর্ণনা করেছেন।

### অন্য একটি হাদীস

ইমাম বুখারী (র) আবদুল্লাহ ইবনে উমর (রা) সূত্রে বর্ণনা করেন, তিনি বলেন, রাসূলুল্লাহ (সা) ইরশাদ করেছেন, একজন মহিলাকে একটি বিড়ালের ব্যাপারে আয়াব দেয়া হয়েছে। সে

বিড়ালটি বেঁধে রেখেছিল। শেষ পর্যন্ত বিড়ালটি মারা যায়। এ কারণেই তাকে শান্তি দেয়া হয়। বেঁধে রাখা অবস্থায় সে ওটিকে কিছু খেতে দেয়নি এবং সেটিকে ছেড়েও দেয়নি যে, সে পোকা-মাকড় ধরে থাবে। ইমাম মুসলিম (র)-ও হাদীসটি বর্ণনা করেছেন।

### অন্য একটি হাদীস

ইমাম আহমদ (র) বলেন, আবু সাঈদ (রা) থেকে বর্ণিত। রাসূলুল্লাহ (সা) বলেছেন, বনী ইসরাইলের একজন বেঁটে মহিলা ছিল। সে কাঠের সুদীর্ঘ দুটো পা তৈরি করে এবং সেটিতে পা রেখে দু'জন খাটো মহিলার মধ্যে থেকে সে চলতে থাকে। একদিন সে একটি সোনার আংটি প্রস্তুত করে রাখে। তার আংটির নগীনার নিচে সে তৈরি সুগন্ধি ও মিশক লুকিয়ে রেখেছিল। অতঃপর কোন মজলিসে গেলে সে আংটিটি একটু নাড়াচাড়া করে দিত আর তার হাত থেকে খুশবু ছড়িয়ে পড়ত। ইমাম মুসলিম (র) মুসতামির খালীদ ইবন জাফর থেকে মারফু সূত্রে এটি বর্ণনা করেছেন। ইমাম তিরমিয়ী (র) বলেন এটি সহীহ হাদীস।

### অন্য একটি হাদীস

ইমাম বুখারী (র) বলেন, ইবন মাসউদ (রা) থেকে বর্ণিত। রাসূলুল্লাহ (সা) বলেছেন, অতীত যুগের যে সব নবৃত্তী বাণী লোকজনের কাছে পৌছেছে তার, একটি এই যে, **“إذا لم تستح فاصنع ما شئتْ”**

ইমাম বুখারী (র) এককভাবে এটি উল্লেখ করেছেন।

### অন্য একটি হাদীস

ইমাম আহমদ (র) বলেন, আবু হুরায়রা (রা) থেকে বর্ণিত, রাসূলুল্লাহ (সা) বলেছেন, অতীত কালের এক ব্যক্তি ও তার স্ত্রী নিঃস্ব অবস্থায় ছিল। তাদের কিছুই করার সামর্থ্য ছিল না। একদিন লোকটি বাড়ি ফিরে এসে অত্যন্ত ক্ষুধার্ত ও ক্লান্ত অবস্থায় তার স্ত্রীকে বলে, তোমার কাছে কোন খাবার আছে কি? সে বলে, হ্যাঁ, আছে। সুসংবাদ নিন, আপনার জন্য আল্লাহর পক্ষ থেকে রিয়িক এসেছে। স্বামী স্ত্রীকে তাগিদ দিয়ে বলল, আমি চাঞ্চি এখনই তোমার নিকট কিছু থাকলে নিয়ে এসো। স্ত্রী বললো, হ্যাঁ, একটু অপেক্ষা করুন, আমরা আল্লাহর রহমতের আশায় আছি। বেশ কিছু সময় অতিবাহিত হওয়ার পর সে স্ত্রীকে বললো, আল্লাহ রহম করুন। খুঁজে দেখ তো তোমার কাছে কোন খাবার আছে কিনা? থাকলে নিয়ে এসো। আমার ভীমণ ক্ষুধা পেয়েছে। আমি খুব কষ্ট পাচ্ছি। সে বলল, হ্যাঁ, খাবার আছে, চুলায় রান্না হচ্ছে। একটু অপেক্ষা করুন। কিছুক্ষণ উভয়ে নীরব থাকার পর স্ত্রী মনে মনে বলল, আমি যদি উঠে গিয়ে চুলাটা একটু দেখে আসতাম! এরপর মহিলাটি নিজেই গেল এবং চুলায় গিয়ে দেখল সে বকরীর

সিনায় ডেগচী ভর্তি এবং একটি যাতায় আটা পেষমা হচ্ছে। মহিলাটি নিকটে গেল এবং যাতার আটা ঢেলে নিলে তা এবং চুলার উপরের বকরীর সিনা নিয়ে আসল।

রাসূলুল্লাহ (সা)-এর বক্তব্য উদ্ধৃত করে আবু হুরায়রা (রা) বলেন, আবুল কাসেম (সা)-এর প্রাণ যাঁর হাতে সেই পবিত্র সন্তার শপথ করে বলছি! 'মহিলাটি যদি যাতা থেকে আটাগুলো নিয়ে চাকি উঙ্কুড় না করত, তবে ঐ চাকিতে আটা পেষা কিয়ামত পর্যন্ত চলতে থাকত।

ইমাম আহমদ (র) বলেন, আবু হুরায়রা (রা) থেকে বর্ণিত, তিনি বলেন, এক লোকের ঘটনা। সে তার পরিবারের নিকট উপস্থিত হয়। তাদের অভাব-অন্টন দেখে সে মাঠের দিকে রওয়ানা হয়। এ অবস্থা দেখে তার স্ত্রী আটা পেষার চাকির নিকট যায়, এবং তা চালু করে দেয়। তারপর চুলার নিকট গিয়ে চুলা জুলিয়ে দেয়। তারপর আল্লাহর নিকট দোয়া করে বলে, 'হে আল্লাহ! আমাদের খাদ্যের ব্যবস্থা করে দিন' হঠাৎ সে দেখে আবার--তাদের গামলা ভর্তি হয়ে গিয়েছে। চুলার নিকট গিয়ে দেখে চুলা ভর্তি হয়ে রয়েছে।

বর্ণনাকারী বলেন, এরপর স্বামী ফিরে আসে এবং বলে, তোমরা কিছু পেয়েছ কি? তার স্ত্রী বলে, হ্যাঁ, আমাদের প্রতিপালকের নিকট থেকে পেয়েছি। অতঃপর তারা চাকির নিকট যায়। এ ঘটনা রাসূলুল্লাহ (সা)-এর নিকট বর্ণনা করা হয়। তিনি বলেন, যদি ঐ চাকি উঠানো না হত, তাহলে কিয়ামত পর্যন্ত তা ঘূরতে থাকত।

বর্ণনাকারী বলেন, রাসূলুল্লাহ (সা)-এর নিকট এ সময় তিনি বলছিলেন, আল্লাহর কসম, কারো কাছে এসে ভিক্ষা চাওয়া অপেক্ষা কাঠের বোো বাহন করে এনে তা বিক্রি করে নিজের মর্যাদা রক্ষা করা তোমাদের জন্যে অধিকতর কল্যাণকর।

## তওবাকারী দু'রাজার ঘটনা

ইমাম আহমদ (র) আবুল্লাহ ইবন মাসউদ (রা) সূত্রে বর্ণনা করেন, তিনি বলেন, তোমাদের পূর্ববর্তী জনৈক রাজার কথা। একদা তিনি তাঁর রাজত্ব নিয়ে গভীরভাবে চিন্তামগ্ন হলেন। তাতে তিনি উপলক্ষ্মি করলেন যে, একদিন না একদিন তাকে এই রাজত্বের মায়া ছাড়তে হবে। অথচ তখন এটাই তাঁকে আপন প্রতিপালকের ইবাদত থেকে গাফিল করে রেখেছে।

একরাতে তিনি চুপিসারে নিজের প্রাসাদ থেকে বেরিয়ে পড়েন। তিনি অন্য এক রাজ্য এসে পৌছেন এবং সাগর তীরে আস্তানা স্থাপন করেন। সেখানে তিনি ইট তৈরির কাজ শুরু করেন। এতে যা আয় হত তা দিয়ে প্রয়োজন মাফিক খাদ্য দ্রব্যের ব্যবস্থা করতেন এবং উদ্বৃত্ত অর্থ সাদকা করে দিতেন। এভাবে তার দিন কাটছিল। ঐ দেশের রাজার নিকট তাঁর সংবাদ পৌছে। রাজা তাঁকে ডেকে পাঠান। তিনি যেতে অঙ্গীকার করেন। রাজা তখন নিজেই তার কাছে চলে আসেন। রাজাকে দেখেই ঐ রাজা পালাতে শুরু করেন। রাজা ও ঘোড়া নিয়ে তাঁর পিছু নেন। কিন্তু তিনি তার নাগাল পেলেন না।

অবশেষে রাজা চিন্কার করে বলেন, হে আল্লাহর বান্দা! আমার পক্ষ থেকে আপনার কোন ক্ষতির আশংকা নেই। তখন ঐ রাজা থামলেন, ফলে উভয়ের সাক্ষাৎ হলো। রাজা বললেন,

আল্লাহ তা'আলা আপনাকে দয়া করুন, আপনার পরিচয় কি? তিনি বললেন, আমি অমুকের পুত্র অমুক। অমুক রাজ্যের রাজা। আমার রাজ্য নিয়ে আমি একদিন গভীরভাবে চিন্তা করেছিলাম। তাতে আমি উপলক্ষ্মি করেছি যে, শেষ পর্যন্ত আমি এ রাজ্য থেকে বিছেন্ন হবই। আর তখন এ রাজ্যই আমাকে আমার প্রতিপালকের ইবাদত থেকে গাফিল করে রেখেছে। তাই আমি ঐ রাজ্য ত্যাগ করে এখানে এসে আমার প্রতিপালকের ইবাদত করছি। রাজা বললেন, আপনি যা করছেন এ ব্যাপারে আমি আপনার চাইতে কম মুখাপেক্ষী নই। এ বলে রাজা বাহন থেকে নেমে পড়েন এবং সেটিকে ছেড়ে দেন। তিনি পূর্ববর্তী রাজার পথ অনুসরণ করেন। এবার তাঁরা দু'জনে একসাথে আল্লাহর ইবাদত করতে লাগলেন। তাঁরা দু'জনে আল্লাহর নিকট এক সাথে মৃত্যু কামনা করলেন এবং পরে দু'জনেই মারা গেলেন।

হাদীস বর্ণনাকারী আব্দুল্লাহ ইবন মাসউদ (রা) বলেন, আমি যদি তখন মিসরের রমনিয়ায় থাকতাম, রাসূলুল্লাহ (সা) আমাদের নিকট তাদের যে পরিচয় বর্ণনা করেছেন। তার আলোকে আমি কবর দুটো চিনিয়ে দিতাম।

### অন্য একটি হাদীস

ইমাম বুখারী (র) হযরত আবু সাঈদ খুদরী (রা) সূত্রে নবী করীম (সা) থেকে বর্ণনা করেন। তোমাদের পূর্ববর্তী যুগে এক লোক ছিল। আল্লাহ তা'আলা তাকে প্রচুর ধন-সম্পদ দান করেছিলেন। তাঁর মৃত্যু সময় উপস্থিত হওয়ায় সে তার পুত্রদেরকে কাছে ডাকে। তাদেরকে বলে বৎসগণ! আমি তোমাদের পিতা রূপে কেমন ছিলাম? তারা বলে, আপনি খুবই ভাল পিতা ছিলেন। অতঃপর সে ব্যক্তি বলে, আমি কখনো কোনো পুণ্যকর্ম করিনি। সুতরাং আমার মৃত্যুর পর তোমরা আমাকে পুড়িয়ে ফেলবে। তারপর পিষে চূর্ণ-বিচূর্ণ করে ফেলবে এবং প্রচণ্ড বেগে প্রবাহিত বাতাসে নিষ্কেপ করবে। সে মতে পুত্ররা তাই করল। অতঃপর আল্লাহ তা'আলা সে সব একত্রিত করে জিজ্ঞেস করলেন। তোমার এরূপ করার হেতু কী? সে বলল, প্রভো! আপনার ভয়ে এরূপ করেছি। তখন আল্লাহ তা'আলা তাকে তার রহমত দান করলেন। ইমাম মুসলিম (র)-ও হাদীসটি বর্ণনা করেছেন।

### অন্য একটি হাদীস

ইমাম বুখারী (র) আবু হুরায়রা (রা) সূত্রে নবী করীম (সা) থেকে বর্ণনা করেন, তিনি বলেছেন, এক ব্যক্তি লোকজনকে প্রায় ঝণ দিত। নিজের কর্মচারীকে সে নির্দেশ দিত যে, কোন অভাবী ব্যক্তি এলে তার ঝণ মাফ করে দিবে। এর উসিলায় হয়ত আল্লাহ তা'আলা আমাদেরকে মাফ করে দিবেন। ঐ ব্যক্তির মৃত্যুর পর সে আল্লাহর নিকট পৌছলে আল্লাহ তা'আলা তাকে মাফ করে দেন। ইমাম মুসলিম (র) ও হাদীসটি বর্ণনা করেছেন।

### অন্য একটি হাদীস

ইমাম বুখারী (র) সাদ ইবন আবী ওয়াক্কাস (রা) সূত্রে বর্ণনা করেন যে, তিনি হযরত উসামা ইবন যায়দ (রা)-কে জিজ্ঞাসা করেছিলেন, ‘প্লেগ রোগ সম্পর্কে আপনি রাসূলুল্লাহ (সা)-এর মুখে কী শনেছেন? হযরত উসামা (রা) বলেন, রাসূলুল্লাহ (সা) ইরশাদ করেছেন,

প্লেগ রোগ হল শাস্তি বিশেষ। বনী ইসরাইলের একটি গোত্রের ওপর আল্লাহ তাআলা এটি প্রেরণ করেছিলেন। আর তোমাদের পূর্ববর্তী লোকদের উপরও এ শাস্তি এসেছিল। কোন এলাকায় প্লেগ রোগের প্রাদুর্ভাব ঘটেছে শুনলে তোমরা ঐ এলাকার দিকে অগ্রসর হয়ো না। আর তোমরা যেখানে অবস্থান করছ সেখানে এ রোগের প্রকোপ দেখা দিলে রোগে আক্রান্ত হওয়ার ভয়ে তোমরা সেখান থেকে পালিয়ে যেয়ো না।

ইমাম মুসলিম (র) হযরত আয়েশা (রা) থেকে বর্ণনা করেন। তিনি বলেন, আমি প্লেগ রোগ সম্পর্কে রাসূলুল্লাহ (সা)-কে জিজ্ঞেস করেছিলাম। তিনি আমাকে জানালেন যে, এটি একটি শাস্তি বিশেষ। বান্দাদের মধ্যে যাদের প্রতি আল্লাহ ইচ্ছা করেন তাদের নিকট এটি প্রেরণ করেন। আল্লাহ তাআলা এটিকে ঈমানদারদের জন্যে রহমত ও কল্যাণরূপে নির্ধারণ করেছেন। কোন এলাকায় প্লেগ রোগের প্রকোপ দেখা দিলে কোন ব্যক্তি যদি পূর্ণ দৈর্ঘ্যে সহকারে, সওয়াবের আশায় এবং এ বিশ্বাস নিয়ে তথায় অবস্থান করে যে, আল্লাহর নির্ধারিত তাকদীরের অন্যথা করে কোন বিপদ তার ওপর আসবে না, অতঃপর সে যদি সেখানে মারা যায় তবে সে শহীদের মর্যাদা পাবে।

### অন্য একটি হাদীস

ইমাম বুখারী (র) হযরত আয়েশা (রা) থেকে বর্ণনা করেন। মাখযুম গোত্রীয় যে মহিলাটি চুরি করেছিল। তার ব্যাপারটি কুরায়শদেরকে উদ্ধিগ্ন করে তোলে। তারা বলাবলি করছিল যে, তার বিষয়ে কে রাসূলুল্লাহ (সা)-এর নিকট সুপারিশ করবে? তারা বললেন, রাসূলুল্লাহ (সা)-এর একান্ত প্রিয় উসামা ইবন যায়দ (রা) ব্যক্তিত আর কে এ সাহস করবে? সে মতে হযরত উসামা (রা) এ বিষয়ে রাসূলুল্লাহ (সা)-এর সাথে আলাপ করলেন। অটল রাসূলুল্লাহ (সা) বললেন, আল্লাহর নির্ধারিত দণ্ড বাতিলের জন্যে তুমি সুপারিশ করছ! এরপর তিনি উঠে দাঁড়ালেন এবং খুব্বা দিতে গিয়ে বললেন :

اِنَّمَا هُلِكَ الَّذِينَ مِنْ قَبْلِكُمْ اَنْهُمْ كَانُوا اِذَا سَرَقَ مِنْهُمُ الشَّرِيفُ تَرْكُوهُ  
وَإِذَا سَرَقَ فِيهِمُ الْضَّعِيفُ اَقَامُوا عَلَيْهِ الْحَدَّ— وَأَيْمُ اللَّهِ لَوْا نَ فَأَ طِمَةَ  
بِنْتِ مُحَمَّدٍ سَرَقَتْ لَقَطَعْتُ يَدَهَا

“তোমাদের পূর্বে যারা ধ্রংস হয়েছে তাদের ধ্রংসের কারণ হলো, তাদের কোন সন্ত্রান্ত লোক চুরি করলে তাকে তারা ছেড়ে দিত। আর কোন দুর্বল শ্রেণীর কেউ চুরি করলে তাকে তারা শাস্তি দিত। আল্লাহর কসম, মুহাম্মদের (সা) কন্যা ফাতিমাও যদি চুরি করত তবে অবশ্যই আমি তার হাত কেটে দিতাম।”

অন্যান্য সহীহ হাদীস গ্রন্থসমূহেও হাদীসটি বর্ণিত হয়েছে।

### অন্য একটি হাদীস

ইমাম বুখারী (র) ইবন মাসউদ (রা) থেকে বর্ণনা করেন। তিনি বলেন, একদা আমি এক লোককে কুরআন তিলাওয়াত করতে শুনলাম। আমি কিন্তু রাসূলুল্লাহ (সা)-কে তা অন্যভাবে

পাঠ করতে শুনেছি। তাকে ধরে এনে আমি রাসূলুল্লাহ (সা)-এর দরবারে উপস্থিত করি এবং তার ভিন্ন রকম কুরআন পাঠ সম্পর্কে অভিযোগ পেশ করি। এতে আমি রাসূলুল্লাহ (সা)-এর চেহারা কিছুটা অসম্মতির চিহ্ন লক্ষ্য করি। তিনি বললেন, তোমাদের দু'জনই তো যথার্থ ও শুন্দি পাঠকারী। তোমরা মতভেদ করো না। কারণ তোমাদের পূর্বে যারা ছিল তারা পরম্পর বাদানুবাদে লিঙ্গ হয়েছিল ফলে তারা ধ্রংস হয়েছে। ইমাম বুখারী (র) হাদীসটি এককভাবে বর্ণনা করেন।

### অন্য একটি হাদীস

ইমাম বুখারী (র) হযরত আবু হুরায়রা (রা) সূত্রে বলেন, রাসূলুল্লাহ (সা) বলেছেন : **إِنَّ الْيَهُودَ وَالنَّصَارَى لَا يَصْبَغُونَ فَخَالْفُوهُمْ** ব্যবহার করে না। তোমরা তাদের বিপরীত করবে। ইমাম বুখারী (র) এককভাবে এ রিওয়াতটি বর্ণনা করেছেন। আবু দাউদ শরীফে বর্ণিত আছে, তোগৱা পাদুকাসহ সালাত আদায় করবে এবং এভাবে ইয়াহুদীদের বিরোধিতা করবে।

### অন্য একটি হাদীস

ইমাম বুখারী (র) হযরত ইবন আব্বাস (রা) সূত্রে বলেন, আমি হযরত উমর (রা)-কে বলতে শুনেছি, ‘আল্লাহ তা’আলা অমুক ব্যক্তিকে ধ্রংস করুন। সে কি জানে না যে, রাসূলুল্লাহ (সা) বলেছেন, আল্লাহ লানত করুন ইয়াহুদীদের ওপর, তাদের জন্যে চর্বি নিষিদ্ধ করা হয়েছিল কিন্তু তারা তা গলিয়ে বিক্রি করতো। ইমাম মুসলিম (র)-ও হাদীসটি বর্ণনা করেছেন।

### অন্য একটি হাদীস

ইমাম বুখারী (র) ..... হযরত আনাস ইবন মালিক (রা) সূত্রে বর্ণনা করেন। তিনি বলেন, নামায়ের সময়ের ঘোষণারাপে লোকজন আগুন জ্বালানো এবং সিঙ্গায় ফুঁৎকার দেওয়ার প্রস্তাব করেছিল। তখন এও আলোচনা হয়েছিল যে, এগুলো তো ইয়াহুদী ও নাসারাদের প্রতীক। অতঃপর হযরত বিলাল (রা)-কে জোড় শব্দে আযান এবং বেজোড় শব্দে ইকামত দিতে নির্দেশ দেয়া হল। এর উদ্দেশ্য হল, সকল কর্মে ইয়াহুদী নাসারাদের বিপরীত কাজ করা। কারণ রাসূলুল্লাহ (সা) যখন মদীনায় পদার্পণ করেন, তখন নামায়ের প্রতি আহ্বানকারী কোন আহ্বান ব্যতিরেকেই মুসলমানগণ নামায়ের সময়ে উপস্থিত হত। এরপর তাদের মধ্যে জনৈক ঘোষককে নামায়ের সময় হলে **جَامِعُ الْصَّلَاةِ** নামায়ের জামাত আসন্ন বলে ঘোষণা দেয়ার নির্দেশ দেয়া হল। অতঃপর জামাতের সময়ের প্রতীকরাপে তাঁরা এমন কোন বিষয় নির্ধারণের ইচ্ছা করলেন, যা দেখে মানুষ বুবাবে যে, জামাতের সময় আসন্ন। তখন কেউ কেউ প্রস্তাব দিলেন যে, আমরা তখন সিঙ্গায় ফুঁৎকার দিব। অপর কেউ প্রস্তাব করলেন যে, আমরা বরং যথাসময়ে আগুন প্রজ্বলিত করব।

কিন্তু এগুলোতে ইয়াহুদী-নাসারাদের সাথে সামঞ্জস্য হয়ে যায়। বিধায় দুটো প্রস্তাবই অগ্রহ্য হয়। অতঃপর আব্দুল্লাহ ইবন যায়দ ইবন আবদ রাবিহী (রা)-কে তাঁর ঘুমের মধ্যে আযান দেখানো হলো। তিনি এসে বিষয়টি রাসূলুল্লাহ (সা)-কে জানালেন। রাসূলুল্লাহ (সা) আল-বিদায়া ওয়ান নিহায়া (২য় খণ্ড) ৩৬—

উক্ত নিয়মে আযান দেয়ার জন্যে হ্যরত বিলাল (রা)-কে নির্দেশ দিলেন। হ্যরত বিলাল আযান দিলেন।

### অন্য একটি হাদীস

ইমাম বুখারী (র) ..... হ্যরত আয়েশা ও ইব্ন আব্বাস (রা) সূত্রে বলেন, রাসূলুল্লাহ (সা) যখন ইতিকালের সময়ে উপর্যুক্ত হলেন, তখন তিনি একটি চাদর টেনে তাঁর মুখে ঢাকতে শুরু করলেন। আর যখন তিনি অস্তিত্বোধ করছিলেন, তখন তা মুখ থেকে সরিয়ে ফেলছিলেন। এমতাবস্থায় তিনি বলে উঠলেন :

**لَعْنَةُ اللَّهِ عَلَى الْيَهُودِ وَالنَّصَارَى إِتَّخَذُوا قُبُورَ أَنْبِيَاهُمْ مَسَاجِدٍ**

ইয়াহুদী ও নাসারাদের ওপর আল্লাহর লানত বর্ষিত হটক, কারণ তারা তাদের নবীদের কবরগুলোকে সিজদার স্থানে পরিণত করেছে। তিনি তাদের কার্যকলাপ থেকে সতর্ক করছিলেন।

### অন্য একটি হাদীস

ইমাম বুখারী (র) আবু সাঈদ (রা) থেকে বর্ণনা করেন। নবী করীম (সা) বলেন :

**لَتَتَبَعَّنَ سُنُنَ مَنْ كَانَ قَبْلَكُمْ شِبْرًا بِشِبْرٍ وَذِرَاعًا بِذِرَاعٍ حَتَّى لَوْ سَلَكُوا جُحْرَ رَضَّتْ لَسَلَكْتُمُوهُ فَقُلْنَا يَارَسُولَ اللَّهِ الْيَهُودُ وَالنَّصَارَى قَالَ النَّبِيُّ صَلَّى اللَّهُ عَلَيْهِ وَسَلَّمَ فَمَنْ .**

“তোমরা এক সময় তোমাদের পূর্ববর্তীদের রীতিনীতির অনুসরণ করবে। একেবারে বিঘতে বিঘতে, হাতে হাতে (সমানে-সমান) এমনকি তারা যদি কোন গুইসাপের গর্তে ঢুকে থাকে তোমরাও তাতে ঢুকবে। আমরা বললাম ইয়া রাসূলুল্লাহ! পূর্ববর্তীগণ বলে কি আপনি ইয়াহুদী-নাসারাদেরকে বুঝিয়েছেন? তিনি বললেন, তা না হলে আর কারা?”

হাদীসটি ইমাম মুসলিম (র)-ও বর্ণনা করেছেন।

ইহুদী খ্রীষ্টানদের আচার-আচরণের সাথে সামঞ্জস্যশীল, ইসলামী শরীয়তে নিষিদ্ধ, পরবর্তী যুগে অনুষ্ঠিতব্য এসব কথা ও কর্ম সম্পর্কে অবগত করানোর পেছনে উদ্দেশ্য এই যে, মহান আল্লাহ ও তাঁর রাসূল ফৌজান্দারদেরকে ইয়াহুদী-খ্রীষ্টানদের সাথে সামঞ্জস্যশীল কথা ও কর্ম থেকে বারণ করেছেন। এ প্রকার কথা ও কাজের পেছনে কোন মুমিনের উদ্দেশ্য সৎ থাকলেও এটি মূলত ওদেরই অনুকরণ। সুতরাং এরূপ কর্ম স্পষ্টতই তাদের কর্ম।

এভাবে ঈমানদারদেরকে সূর্যোদয় ও সূর্যাস্তের সময় নামায পড়তে নিষেধ করা হয়েছে, যাতে করে মুশরিকদের সাথে সামঞ্জস্য না হয়। কেননা তারা এ সময়ে সূর্যের উপাসনা করত। যদিও ঈমানদারের মনে সূর্যের উপাসনার কোন কঞ্জনাও না থাকে।

অনুরপভাবে আল্লাহ তা'আলা ইরশাদ করেন -

يَا أَيُّهَا الَّذِينَ آمَنُوا لَا تَقُولُوا رَأَعْنَا وَقُولُوا انْظُرْنَا وَاسْمَعُوْا  
وَلِلْكُفَّارِ عَذَابُ الْيَمِّ.

তোমরা রাসূলকে সঙ্গেধন করে [ رَأَعْنَا ] (আমাদের প্রতি তাকান )  
বলবে, আর তোমরা শোন, কাফিরদের জন্যে রয়েছে মর্মস্তুদ শাস্তি। আলোচ্য আয়াতের  
প্রেক্ষাপট এই যে, কাফিরগণ রাসূলল্লাহ (সা)-এর সাথে কথা বলার সময় “আমাদের দিকে  
তাকান এবং আমাদের কথা শুনুন” বুঝানোর জন্যে বলত [ رَأَعْنَا ] , [ رَأَعْنَا ] , [ شুনুন ]  
দ্ব্যর্থবোধক উপরোক্ত অর্থ ছাড়া ও ‘মূর্খ’ অর্থেও এটি ব্যবহৃত হয়। [ شুন ] [ رَأَعْنَা ]  
তারা “হে আমাদের মূর্খ ব্যক্তির” অর্থ বুঝাত। ঈমানদারগণের কেউ উক্ত শব্দ ব্যবহার করলে  
কথনোই তাদের মনে উক্ত অর্থের লেশ মাত্র থাকবে না; তবুও তাদেরকে এরূপ বলতে নিষেধ  
করা হয়েছে।

ইমাম আহমদ ও তিরমিয়ী (র) আন্দুল্লাহ ইব্ন উমর (রা) সূত্রে নবী করীম (সা) থেকে  
বর্ণনা করেন। তিনি বলেন :

بُعْثِتُ بِالسَّيْفِ بَيْنَ يَدَيِ السَّاعَةِ حَتَّىٰ يُعْبَدَ اللَّهُ وَحْدَهُ لَا شَرِيكَ لَهُ  
وَجَعَلَ رِزْقِيْ تَحْتَ ظِلِّ رُحْمَىٰ وَجَعَلَ الْذِلَّةَ الصَّفَارَ عَلَىٰ مَنْ خَالَفَ أَمْرِيْ  
وَمَنْ تَشَبَّهَ بِقَوْمٍ فَهُوَ مِنْهُمْ.

“কিয়ামতের নিকটবর্তী কালে আমি প্রেরিত হয়েছি তরবারি সহকারে, যতক্ষণ না  
সামগ্রিকভাবে একক লা-শরীক আল্লাহর ইবাদত করা হবে, আমার বর্ণার ছায়ায় আমার রিয়্ক  
নিহিত। লাঞ্ছনা ও ইনতা সে ব্যক্তির জন্যে, যে আমার নির্দেশের বিরোধিতা করবে। যে ব্যক্তি  
যে সম্পন্দায়ের সাথে সামঞ্জস্য রাখে, সে তাদেরই অন্তর্ভুক্ত।

সুতরাং ইয়াহুন্দী-খীষ্টানদের সাথে সামঞ্জস্য রাখা কোন মূসলমানের জন্যে মোটেই সমীচীন  
নয়। তাদের আনন্দ উৎসব, মেলা - পার্বন কিংবা পূজা-অর্চনা কোন ক্ষেত্রেই তাদের সাথে  
সামঞ্জস্য রাখা উচিত নয়। কারণ আল্লাহ তা'আলা এই উপ্রতিকে সর্বশেষ নবী দ্বারা মহিমাবিত্ত  
করেছেন। তিনি তাঁর জন্যে পরিপূর্ণ, সামগ্রিক, সুদৃঢ় ও মহান দীন ও শরীয়ত দান করেছেন।  
এমন যে, তাওরাতপ্রাপ্ত হ্যরত মুসা ইব্ন ইমরান এবং ইনজিলপ্রাপ্ত হ্যরত ঈসা ইব্ন মারয়াম  
(আ) যদি জীবিত থাকতেন তবে এই পবিত্র শরীয়তের বর্তমানে তাদের কোন শরীয়ত থাকতো  
না। শুধু তারা কেন অন্য সকল নবী-রাসূল (আ)-ও যদি বর্তমান থাকতেন তাহলে এই মহান,  
সমানিত ও পবিত্র শরীয়তের অনুসরণ ছাড়া তাদের গত্যত্ব থাকতো না।

আল্লাহ তা'আলা যখন আমাদেরকে হ্যরত মুহাম্মদ (সা)-এর অনুসারী বানিয়ে অনুগ্রহীত  
করেছেন, তাই যে সম্পন্দায় ইতিপূর্বে পথভ্রষ্ট হয়েছে এবং গোমরাহ ও পথভ্রষ্ট করেছে এবং

নিজেরা সত্যপথ থেকে বিচ্ছুত হয়েছে, সে সম্প্রদায়ের অনুসরণ করা কী করে আমাদের জন্যে সমীচীন হবে? ঐ সম্প্রদায় তো তাদের দীনকে পরিবর্তিত করেছে, বিকৃত করেছে এবং তার ভুল ব্যাখ্যা দিয়েছে। শেষে তারা এমন এক পর্যায়ে নেমে এসেছে যেন কখনো তাদের প্রতি কোন শরীয়ত নাযিলই হয়নি। পরবর্তীতে ঐ শরীয়ত তো রহিতই হয়ে গিয়েছে। রহিত এবং বাতিলকৃত দীনের অনুসরণ করা হারাম। কেউ তা অনুসরণ করলে তার ছোট-বড় কোন আমল আল্লাহ তা'আলা কৃত করবেন না। যা আদৌ শরীয়তকূপে নির্ধারিত হয়নি, তার মধ্যে আর এ বাতিলকৃত শরীয়তের মধ্যে কোন পার্থক্য নেই। আল্লাহ যাকে ইচ্ছা সরল পথপ্রদর্শন করেন।

### অন্য একটি হাদীস

ইমাম বুখারী ইব্ন উমর (রা) থেকে বর্ণনা করেন। রাসূলুল্লাহ (সা) বলেছেন, তোমাদের পূর্ববর্তী উম্মতদের মেয়াদের তুলনায় তোমাদের মেয়াদ হল আসরের নামায থেকে সূর্যাস্ত পর্যন্ত সময়ের ন্যায়। তোমাদের এবং ইয়াহুদী-নাসারাদের উদাহরণ হল এমন এক ব্যক্তির ন্যায়, যে কতক কর্মচারী নিয়োগের ইচ্ছা করল। সে বলল, সকাল থেকে দুপুর পর্যন্ত প্রত্যেকে এক কীরাত করে পাবে। পারিশ্রমিকের বিনিময়ে আমার কাজ করার কেউ আছে কী? এ প্রেক্ষিতে এক কীরাতের বিনিময়ে ইয়াহুদীগণ সকাল থেকে দুপুর পর্যন্ত কাজ করল। তারপর ওই লোক বলল, দুপুর থেকে আসরের নামাযের সময় পর্যন্ত এক কীরাত। এক কীরাত পারিশ্রমিকের বিনিময়ে আমার কাজ করার কেউ আছে কী? এ প্রেক্ষিতে নাসারাগণ এক কীরাতের বিনিময়ে দুপুর থেকে আসর পর্যন্ত কাজ করল।

তারপর এ ব্যক্তি বলল, আসরের নামাযের সময় থেকে সূর্যাস্ত পর্যন্ত প্রত্যেকে দু'কীরাত পারিশ্রমিকের বিনিময়ে আমার কাজ করার কেউ আছে কী? জেনে রেখ, হে আমার উম্মত! তোমরা এখন আসর থেকে মাগরিব পর্যন্ত দু'কীরাতের বিনিময়ে কাজ করে যাচ্ছ। জেনে রেখ, তোমাদের পারিশ্রমিক হল ওদের দ্বিগুণ।

তাতে ইয়াহুদী ও নাসারাগণ ক্ষুঢ় হলো এবং বলল, আমরা কাজ করলাম বেশী আর পারিশ্রমিক পেলাম কম! আল্লাহ তা'আলা বললেন, “আমি কি তোমাদের পাওনা পরিশোধের ব্যাপারে জুলুম করেছি? তারা বলল, ‘না’। আল্লাহ তা'আলা বললেন, ওদেরকে যে দ্বিগুণ দিচ্ছি তা আমার অনুগ্রহ। আমি যাকে চাই, আমার অনুগ্রহ দান করি।”

আলোচ্য হাদীস খানা প্রমাণ করে যে, অতীত উম্মতদের মেয়াদের তুলনায় এ উম্মতের মেয়াদ কম হবে। কারণ রাসূলুল্লাহ (সা) বলেছেন -

إِنَّمَا أَجْلُكُمْ فِيْ أَجَلٍ مِنْ خَلَأَ مِنَ الْأُمَمِ قَبْلَكُمْ كَمَا بَيْنَ صَلَاتَيِ الْعَصْرِ إِلَى  
مَغْرِبِ الشَّمْسِ

“তোমাদের পূর্ববর্তী উম্মতদের মেয়াদের অনুপাতে তোমাদের মেয়াদ হল আসর থেকে মাগরিব পর্যন্ত সময়ের ন্যায়।” অবশ্য পূর্ববর্তী উম্মতদের সাকুল্য মেয়াদ কতটুকু ছিল, তা আল্লাহ ব্যক্তিত অন্য কারো জানা নেই। তদ্বপ এই উম্মতের সাকুল্য মেয়াদ কতটুকু হবে,

তা-ও আল্লাহ তা'আলা ব্যতীত অন্য কেউ জানেন না। তবে এটা ঠিক যে, পূর্ববর্তী উম্মতের মেয়াদের তুলনায় এ উম্মতের মেয়াদ কম। কিন্তু ঐ মেয়াদের কতটুকু এখনও অবশিষ্ট আছে, তা একমাত্র আল্লাহ তা'আলাই জানেন।

এ বিষয়ে আল্লাহ তা'আলা বলেন لَوْ قَتِّهَا إِلَّا هُوَ شَدِّدَهَا لِوَجْهِهِ لَوْ قَتِّهَا إِلَّا هُوَ شَدِّدَهَا تিনিই যথাসময়ে তা প্রকাশ করবেন।

আল্লাহ তা'আলা আরো বলেন :

يَسْتَلْوِنَكُمْ مِنْ كُلِّ أَيَّامٍ مُرْسِلًا فِيمَا أَنْتُ مِنْ ذِكْرِهِ أَنْتَ إِلَيْهِ رَجِعٌ  
مُنْتَهِيَّا

“ওরা আপনাকে জিজ্ঞেস করে, কিয়ামত সম্পর্কে, মেটি কখন ঘটবে? এটির আলোচনার সাথে আপনার কী সম্পর্ক? এটির চরম জ্ঞান আছে আপনার প্রতিপালকের নিকট। রাসূলুল্লাহ (সা)-এর পরে পৃথিবী হাজার বছর আয়ু পাবে না বলে যে জনশ্রুতি মশহুর রয়েছে, তা আদো কোন হাদীস নয়।

এ বিষয়ে অবশ্য অন্য একটি হাদীস রয়েছে। সেটি হল جُمْعَةُ مِنْ جُمْعَةٍ مِنْ الدُّنْيَا جُمْعَةً مِنْ جُمْعَةٍ خَرَجَتْ بِهِ دُنْيَا هُوَ الْأَخِيرَةُ। - দুনিয়া হল আধিরাতের জুমা সমূহের মধ্যকার একটি জুমা (সঙ্গাহ) বরাবর মাত্র। তবে এ হাদীসের বিশুদ্ধতায় সন্দেহ রয়েছে। উপরোক্ত হাদীসে বর্ণিত উদাহরণ প্রদানের উদ্দেশ্য হল তাদের ছওয়াব ও পারশ্রমিকের তারতম্য বর্ণনা করা এবং এটাও জানিয়ে দেয়া যে, ছওয়াবের প্রাচুর্য ও ক্ষমতি কর্মের পরিমাণের উপর নির্ভরশীল নয়; বরং এটি নির্ভর করে অন্য বিষয়ের উপর, যা আল্লাহর নিকট অত্যন্ত শুরুত্বপূর্ণ। এমন অনেক ক্ষেত্র আছে, যেখানে স্বল্প আমল দ্বারা এমন প্রচুর ছওয়াব অর্জন করা যায়, যা অন্যখানে বেশী আমল দ্বারা অর্জন করা যায় না। যেমন লায়লাতুল কদর। এই রাতে ইবাদত করা লাইলাতুল কদর বিহীন হাজার মাস ইবাদত করা অপেক্ষা উত্তম। অদৃপ প্রিয় নবী হযরত মুহাম্মদ (সা)-এর সাহাবীগণ। তাঁরা এমন এক সময়ে আল্লাহর পথে দান করেছেন যে, অন্যরা উভদ পর্বত সমান স্বর্ণ আল্লাহর পথে দান করলেও সাহাবীগণের ঐ পরিমাণ বা তার অর্ধেক দানেরও সমান হবে না। আর রাসূলুল্লাহ (সা)-কে তাঁর ৪০ বছর বয়সে আল্লাহ তা'আলা নবুওত দান করেন এবং ৬৩ বছর বয়সে তাঁকে দুনিয়া থেকে তুলে নেন, এটাই প্রসিদ্ধ মত।

২৩ বছরের এই স্বল্প মেয়াদে তিনি কল্যাণকর জ্ঞান ও সৎকর্মে সকল নবী (আ)-কে অতিক্রম করে গিয়েছেন। এমন কি নৃহ (আ) যিনি দীর্ঘ ৯৫০ বছর তাঁর সম্প্রদায়কে লা-শরীক আল্লাহর ইবাদতের প্রতি দাওয়াত দিয়েছিলেন এবং দিনে-রাতে সকাল-সন্ধ্যায় আল্লাহর ইবাদতে নিয়োজিত ছিলেন; তাঁর উপরও রাসূলুল্লাহ (সা) শ্রেষ্ঠত্ব অর্জন করেছেন। তাঁর সকল নবীর উপর সালাত ও সালাম বর্ষিত হোক। এই উম্মত, তাঁরা গৌরবাবিত হয়েছে এবং দ্বিগুণ ছওয়াবের অধিকারী হয়েছে তাদের নবীর শ্রেষ্ঠত্ব, মাহাস্য ও সম্মানের বরকতে। এ প্রসংগে আল্লাহ তা'আলা বলেন :

يَا يَهَا الَّذِينَ آمَنُوا اتَّقُوا اللَّهَ وَآمِنُوا بِرَسُولِهِ يُؤْتِكُمْ كَفَلَيْنِ مِنْ رَحْمَتِهِ وَيَجْعَلُ لَكُمْ نُورًا تَمْشُونَ بِهِ وَيَغْفِرُ لَكُمْ وَاللَّهُ غَفُورٌ رَّحِيمٌ . لِئَلَّا يَعْلَمَ أَهْلُ الْكِتَبِ أَلَا يَقْدِرُونَ عَلَى شَيْءٍ مِّنْ فَضْلِ اللَّهِ وَأَنَّ الْفَضْلَ بِيَدِ اللَّهِ يُؤْتِيهِ مَنْ يَشَاءُ وَاللَّهُ ذُو الْفَضْلِ الْعَظِيمُ .

“হে ঈমানদারগণ! আল্লাহকে ভয় কর এবং তাঁর রাসূলের প্রতি বিশ্বাস স্থাপন কর, তিনি তাঁর অনুগ্রহে তোমাদেরকে দিবেন ধিণুণ পুরস্কার এবং তিনি তোমাদেরকে দিবেন আলো, যার সাহায্যে তোমরা চলবে এবং তিনি তোমাদেরকে ক্ষমা করবেন। আল্লাহ ক্ষমাশীল, পরম দয়ালু। এটি এজনে যে, কিতাবীগণ যেন জানতে পারে, আল্লাহর সামান্যতম অনুগ্রহের উপরও তাদের কোন অধিকার নেই। অনুগ্রহ আল্লাহরই ইখতিয়ারে, যাকে ইচ্ছা তাকে তিনি তা দান করেন। আল্লাহ মহা অনুগ্রহশীল।”

অধ্যায় ৪ : কুরআন করীমে এবং রাসূলুল্লাহ (সা)-এর হাদীসে বর্ণী ইসরাইল সম্পর্কে বহু বিবরণ রয়েছে। তার সবগুলো যদি আমরা উল্লেখ করতে যাই তবে গ্রন্থটির কলেবর বেড়ে যাবে। ইমাম বুখারী (রা) যা উল্লেখ করেছেন আমরা সেগুলোই এই কিতাবে উল্লেখ করলাম। এতটুকুই যথেষ্ট, এ অধ্যায়ের জন্যে এগুলো স্মারক ও নমুনা। আল্লাহই সম্যক অবগত। (৫৭ হাদীদ ৪ : ২৮-২৯)

ইসরাইলীদের থেকে বর্ণিত তাদের বর্ণনা, যেগুলো অনেক তাফসীরকার ও ঐতিহাসিকগণ উল্লেখ করেছেন, তার সংখ্যা তো বহু, এগুলোর কিছু কিছু সঠিক এবং প্রকৃত ঘটনার অনুকূল বটে; কিন্তু অধিকাংশ হল মিথ্যা, অসত্য ও বানোয়াট। তাদের পথভ্রষ্ট ও সত্যতাগী লোকেরা এগুলো রটনা করেছে এবং তাদের কাহিনীকাররা প্রচার করেছে।

ইসরাইলী বর্ণনাগুলো তিন প্রকার। (১) কতক বর্ণনা সঠিক। আল্লাহর কুরআনে বর্ণিত এবং রাসূলুল্লাহ (সা)-এর হাদীসে বিবৃত ঘটনাসমূহের অনুরূপ (২) কতক বর্ণনা একপ যে, কুরআন ও হাদীসের সরাসরি বিপরীত হওয়ার কারণে এগুলোর অসত্য ও বানোয়াট হওয়া সুস্পষ্ট (৩) কতক এমন যে, এগুলো সত্যও হতে পারে আবার মিথ্যাও হতে পারে। এ জাতীয় বর্ণনাগুলো সম্পর্কেই আমাদেরকে নীরব থাকতে বলা হয়েছে যে, আমরা এগুলোকে সত্যও বলব না, মিথ্যাও বলব না। বিশুদ্ধ হাদীসে এসেছে যে, রাসূলুল্লাহ (সা) বলেছেন,

إِذَا حَدَّثْكُمْ أَهْلُ الْكِتَبِ فَلَا تُصِدِّقُوهُمْ وَلَا تُكَذِّبُوهُمْ وَقُولُوا أَمَّا بِالَّذِي  
أُنْزِلَ إِلَيْنَا وَأُنْزِلَ إِلَيْكُمْ

ইয়াহুদী-নাসারাগণ যখন তোমাদের নিকট কোন কথা পেশ করে তখন তোমরা তাদেরকে সত্যবাদীও সব্যস্ত করো না; মিথ্যাবাদীও সাব্যস্ত করো না। বরং তোমরা বল : আমরা সে সবের প্রতি ঈমান এনেছি, যেগুলো আমাদের প্রতি নায়িল করা হয়েছে এবং তোমাদের প্রতিও

(وَحَدَّثُوا عَنْ بَنِيْ اسْرَائِيلَ وَلَا حَرَجَ) নাখিল করা হয়েছে। ইতিপূর্বে উল্লেখিত হাদীস (وَحَدَّثُوا عَنْ بَنِيْ اسْرَائِيلَ وَلَا حَرَجَ) তোমরা ইসরাইলীদের থেকে হাদীস বর্ণনা কর, তাতে দোষ নেই—এর প্রেক্ষিতে এ প্রকারের উদ্ধৃতিগুলো বর্ণনা করা বৈধ।

### ইয়াহুদী-নাসারাদের দীন বিকৃতির বিবরণ

ইয়াহুদী জাতি। আল্লাহ তা'আলা হযরত মুসা ইব্ন ইমরানের প্রতি তাদের জন্যে তাওরাত নাখিল করেন। এ প্রসংগে আল্লাহ তা'আলা বলেন : **ثُمَّ أَتَيْنَا مُوسَى الْكِتَبَ تَمَامًا** “এবং মূসাকে দিয়েছিলাম কিতাব, যা সৎকর্ম পরায়ণদের জন্যে সম্পূর্ণ, যা সমস্ত কিছুর বিশদ বিবরণ।

আল্লাহ তা'আলা আরো বলেন :

**قُلْ مَنْ أَنْزَلَ الْكِتَبَ الَّذِيْ جَاءَ بِهِ مُوسَى نُورًا وَهُدًى لِلنَّاسِ تَجْعَلُونَهُ قَرَاطِيسَ تُبَدُّوْنَهَا وَتُخْفُونَ كَثِيرًا** “বল, তবে মুসার অনীত কিতাব যা’ মানুষের জন্যে আলো ও পথনির্দেশ ছিল, তা তোমরা বিভিন্ন পৃষ্ঠায় লিপিবদ্ধ করে কিছু প্রকাশ কর ও যার অনেকাংশ গোপন রাখ।

ওَلَقَدْ أَتَيْنَا مُوسَى وَهَارُونَ الْفُرْقَانَ وَضِيَاءً : **أَمَّا مُوسَى** আরও বলেন : “আমি তো মূসাও হারুনকে দিয়েছিলাম কুরআন, জ্যোতি ও উপদেশ মুত্তাকীদের জন্যে। আল্লাহ তা'আলা অন্যত্র বলেছেন : **وَأَتَيْنَا هُمَا الْكِتَبَ الْمُسْتَقِيمِينَ**” “আমি উভয়কে দিয়েছিলাম বিশদ কিতাব। আমি উভয়কে পরিচালিত করেছিলাম সৎপথে। (৩৭ সাফ্ফাত ১১৭)

আল্লাহ তা'আলা অন্য এক আয়াতে বলেন :

**إِنَّا أَنْزَلْنَا التَّوْرَاةَ فِيهَا هُدًى وَنُورٌ يَحْكُمُ بِهَا النَّبِيُّونَ الَّذِينَ أَسْلَمُوا**  
**لِلَّذِينَ هَادُوا وَالرَّبَّانِيُّونَ وَالْأَحْبَارُ بِمَا اسْتَحْفَظُوا مِنْ كِتَابِ اللَّهِ وَكَانُوا**  
**عَلَيْهِ شُهَدَاءَ فَلَا تَخْشُوَ النَّاسُ وَأَخْشَوْنَ وَلَا تَشْتَرُوا بِإِيمَانِيْ شَمَانًا قَلِيلًا**  
**وَمَنْ لَمْ يَحْكُمْ بِمَا أَنْزَلَ اللَّهُ فَأُولَئِكَ هُمُ الْكُفَّارُونَ.**

“আমি তাওরাত অবতীর্ণ করেছিলাম, তাতে ছিল পথনির্দেশ ও আলো, নবীগণ যারা আল্লাহর অনুগত ছিল, তারা ইয়াহুদীদেরকে তদনুসারে বিধান দিত আরও বিধান দিত রাব্বানীগণ এবং বিদ্বানগণ কারণ তাদেরকে আল্লাহর কিতাবের রক্ষক করা হয়েছিল এবং তারা ছিল সেটির সাক্ষী। সুতরাং মানুষকে ভয় করো না, আমাকেই ভয় কর এবং আমার আয়াত তুচ্ছ

মূল্যে বিক্রয় করো না আল্লাহ্ যা অবতীর্ণ করেছেন। সে আনুযায়ী যারা বিধান দেয় না, তারাই সত্য প্রত্যাখ্যানকারী। (৫ মায়িদা : ৪৪)

দীর্ঘকাল পর্যন্ত ইয়াভুদীরা তাওরাত কিতাব অনুযায়ী ফয়সালা করেছিল এবং সুদৃঢ়ভাবে সেটিকে গ্রহণ করেছিল। তারপর তারা সেটিকে পরিবর্তন করতে, বিকৃত করতে ভুল ব্যাখ্যা দিতে ও যা তার মধ্যে নেই তা প্রচার করতে শুরু করল। এ প্রসংগে আল্লাহ্ তা'আলা বলেন :

وَإِنَّ مِنْهُمْ لَفَرِيقًا يَلْوُونَ السِّنَّتَهُمْ بِالْكِتَبِ لِتَحْسِبُوهُ مِنَ الْكِتَبِ وَمَا هُوَ مِنَ الْكِتَبِ وَيَقُولُونَ هُوَ مِنْ عِنْدِ اللَّهِ وَمَا هُوَ مِنْ عِنْدِ اللَّهِ وَيَقُولُونَ عَلَى اللَّهِ الْكَذِبُ وَهُمْ يَعْلَمُونَ.

“তাদের মধ্যে এক দল লোক আছেই, যারা কিতাবকে জিহ্বা দ্বারা বিকৃত করে, যাতে তোমরা সেটিকে আল্লাহ্ কিতাবের অংশ মনে কর; কিন্তু সেটি কিতাবের অংশ নয়, এবং তারা বলে; এটি আল্লাহ্ র পক্ষ হতে, কিন্তু সেটি মূলত আল্লাহ্ র পক্ষ হতে প্রেরিত নয়: তারা জেনে-গুনে আল্লাহ্ সম্পর্কে মিথ্যা বলে।” (৩ আল ইমরান : ৭৮)

আলোচ্য আয়াত দ্বারা আল্লাহ্ তা'আলা জানিয়ে দিলেন যে, তারা তাওরাতের অসত্য, মিথ্যা ও অপ্রাসংগিক ব্যাখ্যা করে। তারা যে একপ অপকর্মে জড়িত, তাতে আলিমগণের মধ্যে কোন দ্বিমত নেই। তাঁরা এ ব্যাপারে একমত যে, তারা তাওরাতের বিকৃত অর্থ প্রকাশ করে এবং মূল মর্মের সাথে সম্পর্কহীন ভিন্ন অর্থ বুঝানোর জন্যে সংশ্লিষ্ট বাণী ব্যবহার করে। যেমন উক্ত কিতাবে রজম বা প্রস্তর নিক্ষেপে মৃত্যুদণ্ড কার্যকর করার বিধান বিদ্যমান থাকা সত্ত্বেও তারা উক্ত বিধানকে বেত্রাঘাত ও ‘মুখে চুনকালি মেখে দেয়ার’ বিধান দ্বারা পরিবর্তন করেছে। অনুরূপভাবে চুরির শাস্তি কার্যকর এবং আশরাফ-আতরাফ নির্বিশেষে সকল চোরের হাত কাটার জন্যে তারা আদিষ্ট হওয়া সত্ত্বেও তাদের কোন সভাস্ত ব্যক্তি চুরি করলে তাকে তারা ছেড়ে দিত। আর নিম্নশ্রেণী ও দুর্বল কেউ চুরি করলে তার উপর দণ্ড কার্যকর করত।

অবশ্য তারা তাওরাত কিতাবের মূল শব্দ পরিবর্তন করেছে কি-না, এ বিষয়ে একদল বিশেষজ্ঞ মন্তব্য করেছেন যে, তারা পুরো তাওরাতের সকল শব্দই পরিবর্তন করে ফেলেছে। অপর একদল বলেন যে, তাওরাতের মূল শব্দ পরিবর্তন করা হয়নি। প্রমাণ স্বরূপ তারা এই আয়াত পেশ করেন :

وَكَيْفَ يُحَكِّمُونَكَ وَعِنْدَهُمُ التَّوْرَأُ فِيهَا حُكْمُ اللَّهِ

“তারা আপনার উপর কিভাবে বিচার ভাব ন্যস্ত করবে যখন তাদের নিকট রয়েছে তাওরাত’ যাতে আল্লাহ্ র আদেশ আছে। (৫ মায়িদা : ৪৩)

এবং আল্লাহ্ তা'আলার বাণী :

الَّذِينَ يَجِدُونَهُ مَكْتُوبًا عِنْدَهُمْ فِي التَّوْرَأِ وَالْإِنْجِيلِ يَأْمُرُهُمْ  
بِالْمَعْرُوفِ وَيَنْهَا هُمْ عَنِ الْمُنْكَرِ وَيَحِلُّ لَهُمُ الطَّيِّبَاتُ

“যে উম্মী নবীর উল্লেখ তাদের নিকট রক্ষিত তাওরাত ও ইনজীলে রয়েছে। তাতে তারা লিপিবদ্ধ পায় যে তাদেরকে সৎকার্যের নির্দেশ দেয় ও অসৎকার্যে বাধা দেয়, যে তাদের জন্যে পবিত্র বস্তু বৈধ করে। (৭ আরাফ : ১৫৭) নীচের আয়তও তাদের প্রমাণ

قُلْ فَأْتُوا بِالْتَّوْرَةِ فَاتَّلُوهَا إِنْ كُنْتُمْ صَدِيقِينَ.

বল, তোমরা তাওরাত নিয়ে আস, সেটি পাঠ কর, যদি তোমরা সত্যবাদী হও। (৩ আল ইমরান : ৯৩)

রজম (প্রস্তরাঘাতে মৃত্যুদণ্ড) সম্পর্কিত ঘটনাটিও তাদের প্রমাণ। সহীহ বুখারী ও সহীহ মুসলিমে ইব্ন উমর (রা) থেকে, সহীহ মুসলিমে বারা ‘ইব্ন আয়িব ও জাবির ইব্ন আব্দুল্লাহ থেকে এবং সুনান গুফ্সমূহে আবু হুরায়রা (রা) প্রমুখ থেকে বর্ণিত যে, এক ইহুদী পুরুষ ও ইহুদী মহিলা ব্যক্তিদের লিঙ্গ হলে তাদের বিচারের জন্যে রাসূলুল্লাহ (সা)-এর নিকট উপস্থিত করা হয়। রাসূলুল্লাহ (সা) বললেন, রজম কার্যকর করা সম্পর্কে তোমাদের তাওরাতে কী নির্দেশ পাও? তারা বলল, এ জাতীয় সোকদেরকে আমরা অপমান ও বেইজ্জত করে দেই এবং বেত্রাঘাত করি। রাসূলুল্লাহ (সা) তাদেরকে তাওরাত উপস্থিত করতে নির্দেশ দিলেন। তাওরাত নিয়ে এসে তারা যখন পাঠ শুরু করল তখন রজমের আয়ত তারা গোপন করছিল। আব্দুল্লাহ ইব্ন সূরিয়া তার হাত দিয়ে রজমের আয়ত ঢেকে রেখেছিল এবং ঐ আয়তের পূর্বের ও পরের অংশ পাঠ করছিল।

রাসূলুল্লাহ (সা) বললেন, হে কানা! তোমার হাত উঠাও। সে তার হাত তুলল, তখন দেখা গেল সেখানে রজমের আয়ত রয়েছে। রাসূলুল্লাহ (স) ওদেরকে রজম করার নির্দেশ দিলেন। রাসূলুল্লাহ (স) তখন বললেন :

اللَّهُمَّ إِنِّي أَوَّلُ مَنْ أَحْبِبَ أَمْرَكَ إِذْ أَمَاتُوهُ.

“হে আল্লাহ! আমিই তো প্রথম ব্যক্তি, তারা অকার্যকর করার পর যে আপনার নির্দেশকে পুনর্জীবিত করল।”

আবু দাউদ (র)-এর বর্ণনায় আছে, তারা যখন তাওরাত নিয়ে আসলো তখন তিনি তাঁর নীচ থেকে বালিশ টেনে এনে তাওরাতের নীচে রাখলেন এবং বললেন – ‘আমি তোমার প্রতি ঈমান এনেছি এবং যিনি তোমাকে নায়িল করেছেন তার প্রতি ঈমান এনেছি।’ কেউ কেউ বলেন যে, রাসূলুল্লাহ (সা) তাওরাতের সম্মানার্থে উঠে দাঁড়িয়েছিলেন। এই সনদ সম্পর্কে আমি অবগত নই। আল্লাহই ভাল জানেন।

অনেক কালাম শাস্ত্রবিদ যারা বলেন যে, রাজা বুখত নসরের সময়ে তাওরাত কিতাবের তাওয়াতুর বা সন্দেহাতীত প্রসিদ্ধি বিলুপ্ত হয়ে যায়, উপরোক্ত দলীল-প্রমাণ তাদের বক্তব্যের গ্রহণযোগ্যতাকে প্রশ্নের সম্মুখীন করে তোলে। তারা বলেন যে, সে সময়ে একমাত্র উষায়র (আ) ব্যতীত অন্য কারো নিকট তাওরাত সংরক্ষিত ছিল না। এ প্রেক্ষিতে বলা যায় যে, যদি তা-ও আল-বিদায়া ওয়ান নিহায়া (২য় খণ্ড) ৩৭—

হয় এবং উক্ত ‘উত্তোয়ার’ নবী হয়ে থাকেন তবে তাতে তাওয়াতুর বা সদ্দেহাতীত প্রসিদ্ধি বিনষ্ট হবে না। কারণ নবী নিষ্পাপ। নিষ্পাপ ব্যক্তি পর্যন্ত যথার্থভাবে পৌছাই যথেষ্ট। অবশ্য, যদি কেউ বলেন যে, তাঁর নিকট থেকে তাওয়াতুর বা সদ্দেহাতীত প্রসিদ্ধি সৃত্রে পৌছেন, তাহলে সমস্য থেকে যাবে। এই সমস্য নিরসনে এ-ও বলা যায় যে, বুর্খত নসরের শাসনামলের পর যাকারিয়া, ইয়াহ্যা ও ঈসা (আ) প্রযুক্ত নবীগণ এসেছেন। তাঁরা সবাই তাওরাতের অনুসরণ করেছেন তাওরাত যদি বিশুদ্ধরূপে বিদ্যমান ও আমলযোগ্য না থাকত তবে তারা সেটির উপর নির্ভর করতেন না। তারা তো নিষ্পাপ নবী।

ইহুদীগণ যা সত্য বলে বিশ্বাস করতো কুমতলব হসিলের উদ্দেশ্যে তা থেকে তারা সরে যেত। বিচার মীমাংসার জন্যে তাদেরকে অনিবার্যভাবে রাসূলুল্লাহ (সা)-এর নিকট যেতে আদেশ দেয়া সত্ত্বেও তারা রাসূলের আনীত বিধানকে প্রত্যাখ্যান করত। অবশ্য তাদের বানোয়াট ও স্বরচিত কিছু কিছু বিষয়কে তারা সত্য বলে বিশ্বাস করত। যা মূলত আল্লাহর নির্দেশের পরিপন্থী। যেমন ব্যভিচারের শাস্তি স্বরূপ বেত্রাঘাত ও মুখে চুনকালি মেখে দেয়া। এটি অবশ্যই আল্লাহর নির্দেশের সরাসরি বিরোধী। তারা বলেছিল, তোমাদের জন্যে বিধান হল বেত্রাঘাত ও মুখে কালি মেখে দেয়া, তোমরা এটি গ্রহণ কর, কিয়ামতের দিনে আল্লাহর নিকট এ বলে তোমরা ওয়র পেশ করতে পারবে যে, তোমরা একজন নবীর হৃকুম পালন করেছে। আর যদি এই নবী তোমাদের জন্যে ‘বেত্রাঘাত ও মুখে কালি মাখা’ শাস্তির নির্দেশ না দিয়ে রজম (প্রস্তরাঘাতে মৃত্যুদণ্ডে) নির্দেশ দেন, তবে তোমরা তা গ্রহণ করা থেকে বিরত থাকবে। সত্য দীনের বিপরীতে তাদের দুষ্ট মনের প্রৱোচণা ও কু-প্রবৃত্তির অনুসরণের এই অসৎ উদ্দেশ্য প্রত্যাখ্যান করে।

আল্লাহ তা‘আলা বলেন :

وَكَيْفَ يُحِكِّمُونَكَ وَعِنْهُمُ التَّوْرَاةُ فِيهَا حُكْمُ اللَّهِ ثُمَّ يَتَوَلَّونَ مِنْ بَعْدِ ذَلِكَ وَمَا أُولَئِكَ بِالْمُؤْمِنِينَ。 إِنَّا أَنْزَلْنَا الشَّوْرَاةَ فِيهَا هُدًى وَنُورٌ يَحْكُمُ بِهَا النَّبِيُّونَ الَّذِينَ أَسْلَمُوا لِلَّذِينَ هَادُوا وَالرَّبِّيْنِيُّونَ وَالْأَحْبَارُ بِمَا اسْتَحْفَظُوا مِنْ كِتَابِ اللَّهِ。

“তারা তোমার উপর কীভাবে বিচারভাব ন্যস্ত করবে অথচ তাদের নিকট রয়েছে তাওরাত যাতে আল্লাহর আদেশ আছে, এরপরও তারা মুখ ফিরিয়ে লয় এবং তারা মু’মিন নয়। নিশ্চয় আমি তাওরাত অবর্তীর্ণ করেছি। তাতে ছিল পথনির্দেশ ও আলো। নবীগণ, যারা আল্লাহর অনুগত ছিল তারা ইহুদীদেরকে সে অনুযায়ী বিধান দিত রক্বানীগণ এবং বিদ্বানগণ- কারণ তাদেরকে আল্লাহর কিতাবের রক্ষক করা হয়েছিল।” (৫ মায়দা ৪৪-৪৫)

এ প্রেক্ষিতেই রাসূলুল্লাহ (সা) ঐ ব্যভিচারীদের জন্যে রজম-এর রায় দিয়েছিলেন। রাসূলুল্লাহ (সা) বলেছিলেন, হে আল্লাহ! আমিই প্রথম ব্যক্তি, যে আপনার নির্দেশ পুনরুজ্জীবিত করেছে, যখন তারা তা মৃত করে ফেলেছিল।

পরবর্তীতে রাসূলুল্লাহ (সা) তাদেরকে জিজেস করেছিলেন যে, কেন তারা এরপ আল্লাহর নির্দেশ বর্জন করেছিল? উত্তরে তারা বলেছিল : আমাদের সন্তান লোকদের মধ্যে ব্যভিচার ব্যাপকভাবে সংঘটিত হচ্ছে। তাদের উপর দণ্ড প্রয়োগ করা সম্ভব হচ্ছে না। দুর্বল ও নিম্ন শ্রেণীর যারা ব্যভিচার করে, শুধু তাদের উপরই আমরা রজম দণ্ড প্রয়োগ করে থাকি। তারপর আমরা পরামর্শ করে বললাম যে, ব্যভিচারের শাস্তি হিসাবে আমরা এমন একটি মাঝামাঝি দণ্ড নির্ধারণ করি, যা আশরাফ-আতরাফ সকলের উপর কার্যকর করা চলে। ফলে আমরা সমবোতার ভিত্তিতে বেত্তাঘাত ও মুখে কালি মেখে দেয়ার দণ্ড নির্ধারণ করি। এটি তাদের তাওরাত বিকৃতি, পরিবর্তন ও ভুল ব্যাখ্যার একটি উদাহরণ। কিন্তবে রজমের শব্দ অক্ষুণ্ণ রেখে তারা তার ভুল ব্যাখ্যা দিয়েছে। উপরোক্ত হাদীস তা প্রমাণ করে। এ জন্যে নতুক লোক বলেন যে, তারা শুধু অর্থের বিকৃতি ও ভুল ব্যাখ্যা প্রদান করেছে শব্দগুলো সব কিভাবে যথাযথ বিদ্যমান রয়েছে। এই প্রকারের লোকদের বিরুদ্ধে এই যুক্তি দেয়া যায় যে, তারা যদি তাদের কিন্তবের সকল কিছু পালন করতো তাহলে তা অবশ্যই তাদেরকে সত্ত্বের অনুসরণ ও রাসূল মুহাম্মদ (সা)-এর প্রতি আনুগত্য প্রদর্শনের দিকে পরিচালিত করত।

যেমন আল্লাহ তা'আলা বলেন :

الَّذِينَ يَجْدُونَهُ مَكْتُوبًا عِنْدَهُمْ فِي التَّوْرَاةِ وَالْأَنْجِيلِ يَأْمُرُهُمْ  
بِالْمَعْرُوفِ وَيَنْهَا هُمْ عَنِ الْمُنْكَرِ وَيُحَلِّ لَهُمُ الطَّيِّبَاتِ وَيَحْرِمُ عَنْهُمْ  
الْخَبِيثَ وَيَضْعُ عَنْهُمْ أَصْرَهُمْ وَالْأَغْلَلُ اللَّتِي كَانَتْ عَلَيْهِمْ

“যারা অনুসরণ করে বার্তাবাহক উর্মী নবীর, যার উল্লেখ তাওরাত ও ইন্জীল যা তাদের নিকট আছে তাতে লিপিবদ্ধ পায়। যে তাদেরকে সৎ কার্যের নির্দেশ দেয় ও অসৎকার্যে বাধা দেয়, যে তাদের জন্যে পবিত্র বস্তু বৈধ করে ও অপবিত্র বস্তু অবৈধ করে এবং যে মৃত্যু করে তাদেরকে তাদের গুরুত্বার হতে ও শৃংখল হতে যা তাদের উপর ছিল।” (৮ আনফাল : ১৫৭)

আল্লাহ তা'আলা আরও বলেন :

وَلَوْ أَنَّهُمْ أَقَامُوا التَّوْرَاةَ وَالْأَنْجِيلَ وَمَا أَنْزَلَ إِلَيْهِمْ مِنْ رَبِّهِمْ لَا كَفُوا  
مِنْ فَوْقِهِمْ وَمِنْ تَحْتِ أَرْجُلِهِمْ مِنْهُمْ أُمَّةٌ مُّقْتَصِدَةٌ -

“তারা যদি তাওরাত, ইন্জীল ও তাদের প্রতিপালকের নিকট হতে তাদের প্রতি যা অবতীর্ণ হয়েছে তা প্রতিষ্ঠিত করত, তাহলে তারা তাদের উপর ও পদতল হতে আহার্য লাভ করত। তাদের মধ্যে একদল রয়েছে, যারা মধ্যপন্থী। (৫ মায়দা : ৬৫)

আল্লাহত/আলা আরো বলেন :

قُلْ يَا أَهْلَ الْكِتَابِ لَسْتُمْ عَلَى شَيْءٍ حَتَّىٰ تُقْيِيمُوا التَّوْرَاةَ وَالْأِنْجِيلَ وَمَا أُنْزِلَ إِلَيْكُمْ مِّنْ رَّبِّكُمْ

বল, হে কিতাবীরা! তাওরাত, ইন্জীল ও যা তোমাদের প্রতিপালকের পক্ষ হতে আমাদের প্রতি অবর্তীণ হয়েছে, তোমরা তা প্রতিষ্ঠিত না করা পর্যন্ত তোমাদের কোন ভিত্তি নেই। (৫ মায়দা : ৬৮)

তাওরাতের শব্দে বিকৃতি ঘটেনি বরং অথেই বিকৃতি ঘটানো হয়েছে এই অভিমত হয়রত ইব্রান আরবাস (রা)-ও পোষণ করতেন বলে ইমাম বুখারী (র) তাঁর সহীহ গ্রন্থের শেষ দিকে উল্লেখ করেছেন। ইমাম বুখারী (র) নিজেও এই অভিমত সমর্থন করেছেন। আল্লামা ফখরুল্লাহুন্নাবী রায়ী তাঁর তাফসীর গ্রন্থে উল্লেখ করেছেন যে, অধিকাংশ কালাম শাস্ত্রবিদ এই অভিমত পোষণ করতেন।

### নাপাক ব্যক্তির জন্যে তাওরাত স্পর্শ করা জায়েয নেই

হানাফী ফিকহ বিদের মতে নাপাক অবস্থায় ও বিনা উচ্যুতে তাওরাত স্পর্শ করা জায়েয নেই। আল্লামা হানাতী তাঁর ফাতাওয়া গ্রন্থে উল্লেখ করেছেন যে, কতক শাফিই পন্থী ‘আলিমও উপরোক্ত মত পোষণ করেন। এই মতটি একটি বিরল মত। কতক উলামা উভয় অভিমতের মাঝামাঝি অভিমত পোষণ করেন। তাদের মধ্যে শায়খ ইমাম আল্লামা আবুল আরবাস ইবন তায়মিয়া অন্যতম। তিনি বলেন, যারা এ মত পোষণ করে যে, তাওরাত শুরু থেকে শেষ পর্যন্ত সম্পূর্ণই পরিবর্তন করে ফেলা হয়েছে এবং এর একটি অক্ষরও আসল অবস্থায় নেই, তাদের এ অভিমত কোনমতেই গ্রহণযোগ্য নয়। তদ্রপ যারা এ অভিমত পোষণ করে যে, তাওরাত আদৌ পরিবর্তন করা হয়নি, তাদের অভিমতও গ্রহণযোগ্য নয়। সত্য ও বাস্তবতা এই যে, তাওরাতের কতক শব্দে হ্রাস-বৃদ্ধির মাধ্যমে পরিবর্তন, বিকৃতি ও ক্লপান্তর সংঘটিত হয়েছে; যেমন বিকৃতি ও পরিবর্তন সাধিত হয়েছে এর মর্ম ও ব্যাখ্যায়। ভালভাবে চিন্তা করলে এটি অবগত হওয়া যায়। এই বিষয়ে বিস্তারিত আলোচনার অবকাশ নেই। আল্লাহই ভাল জানেন।

তাদের তাওরাত বিকৃতির একটি উদাহরণ হয়রত ইব্রাহীম (আ)-এর পুত্র কুরবানীর ঘটনা। সেখানে আছে তোমার একক পুত্রকে কুরবানী কর। তাও-রাতের কোন কোন পাঠে আছে তোমার একক পুত্রকে কুরবানী কর। এবস কপিতে বর্ণিত ইসহাককে কুরবানী কর। এসব কপিতে বর্ণিত শব্দটি নিঃসন্দেহে তাদের নিজেদের সংযোজন। কারণ তখন হয়রত ইব্রাহীমের একক ও প্রথম শিশু পুত্র ছিলেন হয়রত ইসমাইল (আ)। হয়রত ইসহাক (আ)-এর জন্মের ১৪ বছর পূর্বে ইসমাইল (আ)-এর জন্ম হয়। তাহলে ইসহাক (আ) একক শিশু পুত্র হন কীভাবে? আরবদের প্রতি তাদের বিদ্বেষের প্রেক্ষিতে আরবদের পূর্ব পুরুষ হয়রত ইসমাইল (আ)-এর জন্মে কুরবানী বিষয়ক সামান

নির্ধারণের জন্যে তারা আল্লাহ ও রাসূল (সা) সম্বন্ধে মিথ্যা আরোপ করে শুত্রাশক্তি শব্দ সংযোজন করে দিয়েছে।

তাদের এই সংযোজনের প্রেক্ষিতে পূর্বের ও পরের অনেক লোক প্রতারিত হয়েছে এবং তাদের সাথে এ মত পোষণ করেছেন যে, কুরবানী বিষয়ক পুত্র হলেন ইসহাক (আ)। সঠিক মতামত এই যে, কুরবানী বিষয়ক পুত্র ছিলেন হ্যরত ইসমাঈল (আ)। ইতিপূর্বে আমরা তা বর্ণনা করেছি। আল্লাহই ভাল জানেন। সামিরা সম্পাদিত তাওরাতের দশম বাক্যে নামাযে তুর পর্বতের দিকে মুখ করার নির্দেশিত তাদের অতিরিক্ত সংযোজন। ইয়াহুদী ও নাসারাদের অন্যান্য কপিতে এটুকু নেই। হ্যরত দাউদ (আ)- এর নামে প্রচলিত যাবুরের কপিতে প্রচুর অসংগতি পাওয়া যায়। তাতে এমন সব অতিরিক্ত ও সংযুক্ত বিষয়াদি পাওয়া যায়, যা মূলত যাবুরের ভাষ্য নয়। আল্লাহই ভাল জানেন।

ইয়াহুদীদের নিকট এখন যাবুরের যে আরবী অনুবাদ রয়েছে, তার মধ্যে যে প্রচুর বিকৃতি পরিবর্তন, সংযোজন ঘটনার মিথ্যাচারিতা ও স্পষ্ট হ্রাস- বৃদ্ধি রয়েছে, তাতে কোন বিবেকবান মানুষেরই সন্দেহ থাকতে পারে না। এ কপিতে সুষ্পষ্ট মিথ্যাচার ও প্রচুর মারাত্মক ভ্রান্তি রয়েছে। তারা নিজেদের ভাষায় যা পাঠ করে এবং নিজেদের কলমে যা লিখে সে সম্পর্কে অবশ্য আমাদের জানা নেই। তবে তারা যে মিথ্যাবাদী, বিশ্বাস ভঙ্গকারী এবং আল্লাহ তাঁর রাসূল ও তাঁর কিতাব সম্পর্কে মিথ্যা আরোপকারী একুশ ধারণা করার যথেষ্ট যুক্তি রয়েছে। নাসারাদের ইনজীল চতুর্থয় যা মার্ক, লুক, মথি ও যোহন থেকে বর্ণিত, সেগুলো তাওরাতের তুলনায় আরো বেশী পরম্পর বিরোধী ও অসংগতিপূর্ণ।

নাসারাগণ কোন কোন ক্ষেত্রে তাওরাত ও ইনজীল উভয়ের বিধানের বিরোধিতা করে। এ সকল ক্ষেত্রে তারা নিজেরা নিজেদের জন্যে নতুন বিধান তৈরী করে নেয়। এ জাতীয় বিধান সমূহের একটি হল তাদের পূর্বমুঠী হয়ে নামায আদায় করা। ইনজীল চতুর্থয়ের কোনটিতেই সরাসরি এ বিধান নেই এবং এ বিষয়ে তারা আদিষ্ট নয়। অনুরূপ তাদের উপাসনালয়ে মৃত্তি স্থাপন, খতনা বর্জন, রোজার সময়কে বসন্তকালে সরিয়ে দেয়া- এবং রোয়ার মেয়াদ ৫০ দিন পর্যন্ত বর্ধিত করণ, শূকরের গোশ্ত খাওয়া, ক্ষুদ্র একটি খিয়ানতকে বড় আমানত বলে গ্রহণ করা, সন্যাসব্রতের প্রচলন করা, সন্যাসব্রত হল ইবাদতে অগ্রহী ব্যক্তির বিয়ে-শাদী বর্জন করা এবং তার জন্যে বিয়ে-শাদী হারাম বলে গণ্য করা এবং ৩১৮ জন ধর্ম্যাজক কর্তৃক রচিত বিধি-বিধানগুলো লিপিবদ্ধ করে। এসবই হচ্ছে তাদের বানানো ও স্বরচিত বিধান। কনষ্ট্যান্টিননোপল রাজ্যের প্রতিষ্ঠাতা সম্বাট কনষ্ট্যান্টিন ইব্রেন কস্তুন- এর শাসনামলে তারা এগুলো তৈরি করে ও তার প্রচলন ঘটায়। রাজা কনষ্ট্যান্টের সময়কাল ছিল হ্যরত ঈসা (আ)-এর ৩০০ বছর পর। তাঁর পিতা ছিলেন রোমের একজন রাজা। তাঁর পিতা হারবান অঞ্চলে শিকারের উদ্দেশ্যে এক সফরে গিয়ে তাঁর মাতা হায়লানাকে বিবাহ করেন। এই মহিলাটি প্রাচীন সন্যাসব্রতী খৃষ্টান সম্প্রদায়ভুক্ত ছিলেন।

কনষ্ট্যান্টিন তাঁর বাল্যকালে দর্শনশাস্ত্র শিক্ষা করেন এবং তাতে ব্যৃৎপত্তি অর্জন করেন। তিনি তাঁর মায়ের ধর্ম খৃষ্টবাদের প্রতি কিছুটা ঝুঁকে পড়েন। নিজে দর্শনের অনুসারী হয়েও

খৃষ্টবাদ অবলম্বীদেরকে তিনি মোটামুটি শ্রদ্ধার চোখে দেখতেন। তার পিতার মৃতুর পর তিনি রাজ্যের সর্বেসর্বী হয়ে উঠেন। প্রজাদের প্রতি তিনি ন্যায় বিচার করতেন। জনসাধারণও তাঁকে ভালবাসতে থাকে। তিনি তাদের মধ্যে নেতৃত্ব অর্জন করেন এবং সামরিক অভিযান চালিয়ে দ্বিপ সমৃহসহ সমগ্র সিরিয়া জয় করে নেন। এতে তার সশান্মান ও মর্যাদা বহুলাখণ্ডে বৃদ্ধি পায়। তিনিই ছিলেন সর্বপ্রথম কায়সার। তাঁর শাসনামলে ত্রিমুখী ধর্মীয় সংঘাত সৃষ্টি হয়। একদিকে নাসারাগণ একদিকে আলেকজান্দ্রিয়ার আক্সান্দ্রুস অন্য দিকে তাদেরই জনেক পণ্ডিত ব্যক্তি নাম আবুল্ফাহ ইব্ন আরইউস। আকসন্দ্রুস-এর মতে হ্যরত ঈসা (আ) ছিলেন আল্লাহর পুত্র। আল্লাহ তা'আলার শান তার এ মতের অনেক উর্ধে।

ইব্ন আরইউসের মতে, ঈসা (আ) ছিলেন আল্লাহর বান্দা ও রাসূল। নাসারাদের একটি ছোট দল তাঁর অনুসরণ করেছিল। তাদের অধিকাংশ লোক তাদের ধর্ম যাজকের অভিমতই প্রহণ করে। তারা ইব্ন আরইউস ও তাঁর অনুসারীদেরকে তাদের উপসনালয়ে প্রবেশে বাধা দেয়। ইবনে আরইউস তাঁর প্রতিদ্বন্দ্বী আক্সান্দ্রুস ও তাঁর অনুসারীদের বিরুদ্ধে রাজা কনষ্টান্টিনের নিকট অভিযোগ দায়ের করে। রাজা তাঁর মতবাদ সম্পর্কে জানতে চান। তিনি হ্যরত ঈসা (আ) আল্লাহর বান্দা ও তাঁর রাসূল বিষয়ে নিজের অভিমত রাজার নিকট পেশ করেন এবং এ বিষয়ে দলীল- প্রমাণ ও যুক্তি উপস্থিত করেন। এতে রাজা তাঁর প্রতি আকৃষ্ট হন এবং তাঁর বক্তব্যের প্রতি ঝুঁকে পড়েন।

রাজ দরবারে কেউ কেউ প্রস্তাব করে যে, ইব্ন আরইউসের বক্তব্য যখন শোনা হল তখন তাঁর প্রতিপক্ষের বক্তব্যও তো শোনা উচিত। রাজা তখন তাঁর প্রতিপক্ষকে উপস্থিত করতে নির্দেশ দিলেন। সাথে সাথে নেতৃস্থানীয় ধর্মভীরু ব্যক্তি, খৃষ্ট ধর্ম সম্পর্কে অভিজ্ঞ সকল লোক এবং বায়তুল মুকাদ্দাস, এন্টিয়ক, রোম ও আলেকজান্দ্রিয়ার ধর্ম্যাজকদেরকেও উপস্থিত করার নির্দেশ জারী করেন।

কথিত আছে যে, চৌদ্দ মাস সময়ের মধ্যে ২০০০-এর অধিক ধর্ম্যাজক সমবেত হন। রাজা তাদেরকে একটি মজলিসে উপস্থিত করেন। তাদের তিনটি প্রসিদ্ধ মজলিসের এটি হল প্রথম মজলিস। এরা সবাই পরম্পর প্রচণ্ডভাবে ভিন্ন মতাবলম্বী। তাদের পরম্পরের মধ্যে মতাদর্শগত পার্থক্য প্রচণ্ড ও গুরুতর। ক্ষুদ্র একটি দল এমন মতবাদে বিশ্বাস করে যা অন্য কেউ সমর্থন করে না। এ ৫০ জন হল এক আদর্শে বিশ্বাসী, অপর ৮০ জন অপর এক মতবাদে বিশ্বাসী। অপর দশজন এক মতবাদপন্থী অপর ৪০ জন ভিন্ন এক আদর্শের অনুসারী। ১০০ জন এক প্রকার বিশ্বাসের অনুসারী তো অন্য ২০০ জন অন্য অভিমত পোষণকারী। একদল ইব্ন আরইউসের মতাবলম্বী তো, অন্যদল অন্য মতাবলম্বী। এসব ধর্মীয় ব্যক্তিদের মতদৈততা ও মতপার্থক্য যখন চরমে পৌঁছে তখন রাজা কনষ্টান্টিনোপল হতভুব ও কিংকর্তব্যবিমৃঢ় হয়ে পড়েন। অবশ্য তাঁর পূর্বসূরী গ্রীক সাবিনদের ধর্ম ছাড়া অন্য ধর্মমতের প্রতি তিনি বীতশুন্দ ছিলেন।

১. এখানটি ৩২৫ খ্রীষ্টানদের। এটি খ্রীষ্টান যাজকদের প্রথম কাউন্সিল বলে পরিচিতি।

অবশেষে যে অভিমতের পক্ষে সমর্থক সংখ্যা বেশী, তিনি সে দলের প্রতি মনোযোগী হলেন। তিনি দেখতে পেলেন যে, ৩১৮ জন্য ধর্ম্যাজক আফসিন্দরত্ম-এর মতের সমর্থক। তাঁদের সমান সংখ্যক অন্য কোন দল তিনি পেলেন না। তিনি বললেন যে, এরাই সাহায্য পাওয়ার অগ্রাধিকারী। কারণ, তারা সংখ্যাগরিষ্ঠ দল। আমি তাদেরকে সহায়তা দিব। তিনি তাদের সাথে একান্ত বৈঠকে বসলেন। তিনি তার তরবারী ও ঘোড়া তাদের হাতে অর্পণ করলেন এবং বললেন, আমি ছাড়া আর সবাই রাজাকে সিজদা করল। তিনি তাদেরকে ধর্মীয় বিধান সম্বলিত একটি পুস্তক প্রণয়নের অনুরোধ জানালেন। তিনি এও বললেন যে, উসামনা যেন পূর্বমুখী হয়ে আদায় করা হয়, কারণ নায়িরা নক্ষত্র পূর্বদিক থেকে উদিত হয়। আর তাদের উপাসনালয়ে যেন দেহ বিশিষ্ট মূর্তি স্থাপন করা হয়। তারা সমবোতায় উপনীত হয় যে, মূর্তি স্থাপন করা হবে উপসনালয়ের প্রাচীরে। এ সব বিষয়ে ঐকমত্যে পৌছার পর রাজা তাদেরকে সাহায্য করতে শুরু করেন। তিনি তাদের মতকে প্রতিষ্ঠিত করতে, বিরুদ্ধবাদীদেরকে কোনঠাসা করতে এবং তাদের মতবাদক দুর্বল করতে সর্বশক্তি নিয়োগ করেন। রাজা এ পৃষ্ঠপোষ্টকতায় তারা বিরুদ্ধবাদীদের উপর বিজয় ও প্রতিষ্ঠা পায়। নিজেদের দীনের স্বপক্ষে বহু সংখ্যক উপাসনালয় নির্মাণের জন্যে রাজা তাদেরকে নির্দেশ দেয়। রাজার দীন অনুসরণকারী হিসেবে তারা মালাকামী (রাজতান্ত্রিক সম্প্রদায়) আখ্যায়িত হয়। সম্মাট কন্টাক্টটনের আমলে সিরিয়া ও অন্যান্য শহরে ও জনপদে তারা ১২০০-এর অধিক গীর্জা নির্মাণ করে। রাজা নিজেই হ্যরত ঈসা (আ)-এর জন্মস্থানে বেথেলহাম ভবন নির্মাণের উদ্যোগ নেন। তাঁর মা হায়লানাহ তাদের বিশ্বাস অনুযায়ী হ্যরত ঈসা (আ)-এর শূলে চড়ানোর স্থানে বায়তুল মুকাদ্দাসে একটি গম্বুজ নির্মাণ করেন।

ইহুদী ও নাসারাগণ তাদের মূর্খতা ও জ্ঞানের স্বল্পতার কারণে এ বিশ্বাস পোষণ করে যে, ঈসা (আ) সেখানে শূলবিদ্ধ হয়েছিলেন।

কথিত আছে যে, রাজা কনষ্টান্টাইন উক্ত মতাদর্শের বিরোধীদেরকে হত্যা করেন এবং তাদের জন্যে মাটিতে বড় বড় গর্ত খনন করে। তাতে আগুন জ্বালিয়ে তাদেরকে পুড়িয়ে মারেন। সূরা বুরজের তাফসীরে আমরা এ প্রসংগে আলোচনা করেছি। রাজা খিষ্ট ধর্মের এই শাখাকে মর্যাদার আসনে আসীন করেন। এবং তার কারণে এ মতাদর্শ অন্যসব মতাদর্শের উপর বিজয় লাভ করে। তিনি এই ধর্মকে এতই বিকৃত করেন, যা কখনো সংশোধন হওয়ার নয়। এগুলো বজায় রেখে ঐ ধর্ম দ্বারা কল্যাণ অর্জনও সম্ভব নয়। তাদের মধ্যে নেতৃস্থানীয় লোকদের সংখ্যাধিক্যের কারণে তাদের পূজা-পার্বণ অনেক বৃদ্ধি পায়। তাদের সাধু সন্দের নামে প্রচুর সংখ্যাক গীর্জা স্থাপিত হয়। তাদের কুফরী চৃড়ান্ত পর্যায়ে পৌছে। তারা স্থায়ীভাবে গোমরাহীর শিকার হয় এবং তাদের কুর্ম বৃদ্ধি পায়। আল্লাহ তাদের অন্তরকে হিদায়াতের দিকে ধাবিত করেন নি বা তাদের অবস্থাও সংশোধন করেন নি। বরং তাদের অন্তরকে সত্য থেকে বিচ্যুত করেছেন এবং সত্যে অবিচলতা থেকে তাদের দূরে সরিয়ে দিয়েছেন।<sup>৪</sup>

এরপর তারা নাসতুরিয়া ও ইয়াকুবিয়া নামক আরো দু'টি দলে বিভক্ত হয়ে পড়ে। একদল অপর দলকে কাফির বলতে থাকে এবং তিনি মতাবলম্বীগণ চিরস্থায়ী জাহানামী হবে বলে

ধারণা করতে থাকে। কোন উপাসনালয়েই তাদের উভয় পক্ষকে একত্রিত হতে দেখা যেত না। প্রত্যক দলই তিনি মূল সন্তার প্রবক্তা ছিল- পিতা, পুত্র এবং কলেগা বা বাণী সন্তা। কিন্তু অতীন্দ্রিয় জগত ও পার্থিব স্রষ্টার অবতাররূপে আগমন অথবা মানবাকৃতির মধ্যে একাত্ম হওয়া বিষয়ে তাদের মধ্যে চরম মতভেদ ছিল। আল্লাহ তা'আলা খোদ ঈসা (আ)-এর রূপে অবতরণ করেছিলেন, না কি তাঁর মধ্যে প্রবেশ করেছিলেন, না আল্লাহ ও ঈসা একীভূত সন্তা ভুক্ত এ বিষয়ে তাদের মতবিরোধ চরমে পৌঁছেছিল। এ কারণে তাদের কুফরী জগন্য পর্যায়ে পৌঁছেছিল। মূলত তাদের সকল পক্ষই ছিল বাতিল, অসত্যের অনুসারী।

অবশ্য আল্লাহ ইবন আরইউসের অনুসারীগণ যারা বলত যে, হযরত ঈসা (আ) আল্লাহর বান্দা ও রাসূল, আল্লাহর দাসীর পৃত্র ও তাঁর বাণী, মারয়ামের প্রতি এ বাণী নিক্ষেপ করেছেন এবং তিনি আল্লাহর পক্ষ থেকে রূহ রূপে আবির্ভূত হয়েছিলেন তারা সত্যপন্থী ছিল। মুসলমানরাও হযরত ঈসা (আ) সম্পর্কে অনুরূপ মত পোষণ করেন। কিন্তু আরইউসী পন্থীগণ যখন এই বিশ্বাসে অনমনীয় থাকে, তখন উপরোক্ত তিনি ফির্কা এসে তাদের উপর আক্রমণ করল এবং তাদেরকে মেরে-কেটে ছত্রঙ্গ করে দূরে তাড়িয়ে দিল। ক্ষমে ক্ষমে তাদের সংখ্যা হ্রাস পেতে পেতে অবশেষে এমন হয়ে গেল যে, এখন এই পন্থী কাউকেই দেখা যায় না। আল্লাহই ভাল জানেন।

### পূর্বতন নবীগণের বিবরণ বিষয়ক অধ্যায়

আল্লাহ তা'আলা বলেন :

تَلْكَ الرُّسُلُ فَضَلَّنَا بَعْضَهُمْ عَلَىٰ بَعْضٍ مِّنْهُمْ مِّنْ كَلْمَ اللَّهِ وَرَفَعَ  
بَعْضَهُمْ دَرَجَتٍ وَأَتَيْنَا عِيسَى ابْنَ مَرْيَمَ الْبَيِّنَاتِ وَأَيَّدْنَاهُ بِرُوحِ الْقُدْسِ  
“এই রাসূলগণ, তাদের কতককে অপর কতকের উপর শ্রেষ্ঠত্ব দিয়েছি। তাদের মধ্যে এমন  
কেউ কেউ রয়েছে, যার সাথে আল্লাহ কথা বলেছেন। আবার কতককে উচ্চ মর্যাদায় উন্নীত  
করেছেন। মারয়াম তনয় ঈসাকে শ্রষ্ট প্রমাণ প্রদান করেছি ও পবিত্র আস্তা দ্বারা তাকে  
শক্তিশালী করেছি।” (২ বাকারা ২৫৩)

আল্লাহ তা'আলা বলেন :

إِنَّا أَوْحَيْنَا إِلَيْكَ كَمَا أَوْحَيْنَا إِلَىٰ نُوحٍ وَالنَّبِيِّينَ مِنْ بَعْدِهِ وَأَوْحَيْنَا  
إِلَىٰ إِبْرَاهِيمَ وَاسْمَاعِيلَ وَإِسْحَاقَ وَيَعْقُوبَ وَالْأَسْبَاطِ وَعِيسَى وَآيُوبَ  
وَيَوْنَسَ وَهَرُونَ وَسُلَيْমَانَ وَأَتَيْنَا دَاؤِدَ زَبُورًا . وَرُسُلًا قَدْ قَصَصْنَاهُمْ عَلَيْكَ  
مِنْ قَبْلٍ وَرُسُلًا لَمْ نَقْصَصْنَاهُمْ عَلَيْكَ وَكَلْمَ اللَّهِ مُوسَى تَكْلِيمًا . رُسُلًا  
مُبَشِّرِينَ وَمُنذِرِينَ لِئَلَّا يَكُونُ لِلنَّاسِ عَلَى اللَّهِ حُجَّةٌ بَعْدَ الرُّسُلِ وَكَانَ  
اللَّهُ عَزِيزًا حَكِيمًا .

“আমি আপনার নিকট ওহী প্রেরণ করেছি যেমন নৃহ ও তার পরবর্তী নবীগণের নিকট প্রেরণ করেছিলাম। ইবরাহীম, ইসমাইল, ইসহাক, ইয়াকুব ও তার বংশধরগণ ঈসা, আইয়ুব, ইউনুস হারুন এবং সুলায়মানের নিকট ওহী প্রেরণ করেছিলাম এবং দাউদকে যাবুর দিয়েছিলাম। আমি অনেক রাসূল প্রেরণ করেছি যাদের কথা পূর্বে তোমাকে বলেছি এবং অনেক রাসূল যাদের কথা আমি বলিনি। এবং মূসার সাথে আল্লাহহ সাক্ষাত বাক্যালাপ করেছিলেন। আমি সুসংবাদবাহী ও সাবধানকারী রাসূল প্রেরণ করেছি যাতে রাসূল আসার পর আল্লাহর বিরুদ্ধে মানুষের কোন অভিযোগ না থাকে। এবং আল্লাহহ পরাক্রমশালী প্রজ্ঞাময়। (৪ নিসা ১৬৩-১৬৫)

ইব্ন হিব্রাব তাঁর সহীহ গ্রন্থে ইবন মারদুয়েহ তাঁর তাফসীর গ্রন্থে এবং অন্যান্য অনেকে আবুয়র (রা) থেকে বর্ণনা করেছেন। তিনি বলেন, আমি জিজেস করি, ইয়া রাসূলাল্লাহ (সা)! নবীদের সংখ্যা কত? তিনি বললেন, এক লাখ চবিশ হাজার। আমি আবার বললাম, ইয়া রাসূলাল্লাহ (সা)! তাঁদের মধ্যে রাসূল কতজন? তিনি বললেন ৩১৩ জন, তাঁদের সংখ্যা প্রচুর। আমি বললাম, ইয়া রাসূলাল্লাহ (সা)! তাঁদের মধ্যে সর্বপ্রথম কে ছিলেন? তিনি বললেন, আদম (আ)। আমি বললাম, তিনি কি রিসালাতপ্রাপ্ত নবী? তিনি বললেন, হ্য়। আল্লাহহ তা'আলা তাঁকে আপন হাতে তৈরী করেছেন। তাঁর মধ্যে তাঁর রূহ ফুঁকে দিয়েছেন। তারপর তাঁকে প্রথম মানবরূপে তৈরী করেছেন। এরপর রাসূলাল্লাহ (সা) বললেন, হে আবু যর! ৪ জন নবী সুরয়ানী ভাষাভাষি তারা হলেন আদম, শীছ, নৃহ ও খানুখ অর্থাৎ ইদরীস (আ)। হ্যরত ইদরীস সর্বপ্রথম কলম ব্যবহার করেন। ৪ জন নবী আরব বংশোদ্ধৃত। হৃদ, সালিহ, শুআয়ব, ও তোমাদের এই নবী। হে আবূযর! বনী ইসরাইল বংশীয় প্রথম নবী হ্যরত মূসা (আ)। আর তাঁদের গোত্রভুক্ত শেষ নবী হ্যরত ঈসা (আ)। সর্বপ্রথম নবী হচ্ছেন হ্যরত আদম (আ) এবং সর্বশেষ নবী তোমাদের নবী। আবুল ফয়জ ইব্ন জাওয়ী এ হাদীসকে বানোয়াট বলে অভিহিত করেছেন।

ইব্ন আবী হাতিম..... আবু উমামা (র) সূত্রে বর্ণিত, তিনি বলেন, আমি বলেছিলাম, ইয়া রাসূলাল্লাহ (সা)! নবীগণের সংখ্যা কত? তিনি বললেন, এক লক্ষ চবিশ হাজার। তন্মধ্যে রাসূল ৩১৫ জন। তাঁদের সংখ্যা অনেক। এই সনদিটি দুর্বল। বর্ণনাকারী মা'আয়, তাঁর শায়খ এবং এই শায়খের শায়খ তাঁরা তিনজনই দুর্বল বর্ণনাকারী।

আবু ইয়ালা মাওসেলী..... আনাস ইবন মালিক (রা) সূত্রে বর্ণনা করেন, তিনি বলেন, রাসূলাল্লাহ (সা) ইরশাদ করেন আল্লাহহ তা'আলা আট হাজার নবী প্রেরণ করেছেন। চার হাজার বনী ইসরাইলের প্রতি আর চার হাজার অন্য সকল লোকের প্রতি। এই বর্ণনার দুজন বর্ণনাকারী মূসা ও তাঁর শায়খ উভয়ে দুর্বল রাবী।

আবু ইয়ালা ..... আনাস ইব্ন মালিক (রা) থেকে ভিন্ন সূত্রে বর্ণনা করেন, তিনি বলেন, রাসূলাল্লাহ (সা) ইরশাদ করেন, আমার পূর্বসূরী নবীগণের সংখ্যা ছিল আট হাজার। তারপর আসেন ঈসা (আ), তারপর আমি। এই সনদে ইয়ায়ীদ রক্কাশী দুর্বল রাবী।

হাকিম আবু বকর..... আনাস ইব্ন মালিক (রা) সূত্রে অনুরূপ আরেকটি হাদীস বর্ণনা করেছেন।

আল-বিদায়া ওয়ান নিহায়া (২য় খণ্ড) ৩৮—

## অন্য একটি হাদীস

আদুল্লাহ ইব্ন আহমদ..... আবুল ওয়াদ্দাক সূত্রে বলেন, আবু সাঈদ বলেছিলেন, আপনি কি খারিজীদেরকে দাজ্জাল বলে স্বীকার করেন? তিনি বলেন, আমি বললাম, না। আবু সাঈদ (রা) বলেন, রাসূলুল্লাহ (স) ইরশাদ করেছেন, আমি এক হাজার কিংবা ততোধিক নবীর শেষ নবী। আল্লাহ তা'আলা অনুসরণযোগ্য যত নবী প্রেরণ করেছেন, সকলেই নিজ নিজ উম্মতকে দাজ্জাল সম্পর্কে সতর্ক করেছেন। দাজ্জালের পরিচিতি ও চিহ্ন সম্পর্কে আমাকে যত বেশী স্পষ্ট জানানো হয়েছে অন্য কাউকে ততটুকু জানানো হয়নি। দাজ্জাল হবে এক চোখ বিশিষ্ট। তোমাদের প্রতিপালক একচোখ বিশিষ্ট নয়। তার ডান চোখ কানা এবং কোটর থেকে বের হয়ে থাকবে। এটি গোপন রাখা যায় না। এ যেন আস্তর করা প্রাচীরের উঁচিয়ে থাকা অংশ। তার বাম চোখ যেন উজ্জ্বল নক্ষত্র। তার নিকট থাকবে সকল ভাষার জ্ঞান সংজ্ঞ। আরও থাকবে সবুজ রং এর কৃত্রিম বেহেশ্ত। তাতে পানি প্রবহমান থাকবে। আবও থাকবে ধূমায়িত কালো কৃত্রিম দোয়খ। এটি গরীব পর্যায়ের বর্ণনা। হাকিম আবু বকর রাজ্জাক..... জাবির (রা) সূত্রে অনুরূপ হাদীস বর্ণনা করেছেন।

তবে তাঁর বর্ণিত হাদীসের সনদ হাসান পর্যায়ের। উক্ত হাদীসটিতে দাজ্জাল সম্পর্কে সর্তককারী নবীগণের সংখ্যাই কেবল উল্লেখ কুরা হয়েছে। অন্য রিওয়ায়তে প্রত্যেক নবীই এ ব্যাপারে তাঁর উম্মতকে সতর্ক করেছেন বলে উল্লেখিত হয়েছে।

ইমাম বুখারী (র)..... হযরত আবু হুরায়রা (রা) সূত্র বর্ণনা করেন, নবী করীম (সা) বলেছেন, নবীগণই বনী ইসরাইলীদের শাসন পরিচালনা করতেন। এক নবীর ইন্তিকালের পর অপর নবী তাঁর স্থলাভিষিক্ত হতেন। তবে আমার পরে কোন নবী আসবে না। অবশ্য আমার খলীফাগণ আসবেন। খলীফা হবেন বহু সংখ্যক। সাহাবা-ই কিরাম বললেন, ইয়া রাসূলুল্লাহ (সা)! সে পরিস্থিতিতে আপনি আমাদেরকে কী করার নির্দেশ দেন? রাসূলুল্লাহ (সা) বললেন, তখন তোমরা প্রথমে প্রথম খলীফার বায়াআতে অটল থাকবে। তারপর পর্যায়ক্রমে যারা খলীফা হবেন তাদেরকে তাদের হক (আনুগত্য) আদায় করবে। কারণ, আল্লাহ তা'আলা তাদেরকে তাদের দায়িত্ব পালন সম্পর্কে জিজ্ঞাসাবাদ করবেন।

ইমাম বুখারী (র) ..... হযরত আদুল্লাহ ইব্ন মাসউদ (রা) সূত্রে বলেন, আমি যেন এখনও দেখছি, রাসূলুল্লাহ (সা) একজন নবীর ঘটনা বর্ণনা করেছেন। নিজের সম্প্রদায়ের লোকেরা ঐ নবীকে প্রহারে রহস্য করে ফেলেছিল। নবী তাঁর মুখমণ্ডল থেকে রক্ত মুছে ফেলেছিলেন। তখনও নবী বলেছিলেন, হে আল্লাহ! আমার সম্প্রদায়ের লোকদেরকে ক্ষমা করে দিন, কারণ তারা সত্য উপলক্ষ্মি করতে পারছে না। ইমাম মুসলিমও আনুরূপ হাদীস বর্ণনা করেছেন। ইমাম আহমদ..... আবু সাঈদ খুদরী (রা) সূত্রে বর্ণনা করেন, তিনি বলেছেন, একজন ব্যক্তি তার ডান হাত রেখেছিল রাসূলুল্লাহ (সা)-এর উপর। সে বলল, ইয়া রাসূলুল্লাহ! আপনার দেহ মুবারকের যে প্রচণ্ড উত্তাপ, তাতে আমি আমার হাত আপনার দেহে রাখতে পারছি না। নবী করীম (সা) বললেন, আমরা নবীগণ, আমাদেরকে বহুগুণ বেশী বিপদ-আপদ দ্বারা পরীক্ষা করা হয়, যেমন আমাদের ছওয়াবও বহুগুণে বৃদ্ধি করা হয়। একজন নবীকে

উকুনের যত্নণা দ্বারা পরীক্ষা করা হয়েছিল। এই যত্নণা ভোগ করতে করতে তাঁর মৃত্যু ঘটে। একজন নবীকে দারিদ্র্যের কষ্ট দ্বারা পরীক্ষা করা হয়। শেষ পর্যন্ত তিনি জামা সেলাইয়ের পেশা গ্রহণ করেছিলেন। তাঁরা অবশ্য স্বচ্ছতা ও নিরাপত্তার সময় যেমন খুশী থাকতেন, বালামুসীবতের সময়ও তেমনি খুশী থাকতেন। ইব্ন মাজাহ (র) ..... আবু সাঈদ (রা) সূত্রে অনুরূপ হাদীস বর্ণনা করেন।

ইমাম আহমদ ..... সাদ (রা) থেকে বর্ণনা করেন, তিনি বলেছেন, আমি বললাম, ইয়া  
রাসূলুল্লাহ (সা)! কোন প্রকারের মানুষ কঠোরতম বিপদে পতিত হয়? রাসূলুল্লাহ (সা) বলেন :

الأنبياء ثم الصالحون ثم الأمثل من الناس يُبتلى الرجل على حسب دينه فما كان في دينه صلابة زيد في بلائه وإن كان في دينه رقة خفف علىه ولا يزال البلاء بالعبد حتى يمشي على الأرض وما عليه خطيبة

“সর্বাধিক কঠোর বিপদে পতিত হন নবীগণ (আ)! তারপর নেককারগণ। এরপর পর্যায়ক্রমে অপেক্ষাকৃত উত্তম লোকগণ। মানুষকে বিপদাপ্ত দ্বারা পরীক্ষা করা হয় তার দীন বা ধর্মের প্রতি দৃঢ়তা ও নিষ্ঠা অনুপাতে। যদি ধর্মের প্রতি তার দৃঢ়তা ও অবিচলতা থাকে, তাহলে তার বিপদ আরো কঠিন করা হয়। আর যদি ধর্মের প্রতি তার শৈথিল্য থাকে, তবে তার বিপদ হালকা করে দেয়া হয়। কোন কোন ব্যক্তির উপর বিপদ আসতে থাকে অনবরত। অবশ্যে সে পৃথিবীতে বিচরণ করে এমনভাবে যে, তার কোন পাপ থাকে না।

ইমাম তিরমিয়ী (র) নাসাই ও ইবন মাজাহ (র) উক্ত হাদীসটি ভিন্ন সনদে উদ্ভৃত করেছেন। ইমাম তিরমিয়ী (র) বলেন, হাদীসটি সহীহ এবং হাসান। ইতিপূর্বে একটি হাদীস উল্লেখ করা হয়েছে যে, রাসূলুল্লাহ (সা) ইরশাদ করেন মাঝে একটি হাদীস উন معاشر الانبياء اولاد علات دیننا واحد وامهاتنا شئی دین ধর্ম এক। আমাদের মায়েরা হচ্ছেন ভিন্ন ভিন্ন। অর্থাৎ নবীগণের শরীয়ত সমূহে শাখাগত মাসআলায় যদিও বা ভিন্নতা ও পার্থক্য রয়েছে এবং এদের একটি অপরটিকে মানসূখ বা রহিত করতে গিয়ে পর্যায়ক্রমে সবগুলো শরীয়ত হ্যারত মুহাম্মদ (সা)-এর শরীয়তে এসে মিলে গিয়েছে; তবু এটা ক্রুক্র সত্য যে, যত নবীকেই আল্লাহ তা'আলা প্রেরণ করেছেন, তাদের সকলের দীন ছিল ইসলাম ধর্ম। ইসলাম ধর্মের মূল কথা তাওহীদ তথা একক লা শরীক আল্লাহর ইবাদত করা। এ প্রসংগে আল্লাহ তা'আলা বলেন **رَسُولُ اللَّهِ أَكْبَرُ لَا إِلَهَ إِلَّا هُوَ**। রাসূল প্রেরণ করিন্ন তাঁর প্রতি এই ওহী ব্যতীত যে, আমি ব্যতীত অন্য কোন ইলাহ নেই। সুতরাং আমারই ইবাদত কর। (২১ আমিয়া ২৫)

واسْأَلْ مَنْ أَرْسَلْنَا مِنْ قَبْلِكَ مَنْ رُسْلَنَا

আল্লাহ তা'আলা আরও বলেন- **أَجَعَلْنَا مِنْ دُونِ الرَّحْمَنِ الْهَمَّةَ يَعْبُدُونَ**। করেছিলাম তাদেরকে তুমি জিজ্ঞেস কর, আমি কি দয়াময় আল্লাহ ব্যতীত কোন দেবতা স্থির করেছিলাম যার ইবাদত করা যায়? (৪৩ যুখরুফ ৪৫)

আল্লাহ তা'আলাম আরও বলেন-

وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطَّاغُوتَ  
فَمِنْهُمْ مَنْ هَدَى اللَّهُ وَمِنْهُمْ مَنْ حَقَّتْ عَلَيْهِ الضَّلَالَةُ

“আল্লাহর ইবাদত করার ও তাগুতকে বর্জন করার নির্দেশ দেয়ার জন্যে আমি তো প্রত্যেক জাতির মধ্যেই রাসূল পাঠিয়েছি। অতঃপর তাদের কর্তককে আল্লাহ সৎপথে পরিচালিত করেন এবং তাদের কর্তকের উপর পথচারি সাব্যস্ত হয়েছিল।” (১৬ নাহল ৩৬)

উপরোক্ত হাদীসের ব্যাখ্যায় বলা যায় যে, বৈমাত্রের ভাই বলতে তাদেরকে বুরান হয়েছে, যাদের পিতা একজন আর মা ভিন্ন ভিন্ন। নবী (আ)-দেরকে পরম্পর বৈমাত্রের ভাই বলার তাৎপর্য এই যে, তাঁদের সকলের দীন একটি। এটি হল তাওহীদ ও একত্ববাদ। এটিকে পিতারূপে আখ্যায়িত করা হয়েছে। আর তাঁদের প্রত্যেকের শরীয়তগুলো বিধি বিধান ও রীতি নীতির ক্ষেত্রে ভিন্ন ভিন্ন। এগুলোকে মা রূপে আখ্যায়িত করা হয়েছে। এ প্রসংগে আল্লাহ তা'আলা বলেন : “তোমাদের প্রত্যেকের জন্যে আইন ও স্পষ্ট পথ নির্ধারণ করেছি। (৫ মায়িদা ৪৮) আল্লাহ তা'আলা আরও বলেন : لَكُلُّ أُمَّةٍ جَعَلْنَا مَنْسَكًا هُمْ نَاسِكُوهُ -আমি প্রত্যেক সম্প্রদায়ের জন্যে নির্ধারিত করে দিয়েছি, ইবাদত পদ্ধতি, যা তারা অনুসরণ করে। (২২ হজ্জ ৪৮) আল্লাহ তা'আলা অন্যত্র বলেন : ওَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ।

মোদ্দাকথা, শরীয়ত বিভিন্ন সময়ে বিভিন্ন প্রকার হয়েছে বটে কিন্তু; এর সবগুলোই একক লা-শরীক আল্লাহর ইবাদতের নির্দেশক। আর তা হলো ইসলাম। সকল নবীর জন্যে আল্লাহ তা'আলা-এর বিধান দিয়েছেন। কিয়ামতের দিন এ দীন ব্যতীত অন্য কিছু আল্লাহ গ্রহণ করবেন না। এ প্রসংগে আল্লাহ তা'আলা বলেন :

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ  
الْخَاسِرِينَ .

কেউ ইসলাম ব্যতীত অন্য কোন দীন গ্রহণ করতে চাইলে তা কখনো কবূল করা হবে না এবং সে হবে পরকালে ক্ষতিগ্রস্তদের অস্তর্ভুক্ত। (৩ আলে ইমরান ৮৫)

আল্লাহ তা'আলা আরও বলেন :

وَمَنْ يَرْغِبُ عَنْ مِلَّةِ إِبْرَاهِيمَ إِلَّا مَنْ سَفَهَ نَفْسَهُ وَلَقَدْ اصْنَطَفَيْنَاهُ فِي الدُّنْيَا وَأَنَّهُ فِي الْآخِرَةِ لَمِنَ الصَّلِحِينَ . إِذْ قَالَ لَهُ رَبُّهُ أَسْلِمْ قَالَ أَسْلَمْتُ

لِرَبِّ الْعَلَمِينَ. وَوَصَّىٰ بِهَا إِبْرَاهِيمُ بْنَيْهِ وَيَعْقُوبَ يَابْنَيْهِ إِنَّ اللَّهَ اصْطَفَىٰ لِكُمُ الدِّينَ فَلَا تَمُوتُنَّ إِلَّا وَأَنْتُمْ مُسْلِمُونَ.

“যে নিজেকে নির্বোধ করেছে, সে ব্যতীত ইবরাহীমের ধর্মাদর্শ হতে আর কে বিমুখ হবে? পৃথিবীতে তাকে আমি মনোনীত করেছি, পরকালেও সে সৎকর্ম পরায়ণদের অন্যতম। তার প্রতিপালক যখন তাকে বলেছিলেন, আস্তসমর্পণ কর। সে বলেছিল, জগতসমূহের প্রতিপালকের নিকট আস্তসমর্পণ করলাম। এবং ইবরাহীম ও ইয়াকুব এ সম্পর্কে তাদের পুত্রগণকে নির্দেশ দিয়ে বলেছিল- হে পুত্রগণ! আল্লাহ তোমাদের জন্যে এই দীনকে মনোনীত করেছেন। সুতরাং আস্তসমর্পণকারী না হয়ে তোমরা কখনো মৃত্যু বরণ করো না। (২ বাকারা, আয়াত-১৩০.৩২)

আল্লাহ তা'আলা বলেন :

إِنَّا أَنْزَلْنَا التَّوْرَةَ فِيهَا هُدًىٰ وَنُورٌ يَحْكُمُ بِهَا السَّبِيلُونَ إِذْنِنَ أَسْلَمُوا  
لِذِينَ هَادُوا

“আমি তাওরাত অবতীর্ণ করেছিলাম, তাতে ছিল পথনির্দেশ ও আলো, নবীগণ, যারা আল্লাহর অনুগত ছিল, তারা ইহুদীদেরকে সে অনুযায়ী বিধান দিত। (৫ মায়দা ৪৪)

সুতরাং দীন ইসলাম হল একক লা-শরীক আল্লাহর ইবাদত করা এবং এটি হল একনিষ্ঠভাবে একক আল্লাহর উদ্দেশ্যে ইবাদত নিবেদন করা। অন্য কারো উদ্দেশ্যে নয়। আর ইহসান হল নির্দেশিত সময়সীমার মধ্যে শরীয়ত নির্ধারিত পদ্ধতিতে ইবাদত করা। তাই মুহাম্মদ (সা)-কে তাঁর জন্যে নির্ধারিত শরীয়ত প্রেরণ করার পর অন্য শরীয়তের কোন ইবাদত আল্লাহ ত'আলা করুল করবেন না। এ প্রসংগে আল্লাহ তা'আলা বলেন : قُلْ يَا أَيَّهَا النَّاسُ ائْسِيْ : “বল, হে লোকসকল! আমি তোমাদের সকলের জন্যে আল্লাহর রাসূল। (৭ আরাফ ১৫৮)

আল্লাহ তা'আলা তাঁর রাসূল (সা)-কে বলেন, হে রাসূল! আপনি বলুন : وَأَوْحَىٰ إِلَيْيَ أَنِّي  
যেন আমি তোমাদেরকে এবং যাদের নিকট এটি পৌছবে তাদেরকে এটি দ্বারা সতর্ক করি।”  
আল্লাহ তা'আলা আরও বলেন : وَمَنْ يَكْفُرْ بِهِ مِنَ الْأَحْزَابِ فَالنَّارُ مَوْعِدُهُ  
দলের যারা এটিকে অঙ্গীকার করে অগ্নিই তাদের প্রতিশ্রুত স্থান। (৬ আনাম ১৯) রাসূলুল্লাহ (সা) ইরশাদ করেন : بُعْثِتُ إِلَى الْأَحْمَرِ وَالْأَسْوَدِ  
আমি গোরা-কালো সকল মানুষের প্রতি রাসূল রূপে প্রেরিত হয়েছি। এর ব্যাখ্যায় কেউ কেউ বলেন যে, এতদ্বারা আরব, অনারব বুঝান হয়েছে। আর কেউ কেউ বলেন যে, জিন-ইনসান বুঝান হয়েছে।

রাসূলুল্লাহ (সা) আরও বলেন :

وَالَّذِي نَفْسِيْ بِيَدِهِ لَوْ أَصْبَحَ فِيْكُمْ مُؤْسِيْ شَمَّ لَتَبْعَتْمُوهُ وَتَرْكْتُمُونِيْ  
لَضَالْلُمْ

“যে মহান সত্তার হাতে আমার প্রাণ, তাঁর কসম, যদি মূসা (আ) তোমাদের মধ্যে থাকতেন এবং তোমরা তাঁর অনুসরণ করতে আর আমাকে বর্জন করতে তবে নিশ্চয়ই তোমরা পথভুট্ট হতে।” এ বিষয়ে প্রচুর হাদীস রয়েছে।

অপর একটি হাদীস এসেছে, রাসূলুল্লাহ (সা) ইরশাদ করেন : تَحْنُّ مَعَاشِرَ الْأَنْبِيَاءِ لَا نُورٌ ثُمَّ مَاتَ رَكْنًا فَهُوَ صَدَقَةٌ  
যাই না। আমরা যে সম্পদ রেখে যাই, তা সাদকা স্বরূপ।’ এটি সম্মতি নবীগণের বৈশিষ্ট্য : কেননা, দুনিয়া ও পার্থিব ধন-সম্পদ তাঁদের নিকট নিতান্ত তুচ্ছ বিষয়। নিজের ইন্তিকালের পর কাউকে এর উত্তরাধিকারী করে যাওয়ার ব্যাপারটিকে তাঁরা কোন গুরুত্বই দেন না। উপরন্তু তাঁদের অবর্তমানে তাঁদের সন্তানাদির সুব্যবস্থা গ্রহণের জন্য তাঁরা আল্লাহর উপরই নির্ভর করে থাকেন। তাঁদের অনুসৃত এ তাওয়াকুল ও আস্থা খুবই দৃঢ় ও গভীর। যেখানে আল্লাহ তা'আলা রয়েছেন, সেখানে তাঁদের ছেলে-মেয়েদের জন্যে কিছু সহায়-সম্পত্তি রেখে গিয়ে এগুলো দ্বারা তাঁরা নিজেদের ছেলে-মেয়েদেরকে অন্যান্য সাধারণ মানুষের উপর প্রাধান্য দিবেন, এমন অবস্থান থেকে তাঁরা বহু উর্ধ্বে। বরং তাঁরা যা- ই রেখে যান, তার সবই দরিদ্র, অভাবগ্রস্ত ও অসহায় লোকদের জন্যে সাদকা বলে গণ্য হয়।

আমাদের প্রিয় নবী হযরত মুহাম্মদ (সা)-এর বৈশিষ্ট্যাবলীসহ সকল নবী (আ)-এর বৈশিষ্ট্যাবলী ‘আল আহকামুল কাবীর’ কিতাবে ‘বিবাহ’ অধ্যায়ের শুরুতে আমি উল্লেখ করব। ইমাম আবু আব্দুল্লাহ শাফিসৈ (র)-এর অনুসরণে অনেক নেতৃত্বানীয় লেখক নবীদের (আ) বৈশিষ্ট্যাবলী উক্ত অধ্যায়ে আলোচনা করেছেন। আমি তাই করব।

ইমাম আহমদ (র) .... আব্দে রাবিল কা'বা সূত্রে বর্ণনা করেন যে, তিনি বলেন, একদিন আমি আব্দুল্লাহ ইব্ন আমর (রা)-এর নিকট উপস্থিত হই। তিনি তখন কা'বা শরীফের ছায়ায় বসা ছিলেন। আমি তাঁকে বলতে শুনেছি, তিনি বলছিলেন, আমরা রাসূলুল্লাহ (সা)-এর সাথে এক সফরে ছিলাম। তিনি এক জায়গায় থামলেন। তখন আমাদের মধ্যে কেউ তাঁর খাটানোর কাজে লেগে গেল, কেউ বেরিয়ে পড়ল পশ্চগুলো নিয়ে চারণ ক্ষেত্রের দিকে। কেউ কেউ নিজেদের মধ্যে গল্প-গুজব ও কথাবার্তায় মেতে উঠল।

এমন সময় মুয়ায়্যিন ঘোষণা করলেনঃ جَامِعَةُ الصَّلَاةِ “নামায়ের জামাত প্রস্তুত” বর্ণনাকারী বলেন, তখন আমরা সবাই একত্রিত হলাম। এরপর রাসূলুল্লাহ (সা) দাঁড়িয়ে আমাদের উদ্দেশ্যে একটি ভাষণ দিলেন। তিনি বললেন, প্রত্যেক নবী নিজ নিজ উষ্মতকে নিজের অবগতি মুতাবিক কল্যাণের পথ দেখিয়েছেন এবং যেটিকেই তিনি অকল্যাণকর ও

ক্ষতিকর বলে জেনেছেন তা থেকে উম্মতকে সাবধান করে দিয়েছেন। আর তোমরা এই উম্মত! এই উম্মতের নিরাপত্তা ও শান্তি তাদের প্রথম যুগের লোকদের অনুসরণের মধ্যে নিহিত। এদের শেষ জামানার লোকদের উপর আসবে বিপদাপদ এবং তার সম্মুখীন হবে এমন সব পরিস্থিতির, যা তাদের জন্যে হবে অস্বাস্তিকর। তাদের উপর একের পর এক ফিতনা ও নানারূপ বিপর্যয় নেমে আসবে। এমন মারাত্মক মারাত্মক অশান্তি ও বিশ্রংখলা নেমে আসবে যে, ইমানদার ব্যক্তি বলবে, এটিতেই আমার ধ্রংস অনিবার্য। তারপর এই বিপর্যয় কেটে যাবে। আবার নতুন ফিতনা আসবে। ইমানদার লোক বলবে, এটিতেই আমি ধ্রংস হব। তারপর বিপর্যয় কেটে যাবে। তোমাদের মধ্যে যে জাহানাম থেকে মুক্তি লাভ ও জানাতে প্রবেশের আশা রাখে, তার মৃত্যু যেন এ অবস্থায় হয় যে, সে আল্লাহ ও পরিকালের প্রতি বিশ্বাসী থাকে এবং সে যেন মানুষের সাথে তেমন ব্যবহার করে, যে আচরণ সে নিজের জন্য পছন্দ করে।

যে ব্যক্তি নিজের হাত ও অন্তর দিয়ে কোন ইমামের আনুগত্যের শপথ করে, সে যেন সাধ্যানুযায়ী তার আনুগত্য করে। অন্য কেউ যদি নেতৃত্বের দাবী করে, তোমরা তার গর্দান উড়িয়ে দেবে। বর্ণনাকারী বলেন, আমি তখন লোকজনের ভিত্তের মধ্যে আমার মাথা চুকিয়ে এগিয়ে গিয়েছিলাম এবং বলেছিলাম, আমি আপনাকে আল্লাহর দোহাই দিয়ে বলছি, আপনি কি নিজে এই হাদীস রাসূলুল্লাহ (সা)-এর মুখে শুনেছেন? তখন আল্লাহ ইব্ন উমর (রা) তাঁর কান দুটোর দিকে ইঙ্গিত করে বললেন, আমার এ কান দুটো হাদীসটি শুনেছে এবং আমার অন্তরে তা সংরক্ষিত রেখেছে।

বর্ণনাকারী বলেন, তখন আমি বললাম, ইনি আপনার চাচাত ভাই অর্থাৎ মুয়াবিয়া (রা) তিনি আমাদেরকে নির্দেশ দেন আমরা যেন অসৎ পথে একে অন্যের ধন-সম্পদ ভোগ করি এবং আমরা যেন নিজেরা নিজেদেরকে খুন করি।

অথচ : আল্লাহ তা'আলা বলেছেন : **أَيُّهَا الَّذِينَ أَمْنَوْا لَا تَكُلُوا أَمْوَالَكُمْ** “হে ইমানদারগণ! তোমরা অন্যায়ভাবে একে অপরের সম্পদ ভোগ কর না”। (৪নিসা ২৯) এ কথা শুনে আল্লাহ ইব্ন আমর (রা) দুঃহাত একত্রিত করে তাঁর কপালে রাখলেন। কিছুক্ষণ মাথা নিচু রেখে তারপর তিনি মাথা তুললেন এবং বললেন, তাঁর আনুগত্যে আল্লাহর আনুগত্য হলে আপনি তখন তাঁর আনুগত্য করুন আর অন্যথায় আপনি তার নির্দেশ পালন করবেন না। ইমাম আহমদ (র) ভিন্ন সূত্রে কিছুটা শান্দিক পরিবর্তনসহ অনুরূপ হাদীস বর্ণনা করেছেন।

ইমাম মুসলিম, আবু দাউদ, নাসাঈ ও ইব্ন মাজাহ (র) প্রমুখ রাসূলুল্লাহ (সা) থেকে অনুরূপ হাদীস বর্ণনা করেছেন।

### আরব জাতির বর্ণনা

কেউ কেউ বলে থাকেন যে, গোটা আরব জাতি হ্যরত ইসমাইল (আ)-এর বংশধর। তবে বিশুদ্ধ ও প্রসিদ্ধ অভিমত এই যে, আরব-ই-আরিবা নামে পরিচিত আরবগণ হ্যরত ইসমাইল (আ)-এর পূর্ব যুগের লোক। আমরা ইতিপূর্বে উল্লেখ করেছি যে, ‘আদ, ছামুদ, তসম, জাদীছ,

উমাইম, জুরহুম, আমালীক ও আরো অনেক সম্প্রদায় যাদের সম্পর্কে শুধু আল্লাহ-ই জানেন। তারা সবাই আরব-ই- আরিবা-এর অন্তর্ভুক্ত। এরা হ্যরত ইবরাহীম (আ)-এর পূর্ববর্তী যুগের লোক ছিল। হ্যরত ইবরাহীম (আ)-এর যুগেও তাদের অস্তিত্ব ছিল। তবে আরবে মুস্তারাবা নামে পরিচিত হিজায়ের আরবগণ ইসমাইল (আ)-এর বংশধর।

আরব-ই ইয়ামন নামে যারা পরিচিত, তারা হল হিময়ারী- আরব। প্রসিদ্ধ অভিযান অনুযায়ী তারা কাহতানের বংশধর। কাহতানের নাম মুহায়াম এই মন্তব্য ঐতিহাসিক ইব্ন মাকুলা'র। বলা হয়ে থাকে যে, তারা ছিল চার ভাই-কাহতান, কাহিত, মুক্হিত এবং ফালিগ। কাহতান ছিলেন হৃদের পুত্র। কেউ কেউ বলেন, হৃদের নামই কাহতান। কারো কারো মতে, হৃদ ছিলেন কাহতানের ভাই। অপর কেউ কেউ বলেন, হৃদ কাহতানের অধিষ্ঠন বংশধর। কতক গবেষকের ধারণা, কাহতান হ্যরত ইসমাইলের বংশধর। ইবন ইসহাক (র) প্রমুখ একুপ বলেছেন। এ সূত্রে তাঁরা এ বংশ তালিকা পেশ করেন কাহতান ইব্ন তীমান ইব্ন কায়দার ইব্ন ইসমাইল। অবশ্য হ্যরত ইসমাইল (আ) পর্যন্ত কাহতানের বংশ তালিকা কেউ কেউ অন্যভাবেও বর্ণনা করেছেন। আল্লাহই ভাল জানেন।

ইমাম বুখারী (র) তাঁর সহীহ গ্রন্থে এ বিষয়ে একটি শিরোনাম রচনা করেছেন। তিনি বলেছেন, এই অধ্যায় আরব-ই ইয়ামন নামে পরিচিত লোকগণ হ্যরত ইসমাইল (আ)-এর বংশধর সাব্যস্তকরণ বিষয়ে। ইমাম বুখারী সালমা (র) সূত্রে বলেন, রাসূলুল্লাহ (সা) আসলাম গোত্রের কতক লোকের নিকট গেলেন। তারা তখন তরবারী পরিচালনার প্রতিযোগিতা করছিলেন। রাসূলুল্লাহ (সা) বললেন, হে ইসমাইলের বংশধরগণ! তোমরা তীর নিক্ষেপ করতে থাক, আমি অমুক দলের সাথে যোগ দিলাম। তখন অপর পক্ষ হাত গুটিয়ে ফেললেন। রাসূলুল্লাহ (সা) বললেন, তোমাদের কী হল? তারা বলল, ইয়া রাসূলুল্লাহ! আপনি অমুক দলে থাকা অবস্থায় আমরা তাদের প্রতি তীর নিক্ষেপ করব কীভাবে? তখন রাসূলুল্লাহ (সা) বললেন, ঠিক আছে, তোমরা তীর নিক্ষেপ কর; আমি তোমাদের সকলের সাথে থাকলাম। এই বর্ণনা শুধু ইমাম বুখারী-ই উদ্ভৃত করেছেন।

কোন কোন বর্ণনায় আছে, “হে ইসমাইলের বংশধরগণ! নিক্ষেপ করতে থাক, কারণ তোমাদের পূর্ব-পূরুষ ইসমাইল নিক্ষেপকারী ছিলেন। তোমরা নিক্ষেপ কর, আমি ইব্ন আদরা-এর পক্ষে যোগ দিলাম। তখন অপরপক্ষ তীর নিক্ষেপ বন্ধ করে দিল। এরপর রাসূলুল্লাহ (সা) বললেন, ঠিক আছে, তোমরা নিক্ষেপ কর। আমি তোমাদের সকলের সাথে থাকলাম। এই বর্ণনা শুধু ইমাম বুখারী-ই উদ্ভৃত করেছেন।

ইমাম বুখারী (র) বলেন, আসলাম-এর বংশ তালিকা হল, আসলাম ইব্ন আকসা ইবন হারিজ ইব্ন আমর ইবন আমির। এরা খুয়া'আ গোত্রের অন্তর্ভুক্ত। খুয়া'আ গোত্র হল ধ্বংসপ্রাপ্ত সাবা সম্প্রদায়ের রক্ষাপ্রাপ্ত একটি ক্ষুদ্র গোত্র। আল্লাহ তা'আলা যখন সাবা সম্প্রদায়ের উপর ‘আরিম প্লাবন’ প্রেরণ করেছিলেন। তখন সাবা সম্প্রদায়ের অধিকাংশ লোক ধ্বংস হয়ে গিয়েছিল। তাদের বর্ণনা পরবর্তীতে আসবে। আউস ও খায়রাজ গোত্র এদের উপগোত্র। রাসূলুল্লাহ (সা) তাদেরকে বলেছিলেন “ হে ইসমাইলের বংশধরগণ! তোমরা তীর নিক্ষেপ কর।” এতে প্রমাণিত হয় যে, এরা হ্যরত ইসমাইল (আ)-এর বংশধর।

একদল ভাষ্যকার উপরোক্ত হাদীসের ব্যাখ্যা করে বলেছেন যে, রাসূলুল্লাহ (সা) গোটা আরব জাতির প্রতি ইঙ্গিত করে এ সম্বোধন করেছেন। অবশ্য এটি অসংগত ব্যাখ্যা। কারণ তা স্পষ্ট বর্ণনার বিপরীত। আর এ ব্যাখ্যার পেছনে কোন দলীল নেই। অধিকাংশ গবেষকের মতে ইয়ামানী আরবের কাহতানী আরবগণ ও অন্যরা হযরত ইসমাইল (আ)-এর বংশধর নন। তাদের মতে সমগ্র আরবজাতি দুই ভাষায় বিভক্ত। (১) কাহতানী আরব ও (২) আদনানী আরব। কাহতানী আরবগণের শাখা দুটো। (১) সাবা (২) ও হাদারা মাউত। আদনানী আরবদেরও দুটো শাখা। (১) রবীয়া (২) ও মুয়ার। এরা দু'জন নেয়ার ইব্ন মাদ ইব্ন আদনানের পুত্র। আরবদের ৫ম শাখা হল কুয়া'আ গোত্র। এদের ব্যাপারে গবেষকগণ ভিন্ন ভিন্ন মতব্য করেছেন।

কেউ বলেছেন, এরা আদনানী আরবভুক্ত। ইব্ন আবদিল বার বলেন, অধিকাংশ গবেষক এটি গ্রহণ করেছেন। হযরত ইব্ন আব্বাস (রা), ইব্ন উমর (রা), জুবায়ির ইব্ন মুতাইম, যুবায়ির ইব্ন বাক্কার, মুয়াব যুবাইরী ও ইব্ন হিশাম প্রমুখ উপরোক্ত অভিযন্ত সমর্থন করেন। একটি বর্ণনায় কুয়া'আ ইব্ন মাদার বলা হয়েছে। এটি সঠিক নয়।

ইব্ন আবদিল বার প্রমুখ একাপ বলেছেন। বলা হয় যে, জাহিলী যুগে এবং ইসলামের প্রার্থনিক যুগে তারা নিজেদেরকে আদনানী বলে দাবী করত। অতঃপর মু'আবিয়া (রা)-এর পৌত্র খালিদ ইব্ন ইয়ায়ীদ-এর শাসনামলে তারা নিজেদেরকে কাহতানী আরব বলে দাবী করতে শুরু করে। তারা ছিল খালিদের মাতৃল গোত্র। তাদের এ বংশ পরিবর্তনের উল্লেখ করে কবি আ'শা ইব্ন ছালাবা নিম্নোক্ত কসীদা রচনা করেনঃ

أَبْلَغْ قُضَايَةً فِيْ قِرْطَاسِ أَنَّهُمْ - لَوْلَا خَلَائِفَ الِّلَّهِ مَا عَتَقُواْ

কুয়া'আ গোত্রকে চিঠি লিখে জানিয়ে দাও যে, তারা যদি আল্লাহর প্রিয় মানুষদের বংশধর না হত তবে তারা মুক্তি পেত না।

قَالَتْ قُضَايَةً إِنَّا مِنْ ذَوِيْ يَمْنٍ - وَاللَّهُ يَعْلَمُ مَا بَرُؤُواْ وَمَا صَدَقُواْ

কুয়া'আ গোত্র বলেছে, আমরা ইয়ামানী আরব। অথচ আল্লাহ তা'আলা জানেন যে, এ বক্তব্যে তারা সত্যবাদী নয়।

قَدْ أَدَعُواْ وَاللَّدِيْ مَا نَالَ أَمْهُمْ - قَدْ يَعْلَمُونَ وَلَكِنْ ذَلِكَ الْفَرْقُ

তারা এমন একজনকে তাদের পিতা বলে দাবী করছে, যে তাদের মাতাকে কোন দিন কাছে পায়নি। এ সত্য তারাও জানে বটে, কিন্তু এটি তাদের মিথ্যাচার।

আবু উমর সুহাইলী কতগুলো আরবী কাসীদা উল্লেখ করেছেন, যেগুলোতে কুয়া'আ গোত্রের ইয়ামানী আরব হওয়ার দাবীকে নতুন উত্তোলন বলে অভিহিত করা হয়েছে। আল্লাহই ভাল জানেন।

বিশীয় অভিযন্ত হল, তারা কাহতানী আরব। এটি ইব্ন ইসহাক, কালবী ও একদল বুলঞ্জী বিশারদের অভিযন্ত। তাদের বংশ তালিকা বর্ণনা করে ইব্ন ইসহাক বলেন, কুয়া'আ ইব্ন আল-বিদায়া ওয়ান নিহায়া (২য় খণ্ড) ৩৯—

মালিক ইব্ন হিময়ার ইব্ন সাবা ইব্ন ইয়াশজুব ইব্ন ইয়া'রুব ইব্ন কাহতান। তাদের জনৈক কবি উমর ইব্ন মুররা (রা) সাহাবী বলেন (ইনি দুটো হাদীসও বর্ণনা করেছেন)।

**يَأَيُّهَا الدِّرَاعِيْ أَدْعُنَا وَأَبْشِرْ - وَكُنْ قُضَاعِيْاً وَلَا تَنْزِرْ**

হে আহবানকারী! আমাদেরকে আহবান করুন এবং সুস্থিতি দিন আপনি কুয়া'আ গোত্রের সাথে সম্পৃক্ত হোন। এদেরকে অল্প সংখ্যক মনে করবেন না।

**نَحْنُ بَنُوْ شَيْخِ الْمَجَانِ الْأَزْهَرِ - قَضَاعَةُ بْنُ مَالِكِ بْنِ حَمَيْرٍ**

আমরা সুদর্শন ও সন্তুষ্ট ব্যক্তি কুয়া'আ ইব্ন মালিক ইব্ন হিময়ারের বংশধর।

**النَّسْبُ الْمَعْرُوفُ فَغَيْرُ الْمُنْكَرِ - فِي الْحِجْرِ الْمَنْقُوشِ تَحْتَ الْمِنْبَرِ**

আমাদের বংশ পরিচিতি সুপ্রসিদ্ধ, অখ্যাত ও অপরিচিত নয়, আমাদের বংশ তালিকা মিষ্টরের নীচে পাথরে খোদাই করা রয়েছে।

কতক বংশ বিশারদ বলেন, তিনি হলেন কুয়া'আ ইব্ন মালিক ইব্ন উমর মুররা ইব্ন বায়দ ইব্ন হিময়ার ইব্ন লুহায়'আ উকবা ইব্ন 'আমির সূত্রে বলেন, তিনি বলেছেন, আমি বলেছিলাম, ইয়া রাসূলল্লাহ (সা)! আমরা কি মা'দ-এর বংশধর নই? তিনি বললেন, না। তখন আমি বললাম, তাহলে আমরা কার বংশধর? তিনি বললেন : তোমরা কুয়া'আ ইব্ন মালিক ইব্ন হিময়ার-এর বংশধর।

ইব্ন আবদিল বার বলেন, উকবা ইব্ন 'আমির আল জুহানী যে জুহায়না ইব্ন যায়দ ইব্ন আসওয়াদ ইব্ন আসলাম ইব্ন ইমরান ইব্ন ইলহাফ ইব্ন কুয়া'আ যে জুহানীর গোত্রের লোক, তাতে ঐতিহাসিকদের কোন দ্বিমত নেই। এই হিসাবে বলা যায় যে, কুয়া'আ ইয়ামানী আরব এবং হিময়ার ইবন সাবার বংশধর।

কতক বংশ শাস্ত্রবিশারদ উভয় অভিমতের মধ্যে যুবায়র ইব্ন বাক্কার প্রযুক্তের বক্তব্য অনুযায়ী এভাবে সমন্বয় সাধন করেছেন যে, কুয়া'আ হলেন জুরহুম গোত্রের জনৈক মহিলা। মালিক ইব্ন হিময়ার তাঁকে বিবাহ করেন। কুয়া'আর গর্ভে মালিক ইব্ন হিময়ারের সন্তানের জন্ম হয়। এরপর মা'দ ইব্ন আদনান কুয়া'আকে বিবাহ করেন। তখনও পূর্বোল্লেখিত সন্তানটি ছেট ছিল। মতান্তরে মা'দ ইব্ন 'আদনানের সাথে কুয়া'আর বিবাহকালে এ সন্তানটি কুয়া'আর গর্ভে ছিল। ফলে সে তার সৎপিতার পুত্র জন্মে পরিচিত হয়। যেমনটি আরবের অনেক লোকই করে থাকে।

কুলজী বিশারদ মুহাম্মদ ইব্ন সালাম বখরী বলেন, আরব জাতি তিনি বংশধারা থেকে উৎসারিতঃ আদনানী, কাহতানী ও কুয়া'আ। তাকে জিজ্ঞেস করা হল যে, সংখ্যায় কারা বেশী আদনানী, না কাহতানী? তিনি বললেন কুয়ায়ীগণ যাদের সাথে যোগ দেয়, তাদের সংখ্যা বেশী। তারা যদি নিজেদেরকে ইয়ামানী বলে দাবী করে তবে কাহতানী আরবদের সংখ্যা বেশী। আর তারা যদি নিজেদেরকে আদনানী বলে দাবী করে তবে আদনানী আরবদের সংখ্যা বেশী, এতে

প্রমাণিত হয় যে, বংশ পরিচিতি বর্ণনায় তারা সমালোচনা যোগ্য পথ অনুসরণ করে। ইব্ন নুহায় আর পূর্বোল্লেখিত হাদীছস্তি যদি বিশুদ্ধ হয় তবে প্রমাণিত হবে যে, তারা মূলত কাহতানী আরব। আল্লাহই ভাল জানেন।

আল্লাহ তা'আলা বলেন-

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًاٰ وَقَبَائِلَ  
لِتَعْلَمُوا إِنَّ أَكْرَمَكُمْ عِنْدَ اللَّهِ أَتْقَانُكُمْ.

“হে লোক সকল! আমি তোমাদেরকে সৃষ্টি করেছি এক পুরুষ ও এক নারী হতে। পরে তোমাদেরকে বিভক্ত করেছি বিভিন্ন জাতি ও গোত্রে, যাতে তোমরা একে অপরের সাথে পরিচিত হতে পার। তোমাদের মধ্যে সে ব্যক্তিই অধিক মর্যাদা সম্পন্ন, যে অধিকতর মুত্তাকী।” (৪৯ হজুরাত - ১৩)

কুলজী বিশারদগণ বংশের স্তর ও পর্যায়ক্রম সম্পর্কে বলেন যে, প্রথমত তারপর শعوب তারপর ক্ষমতার মধ্যে সে ব্যক্তিই অধিক মর্যাদা সম্পন্ন, যে অধিকতর মুত্তাকী। এর চাইতে নিকটতর আর কোন স্তর নেই।

আমরা প্রথমে কাহতানী আরবদের কথা আলোচনা করব। এরপর ইনশাআল্লাহ আলোচনা করব হিজাবী আরব তথা আদনানী আরব ও তাদের জাহিলী যুগের অবস্থাসমূহ, যাতে এটা রাসূলুল্লাহ (সা)-এর সীরাতের আলোচনার সাথে সংযুক্ত থাকে।

ইমাম বুখারী (র) বলেন, কাহতান-এর আলোচনা বিষয়ক পরিচ্ছেদ আব্দুল আয়ীয় আবু হুরায়রা (রা) সূত্রে বর্ণনা করেন। নবী করীম (সা) বলেন : لَا تَقُومُ السَّاعَةُ حَتَّىٰ يَخْرُجَ رَجُلٌ مِنْ قَحْطَانٍ يَسْوُقُ النَّاسَ بِمَصَاهٌ “ততক্ষণ পর্যন্ত কিয়ামত অনুষ্ঠিত হবে না, যতক্ষণ না কাহতান বংশ থেকে একটি লোক বেরিয়ে মানুষকে লাঠি দ্বারা হাঁকিয়ে না নিবে।” ইমাম মুসলিম (র) কৃতায়বা .... ছাওর ইব্ন যায়দ সূত্রে অনুরূপ বর্ণনা করেছেন। সুহায়লী বলেন, কাহতানই প্রথম ব্যক্তি, যাকে বলা হয়েছিল, “আপনি অভিশাপ দিতে অঙ্গীকার করেছেন” এবং তাঁর উদ্দেশ্যেই সর্বপ্রথম বলা হয়েছে, ‘শুভ সকাল’।

ইমাম আহমদ..... যী ফজব (র) থেকে বর্ণিত, রাসূলুল্লাহ (সা) ইরশাদ করেছেন, এ নেতৃত্ব হিময়ারীদের মধ্যে ছিল। আল্লাহ তা'আলা এটি তাদের থেকে ছিনিয়ে কুরায়শদের হস্তে অর্পণ করেছেন। অবশ্য অতি সত্ত্বর পুনরায় তাদের মধ্যে ফিরে আসবে।

### সাবা বাসীদের বর্ণনা

আল্লাহ তা'আলা বলেন :

لَقَدْ كَانَ لِسَبَابًا فِي مَسْكِنِهِمْ أَيَّهُ. جَنَّتِنِ عَنْ يَمِينِ وَشِمَالِ كُلُّوْا مِنْ رِزْقِ رَبِّكُمْ وَأَشْكُرُوْا لَهُ. بَلْدَةٌ طِبَّةٌ وَرَبُّ غَفُورٌ. فَأَغْرَضُوْا فَارْسَلْتَنَا

عَلَيْهِمْ سَيْلُ الْعَرَمِ وَبَدَلَنَّهُمْ بِجَنَّتِيهِمْ جَنَّتَيْنِ ذَوَاتِيْنِ أَكْلٌ خَمْطٌ وَأَثْلٌ  
وَشَنِيْءٌ مِنْ سِدْرٍ قَلِيلٍ. ذَلِكَ حَزَنُهُمْ بِمَا كَفَرُوا. وَهَلْ نُحْزِيُ إِلَّا الْكَفُورِ.  
وَجَعَلْنَا بَيْنَهُمْ وَبَيْنَ الْقُرَى الَّتِي بَرَكَنَا فِيهَا قُرَى ظَاهِرَةً وَقَدْرَنَا فِيهَا  
السَّيْرَ. سِيرُوا فِيهَا لِيَالِيَ وَآيَامًا أَمْبَيْنَ. فَقَالُوا رَبَّنَا بَعْدَ بَيْنَ أَسْفَارِنَا  
وَظَلَمُوا أَنفُسَهُمْ فَجَعَلْنَاهُمْ أَحَادِيثَ وَمَزْقَنَهُمْ كُلَّ مُمْزَقٍ. إِنْ فِي ذَلِكَ لَا يَتِي  
لِكُلِّ صَيَارَ شَكُورٍ.

“সাবাবাসীদের জন্যে তাদের বাসভূমিতে ছিল এক নির্দশন-দুটো উদ্যান, একটি ডান দিকে  
অপরটি বাম দিকে। ওদেরকে বলা হয়েছিল, তোমরা তোমাদের প্রতিপালক প্রদত্ত রিয়্ক ভোগ  
কর এবং তাঁর প্রতি কৃতজ্ঞতা প্রকাশ কর। উভয় এই স্থান এবং ক্ষমাশীল তোমাদের  
প্রতিপালক। পরে তারা আদেশ অমান্য করল। ফলে আমি তাদের উপর প্রবাহিত করলাম বাঁধ  
ভাঙ্গা বন্যা, এবং তাদের উদ্যান দুটোকে পরিবর্তন করে দিলাম এমন দুটো উদ্যানে, যাতে  
উৎপন্ন হয় বিস্তার ফলমূল, বাটুগাছ এবং কিছু কুল গাছ। আমি তাদেরকে এই শাস্তি  
দিয়েছিলাম তাদের কুফরীর জন্যে। আমি অকৃতজ্ঞ ব্যতীত আর কাউকে এমন শাস্তি দিই না।  
ওদের এবং যে সব জনপদের প্রতি আমি অনুগ্রহ করেছিলাম, সেগুলোর অস্তর্বর্তী স্থানে দশ্যমান  
বহু জনপদ স্থাপন করেছিলাম এবং তাদেরকে বলেছিলাম তোমরা এসব জনপদে নিরাপদে ভ্রমণ  
কর দিবস ও রাজনীতে। কিন্তু তারা বলল, হে আমাদের প্রতিপালক! আমাদের সফরের  
মনযিলের ব্যবধান বর্ধিত করুন। এভাবে তারা নিজেদের প্রতি জুলুম করেছিল। ফলে আমি  
ওদেরকে কাহিনীর বিষয়বস্তুতে পরিণত করলাম এবং ওদেরকে ছিন্ন ভিন্ন করে দিলাম। এতে  
প্রত্যেক ধৈর্যশীল কৃতজ্ঞ ব্যক্তির জন্যে নির্দশন রয়েছে। (৩৪ সাবা : ১৫)

মুহাম্মদ ইবন ইসহাক সহ কুলজী বিশারদগণ বলেছেন যে, সাবার নাম হল আব্দ শাম্স ইবন ইয়াশজুব ইবন ইয়ারুব ইবন কাহতান। তারা বলেন, এ ব্যক্তিই প্রথম আরব, যাকে বন্দী করা হয়েছিল। তাই তাঁর নাম হল স্ট অর্থাৎ কারারুন্দ। তাঁকে আররাইশ বা দাতা নামেও ডাকা হত। কারণ তিনি নিজের ধন-সম্পদ থেকে মানুষকে অকাতরে দান করতেন। সুহায়লী বলেন, তিনিই সর্বপ্রথম মাথায় মুকুট পরিধান করেন। কেউ কেউ বলেছেন যে, তিনি মুসলমান ছিলেন। তাঁর কতক কবিতা আছে সেগুলোতে তিনি প্রিয় নবী (সা)-এর আবির্ভাবের সুসংবাদ দিয়েছেন। তাঁর কতক এই :

**يَمْلُكُ بَعْدَنَا مُلْكًا عَظِيمًا - نَبَيٌّ لَا يُرَخَّصُ فِي الْحَرَامِ**

আমাদের পরে একজন নবী বিশ্বাল রাজত্বের অধিকারী হবেন। তিনি কোন অন্যায় ও হারাম কাজকে প্রশংস্য দিবেন না।

وَيَمْلِكُ بَعْدَهُ مِنْهُمْ مُلْوُكٌ - يَدِينُونَ الْعَبَادَ بِغَيْرِ ذَامٍ

তাঁর পরবর্তী সময়ে তাদের মধ্য থেকে অনেক রাজা আসবে। তারা কোন অপরাধ ছাড়াই মানুষকে ক্রীতদাসে পরিণত করবে।

وَيَمْلِكُ بَعْدَهُمْ مِنَا مُلْوَكٌ - يَصِيرُ الْمُلْكَ فِينَا بِإِقْتِسَامٍ

ওদের পর আমাদের বংশ থেকে কতক রাজা হবে। তখন আমাদের মধ্যে রাজত্ব থাকবে ভাগাভাগির ভিত্তিতে।

وَيَمْلِكُ بَعْدَ قَحْطَانَ نَبِيًّا - تَقِيُّ جَبِينَةُ غَيْرِ الْأَنَامِ

কাহতানদের পরে একজন সৎ পৃণ্যবান ও পবিত্র নবী রাজা হবেন, তিনি সর্বোত্তম মানব।

يُسَمِّيُّ أَحْمَدًا يَا لَيْتَ أَنِّي - أَعْمَرُ بَعْدَ مَبْعَثَهِ بِعَامٍ

তাঁর নাম হবে আহমদ! হায়, তাঁর নবুওত প্রাণ্তির পর আমি যদি অন্তত একটি বছর জীবিত থাকতাম!

فَاعْصِدْهُ وَأُحِبُّهُ بِنَصْرِهِ - بِكُلِّ مُدْجِعٍ وَبِكُلِّ رَامٍ

তাহলে আমি আমার সর্বশক্তি দিয়ে তাঁকে সাহায্য করতাম এবং তাকে ভালবাসতাম!

مَتَى يَظْهَرُ فَكُونُوا نَاصِرِينَ - وَمَنْ يُلْقَاهُ يُبْلِغْهُ سَلَامِي

তিনি যখনই আবির্ত্ত হন না কেন তোমরা তার সাহায্যকারী হয়ো, তার সাথে যার দেখা হবে আমার সালাম তাঁকে জানিয়ে দিও।

ইব্ন দিহ্যা তাঁর ‘আততানভীর ফী মাওলিদিল বাশীরিন নায়ীর’ গ্রন্থে এগুলো উল্লেখ করেছেন। ইমাম আহমদ-আবদুল্লাহ ইব্ন আবুস (রা) সূত্রে বর্ণনা করেন। তিনি বলেছেন, এক ব্যক্তি রাসূলুল্লাহ (সা)-কে সাবা সম্পর্কে জিজ্ঞেস করেছিল যে, সাবা কি পুরুষ না মহিলা, না কোন এলাকার নাম? উত্তরে রাসূলুল্লাহ (সা) বললেন: সাবা একজন পুরুষ লোক। তার ১০টি সন্তান ছিল। তাদের ছয়জন ছিল ইয়ামানে আর চারজন সিরিয়াতে। ইয়ামানে বসবাসকারীগণ হল(১) মযহাজ (২) কিন্দা (৩) আয়দ (৪) আশ আরি (৫) আন্মার ও (৬) হিময়ার। সিরিয়ায় বসবাসকারীগণ হল (১) লাখম (২) জুবাম (৩) আমিলা ও (৪) গাস্সান। তাফসীর গ্রন্থে আমরা উল্লেখ করেছি যে, এই প্রশ্নকারী ছিলেন ফারওয়া ইব্ন মিসসীক আল গাতিকী। আমরা এই হাদীছটি সমস্ত সনদ ও শব্দাবলী সেখানে উল্লেখ করেছি।

মূল কথা হল, সাবাই হচ্ছে এসব আরব গোত্রের আদি পুরুষ। এদের মধ্যে তুরবাগণও অন্তর্ভুক্ত রয়েছেন। তাবাবি'আ (تبابعة) শব্দের একবচন তুরবা (تابع)। তুরবা রাজাগণ বিচারের সময় পারস্য সদ্রাট কিসরাদের মত মুকুট পরিধান করতেন। যে ব্যক্তি শাহী ও হাদ্রামাউতসহ ইয়ামানের রাজা হতেন, তাঁকে আরবগণ তুরবা নামে আখ্যায়িত করত। যেমন কোন লোক দ্বীপাঞ্চল সহ সিরিয়ার রাজা হতে পারলে তাকে কায়সার, পারস্যের রাজাকে কিসরা মিসরের রাজাকে ফিরআওন, হাবশার রাজাকে নাজাশী এবং ভাবতবর্ষের রাজাকে বাতলী মূসা বলা হত। হিম্যারী রাজাদের মধ্যে ইয়ামান রাজ্যে রাণী বিলকীসও ছিলেন।

হ্যরত সুলায়মান (আ)-এর বর্ণনা প্রসঙ্গে আমরা রাণী বিলকীসের কথাও আলোচনা করেছি।

সাবা রাজ্যের অধিবাসীগণ পরম সুখ-শান্তিতে বসবাস করত। তাদের সেখানে ছিল খাদ্য দ্রব্য, ফলমূল ও শস্যক্ষেত্রের প্রাচুর্য। এতদসত্ত্বেও তারা সত্যনির্ণয়, সরল পথ ও হিদায়াতের পথে জীবন যাপন করত। অবশ্যে তারা যখন আল্লাহ'র নিয়ামতের নাশোকরী করল, আল্লাহ'র অনুগ্রহের প্রতিদানে অকৃতজ্ঞতা প্রদর্শন করল তখন তারা তাদের সম্প্রদায়কে ধ্রংসের মুখে ঠেলে দিল।

মুহাম্মদ ইবন ইসহাক ওহব ইবন মুনাবিহ থেকে বর্ণনা করেন যে, আল্লাহ'র তা'আলা তাদের প্রতি তের জন নবী প্রেরণ করেছিলেন। সুন্দী (র) বলেন, আল্লাহ'র তা'আলা বার হাজার নবী তাদের নিকট প্রেরণ করেন। আল্লাহই তাল জানেন।

বস্তুত তারা যখন হিদায়াতের পথ ত্যাগ করে গোমরাহীর পথ ধরে এবং আল্লাহকে বাদ দিয়ে সূর্যের উপসনা শুরু করে। সেটা রাণী বিলকীসের রাজত্বকাল এবং তার পূর্বর কথা। পরেও তারা অনবরত সে পথে চলতে থাকে। তখন আল্লাহ'র তা'আলা তাদের উপর বাঁধ ভাঙ্গা প্রাবন প্রেরণ করেন। এ প্রসঙ্গে আল্লাহ'র তা'আলা বলেন :

فَأَعْرَضُوا فَإِنْ سَلَّنَا عَلَيْهِمْ سَيْلَ الْعَرْمِ وَبَدَلْنِهِمْ بِجَنَّتِينِ  
ذَوَاتِيْ أَكْلٍ خَمْطٍ وَأَتْلٍ وَشَيْءٍ مِنْ سِدْرٍ قَلِيلٍ.

“পরে তারা আদেশ অমান্য করল, ফলে আমি তাদের উপর প্রবাহিত করলাম বাঁধ ভাঙ্গা বন্যা এবং তাদের উদ্যান দুটোকে পরিবর্তন করে দিলাম এমন দুটো উদ্যানে, যাতে উৎপন্ন হয় বিস্তৰ ফলমূল। ঝাউ গাছ এবং কিছু কুল গাছ। আমি ওদেরকে এই শান্তি দিয়েছিনাম ওদের কুফরীর জন্যে। আমি কৃতমূল ব্যক্তিত আর কাউকে এমন শান্তি দিই না।” (৩৪ সাবা ১৬)

প্রাচীন ও আধুনিক বহু তাফসীরকার ও অন্যান্য উলামা-ই-কিরাম বলেছেন, আরিম বাঁধ নির্মাণের পটভূমি এই যে, পর্বতের মধ্যখানে পানি প্রবাহিত হত। বহু বছর আগে তারা পর্বত দু'টোর মধ্যখানে মজবুত করে একটি বাঁধ নির্মাণ করে। এতে পানি উপরের দিকে উঠে আসে এবং পর্বত দু'টির উপরিভাগে এসে পৌছায়। তারপর তারা সেখানে ব্যাপক হারে বাগান তৈরী করে, সুস্বাদু ফলমূলের গাছ লাগায় এবং ক্ষেত খামারের ব্যবস্থা করে।

কথিত আছে, সর্বপ্রথম সাবা ইবন ইয়ারুব এ বাঁধ নির্মাণ করেন। প্রায় ৭০টি পাহাড়ী উপত্যকাকে তিনি এ বাঁধের আওতায় নিয়ে আসেন। তিনি বাঁধে ৩০টি স্লাইস গেট তৈরী করেন যাতে সেগুলো দিয়ে পানি বেরিয়ে যায়। তিনি অবশ্য বাঁধের সকল কাজ সম্পন্ন করে যেতে পারেন নি। তার পরে রাজা হিম্যার বাঁধ নির্মাণ প্রকল্পের সকল কাজ সুসম্পন্ন করেন। এটির ব্যাপ্তি প্রায় ৯ বর্গমাইল ছিল। তারা পরম সুখ-স্বচ্ছন্দ্য ও আরাম-আয়েশে জীবন যাপন করছিল।

এ প্রসঙ্গে কাতাদা (র) প্রমুখ বলেন, সে যুগে তাদের ফলমূল এত বেশী ছিল যে, কোন একজন মহিলা মাথায় খালি একটি সোয়ামনি ঝুঁড়ি নিয়ে পথে বের হলে স্বাভাবিক নিয়মে ঝরে

পড়া পাকা ফলে তার ঝুঁড়ি ভর্তি হয়ে যেত। সে দেশের আবহাওয়া ও প্রাকৃতিক পরিবেশ এমন সুন্দর ও স্বাস্থ্যসম্মত ছিল যে, সেখানে কোন মশা-মাছি ও বিশাঙ্গ জীবজন্তু ছিল না। এ প্রসঙ্গে আল্লাহ্ তা'আলা বলেন.... সাবা বাসীদের জন্যে তাদের বাসভূমিতে ছিল এক নির্দর্শনঃ দু'টো উদ্যান, একটি ডান দিকে, অপরটি বাম দিকে। তাদেরকে বলা হয়েছিল, “তোমরা তোমাদের প্রতিপালকের প্রদত্ত রিয়ক ভোগ কর এবং তাঁর প্রতি কৃতজ্ঞতা প্রকাশ কর। উত্তম এ স্থান এবং ক্ষমাশীল তোমাদের প্রতিপালক।”

আল্লাহ্ তা'আলা অন্যত্র বলেন-

وَإِذْ تَأْذَنَ رَبُّكُمْ لَئِنْ شَكَرْتُمْ لَا زِيْدَنَّكُمْ وَلَئِنْ كَفَرْتُمْ إِنَّ عَذَابِيْ لَشَدِيدٌ

শ্রবণ কর, তোমাদের প্রতিপালক ঘোষণা করেন, তোমরা কৃতজ্ঞ হলে তোমাদেরকে অবশ্যই অধিক দিব আর অকৃতজ্ঞ হলে অবশ্যই আমার শাস্তি হবে কঠোর। (১৪ ইব্রাহীম : ৭)

সাবা রাজ্যের অধিবাসীগণ অতঃপর আল্লাহ্ ব্যতীত অন্যের উপাসনা শুরু করে। আল্লাহ্ র অনুগ্রহ পেয়েও তারা দর্প করে। তাদের জনপদ সমূহের অবস্থান কাছাকাছি হওয়া, বাগবাগিচা ও বৃক্ষরাজির কারণে পরিবেশ উন্নত হওয়া এবং যাত্রাপথ নিরাপদ থাকার পর তারা প্রার্থনা জানায় যেন তাদের যাত্রা পথে দূরত্ব সৃষ্টি করে দেওয়া হয় এবং সফরকে কষ্টদায়ক ও কঠিন করে দেয়া হয়। যেমন বনী ইসরাইলীরা মানু ও সালাওয়ার পরিবর্তে শাকসবজি, কাঁকড়, গম, ডাল ও পেঁয়াজের জন্য আবদার করেছিল। অতঃপর আল্লাহ্ তা'আলা তাদের শহর নগরগুলোকে ধ্রংস করে তাদেরকে দূর-দূরান্তে বিস্ক্ষণভাবে ছড়িয়ে দিয়ে ঐ মহা অনুগ্রহ ও সার্বিক কল্যাণ প্রত্যাহার করে নিলেন।

এ প্রসংগে আল্লাহ্ তা'আলা বলেন :

فَاعْرَضُوا فَارْسَلْنَا عَلَيْهِمْ سَيْلَ الْعَرْمِ

“তারা সত্য থেকে মুখ ফিরিয়ে নিল। ফলে আমি তাদের প্রতি বাঁধ ভাঙ্গ প্লাবন প্রবাহিত করে দিলাম।”

অনেক তাফসীরকার বলেন, আল্লাহ্ তা'আলা এই বাঁধ ভেঙ্গে দেয়ার যখন ইচ্ছে করলেন তখন এটির ভিত্তিমূলে দলে দলে ইন্দুর পাঠিয়ে দিলেন। লোকজন যখন তা জানতে পারল তখন তারা ইন্দুর দমনের জন্যে বাঁধ এলাকায় বহু সংখ্যক বিড়াল এনে ছেড়ে দিল। কিন্তু তাতে কোন কাজ হয়নি। কারণ প্রবাদ আছে যে, “পাতিল গরম হয়ে গেলে তখন সতর্ক হয়ে কোন লাভ নেই।” তখন বাঁচার কোন পথ থাকে না। ইন্দুরের আক্রমণে বাঁধের ভিত্তিমূল ঝাঁজরা হয়ে যায় এবং বাঁধ ভেঙ্গে যায়। ফলে সকল নালা বিনষ্ট হয়ে পানি সমতল অঞ্চলের দিকে গড়িয়ে যায়। ফলমূল বাগ-বাগিচা, ক্ষেত-খামার সব বিধ্বস্ত হয়ে যায়। মনোরম আবাসিক এলাকা পরিণত হয় বিরান জনপদে। এর পরিবর্তে জন্ম নেয় বিবাদ আজেবাজে গাছ-গাছালি ও ফলমূল। আল্লাহ্ তা'আলা বলেন :  
وَبَدَلْنَاهُمْ بِجَنَّتَيْهِمْ جَنَّتَيْنِ ذَوَاتِيْ أَكْلٍ خَمْطٍ

وَأَنْلٍ এবং তাদের উদ্যান দুটোর পরিবর্তে দিলাম এমন দুটো উদ্যান, যাতে উৎপন্ন হয় বিস্বাদ ফ্লম্বুল, ঝাউ গাছ । ইব্ন আকবাস (রা) মুজাহিদ এবং অনেক ভাষ্যকার বলেছেন যে, **خَمْط** শব্দ দ্বারা পিলু গাছ এবং তার ফল এবং প্রতি শব্দ দ্বারা ঝাউগাছ বুঝানো হয়েছে । কেউ কেউ বলেন, ঝাউগাছ জাতীয় এমন একটি গাছ বুঝানো হয়েছে, যা কাঠসর্বস্ব, কোন ফল ধরে না ।

**ذَوَّاَتِيْ أَكْلُ خَمْطَ وَأَنْلٍ** এবং কতক কুল বৃক্ষ । কারণ, জবলী কুল গাছে ফল হয় কম আর তাতে কাঁটা বেশী । ঐ কুলও তেমনি বিস্বাদ । যেমন প্রবাদ আছে, “উটোর গোশ্ত নষ্ট হল উচু পাহাড় চূড়ায়, এমন সমতল নয় যে, সেখানে সহজে উঠা যাবে, আবার এমন নাদুস-নুদুস নয় যে, তা’ পরিষ্কৃত থাকবে ।” এ অন্যে আল্লাহ তা’আলা বলেন : **ذَلِكَ جَزِينْهُمْ بِمَا كَفَرُوا** ।

“তাদের কুফরীর কারণে আমি তাদেরকে এই শাস্তি দিয়েছি । অকৃতজ্ঞ ব্যক্তি ব্যক্তি অন্য কাউকে আমি এমন শাস্তি দিই না ।” অর্থাৎ আমি এমন কঠিন শাস্তি শুধু তাদেরকেই দেই, যারা আমার প্রতি কুফরী করে, আমার রাসূলদেরকে প্রত্যাখ্যান করে আমার মিশ্রণের বিরোধিতা করে এবং আমার নিষেধাজ্ঞাগুলো অমান্য করে । আল্লাহ তা’আলা বলেন : **فَجَعَلْنَاهُمْ أَحَادِيثَ وَمَزَقْنَاهُمْ كُلَّ مُمْزَقٍ** । “ফলে আমি তাদেরকে উপাখ্যানে পরিণত করলাম এবং তাদেরকে ছিন্নভিন্ন করে দিলাম ।”

বস্তুত তাদের ধন-সম্পদ যথন ধ্রুব হয়ে গেল এবং শহর-নগর বিরান হয়ে পড়ল তখন এলাকা পরিত্যাগ করে অন্যত্র চলে যেতে তারা বাধ্য হল । তারা তখন ছত্রভঙ্গ ও বিচ্ছিন্ন বিক্ষিপ্ত হয়ে বিস্তুর উচু ও নীচু অঞ্চলে ছড়িয়ে পড়ে । তাদের একদল চলে আসে হিজায তথা আরব এলাকায় । কুয়া’আ গোত্র মক্কার উপকর্তে এসে বসতি স্থাপন করে । তাদের বিবরণ পরে আসবে ।

তাদের কতক মদীনা মুনাওয়ারায় এসে বসবাস করতে থাকে । এরা মদীনার আদি বাসিন্দা । এরপর বানু কায়লুকা, বানু কুরায়ঘা ও বনু নয়ীর- এই তিন ইয়াহুনী গোত্র মদীনায় তারা এসে আওস ও খায়রাজ গোত্রের সাথে মৈত্রী চুক্তি সম্পাদন করে এবং সেখানে বসবাস করতে থাকে ।

তাদের বিশদ বিবরণ আমরা পরে উল্লেখ করব । সাবার অধিবাসীদের একদল সিরিয়ায় অবতরণ করে । তারাই পরবর্তী কালে শ্রীষ্ট ধর্ম গ্রহণ করে । এরা হল গাসসান, আমিলা, বাহরা, লাখম, জুয়াম তানুখ, তাগলিব প্রভৃতি গোত্র । হযরত আবু বকর (রা) ও হযরত উমর (রা)-এর শাসনামলে সিরিয়া বিজয় সম্পর্কে আলোচনা করার সময় আমরা এ গোত্রগুলো সম্পর্কে আলোকপাত করব ।

মুহাম্মদ ইব্ন ইসহাক বলেন, আবু উবায়দা (রা) আমাকে বলেছেন যে, আ’শা ইব্ন কায়স ইব্ন ছা’লাবা ওরকে মায়মুন ইব্ন কায়স বলেছেন :

**وَفِيْ ذَاكَ لِلْمُؤْسِىْ أُسْنَةً - وَمَارِمُ عَفَّىْ عَلَيْهَا الْعَرْمُ**

আদর্শকামী ব্যক্তির জন্যে এর মধ্যে রয়েছে আদর্শ, বাঁধ ভাঙ্গা প্লাবন তো মারিম বাঁধকে নিষিদ্ধ করে দিয়েছে।

**رُحَامٌ بَنْتُهُ لَهُمْ حَمِيرٌ - إِذَا جَاءَ مَوَارِهُ لَمْ يَرْمِ**

এটি একটি শ্঵েত পাথরের তৈরী বাঁধ। হিময়ার তাদের জন্যে এটি নির্মাণ করেছিলেন। প্রচণ্ড পানির চেউ এলেও তা নষ্ট করতে পারতো না।

**فَأَرْوَى الزُّدُومْ وَأَعْتَانَهَا - عَلَى سَعَةٍ مَأْوُهُمْ إِذَا قَسَمْ**

এই পানি বন্টন করে নেয়ার পরও এটি যথেষ্ট পরিমাণে ক্ষেত খামার ও সংশ্লিষ্ট এলাকা সিঞ্চিত করে দিত।

**فَصَارُوا أَيَادِيَ لَا يَقْرُونَ - عَلَى شُرْبِ طَفْلٍ إِذَا مَا فُطِمْ**

অবশেষে তারা ধ্বংস হয়ে গেল। এমন হল যে, কিন্তু তার মায়ের দুধ পান ছাড়ার পর তাকে পানীয় দিতে পারছিল না।

মুহাম্মদ ইবন ইসহাক তাঁর সীরাত গ্রন্থে লিখেছেন, বাঁধ ভাঙ্গা প্লাবনের পূর্বে সর্বপ্রথম যিনি ইয়ামন থেকে অন্যত্র চলে গিয়েছিলেন, তিনি হলেন অমর ইবন আমির লাখমী। লাখম হলেন লাখম ইবন আদী ইবন হারিছ ইবন মুররা ইবন আয়দ ইবন যায়দ ইবন মাহা আব্ন আমর ইবন আরীর ইবন ইয়াশজুব ইবন যায়দ আব্ন কাহলান ইবন সাবা। কেউ কেউ তাঁর বৎশ তালিকা এক্সপ বলেছেন, লাখম ইবন আদী ইবন আমর ইবন সাবা। এটি ইবন হিশাম (র)-এর বর্ণনা।

ইবন ইসহাক বলেন, আমর ইবন আমিরের সাবা থেকে অন্যত্র স্থানান্তরের কারণ সম্পর্কে আবু যায়দ আনসারী আমার নিকট বর্ণনা করেছেন, আমর একদিন দেখলেন যে, বাঁধ তাদের জন্যে পানি ধরে রাখে এবং তারা প্রয়োজন মাফিক নিজ নিজ ইচ্ছানুযায়ী ওখান থেকে পানি সরবরাহ করেন একটি জংলী ইন্দুর সেই বাঁধের মধ্যে একটি গর্ত খুঁড়ছে। এতে তিনি বুঝে নিলেন যে, এই বাঁধ আর বেশী দিন টিকবেন। তাই তিনি ইয়ামন ছেড়ে চলে যাবার সিদ্ধান্ত নিলেন। কিন্তু তাঁর সম্প্রদায় তাঁর বিরুদ্ধে মড়যন্ত্রে লিঙ্গ হয় এবং তাঁকে চলে যেতে বাধা দেয়। তিনিও একটি কৌশল অবলম্বন করেন। তিনি তাঁর ছেট ছেলেকে বলেন যে, আমি তোমার প্রতি রেগে গিয়ে তোমাকে চড় মারলে তুমি আমার মুখে চড় মারবে। তাঁর ছেলে নির্দেশানুযায়ী তাই করল।

এরপর আমর বললেন, যে শহরের এমন পরিবেশ যে, আমার ছেট ছেলে আমার মুখে চড় মারতে পারল, আমি আর সেই শহরে থাকব না। তিনি তাঁর ধন-সম্পদ বেচে দেয়ার ঘোষণা দিলেন। সে শহরের সন্ত্রাস লোকেরা বলল, আমরের রাগকে কাজে লাগাও, এ সুযোগে তাঁর ধন সম্পদ কিনে নাও। অতঃপর আমর তাঁর ছেলে-মেয়ে, নাতি-নাতনী সবাইকে নিয়ে সাবা এলাকা ত্যাগ করেন। এটা দেখে আব্দ গোত্রের লোকেরা বলল, আমর চলে গেলে আমরা এখানে থাকব না। তারা ও নিজেদের ধন-সম্পদ বিক্রি করে দেয় এবং আমরের সাথে বেরিয়ে পড়ে।

আল-বিদায়া ওয়ান নিহায়া (২য় খণ্ড) ৪০—

যেতে যেতে তাঁরা 'আক এর অঞ্চলে উপস্থিত হয়। সে দেশ অতিক্রম করে যেতে চাইলে আক গোত্রীয়ার তাদেরকে বাধা দেয় এবং যুদ্ধ শুরু করে। যুদ্ধের ফলাফল কথন পক্ষে আবার কখনো বিপক্ষে যায়। এ প্রসংগে আবাস ইব্ন মিরদাস বলেনঃ

وَعَلَكُ بْنُ عَدْنَانَ أَلِّيَّذِينَ تَلْعَبُوا - بِغَسَانَ حَتَّىٰ طَرَدُوا كُلَّ مَطْرَدٍ

'আক ইব্ন আদনান যুদ্ধ খেলা খেলেছে গাস্সানী সম্প্রদায়ের বিরুদ্ধে। শেষে তাদেরকে সদল বলে বিতাড়িত করেছে।

বর্ণনাকারী বলেন, অতঃপর তারা আক এর এলাকা অতিক্রম করে বিভিন্ন জনপদে ছাড়িয়ে পড়ে। জাফনা ইব্ন আয়র ইব্ন আমিরের পরিবার বসবাস করতে থাকে সিরিয়ায়। আউস ও খায়রাজ গোত্র অবতরণ করেন ইয়াছরিবে (মদীনা শরীফে)। খুয়া'আ গোত্র গেল মুর আঞ্চলে। আয়দ গোত্রের লোকজন ভিন্ন উপগোত্রে বিভক্ত হয়ে তাদের কেউ কেউ সারাতে এবং কেউ কেউ ওমানে বসতি স্থাপন করে। এরপর আল্লাহ তা'আলা মারিব বাঁধে সর্বনাশ প্লাবন প্রেরণ করেলেন। প্লাবনের তোড়ে ভেঙ্গে চুরে ধ্রংস হয় মারিব বাঁধ। এ প্রসংগে আল্লাহ তা'আলা উপরোক্ত আয়াতগুলো নাযিল করেন।

তাফসীরকার সুন্দী (র) থেকেও প্রায় এরকম বর্ণনা এসেছে। মুহাম্মদ ইব্ন ইসহাকের একটি বর্ণনা এক্সপ এসেছে যে, আমর ইব্ন আমির নিজে জ্যোতিষী ছিলেন। কেউ কেউ বলেন, আমর নিজে নয়, বরং তাঁর স্ত্রী তারিফা বিন্ত খায়র হিময়ারীই জ্যোতিষী ছিলেন। তিনি তাদেরকে জানিয়ে দিলেন যে, অতি স্বুর এ জনপদ ধ্রংস হয়ে যাবে। তারা যেন মারিব বাঁধে ইন্দুরের ধ্রংস লীলা দেখতে পেয়েছিল। তাই তারা যা করার তা করে। আল্লাহই ভাল জানেন। ইব্ন আবী হাতিম তাফসীর গ্রন্থে ইকরামা থেকে এ ঘটনাটি বিশদভাবে উল্লেখ করেছেন।

### পরিচ্ছেদ

বাঁধ ভাঙা প্লাবনে আক্রান্ত হওয়ার পর সাবার সকল গোত্র ইয়ামন ছেড়ে চলে যায়নি। তাদের অধিকাংশই সেখানে বসবাস করেছে। এলাকায় অবস্থানকারী মারিবাসিগণ বিভিন্ন স্থানে ছাড়িয়ে ছিটিয়ে চলে গিয়েছিল। ইতিপূর্বে বর্ণিত হ্যরত ইব্ন আবাস (রা)-এর হাদীসের মর্মও এই যে, সাবার সকল গোত্র ইয়ামন ছেড়ে চলে যায়নি এবং তাদের চারাটি গোত্র অন্যত্র চলে যায় ইয়ামানেই থেকে যায় এবং ছয়টি গোত্র তারা হলো মুয়হিজ, ফিন্দা, আনমার (আবু খাসআম) আশআরী, বুজায়লা ও হিময়ার গোত্র। সাবা সম্প্রদায়ের এই ছয়গোত্র ইয়ামনেই বসবাস করতে থাকে। বংশানুক্রমে তাদের মধ্যে রাজত্ব ও তুরুবা পদ চলে আসছিল। অতঃপর এ সময় ইথিওপিয়ার রাজা তার সেনাপতিদ্বয় আবরাহা ও আরইয়াত-এর নেতৃত্বে অভিযান প্রেরণ করে ওদের হাত থেকে বছর রাজত্ব ইথিওপীয়দের হাতে থাকে। অবশেষে সায়ফ ইব্ন যী ইয়ামান হিময়ারী ওদের হাত থেকে রাজত্ব পুনরুদ্ধার করে। এই পুনরুদ্ধার সম্পন্ন হয় প্রিয় নবী (সা)-এর আবির্ভাবের অল্ল কিছু দিন পূর্বে। এর বিস্তারিত বিবরণ ইনশাআল্লাহ পরে আমরা উল্লেখ করব।

পরবর্তীতে নবী করীম (সা) ইয়ামানের অধিসীদের নিকট হয়রত আলী (রা) ও হয়রত খালিদ ইব্ন উলীদ (রা)-কে প্রেরণ করেন। তারও পরে তিনি আবু মূসা আশ'আরী ও মু'আফ ইব্ন জাবাল (রা)-কে সেখানে প্রেরণ করেন। তাঁরা লোকজনকে আল্লাহ'র প্রতি দাওয়াত দিতে এবং তাওহীদী, ঈমান ও ইসলামের যুক্তি প্রমাণগুলো তাদের নিকট স্পষ্টভাবে তুলে ধরতেন।

এক সময় ভগু নবী আসওয়াদ আনাসী ইয়ামানে প্রভাব সৃষ্টি ও প্রধান্য বিস্তার করে। সে রাসূলুল্লাহ (সা)-এর প্রতিনিধিকে সেখান থেকে বের করে দেয়। আসওয়াদ আনাসী নিহত হওয়ার পর হয়রত আবু বকর সিদ্দীক (রা)-এর খিলাফতকালে সেটি পুনরায় মুসলমানদের কবজ্য এসে যায় এবং ইসলামের বিজয় নিশান উড়তে শুরু করে। রাসূলুল্লাহ (সা)-এর সীরাত ও ইতিহাস বর্ণনার পর আমরা ইয়ামানে ইসলামী বিজয়ের বিবরণ উল্লেখ করব ইন্শা আল্লাহ।

### রবী'আ আব্ন নাসর লাখমীর বিবরণ

এই রবী'আ পূর্বোল্লেখিত রবী'আ লাখমী বলে ইব্ন ইসহাক বলেছেন। সুহায়লী বর্ণনা করেন, ইয়ামানের বৎশ বিশারদগণ বলেন, ইনি হলেন নাসুর ইব্ন রবী'আ ইব্ন নাসর ইব্ন হারিক ইব্ন নুমারা ইব্ন লাখমী। যবিয়ান ইব্ন বাক্তার বলেন, ইনি হলেন রবী'আ ইব্ন নাসর ইব্ন মালিক ইব্ন শউয় ইব্ন মালিক ইব্ন আজম ইব্ন আমর ইব্ন নুমারা ইব্ন লাখমী। লাখম ছিলেন জুয়ামের ভাই।

লাখম শব্দটির অর্থ হচ্ছে চপেটাঘাত করা। আপন ভাইকে চপেটাঘাত করায় তার নাম পড়ে দিয়েছিল লাখম। আর চপেটাঘাতকারীর হাত কামড়ে ধরেছিল বলে অপর ভাইয়ের নাম হল জুয়াম। জুয়াম মানে দংশন করা।

রবী'আ ছিলেন তুর্কো উপাধিধারী হিমইয়ারী সম্রাটদের অন্যতম। শাক ও সাতীহ নামের দু'জন গণকও রাসূলুল্লাহ (সা)-এর আগমন সম্পর্কে তাদের নিকট সতর্কবাণী উচ্চারণ করেছিলেন। গণক সাতীহ এর নাম ও বৎশ পরিচয় হল রবী'আ ইব্ন রবী'আ ইব্ন মাস'উদ ইব্ন মায়িন ইব্ন যি'ব ইব্ন 'আদী ইব্ন মায়িম গাস্সান। আর শাক এর বৎশ পরিচয় হল; শাক ইব্ন সাব ইব্ন ইয়াশকুর ইব্ন রুহুম ইব্ন আকরক ইব্ন কায়স ইব্ন আবকর ইব্ন আনমার ইব্ন নেয়ার। মতান্তরে আনমার ইব্ন আরাশ ইব্ন লিহয়ান ইব্ন আমর ইব্ন গাওছ ইব্ন নাবিত ইব্ন মালিক ইব্ন যায়দ ইব্ন কাহলান ইব্ন সাবা।

কথিত আছে যে, সাতীহ লোকটির কোন অঙ্গ-প্রত্যঙ্গ ছিল না। সে ছিল ছাদের ন্যায় সমান। তার মুখ্যমন্ডল ছিল পিঠের উপর। ক্রোধ এলে সে ফুলে যেত এবং বসে যেত। শাক লোকটি ছিল সাধারণ মানুষের অর্ধাংশ। বলা হয় যে, খালিদ ইব্ন আবদুল্লাহ বিননুল কাসরী তারই অধ্যক্ষত্ব পুরুষ।

সুহায়লী বলেন, ওরা দুজন একই দিন জন্মগ্রহণ করেছিল। দিনটি ছিল তরীফা বিন্দু খায়র হিমইয়ারীর মৃত্যু দিবস। বর্ণিত আছে যে, তাদের জন্মের পর সে তাদের প্রত্যেকের মুখে থুথু ছিটিয়েছিল। তাতে তারা তার জ্যোতিষ বিদ্যার উন্নতাধিকার পেয়েছিল। তরীফা ছিল পূর্বোল্লেখিত আমর ইব্ন আমিরের স্ত্রী। আল্লাহ'র ভাল জানেন।

মুহাম্মদ ইব্ন ইসহাক বলেন, রবী'আ ইব্ন নাসর ছিলেন ইয়ামানের তুরু উপাধিধারী সম্মাটদের অন্যতম। একদা তিনি এক ভয়ংকর স্বপ্ন দেখে আতঙ্কগ্রস্ত ও অস্থির হয়ে পড়েন। অতঃপর তাঁর রাজ্যের সকল জ্যোতিষী যান্দুকর ও জ্যোতির্বিদকে তাঁর দরবারে একত্রিত করে বললেন, আমি এক ভয়ংকর স্বপ্ন দেখেছি, যা আমাকে ভীত ও শাঙ্কিত করে তুলেছে। আপনারা আমাকে স্বপ্ন ও তার তাৎপর্য বলে দিন। তারা বলল, আপনি স্বপ্নটা আমাদেরকে বলুন; আমরা তার ব্যাখ্যা বলে দিব। সম্মাট বললেন, “না তা নয়, আমি যদি স্বপ্ন বলে দিই তারপর আপনারা তার ব্যাখ্যা দেন, সেই ব্যাখ্যায় আমি আস্থা রাখতে পারব না। কারণ এ স্বপ্নের সঠিক ব্যাখ্যা সেই ব্যক্তিই দিতে পারবে, আমার বলা ছাড়া যে স্বপ্নটা জানতে পারবে। একজন বলল, ঠিক আছে, সম্মাট যদি তাই চান তবে ব্যাখ্যার জন্যে শাক ও সাতীহের নিকট লোক পাঠিয়ে দেয়া হোক। এই শাস্ত্রে তাদের চেয়ে অভিজ্ঞ কেউ নেই। তারাই সম্মাটের ইচ্ছা মুতাবিক ব্যাখ্যা বলতে পারবে। লোক পাঠিয়ে তাদেরকে আনা হল। শাকের পূর্বে সাতীহের সাথে কথা বললেন সম্মাট। তিনি বললেন, আমি এক ভয়ংকর স্বপ্ন দেখেছি, যা তামাকে ব্যতিব্যস্ত ও অস্থির করে তুলেছে। আগে বল, সে স্বপ্নটি কি? তুমি যদি স্বপ্নটি ঠিক ঠিক বলতে পার তবে তোমার ব্যাখ্যাও সঠিক হবে। সাতীহ বলল, ঠিক আছে, আমি তাই করছি। আপনি একটি কালো বস্তু দেখেছেন যা’ অঙ্ককার থেকে বের হয়েছে। অতঃপর সমুদ্র-উপকূলবর্তী নিচু ভূমিতে গিয়েছে এবং যেখানে মাথা ভূমিতে গিয়েছে এবং সেখানে মাথা বিশিষ্ট যা পেয়েছে তার সব কিছু খেয়ে ফেলেছে। সম্মাট বললেন, সাতীহ! তুমি একটুও ভুল বলনি। এখন বল দেখি তোমার মতে এর ব্যাখ্যা কী?

সে বলল : দু’শিলা ভূমির মাঝে অবস্থিত সকল পশু-পাখীর শপথ করে বলছি, হাবশি জাতি আপনাদের রাজ্যে অবতরণ করবে এবং আবয়ান থেকে জারশ পর্যন্ত এলাকায় রাজত্ব করবে। সম্মাট বললেন, সাতীহ! এতো এক অনাকাংখ্যিত ও বেদনাদায়ক ব্যাপার, কবে নাগাদ তা ঘটবে; আমার রাজত্বকালে, না আরও পরে? সে বলল, আপনার পিতার শপথ, বরং আপনার পরে আরো ৬০/৭০ বছরের অধিক সময় অতিক্রান্ত হওয়ার পর। সম্মাট বললেন, তাদের রাজত্ব কি চিরস্থায়ী হবে? না কি পতন ঘটবে? সে বলল, ৭৩ থেকে ৭৯ বছরের মধ্যে তাদের পতন ঘটবে। তারপর তাদেরকে হত্যা করা হবে এবং তারা সেখান থেকে পালিয়ে যাবে। তিনি বললেন, কে তাদেরকে হত্যা ও বিভাড়িত করবে? সে বলল, ইরামসী ইয়ায়িন। এডেন থেকে সে আসবে এবং ওদের কাউকে ইয়ামানে অবশিষ্ট রাখবে না।

সম্মাট বললেন, তার রাজত্ব কি চিরস্থায়ী হবে? নাকি তার পতন ঘটবে? সে বলল, বরং পতন ঘটবে। সম্মাট বললেন, কার হাতে তার পতন ঘটবে? সে বলল, একজন পুণ্যবান নবীর হাতে উর্ধ্বাকাশ থেকে তাঁর নিকট ওহী আসবে। সম্মাট বললেন, নবী কোন্। বংশের সন্তান হলে? সে বলল, গালিব ইব্ন ফিহর ইব্ন মালিক ইব্ন নজরের অধ্যক্ষত্ব পুরুষ। আখেরী যামান পর্যন্ত রাজত্ব তাঁর সম্প্রদায়ের মধ্যে থাকবে। সম্মাট বললেন, যুগেরও কি আবার শেষ আছে? সে বলল, হ্যাঁ যুগের শেষ হল এমন একটি দিন, যেদিনে পূর্ববর্তী ও পরবর্তী সবাইকে একত্রিত করা হবে। সংকর্মশীলগণ হবে ভাগ্যবান আর পাপাচারীগণ হবে ভাগ্যাহত। সম্মাট বললেন, তুমি যা বলছ তা কি ঠিক? সে বলল, অস্তরাগ, অঙ্ককার এবং উদ্ভাসিত প্রত্যয়ের শপথ করে বলছি, আমি আপনাকে যা জানিয়েছি তা অবশ্যই সত্য।

বর্ণনাকারী বলেন, অতঃপর জ্যোতিষী শাক সম্মাটের নিকট আসল। সাতীহকে যা বলেছিলেন তিনি তাকেও তাই বললেন। উভয়ের বক্তব্য একরূপ হয়, নাকি ভিন্ন ভিন্ন, তা দেখার জন্যে সাতীহের বক্তব্য তিনি শাকের নিকট প্রকাশ করলেন না। শাক বলল, আপনি দেখেছেন একটি কালো বস্তু। সেটি বেরিয়ে এসেছে অঙ্ককার থেকে। তারপর উদ্যান ও ফলবাগানে গিয়ে পতিত হয়েছে। অতঃপর সেখানে যত প্রাণী ছিল সব খেয়ে ফেলেছে। এতটুকু বলার পর সম্মাট বুঝলেন যে, উভয়ের বক্তব্য অভিন্ন। সম্মাট বললেন, হে শাক! তুমি একটুও ভুল বলনি। এখন তোমাদের এই স্থপ্নের ব্যাখ্যা কী? সে বলল, দু'শিলা ভূমির মাঝে অবস্থিত মানব সম্প্রদায়ের শপথ করে বলছি, আপনাদের রাজ্যে অবশ্যই কৃষ্ণজয়া অবতরণ করবে। সকল অধিবাসীর উপর তারা বিজয় লাভ করবে এবং আলায়্যান থেকে নজরান পর্যন্ত তাদের শাসনাধীন হবে। সম্মাট বললেন, হে শাক! তোমার পিতার শপথ, এটি তো আমাদের জন্যে ক্ষেত্র ও দৃঢ়শ্রেণ ব্যাপার। তবে এটি কবে ঘটবে? আমার মামলে, নাকি এর পরবর্তী যুগে? সে বলল, না, বরং এর কিছুকাল পরে।

তারপর একজন প্রতাপশালী ব্যক্তি আপনাদেরকে ওদের হাত থেকে মুক্ত করবে এবং ওদেরকে চরম অপমান ও লাঞ্ছিত করবে। তিনি বললেন, ঐ প্রতাপশালী ব্যক্তিটি কে? সে বলল, একটি বালক-গ্রামবাসীও নয়, শহরবাসীও নয়। যী ইয়ায়ান-এর বংশ থেকে বেরিয়ে সে তাদের উপর আক্রমণ করবে। তিনি বললেন, তার রাজ্যত্ব কি চিরস্থায়ী হবে, নাকি তার পতন ঘটবে? সে বলল, বরং তার রাজত্বের পতন ঘটবে জনৈক রাস্তার হাতে, যিনি দীনের প্রচারক ও মর্যাদাশীল হবেন এবং সত্য ও ন্যায়পরায়ণতা নিয়ে আসবেন। বিচার দিবস পর্যন্ত রাজত্ব তাঁর সম্প্রদায়ের হাতে থাকবে।

সম্মাট বললেন, বিচার দিবস আবার কী? সে বলল, যে দিবসে সকল কর্মের প্রতিদান দেয়া হবে। সেদিন আকাশ থেকে ঘোষণা দেয়া হবে। জীবিত মৃত সবাই সে ঘোষণা শুনবে। নিদিষ্ট স্থানে তখন লোকজন সমবেত হবে। যারা তাকওয়া ও সংযম অবলম্বন করেছে, তারা তখন সফলতা ও কল্যাণ লাভ করবে। তিনি বললেন, তুমি যা বলছ, তা কি সত্য? সে বলল, হ্যা, আকাশ ও পৃথিবীর প্রতিপালকের শপথ এবং এ উভয়ের মাঝে উঁচু-নীচু যা কিছু আছে, তার সবগুলোর শপথ, আমি যা' বলছি তা সত্য। তাতে কোন ব্যত্যয় নেই। ইব্ন ইসহাক বলেন, সাতীহ শাক-এর বক্তব্য রাবী'আ ইব্ন নাসরের মনে গভীরভাবে রেখাপাত করে। তিনি তাঁর ছেলে-মেয়ে ও পরিবার-পরিজনকে ইরাকে পাঠিয়ে দিলেন এবং সাবুর ইব্ন খারজায় নামের জনৈক পারসিক রাজাকে তাদের পুনর্বাসনের ব্যবস্থা করার কথা লিখে দিলেন। সে তাদের হীরা রাজ্যে বসবাসের ব্যবস্থা করে দিল। ইব্ন ইসহাক বলেন, রবী'আ ইব্ন নাসরের অধিক্ষেত্রে বংশধর হলেন নুমান ইব্ন মুনফির ইব্ন নুমান ইব্ন মুনফির ইব্ন আমর ইব্ন আদী ইব্ন রবী'আ ইব্ন নাসর। এই নুমান পারস্য রাজ্যের প্রতিনিধিত্বপে হীরা শাসন করতেন। আরবগণ তার নিকট যেত এবং তাঁর প্রশংসা করত। মুহাম্মদ ইব্ন ইসহাক যা বলেছেন যে, নুমান ইব্ন মুনফির রবী'আ ইব্ন নাসরের অধিক্ষেত্রে পুরুষ, অধিকাংশ ঐতিহাসিক তা সমর্থন করেছেন।

ইব্ন ইসহাক বর্ণনা করেন যে, নুমান ইব্ন মুনফিরের তরবারী হ্যরত উমর ইব্ন খাতাবের (রা) নিকট আনয়ন করা হলে তিনি জুবায়র ইব্ন মুতাইম (রা)-কে জিজ্ঞেস করলেন যে, সে কার বংশধর? জুবায়র (রা) বললেন, সে কানাস ইব্ন মা'আদ ইব্ন আদনানের বংশধর। ইব্ন ইসহাক বলেন, সে যে কোন বংশের ছিল তা' আল্লাহই ভাল জানেন।

### মদীনা অধিবাসীদের সাথে তুর্কা সম্ভাট আবু কুরাবের ঘটনা

বায়তুল্লাহ শরীফের বিরুদ্ধে অভিযানের প্রয়াস এবং পরবর্তীতে সম্মানার্থে বায়তুল্লাহ শরীফে গিলাফ ছড়ান প্রসঙ্গে

ইব্ন ইসহাক বললেন, রবী'আ ইব্ন নাসরের মৃত্যুর পর সমগ্র ইয়ামান হাস্সান ইব্ন তুর্কান আসআদ আবু কুরাবের করতলগত হয়। তুর্কান আসআদ ছিলেন সর্বশেষ তুর্কা। ইনি ছিলেন কালকীরের ইব্ন যায়দ, যায়দ ছিলেন সর্বপ্রথম তুর্কা তিনি ছিলেন আমর যিনি আয়আর ইব্ন আবরাহা যিনি মানার ইব্ন রাইশ ইব্ন আদী ইব্ন সায়ফী ইব্ন সাবা আল আসগর ইব্ন কা'ব কাহফুয় যুলাম ইব্ন জায়দ ইব্ন আহল ইব্ন আমর ইব্ন কুস ইব্ন মু'আবিয়া ইব্ন জাসম ইব্ন আবদে শামস ইব্ন ওয়াইল ইব্ন গাওছ ইব্ন কুতান ইব্ন আরিব ইব্ন যুহায়র ইব্ন আনাস ইব্ন হামাইসি' ইব্ন আরবাহাজ। এই আরবাহাজ হচ্ছেন হিমইয়ার ইব্ন সাবা আল আকবার ইব্ন ইয়ারুব ইব্ন ইয়াশজুয় ইব্ন কাহতান। ইব্ন ইসহাক বলেন, এই তুর্কাল আসআদ আবু কুরাব সেই ব্যক্তি যে মদীনায় এসেছিলেন এবং দু'জন ইহুদী ধর্ম্যাজ্ঞকে তার সাথে ইয়ামানে নিয়ে গিয়েছিলেন। তিনি বায়তুল্লাহ শরীফের সংস্কার সাধন ও তাতে সর্বপ্রথম গিলাফ চড়িয়েছিলেন তার শাসন কাল ছিল রবী'আ ইব্ন নাসরের শাসনকালের পূর্বে। পূর্ব দেশীয় রাজ্যগুলো জয় করে তিনি মদীনা হয়ে স্বদেশ প্রত্যাবর্তন করছিলেন। অভিযানের শুরুতেও তিনি মদীনা হয়ে গিয়েছিলেন। মদীনার অধিবাসীদেরকে তিনি উচ্ছেদ করেন নি। তাঁর এক পুত্রকে তিনি তাদের শাসকরূপে রেখে গিয়েছিলেন। গুণঘাতকের হাতে<sup>১</sup> তার ওই পুত্র সেখানে নিহত হন। এ কারণে তিনি মদীনা ধ্বংস, তার অধিবাসীদেরকে উচ্ছেদ এবং উদ্যানরাজি বিনষ্ট করার উদ্দেশ্য মদীনায় ফিরে আসল। তাদের নেতৃত্বে ছিল নাজ্জার বংশীয় আমর ইব্ন তাশহা। তিনি বানু আমর ইব্ন মাবযুলেরও একজন মাবযুলের নাম আমির ইব্ন মালিক ইব্ন নাজ্জার। নাজ্জারের নাম তায়মুল্লাহ ইব্ন ছালাবা ইব্ন আমর ইব্ন খায়রাজ ইব্ন হারিষ্ঠা ইব্ন ছা'লাবা ইব্ন 'আমির।

ইব্ন হিশাম বলেন, আমর ইব্ন তালহা। আমর ইব্ন মু'আবিয়া ইব্ন আমর ইব্ন আমির ইব্ন মালিক ইব্ন নাজ্জার। তালহা তার মায়ের নাম। তালহা ছিলে আমির ইব্ন যুরায়ক খায়রাজি-এর কন্যা।

ইব্ন ইসহাক বলেন বানু 'আদী ইব্ন নাজ্জার গোত্রের ‘আলমার নামে জনৈক ব্যক্তি তুর্কার দলের এক ব্যক্তির উপর আক্রমণ করে বসে। লোকটি আহমারের খেজুর গাছ থেকে খেজুর কাটছিল। কাঁচির আঘাতে আহমর তাকে হত্যা করেন এবং বলেন 'খেজুর সে পাবে যে

১. <sup>فَلِلّٰهِ أَرْدَقُ</sup> অর্থ বিশ্বাসযাতকতা।

তার যত্ত্ব করে।' এ ঘটনায় তুর্কা তাদের প্রতি ভীষণ ক্ষুঁক হন। ফলে উভয়পক্ষে যুদ্ধ শুরু হয়। আনসারগণের ধারণা তাদের পূর্বপুরুষরা দিনে তুর্কা পক্ষের বিরুদ্ধে লড়াই করতেন আর রাতে তাদের মেহমানদারী করতেন। তাদের আচরণে তুর্কা খুব খুশী হন এবং বলেন হায়! আমাদের সম্প্রদায় তো অলস। আনসারদের সূত্রে ইব্ন ইসহাক বর্ণনা করেন যে, তুর্কা ক্ষেপে ছিলেন ইহুদী জাতির বিরুদ্ধে লড়েছিল।

সুহায়লী বলেন, কথিত আছে যে, তুর্কা এসেছিলেন ইহুদীদের বিরুদ্ধে আনসারদেরকে সাহায্য করতে। আনসারগণ ছিলেন তাঁর চাচার বংশধর। ইহুদীগণ শর্ত সাপেক্ষে মদীনায় বসবাসের অনুমতি পেয়েছিল। পরে তারা শর্তগুলো পূরণ করেন। বরং আনসারদের বিরুদ্ধে শক্তি প্রদর্শন করেছিল। আল্লাহই ভাল জানেন।

ইব্ন ইসহাক বলেন, তুর্কা যখন যুদ্ধে লিষ্ট ছিলেন তখন বানু কুরায়া গোত্রের দু'জন ইহুদী ধর্ম্যাজক তাঁর নিকট আসেন। তারা জেনেছিলেন যে, তুর্কা মদীনা ধ্বংস ও মদীনাবাসীদের মূলোৎপাটনের জন্যে এসেছেন। তারা তাঁকে বললেন রাজন! আপনি এক্ষণ করবেন না। এরপরও যদি আপনি আপনার পরিকল্পনা কার্যকর করতে চান তবে আপনি তাতে ব্যর্থ হলে এবং আপনার উপর আল্লাহর গ্যব নাযিল হওয়ার আশঙ্কা রয়েছে। তিনি বললেন, কেন এক্ষণ হবে? তারা বললেন, কারণ, এই মদীনা হল আখেরী যামানায় এই কুরায়শীয় হারাম শরীফ থেকে আবির্ভূত নবীর হিজরত স্থল। এটি হবে তাঁর বাসস্থান ও অবস্থান স্থল। এতে তুর্কা যুদ্ধ থেকে নিবৃত্ত হলেন। তিনি বুঝতে পারলেন যে, এই দু'জন গভীর জ্ঞানের অধিকারী। তাদের কথা তাঁর খুব ভাল লেগেছে। ফলে, তিনি মদীনাবাসীদের ধর্মে হস্তক্ষেপ না করেই মদীনা ত্যাগ করেন।

ইব্ন ইসহাক বলেন, তুর্কার সম্প্রদায় মূর্তিপূজারী ছিল। তারা দেব-দেবীর পূজা করত। তুর্কা মুক্তার দিকে রওয়ানা হলেন। এটা ছিল ইয়ামানের পথে। উসফান ও আমাজের মধ্যবর্তী স্থানে আসার পর হ্যায়ল (ইব্ন মুদারিকা ইব্ন ইলিয়াছ ইব্ন মুয়ার ইব্ন নেয়ার ইব্ন মাদ ইব্ন আদমান) গোত্রের একদল লোক তাঁর নিকট এল। তারা বলল, হে রাজন! আমরা কি আপনাকে একটি গৃহের সন্ধান দিব, যেটি পুরাতন হয়ে ভেঙ্গে পড়ার উপক্রম হয়েছে। আপনার পূর্ববর্তী রাজা বাদশাহ ঐ গৃহ সংস্কৰণে ওয়াকিফহাল ছিলেন না। সেখানে রয়েছে মনি-মানিক্য, স্র্গ-রৌপ্য ও মহামূল্য ইয়াকৃত পাথর। তিনি বললেন, হ্যাঁ ঠিক আছে। তারা বলল, সেটি মুক্তায় অবস্থিত একটি গৃহ। তার অক্ষবৃন্দ সেখানে ইবাদত করে এবং সেখানে প্রার্থনা করে।' হ্যায়ল গোত্রীয়গণ এর দ্বারা তুর্কার ধ্বংসের চক্রবন্ধ করেছিল। কারণ তারা জানত যে, কোন রাজা এ গৃহে ধ্বংস করা কিংবা এটির নিকট ওন্দত্য দেখালে তার ধ্বংস অনিবার্য, তারা যা বলেছিল তা করার সংকল্প করে তুর্কা এ ব্যাপারে পরামর্শের জন্যে পূর্বোক্ত যাজকদ্বয়ের নিকট লোক পাঠালেন। তারা বললেন, এ লোকেরা আপনার নিজের ও আপনার সৈন্য-সামন্তের ধ্বংসই চেয়েছে। আল্লাহ তাআলা পৃথিবীতে এই পবিত্র গৃহ ব্যতীত অন্য কোন গৃহকে নিজের জন্যে নির্দিষ্ট রেখেছেন বলে আমাদের জানা নেই। তারা আপনাকে যা করতে বলেছে, আপনি যদি তা করেন তবে আপনিও ধ্বংস হবেন, আপনার সাথে যারা আছে তারাও। তিনি বললেন, আমি

গৃহের নিকট পৌছলে আপনারা আমাকে কী করতে পরামর্শ দিচ্ছেন? তারা বলল, আপনি তা-ই করবেন যা ওখানকার লোকজন করে। ঐ গৃহের তাওয়াফ করবেন, সেটির প্রতি সম্মান ও শ্রদ্ধা নিবেদন করবেন। সেখানে মাথা মুণ্ড করবেন এবং সেখান থেকে বেরিয়ে না আসা পর্যন্ত সেটির প্রতি ভক্তি প্রদর্শন করতে থাকবেন। তিনি বললেন, আপনারা তা করতে বাধা কোথায়? তারা বলল, সেটি হল আমাদের পিতা ইবরাহীমের (আ) গৃহ। এ গৃহ সেরুপই যা আমরা আপনার নিকট বর্ণনা করেছি, কিন্তু ওখানকার লোকজন ঐ গৃহের আশে-পাশে প্রতিমা স্থাপন করে এবং খুনাখুনি ও রক্ষারক্ষি করে আমাদের মাঝে এবং ঐ গৃহের মাঝে অস্তরায় সৃষ্টি করে রেখেছে। তারা শিরকবাদী, তারা অপবিত্র। তুর্কা তাদের উপদেশ উপলব্ধি করলেন এবং তাদের কথায় সত্যতা অনুধাবন করলেন। হ্যায়ল গোত্রের কিছু লোক তাঁর নিকটে এলে তিনি তাদের হাত-পা কেটে দিলেন। তারপর তিনি মুক্তায় আসলেন। বায়তুল্লাহ শরীফের তাওয়াফ করলেন, সেখানে পশু কুরবানী দিলেন, মাথা মুণ্ড করলেন এবং মুক্তায় ছয়দিন অবস্থান করলেন।

কথিত আছে যে, এই সময়ে তিনি সেখানে পশু জবাই দিতেন এবং সেখানকার লোকজনকে আপ্যায়িত করতেন এবং তাদেরকে মধু পান করাতেন। তিনি স্বপ্নে দেখলেন যে, তিনি কা'বা শরীফে গিলাফ চড়িয়ে দিচ্ছেন। ফলে তিনি কা'বা শরীফে মোটা কাপড়ের গিলাফ চড়িয়ে দিলেন। তারপর তিনি স্বপ্নে দেখলেন, যেন তিনি তার চেয়ে ভাল গিলাফ চড়ান, তখন তিনি মু'আফিরী বস্ত্রে গিলাফ চড়ালেন। আবার স্বপ্ন দেখলেন, যেন তার চাইতেও ভাল গিলাফ চড়ান। তখন তিনি মালা এবং নক্কাদার ইয়ামানী বস্ত্রের গিলাফ চড়িয়ে দিলেন। ঐতিহাসিকদের ধারণা যে, তুর্কাই সর্বপ্রথম কা'বা শরীফে গিলাফ চড়িয়ে ছিলেন। তিনি জুরহম গোত্রকে কা'বা শরীফের তত্ত্বাবধান করা, সেটি পবিত্র রাখা, রক্ত, মৃত প্রাণী এবং ঝুঁস্তাবের বস্ত্রাদি থেকে পরিচ্ছন্ন রাখার নির্দেশ দিলেন। তিনি কা'বা শরীফের একটি দরজা তৈরী করে তাতে তালা-চাবির ব্যবস্থা করলেন। তুর্কার এ সকল খেদমত ও কার্যক্রমের কথা উল্লেখ করে সুবাই'আ বিনত আহাব তাঁর পুত্র খালিদ ইব্ন আবদ মানাফ ইব্ন কবি ইব্ন কা'ব ইব্ন সাদ ইব্ন তায়ম ইব্ন মুররা ইব্ন কা'ব ইব্ন লুআয় ইব্ন গালিব)-কে উপদেশ দিয়ে এবং মুক্তায় কোন প্রকারের সীমালংঘন ও বিদ্রোহ না করার নির্দেশ দিয়ে বলেছিল :

أَبْنَىٰ لَا تَظْلِمْ بِمَكَّةَ لَا الصَّفِيرَ وَلَا الْكَبِيرَ.

হে বৎস! মুক্তাতে ছোট-বড় কোন জুলুম বা পাপাচার করবে না।

وَاحْفَظْ مَحَامَهَا بَنَىٰ وَلَا يَغْرِيَنَكَ الْفَرُورُ.

হে বৎস! এর মর্যাদা রক্ষা করো এবং এ ব্যাপারে কোন ধোকায় পড়ো না যেন।

أَبْنَىٰ مَنْ يَظْلِمْ بِمَكَّةَ يَلْقَ أَطْرَافَ الشَّرُورِ.

হে বৎস, মুক্তায় যে জন জুলুম করে, অকল্যাণ আর দুর্ভেগ তার জন্যে অবধারিত।

أَبْنَىٰ يَضْرِبْ وَجْهَهُ وَيَلْجُ بِخَدَّيْهِ السَّعِيرُ.

হে বৎস ! মুখে আর গালে জানান্নামের আগুন আঘাত করবে ।

أَبْنَىٰ قَدْ جَرَبْتُهَا فَوَجَدْتُ طَالِمَهَا يَبْوُرُ .

হে বৎস ! আমার অভিজ্ঞতা যে, এখানে জুলুমকারী সুনির্ণিতভাবেই ধৰ্স হয় ।

اللَّهُ أَمْنَهَا وَمَا بُنِيَتْ بِعِرْصَتِهَا قُصُورٌ .

আল্লাহ তা'আলাই তার এবং তার প্রাঙ্গণস্থ দালান-কোঠার হেফাজতকারী ।

وَاللَّهُ أَمِنْ طَيْرِهَا وَالْعَصْمُ كَامِنْ فِي ثِبَرٍ .

আল্লাহই এর পাখিশগুলো এবং শ্বেত হরিণকে ছাবীর পর্বতে নিরাপদে রাখেন ।

وَلَقَدْ غَزَاهَا تَبْعَ فَكَسَا بَنِيلَاهَا الْحَبِيرُ .

তুর্কা যুদ্ধ করতে আসল এবং কাঁবা গৃহে গিলাফ চড়ান ।

وَأَذَلَّ رَبِّيْ مُلْكَهُ فِيهَا فَأَوْفَى بِالنَّذْوَرِ .

আল্লাহ তাআলা তাকে ধামিয়ে দেন তিনি তার মানত শুরো করেন ।

يَمْشِيْ إِلَيْهَا حَافِيْا بِغَنَائِهَا أَلْفًا بَعِيْرٍ .

তিনি নগ্ন পায়ে তার দিকে হেঁটে আসেন । এবং তার প্রাঙ্গণে হাজারো উট কুরবানী করেন ।

وَيَظْلِمْ يُطْعَمُ أَهْلَهَا - لَحْمَ الْمَهَارَى وَالْجَزُورِ .

ছোট বড় উটের গোশতের দ্বারা তিনি মক্কবাসীদের আপ্যায়িত করেন ।

يَسْقِيْهُمُ الْعَسْلَ الصَّفِيِّ وَالرَّحِيْضَ مِنَ الشَّعِيْرِ .

তিনি তাদেরকে খাটি মধু পান করান এবং ভাল ঝুঁটি আহার করান ।

وَالْفِيلُ أَهْلَكَ جَيْشَهُ يُرْمُونَ فِيهَا بِالصَّخْرُ .

তাতে হাতী বাহিনী ধৰ্স হয়, তাদের প্রতি পাথর বর্ষিত হয় ।

وَالْمُلْكُ فِي أَفْصَنِ الْبِلَادِ وَفِي الْاعَاجِمِ وَالْخُزُورِ .

তাঁর (আল্লাহর) কর্তৃত সর্বস্থানে, আরবে আর অন্যারবে ।

فَاسْمَعْ إِذَا حُدْكَ وَأَفْهَمْ كَيْفَ عَاقِبَةُ الْأُمُورِ .

যখন কিছু বলা হয়, তখন তুমি তা মনোযোগ দিয়ে শুনবে এবং ভালভাবে বুঝে নিবে যে, শেষ পরিণতি কেমন হয় ।

ইব্ন ইসহাক বলেন অতঃপর তুর্কা তাঁর সৈন্য-সামন্ত ও ইহুদী ধর্ম যাজকদ্বয়কে সাথে নিয়ে স্বদেশ ইয়ামানের দিকে যাত্রা করলেন । সেখানে পৌছে তাঁর সম্প্রদায়কে তিনি তাঁর নবদীক্ষিত ধর্ম গ্রহণের আহ্বান জানালেন । ইয়ামানে অবস্থিত বিশেষ অগ্নিকুণ্ডের মাধ্যমে ফয়সালা না হওয়া ব্যতীত তারা নতুন ধর্ম গ্রহণে অস্বীকৃতি জানায় ।

আল-বিদায়া ওয়ান নিহায়া (২য় খণ্ড) ৪১—

ইব্ন ইসহাক বলেন, আবু মালিক ইব্ন ছালাবা ইব্ন আবী মালিক কুরায়ী আমার নিকট বর্ণনা করে বলেছেন যে, আমি ইবরাহীম ইব্ন মুহাম্মদ ইব্ন তালহা ইব্ন উবাইদুল্লাহকে বলতে শুনেছি যে, স্বদেশ প্রত্যাবর্তনকালে তুর্কা যখন ইয়ামানের কাছাকাছি পেঁচলেন এবং ইয়ামানে প্রবেশ করতে যাবেন তখন হিমইয়ারী গোত্রের লোকজন তাঁকে বাধা দিল এবং বলল, আপনি এদেশে প্রবেশ করবেন না, আপনি আমাদের ধর্ম ত্যাগ করেছেন। তিনি তাদেরকে তার নবদীক্ষিত ধর্মের দাওয়াত দিয়ে বললেন, এটি তোমাদের ধর্ম অপেক্ষা উৎকৃষ্ট ধর্ম। তারা বলল, আমরা অগ্নিকুণ্ডের মাধ্যমে ফয়সালা করব। তিনি বললেন হ্যাঁ, তাই হোক।

ইয়ামানবাসীদের ধারণা যে, তাদের একটি অগ্নিকুণ্ড রয়েছে। বিবে ৪পূর্ণ বিষয়গুলোতে এই অগ্নিকুণ্ড তাদের মধ্যে মীমাংসা করে দেয়। অত্যাচারী টেনে নিয়ে পুড়িয়ে ফেলে আর অত্যাচারিতের কোন ক্ষতি করে না। লোকজন তাদের দেব-দেবী এবং ধর্মমত অনুযায়ী সুপারিশযোগ্য বস্তুগুলো নিয়ে বের হল। আর ধর্ম্যাজক দু'জন গলায় কিতাব ঝুলিয়ে রওয়ানা হলেন। সেখান থেকে আগুন বের হচ্ছিল সেখানে গিয়ে সবাই ঘৃণ্ণল, আগুন বেরিয়ে এলে ইয়ামানবাসীদের দিকে যখন এগিয়ে আসতে লাগল, তখন তারা অন্যদিকে ভয়ে সরে যেতে লাগল, উপস্থিত লোকজন তাদেরকে ধর্মক দেয়ায় এবং স্থির থাকতে নির্দেশ দেয়ায় তারা স্থির থাকল। অবশ্যে আগুন এসে তাদেরকে ঢেকে ফেলল এবং তাদের দেব-দেবী এবং এতগুলো বহনকারী হিমইয়ারী লোকজন সবাইকে গ্রাস করে ফেলল। ধর্ম্যাজক দু'জন গলায় কিতাবসহ স্বাভাবিকভাবে বেরিয়ে আসলেন। তাদের কপালে ঘাম দেখা দিয়েছিল। আগুন তাদের কোন ক্ষতি করলো না, তখন হিমইয়ারী দৃঢ়ভাবে যাজকদ্বয়ের ধর্ম গ্রহণ করল। তখন থেকে ইয়ামানে ইহুদী ধর্মের সূচনা হয়।

ইব্ন ইসহাক বলেন, জনৈক শাস্ত্রবিশারদ আমাকে বলেছেন যে, যাজকদ্বয় এবং হিমইয়ারীগণ আগুনকে তার উৎসস্থলে ফিরিয়ে দেয়ার জন্যে আগুনের পেছনে-পেছনে ছুটলেন। তারা বলেছিলেন যে, যে পক্ষ আগুনকে ফিরিয়ে দিতে পারবে সে পক্ষই সত্যপন্থী। হিমইয়াবর লোকজন তাদের প্রতিমাসমূহ নিয়ে আগুনের নিকট এগিয়ে গেল তাদেরকে গ্রাস করার জন্য। আগুন তাদের নিকট এগিয়ে এল তারা পালিয়ে যেতে চাইল। আগুনকে ফিরিয়ে দিতে পারল না। অতঃপর যাজকদ্বয় আগুনের নিকটবর্তী হলেন। তাঁরা অবিরাম তাওরাত পাঠ করছিলেন আর আগুন ত্রুমে ত্রুমে তাদের থেকে দূরে সরে যাচ্ছিল। শেষ পর্যন্ত আগুন যেখান থেকে উঠে এসেছিল তারা তাকে সেখানেই ফিরিয়ে দিলেন। তখন হিমইয়ারীগণ তাদের ধর্মে আস্তাশীল হল। আল্লাহই তাল জানেন।

ইব্ন ইসহাক বলেন, রাছাম নামে তাদের একটি উপাসনালয় ছিল। তারা সেটিকে ভক্তি করত। সেখানে পশু কোরবানী করতো ঐ গৃহের মধ্যে কথাবার্তা বলত। তখন তারা মুশরিক ছিল। যাজকদ্বয় তুর্কাকে বললেন, শয়তান এটি দ্বারা তাদেরকে বিপথে পরিচালিত করছে। আমাদেরকে অনুমতি দিন আমরা একটু দেখি। তুর্কা বললেন, আপনারা যা ইচ্ছা করুন। ইয়ামানবাসীদের ধারণা, তারা ঐ গৃহ থেকে একটি কালো কুরুর বের করে আনে এবং সেটি জবাই

করে দেয়। তারপর উক্ত ঘর ভেঙে ফেলে। আমার জানা মতে, ঐ গৃহের পাশে বলিদানের রক্ত চিহ্ন তখনও তার স্মৃতি বহন করছে।

نَبِيُّ كَرْمَ (سা) থেকে বর্ণিতঃ - لَا تَسْبُوْ تَبْعَاْ فَإِنَّهُ قَدْ كَانَ أَسْلَمْ - তোমরা তুর্বাকে গালি দিও না, কারণ তিনি ইসলাম গ্রহণ করেছিলেন। এ তাফসীরগুলো এ হাদীসটির ব্যাখ্যায় আমরা উল্লেখ করেছি যে, সুহায়লী বলেছেন, বর্ণনাকারী মা'মার হামাম ইবন মুনাবিহ থেকে এবং তিনি হ্যরত আবু হুরায়রা (রা) থেকে বর্ণনা করেছেন যে, রাসূলুল্লাহ (সা) বলেছেন :

لَا تَسْبُوْ أَسْعَدَ الْعَمِيرِيَّ فَإِنَّهُ أَوَّلُ مَنْ كَسَى الْكَعْبَةَ

তোমরা আসআদ হিমইয়ারীকে গালি দিও না। কারণ, তিনি সর্বপ্রথম কা'বা শরীফে গিলাফ চড়ান।

সুহায়লী বলেন, যাজকম্বয় যখন তুর্বাকে রাসূলুল্লাহ (সা) সম্পর্কে অবহিত করলেন, তখন তিনি কবিতার ছন্দে বলেন :

شَهِدْتُ عَلَى أَحْمَدَ أَنَّهُ رَسُولٌ مِّنَ اللَّهِ بَارِي النَّسَمَ

সাক্ষ্য দিচ্ছি আমি আসআদ-সৃষ্টিকর্তার রাসূল আহমদ (সা)

فَلَوْمِدِ عَمْرِي إِلَى عُمْرِهِ - كُنْتُ وَزِيرًا لَّهُ وَابْنَ عَمِ

ততদিন যদি বেঁচে থাকতাম, তাঁর উজীর ও সাথী হতাম।

وَجَاهَدْتُ بِالسَّيْفِ أَعْدَاءَهُ وَفَرَجْتُ عَنْ صَدَرِهِ كُلَّ هَمِ

তুরবারী দিয়ে শায়েস্তা করতাম, যতই হতো শক্ত তার

দূর করতাম দুঃখ যত জন্ম নিত বক্ষে তাঁর।

বর্ণনাকারী বলেন, বংশানুক্রমে এ কবিতা আনসারদের মধ্যে সুরক্ষিত ছিল। তারা যত্ন সহকারে এটি সংরক্ষণ করতেন। সর্বশেষ প্রথ্যাত সাহাবী হ্যরত আবু আইয়ুব আনসারী (রা)-এর নিকট এটি সংরক্ষিত ছিল।

সুহায়লী বলেন, ইবন আবিদ দুনিয়া তাঁর কিতাবুল কুবুরে উল্লেখ করেছেন যে, সানা'আ অঞ্চলে একটি কবর খননের পর তাতে দু'জন মহিলার লাশ পাওয়া যায়। তাদের সাথে ছিল একখণ্ড রৌপ্যলিপি। তাতে স্বর্ণক্ষরে লিখিত ছিল এ হল তুর্বার দুই কন্যা লামীস ও হিবার কবর। তারা সাক্ষ্য দিত যে, আল্লাহ ব্যতীত অন্য কোন ইলাহ নেই, তিনি একক তাঁর কোন শরীক নেই, এ বিশ্বাস সহকারে তাদের মৃত্যু হয়েছে। তাদের পূর্ববর্তী নেককার লোকগণ এ বিশ্বাস নিয়ে মৃত্যুবরণ করেছেন।

অতঃপর রাজত্ব এল তুর্বান আসআদের পুত্র হাস্সানের হাতে। তিনি ছিলেন ইয়ামামা-ই যুরাকা-এর ভাই। জাও নগরীর প্রবেশ পথে ইয়ামামাকে শূলিতে চড়ানো হয়েছিল। সেদিন থেকে শহরটির নাম পড়ে যায় আল-ইয়ামামা।

ইব্ন ইসহাক বলেন, আবু কুরাব তুব্বান আসআদের পুত্র হাসসান সিংহাসনে বসে ইয়ামানের অধিবাসীদেরকে নিয়ে আরব ও অনারব ভূমি ভ্রমণের উদ্দেশ্যে যাত্রা করেন। ইরাক পৌছে হিমইয়ার ও ইয়ামানের কতক গোত্র তাঁর সাথে যেতে অসম্মতি জানায়। তারা স্বদেশে নিজেদের পরিবারের নিকট ফিরে যেতে চাইল। আমর নামে তার এক ভাইয়ের নিকট তারা নিজেদের ইচ্ছা জানাল। সে কাফেলার সাথে ছিল। তারা আমরকে বলল, আপনি আপনার ভাই হাস্সানকে হত্যা করুন তাহলে আমরা আপনাকে রাজা বানাব। আপনি আমাদেরকে নিয়ে স্বদেশে ফিরে যাবেন। সে তাদের আহবানে সাড়া দিল। যু-রুত্তাইন জনৈক হিমইয়ারী ছাড়া তারা সবাই এ ষড়যন্ত্রে একমত হল। সে যু-রুত্তাইন আমরকে অপকর্মে বাধা দিয়েছিল সে তা শোনেনি। তখন সে আমরের উদ্দেশ্যে একটি চিরকুট লিখল। তাতে নিম্নোক্ত পংক্তি দুটো লিখিত ছিল।

اَلَّا مِنْ يَسْتَرِيْ سَهْرًا بَنُوْمٍ - سَعِيدٌ مَنْ يَبْيِتْ قَرِيرَ عَيْنِ.

নিদ্রা দিয়ে বিনিদ্রা কিনে কোনজন; ভাগ্যবান সেইজন- প্রশান্ত রঞ্জনী যে করে যাপন।

فَامَّا حِمَرٌ غَدَرْتُ وَخَانَتْ - فَمَعْذِرَةُ الْاَلَّهِ لِذِي رُعَيْنِ.

করেছে হিমইয়ারী গোত্র বিশ্বাসভঙ্গ ও গান্দারী

প্রকাশ করে যু-রুত্তাইন তার ব্যক্তিগত বেজারী।

তারপর চিরকুটটি সে আমরের নিকট জমা রাখল। আপন ভাই হাস্সানকে হত্যা করে আমর দেশে ফেরার পর থেকে তার আর ঘূম হয় না। রাতের পর রাত সে বিনিদ্র রঞ্জনী যাপন করতে থাকে। ডাক্তার, কবিরাজ, জ্যোতিষী-গণক এবং রেখাবিশেষজ্ঞদের নিকট সে এর কারণ জানতে চাইল। তাকে বলা হল যে, আল্লাহর কসম, কেউ যদি তার ভাই কিংবা কোন ঘনিষ্ঠ আত্মীয়কে অন্যায়ভাবে হত্যা করে, তবে তার ঘূম হারাম হয়ে যায় এবং অনিদ্রা তার নিত্য সাধী হয়। যারা আমরকে আত্ম হত্যায় ইঙ্গিয়েছিল, এবার সে একে একে তাদেরকে হত্যা করতে শুরু করলো। যু-রুত্তাইনের পালা আসলে সে বলল, আপনাকে আমি যে চিরকুটটি দিয়েছিলাম তা। সে চিরকুটটি বের করল। খুলে দেখল তাতে উক্ত পংক্তি লিখিত রয়েছে। তখন সে যু-রুত্তাইনকে মুক্তি দিল এবং আমর উপলক্ষ করতে পারল যে, যু-রুত্তাইন তাকে যথার্থ উপদেশ দিয়েছিল। অবশেষে আমরের মৃত্যু হয় এবং হিমইয়ারীদের মধ্যে অনেক্যু<sup>১</sup>, বিশ্বখ্লা ও বিপর্যয় সৃষ্টি হয়ে তারা পরম্পর বিচ্ছিন্ন হয়ে পড়ে।

### লাখনীজা'হ যুশানাতির-এর ইয়ামান আক্রমণ

উপরোক্ত রাজা ২৭ বছর সেখানে রাজত্ব করেন। ইব্ন ইসহাক বলেন, এরপর হিমইয়ার গোত্রের এক ব্যক্তি ইয়ামানীদের উপর আক্রমণ চালায়। সে মূলত রাজবংশীয় ছিলেন তার নাম ছিল লাখনী আ'হ ইয়ানফয় শানাতির। ইয়ামানের সন্ত্রান্ত লোকদেরকে সে হত্যা করে এবং রাজ পরিবারের অন্তঃপুরবাসীদেরকে নিয়ে রস কৌতুক করে। তার সাথে ছিল একজন অসৎ লোক।

সে ছিল লৃত সম্পদায়ের অপকর্ম সমকামিতায় অভ্যন্ত। সে রাজ পরিবারের অপ্রাপ্তবয়স্ক বালকদেরকে তুলে আনতে নির্দেশ দিত। পরে ঐ ছেলেকে নিয়ে ঘৃণিত সমকামিতা সম্পদনের জন্যে নির্মিত একটি কক্ষে গিয়ে তার অসদুদ্দেশ্য চরিতার্থ করত। যাতে রাজ পরিবারের কেউ পরবর্তীতে রাজা হতে না পারে। অপকর্ম শেষে নিজের মুখে একটি দাঁতন গুঁজে দিয়ে সে তার প্রহরী ও উপস্থিত সৈন্যদের দিকে তাকিয়ে দেখত, তখন তারা বুঝে নিত যে, সে তার অপকর্ম শেষ করেছে। শেষ পর্যন্ত সে লোক পাঠায় হাস্সানের ভাই যুর'আ যু-নুওয়াস ইব্ন তুর্কান আস'আদকে ধরে নিতে। তার ভাই হাস্সান যখন নিহত হয় তখন সে ছিল ছোট শিশু পরবর্তীতে সে সুদৰ্শন, রূপবান ও ব্যক্তিত্ব সম্মত যুবক হিসেবে বেড়ে উঠে। পাপাচারী লোকটির প্রতিনিধিকে দেখে সে ঐ ব্যক্তির কুমতলব আঁচ করতে পারে। সে তখন পাতলা, নতুন ও সুতীক্ষ্ণ একটি ছুরি তার দু'পায়ের মাঝখানে জুতোর ভেতর লুকিয়ে রাখে এবং পাপাচারীর নিকট উপস্থিত হয়। এক সময় উভয়ে নির্জন কক্ষে পৌঁছায় পর সে যুনুওয়াসকে সাপটে ধরে। সাথে সাথে যু-নুওয়াস তার লুকিয়ে রাখা ছুরি নিয়ে তার উপর ঝাপিয়ে পড়ে এবং আঘাতে আঘাতে তাকে হত্যা করে। তারপর তার মাথা কেটে নিয়ে সেই বাতায়নে রাখে যেখান দিয়ে সে বাহিরে তাকাত। তার মুখের মধ্যে গুঁজে দেয় তার দাঁতন। অতঃপর লোকজনের নিকট বেরিয়ে আসে।

লোকজন বলল, হে যু-নুওয়াস, ব্যাপার কি? তাজা না শুকনো; সে বলে ওকে জিজেস কর, কোন অসুবিধা নেই। তখন তারা ঐ বাতায়নের দিকে তাকায়; তারা লাখনী আহ এর কর্তিত মুণ্ড দেখতে পায়। এরপর যু-নুওয়াসের খোজে তারা বের হয়। শেষে তারা তাকে খুঁজে পায়। যু-নুওয়াসকে তার বলে আপনিই আমাদের রাজা হওয়ার উপযুক্ত ব্যক্তি। আপনিই সক্ষম হয়েছেন আমাদেরকে এই ঘৃণ্য ব্যক্তি কবল থেকে উদ্বার করতে।

অতঃপর যু-নুওয়াস তাদের রাজা হন। হিমাইয়ারীদের সকল লোক এবং ইয়ামানী সকল গোত্র তার নেতৃত্ব মেনে নেয়। সে সর্বশেষ হিমাইয়ারী রাজা। তাকে ইউসুফ নামে অভিহিত করা হয়। দীর্ঘকাল তিনি ওখানে রাজত্ব করেন। হযরত ইসা (আ)-এর দীন অনুসারী আসমানী কিতাব ইঞ্জিল আমলকারী করতে লোক তখন নাজরানে বসবাস করছিল। তাদের জনেক ধর্মগুরু ছিল। তার নাম আব্দুল্লাহ ইব্ন ছামুর।

অতঃপর ইব্ন ইসহাক (র) নাজরানবাসীগণ কিভাবে খ্রিস্ট ধর্ম গ্রহণ করল, তার বর্ণনা দেন। তারা “ফাইমিউন” নামের জনেক খৃষ্ট ধর্মাবলম্বী লোকের হাতে খ্রিস্ট ধর্ম গ্রহণ করে। তিনি একজন নিষ্ঠাবান ইবাদতকারী লোক ছিলেন। সিরিয়ার কোন এক এলাকায় ছিল তার আস্তানা। তার দোয়া নিশ্চিতভাবে কবৃল হত। সালিহ নামে এক লোক তার সাথী হয়। রবিবারে দু'জনে ইবাদতে মশগুল থাকতেন। সন্তাহের অবশিষ্ট দিনগুলোতে ফাইমিউন নিজ ঘরের মধ্যে আমল করতেন। রোগী ও বিপদগ্রস্ত লোকদের জন্যে তিনি দোয়া করতেন। তার দোয়ার বরকতে সংশ্লিষ্ট ব্যক্তিবর্গ সুস্থ ও বিপদ মুক্ত হত।

একদিন এক বেদুইন তাদের দু'জনকে বন্দী করে নিয়ে যায় এবং নাজরান প্রদেশে নিয়ে তাদেরকে বিক্রি করে দেয়। যে ব্যক্তি ফাইমিউনকে খরিদ করেছিল সে লক্ষ্য করে যে,

ফাইমিউন যে ঘরে নামায আদায় করে তার রাত্রিকালীন নামাযের সময় সমগ্র ঘর জ্যোতিতে জ্যোতির্ময় হয়ে উঠে। এতে সে অবাক হয়। সে যুগে নাজরানের লোকজন একটি সুদীর্ঘ খেজুর গাছের পূজা করত। মহিলাদের গহনা-পত্র এনে তারা ঐ গাছে ঝুলিয়ে দিত এবং ওখানে অবস্থান করতো।

একদিন ফাইমিউন তার মালিককে বলেন, আমি যদি আল্লাহ্ তা'আলার দরবারে এই গাছটি ধৰ্ষসের জন্যে দোয়া করি এবং এটি ধৰ্ষস হয়ে যায় তাহলে কি আপনারা একথা মেনে নিবেন যে, আপনারা যে মতবাদ পোষণ করেন তা বাতিল? মালিক বলল, অবশ্যই আমরা তা মেনে নিব।

অতঃপর সে নাজরানবাসীদেরকে ফাইমিউনের নিকট একত্রিত করে। ফাইমিউন নামাযে দাঁড়ান এবং খেজুর বৃক্ষ ধৰ্ষসের জন্যে আল্লাহ্ র নিকট দোয়া করেন। আল্লাহ্ তা'আলা প্রচণ্ড ঝাড় প্রেরণ করেন। প্রচণ্ড ঝাঙ্গা এসে গাছটি উপড়ে ফেলে দেয়। এই প্রেক্ষিতে নাজরানের অধিবাসীগণ খ্রিষ্টধর্মে দীক্ষিত হয় এবং তিনি তাদেরকে আসমানী কিতাব ইনজীল ভিত্তিক শরীয়ত পালনে উৎসাহিত করেন। এভাবেই তারা খ্রিষ্টধর্ম পালন করে আসছিল। অবশেষে বিশ্বব্যাপী খ্রিষ্ট ধর্মে যে আন্যাচার প্রবেশ করে তাদের ক্ষেত্রেও তা-ই হয়। উপরোক্ত প্রেক্ষাপটেই আরব অঞ্চল নাজরানে খ্রিষ্ট ধর্মের সুত্রপাত হয়।

এরপর ইব্ন ইসহাক (র) ফাইমিউনের হাতে আব্দুল্লাহ ইব্ন ছামুরের খ্রিষ্টধর্ম গ্রহণ এবং ফাইমিউন ও তার অনুসারীদেরকে অগ্নিকূপে নিষ্কেপ করে রাজা যু-নুওয়াস কিভাবে হত্যা করে এসব বিবরণ উল্লেখ করেছেন।

ইব্ন হিশাম বলেন, ওদের জন্যে যে অগ্নিকূপ খনন করা হয়েছিল সেটি ছিল আয়তকার গর্তের ন্যায়। ঐ গর্তে আগুন জুলানো হয়েছিল এবং ওদেরকে ঐ আগুনে পুড়িয়ে মারা হয়। অবশিষ্ট লোকদেরকে হত্যা করা হয়। তখন প্রায় বিশ হাজার মানুষকে হত্যা করা হয়েছিল। ইসরাইলীদের ঘটনা প্রসংগে আমরা তা উল্লেখ করেছি। আমাদের তাফসীর ঘষ্টে সূরা বুরঞ্জেও তার বিস্তারিত বিবরণ রয়েছে। সকল প্রশংসা আল্লাহ্।

## ইয়ামানের রাজত্ব হিময়ার গোত্র থেকে সুদানী হাবশীদের করলে আসা প্রসঙ্গ

পূর্বোল্লেখিত দুই জ্যোতিষী শাক এবং সাতীহ যেমন বলেছিলেন তা-ই ঘটলো। বস্তুত যু-নুওয়াসের আক্রমণে সকল নাজরানবাসী ধৰ্ষস হয়ে গিয়েছিল। মাত্র একজন লোক প্রাণে বেঁচেছিল। তার নাম দাওস যুচালাবান। সে ছিল ঘোড়সওয়ার বালুকাময় রাস্তায় ঘোড়া ছুটিয়ে সে পালিয়ে যায়। শক্রগণ তাকে ধরতে ব্যর্থ হয়। সে ছুটতে ছুটতে রোমান সম্রাট কায়সারের দরবারে গিয়ে উপস্থিত হয়। যু-নুওয়াস ও তার সৈন্যদের বিরুদ্ধে সে তার কাছে সাহায্য কামনা করে এবং তাদের অত্যাচার নির্যাতনের বিবরণ প্রদান করে।

কায়সার ছিলেন তাদের মতই খ্রিষ্ট ধর্মাবলম্বী তিনি বললেন, আমার এখান থেকে তোমার দেশ তো অনেক দূরে। আচ্ছা, ঠিক আছে, আমি আবিসিনিয়ার রাজাকে তোমাকে সাহায্য করার

জন্যে লিখে দিচ্ছি। সেও খ্রিষ্ট ধর্মাবলম্বী এবং তার রাজ্য তোমার রাজ্যের কাছাকাছি। অতঃপর তিনি আবিসিনীয় রাজাকে দাওসকে সাহায্য করতে যু-নুওয়াসের অত্যাচারের প্রতিশোধ নিতে নির্দেশ দিলেন। রোমান সম্রাটের পত্র নিয়ে নাজাসীর নিকট উপস্থিত হলো। তিনি তাকে সাহায্য করার জন্যে ৭০,০০০ হাবশী সৈন্য প্রেরণ করলেন এবং আরয়াত নামের এক ব্যক্তিকে সেনাধ্যক্ষ নিযুক্ত করলেন। সেনাপতি সৈন্যদলের মধ্যে আবরাহা আশরামও ছিল। সেনাপতি আরয়াত তার সেনাবাহিনী নিয়ে সমুদ্র পাড়ি দিয়ে ইয়ামানের সমুদ্রতীরে ঘাঁটি স্থাপন করে। দাওস তার সাথেই ছিল। ওদিক থেকে হিমায়ারী লোকজন ও ইয়ামানের অনুগত গোত্রগুলো নিয়ে মুকাবিলা করার জন্যে এগিয়ে আসে অত্যাচারী রাজা যু-নুওয়াস। উভয় পক্ষে প্রচণ্ড যুদ্ধ হয়। অবশেষে যু-নুওয়াস ও তার সৈন্যগণ পরাজিত হয়।

হ্রপক্ষীয় সৈন্যদের এ শোচনীয় পরিণতি দেখে যু-নুওয়াস সমুদ্রের দিকে তার ঘোড়া হাঁকায় এবং ঘোড়াকে চাবুকাঘাত করে তীব্র গতিতে এসে সমুদ্রে ঝাঁপ দেয়। সমুদ্রের খর স্রোত তাকে তলদেশে ডুবিয়ে দেয় এবং শেষ পর্যন্ত এভাবে তার মৃত্যু হয়। সেনাপতি আরয়াত বিজয়ীবেশে ইয়ামান প্রবেশ করে এবং রাজত্বের অধিকারী হয়। ধৰ্মসাময়িককালে, সংঘটিত এসব আশ্চর্যজনক ঘটনা সম্পর্কে রচিত আরবদের কতক কবিতা ইব্ন ইসহাক এ প্রসংগে উল্লেখ করেছেন। এগুলো যেমন বিশুদ্ধ ও অলংকার সমৃদ্ধ, তেমনি শৃঙ্গিমধুর। আলোচনা দীর্ঘ হয়ে যাবে এবং পাঠকগণ বিরক্তি বোধ করবেন এ আশংকায় আমরা সেগুলো উল্লেখ থেকে বিরত রইলাম।

### আরয়াতের বিরুদ্ধে আবরাহা আশরামের বিদ্রোহ

ইব্ন ইসহাক বলেন, আরয়াত বেশ কয়েক বছর ইয়ামানে একচ্ছত্রভাবে রাজত্ব করে। তারপর তার অধীনস্থ সৈনিক আবরাহা তার বিরুদ্ধে বিদ্রোহ করে। হাবশী সৈনিকগণ অতঃপর দু'ভাগে বিভক্ত হয়ে পড়ে। একদল আবরাহার পেছনে এবং অপর দল আরিয়াতের পেছনে সমবেত হয়। উভয় পক্ষ যুদ্ধের জন্যে অগ্রসর হয়। উভয় দল যখন প্রায় মুখোমুখি তখন আবরাহা এই বলে আরয়াতকে চিঠি লিখে যে, হাবশীদের এক দলকে অপর দলের বিরুদ্ধে লেলিয়ে দিয়ে এবং যুদ্ধ বাধিয়ে দিয়ে ক্রমাগতে তাদেরকে ধ্রংস করে দেয়া আপনার জন্যে সমীচীন নয়। বরং এক কাজ করুন। আমরা দু'জনে দ্বন্দ্যমুদ্রে অবতীর্ণ হই। আমাদের মধ্যে যে জয়ী হবে হাবশী সৈন্যরা তার প্রতি আনুগত্য প্রকাশ করবে। উভরে আরয়াত বলে যে, তুমি সঙ্গত কথাই বলেছ। এরপর আবরাহা যুদ্ধের ময়দানে বেরিয়ে আসে। সে ছিল একজন খাটো হষ্টপুষ্ট ও খ্রিষ্ট ধর্মানুসারী ব্যক্তি। তার বিরুদ্ধে বেরিয়ে এল আরয়াত। সে ছিল সুদৰ্শন, দীর্ঘাসীন ও মোটা মানুষ। তার হাতে ছিল একটি বর্ণা। আবরাহার পেছনে আতুদা নামে এক যুবক ছিল সে আবরাহার পেছনে দিক পাহারী দিত। আরয়াত তার বর্ণা নিষ্কেপ করে আবরাহার মাথার খুলি লক্ষ্য করে। সেটি গিয়ে পড়ে তার কপালে। কেটে কেটে ক্ষত-বিক্ষত হয় তার ঝঁ, চোখ, নাক ও ঠোঁট। এজন্যেই তার আবরাহা আশরাম তথা ঠোঁট কাটা আবরাহা নাম পড়ে যায়।

আবরাহার পশ্চাত দিক থেকে তার প্রহরী আতুদা আরয়াতের উপর আক্রমণ চালায় এবং তাকে হত্যা করে। ফলে আরয়াতের অনুগামী সৈন্যরা আবরাহার দলে যোগ দেয়। ইয়ামানে

সকল হাবশী সৈন্য আবরাহার নেতৃত্বে ঐক্যবদ্ধ হয় এবং আবরাহা আরয়াতের স্থলাভিষিঞ্চ হয়। আবিসিনিয়ার রাজা নাজাশীর দরবারে এই সংবাদ পৌছে। তিনি আবরাহার উপর ভীষণ ক্ষুদ্র হয়। তিনি বলেন, “সে আমার নিযুক্ত সেনাপতির বিরুদ্ধে বিদ্রোহ করেছে এবং আমার অনুমতি ব্যক্তিত তাকে হত্যা করেছে! তিনি শপথ করলেন যে, আবরাহার রাজা পদানত না করে এবং তার মাথা ন্যাড়া না করে তাকে ছাড়বেন না। নাজাশীর এই ক্রুদ্ধ মন্তব্য ও শপথের সংবাদ পৌছে যায় আবরাহার নিকট। সে নিজে তার মাথা ন্যাড়া করে ফেলে এবং এক থলে ভর্তি ইয়ামানের মাটি নেয়। তারপর তা নাজাশীর নিকট প্রেরণ করে। সাথে এ মর্মে চিঠি লিখে যে, মহারাজ! সেনাপতি আরয়াত আপনার আজ্ঞাবহ ছিল। আমিও আপনার আজ্ঞাবহ। আপনার নির্দেশ পালন করতে গিয়ে আমাদের মধ্যে মতবিরোধ সৃষ্টি হয়। উভয়ের কর্ম তৎপরতা ছিল আপনার প্রতি আনুগত্য নির্ভর। তবে এখানকার হাবশীদের নেতৃত্বের জন্যে আমি তার চেয়ে অধিকতর শক্তিশালী উপযুক্ত ও দক্ষ।

মহারাজের শপথের কথা শুনে আমি নিজে আমার মাথা ন্যাড়া করে ফেলেছি এবং আমার রাজ্যের এক থলে মাটি রাজদরবারে প্রেরণ করেছি, যাতে তা আপনার পদতলে রাখতে পারেন। তাহলে আমার সমস্কে মহারাজ যে শপথ করেছেন সে শপথ পূর্ণ হবে।

প্রত্যটি পেয়ে নাজাশী আবরাহার প্রতি সন্তুষ্ট হন। তিনি তার নিকট লিখে পাঠান যে, আমার পরবর্তী নির্দেশ আসা পর্যন্ত তুমি ইয়ামান রাজ্যে রাজত্ব করে যাও। এভাবে আবরাহা ইয়ামানের শাসন ক্ষমতার অধিষ্ঠিত হয়।

### কা'বা ধর্মের উদ্দেশ্যে মুকায় আবরাহার হাতি বাহিনী প্রেরণ

আল্লাহ তা'আলা বলেন :

الْمَ تَرَكِيفَ فَعَلَ رَيْكَ بِا صَنْبَرِ الْفِيلِ الْمَ يَجْعَلُ كَيْدَهُمْ فِي تَضْلِيلٍ.  
وَأَرْسَلَ عَلَيْهِمْ طَيْرًا أَبَابِيلٍ. تَرْمِيْهِمْ بِحِجَارَةٍ مِّنْ سِجِّيلٍ. فَجَعَلَهُمْ  
كَعَصْفٍ مَّا كُوْلٍ.

“তুমি কি দেখনি, তোমার প্রতিপালক হাতিওয়ালাদের প্রতি কী করেছিলেন? তিনি কি ওদের কৌশল ব্যর্থ করে দেননি? ওদের বিরুদ্ধে তিনি ঝাঁকে ঝাঁকে পাখি প্রেরণ করেন। সেগুলো ওদের উপর পাথুরে কংকর নিক্ষেপ করে। অতঃপর তিনি ওদেরকে ভক্ষিত খড়ের মত করেন।”

কথিত আছে যে, যাহ্বাকের হত্যাকারী আফরীদুন ইব্ন আচ্ছিয়ান সর্বপ্রথম হাতিকে পোষ মানিয়েছিলেন। তাবারী (র) এরূপ বলেছেন। ঘোড়ার পিঠে জীনও তিনিই প্রবর্তন করেন। অবশ্য সর্বপ্রথম সে ব্যক্তি ঘোড়াকে পোষ মানায় এবং ঘোড়ার পিঠে সওয়ার হয় সে হল ফাতহা মূরছ। তিনি গোটা পৃথিবীতে রাজত্বকারী তৃতীয় সম্রাট। কারো কারো মতে, যে সর্বপ্রথম ঘোড়ার পিঠে আরোহণ করেন হ্যরত ইবরাহীম (আ)-এর পুত্র ইসমাইল (আ)। এর ব্যাখ্যা এমনও হতে পারে যে, আরবদের মধ্যে সর্বপ্রথম ঘোড়ার পিঠে আরোহণকারী ছিলেন। হ্যরত ইসমাইল (আ)। আল্লাহই তাল জানেন।

কথিত আছে যে, হাতি বিশাল দেহী জতু হওয়া সত্ত্বেও বিড়াল দেখে ভড়কে যায়। ভারতীয়দের বিরুদ্ধে যুদ্ধের কৌশল হিসেবে কতক সেনাপতি যুদ্ধের ময়দানে বিড়াল উপস্থিত করেন। প্রচণ্ড যুদ্ধের সময় বিড়াল দেয়া হলে সেগুলোর ভয়ে হাতি বাহিনী ময়দান ছেড়ে পালিয়ে যায়।

ইবন ইসহাক (র) বলেন, অতঃপর আবরাহা সানআ নগরীতে কুলায়স নামে একটি গীর্জা নির্মাণ করে। ঐ যুগে এমন উন্নতমানের প্রাসাদ দ্বিতীয়টি ছিল না। সে নাজাশীর নিকট এ মর্মে পত্র লিখে যে, আপনার জন্যে আমি একটি গীর্জা নির্মাণ করেছি। আপনার পূর্বে কোন রাজার জন্যে এমন প্রাসাদ নির্মিত হয়নি। আরবদের হজ্জ এখানে স্থানান্তরিত না করা পর্যন্ত আমি ক্ষণ্ট হব না।

সুহায়লী বলেন, এই ঘৃণ্য উপাসনালয় নির্মাণ করাতে গিয়ে আবরাহা ইয়ামানের অধিবাসীদেরকে বিভিন্নভাবে লাঞ্ছিত করেছে। কেউ সূর্যে দয়ের পূর্ব থেকে কাজ শুরু না করলে সে তার হাত কেটে ফেলত; বিলকীসের শাহী প্রাসাদ থেকে শ্বেত পাথর, মর্মর ও অন্যান্য অমূল্য রত্নাবলী খুলে এনে ঐ গীর্জায় সংযোজন করে। তার মিষ্ঠার ছিল গজদণ্ড ও আবলুস কাটে তৈরী। এর ছাদ ছিল অনেক উঁচু আয়তন, বিশাল বিস্তৃত।

আবরাহা ধৰ্মস হয়ে যাওয়ার পর হাবশীগণ ছাড়িয়ে ছিন্ন বিচ্ছিন্ন হয়ে পড়ে। এরপর কোন ব্যক্তি ঐ গীর্জার আসবাব পত্র কিংবা ঘর দরজা খুলে নিতে চাইলে সে জিনদের আক্রমণের শিকার হত। কারণ ঐ গীর্জা নির্মিত হয়েছিল দু'টো প্রতিমার নামে। প্রতিমাণ দুটি ছিল আয়ার ও তার স্ত্রীর। এ দুটো প্রতিমার প্রত্যেকটির উচ্চতা ছিল ৬০ গজ করে। অতঃপর ইয়ামানবাসিগণ গীর্জাটিকে ঐ অবস্থায় রেখে দেয়। প্রথম আববাসী খলীফা সাফ্ফাহ- এর সময় পর্যন্ত সেটি ঐ অবস্থায়ই ছিল। সাফ্ফাহ একদল সাহসী, বুদ্ধিমান ও জ্ঞানী শুণী লোক পাঠালেন। তারা একে একে সকল পাথর খুলে নিয়ে সেটি ভেঙ্গে ফেলেন। অতঃপর ‘তা’ নিষিদ্ধ হয়ে যায়।

ইবন ইসহাক (র) বলেন, নাজাশীর প্রতি প্রেরিত আবরাহার পত্র সম্পর্কে আরবদের মধ্যে আলোচনা-সমালোচনা শুরু হয়। কিনানা গোত্রের জনৈক লোক একথা শুনে ভীষণভাবে ক্ষেপে যায়। যারা যুদ্ধ নিষিদ্ধ মাসগুলোকে যুদ্ধ সিদ্ধ মাসের দিকে ঠেলে দিতে এসেছিল, সে ঐ দলভুক্ত। (إِنَّمَا النَّسْئُ زِيَادَةٌ فِي الْكُفْرِ) এই যে, মাসকে পিছিয়ে দেয়া কেবল কুফরীই বৃদ্ধি করে। (৯ তওরা ৩৭) উক্ত আয়াতের ব্যাখ্যায় আমরা এ বিষয়ে আলোচনা করেছি। ইবন ইসহাক (র) বলেন, অতঃপর কিনান বংশীয় লোকটি পথে বের হয়। সে এসে পৌঁছে উপরোক্ত কুলায়স গীর্জায়। যে সকলের আগোচরে গীর্জার ভেতরে মলত্যাগ করে। এরপর বের হয়ে সে নিজ দেশে ফিরে আসে। এ সংবাদ আবরাহার কানে পৌঁছে। কে এই অঘটন ঘটিয়েছে সে জানতে চায়। তাকে জানানো হয় যে, মুক্তায় অবস্থিত কা'বা গৃহের যারা হজ্জ করে তাদের একজন এ কর্মটি করেছে। আপনি আরবদের হজ্জকে ঐ ঘর থেকে ফিরিয়ে এ ঘরের দিকে আনবেন শুনে সে রেগে এমনটি করেছে। সে বুঝতে পেরেছে যে, এ ঘটটি হজ্জ করার উপযুক্ত নয়।

এ কথা শুনে আবরাহা ক্রোধে ফেটে পড়ে। সে শপথ করে, মক্কা গিয়ে কা'বা গৃহ ধ্বংস করবেই। সে হাবশীদেরকে মক্কা গমনে প্রস্তুতির নির্দেশ দেয়। হাতি বাহিনীসহ সে সদল বলে মক্কা অভিযুক্তে রওয়ানা করে। আরবগণ তার অঞ্চলিয়ান সম্পর্কে অবগত হয়। তারা এটিকে ভয়ানক বিপদ মনে করে এবং তাতে বিচলিত হয়ে পড়ে। আল্লাহর সম্মানিত ঘর কা'বা শরীফ ধ্বংসের কথা শুনে তারা আবরাহার বিরুদ্ধে জিহাদ করা অনিবার্য জ্ঞান করে।

ইতিমধ্যে ইয়ামানবাসী রাজবংশীয় ও সন্ত্রাস্ত একলোক মক্কায় আগমন করে। তার নাম ছিল যুনুর। সে তার সম্প্রদায় ও আরবদেরকে আবরাহার বিরুদ্ধে জিহাদে অংশ গ্রহণের আহবান জানায়। কারণ সে আল্লাহর ঘর ধ্বংসের উদ্দেশ্যে যাত্রা করেছে। যারা সাড়া দেবার তারা তাঁর তাকে সাড়া দেয়। তারা আবরাহায় সম্মুখে প্রতিরোধ সৃষ্টি করে এবং যুদ্ধ চালিয়ে যায়। যু-নফর ও তার সাথীগণ পরাজিত হয়। বন্দী অবস্থায় যু-নফরকে নেয়া হয় আবরাহার নিকট। আবরাহা যখন তাকে হত্যা করতে উদ্যত হয় তখন সে বলে, “মহারাজ! আমাকে হত্যা করবেন না। আমাকে হত্যা করার চেয়ে আমাকে জীবিত রাখা হ্যারত আপনার জন্যে। অধিক কল্যাণকর হবে। ফলে সে হত্যা থেকে রেহাই পায় এবং কারাকন্দ থাকে। আবরাহা ছিল অত্যন্ত ধৈর্যশীল লোক। অতঃপর সে তার উদ্দেশ্য সাধনের লক্ষ্যে সম্মুখে অগ্রসর হয়। খাছ’আম এলাকায় পৌঁছে সে বাধাপ্রাপ্ত হয়। শাহরান ও নাহিস গোত্রদ্বয় এবং অনুগামী আরবদেরকে নিয়ে তার নুফারল ইব্ন হাবীব খাছআ’মী তার গতিরোধ করে। সেখানে যুদ্ধ হয়। আবরাহা তাকে পরাজিত করে। বন্দী অবস্থায় তাকে আবরাহার নিকট নিয়ে আসা হয়। আবরাহা যখন তাকে হত্যা করতে উদ্যত হয় তখন সে বলে, ‘মহারাজ! আমাকে হত্যা করবেন না। আমি আপনাকে আরবের পথগুলো চিনিয়ে দিব। আপনার প্রতি আমার খাছআ’মী শাহরান ও নাহিস গোত্র দ্বয়-এর আনুগত্যের প্রতীকরূপে এই আমি আমার দু’হাত আপনার সমীক্ষাপে নিবেদন করছি। রাজা তাকে মুক্তি দেয় এবং সে রাজাকে আরবের পথ দেখিয়ে এগিয়ে নিয়ে যায়। তায়েফ পৌঁছলে ছাকীফ গোত্রের একদল লোক নিয়ে তাদের সম্মুখে উপস্থিত হয়, মাসউদ ইব্ন মু’তাব (ইব্ন মালিক কবি ইব্ন আমর ইব্ন সাদ ইব্ন আ’ওফ ইব্ন ছাকীফ) তারা বলে মহারাজ! আমরা আপনার গোলাম। আপনার নির্দেশ পালনকারী ও আনুগত্য প্রদর্শনকারী আমরা আপনার বিরোধিতা করব না।

আপনি যে উপাসনালয় ধ্বংসের উদ্দেশ্যে যাত্রা করেছেন সেটি আমাদের উপাসনালয় নয়। অর্থাৎ সেটি লাত দেবীর উপাসনালয় নয়। আপনি যাচ্ছেন মক্কায় অবস্থিত উপাসনালয় ধ্বংসের উদ্দেশ্যে। আপনাকে ঐ উপাসনালয়ের পথ দেখাবার লোক আমরা আপনার সাথে দিচ্ছি। অতঃপর সে তাদেরকে অতিক্রম করে এগিয়ে যায়। ইব্ন ইসহাক বলেন, লাত হল তায়েফে অবস্থিত তাদের একটি উপাসনালয়। তারা সেটিকে কা’বাকে সম্মান করার ন্যায়ই সম্মান করত। ইব্ন ইসহাক বলেন, অতঃপর তারা কা’বারই পথ দেখিয়ে দেয়ার জন্যে আবু রেগালকে তার সাথে প্রেরণ করে। আবু রেগালসহ আবরাহা বাহিনী সম্মুখের দিকে অগ্রসর হয়ে মাগমাস নামক স্থানে যাত্রা বিরতি করে। সেখানে আবু রেগালের মৃত্যু হয়।

আরবগণ আবু রেগালের কবরে পাথর ছুঁড়ে। মাগমাসে যে কবরে পাথর নিক্ষেপ করা হয় সেটি এই আবু রেগালের কবর। ইতিপূর্বে ছামুদ সম্প্রদায়ের আলোচনায় এসেছে যে, আবু রেগাল তাদের সম্প্রদায়ভুক্ত ছিল। সে হারাম শরীফে আশ্রয় গ্রহণ করে, নিজেকে রক্ষা করত। একদিন সে হারাম শরীফ এলাকা ছেড়ে বের হয়। তখনই একটি পাথর তাকে আঘাত করে এবং তাতে তার মৃত্যু হয়। রাসূলুল্লাহ (সা) তাঁর সাহাবীদেরকে বলেছেন, “তার নির্দশন হল তার সাথে স্বর্ণের দু'টো কাঠি- দাফন করা হয়েছে।” সাহাবীগণ ঐ কবর খনন করেন এবং সেখানে স্বর্ণের দু'টো কাঠি পান। তিনি বলেন, আবু রেগাল ছাকীফ গোত্রের আদি পুরুষ।

আমি বলি, এই বর্ণনা ও ইব্ন ইসহাকের বর্ণনার মধ্যে এভাবে সমর্পয় করা যায় যে, আবরাহার সাথী আবু রেগাল ছামুদ সম্প্রদায়ের আবু রেগালের অধিষ্ঠিত পুরুষ। আলোচ্য আবু রেগাল ও তার পূর্বপুরুষ আবু রেগালের নাম অভিন্ন। উভয় আবু রেগালের কবরেই লোকজন পাথর ছুঁড়ে মারতো। আল্লাহই ভাল জানেন।

কবি জায়ীর বলেন :

اَذَا مَاتَ الْفَرَزْدَقُ فَارْجُمُوهُ كَرْجِمْكُمْ لِقَبْرِ اَبِي رَغَالٍ

ফরযদকের মৃত্যু পরে তার কবরে পাথর ছুঁড়ে মারবে।

যেমনটি পাথর মেরেছিল আবু রেগালের কবরে।

ইব্ন ইসহাক বলেন, আবরাহা মাগমাসে এসে আসওয়াদ ইব্ন মাকসুদ নামের জনৈক হাবশী লোককে একদল অশ্বারোহীসহ মকায় প্রেরণ করে। তারা মকায় আসে এবং কুরায়শদের তেহামা অঞ্চলে লুটপাট চালায়। তারা সেখানকার কুরায়শ ও অন্যান্য গোত্রের সমস্ত ধন সম্পদ নিয়ে আবরাহার নিকট পেশ করে। লুঁচিত মালামালের মধ্যে আদুল মুত্তালিব ইব্ন হাশিমের ২০০ উট ছিল। তিনি ছিলেন কুরায়শদের দলপতি। এতে কুরায়শ, কিনানা হুয়ায়ল এবং হারাম শরীফে অবস্থানকারী অন্যান্য গোত্রের লোকজন আবরাহার বিরুদ্ধে যুদ্ধে অবতীর্ণ হওয়ায় সংকল্প করে। পরে তার বিরুদ্ধে বিজয় লাভে সক্ষম হবে না বুঝতে পেরে তারা এ পরিকল্পনা ত্যাগ করে।

এদিকে আবরাহা হিনাতা হিমায়ারী নামের এক লোককে মকায় প্রেরণ করে। সে তাকে বলে যে, তুমি মকায় গিয়ে উক্ত নগরীর নগরপতিকে খুঁজে বের করবে এবং তাঁকে বলবে যে, আমরা আপনাদের সাথে যুদ্ধ করতে আসিন। আমরা এসেছি ঐ উপাসনালয়টি ধ্বংস করার জন্যে। ঐ উপাসনালয় রক্ষাকল্পে আপনারা যদি আমাদের বিরুদ্ধে যুদ্ধ না করেন, তবে আপনাদের রক্তপাত আমাদের প্রয়োজন নেই। তাদের সর্দার আমার বিরুদ্ধে যুদ্ধ না করতে সম্মত হলে তাকে আমার নিকট নিয়ে আসবে। হিনাতা মকায় এসে সেখানকার নগরপতিকে তা জিজ্ঞেস করে। তাকে জানানো হয় যে, আদুল মুত্তালিব এ নগরপতি। সে আদুল মুত্তালিবের সাথে সাক্ষাত করে এবং আবরাহা যা বলতে নির্দেশ দিয়েছিল তা বলে। তখন আদুল মুত্তালিবের বলেন, আল্লাহর কসম আমরা আবরাহার বিরুদ্ধে যুদ্ধ করতে চাই না। আমাদের সেই শক্তি নেই। এটি আল্লাহর সম্মানিত গৃহ এবং আল্লাহর খলীল ইবরাহীম (আ)-এর গৃহ। আদুল মুত্তালিব এটা বা এ মর্মের কোন কথা তিনি বলেছিলেন। আরও বলেন, আল্লাহ যদি আবরাহার

হাত থেকে এ গৃহকে রক্ষা করেন, তবে তা তারই সম্মানিত স্থান ও গৃহ আর তিনি যদি আবরাহাকে তা করতে দেন, তবে আল্লাহ'র কসম, তাকে বাধা দেয়ার ক্ষমতা আমাদের নেই।

হিনাতা বল্ল, ঠিক আছে, আপনি আমার সাথে তাঁর নিকট চলুন। তিনি আপনাকে নিয়ে যেতে বলেছেন। হিনাতার সাথে আব্দুল মুত্তালিব রওয়ানা হলেন। তাঁর কয়েকজন ছেলেও তাঁর সাথে যায়। তিনি আবরাহার সৈন্যবাহিনীর নিকট এসে ওদের কাছে যুনফর আছে কি-না জানতে চান। যুনফর ছিল আব্দুল মুত্তালিবের বন্ধু। অনুমতি নিয়ে আব্দুল মুত্তালিব গিয়ে যুনফরের বন্দীখানায় পৌঁছেন। তিনি বললেন, যুনফর! আমাদের উপর যে বিপদ এসেছে, তা থেকে মুক্তি লাভের কোন পথ তোমার জানা আছে কি? সে বলল, রাজার হাতে বন্দী সকাল-সন্ধ্যায় মৃত্যুর প্রতীক্ষারত একজন মানুষের কী-ই বা করার থাকতে পারে?

আপনাদেরকে বিপদ থেকে উদ্ধার করার কোন ক্ষমতা আমার নেই। তবে আনিস নামে জনৈক ব্যক্তি আছে, সে হচ্ছি বাহিনীর পরিচালক এবং আমার বন্ধুও বটে। আমি তার নিকট সংবাদ পাঠাব এবং আপনাকে সাহায্য করার অনুরোধ জানাব। তার নিকট আপনার গুরুত্ব তুলে ধরব। আমি তাকে অনুরোধ করব, সে যেন আপনাকে রাজার নিকট নিয়ে যায়। অতঃপর আপনি সরাসরি রাজার সাথে কথা বলবেন। সক্ষম হলে সে রাজার নিকট আপনার জন্যে সুপারিশ করবে। এটা শুনে আব্দুল মুত্তালিব বলেন, এতটুকুই আমার জন্যে যথেষ্ট। যুনফর আনীসের নিকট এ বার্তা নিয়ে লোক পাঠায় যে, আব্দুল মুত্তালিব কুরায়শ বংশের নেতা এবং মুক্তার যমযম কৃপের তত্ত্বাবধানকারী। তিনি সমতলের লোকজন এবং পাহাড়ের পশ্চদেরকে আহার্য দিয়ে থাকেন। রাজা তার ২০০টি উট ছিনিয়ে এনেছেন। রাজার সাথে দেখা করার জন্যে তুমি তাঁকে অনুমতি নিয়ে দাও এবং যথাসম্ভব তাঁর উপকার করো। আনীস বলল, ঠিক আছে, আমি তা-ই করব।

আনীস তখন আবরাহার সাথে আলাপ করে। সে বলে, মহারাজ! এই কুরায়শ প্রধান আপনার দ্বারে উপস্থিত। আপনার সাথে দেখা করার অনুমতি চাচ্ছেন। তিনি মুক্তার যমযম কৃপের তত্ত্বাবধায়ক। তিনি সমতলে লোকজনের এবং পাহাড়ে পশ্চদের আহার্যের ব্যবস্থা করে থাকেন। তাঁকে আপনার নিকট আসার অনুমতি দিন। যাতে তিনি তাঁর সমস্যার কথা আপনাকে জানাতে পারেন। আবরাহা অনুমতি দিল। আব্দুল মুত্তালিব ছিলেন অত্যন্ত সুদর্শন ও সুপুরূষ।

আবরাহা তাঁকে দেখে তাঁর অবস্থান ও মর্যাদা সম্পর্কে আঁচ করতে পারলো এবং তাঁকে মেঝেতে বসতে দিতে কুঠাবোধ করল। অন্যদিকে আব্দুল মুত্তালিবকে রাজ সিংহাসনে বসিয়েছে হাবশীগণ এটা দেখুক তাও তার মনপৃত ছিল না। ফলে আবরাহা তার সিংহাসন থেকে নেমে বিছানায় বসে এবং আব্দুল মুত্তালিবকে পাশে বসায়। তারপর তার দোভাষীকে বলে, তাঁর সমস্যার কথা পেশ করতে বল। দোভাষী আব্দুল মুত্তালিবকে তাঁর কথা পেশ করতে বললে তিনি বলেন, আমার যে দু'শটি উট রাজার নিকট নিয়ে আসা হয়েছে সেগুলো ফেরত দেয়া হোক।

আবরাহা তার দোভাষীকে বলল, আমার এ বক্তব্য তাকে বল যে, আপনাকে দেখে আমি খুব খুশী হয়েছিলাম কিন্তু আপনার কথা শুনে আমি হতাশ হয়েছি। হায়! আপনি আমার হাতে আসা এই সামান্য দু'শোটি উটের কথা বলছেন অথচ আপনার নিজের ধর্মের প্রতীক এবং আপনার পূর্ব-পুরুষের ধর্মের প্রতীক উপাসনালয়টি সম্পর্কে কিছুই বললেন না। আমরা তো সেটি ধর্মস করতে এসেছি। সেটি সম্পর্কে আপনি কি আমাকে কিছুই বলবেন না? আবদুল মুত্তালিব বললেন, আমি তো কেবল উটেরই মালিক। ঐ গৃহের একজন মালিক আছেন। তিনিই সেটি রক্ষা করবেন। আবরাহা বলে, “তিনি তো আমার হাত থেকে সেটি রক্ষা করতে পারবেন না।” আবদুল মুত্তালিব বলেন, সেটি আপনার ও তাঁর ব্যাপার। তখন আবরাহা আবদুল মুত্তালিবের উটগুলো ফেরত দিয়ে দেয়।

ইব্ন ইসহাক বলেন, বর্ণিত আছে যে, আবদুল মুত্তালিবের সাথে বনী বকর গোত্রের প্রধান ইয়ামার ইব্ন নাকাহ (ইব্ন আদী ইব্ন দায়ল ইব্ন বকর ইব্ন আবদ মানাত ইব্ন কিলানাহ) এবং হ্যায়ল গোত্রের প্রধান কুওয়ালিদ ইব্ন ওয়াছিলা আবরাহার নিকট গিয়েছিলেন। তাঁরা প্রস্তাব করেছিলেন যে, আবরাহা যদি তাদের এখান থেকে চলে যায় এবং আল্লাহর ঘর ধর্মস না করে তবে তারা তাকে তিহামাহু আঞ্চলের সমগ্র ধন সম্পদের এক তৃতীয়াংশ দিয়ে দিবেন। আবরাহা তাঁদের এই প্রস্তাব প্রত্যাখ্যান করে। মূলত তা কতটুকু সত্য তা আল্লাহই ভাল জানেন।

আবরাহার দরবার থেকে তাঁদের প্রত্যাবর্তনের পর আবদুল মুত্তালিব কুরায়শদের নিকট উপস্থিত হন এবং সকল বিষয় তাদেরকে অবহিত করেন। তিনি তাদেরকে মুক্ত ছেড়ে পাহাড়ের উপর নিরাপদ আশ্রয় গ্রহণের নির্দেশ দেন। এরপর আবদুল মুত্তালিব নিজে কুরায়শদের একটি জামাতকে সাথে নিয়ে কাবা শরীফের দরজার কড়া ধরে দাঁড়ান এবং আল্লাহর নিকট দোয়া করতে থাকেন। তাঁরা আবরাহা ও তার সৈন্যদের বিরুদ্ধে আল্লাহর সাহায্য কামনা করেন।

কাবা শরীফের দরজা ধরে আবদুল মুত্তালিব বলেন :

لَا هَمْ أَنَّ الْعَبْدَ يَمْنُعُ رِحْلَةً فَامْنَعْ رِحَالَكَ

“হে আল্লাহ! বান্দা তার নিজের ঘরের হেফাজত করে সুতরাং আপনি আপনার ঘর রক্ষা করুন।

لَا يَغْلِبَنَّ صَلَبِبُهُمْ وَمَحَالُهُمْ غُدوًا مَحَالَكَ

আগামী সকালে যেন তাদের দ্রুশ চিঙ্গ কোনওভাবেই বিজয়ী না হয়। আর আপনার গৃহের উপর তাদের গৃহ প্রাধান্য না পায়।

إِنْ كُنْتَ تَارِكَهُمْ وَقَبْلَ-تَنَا فَأُمِرْ مَا بَدَالَكَ

আর আপনি যদি আমাদের কেবলাকে তাদের হাতে ছেড়েই দেন তবে আপনার যা ইচ্ছা তাই করুন।” ইব্ন হিশাম বলেন, আবদুল মুত্তালিব এ কবিতাগুলো বলেছিলেন বলে বিশুদ্ধ সনদে বর্ণিত হয়েছে।

ইব্ন ইসহাক বলেন, এরপর আবদুল মুত্তালিব কা'বা শরীফের দরজার কড়া ছেড়ে দিয়ে কুরায়শদেরকে নিয়ে পাহাড়ের চূড়ায় উঠে আশ্রয় গ্রহণ করেন এবং আবরাহা ও তার সৈন্যরা কী করে, তা অবলোকন করতে থাকেন।

পরদিন সকালে আবরাহা মক্কা প্রবেশের প্রস্তুতি নেয়। তার হাতি বাহিনীকে সজ্জিত করে এবং সৈন্যদেরকে যুদ্ধের জন্যে প্রস্তুত করে। তার হাতির নাম ছিল মাহমুদ। হাতিটিকে মক্কা অভিমুখী করলে মুহূর্তে নুফায়ল ইব্ন হাবীব সেখানে উপস্থিত হয়। সে হাতিটির পাশে এসে দাঁড়ায়। হাতির কান ধরে সে বলে, হে মাহমুদ! তুমি মাটিতে বসে যাও এবং যেদিক থেকে এসেছে সোজা সে দিকে ফিরে যাও। কারণ, তুমি আল্লাহর সম্মানিত শহীর এসেছে। এই বলে সে হাতিটির কান ছেড়ে দেয়। হাতিটি হাঁটু গেড়ে মাটিতে বসে পড়ে। সুহায়লী বলেন, হাতি মাটিতে পড়ে যায়। কারণ, হাতি হাঁটু গেড়ে বসতে পারে না। অবশ্য, কেউ কেউ বলেন যে, এক প্রজাতির হাতি উটের ন্যায় হাঁটু গেড়ে বসতে পারে।

এ পরিস্থিতিতে নুফায়ল ইব্ন হাবীব দৌড়ে গিয়ে পাহাড়ে উঠে। আবরাহার সৈন্যরা হাতিটিকে দাঁড় করানো জন্যে প্রহার করতে থাকে। হাতি কোন মতেই উঠলো না, তারা তার মাথায় কুঠারাঘাত করে। তবুও সে উঠলো না। এরপর তারা তার চামড়ায় বাঁকা আঁকশি ঢুকিয়ে দেয় এবং চামড়া ছিঁড়ে ফেলে তারপরও সে উঠলো না। তারা এবার ইয়ামানের দিকে তার মুখ ফিরিয়ে দেয়। কালবিলম্ব না করে হাতিটি দাঁড়িয়ে যায় এবং দ্রুত হাঁটতে শুরু করে। এরপর তারা তাকে সিরিয়ার দিকে মুখ করে দেয়। সে ঐ দিকে দ্রুত হাঁটতে থাকে। এরপর তারা তাকে পূর্বমুখী করে দেয়। সে একইভাবে দ্রুত সেদিকে হাঁটতে থাকে। এবার অরূপ পুনরায় তাকে মক্কা অভিমুখী করে দেয়। সে পুনরায় মাটিতে বসে পড়ে। আল্লাহ তা'আলা সমুদ্রাঞ্চল থেকে তাদের প্রতি এক ঝাঁক পাখী প্রেরণ করেন। এগুলো ছিল এক প্রকার ছোট পাখী। প্রতিটি পাখী তিনটি করে কঙ্কর নিয়ে এসেছিল। একটি ঠোঁটে আর দু'টো দু পায়ে। কঙ্করগুলো ছিল ছোলা ও মশুর ডালের ন্যায়। যার উপর কঙ্কর পড়লো সে-ই ধূঃস হয়ে গেল।

অবশ্য আবরাহার সকল সৈন্যের গায়ে কঙ্কর লাগেনি। যাদের গায়ে তা পড়েনি তারা পালিয়ে প্রাণে বেঁচে যায়। যে পথে এসেছিল তারা সে পথেই ফিরে যেতে থাকে। ইয়ামানের পথ চিনিয়ে দেয়ার জন্যে তারা নুফায়ল ইব্ন হাবীবকে তালাশ করতে থাকে। এ প্রসঙ্গে নুফায়ল বলেন :

أَلَا حُيِّتَ عَنَّا يَارَدِيْنَا - نَعِمْنَاكُمْ مَعَ الْاِصْبَاحِ عَيْنًا

তুমি কি আমাদের পক্ষ থেকে অভিনন্দন পাওনি হে রূদ্যায়না? আমরাতো তোমাদেরকে সাদুর সম্ভাষণ জানিয়েছি।

رَدِيْنَةُ لَوْ رَأَيْتِ فَلَا تَرِيْهِ - لَدَى جَنْبِ الْمُحَصَّبِ مَا رَأَيْنَا

হে রাদীনা! মুহাসসাব অঞ্চলে আমরা যা দেখেছি তুমি যদি তা দেখতে তবে তুমি সে দিকে ফিরে তাকাতে না।

(১) <sup>جَنْبِ</sup> অর্থ বিশ্বাসযাতকতা।

إِذَا لَعْدَرْ أَتَنِيْ وَحَمَدْتُ أَمْرِيْ - وَلَمْ تَأْسِيْ عَلَى مَا فَاتَ بَيْنَا

তখন তুমি আমার ওয়র গ্রহণ করতে এবং আমার কাজের প্রশংসা করতে। যা হারিয়ে গেছে তাঁর জন্যে তুমি আক্ষেপ করতে না।

حَمَدْتُ اللَّهَ إِذَا أَبْصَرْتُ طَيْرًا - وَخَفْتُ حِجَارَةً تُلْقَى عَلَيْنَا

যখন আমি পক্ষীকুল দেখেছি তখন আমি আল্লাহ'র প্রশংসা করেছি। আবার আমাদের উপর পাথর বর্ষিত হয় নাকি তার ভয়ও করেছি।

وَكُلُّ الْقَوْمٍ يَسْأَلُ عَنْ نُفِيلٍ - كَأَنَّ عَلَى لِلْحُبْشَانِ دِينًا

সবাই নুফায়লকে খোঁজ করছে যেন আমার নিকট সকল হাবশী লোকের পাওনা রয়েছে।

ইব্ন ইসহাক বলেন, অতঃপর আবরাহার সৈন্যরা সবাই ছাড়িয়ে ছিটিয়ে যে ঘেনিকে পারে পালিয়ে প্রাণ বাঁচাতে লাগল। পক্ষীকুলের নিক্ষিণি কঙ্কর আবরাহার দেহেও বিন্দ হয়। তারা নিজেদের সাথে আবরাহাকেও টেনে নিয়ে যায়। কিন্তু কঙ্কর বিন্দ হওয়ার পর থেকে তার দেহ থেকে ক্রমে ক্রমে এক আঙ্গুল এক আঙ্গুল করে খসে পড়তে শুরু করে। একটি আঙ্গুলের পর আরেকটি আঙ্গুল ঝরে পড়ছিল। এভাবে বেশ কিছুদিন অতিবাহিত হয়। এভাবে তার রক্ত ও পুঁজি নিঃশেষিত হয়ে যায়। তারা তাকে সানা'আতে নিয়ে আসে। তখন সে যেন একটি পাখির ছানা।

কথিত আছে যে, তার মৃত্যুর সময় তার বুক ফেটে হৃৎপিণ্ড বের হয়ে পড়ে। ইব্ন ইসহাক বলেন, ইয়াকুব ইব্ন উতবা আমাকে বলেছেন যে, জনশ্রূতি ছিল যে, আরব দেশে সর্বপ্রথম হাম এবং বসন্তরোগ দেখা যায় সেই বছরই। সেখানে তিক্ত বৃক্ষ হারমাল, হানযাল ও আশার দেখা যায় সেই একই বছরে।

ইব্ন ইসহাক বলেন, হ্যরত মুহাম্মদ (স)-কে রাসূলুরপে প্রেরণ করার পর আল্লাহ তা'আলা কুরায়শদের প্রতি তাঁর যে সকল নেয়ামত ও অনুগ্রহের কথা উল্লেখ করেছেন সেগুলোর অন্যতম হল তাদের অবস্থান ও অস্তিত্বের লক্ষ্যে তাদের থেকে হাবশীদের আক্রমণ প্রতিহত করা।

এ প্রসংগে আল্লাহ তা'আলা বলেন :

أَلْمَ تَرَ كَيْفَ فَعَلَ رَبُّكَ بِاَصْحَابِ الْفَيْلِ . أَلْمَ يَجْعَلْ كَيْدَهُمْ فِي تَضْلِيلٍ .  
وَأَرْسَلَ عَلَيْهِمْ طَيْرًا أَبَابِيلَ . تَرْمِيْهِمْ بِحِجَارَةٍ مِنْ سِجِيلٍ . فَجَعَلَهُمْ  
كَعَصْفٍ مَأْكُولٍ .

তুমি কি দেখনি তোমার প্রতিপালক হাতিওয়ালাদের প্রতি কী করেছিলেন? তিনি কি ওদের কৌশল ব্যর্থ করে দেননি? ওদের বিরুদ্ধে তিনি ঝাঁকে ঝাঁকে পাথী প্রেরণ করেন। সেগুলো ওদের উপর পাথুরে কঙ্কর নিক্ষেপ করে। তারপর তিনি ওদেরকে ভক্ষিত খড়ের মত করেন। (১০৫ ফীলু ১-৫)

ইব্ন ইসহাক ও ইব্ন হিশাম অতঃপর এই সূরা ও তৎপরবর্তী সূরাগুলোর তাফসীর শুরু করেন। আমার তাফসীর ঘট্টে আমি এ বিষয়ে বিস্তারিত আলোচনা করেছি। আগ্রহী ব্যক্তিদের জন্যে তাই যথেষ্ট হবে। সকল প্রশংসা আল্লাহ তা'আলার।

ইব্ন হিশাম বলেন, **أَبَابِيلْ** শব্দের অর্থ ঝাঁক বা দল। আমার জানা মতে আরবরা এ শব্দের একবচন ব্যবহার করে না। তিনি বলেন **سَجِيلْ** শব্দ সম্পর্কে ব্যাকরণবিদ ইউনুস ও আবু উবায়দা বলেছেন যে, এটি দ্বারা আরবগণ সুকঠিন অর্থ বুঝায়। কোন কোন তাফসীরকার বলেছেন যে, **سَجِيلْ** শব্দটি মূলত দুটো ফারসী শব্দের সমষ্টি। আরবরা এটিকে এক শব্দরূপে ব্যবহার করে। ফারসী শব্দ দুটো হল **سَنْكَ** এবং **سَكَلْ** অর্থ পাথর কল অর্থ কাদা। তারা বলেন যে, পাথর ও কাদার তৈরী কক্ষর-ই ওদের প্রতি নিষ্কেপ করা হয়েছিল।

ইব্ন হিশাম আরও বলেন যে, **عَصْف** অর্থ উজ্জিদ ও তৃণলভার পাতা।

কাসাই বলেন জনৈক ব্যাকরণবিদকে আমি বলতে শুনেছি যে, **أَبِيلْ** এর একবচন প্রাচীনকালের অনেক ভাষাবিদ বলেন, আবাবীল হলো পাখি শাবকের ঝাঁক, যেগুলো এখানে সেখানে একদল অন্য দলের পেছন পেছন ছুটে।

হ্যাত ইব্ন আবাস (রা) বলেন, আবরাহা বাহিনীর উপর কক্ষর নিষ্কেপকারী পাখীগুলোর চপ্পু ছিল সাধারণ পাখির মত। পাণ্ডুলো ছিল কুকুরের থাবার মত। ইকরামা (রা) বলেন, সে গুলোর মাথা ছিল হিংস্র প্রাণীর মাথার মত। এগুলো সমুদ্র থেকে উড়ে এসেছিল এবং এগুলোর রঙ ছিল সবুজ। উবায়দ ইব্ন উমায়র বলেন, সেগুলো ছিল সামুদ্রিক কাল পাখি। সেগুলোর চপ্পু ও পায়ে করে কক্ষর নিয়ে এসেছিল।

হ্যাত ইব্ন আবাস (রা) থেকে বর্ণিত, পাখিগুলোর আকৃতি ছিল কল্পনার আনকা পাখির মত। তিনি আরও বলেন যে, তাদের আনীত কক্ষরগুলোর ক্ষুদ্রতম কক্ষর ছিল মানুষের মাথার সমান। কতক ছিল উটের সমান। ইব্ন ইসহাক থেকে ইউনুস ইব্ন বুকায়র এরূপ বর্ণনা করেছেন। কেউ কেউ বলেছেন যে, ঐ কক্ষরগুলো ছিল ক্ষুদ্রাকৃতির। আল্লাহই ভাল জানেন বিবরণগুলোর কোন্তি যথার্থ।

ইব্ন আবী হাতিম উবায়দ ইব্ন উমায়র সূত্রে বলেন, হাতি বাহিনীকে যখন আল্লাহ তাআলা ধ্রংস করার ইচ্ছা করলেন তখন গুলোর প্রতি পাখির ঝাঁক প্রেরণ করলে সেগুলো এসেছিল সমুদ্র থেকে। আকৃতি ছিল বাজ পাখির মত। প্রতিটি পাখি তিনটি করে কক্ষর নিয়ে এসেছিল। দু'টো দু'পায়ে একটি চপ্পুতে। সেগুলো এসে আবরাহা বাহিনীর মাথার উপর সারিবদ্ধভাবে অবস্থান নেয়। তারপর বিকট আওয়াজ করে এবং পায়ের ও চপ্পুর কক্ষরগুলো নিষ্কেপ করে। যারই মাথায় কক্ষর পড়েছে তা তার মলদ্বার ভেদ করে বেরিয়ে এসেছে। যার দেহের একদিকে পড়েছে তার অন্য দিক দিয়ে তা বেরিয়ে গিয়েছে। আল্লাহ তা'আলা তখন প্রচণ্ড বায়ু প্রেরণ করেছিলেন। সেটি কক্ষরগুলোকে আঘাত করে। এতে কক্ষরগুলো আরও প্রচণ্ডভাবে তাদের উপর নিষ্কিপ্ত হয়। ফলে তারা সবাই ধ্রংস হয়ে যায়।

ইতিপূর্বে আলোচনা করা হয়েছে যে, ইব্ন ইসহাক বলেছেন, আবরাহা বাহিনীর সকলের গায়ে পাথর লাগেনি। বরং তাদের কতক লোক ইয়ামেনে ফিরে যেতে সক্ষম হয়। তারা সেখানে গিয়ে তাদের সাথীদের ধ্রংস ও বিপদের কথা ও খানকার লোকদেরকে জানায়। কতক ঐতিহাসিক বলেন যে, আবরাহা ও ফিরে এসেছিল। তবে তার দেহ থেকে এক আঙ্গুল এক আঙ্গুল করে ঝরে পড়ছিল। ইয়ামানে পৌঁছার পর তার বুক ফেটে যায় এবং তার মৃত্যু হয়। তার প্রতি আল্লাহর লানত।

ইব্ন ইসহাক হযরত আয়েশা (রা) সূত্রে বলেন :

لَقَدْ رَأَيْتُ قَائِدًا الْفَيْلِ وَسَائِسَةً بِمَكَّةَ أَعْمَيْنِ مُقْعَدِينِ يَسْتَطِعُمَا

দু'জনকেই আমি মুক্ত দেখেছি। দু'জনই তখন অক্ষ এবং চলৎশক্তিহীন। মানুষের নিকট খাবার ভিক্ষা করছে। উপরে বর্ণিত হয়েছে যে, হাতিব সহিসের নাম আনীস। বাহিনীর পরিচালকের নাম ইতিহাসে পাওয়া যায় না। আল্লাহই তাদের জানেন।

তাফসীরকার নাক্কাশ তাঁর তাফসীর অঙ্গে উল্লেখ করেছেন যে, প্রাবন এসে তাদের মৃত দেহগুলো ভাসিয়ে নিয়ে সাগরে নিক্ষেপ করে। সুহায়লী বলেন, হাতি বাহিনীর এ ঘটনা ঘটেছিল যুল-কারনাইন বাদশাহের যুগ থেকে ৮৮৬ বছর পর, মুহাররম মাসের পয়লা তারিখে।

আমি বলি, এই বছরই রাসূলুল্লাহ (সা)-এর জন্ম হয়। এটিই প্রসিদ্ধ অভিমত। কেউ কেউ বলেন যে, এটি রাসূলুল্লাহ (সা)-এর জন্মের কয়েক বছর পূর্বের ঘটনা। এ বিষয়ে আমরা পরবর্তীতে আলোচনা করব ইন্শা আল্লাহ।

এই ঐতিহাসিক ও তাংপর্যপূর্ণ ঘটনা উপলক্ষে আরবদের রচিত কবিতাগুলো ইব্ন ইসহাক উল্লেখ করেছেন। এ ঘটনায় আল্লাহ তা'আলা তাঁর সেই সম্মানিত গৃহকে রক্ষা করেছেন হযরত মুহাম্মদ (সা)-কে প্রেরণের মাধ্যমে। তিনি যে গৃহকে মর্যাদাময় ও পবিত্র করতে ইচ্ছে করেছিলেন। তিনি হযরত মুহাম্মদ (সা)-এর জন্মে অথবা এক সুদৃঢ় দীন ও ধর্ম নির্ধারণ করেছেন যার অন্যতম রূপকল হল সালাত। বরং এই ধর্মের মূল স্তুতি হচ্ছে সালাত। এই ধর্মের কিবলা হিসেবে তিনি কাবা শরীককে নির্ধারণ করার ব্যবস্থা করেছেন। হাতি বাহিনীকে ধ্রংস করার পেছনে মূলত কুরায়শদের সাহায্য অভীষ্ট ছিল না। কারণ, ধ্রংস ও আঘাত আপত্তি হয়েছিল খীট ধর্মাবলম্বী হাবশীদের উপর। কুরায়শীয় মুশারিকদের তুলনায় হাবশীগণ তার অধিকতর হকদার ছিল। এই সাহায্য ছিল সম্মানিত গৃহের সাহায্যার্থে এবং হযরত মুহাম্মদ (সা)-কে প্রেরণের অনুকূল পরিবেশ সৃষ্টির লক্ষ্যে, এ প্রসংগে আবদুল্লাহ ইব্ন যাব'আরী সাহসী বলেন :

تَنَكَلُوا عَنْ بَطْنِ مَكَّةَ أَنْهَا - كَانَتْ قَدِيمًا لَا يُرَامُ حَرِيمُهَا

তারা ফিরে গিয়েছে মুক্ত ভূমি থেকে শাস্তি পেয়ে শক্তি মনে। প্রাচীনকাল থেকেই এর অধিবাসীদেরকে লাঞ্ছিত করার কথা কেউ ভাবতে পারতো না।

আল-বিদায়া ওয়ান নিহায়া (২য় খণ্ড) ৪৩—

لَمْ تُخْلِقِ الشِّعْرِيُّ لِيَالِيٍّ حُرْمَتْ - إِذْ لَا عَزِيزٌ مِنَ الْأَنَامِ يَرُوْمُهَا

যে সময়ে উক্ত এলাকাকে হারাম শরীফ তথা সম্মানিত এলাকা ধোষণা করা হয়েছে সে সময়ে শি'রা নক্ষত্র সৃষ্টি করা হয়নি। কোন প্রতাপশালী ব্যক্তিই উক্ত স্থানের মর্যাদা বিনষ্টের অপপ্রয়াস চালাতে পারে না। কারণ কোন প্রতাপশালী ব্যক্তিই এটির মানহানির চেষ্টা করত না।

سَائِئُ الْمِيرُ الْجَيْشِ عَنْهَا مَارَأَى - فَلَسَوْفَ يُبَنِّيَ الْجَامِلِينَ عِلْمُهَا  
সেনাধ্যক্ষাকে জিজ্ঞেস করুন সে কী দেখেছে এ ঘটনা সম্পর্কে। ওদের মধ্যে যার অবগতি আছে সে অবগতিহীন ব্যক্তিদেরকে জানিয়ে দিবে।

سِتُّونَ الْفَأْلَهِمْ لَمْ يُؤْوِلُوا أَرْضَهُمْ - بَلْ لَمْ يَعْشُ بَعْدَ الْإِيَابِ سَقِيمُهَا  
তাদের ষাট হাজার লোক পুনরায় নিজেদের বাস ভূমিতে ফিরে যেতে পারেনি।

অসুস্থ দু একজন ফিরে গেলেও অতঃপর তারা জীবিত থাকেন।

كَانَتْ بِهَا عَادٍ وَجُرْهُمْ قَبَاهُمْ - وَاللَّهُ مِنْ فَوْقِ الْعِبَادِ يُقْيِيمُهَا  
তাদের পূর্বে সেখানে বসবাস করেছিল আদ ও জুরহুম গোত্র, সকল বান্দার উপরে খোদ আল্লাহ তা'আলা সেটিকে কায়েম রাখেন।

এ প্রসংগে আবু কায়স ইবন আস্লত আনসারী আল মাদানী বলেন :

وَمِنْ صُنْعِهِ يَوْمَ فِيلِ الْحَبُوشِ - إِذْ كُلِّمَ بَعْثُوَهُ رَزَمْ

তাঁর (আল্লাহ তা'আলার) কুদ্রতের একটি নির্দশন হল হাবশীদের হাতি বাহিনী প্রেরণের দিবসের ঘটনা, যখনই তারা হাতি পাঠানোর চেষ্টা করেছিল তখনই সে আর্ত-চীৎকার করেছিল।

مَاجَنِهِمْ تَحْتَ أَقْرَابِهِ - وَقَدْ شَرَمُوا أَنفَهُ فَانْخَرَمْ -

তাদের লোহার আকলী তার পেটের চামড়ার নীচে তার চুকিয়ে দিয়েছিল তারা তার নাকটি চিরে দিয়েছিল ফলে তা বিনীর্ণ হয়ে গিয়েছিল।

وَقَدْ جَعَلُوا سَوْطَهُ مُغَوْلًا - إِذَا يَعْمُوْهُ قَفَاهُ كَلْمَ

তাদের চাবুকের মাথায় তারা লোহার পেরেক জুড়ে দিয়েছিল হাতির ঘাড়ে আঘাতের সাথে সাথে তা ক্ষত সৃষ্টি করে দিয়েছিল।

فَوْلَى وَأَدْبَرَ أَدْرَاجَهُ - وَقَدْ بَاءَ بِالظُّلْمِ مَنْ كَانَ ثَمَّ

অবশ্যে তারা পিছু হটে গিয়েছিল সে পথে, যে পথে তারা এসেছিল এবং সেখানে যারা ছিল তারা অন্যায় ও অপরাধের শাস্তি পেয়েছিল।

**فَارْسَلَ مَنْ فَوْقُهُمْ حَاصِبًا - فَلَفَّهُمْ مِثْلَ لَفِ الْقَزْمَ**

তাদের উপরওয়ালা আল্লাহ তা'আলা তাদের প্রতি কক্ষর প্রেরণ করেছিলেন এবং তাদের লাশগুলোকে থরে থরে ফেলে রেখেছিলেন তীরু লোকদের লাশের স্তুপের ন্যায়।

**لَخْضٌ عَلَى الصَّبْرِ أَحْبَارُهُمْ - وَقَدْ شَاجُوا كُثُواجِ الْغَنَمِ**

তাদের ধর্মবাজকগণ তাদেরকে ধৈর্যধারণে উৎসাহিত করছিল। অথচ তারা ভীত সন্ত্রস্ত বকরী পালের ন্যায় ভঁা ভঁা করছিল।

এ প্রসংগে আবু সালত রাবীআ ইব্ন আবী রাবী'আ ওয়াহব ইব্ন ইলাজ ছাকাকীর কবিতাগুলো প্রণিধানযোগ্য। ইব্ন হিশাম বলেন, এ কবিতাগুলো উমাইয়া ইব্ন আবী সালত এর বলেও কেউ কেউ বলেছেন। সেগুলো ছিল এরূপঃ

**إِنَّ آيَاتِ رَبِّنَا ثَاقِبَاتٍ - مَّا يُمَادِي فِيهِنَّ إِلَّا الْكَفُورُ**

আমাদের প্রতিপালকের নিদর্শনাদি সুস্পষ্ট ও সমজ্ঞল। কাফির ব্যতীত অন্য কেউ এগুলোর ব্যাপারে সন্দেহ পোষণ করে না।

**خَلَقَ اللَّيلَ وَالنَّهَارَ فَكُلُّ - مُسْتَبِينُ حِسَابُهُ مَقْدُورُ**

তিনি সৃজন করেছেন দিবস ও রাতিকে। এর প্রত্যক্তি সুস্পষ্ট এগুলোর হিসাব সুনির্দিষ্ট।

**شُمْ يَجْلُو النَّهَارَ رَبَّ رَحِيمٍ - بِمِهَاةِ شَعَاعِهِ مَنْتُورُ**

এরপর দয়াময় প্রভু দিবসকে আলোকময় করেন বিশাল বিস্তৃত পৃথিবী জুড়ে। সেটির আলো ও কিরণ ছাড়িয়ে পড়ে।

**حَبَسَ الْفِيلَ بِالْمُفْمَسِ حَتَّى - صَارَ يَحْلُوْا كَأَنَّهُ مَعْقُورُ**

তিনি ঝুঁকে দিয়েছেন হাতিকে মুগাম্বাস নামক স্থানে। এরপর সেটি ঝোঁড়া ও আহত পশুর ন্যায় হাত পা গুটিয়ে ওখানে বসে পড়ে।

**لَأَزِمًا حَلَقَةً الْجَرَانِ كَمَا - قُدْ من صخر كِبْكِ مَعْدُورِ**

যেন হাতিটি তার গর্দানের অঘভাগ গুটিয়ে রেখেছিল। যেন সেটি পর্বতচূড়ার প্রস্তররাশি থেকে বিচ্ছিন্ন নীচের দিকে গড়িয়ে পড়া একখণ্ড পাথর।

**حَوْلَهُ مِنْ مُلْوِكٍ كِنْدَةً أَبْطَالٍ - مَلَأَ وِيْثَ فِي الْحُرُوبِ صَفُورُ**

তার চতুর্পার্শে রয়েছে কিন্দা গোত্রের উৎসাহ দানকারী নেতৃস্থানীয় ব্যক্তিবর্গ, যুক্তে যারা বাজ পাখির ন্যায় দুর্ধর্ষ আক্রমণকারী।

**خَلَفُوهُ شَمْ ابْدَعَرُوا جَمِيعًا كُلُّهُمْ عَظِيمٌ سَاقِهِ مَكْسُورُ**

তারা সকলে হাতিকে পেছনে ছেড়ে এসেছে। তারপর ভীত সন্তুষ্ট হয়ে সবাই পলায়ন করেছে। পালিয়েছে খোঁড়াতে খোঁড়াতে যেন প্রত্যেকের পায়ের নলা ভাসা।

**كُلُّ دِيْنٍ يَوْمَ الْقِيَامَةِ عِنْدَ اللَّهِ - الْأَدِينَ الْحَنِيفَةِ بُورُ**

কিয়ামত দিবসে আল্লাহর নিকট একমাত্র দীন হানীফ তথা দীন-ই ইসলাম ব্যক্তীত অন্য সকল দীন বিলুপ্ত হবে। এ প্রসংগে আবু কায়স ইব্ন আসলাত বলেন :

**فَقُومُوا فَصَلُوا رَبِّكُمْ وَتَمْسَحُوا - بِارْكَانِ هَذَا الْبَيْتِ بَيْنَ الْأَخَابِ**

উঠো, তোমাদের প্রতিপালকের উদ্দেশ্যে সালাত আদায় কর এবং পর্বত সমূহের মাঝে অবস্থিত এই ঘরের বরকতময় রূক্ন সমূহ স্পর্শ কর।

**فَعِنْدَكُمْ مِنْهُ بِلَاءٌ مُسْدَقٌ غَدَاءٌ أَبِي يَكْسُومْ هَانَ الْكِتَابِ**

কারণ তার পক্ষ থেকে তোমাদের নিকট সত্যিই একটি পরীক্ষা এসেছিল। সেটি ছিল সেনাপতি আবু ইয়াকুমের (আবরাহার) অভিযান পরিচালনা দিবসে।

**كَتِيبَتُهُ بِالسَّهْلِ تَمْشِي وَرَجْلُهُ عَلَى الْقَادِفَاتِ فِي رُءُوسِ الْمَنَاقِبِ**

তার ঘোড় সওয়ারগণ সমতল পথে হেঁটে চলেছে আর তার পদাতিক বাহিনী অবস্থান নিয়েছে পর্বত শৃঙ্গে।

**فَمَا أَتَاكُمْ نَصْرِنِي الْعَرْشِ رَدَهُمْ - جُنُودُ الْمَلِيكِ بَيْنَ سَافِ وَحَاصِبِ**

তোমাদের প্রতি যা এসেছে তা হল আরশ অধিপতির সাহায্য। পরম পরাক্রমশীল মহান মালিকের (আল্লাহ তা'আলা) সেনাবাহিনী প্রচণ্ড বাযু ও কক্ষ নিয়ে এসে ওদেরকে তাড়িয়ে দিয়েছে।

**فَوَلَوْا سِرَاعًا هَارِبِينَ وَلَمْ يُؤْبَ إِلَى أَهْلِهِ مِنَ الْجَيْشِ غَيْرُ عَصَائِبِ**

অতঃপর তারা দ্রুত পলায়ন করল। হাবশীদের মাত্র কয়েকদল লোক ছাড়া অন্য কেউ নিজ নিজ পরিবারের নিকট ফিরে যেতে পারেন।

কা'বা শরীফ ধৰ্মের অপচেষ্টার হাত থেকে সেটিকে রক্ষা করা এবং কা'বা শরীফের মান মর্যাদা সম্পর্কে উবায়দুল্লাহ ইব্ন কায়স যে কবিতা রচনা করেছে তাও এ প্রসংগে উল্লেখ করা যায় ৪

**كَادَهُ الْأَشْرَمُ الَّذِي جَاءَ بِالْفِيلِ فَوَلَى وَجْيَشُهُ مَهْزُومًّا**

হাতি বাহিনী নিয়ে আসা ব্যক্তির আশরাম এই পবিত্র গৃহ সম্পর্কে ষড়যন্ত্র করেছিল। অতঃপর যে পেছনের দিকে পালিয়ে গেল, তার সৈন্যরাও হল পরাজিত।

**وَاسْتَهَلتْ عَلَيْهِمُ الطَّيْرُ بِالْجَنْدَلِ حَتَّى كَانَهُ مَرْجُومًّا**

বড় বড় পাথর নিয়ে পাখি বাহিনী তাদের উপর জমায়েত হল। অবশেষে সেই আশরাম হল পাথর নিক্ষেপে জর্জরিত ও ক্ষত-বিক্ষত।

**ذَلِكَ مَنْ يَغْزُهُ مِنَ النَّاسِ - يَرْجُمُ وَهُوَ فَلٌ مِنَ الْجُيُوشِ ذَمِيمٌ**

এটি এজন্যে হল যে, যে ব্যক্তিই এ গৃহের বিরুদ্ধে মড়তে যাবে সে নিশ্চিতভাবে ফিরে যাবে এমতাবস্থায় যে, সে পরাজিত সৈনিক এবং নিন্দিত।

ইব্ন ইসহাক ও অন্যরা বলেন যে, আবরাহার মৃত্যুর পর তার পুত্র ইয়াকসুম রাজা হয়। তারপর আসে তার ভাই মাসরক ইব্ন আবরাহা। সে ছিল তাদের বৎশের শেষ রাজা। পারস্য সম্রাট নওশেরাওয়াঁ-এর প্রেরিত সৈন্যবাহিনী নিয়ে অভিযান পরিচালনা করে সায়ক ইব্ন ইয়ায়নে হিময়ারী মাসরকের হাত থেকেই রাজত্ব ছিনিয়ে নেয়। এ বিষয়ে পরে আলোচনা হবে।

হাতি বাহিনীর এই ঘটনা সংঘটিত হয়েছিল রোমান ইতিহাস খ্যাত সম্রাট দ্বিতীয় ইসকান্দার ইব্ন ফিলিপস মাকদুনী ওরফে সম্রাট যুলকারনাইনের যুগ থেকে ৮৮৬ তম বছরের মুহাররাম মাসে।

আবরাহা ও তার দু'পুত্রের মৃত্যু এবং হাবশা থেকে রাজত্ব ইয়ামানে স্থানান্তরিত হওয়ার পর আবরাহার নির্মিত উপাসনালয় কুলায়স পরিত্যক্ত গৃহে পরিণত হয়। অতঃপর তার আর কোন উক্ত অনুরক্ত থাকল না। অথচ নির্বুদ্ধিতা ও মূর্খতার কারণে আবরাহা সেটিকে তৈরী করেছিল আরবদের হজকে কা'বা শরীফ থেকে এই কুলায়সে সরিয়ে আনার জন্যে।

আবরাহা সেটি তৈরী করেছিল দু'টো মূর্তির উপর। মূর্তি দু'টো হল কু'আয়ব ও তার স্ত্রীর। এ দু'টো ছিল কাঠের তৈরী। প্রত্যেকটির দৈর্ঘ্য উচ্চতায় ৬০ গজ। এগুলো মূলত দু'টো নিজের প্রতিকৃতি। এ জন্যেই কেউ কুলায়স গীর্জায় কোন সম্পদ খুলে নিতে চেষ্টা করলে জিনেরা তাকে আক্রমণ করত। অতঃপর এটি প্রথম আবৰাসী খলীফা সাফ্ফাহ-এ খিলোফতকাল পর্যন্ত এভাবেই পরিত্যক্ত অবস্থায় পড়ে থাকে। তাকে কুলায়স তার মধ্যে রক্ষিত ধনসম্পদ ও বহুমূল্য শ্বেতপাথর সম্পর্কে জানানো হয়। এগুলো আবরাহা রাণী বিলকীসের প্রাসাদ থেকে এনে কুলায়সে স্থাপন করেছিল।

অতঃপর খলীফা সাফ্ফাহ এটি ভাঙ্গার জন্যে লোক প্রেরণ করলেন। তারা একটি একটি করে সকল পাথর খুলে নেয় এবং তার সকল ধনসম্পদ নিয়ে আসে। সুহায়লী এরপই উল্লেখ করেছেন। আল্লাহই ভাল জানেন।

### হাবশীদের হাত থেকে রাজত্ব সাম্রাজ্য ইব্ন যুইয়ায়ীনের হাতে রাজত্ব স্থানান্তর

মুহাম্মাদ ইব্ন ইসহাক (র) বলেন, আবরাহার মৃত্যুর পর তার পুত্র ইয়াকসুম রাজত্ব লাভ করে। ইয়াকসুমের দিকে সম্পৃক্ত করে আবরাহাকে আবু ইয়াকসুম বলা হয়। ইয়াকসুমের মৃত্যুর পর তার ভাই মাসরক হাবশী ইয়ামানের রাজত্ব গ্রহণ করেন।

ইয়ামামাবাসীদের উপর যখন নির্যাতন দীর্ঘস্থায়ী হতে থাকে তখন সায়ফ ইব্ন যু-উয়াফান হিময়ারী আবির্ভূত হন। ইনি হলেন সায়ফ ইব্ন যুআয়ীন (ইব্ন যীইস্বাহ ইব্ন মালিক ইব্ন যায়দ ইব্ন সাহল ইব্ন আমর ইব্ন কায়স ইব্ন মু'আবিয়া ইব্ন জাশম ইব্ন আব্ন ওয়ায়েল ইব্ন গাওছ ইব্ন কুতুন ইব্ন আরদ শামস ইব্ন আয়মান ইব্ন হুমায়সা ইব্ন আরীব ইব্ন যুহায়ব ইব্ন আয়মান ইব্ন হুমায়সা ইব্ন আরবাহাজ আরবাহাজ হচ্ছে সাবার পুত্র। হিময়ায়ের সাঙ্গ। সায়ফ এর উপনাম ছিল আবু মুররা।

সায়ফ রোমান স্ম্রাট কায়সারের নিকট গিয়ে নিজেদের দূরবস্থার কথা জানিয়ে তার সাহায্য কামনা করেন। তিনি প্রস্তাব করেন যেন কায়সার তিনি নিজে বা অন্য কাউকে পাঠিয়ে আবিসন্নীয়দেরকে তাড়িয়ে দিয়ে ইয়ামান বাসীদেরকে তার শাসনাধীনে নিয়ে নেন। কিন্তু রোম স্ম্রাট তার প্রস্তাবে সাড়া দিলেন না।

সায়ফ সেখান থেকে বেরিয়ে নুমান ইব্ন মুনয়িরের দরবারে পৌছেন। নুমান তখন পারস্য স্ম্রাটের পক্ষ থেকে হীরা ও তৎসংলগ্ন ইরাকী অঞ্চলের প্রশাসক তিনি হাবশীদের অত্যাচার নির্যাতনের কথা নুমানকে অবহিত করেন। নুমান বলেন, বছরে একবার করে আমি একটি প্রতিনিধি দল নিয়ে পারস্য স্ম্রাট কিসরার দরবারে হাজির হয়ে থাকি। আপনি সে সময় পর্যন্ত অপেক্ষা করুন। সায়ফ তা-ই করেন। যথাসময়ে তাঁকে নিয়ে নুমান কিসরার দরবারে হাজির হন। দরবারের যেখানে রাজমুকুট স্থাপিত কিসরা সেখানেই স্নান গ্রহণ করতেন। তাঁর মুকুট ছিল বৃহদাকার পাত্রের ন্যায়। সেটি ছিল মনি-মুক্তা, ইয়াকৃত ও স্বর্ণ-রৌপ্য খচিত। সেটি থাকত তার সিংহাসনের উপরে স্বর্ণের শিকল দ্বারা একটি তাকের সাথে ঝুলত। সেটি এত ভারী ছিল যে, রাজার ঘাড় তা বহন করতে পারত না। আসন গ্রহণের সময় তার চারিদিকে কাপড়ের বেষ্টনী তৈরী করা হত। লোকচক্ষুর অন্তরালে তিনি ঐ আসনে বসতেন এবং ঝুলত মুকুটে মাথা তুকিয়ে দিতেন। যথাযথভাবে আসন গ্রহণ করার পর কাপড়ের বেষ্টনী তুলে নেয়া হত। অতঃপর ইতিপূর্বে তাকে দেখেনি এমন কেউ তার এ গান্ধীর্যপূর্ণ অবস্থান দেখলে ভয়ে উপুড় হয়ে পড়ে যেত।

সায়ফ যখন রাজার দরবারে প্রবেশ করেন তখন তিনি ও মাথা অবনত করে ফেলেন। স্ম্রাট বলেলেন, এই নির্বোধটি এত উঁচু দরজা দিয়ে আমার নিকট প্রবেশ করার সময়ও নিজের মাথা নুইয়ে রাখছে কেন? স্ম্রাটের এ মন্তব্য সায়ফকে জানানো হয়। উভরে তিনি বলেন, আমার দুশ্চিন্তার কারণে আমি একপ করেছি। কারণ আমার দুশ্চিন্তার সম্মুখে সব কিছুই সংকীর্ণ মনে হয়। এরপর তিনি বললেন : মহারাজ! পশ্চিমা বিদেশীরা আমার দেশ দখল করে রেখেছে। কিসরা প্রশ্ন করেন, কারা সেই বিদেশী ? হাবশীরা, নাকি সিন্ধীরা ? তিনি বললেন : বরং হাবশীরা আমি আপনার নিকট এসেছি সাহায্যপ্রার্থী হয়ে। অতঃপর আপনি বিজয়ী হলে আমাদের দেশ আপনার অধীন হবে। স্ম্রাট বললেন, তোমাদের দেশ তো অনেক দূরে। তদুপরি তাতে কোন সম্পদ নেই। আমি সেই দূর দূরান্তের আরব দেশে আমার পারসিক সৈন্য

প্রেরণ করতে আগ্রহী নই। ঐ দেশটির অধীনে আনার আমার কোন প্রয়োজনও নেই। সম্মাট তাকে দশ হাজার দিরহামের আর্থিক অনুদান এবং চমৎকার একজোড়া পোশাক দান করেন। অনুদান গ্রহণ করে সায়ফ সেখান থেকে বেরিয়ে আসেন এবং ঐ অর্থ লোকজনকে অকাতরে বিলিয়ে দেন। এ সংবাদ সম্মাটের গোচরীভূত হয়।

সম্মাট বলেন, এর মধ্যে নিচ্ছয়ই কোন রহস্য আছে। তিনি তাকে ডেকে পাঠান। তারপর বলেন, তুমি সম্মাটের দেয়া অনুদান লোকজনকে বিলিয়ে দিচ্ছ ব্যাপার কী? জবাবে তিনি বলেনঃ আপনার অনুদান দিয়ে আমি কী করব? আমার যে দেশ থেকে আমি এসেছি তার পাহাড় পর্বত তো পুরোটাই স্বর্ণ রৌপ্যে ভরপুর। এটার প্রতিই মানুষ আসঙ্গ হয়। একথা শুনে সম্মাট তার অমাত্যেদেরকে ডেকে এ লোকের ব্যাপারে তাদের অভিমত জানতে চাইলেন। একজন বলল, মহারাজ! আপনার বন্দীখানায় কতক বন্দী লোক আছে যাদেরকে হত্যা করার জন্যে আপনি আটকিয়ে রেখেছেন। তাদেরকে যদি আপনি এ লোকের সাথে পাঠিয়ে দেন এবং সেখানে যুদ্ধ করে তারা যদি মারা যায়। তবে তাদেরকে হত্যা করার আপনার যে ইচ্ছা ছিল তা পূর্ণ হবে। আর তারা যদি যুদ্ধে জয়লাভ করে তবে একটি অতিরিক্ত রাজ্য আপনার অধীনে আসবে। প্রস্তাবটি রাজার মনঃপুত হয় এবং কারারঞ্জ ৮০০ ব্যক্তিকে তিনি সায়ফের সাথে প্রেরণ করেন। ওয়াহরিজ নামের একজনকে তিনি সেনাপতি নিযুক্ত করে দেন। ওয়াহরিজ ছিল তাদের মধ্যে বয়োবৃন্দ এবং সর্বাধিক অভিজাত বংশীয়। ৮টি নৌকায় তারা যাত্রা করে। দু'টো নৌকা ডুবে যায় এবং অবশিষ্ট ৬টি নৌকাং এডেন উপকূলে গিয়ে পৌছে। অতঃপর যথাসাধ্য চেষ্টা চালিয়ে নিজ সম্পদায়ের বহু লোককে সায়ফ এনে ওয়াহরিজের নেতৃত্বে দেন। ওয়াহরিজের প্রতি অঙ্গীকার ব্যক্ত করে সায়ফ বলেন, সর্বক্ষণ আমার বাহিনী আপনার সাথে থাকবে যতক্ষণ আমাদের সবার মৃত্যু হয় কিংবা যতক্ষণ না আমরা সবাই বিজয় লাভ করি। ওয়াহরিজ বললেন, আপনি ন্যায়ানুগ কথা বলেছেন।

এ দিকে তাদের বিরুদ্ধে যুদ্ধ করার জন্যে ইয়ামানের রাজ্য মাসরক ইব্ন আবরাহা বেরিয়ে আসে এবং সৈন্য সমাবেশ ঘটায়। ওদের যুদ্ধের গতিপ্রকৃতি পরীক্ষা করার উদ্দেশ্যে প্রথমত ওয়াহরিজ তার পুত্রকে যুদ্ধার্থে পাঠান। যুদ্ধে তার পুত্রটি নিহত হয়। এতে ওয়াহরিজ ওদের প্রতি আরও দ্রুত হন। সৈন্যগণ যখন নিজ নিজ সারিতে সারিবদ্ধ তখন ওয়াহরিজ বলেন যে, ওদের রাজা কোন্ ব্যক্তি তা আমাকে দেখিয়ে দাও! সৈন্যগণ বলল, এ যে ব্যক্তিটি হাতির পিঠে অবস্থান করছে তার মাথায় মুকুট এবং দু'চক্র মধ্যখানে রঙিম ইয়াকুত পাথর রয়েছে তাকে কি আপনি দেখতে পাচ্ছেন। তিনি বললেন, “হ্যাঁ, দেখতে পাচ্ছি। লোকজন বলল, সে ব্যক্তিই ওদের রাজা। ওকে আমার জন্যে ছেড়ে দাও। আমি দেখছি। দীর্ঘক্ষণ অপেক্ষা করে তিনি আবার বললেন, এখন ঐ রাজা কিসে সওয়ার আছেং তারা বলল, সে এখন ঘোড়ার পিঠে সওয়ার আছে। তিনি বললেন, ঠিক আছে তোমরা ওকে থাকতে দাও। আমি তাকে দেখছি। দীর্ঘক্ষণ অপেক্ষা করে ওয়াহরিজ আবার বললেনঃ এখন সে কিসের উপর সওয়ার আছে? তারা বললো, এখন সে এক মাদী খচরের পিঠে উপবিষ্ট আছে। ওয়াহরিজ বললেনঃ গাধার



ইয়াখিনকে অভিবাদন জানানোর জন্যে দলে দলে তার নিকট আসতে থাকে। রাজ্য ক্ষমতায় ফিরে আগমনকারী প্রতিনিধি দলসমূহের মধ্যে আবদুল মুত্তালিব ইব্ন হাশিমও ছিলেন। তখন সায়ফ ইব্ন যুইয়ায়ীন আবদুল মুত্তালিবকে শেষ নবী হ্যরত মুহাম্মদ (সা)-এর আগমনের সুসংবাদ এবং সংশ্লিষ্ট বিষয়াদি সম্পর্কে অবহিত করেন। এ বিষয়ের বিস্তারিত আলোচনা “রাসূলুল্লাহ (সা)-এর আগমনের সুসংবাদ” শিরোনামে আলোচিত হবে।

ইব্ন ইসহাকের মতে আবু সালত ইব্ন আবী রাবী’আ ছাকাফী এবং ইব্ন হিশামের মতে উমাইয়া ইব্ন আবী সালত বলেছেন :

**يَطْلُبُ الْوِتْرَ أَمْثَالَ إِبْنِ نَبِيٍّ يَزَنْ - رَيْمُ فِي الْبَحْرِ لِلأَعْدَاءِ أَحْوَالًا**

ইব্ন যী ইয়াখিনের ন্যায় লোকদেরই উচিত প্রতিশোধ গ্রহণের এগিয়ে যাওয়া শোভা পায়। যিনি প্রতিশোধ নেয়ার জন্যে বছরের পর বছর ধরে সমুদ্রের পাড়ে লুকিয়ে থাকেন।

**يَمَّ فَيَصِرَّا لَمَّا حَانَ رَحْتَهُ - فَلَمْ يَجِدْ عِنْدَهُ بَعْضَ الَّذِي مَسَّاً**

তার দেশ ত্যাগের সময় তিনি রোমান স্মার্ট কায়সারের নিকট গেলেন। কিন্তু তার প্রার্থিত সাহায্য সেখানে তিনি পেলেন না।

**ثُمَّ انْتَنِي نَحْوَ كِسْرِي بَعْدَ عَاشِرَةٍ - مِنَ السِّنِينِ يَهِينُ النَّفْسَ وَالْمَالُ**

তারপর পারস্য স্মার্ট কিসরার নিকট গেলেন। দশ বছর পর তিনি নিজের ব্যক্তিত্ব ও ধন-সম্পদকে তুচ্ছ জ্ঞান করেন।

**حَتَّىٰ أَتَىٰ بَيْنِ الْأَحْرَارِ يَحْمِلُهُمْ - إِنَّكَ عَمْرِي لَقَدْ أَشْرَعْتَ قَلْقًا**

অবশেষে তিনি এলেন বনি আহরার গোত্রের নিকট। তিনি তাদেরকে প্রতিশোধ গ্রহণের জন্যে উন্নেজিত করেন। আমার জীবনের শপথ আপনি খুব দ্রুত আন্দোলন সৃষ্টি করেছেন।

**لِلَّهِ دُرُّهُمْ مِنْ عُصْبَيْهِ خَرَجُوا - مَا إِنَّ أَرَىٰ لَهُمْ فِي النَّاسِ أَمْثَالًا**

সেই বাহিনীটি এক সময় বিস্ময়করভাবে অভিযানে বেরোল যে, মানব সমাজে আমি তো তাদের তুল্য কাউকে দেখিনি।

**غَلْبًا مُرَازَبَةً لِيَضِأْ أَسَاوِرَةً - أُسْرًا تُرَبَّبُ فِي الْغَيْضَاتِ أَشْبَابًا**

তারা সদা বিজয়ী রাজন্যবর্গ এবং স্বচ্ছ ঝলমলে কংকন পরিদানকারী। তারা সেই সিংহ গভীর জঙ্গলে যারা সিংহ শাবক লালন-পালন করে। তারা প্রভাত আলোতে তীর নিষ্কেপ করে ওগুলো দ্রুত লক্ষ্যভেদ করে।

**يَرْمَوْنَ عَنْ سُلُوفٍ كَانَهَا غَبْطَ بِزَمْخَرٍ يُعْجِلُ الْمَرْمَى أَعْجَابًا**

তারা প্রভাত আলোতে তীর নিষ্কেপ করে ওগুলো দ্রুত লক্ষ্য ভেদ করে।

**أَرْسَلْتَ أُسْرًا عَلَى سُودِ الْكَلَابِ فَقَدْ - أَضْحَى شَدِيدُهُمْ فِي الْأَرْضِ فُلَلًا**

আল-বিদায়া ওয়ান নিহায়া (২য় খণ্ড) 88—

আপনি কালো কুকুরদের প্রতি সিংহ লেলিয়ে দিয়েছেন ফলে তাদের পলায়নপর বাহিনী ভূলঠিত হয়েছে।

فَأَشْرَبَ هَنِيئًا عَلَيْكَ التَّاجُ مُرْتَفَقًا - فِي رَأْسِ غُمْدَانَ دَارًا مِنْكَ  
مَحْلًا

আপনি তৃষ্ণ চিতে পানীয় পান করুন। আপনার মাথায় রয়েছে রাজমুকুট। আপনার বিশ্রামস্থল গুমদান প্রাসাদ, এটি আপনার বৈধ ভবনে পরিণত হয়েছে।

وَأَشْرَبَ هَنِيئًا فَقَدْ شَالَتْ نَعَامَتُهُمْ وَأَسْبَلَ الْيَوْمَ فِي بُرْدِيكَ اسْبَلًا

আপনি তৃষ্ণি সহকারে পান করুন। শক্রুরা ধৰ্মস হয়ে গিয়েছে। এখন আপনি আপনার চাদর জোড়া হেঁচড়িয়ে অহংকারী চালে পথ চলুন।

تِلْكَ الْمُكَارِمُ لَا قَعْبَانٌ مِنْ لَبَنٍ شَبِيبًا بِمَاءٍ فَعَادًا بَعْدَ أَبْوَالًا

এগুলো মহৎ গুণাবলী পানি মিশ্রিত দুধের তেমন দু'টি পাত্র যেগুলো পরিণত হয় প্রস্তাবের পাত্রে।

কথিত আছে যে, গুমদান হলো ইয়ামানের একটি রাজপ্রাসাদ। ইয়ারুব ইব্ন কাহতান সেটি নির্মাণ করেন। পরবর্তী ওয়াইলা ইব্ন হিমইয়ার ইব্ন সাবা কৌশলে সেটি করতলগত করেন। বলা হয়ে থাকে যে, এটি ছিল বিশ তলা বিশিষ্ট প্রাসাদ। আল্লাহই ভাল জানেন।

ইব্ন ইসহাক বলেন আদি ইব্ন যায়দ হিমইয়ারী বলেছেন, তিনি ছিলেন বনী তামীম গোত্রের অন্তর্ভুক্ত।

مَا بَعْدَ صَعَاءَ كَانَ يَعْمَرُهَا - وَلَأَةُ مَلِكٍ جَزْلُ مَوَاهِبُهَا

সান'আর পওনের এটির কী হলো? যা গড়ে তুলে ছিলেন শাসকবর্গ যাদের দান দক্ষিণা ছিল অবারিত।

رَفَعَهَا مَنْ بَنَى لِذِي قُرْعَ الْمُزْنِ - وَتَنَرَى مِشْكًا مَحَارِبُهَا

যে ব্যক্তি এটি নির্মাণ করেছে সে এটিকে মেঘমালা পর্যন্ত উন্নীত করেছিলেন। এটির মেহরারগুলো থেকে কস্তুরির সুবাস ছড়িয়ে পড়ে।

مَحْفُوفَةً بِالْجِبَالِ دُونَ عَرَى الْكَائِرِ - مَا يُرْتَقِي غَوَارِبُهَا

এটি পর্বতরাজি দ্বারা পরিবেষ্টিত। এটি চক্রান্তকারীদের চক্রান্ত থেকে নিরাপদ। এ প্রাসাদের চূড়ায় আরোহণ করা যায় না।

يَأْنَسٌ فِيهَا صَوْتُ النَّهَامِ - إِذَا خَاوَبَهَا بِالْعَشِّ قَاصِبَهَا

সান্ধ্যকালীন বজ্রনিনাদ ঐ প্রাসাদে কাঠ মিঞ্চির শব্দের ন্যায় খটখট শব্দ করে।

سَاقَتِ الْيَهَا أَسْبَابُ جُنْدَ بَنِي الْأَحْرَارِ فُرْسَانُهَا مَوَاكِبُهَا

নানা প্রকারের উপাদান বনী আহরার গোত্রের সৈনিকদেরকে তার দিকে টেনে এনেছে। তাদের অশ্বারোহীগণ এসেছিল মিছিল সহকারে।

وَفَوْزٌ بِالْبِغَالِ تُوسِقُ بِالْحَتْفِ - وَتَسْعِي بِهَا تَوَالِبُهَا

মৃতপ্রায় ভারবাহী খচরগুলোকে পৃথক করে দেয়া হয়েছে। তাদের সাথে ছুটে গেল তাদের বাচ্চাগুলো।

حَتَّى يَرَاهَا أَلَقْوَالُ مِنْ طِرِفِ النَّقْلِ - مُخَضِّرَةً كَتَائِبُهَا

বস্তুত হিমহিয়ারী রাজাগণ দুর্গের উপর থেকে ওদের প্রাণ প্রাচুর্যে ডরা অশ্বারোহী বাহিনীকে দেখতে পেলেন।

يَوْمَ يُنَادِونَ إِلَى بَرْبَرِ وَالْكَبِيْسِيْمِ - لَا يُفْلِحُنَّ هَارِبُهَا

যেদিন তারা বর্বর কায়সুম বংশের লোকদেরকে ডাক দিয়েছিল ওদের প্লায়নকারী পালিয়ে বাঁচতে পারবে না।

فَكَانَ يَوْمًا بَاقِيُ الْحَدِيثِ وَزَالَتْ أُمَّةٌ ثَابِتٌ مَرَاثِبُهَا

সে দিবসের এ আলোচনাই শুধু অবশিষ্ট রয়েছে যে, মর্যাদাবান ও শক্তিশালী একদল মানুষ সে দিন নিশ্চিহ্ন হয়ে গিয়েছিল।

وَبَدِيلَ الْهَيْجِ بِالْزَرَافَةِ وَالْأَيَامُ حُونَ جَمُ عَجَائِبُهَا

সে দিন উত্তেজিত বাহিনী নিরীহ জিরাফে পরিণত হয়েছিল। সেই দিনগুলো বহু ঘটনার সাক্ষীতে পরিণত হয়েছে।

بَعْدَ بَنِي تَبَعٍ تُبَعِ نُخَاوَرَةٍ - قَدِ اطْمَأَنَتْ بِهَا مَرَازِبُهَا

সম্মানিত তুর্কা সম্প্রদায়ের পর এ দুর্গে পারস্যের সামন্তগণ নিশ্চিন্তে সেটির মালিকানা লাভ করেন।

ইব্ন হিশাম বলেন, পূর্বোল্লেখিত জ্যোতিষী সাতীহ তার বক্তব্য “তারপর ইরাম যী ইয়ায়ীন তাদের নিকট আসবে আদন থেকে। অতঃপর কাউকেই ইয়ামানে অবশিষ্ট রাখবে না” দ্বারা এটাই বুঝিয়েছিল। আর জ্যোতিষী শিক “এমন একটি বালক যে, গ্রাম্যও নয় শহরেও নয়। যীইয়ায়ানের গোত্র থেকে সে বের হবে” দ্বারাও এ দিকেই ইঙ্গিত করেছিল।

ইব্ন ইসহাক বলেন, ওয়াহরিয এবং পারসিকগণ ইয়ামানে বসবাস করতে থাকে। এখনকার ইয়ামানের অধিবাসিগণ সেই পারসিকদের বংশধর। আরিয়াতের ইয়ামানে প্রবেশ থেকে শুরু করে পারসিকদের হাতে মাসরুক ইব্ন আবরাহা-এর নিহত হওয়া এবং হাবশীদের ইয়ামান থেকে বহিস্থিত হওয়া পর্যন্ত তাদের রাজতুকাল ছিল ৭২ বছর। এই মেয়াদে পরপর

চারজন হাবশী রাজা রাজত্ব করে। তারা হলো পর্যায়ক্রমে আরইয়াত, আবরাহা, ইয়াকসূম ইব্ন আবরাহা এবং মাসরুক ইব্ন আবরাহা।

## ইয়ামানে পারসিকদের শেষ পরিণতি

ইব্ন হিশাম বলেন, ওয়াহ্ৰিয়ের মৃত্যুর পর পারস্য সম্রাট কিসরা ওয়াহ্ৰিয়ের পুত্র মারযুবানকে ইয়ামানের শাসনকর্তা নিযুক্ত করে। মারযুবানের মৃত্যুর পর তদীয়পুত্র তাইনুজানকে তারও মৃত্যুর পর তার পুত্রকে শাসনকর্তা নিযুক্ত করা হয়। পরবর্তীতে তাইনুজানের পুত্রকে বরখাস্ত করে বাযালকে ইয়ামানের শাসনকর্তা নিযুক্ত করা হয়। বাযানের শাসন আমলেই রাসূলুল্লাহ (সা) নবুওত প্রাপ্ত হন।

ইব্ন হিশাম বলেন, আমার নিকট সৎবাদ পোছেছে যে, পারস্য সম্রাট কিসরা ইয়ামানের শাসনকর্তা বাযানের নিকট এই মর্মে পত্র লিখেছিল, আমার নিকট সৎবাদ এসেছে, কুরায়শ বংশের জনৈক ব্যক্তি মুক্তা নগরীতে আত্মপ্রকাশ করেছে এবং সে নিজেকে নবী বলে দাবী করছে। তুমি তার কাছে যাও। তাকে বল সে যেন ঐ দাবী ত্যাগ করে। সে যদি তা ত্যাগ করে তবে তো নতুনা তুমি তার ছিন্মস্তক আমার নিকট পাঠাবে। বাযাল তখন সম্রাটের পত্রটি রাসূলুল্লাহ (সা)-এর নিকট প্রেরণ করে। উভয়ে রাসূলুল্লাহ (সা) দিখেন, আল্লাহ তা'আলা আমার সাথে অঙ্গীকার করেছেন যে, অমুক মাসের অমুক তারিখে কিসরা নিহত হবে। রাসূলুল্লাহ (সা)-এর উভয় পেয়ে শাসনকর্তা বাযান উল্লেখিত দিনের জন্যে অপেক্ষা করতে থাকেন। তিনি বলেন উক্ত ব্যক্তি যদি সত্যই নবী হয়ে থাকেন তিনি যা বলেছেন অচিরেই ঘটবে। রাসূলুল্লাহ (সা) কিসরার নিহত হওয়ার যে তারিখ উল্লেখ করেছিলেন ঠিক সে তারিখেই আল্লাহ তা'আলা তাকে হত্যা করান।

ইব্ন হিশাম বলেন, কিসরা নিহত হয় তার পুত্র শের ওয়েহের এর হাতে। কোন কোন ঐতিহাসিক বলেন, তার সকল পুত্রই তার হত্যায় জড়িত ছিল। এই কিসরা হল পারভেয় ইব্ন হরমুয় ইব্ন নওশেরাওয়া ইব্ন কুবায়। সে-ই রোম সম্রাটকে পরাস্ত করেছিল : **الْمُغْلِبُتُ عَلَيْهِ الرُّومُ**। - আলিফ, লাম, মীম, রোমকগণ পরাজিত হয়েছে নিকটবর্তী অঞ্চলে আয়োতে সেই রোম বিজয়ের উল্লেখ রয়েছে। পরবর্তীতে এই বিষয়ে বিস্তারিত আলোচনা হবে। সুহাইলী বলেন, নবম হিজরীর জুমাদাল উলা মাসের ১১ তারিখ বুধবারে সে নিহত হয়। কথিত আছে যে, তাকে ইসলামের দাওয়াত দিয়ে তার প্রতি রাসূলুল্লাহ (সা) যে পত্র পাঠিয়েছিলেন সেটি পেয়ে সে ভীষণ ক্রুদ্ধ হয় এবং পত্রটি ছিঁড়ে টুকরো টুকরো করে ফেলে। অতঃপর তার বক্তব্য লিখে ইয়ামানের শাসনকর্তা বাযানের নিকট পত্র পাঠায়।

কোন কোন বর্ণনায় আছে যে, রাসূলুল্লাহ (সা) বাযানের প্রতিনিধিকে বলেছিলেন, আমার প্রতিপালক তো এ রাতে তোমার রাজাকে হত্যা করেছেন। পরে দেখা গেল, রাসূলুল্লাহ (সা) যা বলেছেন তা-ই হয়েছে। ঠিক ঐ রাতেই সে নিহত হয়েছে। প্রথম দিকে ন্যায়পরায়ণ থাকলেও পরবর্তীতে সে অত্যাচারী হয়ে উঠে। ফলে তার ছেলেরা তাকে সিংহাসনচ্যুত করে এবং হত্যা করে। তারা তার পুত্র শেরওয়েহকে সিংহাসনে বসায়। পিতা নিহত হওয়ার ছয়মাস বা তারও কম সময়ের মধ্যে শেরওয়েহ মৃত্যু হয়। এ প্রসংগে কালিদ ইব্ন হক শায়বাণী বলেন :

وَكِسْرٌ اذْ تَقْسِمُهُ بَنُوهُ - بِاسْيَافٍ كَمَا أَقْتُسِمَ اللَّحْمُ

আর কিসরার ব্যাপারটি তার পুত্রগণ তাকে তলোয়ার দ্বারা টুকরো টুকরো করেছে যেমন টুকরো করা হয় গোশত।

شَخَصَتْ الْمَنْوْنُ لَهُ بِيَوْمٍ - أَلَا وَلَكُلَّ حَامِلَةٌ تَمَامٌ

একদিন তার মৃত্যু এলো এবং প্রত্যেক জীবেরই মৃত্যু আছে।

যুহুরী (র) বলেন, এ সৎবাদ অবগত হয়ে বাযান নিজের ইসলাম প্রহণ এবং তার সাথী পারিসিকদের ইসলাম প্রহণের বার্তা সহ রাসূলুল্লাহ (সা)-এর নিকট প্রতিনিধি প্রেরণ করেন। তখন প্রতিনিধিগণ বলেন, ইয়া রাসূলুল্লাহ (সা)! আমরা কাদের সাথে যুক্ত হবো! রাসূলুল্লাহ (সা) বলেন, তোমরা আমাদের পরিবারের সাথে যুক্ত হবে। এ প্রসংগে যুহুরী (র) বলেন, যে দৃষ্টিকোণ থেকে রাসূলুল্লাহ (সা) হ্যরত সালমান (রা) সম্পর্কে বলেছিলেন (স্লَمَانُ مَنَا أَهْلَهُ). (الْبَيْتُ সালমান রাসূল পরিবারের অন্তর্ভুক্ত। আমি বলি আলোচ্য বর্ণনা থেকে স্পষ্ট বুঝা যায় যে, বাযানের ইসলাম প্রহণের সম্পর্কিত ঘটনা সংঘটিত হয় রাসূলুল্লাহ (সা)-এর মদীনায় হিজরতের পর। এ জন্যে ইয়ামানের লোকজনকে ভাল কাজের শিক্ষা দেয়া এবং আল্লাহর পথে দাওয়াত দেয়ার জন্যে তিনি প্রশাসকগণকে ইয়ামান প্রেরণ করেছিলেন। সর্বপ্রথম প্রেরণ করেন খালিদ ইবন উলীদকে এবং আলী ইবন আবী তালিব (রা)-কে। তারপর প্রেরণ করেন আবু মুসা আশআরী ও মু'আয ইবন জবল (রা)-কে। এ সময়ে ইয়ামানবাসীরা ইসলামের ছায়াতলে আসে। বাযানের মৃত্যু হলে তাঁর পুত্র শাহর ইবন বাযান তাঁর স্তুলাভিষিক্ত হন। ভগু নবী আসওয়াদ আনসী যখন নবুওত দাবী করে তখন সে শাহর ইবন বাযানকে হত্যা করে এবং তার স্তীকে ছিনিয়ে নিয়ে যায়। সে ইয়ামানে নিযুক্ত রাসূলুল্লাহ (সা)-এর প্রতিনিধিকেও সেখান থেকে বহিক্ষার করে। এ বিষয়ে পরে আলোচনা আসবে। আসওয়াদ আনসী নিহত হওয়ার পর সেখানে পুনরায় মুসলিম আধিপত্য প্রতিষ্ঠিত হয়। ইবন হিশাম বলেন, জ্যোতিষী সাতীহ তার বক্তব্য “পরিত্র নবী, উর্ধ্ব জগত থেকে তাঁর ওহী আসবে” দ্বারা এদিকে ইঙ্গিত করেছিল এবং জ্যোতিষী শিক তার বক্তব্য” “এবং ত্রি রাজত্বে ছেদ পড়বে একজন রাসূলের দ্বারা। তিনি সত্য ও ন্যায় সহকারে আসবেন, তিনি আসবেন দীনদার ও মর্যাদাবান লোকদের মধ্যে অতঃপর কিয়ামত দিবস পর্যন্ত রাজত্ব সম্পন্নদায়ের মধ্যে থাকবে” দ্বারা এদিকেই ইঙ্গিত করেছে।

ইবন ইসহাক বলেন, ইয়ামান বাসীরা দাবী করে যে, সেখানকার একটি পাথরে যবুর কিতাবের উক্তি লিখিত ছিল। এটি প্রাচীন যুগের লিখিত হয়েছিল। তাতে লেখা ছিল রাজত্বের মালিক হবে শ্রেষ্ঠ হিময়ারীগণ। রাজত্বের মালিক হবে মন্দ লোক হাবশীগণ, রাজত্বের মালিক হবে স্বাধীন পারসিকগণ। রাজত্বের মালিক হবে ব্যবসায়ী সম্পন্দায় কুরায়শগণ।

একজন কবি এই বিষয়টিকে কবিতায় সন্নিবেশিত করেছেন। মাসউদী তা উল্লেখ করেছেন

حِينَ شُدَّتْ ذِمَارُ قِيلَ لِمَنْ أَنْتَ - فَقَاتَلَ لِحِمَرِ الْأَخْيَارِ

যুদ্ধের প্রস্তুতি যখন সম্পন্ন হল তখন বলা হল তুমি কার পক্ষে? তখন যে বলল শ্রেষ্ঠ সম্পন্দায় হিমইয়ারীদের পক্ষে।

لَمْ سُئِّلْتَ مِنْ بَعْدِ ذَلِكَ لِمَنْ أَنْتَ - فَقَالَتْ أَنَا لِلْحُبْشِ أَخْبَثُ الْأَشْرَارِ

তারপর তাকে জিজ্ঞেস করা হল, এবার তুমি কারং তখন সে বলল, মন্দ ব্যক্তি হাবশীদের পক্ষে

لَمْ قَالُوا مِنْ بَعْدِ ذَلِكَ لِمَنْ أَنْتَ - فَقَالَتْ لِفَارِسِ الْأَحْرَارِ

তারপর তারা বলল, এবার তুমি কার পক্ষে? সে বলল স্বাধীন চেতু পারসিকদের পক্ষে।

لَمْ قَالُوا مِنْ بَعْدِ ذَلِكَ لِمَنْ أَنْتَ - فَقَالَتْ إِلَيْ قُرَيْشِ التُّجَارِ

তারপর বলা হল এবার তুমি কার পক্ষে? সে বলল, ব্যবসায়ী সম্প্রদায় কুরায়শদের পক্ষে।

কথিত আছে, যে, মুহাম্মাদ ইবন ইসহাক এখানে যা উল্লেখ করেছেন তা হযরত হুদ (আ)-এর কবরের পাশে লিখিত পাওয়া গিয়েছিল। বায়ু প্রবাহের ফলে ইয়ামানে অবস্থিত তাঁর কবরের মাটি সরে গেলে এটি পাওয়া যায়। রাণী বিলকীসের শাসনামলের অন্ন কিছুদিন পূর্বে আমর যিলি ইয়আ'বের ভাই মালিক যীল মানারের শাসনামলে এ ঘটনা ঘটে। কেউ কেউ বলেন, এটি হযরত হুদ (আ)-এর কবরের উপরের লেখা ছিল এটি তারই বাণী। শেষেও মন্তব্য করেছেন আল্লামা সুহায়লী (র)। আল্লাহই ভাল জানেন।

### হায়র অধিপতি সাতিরুন-এর বিবরণ

আব্দুল মালিক ইবন হিশাম এ পর্যায়ে সাতিরুন-এর আলোচনার অবতারণা করেছেন। কারণ ইয়ামান রাজ্য পুনরুদ্ধারে সায়ক ইবন যী ইয়ামানের নু'মান ইবন মুনয়িরের নিকট সাহায্য প্রার্থনা প্রসংগে যে নু'মানের কথা উল্লেখ করা হয়েছে কোন কোন কুলজী বিশারদ বলেছেন যে, সেই নু'মান হায়র অধিপতি 'সাতিরুন'- এর অধ্যক্ষত্ব বংশধর। ইতিপূর্বে ইবন ইসহাক সূত্রে আমরা উল্লেখ করেছি যে, নু'মান ইবন মুনয়ির হচ্ছেন বাবী'আ ইবন নাসর এর বংশধর। উপরন্তু জুবায়র ইবন মুতাইম সূত্রে ইবন ইসহাক উল্লেখ করেছেন যে, নু'মান হল কায়সার ইবন ম'ন্দি ইবন আদনানের বংশধর। বস্তুত নু'মান ইবন মুনয়িরের বংশ তালিকা সম্পর্কে এ তিনি প্রকারের বক্তব্য এসেছে। এই সূত্রে ইবন হিশাম (র) হায়র অধিপতি 'সাতিরুন'- এর আলোচনার অবতারণা করেছেন। হায়র হল একটি বিশাল দূর্গ। বাদশা সাতিরুন ফোরাত নদীর তীরে এটি নির্মাণ করেন। প্রাসাদটি গগনচূম্বী, সুউচ্চ, সুপ্রশস্ত ও বিশালায়তন। এটির চৌহন্দী একটি বিরাট শহরের সমান। দৃঢ়তা, সৌন্দর্য ও চমৎকারিত্বে এটি তুলনাহীন। চতুর্দিক থেকে সড়ক ও জনপথ সমূহ এখানে এসে থেমেছে। সাতিরুনের নাম দীবান ইবন মু'আবিয়া ইবন উবায়দ ইবন আজরম। আজরম হল সাতির ইবন হুলওয়ান ইবন ইলহাফ ইবন কুয়া'আ-এর বংশধর। ইবন কুয়া'আ তার এ বংশ তালিকা উল্লেখ করেছেন।

অন্যান্য কুলজী বিশারদগণ বলেন, সে ছিল জারমুক বংশের অন্তর্ভুক্ত এবং একজন আঞ্চলিক রাজা। তাদের শক্তর বিরুদ্ধে যুদ্ধে লিঙ্গ হলে সাতিরুনকে সকলের সম্মুখে এগিয়ে দেয়া হতো। তার দূর্গ ছিল দিজলা ও ফোরাত নদীর মধ্যবর্তী স্থানে।

ইব্ন হিশাম বলেন, পারস্য সম্রাট সাপুর যুল আকতাফ আলোচ্য হায়র অধিপতি সাতিরুন্নের বিরুদ্ধে যুদ্ধ করেছিল। ইব্ন হিশাম ব্যতীত অন্যান্য ঐতিহাসিকগণ বলেন, হায়র অধিপতি সাতিরুন্নের বিরুদ্ধে যুদ্ধ করেছিল সাপুর ইব্ন আরদশীর ইব্ন বাবক, সে সাসান গোত্রের প্রথম রাজা। সে আঞ্চলিক রাজাদেরকে পদান্ত করে পারস্য সাম্রাজ্যের অধীনে ফিরিয়ে এনেছিল। পক্ষান্তরে সাপুর যুল আকতাফ ইব্ন হরমুয় সে পূর্বোক্ত সাপুর ইব্ন আরদশীরের বহুকাল পরের লোক। আল্লাহই ভাল জানেন। এটি সুহায়লীর বর্ণনা। ইব্ন হিশাম বলেন, পারস্য সম্রাট সাপুর সাতিরুনকে দীর্ঘ দুই বছর পর্যন্ত দুর্গের মধ্যে অবরুদ্ধ করে রাখে। অন্যরা বলেন, এই অবরোধের মেয়াদ ছিল চার বছর। আক্রমণের কারণ এই ছিল যে, সম্রাট সাপুর ইরাক সফরে থাকার কারণে অনুপস্থিতির প্রাক্তালে সাতিরুন গিয়ে সাপুরে রাজ্য আক্রমণ করে এবং সেখানে লুটপাট চালায়। প্রতিশোধ স্বরূপ সাপুর তার উপর আক্রমণ করে এবং অবরোধ সৃষ্টি করে। অবরোধকালীন সময়ে একদিন সাতিরুনের কন্যা দুর্গের ছাদে আরোহণ করে। তার নাম নায়িরা। সম্রাট সাপুরকে দেখে যেয়েটি আসক্ত হয়। সাপুরের পরনে ছিল রেশমী কাপড় আর মাথায় ছিল মনি মুজা ও ইয়াকুত পাথর খচিত স্বর্ণ মুকুট। সে ছিল সুদর্শন ও রূপবান যুবক। নায়িরা গোপনে সাপুরের নিকট বার্তা পাঠায় যে, পিতার দুর্গের ফটক খুলে দিলে তুমি কি আমাকে বিয়ে করবে? সাপুর ইতিবাচক উত্তর দেয়।

সন্ধ্যা বেলা সাতিরুন প্রচুর মদপান করে সে নেশাগত্ত হয়ে পড়ে। নেশাগত্ত না হয়ে সে ঘুমাতো না ইত্যবসরে নায়িরা সাতিরুনের মাথার নীচ থেকে দুর্গের চাবি নিয়ে আসে এবং তার এক ত্রৈদাসের মাধ্যমে তা সাপুরের নিকট পাঠিয়ে দেয়। সাপুর প্রাসাদের ফটক খুলে ফেলে। কেউ কেউ বলেন, নায়িরা ওদেরকে একটি প্রশংসন বর্ণন কথা জানিয়ে দেয়। সেটির মধ্য দিয়ে প্রাসাদের ভেতরে পানি প্রবেশ করত। অতঃপর ঐ বর্ণনার ভেতর দিয়ে তারা “হায়র” দুর্গে প্রবেশ করে। আবার কেউ কেউ বলেন, “হায়র” প্রাসাদে অবস্থানরত একটি গুপ্তরহস্য সে তাদেরকে জানিয়ে দেয়। তাদের জানা ছিল যে, একটি নীল করুতুর ধরে তার পা দু’টি যতক্ষণ না কুমারী বালিকার রজ়ন্নাবের রক্তে রঞ্জিত না করা হবে এবং সেটিকে ছেড়ে না দেয়া হবে ততক্ষণ ঐ ফটক খুলবে না। ঐ করুতুর গিয়ে দুর্গের প্রাচীরে পতিত হলে ঐ যাদুকরী প্রভাব বিনষ্ট হয়ে যাবে এবং ফটক খুলে যাবে। সাপুর তাই করল এবং দরজা খুলে গেল। সে তখন ভিতরে চুকে সাতিরুনকে হত্যা করে হায়র প্রাসাদকে লুটতরাজের জন্য উন্মুক্ত করে দেয় এবং ধ্বংস করে ফেলে। তারপর নায়িরাকে নিয়ে বিয়ে করে। একবাতে নায়িরা বিছানায় ঘুমুতে গিয়ে অনিদ্রায় ছটফট করতে থাকে। সাপুর একটি প্রদীপ আনিয়ে তার বিছানা পরীক্ষা করে বিছানায় একটি ফুলের পাতা খুঁজে পায়। সে নায়িরাকে বলে, এটাই কি তোমার অনিদ্রার কারণ? উত্তরে সে বলে, হ্যাঁ, সাপুর বলে তোমার পিতা তোমাকে নিয়ে কি করত? সে বলল, তিনি আমার জন্যে মখমলের বিছানা বিছাতেন। আমাকে রেশমী কাপড় পড়াতেন। হাড়ের মগজ খাওয়াতেন এবং মদ পান করাতেন। সাপুর বলে, তুমি তোমার পিতার সাথে যে আচরণ করেছ এটি কি তার উচিত প্রতিদান? আমার প্রতি তোমার বিশ্বাসঘাতকতা তা হলে আরো দ্রুততর হবে। অতঃপর তার চুলের বেনীকে ঘোড়ার লেজের সাথে বেঁধে ঘোড়াটিকে ছুটিয়ে দেওয়া হয়। এভাবে তার মৃত্যু হয়। এ প্রসঙ্গে কবি আশা ইব্ন কায়েছ ইব্ন ছালাবা বলেনঃ

الْمَتْرُ لِلْحَضْرِ إِذَا أَهْلَهُ بِنَعْمَى وَهُلْ خَالِدٌ مِّنْ نَعْمَى

তুমি কি দেখনি হায়র দুর্গের অধিবাসীদেরকে যখন তারা ভোগ বিলাসে মন্ত ছিল ? কোন নিয়ামত ও শান্তি কি চিরস্থায়ী ?

اقامْ بِهِ شَاهِبُرُوْ - لِجَنْوُدْ حَولِينْ تَضْرِبُ فِيْ الْقَدْمِ

বাদশাহ সাপুর দু'বছর দুর্গের চারিদিকে তার সৈনিক দ্বারা অবরোধ করে রেখেছিল । তাতে তারা কুঠারাঘাত করত ।

فَلَمَّا دَعَا رَبُّهُ دُعْوَةً - أَنَابَ إِلَيْهِ فَلَمْ يَنْتُقْ

যখন তার প্রতিপালক ডাক দিল । তখন সে তার দিকে ফিরে গেল । প্রতিশোধ গ্রহণ করল না ।

فَهَلْ زَادَهُ رَبُّهُ قُوَّةً - وَمِبْشِلُ مُجَاهِرِهِ لَمْ يُقْمِ

তার প্রতিপালক কি তার কোন শক্তি বৃদ্ধি করেছে ? ঐরূপ আশ্রয়দাতা কোন সাহায্য করতে পারে না ।

وَكَانَ دَعَا قَوْمَهُ دُعْوَةً - هَلْمُوا إِلَى أَمْرِكُمْ قَدْصُرْمَ

সে তার সম্প্রদায়কে ডাক দিয়েছিল । এই বলে যে, তোমরা এগিয়ে আস এমন এক কর্মের প্রতি যা চূড়ান্ত হয়ে গিয়েছে

فَمُوتُوا كَرَاماً بِأَسْيَافِكُمْ - أَرَى الْمَوْتَ بِجَسْمِهِ مِنْ جَثَمَ

তোমরা তরবারী ধারণ করে মর্যাদার সাথে মৃত্যুবরণ কর । আমি মনি করি, যে ব্যক্তি কষ্ট সহিষ্ণু মৃত্যু সহজে তার নিকট আসে না ।

এ প্রসঙ্গে আদী ইব্ন যায়দেরও দীর্ঘ কবিতা রয়েছে যার শেষ কয়টি পংক্তি এরূপঃ

وَتَذَكَّرَ رَبُّ الْخَوْرَ نَقَادُ - أَشْرَفَ يَوْمًا وَلَهُدْيَ تَفْكِيرُ

তুমি স্বরণ কর খাওরানাক<sup>১</sup> প্রাসাদের মালিকের কথা । একদিন সে প্রাসাদের ছাদে উঠেছিল । তার জীবনে হেদায়াত প্রার্থীদের জন্যে চিন্তার খোরাক রয়েছে ।

سَرَهُ مَالُهُ وَكَثِرَةُ مَا يَمْلِكُ وَالْبَحْرُ مُغْرَضًا وَالسَّكِيرُ

তার ধন-সম্পদ ও মালিকানাধীন বস্তুসমূহ, তাকে আনন্দ দান করেছিল ।

فَارْعَوَى قَلْبُهُ وَقَالَ مَا غِبْطَةٌ حِيَ إِلَى الْمَمَاتِ يَصِيرُ

অবশেষে তার অন্তর সুপথ প্রাপ্ত হল এবং সে বলল, কোন জীবিত ব্যক্তির জীৰ্ণীয় কীই বা আছে ? সে তো মৃত্যুর দিকেই এগিয়ে যাচ্ছে ।

لَمْ أَفْحَوْا كَانَهُمْ وَرَقْجَفُ فَالَّوْتُ بِهِ الصَّبَا وَالدَّبُورُ

অবশেষে তারা হয়ে গেল শুকনো পাতার ন্যায় । পূবাল ও পশ্চিমী বায়ু সেটিকে ওলট-পালট করে দেয় ।

১. - অথবা নুমান কর্তৃক নির্মিত রাজপ্রাসাদ

আমি বলি কবিতায় উল্লেখিত খাওরানাক প্রসাদের মালিক হলো প্রাচীন যুগের অন্যতম খ্যাতিমান রাজা। তার অপচয়, সত্যদ্রেহিতা সীমালংঘন, গৌড়ামী, কু-প্রবৃত্তির অনুসরণ এবং আপন প্রতিপালকের অবাধ্যতার জন্যে সে যুগের জনৈক আলেম তাকে উপদেশ দেন। তার পূর্ববর্তী রাজা বাদশাহ ও রাজ্য রাজত্বের কথা উল্লেখ করে তিনি তাকে উপদেশ দেন যে, কেমন করে ওরা সবাই ধৰ্ম হয়ে গেল এবং তাদের কেউই অবশিষ্ট থাকল না। তিনি আরো বললেন, অন্যের নিকট থেকে যে রাজত্ব হস্তান্তরিত হয়ে আপনার নিকট এল আপনার মৃত্যুর পর সেটি হস্তান্তরিত হয়ে অন্যের নিকট চলে যাবে। উক্ত আলেমের উপদেশ তার মনে গভীর বেখাপাত করে এবং চূড়ান্ত ভাবাবেগের জন্ম দেয়। ফলে তার অন্তর হিদায়াতের দিকে ফিরে আসে। সে একদিন একরাত চিন্তা করে। সংকীর্ণ কবরের ভয় তার অন্তরে জাগে। অতঃপর সে তাওবা করে এবং ইতিপূর্বেকার সকল অপকর্ম থেকে নিবৃত হয়। সে রাজত্ব ত্যাগ করে। ফকীর বেশে মাঠে প্রান্তরে ঘোরা ফেরা করে এবং নির্জনতাপ্রিয় হয়ে উঠে। প্রবৃত্তির অনুসরণ ও বিশ্ব প্রতিপালকের অবাধ্যতা থেকে নিজেকে নিবৃত রাখে।

শায়খ ইমাম মুওয়াফ্ফিক ইব্ন কুদাসা মুকাদ্দিসী (র), তাঁর ‘আত তাউয়াবীন’ কিতাবে এই ঘটনা বিস্তারিতভাবে উল্লেখ করেছেন। মজবুত সনদে সুহাইলী তাঁর সুবিন্যস্ত কিতাব ‘আররাওয়ুল উনুফ’ কিতাবে এটি উল্লেখ করেছেন।

### আঞ্চলিক রাজাদের বিবরণ

ইতিপূর্বে আলোচিত হয়েছে যে হায়র অধিপতি সাতিরুন ছিল আঞ্চলিক রাজাদের মধ্যে শ্রেষ্ঠ। তার মেসিডোনিয়ার ফিলিপ্স তনয় শ্রীকসম্রাট আলেকজান্দ্রারের যুগ। কারণ তিনি যখন পারস্য সম্রাট দারা ইব্ন দারার বিরুদ্ধে জয়লাভ করেন, তার সম্রাজ্য পদান্ত করেন এবং তার শহর নগর বিদ্রব্ল করে দিয়ে তার কোষাগারসমূহ লুট করে, পারসিকদের শক্তিকে ছিন্ন বিচ্ছিন্ন করে যেন তখন তিনি এই সংকল্পণ করেন যে, অতঃপর তারা যেন কোন প্রকারেই ঐক্যবদ্ধ হতে না পারে। এজন্যে তিনি তাদের এক একজন লোককে আরব-অনারব অঞ্চলের এক একটা ক্ষুদ্র ক্ষুদ্র রাজ্যের জনগণের জন্য রাজা রূপে মনোনীত করেন। এদের প্রত্যেকেই নিজ নিজ এলাকার নিরাপত্তা বিধান করে। বহিরাক্রমণ থেকে প্রতিরক্ষার ব্যবস্থা করত এবং কর আদায় করত। সংশ্লিষ্ট কোন রাজার মৃত্যু হলে তারই কোন পুত্র কিংবা গ্রাসাপ্দায়ের অন্য কাউকে তার স্থলে রাজা রূপে নিয়োগ করা হতো। প্রায় ৫০০ বছর এভাবেই অতিবাহিত হয়। তারপর আবির্ভাব হয় সম্রাট “আরদশীর” ইব্ন বাবকের। তিনি ছিলেন সাসান (ইব্ন বাহমান ইব্ন ইসকান দিয়ার ইব্ন ইয়াশতাসির ইব্ন লাহরাসিব)-এর অন্যতম পুত্র। তিনি পারস্য রাজ্য পুনরুদ্ধার করে পূর্বাবস্থায় ফিরিয়ে নেয়। তিনি সকল আঞ্চলিক রাজ্য তার অধীনে নিয়ে আসেন আঞ্চলিক সকল রাজার রাজ্যের তিনি বিলুপ্তি ঘোষণা করেন। তাদের কোন ধন সম্পদ তিনি অক্ষুন্ন রাখেননি। তাদের সংশ্লিষ্ট রাজ্য হায়র পুনর্দখল হয় অনেক দেরীতে। আরদশীরের মৃত্যুর পর তার পুত্র সাপুর তা অবরোধ করেন এবং তা দখল করে নেন। ইতিপূর্বে এ ঘটনা আলোচনা হয়েছে। আল্লাহই ভাল জানেন।

## ইসমাইল (আ)-এর বংশধরগণে এবং জাহেলী যুগ থেকে নবুওয়াত প্রাণ্তিকাল পর্যন্ত ঘটনাবলী

নবীগণের আলোচনা প্রসংগে হ্যরত, ইসমাইল (আ)-এর কথা আলোচিত হয়েছে। তাঁর মা হাজেরাসহ তাঁকে সাথে নিয়ে পিতা ইবরাহীম (আ) মক্কায় যে অগমন আলোচনা করেছিলেন এবং ফারান পর্বতের পাদদেশে তাদের বসবাসের ব্যবস্থা করে ছিলেন তাও আলোচিত হয়েছে।

সেখানে তাঁর না ছিল কোন বঙ্গ-বাঙ্কির আর না ছিল কোন সহানুভূতিশীল লোক। তখন হ্যরত ইসমাইল (আ) দুঃখপোষ্য শিশু ছিলেন। আল্লাহর নির্দেশে হ্যরত ইবরাহীম (আ) তাদেরকে সেখানে রেখে চলে যান। এক থলে খেজুর ও এক মাত্র পানি হাড়া হাজেরা (আ)-এর নিকট তখন অন্য কিছু ছিল না। তা শেষ হয়ে যাওয়ার পর আল্লাহ তা'আলা হ্যরত হাজেরা (আ)-এর জন্যে যমযম কুয়ো উৎসারিত করে দেন। এটির পাঁনি ছিল একই সাথে সুমিষ্ট খাদ্য স্বরূপ ও রোগের প্রতিষেধক। ইমাম বুখারী (র) বর্ণিত হ্যরত ইব্ন আব্বাস (রা)-এর দীর্ঘ হাদীসটিতে তা আলোচিত হয়েছে। এরপর মক্কায় হাজিরা (আ)-এর পার্শ্ববর্তী এলাকায় আগমন করে জুরহুম গোত্র। এ কুয়ো থেকে তাদের শুধুমাত্র পানি পান করার ও প্রয়োজনীয় কার্যাদি সমাধার অনুমতি ছিল।

সঙ্গীরপে তাদেরকে পেয়ে হ্যরত হাজেরা স্বচ্ছ বোধ করেন। হ্যরত ইবরাহীম (আ) নিয়মিত তাদের খোঁজখবর নিতে আসতেন। কথিত আছে যে, বায়তুল মুকাদ্দস ও মক্কা যাতায়াতে তিনি বুরাকে আরোহন করতেন। হ্যরত ইসমাইল যখন দৌড়াদৌড়ি করার মত বয়সে পৌছলেন এবং পিতার সাথে কাজ করার মত তরঙ্গে পরিগত হলেন তখন তার কুরবানী বিষয়ক ঘটনাটি সংঘটিত হল। ইতিপূর্বে আলোচনা করা হয়েছে যে, বিশুদ্ধ মতানুযায়ী হ্যরত ইসমাইল (আ)-কেই কুরবানীর নির্দেশ দেয়া হয়েছিল। হ্যরত ইসমাইল (আ) বয়ঃপ্রাপ্ত হলে জুরহুম গোত্রের এক মহিলার সাথে তাঁর বিবাহ হয়। পরে ঐ স্ত্রীর সাথে তার বিবাহ বিচ্ছেদ হয় এবং তিনি অন্য মহিলাকে বিবাহ করেন। এবার তিনি বিবাহ করেন মুদাদ ইব্ন আমর জুরহুমীর কন্যা সাইয়েদাকে। তার গর্ভে ১২ জন পুত্র সন্তান জন্মগ্রহণ করেন। ইতিপূর্বে তাদের কথাও আলোচিত হয়েছে। এ পুত্রগণ হলেন নাবিত, কায়য়ার, মানশা, মিসমা, মাশী, দিস্বা, আফর, ইয়াতুর, নায়শী, তাইমা এবং কায়যুমা। মুহাম্মদ ইব্ন ইসহাক ও অন্যরা কিতাবীদের প্রস্তুতে একপই উল্লেখ করেছেন। হ্যরত ইসমাইল (আ)- এর একজন মাত্র কন্যা সন্তান ছিলেন। তার নাম ছিল নাসিমা। তাঁর আতুপুত্র ঈসু ইব্ন ইসহাক ইব্ন ইবরাহীমের নিকট তাঁকে বিবাহ দেন। ঐ কন্যার গর্ভে রূম ও কারিমের জন্ম হয়। এক বর্ণনা মুতাবিক আশ্বানও তাঁর গর্ভে জন্মগ্রহণ করেন।

হেজাজী আরবগণ বিভিন্ন গোত্র ও উপগোত্রে বিভক্ত হলেও বংশগত উৎসের দিক থেকে তারা হ্যরত ইসমাইল (আ)-এর দু'পুত্র নাবিত ও কায়য়ার-এর বংশধর। হ্যরত ইসমাইল (আ) এরপর তাঁর পুত্র নাবিত কা'বা শরীফ ও যমযমের তত্ত্বাবধায়ক, মক্কা মুকাররমার প্রশাসক হন এবং ঐ অঞ্চলের নেতৃত্ব প্রাপ্ত করেন। তিনি জুরহুমীদের ভাগ্নেও বটে। এরপর ভাগ্নেদের হাত থেকে ক্ষমতা ছিনিয়ে নিয়ে জুরহুমীগণ কা'বা শরীফের কর্তৃত্ব প্রাপ্ত করে। অতঃপর

ইসমাইল বংশীয়দের স্থলে তারাই দীর্ঘদিন মক্কা মুকাররমা ও পার্শ্ববর্তী এলাকা শাসন করে। নাবিত এরপর জুরহুমীদের মধ্যে সর্বপ্রথম শাসনভার গ্রহণ করে মুদাদ ইব্ন আমার ইব্ন সাদ ইব্ন রাকীব ইব্ন আবীর ইব্ন নাবত ইব্ন জুরহুম। জুরহুম ছিলেন কাহতানের পুত্র।

কেউ কেউ বলেন, জুরহুমের বৎশ তালিকা হল জুরহুম ইব্ন ইয়াকতান ইব্ন আবীর ইব্ন শালিখ ইব্ন আরফাখশায ইব্ন সাম ইব্ন নৃহ। তিনি বসতি স্থাপন করেছিলেন মক্কার উচ্চ অঞ্চল কাইকা'আল নামক স্থানে। কাতুরা সম্প্রদায়ের নেতা সামীদা তাঁর সম্প্রদায়কে নিয়ে বসতি স্থাপন করেন মক্কার নিম্নাঞ্চলে। তাদের উভয়ে নিজ নিজ এলাকা দিয়ে মক্কায় যাতায়াতকারী কাফেলা থেকে কর উচ্চল করত। পরবর্তীতে জুরহুম ও কাতুরা সম্প্রদায়ের মধ্যে মতবিরোধ সৃষ্টি' হয় এবং তারা যুদ্ধে লিপ্ত হয়। যুদ্ধে সামীদা নিহত হয়। মুদাদের ক্ষমতা অধিকতর দৃঢ় হয়। তিনি মক্কা মুকাররমা ও বাযতুল্লাহর একচেত্রে শাসকরূপে আবির্ভূত হন। ইসমাইল বংশীয় লোকজন তখনও সংখ্যাগরিষ্ঠ র্যাদাবান এবং মক্কায় ও অন্যান্য স্থানে প্রভাব রিস্তারকারী ছিল। কিন্তু মুদাদ তাদের মাতুল হওয়ার কারণে এবং বাযতুল্লাহ শরীফের সম্মানের খাতিরে ইসমাইল বংশীয় কেউ তার বিরুদ্ধাচারণ করেন নি। মুদাদের পর তার পুত্র হারিছ কর্তৃত লাভ করে। তারপর ক্ষমতা লাভ করেন হারিছের পুত্র আমর। এরপর জুরহুম গোত্র মক্কায় সত্যদ্রোহিতা ও অনাচারে লিপ্ত হয়। তারা চরম অশাস্তি সৃষ্টি করে। মসজিদুল হারামে পাপ কার্য সংঘটিত করে।

কথিত আছে যে, আসাক ইব্ন বুগা নামক জনেক পুরুষ এবং নাইলা বিনত ওয়াইল নামী এক মহিলা কা'বা শরীফে ব্যভিচারে লিপ্ত হয়। আল্লাহ তা'আলা তাদের দু'জনকে পাথরে পরিণত করে দেন। তাদের দু'জনকে দেখে মানুষ যেন শিক্ষা গ্রহণ করে এ উদ্দেশ্যে তাদের প্রস্তরমূর্তি বাযতুল্লাহ শরীকের অদূরে এক জায়গায় স্থাপন করা হয়। দীর্ঘদিন পর খুয়াআ গোত্রের শাসনামলে মানুষ আল্লাহকে ছেড়ে এ দু'টি মূর্তির উপাসনা শুরু করে। শেষ পর্যন্ত তারা আসাফ ও নাইলা নামের দেব-দেবীতে পরিণত হয়।

জুরহুম গোত্র যখন হারাম শরীফ ও সম্মানিত নগরীতে ব্যাপক হারে পাপাচার ও সীমালংঘন শুরু করে তখন খুয়া'আ গোত্র তাদের বিরুদ্ধে রুখে দাঁড়ায়। খুয়া'আ গোত্র ইতিপূর্বে হারাম শরীফ এলাকায় বসবাস করছিল। তারা ছিল আমর ইব্ন আমির-এর বংশধর। ইয়ামানের বাঁধ ভাঙ্গ প্রাবন্নের ঘটনায় সে ইয়ামান ত্যাগ করে এ অঞ্চলে এসে বসতি স্থাপন করেছিল। কেউ কেউ বলেন যে, খুয়া'আ ছিল হ্যরত ইসমাইল (আ)-এর বংশধর। আল্লাহ ভাল জানেন।

বস্তুত জুরহুমীদের অনাচারের প্রেক্ষিতে খুয়া'আ গোত্র ওদের বিরুদ্ধে যুদ্ধের জন্যে সংঘবন্ধ হয় এবং ওদেরকে যুদ্ধের আহবান জানায়। উভয় পক্ষে যুদ্ধ হয়। এ সময়ে ইসমাইল বংশীয়গণ নিরেক্ষিতা অবলম্বন করে। যুদ্ধে খুয়া'আ গোত্রের জয় হয়। তারা বনু বকর ইব্ন আবদ মানাত গোত্র ও গাবশান গোত্র, তারা জুরহুমীদেরকে বাযতুল্লাহ শরীফ ও তৎসংলগ্ন এলাকা থেকে বহিক্ষার করে। তখন তাদের নেতা আমর ইব্ন হারিছ ইব্ন মুদাদ জুরহুমী বাযতুল্লাহ শরীফের দুই প্রধান ও প্রিয় বস্তু রূপকন ও হাজরে আসওয়াদ খুলে নেয়। সাথে অলংকৃত

তরবারীগুলো এবং অন্য কতক বস্তু কা'বা শরীফ থেকে খুলে নিয়ে সবগুলো যমযম কৃপের মধ্যে পুঁতে ফেলে এবং যমযম কৃপে একটি চিহ্ন স্থাপন করে। অবশেষে নিজের সম্প্রদায়ের লোকজনসহ সে ইয়ামানে ফিরে যায়।

এ উপলক্ষে দলনেতা আমর ইব্ন হারিছ ইব্ন মুদাদ বলেন :

**وَقَائِلَةٌ وَالدَّمْعُ سَكْبٌ مَبَارِرٌ - وَفَدْ شَرَقَتْ بِالدَّمْعِ مِنْهَا الْمَحَاجِرُ**

এ সব প্রত্যাবর্তনকারী কাফেলা তাদের অশ্রুরাশি দ্রুত গড়িয়ে পড়ছে। এদিকে চোখের অশ্রু ঝড়িয়ে মক্কার হাতীম ও সম্মানিত স্থানগুলোও পূর্বদিকে যাত্রা করেছে।

**كَانْ لَمْ يَكُنْ بَيْنَ الْحَجُونِ إِلَى الصَّفَا - وَلَمْ سَيْمِرْ بِمَكَّةَ سَامِرْ**

যেন সুদূর সাফা পর্বত পর্যন্ত পাহাড়ে পর্বতে তার কোন বন্ধু ছিল না এবং ছিল না মক্কা ভূমে রাত্রে একান্ত কথা বলার কোন সুজন।

**فَقُلْتُ لَهَا وَالْقَلْبُ مِنِّي كَانَمَا - يُلْجِلْجِهِ بَيْنَ الْجَنَاحَيْنِ طَائِرُ**

প্রিয়ভূমি মক্কার উদ্দেশ্যে আমি বললাম, তখন আমার হস্তয় এমন অস্ত্রির ছিল, যেমন থাকে দু'পাখার মাঝখানে মাথা আচড়ানো পাখি।

**بَلِّي نَحْنُ كُنَّا أَهْلَهَا فَازَ النَّا - صُرُوفُ الْلَّيَالِفِي وَالْجَدُورُ الْعَوَاثِرُ**

হাঁ আমরাই তার উপর্যুক্ত অধিবাসী ছিলাম, অতঃপর যুগচক্র ও বদনসীবী আমাদেরকে সেখান থেকে তাড়িয়ে দিল।

**وَكُنَّا وُلَّةَ الْبَيْتِ مِنْ بَعْدِ نَابِتٍ - نَطُوفُ بِذَالِكَ الْبَيْتِ وَالْخَيْرُ ظَاهِرٌ**

নাবিতের পর আমরাই আল্লাহর গৃহের তত্ত্বাবধায়ক ছিলাম, সেই সূত্রে আমরা ঐ গৃহের তাওয়াফ করতাম। এতে কল্যাণ ও লাভ তো সুস্পষ্ট।

**وَزَحْنُ وَلَيْنَا الْبَيْتَ مِنْ بَعْدِ نَابِتٍ - بِعِزِّ فَمَا يَظِيَّ لَدِينَا الْمُكَاثِرُ**

নাবিতের পর আমরা অত্যন্ত সম্মান ও গৌরবের সাথে ঐ গৃহের তত্ত্বাবধান করেছি। ফলে পরম ঐশ্বর্যশালী ব্যক্তি ও আমাদের ন্যায় সৌভাগ্য অর্জন করতে পারেনি।

**مَلَكْنَا فَعَزَّزْنَا فَاعْظِمْ بِمُلْكِنَا - فَلَيْسَ لِهِ غَيْرِنَا ثُمَّ فَাখِرُ**

আমরা রাজত্ব লাভ করেছি, আমরা সম্মানের অধিকারী হয়েছি আমাদের রাজত্ব ছিল পরম গৌরবের। সেখানে আমরা ব্যতীত অন্য কোন গোত্র ও সম্প্রদায়ের জন্যে অহংকার প্রদর্শনের অবকাশ ছিল না।

**أَلْمَ تَنْكَحُوا مِنْ خَيْرِ شَخْصٍ عَلِمْتُهُ - فَأَبْنَا وَهُ مِنَ وَنَحْنُ أَلْاصَاهِرُ**

তোমরা কি শ্রেষ্ঠ ব্যক্তির সাথে বৈবাহিক সম্পর্ক স্থাপন করনি? নিশ্চয়ই আমি তো তা জানি। সুতরাং সে ব্যক্তির হেলেমেয়ে আমাদেরই রক্ত সম্পর্কিত এবং আমরা শুণুর গোষ্ঠী।

**فَإِنْ تَنْشَئِي الدُّنْيَا عَلَيْنَا بِحَالِهَا - فَإِنَّ لَهَا حَالًا وَفِيهَا التَّشَاجِرُ**

পৃথিবী যদি তার পূর্বাবস্থা সহকারে পুনরায় আমাদের নিকট ফিরে আসে তবে তখন তার একটা স্মরণযোগ্য অবস্থা সৃষ্টি হবে এবং তাতে পরম্পর প্রতিদ্বন্দ্বিতা ও মুকাবিলা হবে।

**فَأَخْرَجَنَا مِنْهَا الْمَلِكُ بِقُدْرَةٍ - كَذَلِكَ يَأْلِلُ النَّاسُ تَجْرِي الْمَقَادِيرُ**

মহান মালিক ও প্রভু আপন কুদরতে আমাদেরকে ওখান থেকে বের করে দিলেন। হায়! এভাবেই মানুষের জন্যে অন্তের লিখন কার্যকর থাকে।

**أَقُولُ إِذَا نَامَ الْخَلَى وَلَمْ آتِمْ - إِذَا الْعَرْشُ لَا يَبْعُدُ سَهِيلٌ وَعَامِرٌ**

উদ্দেশ্য উৎকষ্টাইন ব্যক্তিবর্গ যখন নিশ্চিন্তে যুমায় তখনও আমি যুমাই না, আমি জেগে জেগে বলি, হায় আরশ যেন সুহায়ল ও আমিরকে বিতাড়িত না করে।

**وَبَدْلَتْ مِنْهَا أَوْجُهًا لَا أَحِبُّهَا - قَبَائِلَ مِنْهَا حَمِيرٌ وَيَحَابِرُ**

শেষ পর্যন্ত আমার পরিবর্তে এমন কতক লোককে স্থান দেয়া হয় আমি যাদেরকে ভালবাসি না। তারা হল হিময়ার ও ইউহাবির গোত্র।

**وَصَرْنَا أَحَادِيثَ وَكُنَّا بِغَبْنَلَةً - بِذَلِكَ عَضَّنَا السَّنُونُ الْغُواَبِرُ**

অনন্তর আমরা হয়ে গেলাম কাহিনীর বিষয়বস্তু ও ইতিহাসের উপাদান। অর্থ আমরা ছিলাম অন্যের ঈর্ষার কারণ। অনাগত কাল পরিক্রমা আমাদেরকে দংশন করেছে।

**فَسَحَّتْ دُمُومُ الْعَيْنِ تَبْكِيْ لِبَلَدَةٍ - بِهَا حَرَمٌ أَمْنٌ وَفِيهَا الْمَشَاعِرُ**

চোখে অশ্রু নির্গত হল অবিরাম, সেই শহরের জন্যে ক্রন্দনের কারণে যে শহরে রয়েছে হারাম শরীফ এবং যেখানে রয়েছে কুদরতের নির্দর্শনাবলী।

**وَتَبْكِيْ لِبَيْتٍ لَيْسَ بُؤْدَى حَمَامُهُ - يَظْلِلُ بِهِ أَمْنًا وَفِيهِ الْعَصَافِرُ**

চক্ষু ক্রন্দন করছিল সেই মহান গৃহের জন্যে যেখানে করুত কষ্ট পায় না। বরং যেখানে এসে নিরাপদে ছায়া ভোগ করে, যেখানে রয়েছে নিরন্দিষ্ট চড়ুই পাথির দল।

**وَفِيهِ وَحْشٌ لَأَتْرَامُ أَنِيسُهُ - إِذَا خَرَجَتْ مِنْهُ فَلَيْسَ تُغَادِرُ**

সেখানে রয়েছে বন্য পাখি, সেগুলোকে পোষ মানানোর প্রয়াস চাওয়া হয় না। সেগুলো সেখান থেকে একবার বেরিয়ে গেলেও স্থায়ীভাবে সে স্থান ছেড়ে যায় না।

ইব্ন ইসহাক (র) বলেন, জুরহুমীদের পরে মক্কার কৃত্তৃ গ্রহণকারী বনু বকর ও গাবশান গোত্রের কথা উল্লেখ করে আমর ইব্ন হারিছ ইব্ন মুদাদ আরও বলেছেন :

**يَا أَيَّهَا النَّاسُ سِرُّوا إِنَّ قُصَارَ كُمْ - أَنْ نُصْبِحُوا ذَاتَ يَوْمٍ لَا تَسْبِرُونَا**

হে লোক সকল! (বনু বকর ও গাবশান) তোমরা ভ্রমণ কর এগিয়ে যাও। কারণ তোমাদের শেষ সীমানা এতটুকু যে, এমন একদিন আসবে যখন তোমরা আর চলাচল করতে পারবে না।

**حَتُّوا الْمَطَيِّ وَارْخُوا أَذْمَنَهَا - قَبْلَ الْمَمَاتِ وَقَفُوا مَاتَقْضِيُونَ**

উটকে উত্তেজিত কর, উদ্বেলিত কর এবং তার লাগাম শিথিল করে দাও মৃত্যু আমার পূর্বেই  
এবং যা করতে চাও মৃত্যুর পূর্বেই তা করে নাও।

**كُنَّا أَنَاسًا كَمَا كُنْتُمْ فَغَيْرَنَا - دَهْرٌ فَأَنْتُمْ كَمَا صِرْنَا تَصِيرُونَا**

তোমরা এখন যেমন আমরাও একসময় তেমন ছিলাম। কালচক্র আমাদেরকে পরিবর্তিত ও  
স্থানান্তরিত করে দিয়েছে। আমরা যেরূপ হয়েছি আমাদের যে পরিণতি হয়েছে তোমরাও সেরূপ  
হবে।

ইব্ন হিশাম (র) বলেন, আমর ইব্ন হারিছের কবিতাগুলোর মধ্যে এগুলোই আমরা বিশুদ্ধ  
সূত্রে পেয়েছি কতক কবিতা বিশেষজ্ঞ আমাকে জানিয়েছেন যে, এগুলোই আদি আরবী কবিতা।  
ইয়ামান দেশে পাথরে লিখিত অবস্থায় এগুলো পাওয়া গেছে। এগুলো রচনা করেছে কোন্ ব্যক্তি  
তার অবশ্য উল্লেখ পাওয়া যায়নি। সুহায়লী (র) এগুলোর সম পর্যায়ের অনুরূপ আরো কতক  
কবিতা উল্লেখ করেছেন এবং সেখানে এক অদ্ভুত ঘটনাও বর্ণনা করেছেন এগুলো অন্য ভাষা  
থেকে আরবীতে রূপান্তরিত বলেও তিনি মন্তব্য করেছেন।

তিনি বলেন, আবুল ওলীদ আয়রাকী তাঁর ফায়ায়েলে মৰ্কা ঘন্টে আমর ইব্ন হারিছের  
উপরোক্ষেখিত কবিতার সাথে নিম্নোক্ত কবিতাগুলো সংযোজন করেছেন।

**قَدْمَالَ دَهْرٍ عَلَيْنَا ثُمَّ أَهْلَكَنَا بِالْبُغْيِ فِينَا وَبَرْزُ النَّاسِ نَاسُونَا.**

কালচক্র আমাদেরকে আঘাত করেছে অতঃপর আমাদের মধ্যে সত্যদ্বোধীতা সৃষ্টি করে  
আমাদেরকে ধ্বংস করেছে। অথচ মানুষের মধ্যে সাহসী ও দক্ষ যোদ্ধা ছিল আমাদের  
লোকগুলো।

**وَاسْتَخْبِرُوا فِي ضِيَّقِ النَّاسِ قَبْلَكُمْ - كَمَا اتَّبَانَ طَرِيقُ عِنْدَهُ الْهُوْنَا.**

তোমাদের পূর্বে যারা ছিল তাদের কর্মকাণ্ড সম্পর্কে খোঁজ খবর নাও, তবে জানতে পারবে  
যে, আমাদের জন্যে সত্য পথ যেমন উন্মুক্ত হয়েছিল শেষ পর্যন্ত অপমান ও লাঞ্ছনাও তেমনি  
এসেছে।

**كُنَّا زَمَانًا مُلُوكَ النَّاسِ قَبْلَكُمْ - بِمَسْكَنٍ فِي حَرَمِ اللَّهِ مَسْكُونًا.**

তোমাদের পূর্বে দীর্ঘকাল আমরা মানুষের উপর রাজত্ব করেছি আল্লাহ তা'আলার সম্মানিত  
স্থান হারাম শরীফে বসবাস করেছি আমরা।

**খুয়া'আ গোত্র, আমর ইব্ন লুহাই এবং আরবদের মূর্তি পূজার সূচনা**

ইব্ন ইসহাক (র) বলেন, বনু বকর ইব্ন আব্দ মানাতকে বাদ দিয়ে খুয়া'আ গোত্রের  
গাবশান উপগোত্র কা'বা শরীফের তত্ত্বাবধায়ক নিযুক্ত হয়। আমর ইব্ন হারিছ গাবশানী উক্ত  
উপগোত্রের দলপতির দায়িত্ব গ্রহণ করে। কুরায়শ গোত্র তখন পরম্পর বিচ্ছিন্ন ও বনী কিনানার  
বিভিন্ন উপদলে বিভক্ত হয়ে পড়েছিল।

ত্রিতীয়সিকগণ বলেন, ইয়ামান ত্যাগ করে সিরিয়া অভিমুখে যাত্রা কালে আমরা আমর ইব্ন আমিরের বৎসরদের মধ্য থেকে তারা বিচ্ছিন্ন ও পৃথক হয়ে যাওয়ার কারণে এদেরকে খুয়া'আ (বিচ্ছিন্নতা দল) বলা হয়? মাররূয মাহরান নামক স্থানে এসে তারা বসবাস করতে থাকে।

আওন ইব্ন আইয়ুব আনসারী খায়রাজী (রা)-এ প্রসংগে বলেন :

فَلَمَّا هَبَطْنَا بَطْنَ مَرْتَخَرْمَتْ - جُزَاعَةُ مِنَّا فِي حُلُولِ كَرَأْكِر

আমরা যখন মরু অঞ্চলে অবতরণ করি তখন খুয়া'আ গোত্র দলবদ্ধতাবে আমাদের থেকে বিচ্ছিন্ন হয়ে যায়।

حَمَّتْ كُلُّ وَادٍ مِنْ تَهَامَةَ وَاحْتَمَتْ - بِصُمُّ الْقَنَّا وَالْمُرْهُفَاتَ الْبَوَاتِرِ.

তারা তিহামা অঞ্চলের সকল উপত্যকা সংরক্ষণ করেছে এবং সুকঠিন বর্ণ ও সুতীক্ষ্ণ ধার তরবারী দ্বারা নিজেদেরকে রক্ষা করেছে।

আবুল মুতাহহার ইসমাইল ইব্ন রাফি আনসারী আওসী বলেন :-

فَلَمَّا هَبَطْنَا بَطْنَ مَكَّةَ أَحْمَدَتْ - خُرَاعَةُ دَارِ الْاَكْلِ الْمُتَحَامِلِ.

আমরা যখন মক্কার জমিতে অবতরণ করলাম তখন খুয়া'আ ঐ বৃক্ষ ভর্তি খেজুরের দেশের প্রশংসা করল।

فَحَلَّتْ أَكَادِيسْا وَشَتَّتْ قَنَابِلَ - عَلَى كُلِّ حَيٍّ بَيْنِ نَجَدٍ وَسَاحِلٍ.

অতঃপর তারা দলবদ্ধতাবে সেখানে নেমে পড়ল আর ছোট ছোট দলে বিভক্ত হয়ে নাজদের উচ্চ ভূমি ও সমুদ্র তীরের মধ্যবর্তী সকল গোত্রের মধ্যে ছড়িয়ে পড়ল।

نَفَوْا جُرْهُمَا عَنْ بَطْنِ مَكَّةَ - وَاحْبَبُوا بِعِزِّ خُرَاعِيِّ شَدِيدِ الْكَوَاهِلِ

তারা মক্কা ভূমি থেকে জুরুহম গোত্রীয় লোকদেরকে বিতাড়িত করে এবং সুঠামদেহী খুয়া'আ গোত্রীয় সম্মানের পোশাক তারা পরিধান করেছে।

বস্তুত খুয়া'আ গোত্র তখন বায়তুল্লাহ শরীফের তত্ত্বাবধায়ক নিযুক্ত হয়। পুরুষানুগ্রহে একের পর এক তারা ঐ দায়িত্ব পালন করে। এই পর্যায়ে তাদের শেষ ব্যক্তি ছিল খলীল ইব্ন হাবিশিয়া ইব্ন সালুল ইব্ন কা'ব ইব্ন আমর ইব্ন রফী'আ খুয়াই। কুসাই ইব্ন কিলাব খলীলের কন্যা হিরীকে বিবাহ করে। এই স্ত্রীর ঘরে তিনি ৪টি পুত্র সন্তান লাভ করেন। তারা হল আবদুদ্দার, আব্দ মানাফ, আবদুল উয্যা ও আব্দ নামে অপর একজন। অতঃপর বায়তুল্লাহ শরীফের তত্ত্বাবধানের দায়িত্ব আসে কুসাই ইব্ন কিলাবের হাতে। এ বিষয়ে বিস্তারিত আলোচনা যথাস্থানে আসবে ইনশাআল্লাহ।

খুয়া'আ গোত্র একাধিক্রমে প্রায় ৩০০ বছর মতান্তরে ৫০০ বছর বায়তুল্লাহ শরীফ দেখা শোনার দায়িত্ব পালন করে। আল্লাহই ভাল জানেন। তাদের সময়কালে তারা জঘন্য অনাচারে

লিঙ্গ হয়। কারণ তাদের শাসনামলেই হেজায়ে সর্বপ্রথম মূর্তি পূজার প্রচলন ঘটে। এ অপকর্মের মূল হোতা ছিল তাদের নেতা আমর ইব্ন লুহাই। তার প্রতি আল্লাহর লান্ত হোক! কেননা সেই সর্বপ্রথম তাদেরকে মূর্তি পূজার দিকে আহ্বান করে। সে অগাধ ধন-সম্পত্তির অধিকারী। কথিত আছে যে, সে ২০টি উটের চোখ বিন্দু করেছিল। অর্থাৎ সে ২০ হাজার উটের মালিক হয়েছিল। আরব দেশে প্রথা ছিল যে, কেউ এক হাজার উটের মালিক হলে সে একটি উটের চোখ বিন্দু করতো। এটি দ্বারা তারা অবশিষ্ট উটগুলোর প্রতি বদনজর প্রতিরোধের ধারণা পোষণ করত। আয়রকী এরূপ বলেছেন।

সুহায়লী বলেন, আমর ইব্ন লুহাই কোন কোন সময়ে হজ্জ উপলক্ষে দশ হাজার উট জবাই করত, প্রতিবছর দশ হাজার জোড়া বন্ধ দান করত। আরবদের জন্ম ভোজের আয়োজন করত। যি, মধু এবং ছাতুর দিয়ে হালুয়া তৈরি করত। ঐতিহাসিকগণ বলেন, আরবদের মাঝে তার কথা ও কাজ শরীয়তের মত অনুসরণ করতো। এটি ছিল তার মর্যাদা, অবস্থান ও তাদের প্রতি তার অকাতর বদান্যতার ফল।

ইব্ন হিশাম (র) বলেন, কতক বিজ্ঞন আমাকে জানিয়েছেন যে, একদা আমর ইব্ন লুহাই কোন এক কাজে মক্কা থেকে সিরিয়া গমন করে। বালক অঞ্চলে মাআব নামক স্থানে গিয়ে সে দেখতে পায় যে, সেখানকার লোকজন প্রতিমা পূজা করছে। এ অঞ্চলে তখন বসবাস করত আমালীক সম্প্রদায়। তারা ‘ইসলাক’-এর বংশধর।

কেউ কেউ বলেন, তারা হল আমালীক ইব্ন লাওয় ইব্ন সাম ইব্ন নৃহ (আ)-এর বংশধর। প্রতিমা পূজায় লিঙ্গ দেখে সে বলল, এগুলো কেমন প্রতিমা যে তোমরা এগুলোর উপাসনা করছ? তারা বললেন, আমরা এ সকল প্রতিমার উপাসনা করি, অতঃপর আমরা ওগুলোর নিকট বৃষ্টি চাইলে ওরা আমাদের প্রতি বৃষ্টি বর্ষণ করে। আমরা ওগুলোর নিকট সাহায্য কামনা করলে ওরা আমাদেরকে সাহায্য করে। আমর বলল, তোমরা কি আমাকে একটি প্রতিমা দিবে যে, আমি সেটি নিয়ে আরব অঞ্চলে যাব এবং আরবগণ এটির উপাসনা করবে? ওরা তাকে হবল নামের একটি প্রতিমা দান করে এবং লোকজনকে সেটির উপাসনা করার এবং সেটির প্রতি সম্মান প্রদর্শনের নির্দেশ দেয়।

ইব্ন ইসহাক (র) বলেন, হ্যরত ইসমাইল (আ)-এর বংশধরদের মধ্যে সর্বপ্রথম মূর্তি পূজা প্রচলনের সূচনা সম্পর্কে ঐতিহাসিকদের ধারণা এই যে, মক্কায় জনজীবন সংকুচিত ও সংকটপন্থ হয়ে পড়লে তাদের কোন কাফেলা তা থেকে মুক্তিলাভ ও স্বচ্ছতা অর্জনের আশায় অন্য এলাকায় সফর করত। তখন তারা হারাম শরীফের প্রতি সম্মান প্রদর্শন ও বরকত লাভের আশায় হারাম শরীফের এক একটি পাথর সাথে নিয়ে যেত। তারা যেখানে তাঁরু ফেলত সেখানে এই পাথর রাখত এবং কা'বা শরীফের তাওয়াফের ন্যায় সেটির চারিদিকে তাওয়াফ করত। এভাবেই তাদের রীতি চলে আসছিল। এক সময় তারা তাদের প্রিয় ও পছন্দের পাথর পেলেই তারা উপাসনা শুরু করে দেয়। অবশেষে আগমন ঘটে তাদের উত্তরসূরীদের। এরা সরাসরি মূর্তি পূজায় লিঙ্গ হয় এবং সূচনা পর্বের রীতি ও উদ্দেশ্যের কথা ভুলে যায়।

'আস সাহীহ' গ্রন্থে আবু রাজা আতারদী থেকে বর্ণিত আছে... তিনি বলেন, জাহেলী যুগে আমরা এমন ছিলাম যে, কোন পাথর না পেলে আমার মাটির স্তুপ তৈরি করতাম। সেখানে একটি বকরী এনে দুধ দোহন করে ঐ মাটিতে নজরানা দিতাম, অতঃপর সেটির চারিদিকে তাওয়াফ করতাম।

ইবন ইসহাক (র) বলেন, এভাবে তারা হযরত ইবরাহীম (আ) ও ইসমাইল (আ)-এর দীন বিকৃত করে প্রতিমা পূজায় লিপ্ত হয় এবং তাদের পূর্ববর্তী গোমরাহ ও বিভ্রান্তি উম্মতদের ন্যায় একই উম্মতে পরিণত হয়। হযরত ইবরাহীম (আ)-এর দীনে ছিল না এমন বহু কিছু তার মধ্যে সংযোজন করা সত্ত্বেও তাঁর দীনের কতক মিদর্শন ও রীতিমুক্তি তাদের মধ্যে বিদ্যমান ছিল। তারা অত্যন্ত দৃঢ়তার সাথে সেগুলো ধরে রেখেছিল। যেমন বায়তুল্মাহ শরীফকে সম্মান করা, সেটির তাওয়াফ করা ও ওমরাহ করা, আরাফাত ময়দান ও মুয়দালিফাতে অবস্থান করা, উট কুরবানী করা। হজ্জ ও উমরাহ করার জন্যে ইহরাম বাধা।

কিনানা ও কুরায়শ গোত্র ইহরাম বাধার সময় উচ্চস্থানে বলত :

**لَبَيْكَ اللَّهُمَّ لَبَيْكَ لَا شَرِيكَ لَكَ لَا شَرِيكًا هُوَ لَكَ تَمْلِكُهُ وَمَا مَلَكَ**

হে আল্লাহর বান্দা হাজির বান্দা হাজির। বান্দা হাজির হে আল্লাহ! আপনার কোন শরীক নেই, তবে একটি শরীক আছে যে আপনারই। আপনি তার এবং তার মালিকানাধীন সর্বকিছুর মালিক। সে কোন কিছুর মালিক নয়।

তালবিয়া উচ্চারণে তারা প্রথম পর্যায়ে আল্লাহর একত্ববাদের স্বীকৃতি দেয় এরপর তাঁর সাথে তাদের মূর্তিশূলোর কথা উল্লেখ করে এবং সেগুলোর মালিকানা আল্লাহর হাতে ন্যস্ত করে। এ প্রসঙ্গে আল্লাহ তা'আলা বলেন :

**وَمَا بُوْمِنْ أَكْثَرُ هُمْ بِاللَّهِ لَا وَهُمْ مُشْرِكُونْ**

তাদের অধিকাংশ আল্লাহকে স্বীকার করে কিন্তু তাঁর শরীক করে। (১২ ইউসুফ : ১০৬) অর্থাৎ আমার যথাযথ পরিচিতি জানার প্রেক্ষাপটে তারা আমার একত্ববাদের ঘোষণা দেয় আর সেই সাথে আমারই সৃষ্টি জগতের কাউকে আমার শরীক সাব্যস্ত করে।

সুহায়লী প্রযুক্ত বলেন, উপরোক্ত তালবিয়াহ সর্বপ্রথম পাঠ করেছে আমর ইব্ন লুহাই। একদিন একজন বুয়ুর্গ লোকের রূপ ধরে ইবলীস এসে তার নিকট হাজির হয়। ইবলীস উচ্চস্থানে এই তালবিয়াহ পাঠ করতে থাকে এবং আমর ইব্ন লুহাই তা শুনতে থাকে এবং অনুরূপ পাঠ করতে থাকে। অবশেষে মুশরিক আরবগণ আমর ইব্ন লুহাইর পাঠ অনুসরণে এ তালবিয়াহ উচ্চারণ করে। বিশুদ্ধ হাদীস গ্রন্থে উদ্বৃত্ত রয়েছে যে :

**أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ كَانَ إِذَا سَمِعُوهُمْ يَقُولُونَ لَبَيْكَ لَا  
شَرِيكَ لَكَ يَقُولُ قَدْ قَدْ .**

অর্থাৎ রাসূলুল্লাহ (স) যখন তাদের তালিবিয়াহ পাঠ শুনতেন এবং যখন তারা **لَبِيْكَ** (বান্দা হাজির আপনার কোন শরীক নেই) পর্যন্ত পাঠ করত তখন রাসূলুল্লাহ (স) বলতেন, থাম, থাম, যথেষ্ট হয়েছে।

ইমাম বুখারী (র) বলেন, হ্যরত আবু হুরায়রা (রা) বর্ণনা করেন, যে নবী করীম (সা) বলেছেন :

إِنَّ أَوَّلَ مَنْ سَيَّبَ السَّوَابِقَ وَعَبَدَ الْأَصْنَامَ أَبُو حُزَاعَةَ عَمْرُوبْنُ عَامِرٍ  
وَأَنِّي رَأَيْتُهُ يَجْرِيًّا مَعْاءَهُ فِي النَّارِ.

সর্বপ্রথম দেবতার নামে পশু উৎসর্গ করেছে এবং মূর্তি পূজা চালু করেছে আবু খুয়াআ আমর ইব্ন আমির। আমি তাকে দেখেছি যে, জাহানামে সে তার নাড়িভুঁড়ি হেঁচড়িয়ে নিয়ে যাচ্ছে।” আলোচ্য বর্ণনা দ্বারা বুঝা যায় যে, আমর ইব্ন লুহাই হল গোটা খুয়াআ গোত্রের আদি পুরুষ। তার নাম অনুসারেই খুয়াআ গোত্রের নামকরণ করা হয়।

ইব্ন ইসহাক ও অন্যান্যদের বর্ণনা থেকে জানা যায় যে, কতক বংশ বিশারদ একুপ বলেছেনও বটে। আমরা যদি এতটুকুতেই সীমিত থাকি তবে এটি একটি সুস্পষ্ট প্রমাণ হিসেবে চিহ্নিত হয়। কিন্তু কোন কোন বর্ণনা এর বিপরীত এসেছে।

যেমন ইমাম বুখারী (র) সাঙ্গে ইব্ন মুসায়্যাব (রা) সূত্রে বলেছেন, “বাহীরা হল সেই প্রাণী যার স্তনকে তাগুত বা দেবতার জন্যে সংরক্ষিত রাখা হয়। অতঃপর কেউই তার দুধ দোহন করে না।” সাইবা হল সেই প্রাণী যা তারা তাদের দেবতার নামে ছেড়ে দেয়, অতঃপর তার পিঠে কিছুই চাপানো হয় না।

ইমাম বুখারী (র) আরো বলেন, হ্যরত আবু হুরায়রা (রা) বলেছেন যে, রাসূলুল্লাহ (সা) ফরমান :

رَأَيْتُ عَمْرَوْبْنَ عَامِرٍ الْخُرَاعِيَّ يَجْرِيًّا قُصْبَةً فِي النَّارِ كَانَ أَوَّلَ مَنْ سَيَّبَ السَّوَابِقَ.

আমি আমর ইব্ন আমির খুয়াইকে দেখেছি জাহানামে সে তার নাড়িভুঁড়ি হেঁচড়িয়ে পথ চলছে। সেই সর্বপ্রথম সাঙ্গিবা প্রাণী ছেড়ে দেয়ার রেওয়াজ চালু করে। ইমাম মুসলিম (র)-ও ভিন্ন সূত্রে এটি উদ্ধৃত করেছেন।

সর্বপ্রথম ইমাম আহমদের এ সংক্রান্ত বর্ণনায় অতিরিক্ত আছে বাহীরা প্রাণী রেওয়াজ ও সেই চালু করেছে।

উপরোক্ত বর্ণনাসমূহে উল্লিখিত “খুয়াই” শব্দ দ্বারা বুঝা যায় যে, আমর ইব্ন আমির খুয়াআ গোত্রের আদি ব্যক্তি নয় বরং সেও ঐ গোত্রের অন্তর্ভুক্ত ছিল। প্রসঙ্গত উল্লেখ্য যে, সে বর্ণনায় তাকে আবু খুয়াআ বলা হয়েছে সেটি বর্ণনাকারীর ভ্রমপ্রমাদ হতে পারে যে, তিনি আখু খুয়াআ বলতে গিয়ে আবু খুয়াআ বলে ফেলেছেন। অথবা এমন ও হতে পারে যে, সে মূলত খুয়াআ

গোত্রের একজন ছিল এবং তার উপনাম ছিল আবু খুয়াআ। এবং তাকে খুয়াআ গোত্রের মূল ব্যক্তি হিসেবে পরিচয় করিয়ে দেয়া ঐ বর্ণনায় উদ্দিষ্ট ছিল না। আল্লাহই তাল জানেন।

মুহাম্মদ ইব্ন ইসহাক বলেন, মুহাম্মদ ইব্ন ইবরাহীম হযরত আবু হুরায়রা (রা) সূত্রে বলেন, আমি রাসূলুল্লাহ (সা)-কে বলতে শুনেছি তিনি আকছাম ইব্ন জাওন খুবাইকে উদ্দেশ্য করে বলছিলেন ‘হে আকছাম! আমি আমর ইব্ন লুহাই ইব্ন কামআ ইব্ন খিনদাককে দেখেছি জাহান্নামে সে তার নাড়িভুঁড়ি হেঁচড়িয়ে চলছে। তার সাথে তোমার যে সদৃশ্য এবং তোমার সাথে তার সে সাদৃশ্য এমন আমি অন্য কাউকে দেখিনি। তখন আকছাম বলল, ইয়া রাসূলুল্লাহ (সা)! তার সাথে আমার যে সাদৃশ্য তাতে আমার কি কেন ক্ষতি হবে? রাসূলুল্লাহ (সা) বললেন, না, কোন ক্ষতি হবে না। কারণ তুমি ঈমানদার আর সে কাফির। সেই সর্বপ্রথম ইসমাইল (আ)-এর ধর্মের বিকৃতি সাধন করেছে, মৃতি প্রতিমা, স্থাপন করেছে, বাহীরা সাইবা, ওসীলা প্রাণী ‘হামী’ প্রাণীকে দেবতার জন্যে সংরক্ষিত রাখার রেওয়াজ চালু করেছে।

অবশ্য বিশুদ্ধ কিতাবসমূহে এরপে বর্ণনাটি নেই; নবৎ ইব্ন জারীর (র) আবু হুরায়রা (রা)-এর সনদে এরপ হাদীস উদ্ভৃত করেছেন।

বুখারী তাবারানী (র) ভিন্ন ভিন্ন সূত্রে রাসূলুল্লাহ (সা) থেকে প্রায় একই মর্মের হাদীস উদ্ভৃত করেছেন।

বস্তুত আমর ইব্ন লুহাই আরবদের জন্যে ধর্মের মধ্যে কতক নতুন বিষয়ের প্রচলন ঘটিয়েছে যা দ্বারা সে দীন-ই ইবরাহীমকে বিকৃত করে দিয়েছে। এসব বিষয়ে আরবগণ তার অনুসরণ করেছে। ফলে তারা ন্যক্তারজনক জঘন্যভাবে পথচার হয়েছে। আল্লাহ তা‘আলা কুরআন করীমের একাধিক আয়াতে এর নিন্দা করেছেন। আল্লাহ তা‘আলা বলেছেন :

وَلَا تَقُولُوا لِمَ تَصِيفُ الْسِّنَّتُكُمُ الْكَذِبُ هَذَا حَلَالٌ وَهَذَا حَرَامٌ لِتَفْتَرُوا  
عَلَى اللَّهِ الْكَذِبَ .

তোমাদের জিহ্বা মিথ্যা আরোপ করে বলে আল্লাহর প্রতি মিথ্যা আরোপ করার জন্যে তোমরা বলো না এটি হালাল এবং এটি হারাম। আল্লাহ তা‘আলা অন্যত্র বলেন :

مَا جَعَلَ اللَّهُ مِنْ بَحِيرَةٍ وَلَا سَابِبَةٍ وَلَا وَصِيلَةٍ وَلَا حَامٍ وَلَكِنَّ الَّذِينَ  
كَفَرُوا يَفْتَرُونَ عَلَى اللَّهِ الْكَذِبَ وَأَكْثُرُهُمْ لَا يَعْقُلُونَ .

“বাহীরা, সাইবা, ওসীলা, ও হাম আল্লাহ স্থির করেন নি। কিন্তু কাফিররা আল্লাহর প্রতি মিথ্যা আরোপ করে এবং তাদের অধিকাংশই উপলক্ষ্মী করে না। (৫ মায়দা : ১০৩)

বাহীরা ও অন্যান্য প্রাণী সম্পর্কে আমরা বিস্তারিত আলোচনা করেছি এবং এ নামের প্রাণীগুলোর ব্যাখ্যা সম্পর্কে তাফসীরকারদের বিভিন্ন অভিমত বর্ণনা করে এসেছি।

আল্লাহ তা'আলা বলেন :

وَيَجْعَلُونَ لِمَا لَا يَعْلَمُونَ نَصِيبًا مِّمَّا رَزَقْنَاهُمْ تَالِهِ لَتُسْتَكْنَ عَمَّا كُنْتُمْ تَفْتَرُونَ .

আমি ওদেরকে যে রিয়ক দান করি তারা তার একাংশ নির্ধারিত করে তাদের জন্যে যাদের সম্মতে ওরা কিছুই জানে না। (১৬ নাহল : ৫৬)

আল্লাহ যে শস্য ও গবাদিপশু সৃষ্টি করেছেন তা থেকে তারা আল্লাহর জন্যে এক অংশ নির্ধারিত করে এবং নিজেদের ধারণা অনুযায়ী বলে, “এটি আল্লাহর জন্যে এবং এটি আমাদের দেবতাদের জন্যে যা তাদের দেবতাদের অংশ তা আল্লাহর কাছে পৌছাই না এবং যা আল্লাহর অংশ তা তাদের দেবতার কাছে পৌছায় তারা যা মীমৎসা করে তা নিকৃষ্ট।

এভাবে তাদের দেবতারা বহু মুশরিকের দৃষ্টিতে সন্তান হত্যাকে শোভন করেছে তাদের ধ্রংস সাধনের জন্যে এবং তাদের ধর্ম সম্মতে তাদের বিভাসি সৃষ্টির জন্যে। আল্লাহ ইচ্ছা করলে তারা তা করত না। সুতরাং তাদেরকে তাদের মিথ্যা নিয়ে থাকতে দাও। (৬ আন'আম : ১৩৬-১৩৭)

আল্লাহ তা'আলার ঘোষণা :

وَقَالُوا هَذِهِ أَزْعَامٌ وَحَرْثٌ

“তারা তাদের ধারণা অনুসারে বলে, এসব গবাদিপশু ও শস্য ক্ষেত্র নিষিদ্ধ। আমরা যাকে ইচ্ছা করি সে ব্যতীত কেউ এসব আহার করতে পারবে না এবং কতক গবাদি পশুর পৃষ্ঠে আরোহণ নিষিদ্ধ করা হয়েছে এবং কতক পশু জবাই করার সময় তারা আল্লাহর নাম নেয় না। এ সকলই তারা আল্লাহ সম্মতে মিথ্যা রচনার উদ্দেশ্যে বলে, তাদের এই মিথ্যা রচনার প্রতিফল তিনি অবশ্যই তাদেরকে দিবেন। (৬ আন'আম : ১৩৮)

وَقَلُوا مَا فِي بُطُونِهِنَّ هَذِهِ الْأَنْعَامُ خَالِصَةٌ لِذِكْرِنَا

তারা আরও বলে, এ সব গবাদি পশুর গর্ভে যা আছে তা আমাদের পুরুষদের জন্যে নির্দিষ্ট এবং এটি আমাদের স্ত্রীদের জন্যে অবৈধ আর সেটি যদি মৃত হয়, তবে নারী-পুরুষ সকলে সেটিতে অংশীদার। তাদের একান্ত বলার প্রতিফল তিনি তাদেরকে দেখেন। তিনি প্রজ্ঞাময়, সর্বজ্ঞ। যারা নির্বুদ্ধিতার দরুণ ও অজ্ঞানতাবশত নিজেদের সন্তানদেরে হত্যা করে এবং আল্লাহ প্রদত্ত জীবিকাকে আল্লাহ সম্মতে মিথ্যা রচনা করার উদ্দেশ্য নিষিদ্ধ গণ্য করে তারা তো ক্ষতিগ্রস্ত হয়েছে। তারা অবশ্যই বিপথগামী হয়েছে এবং তারা সৎপথ প্রাণ্ড ছিল না। (৬ আন'আম ১৩৮-৩৯)

### আরবদের অজ্ঞতা ও কুসংস্কার

আরু নুমান ইব্ন আবাস (রা)-এর বরাতে বলেন, “তুমি যদি আরবদের অজ্ঞতা সম্পর্কে জানতে চাও তবে সুরা আল‘আনামের ১৩০’ নং আয়াতের পরবর্তী আয়াতগুলো পাঠ কর-

قَدْ خَسِرَ الَّذِينَ قُتَلُوا أَوْ لَادُهُمْ سَفَهًا بِغَيْرِ عِلْمٍ وَحَرَمُوا مَارِزَقَهُمُ اللَّهُ افْتَرَاءٌ عَلَى اللَّهِ قَدْ ضَلُّوا وَمَا كَانُوا مُهْتَدِينَ.

“যারা নির্বাক্তিতার দরুণ ও অজ্ঞানতা বশত নিজেদের সন্তানদেরকে হত্যা করে এবং আল্লাহ প্রদত্ত জীবিকাকে আল্লাহ সম্বন্ধে মিথ্যা রচনা করার উদ্দেশ্যে নিষিদ্ধ গণ্য করে তারা তে ক্ষতিগ্রস্ত হয়েছে। তারা অবশ্যই বিপথগামী হয়েছে এবং তারা সৎপথ প্রাণ্ডও ছিল না। (৬ আন'আম ১৪০)

আমরা এ আয়াতের ব্যাখ্যা উল্লেখ করেছি এবং তার যে অসত্য ও বাতিল দীন চালু করেছে তাও উল্লেখ করে এসেছি। তাদের শুরু আমর ইব্ন লুহাই অবশ্য এটিকে পশু প্রাণীর প্রতি দয়া প্রদর্শন ও কল্যাণ সাধন বলে ধারণা করত। এটা নিষ্ঠক তার মিথ্যাচার। তার এ মূর্খতা ও ভাস্তি সত্ত্বেও আরবের নির্বোধ লোকেরা তার অনুসরণ করে। (১) (সূরা আন'আম আয়াত - ১৪০) তাতে বরং তার চাইতেও জম্বন্য-এর কাজেও তারা তার অনুসরণ করেছে। আর তা হল আল্লাহর সাথে প্রতিমাদের পূজা করা। আল্লাহ তা'আলা শিরক ও অংশীবাদ হারাম করে এককভাবে তাঁরই ইবাদতের নির্দেশ দিয়ে যে সরল পথও সুদৃঢ় ধর্ম সহকারে হ্যরত ইবরাহীম (আ)-এ প্রেরণ করেছিলেন তারা তা পরিবর্তিত করে ফেলেছিল এবং সবল-দুর্বল তো দূরের কথা, এমনকি কোন দুর্বল দর্শীল প্রমাণ ব্যতীত দীনের বৈশিষ্ট্যসমূহ ও হজ্জের নির্দর্শনমূলক বিধানসমূহ বিকৃত করে ফেলেছিল। তারা তাদের পূর্ববর্তী অংশীবাদী উম্মতসমূহের পথ অনুসরণ করেছিল এবং নূহ (আ)-এর সম্প্রদায়ের মত হয়ে গিয়েছিল। বস্তুত নূহ (আ)-এর সম্প্রদায়ই সর্বপ্রথম আল্লাহর সাথে শিরকের প্রথা চালু করেছিল এবং মৃত্তি পূজায় লিঙ্গ হয়েছিল। এ জন্যে আল্লাহ তা'আলা তাদের প্রতি হ্যরত নূহ (আ)-কে প্রেরণ করেছিলেন। তিনি ছিলেন সর্বপ্রথম প্রেরিত রাসূল যিনি লোকদেরকে মৃত্তিপূজা থেকে নিষেধ করতেন। হ্যরত নূহ (আ)-এর আলোচনায় তা বিস্তারিত আলোচিত হয়েছে।

وَقَالُوا لَا تَذَرْنَ الْهِتَكْمُ وَلَا تَذَرْنَ وَدًا وَلَا سُوَاعًا وَلَا يَغْوِثَ وَيَعْوِقَ وَنَسْرًا وَقَدْ أَضْلَلُوا كَثِيرًا.

এবং তাঁরা বলেছিল, তোমরা কথনও পরিত্যাগ করো না তোমাদের দেব-দেবীকে, পরিত্যাগ করো না ওয়াদ, সুওয়া, ইয়াগৃছ, ইয়াউক ও নাসরকে। তারা অনেককে বিভাস্ত করেছে। (৭১ নূহ ২৩) হ্যরত ইব্ন আবাস বলেন, ওয়াদ, সুওয়া, ইয়াগৃছ, ইয়াউক এঁরা ছিলেন নূহ (আ)-এর সম্প্রদায়ের সৎকর্মশীল লোক। এঁদের মৃত্যুর পর লোকজন এঁদের কবরে অবস্থান করতো। এভাবে দীর্ঘদিন অতিবাহিত হওয়ার পর লোকজন এদের পূজা শুরু করে দেয়। এদের এই উপাসনার রীতি-নীতি সম্পর্কে আমরা ইতিপূর্বে আলোচনা করে এসেছি। এখানে তা পুনরুল্লেখের প্রয়োজন নেই।

ইব্ন ইসহাক (র) ও অন্যরা বলেন, আরবের লোকেরা যখন হ্যরত ইসমাইল (আ)-এর দীনকে পরিবর্তিত করে ফেলল তখন উপরোক্ষেষ্ঠিত মৃত্তিগুলো আরবদের উপাস্যতে পরিণত

হল। তখন ওয়াদ প্রতিমা থাকল বনী কালব (ইব্ন মুররাহ ইব্ন তাগলিব ইব্ন হালওয়ান ইব্ন ইমরান ইব্ন ইলহাফ ইবন কুয়া'আ) গোত্রের জন্যে। এটি স্থাপিত ছিল দুমাতুল জান্দাল নামক স্থানে। সুওয়া' প্রতিমা ছিল বনী হৃয়ায়ল (ইব্ন ইলিয়াস ইব্ন মুদরিকাহ ইব্ন মুগরি) গোত্রের জন্যে। এটি অবস্থিত ছিল রাহাত নামক স্থানে ইয়াগুছ ছিল এই বংশের বনী আনউম ও মিয়হাজ বংশের জন্য এটি অবস্থিত জারশ এলাকায়। ইয়াউক প্রতিমা ছিল ইয়ামানের হামদান অঞ্চলে। এটি ছিল হামদানের একটি উপগোত্র বনী খায়ওয়ান-এর তত্ত্বাবধানে। নাসর প্রতিমা স্থাপিত ছিল হিমইয়ার অঞ্চলে। মূল কিলা গোত্র ছিল এর উপাসক।

ইব্ন ইসহাক (র) বলেন, নিজেদের এলাকায় খাওলান গোত্রের একটি মৃতি ছিল। সেটির নাম ছিল “আম্মে আনাস” (আনাসের চাচা)। তারা তাদের বিশ্বাস অনুযায়ী চতুর্সপ্ত জন্ম ও ফল ফসল তার মাঝে ও আল্লাহর মাঝে বণ্টন করত। বণ্টন আল্লাহর জন্যে নির্ধারিত কোন অংশ যদি ‘আম্মে আনাসের’ ভাগে পড়ত, তবে তা তারা সেখানে রেখে দিত। পক্ষান্তরে ‘আম্মে আনাসের’ জন্যে নির্ধারিত কোন অংশ যদি আল্লাহর ভাগে পড়ে হেতু, তবে তা সেখান থেকে নিয়ে ঐ প্রতিমার ভাগে দিয়ে দিত। তাদের এ অপকর্মে সম্পর্কে আল্লাহ তা'আলা নাফিল করেনঃ

وَجَعَلُوا لِلَّهِ مَمَّا ذَرَأَ مِنَ الْحَرْثِ وَالْأَنْعَامَ نَصِيبًا

আল্লাহ যে শস্য ও গবাদি পশু সৃষ্টি করেছেন, তা থেকে তারা আল্লাহর জন্যে এক অংশ নির্দিষ্ট করে এবং নিজেদের ধারণানুযায়ী বলে, এটি আল্লাহর জন্যে এবং এটি আমাদের দেবতাদের জন্যে। (আন'আম ১৩৬)

ইব্ন ইসহাক বলেন, বনী মলাকান ইব্ন কিনানা ইব্ন খুয়ায়মা ইব্ন মুদরিকা গোত্রের একটি প্রতিমা ছিল। তার নাম ‘সাদ সাখরাহ’। এক উন্মুক্ত ও বিস্তৃত প্রান্তরে ছিল এটির অবস্থান। এক ব্যক্তি তার উটের পাল নিয়ে এসেছিল এ উদ্দেশ্যে যে, উটগুলোকে ওখানে দাঁড় করিয়ে তার ধারণা অনুযায়ী ঐ প্রতিমার আশীর্বাদ নেবে। আরোহীবিহীন ঐ উটগুলো ঘাস খেতে-খেতে রক্তমাখা প্রতিমা দেখে ভীত-সন্ত্রস্ত হয়ে যেটি যেদিক পেরেছে ছুটে পালায়। এতে উটের মালিক ক্ষেপে যায় এবং একটি পাথর নিয়ে প্রতিমার দিকে ছুঁড়ে মারে। সে বলে, আল্লাহ তোমাতে যেন বরকত ও আশীর্বাদ না দেন। তুমি আমার উটগুলোকে ছত্রভঙ্গ করে দিয়েছ। অতঃপর সে তার উট খুঁজতে বের হয়। উটগুলো একত্রিত করার পর সে বলে :

أَتَيْنَا إِلَى سَعْدٍ لِيَجْمَعَ شَمْلَنَا فَشَتَّنَا سَعْدٌ فَلَا نَحْنُ مِنْ سَعْدٍ

‘আমরা এসেছিলাম সা'দ এর নিকট এ মকসুদ নিয়ে যে, সে আমাদের অবস্থা সংহত করে দিবে। কিন্তু সে আমাদেরকে আরও বিক্ষিণ্ড করে দিয়েছে। ফলে আমরা কোন কল্যাণ লাভে সমর্থ হইনি। সুতরাং আমরা তার কেউ নই।

وَهَلْ سَعْدٌ أَصْحَرَةُ بِتَنْوِنَةٍ مِنَ الْأَرْضِ لَا يَدْعُونَ لِغَيِّرٍ وَلَا رَشدٍ

সা'দ তো ধূ ধূ মরু প্রান্তরে অবস্থিত একটি পাথর বৈ অন্য কিছু নয়। সে ভাল বা মন্দ কিছুর জন্যেই প্রার্থনা জানাতে পারে না।

ইব্ন ইসহাক বলেন, দাওস গোত্রের আমর ইব্ন হামামা দাওসীর একটি প্রতিমা ছিল। কুরায়শরা কা'বা শরীফের অভ্যন্তরে একটি কৃপের মধ্যে একটি প্রতিমা রেখেছিল। সেটির নাম লুহল। ইতিপূর্বে ইব্ন হিশাম (র)-এর বর্ণনায় এসেছে যে, এটি প্রথম প্রতিমা আমর ইব্ন লুহাই স্থাপিত প্রথম প্রতিমা।

ইব্ন ইসহাক বলেন, তারা আসাফ ও নাইলা নামের দুটো প্রতিমা যমযমের স্থানে স্থাপন করেছিল। ওগুলোর সমুখে তারা পশ্চ কুরবানী দিত। এ প্রসংগে পূর্বেই উল্লেখিত হয়েছে। কা'বা শরীফের অভ্যন্তরে ব্যভিচারে লিঙ্গ হওয়ায় আল্লাহ তা'আলা তাদের উভয়কে পাথরে ঝাপান্তরিত করে দিয়েছিলেন। ইব্ন ইসহাক বলেন, আবদুল্লাহ ইব্ন আবু বকর হযরত আয়েশা (রা) সূত্রে বলেন, আমরা বরাবরই শুনে এসেছি যে, আসাফ ও নাইলা ছিল একজন পুরুষ লোক ও একজন মহিলা। তারা জুরহুম গোত্রভুক্ত। দু'জনে অশ্বীল কাজ করেছিল কা'বা শরীফের অভ্যন্তরে। অতঃপর আল্লাহ তা'আলা তাদের দু'জনকে পাথরে পরিণত করে দেন।

কথিত আছে যে, আল্লাহ তা'আলা তাদেরকে ঐ অপকর্ম করার অবকাশ দেননি বরং তার পূর্বেই পাথরে পরিণত করে দেন। এরপরে লোকজন এ দু'টোকে সাফা ও মারওয়া পাহাড়ে নিয়ে স্থাপন করে। এরপর আমর ইব্ন লুহাইর সময়ে সেগুলোকে সেখান থেকে তুলে এনে যমযম কৃপের স্থানে স্থাপন করে এবং লোকজন এ দু'টোর তাওয়াফ করতে শুরু করে।

এ প্রসংগে আবু তালিব বলেন :

وَحَيْثُ يُنِيَخُ الْأَشْعَرُونَ رِكَابَهُمْ - بِمَفْضِلِ سَيْلٍ مِّنْ أَسَافِ وَنَائِلٍ

যেখানে আশ'আরী গোত্রের লোকজন তাদের সওয়ারী খামায় সেই প্লাবনের প্রবাহ পথে আসাফ ও নাইলা রয়েছে।

ওয়াকিদী বলেন, মক্কা বিজয়ের দিবসে রাসুলুল্লাহ (সা) যখন নাইলা মূর্তিটি ভেঙ্গে ফেলার নির্দেশ দেন, তখন দেখা যার যে, সেটি থেকে জনেকা সাদা কালো চুল বিশিষ্ট কুচকুচে কালো মহিলা হায়রে দৃঃখ, হায়রে ধ্বংস বলে বলে বিলাপ করতে করতে মুখে খামচি মেরে মেরে বেরিয়ে আসল।

সুহায়লী উল্লেখ করেছেন যে, আজা ও সালমা হলো হেজায়ের দুটো পাহাড়। আজা নামের একজন পুরুষ এবং সালমা নামের একজন মহিলার নামে এ দু'টো পাহাড়ের নামকরণ হয়েছে। আজা ইব্ন আবদুল হাই নামের পুরুষ লোকটি সালমাম বিন্ত হাম নামের মহিলাটির সাথে পাপচারে লিঙ্গ হয়েছিল। তাদের দু'জনকেই এ দু'টো পাহাড়ের শূলিবিন্দ করা হয়েছিল। অতঃপর তাদের নামানুসারে পাহাড় দু'টো পরিচিত হয়। তিনি বলেন, আজা এবং সালমা এ দু'টোর মধ্যখানে তাই গোত্রের কুলস নামক একটি প্রতিমা ছিল।

ইব্ন ইসহাক বলেন, তখন প্রত্যেক গোত্রের পৃথক পৃথক প্রতিমা ছিল। গোত্র তুক্ত সকল লোক সেটির পূজা-অর্চনা করত। তাদের কেউ সফরে যাওয়ার ইচ্ছা করলে সওয়ারীতে আরোহণ করার সময় ঐ প্রতিমার গায়ে হাত বুলিয়ে যেত। যাত্রা প্রস্তুতির এটি ছিল শেষ ধাপ।

মৃত্তি প্রতিমা ছুঁয়েই সে যাত্রা শুরু করত। সফর থেকে প্রত্যাবর্তন করে সে পুনরায় সেটির গায়ে হাত বুলিয়ে দিত। সফর শেষে গৃহে প্রবেশের পূর্বে প্রতিমা স্পর্শ করা হতো তার প্রথম কাজ। অতঃপর আল্লাহ তা'আলা হ্যরত মুহাম্মদ (সা)-কে যখন তাওহীদের বাণী সহকারে প্রেরণ করলেন তখন তারা বলে উঠেছিল :

أَجْعَلْ أَلْهَةً إِلَهًا وَاحِدًا - إِنَّ هَذَا لَشَيْءٌ عَجَابٌ

“সে কি বহু ইলাহের পরিবর্তে এক ইলাহ বানিয়ে নিয়েছে! এটিতো এক অতাশ্চর্য ব্যাপার!”

ইবন ইসহাক বলেন, আরবরা কা'বা শরীফের সমান্তরালে আরও বহু পূজামণ্ডপ ও আশ্রম প্রতিষ্ঠা করেছিল। এ পূজামণ্ডপ হল কতগুলো গৃহ, তারা সেগুলোকে কা'বা শরীফের ন্যায় সম্মান করত। ঐ গৃহগুলোর জন্যে নির্দিষ্ট তত্ত্বাবধায়ক এবং খাদিম ছিল। কা'বা শরীফের উদ্দেশ্যে যেমন কুরবানীর পশু প্রেরণ করা হত, ঐ পূজামণ্ডপগুলোর উদ্দেশ্যেও সেরূপ পশু প্রেরণ করা হত এবং কা'বা শরীফের তাওয়াফের ন্যায় ঐ গুলোর চারি দিকেও তাওয়াফ করা হত এবং সেগুলোর সমুখে পশু যবাই করা হত। তা সত্ত্বেও ঐ গৃহগুলোর উপর কা'বা শরীফের অধিকতর সম্মান ও মর্যাদা ছিল সর্বজনস্বীকৃত। কারণ সেটি ছিল হ্যরত ইবরাহীম (আ)-এর তৈরী এবং তাঁর মসজিদ।

কুরায়শ ও বনী কিনানা এর নির্ধারিত প্রতিমা ছিল ‘নাখলা’তে অবস্থিত উয়মা প্রতিমা। সেটির তত্ত্বাবধায়ক ও খাদিম ছিল বনী হাশিম গোত্রের মিত্র সুলায়ম গোত্রের উপগোত্র বানু শায়বান। মক্কা বিজয়ের সময় হ্যরত খালিদ ইবন গুলীদ (রা) ঐ প্রতিমাটি ভেঙ্গে দিলে যেমন রূপে আসছে বনু ছাফীক গোত্রের নির্ধারিত প্রতিমা ছিল লাত। এটির আবস্থান ছিল তায়েফে। ছাকীক গোত্রের বানু মুতার উপগোত্র ছিল ঐ পূজামণ্ডপের তত্ত্বাবধায়ক ও খাদিম। তায়েফবাসীদের নিকট আগমনের পর আবু সুফিয়ান ও মুগীরা ইবন শুবা (রা) ঐ প্রতিমাটি ভেঙ্গে দিলেন। এ বিষয়ে বিস্তারিত বিবরণ পরবর্তীতে আসবে।

তিনি বলেন, আওস ও খায়রাজ গোত্র এবং তাদের সাথে মতান্দর্শের অনুসারী মদীনাবাসী যারা ছিল, তাদের জন্যে নির্ধারিত প্রতিমা ছিল ‘মানাত’। কাদীদ অঞ্চলের মুশাল্লিল নামক স্থানের পাশে সমৃদ্ধ তীরে এটি অবস্থিত। এটিও ধ্রংস করে ছিলেন হ্যরত আবু সুফিয়ান (রা)। মতান্দরে আলী ইবন আবী তালিব (রা)। দাওস খাছআম বুজায়লা এবং এতদঞ্চলের আরবদের মৃত্তি ছিল যুলখুলাসাহ। এটি ছিল তাবালা নামক স্থানে। এটাকে কা'বা-ই-ইয়ামানিয়া বা ইয়ামানের কা'বা বলা হতো আর মক্কা শরীফের কা'বাকে বলা হত। কা'বায়ে শামীয়া বা শামী কাবা। জারীর ইবন আবদুল্লাহ বাজালী (রা) কর্তৃক যুলখুলাসার উপরোক্ত মৃত্তিটি ধ্রংস করেন। তাঁই গোত্র এবং তাঁই অঞ্চলের আজা ও সালমা পাহাড়ের আশে-পাশে যারা ছিল তাদের প্রতিমা ছিল কুলস্। এটির অবস্থান ছিল আজা ও সালমা পাহাড়ের মধ্যবর্তী স্থানে। এ দু'টো মশহুর পাহাড়ের কথা ইতিপূর্বে আলোচিত হয়েছে। তিনি বলেন, রাআম ছিল হিমইয়ার গোত্র ও ইয়ামান বাসীদের উপাসনালয়। হিমইয়ারী রাজা তুর্কার আলোচনা প্রসংগে এর উল্লেখ করা হয়েছে। এটিও উল্লেখ করা হয়েছে যে, দু'জন ইয়াহুদী ধর্ম্যাজক ঐ গৃহ ধ্রংস করেছে এবং

সেটি থেকে বেরিয়ে আসা একটি কালো কুকুর হত্ত্বা করেছে ‘রিয়া’ নামের উপাসনালয়টি ছিল বনী রবী‘আ ইব্ন কাব ইব্ন সাদ ইব্ন যায়দ মানাত ইব্ন তামীম গোত্রের। ঐ উপাসনালয় সম্পর্কে কা‘ব ইব্ন রবী‘আ ইব্ন কা‘ব ওরফে মুসতাওগির বলেন :

وَلَقَدْ شَدَّدْتُ عَلَى رِضَاءٍ شَدَّةً - فَتَرَكْتَهَا قَفْرًا بِقَاعًا أَسْحَمًا

আমি প্রচণ্ড আক্রমণ করেছি ‘রিয়া’ পূজা মণ্ডপে, অতঃপর সেটিকে আমি সমতল ভূমিতে কালো ও শূন্য ভিটেরূপে রেখে এসেছি।

وَأَعَانَ عَبْدُ اللَّهِ فِي مَكْرُوهِهَا - وَبِمِثْلِ عَبْدِ اللَّهِ أَغْشَى الْمُحَرَّمًا

এটি ঘৃণিত করতে আবদুল্লাহ সাহায্য করেছেন। আবদুল্লাহর মতই আমি এই নিষিদ্ধ বস্তুকে আচ্ছাদিত করে দিয়েছি।

কথিত আছে যে, উপরোক্তের পংক্তির রচয়িতা মুসতাওগির ৩৩০ বছর কাল জীবিত ছিলেন। তিনি মুয়ার গোত্রের সৈবচাইতে দীর্ঘজীব লোক ছিলেন। তিনি আরও বলেছেন :

وَلَقَدْ سَيَّمْتُ مِنَ الْحَيَاةِ رَطْلُولَهَا - وَعُمِّرْتُ مِنْ عَدَدِ السَّيِّنَ كَيْنَتَا .

আমি সুদীর্ঘ জীবন কালের কষ্ট ভোগ করেছি এবং কয়েক শতাব্দীর আয়ু পেয়েছি।

مِائَةٌ حَدَّتْهَا مِائَتَانِ لِيْ - وَأَزْدَدْتُ مِنْ عَدَدِ الشَّهُورِ

একশত বছরের পর দুশৈ বছর এবং অতিরিক্ত আরো কয়েক বছর।

هَلْ مَا بَقَى إِلَّا كَمَا قَدْ فَاتَنَا - يَوْمُ يَمْرُ وَلِلَّهِ تَحْدُونَا

আমরা যে যুগ অতিক্রম করে এসেছি, যে রাত দিনের পৌগ-পৌগিক আগমন, পরবর্তী যুগ কি তদপেক্ষা ব্যক্তিক্রম অন্য কিছু?

ইব্ন হিশাম বলেন, এ পংক্তিগুলো যুহায়র ইব্ন জানাব ইব্ন হুবল-এর রচিত বলেও কেউ কেউ বলেছেন।

সুহায়লী বলেন, দুশ তিন বছরের অধিক আয়ু যারা পেয়েছিলেন, আলোচ্য যুহায়র ছিলেন তাদের অন্যতম। উবায়দ ইব্ন শিরবাহ, বংশ তালিকা বিশারদ দাগফাল ইব্ন হানযালা, রাবী ইব্ন দাবা কোয়ারী, যুল ইসবা উদওয়ানী, নাসর, ইব্ন দাহমান ইব্ন আশাজা ইব্ন রাবাছ ইব্ন গাতফান প্রমুখ ব্যক্তিও একেব দীর্ঘায়ু প্রাণ লোক ছিলেন। নাসর ইব্ন দাহ দাহমানের এবং তার পিঠ কুঁজো হওয়ার পর পুনরায় সোজা হয়েছিল।

‘যুল কা‘বাত’ ছিল বকর, তাগলিব ইব্ন ওয়াইল ও আইয়াদ গোত্রের উপাসনালয়। এটি ছিল সিনদান অঞ্চলে। এ সম্পর্কে কবি আশা ইব্ন কায়স ইব্ন ছালাবা বলেন :

بَيْنَ الْخُورَقِ وَالسَّرِيرِ وَبَارِقِ - وَالْبَيْتُ ذِي الشَّرَفَاتِ مِنْ سِنْدَادِ

খাওরানাক, সাদীর, বারিক ও সিনদাদে অবস্থিত সশ্বানিত গৃহের মধ্যবর্তী স্থানে। এ পংক্তিমালার আগে আরো কত পংক্তি রয়েছে।

সুহায়লী বলেন, খাওরানাক হল একটি নয়নাভিরাম প্রাসাদ। নুমান-ই-আকবর এটি সম্মাট সাবুরের জন্যে তৈরী করেছিলেন। সিন্নেমার নামক একজন প্রকৌশলী দীর্ঘ ২০ বছর পরিশ্রম করে এটি নির্মাণ করেন। এর চাইতে সুন্দর কোন প্রাসাদ তখনকার দিনে দেখা যেত না। সিন্নেমার অন্য কোন ব্যক্তির জন্যে এরূপ প্রাসাদ যেন নির্মাণ করতে না পারেন, সে জন্যে নুমানকে ঐ প্রাসাদের ছাদ থেকে ফেলে দিয়ে হত্যা করে। এ উদাহরণ উল্লেখ করে কবি বলেনঃ

جَزَانِيْ جَزَاهُ اللَّهُ شَرًّا جَزَاءِ هِ - جَزَاءَ السِّنْمَارِ وَمَا كَانَ ذَلِيلِ

আল্লাহ্ তাকে নিকৃষ্টতম শাস্তি দান করুন, সে আমাকে প্রতিদান দিয়েছে সিন্নেমারের প্রতিদানের ন্যায়। মূলত সিন্নেমারের কোন দোষ ছিল না।

سُوئِ رَضْفُهُ الْبُنْيَانِ عِشْرِينَ حَجَّةً - يُعْدُ عَلَيْهِ بِالْقِرَامَدِ وَالسَّكَبِ

তার একটি মাত্র অপরাধ ছিল বিশ বছর ধরে সে ঐ প্রাসাদ নির্মাণ করেছে। পাথর কুচি মোজাইক ও পানি ঢেলে ঢেলে অত্যন্ত যত্ন সহকারে সে এটি তৈরী করেছিল।

فَلَمَّا اتَّهَى الْبُنْيَانُ يَوْمًا تَمَامًا - وَاحَدِيْ كَمِيلِ الطُّورِ وَالْبَازِخِ  
الصَّعْبِ

অবশেষে একদিন যখন সেটির নির্মাণ চূড়ান্ত পর্যায়ে পৌছল এবং সুউচ্চ ও সুবিশাল টিলার ন্যায় সেটি সুন্দৃ ও মজবুত হল।

رَمَى بِسِنِمَارٍ عَلَى حَقِّ رَأِسِهِ - وَذَلِكَ لِعَمْرُ اللَّهِ مِنْ أَقْبَعِ الْخَطَبِ

তখন সে ফেলে দিল সিন্নেমারকে ঐ প্রাসাদের চূড়া থেকে। আল্লাহ্ কসম এটি জয়ন্তম কাজ।

সুহায়লী বলেন, প্রখ্যাত ভাষাবিদ জাহিয় এই কবিতাটি 'আল মাইওয়ান ওয়াস সিমার মিন আসমাইল কামার' নামক গ্রন্থে উন্নত করেছেন।

মূল কথা হল পূর্বোক্ত সকল প্রতিমা পূজার কেন্দ্রগুলো ধ্রংস ও বিনষ্ট করে দেয়া হয়। ইসলামের আবির্ত্তবের পর রাসুলুল্লাহ (সা) উপরোক্ষেষ্ঠ প্রত্যেকটি পূজামণ্ডপ ও প্রতিমা ধ্রংস করার জন্যে লোক প্রেরণ করেন। তাঁরা ঐ সবগুলো ভেঙ্গে চুরমার করে দেন। শেষ পর্যন্ত কাঁবা শরীফের প্রতিদ্বন্দ্বী কোন গৃহই অবশিষ্ট থাকল না। আর তখন ইবাদত নিবেদিত হতে থাকল একক লা-শরীক আল্লাহ্ উদ্দেশ্যে।

## হিজায়ী আরবদের উর্ধ্বতন পুরুষ ‘আদনান-এর বৃত্তান্ত

‘আদনান যে ইসমাইল ইব্ন ইবরাহীম খলীলুল্লাহ ‘আলাইহিস সালাম-এর বংশধর, সে সম্পর্কে কোন মতভেদ নেই। তবে তাঁর এবং ইসমাইলের মধ্যস্থলে কত পুরুষের ব্যবধান সে বিষয়ে বহু মতভেদ রয়েছে। কথিত সর্বোচ্চ ব্যবধান হচ্ছে চল্লিশ পুরুষের। আহলি কিতাবদের মধ্যে এই উক্তিই প্রচলিত। আরমিয়া ইব্ন হলিকিয়া এর লিপিকার রাখিবার লিপি থেকে আহলি কিতাবরা এ মত গ্রহণ করেছে। এ সম্পর্কে আমরা পরে আলোচনা করবো। মতান্তরে উভয়ের মধ্যকার এ ব্যবধান ৩০, ২০, ১৫, ১০, ৯, অথবা ৪ পুরুষের। মূসা ইব্ন ইয়া’কুব এ ব্যাপারে উচ্চু সালামা-এর বরাতে বলেন যে, নবী করীম (সা) বলেছেন, মা’আদ ইব্ন ‘আদনান ইব্ন উদাদ ইব্ন যান্দ ইবনুল বারী ইব্ন আ’রাফ আস-ছারা। উচ্চু সালামা (রা)-বলেন : যান্দ হচ্ছেন হামায়সা আর বারী হচ্ছেন নাবিক, আর আ’রাত আস ছারা হচ্ছেন ইসমাইল, আর ইসমাইল হচ্ছেন ইবরাহীম (আ)-এর পুত্র। আর আগুন ইবরাহীম (আ)-কে দহন করেনি, যেমন আগুন দহন করে না মাটিকে। ছারা কুত্নী বলেন : এ বর্ণনা ছাড়া (অন্য কোথাও) আমরা মান্দ সম্পর্কে জানতে পারি না। আর মান্দ ইবনুল জওন হচ্ছেন কবি আবু দালামা।

হাফিজ আবুল কাসিম সুহাইলী প্রযুক্ত ইমাম বলেন : আদনান থেকে ইসমাইল (আ) পর্যন্ত সময়কাল ৪ পুরুষ থেকে ১০ পুরুষ বা ২০ পুরুষের চেয়েও বেশী। আর এটা এজন যে, বৃক্ত নসরের শাসনকালে মা’আদ ইব্ন আদনান-এর বয়স ছিল ১২ বছর। আবু জা’ফর তাবারী প্রযুক্ত উল্লেখ করেন যে, আল্লাহ তা’আলা এ সময়ে আরমিয়া ইবনু হালকিয়ার নিকট এ মর্মে ওহী প্রেরণ করেন যে, তুমি বুর্খত নসর এর নিকট গিয়ে তাকে জানিয়ে দাও যে, আমি তাকে আরবদের উপর শাসনকর্তা করেছি। আর আল্লাহ তা’আলা আরমিয়াকে নির্দেশ দান করেন যে তিনি যেন তাঁর সঙ্গে মা’আদ ইবনু ‘আদনানকেও বুরাকে আরোহন করিয়ে নিয়ে যান, যাতে তাদের মধ্যে তাকে কোন কষ্ট পেতে না হয়। কারণ, তাঁর বংশে আমি একজন মহান নবীর আবির্ভাব ঘটাবো যাঁর মাধ্যমে আমি রিসালতের ধারার পরিসমাপ্তি ঘটাবো। আরমিয়া সে মতে কাজ করেন এবং মা’আদকে নিজের সঙ্গে বুরাকে আরোহণ করিয়ে শাম দেশ পর্যন্ত নিয়ে যান। বায়তুল মুকাদ্দাস ধর্মসের পর সেখানে যেসব বনী ইসমাইল অবশিষ্ট ছিল—তিনি তাদের মধ্যে প্রতিপালিত হয়ে বেড়ে উঠেন। স্বদেশ ভূমিতে ফিরে আসার পূর্বে তিনি সেখানে বহু দূর ইবনু জুরহুম বংশে মু’আনা বিনত জওশন নাসের এক মহিলাকে বিবাহ করেন। আরব দেশে অশান্তি দূর হয়ে শান্তি ফিরে এলে তিনি স্বদেশে প্রত্যাবর্তন করেন। আরমিয়ার লিপিকার সচিব রাখিইয়া তাঁর নিকট রক্ষিত একটা লিপিতে তার বংশধারা লিপিবদ্ধ করে রাখেন, যাতে তা আরমিয়ার

ভাগারে রক্ষিত থাকে। আল্লাহই ভালো জানেন। এ কারণে মালিক (র) ‘আদনান-এর উপরের বংশধারা বর্ণনা করা পছন্দ করতেন না।

সুহাইলী বলেন : এ বংশধারা উর্ধ্বে নিয়ে যাওয়া নিয়ে আমরা আলোচনা করেছি সেসব মনীষীদের মত অনুযায়ী। যারা এটাকে বৈধ মনে করেন (এবং এটাকে নাপছন্দ করেন না, যথা ইবন ইসহাক, বুখারী, মুবাইর ইবন বাক্কার তাবারী প্রমুখ)। তবে ইমাম মালিক (র)-কে এমন এক ব্যক্তি সম্পর্কে জিজ্ঞাসা করা হয়, যে সে বংশধারা আদম (আ) পর্যন্ত পৌঁছায়, তখন তিনি এটাকে নাপছন্দ করে তাকে পাল্টা প্রশ্ন করেন- সে এটা কোথা থেকে জানতে পেরেছে? ইসমাইল (আ) পর্যন্ত বংশধারা পৌঁছালে তিনি তা-ও নাপছন্দ করেন। এ সম্পর্কেও তিনি বলেন যে, কে তাকে তা বলেছে? এমনকি তিনি নবীগণের বংশধারা আরো উপরে নিয়ে যাওয়া, যেমন বলা ইবরাহীম অমুকের পুত্র অমুক তাও অপছন্দ করেছেন। আল-মুট্টী তাঁর গ্রন্থে এরূপই উল্লেখ করেছেন।

তিনি বলেন : মালিক (র)-এর এ উক্তি উরওয়া ইবন যুবায়ন (র)-এর মতের অনুরূপ। তিনি বলেছেন আদনান ও ইসমাইল (আ)-এর মধ্যবর্তী বংশধারা সম্পর্কে জানে, এমন কারোঁ সম্পর্কে আমাদের জানা নেই। ইবন আব্বাস (রা) থেকে বর্ণিত আছে, তিনি বলেছেন, আদনান আর ইসমাইল (আ)-এর মধ্যকার ত্রিশ পুরুষ সম্পর্কে কিছুই জানা যায় না। ইবন আব্বাস (রা) থেকে আরো বর্ণিত আছে যে, বংশধারা আদনান পর্যন্ত পৌঁছার পর তিনি দু'বার বা তিনবার বলতেন- বংশধারা বর্ণনাকারীরা মিথ্যা বলে। বিশুদ্ধ মতে ইবন মাসউদ (রা) থেকেও অনুরূপ বর্ণনা রয়েছে। উমর ইবনুল খাতাব (রা) বলতেন : ‘আদনান পর্যন্ত বংশধারা পৌঁছানো যায়।’ আবু উমর ইবন আব্দুল বার তাঁর গ্রন্থ আল-ইস্বাহ ফী মা'রিফাতে কাবাইলিরুম্যাত-এ বলেন : ‘ইবন লাহীয়া’ আবুল আসওয়াদ থেকে বর্ণনা করেন যে, তিনি উরওয়া ইবন যুবায়রকে বলতে শুনেছেন যে, ‘আদনান বা কাহ্তান এরপর বংশধারা সম্পর্কে কেউ জানে বলে আমাদের জানা নেই। কেউ এমন দাবী করলে তা হবে একান্তই অনুমান নির্ভর ও অসত্য। আর আবুল আসওয়াদ বলেন : কুরাইশদের কাজগামা আর বংশধারা সম্পর্কে অন্যতম বিশেষজ্ঞ আবু বকর ইবন সুলায়মান ইবন আবু খায়সামাকে আমি বলতে শুনেছি, তিনি বলতেন, মা'আদ ইবন আদনান-এর উর্ধ্বে কোন কবির কবিতা বা কোন জ্ঞানী ব্যক্তির জ্ঞানের কথা কেউ জানে এমন লোকের সন্ধান আমরা পাইনি।

আবু উমর বলেন- অতীত মনীষীদের মধ্যে এক দল ছিলেন, যাদের অন্তর্ভুক্ত রয়েছেন ‘আদুল্লাহ ইবন মাসউদ’ আমর ইবন মায়মুন আল-আয়দী এবং মুহাম্মদ ইবন কা'ব আল-কুরায়ী নিম্নোক্ত আয়াতটি তিলাত্যাত করার পর বলতেন- বংশধারা বর্ণনাকারীরা মিথ্যা বলেছে।

وَالَّذِينَ مِنْ بَعْدِهِمْ لَا يَعْلَمُهُمْ إِلَّا اللَّهُ (সূরা আব্রাহিম : ৯)

(তোমাদের নিকট কি সংবাদ আসেনি তোমাদের পূর্ববর্তীদের নৃহ আদ ও সামুদ জাতির) এবং তাদের পূর্ববর্তীদের? তাদের বিষয় আল্লাহ ব্যক্তিত আর কেউ জানে না (১৪ ইবরাহীম : ৯)।

আবু উমর-(র) বলেন : এ ক্ষেত্রে আমাদের ব্যাখ্যা হচ্ছে ভিন্নতর। আমাদের মতে এর মানে হচ্ছে আদম (আ)-এর বংশধারা সম্পূর্ণ জানে বলে যারা দাবী করে তাদের প্রতিই উক্ত মিথ্যাচারের উভিটি প্রযোজ্য। জানেন কেবল এক আল্লাহ যিনি তাদের পয়দা করেছেন। আর আরবদের বংশধারা এবং তাদের ইতিহাস ও বংশ বৃক্ষাত্ম সম্পর্কে জ্ঞানী ব্যক্তিরা অনেক কিছু সংরক্ষণ করেছেন। জ্ঞানীরা তাদের সাধারণ মানুষ এবং বড় বড় কবীলা সম্পর্কে অনেক কিছু তত্ত্ব ও তথ্য সংরক্ষণ করেছেন। তবে এর কোন কোন খুঁটিনাটি বিবরণ সম্পর্কে তাদের ভিন্ন ভিন্ন মত রয়েছে।

আবু উমর বলেন : আদনান-এর বংশধারা বিষয়ে ওয়াকিবহাল মহলের ইমামগণ বলেন : আদনান ইব্ন উদাদ মুকাবিস ইব্ন নাহুর ইব্ন তায়রাহ ইব্ন ইয়ারুব ইব্ন ইয়াশজুর ইব্ন নাবিত ইব্ন ইসমাঈল ইব্ন ইবরাহীম খলীলুল্লাহ আলাইহিস সালাম। মুহাম্মদ ইব্ন ইসহাক তাঁর সীরাত গঠনে এভাবেই উল্লেখ করেছেন।

ইবন হিশাম উক্ত বংশতালিকা সম্পর্কে বলেন যে, কারো কারো মতে তা হচ্ছে আদনান উদ ইব্ন উদাদ। অতঃপর আবু উমর অবশিষ্ট বংশধারা আদম (আ) পর্যন্ত পৌঁছিয়েছেন। যেমন আমরা ইবরাহীম খলীলুল্লাহ (আ)-এর আলোচনার পূর্বেই উল্লেখ করে এসেছি। অবশ্য আদনান পর্যন্ত আরবের সকল কবীলার নসবনামা সংরক্ষিত এবং এতই খ্যাত ও সুসংরক্ষিত যে, সে বিষয়ে দ্বিমতের কোন অবকাশ নেই। ‘আদনান পর্যন্ত মহানবী (সা)-এর বংশধারা! ভোরের আলোর মতই স্পষ্ট ও দ্যর্থহীন। এ বিষয়ে মারফু’ হাদীস উক্ত হয়েছে, যা আরবের কবীলা প্রসঙ্গে যথাস্থানে আমরা উল্লেখ করবো। মহানবী (সা)-এর পবিত্র বংশধারা ও উৎস সম্পর্কে আলোচনাকালে আমরা এ বিষয়ে আলোকপাত করবো ইনশাআল্লাহ। তাঁরই প্রতি রয়েছে আমাদের আস্থা ও ভরসা। প্রবল পরাক্রমশালী ও কুশলী আল্লাহ ভিন্ন কোন ক্ষমতা নেই। নেই কোনই শক্তি-সামর্থ্য। ইমাম আবু আব্দুল্লাহ ইব্ন মুহাম্মদ আন-নাশীর রচিত ‘মহানবী’ বলে কথিত একটা প্রসিদ্ধ কাসীদায় নবী করীম (সা)-এর বংশধারার কী চমৎকার বর্ণনাই না রয়েছে। যাতে তিনি বলেন :

مدحت رسول الله ابغي بهدحه - وفور حظوظى من كريم الم��

আমি আল্লাহর রাসূলের প্রশংসা করছি আর তাঁর প্রশংসা দ্বারা আমি তাঁর অনুগ্রহভাজন হওয়ার আখ্যাঞ্চল পোষণ করি।

مدحت امرءا فان المديح موحدا - باوصافه عن مبعد ومقارب

আমি এমন এক ব্যক্তির নিরংকুশ প্রশংসা করি, প্রশংসা ভাজন ব্যক্তিবর্গের মধ্যে যার স্থান সকলের শীর্ষে আর গুণপনায় যিনি নিকটবর্তী আর দূরবর্তী সকলের উপরে।

نبیا تسامی فی المغارب نوره - فلاخت هوادیه لاهل المغارب

(আমি (প্রশংসা করি) এমন এক নবীর প্রাচ্য দেশে যার নূরের স্থান অত্যুচ্চে। ফলে পাঞ্চাত্যবাসীদের নিকট তাঁর হিদায়াতকারীরা উজ্জ্বল হয়ে দেখা দেন।

اتتنا به الانيء قبل مجئه - وشاعت به الاخبار في كل جانب

تار آگاممنون پূর্বেই آگامণবাৰ্তা পৌছেছে আমাদের কাছে। দিকে দিকে ছড়িয়ে পড়েছে খবর তাঁর আগমণের।

واصبت الكهان تهتف باسمه - وتمض به رحم الظنون الكواذب

গনক আর ভবিষ্যবজ্ঞারা তার নাম উচ্চারণ করতে শুরু করে। আন্দাজ-অনুমান করে মিথ্যাবাদীরা তাঁকে অঙ্গীকার করে।

وانطقت الاصنام نطقا تبرأت - الى الله فيه من مقال الاكاذب

প্রতিমাণুলো এমন কথা উচ্চারণ করে, যার দ্বারা তারা মিথ্যাবাদীদের কথা থেকে সম্পর্ক হীনতা ঘোষণা করে এবং আল্লাহর দিকে তারা ঝুঁজু করে।

وقالت لاهل الكفر قولاً مبيناً - اتاكمنبي من لوعى بن غالب

প্রতিমাণুলো কুফৰীর অনুসারীদেরকে স্পষ্ট বলে দেয়, তোমাদের নিকট একজন নবী এসেছেন লুয়াই ইবন গালিব-এর বংশ থেকে।

ورام استراق السمع فزيلت - مقاعدهم منها رجم الكواكب

জিনরা চুরি করে আড়ি পেতে শোনার প্রয়াস পেলে নক্ষত্রাজি নিক্ষেপ দ্বারা তাদেরকে বিতাড়িত করে দেয়া হয়।

هداها الى ما لم نكن نهتدى به - لطول العمى من واضحات المذاهب

তিনি আমাদেরকে এমন পথ প্রদর্শন করেন, যে পথের দিশা পাওয়া আমাদের পক্ষে সম্ভব ছিল না। কারণ, স্পষ্ট ধর্ম সম্পর্কে বিভ্রান্তি ছিল দীর্ঘ দিনের।

وجاء بآيات تبين انها - دلائل جبار مثيب معاقب

তিনি নিয়ে আসেন এমন সব নির্দর্শন, যদ্বারা প্রমাণ হয় যে, সেগুলো হচ্ছে এমন এক সন্তান প্রমাণ, যিনি দুর্দান্ত পরাক্রমশালী, পুরুষাদাতা ও শান্তিদাতা।

فمنها انشقاق البدر حين تعممت - شعوب الضيابة رؤس الاخشاب

সেসব প্রমাণের অন্যতম হচ্ছে চন্দ্ৰ বিদীৰ্ঘ হওয়া এমন এক সময়ে, যখন তার আলোরছটা উর্ধ্বাংশ পর্যন্ত ছড়িয়ে পড়েছিল।

ومنها نوع الماء من بين بنانه - وقد عدم الوراد قرب المشارب

তন্মধ্যে আরো একটা প্রমাণ হচ্ছে তাঁর অঙ্গুলীর অগভাগ থেকে পানি উৎসারিত হওয়া, অথচ তখন পানির সঙ্কানে আগস্তুকরা পানির ধারে কাছেও ছিল না।

نروى به جما غفيرا واسهلت - باعناقه طوعا اكف المذانب

সে পানি দ্বারা পরিত্ণক করা হয় এক বিরাট দলকে এবং পাপাচারীদের হাতসমূহ গর্দানসহ স্বেচ্ছায় নত হয়ে পড়ে।

وبئر طفت بالماء من مس سهمه - ومن قبل لم تسمح بمذلة شارب

তাঁর তীরের পাশে অনেক কৃপ থেকে পানি প্রবাহিত হয়, অথচ ইতিপূর্বে তাতে কোন পানি পানকারী এক ফোঁটা পানির স্বাদ গ্রহণ করেনি।

وضرع مراه فاستدر ولم يكن - به درة تصفى الى كف حالب

এমন অনেক ওলান, যা ছিল শুকনো তা দুধে ভর্তি হয়ে গেল। অথচ তাতে এমন দুধ ছিল না, যা দুঃখ দোহনকারীর হস্তকে আকর্ষণ করে।

ونطق فصيح من ذراع مبينة - ل Kidd عد وللعداوة ناصب

সুস্পষ্ট বচন ফুটে উঠে স্পষ্টভাষী বাহু থেকে, দুশমনের প্রতারণা সম্পর্কে যার প্রতারণা ছিল তীব্র।

واخباره بالامر من قبل كونه - وعند بواديء بما فى العواقب

অনেক ঘটনা সংঘটিত হওয়ার পূর্বেই তাঁর সে বিষয়ে খবর দেওয়া এবং সূচনাতেই পরিগতি কি হবে তা বলে দেয়া।

ومن تلکم الایات وحی اتی به - قریب المائی مسجم العجائب

সে সবের মধ্যে এমন কিছু আয়াত, যা ওহী হয়েছে। তিনি সে সব নিয়ে এসেছেন। কিয়ামতের নিকটবর্তী এবং বিশয়ের বিপুল সমাহার।

تقاصرت الافكار عنه فلم يطبع - بل يغا ولم يخطر على قلب خاطب

তাঁর চিন্তাধারা এতই উন্নত যে তা হস্তয়ঙ্গ করতে সাধারণ মানুষ অক্ষম। ফলে তিনি আনুগত্য করেননি কোন বাগীর এবং কোন বাগীর অন্তরে তার অনুরূপ চিন্তা উদিতও হয়নি।

حوى كل علم واحتوى كل حكمـة - وفات مرام المستمر الموارب

সমস্ত জ্ঞান-বিজ্ঞান তিনি আয়ন্ত করেছেন। এবং সফলকাম ইয় না সর্বদা প্রতারণাকারী ব্যক্তি।

اتانا به لا عن رویة موتئ - ولا صحف مستعمل ولا وصف كاتب

আমাদের নিকট তা নিয়ে এসেছেন সন্দেহবাদীর চিন্তা-কল্পনা থেকে নয়, লিখিত পুস্তক আর লেখকের লেখকসূলত গুণ থেকেও নয়।

يواتيه طورا فى اجابة سائل - وافتاء مستفت ووعظ مخاطب

কখনো তিনি উপস্থাপন করেন কোন প্রশ্নকর্তার জবাবে; আবার কখনো ফতোয়া প্রার্থীর জবাবে। কখনও খতীবরূপে ওয়াউ হিসাবে।

واتيان برهان وفرض شرائع - وقص احاديث ونص مآدب

নিয়ে আসেন তিনি দলীল-প্রমাণ, শরীয়তের বিধি-বিধান বর্ণনা করেন ঘটনাবলী এবং বর্ণনা করেন লক্ষ্য উদ্দেশ্য দ্ব্যর্থহীনভাবে।

وتصريف أمثال وتشبيت حجة - وتعريف ذى جد وتوقيف كاذب

দৃষ্টান্ত বর্ণনায় প্রমাণ উপস্থাপনে অঙ্গীকারকারীর পরিচয় দানে মিথ্যাবাদীর স্বরূপ উদ্ঘাটনে।

وفى مجمع النادى وفي حومة الوغى - وعند حدوث المعضلات

الغرائب

এবং কোন প্রকাশ্য জনসমাবেশে ও প্রকাশ্য রগাঙ্গে এবং কোন তীব্র সংকটকালে তিনি দেখা দেন বিশ্য়করণভাবে।

فيألى على ما شئت من طرفاته - قويم المعانى مستد رالضرائب

ফলে তুমি যেমনটি চাও তিনি তেমনি নিয়ে আসেন দ্ব্যর্থহীনরূপে, স্বত্বাবগতভাবে তিনি দারশীল।

يصدق منه البعض بعضاً كأنما - يلاحظ معناه بعين المراقب

তার কতক অংশ অনুমোদন করে কতককে, যেন পর্যবেক্ষণ করা হচ্ছে তার অর্থ ও তাৎপর্য পর্যবেক্ষকের দৃষ্টি নিয়ে।

وعجز الورى عن ان بجيثوا بمثل ما - وصفناه معلوم بطرل

التجارب

তার মোকাবিলা করতে সমগ্র বিশ্ব যে অক্ষম, যা আমরা পূর্বে বর্ণনা করেছি, তা দীর্ঘ অভিজ্ঞতা দ্বারা প্রমাণিত।

بابى بعد الله اكرم والد - تبلغ منه عن كريم المناسب

আমার পিতা উৎসর্গ হোন তাঁর পিতা আব্দুল্লাহর প্রতি, যিনি সর্বাধিক সম্মানিত পিতা, যাঁর থেকে প্রকাশ পেয়েছে সম্মান আর মর্যাদা, যিনি উপযুক্ত সম্মানের পাত্র।

**وَشَيْبَةُ نِبْيَةُ الْحَمْدِ الَّذِي فَخَرَتْ بِهِ - قَرِيشٌ عَلَى أَهْلِ الْعَلَى  
وَالْمَنَاصِبِ**

শায়বা (আবদুল মুত্তালিব) প্রশংসার অধিকারী, যার জন্য তাঁর বংশ কুরাইশ গর্বিত সকল মর্যাদা ও পদের অধিকারীদের তুলনায়।

وَمَنْ كَانَ يَسْتَسْقِي الغَفَامَ بِوجْهِهِ - وَيُصَدِّرُ عَنْ ارْأَئِهِ فِي النَّوَائِبِ

আর তিনি এমন যে তাঁর চেহারার ওসীলায় বৃষ্টি কামনা করা হতো এবং বিপদাপদে তাঁর মতামত চাওয়া হতো।

**وَهَاشِمُ الْبَانِي مُشِيدٌ افْتَشَارَهُ - بَغْرِ المَسَاعِي وَامْتِنَانِ الْمَوَاهِبِ**

আর হাশিম, যিনি প্রতিষ্ঠাতা, যার গর্বের ভিত মজবুত, তাঁর কর্ম প্রচেষ্টার উজ্জ্বল্য এবং বদান্যতার কারণে।

**وَعَبْدُ مَنَافٍ وَهُوَ عَلَمُ قَوْمِهِ اش - تَطَاطِ الْأَمَانِي وَاحْتِكَامُ الرَّغَائِبِ**

আর আবদে মানাফ, যিনি তাঁর সম্প্রদায়ের লোকজনকে শিক্ষা দান করেন, আর তাদেরকে আশা-আখাজ্ঞা, উৎসাহ-উদ্দীপনায় উজ্জীবিত করেন।

**وَإِنْ قَصِيَا مِنْ كَرِيمِ غَرَاسِهِ - لَفِي مَنْهَلِ لِمْ يَدِنَ مِنْ كَفِ قَاضِبِ**

এবং কুসাইতো হচ্ছেন সম্মানিত উৎসের ব্যক্তিত্ব, তিনি এমন এক উৎসে অবস্থান করেন, কর্তনকারীর হস্ত তাঁর নিকটেও আসতে পারে না।

**بِهِ جَمْعُ اللَّهِ الْقَبَائِلَ بَعْدَ مَا - تَقْسِمَهَا نَهْبُ الْاَكْفَ السَّوَالِبِ**

তাঁর দ্বারা আল্লাহ তা'আলা বিভিন্ন গোত্রকে একত্রিত করেন, ছিনতাইকারী হস্তগুলো তা ছিন-ভিন্ন করার পর।

**وَحَلَّ كَلَابٌ مِنْ ذِرَى الْمَجْدِ مَعْقَلًا - تَقَاصِرَ عَنْهُ كُلُّ دَانٍ وَغَائِبٍ**

সম্মানিত বংশ থেকে 'কিলাব'-এর উত্তর হয়। দূরের আর নিকটের সকল ব্যক্তিই অক্ষম ও অপারগ তাঁর নিকটে পৌঁছতে।

**وَمَرَةٌ لَمْ يَحْلِلْ مَرِيرَةً عَزْمَهُ - سَفَاهٌ سَفِيهٌ أَوْ مَحْوَبَةٌ حَائِبٌ**

এবং মুররা, যাঁর অভিপ্রায়ের দৃঢ়তা অতিক্রম করতে পারেনি কোন নির্বোধের নির্বুদ্ধিতা বা কোন পাপীর পাপ।

وَكَعْبُ عَلَا مِنْ طَالِبِ الْمَجْدِ كَعْبَهُ - فَنَالَ بَادْنَى السَّعْيِ أَعْلَى الْمَرَاتِبِ

এবং কা'ব উর্দ্ধে উঠেছে যাঁর গোড়ালী, মর্যাদা কামীর উর্দ্ধে। ফলে তিনি লাভ করেছেন সামান্যতম চেষ্টায় উচ্চতম মর্যাদা।

وَالْوَى لَؤْيَ بِالْعَدَةِ فَطَوَعَتْ - لَهُ هُمُ الشَّمَ الْأَنْوَفُ الْأَغَالِبُ

আর লুয়াই পেঁচিয়ে নেন ঔদ্ধত্য পরায়ণদেরকে, ফলে তাঁর অনুগত হতে বাধ্য হয় উঁচু নাক বিশিষ্ট প্রবলরাও।

وَفِي غَالِبِ بَاسِ أَبِي الْبَأْسِ دُونَهُمْ - يَدْافِعُ عَنْهُمْ كُلُّ قَرْنٍ مَغَالِبُ

আর গালিব, তাঁর মধ্যে রয়েছে শক্তিমত্তা—যুদ্ধ তাঁকে ছাড়া অপরকে (গ্রহণ করতে) অঙ্গীকার করে, প্রবল জাতিসমূহ ও তাদের নেতারা তাদের পক্ষ থেকে প্রতিরোধ গড়ে তোলে।

وَكَانَتْ لِفَهْرِ فِي قَرِيشِ خُطَابَةً - يَعْوِذُهَا عِنْدَ اشْتِجَارِ الْمَخَاطِبِ

আর কুরাইশ বৎশে ফিহ্র এর জন্য ছিল বাগীতা, তিনি যখন উদ্বৃক্ষ উভেজিত হতেন তখন তারা তার আশ্রয় কামনা করতো।

وَمَا زَالَ مِنْهُمْ مَالِكٌ خَيْرٌ مَالِكٌ - وَالْكَرْمُ مَصْحُوبٌ وَأَكْرَمٌ صَعْبٌ

আর তাদের মধ্যে অন্যতম ছিলেন মালিক আর মালিক ছিলেন উত্তম, আর তিনি ছিলেন উত্তম সহচরবৃন্দ পরিবেষ্টিত ও উত্তম সঙ্গী।

وَلِلنَّضَرِ طَوْلُ يَقْصُرُ الْطَّرْفَ دُونَهُ - بِحِيثِ التَّقْيَى ضَوْءُ النَّجَومِ

الثواب

আর ন্যৰ এর জন্য ছিল এমন দৈর্ঘ্য, চোখ যার নাগাল পেতো না। যেমন উজ্জ্বল নক্ষত্রমালার আলো চোখে অল্পই ধরা পড়ে।

لِعُمْرِي لَقِدْ أَيْدَى كَنَانَةَ قَبْلَهُ - مَحَاسِنُ تَابِي إِنْ تَطُوعُ لِغَالِبِ

আমার জীবনের শপথ, ‘কিনানা’ তার মধ্যে প্রকাশিত হয় এমন শুণাবলী, কোন বিজয়ীর কাছে মাথা নত করতে অঙ্গীকার করে।

وَمِنْ قَبْلِهِ أَبْقَى خَزِيمَةُ حَمْدَهُ - تَلِيدُ تِراثٍ عَنْ حَمِيدِ الْأَقْارِبِ

তার পূর্বে খুয়ায়মা অবশিষ্ট রেখে গিয়েছিলেন। তাঁর প্রশংসা, উত্তরাধিকারের সম্পত্তি ও নিকটাঞ্চীয়দের প্রশংসা ছাড়াও।

وَمَدْرَكَةً لَمْ يَدْرِكِ النَّاسُ مِثْلَهُ - اعْفُ وَاعْلَى عَنْ دُنْيَ الْمَكَابِسِ

আর মুদরিকা, মানুষ দেখেনি তার অনুরূপ পৃত-পবিত্র ও উন্নত, ইন-নীচ উপার্জন থেকে।

واليأس كان اليأس منه مقارنا - لا عداءه قبل اعتداد الكتائب

ଆର ଇଲ୍‌ସ୍, ହତାଶା ଛିଲ ତାର ଦୁଶମନଦେର ସଙ୍ଗୀ ତାର ସୈନ୍ୟବାହିନୀ ପ୍ରସ୍ତୁତ କରାର ପ୍ରବେହି ।

وفي مضر يستجمع الفخر كله - اذا اعتركت يوماً زحوف المقامات

ଆର ମୂୟାର-ଏର ମଧ୍ୟେ ସମାବେଶ ଘଟିତୋ ସକଳ ଅହମିକାର, ସଥନ ଯୁଦ୍ଧ ଲିଙ୍ଗ ହ୍ୟ ତ୍ରିଶୋର୍ଧ୍ଵ ସଂଖ୍ୟକ ଅଶ୍ଵରାଜି ।

وحل نزاد فزاد من ریاسته اهله - محل اتسامی عن عيون الرواقب

আর নিয়ার অবস্থান করেন তাঁর পরিজনের কর্তৃত থেকে এমন উর্ধ্বে এক স্থানে, যা পর্যবেক্ষকদের দৃষ্টির উর্ধে।

وكان معد عدة لوليه - اذا خاف من كيد العدو المغارب

ଆର ମା'ଆଦ ଛିଲେନ ସଦା ପ୍ରସ୍ତୁତ ତାର ବକ୍ଷୁଦେଶ ଝଳ୍ୟ, ସଥନ ସେ ଶକ୍ତି ହତୋ ଯୁଦ୍ଧବାଜ  
ଦୁଶ୍ମନେର ଚକ୍ରାନ୍ତେ ।

ومازال عدنان اذا عد فضله - توحد فيه عن قرین وصاحب

আর আদমান ছিলেন এমন যে, যখন তাঁর শৃণ শুমার করা হয় তখন তিনি থাকেন সঙ্গী-সাথীদের মধ্যে একক।

وأدى تأديب الفضل منه بغاية - وارت حواه عن قدوم اشایب

আর উদ্যার মহিমা প্রকাশ পায় চূড়ান্ত পর্যায়ে আর এমন উন্নতাধিকার, যা তাকে অন্যান্য সর্দারদের থেকে নিরাপদে রাখে।

وفي ادد حلم تزيين بالحجـا - اذا الحلم ازهـاه قطوب الحواـب

আর উদাদ-এর মধ্যে বলেছে ধৈর্য-স্ত্রীর্য যা ভূষিত জ্ঞান দ্বারা, যখন ধৈর্যহারা হয়ে যায়।  
বড় বড় নেতারা।

ومازال ليتعلّى فهميُسِع بالعلّى - ويتبَع إمَال البعيد المرااغب

আর হামায়সা, সৰদা তিনি উৰ্ধ্ব গমন অব্যাহত রাখেন, আর অনুগমন করেন দূৰবৰ্তী আগ্রহীদের উচ্চাকাঞ্জকার।

ونيت بنته دوحة العزاويتني - معاقله في مشمخ الاهاض

আর নবিত তাঁকে বানিয়েছে মর্যাদার বিশাল বৃক্ষ, আর তিনি তৈরী করেছেন তাঁর দুর্গ বষ্টিবহুল এলাকায়।

وحيزت لقىدار سماحة حاتم - وحكمة لقمان وهمة حاحب

আর কীদার তার জন্যে পুঞ্জীভূত করা হয়েছে হাতিম তাইয়ের বদান্যতা, লুকমানের প্রজ্ঞা ও শান্তির সাহসিকতা।

**همو نسل اسماعيل صادق وعده - فما بعده في الفخر مسعى لذاهب**

তারা হচ্ছেন ইসমাইলের বংশধর, যিনি ছিলেন প্রতিশ্রুতি পালনে সত্যাশ্রয়ী। তাঁর পরে গর্বকারীর গর্বের আর কিছুই নেই।

وكان خليل الله اكرم من عنت - له الارض ما ماش عليها وراكب

আর ইবরাহীম ছিলেন আল্লাহর বন্ধু, পৃথিবীর বক্ষে পদচারণাকারী ও অশ্বারোহী সকলের মধ্যে সর্বাধিক সম্মানিত।

**وتارح ما زالت له ارجية - تبين منه عن حميد المضارب**

আর তারিহ সৎ স্বভাব তাঁকে সদা আনন্দ দান করতো, বিশাল তাঁর থেকে প্রকাশ পেতো তাঁর প্রশংসা।

وناحور نحار العدى حفظت له - ما ثر لما يحصيها عد حاسب

আর নাহুর, তিনি তো দুশমনদের বিনাশকারী, তার জন্য সংরক্ষিত থাকে শৃতিচিহ্ন, গণনাকারী যখন তা গণনা করে।

**واشرع في الهيجاء ضيغم غابة - يقد الطلى بالمرهفات القواصب**

আর আশরাগ যুদ্ধ-বিগ্রহে তিনি ছিলেন বনের সিংহের মত। বিনাশী অস্ত্র দ্বারা তিনি বিদীর্ণ করেন গর্দান।

وارغو ناب في الحروب محكم - حنين على نفس المشح المغالب

আর আরঙ্গ-যুদ্ধে তিনি গর্জন করেন, বিজয় লোভী ব্যক্তির ব্যাপারে তিনি কৃপণ।

وما فالغ في فضلته تلو قومه - ولا عابر من ولضم في المراتب

আর ফালিগ-তার জাতির পেছনে তার মর্যাদা বিনাশকারী কেউ নেই, মর্যাদায়ও তাদের মধ্যে কেউ নেই তাকে অতিক্রমকারী।

وشالخ وار فخشذ وسام سمت بهم - مجايا حمتهم كل ذار وغائب

এবং শালিখ, আরফাখশায় ও সাম, উন্নত করে তাদেরকে এমন সব স্বভাব, যাদেরকে সমর্থন করে শে কোন সাক্ষাৎপ্রার্থী ও অনুপস্থিত ব্যক্তি।

وما زال نوع عند ذى العرش فاضلا - يعده في المصطفين الاطايب

আর নৃহ সর্বদাই ছিলেন আরশের অধিপতির নিকট গুণীজন, তিনি তাঁকে বাছাইকৃত ব্যক্তিদের মধ্যে গণ্য করেন।

ولمك ابوه كان في الروع رائعا - جرئيا على نفس الكمي المضارب

ଆର ତୀର ପିତା ଲେମକ, ପ୍ରତାପ ପ୍ରତିପତ୍ତିର କ୍ଷେତ୍ରେ ଛିଲେନ ସେରା, ତିନି ଛିଲେନ ବର୍ମଧାରୀ ବୀରେର ବିରଳଙ୍କେ ସାହସୀ ଯୋଦ୍ଧା ।

ومن قبل لـك لم يـزل متـوشـلـخ - يـذـود العـدـي بـالـذـائـدـات الشـواـذـب

ଆର ଲେମକ ଏର ପୂର୍ବେ ଛିଲେନ ମତୁଶେଳଖ ଦୁଶ୍ମନ ହଟାତେନ ତିନି ଦୂରଳ ହାଡ଼ିଦ୍ସାର ବାହନ ନିଯେ ।

وكانَ لِأَدْرِيسِ النَّبِيِّ مُنَازِلٌ - مِنَ اللَّهِ لَمْ تَقْرُنْ بِهِمْ رَاغِبٌ

ଆର ଇନ୍ଦ୍ରୀସ ନବୀର ଜନ୍ୟ ଛିଲ ଆଶ୍ଵାହର ନିକଟ୍ ଉଚ୍ଚ ମର୍ଯ୍ୟାଦା, କୋଣ ଉଚ୍ଚଭିଲାସୀର ଆକାଙ୍କ୍ଷା ଯାର ନାଗାଳ ପାଯ ନା ।

ويارد بحر عند آل سراته - أبي الخزایا مستدق المأرب

ଆର ଇୟାରିଦ (ଥେରନ୍) ଛିଲେନ ଏକଟା ସମୁଦ୍ର ତାର ବଂଶେର ସେରା ବ୍ୟଜିନ୍ଦେର ନିକଟ, ଅପମାନକେ ପ୍ରତ୍ୟାଖ୍ୟାନକାରୀ ଆକାଙ୍କ୍ଷା ପୂରଣକାରୀ ।

وكان لها ييل فهم فضائل - مذهبة من فاحشات المثالب

আর মাহলাইলের জন্য ছিল শ্রেষ্ঠত্বের অনুভূতি যা ছিল পরিশীলিত ও অশীল দোষ-ক্রটি থেকে মুক্ত।

وقينان من قبيل اقتني مجد قومه - وفاد يشاً والفضل وخد الركائب

ଆର ଇତିପୂର୍ବେ ଛିଲେନ କାଇନାନ-ତିନି ଧାରଣ କରେନ ସ୍ଵଜୀତିର ମର୍ଯ୍ୟାଦା, ମର୍ଯ୍ୟାଦାର ପ୍ରତିଯୋଗିତାୟ ତିନି ଦୃଢ଼ ଅଧିଗାମୀ ।

وكان ادناوش ناش للهجم نفسه - ونزعها عن مزدبات المطالب

ଆର ଆନ୍ଦୁଶ ଛିଲେନ ପ୍ରବୃତ୍ତିର ତାଡ଼ନା ଥେକେ ଆଉସମ୍ବରଣକାରୀ ଏବଂ ତାର ପ୍ରବୃତ୍ତିକେ ତିନି ପବିତ୍ର ରାଖେନ ରିପର ବିଧିର୍ଥୀ ତାଡ଼ନା ଥେକେ ।

وما زال شيت بالفضائل فاضلا - شريفا يربينا من ذميم الماء

ଆର ଶୀଘ ଛିଲେନ ମର୍ଯ୍ୟାଦାୟ ଶ୍ରେଷ୍ଠ, ତିନି ଛିଲେନ ସଞ୍ଚାର, ମୁକ୍ତ ଛିଲେନ ନିନ୍ଦନୀୟ ଦୋଷ-ତ୍ରଟି ଥିଲେ ।

وكلهم من نور آدم اقيسوا - وعن عوده احناوا شمار المناق

ଆର ତାଦେର ସକଳେଇ ଆହରଣ କରେନ ଆଦମେର ନୂର ଥିଲେ ଆଲୋ, ଆର ତା'ର ବୃକ୍ଷ ଥିଲେ ଆହରଣ କରିବାର ମର୍ଯ୍ୟାନାବ ଫଳ ।

وكان رسول الله اكرم من جب - جرى في ظهور الطيبين المناجب

আর আল্লাহর রাসূল ছিলেন সকল মর্যাদাবানের চাইতে বেশী মর্যাদা সম্পন্ন, পৃত-পবিত্র বংশধারা আদি থেকে চলে এসেছে।

مقابلة أباوه امهاته - مبرأة من فاضحات المثالب

তাঁর মায়ের বংশধারা ও পিতার বংশধারা সমান্তরালভাবে চলে এসেছে। তারা সকলেই ছিলেন দোষ-ক্ষতি মুক্ত।

عليه سلام الله في كل شارق - لا ح لنا ضوءاً وفي كل غارب

তাঁর উপর আল্লাহর তরফ থেকে শান্তি বর্ষিত হোক উদয়াচলে ও অস্তাচলে।

শায়খ আবু উমর ইবন আব্দুল বার কাসীদাটি এভাবেই উল্লেখ করেছেন। আমাদের শায়খ আবুল হাজ্জাজ আল-মাজী তাঁর তাহ্যীব গ্রন্থে উন্নাদ আবুল আবরাস আব্দুল্লাহ ইবন মুহাম্মদ আল-নগশী, যিনি ইবন শারশীর নামে পরিচিত, তাঁর কবিতার উন্নতি দিয়ে এটি উন্নত করেছেন। মূলত তিনি ছিলেন আওয়ার অঞ্চলের অধিবাসী। তিনি বাগদাদে আগমণ করে পরে মিশরে গমন করেন এবং হিজরী ২৯৩ সালে তার মৃত্যু পর্যন্ত মিশরেই অবস্থান করেন। তিনি ছিলেন মু'তাজিলা দর্শনে বিশ্বাসী একজন ধর্মতত্ত্ববিদ। শায়খ আবুল হাসান আল-আশ'আরী তার 'আল-মাকালাত' গ্রন্থে মু'তাজিলাদের আলোচনা প্রসঙ্গে ইবন শারশী-এর উল্লেখ করেছেন। তিনি ছিলেন একজন স্বভাব কবি। কবিতায় তাঁর এমনই দখল ছিল যে, তিনি বিভিন্ন কবির কবিতার প্যারোডী লিখতেন। আর তাদের বিরোধিতায় তিনি পদ্য রচনা করতেন এবং এগুলোতে তিনি এমন সব অভিন্ন শব্দের বাংকার আর ভাবের দ্যোতনা সৃষ্টি করতেন, যার সাধ্য অন্য কবিদের ছিল না। এমনকি কেউ কেউ তাকে প্রবৃত্তি পূজারী এবং ভোগবাদী বলে আখ্যায়িত করেছেন। খটীব বাগদাদী উল্লেখ করেছেন যে, তাঁর অভিন্ন ছন্দ বিশিষ্ট একটা অনবদ্য কাসীদা আছে, যার পংক্তি সংখ্যা প্রায় ৪ হাজার। ইতিপূর্বে আমরা উল্লেখ করেছি যে, আন-নাজিম এ কসীদাটির উল্লেখ করেছেন এবং তাঁর ওফাতের তারিখও কবিতায় নির্ণয় করেছেন।

আমি বলিঃ এই কসীদাটি তাঁর শ্রেষ্ঠত্ব, বাগিচা, ভাষা জ্ঞান, শব্দালংকার, প্রজ্ঞা, বিচক্ষণতা, ধীশক্তি, শব্দ প্রয়োগে দক্ষতা, তত্ত্ব ও তথ্য সম্পর্কে তাঁর জ্ঞান এবং মহানবী (সা)-এর পবিত্র বংশধারা কবিতার ছন্দে প্রকাশ করার অসাধারণ ক্ষমতা প্রমাণ করে। এসব হচ্ছে তাঁর ভাব সমূদ্র থেকে আহরিত উৎকৃষ্ট মুক্তামালা। আল্লাহ তাঁর প্রতি সদয় হোন তাঁকে ছওয়াব দান করুন এবং তাঁর পরকালকে কল্যাণময় করুন।

# আদনান পর্যন্ত হিজায়ের আরবদের উর্ধ্বতন বংশধারা

আদনান-এর দুইজন পুত্র ছিলেন (১) সা'দ (২) আক সুহায়লী বলেন : আর আদনানের আরো দুইজন সন্তান ছিলেন একজনের নাম হারিছ এবং অপরজনকে বলা হতো মযহব। তিনি বলেন, তাঁর সন্তানদের মধ্যে যাহাক নামের আরেক জনের উল্লেখ করা হয়েছে। আবার কারো কারো মতে যাহাক ছিলেন সা'দ-এর পুত্র, আদনান-গ্রন নন। তিনি বলেন : কেউ কেউ বলেছেন যে, আদন-যার নামে আদন বা এডেন নগরীর নামকরণ করা হয়েছে এবং আবইয়ান ও আদনান-এর অপর দুইপুত্র ছিলেন। এটি তাবারীর বর্ণনা।

আর আক আশাআরির বংশে বিবাহ করেন এবং ইয়ামানে তাদের জনপদে বসবাস করেন ফলে তারা একই ভাষাভাষী হয়ে যান এবং এর ফলে কোন কোন ইয়ামানবাসী ধারণা করেন তাঁরাও ঐ বংশের লোক। ফলে তারা বলে- আক ইব্ন আদনান ইব্ন আবুল্লাহ ইবনুল আয়দ ইব্ন ইয়াগুছ। আবার কেউ কেউ বলেন, আক ইব্ন আদনান ইব্ন যাইব (মতান্তরে রাইস) ইব্ন আবুল্লাহ ইব্ন আসাদ। আর বিশুদ্ধ কথা হলো আমরা যা উল্লেখ করেছি যে, তাঁরা আসলে আদনান এর বংশধর। এ প্রসঙ্গে কবি আব্রাস ইব্ন মিরদাস বলেন :

وعك بن عدنان الذين تلعبوا - بفسان حتى طردوا كل مطرد

আক ইব্ন আদনান, যারা গাসসান গোত্রের সঙ্গে ত্রীড়া-কৌতুক করতো, যতদিন পর্যন্ত না তাদেরকে সম্পূর্ণরূপে বিতাড়িত করে দেয়া হয়।

আর সা'দ-এর ছিলেন চার পুত্র নিয়ার, কুয়া'আ, কুন্ছ ও ইয়াদ। আর কুয়া'আ ছিলেন সা'দের জ্যেষ্ঠ সন্তান এজন্য তাকে আবু কুয়া'আ নামে অভিহিত করা হতো। কুয়া'আ সম্পর্কে ইতিপূর্বে আমরা ভিন্ন মতের উল্লেখ করেছি। কিন্তু ইব্ন ইসহাক প্রমুখের নিকট এটাই বিশুদ্ধ। আল্লাহই ভালো জানেন।

আর কুন্ছ সম্পর্কে বলা হয় যে, তার বংশধারা ধৰ্ম হয়ে গেছে, তাদের কেউই আর বেঁচে নেই। তবে অতীত ইতিহাস বেতাদের এক দলিলের মতে নু'মান ইব্ন মুনয়ির, যিনি ছিলেন হীরায় কিসুরার প্রতিনিধি, তিনি ছিলেন কুন্ছ-এর বংশধর। ইতিপূর্বে উল্লেখ করা হয়েছে যে, ভিন্ন মতে তিনি ছিলেন হিময়ার বংশের লোক। আল্লাহই ভালো জানেন।

আর নেয়ার-এর তিনপুত্র ছিলেন রবী'আ, মুয়ার এবং আনসার। ইব্ন হিশাম বলেন : ইয়াদ নামক নেয়ার অপর এক পুত্র ছিলেন। যেমন কবি বলেন :

وَفْتُو حَسْنٌ أَوْ جَهْمٌ - مِنْ إِيَادِ بْنِ نَذَاءِ بْنِ مَعْدٍ .

আর এমন অনেক যুবক আছে, যাদের চেহারা সুন্দর, তারা হচ্ছে ইয়াদ ইব্ন নিয়ার ইব্ন মাদ-এর সন্তান।

ইব্ন হিশাম বলেন : ইয়াদ ও মুয়ার ছিলেন সহেদর ভাই, তাঁদের মা সাওদা ছিলেন আক ইব্ন আদনানের কন্যা। আর রবী'আ ও আনসার-এর মা ছিলেন আক ইব্ন আদনান-এর অপর কন্যা শাকীকা, মতান্তরে জুম'আ বিনত আক। ইব্ন ইসহাক বলেন : আনসার হচ্ছেন খাছ'আম ও বাজীলার পিতা। জরীর ইব্ন আন্দুল্লাহ আল-বাজীলী এই বাজীলারই অধস্তুন বংশধর। তিনি বলেন : আনসার ইয়ামানে আগমন করে ইয়ামানীদের সঙ্গে মিলেমিশে সেখানেই বসবাস করেন। ইব্ন হিশাম বলেন : ইয়ামানবাসীরা বলে যে, আন্সার ইব্ন আরাশ ইব্ন লাহ-ইয়ান ইব্ন আমর ইবনুল গাওছ ইব্ন নাবত্ত ইব্ন মালেক ইব্ন যায়ছ ইব্ন কাহলান ইব্ন সাবা। আমি বলি : ইতিপূর্বে সাবা সম্পর্কে যা বলা হয়েছে। তা থেকে এটাই প্রতীয়মান হয়। আল্লাহ ভালো জানেন। প্রতিহাসিকরা বলেন : মুয়ার হচ্ছেন প্রথম ব্যক্তি যিনি ছন্দী গান গেয়ে গেয়ে উট হাঁকানোর প্রবর্তক। কারণ, তাঁর কষ্টস্বর ছিল সুমধুর। একদিন উটের পিঠ থেকে পড়ে যান। মাটিতে পড়ে তাঁর হাত ভেঙ্গে গেলে তিনি বলে উঠেন : হায় আমার হাত। হায় আমার হাত! এ থেকেই উটের দ্রুতগতির প্রচলন হয়। ইব্ন ইসহাক বলেন : মুয়ার ইব্ন নিয়াবের দুই পুত্র ছিলেন, ইলিয়াছ ও আইলান আর ইলিয়াসের ছিলেন তিন পুত্র মুদ্রিকা, তাবিখা এবং কুম'আ। আর এদের মাতা ছিলেন খানদাফ বিন্ত ইমরান ইব্ন ইলহাফ ইব্ন কুয়া'আ। ইব্ন ইসহাক বলেন : মুদ্রিকার নাম ছিল আমের আর তাবিখা'র নাম ছিল উমর। তবে তাঁরা দু'জনে মিলে একটা শিকার করেন। তাঁরা উভয়ে যখন তা রান্না করছিলেন, তখন ভয়ে উটটি পালিয়ে যায়। আমের উটের খোঁজে বের হন এবং শেষ পর্যন্ত তা খুঁজে পান। অপরজন রান্নায় ব্যস্ত ছিলেন। উভয়ে পিতার নিকট এসে তাঁকে এ কাহিনী শুনালে তিনি আমেরকে বললেন : তুমি হলে মুদ্রিকা (পাকড়াওকারী) আর আমরকে বললেন : তুমি হলে তাবিখা (রঞ্জনকারী)। তিনি আরো বলেন : মুদ্রাবের বংশধারা সম্পর্কে অবহিত ব্যক্তিদের ধারণা যে, খুয়া'আ হচ্ছেন আমর ইব্ন লুহাই ইব্ন কুম'আ ইব্ন ইলিয়াস এর বংশধর। আমি বলিঃ এটা স্পষ্ট যে, তিনি তাদের বংশের লোক, কিন্তু তাদের পিতৃপুরুষ নন। আর তারা যে হিম্যার গোত্রের লোক, সে কথা আগেই বলা হয়েছে। আল্লাহই ভালো জানেন।

ইব্ন ইসহাক বলেন : মুদ্রিকার দুই ছেলে খুয়ায়মা ও হ্যাইল আর এদের উভয়ের মা হচ্ছেন কুয়া'আ গোত্রের এক মহিলা। আর খুয়ায়মার সন্তান ছিলেন কিনানা, আসাদ, উসদা ও হাওন। আবু জাফর তাবারী কিনানার সন্তানদের ব্যাপারে এ চারজনের অতিরিক্ত

‘আমের হারিছ, নায়ীর, খানাম, সাঁদ ‘আওয়া, জারওয়াল, হিদাল এবং গায়ওয়ান এর নাম উল্লেখ করেছেন। তিনি বলেন : আর কিনানার সন্তান ছিলেন নয়, মালিক, আব্দ মানাত এবং মালকান।

## কুরায়শ তথা বনু নয়র ইবন কিনানা-এর বৎসরারা ও শ্রেষ্ঠত্ব

ইবন ইসহাক বলেন : নয়র-এর মা বারা ছিলেন মুর ইবন উদ্দ ইবন তাবিখার কন্যা। আর তার সমস্ত সন্তানরা তাঁর অন্য স্ত্রীর গর্ভজাত। এ মতের বিরোধিতা করেন ইবন হিশাম। তাঁর মতে বাররা বিন্ত মুর হচ্ছেন ন্যর, মালিক ও মাল্কান-এর মা। আর আব্দে মানাত-এর মা হচ্ছেন আব্দ সানুআ গোত্রের হানা বিন্ত সুয়াইদ ইবন গিতরীফ। ইবন হিশাম বলেন : ন্যরই হচ্ছেন কুরাইশ আর তার সন্তানরাই কুরায়শী নামে পরিচিত হন। তিনি এও বলেন যে, কারো কারো মতে ফিহর ইবন মালিক হচ্ছেন কুরায়শ, আর তাঁর সন্তানরা কুরায়শী। যারা তাঁর সন্তান নয়, তারা কুরায়শী একাধিক কুলজিবিশারদ যথা শায়খ আবু উমর ইবন আব্দুল বার, যুবায়র ইবন বাক্কার এবং মুছ'আর প্রমুখ এ দু'টি উক্তির উল্লেখ করেছেন। আবু উবায়দ এবং ইবন আব্দুল বার বলেন : আস'আদ ইবন কায়স-এর উক্তি মতে অধিকাংশ ঐতিহাসিক এ মত পোষণ করেন যে, কুরায়শ হচ্ছেন নয়র ইবন কিনানা।

আমি বলবো : হিশাম ইবন মুহাম্মদ ইবন সাইব আল-কানবী এবং আবু উবায়দা মা'য়ার ইবন মুসান্না এ মতের সমর্থনে প্রমাণ উপস্থাপন করেছেন। আর তিনি শাফিউ মাযহাবের প্রসারে অবদান রাখেন। পক্ষান্তরে আবু উমর এ মত পোষণ করেন যে, কুরায়শ হচ্ছেন ফিহর ইবন মালিক। এ মতের সমর্থনে তিনি প্রমাণ উপস্থিত করে বলেন যে, বর্তমানে এমন কেউ নেই, যে নিজেকে কুরায়শী বলে দাবী করে অথচ সে ফিহর ইবন মালিক-এর বৎসরার নয়। অতঃপর তিনি এ উক্তির পক্ষে যুবায়র ইবন বাক্কার মুস'আর ইবন যুবায়র। এবং আলী ইবন কায়সান-এর নাম উল্লেখ করে বলেন : এ ব্যাপারেইত এরাই হচ্ছেন সর্বজন স্বীকৃত বিশেষজ্ঞ। আর যুবায়র ইবন বাক্কার বলেন : কুরায়শ ও অন্যান্য বৎসরারা সম্পর্কে বিশেষজ্ঞরা একমত যে ফিহর ইবন মালিকই হচ্ছেন কুরায়শদের আদি পুরুষ। ইবন মালিক-এর উর্ধ্বতন পুরুষদের কেউই কুরায়শ নামে অভিহিত হননি। অতঃপর এ বক্তব্যের সমর্থনে তিনি অনেক প্রমাণ দেন। কুলায়ব ইবন ওয়ায়েল-এর সূত্রে বুখারী বর্ণনা করেন যে, আমি নবীজীর ঘরে লালিত যয়নবকে বললাম, আমাকে জানান যে, নবী করীম (সা) কি মুয়ার গোত্রের লোক ছিলেন? তিনি বললেনঃ তিনি নয়র ইবন কিনানা গোত্রের মুয়ার গোত্রেই ছিলেন। আর তাবারানী জাশীশ আল- কিন্দীর বরাতে বর্ণনা করেন যে, রাসূল (সা)-এর নিকট কিন্দা থেকে একদল লোক আগমন করে বললোঃ আপনি তো আমাদের বংশের লোক। তখন তিনি বললেন, না, বরং আমরা নসর ইবন কিনানা গোত্রের লোক। আমরা আমাদের মাতৃপক্ষ সম্পর্কে কোন সন্দেহ পোষণ করি না এবং আমাদের উর্ধ্বতন পিতৃ পুরুষ আমরা অঙ্গীকার করি না।

আর ইমাম আবু উসমান সাইদ ইব্ন ইয়াহুইয়া ইব্ন সাইদ ইব্ন আকবাস (রা) সূত্রে বর্ণনা করেন, শিন্দা গোত্র থেকে জাশীস নামক জনৈক ব্যক্তি নবী করীম (সা)-এর নিকট আগমন করে বলেন : ইয়া রাসূলাল্লাহ ! আমরা মনে করি আব্দ মানাফ আমাদের বংশের লোক । নবী করীম (সা) মুখ ফিরায়ে নিলেন । লোকটি ফিরে এসে অনুরূপ বললে তিনি তার থেকে পুনরায় মুখ ফিরালেন । লোকটি আবারও ফিরে এসে অনুরূপ কথা বললে তিনি বললেন : আমরা নসর ইব্ন কিনানার বংশধর । আমাদের মাতৃকুল সম্পর্কে সন্দেহ পোষণ করি না আর আমাদের উর্ধ্বতন পিতৃ পুরুষকে অঙ্গীকার করি না । তখন রাবী বললেন : আপনি প্রাথম দফায়ই চুপ করে রইলেন না কেন ? এইভাবে আল্লাহ তাঁর নবীর পবিত্র মুখে তাদের দাবী নাকচ করে দেন । এ সনদে হাদীসটি গরীব পর্যায়ের উপরন্তু কালবী হচ্ছেন একজন দুর্বল রাবী । আল্লাহই সর্বজ্ঞ ।

ইমাম আহমদ আশ'আছ ইব্ন কায়েস সূত্রে বলেন যে, কিন্দাঃ প্রতিনিধি দলে আমিও নবী করীম (সা)-এর নিকট আগমন করি । তখন আমি বললাম : ইয়া রাসূলাল্লাহ ! আমাদের ধারণা, আপনি আমাদের বংশেরই লোক । তখন নবী করীম পূর্বোল্লেখিত হাদীসের অনুরূপ জবাব দেন । এ বর্ণনার শেষাংশে আছে, আশআস ইব্ন কায়েস বলেন, আল্লাহর কসম, কুরাইশরা যে নয়র ইব্ন কিনানার বংশধর, একথা কাউকে অঙ্গীকার করতে শুনলে শরীয়তের দণ্ডবিধি অনুযায়ী তাকে বেতাঘাত করবো । ইব্ন মাজাহও এ হাদীসটি উত্তম সনদে বর্ণনা করেছেন । এ হচ্ছে এ বিষয়ে শেষ কথা । সুতরাং যে তার বিরুদ্ধাচরণ করে, তার কথার প্রতি ভ্রক্ষেপ করা যাবে না । জারীর ইব্ন আতিয়া তামীমী হিশাম ইব্ন আব্দুল মালিক ইব্ন মারওয়ান-এর প্রশংসায় বলেন :

فَمَا لِمَ الَّتِي وَلَدَتْ قَرِيشًا - بِمَقْرَفَةِ الْمُتَجَارِ وَلَا عَقِيمٍ

وَمَا قَرِمْ بِأَنْجَبَ مِنْ أَبِيكُمْ - وَلَا خَالْ بِأَكْرَمْ مِنْ تَمِيمٍ

যে মা কুরাইশকে জন্ম দিয়েছেন তাঁর বংশে কোন কলংক নেই এবং তিনি বন্ধ্যাও নন, কোন নেতা তোমাদের পিতৃপুরুষের চাইতে অধিকতর সন্ত্রাস নয়, আর কোন মামা তামীম গোত্রের চাইতে অধিক সম্মানিত নয় ।

ইব্ন হিশাম বলেন : এ উক্তিটি নয়র ইব্ন কিনানার মা সম্পর্কে । আর তিনি হলেন তামীম ইব্ন মুর-এর বোন বার্যা বিন্ত মুর । কুরায়াশ শব্দের উৎপত্তি সম্পর্কে কথিত আছে যে, তাকাররুশ (ত্বরণ) শব্দ থেকে-এর উৎপত্তি যার অর্থ বিচ্ছিন্ন হওয়ার পর একত্র হওয়া । আর এটা হয়েছে কুসাই ইব্ন কিলাব-এর যমানায় । তারা ছিল বিচ্ছিন্ন । তিনি তাদেরকে হেরেম শরীফে একত্র করেন । পরে এর বিবরণ আসছে । হ্যাফা ইব্ন গানিম আলআদবী বলেন :

ابوكم قصى كان يدعى مجمعا - به جمع الله القبائل من فهر

তোমাদের পিতা কুসাই সমবেতকারী নামে অভিহিত হতেন । তাঁরই মাধ্যমে আল্লাহ সমবেত করেছেন ফিহরের কবীলাকে । কোন কোন ঐতিহাসিক বলেন : কুসাইকে বলা হতো

কুরাইশ, যার অর্থ একত্র করা। আর তাকাররুশ অর্থও একত্র করা। যেমন আবু খালদা আল ইয়াশকারী বলেন :

اخوة قرشووا الذنوب علينا - فی حدیث من دهرنا وقدیم

ভাইয়েরা আমাদের বিরুদ্ধে জড়ো করেছে অপরাধের অভিযোগ, আমাদের যুগের এবং প্রাচীন যুগের কাহিনীতে।

আবার কেউ কেউ বলেন, কুরাইশ নামকরণ করা হয়েছে তাকাররুশ (تقرش) থেকেও যার অর্থ- উপার্জন করা, ব্যবসা করা। ইব্ন হিশাম এটি উল্লেখ করেন। অভিধানবেতা জাওহারী বলেন : কুরাইশ (قریش) অর্থ উপার্জন করা, জড়ো করা আর ব্যাকরণবিদ ফাররা বলেন- এ নামেই কুরাইশ কবীলার নামকরণ করা হয়েছে। তাদের পূর্বপুরুষ হচ্ছেন নয়র ইব্ন কিনানা। তাঁর সন্তানগণই কুরায়শী-উর্ধতনরা নন। আবার কারো কারো মতে, কুরাইশ নামকরণ হয়েছে তাক্তীশ শব্দ থেকে। হিশাম ইব্ন কালবী বলেন, নয়র ইব্ন কিনানার নাম রাখা হয় কুরাইশ। কারণ, তিনি মানুষের আভাব-অন্টনের খৌজ খবর নিতেন এবং নিজের অর্থ দ্বারা তাদের অভাব পূরণ করতেন। আর তাকরীশ (تقریش) অর্থ হচ্ছে তাফতীশ (তথ্য অনুসন্ধান)। আবার তাঁর সন্তানরা মওসুমের সময়ে লোকজনের আভাব-অন্টনের খৌজ নিতেন। যাতে লোকেরা দেশে ফিরে যেতে পারে, সে ব্যবস্থা তারা করতেন। একারণে তাদের নামকরণ করা হয় কুরাইশ। এ নাম তাদের এ কাজের জন্য। অর্থ যে তাফতীশ তথ্য অনুসন্ধান, এ অর্থে কবি হারিস ইব্ন হিন্নিয়া বলেনঃ

اِيَّهَا الناطق المقرش عَنَا - عَنْدَ عُمُرٍ وَفَهْلٍ لِهِ ابْقاء

হে আমাদের সম্পর্কে অনুসন্ধানী বক্তা! আম্র-এর নিকট, তার কি কোন স্থিতি আছে? এটি যুবায়র ইব্ন বাক্কারের বর্ণনা। আবার কেউ কেউ বলেন, কুরায়শ শব্দটা কিরুশ (قرش) শব্দের তাসগীর তথা ক্ষুদ্রতা জ্ঞাপক শব্দ। আর অর্থ সমুদ্রে বিচরণকারী প্রাণী। কোন কবি বলেন :

وَقَرِيشٌ هِيَ الَّتِي تَسْكُنُ البحَّ - رَبَّهَا سَمِيتٌ قَرِيشٌ قَرِيشًا

আর কুরায়শ হচ্ছে সমুদ্রে বসবাস করা প্রাণী, যে কারণে কুরায়শকে কুরায়শ নামে আখ্যায়িত করা হয়েছে।

আবু রুকানা আল-আমিরী সূত্রে বলেন যে, মু'আবিয়া (রা) ইব্ন আবাস (রা)-কে জিজ্ঞাসা করলেন, কুরায়শের একুপ নামকরণের কারণ কী? তিনি বললেন : একটি সামুদ্রিক প্রাণীর কারণে, যা কিনা সমুদ্রের সর্ববৃহৎ প্রাণী। তাকে বলা হয় কিরশ। ক্ষুদ্র-বৃহৎ যার নিকট দিয়ে এ প্রাণী অতিক্রম করে, তাকেই গ্রাস করে। তিনি বললেন, এ প্রসঙ্গে আমাকে কোন কবিতা আবৃত্তি করে শুনান। তিনি আমাকে কবি জুমাহীর কবিতা শুনালেন, যাতে তিনি বলেন :

وَقَرِيشُ هِيَ الَّتِي تَسْكُنُ الْبَحْرَ - رَبُّهَا سَمِيتُ قَرِيشٌ قَرِيشًا

আর কুরায়শ সে প্রাণী, যে বাস করে সমুদ্রে, এ কারণে কুরায়শের নাম করণ করা হয় কুরায়শ।

تَأْكِلُ الْفَثْ وَالسَّمَئِينَ وَلَا - تَتَرَكُنَ لَذِي الْجَنَاحَيْنِ رِيشًا

সে ক্ষুদ্র-বৃহৎ সবই গ্রাস করে নেয়, ছাড়ে না কোন পাখা ওয়ালার পাখনা।

هَكُذَا فِي الْبَلَادِ حَتَّىٰ قَرِيشٌ - يَا كَلُونَ الْبَلَادَ أَكَلَ كَمِيشَا

এভাবেই জনপদে কুরায়শ গোত্র, গ্রাস করে জনপদকে প্রচণ্ড ভাবে।

وَلَهُمْ أَخْرُ الزَّمَانِ نَبِيٌّ - يَكْثُرُ الْقَتْلُ فِيهِمْ وَالْخَمُوشَا

আখেরী যমানায় কুরায়শদের একজন নবী হবেন, যিনি তাদের অনেকের হত্যার ও যখনের কারণ হবেন। আবার কেউ কেউ বলেন, কুরায়শ ইব্নুল হারিছ ইব্ন ইয়াখ্লাদ ইব্ন কিনানার নামানুসারে কুরায়শ নামকরণ করা হয়েছে। আর তিনি ছিলেন বনূ নঘর-এর নেতা এবং তাদের সংঘিত সম্পদের রক্ষক। আরবরা বলতো, কুরায়শের দল এসেছে। ঐতিহাসিকরা বলেন, ইব্ন বদর ইব্ন কুরায়শ ছিলেন ঐ ব্যক্তি, যিনি ঐতিহাসিক বদর কৃপ খনন করান, কুরআন মজীদে এ যুদ্ধকে ইয়াওমুল ফুরকান তথা পার্থক্যের দিন এবং দুটি দলের মুখোমুখি হওয়ার দিন বলে উল্লেখিত হয়েছে। আল্লাহই ভালো জানেন। কুরাইশের দিকে সম্পৃক্ত করে কারশী এবং কুরায়শী বলা হয়। জাওহারী বলেন, এটাই যুক্তি সঙ্গত। কবি বলেনঃ

لَكَلْ قَرِيشِي عَلَيْهِ مَهَابَةً - سَرِيعٌ إِلَى دَاعِي النَّدِيِّ وَالتَّكْرِمِ

সকল কুরায়শী চেহারায় রয়েছে গাঢ়ীর্যের ছাপ। দ্রুত ছুটে যায় সে বদান্যতা ও সম্মানের দিকে।

অভিধানবেত্তা জাওহারী বলেন, কুরায়শ শব্দটি যদি শাখাগোত্র অর্থে ব্যবহৃত হয়। তবে তা হবে আর যদি গোত্র অর্থে ব্যবহৃত হয় তবে তা হবে এ গিরিমন্ত্র প্রসঙ্গে জনৈক কবি বলেন।

وَكَفَىٰ قَرِيشَ الْمَعْضَلَاتِ وَسَادَهَا

সমস্যার মুকাবিলার কুরায়শরা যথেষ্ট তাতে তারা নেতৃত্ব দেয়।<sup>১</sup> আর মুসলিম তার সহীহ গ্রন্থে ওয়াছিলা ইবনুল আসকা' সূত্রে বলেন, রাসূলুল্লাহ (সা) বলেছেন : আল্লাহ তা'আলা ইসমাইলের বংশধরদের মধ্য থেকে ফিনানাকে মনোনীত করেছেন, আর কুরায়শকে মনোনীত করেছেন ফিনানার সন্তানদের মধ্য থেকে এবং হাশিমকে মনোনীত করেছেন কুরায়শ থেকে

টিকা ১. এটি আদী ইবন রফা-এর কবিতার অংশ বিশেষ। এতে তিনি ওলীদ ইব্ন আব্দুল মালিক-এর প্রশংসা করেন। কবিতার প্রথমাংশ এই :  
غلب المساميح الوليد سماحة

এবং আমাকে মনোনীত করেছেন বনু হাশিম থেকে। আবৃ উমর ইব্ন আব্দুল বার বরেন : বনু আব্দুল মুওলিবকে বলা হয় রাসূলুল্লাহর পরিজন (فَصِيلَة) : বনু হাশিম শাখা গোত্র (فَخْر) বনু আব্দ মানাফ তার উপগোত্র (بَطْن) এবং কুরায়শ তার গোত্র (عَمَارَة) এবং বনু কিনানা তাঁর কবীলা (قَبْيَلَة) এবং মুয়ার তাঁর কওম (شَعْب) : কিয়ামতের দিন পর্যন্ত তাঁর প্রতি আল্লাহর পক্ষ থেকে সর্বদা দরজ্দ ও সালাম বর্ষিত হোক। ইব্ন ইসহাক বলেনঃ নয়র ইব্ন কিনানার সন্তান হচ্ছেন মালিক এবং মুখাল্লাদ। ইব্ন হিশাম সাল্ত নামের তাঁর আরেক সন্তানের কথা উল্লেখ করেছেন। এবং তাদের সকলের মা হচ্ছেন সা'দ ইব্ন যারব আল-উদওয়ানী। কাছীর ইব্ন আব্দুর রহমান, যিনি খুয়া'আ গোত্রের অন্যতম সম্মানীত ব্যক্তি এবং বনু মুলাইহ ইব্ন আমর- এর অত্তর্ভুক্ত। ইব্ন হিশাম বলেনঃ বনু মুলায়হ ইব্ন আমর সাল্ত ইব্ন নয়র- এর পুত্র হচ্ছেন ফিহ্ৰ। এই ফিহ্ৰের মা ছিলেন জন্দলা বিনতু হারিছ ইব্ন মুয়ায আল আসগুর। আর ফিহ্ৰ-এর সন্তানরা হচ্ছেন গালিব, মুহারিব, হারিছ এবং আসাদ আর এদের মা লায়লা বিনত সা'আছ ইব্ন হুয়াইল ইব্ন মুদ্ৰিকা।

ইব্ন হিশাম বলেনঃ জন্দলা বিনত ফিহ্ৰ তাদের বৈমাত্রেয় বোন। ইব্ন ইসহাক বলেনঃ গালিব ইব্ন ফিহ্ৰ এর সন্তান হচ্ছেন লুয়াই এবং তায়ম। এদেরকে বলা হয় বনুল আদ্রাম আর তাদের মা হচ্ছেন সালমা বিন্তে 'আমর আল-খুয়ায়ী। আর ইব্ন হিশাম বলেনঃ কায়স ছিলেন গালিবের অন্য এক সন্তান আর তার মা ছিলেন সালমা বিন্তত কা'ব ইব্ন আম্ৰ আল- খুয়ায়ী আর ইনি হলেন লুয�়াই-এর মা। ইব্ন ইসহাক বলেনঃ লুয়াই ইব্ন গালিব-এর চার পুত্র কা'ব আমির, সামা এবং আওফ।

ইব্ন হিশাম বলেনঃ এমনও বলা হয় যে, তিনি জন্ম দেন হারিসকে, আর তারা হচ্ছে জসম ইব্নুল হারিস রবীআর হ্যান গোত্রে এবং সায়াদ ইব্ন লুয়াইকে। আর তারা হচ্ছে শাইবান ইব্ন সালাবার বিনানা গোত্র আর এরা হচ্ছে তাদের প্রতিপালনকারী। আর খুয়াইমা ইব্ন লুয়াই, যারা শারবাম ইব্ন সা'লাবা গোত্রে আশ্রয় গ্রহণকারী।

অতপর ইব্ন ইসহাক সামা ইব্ন লুয়াই এর বৰ্ণনা প্রসঙ্গে উল্লেখ করেন যে, সামা ওমানে চলে যান এবং সেখানেই বসবাস করেন। আর তিনি এটা করেন তাঁর ভাই 'আমির-এর সঙ্গে শক্রতা আর বিদেশের কারণে। ভাই আমির তাঁকে তয় দেখালে তিনি তাতে ভীত হয়ে ওমানে পলায়ন করেন এবং সেখানেই নির্জন নিঃসঙ্গ অবস্থায় মারা যান। আর তার কারণ এই হয়েছিল যে, তিনি আপন উটনী ছেড়ে দিলে একটা সাপ এসে উটনীটির ঠোঁট জড়িয়ে ধরে। তখন উটনীটি কাত হয়ে পড়ে যায় এবং সাপটি সামাকে দংশন করে। ফলে তাঁর মৃত্যু হয়। কথিত আছে যে, মৃত্যুর পূর্বে তিনি অঙ্গুলি দ্বারা মাটির উপর কয়েকটি পংক্তি লিখে যানঃ

عِينٌ فَابْكَى لِسَامَةَ بْنَ لَؤْيَ - عَلِقْتَ مَا بِسَامَةَ الْعَلَاقَةُ

চক্ষু! রোদন কর সামা ইব্ন লুয়াইর তরে, ঝুলে রয়েছিল তার সাথে যে ঝুলন্ত বস্তু (সাপ).....

**رمت دفع الخوف يا ابن لؤى - مالمن دام راك بالحتف طاقة**

হে ইব্ন লুয়াই, তুমি চেয়েছিলে মৃত্যু ঠেকাতে, মৃত্যু যাকে ফ্রাস করতে চায়; তার তো ঠেকাবার ক্ষমতা নেই।....

ইব্ন ইশাম বলেনঃ আমি জানতে পেরেছি যে, তার কোন এক সন্তান রাসূলুল্লাহ (সা)- এর নিকট আগমন করে সামা ইব্ন লুয়াইর সঙ্গে নিজের বংশের সম্পৃক্ততা ব্যক্ত করলে রাসূলুল্লাহ (সা) তাঁকে বলেনঃ কবি সামা? তখন জনৈক সাহাবী তাঁকে বললেন, হে আল্লাহর রাসূল, আপনি যেন তার পংক্ষিটির দিকে ইঙ্গিত করছেন :

**دب كأس هرققت يا ابن لؤى - حذر الموت لم تكن مهراقة**

কতো পানপাত্র প্রবাহিত করেছ হে ইব্ন লুয়াই, মৃত্যু ডুয়ে, তুমি তো ছিলে না তা প্রবাহিত করার।

তখন রাসূলুল্লাহ (সা) বললেনঃ হ্যাঁ। আর সুহায়লী বলেনঃ কারো কারো মতে, সামা কোন সন্তান রেখে যাননি।

মুবায়র বলেন, সামা ইব্ন লুয়াইর গালিব নাকীত এবং হারিছ নামের তিন পুত্র ছিল। ঐতিহাসিকরা বলেন যে, সামা ইব্ন লুয়াইর সন্তানরা ছিল ইরাকে, যারা হযরত আলী (রা)-এর সঙ্গে বিদ্রোহ পোষণ করতো। তাদের মধ্যে একজন ছিল আলী ইব্নল জা'দ, যে তার আলী নামকরণের জন্য আপন পিতাকে গালিগালাজ করতো। বনু সামা ইব্ন লুয়াই'র অন্যতম অধিক্ষন পুরুষ আর 'আরা ইব্নুল ইয়াবীদ ছিলেন ইমাম বুখারীর অন্যতম উস্তাদ।

ইব্ন ইসহাক বলেনঃ আওফ ইব্ন লুয়াই সম্পর্কে কথিত আছে যে, তিনি কুরায়শের একদল অশ্বারোহী সঙ্গে বহিগত হন। গাতফান ইব্ন সা'দ ইব্ন কায়স ইব্ন আয়লান-এর জনপদে পৌঁছলে তিনি সেখানে রয়ে যান এবং তাঁর সঙ্গীরা চলে যায়। তখন তাঁর নিকট আগমন করেন ছা'লাবা ইব্ন সা'দ। তিনি বনু লুবইয়ানের জ্ঞাতি ভাই ছিলেন। ছা'লাবা তাঁকে এবং তাঁর স্ত্রীকে সেখানে রেখেছেন এবং তার সঙ্গে ভ্রাতৃবন্ধন স্থাপন করার ফলে বনু লুবইয়ান এবাং ছা'লাবা গোত্রের মধ্যে তাঁর বংশ বিস্তার ঘটে বলে ঐতিহাসিকরা ধারণা করেন।

ইব্ন ইসহাক বলেনঃ উমর ইব্নল খান্দাব (রা) বলেছেনঃ আমি যদি আরবের কোন গোত্রের দাবীদার হতাম, অথবা তিনি বলেন যে, আমি যদি তাদেরকে আমাদের সঙ্গে সম্পৃক্ত করতাম তাহলে আমি বনু মুররা ইব্ন আওফের অন্তর্ভুক্ত হওয়ার দাবী করতাম। আমরা তাদের মত লোকদেরকে চিনি, অথচ আমরা সে ব্যক্তির অবস্থান স্থল সম্পর্কে জানি না, এই বলে তিনি

টীকা- মূল আরবী শব্দে সামা ঝলে উসামা মন্ত্রিত হয়েছে।

আওফ ইব্ন লুয়াইর দিকে ইঙ্গিত করেন। ইব্ন ইসহাক বলেন : আমি অভিযুক্ত করতে পারি না-এমন ব্যক্তি আমার নিকট হাদীস বর্ণনা করেন যে, উমর ইব্ন খাস্তাব (রা) কতিপয় ব্যক্তিকে বলেন, তাদের মধ্যে বনু মুররার লোকও ছিল। তোমরা যদি নিজেদের বংশের দিকে ফিরে যেতে চাও তবে সে দিকে ফিরে যাও। ইব্ন ইসহাক বলেনঃ আর এরা ছিলেন গাতফান বংশের নেতৃত্বানীয় ব্যক্তি। তারা ছিলেন গাতফান কায়েস বংশে সকলের মধ্যে সেরা। তারা তাদের সেই পরিচয় নিয়ে সেখানেই রয়ে যান। ঐতিহাসিকরা বলেনঃ ওরা বলতো, যখন তাদের নিকট বংশের কথা বলা হতো, আমরা তা অস্বীকার করছি না, আমরা তার বিরোধিতাও করছি না। আর তা-ই হচ্ছে আমাদের নিকট সবচেয়ে প্রিয় বংশধারা। অতঃপর লুয়াই'র সঙ্গে সম্পর্ক স্থাপন প্রসঙ্গে তিনি তাদের কবিতার উল্লেখ করেছেন।

ইব্ন ইসহাক বলেনঃ এবং তাদের মধ্যে বুসল (নিষিদ্ধ) নামে একটা প্রথা চালু ছিল। আর সে প্রথাটা হচ্ছে আরবদের মধ্যে বছরের আট মাসকে হারাম বা নিষিদ্ধ জ্ঞান করা। আর আরবরা তাদের এ প্রথা সম্পর্কে অবগত ছিল এবং এই সময়ে তারা তাদেরকে নিরাপত্তা দান করতো আর নিজেরাও নিরাপদ বোধ করতো। আমি বলি, রবী'আ এবং মুয়ার গোত্রে বছরে চারটি মাসকে নিষিদ্ধ জ্ঞান করতো। সে মাসগুলো হলো যুলকা'দা যুলহিজ্জা, মুহররম। চতুর্থ মাস সম্পর্কে রবী'আ আর মুয়ার এর মধ্যে মতভেদ রয়েছে মুয়ার গোত্র বলেঃ সে মাসটি হচ্ছে জুমাদা ও শা'বানের মধ্যবর্তী মাস অর্থাৎ রজব। পক্ষান্তরে রবী'আ গোত্রের মতে সে মাসটি হচ্ছে শা'বান ও শাওয়ালের মধ্যবর্তী মাস অর্থাৎ রমযান মাস। সহীহ বুখারী ও সহীহ মুসলিমে আবু বকরা থেকে হাদীস বর্ণিত হয়েছে যে, রাসূলল্লাহ (সা) বিদায় হজ্জের ভাষণে বলেছেনঃ আসমান-যমীন সৃষ্টির দিন আল্লাহ তা যেভাবে সৃষ্টি করেছেন, সে অবস্থায় তা ফিরে এসেছে। বছর হচ্ছে ১২ মাসে। সেগুলোর মধ্যে চারটি হচ্ছে হারাম মাস- তিনটি মাস পরপরঃ যুলকা'দা যুল হজ্জ ও মুহররম এবং মুয়ার-এর রজব, যা হচ্ছে জুমাদা ও শা'বান মাসের মধ্যবর্তী মাস। এ থেকে রবী'আ নয়, বরং মুয়ার-এর উক্তির বিশুদ্ধতা প্রমাণিত হয়। আল্লাহ তা'আলা বলেনঃ

إِنَّ عِدَّةَ الشُّهُورِ عِنْدَ اللَّهِ اثْنَا عَشَرَ شَهْرًا فِي كِتَابِ اللَّهِ يَوْمَ خَلَقَ السَّمَوَاتِ وَالْأَرْضَ مِنْهَا أَرْبَعَةُ حُرُمٌ (سورة التوبة : ٣٦)

আল্লাহর নিকট মাসের গণনা তার কিতাবে ১২ মাস, যেদিন তিনি আসমান যমীন সৃষ্টি করেছেন; তার মধ্যে চারটি হচ্ছে হারাম মাস। (৯ তাওবা : ৩৬)

বনু আওফ ইব্ন লুয়াই যে, আটটি মাসকে হারাম গণ্য করে, উক্ত আয়াত দ্বারা তা খণ্ডিত হয়ে যায়। আর তারা আল্লাহর বিধানে অতিরিক্ত সংযোজন করেছে এবং যা হারাম নয়, তাকে হারামের অন্তর্ভুক্ত করেছে। আর হাদীসে যে বলা হয়েছে তিনটি মাস পরপরঃ এটা নাসী পঞ্চাদের মতের খণ্ড; যারা মুহররমের হ্রমতকে সফর মাস পর্যন্ত পিছিয়ে দিত। মহানবীর বাণী মুয়ার এর রজব মাস-এ কথায় খণ্ডিত হয়েছে রবী'আ গোত্রের মত।

ইব্ন ইসহাক বলেন : কা'ব ইব্নু কুয়াইর তিনজন পুত্র ছিলেন মুররা, আদী ও হাসীস। এবং মুররারও তিনি সন্তান ছিলেন : কিলাবের তায়ম এবং ইযাক্যা। এদের প্রত্যেকের মা ভিন্ন ভিন্ন। তিনি বলেন : কিলাবেরও দু'জন পুত্র ছিলেন : কুসাই এবং সহ্রা। এ দু'জনের মা হলেন ফাতিমা বিনাত সদি ইব্নু সায়ল। ইয়ামানের 'জা'সা আমাদের গোত্রের অন্যতম জুদারা। এরা ছিলেন বনু সায়ল ইব্ন বকর (ইব্ন আরফ সালাত ইব্নু কিনানা)-এর মিত্র। এই ফাতিমার পিতৃপুরুষ সম্পর্কে কবি বলেন :

ما نرى في الناس شخصاً واحداً - من علمناه كسعدين سيل

মানুষের মধ্যে আমরা দেখি না একজন মানুষকেও যাদেরকে আমরা জানি। সা'দ ইব্ন সায়ল-এর মতো।

সুহায়লী বলেন : সায়ল এর নাম হচ্ছে কামর ইব্নু জামালা। আর তিনি হলেন সর্বপ্রথম ব্যক্তি, যার তরবারীকে স্বর্ণ ও রৌপ্য খচিত করা হয়।

ইব্নু ইসহাক বলেন : তাদেরকে জুদারা বলা হতো এ জন্য যে, আমির ইব্ন আমর ইব্ন খুয়ায়মা ইব্ন জা'সামা হারিছ ইব্ন মুসাম আল-জুরহুমীর কন্যাকে বিবাহ করেন। তখন জুরহুম গোত্র ছিল বাযতুল্লাহর সেবায়েত। তিনি কা'বার জন্য প্রাচীর নির্মাণ করান। এ কারণে আমর এর নামকরণ হয় জাদীর তথা প্রাচীর নির্মাতা। এ কারণে তার সন্তানদেরকে জুদারা বলা হয়ে যাকে।

কুসাই ইব্ন কিলাবের শৃঙ্খলাহর সেবায়েতের দায়িত্ব কুয়াইশের হাতে ফেরত আনা এবং খুয়াআর নিকট থেকে তা ছিনিয়ে নেয়া :

কুসাইয়ের পিতা কিলাবের মৃত্যুর পর তাঁর মাতা আয়রা গোত্রের রবী'আ ইব্ন হারায়কে বিবাহ করেন। কুসাই তার মা এবং সৎ পিতাকে নিয়ে নিজ দেশে রওয়ানা হন। অতঃপর কুসাই যৌবনে মকায় ফিরে এসে খুয়া'আ গোত্রের সর্দার হলায়ল ইব্ন হৃশিয়ার কন্যা হুয়ায়কে বিবাহ করেন। খুয়ায়ীদের ধারণা এই যে, পুত্র পক্ষে বংশ ধারা বৃক্ষ দেখে হলায়ল কুসাইকে বাযতুল্লাহর দায়িত্ব গ্রহণের জন্য ওসিয়াত করেন। তিনি একথাও বলেন যে, এ দায়িত্ব পালনের জন্য তুমি আমার চেয়ে বেশী যোগ্য। ইব্ন ইসহাক বলেন : এ কথা তাদের কাছে ছাড়া অন্য কারো কাছে আমরা শুনিনি। আর অন্যদের ধারণা এই যে, কুসাই তার বৈমাত্রেয় ভাইদের সাহায্য প্রার্থনা করেন। মকার আশ-পাশের কুয়াইশ প্রমুখ, বনু কিনানা, বনু কুয়া'আ এবং তাঁর ভাইদের দলপতি ছিলেন রায়হ ইব্ন রবী'আ। তিনি বনু খুয়াআকে নির্বাসিত করে নিজে এককভাবে বাযতুল্লাহর কর্তৃতৃ গ্রহণ করেন। কারণ হাজীদের অনুমতি দানের কর্তৃতৃ ছিল সুফা'দের হাতে। আর সুফা বলা হতো গাওস ইব্ন মুর (ইব্ন উদ্দ ইব্ন তাবিখা ইব্ন ইলিয়াস ইব্ন মুয়ার)-এর বংশধরদেরকে। তারা কংকর নিক্ষেপ না করা পর্যন্ত অন্যরা যাত্রা নিক্ষেপ করতো না এবং মিনা থেকে তারা যাত্রা না করা পর্যন্ত অন্যরা যাত্রা করতো না। তাদের বংশ

নিঃশেষিত হওয়ার পূর্ব পর্যন্ত এ ভাবেই চলে আসছিল। অতঃপর বনূ সাদ ইব্ন যায়দ মানাত ইব্ন তামীম তাদের উত্তরাধিকারী হন। তাঁদের প্রথম ব্যক্তি ছিলেন সাফওয়ান ইব্নুল হারিস ইব্ন শিজনা ইব্ন উত্তারিদ ইব্ন আওফ ইব্ন কা'ব ইব্ন সাদ ইব্ন যায়দ মানাত ইব্ন তামীম। আর এ দায়িত্ব তাঁরই বৎশে রয়ে যায় এবং তাদের শেষ ব্যক্তি কুরব ইব্ন সাফওয়ানের আমলে ইসলামের অভ্যন্তর ঘটে। আর মুয়দলিফা থেকে যাত্রার অনুমতি দানের কর্তৃত্ব ছিল আদওয়ান গোত্রের হাতে এবং তাদের শেষ ব্যক্তি আবু সাইয়্যারা আমীলা মতান্তরে আম ইব্নুল আয়ালের আমলে ইসলাম কায়েম না হওয়া পর্যন্ত এ ধারা অব্যাহত ছিল। কারো কারো মতে, আয়াল-এর নাম ছিল খালিদ এবং তিনি তার কানা গাধীর পৃষ্ঠে সওয়ার হয়ে লোকদেরকে অনুমতি দিতেন। এভাবে চল্লিশ বছর অতিবাহিত হয়। তিনি হলেন প্রথম ব্যক্তি, যিনি রক্তপণ একশ উট সাব্যস্ত করেন, আর তিনিই ছিলেন প্রথম ব্যক্তি যিনি বলেন : **إِشْرَقُ ثَبِيرٍ كَانَ فَيْلِيْرَ** এটি সুহায়লীর বর্ণনা, অর্থাৎ ছবীর পর্বত দেখা যাচ্ছে উট হাঁকাও!

আর 'আমির ইব্নুল যারব আদওয়ালী এমন এক জবস্তানে ছিলেন যে আরবদের মধ্যে কোন চরম বিরোধ দেখা দিলে সকলে ফয়সালার জন্য তাঁর শরণাপন্ন হতো এবং তিনি যে সিদ্ধান্ত দিতেন, তাতে সকলেই সন্তুষ্টি হতো। একবার এক হিজড়ার উত্তরাধিকার নিয়ে তাদের মধ্যে চরম বিরোধ দেখা দেয়। এ নিয়ে চিন্তা করতে করতে তিনি বিনিদ্র রজনী যাপন করেন। তাঁর এক দাসী তাঁকে এ অবস্থায় দেখতে পায়। এ দাসী তাঁর মেষপাল চড়াতো। তার নাম ছিল সাখীলা। সে বললো, কি হল আপনার? বিনিদ্র রজনী যাপন করতে দেখছি যে আপনাকে? কি বিষয়ে চিন্তা করছেন, তাকে তিনি তা জানালেন। তিনি মনে মনে একথাও বললেন যে, হয়তো এ ব্যাপারে তার কাছে কোন সমাধান থাকতেও পারে। দাসীটি তাঁকে বললো : তার প্রস্তাবের রাস্তা দেখে ফয়সালা করুন! তিনি বললেন : আল্লাহর কসম সাখীলা, তুমি তো সমস্যাটির সমাধান করে দিলে। এবং তিনি সে অনুযায়ী ফয়সালা দিলেন। সুহায়লী বলেন : এটা ছিল লক্ষণ বিচারে ফয়সালা দানের একটি দৃষ্টান্ত। শরীয়তে এর ভিত্তি রয়েছে আল্লাহ তা'আলা বলেন :

وَجَاءُوا عَلَىٰ قَمِيصَةٍ بَدْمٍ كَذِبٍ

“তারা তার জামা নিয়ে আসে মিথ্যা রক্ষসহ” (ইউসুফ : ১৮৯)।

অথচ, তাতে বাঘের নখের কোন লক্ষণ ছিল না। আল্লাহ তা'আলা আরো বলেন :

اَنْ كَانَ قَمِيصُهُ قُدَّ مِنْ قُبْلٍ فَصَدَقَتْ وَهُوَ مِنَ الْكَاذِبِينَ . وَإِنْ كَانَ  
قَمِيصُهُ قَدَّ مِنْ دُبُّرٍ فَكَذَبَتْ وَهُوَ مِنَ الصَّادِقِينَ .

“তার জামা যদি সামনে থেকে ছেঁড়া হয় তবে সে নারী সত্য বলেছে আর সে (ইউসুফ) মিথ্যাবাদী, আর যদি তার জামা সামনে থেকে ছেঁড়া হয়, তবে সে নারী মিথ্যা বলেছে এবং সে আল-বিদায়া ওয়ান নিহায়া (২য় খণ্ড) ৫০—

পুরুষ সত্যবাদী। (১২ ইউসুফ : ২৬)। আর হাদীসে আছে : তোমরা নারীটির দিকে লক্ষ্য করবে। সে যদি ধূসর বর্ণের কোঁকড়ানো চুল বিশিষ্ট সন্তান প্রসব করে তা হলে তার বিরুদ্ধে আনীত অভিযোগ সত্য।

ইব্ন ইসহাক বলেন : বনৃ ফকীম ইব্ন 'আদী (ইব্ন আমির ইব্ন ছা'লাবা ইব্ন হারিস ইব্ন মালিক ইব্ন কিনানা ইব্ন খুয়ায়মা ইব্ন ইব্ন মুদরিয়া ইব্ন ইলিয়াস) ইব্ন মুয়ার গোত্রে 'নাসী' প্রথায় প্রচলন ছিল। ইব্ন ইসহাক বলেন : সর্বপ্রথম যে ব্যক্তি আরবদের মধ্যে নাসী প্রথার প্রচলন ঘটান তিনি ছিলেন আল- কালাম্বাস' আর তিনিই ছিলেন হ্যাফা ইব্ন আব্দ ইব্ন ফাকীম ইব্ন 'আদী। তার পর তাঁর পুত্র আব্বাদ তার পর তাঁর পুত্র কালা তারপর উমাইয়া ইব্ন কালা তারপর আওফ ইব্ন উমাইয়া। এরপর ছিল তাদের সর্বশেষ ব্যক্তি আবু সামামা জানাদা ইব্ন আওফ ইব্ন কালা ইব্ন আব্বাদ-ইব্ন হ্যাফা। আর তিনিই হচ্ছে আল-কালাম্বাস। এই আবু সামামাৰ কালেই ইসলামের আবির্ভাব ঘটে। আর আরবরা হজ্জ শেষে তাঁর কাছে এসে একত্র হতো। তিনি তাদের উদ্দেশ্যে ভাষণ দিতেন। এ ভাষণে তিনি হারাম মাসের ঘোষণা জারী করতেন। সেসব হারাম মাসগুলোর মধ্যে কোন মাসকে হালাল করতে চাইলে মুহররমকে হালাল করতেন এবং তদস্থলে রাখতেন সফর মাসকে, যাতে আল্লাহ যেগুলো হারাম করেছেন, সেগুলোর সংখ্যা পূর্ণ করতে পারে। তখন তারা বলতো : হে আল্লাহ ! আমি দু'টি সফর মাসের একটিকে হালাল করেছি আর অপরটি পিছিয়ে রেখেছি আগামী বছরের জন্য। আর এ ক্ষেত্রে আরবরা তাঁরই অনুসরণ করতো। এ ব্যাপারে উমায়র ইব্ন কায়স, যিনি ছিলেন বনৃ ফিরাস ইব্ন গনম ইব্ন মালিক ইব্ন কিনানা'র অন্তর্ভুক্ত আর এই উমায়র ইব্ন কায়স জাদলুত-তা'অ্যান নামে পরিচিত ছিলেন। তিনি বলেন :

لقد علمت معدأن قومى - كرام الناس ان لهم كراما

মা'আদ গোত্র নিশ্চিত জানে যে, আমার সম্প্রদায় সকল মানুষের মধ্যে সম্মানিত। সম্মান রয়েছে তাদের তরে।

فَإِنَّ النَّاسَ فَاتَوْنَا بُوتَرَ - وَإِنَّ النَّاسَ لِمَ نَعْلَكَ لِجَامِا

তবে কোন্ মানুষ, নিয়ে এসো আমাদের কাছে, তাদের কোন একজনকে, আর এমন কোন্ লোক আছে, যার লাগাম আমরা কষে বাঁধিনি?

السَّيْنَا النَّاسَيْنَ عَلَى مَعْدٍ - شَهُورُ الْحَلِّ نَجْعَلُهَا حِرَاماً

আমরা কি নই মায়দ গোত্রের উপর 'নাসী' কারী ? হালাল মাসকে আমরা করি হারাম।

আর কুসাই ছিলেন তাঁর জাতির নেতা। সকলে তাঁর নেতৃত্ব মেনে চলতে এবং তাঁকে সম্মান করতো। মোদ্দাকথা, তিনি জাফিরাতুল আরবের নানা স্থান থেকে এনে কুরায়শদেরকে এক জায়গায় একত্র করেন এবং আরবের গোত্রসমূহের মধ্যে যারা তার আনুগত্য করে, তাদের

সাহায্য নেন খুয়া'আর যুদ্ধে এবং তাদেরকে বায়তুল্লাহ থেকে নির্বাসিত করেন। ফলে সকলে বায়তুল্লাহর দায়িত্ব তাঁর হাতে অর্পণ করে। এ নিয়ে তাদের মধ্যে অনেক যুদ্ধ হয়। অনেক তাজা রক্ত ঝরে। অতঃপর সকলেই আপোষ রফার দাবী জানায়। সকলে ফয়সালার ভার অর্পণ করে ইয়ামার ইব্ন আওফ ইব্ন কা'ব ইব্ন 'আমির ইব্ন লায়ছ ইব্ন বকর ইব্ন আবদ মানাত ইব্ন কিনানা'র উপর। তিনি ফয়সলা করেন যে, বায়তুল্লাহর তত্ত্বাবধানে খুয়া'আর চেয়ে কুসাই আধিকতর যোগ্য ব্যক্তি। তাতে এ সিদ্ধান্তও গৃহীত হয় যে, কুসাই খুয়া'আ এবং বনূ বকর-এর যে রক্তপাত করেছেন, তা রহিত এবং পদতলে নিষ্পেষিত কিন্তু খুয়া'আ ও বনূ বকর কুয়ায়শ কিনানা এবং কুয়া'আ গোত্রের যে রক্তপাত ঘটিয়েছে, সে জন্য তাদেরকে রক্তপণ আদায় করতে হবে। এ সিদ্ধান্তও গৃহীত হয় যে, মক্কা ও কা'বার কর্তৃত্বের ব্যাপারে কেউ বাধ সাধতে পারবে না। তখন থেকে ইয়ামা'র এর নাম করা করা হা শাদাখ।

ইব্ন ইসহাক বলেন : ফলে কুসাই বায়তুল্লাহ এবং মক্কার কর্তৃত্বের অধিকারী হন এবং তাঁর সম্প্রদায়ের লোকজনকে নিজেদের মনয়িল থেকে মক্কায় এনে একত্র করেন এবং তার সম্প্রদায় আর মক্কাবাসীরা তাঁর কর্তৃত্ব মেনে নিলে তারা সকলে তাকে বাদশাহ বলে স্বীকার করে নেয়। তিনি আরবদের ব্যাপারে একটা বিষয় মেনে নেন যে, তারা যা মেনে চলতো, তা মেনে চলবে। কারণ তিনি এটাকেই নিজের দীন মনে করতেন। যার পরিবর্তন অনুচিত। ফলে সাফওয়ান আদওয়ান, নাসয়া এবং মুররা ইব্ন আওফের লোকজন এটা মেনে নেয় যে, তারা পূর্বে যে রীতি মেনে চলতো, তা-ই মেনে চলবে। এ অবস্থায় ইসলামের আগমন ঘটলে আল্লাহ ইসলাম দ্বারা সেসব রীতি-নীতির মূলোৎপাটন ঘটান সম্পূর্ণ রূপে। কুসাই ছিলেন বনূ কা'বের প্রথম ব্যক্তি, যিনি বাদশাহ হন এবং তাঁর জাতির লোকেরা তা মেনে নেয়। ফলে বায়তুল্লাহর সেবা-যত্ন হাজীদের পানি পান করানো, তাদের আপ্যায়ন করা, পরামর্শ সভার ব্যবস্থাপনা এবং পতাকা ধারণ করা তার দায়িত্বে ন্যস্ত হয়। ফলে মক্কার মর্যাদা রক্ষা করার পূর্ণ কর্তৃত্ব তিনি লাভ করেন এবং তিনি মক্কাকে তাঁর লোকজনের মধ্যে কয়েক ভাগে বিভক্ত করলে কুয়ায়শের সকলে নিজ নিজ মনয়িলে এসে বসবাস শুরু করেন।

আমি বলি : ফলে সত্য তার স্ব-স্থানে প্রতিষ্ঠিত হয় এবং সুবিচার লোপ পাওয়ার পর পুনঃ প্রতিষ্ঠিত হয়। এবং কুরায়শরা তাদের নিজেদের আবাসভূমিতে প্রতিষ্ঠিত হয়। খুয়া'আ গোত্রেকে বিতাড়নের ব্যাপারে তাদের উদ্দেশ্য সফল হয়। প্রাচীন পরিত্র গৃহ (বায়তুল্লাহ) তাদের হাতে ফেরৎ আসে। কিন্তু খুয়া'আ গোত্রের উদ্ভাবিত মূর্তি পূজা, কা'বার চতুর্পার্শে মূর্তি স্থাপন, মূর্তির উদ্দেশ্যে কুরবানী, মূর্তির নিকট আবেদন নিবেদন আর কাতর প্রার্থনা ও সাহায্য কামনা মূর্তির নিকট জীবিকা ভিক্ষা করার কুপ্রথা সমূহ অব্যাহত থাকে। কুসাই কুরাইশের কতক গোত্রকে মক্কার কেন্দ্রস্থলে অন্যকতক গোত্রকে তিনি প্রতিষ্ঠিত করে মক্কার উপকর্ত্ত্বে। আবাদ করায় কুরাইশের কিছু গোত্রকে আর এ কারণে কুরাইশকে কুরায়শে বিতাহ এবং কুরায়শে যাওয়াহর নামে দু'ভাগে বিভক্ত করা হয়। ফলে কুসাই ইব্ন কিলাব বায়তুল্লাহর

রক্ষণাবেক্ষণ, সেবা-যত্ন এবং পতাকা বহনের পূর্ণ কর্তৃত্ব লাভ করেন। আবিচার দূর করা আর বিরোধ নিষ্পত্তির নিমিত্ত তিনি একটা ভবন নির্মাণ করে তার নাম লেন দারুন নাদওয়া তথা 'মন্ত্রণালয়'। কোন তীব্র সংকট দেখা দিলে সমস্ত গোত্র প্রধানরা একত্র হয়ে পরামর্শ করতেন এবং সমস্যার সমাধান করতেন। দারুন নাদওয়ার সিদ্ধান্ত ছাড়া পতাকা উত্তোলন করা হতো না এবং কোন বিয়ে শাদীও সংঘটিত হতো না। দারুন নাদওয়ার সিদ্ধান্ত ছাড়া কোন দাসী কামিজ পরিধান করতে পারতো না। দারুন নাদওয়ার দরজা ছিল মসজিদে হারামের দিকে। বন্দুকের আবদুদ্দার এরপর দারুন নাদওয়ার দায়িত্ব পান হাকীম ইব্ন হিয়াম। তিনি মুয়াবিয়া (রা)-এর শাসনামলে তা' এক লক্ষ দিরহামের বিনিময়ে বিক্রয় করলে মুয়াবিয়া (রা) সে জন্য তাকে তিরক্ষার করেন। তিনি বলেন-এক লক্ষ দিরহামের বিনিময়ে তুমি নিজ জাতির মর্যাদা বিক্রয় করে দিলে? জবাবে তিনি বলেন, 'এখনতো মর্যাদা কেবল তাকওয়ার সঙ্গে যুক্ত। আল্লাহর কসম, জাহিলী যুগে আমি তা ক্রয় করেছিলুন এক মশক মদের বিনিমায়; আর এখন তা বিক্রয় করছি এক লক্ষ দিরহামের বিনিময়ে। আমি তোমাদেরকে সাক্ষ্য রেখে বলছি যে, তার মূল্য আমি আল্লাহর রাস্তায় সাদাকা করে দিলাম। তাহলে আমাদের মধ্যে কে ক্ষতিগ্রস্ত হলো? দারা কুত্বনী মুয়াত্তার আসমাউর রিজাল প্রসঙ্গে এ ঘটনা উল্লেখ করেছেন। হাজীদেরকে পানি পান করানোর দায়িত্বও ছিল তাঁর। ফলে তাঁর কুয়োর পানি ছাড়া তারা পানি করতে পারতো না। জুরহুমের যমানা থেকে তখন পর্যন্ত যমযম কৃপ নিশ্চিহ্ন হয়ে পড়েছিল। ফলে দীর্ঘ কাল থেকে লোকেরা যমযম কৃপের কথা ভুলেই বসেছিল। তা কোথায় ছিল সে কথাও তাদের জানা ছিল না। ওয়াকিদী বলেন : কুসাই ছিলেন প্রথম ব্যক্তি যিনি মুয়দালিফায় অগ্নিপ্রজ্ঞালিত করেন। যাতে আরাফাত থেকে আগত ব্যক্তি মুয়দালিফার সন্ধান পেতে পারে। আর 'রিফাদা' হচ্ছে নিজগৃহে ফিরে না যাওয়া পর্যন্ত হাজীদের খাওয়া-দাওয়ার ব্যবস্থা করা।

ইব্ন ইসহাক বলেন : এটা এ জন্য যে, কুসাই হাজীদের খাওয়া দাওয়ার আয়োজন করা কুরাইশদের উপর অবশ্য পালনীয় করে দেন। তিনি কুরাইশদের উদ্দেশ্য করে বলেন : তোমরা আল্লাহর প্রতিবেশী মক্কা আর হেরেমের বাসিন্দা। আর হাজীরা আল্লাহর মেহমান এবং তাঁর ঘর যিয়ারতকারী। তারাই মেহমানদারীর অধিকতর হকদার। সুতরাং হজ্জের সময় তোমরা তাদের জন্যে পানাহারের আয়োজন করবে, যতক্ষণ না তারা ফিরে যায়। কুরাইশের লোকেরা তাঁর কথা মতো কাজ করে। এজন্য তারা প্রতি বছর নিজেদের সম্পদ থেকে একটা অংশ বের করতো এবং তা তাঁর নিকট অর্পণ করতো। তিনি হাজীদের মিনায় অবস্থানের দিনগুলোতে তা দ্বারা খাবারের আয়োজন করতেন। ইসলামের প্রতিষ্ঠা লাভের পূর্ব পর্যন্ত এ ধারা চালু ছিল এবং পরেও সে ধারা চালু থাকে। হজ্জ শেষ না হওয়া পর্যন্ত সুলতান এখনো প্রতি বছর মিনায় ভোজের আয়োজন করেন।

আমি বলি : ইব্ন ইসহাকের পর সুলতানের আপ্যায়নের এধারার অবসান ঘটে। তারপর পর বায়তুলমাল থেকে হজ্জের উদ্দেশ্যে গমনকারী পথচারীদের জন্য পাথেয় এবং পানীয়

সরবরাহের ব্যবস্থা চালু হয়। অনেক দিক থেকে এটা উত্তম কাজ। তবে নির্ভেজাল বায়তুল মালের সবচেয়ে হালাল অর্থ এতে ব্যয় করা উচিত। আর সর্বোত্তম যাদের যিষ্মায় হজ্জ ফরয হয়েছে, তাদের থেকে পর্যায়ক্রমে হজ্জ করিয়ে নেওয়া। কারণ সাধারণত তারা কা'বা গৃহের হজ্জ করেন। সে চাই ইহুদী বা খ্রিস্টান হিসাবে মৃত্যুবরণ করুক। তাতে কিছু আসে যায় না।

কুসাইয়ের প্রশংসা এবং সপ্রদায়ের মধ্যে তাঁর মর্যাদার বর্ণনায় কবি বলেন :

**قصى لعمرى كان يدعى مجمعا - به جمع الله القبائل بن فهر**

আমার জীবনের শপথ, কুসাইকে বলতে হয় সমবেতকারী, আল্লাহ তার মাধ্যমে ফিহরের অনেক গোত্রকে একত্র করেছেন।

**هموا ملو والبطحاء م جدا وسورددا - وهم طردوا عنا غواة بنى بكر**

তারা ভরে তোলে বাত্হাকে মর্যাদা আর নেতৃত্বে, আর তারা তাড়িয়ে দেয় আমাদের পক্ষ থেকে পথভ্রষ্ট বনু বকর গোত্রকে।

ইব্ন ইসহাক বলেন : যুদ্ধ শেষে কুসাইর ভাই রেযাহ ইব্ন রবী'আ সদলবলে স্বদেশে ফিরে যায় এবং সঙ্গে নিয়ে যায় তার তিন বৈমাত্রেয় ভাইকে, তারা হলো : হান. মাহমুদ এবং জালহামা। রেযাহ কুসাইয়ের আহ্বানে সাড়া দিতে গিয়ে বলেন।

**ولما أتى من قصى رسول - فقال الرسول أجيروا الخليلا**

যখন আসে কুসাইর পক্ষ থেকে দূত,

দূত এসে বললো, বন্ধুর ডাকে সাড়া দাও।

**نهفنا اليه نقود الجياد - ونطرح عنا الملول الثقيلا**

আমরা ছুটে যাই তার পানে, পরিচালিত করি উত্তম অশ্বদল। আর ঘেড়ে ফেলি আমাদের থেকে অবসাদ ও ঝাঁক্তি।.....

খুয়াআকে আমরা বধ করেছি তাদের গৃহে, বধ করেছি বনু বকরকে। অতঃপর প্রজন্মের পর প্রজন্মকে।

**نقبا هم من بلاد الملك - لا يحلون ارثا سموا**

বিতাড়িত করেছি আমরা তাদেরকে মালিকের দেশ থেকে, সমতৃপ্তি তারা আর পদচারণা করতে পারবে না।

**فاصبح سبيهم في الحديد - كل حى شفينا الغليلا**

তাদের বন্দীরা হয় লোহার শেকলে আবদ্ধ আমরা সকল গোত্রের মনোকষ্ট দূর করি।

ইব্ন ইসহাক বলেন : রেযাহ স্বদেশে ফিরে গেলে আল্লাহ তার ভাই হানার বংশ বৃদ্ধি করেন। তারাই আজ পর্যন্ত আয়রা গোত্রদ্বয় কল্পে পরিচিত।

ইব্ন ইসহাক বলেন : এ প্রসঙ্গে কুসাই ইব্ন কিলাব বলেন :

إِنَّا أَبْنَى الْعَاصِمِينَ بَنِي لَؤْيٍ بِمَكَّةَ مِنْزَلِي وَبِهَا رَبِّي

আমি হলাম বনূ লুয়াই বংশের রক্ষাকারীদের পুত্র। মকায় আমার অবস্থান স্তল, সেখানেই আমি প্রতিপালিত হই।

الى البطحاء قد علمت معد - ومر ونها رضيت بها حنيت

বাত্হা পর্যন্ত। মা'আদ গোত্র তো নিশ্চিত জানে। তাদের বীরত্বে আমি মুক্ষ।

فَلَسْتُ لِغَالِبٍ إِنْ لَمْ تَأْشِلْ - بِهَا أَوْلَادُ قَيْدِ الرَّنْسِيَّتِ

আমি গালিবের কেউ নই যদি না কীদার আর নাবীত এর সন্তানদেরকে সুপ্রতিষ্ঠিত করতে না পারি।

زِرَاحٌ تَاصْرِي، وَبَ، اسَامِي - فَلَسْتُ أَخَافُ ضِيمًا مَا حَيَّيْتِ

রেয়াহ আমার সহায়ক তাকে নিয়ে আমি মর্যাদার আসনে উণ্মীত হই। সুতরাং ভয় করিনা আমি জুলুমকে, যতো দিন আমি বেঁচে থাকবো।

উমবী উল্লেখ করেছেন : কুসাই খুয়া'আ গোত্রকে নির্বাসিত করার পরই রেয়াহ্র আগমন ঘটেছিল।

## অধ্যায়

কুসাই বৃন্দ বয়সে উপনীত হলে কুরাইশদের নেতৃত্ব, রিফাদা, সিকায়া, হিজায়া, লিওবা, মাদওয়া প্রভৃতি যে সব দায়িত্ব তার উপর ন্যস্ত ছিল, সে সব দায়িত্ব তিনি ন্যস্ত করেন পুত্র আবদুদ্দার এর উপর। আর ইনি ছিলেন তাঁর জ্যেষ্ঠ পুত্র। তিনি জ্যেষ্ঠ পুত্রকে মনোনীত করেন এজন্য যে, তাঁর অন্যান্য ভাই আব্দ মানাফ আব্দ শাম্স এবং আব্দ—এরা প্রত্যেকেই পিতার জীবদ্ধায়ই প্রভৃত মর্যাদা ও শক্তি-সামর্থ্যের অধিকারী হয়ে গিয়েছিলেন। ফলে কুসাই তাদের সঙ্গে আবদুদ্দারকে নেতৃত্বে সংশ্লিষ্ট করতে চেয়েছিলেন। তাই তিনি তাকে এ সব দায়িত্ব অর্পণ করলেন। ফলে তার ভাইয়েরা তার সঙ্গে ঝগড়া-বিবাদে প্রবৃত্ত হননি। অবশ্য তাদের আমল শেষে তাদের সন্তানরা এ ব্যাপারে বিরোধে প্রবৃত্ত হয়। তারা বলে : কুসাই এ জন্য আবদুদ্দারকে মনোনীত করেছিলেন যাতে ভাইদের সঙ্গে তাকে যুক্ত করতে পারেন। সুতরাং আমাদের পূর্ব পুরুষ যে সব ক্ষমতার অধিকারী ছিলেন, তাতে আমাদেরও অধিকার রয়েছে। আর আবদুদ্দার এর সন্তানরা বললো, কুসাই এ কাজটা আমাদের জন্য নির্ধারণ করেছেন, সুতরাং আমরাই এর সবচেয়ে বড় হকদার। এ নিয়ে তাদের মধ্যে প্রচণ্ড বিরোধ দেখা দেয়। কুরাইশ বংশীয়রা দু'দলে বিভক্ত হয়ে পড়ে। একজন আবদুদ্দার এর নিকট আনুগত্যের শপথ

নেয় এবং তাদের সঙ্গে থাকার অঙ্গীকার করে। আর অপর দল বনু আব্দমানাফ এর হাতে। এ ব্যাপারে তারা শপথও করে এবং শপথকালে তারা একটা সুগঞ্জপূর্ণ পাত্রে হাত রাখে। সেখান থেকে উঠে গিয়ে তারা কা'বার দেয়ালে হাত মুছে। এ কারণে তারা হিলফুল মুতাইয়িবীন তথা সুগঞ্জধারীদের শপথ নামে পরিচিত হয়। তাদের মধ্যে ছিল কুরাইশদের অন্যতম গোত্র বনু আসাদ ইবন আবদুল ওয়্যাহ ইবন কুসাই, বনু যুহুরা, বনু তায়ম, বনু হারিছ ইবন ফিহর, আর বনু আব্দুদ্দারের সঙ্গে ছিল বনু মখ্যুম, বনু সহম, বনু জুমুহ এবং বনু 'আদী। এ বিরোধ আর বিবাদ বিসংবাদ থেকে দূরে ছিল বনু আমির ইবন লুয়াই এবং মুহারির ইবন ফিহর। এরা উক্ত দু'টি দলের কারো সঙ্গে ছিল না। অতঃপর তারা ঐক্যমতে পৌছে এবং একটা পরিভাষা গড়ে তোলে যে, রিফাদা তথা হাজীদের মেহমানদারী আর সিকায়া তথা হাজীদের পানি পান করাবার দায়িত্ব থাকবে বনু আব্দ মানাফের হাতে আর হিজাব তথা রক্ষণাবেক্ষণ, লিওয়া তথা পতাকা বহন এবং নাদওয়া তথা পরামর্শ সভার দায়িত্ব থাকবে বনু আব্দুদ্দার এর হাতে। এ সিদ্ধান্ত অটল থাকে এবং এ ধারাই অব্যাহত থাকে।

উমাবী আবু উবায়দা সূত্রে বর্ণনা করেন : খুয়াআর কিছু লোক মনে করে যে, কুসাই যখন হ্বাই বিন্ত হলায়লকে বিবাহ করে এবং হলায়লকে বাযতুল্লাহ্র তত্ত্বাবধান থেকে অপসারণ করা হয়। তখন তার দায়িত্ব ন্যস্ত করা হয়, কন্যা হ্বাই-এর উপর এবং তার প্রতিনিধি করা হয় আবু গাবশান সলীম ইবন আম্র ইবন লুয়াই ইবন মালকান ইবন কুসাই ইবন হারিছা ইবন আম্র ইবন 'আমিরকে। তখন কুসাই এক মশক মদ আর একটা উষ্ট্র শাবকের বিনিময়ে তার মিকট থেকে বাযতুল্লাহ্র কর্তৃত ক্রয় করে নেন। তখন থেকে একটা প্রবাদবাক্য চালু হয়ে আছে : **الْأَرْثَاءِ الْأَبুগাব্শানের ক্রয়-বিক্রয়ের চেয়েও লোকসান জনক । খুয়া'আর গোত্র এটা দেখে কুসাইর সঙ্গে কঠোর বিরোধিতায় লিঙ্গ হয় । এতে তিনি আপন ভাইয়ের সাহায্য কামনা করেন, ভাই তার সঙ্গী-সাথীদেরকে নিয়ে এগিয়ে আসেন এবং যা ঘটবার ছিল তা-ই ঘটলো । অতঃপর কুসাই তাঁর উপর ন্যস্ত সিদানা, হিজাবা প্রভৃতি দায়িত্বসমূহ তাঁর পুত্র আব্দুদ্দারের উপর ন্যস্ত করেন । এ সম্পর্কে পরে বিস্তারিত আলোচনা করা হবে এবং বিষয়টা আরো স্পষ্ট করা হবে । মুয়দলিফা থেকে ফেরার অনুমতি দেয়ার কর্তৃত দানের কর্তৃত আসে ফাকীম এর হাতে । এভাবে অনুমতি আসে সুফা'র একটি দলের হাতে । এ সব বিষয়ে ইতিপূর্বে আলোচনা করা হয়েছে এবং তার আগে এ সব দায়িত্ব কাদের হাতে ছিল, তা-ও সেখানে বলা হয়েছে ।**

ইবন ইসহাক বলেন : কুসাই এর চার পুত্র এবং দুই কন্যা সন্তান ছিল। তারা হলেন আব্দমানাফ, আব্দুদ্দার, আব্দুল ওয়্যাহ আব্দ এবং তাখাবয়ুর ও বাররা। আর এঁদের সকলের মাতা ছিলেন হ্বাই বিন্ত হলায়ল ইবন হব্শিয়া ইবন সাললি ইবন কা'ব ইবন আম্র আল-খিয়ায়ী। ইনি ছিলেন বনু খুয়া'আর বংশীয় বাযতুল্লাহ্র সর্বশেষ তত্ত্বাবধায়ক। তার হাত থেকে

বায়তুল্লাহর দায়িত্ব গ্রহণ করেন কুসাই ইব্ন কিলাব। ইব্ন হিশাম বলেন : কুসাই পুত্র আব্দ মানাফের চারজন পুত্র সন্তান ছিলেন এদের মধ্যে হাশিম, আব্দ, শাম্স এবং মুস্তালিবের মাতা ছিলেন আতিকা বিন্ত মুররা ইব্ন হিলাল। আর চতুর্থ সন্তান নওফলের মা ছিলেন ওয়াকিদা। আব্দে মানাফের আরো কয়েকজন সন্তান ছিলেন, যাদের নাম ছিল আবু আম্র, তামায়ুর, কালাবা, হায়া রীতা উশ্মল আখসায় এবং উষ্মে সুফিন ইব্ন হিশাম বলেন : হাশিমের চার পুত্র এবং পাঁচ কন্যা সন্তান ছিলেন। তাঁরা হলেন আব্দুল মুস্তালিব, আসাদ, আবু ছাইফী, নায্লা, শিফা, খালিদা, যথীফা, রুকাইয়া এবং হায়া আবদুল মুস্তালিব রুকাইয়ার মা সালমা বিন্ত আয়ুর ইব্ন যায়দ (ইব্ন লবীদ ইব্ন খাদাশ ইব্ন আমির ইব্ন গানাম ইব্ন আদী ইব্ন নাজ্জার) ছিলেন মদীনাবাসী। তিনি অন্যদের মাঝের বিষয়ে উল্লেখ করেছেন। তিনি বলেন : আব্দুল মুস্তালিবের দশ পুত্র ও ৬ কন্যা ছিলেন আকবাস, হাম্যা, আব্দুল্লাহ আবু তালিব (তাঁর আসল নাম ছিল আব্দ মানাফ, ইমরান নয়) যুবায়র, হুরিছ। তিনি ছিলেন পিতার জ্যোষ্ঠ সন্তান। এজনেই তার নামেই তার পিতার কুনিয়াত বা উপনাম হয়, জহল, (মতান্তরের হজল) তার ধন-সম্পদের আধিক্যের কারণে তাঁর লক্ষ হয় গীদাক। মুকাওয়েম, যিরার, আবু লাহাব, (তার নাম ছিল আবদুল ইস্যা সফিয়া, উষ্মে হাকীম আল-বায়দা' আতিকা, উমায়মা, আরওয়া, বারা ; তিনি এদের মাদেরও নাম উল্লেখ করেছেন। তিনি বলেন : আবদুল্লাহ আবু তালিব, যুবাইর এবং সফিয়া ছাড়া অবশিষ্ট কন্যাদের মাতা ছিলেন ফতিমা বিন্ত আম্র ( ইব্ন আইয ইব্ন ইমরান ইব্ন মাখ্যুম ইব্ন ইয়াক্যা ইব্ন মুররা ইব্ন ইমরান ইব্ন মাখ্যুম ইব্ন ইয়াকুয়া ইব্ন মলিক ইব্ন ন্যর ইব্ন কিলানা ইব্ন খুয়ায়মা ইব্ন মুদ্রিকা ইব্ন ইলইয়াস ইব্ন মুয়ার ইব্ন নিয়ার মুয়াদ ইব্ন আদমান )। আবদুল্লাহ পুত্র মুহাম্মদ রাসূলুল্লাহ সাল্লাল্লাহু আলাইহি ওয়াসল্লাম যিনি হচ্ছেন আদম সন্তানদের সর্দার। তাঁর যা ছিলেন আমিনা বিনতে ওহৰ ইব্ন আব্দ মানাফ ইব্ন যুহুর ইব্ন কিলাব ইব্ন মুররা ইব্ন কা'ব ইব্ন লুয়াই। তারপর তিনি তাঁদের সকলের মাঝের বিস্তরিতভাবে উল্লেখ করেন। তারপর তিনি বলেন : বৎশ পরম্পরা আর বৈবাহিক সূত্রের আঞ্চীয়তার বিবেচনায় বনী আদমের সবচেয়ে শ্রেষ্ঠ ও সবচেয়ে মর্যাদাবান সন্তান। পিতা মাতা উভয় কুলের বিবেচনায় তিনি হচ্ছেন সর্বশ্রেষ্ঠ। তাঁর উপর দরংদ ও সালাম বর্ণিত হোক আল্লাহর পক্ষ থেকে কিয়ামত পর্যন্ত।

ওয়াসিলা ইব্ন আসকা' সূত্রে শান্তাদ ইব্ন আবু আশ্মার থেকে বর্ণিত। আওয়ায়ী বর্ণিত এর্মের হাদীস ইতিপূর্বে উল্লেখ করা হয়েছে যে, রাসূলুল্লাহ (সা) বলেছেন, আল্লাহ তা'আলা ইস্মাইলের সন্তানদের মধ্য থেকে কিলানা' থেকে মনোনীত করেছেন কুরাইশকে, কুরাইশ থেকে মনোনীত করেছেন হাশিমকে আর আমাকে মনোনীত করেছেন বনূ হাশিম থেকে। (মুসলিম) পরে নবী করীম (সা)-এর মুবারক জন্মবৃত্তান্ত আলোচনা করা হবে এবং এতদসংক্রান্ত হাদীস আর মনীষীদের উক্তিসমূহ উল্লেখ করা হবে ইনশা আল্লাহ।

## জাহিলি যুগের কিছু ঘটনার সংক্ষিপ্ত আলোচনা

বনু ইসমাঈলের নিকট থেকে জুরহুম গোত্রের বায়তুল্লাহ্র দায়িত্ব গ্রহণ সম্পর্কে ইতিপূর্বে আলোচনা করা হয়েছে। এতে তারা আগ্রহী ছিল এজন্য যে, তারা ছিল কন্যা পক্ষের সন্তান খুয়া'আ গোত্র জুরহুমদের উপর হামলা করে তাদের নিকট থেকে বায়তুল্লাহ্র দায়িত্ব ছিনয়ে নেয়ার বিষয়েও সেখানে উল্লিখিত হয়েছে। অতঃপর কুসাই এবং তার সন্তানদের নিকট তা'ফিরে আসার কাহিনীও বর্ণিত হয়েছে। রসূলুল্লাহ (সা)-এর আবির্ভাবের পূর্ব পর্যন্ত তাদের হাতে বায়তুল্লাহ্র সেবায়েতের দায়িত্ব ছিল অব্যাহত ধারায়। নবী করীম (সা) তা বহাল রাখেন।

## জাহিলী যুগের কতিপয় প্রসিদ্ধ ব্যক্তিত্ব

### খালিদ ইব্ন সিনান আল-আবাসী

তিনি ছিলেন হ্যরত ঈসা (আ) ও মহানবীর মধ্যবর্তী কালের লোক। কারো কারো ধারণা তিনি একজন নবী ছিলেন। আল্লাহই ভালো জানেন।

তাবারানী বলেন : আহমদ ইব্ন যুহায়র আত-তাসভারী আমাদের নিকট সাইদ ইব্ন জুবায়র এর বরাতে ইব্ন আবাস (রা) থেকে হাদীস বর্ণনা করে বলেন : খালিদ ইব্ন সিনানের কন্যা রাসূলুল্লাহ (সা)-এর নিকট আগমন করলে তিনি তার জন্য নিজের চাদর বিছিয়ে দেন এবং বলেন : بنت نبی ضیعه قوم এ হচ্ছে এমন এক নবীর কন্যা, যাকে তাঁর সম্প্রদায় ধর্মস করেছে। বাজারও ডিন্নসুত্রে হাদীসটি বর্ণনা করেছেন। তিনি বলেন, খালিদ ইব্ন সিনানের উল্লেখ রাসূলুল্লাহ (সা)-এর নিকট করা হলে তিনি বলেন, তিনি ছিলেন এমন এক নবী, যাকে তার সম্প্রদায় ধর্মস করেছে। অতঃপর তিনি বলেন : এ সূত্র ছাড়া হাদীসটি মারফু' পদ্ধতিতে বর্ণিত হয়েছে বলে আমাদের জানা নেই। আর এসূত্রের একজন রাবী কায়েস ইব্ন রবী বিশ্বস্ত হলেও তাঁর স্মৃতিশক্তি দুর্বল ছিল। তিনি হাদীসে এমন কিছু অন্তর্ভুক্ত করতেন, যা আসল হাদীস নয়। আল্লাহই ভালো জানেন।

বায়ুর বলেন : সাইদ ইব্ন জুবাইর থেকে মুরসালকর্পে হাদীসটি বর্ণিত। আর হাফিজ আবু ইয়া'লা আল-মুছিলী ইব্ন আবাসের বরাতে বলেন, আবাস গোত্রের খালিদ ইব্ন সিনান নামক জনৈক ব্যক্তি তার সম্প্রদায়কে বলেন : আমি তোমাদের উপর আসন্ন কক্ষরময় উচ্চ ভূমির আগুন নিভিয়ে দেবো। তখন তার সম্প্রদায়ের জনৈক ব্যক্তি তাকে বললো, আল্লাহর কসম, হে খালিদ, তুম তো সত্য ছাড়া আমাদের সঙ্গে কখনো কোন কথা বললি। তবে তোমার এ বক্তব্যের অর্থ কী? তখন খালিদ তাঁর জাতির কিছু লোক নিয়ে বের হলেন। তাদের মধ্যে আশ্চর্য ইব্ন যিয়াদও ছিল। তিনি সেখানে আগমন করলে সে আগুন পাহাড়ের ফাঁক থেকে বেরিয়ে আসছে দেখেন। তখন খালিদ তাদের জন্য রেখা টানলেন এবং তাতে তাদেরকে বসালেন এবং বললেন : আমি তোমাদের নিকট আসতে হলে তোমরা আমার নাম ধরে ডাকবে না। তখন আগুন এমনভাবে বের হয়ে আসছিল যেন লাল রঙের অশ্বদল একের পর এক ছুটে আসছে। তখন খালিদ অগ্নসর হয়ে আপন লাঠি দিয়ে তাকে আঘাত করছিলেন আর বলছিলেন :

بِدَا بِدَا كَلْ هَدِي

প্রকাশ পেয়েছে, প্রকাশ পেয়েছে, প্রকাশ পেয়েছে সকল হিদায়াত। ইব্নু রাজ্বায়া আল-সাবী মনে করেছে, আমি সেখান থেকে বের হবো না। আমার বন্ধু তো আমার হাতেই। একথা বলে তিনি সে ফাটলে চুকে পড়েন। সেখানে তার বিলম্ব হলে আপনারা ইব্ন যিয়াদ তাদের উদ্দেশ্যে বলেন : আল্লাহ'র কসম, তোমাদের সঙ্গী বেঁচে থাকলে অবশ্যই তোমাদের নিকট একক্ষণে ফিরে আসতেন। তারা বললেন : তোমরা তাকে তার নাম ধরে ডাকো। রাবী বলেন, তারা বললো : তিনি আমাদেরকে নাম ধরে ডাকতে নিষেধ করেছেন। তখন তারা তার নাম ধরে ডাকলো। তখন মাথায় হাত তিনি মাথায় হাত রেখে বের হয়ে এলেন ধরে এবং বললেন : আমি কি তোমাদেরকে আমার নামে ডাকতে নিষেধ করিনি? আল্লাহ'র কসম, তোমরা তো আমাকে হত্যা করে ফেললো। সুতরাং আমাকে দাফন করে ফেল। যখন তোমাদের নিকট দিয়ে কিছু গাধা অতিক্রম করবে তখন তার মধ্যে একটি গাধা থাকবে লেজ কাটা, তখন তোমরা আমাকে কবর থেকে উঠালে জীবিত পাবে। তারা তাকে দাফন করলো। তখন তাদের নিকট দিয়ে কিছু সংখ্যক গাধা অতিক্রম করলো। তার মধ্যে একটি গাধা সত্যিই লেজ কাটা ছিল। তখন আমরা একে অপরকে বললাম : কবরটা খুঁড়ো। কারণ তিনি আমাদেরকে কবর খোঁড়ার নির্দেশ দিয়েছেন। তখন আমারা তাদেরকে বললেন : না, তোমরা তার কবর খুঁড়বে না। আল্লাহ'র কসম, মুদার গোত্র যেন আমাদেরকে বলতে না পারে যে, আমরা আমাদের মৃতদের কবর খুঁড়ে থাকি। খালিদতো তাদেরকে বলছিলেন ; তাঁর স্ত্রীর পেটের মাংসে রয়েছে দু'টি ফলক। তোমাদের কোন অসুবিধা দেখা দিলে সে দু'টির দিকে তাকাবে। তোমরা যা চাইবে, তার কাছে তাই পাবে। রাবী বলেন, কোন ঝুঁতুবতী স্ত্রী লোক যেন তা স্পর্শ না করে। তারা তার স্ত্রীর নিকট ফিরে এসে তাকে সে বিষয়ে জিজ্ঞেস করলে সে ঝুঁতুবতী অবস্থায় তাদের দিকে তা বের করে আনে। ফলে ফলকের সমস্ত উপদেশাবলী মুছে যায়।

আবু ইউনুস বলেন সামাক ইব্ন হারব বলেছেন, তিনি সে সম্পর্কে নবী করীম (সা)-কে জিজ্ঞেস করলে তিনি বলেন : এতো এমন নবী, যাকে তার জাতি ধ্বংস করেছে। আবু ইউনুস সিমাক ইব্ন হারবের বরাতে বলেন, খালিদ ইব্ন সিনানের পুত্র নবী (সা)-এর নিকট আগমন করলে তিনি বললেন, মারহাবা হে ভাতিজা! এটি ইব্ন আব্বাসের উক্তি। তাতে একথা নেই যে, তিনি নবী ছিলেন। আর সে সব মুরসল বর্ণনায় রয়েছে যে, তিনি নবী এ কথা সেগুলো নির্ভরযোগ্য নয়। খুব সন্তুষ্ট তিনি একজন পুণ্যবান ও কারামত সম্পন্ন লোক ছিলেন। কারণ তিনি যদি অন্তবর্তীকালের লোক হয়ে থাকেন, তবে সহীহ বুখারীতে রাসূলুল্লাহ (সা) থেকে প্রমাণিত আছে যে, তিনি বলেছেন : ঈসা ইব্ন মারাইয়ামের সবচেয়ে নিকটতম ব্যক্তি হচ্ছে আমি। কারণ, তাঁর আর আমার মধ্যখানে কোন নবী নেই। আর তাঁর পূর্বে হলেও তার নবী হওয়ার সম্ভাবনা নেই। কারণ, আল্লাহ বলেন :

لِتُنذِرَ قَوْمًا مَا أَتَاهُمْ مَنْ نَذَرَهُ مِنْ قَبْلِكَ

“যাতে তুমি এমন এক জাতিকে সর্তক করতে পার” যাদের কাছে তোমার পূর্বে সতর্ককারী আসেনি। (২৮ কাসাস ৪৬) একাধিক আলিম বলেছেন, আল্লাহ তা'আলা ইসমাইল (আ)-এর পর আরবদের মধ্যে কোন নবী প্রেরণ করেননি; কেবল শেষ নবী মুহাম্মদ (সা)-ব্যতীত। কা'বা শরীফের প্রতিষ্ঠাতা ইবরাহীম (আ) তাঁর জন্য দোয়া করেছিলেন। কা'বাকে আল্লাহ বিশ্ববাসীর জন্য শরীয়ত সম্মত কিবলা করেছেন। আর অন্যান্য নবীরা নিজ নিজ জাতিকে মহানবীর আগমনের সুসংবাদ দান করেছেন। সর্বশেষ যিনি এ সুসংবাদ দিয়েছেন, তিনি হলেন ঈসা ইব্ন মারযাম (আ)। আরবদের প্রতি প্রেরিত নবী ছিলেন বলে সুহায়লী প্রমুখ আলিমগণ যা বলেছেন, এত তা রদ হয়ে যায়। মাদয়ানবাসী সুয়ায়ব ইব্ন লু সিহ্যাম ইব্ন শুয়ায়ব ইব্ন ছাফওয়ান, অনুরূপ ভাবে তাদের এ বক্তব্য রদ হয়ে যায়। আরবে হানযালা ইব্ন সাফওয়ান এরও নবীরূপে আগমন ঘটে এবং তাঁকে অঙ্গীকার করলে আল্লাহ তাদের উপর বৃত্ত নসরকে বিজয়ী করেছিলেন। তিনি তাদের হত্যা আর বন্দী করেন। যেমন ঘটেছিল বনী ইসরাইলের ক্ষেত্রে। আর এটা ঘটে মা'আদ ইব্ন আদমান এর শাসনামলে। স্পষ্টত এরা ছিলেন নেককার লোক, কল্যাণের দিকে তারা ডাকতেন। আল্লাহ ভালো জানেন। জরহমের পর খুয়া'আদের বৃত্তান্ত প্রসঙ্গে আমর ইব্ন লুহাই ইব্ন কিম'আ ইব্ন খন্দফ সম্পর্কে ইতিপূর্বে আলোচনা করা হয়েছে।

### হাতিম তাই : জাহিলী যুগের অন্যতম প্রধান দাতা

তিনি হাতিম ইব্ন আবদুল্লাহ (ইব্ন সা'আদ ইব্ন হাশরাজ ইব্ন ইমরাউল কায়েস ইব্ন 'আদী ইব্ন আহ্যাম ইব্দ আবু আহ্যাম) তাঁর আসল নাম ছারজমা ইব্ন রবী'আ ইব্ন জারওয়াল ইব্ন সা'ল ইব্ন আম্র ইব্ন গাওছ ইব্ন তাই আবু সাফফানা আত-তাসি সাহাবী 'আদী ইব্ন হাতিম তাঁরই পুত্র। জাহিলী যুগে তিনি ছিলেন বিপুল প্রশংসিত বড়দাতা। অনুরূপ ভাবে ইসলামী যুগে তাঁর পুত্রও ছিলেন একজন নামকরা দাতা। হাতিমের বদান্যতার অনেক কিংবদন্তী ও চমকপ্রদ কাহিনী প্রচলিত আছে। তবে সেসব দ্বারা আল্লাহর সন্তুষ্টি আর পরকালের মুক্তি ও কল্যাণ তাঁর কাম্য ছিল না। সেসবের একমাত্র উদ্দেশ্য ছিল লোকজনের প্রশংসা কৃড়ানো। হাফিজ আবু বকর আল-বায়ার তাঁর মুসনাদ গ্রন্থে ইব্ন উমর সূত্রে বর্ণিত আছে যে, মহানবী (স)-এর নিকট হাতিমের প্রসঙ্গে আলোচনা করা হলে তিনি বলেন : তিনি যা চেয়েছিলেন তাই পেয়েছেন।

আদী ইব্ন হাতিম সূত্রে বর্ণনা করেন : আমি রাসূলুল্লাহ (সা)-কে বললাম : আমার পিতা আজীয়তার সম্পর্ক বজায় রাখতেন এবং নানা সৎ কাজ করতেন। এজন্য তিনি কি পুণ্য লাভ করবেন? জবাবে রাসূলুল্লাহ (সা) বললেন : তোমার পিতা যা চেয়েছিলেন, তাই পেয়েছেন। আবু ইয়া'লা ও বাগাবী ভিন্ন সূত্রে অনুরূপ বর্ণনা করেছেন।

সহীহ (বুখারীতে) উল্লিখিত হয়েছে যে, যে তিনি ব্যক্তির জন্য জাহানামকে প্রজ্বলিত করা হবে, তাদের মধ্যে একজন হবে সে ব্যক্তি, যে এজন্য দান করে, যেন তাকে দাতা বলা হয়।

দুনিয়াতে তাকে দাতা বলাই হবে তার প্রতিদান। অনুরূপভাবে একজন আলিম এবং মুজাহিদের জন্যও জাহানামের অগ্নি প্রজ্ঞালিত করা হবে।

সহীহ (বুখারীতে) অপর এক হাদীসে আছে যে, সাহাবায়ে কিয়াম রাসূলুল্লাহ (সা)-কে জিজেস করেন, আবদুল্লাহ ইব্ন জাদ'আন ইব্ন আম্র ইব্ন কা'ব ইব্ন সা'দ ইব্ন তায়ম ইব্ন মুররা সম্পর্কে। তাঁরা বললেন : তিনি অতিথি আপ্যায়ন করতেন, দাস মুক্ত করতেন এবং দান-খ্যাত করতেন। এতে কি তাঁর কোন কল্যাণ হবে? রাসূলুল্লাহ (সা) বললেন : সে তো দীর্ঘ জীবনের মধ্যে একটা দিনও একথা বলেনি- হে আমার পালনকর্তা! কিয়ামতের দিন আমার অপরাধ ক্ষমা করো। অনুরূপভাবে অনেক খ্যাতনামা দাতা আছে, যারা অভাব আর দুর্যোগের সময় মানুষকে আহার করায় (তাদের অবস্থাও এরূপই হবে)। বায়হকী আলী ইব্ন আবু তালিবের মন্তব্য উদ্ভৃত করেছেন এভাবে : সুবহানাল্লাহ! কতো মানুষ কতই না পুণ্য কাজ করে। অবাক লাগে সে ব্যক্তির জন্য, যার কাছে তার একজন মুসলিম ভাই অভাবের সময় আসে অথচ, সে নিজেকে কল্যাণ কর্মের জন্য উপযুক্ত মনে করে না। সে সওয়াবের আশা আর শাস্তির ভয় না করলেও সৎকাজে তো তার ছুটে যাওয়া উচিত। কারণ তা-তো মুক্তির পথেই চালিত করে। তখন জনৈক ব্যক্তি তাঁর দিকে এগিয়ে এস বললো : হে আমীরুল্ল মুমিনীন! আমার পিতা-মাতা আপনার জন্য কুরবান হোন, আপনি কি আল্লাহ'র রাসূলের নিকট এমন কথা শুনেছেন? তিনি বললেন, হ্যাঁ তার চেয়েও উত্তম কথা হলো তার কবীলার বন্দী নারীদেরকে যখন উপস্থিত করা হয়, তখন এক দাসী সামনে এলো, রক্তিম ওষ্ঠ ঘন-কালো লস্ব চুল, দীর্ঘ গর্দান, তীরের মতো তীক্ষ্ণ নাক, অবয়ব মধ্যম স্তন সুড়েল, পায়ের গোছা মাংসল, চিকন কোমর, মরু নিতৃষ্ণ ও মিটোল পিঠের অধিকারিণী। বর্ণনাকারী বলেন, তাকে দেখেই আমি বিমুক্ত হই এবং বলি, আমি অবশ্যই তাকে পাওয়ার দাবী নিয়ে রাসূলের নিকট গমন করবো এবং রাসূল (সা) তাকে আমার গন্নীমতের মালের অস্তর্ভুক্ত করবেন। তার সঙ্গে কথা বলতে গিয়ে আমি তার সৌন্দর্যের কথা বিস্মিত হই। বিস্মিত হই আমি তার কথা শুনে তার বাণিজ্যায়। সে বললো, হে মুহাম্মদ! আপনি কি আমাকে মুক্ত করবেন? আরবের গোত্রদের ঠাট্টা বিন্দুপ থেকে রক্ষা করবেন? কারণ, আমি তো আমার গোত্রের সর্দার তনয়া। আর আমার পিতা যাকে সাহায্য করা দরকার, তাকে সাহায্য করতেন, যাকে রক্ষা করা দরকার, তাকে রক্ষা করতেন, তিনি বন্দীকে মুক্ত করতেন, ক্ষুধাতুরকে পেট পুরে খাওয়াতেন, বন্দুহীনকে বন্দুদান করতেন, অতিথিকে আপ্যায়ন করতেন, লোকজনকে আহার করাতেন, সালাতের বিস্তার ঘটাতেন। তিনি কখনো অভাবীকে বিমুখ করেন নি। আমি হাতিম তাই'র কন্যা। তখন নবী (স) বললেনঃ হে বালিকা! এগুলোতো সত্যিকার মু'মিনের গুণবলী। তোমার পিতা মু'মিন হয়ে থাকলে আমরা অবশ্যই তার প্রতি সদয় হবো। তিনি তখনি আদেশ দিলেনঃ তোমরা তাকে মুক্ত করে দাও। কারণ, তার পিতা উত্তম চরিত্রকে ভালোবাসতেন। আর আল্লাহ তা'আলা উত্তম চরিত্রকে ভালোবাসেন। তখন আবু বুরদা ইব্ন ইয়ানার দাঁড়িয়ে বললেনঃ হে আল্লাহ'র রাসূল! আল্লাহ উত্তম চরিত্র ভালোবাসেন? তখন রাসূলুল্লাহ সাল্লাল্লাহ আলাইহি ওয়াসাল্লাম বললেন, “যে সত্ত্বার হাতে আমার জীবন নিহিত, তাঁর শপথ করে বলছি, সুন্দর চরিত্র ছাড়া কোন ব্যক্তি জান্নাতে প্রবেশ করতে পারবে না।”

আদী ইব্ন হাতিম এর বৈপিত্রেয় ভাই এর বরাতে বলেন : হাতিম-এর স্ত্রী নাওয়ারকে বলা হয়- হাতিম সম্পর্কে আমাদেরকে কিছু শুনাও। তিনি বললেন, তাঁর সব ব্যাপারই ছিল অবাক হওয়ার মতো। একবার আমরা দুর্ভিক্ষে আক্রান্ত হলাম। তাতে সব কিছুই আক্রান্ত হলো, এর ফলে মাটি ফেটে চৌচির হয়ে গেল। আকাশ ধূলাবালিতে ছেয়ে গেলো। স্তন্য দাত্রীদের দুধ শুকিয়ে গেল। উটগুলো এমনই দুর্বল কঙ্কালসার হয়ে পড়ে যে, এক ফোটা দুধও দিতে পারছিল না। অর্থ সম্পদ নিশ্চিহ্ন করে দেয় সে দুর্ভিক্ষ। আমরা এক শীতের রাতে এক নির্জন প্রান্তেরে ছিলাম। ক্ষুধার তীব্রতায় শিশুরা চিৎকার জুড়ে দেয়, চিৎকার জুড়ে দেয় আল্লাহহ। আদী এবং সাফানা। খোদার কসম, আমরা কোন কিছু পেলে তা দিয়ে তাদেরই ব্যবস্থা করতাম। তিনি একটি শিশুকে এবং আমি কন্যাটিকে কোলে তুলে নিলাম এবং প্রবোধ দিতে লাগলাম। আল্লাহর কসম, বেশ কিছু রাত অতিবাহিত না হওয়া পর্যন্ত তারা নীরব হলো না। অতঃপর আমরা অপর পুত্রটির দিকে মনোনিবেশ করি। তাকে প্রবোধ দিলে অতিকষ্টে তাকে চুপ করা গেল। অতঃপর আমরা শাম দেশীয় একটা মখমলের চাদর বিছাই এবং শিশুদেরকে তার উপর শোয়াই। তিনি আর আমি একটা কক্ষে ঘুমাই। সন্তানরাও ছিল আমাদের মধ্যস্থলে। এরপর তিনি আমার দিকে এগিয়ে এলেন আমাকে প্রবোধ দেয়ার জন্য, যাতে আমি ঘুমাতে পারি। আর তিনি যে কি চান, তা-ও আমি বুঝতে পারি। তখন আমি ঘুমের ভান করি। আমাকে বললেন, হলোটা কী? তুমি কি ঘুমিয়েছ গো? আমি চুপ করে রইলাম। তখন, তিনি বললেন, সে তো দেখছি ঘুমিয়েই পড়েছে। অথচ আমার চোখে ঘুম ছিল না। রাত্রি যখন তাদেরকে আচ্ছন্ন করে নেয়, নক্ষত্র যখন অন্তর্ধান করে চতুর্দিকের শব্দ আর কোলাহল থেমে গিয়ে যখন পূর্ণ নিষ্ঠকৃতা বিরাজ করে।

তখন তাঁবুটির কোন এককোণ কে একজন যেন উঠিয়ে দিল। তখন তিনি বললেন, এখানে কে? তখন সে ফিরে গেলো। রাত ভোর হলে সে ফিরে আসে। আবার তিনি বললেন : কে? সে বললো-হে আদীর পিতা! আমি তোমার অমুক প্রতিবেশিনী। চিৎকার করে রোদন করা আর ডাকার জন্য তোমাকে ছাড়া আর কাউকে আমি পাইনি। আমার এমন সন্তানদের নিকট থেকে তোমার কাছে এসেছি, যারা ক্ষুধায় নেকড়ের মতো চীৎকার দিচ্ছে। তিনি বললেন, দেরী না করে এক্ষুণই তুমি তাদেরকে আমার কাছে নিয়ে এসো। নাওয়ার বলনে : আমি ছুটে এসে বললাম - তুমি একি করেছ? শয়ে পড়ো। আল্লাহর কসম, তোমার সন্তানরা ক্ষুধায় ছটফট করছে। তাদেরকে প্রবোধ দেয়ার মতো কিছু তুমি পাওনি। কি হবে ঐ মহিলা আর তার সন্তানদের নিয়ে? তিনি বলললেন : তুমি থাম। ইন্শা আল্লাহ আমি তোমাকে ত্রুটি করবো। তিনি বলেন, সে মহিলাটি এগিয়ে আসে, দু'জন শিশুকে সে বহন করছিল আর চারজন শিশু হেঁটে চলছিল তার ডানে বাঁয়ে। যেন সে উটপাখী আর তার চারিপার্শ্বে বাচ্চাগুলো। হাতিম আপন ঘোড়ার দিকে এগিয়ে যান এবং তার বুকে বর্শা দিয়ে আঘাত করে তারপর চক্রমকি পাথর ঘাঁষে আগুন জ্বালান। এরপর ছেরা দিয়ে চামড়া ছিলে ফেলে তাঁর স্ত্রী লোকদের হাতে তুলে দিয়ে বললেন, তুমি নিয়ে যাও। তিনি এবং তোমার সন্তানদেরকে পাঠাও। সে তার শিশু সন্তানদের পাঠায়। এরপর তিনি বলেন : শরম শরম তোমরা কি চর্মসার লোকগুলোকে রেখে খাবে।

এরপর তিনি তাদের মধ্যে ঘুরতে শুরু করেন। এক পর্যায়ে তাদের সংকোচ দূর হয় এবং তারা তাঁর কাছে ঘেষে এবং তাঁর কাপড় জড়িয়ে ধরে। এরপর তিনি কাত হয়ে এককোণে শুয়ে পড়েন, আমাদের দিকে তাকিয়ে থাকেন। আল্লাহর কসম, তিনি এক টুকরা গোশত বা এক ঢেক পানিও স্পর্শ করলেন না। অথচ তার প্রয়োজন ছিল সবচেয়ে বেশী। এ অবস্থায় আমাদের ভোর হল। আর আমাদের কাছে ঘোড়াটির হাড়ি আর খুর ছাড়া আর কিছুই ছিল না।

দারা কৃতনী বলেন : কাষী আবু আবদুল্লাহ আল মাহামিলী আমার নিকট বর্ণনা করে বলেন : হাতিমের স্ত্রী হাতিমকে বললেন, হে আবু সাফানা, আমি এবং তুমি একান্তে খাবার খেতে চাই, যেখানে আর কেউই থাকবে না। স্বামী স্ত্রীকে সে অনুমতি দিলেন, ফলে তিনি তাঁর তাঁবু লোকালয় থেকে এক ক্রোশ দূরে সরিয়ে নিলেন এবং তাকে খাদ্য প্রস্তুতের নির্দেশ দান করলেন এবং সে মতে খাদ্য প্রস্তুত করা হলো। এসময় স্বামী -স্ত্রী উভয়ের জন্য পর্দা ঝুলানো হল। খাদ্য পাক সম্পন্ন হওয়ার সময় ঘনিয়ে এলে হাতিম মাথা বের করে বললেন :

**فلا تطْبَخْ قَدْرِي وَسْتَرْكْ دُونَهَا - عَلَى إِذَا مَا تَطْبَخْنَ حِرَام**

আমার উপর তোমার পর্দার আড়াল রেখে পাকাবে না এমন হলে তুমি যা পাকাবে, তা আমার জন্য হারাম হবে। কিন্তু তা পাকানোর সময় হলে পাক করবে, আগুন ঝুলাবে, বর্ণনাকারী বলেন, এর পর তিনি পর্দা উন্মোচন করেন, খাদ্য সম্মুখে এগিয়ে দেন এবং লোকজনকে ডাকলেন, তিনি এবং অন্যরা মিলে খাবার খেলেন। তখন হাতিম তাই'র স্ত্রী বললেন : আমাকে যা বলেছিলে, তা তো পূরণ করলে না! তখন জবাবে তিনি বললেন : আমার মন আমার নিকট অধিক সম্মানের পাত্র। প্রসংসা পাওয়ার উর্ধে আমার মন। আর আমার বদান্যতা তো পূর্ব থেকেই খ্যাত। অতঃপর তিনি বললেন :

**وَلَا نَشْتَكِينَى جَارَتِى غَيرَ ازْهَا - إِذَا غَابَ عَنْهَا بَعْلَهَا لَا ازْورَهَا**

আমার প্রতিবেশিনী আমার সম্পর্কে এছাড়া কোন অভিযোগ করেনা যে, যখন তার স্বামী দূরে থাকে আমি তাকে দেখতে যাই না।

**سَيْلَغَهَا خَيْرٌ وَيَرْجِعُ بَعْلَهَا - وَلَمْ تَقْصُرْ عَلَيْهَا سَتُورَهَا**

আমার দান পৌছবে তার নিকট এবং ফিরে আসবে তার স্বামী অথচঃ ভেদ ঘরা হবে না তার পর্দা।

হাতিম তাই'র আরো কিছু কবিতার পংক্তি :

**أَفْضَحْ جَارَتِى وَأَخْوَنْ جَارِى - فَلَا وَاللَّهِ أَفْعَلْ مَا حَبِيبَتْ**

আমি যখন রজনী যাপন করি প্রতারিত করি আমার প্রতিবেশীর স্ত্রীকে, যাতে আঁধার ঢেকে নেয় আমাকে, আমি আর গোপন থাকি না।

আমি লজ্জিত করবো আমার প্রতিবেশিনীকে আর বিশ্বাস ঘাতঘতা করবো আমার প্রতিবেশীর সঙ্গে। না, আল্লাহর কসম, যতদিন বেঁচে থাকি, তা করতে পারিনা।

হাতিম তাইর আরো কিছু কবিতার পংক্তি :

اغضى اذا ماجارتى بربت - حتى يوارى جارتى الخدد

চক্ষু মুদে নেই যখন বের হয় আমার প্রতিবেশিনী, এমনকি ঢেকে নেয় আমার প্রতিবেশিনীকে পর্দা।

হাতিম তাইয়ের আরো কিছু কবিতার পংক্তি :

وما من يمتى شتم ابن عمى - وماانا محلف من يرتجينى

আমর স্বভাব নয় চাচাতো ভাইকে গালি দেওয়া, যে আমার নিকট কিছু কামনা করে, আমি তাকে নিরাশ করি না।

وكلمة حاسد من غير جرم - سمعت وقلت مرى فانقذينى

বিনা দোষে নিন্দুক আর হিংসুকের কথা, আমি শুনে বলি-চলে যাও আর আমাকে রক্ষা কর।

وعابوها على فلم تعينى - ولم يعرق لها يوما جبىنى

তাদের নিন্দাবাদ আমাকে ঝান্ট করে না এবং তা আমাকে ঘর্মাঞ্জ করে না।

وذى وجهين يلقاني طليقا - وليس اذا تغيب ياتسينى

আর মিলিত হয় আমার সঙ্গে দ্বিমুখী ব্যক্তি (মুনাফিক) হাসি-খুশী, তার অন্তর্ধান আমাকে ব্যথিত করে না।

ظفرت بعيبه فكفت عنه - محافظة على حسبى ودينى

আমি জয় করে নেই তার দোষ এবং বিরত থাকি তার থেকে, আমার বৎশ আর ধর্ম রক্ষা করার কারণে।

তাঁর আরো কিছু কবিতা থেকে -

سلى البائس المقرور يالا مالك - اذا ما اتاني بين نادى ومجزري

হে উম্মে মালিক, শীতার্ত বিপন্ন ব্যক্তিকে জিঙ্গেস করো, যখন সে আসে আমার কাছে আগুন আর জবাইখানার মাঝে।

কাফী আবুল ফারজল মুআফী আবু উবায়দার সুত্রে বলেন, কবি মুতালমিস এর এ নিম্নোক্ত উক্তি শুনে হাতিম প্রতিক্রিয়া ব্যক্ত করেন-

قليل المال قصلحه تيبيقى ولا يبقى الكثير على الفساد

সামান্য সম্পদ তার মালিকের কল্যাণ সাধন করে, আর তা দীর্ঘস্থায়ী হয়, আর বিপর্যয়ের সঙ্গে বেশী সম্পদও দীর্ঘস্থায়ী হয় না।

وَحْفَظَ الْمَالَ خَيْرٌ مِنْ فَنَاهُ وَعَسْفٌ فِي الْبَلَادِ بِغَيْرِ دَادٍ

আর সম্পদ উজাড় করার চেয়ে তা রক্ষা করা উত্তম, আর কোন রকম পুঁজি ছাড়া দেশ ভ্রমণ অষ্টতা স্বরূপ।

এ কবিতা শুনে তিনি বলেন- তার হয়েছে কী? আল্লাহ তার জিহ্বা কর্তন করুন, তিনি মানুষকে কৃপণতার জন্য উদ্ধৃত করেছেন। তিনি কেন বলেননি -

فَلَا جُودٌ يَفْنِي الْمَالَ قَبْلَ فَنَاءِهِ - وَلَا بَخْلٌ فِي مَالِ الشَّحِيقِ يَزِيدُ

বদান্যতা সম্পদ বিনাশ করে না ধৰংসের পূর্বে, আর কৃপণতা বৃদ্ধি সাধন করে না কৃপণের সম্পদে।

فَلَا تَلْتَمِسْ مَا لَا بِعْلِبِشِ لِقْتَرٍ لِكُلِّ غَدَرٍ يَعُودُ جَدِيدٌ

অন্টনে জীবন যাপনের জন্য সম্পদ কামনা করবে না, সকল নতুন দিনের জন্য নতুন জীবিকা আছে, যা আসবেই।

الْمَتَرَانِ الْمَالُ غَادٌ وَأَئِحْ - وَإِنَّ الَّذِي يَعْطِيكُ غَيْرُ بَعِيدٍ

তুমি কি লক্ষ্য কর না যে, সম্পদ সকালে আসে আর বিকালে চলে যায়, আর তোমাকে যিনি দান করেন তিনি তো মোটেই দূরে নন। কায়ী আবুল ফারাজ বলেন, হাতিম তাঙ্গ কী চমৎকার কথাই না বলেছেন, তোমাকে যিনি দিয়ে থাকেন তিনি মোটেই দূরে নন। তিনি যদি ইসলাম গ্রহণ করতেন তাহলে পরকালে তাঁর মুক্তির আশা করা যেতো। আল্লাহ তা'আলা তাঁর কিতাবে বলেছেন :

وَاسْأَلُوا اللَّهَ مِنْ فَضْلِهِ

তোমরা আল্লাহর নিকট তাঁর অনুগ্রহ ভিক্ষা কর। (৪ নিসা : ৩২)

আল্লাহ আরো বলেন :

وَإِذَا سَأَلْتُكُمْ عَبْدًا عَنِّيْ فَإِنَّىْ قَرِيبٌ أُجِيبُ دَعْوَةَ الدَّاعِ إِذَا دَعَانِ .

আমার বান্দরা আমার সম্পর্কে তোমাকে জিজ্ঞেস করলে (তুমি বলবে) আমি তো নিকটেই আছি। আহ্বানকারী যখন আমাকে ডাকে, আমি তার ডাকে সাড়া দেই। (২ বাকারা : ১৮৬)

ওয়ায়াহ ইব্ন মাবাদ আত-তাঙ্গ থেকে বর্ণিত, তিনি বলেন : হাতিম তাঙ্গ একদা নুমান ইব্ন মুন্ফির এর অতিথি হলে তিনি অতিথিকে সসমানে বরণ করে নেন, নিকটে বসান এবং ফিরে যাওয়ার সময় তাঁকে দুই উট বোঝাই স্বর্ণ-রৌপ্য দান করেন। এ ছাড়াও তিনি অনেক দেশীয় উপহার সামগ্রী দান করেন। সে সব সামগ্রী নিয়ে তিনি প্রস্তাব করেন। তিনি স্বজনদের নিকটবর্তী হলে তায় কবীলার বেদুইনদের সঙ্গে তাঁর সাক্ষাত ঘটে। তারা বললো : হে হাতিম! তুমি তো এসেছ বাদশাহের নিকট থেকে আর আমরা এসেছি স্বজনদের নিকট থেকে দারিদ্র্য নিয়ে। তখন হাতিম বললেন : এসো, আমার সম্মুখে যা কিছু আছে তা নিয়ে যাও। তারা তাঁর

সম্মুখ থেকে ছোবল মেরে তা নিয়ে নিজেদের মধ্যেই ভাগ-বণ্টন করে নেয়। এমনকি তাঁর সম্মুখ থেকে নুমানের প্রদত্ত সমস্ত বিশেষ উপটৌকিনও তারা বণ্টন করে ফেলে। এসময় হাতিমের দিকে এগিয়ে আসে তাঁর দাসী তরীফা এবং বলে, আল্লাহকে ভয় কর এবং নিজের জন্যও কিছু অবশিষ্ট রাখ। এরা তো দেখছি দীনার-দিরহাম আর উট-ছাগল-ভেড়া কিছুই বাদ দেবে না। তখন তিনি বলেন :

قالت طريفة ما تبقى دراهتنا - وما بنا سرف فيها ولا خرق

তরীফা বললো, থাকবেনা আমাদের একটা দিরহামও আমাদের তো অপচয় করার বা দান করার কিছুটা রইলো না।

ان يفن ما عندنا فالله يرزقنا - من سوانا ولسنا نحن نرتزق

আমাদের নিকট যা আছে তা ফুরিয়ে গেলেও আল্লাহ দেবেন আমাদেরকে জীবিকা, এমন লোকদের নিকট থেকে, যারা আমাদের অঙ্গৰ্ত নয়। আমরা তো নিজেরা নিজেদের জীবিকা দাতা নই।

ما يالف الدرهم اسكارى خرقتنا - لا يمر عليها ثم ينطلق

জোড়া লাগাতে পারেনা আমাদের ক্ষয়িম্বু দিরহাম আমাদের ছিন্ন বস্ত্রকে তবে কিনা তার উপর দিয়ে বয়ে যায় এবং শেষ পর্যন্ত চলে যায়।

إنا اذا اجتمعـت يومـا راهـمنـا - ظلتـ الى سـبـلـ المـعـرـوفـ تـسـتـبـقـ

কোন দিন যদি একত্র হয় আমাদের দিরহাম তাহলে আমরা এমন যে, আমাদের দিরহাম প্রতিযোগিতায় প্রবৃত্ত হয়ে এগিয়ে যায় কল্যাণকর কাজে।

আবু বকর ইব্ন আইয়াশ বলেন : একদা হাতিম তাঙ্কে জিজেস করা হয়, আররে কি আপনার চাইতে অধিকতর বদান্যশীল কেউ আছেন? জবাবে তিনি বলেন, প্রতিটি আরবই আমার চেয়ে বড় দাতা। অতঃপর তিনি বলতে শুরু করেন, এক রাত্রে আমি আরবের এক এতীম বালকের অতিথি হলাম। এতীম বালকটির ছিল একশ ছাগল। সেখান থেকে সে আমার জন্য একটা বকরী জবাই করলো। এবং তা (পাক করে) আমার নিকট উপস্থিত করলো। বালকটি আমার নিকট বকরীর মগজ উপস্থিত করলে আমি তাকে বললাম-কতই না মজাদার এ মগজ। তিনি বলেন, এ ভাবে সে (এক এক করে বার বার) মগজ আনতে থাকে। অবশ্যে যখন ভোর হলো সে একশ টা বকরীই জবাই করে ফেলেছে। তার কাছে আর একটিও নেই। হাতিমকে তখন জিজেস করা হলো, তখন আপনি কী করলেন? তিনি বললেন : সব কিছু করেও কী করে আমি তার পূর্ণ শুকরিয়া আদায় করতে পারতাম? তিনি বললেন, যাই হোক আমার উৎকৃষ্ট উন্নতগুলোর মধ্য থেকে তাকে আমি একশ' উন্নী দান করলাম।

মুহাম্মদ ইব্ন জা'ফর আল-খারাইতী তাঁর 'মাকারিমুল আখলাক' গ্রন্থে তাঙ্গ গোত্রের জনৈক বৃক্ষার বরাতে বলেন, হাতিম তাই এর মাতা আন্তরার বিনতি আফীফ ইব্ন আম্র ইব্ন ইমরাউল কায়েস বদান্যতা-দানশীলতার কোন কিছুই বাদ দিতেন না। তার ভাইয়েরা তাঁকে আল-বিদায়া ওয়ান নিহায়া (২য় খণ্ড) ৫২—

বারণ করতো, তিনি তাদের বাধা মানতেন না। আর তিনি ছিলেন ধনাচ্য মহিলা। ফলে তার লোকজন তাকে একটা ঘরে এক বছর বন্দী করে রাখে এবং সেখানে তাকে প্রাণে বাঁচার পরিমাণ খাদ্য সরবরাহ করে, যাতে তিনি তার বদান্যতা থেকে বিরত থাকেন। এক বছর পর তারা তাঁকে সেখান থেকে বের করে আনে। তাদের ধারণা ছিল হয়তো তিনি আগের অভ্যাস ছেড়ে দিয়েছেন। ফলে তাঁর লোকজন তাঁর সম্পদ থেকে একখণ্ড রৌপ্য মহিলার নিকট সমর্পণ করে এবং বলে এগুলো ভোগ-ব্যবহার করবে। একদা হাওয়ায়িন গোত্রের এক মহিলা তার নিকট আগমন করে। তিনি তখন নিজের সম্পদ লুকিয়ে রাখেন। আগস্তুক মহিলাটি তাঁর নিকট যাঞ্চা করে। তখন তিনি বলেন, সম্পদের এই রৌপ্য খণ্ডটি তুমি নিয়ে যাও। আল্লাহর কসম, আমার এমন ক্ষুধার অভিজ্ঞতা হয়েছে যে, কোন প্রার্থীকে বিমুখ করবে না বলে আমি শপথ করেছি। তখন তিনি আবৃত্তি করতে শুরু করেনঃ

لعمرى لقد ما عذبني الجوع عضة - فالليت ان لا امنع الدهر جائعا

আমার জীবনের শপথ; ক্ষুধা আমাকে এমনই আঘাত করেছে যে, আমি শপথ করেছি-  
জীবনে কোন ক্ষুধাতুরকে বিমুখ করবো না।

فقولا لهذا اللعنى اليوم اعفنى - وان انت لم تفعل فغض فعوض الاصابعا

তাই আজ তোমরা এই ভর্তসনাকারীকে বলো আমাকে মাফ কর; আর তা না করলে আঙ্গুল কামড়াও।

فماذا عساكم ان تقولوا لاختكم - سوى عذلكم او عذر من كان مانعا

তবে কি তোমরা বা তোমাদের মত নিবৃ কারীরা তোমাদের বোনকে ভর্তসনা ছাড়া অন্য কিছু বলবে বলে কি আশা করা যায়?

وماذا ترون اليوم الاطبعة - فكيف بتركى يا ابن امى الطبائعما

আজ তোমরা যা দেখছ, তাতো আমার স্বভাব। তবে হে মোর মায়ের সন্তান! কিরণে আমি আমার স্বভাব বিসর্জন দিতে পারিঃ হায়ছাম ইব্ন আদী আদীর বরাতে বলেনঃ আমি হাতিমের নিকট উপস্থিত ছিলাম। তিনি নিজেকে ভর্তসনা করছিলেন। আমাকে বললেন, বৎস! আমি মনে মনে তিনটি অভ্যাসের প্রতিজ্ঞা করছি। আল্লাহর কসম, আমি প্রতিবেশীর স্ত্রীর সঙ্গে কোন সন্দেহজনক আচরণ করিনি কখনো। আমার নিকট যে আমান্ত রাখা হয়েছে, তা অবশ্যই ফেরৎ দান করেছি এবং আমি কোন দিন কারো মনে কষ্ট দেইনি। আবু বকর আল-খারাইতী বলেনঃ আলী ইব্ন হারেব আবু হুরাইরার আয়াদকৃত গেলাম মুহাররার থেকে বর্ণনা করেন আবদুল কায়েস গোত্রের একদল লোক হাতিম তাঙ্গি'র কবরের নিকট দিয়ে যাওয়ার সময় সেখানে অবতরণ করে। ঐ দলের আবু খায়বারী নামক এক ব্যক্তি দাঁড়িয়ে তাঁর কবরে পায়ের খোঁচা দিয়ে বলেনঃ হে আবু জাদ! আমাদের মেহমানদারী করুন। তখন জনেক সঙ্গী তাঁকে বলে, তুমি কি হাজির সঙ্গে কথা বলছ তাতো পঁচে-গলে গেছে। তারপর রাত হলে তারা সকলে ঘুমিয়ে পড়লো। উক্ত আবুল খায়বারী ব্যাকুল হয়ে দাঁড়িয়ে বললেন - হে আমার

সম্প্রদায়! নিজ নিজ সওয়ারী প্রহণ কর। কারণ, হাতিম স্বপ্নে আমার নিকট আগমন করে আমাকে কবিতা আবৃত্তি করে শুনিয়েছেন। আমি তা' মুখস্থ করেছি। তিনি বলেন :

ابا الخيرى وانت امرؤ ظلوم العشيرة شتامها

হে আবুল খায়বারী! তুমি তো এমন এক ব্যক্তি যে স্বজনের প্রতি অবিচার করে ও তাদেরকে গালমন্দ করে।

اتيت بصحبك تبغى القرى لذى حفرة قد صدت هامها

তুমি আগমন করেছ সঙ্গী সাথী নিয়ে কামনা কর তুমি আতিথেতায় কবরবাসীর নিকট, যার মাথার খুলিতে মারিচা ধরে গেছে।

اتبغى لى الذنب عند المبيت وحولك طى والعامها

তুমি কি কামনা কর আমার জন্য পাপ রাত্রি যাশন্মকারীর নিদ্রা কালে। অথচ তোমার নিকট রয়েছে তাঙ্গি গোত্র আর তার পশ্চকুল।

وانا لنشبع أضيافنا وتاتى المطى فنعتامها

আমরা অবশ্যই তৃণ করবো আমাদের অতিথিদেরকে রজনীতে আগমন ঘটবে আমাদের উদ্ধীর এবং তা দোহন করবো।

বর্ণনাকারী বলেন, তখন হঠাৎ করে উক্তি কারীর উদ্ধী আহত হয়ে আগমন করলে তারা তাকে যবাই করে এবং তৃণ হয়ে থায়। তারা বলে, আল্লাহর কসম, হাতিম জীবিত আর মৃত অবস্থায় আমাদের মেহমানদারী করেছেন। বর্ণনাকারী বলেন, ভোরে সম্প্রদায়ের লোকেরা তাদের সঙ্গী-সাথী নিয়ে সওয়ার হয়ে গমন করে। তখন জনৈক ব্যক্তি সওয়ার হয়ে আসছিল এবং তাদেরকে উচু স্বরে আহ্বান করছিল আর তার সাথে ছিল আরেকটি উট। তখন লোকটি বলে, তোমাদের মধ্যে কে আবুল খায়বারী? তিনি বললেন, আমি। লোকটি বললো, হাতিম রজনীতে স্বপ্নে আমার কাছে এসে বলেন যে, তিনি তোমার সঙ্গীদের তোমার উট দিয়ে মেহমানদারী করেছেন এবং তোমার নিকট এ উট নিয়ে আসার জন্য আমাকে নির্দেশ দিয়েছেন। এই হলো সে উট। তা নাও এবং এই বলে তাকে উটটি দিয়ে দিল।

### আবদুল্লাহ ইব্ন জাদ'আন -এর কিছু বৃত্তান্ত

তিনি আবদুল্লাহ ইব্ন জাদ'আন ইব্ন আম্র ইব্ন কা'ব ইব্ন সা'আদ ইব্ন তাইম ইব্ন মুরারাহ, যিনি ছিলেন বনূ তাইমের নেতা এবং তিনি ছিলেন আবু বকর সিন্দীক রাদিয়াল্লাহ আনহুর চাচাতো ভাই। তিনি ছিলেন জাহিলী যুগের অন্যতম দাতা ও দয়ালু। জাহিলী যুগে যারা বয়স্কদেরকে খাদ্য দান করতো, তিনি ছিলেন তাদের অন্যতম। তাঁর নিজের হাতে ছিল তাঁর ব্যাপার। তিনি আহার্য দান করতেন তীব্র দারিদ্র্যাঙ্কিষ্ট ফকীর ব্যক্তিকে। তিনি এমনই দুষ্ট প্রকৃতির লোক ছিলেন যে, অনেক অপরাধ সংগঠন করেন। এর ফলে জাতি, বংশ-গোত্র পাড়া প্রতিবেশী সকলেই তাকে ঘৃণা আর নিন্দা চোখে দেখতো। সকলের ঘৃণা-নিন্দা আর বর্জনের

মুখে একদিন তিনি বিচলিত হয়ে মক্কার গিরিপথে বেরিয়ে পড়েন। পর্বতের মধ্যে একটা গর্ত দেখে তিনি মনে করলেন, এতে ক্ষতিকর কিছু থাকতে পারে। তিনি সেখানে গেলেন এই আশায় যে, হয়তো সেখানে মারা গিয়ে জীবন যত্নগা থেকে মুক্তি পাবেন। তিনি গর্তের নিকট গমন করলে একটা আয়দাহা তার দিকে ছুটে আসে। আয়দাহাটি তাকে দংশন করতে উদ্যত হয়। তিনি তা থেকে দূরে সরে গিয়ে বরং তার উপর হামলা করতে উদ্যত হন। কিন্তু তিনি আয়দাহাটির নিকট এসে দেখতে পেলেন যে, তা-তো স্বর্ণের আর তার চক্ষু মুক্তার। তিনি তা ভেঙ্গে চুরে গর্তে নিয়ে যান। গর্তে প্রবেশ করে দেখেন যে, সেখানে রয়েছে জুরহাম গোত্রের শাসকদের কবর। তাদের মধ্যে হারিস ইবন মুয়ায়ও রয়েছেন, যিনি দীর্ঘ দিন অস্তর্ধানে ছিলেন। ফলে তিনি কোথায় কি অবস্থায় আছেন, কিছুই জানা যায় না। তিনি তাদের মাথার দিকে একটা ফলক দেখতে পান, যাতে তাদের মৃত্যুর তারিখ লেখা রয়েছে। সে ফলকে তাদের রাজত্বকালও লেখা আছে। লাশ গুলোর নিকট রয়েছে মণি-মুক্তা সোনা-কপা অনেক কিছু। তিনি সেখান থেকে নিজের প্রয়োজন পরিমাণ গ্রহণ করে বেরিয়ে পড়েন। গর্তের দরজা সম্পর্কেও তিনি জ্ঞান লাভ করলেন। জাতির লোকজনের নিকট ফিরে এসে তিনি তাদেরকে সে সব থেকে দান করেন। ফলে তারা তাঁকে ভালোবাসে নেতা বানায় আর তিনিও জাতির লোকজনকে আহার করান। হাতের সম্পদ ফুরিয়ে গেলে তিনি আবার সে গর্তে গমন করে প্রয়োজন পরিমাণ নিয়ে আসতেন। যাদের নিকট থেকে আমরা এ কাহিনী উল্লেখ করছি, তাদের মধ্যে আছেন আবদুল মালিক ইবন হিশাম। তিনি কিতাবুত তীজান-এ এ কাহিনী উল্লেখ করেছেন। তার রচিত কিতাবের নাম হচ্ছে :

### دی العا طش وانس الواحش

তাঁর একটা বড় পেয়ালা ছিল। আরোহী ব্যক্তি সওয়ারীর পৃষ্ঠে বসে এ পেয়ালায় আহার করতো। পেয়ালাটা এমনই বড় ছিল যে, তাতে একজন ছোটখাট মানুষ পতিত হলে ডুবে যেতো।

ইবন কুতাইবা প্রয়ুখ উল্লেখ করেন যে, রাসূলুল্লাহ সাল্লাল্লাহু আলাইহি ওয়াসালাম বলেছেন, আবদুল্লাহ ইবন জাদ'আন-এর ডেগছির ছায়ায় আমি আশ্রয় নিতাম। তা ছিল এক লিখিত দলীল- অর্থাৎ দুপুরের সময়। আবু জহল এর হত্যার হাদীসে আছে যে, রাসূলুল্লাহ (সা) তাঁর সাহাবীদেরকে বলেন : নিহত ব্যক্তিদের লাশের মধ্যে তোমরা তাকে খুঁজবে। হাঁটুতে আঘাতের চিহ্ন দ্বারা তোমরা তাকে চিনতে পারবে। কারণ, সে এবং আমি আবদুল্লাহ ইবন জাদ'আন এর দন্তরখানে মল্ল যুদ্ধে প্রবৃত্ত হলে সে পড়ে গিয়ে হাঁটুতে আঘাত পা এবং তা ভেঙ্গে যায়। তার হাঁটুতে এখনো সে চিহ্ন বর্তমান রয়েছে। রাসূল (সা) যেমন বলেছেন, তাকে তেমনই পাওয়া যায়।

ঐতিহাসিকরা উল্লেখ করে না যে, আবদুল্লাহ ইবন জাদ'আন খেজুর আর ছাতু খেতেন এবং দুধ পান করতেন। তিনি উমাইয়া ইবন আবু ছ ছালত এর এ উক্তি শ্রবণ করেন -

ولقد رئت الفاعلين و فعلهم - فرأيت أكثراً ممّم بنى الديان

কথা আর তাদের কর্ম আমি দেখেছি, তাদের মধ্যে সবচেয়ে সম্মানিত পেয়েছি আমি  
বনু দাইয়্যানকে

البر بليل بالشهاد طعام هم - لا مابعلت لنا بنوجدعان

“নেকী তোমায় জ্ঞানী করে তাদের খাদ্যে উপস্থিতি দ্বারা, তদ্বারা নয়, বনু জাদ'আন যে  
লা'নত করে।” অতঃপর জাদ'আন পুত্র শাম দেশে দু' হাজার উষ্ট্র বোঝাই গম, মধু এবং ধী  
প্রেরণ করে। প্রত্যেক রাতে একজন ঘোষণাকারী কা'বার পৃষ্ঠ থেকে ঘোষণা দেয়, ইব্ন  
জাদ'আন-এর ডেকের দিকে তোমরা ছুটে এসো। এ প্রসঙ্গে উমাইয়া বলেন :

لَهْ دَاعٌ بِمَكَّةَ مِشْمَعُلَ - وَآخِرُ فُوقَ لَعْبَتِهَا نِيَادِي

তার জন্য মকায় আছেন একজন আহ্বানকারী মশালবাহী, অপরজন আছেন কা'বার ছাদে,  
যিনি আহ্বান করেন।

إِلَى رَدْحِ مِنَ الشَّيْزِيِّ مَلَأَ - لِبَابَ الْبَرِ يَلْبِكَ بِالْشَّهَادِ

আহ্বান জানায় দীর্ঘ সময় থেকে কালো কাষ্ঠ নির্মিত পূর্ণ পাত্র পানে, জ্ঞানের দ্বার পানে, যা  
সাক্ষ্য দ্বারা তোমাকে জ্ঞানী করে।

এতসব কিছু সত্ত্বেও সহীহ মুসলিমে উল্লেখিত আছে যে; ‘আয়েশা সিদ্দীকা (রা) বলেছেনঃ  
হে আল্লাহর রাসূল, জাদ'আন পুত্র আহার করাতেন এবং অতিথির মেহমানদারী করতেন। এতে  
কি তার কোন উপকার হবে? কিয়ামতের দিন এসব কি তার কোন কাজে আসবে? রাসূলুল্লাহ  
(সা) বললেন, না সে তো কোন দিন একথা বলেনি-হে পালনকর্তা, কিয়ামতের দিন আমার  
অপরাধ ক্ষমা করে দেবে।

## সাবা‘ মু‘আল্লাকার অন্যতম রচয়িতা ইমরুল কায়স ইব্ন হজর আল-কিনদী

জাহেলিয়াত আমলের কবিদের কাব্য সংকলন সাব‘য়ে মু‘আল্লাকার ইমরুল কায়সের অংশটুকু সর্বাধিক উন্নত ও প্রসিদ্ধ— যার প্রথম পংক্তি হলো -

قِفَا نَبْكِ مِنْ ذِكْرِي حَبِيبٍ وَمَنْزِلٍ .

— দাঁড়াও, প্রিয়তমা ও তার বাসগৃহের বিরহে একটু কেঁদে নিই।

ইমাম আহমদ (র) হস্তরত আবু হুরায়রা (রা) থেকে বর্ণনা করেন যে, তিনি বলেছেন, রাসূলুল্লাহ (সা) বলেছেন : “ইমরুল কায়স জাহান্নামগামী কবিদের পতাকাবাহী”। বিভিন্ন সূত্রে হাদীসটি বর্ণিত হলেও এটির সনদ বিশুদ্ধ।

হাফিজ ইবনে আসাকির বলেছেন, ইমরুল কায়সের বংশ লতিকা হলো, ইমরুল কায়স ইব্ন হাজার ইব্ন হারিছ ইব্ন আমর ইব্ন হজর ইবনে আমর ইব্ন মু‘আবিয়া ইব্ন হারিছ ইব্নে ইয়া’রাব ইব্ন ছাওর ইব্ন মুরতা’ ইবনে মু‘আবিয়া ইব্ন কিন্দা। উপনাম আবু ইয়ায়ীদ, মতাতরে আবু ওহাব ও আবুল হারিছ আল কিন্দী। তিনি দামেশক এলাকায় বাস করতেন। তিনি তাঁর কবিতায় ঐ এলাকার বিভিন্ন স্থানের উল্লেখ করেছেন। তার দু’টি পংক্তি নিম্নরূপঃ

فَقَا نَبَكَ مِنْ ذِكْرِي حَبِيبٍ وَمَنْزِلٍ - بِسْقَطِ اللَّوْيِ بَيْنَ الدُّخُولِ فَحُوْمَلٌ  
فتوضيح فالمرارة لم يعف رسماها - لما نسجتها من جنوب وشمال

— “তোমরা দাঁড়াও, এসো, আমরা প্রিয়তমা

ও তার বাসস্থানের বিরহে একটু কেঁদে নিই,

যে বাসস্থান বালির টিলার চূড়ায় দাখূল ও হাওমাল,

তৃষ্ণিহ ও মাকরাত নামক স্থানের মাঝে অবস্থিত,

উন্তর ও দক্ষিণের বায়ু প্রবাহ সঙ্গেও যার চিহ্ন মুছে যায়নি।”

এইগুলি হুরান অঞ্চলের প্রসিদ্ধ স্থান।

হাফিজ ইবনে আসাকির অন্য এক সূত্রে বর্ণনা করেন যে আফীফ ইব্ন মা‘দীকরব বলেছেন, আমরা একদিন রাসূলুল্লাহ (সা)- এর নিকট বসা ছিলাম। সে সময়ে ইয়ামানের একটি প্রতিনিধি দল এসে বলল, ইয়া রাসূলুল্লাহ! ইমরুল কায়সের কবিতার দু’টি পংক্তির উসিলায় আল্লাহ্ আমাদের জীবন রক্ষা করেছেন। রাসূলুল্লাহ (সা) বললেন, তা কীভাবে? তারা বলল, আমরা আপনার সাথে সাক্ষাতের উদ্দেশ্যে আসছিলাম। কিছুদূর এসে আমরা পথ হারিয়ে

ফেলি, ফলে সেস্থানে আমাদের তিনদিন অবস্থান করতে হয়। অথচ, আশেপাশে কোথাও পানি পাওয়া যাচ্ছিল না। অগত্যা গাছের ছায়ায় শুয়ে মৃত্যুরবণের উদ্দেশ্যে আমরা এক একজন এক একটি খেজুর গাছ ও বাবলা গাছের নীচে চলে গেলাম। আমাদের প্রাণ যায় যায় দশা। হঠাৎ দেখতে পেলাম, একজন উষ্ট্রারোহী এগিয়ে আসছে। তাকে দেখে আমাদের একজন কবিতা আবৃত্তি করল :

وَلَمْ رَأَتْ أُنَّ الشَّرِيعَةَ هَمُّهَا - وَأَنَّ الْبِيَاضَ مِنْ فَرَائِصِهَا دَامِيْ .  
تَيَمَّمَتُ الْعَيْنُ التَّىْ عِنْدَ ضَلَارِيجٍ - بَفِئِ عَلَيْهَا الظَّلُّ عَرْمَصُهَا طَامِيْ .

অর্থাৎ প্রিয়া যখন বুঝতে পারল যে, ঘাট-ই তার লক্ষ্যস্থল, আরো বুঝল যে, তার পার্শ্বদেশ আর কাঁধের মধ্যস্থলের গোশত হতে শুভ্রা বিচুরিত হচ্ছে, তখন সে জারিজের নিকটস্থ সেই কূপে যেতে মনস্ত করল, যে কৃপ ছায়া ও কাঁটাদার বৃক্ষে পরিপূর্ণ।

পংক্তি দু'টো শুনে আরোহী বলল, এগুলো কাব্য কবিতা? সে তো আমাদের দুর্দশা দেখে ফেলেছে। আমরা বললাম, এগুলো ইমরুল কায়সের কবিতা। আরোহী বলল, আল্লাহর শপথ, সে একটুও মিথ্য বলেনি। তোমাদের পার্শ্ববর্তী এই জায়গাটিই জারিজ। সত্যি সত্যি আমরা তাকিয়ে দেখলাম যে, আমাদের ও কৃপটির মাঝে দূরত্ব মাত্র পঞ্চাশ হাতের। ফলে আমরা হামাগুড়ি দিয়ে সেখানে গেলাম। দেখলাম, তা ইমরুল কায়সের বিবরণ অনুযায়ী হুবহ ছায়া ও কাঁটাদার বৃক্ষবেষ্টিত একটি কৃয়া। এ কাহিনী শুনে রাসূলুল্লাহ (সা) বললেন,

ذَاكَ رَجُلُ مَذْكُورٌ فِي الدِّينِيَا مَنْسِيٌّ فِي الْآخِرَةِ شَرِيفٌ فِي الدِّينِيَا  
خَامِلٌ فِي الْآخِرَةِ بِيَدِهِ لَوَاءُ الشُّعُراءِ يَقُودُهُمْ إِلَى النَّارِ .

লোকটি দুনিয়াতে বহুল আলোচিত, পরকালে কেউ তার কথা জিজ্ঞাসাও করবে না, দুনিয়াতে সে সন্ত্বান্ত, পরকালে লাঞ্ছিত; তার হাতে কবিদের পতাকা থাকবে, তাদেরকে জাহান্নামের দিকে পরিচালিত করবে।”

কালবী লিখেছেন, ইমরুল কায়স একবার পিতৃ হত্যার প্রতিশোধ নেওয়ার জন্য পতাকা উড়িয়ে বনু আসাদের সঙ্গে যুদ্ধ করার জন্য রওয়ানা হয়। তাবালা নামক স্থানে ছিল যুল-খুলসা নামক একটি মূর্তি। আরবরা তার নিকট লটারী টানত। ইমরুল কায়স সেস্থানে পৌঁছে লটারী টানল। কিন্তু লটারীতে নেতৃত্বাচক তীর উঠে আসে। ফলে সে আরও দু'বার লটারী টানে। তাতেও ঐ একই ফল হয়। ইমরুল কায়স ক্ষিণ্ণ হয়ে তীরগুলি ভেঙ্গে যুল-খুলসার মুখের উপর ছুঁড়ে মারে এবং বলে যে, তোর বাবা যদি খুন হতো, তবে তুই আমার কাজে বাধ সাধতে না। এই বলে সে বনু আসাদ গোত্রের উপর ঝাঁপিয়ে পড়ে এবং তাদের অনেককে হত্যা করে।

ইব্নুল কালবী বলেন, এরপর ইসলামের অভ্যন্তর পর্যন্ত ইমরুল কায়স কখনো যুল-খুলসার নিকট লটারী টানেনি।

কথিত আছে যে, ইমরান কায়স কোনো এক যুদ্ধে রোমের বাদশা কায়সারের বিজয়ে তার ভূয়সী প্রশংসামূলক কবিতা রচনা করে। কিন্তু, কাঞ্চিত পুরক্ষার না পেয়ে পরে সে উল্লেখ তার নিদাসচূচক কবিতা রচনা করে। কথিত আছে, রোম স্ম্রাট বিষ খাইয়ে তাকে হত্যা করে। আসীব নামক একটি পাহাড়ের সন্নিকটে জনেক মহিলার কবরের পার্শ্বে তাকে সমাধিস্থ করা হয়। পরে সেখানে নিম্নের পংক্তি দু'টি লিখে রাখা হয়েছে—

أَجَارَنَا إِنَّ الْمَزَارَ قَرِيبٌ - وَإِنَّ مُقِيمَ مَا أَقَامَ عَسِيبٌ.  
أَجَارَنَا إِنَّا غَرِيبَانَ هُنَّا - وَكُلُّ غَرِيبٍ لِلْغَرِيبِ نَسِيبٌ.

— হে আমার প্রতিবেশিনী! নিঃসন্দেহে আমাদের সাক্ষাত্স্তুল নিকটেই। আসীব পর্বত যতদিন টিকে থাকবে, আমিও এখানে ততদিন অবস্থান করব। হে প্রতিবেশিনী! তুমি-আমি দু'জন-ই এখানে মুসাফির। আর এক মুসাফির অপর মুসাফির-এর আঞ্চল্যেরই মত।

এতিহাসিকগণ বলেন, সাতটি মুআল্লাকাই কা'বা শরীফে ঝুলিয়ে রাখা হয়েছিল। তার কারণ, আরবদের নিয়ম ছিল যে, তাদের কেউ কোন কবিতা রচনা করলে সে তা কুরায়শদের নিকট পেশ করত। কুরায়শদের অনুমোদন পেলে সম্মানার্থে তা কা'বার গায়ে ঝুলিয়ে রাখা হত। এভাবে একত্রিত হতে হতে এই সাতটি মুআল্লাকা একত্রিত হয়ে যায়। তার প্রথমটি হল ইমরান কায়স ইবন হজর-এর রচিত, যার প্রথম পংক্তিটি পূর্বে উল্লেখ করা হয়েছে।

তৃতীয় মুআল্লাকা নাবিগা যুবিয়ানীর রচিত, যার নাম ছিল যিয়াদ ইবন মু'আবিয়া, মতান্তরে যিয়াদ ইবন আমর ইবন মু'আবিয়া ইবন যাবাব ইবন জাবির ইবন ইয়ারবু 'ইবন গায়য ইবন মুররা ইবন 'আউফ ইবন সা'দ ইবন যুবাইয়ান ইবন বাগীয়। তার প্রথম পংক্তি হলোঃ

يَادَارَمِيَّةِ بِالْعُلَيَاءِ فَالسَّنَدِ - أَقُوْتُ وَطَالَ عَلَيْهَا سَالِفُ الْأَبْدِ.

— উলইয়া ও সানাদে অবস্থিত হে আমার প্রিয়ার গৃহ! সে অতীত হয়ে গেছে আর তার বিহু অনেক দীর্ঘ হয়ে গেল।

তৃতীয় মুআল্লাকার রচয়িতা যুহায়র ইবনে আবু সুলামী রবীয়া ইবনে বিয়াহ আল-মুয়ানী। যার প্রথম পংক্তিঃ

إِنْ امْ أَوْفَى دَمْنَةً لِمْ تَكَلَّمْ - بِحُومَانَةِ الدَّرَاجِ فَالْمَتَّلَمْ.

— দাররাজ ও মুতাহালামের কঠিন ভূখণ্ডে অবস্থিত এই নীরব ধৰ্স স্তুপ-ই কি আমার প্রিয়তমা উপ্রে আওফার স্মৃতি?

চতুর্থ মুআল্লাকার রচয়িতা হলো, তারফা ইবনুল আব্দ ইবন সুফিয়ান ইবন সা'দ ইবন মালিক ইবন যুবাই'আ ইবন কায়স ইবন ছা'লাবা ইবন উকাবা ইবন সা'ব ইবন আলী ইবন বকর ইবন ওয়ায়েল। যার প্রথম পংক্তিঃ

لِخَوْلَةِ أَطْلَالِ بِرْقَةِ ثَمَدِ - تَلْوُحُ كِبَاقِي الْوَشْمِ فِي ظَاهِرِ الْيَدِ.

—ছাহমাদের পাথুরে অঞ্চলে আমার প্রিয়া খাওলার বাসগৃহের স্মৃতি নারীদের মহিলাদের হাতের অবশিষ্ট উলকি রেখার ন্যায় ঝলমল করছে বলে মনে হয়।

পঞ্চম মু'আল্লাকার রচয়িতা আনন্দারা ইব্ন শান্দাদ ইব্ন মু'আবিয়া ইব্ন কুরাদ ইব্ন মাখ্যূম ইব্ন রবীয়া ইব্ন মালিক ইব্ন গালিব ইব্ন কুতায়'আ ইব্ন 'আবাস আল-'আবাসী। তাঁর প্রথম পংক্তি হলো :

هَلْ غَادَ الشُّعْرَاءُ مِنْ مُتَرَيْمٍ - أَمْ هَلْ عَرَفْتَ الدَّارَ بَعْدَ تَوْهِمٍ.

—আগেকার কবিরা এমন কোন অপূর্ণতা রেখে যাননি, যা পূরণ করা বাকী রয়েছে। তোমাতে অনেক আন্দাজ অনুমানের পর তুমি তো প্রিয়ার গৃহের সকান পেয়েছ।

ষষ্ঠ মু'আল্লাকার রচয়িতা বনী তামীমের আলকামা ইব্ন আবদা ইব্ন নু'মান ইবন কায়স। তাঁর প্রথম পংক্তি হলো :

طَحَّا بِكِ قَلْبُ فِي الْجِسَانِ طَرَوْبٌ - بُعْدِيْدَ الشِّبَابِ عَصْرَ حَانَ مَشِينٌ.

—তোমাকে নিয়ে আমার সৌন্দর্য পিয়াসী প্রাণ উজ্জিত হলো যখন ঘোবন বিগত প্রায় এবং বার্ধক্য এসে হানা দিলো।

সপ্তম মু'আল্লাকার রচয়িতা লাবীদ ইব্ন মালিক ইব্ন জা'ফর ইব্ন কিলাব ইব্ন রবী'য়া ইব্ন 'আমির ইব্ন সা'সাআ ইব্ন মুয়াবিয়া ইব্ন বকর ইব্ন হাওয়াফিন ইব্ন মনসূর ইব্ন ইকরিমা ইব্ন খাসফা ইব্ন কায়স ইব্ন 'আয়লান ইব্ন মুয়ার। এই সপ্তম মু'আল্লাকাকে আসমায়ী প্রমুখ পণ্ডিত সাত মু'আল্লাকার অন্তর্ভুক্ত বলে ঢীকার করেন না। তাঁর প্রথম পংক্তি হলো :

عَفَتِ الدِّيَارَ مَحْلَهَا فَمَقَامَهَا - بِمِنْيٍ تَأْبَدَ غُولُهَا فِرْجَامُهَا .

—মিনার যে গৃহে আমার প্রিয় কখনো অল্প সময় কখনো দীর্ঘ সময় অবস্থান করতো, তাঁর চলে যাওয়ার ফলে সব বিরান হয়ে গেছে। মিনার গাওল ও রিজাম নামক স্থানও এখন সম্পূর্ণ জনবসতি শূন্য।

আবু উবায়দা আসমায়ী ও মু'বারবাদ প্রমুখ পণ্ডিতগণ অভিমত ব্যক্ত করেছেন যে, আরেকটি কসীদা এমনও রয়েছে, যার রচয়িতা কে তা অজ্ঞাত। তাঁর প্রথম পংক্তিটি হলো :

هَلْ بِالظَّلَولِ لِسَائِلِ رَا - هَلْ لَهَا بِتَكْلِيمِ عَهْدِ

—টিলাওলোত প্রশ্নকারী কোন প্রত্যন্তের প্রায়? নাকি কথা না বলার ব্যাপারে প্রিয়ার কোন শপথ রয়েছে? এটি একটি সুদীর্ঘ অনবদ্য কবিতা। এই পংক্তিমালায় অনেক সুন্দর ব্যাখ্যা রয়েছে।

## উমাইয়া ইবন আবুস সালত ছাকাফী

হাফিজ ইবন 'আসাকির বলেন, উমাইয়া ইবন আবুস সালত-এর বৎশ লতিকা নিম্নরূপঃ  
উমাইয়া ইবন আবুস সালত আব্দুল্লাহ ইবন আবী রবীয়া ইবন আওফ ইবন আকদ ইবন' আর্য্যা  
ইবন আওফ ইবন ছাকাফী ইবন মুনাবিহ ইবন বাক্র ইবন হাওয়াফিন আবু উছমান, তাকে  
আবুল হাকাম ছাকাফী বলা হত। তিনি জাহিলিয়তের মুগের একজন কবি। ইসলামের পূর্বে  
তিনি দামেশকে আগমন করেন। কেউ কেউ বলেন, তিনি সরল পথের অনুসারী এবং জীবনের  
শুরু থেকেই ঈমানের উপর প্রতিষ্ঠিত ছিলেন। পরবর্তীতে তার ঈমান-বিচুতি ঘটে। পবিত্র  
কুরআনের নিষ্ঠাক আয়াতে আল্লাহ তা'আলা তার কথাটি উল্লেখ করেছেন: আয়াতটি হল :

وَاتْلُ عَلَغْهِمْ نَبَأً الَّذِي أَتَيْنَاهُ أَيَّاتِنَا فَانْسَلَخَ مِنْهَا فَاتَّبَعَهُ الشَّيْطَانُ  
فَكَانَ مِنِ الْغَاوِينَ

— তাদেরকে ঐ ব্যক্তির বৃত্তান্ত পড়ে শোনাও, যাকে আমি দিয়েছিলাম নির্দশন,  
তারপর সে তা বর্জন করে ও শয়তান তার পেছনে লাগে, আর সে বিপর্যাসাদের অন্তর্ভুক্ত  
হয়। (৭ আরাফ : ১৭৫)

যুবাইর ইবনে বাক্রার বলেন,- এর কন্যা হচ্ছে রূকাইয়া আবদ শাম্স ইবন আবদ মানাফ  
কবি উমাইয়া ইবন আবুস সালত -এর মা। আবুস সালত- এর মূল নাম রবী'য়া ইবন ওহুব  
ইবন 'আল্লাজ ইবন আবু সালামা ইবনে ছাকাফী।

অন্যরা বলেন, উমাইয়ার পিতা ছিলেন তায়েফের বিখ্যাত কবিদের একজন। উমাইয়া ছিল  
এদের মধ্যে সর্বাধিক খ্যাতিমান।

আব্দুর রায়ক ছাওয়ী সূত্রে বর্ণনা করেন যে, আব্দুল্লাহ ইবন আমর (রা) উপরোক্ত  
আয়াতের ব্যাখ্যায় বলেছেন, এই আয়াতে উমাইয়া ইবনে আবুস সালতের প্রতিই ইঙ্গিত করা  
হয়েছে।

আবু বকর ইবনে মরদুইয়া নাফে' ইবনে 'আসিম ইবনে মাসউদ হতে বর্ণনা করেন যে,  
তিনি বলেন, আমি একদিন এমন একটি মজলিসে উপস্থিত ছিলাম, যেখানে আব্দুল্লাহ ইবন  
আমরও ছিলেন। সেই মজলিসে এক ব্যক্তি সুরা আ'রাফের পূর্বোক্ত আয়াত পাঠ করলে  
আব্দুল্লাহ ইবন 'আমর (রা) জিজ্ঞাসা করলেন, তোমরা কি জান, লোকটি কে? উত্তরে কেউ  
বলল, লোকটি হচ্ছে সাইফী ইবন রাহিব। কেউ বলল, বাল 'আম নামক বনী ইসরাইলের জনৈক  
ব্যক্তি। আব্দুল্লাহ ইবনে 'আমর (রা) বললেন, না। প্রশ্ন করা হল, তবে লোকটি কে? তিনি

বললেন, লোকটি হচ্ছে উমাইয়া ইব্ন আবুস সালত। আবু সালেহ্, কালবী ও কাতাদা প্রমুখ অনুরূপ অভিমত ব্যক্ত করেছেন।

তাবারানী বর্ণনা করেন যে, আবু সুফিয়ান বলেন, আমি এবং উমাইয়া ইব্ন আবুস সালত ছাকাফী একবার বাণিজ্য উপলক্ষ্যে সিরিয়ার উদ্দেশ্যে রওয়ানা হই। পথে কোথাও যাত্রা বিরতি দিলে উমাইয়া আমাকে একটি লিপিকা পাঠ করে শুনাতো। এইভাবে আমরা খৃষ্টানদের একটি গ্রামে গিয়ে পৌছি। তখন গ্রামের খৃষ্টানরা এসে উমাইয়াকে স্বাগত জানায় এবং উমাইয়া তাদের সাথে তাদের বাড়ীতে যায়। দুপুরে ফিরে এসে সে পরনের পোষাক খুলে ফেলে দু'টি কালো কাপড় পরে নেয় এবং পরে আমাকে বলল, আবু সুফিয়ান! এই অঞ্চলে একজন বিজ্ঞ খৃষ্টান আলেম আছেন, আপনি ইচ্ছা করলে তাঁকে কিছু জিজ্ঞেস করতে পারেন। আমি বললাম, না, আমার কোন প্রয়োজন নেই। আল্লাহর শপথ! যদি সে আমাকে আমার মনঃপূত কোন কথা বলে, তাতে আমি তার প্রতি আস্থা স্থাপন করতে পারব না। আর যদি সে আমার দৃষ্টিতে অগ্রীতিকর কোন কথা বলে, তা হলে আমি অবশ্যই তার প্রতি ক্ষুঁজ হবো।

আবু সুফিয়ান বলেন, এর পর উমাইয়া চলে যায় এবং জনৈক প্রবীণ খৃষ্টানের সাথে কথা বলে। আবার আমার নিকট ফিরে আসে। এসে বলল, আচ্ছা এই প্রবীণ লোকটির নিকট যেতে আপনার বাধা কোথায়? আমি বললাম, আমি তো তার ধর্মের অনুসারী নই। উমাইয়া বলল, তা সত্ত্বেও তা থেকে কিছু বিশ্বায়কর কথা তো শুনতে পারবেন এবং তাকে দেখতে পারবেন।

তারপর সে আমাকে জিজ্ঞেস করল, আচ্ছা আপনি কী ছাকীফ বংশীয়? আমি বললাম, না। বরং আমি কুরাইশী। উমাইয়া বলল, তবে লোকটির কাছে যেতে আপনার অসুবিধাটা কোথায়? আল্লাহর শপথ! অবশ্যই তিনি আপনাদেরকে ভালোবাসেন ও আপনাদের মঙ্গল কামনা করেন।

আবু সুফিয়ান বলেন, এ কথা বলে উমাইয়া আমার নিকট থেকে চলে গিয়ে তাদের নিকট রয়ে যায়। পরে রাতের কিছু অংশ অতিবাহিত হওয়ার পর এসে কাপড় ছেড়ে সে স্টোন বিছানায় শুয়ে পড়ে। আল্লাহর শপথ! সারাটা রাত সে ঘুমায় নি বা উঠেও যায়নি। তোরে তাকে ক্লান্ত- শ্রান্ত ও চিন্তিত অবস্থায় দেখা যায়। সারাদিন সে আমাদের সাথে কোন কথাও বলেনি, আমরাও তার সাথে কোন কথা বললাম না।

অতঃপর সে বলল, এবার কি আমরা রওয়ানা হতে পারি? 'আমি বললাম, তোমার নিকট বাহন আছে কি? সে বলল, হ্যাঁ আছে। আমরা রওয়ানা হলাম। টানা দুই রাত পথ চললাম। তৃতীয় রাতে উমাইয়া আমাকে বলল, আবু সুফিয়ান! কথা বলছেন না যে! আমি বললাম, তুমিই তো কথাবার্তা ছেড়ে দিয়েছ। আল্লাহর শপথ! আমি বললাম, তোমার আবার প্রত্যাবর্তন স্থল আছে নাকি হে? সেদিন তুমি তোমার বন্ধুর নিকট থেকে আসা অবধি আমি তোমাকে যেমন দেখছি, তেমনটি তোমাকে আমি কথানো দেখিনি। উমাইয়া বলল, ব্যাপারটির হেতু আপনি নন। আমি আমার প্রত্যাবর্তন স্থল সম্পর্কে ভীত। আল্লাহর শপথ! আমি একদিন মৃত্যুবরণ করব। তারপর আমাকে জীবিত করা হবে। আমি বললাম, তুমি কি আমার আমানত গ্রহণ

করতে পার? উমাইয়া বলল, কোন্ শর্তে আমি আপনার আমানত গ্রহণ করব? আমি বললাম, এই শর্তে যে, পুনরায় উথিত করা হবে না এবং তোমার কোন হিসাব-নিকাশও নেওয়া হবে না। এ কথা শুনে উমাইয়া হেসে দিল এবং বলল, আবু সুফিয়ান! আগরা অবশ্যই পুনরঁথিত হবো। তারপর আমাদের হিসাব-নিকাশ নেওয়া হবে। পরিশেষে একদল জান্নাতে প্রবেশ করবে আর এক দল জাহান্নামে যাবে। আমি বললাম, তা তুমি এই দু'টার কোনটায় যাবে বলে তোমার বন্ধুটি তোমাকে জানালো? উমাইয়া বলল, আমার বন্ধুর এ ব্যাপারে আদৌ কোন জ্ঞান নেই। আমার ব্যাপারে তো নয়ই, তার নিজের ব্যাপারেও নয়।

আবু সুফিয়ান বলেন, এভাবে আমরা আরও দুই রাত ফাটালাম। সে আমাকে আজব-আজব কথা শোনায় আর আমি হেসে খুন হই। এক সময়ে আমরা দামেশকের গোতা অঞ্চলে এসে পৌঁছি। এখানে আমরা আমাদের পণ্য সঞ্চার বিক্রয় করি এবং দুই মাস অবস্থান করি। তারপর রওয়ানা হয়ে আমরা একটি খৃষ্টান পল্লীতে দিয়ে উপনীত হই। সেখানকার লোকেরা উমাইয়াকে দেখে এগিয়ে আসে এবং তাকে উপচৌকনাদি দেয়। উমাইয়া তাদের সাথে তাদের গীর্জায় যায় এবং দুপুরের পরে ফিরে এসে কাপড় পাল্টিয়ে আবার চলে যায়। এইবার সন্ধ্যা রাতের পর ফিরে এসে কাপড় ছেড়ে বিছানায় শুয়ে পড়ে। আল্লাহর শপথ! সারাটা রাত্রি সে একদণ্ড ঘুমাল না। চিন্তিত ও ভারাক্রান্ত মনে এপাশ-ওপাশ করে কাটাল। সে-ও আমাদের সাথে কোন কথা বলল না, আমরাও তার সাথে কথা বললাম না।

অতঃপর সে বলল, এবার আমরা রওয়ানা হই। আমি বললাম, ইচ্ছা হলে চল! আমরা রওয়ানা হলাম। কয়েক রাত কেটে গেল। উমাইয়া তেমনি-ই দুঃখ ভারাক্রান্ত রয়ে গেল। তার পর সে বলল, আবু সুফিয়ান! আসুন, আমরা দ্রুত অঞ্চসুর হয়ে সংগীদের আগে চলে যাই। আমি বললাম, কেন? কোন প্রয়োজন আছে নাকি? সে বল্লো, আছে বৈ কি! তখন আমরা দুইজন সংগীদের পেছনে ফেলে খানিকটা সামনে এগিয়ে গেলাম। এবার উমাইয়া বললো, আচ্ছা, উত্তবা ইবনে রবীয়া সম্পর্কে বলুন তো, তিনি কি অন্যায়-অবিচার এবং বৈধ-অবৈধ বিবেচনা করে চলেন?

আমি বললাম, হ্যাঁ, আল্লাহর শপথ! উমাইয়া বলল, তিনি কি আত্মীয়তা সম্পর্ক বজায় রাখেন এবং বজায় রাখতে আদেশ করেন?

আমি বললাম, হ্যাঁ, আল্লাহর শপথ! উমাইয়া বলল, পিতা-মাতা উভয় দিক থেকেই কি তিনি কুলীন-সমাজে শ্রদ্ধেয় ব্যক্তি? আমি বললাম, হ্যাঁ।

উমাইয়া বলল, আচ্ছা, আপনার জানা মতে কুরাইশ বৎশে তার চাইতে সন্তুষ্ট ব্যক্তি আর কেউ আছেন কি?

আমি বললাম, না, আল্লাহর শপথ! তাঁর চাইতে সন্তুষ্ট আর কেউ আছে বলে আমি জানি না।

উমাইয়া বল্ল, তিনি কি দরিদ্র? আমি বললাম, না। বরং তিনি প্রচুর সম্পদের অধিকারী। উমাইয়া বলল, তাঁর বয়স কত, বলতে পারেন?

আমি বললাম, একশ' পেরিয়ে গেছে। উমাইয়া বলল, আচ্ছা বংশ-মর্যাদা, সম্পদ এবং বয়স কি তাঁকে বিপথগামী করেছে?

আমি বললাম, না, কেন এ সব তাঁকে বিপথগামী করবে? বরং এ সব তাঁর কল্যাণ আরো বৃদ্ধি করেছে। উমাইয়া বল্ল, তা-ই বটে! এখন কি ঘুমাবে? আমি বললাম, হ্যাঁ। তারপর আমি শয়ন করলাম আর উমাইয়া তার সামান-পত্রের নিকট চলে গেল। কিছুক্ষণ বিশ্বামের পর আমরা আবার যাত্রা শুরু করলাম। কিছুদূর অঞ্চলের হয়ে এক স্থানে অবতরণ করে রাতে কাটালাম। তারপর আবার রওয়ানা হলাম। আমরা দুইটি খোরাসানী উটনীতে সওয়ার হয়ে চলতে লাগলাম। আমরা একটি খোলা ময়দানে গিয়ে পৌছলাম। তখন উমাইয়া বলল, উত্তবা ইবনে রবীয়া সম্পর্কে বলুন, তিনি কি অবৈধ কাজ ও জুনুম-অত্যাচার পরিহার করে চলেন? তিনি কি আজীয়তা বজায় রাখেন এবং তা বজায় রাখার জন্য আদেশ করেন?

আমি বললাম, হ্যাঁ, আল্লাহর শপথ! তিনি তা' করেন। উমাইয়া বলল, তিনি কি সম্পদশালী। উমাইয়া বলল, কুরাইশ গোত্রে তার চেয়ে সন্তুষ্ট আর কেউ আছে বলে আপনি জানেন কি? আমি বললাম, না।

উমাইয়া বলল, তাঁর বয়স কত হবে? আমি বললাম, একশ'র উপরে। উমাইয়া বলল, বয়স, বংশ-মর্যাদা এবং সম্পদ তাঁকে বিপথগামী করেছে কি? আমি বললাম, না, আল্লাহর শপথ! এইসব তাঁকে বিপথগামী করেনি।

আমি বললাম, তুমি যা বলতে চাচ্ছ, তা বলে ফেল!

উমাইয়া বলল, আমি যা' বলছি তুমি তা' কারো কাছে তা প্রকাশ করবে না। উত্তবা ইবনে রবীয়ার ব্যাপারে কিছু একটা ঘটতে যাচ্ছে। তারপর সে বলল, আমি এ খৃষ্টান পঞ্জিতকে কয়েকটি কথা জিজ্ঞেস করেছিলাম। তার একটি ছিল এই যে, এই প্রতীক্ষিত নবী সম্পর্কে আপনার অভিমত কি? বললেন, তিনি তো আরবের লোক হবেন। আমি বললাম, তিনি যে আরবের লোক হবেন তা তো আমি জানি। আমার প্রশ্ন হল, তিনি আরবের কোন্ গোত্রের লোক হবেন? ঐ স্বীকৃত পঞ্জিত বললেন, তিনি আরবের হজ্জ তত্ত্বাবধানকারী পরিবারের লোক হবেন। আমি বললাম, হ্যাঁ, আমাদের এমন একটি ঘর আছে, যাকে কেন্দ্র করে আরবরা হজ্জ করে থাকে। এবার পঞ্জিত বললেন, তিনি হবেন কুরায়শ বংশের লোক। এ কথাটি শোনার পর আমি এমন ব্যথিত হয়ে পড়লাম, যেমনটি এর আগে কখনো হইনি। যেন দুনিয়া ও আখিরাতের তাৎক্ষণ্য সাফল্য হাতছাড়া হয়ে গেল। আমি আশা করতাম যে, সেই প্রতীক্ষিত নবী আমিই হবো।

তারপর আমি বললাম, আমাকে লোকটির আরো কিছু বিবরণ দাও! জবাবে সে বললো : যৌবন অতিক্রম করে যখন তিনি প্রৌঢ়ত্বে পদাপর্ণ করবেন, তখন তাঁর প্রথম কাজ হবে এই যে, তিনি অন্যায়-অবিচার এবং হারাম কাজ থেকে বিরত থাকবেন। নিজে আজীয়তার বন্ধন বজায় রাখবেন এবং অন্যদেরকেও তা' বজায় রাখতে আদেশ করবেন। তিনি হবেন পিতা-মাতা উভয় কুল থেকে সন্তুষ্ট, বিস্তুরী, সমাজে সকলের শুন্দার পাত্র। তাঁর বাহিনীর অধিকাংশ হবেন ফেরেশ্তা।

আমি বললাম, তাঁর লক্ষণ কি? তিনি বললেন, ঈসা ইবন মারয়াম (আ)-এর দুনিয়া ত্যাগের পর থেকে সিরিয়ায় এ পর্যন্ত আশিটি ভূমিকম্প ঘটেছে। তার প্রতিটিতে একটি করে বিপদ ছিল। এখনো এমন একটি ব্যাপক ভূমিকম্প অবশিষ্ট আছে, যাতে একাধিক বিপদ থাকবে।

আবু সুফিয়ান বলেন, এই কথা শুনে আমি বললাম, আল্লাহর শপথ! এটা মিথ্যা কথা। আল্লাহ যদি একান্তই রাসূল পাঠান তাহলে বয়ক্ষ ও সন্ত্রাস্ত লোক ছাড়া কাউকেও রাসূল করে পাঠাবেন না। জবাবে উমাইয়া বলল, তুমি যার নামে শপথ করেছ, আমিও তাঁরই নামে শপথ করে বলছি যে, ঘটনাটি এরূপই হবে, হে আবু সুফিয়ান! খৃষ্টান পণ্ডিতের কথা নিঃসন্দেহে সত্য।

এই আলোচনার পর আমরা শুয়ে রাত কাটালাম। অতঃপর তল্লি-তল্লা নিয়ে আবার যাত্রা শুরু করলাম। অগ্রসর হতে হতে যখন আমাদের এবং মক্কার মাঝে মাত্র দুই দিনের পথ বাকী থাকলো, ঠিক এমন সময় পেছন থেকে এক আরোহী এসে আমাদের সঙ্গে মিলিত হল। পরিচয় জিজ্ঞেস করতেই সে বলতে শুরু করল যে, আপনাদের চলে আসার পরক্ষণেই সিরিয়ায় এক ভূমিকম্প হয়ে সব তচ্ছন্দ করে ফেলেছে, ফলে তার অধিবাসীদের উপর নানা রকম মহা বিপদ নেমে এসেছে।

আবু সুফিয়ান বলেন, এ কথা শুনে উমাইয়া আমার কাছে এসে বলল, আবু সুফিয়ান! খৃষ্টান পণ্ডিতের কথাটা তোমার এখন কেমন মনে হচ্ছে?

আমি বললাম, এখন তো আমার মনে হচ্ছে যে, তোমার সংগী তোমাকে যা বলেছিল, সত্যই বলেছে।

আবু সুফিয়ান বলেন, তারপর আমি মক্কা এসে কয়েকদিন সেখানে অবস্থান করে আবার বাণিজ্য উপলক্ষে ইয়ামানে চলে যাই। সেখানে আমি পাঁচ মাস অবস্থান করি। অতঃপর মক্কায় ফিরে আসি। মক্কায় আসার পর লোকেরা আমার ঘরে এসে প্রত্যেকে নিজ নিজ পণ্য সম্পর্কে জিজ্ঞেস করতে শুরু করল। মুহাম্মদ ইবন আব্দুল্লাহও আসলেন। হিন্দ তখন আমার অদূরে বাস্তাদের নিয়ে খেলাধূলা করছিল। মুহাম্মদ এসে আমাকে সালাম দিলেন কুশলাদি জিজ্ঞেস করলেন, এবং আমার সফরের খোঁজখবর নিলেন। কিন্তু তাঁর পণ্যসম্ভার সম্পর্কে কিছুই জিজ্ঞেস করলেন না। তারপর উঠে চলে গেলেন।

আমি তখন হিন্দকে লক্ষ্য করে বললাম, আল্লাহর শপথ! বিষয়টা আমার নিকট অস্তৃত ঠেকছে। কুরায়শের যত লোকের আমার কাছে পণ্য আছে, তারা একে একে প্রত্যেকে নিজ নিজ পণ্যের খোঁজখবর নিল। কিন্তু মুহাম্মদ নিজের পণ্য সম্পর্কে একটি কথাও জিজ্ঞেস করলেন না। জবাবে হিন্দ আমাকে বলল, আপনি কি তার ঘটনা জানেন না? আমি আতঙ্কগ্রস্ত হয়ে জিজ্ঞেস করলাম, কী ঘটনা? জবাবে হিন্দ বলল, সে দাবি করে যে, সে নাকি আল্লাহর রাসূল! সঙ্গে সঙ্গে আমার খৃষ্টান পণ্ডিতের কথাটা মনে পড়ে গেল এবং আমার সমস্ত শরীর শিউরে উঠলো। অবস্থা দেখে হিন্দ আমাকে বলল, তোমার আবার কী হলো? আমি সম্বিধ ফিরে পেলাম এবং বললাম,

তুমি যা বললে। সব মিথ্যা কথা। মুহাম্মদ এত নির্বোধ নয় যে, এ বল্গ কথা বলবে। হিন্দ বলল, আল্লাহর শপথ, অবশ্যই মুহাম্মদ তা' বলছে এবং একথা সীতিমত প্রচার করে বেড়াচ্ছে! এতদিনে তো এই মতের পক্ষে তার বেশ ক'জন সঙ্গী-সাথীও জুটে আয়েছে। আমি বললাম, এইসব বাজে কথা।

আবু সুফিয়ান বলেন, অতঃপর আমি ঘর থেকে বের হয়ে বাইতুল্লাহ তাওয়াফ করতে শুরু করলাম। হঠাৎ মুহাম্মদের সঙ্গে দেখা হয়ে গেল। আমি বললাম, তোমার পণ্য তো এত দামে বিক্রয় হয়েছে। তুমি বেশ লাভবান হয়েছে। লোক পাঠিয়ে টাকাগুলো নিয়ে নও। তবে অন্যদের থেকে যে হারে আমি লভ্যাংশ নিয়েছি, তোমার নিকট থেকে তা নেব না। কিন্তু তিনি তাতে রাজী হলেন না এবং বললেন, তাহলে আমি আমার অংশ গ্রহণই করব না। আমি বললাম, ঠিক আছে, আপনি লোক পাঠিয়ে দিন। আমি অন্যদের নিকট থেকে যে হারে নাভ নিয়েছি, আপনার থেকেও সে হারেই নেবো। এরপর মুহাম্মদ লোক পাঠিয়ে তার টাকা নিয়ে নেন। এবং আমিও তার নিকট থেকে সেই হারে লাভ গ্রহণ করি, যে হারে অন্যদের নিকট থেকে নিয়েছি।

আবু সুফিয়ান বলেন, এই ঘটনার অল্প পরেই আমি ইয়ামানে যাই। তারপর তায়েফ গিয়ে উমাইয়া ইবনে আবুস সালত-এর নিকট যাই। উমাইয়া বলল, হে আবু সুফিয়ান। খৃষ্টান পঞ্চিতের কথাটা কি তোর মনে পড়ে? আমি বললাম, মনে পড়ে বৈ কি? সে ব্যাপারটি তো বাস্তবায়িত হয়ে গিয়েছে। উমাইয়া জিজ্ঞেস করল, কে সেই লোক? আমি বললাম, আবদুল্লাহর পুত্র মুহাম্মদ। উমাইয়া বলল, আবদুল মুতালিব-এর ছেলে আবদুল্লাহর পুত্র? আমি বললাম, হ্যা, তা-ই। এই বলে আমি হিন্দের মুখে শৃঙ্খল ঘটনাটি বিস্তারিত বিবৃত করলাম। শুনে উমাইয়া ঘর্মসিঙ্গ হয়ে গেল এবং বলল, আল্লাহই ভালো জানেন। তারপর সে বলল, হে আবু সুফিয়ান খৃষ্টান পঞ্চিত যে বিবরণ দিয়েছিলেন, যতদূর মনে হয় মুহাম্মদের মধ্যে তার সবই বিদ্যমান। আমার জীবদ্দশায় যদি মুহাম্মদ তাঁর দাবিতে প্রতিষ্ঠিত হয়ে যান তাহলে তার সাহায্য না করার জন্য আমি আল্লাহর নিকট ওয়রখাহী করব।

আবু সুফিয়ান বলেন, অতঃপর আমি পুনরায় ইয়ামান চলে গেলাম। ইয়ামান পৌছামাত্র জানতে পারলাম যে, মুহাম্মদের সংবাদ এখানেও পৌছে গেছে। পুনরায় তায়েফ গিয়ে উমাইয়াকে বললাম, আবু উছমান। মুহাম্মদের সংবাদ তো সর্বত্র ছড়িয়ে পড়েছে। এবার তুমি কী করবে, সিদ্ধান্ত নাও। উমাইয়া বলল, আল্লাহর শপথ! আমি ছাকীয়- গোত্র ব্যতীত অন্য গোত্রের নবীর প্রতি কিছুতেই ঈমান আনব না।

আবু সুফিয়ান বলেন, অতঃপর আমি মুক্তায় চলে আসি। এসে দেখতে পেলাম যে, জনতার হাতে মুহাম্মদের সংগীরা প্রহত ও লাঞ্ছিত হচ্ছে। তা দেখে আমি মনে মনে বলতে লাগলাম, তার ফেরেশতা বাহিনী এখন কোথায় গেল? আমি মনে মনে গর্ব বোধ করলাম।

অপেক্ষাকৃত সংক্ষেপে বর্ণনাটি ‘বায়হাকীর কিতাবুদ দালাইল’-ও বর্ণিত হয়েছে, তাবারানীর অন্য এক বর্ণনায় আবু সুফিয়ান ও উমাইয়া ইবনে আবুস্মালত-এর কথোপকথনে অতিরিক্ত আছে :

উমাইয়া বলল, আমি আমার কাছে রক্ষিত বিভিন্ন কিতাবে পড়েছি যে, আমাদের এ কক্ষরময় অঞ্চল থেকে একজন নবী প্রেরিত হবেন। ফলে আমি ধারণা করতাম, বরং আমার দৃঢ় বিশ্বাসই ছিল যে, আমিই হবো সেই ব্যক্তি। কিন্তু পরে বিভিন্ন পণ্ডিতের সঙ্গে আলাপ-আলোচনা করে জানতে পারলাম যে, তিনি হবেন আবদে মানাফের বংশের লোক। চিন্তা-ভাবনা করে আমি আবদে মানাফের বংশে উত্তীর্ণ হবেন রবীয়া ছাড়া আর কাউকে এর উপযুক্ত বলে খুঁজে পেলাম না। কিন্তু আপনার মুখে তাঁর বয়সের কথা শুনে বুঝতে পারলাম যে, তিনিও সেই ব্যক্তি নন। কারণ, তিনি অনেক আগেই চল্লিশ পেরিয়ে গেছেন, অথচ তাঁর প্রতি ওহী নাযিল হয়নি।

আবু সুফিয়ান বলেন, এর কিছুদিন পর রাসূলুল্লাহ (সা)-এর ধ্রুতি ওহী অবতীর্ণ হয়। আমি কুরাইশের এক বণিক কাফেলার সঙ্গে ইয়ামানের উদ্দেশ্যে রওয়ানা হলাম। পথে উমাইয়ার সাথে দেখা হলে উপহাস করে তাকে বললাম, উমাইয়া! তুমি যে নবীর কথা বলতে, তার আবির্ভাব তো ঘটে গেছে। উমাইয়া বলল, তিনি অবশ্যই সত্য নবী, তুমি তার অনুসারী হয়ে যাও! আমি বললাম, তার অনুগামী হতে তোমাকে কে বাধা দেয়? উমাইয়া বলল, আমাকে শুধু ছাকীফ গোত্রের নারীদের লজ্জা দেওয়ার ভয়ই বাধা দিচ্ছে। তাদের কাছে আমি বলে বেড়াতাম যে, আমিই হবো সেই ব্যক্তি। এখন যদি তারা আমাকে আবদে মানাফের গোত্রের এক নবীর অনুসরণ করতে দেখে তবে তারা আমাকে লজ্জা দিবে। উমাইয়া বলল : আমি যেন দিব্য দেখতে পাচ্ছি, হে আবু সুফিয়ান! তুমি তার বিরোধিতা করছো। তারপর ছাগল ছানার মত রঞ্জুবন্দ অবস্থায় তুমি তার নিকট নীত হচ্ছো। আর তিনি তোমার ব্যাপারে তাঁর ইচ্ছামত ফয়সালা দিচ্ছেন।

আবদুর রায়াক কালৰী থেকে বর্ণনা করেন যে, কালৰী বলেন, উমাইয়া একদিন শুয়ে ছিল। সঙ্গে তার নিজের দুই কন্যা। হঠাৎ তাদের একজন ভয়ে চীৎকার করে উঠল। চীৎকার শুনে উমাইয়া জিজ্ঞেস করল, কী ব্যাপার, তোমার কি হয়েছে? কন্যাটি বলল, আমি দেখলাম, দুটি শকুন ঘরের ছাদ ফাঁক করে ফেলল এবং একটি শকুন আপনার কাছে এসে আপনার পেট ঢি঱ে ফেলল। অপরটি ঘরের চালের ওপর দাঁড়িয়ে ছিল। চালের উপরের শকুনটি নিচেরটিকে ডাক দিয়ে জিজ্ঞেস করল, সে কি স্মৃতিশক্তিসম্পন্ন? অপরটি বলল, হ্যাঁ। প্রথমটি আবার জিজ্ঞেস করল, সে কি তীক্ষ্ণধী? অপরটি বলল, না। এ ঘটনা শুনে উমাইয়া বলল, তোমাদের পিতার কল্যাণই কামনা করা হয়েছে।

ইসহাক ইবনে বিশর সাঈদ ইবন মুসায়্যাব থেকেও বর্ণনাটি উদ্ধৃত করেছেন। সাঈদ ইবনে মুস্যায়াব (র) বলেন, যক্তা বিজয়ের পর উমাইয়া ইবন আবুস সালত এর বোন ফারিআ একদিন রাসূলুল্লাহ (সা)-এর নিকট আগমন করে। ফারিআ ছিলেন অত্যন্ত বুদ্ধিমতী ও সুন্দরী। রাসূলুল্লাহ (সা) তাঁকে খুব পছন্দ করতেন। একদিন তিনি তাঁকে বললেন, ফারিআ! তোমার ভাইয়ের কোনো কবিতা কি তোমার শ্রবণ আছে? ফারিআ বললেন, জী হ্যাঁ, আছে বৈকি। তবে আমার দেখা একটি ঘটনা তার চেয়েও বিশ্বাস্যকর। ঘটনাটি হলো এই যে, আমার ভাই একবার সফরে গিয়েছিলেন। সফর থেকে ফিরে এসে আমার কাছে আসেন এবং আমার খাটে শয়ন করেন। আমি তখন একটি চামড়ার পশম খসাচ্ছিলাম। হঠাৎ দেখতে পেলাম যে, সাদা রঙের দু'টি পাখি অথবা পাখির দু'টি প্রাণী এগিয়ে আসে এবং দু'টির একটি জানালার ওপর বসল আর অপরটি আমার ভাইয়ের গায়ে এসে পড়লো। এবং তার বুক থেকে নাভির নিচ পর্যন্ত চিরে ফেলল। তারপর তার পেটে হাত ঢুকিয়ে তার হৃৎপিণ্ড বের করে হাতে নিয়ে তার স্ত্রাণ নিল। তখন অপরটি জিজেস করল, ওকি স্মৃতিশক্তি সম্পন্ন? জবাবে দ্বিতীয়টি বলল, হ্যাঁ। আবার জিজেস করল, ওকি তীক্ষ্ণবী? বলল, না। তারপর হৃৎপিণ্ডটি যথাস্থানে রেখে দিল। পরক্ষণে পলকের মধ্যে জখম শুকিয়ে গেল। প্রাণী দু'টি চলে যাওয়ার পর আমি আমার ভাইয়ের কাছে গিয়ে তাকে নাড়া দিয়ে জিজেস করলাম, আপনি কি ব্যথা অনুভব করছেন? তিনি বললেন, না। কেবল শরীরটা একটু দুর্বল লাগছে। অথচ ঘটনা দেখেই আমি ভয় পেয়ে গিয়েছিলাম। তখন ভাই বললেন, কি ব্যাপার, তুমি কাঁপছো কেন? ফারিআ বলেন, তখন আমি তাকে ঘটনাটি বিবৃত করলাম। শুনে ভাই বললেন, আমার কল্যাণই কামনা করা হয়েছে। তারপর তিনি আমার নিকট থেকে চলে গেলেন এবং নিম্নোক্ত পঞ্জিঙ্গলো আবৃত্তি করেন।

بَاتَتْ مُوْ مِيْ تَسْرِي طَوَارِقُهَا - أَكَفُ عَيْنِيْ وَالدَّمْعُ سَابِقُهَا  
 مِمَّا أَتَانِيْ مِنَ الْيَقِيْنِ وَلَمْ - أُوْثَ بِرَأَةً يَقْصُ نَاطِقُهَا  
 أَمْ مِنْ تَلَظِيْ عَلَيْهِ وَأَقْدَهُ النَّ - ارْ مُحِيطُ بِهِمْ سُرَادِقُهَا  
 أَمْ أَسْكُنُ الْجَنَّةَ الَّتِيْ وُعِدَ الْأَ-بْرَارِ مَصْفُوفَةً نَمَارِقُهَا  
 لَا يَسْتَوِي الْمَتْزِلَانِ شَمْ وَلَا - عَمَالُ لَا تَسْتَوِي طَرَائِقُهَا  
 هُمَا فَرِيقَانِ فِرْقَةُ تَدْخُلُ - لِجَنَّةٍ حَفَّتْ بِهِمْ حَلَادِيْقُهَا  
 وَفِرْقَةُ مِنْهُمْ قَدْ أَدْخَلَتِ النَّ - ارْ فَسَاءَ تَهُمْ مُرَافِقُهَا  
 تَعَاهَدَتْ هَذِهِ الْقُلُوبُ إِذَا - هَمَّتْ بِخَيْرٍ عَاقَتْ عَوَانِقُهَا

وَصَدَّهَا لِلشَّفَاءِ عَنْ طَلْبِ الْأَلْ - جَنَّةُ دِنِيَا اللَّهُ مَاحِقُّهَا  
عَبْدُ دُعَ اَنْفُسَهُ فَعَاتَبَهَا - يَعْلَمُ أَنَّ الْبَصَرَ رَأِمْقُّهَا  
مَارَغَبَ النَّفْسَ فِي الْحَيَاةِ وَأَنَّ - تَحْيِي قَلِيلًاً فَالْمَوْتُ لَأَحِقُّهَا  
يُوْشِكُ مَنْ فَرَّ مِنْ مَنِيَّتِهِ - يَوْمًا عَلَى غَرَّةٍ يُوَاقِفُهَا  
إِنْ لَمْ تَمْتُ غِبْطَةً تَمْتُ هَرَمًا - لِلْمَوْتِ كَأسٌ وَالْمَرءُ ذَائِقُهَا

— দুশ্চিন্তা আমাকে আচ্ছন্ন করে ফেলেছে। আমি আমার চক্ষুকে সংবরণ করতে চেষ্টা করি ঠিক, কিন্তু অশ্ব তার আগেই ঘরে পড়ে। কারণ, আমার নিকট মৃত্যুর পরোয়ানা এসে গেছে। অথচ, আমাকে এমন কোন মুক্তির ঘোষণা দেয়া হয়নি, যা ভাষ্যকার বর্ণনা করে শোনাবে।

আমি অবগত নই যে, আমি কি ঐ ব্যক্তির মত হব, যার ওপর অগ্নি প্রজ্বলিত করা হবে এবং আগুন তাকে বেষ্টন করে রাখবে।

নাকি আমি সেই জান্নাতে স্থান পাব, যার প্রতিশৃঙ্খল দেয়া হয়েছে সৎকর্মশীলদেরকে, যার বালিশগুলো সাজানো থাকবে সারি সারি করে।

ঐ আবাস দু'টো সমান নয়, এক নয় কর্মের ধারাও। তারা দল হবে দু'টি। একটি প্রবেশ করবে জান্নাতে, যা বেষ্টিত থাকবে বাগ-বাগিচা দ্বারা। অপর দলকে প্রবেশ করানো হবে জাহানামে। তার সব সামগ্রী হবে তাদের জন্য অকল্যাণকর।

এই হৃদয়গুলো যেন প্রতিশ্রুতিবদ্ধ হয়েছে যে, যখনই এগুলো কোন কল্যাণের সংকল্প করবে, বিপদাপদ তার পথে প্রতিবন্ধকতা সৃষ্টি করবে। আর দুর্ভাগ্যবশত জান্নাতের অনুসন্ধান থেকে বিরত রাখবে সে দুনিয়া, যাকে আল্লাহ নিশ্চিহ্ন করে দেবেন।

এক ব্যক্তি নিজেকে ভর্তসনা করেছে। কারণ, সে জানে যে, সর্বদ্বষ্টা (আল্লাহ) তাকে অবলোকন করছেন। সে নিজেকে আজীবন বেঁচে থাকার প্রতি উৎসাহিত করেনি। অন্ত ক'দিন বেঁচে থাকলেও একদিন তাকে মৃত্যুর মুখোমুখি হতেই হবে।

যে ব্যক্তি মৃত্যু থেকে পলায়ন করবে, হঠাত একদিন মৃত্যু তার সামনে এসে দাঁড়াবেই।

যৌবনে মৃত্যু না হলে বার্ধক্যে হবে অবশ্যই। মৃত্যু একটি পেয়ালা। মানুষ তার স্বাদ আস্বাদনকারী। বর্ণনাকারী বলেন, তারপর উমাইয়া নিজ অঞ্চলে ফিরে যায়।

সংবাদ পেয়ে আমি তার নিকট গিয়ে দেখলাম, সে মৃত্যুশয্যায় শায়িত। সমস্ত শরীর কাপড় দিয়ে ঢাকা। আমি তার কাছে গিয়ে বসলাম। আমাকে দেখে সে ফুঁপিয়ে কেঁদে উঠে এবং বিক্ষরিত নয়নে ঘরের ছাদের দিকে তাকিয়ে উচ্ছবদে বলে উঠে :

لَبَيْكُمَا لَبَيْكُمَا هَا أَنَا ذَا لَدِيْكُمَا - لَا نُوْمَالٍ فَيُفَدِّيْنِي وَلَا نُوْأَهْلٍ فَتُحْمِيْنِي

আমি হাজির, আমি তোমাদের সামনে হাজির। এমন কোন বিস্তবান নেই, যে পণ দিয়ে আমাকে মুক্ত করবে, আমার আপনজন কেউ নেই, যে আমাকে রক্ষা করবে!

—তারপর সে অজ্ঞান হয়ে পড়ল। কিছুক্ষণ পর জ্ঞান ফিরে পেয়ে আবার ফুঁপিয়ে কাঁদতে শুরু করল। অবস্থা দেখে আমি বললাম, লোকটি তো শেষ হয়ে গেল। তারপর সে আবার বিস্ফারিত নয়নে ওপর দিকে তাকিয়ে উচ্চঃস্বরে বলল :

لَبَيْكُمَا لَبَيْكُمَا هَا أَنَا ذَا لَدِيْكُمَا - لَا نُوْبَرَاءَةٍ فَاعْتَذِرَ وَلَا نُوْعَشِيرَةٍ فَانْتَصِرْ

—হাজির, আমি তোমাদের সামনে হাজির। ক্ষমা করার কেউ নেই যে, আমি তার কাছে ক্ষমা প্রার্থনা করব, এমন কোন আত্মীয়-স্বজন নেই, যার সাহায্যে আমি আত্মরক্ষা করতে পারিঃ

এই বলে আবার সে জ্ঞান হারিয়ে ফেলল। কিছুক্ষণ পর জ্ঞান ফিরে পেয়ে বিস্ফারিত নয়নে ওপর দিকে দৃষ্টিপাত করে আবার বলল :

لَبَيْكُمَا لَبَيْكُمَا هَا أَنَا ذَا لَدِيْكُمَا - بِالنِّعَمِ مَحْفُودٌ وَبِالذُّنُوبِ مَحْصُودٌ

হাজির আমি, তোমাদের সামনে হাজির। বিস্ত-বৈভূত থাকলে মানুষ সেবা পায়। আর পাপের পরিণতিতে ধ্বংস হয়।

এরপর আবার সে বেহশ হয়ে পড়ে। হঁশ ফিরে পেয়ে বলল :

لَبَيْكُمَا لَبَيْكُمَا هَا أَنَا ذَا لَدِيْكُمَا - إِنْ تَغْسِيرِ اللَّهُمَّ تَغْفِرْ جَمًا - وَأَيِّ عَبْدٌ لَا أَلْمَأِ

হাজির আমি, তোমাদের সামনে হাজির! ক্ষমাই যদি কর আল্লাহ! অপরাধই ক্ষমা করে দাও। তোমার কোন বান্দাই তো অপরাধমুক্ত নয়! এই বলে আবার সে জ্ঞান হারিয়ে ফেলল। কিছুক্ষণ পর জ্ঞান ফিরে এলে ফুঁপিয়ে কেঁদে উঠে বলল;

كُلُّ عَيْشٍ وَإِنْ تَطَاوَلَ دَهْرًا - صَائِرٌ مَرَأَةٌ إِلَى أَنْ يَزُوْلَ

সকল আরাম-আয়েশ, ভোগ-বিলাস তা যতই দীর্ঘস্থায়ী হোক, একদিন না একদিন তা নিঃশেষ হবেই।

لِيَتَنِي كُنْتُ قَبْلًا قَدْ بَدَالِي - فِي قِلَالِ الْجِبَالِ أَرْعَى الْوَعْوَلَأْ

হায়, আমার এই শোচনীয় অবস্থা সৃষ্টির আগে যদি আমি পাহাড় চূড়ায় গিয়ে ছাগল চরাতাম!

ফারিআ বলেন, এরপর আমার ভাই মৃত্যুবরণ করেন। ঘটনা শুনে রাসূলুল্লাহ (সা) বললেন :

يَا فَارِعَةٍ إِنْ مِثْلَ أَخِيكَ كَمَثْلِ الدُّنْيَا إِتَاهُ اللَّهُ أَيَّاتِهِ فَإِنْسَانٌ مِنْهَا

—ফারিআ! তোমার ভাইয়ের দৃষ্টান্ত সেই ব্যক্তির ন্যায়, যাকে আল্লাহ তার নিদর্শন দিয়ে দিয়েছেন; কিন্তু সেসব দেশে সে তা বর্জন করে। খান্তাবী এই বর্ণনাটিকে গরীব পর্যায়ের বলে উল্লেখ করেছেন।

হাফিজ ইবনে আসাকির যুহরী থেকে বর্ণনা করেন যে, যুহরী বলেন, উমাইয়া ইবনে আবুস্সালত একবার বলেছিল :

أَلَا رَسُولُ لَنَا مِنَّا يُخْبِرُنَا - مَا بَعْدَ غَيَّبَنَا مِنْ رَأْسِ مَجْرَانَا

— আমাদেরই মধ্য হতে আমাদের এমন একজন রাসূল আছেন, যিনি আমাদেরকে সবকিছুর আনুপূর্বিক সংবাদ প্রদান করেন।

তারপর উমাইয়া বাহরাইন চলে যায়। এ সময়ে রাসূলুল্লাহ (সা) নবুওত প্রাপ্ত হন। উমাইয়া বাহরাইনে আট বছর অবস্থান করে, তারপর সে তায়েফ চলে আসে। এসে তায়েফবাসীদেরকে জিজ্ঞেস করে যে, আবদুল্লাহর পুত্র মুহাম্মদ কী বলে? লোকেরা বলল, মুহাম্মদ দাবী করছে যে, সেই নাকি সেই, যা হওয়ার কামনা তুমি করতে।

যুহরী বলেন, এ কথা শুনে উমাইয়া মকায় চলে আসে এবং নবী করীম (সা)-এর সঙ্গে সাক্ষাৎ করে বলে, হে আবদুল মুতালিবের পৌত্র! এসব তুমি কী বলছ? নবী করীম (সা) বললেন, আমি বলছি যে, আমি আল্লাহর রাসূল আর আল্লাহ ব্যতীত কোন ইলাহ নেই। উমাইয়া বলল, আমি তোমার সঙ্গে কথা বলতে চাই, আগামী দিন সময় দাও! জবাবে তিনি বললেন, ঠিক আছে, আগামীকালই কথা হবে। উমাইয়া বলল, হয়ত আমিও একা আসব, তুমিও একা আসবে। অথবা আমি আমার দলবল নিয়ে আসব, তুমিও তোমার দলবল নিয়ে আসবে; কোন্টা তোমার পছন্দ? নবী করীম (সা) বললেন, তোমার যেমন খুশী। উমাইয়া বলল, ঠিক আছে, আমি আমার দলবল নিয়েই আসব, তুমিও তোমার দলবল নিয়ে এসো!

পরদিন উমাইয়া কুরায়শ বংশীয় একদল লোক নিয়ে এবং রাসূলুল্লাহ (সা)-ও কতিপয় সাহাবা সঙ্গে নিয়ে সমবেত হন এবং সকলে কা'বার ছায়ায় বসেন।

বর্ণনাকারী বলেন, প্রথমে উমাইয়া তার বক্তব্য পেশ করে এবং স্বরচিত করিতা শুনায়। আবৃত্তি শেষ করে সে বলল, হে আবদুল মুতালিবের পৌত্র! এবার তুমি আমার জবাব দাও! রাসূলুল্লাহ (সা) বললেন :

بِسْمِ اللَّهِ الرَّحْمَنِ الرَّحِيمِ - يَسِنْ وَالْقُرْآنُ الْحَكِيمُ

তাঁর তিলাওয়াত শেষ হলে উমাইয়া তার দু'পা টেনে ছুটে পালাতে শুরু করল। তার সঙ্গী কুরাইশীরাও তার অনুসরণ করল। তারা জানতে ঢাইল, উমাইয়া! তোমার মতামত কী? উমাইয়া বলল, আমি সাক্ষ্য দিচ্ছি যে, মুহাম্মদ সত্যের ওপর প্রতিষ্ঠিত। সঙ্গীরা জিজ্ঞাসা করল, তবে কি তুমি তার অনুসারী হয়ে যাবে? উমাইয়া বলল, আমি একটু চিন্তা-ভাবনা করে দেখি!

বর্ণনাকারী বলেন, তারপর উমাইয়া সিরিয়ায় চলে যায় এবং রাসূলুল্লাহ (সা) মদীনায় হিজরত করেন। বদর যুদ্ধের পর উমাইয়া সিরিয়া থেকে ফিরে এসে বদর প্রান্তরে অবতরণ করে। পরে রাসূল (সা)-এর নিকট যেতে উদ্যত হলে একজন তাকে লক্ষ্য করে বলল, আবুস সালত! তুমি কি করতে যাচ্ছো? উমাইয়া বলল, যাচ্ছি মুহাম্মদের সঙ্গে দেখা করতে। লোকটি জিজ্ঞাসা করল, মুহাম্মদের কাছে তুমি কি করবে? উমাইয়া বলল, তাঁর প্রতি আমি ঈমান আনব এবং সব ক্ষমতা তার হাতে ছেড়ে দিব। লোকটি বলল, তুমি কি জানো, বদরের এই কৃপে যারা আছে, তারা কারা? উমাইয়া বলল, না, তা তো বলতে পারি না। লোকটি বলল, তোমার দুই মামাঁতো ভাই উত্তো ইবনে রবীয়া ও শায়বা ইবনে রবীয়া। আর তাদের মা রবীয়া বিনতে আবদে শামস।

বর্ণনাকারী বলেন, এ সংবাদ শোনামাত্র উমাইয়া তার উষ্ণীর উভয় কান ও লেজ কেটে ফেলল। তারপর কুপের পাড়ে দাঁড়িয়ে স্বরচিত কবিতা আবৃত্তি করল। সঙ্গে সঙ্গে সে মুক্তি হয়ে তায়েফ চলে গেল এবং ইসলাম গ্রহণের পরিকল্পনা ত্যাগ করল। সে কবিতাটির প্রথম পংক্তিটি ছিল :

مَاذَا بِبَدْرٍ فَالْعَقْنُ - قَلْ مِنْ مَرَازِبَةِ جَحَاجِعٍ .

গোটা কবিতাটির বদর যুদ্ধের বর্ণনায় উল্লেখিত হবে। ইমাম যুহরী অতঃপর দুই পার্থির ঘটনা, এবং উমাইয়ার মৃত্যুর কাহিনী বর্ণনা করেন, যা ইতিপূর্বেই বিবৃত হয়েছে। মৃত্যুকালে উমাইয়া যে কবিতাগুলি আবৃত্তি করেছিল, তা-ও তিনি উল্লেখ করেছেন। তাহলো :

كُلُّ عَيْشٍ وَإِنْ تَطَافَلْ دَهْرًا - صَائِرٌ مَرَأَةٌ إِلَى أَنْ تَزُوْلًا  
لَيْتَنِي كُنْتُ قَبْلَ مَا قَدْ بَدَأْتِي - فِي قِلَالِ الْجِبَالِ أَرْعَى الْوَعْوَلَةِ  
فَاجْعَلِ الْمَوْتَ نَصْبٌ عَيْنِكَ وَاحْذَرْ - غَوْلَةَ الدَّهْرِ إِنَّ لِلدَّهْرِ غَوْلًا  
نَائِلًا ظَفَرَهَا الْفَأْرَ وَالصَّدِ - عَانُ وَالْطَّفْلُ فِي الْمَنَارِ الشِّكَيْلَا  
وَبُغَاثُ الْبَيَافِ وَالْبَعْفَرِ النَّا - فِرْ وَالْعَوْهَجُ الْبَرَامَ الضَّيْلَا

সব আরাম-আয়েশ-যতই তা দীর্ঘস্থায়ী হোক, একদিন না একদিন নিঃশেষ হবেই। হায়, আমার এই দশা সৃষ্টি হওয়ার আগেই যদি আমি পর্বত চূড়ায় গিয়ে ছাগল চরাতাম! অতঃএব

মৃত্যুই হোক তোমার দু'চোখের লক্ষ্য। আর যুগের করাল ফ্রাস থেকে তুমি নিজেকে রক্ষা করে চল। মনে রেখ, সিংহই হোক বা শাড়ই হোক, পাহাড়ের ছুড়ায় অবস্থানকারী পাখিটি হোক কিংবা হরিণই হোক, অথবা উটপাখীর শাবকটি হোক, ছোট বড় কোনো কিছুই মৃত্যুর হাত থেকে রক্ষা পায় না। ছোটকে ছোট বলে এবং বড়কে বড় বলেও মৃত্যু রেহাই দেয় না। খাতুবী এই বর্ণনাকে গরীব পর্যায়ের বলে উল্লেখ করেছেন।

সুহায়লী তাঁর ‘আত- তা’রীফ ওয়াল ই‘লাম’ গ্রন্থে লিখেছেন যে, উমাইয়া ইবনে আবুস্‌ সালত-ই প্রথম ব্যক্তি, যে (بِسْمِ اللَّهِ) বলেছিল।

এ প্রসংগে তিনি একটি আশ্চর্য কাহিনী বর্ণনা করেন। কাহিনীটি হলো, কুরাইশের একদল লোকসহ উমাইয়া একবার সফরে বের হয়। আবু সুফিয়ানের পিতা হারব ইবন উমাইয়াও তাদের সঙ্গে ছিল। পথে এক জায়গায় একটি সাপ দেখতে পেয়ে সাপাটিকে তারা মেরে ফেলে। যখন সন্ধ্যা হলো, তখন একটি মহিলা জিন এসে সাপ হত্যা করার কারণে তাদেরকে ভর্তসনা করে। তার হাতে ছিল একটি লাঠি। লাঠিটি দ্বারা সে সজারে মাটিতে ঝুঁটি আঘাত করে। ফলে, কাফেলার উটগুলো এদিক-ওদিক ছুটাছুটি করতে শুরু করে। জিনটি চলে যায়। কাফেলার লোকেরা চতুর্দিক খোঝাখোঝি করে কোথাও মহিলাটিকে পেল না। কিন্তু খানিক পরে আবারো মহিলাটি এসে পুনরায় লাঠি দ্বারা মাটিতে আঘাত করে সঙ্গে সঙ্গে উধাও হয়ে যায়। উটগুলো এদিক-ওদিক ছুটাছুটি করতে শুরু করে। এবার মহিলাকে খোঝাখোঝি করে ক্লান্ত হয়ে লোকেরা উমাইয়াকে জিজ্ঞাসা করে যে, এ বিপদ থেকে রেহাই পাওয়ার মত কোন বুদ্ধি কি আপনার আছে? উমাইয়া বলল, আমি তো কোন বুদ্ধি দেখছি না। তবে চিন্তা করে দেখি, কী করা যায়।

অতঃপর তারা সে মহল্লায় ঘুরে-ফিরে দেখল যে, এমন কাউকে পাওয়া যায় কি না যার কাছে এ ব্যাপারে পরামর্শ নেওয়া যায়। হঠাৎ তারা বেশ দূরে আগুন দেখতে পায়। কাছে গিয়ে দেখল, একটি তাঁবুর দরজায় এক বৃক্ষ লোক আগুন জুলিয়ে রেখেছে। আরো কাছে গিয়ে দেখতে পেল, আসলে সে ভয়ঙ্কর আকৃতির এক জিন। তারা তাকে সালাম করে তাদের সমস্যার কথা জানালো। জবাবে সে বলল, মহিলা জিনটি তোমাদের কাছে আবার আসলে বলবে। জিনটি (بِسْمِ اللَّهِ) দেখবে সে পালিয়ে কুল পাবে না। এরপর লোকেরা আবার একত্রিত হলো। মহিলা জিনটি তৃতীয়বার মতান্তরে চতুর্থবারের মত আবারো তাদের কাছে আসল। সঙ্গে সঙ্গে উমাইয়া ইবনে আবুস্‌ সালত তার মুখের উপর বলে ফেলল, মহিলা (بِسْمِ اللَّهِ) জিনটি তখন সত্যি সত্যি ছুটে পালালো। একটুও দাঢ়ালো না। তবে জিনেরা সাপ হত্যার দায়ে হারব ইবনে উমাইয়ার উপর চড়াও হয়ে তাকে হত্যা করে ফেলে, তার সঙ্গীরা জনমানবহীন সে অঞ্চলেই তাকে কবর দিয়ে আসে। এ প্রসঙ্গই জিনরা বলে বেড়াত :

وَقَبْرُ حَرْبٍ بِمَكَانِ قَفْرٍ - وَلَيْسَ قُرْبَ قَبْرٍ حَرْبٌ قَبْرٌ

—“হারবের সমাধি জনমানবহীন এক মরহুমিতে অবস্থিত। হারবের কবরের কাছে আর কোন কবর নেই।”

কেউ কেউ বলেন, উমাইয়া ইবনে আবুস্ সালত মাঝে-মধ্যে পশ-পাখিদের ভাষা নিয়ে গবেষণা করত। চলার পথে কোন পাখির ডাক শুনতে পেলে সাথীদেরকে বলত, দেখ এই পাখিটি এই এই বলছে। সাথীরা বলত, হতে পারে; তবে আমরা এর সত্যাসত্য কিছুই বুঝতে পারছি না। একদিন সে একটি বকরীর পালের নিকট দিয়ে অতিক্রম করছিল। পালের একটি বকরী বাচ্চাসহ বিচ্ছিন্ন হয়ে পড়েছিল। সেই বকরীটি তার বাচ্চার দিকে তাকিয়ে ভ্যাং শব্দ করল, যেন বকরীটি দ্রুত পালের সঙ্গে মিশে যাওয়ার জন্য বাচ্চাকে উদ্বৃন্দ করছে। শুনে উমাইয়া সাথীদেরকে বলল, তোমরা কি বুঝতে পারছ যে, বকরীটি কী বলছে? তারা বলল, না, আমরা তো কিছুই বুঝতে পারছি না। উমাইয়া বলল, বকরীটি তার বাচ্চাকে বলছে, তুমি আমাদের সঙ্গে দ্রুত দৌড়াও। অন্যথায় নেকড়ে এসে নির্ঘাত তোমাকে খেয়ে ফেলবে, যেমনটি গত বছর তোমার ভাইকে খেয়ে ফেলেছিল।

উমাইয়ার এ ব্যাখ্যা শুনে কাফেলার লোকেরা রাখালের কাছে গিয়ে জিজ্ঞেস করল, গত বছর কি কোন নেকড়ে অমুক জায়গায় তোমার কোন ছাগল ছানাকে খেয়েছিল? রাখাল বলল, হ্যাঁ।

বর্ণনাকারী বলেন, আরেকদিন উমাইয়া একটি উট দেখতে পেল। উটের পিঠে সওয়ার ছিল এক মহিলা। উটটি মহিলার দিকে মাথা তুলে শব্দ করছিল। শুনে উমাইয়া বলল, উটটি মহিলাকে বলছে যে, তুমি তো আমার পিঠে সওয়ার হয়েছ, কিন্তু তোমার হাওদায় একটি সুই আছে। ফলে উমাইয়ার সঙ্গীরা মহিলাকে উটের পিঠ থেকে নামিয়ে হাওদা খুলে দেখতে পেল, ঠিকই একটি সুই পড়ে আছে।

ইবনুস্ সাকীত বলেন, উমাইয়া ইবনে আবুস্ সালত একদিন পানি পান করছিল। ঠিক এ সময়ে একটি কাক এসে কা কা করে ডেকে উঠে। শুনে উমাইয়া বলল, তোর মুখে মাটি পড়ুক কথাটি সে দু'বার বলল। জিজ্ঞাসা করা হল, কেন, কাকটি কী বলছে? উমাইয়া বলল, কাকটি বলছে, তুমি তোমার হাতের পেয়ালার পানিটুকু পান করা মাত্রই মারা যাবে। অতঃপর কাকটি আবারো কা কা করে উঠল। উমাইয়া বলল, কাকটি বলছে যে, এর প্রমাণ হলো, আমি এই আবর্জনা স্তুপে নেমে সেখান থেকে কিছু খাব, আর গলায় হাড়ি আটকে যাবে। ফলে আমি মারা যাব। এই বলে কাকটি আবর্জনা স্তুপে নেমে কিছু একটা খেল এবং গলায় হাড়ি আটকে সত্যি সত্যি সঙ্গে সঙ্গে মারা গেল। ঘটনা দেখে উমাইয়া বলল, কাকটি নিজের বেলায় যা বলেছে, তা তো সত্য বলে প্রমাণিত হলো। এইবার দেখি, আমার ব্যাপারে যা বলেছে, তা সত্য কিনা। এই বলে সে হাতের পেয়ালার পানিটুকু খেয়ে ফেলে হেলান দিয়ে বসল আর সত্যি সত্যি মৃত্যুর কোলে ঢলে পড়ল।

বুখারী শরীফে হযরত আবু হুরায়রা (রা) থেকে বর্ণিত আছে যে, রাসূলুল্লাহ (সা) বলেছেন :

إِنَّ أَصْدِقَ كَلْمَةَ قَالَهَا شَاعِرٌ كَلْمَةُ لَبِيْدٍ : أَلَا كُلُّ شَيْءٍ مَا خَلَّا اللَّهُ بِأَطْلَعْنَاهُ - وَكَادَ أُمِيَّةُ ابْنِ أَبِي الصَّلَتِ أَنْ يُسْلِمَ

“কবিদের উক্তিসমূহের মধ্যে লাবীদের একটি উক্তিই সর্বাধিক সঠিক। লাবীদ বলেছিল, আল্লাহ ছাড়া যা কিছু আছে সবই মিথ্যা।” আর উমাইয়া ইবনে আবুস সালত মুসলিমান হওয়ার উপক্রম হয়েছিল।

ইমাম আহমদ (র) বর্ণনা করেন যে, শারীদ বলেন, আমি একদিন রাসূলুল্লাহ (সা)-এর পেছনে সওয়ার ছিলাম। এক পর্যায়ে তিনি আমাকে জিজ্ঞাসা করলেন, তোমার কি উমাইয়া ইবনে আবুস সালতের কোন কবিতা জানা আছে? আমি বললাম, হ্যাঁ, আছে। নবী করীম (সা) বললেন, তা' হলে তা' আবৃত্তি কর। আমি একে একে অন্ততঃ একশটি পংক্তি তাঁকে আবৃত্তি করে শুনালাম। অবশ্যে তিনি আর কিছু বললেন না, আমিও থেমে গেলাম। ইমাম মুসলিমেরও অনুকরণ একটি বর্ণনা রয়েছে। কোন কোন বর্ণনায় আছে যে, উমাইয়ার কবিতা শুনে নবী করীম (সা) বলতেন, আসলে তো সে ইসলাম গ্রহণের কাছাকাছি পৌছে গিয়েছিল।

ইয়াহাইয়া ইবনে মুহাম্মদ বর্ণনা করেন যে, শারীদ হামদানী যার মাতৃলগ্ন ছাকীফ গোত্রীয় তিনি বলেছেন, রাসূলুল্লাহ (সা)-এর সঙ্গে আমরা বিদায় হজ্জের উদ্দেশ্যে রওয়ানা হলাম। আমি হেঁটে অগ্রসর হচ্ছি। হঠাৎ পেছনে উটের শব্দ শুনতে পেলাম। তাকিয়ে দেখি রাসূলুল্লাহ (সা) আসছেন। তিনি বললেন, কে, শারীদ? আমি বললাম, জী হ্যাঁ, আমি শারীদ। নবী করীম (সা) বললেন, আমি কি তোমাকে আমার উটের পিঠে তুলে নেব? আমি বললাম, জী হ্যাঁ, তবে ক্লিন্টির দরকন নয়, বরং রাসূলুল্লাহর সহ-আরোহী হওয়ার সৌভাগ্য লাভের উদ্দেশ্যে। তখন নবী করীম (সা) উট থামিয়ে আমাকে তুলে নিলেন। কিছুদূর অগ্রসর হওয়ার পর তিনি আমাকে জিজ্ঞাসা করলেন, আচ্ছা, তোমার কি উমাইয়া ইবনে আবুস সালতের কোন কবিতা জানা আছে? আমি বললাম, জী হ্যাঁ, আছে। তিনি বললেন, তা হলে আবৃত্তি কর। শারীদ বলেন, মনে হয় যেন আমি একশ'র মতো পংক্তি আবৃত্তি করে শোনালাম। শুনে তিনি বললেন, উমাইয়া ইবনে আবুস সালত-এর বিষয়টা আল্লাহ-ই ভালো জানেন। রাবী বলেন, এই হাদীছটি ‘গরীব’ পর্যায়ের। আর যে বলা হয়ে থাকে— রাসূলুল্লাহ (সা) উমাইয়া সম্পর্কে বলেছিলেন, তার কবিতা ঈমানদার কিন্তু অন্তর কাফির— এ ব্যাপারে আমার কিছুই জানা নেই। আল্লাহই ভালো জানেন।

ইমাম আহমদ (র) ইবনে আবুস (রা) সূত্রে বর্ণনা করেছেন যে, তিনি বলেছেন, রাসূলুল্লাহ (সা) উমাইয়ার কয়েকটি পংক্তির বক্তব্য যথার্থ বলে অভিহিত করেছেন। সেগুলো হলো :

رُحْلٌ وَثُورٌ تَحْتَ رِجْلٍ يَمِينِهِ - وَالنَّسْرُ لِلْأَخْرَى وَلَيْثٌ مُرْصَدٌ

وَالشَّمْسُ تَبْدُوْ كُلَّ أَخِرِ لَيْلَةٍ - حَمْرَاءَ يَصْبَحُ لَوْنُهَا يَتَوَرَّدُ  
تَابِي فَمَا تَطْلُعُ لَنَا فِي رِسْلَاهَا - إِلَّا مُعَذَّبَةً وَإِلَّا تَجْلِدُ

অর্থাৎ তার ডান পায়ের নীচে আছে শনি গ্রহ ও বৃষরাশি আর অপর পায়ের নীচে আছে একটি ঈগল ও ওঁত পেতে থাকা সিংহ।

প্রতি রাতে সূর্য রক্তিম বর্ণ নিয়ে আঞ্চলিকাশ করে। ক্রমশ লাল হতে থাকে রং।

সূর্য উদিত হতে অঙ্গীকৃতি জানায়। তাকে বাধ্য করে উদিত করাতে হয়।

উমাইয়ার এই পংক্তি ক'টি শব্দে রাসূলুল্লাহ (সা) বলেছিলেন, উমাইয়া যথার্থেই বলেছে।

আবু বকর হ্যালীর বর্ণনায় ইবনে আব্বাস (রা) থেকে বর্ণিত আছে যে, ইবনে আব্বাস (রা) বলেছেন : সন্তুর হাজার ফেরেশতা উত্তুন্দ না করা পর্যন্ত সূর্য উদিত হয় না। ফেরেশতারা সূর্যকে বলেন, “উদিত হও, উদিত হও!” সূর্য বলে, এমন জাতির জন্য আমি উদিত হব না, যারা আল্লাহকে ছেড়ে আমার ইবাদত করে। অবশেষে উদয় হওয়ার উপক্রম হলে শয়তান এসে সূর্যকে উদয় হওয়া থেকে বিরত রাখার চেষ্টা করে। কিন্তু সূর্য শয়তানের শিংহয়ের মধ্য দিয়ে উদিত হয়ে যায় এবং শয়তানকে পুড়িয়ে দেয়। সক্ষ্যার সময় যখন সূর্যের অন্ত যাওয়ার সময় হয় এবং আল্লাহর সন্তুষ্টি লাভের উদ্দেশ্যে অন্ত যেতে তা’ দৃঢ় প্রতিষ্ঠ হয়, শয়তান আবার এসে সূর্যকে সিজদা দান হতে বিরত রাখার চেষ্টা করে। ফলে সূর্য শয়তানের শিংহয়ের মধ্যখান দিয়ে অন্ত যায় এবং শয়তানকে পুড়িয়ে দেয়। ইবন আসাকির এর বিস্তারিত বিবরণ দিয়েছেন।

আরশ বহনকারী ফেরেশতাদের সম্পর্কে উমাইয়া ইবনে আবুস সালতের দু'টি পংক্তি নিম্নরূপ :

فَمِنْ حَامِلِ إِحْدَى قَوَافِيْمِ عَرْشِهِ - وَلَوْ لَا إِلَهَ أَخْلَقَ كُلُّهُ وَأَبْلَدُواْ  
قِيَامًا عَلَى الْأَقْدَامِ عَالَوْنَ تَحْتَهُ - فَرَأَيْصُمُّهُمْ مِنْ شِدَّةِ الْخُوفِ تَرْعَدُ

অর্থাৎ তাঁরা আল্লাহর আরশের খুঁটি ধারণ করে আছেন। সৃষ্টির কোন মাঝুদ না থাকলে তাঁরা ক্লান্ত-শ্রান্ত হয়ে পড়তেন। আরশের নীচে তাঁরা ঠায় দাঁড়িয়ে আছেন। ভীতির আতিশয়ে তাঁদের পার্শ্বদেশ ও কাঁধের মধ্যস্থল থরথর করে কাঁপে। এটি ইবন আসাকিরের বর্ণনা। আসমায়ী সম্পর্কে বর্ণিত আছে যে, তিনি উমাইয়ার নিম্নোক্ত পংক্তিগুলো আবৃত্তি করতেন :

مُجَدِّدُوا اللَّهَ فَهُوَ لِلْمَجِدِ أَهْلُ - رَبُّنَا فِي السَّمَاءِ امْسَى كَبِيرًا  
بِالْبَنَاءِ الْأَعْلَى الَّذِي سَبَقَ النَّ - اسْ وَسَوْيَ فَوْقَ السَّمَاءِ سَرِيرًا  
شَرَجَعًا يَنَالَهُ بُصَرُ الْعَيِّ - نِتَرِي دُونَهُ الْمَلَائِكَ صُورًا

অর্থাৎ আল্লাহর মাহাত্ম্য বর্ণনা কর, তিনিই তো সাহায্যের অধিকারী। সুউচ্চ আকাশে মহান আমাদের প্রভু, মানুষের বহু উর্ধ্বে আকাশে তাঁর আসনে রয়েছেন। চোখে দৃশ্যমান তাঁর আরশ নতশিরে যা ফেরেশতারা বহন করছেন।

আব্দুল্লাহ ইবনে জাদআ'ন তায়মীর প্রশংসামূলক উমাইয়া ইবনে আবুস সালত-এর কয়েকটি পংক্তি :

اَذْكُرْ حَاجَنِي اُمْ قَدْ كَفَاتِي - حَيَاءُكَ اِنْ شَمَّتْكَ الْحَيَاةُ  
وَعَلِمْكَ بِالْحُقُوقِ وَأَنْتَ فَرْعَعُ - لَكَ الْحَسَبُ الْمُهَدَّبُ وَالسَّنَاءُ  
كَرِيمٌ لَا يُغَيِّرُهُ صِبَاحٌ - عَنِ الْخُلُقِ الْجَمِيلِ وَلَا مَسَاءٌ  
يُبَارِي الرِّيحَ مُكْرَمَةً وَجُودًا - إِذَا مَا الْكَلْبُ أَحْجَرَهُ الشَّيْءَ  
وَأَرْضُكَ أَرْضٌ سَكَرَّمَةٌ بَنَتْهَا - بَنُوتَيْمٍ وَأَنْتَ لَهَا سَمَاءٌ  
إِذَا أَنْتَى عَلَيْكَ الْمَرْءُ يَوْمًا - كَفَاهُ مَنْ تَعَرَّضَهُ النَّيْنَاءُ

অর্থাৎ আমি কি আমার প্রয়োজনের কথা উত্থাপন করব, নাকি আপনার নাজুকতাই আমার জন্য যথেষ্ট? নিচয় নাজুকতাই আপনার বৈশিষ্ট্য।

সকলের অধিকার সম্পর্কে আপনি সম্যক অবহিত। আপনি সন্তুষ্ট, কুলীন, ভদ্র ও সৌন্দর্যের আধার।

আপনি এমন-ই সন্তুষ্ট যে, সকাল বা সন্ধ্যায়ার সুন্দর চরিত্রের মাঝে কোন পরিবর্তন সাধন করতে পারে না।

আপনি এমন এক ব্যক্তি, যে উদারতা ও বদান্যতায় তখনো বাতাসের সাথে প্রতিযোগিতা করেন, যখন শৈত্য প্রবাহ কুকুরকে পর্যন্ত ঘরে আবদ্ধ করে রাখে। আপনার বাসভূমি হল দানশীলতার ভূমি, যা' প্রতিষ্ঠা করেছে বনু তায়ীম। আপনি হলেন তার আকাশ। আপনি কারো প্রশংসার মুখাপেক্ষী নন। আপনি স্বনাম ধন্য।

আব্দুল্লাহ ইবনে জাদআ'ন তায়মীর প্রশংসামূলক উমাইয়া ইবনে আবুস সালত-এর আরো কতগুলো কবিতা আছে। এই আব্দুল্লাহ ইবনে জাদআ'ন একজন সন্তুষ্ট ও দানশীল ব্যক্তিরূপে বিখ্যাত ছিলেন। তাঁর একটি ডেগ ছিল, যা সব সময় মধু ও ঘি মাখা রুটিতে পরিপূর্ণ থাকত। তা' সকলের জন্য ছিল উশুক। যে কোন আরোহী বাহনের উপর থেকেই তা থেকে আহার করতে পারত। তিনি গোলাম আযাদ করতেন। বিপদগ্রস্ত মানুষের সহায়তা করতেন। হযরত আয়েশা (রা) একদিন নবী করীম (সা)-কে জিজ্ঞাসা করেছিলেন যে, আব্দুল্লাহ ইবনে জাদআ'নের এসব মহৎ কর্ম কি তার কোন উপকারে আসবে? জবাবে নবী করীম (সা) বলেন, জীবনে একদিনও সে একথা বলেনি যে, হে আল্লাহ! কিয়ামতের দিন তুমি আমার পাপসমূহ ক্ষমা করে দিও।

## পাদ্রী বাহীরা

যে মনীষী পূর্বাঙ্গেই রাসূলুল্লাহ (সা)-এর মধ্যে নবী ইওয়ার লক্ষণ ধরতে পেরেছিলেন, তিনি হচ্ছেন পাদ্রী বাহীরা। রাসূলুল্লাহ (সা) তখন মক্কার বানিক কাফেলাসহ চাচা আবু তালিবের সঙ্গে সিরিয়া যাচ্ছিলেন। রাসূলুল্লাহ (সা)-এর বয়স তখন বার বছর। বাহীরা একটি মেঘখণ্ডকে সকলের মধ্যে শুধু তাঁকেই ছায়া দিতে লক্ষ্য করেন। তখন তিনি তাঁদের জন্য আহার্য প্রস্তুত করে কাফেলার সকলকে দাওয়াত করেন। সীরাত অধ্যায়ে এ বিষয়ে আলোচনা আসছে। ইমাম তিরমিয়ী এ বিষয়ে একটি হাদীছ বর্ণনা করেছেন। যথাস্থানে আমরা তার উপর বিশদ আলোচনা করেছি। হাফিজ ইবনে আসাকির বাহীরার জীবনী আলোচনা প্রসঙ্গে উক্ত হাদীসের সমর্থনে বেশ ক'টি বর্ণনা উল্লেখ করেছেন। কিন্তু ইমাম তিরমিয়ী বর্ণিত হাদীছটি উদ্ভৃত করেননি : এটি আশ্র্যজনক ব্যাপার বৈকি ?

ইবনে আসাকির লিখেছেন যে, বাহীরা কুফ্র নামে প'রিচিত একটি গ্রামে বাস করতেন। সে গ্রাম থেকে বুসরার দূরত্ব ছিল ছয় মাইল। এটাই বাহীরার গীর্জা (دیر بحيرা) নামে বিখ্যাত। কারো কারো মতে, বাহীরা যে গ্রামে বাস করতেন তার নাম মান্ফাআ। যায়রার অপর দিকে বালকা নামক স্থানে এটি অবস্থিত। আল্লাহই সম্যক অবগত।

## কাস্ত ইবনে সাঈদা আল-ইয়াদী

হাফিজ আবু বকর মুহাম্মদ ইবনে জা'ফর ইবনে সাহল খারায়েতী তাঁর 'হাওয়াতিফুল জান' গ্রন্থে উবাদা ইবনে সামিত (রা) সূত্রে বর্ণনা করেছেন যে, তিনি বলেছেন, ইয়াদের একটি প্রতিনিধি দল রাসূলুল্লাহ (সা)-এর নিকট আগমন করলে তিনি তাদেরকে জিজাসা করলেন, কাস্ত ইবনে সাঈদ ইয়াদীর খবর কি? তারা বলল, ইয়া রাসূলুল্লাহ (সা)! তিনি তো মারা গেছেন। রাসূলুল্লাহ (সা) বললেন, 'উকাজের মেলায় একদিন আমি তাকে দেখেছিলাম। একটি লাল উটের পিঠে বসে তখন তিনি কিছু চমৎকার কথা বলছিলেন, এখন আমার তা স্মরণ নেই। এমন সময় ঐ দলের পেছন থেকে জনেক বেদুইন দাঁড়িয়ে বলল, আমার তা' মনে আছে, তে আল্লাহর রাসূল! বর্ণনাকারী বলেন, এ কথা শুনে নবী করীম (সা) আনন্দিত হন। বেদুইনটি বলল, কাস্ত ইবনে সাঈদা আল-ইয়াদী উকাজ মেলায় সেদিন একটি লাল উটের পিঠে বসে বলছিলেন :

يَا مَغْشِرَ النَّاسِ إِجْتَمِعُوا - فَكُلُّ مَنْ فَاتَ فَأْتَ - وَكُلُّ شَيْءٍ أَتٌ أَتٌ  
لَيْلٌ دَاجٌ - وَسَمَاءٌ ذَاتُ أَبْرَاجٍ وَبَحْرٌ عَجَاجٌ نُجُومٌ تَزْهَرُ وَجِبَالٌ مُرْسِيَةٌ  
وَأَنْهَارٌ مَجْرِيَةٌ إِنَّ فِي السَّمَاءِ لَخْبَرًا وَإِنَّ فِي الْأَرْضِ لَعِبْرًا - مَالِيُّ أَرَى

النَّاسَ يَذْهَبُونَ فَلَا يَرْجِعُونَ - أَرْضُوا بِالْأَقَامَةِ فَأَقَا مُوا - أَمْ تَرَكُوا  
فَنَامُوا - أَقْسَمَ قَسْ بِاللَّهِ قَسَمًا لَأَرِيبٍ فِيهِ إِنَّ اللَّهَ دِينًا هُوَ أَرْضٌ مِنْ  
دِينِكُمْ هَذَا .

অর্থাৎ হে লোক সকল! তোমরা সমবেত হও। শুনে রেখ, যারা গত হওয়ার তারা গত হয়ে গেছে। যা আগমন করার, তা অবশ্যই আসবে। অঙ্ককার রাত, কঙ্কবিশিষ্ট আকাশ, বিক্ষুল্ক সমুদ্র, উজ্জ্বল তারকারাজি, সুড় পর্বত ও প্রবহমান নদ-নদী। আকাশে সংবাদ আছে, আর পৃথিবীতে আছে উপদেশ গ্রহণের উপকরণ। ব্যাপার কি, মানুষ কেবল চলেই যাচ্ছে, ফিরে তো আর আসছে না। ওখানে রয়ে যাওয়াই কি তাদের পছন্দ, নাকি তারা ঘুমিয়ে পড়েছে। কাস্ আল্লাহর নামে শপথ করে বলছে যে, আল্লাহর দেওয়া একটি দীন আছে, যা তোমাদের দীন আপেক্ষা অধিকতর পছন্দনীয়। তারপর তিনি কবিতা আবৃত্তি করলেন :

فِي الدَّاْهِبِينَ الْأَوَّلِيِّ - مِنَ الْقَرُونِ لَنَا بَصَائِرُ  
لِمَا رَأَيْتُ مَوَارِدًا - لِلْمَوْتِ لَيْسَ لَهَا مَصَادِرُ  
وَرَأَيْتُ قَوْمًا نَحْوَهَا - يَمْضِي الأَصَاغِرُ وَالْأَكَابِرُ  
لَا مَنْ مُضِيَ يَأْتِي إِلَبْ - بِكَ وَلَا مِنَ الْبَاقِبِينَ غَابِرُ  
وَأَيْقَنتُ أَنِّي لَا مَحَا - لَهَ حَيْثُ صَارَ الْقَوْمُ صَائِرُ

যারা আমাদের আগে অতীত হয়েছেন, তাদের মধ্যে আমাদের অনেক কিছু শেখার আছে। কারণ আমি দেখালাম যে, মৃত্যুর হাত থেকে রেহাই পাওয়ার কারোরই কোন উপায় নেই। আরো দেখালাম যে, আমার সম্প্রদায়েরও গত হয়ে যাচ্ছে-ছোট-বড় সকলে।

যারা গত হয়ে গেছে, তারা তোমার নিকট ফিরে আসার নয়। আর যারা বেঁচে আছে তারাও আজীবন বেঁচে থাকবার নয়। আমার দৃঢ় বিশ্বাস যে, আরো দশজন লোকের ন্যায় আমিও একদিন চলে যাব। বর্ণনাটির সনদ ‘গরীব’ পর্যায়ের।

তাবারানী তাঁর ‘মু’জামে কাবীর’ গ্রন্থে ইবন আবুস (রা) সূত্রে বর্ণনা করেছেন যে, তিনি বলেছেন, আব্দুল কায়স গোত্রের একটি প্রতিনিধি দল রাসূলুল্লাহ (সা)-এর নিকট আগমন করলে রাসূলুল্লাহ (সা) জিজ্ঞাসা করেছিলেন, “তোমাদের কেউ কি কাস্ ইবনে সাযিদ আল-ইয়াদীকে চেনে?” তারা বলল, আমরা তো সকলেই তাঁকে চিনি, হে আল্লাহর রাসূল! নবী করীম (সা) বললেন, “তাঁর খবর কী?” তারা বলল, তিনি তো মারা গেছেন। নবী করীম (সা) বললেন, আমার মনে আছে যে, এক মুহাররম মাসে উকাজের মেলায় একটি লাল উটের পিঠে বসে তিনি ভাষণ দিচ্ছিলেন। তিনি বলছিলেন :

“লোক সকল! তোমরা সমবেত হও, কান দিয়ে শ্রবণ কর ও স্মরণ রাখ। যে জীবন লাভ করেছে, সে মরবেই। যে মরবে সে গত হয়ে যাবে। যা কিছু আগমন করার, তা অবশ্য আসবে। আকাশে গুরুত্বপূর্ণ খবর আছে, যদীনে আছে শিক্ষা গ্রহণের উপকরণ। শয়্যা প্রস্তুত, ছাদ সুউচ্চ, নক্ষত্রাজি আবর্তনশীল, সমুদ্রের পাখি সন্তার অফুরন্ত। কাস্ত সত্য-সত্য শপথ করে বলছে, এখন যাতে সন্তোষ আছে, পরে অবশ্যই তাতে অসন্তোষ সৃষ্টি হবে। আল্লাহর এমন একটি দীন আছে, যা তাঁর নিকট তোমাদের দীন অপেক্ষা অধিকতর প্রিয়। ব্যাপার কি, আমি দেখতে পাচ্ছি যে, মানুষ চলেই যাচ্ছে, আর ফিরে আসছে না! তবে কি তারা ওখানে রয়ে যাওয়াই শ্রেয় মনে করেছে? নাকি তারা ঘূরিয়ে পড়েছে?”

অতঃপর রাসূলুল্লাহ (সা) বললেন, তোমাদের মধ্যে এমন কেউ আছে কি, যে তাঁর কবিতা উদ্ধৃত করতে পারবে? জবাবে একজন পূর্বোক্ত পংক্তি আবৃত্তি করে :

فِي الْذَّاهِبِيْنَ الْأُولِيِّ - بِنِ مِنَ الْقُرُونِ لَنَا بَصَائِرُ  
لَمَّا رَأَيْتُ مَوَارِدًا - لِلْمُمُوتِ لَيْسَ لَهَا مَصَادِرُ  
رَأَيْتُ قَوْمِيْ نَحْوَهَا - يَسْعُى الْأَصَاغِرُ وَالْأَكَابِرُ  
لَا يَرْجِعُ الْمَاضِيُّ يَأْتِي إِلَيْ - وَلَا مِنَ الْبَاقِيْنَ غَابِرُ  
وَأَيْقَنْتُ أَنِّي لَا مَحَا - لَهُ حَيْثُ صَارَ الْقَوْمُ صَائِرُ

অতীতে গত হওয়া লোকদের মধ্যে আমাদের অনেক কিছু শেখার আছে। আমি দেখতে পেলাম যে, মৃত্যুর মুখে একবার যে পতিত হয়, তার আর সেখান থেকে ফিরে আসার উপায় থাকে না। আরো দেখলাম যে, আমার সম্প্রদায়ের ছোট-বড় সকলেই মৃত্যুর পানে ধাবিত হচ্ছে। যারা অতীত হয়ে গেছে, আমার কাছে তারা আর ফিরে আসবে না। হাফিজ বায়হাকী তাঁর কিতাব ‘দালাইলু নুবুওত’ গ্রন্থে মুহাম্মদ ইবন হাস্সান সুলামী থেকে বর্ণনাটি উদ্ধৃত করেছেন।

আলী ইবনে হসাইন... ইবনে আব্বাস (রা) থেকে বর্ণনা করেছেন যে, তিনি বলেছেন, বকর ইবনে ওয়ায়েল গোত্রের একটি প্রতিনিধি দল রাসূলুল্লাহ (সা)-এর নিকট আগমন করলে রাসূলুল্লাহ (সা) তাদেরকে জিজ্ঞাসা করলেন, তোমাদের মিত্র কাস্ত ইবনে সায়দা আল-আইয়াদীর খবর কি? এভাবে ইবনে আব্বাস (রা) ঘটনাটি আনুপূর্বিক বর্ণনা করেন।

আহমদ ইবনে আবু তালিব হাসান ইবনে আবুল হাসান বসরী থেকে বর্ণনা করেছেন যে, হাসান ইবনে আবুল হাসান বলেন, জারুদ ইবনে মুআল্লা ইবনে হানাশ ইবনে মুআল্লা আল-‘আব্দী নামক একজন খৃষ্টান ব্যক্তি ছিলেন। আসমানী কিতাব সমূহের ব্যাখ্যায় তিনি পারদর্শী ছিলেন। তিনি দর্শন, চিকিৎসা ও আরবী সাহিত্যে অত্যন্ত দক্ষ ছিলেন। সর্বোপরি তিনি ছিলেন সুদর্শন ও বিজ্ঞান। একদিন তিনি আব্দুল কায়সের বিচক্ষণ ও বাকপটু কয়েকজন

লোক নিয়ে রাসূলুল্লাহ (সা)-এর নিকট আগমন করেন। এসে নবীজির সামনে বাস নবীজিকে উদ্দেশ করে আবৃত্তি শুরু করেন :

يَا نَبِيَّ الْهُدَى أَتَنْكَ رِجَالٌ - قَطَعَتْ فَدْدًا وَالْفَادَ  
وَطَوَّتْ نَحْوَكَ الصَّحَّاصِ تَهْوَى - لَا نَعْدُ الْكَلَالَ فِيكَ كَلَالًا  
كُلُّ بَهْمَاءٍ فُطِرَ الْطَّرُفُ عَنْهَا - ارْقَلَهَا قَلَّا صُنَّا ارْقَالًا  
وَطَوَّتْهَا الْعُنَاقُ يَجْمَعُ فِيهَا - بِكَمَاءٍ كَانْجُمٌ قَتْلَالًا  
تَبَتَّغَيْ دَفْعَ بَاسٍ يَوْمٌ عَظِيمٌ - هَائِلٌ أَوْجَعَ الْقُلُوبَ وَهَالَ  
وَمَزَادًا لِمُحْشَرِ الْخَلْقِ طَرًا - وَفَرَاقًا لِمَنْ تَمَلَّدَ ضَلَالًا  
نَحْوَنَورٍ مِنَ الْإِلَهِ وَبِرَاهَا - نِوْبَرٍ وَنِعْمَةٍ أَنْ تَنَالَا  
خَصْكَ اللَّهُ يَا بَرَّ أَمْنَةِ الْخَ - يَرْبِهَا إِذَا أَتَتْ سَجَالًا سَجَالًا  
فَاجْعَلِ الْبَيْظَأَ مِنْكَ يَا حِجَةَ الْأَ - هَجْزِيَلًا لَا حَظْ خَلْفِ أَحَالًا

“হে হিদায়াতের নবী ! আপনার নিকট কিছু লোক বিজন মরু প্রান্তর ও গোত্রের পর গোত্র অতিক্রম করে এসেছে। তারা বিস্তীর্ণ সমতল ভূমি অতিক্রম করে এসেছে আপনার সাক্ষাতের আশায়। এতে তারা ক্লান্তিকে ক্লান্তি মনে করেনি।

প্রাণীকুল যে বিজন মরু ভূমি থেকে মুখ ফিরিয়ে নেয়, আমাদের উষ্ট্রগুলো সেসব অতিক্রম করে এসেছে। শক্তিশালী দৃঃসাহসী অশ্বগুলো আরোহীদের নিয়ে উজ্জ্বল তারকার ন্যায় সে সব অতিক্রম করে এসেছে।

এমন ভয়াবহ ও কঠিন দিনের শাস্তি থেকে রক্ষা পাওয়ার প্রত্যাশায় যেদিন আতঙ্ক হৃদয়কে আচ্ছন্ন করে ফেলবে। সকল সৃষ্টিকে সমবেত করার দিনের পাথের প্রত্যাশায় আর ঐ ব্যক্তির ভয়ে, যে গোমরাহীর মাঝে ঘুরপাক খেয়েছে। আমরা এসেছি আল্লাহর নূরের দিকে, প্রমাণ, পুণ্য ও নিয়ামতের দিকে, তা অর্জন করার আশায়।

হে আমেনার স্বত্তান ! আল্লাহ আপনাকে এমন কল্যাণ দান করেছেন, যা আপনার নিকট একের পর এক আসতে থাকবে। হে আল্লাহর নিদর্শন ! আপনার দ্বারা আল্লাহ আমাদেরকে উপকৃত করুন, ঐ ব্যক্তিদের ন্যায় নয়, যারা পশ্চাতে রয়ে গেছে।”

শুনে রাসূলুল্লাহ (সা) তাকে নিজের কাছে এনে বসালেন এবং বললেন : হে জারুদ ! তুমি এবং তোমার সম্প্রদায় আমার নিকট আসতে বিলম্ব করে ফেলেছ। জারুদ বললেন, আমার পিতা-মাতা আপনার জন্য উৎসর্গ হোন ! আপনার পথ ধরতে যে বিলম্ব করবে, সে হবে দুর্ভাগ। তার পরিগামও হবে মর্মস্তুদ ! যারা আপনাকে দেখে, আপনার কথা শুনে আপনাকে ত্যাগ করে

অন্য পথ ধরেছে, আমি তাদের দলে নই। আমি এতকাল যে ধর্মের অনুসরণ করতাম, তা ত্যাগ করে আপনার ধর্ম গ্রহণ করতে যাচ্ছি। এতে কি আমার পূর্বের যাবতীয় পাপ মোচন হবে না? এতে কি আল্লাহু আমার প্রতি সন্তুষ্ট হবেন না? জবাবে রাসূলুল্লাহ (সা) বললেন, “তোমার সে সব দায়-দায়িত্ব আমার, তুমি এক্ষুণি এক আল্লাহুর প্রতি ঈমান আন এবং খৃষ্টধর্ম ত্যাগ কর।” জারুদ বললেন, “আমি সাক্ষ্য দিচ্ছি যে, আল্লাহ ল্যতীত কোন ইলাহ নাই। তিনি এক, অদ্বিতীয়। আমি আরো সাক্ষ্য দিচ্ছি যে, আপনি মুহাম্মদ আল্লাহর বান্দা ও তাঁর রাসূল।”

বর্ণনাকারী বলেন, এই বলে জারুদ মুসলমান হয়ে যান এবং তাঁর সঙ্গে তাঁর সম্প্রদায়ের বেশ কিছু লোকও ইসলাম গ্রহণ করেন। রাসূলুল্লাহ (সা) এতে বেশ আনন্দিত হন এবং তাঁদেরকে সম্বর্ধিত করেন যাতে তাঁরা যারপর নেই আনন্দিত হন।

তারপর রাসূলুল্লাহ (সা) তাঁদেরকে লক্ষ্য করে বললেন, তোমাদের মধ্যে এমন কেউ আছে কি, যে কাস্ত ইবনে সায়িদা আল ইয়াদিকে চিনে? জারুদ বললেন, আমার বাপ-মা আপনার জন্য কুরবান হোন! আমরা প্রত্যেকেই তাঁকে চিনি। আমি তো তাঁকে বেশ ভালো করেই জানি। তিনি আরবেরই একটি গোত্রের লোক ছিলেন। ছয়শ'ত বছর আয়ু পেয়েছিলেন। এর মধ্যে পাঁচ প্রজন্মের আয়ুক্ষাল পর্যন্ত ঈসা (আ)-এর ন্যায় বনে-জঙ্গলে অতিবাহিত করেন। এ সময় নির্দিষ্ট স্থানে অবস্থান করতেন না এবং তার দ্বারা কেউ উপকৃতও হতে পারত না। যয়লা কাপড় পরিধান করতেন। বৈরাগ্য অবলম্বনে তিনি কোন অশান্তি অনুভব করতেন না। বন্য প্রাণীদের সঙ্গে একত্রে বসবাস করতেন। অঙ্ককারে অবস্থান করা পছন্দ করতেন। গভীর জ্ঞানের অধিকারী ছিলেন তিনি। এ কারণে তিনি এক অনন্য ব্যক্তি হিসাবে পরিচিতি লাভ করেন। তাঁর প্রজ্ঞা দ্বারা মানুষ উপমা পেশ করত এবং তার উসিলায় বিপদাপদ দূর হত।

তিনিই আরবের প্রথম ব্যক্তি, যিনি এক আল্লাহয় বিশ্বাস স্থাপন করেন। ঈমান আনেন, পুনরুত্থান ও হিসাব-কিতাবের প্রতি বিশ্বাস স্থাপন করেন, জনগণকে অশুভ পরিগতি সম্পর্কে সতর্ক করেন এবং মৃত্যুর আগে আমল করে যাওয়ার আদেশ দেন। মৃত্যু সম্পর্কে উপদেশ দেন এবং তাকদীরের প্রতি আত্মসমর্পণ করেন। কবর যিয়ারত করেন, মৃত্যুর পর পুনরায় জীবিত হওয়ার কথা প্রচার করেন। কবিতা আবৃত্তি করেন, তাকদীর সম্পর্কে চিন্তা-ভাবনা করেন এবং আকাশের সংবাদ সম্পর্কে অবহিত হন। তিনিই সর্বপ্রথম সমুদ্র ও পানির বিশদ বিবরণ দেন, আরোহী অবস্থায় বক্তৃতা দেন, নসীহত করেন, বিপদাপদ ও আয়াব-গজব থেকে সতর্ক করেন। কুফরী ত্যাগ করে সঠিক পথে ফিরে আসার জন্য উৎসাহ প্রদান করেন এবং এক আল্লাহর প্রতি আহ্বান করেন। উকাজের বাজারে একদিন তিনি বললেন :

পূর্ব ও পশ্চিম, ব্যক্তি ও গোষ্ঠী, শান্তি ও যুদ্ধ, শুক্ষ ও আর্দ্ধ, লোনা ও মিষ্ট, সূর্য ও চন্দ্ৰ, বায়ু ও বৃষ্টি, রাত ও দিন, নারী ও পুরুষ, স্তুল ও সমুদ্র, বীজ ও শস্য, পিতা ও মাতা, সমবেত ও বিক্ষিপ্ত, নির্দর্শনের পর নির্দর্শন, আলো ও অঙ্ককার, স্বচ্ছতা ও সংকট, রব ও দেবতা, নিশ্চয় মানুষ বিভাস্ত হয়ে গেছে।

নবজাতকের দৈহিক বৃদ্ধি, হারিয়ে যাওয়া, গোপন বস্তু, গরীব ও ধনী, সৎ ও অসৎ, অলসতায় বিভোর লোকদের জন্য ধ্বংস। আমলকারীরা অবশ্যই তাদের আমল ঠিক করে নিবে। আমল না করেই যারা বুকে আশা নিয়ে বসে আছে, তারা অবশ্যই নিরাশ হবে। মানুষ যা বিশ্বাস করে বসে আছে, ঘটনা আসলে তা নয় -বরং আল্লাহ এক ও একক। তিনি কারো সন্তান নন, পিতাও নন। তিনি চিরজীব। মৃত্যু ও জীবন দান করেন। নর ও নারী তিনিই সৃষ্টি করেছেন। তিনি পরজগত ও ইহজগতের রব। শোন হে ইয়াদের সম্প্রদায়!

ছামুদ ও ‘আদ জাতি এখন কোথায়? কোথায় তোমাদের পূর্ব পুরুষগণ? কোথায় রোগী ও রোগী পরিদর্শনকারীরা? প্রত্যেকেই একদিন পুনরায় জীবিত হবে। কাস্ মানুষের রবের শপথ করে বলছে যে, এক একজন করে তোমরা প্রত্যেকে একদিন পুনরুজ্জীবিত হবে। ডাকাডাকি করার দিন, যখন শিংগায় ফুৎকার দেয়া হবে ও পৃথিবী আলোকেজ্জ্বল হবে। সুতরাং ধ্বংস সেই ব্যক্তির, যে সুম্পত্তি সত্য ও ঝলমলে আলোক হতে বিমুখ হয়েছে। মীমাংসার দিনে, ন্যায় বিচারের দিনে যখন মহা ক্ষমতাধর বিচার করবেন ও সতর্ককারীরা সাক্ষ্য প্রদান করবেন, সাহায্যকারীরা দূরে সরে যাবে ও পরম্পর সম্পর্কহীনতা অকাশ পাবে। অবশেষে একদল জান্নাতে আর একদল জাহানামে স্থান পাবে। তারপর তিনি কয়েকটি কবিতা আবৃত্তি করেন।

বর্ণনাকারী বলেন, শুনে রাসূলুল্লাহ (সা) বললেন, আমারও মনে আছে যে, একদিন তিনি উকাজ বাজারে একটি লাল উটের পিঠের উপর দাঁড়িয়ে বক্তৃতা করছিল। বলছিলেন :

“হে লোক সকল! তোমরা সমবেত হও, শ্রবণ কর। শুনে কথাগুলো মনে রেখ। পরে সেই অনুযায়ী কাজ করে নিজের উপকার সাধন করবে। আর সত্য কথা বলবে। যে লোক জীবন লাভ করল, সে মৃত্যুবরণ করবে। যে লোক জীবন লাভ করল, সে শেষ হয়ে গেল। যা আসবার তা এসে গেছে।”

বৃষ্টি ও শস্য, জীবিত ও মৃত, অঙ্ককার রাত, কক্ষবিশিষ্ট আকাশ, উজ্জ্বল নক্ষত্র, বিক্ষুক্ষ সমুদ্র, আলো ও অঙ্ককার, রাত ও দিন, পুণ্য ও পাপ ; নিশ্চয় আকাশে সংবাদ আছে। যদ্যুনে আছে শিক্ষার উপকরণ। পাতানো বিছানা, উঁচু ছাদ, দীপ্তি নক্ষত্র, ঠাণ্ডা সমুদ্র ও পাল্লার ওজন। কাস্ আল্লাহর নামে সত্য কসম করে বলছে, যাতে মিথ্যার লেশ মাত্র নেই; সংসারে যদি সন্তুষ্টি বলতে কিছু থেকে থাকে তা হলে অসন্তুষ্টি ও আছে নিশ্চয়ই।

অতঃপর তিনি বললেন, লোক সকল! নিশ্চয় আল্লাহর দেয়া এমন একটি দীন আছে, যা তাঁর নিকট তোমাদের এই দীন, ধর্ম অপেক্ষা প্রিয়। সেই দীন আগমন করার সময় ঘনিয়ে এসেছে।

অতঃপর তিনি বললেন ব্যাপার কি, আমি দেখতে পাচ্ছি যে, মানুষ কেবল চলেই যাচ্ছে ফিরে কেউ আসছে না। ওরা কি ওখানে থেকে যাওয়াই মেনে নিয়েছে, নাকি ঘুমিয়ে পড়েছে।

অতঃপর রাসূলুল্লাহ (সা) উপস্থিতি সাহাবীদের প্রতি মুখ করে বললেন, তোমাদের কে আমাকে কাস-এর কবিতা বর্ণনা করতে পারবে? আবু বকর (রা) বললেন, আমার পিতা-মাতা আপনার জন্য কুরবান হোন, সেইদিন আমি ঘটনা স্থলে উপস্থিত ছিলাম। কাস তখন বলছিলেন :

فِي الْذَّاهِبِينَ الْأُولَىٰ - يَنِّي مِنْ لُقْرُونْ لَنَا بَصَائِرٌ  
لَمَّا رَأَيْتُ مَوَارِدًا - لِلْمَوْتِ لَيْسَ لَهَا مَصَادِرٌ  
رَأَيْتُ قَوْمًا نَحْوَهَا - يَمْضِي الأَصَاغِرُ وَالْأَكَابِرُ  
لَا جِرْجُعٌ لِمَا ضَيَّ إِلَىٰ - وَلَا مِنَ الْبَاقِبِينَ غَابِرٌ  
أَيْقَنتُ أَنِّي لَا مَحَا - لَهُ بَيْتٌ صَارَ الْقَوْمَ صَائِرٌ

— যারা অতীত হয়ে গেছে তাদের মধ্যে আমাদের শিক্ষা গ্রহণের অনেক উপকরণ আছে। কারণ, আমি দেখতে পেয়েছি যে, একবার যে মৃত্যুমুখে পতিত হয়, সেখান থেকে আর সে ফিরে আসে না। আর আমার সম্প্রদায়কেও দেখেছি যে, ছোট বড় নির্বিশেষে এক এক করে তারাও চলে যাচ্ছে। তাতে আমার বিশ্বাস জন্মেছে যে, অন্য দশজনের মত আমিও একদিন চলে যাব।

বর্ণনাকারী বলেন, অতঃপর আব্দুল কায়স সম্প্রদায়ের বড় মাথাওয়ালা দীর্ঘকায় এক প্রবীণ ব্যক্তি রাসূলুল্লাহ (সা)-এর কাছে এসে বললেন, আমার বাবা-মা আপনার জন্য উৎসর্গিত হোন! আমি কাস এর একটি বিস্ময়কর ঘটনা দেখেছি। রাসূলুল্লাহ (সা) বললেন, কী দেখেছ হে বনু আব্দুল কায়স-এর ভাই ? সে বলল, যৌবন কালে আমি বসন্তের চারণভূমি থেকে আমার এক অবাধ্য উটের সঙ্কানে তার পিছু পিছু ছুটিছিলাম, যা কাঁটাগুলি ও ছোট ছোট টিলায় ও মনোরম উড়িদে পরিপূর্ণ। সেখানে অসংখ্য উটপাখি ও সাদা বনগরু নির্বিঘে ঘুরে বেড়াচ্ছিল। ছুটতে ছুটতে আমি একটি উঁচু ও সমতল ভূমিতে গিয়ে পৌঁছলাম। সেখানে সবুজ-শ্যামল পিলু গাছের ছড়াছড়ি। সেগুলোর ডাল-পালা নুয়ে আছে। সেগুলোর ফল যেন গোলমরিচ। হঠাৎ সেখানে আমি পানি পড়া অবস্থায় একটি ঝর্ণা ও একটি সবুজ বাগান দেখতে পেলাম।

হঠাৎ দেখতে পেলাম, কাস ইবনে সায়দা একটি গাছের নীচে বসে আছেন। তাঁর হাতে একটি লাঠি। আমি তাঁর কাছে গেলাম এবং বললাম, আপনার কল্যাণ হোক! তিনি বললেন, আপনারও কল্যাণ হোক! তাঁর সাথে আরো একজন লোক। পার্শ্বে একটি কূয়া। বিপুল সংখ্যক হিংস্র জন্তু সেই কূয়া থেকে পানি পান করছে এবং চলে যাচ্ছে। এগুলোর কোনটি যদি কূয়া থেকে অন্যাটিকে ডিঙিয়ে পানি পান করতে চাইল। কাস তাকে এই বলে হাতের লাঠি দ্বারা আঘাত করতেন যে, থাম, তোমার আগেরটি আগে পানি পান করে নিক, তুমি পরে পান আল-বিদায়া ওয়ান নিহায়া (২য় খণ্ড) ৫৬—

করবে। এ দৃশ্য দেখে আমি অত্যন্ত ভীত হলাম। আমার প্রতি তাকিয়ে তিনি বললেন, “তোমার ভয় পাওয়ার কোন কারণ নেই।” হঠাৎ দুইটি কবর দেখতে পেলাম। কবর দুইটির মাঝে একটি মসজিদ। আমি জিজ্ঞাসা করলাম, এগুলো কাদের কবরঃ বললেন, দুই ভাইয়ের। এই জায়গায় তারা আল্লাহর ইবাদত করত। আমি তাঁদের সাথে মিলিত হওয়া পর্যন্ত এখানে অবস্থান করে আল্লাহর ইবাদাত করব।” আমি বললাম, কেন নিজ সম্প্রদায়ের নিকট গিয়ে তাদের সৎকর্মে সহযোগিতা এবং অন্যায় কাজে বাধা দান করবেন না। তিনি বললেন, তোমার মায়ের অকল্যাণ হোক, তুমি কি জানো না যে, ইসমাইলীদের বংশধর তাদের পিতার দীন- ধর্ম পরিত্যাগ করে অসংখ্য দেব-দেবীর পূজা শুরু করেছে। এই বলে তিনি কবর দু'টোর কাছে গিয়ে কয়েকটি পংক্তি আবৃত্তি করেন :

خَلِيلٌ هُبَا طَامَّا قَدْ رَقَدْتُمَا - أَجَدُ كُمَا لَا تَقْضِيَانِ كَرَأْكُمَا  
أَرَى النَّوْمَ بَيْنَ الْجَلْدِ وَالْعَظْمِ مِنْكُمَا - كَانَ الَّذِي لَيْسَ قَوْنِيَ الْعَقَارَ سَقَأْكُمَا  
أَمِنْ طُولَ نَوْمٍ لَا تَجِيْبَانِ دَاعِيَا - كَانَ الَّذِي يَسْقُي الْعَقَارَ سَقَأْكُمَا  
أَلْمَ تَعْلَمُ أَنِّي بِنَجْرَانَ مُفْرَدًا - وَمَا لِي فِيهِ مِنْ حَبِيبٍ سِوَاكُمَا  
عَقِيْمٌ عَلَى قَبْرِ مِيْكُمَا لَسْتُ بَارِحًا - إِيَّابُ اللَّيَالِيِّ أُوْ يُجِيبَ صَدَاكُمَا  
أَبْكِيْكُمَا طُولَ الْحَيَاةِ وَمَا الَّذِي - يَرُدُّ عَلَى ذِي لَوْعَةٍ أَنْ بَكَأْكُمَا  
فَلَوْ جَعَلْتُ نَفْسًا لِنَفْسٍ أَمْرِي فَدَى - لَجَدْتُ بِنَفْسِي أَنْ تَكُونَ فِدَاكُمَا  
كَانَكُمَا وَالْمَوْتُ أَقْرَبُ غَايَةٍ - بِرُوحِي فِي قَبْرِيْكُمَا قَدْ أَتَأْكُمَا

— ওগো বঙ্গুদ্ধ! তোমাদের নিদ্রা তো অনেক দীর্ঘ হলো। মনে হচ্ছে, তোমাদের এই নিদ্রা কখনো শেষ হবে না। তোমাদের চামড়া ও হাড়ির মাঝের নিদ্রা দেখে আমার মনে হচ্ছে, খেজুর বীথিতে পানি সিঞ্চনকারীই তোমাদেরও পিপাসা নিবারণ করেছেন। দীর্ঘ নিদ্রার কারণেই কি তোমরা কোনো আহ্বানকারীর ডাকে সাড়া দিচ্ছ না? তোমরা কি জান না যে, নাজরানে আমি একা। তোমরা দু'জন ব্যতীত আমার কোন বন্ধু নেই? তোমাদের কবরের পাশেই এখন আমার অবস্থান। এখান থেকে সরবার আমার ইচ্ছা নেই। আমি কি জীবন ভরই তোমাদের জন্য দ্রুন্দন করবঃ কেউ যদি কারো জন্য উৎসর্গিত হতে পারে, তা হলে আমি আমাকে তোমাদের জন্য উৎসর্গ করছি। আমার আস্থা যেন তোমাদের কবরে, তোমাদের কাছে চলেই গিয়েছে। মৃত্যু যেন আমার অতি নিকটে।

বর্ণনাকারী বলেন, শুনে রাসূলুল্লাহ (সা) বললেন, “আল্লাহ কাস্কে রহম করুন। কিয়ামতের দিন একাই সে একটি উম্মতক্রপে উদ্ধিত হবে।”

বর্ণনাটি একান্তই গরীব পর্যায়ের এবং এটি মুরসালও বটে, যদি না হাসান তা স্বয়ং জারুদ থেকে শুনে থাকেন। বায়হাকী এবং ইবনে আসাকিরও ভিন্ন এক সূত্রে বর্ণনাটি উদ্ধৃত করেছেন। তাতে এও আছে যে, যে লোকটির উট হারিয়ে গিয়েছিল, উটটি খুঁজতে খুঁজতে এক বিপদ সংকুল উপত্যকায় তার রাত হয়ে যায়। রাত গভীর হলো, চতুর্দিক গাঢ় অন্ধকারে ছেয়ে গেল। লোকটি বলেন, ঠিক এমন সময় আমি শুনতে পেলাম, কে যেন বলছে :

يَا يَهَا الرَّاقِدُ فِي الْلَّيْلِ الْاجْمَعِ - قَدْ بَعَثَ اللَّهُ نَبِيًّا فِي الْحَرَمِ

مِنْ هَـا شِمِّ أَهْلِ الْوَفَاءِ وَالْكَرَمِ - يَجْلُو دِجِيَاتِ الدِّيَاجِيِّ وَالْبَهْمِ

“ওহে আঁধার রাতে ঘুমন্ত ব্যক্তি! পবিত্র মকায় আল্লাহ মহান হাশেমী বংশ থেকে

একজন নবী প্রেরণ করেছেন, যাঁর উসিলায় দূর হয়ে যাচ্ছে সব বিকট অন্ধকার।”

লোকটি বলেন, শব্দ শুনে চোখ তুলে তাকিয়ে আমি কিছুই দেখতে পেলাম না এবং আর কোন সাড়া-শব্দও পেলাম না। ফলে আমি নিজেই আবৃত্তি করতে শুরু করলাম :

يَا أَيُّهَا الَّهَا تَفَّ فِي دَاجِي الظَّلَمِ - أَهْلًا وَسَهْلًا بِكَ مِنْ طِيفِ الْمَ

بَيْنَ هَذَانِ اللَّهُ فِي لَحْنِ الْكَلِمِ - مَاذَا الَّذِي تَدْعُوا إِلَيْهِ يُغْتَنِمُ

“ওহে সেই ব্যক্তি, যে ঘোর আঁধারে কথা বলছ, তোমায় স্বাগতম। আল্লাহ তোমাকে হিদায়াত দিন। তুমি পরিষ্কার করে বল, যার প্রতি তুমি আহ্বান করছ। তা’ জানালে সাদরে গৃহীত হবে।”

লোকটি বলেন, কিছুক্ষণ পর আমি শুনতে পেলাম, কে যেন বলছে, আলো উত্তোলিত হয়েছে, যিথ্যার অবসান ঘটেছে, আল্লাহ মুহাম্মদকে প্রজ্ঞা সহ প্রেরণ করেছেন; যিনি অত্যন্ত বিচক্ষণ, বুদ্ধিমান, মুকুট ও শিরদ্বাণিধারী, উজ্জ্বল মুখমণ্ডল, সুদর্শন জ্যুগল ও আয়ত নেত্রের অধিকারী, ‘লা-ইলাহা ইল্লাহু আল্লাহ’ যার সাক্ষ্য। তিনি হলেন মুহাম্মদ, সাদা-কালো, শহুর প্রত্যন্ত এলাকার সকলের নিকট যাঁকে প্রেরণ করা হয়েছে।

অতঃপর সে কবিতা আবৃত্তি করল :

الْحَمْدُ لِلَّهِ الَّذِي - لَمْ يَخْلُقْ الْخَلْقَ عَبْثٍ

لَمْ يَخْلِيْنَا يَوْمًا سَدِىٌ - مِنْ بَعْدِ عَلِيِّيٍّ وَأَكْتَرَث

أَرْسَلَ فِينَا احْمَدًا - خَيْرَ نَبِيٍّ قَدْ بَعَثَ

لَىٰ عَلِيهِ اللَّهُ مَا - حَجَ لَهُ رَكْبٌ وَحْثٌ

সকল প্রশংসা সেই আল্লাহর, যিনি বিশ্বজগত অথবা সৃষ্টি করেননি। যিনি ঈসা (আ)-এর পরে এক দিনের জন্যও আমাদেরকে এমনি ছেড়ে দেননি। আমাদের মাঝে তিনি আহমাদকে প্রেরণ করেছেন, যিনি সকলের সেরা নবী। আল্লাহ তাঁর প্রতি রহমত বৰ্ষণ করুক, যতদিন পর্যন্ত লোকজন তাঁর উদ্দেশ্যে যাত্রা করবে এবং অনুপ্রেরণা লাভ করবে।

এ প্রসঙ্গে কাস ইবনে সায়িদা নিম্নোক্ত পংক্তিগুলো আবৃত্তি করেন -

يَا نَّا أَعِي لِمَوْتٍ وَالْمَلْحُودٌ فِي جَدَثٍ - عَلَيْهِمْ مِنْ بَقَائِيَا قَوْلِهِمْ خَرَقُ  
دَعْهُمْ فَإِنَّ لَهُمْ يَوْمًا يُصَاحِبُهُمْ - فَهُمْ إِذَا إِنْتَجَهُوا مِنْ نَوْمِهِمْ أَرْقُوا  
حَتَّىٰ يَعُودُوا بِحَالٍ غَيْرَ حَالِهِمْ - خَلْقًا جَدِيدًا كَمَا مِنْ قَبْلِهِ خَلَقُوا  
مِنْهُمْ عِرَاءً وَمِنْهُمْ فِي ثِيَابِهِمْ - مِنْهَا الْجَدِيدُ وَمِنْهَا الْمَنْهَاجُ الْخَلِقُ

—হে মৃত্যুর ঘোষণাকারী! সমাধিস্থ ব্যক্তি তো সমাধিতে বিদ্যমান। তাদের বিরচন্দে বর্ণিত অবশিষ্ট কথাগুলো সব মিথ্যা।

তাদের কথা ছেড়ে দাও। কারণ, একদিন তাদের জাগ্রত হওয়ার জন্য আহ্বান করা হবে। তখন তারা তাদের নিদ্রা থেকে জাগ্রত হলে তাদের ঘুম উড়ে যাবে।

তখন তারা অন্য অবস্থায় ফিরে যাবে। যেমনিভাবে তাদের পূর্বে সৃষ্টি করা হয়েছিল, তেমনিভাবে তাদেরকে নতুন করে সৃষ্টি করা হবে।

তাদের কেউ হবে বিবন্দ। কেউ থাকবে বস্ত্রাবৃত। কিছু বন্ধ হবে নতুন আর কিছু হবে পুরাতন ও জীর্ণ।

বায়ুহাকী ইবনে আবুবাস (রা) সূত্রে ঘটনাটি উল্লেখ করেছেন এবং তাতে উক্ত পংক্তির কথাও উল্লেখ করেছেন। বর্ণনাকারী বলেন, লোকেরা তার শিয়রে একটি লিপি পেয়েছিল। তাতে ঈষৎ শান্তিক পরিবর্তনসহ উক্ত পংক্তিগুলোই লিখিত ছিল।

শুনে রাসুলুল্লাহ (সা) বললেন, সেই সত্তার শপথ, যিনি আমাকে সত্যসহ প্রেরণ করেছেন, কাস অবশ্যই পুনরুত্থানে বিশ্বাসী ছিলেন। বর্ণনার মূল বক্তব্য প্রসিদ্ধ। তবে সনদগুলো দুর্বল হলেও মূল ঘটনা প্রমাণে সহায়ক।

বায়ুহাকী (র) বর্ণনা করেন যে, হ্যারত আনাস ইবন মালিক (রা) বলেন, ইয়াদের একটি প্রতিনিধিদল নবী কারীম (সা)-এর নিকট আগমন করলে রাসুলুল্লাহ (সা) জিজ্ঞাসা করলেন, কাস ইবনে সায়িদার খবর কী? তারা বলল, সে তো মারা গিয়েছে। রাসুলুল্লাহ (সা) বললেন, তার মুখ নিঃসৃত কয়েকটি কথা শুনেছিলাম, যা এ মুহূর্তে আমি মনে করতে পারছি না। শুনে

উপস্থিত এক ব্যক্তি বলে উঠল, ইয়া রাসূলাল্লাহ! আমার মনে আছে। নবী করীম (সা) বললেন, তা হলে তা' শুনাও তো! লোকটি বলল, আমি উকাজের বাজারে দাঁড়িয়ে আছি। এমন সময়ে কাস ইবন সায়দা বলল, ওহে লোক সকল! কান পেতে শোন ও মনে রাখ, যে জীবন লাভ করে, সে অবশ্যই মৃত্যুবরণ করবে। আর যে মৃত্যুবরণ করেছে, সে শেষ হয়ে গেছে। যা কিছু আমবার, তা এসে গেছে। আঁধার রাত। কক্ষ বিশিষ্ট আকাশ। উজ্জ্বল নক্ষত্র। বিক্ষুল সমুদ্র। সুদৃঢ় পর্বত। প্রবহমান নদী। নিচয় আকাশে খবর আছে। পৃথিবীতে আছে শিক্ষা গ্রহণের উপকরণ। আমি দেখছি যে, মানুষ মরে যাচ্ছে আর ফিরে আসছে না। তাহলে কি মানুষ ওখানেই থেকে যাওয়া মেনে নিয়েছে, নাকি সব ত্যাগ করে ঘুমিয়ে পড়েছে? কাস আল্লাহর শপথ করে বলছে, সত্য শপথ, নিচয় আল্লাহর একটি দীন আছে যা তোমাদের রীতি-নীতির চেয়ে বহু উত্তম। অতঃপর সে কবিতা আবৃত্তি করল :

فِي الدَّاهِبِيَّنَ أَوْلَ - يَنْ مِنَ الْقَرْفَوْنِ لَنَا بَصَائِرُ الْخَ.

বিগত লেকাদের মধ্যে আমাদের অনেক কিছু শেখার আছে! আমাকে একদিন চলে যেতে হবে।

## যায়দ ইবনে আমর ইবন নুফায়ল (রা)

পূর্ণ পরিচয় যায়দ ইবন আমর ইবনে নুফায়ল ইবন আব্দুল উয্যা ইবনে রিবাহ ইবনে কারয  
ইবনে রিয়াহ ইবন 'আদী ইবন কা'ব ইবনে লুওয়াই আল-কুরশী আল- আদাবী । উমর  
(রা)-এর পিতা খাতাব ছিল তার চাচা ও বৈপেত্রিয় ভাই । কারণ পিতার মৃত্যুর পর আমর ইবনে  
নুফায়ল তার বিমাতাকে বিবাহ করেছিলেন । তাঁরই গর্ভে ইতিপূর্বে পিতা নুফায়লের ওরসে তাঁর  
ভাই খাতাবের জন্ম হয়েছিল । যুবায়র ইবন বাক্সার ও মুহাম্মদ ইবন ইসহাক এরপ বলেছেন ।

যায়দ ইবনে আমর শুরু জীবনেই মৃত্তিপূজা ত্যাগ ও পৌত্রলিক ধর্ম ত্যাগ করেছিলেন । এক  
আল্লাহর নাম নিয়ে যবাহ করা পশু ব্যতীত কোনো পশু তিনি খেতেন না । আস্মা বিনতে আবু  
বকর বলেন, আমি একদিন যায়দ ইবনে আমরকে কা'বার দেয়ালে হেলান দিয়ে বসা অবস্থায়  
বলতে শুনেছি যে, হে কুরাইশ গোত্র! যার হাতে যায়েদের জীবন, আমি তাঁর শপথ করে বলছি,  
বর্তমানে আমি ব্যতীত তোমাদের আর কেউ ইবরাহীমের দীনের উপর বহাল নেই । অতঃপর  
তিনি বলেন, হে আল্লাহ । তোমাকে পাওয়ার এর চেয়ে উত্তম পশ্চা আছে বলে যদি আমি  
জানতাম, তবে তা-ই করতাম । কিন্তু অন্য কোনো পশ্চা আমার জানা নেই । এরপ বলে  
তিনি বাহনের উপরই সিজদায় চলে যেতেন । অন্য বর্ণনায় আছে যে, তিনি কা'বার দিকে মুখ  
করে নামায পড়তেন এবং বলতেন, ইবরাহীমের যিনি ইলাহ, তিনিই আমার ইলাহ ।  
ইবরাহীমের দীন যা, আমার দীনও তা- ই । জীবন্ত কবর দেয়া মেয়েদের তিনি তাদের জীবন  
বাঁচাতেন । কেউ নিজের কল্যা সন্তানকে হত্যা করতে চাইলে তিনি বলতেন, খুন না করে একে  
তুমি আমার কাছে দিয়ে দাও । আমি একে লালন-পালন করব । বড় হলে ইচ্ছা করলে তুমি একে  
নিয়েও নিতে পারবে আবার আমার কাছেই রেখেও দিতে পারবে । নাসাই এ বর্ণনা উদ্ধৃত  
করেছেন ।

লাইছ হিশাম ইবনে উরওয়া সূত্রে এবং ইউনুস ইবনে বুকায়র মুহাম্মদ ইবনে ইসহাক সূত্রে  
বর্ণনা করেছেন যে, কুরাইশের তাওহীদবাদী বেশ কয়েকজন ছিলেন তারা হচ্ছেন : যায়দ ইবনে  
আমর ইবন নুফায়ল, ওয়ারাকা ইবনে নওফল ইবনে আসাদ ইবনে আব্দুল উয্যা, উচ্চমান ইবন  
হুয়ায়রিছ ইবনে আসাদ ইবন আব্দুল উয্যা ও আব্দুল্লাহ ইবন জাহাশ, আব্দুল মুতালিবের কল্যা  
উমাইয়া ছিলেন তাঁর মা । উম্মুল মুমিনীন যয়নাব বিনতে জাহশ হলেন তাঁর বোন ।

একদা মক্কার কুরাইশের তাদের একটি প্রতিমার নিকট সমবেত হয় । যে কোন উৎসবে  
তারা ঐ প্রতিমার কাছে পশু বলি দিত । এক পর্যায়ে তাদের কেউ কেউ বলাবলি করতে শুরু  
করে যে, তোমরা পরম্পর সত্য কথা বলবে । মনের কথা গোপন রাখবে না । একজন বলল,  
তোমরা তো অবশ্যই জান যে, তোমাদের জাতি সত্য পথে নেই । সরল-সঠিক দীনে ইবরাহীম  
[www.QuranerAlo.com](http://www.QuranerAlo.com)

ভুলে গিয়ে এখন তারা প্রতিমা পূজা করছে। মূর্তিপূজা করার কী যুক্তি আছে? ওরা তো কারে। উপকার-অপকার কিছুই করতে পারে না। অতএব, তোমরা সঠিক পথের সন্ধান কর। ফলে তারা সঠিক পথের সন্ধানে বের হলো। ইহুদী, নাসারা এবং অন্যান্য ধর্মের পণ্ডিতদের শরণাপন্ন হলো। সেকালে ইব্রাহীমী দীন হানীফিয়া। ওয়ারাকা ইব্ন নওফল মনে-প্রাণে খৃষ্টান হয়ে যান এবং প্রধান খৃষ্টানদের নিকট থেকে ধর্মীয় গ্রন্থ সংগ্রহ করে যথেষ্ট জ্ঞান অর্জন করেন।

এদের মধ্যে যিনি হানীফিয়তের নীতিতে অটল থাকলেন, তিনি হলেন যায়দ ইব্ন আমর ইব্ন নুফায়ল। প্রতিমা পূজা ইহুদী ও খৃষ্টান ধর্ম সবকিছু হতে তিনি নিজেকে মুক্ত রেখে দীনে ইব্রাহীমের উপর অটল থাকেন এবং আল্লাহতে বিশ্বাস স্থাপন করলেন। নিজ সম্পদায়ের যবাই করা পশ্চও তিনি আহার করতেন না। এ কারণে সমাজের মানুষ তাঁকে একঘরে করে রেখেছিল।

বর্ণনাকারী বলেন, খাতাব যায়দ ইব্ন আমর-এর উপর সীমাহীন নির্যাতন চালায়। খাতাবের নির্যাতনে অতিষ্ঠ হয়ে এক পর্যায়ে তিনি লোকালয় ত্যাগ করে মক্কার উচ্চ অঞ্চলের দিকে চলে যান। খাতাব এলাকার বাথাটে যুবকদেরকে তাঁর পেছনে লেলিয়ে দেয় এবং বলে দেয়, ও যেন এলাকায় আর ঢুকতে না পারে। ফলে তিনি একান্ত গোপনে ব্যতীত এলাকায় ঢুকতেন না। একদিন অতি গোপনে এলাকায় প্রবেশ করলে লোকেরা টের পেয়ে যায় এবং পাছে এলাকার লোকদের উপর কোন প্রভাব ফেলে বসে এই ভয়ে নির্যাতন করে তাঁকে এলাকা থেকে বের করে দয়।

মূসা ইব্ন উকবা বলেন, আমি বিশ্বস্ত সুন্তে শুনেছি যে, যায়দ ইব্ন আমর নুফায়ল কুরাইশদের যবাই করা পশ্চ সমালোচনা করে বলতেন, বকরী আল্লাহ সৃষ্টি করেছেন এবং তিনিই এদের জন্য আকাশ থেকে পানি বর্ষণ করেছেন এবং মাটি থেকে তার খাদ্যের ব্যবস্থা করেছেন। তোমরা এদেরকে কেন যবাই করো?

ইউনুস (র) ইব্ন ইসহাক থেকে বর্ণনা করেন যে, দীনে ইব্রাহীমের সন্ধানে যায়দ ইব্ন আমর ইব্ন নুফায়ল একদিন মক্কা থেকে বেরোতে মনস্ত করেন। তার স্ত্রী আফিয়া বিনতে হায়রামীর অভ্যাস ছিল যে, তার স্বামী যায়দ কোথাও যাওয়ার জন্য প্রস্তুতি নিলে সে খাতাব ইবন নুফায়লকে তা বলে দিত। যায়দ সিরিয়া গিয়ে আহ্লে কিতাবদের মধ্যে দীনে ইব্রাহীম সন্ধান করতে শুরু করলেন। সুসেল জায়িরা সব চম্পে ফিরে এবার সিরিয়ার বালকা নামক স্থানের একটি গীর্জার এমন এক যাজকের কাছে আসলেন, যিনি খৃষ্টীয় মতবাদে শীর্ষস্থানীয় পণ্ডিতরূপে প্রসিদ্ধ ছিলেন। যায়দ তাঁকে দীনে ইব্রাহীম সম্পর্কে জিজ্ঞাসা করলে তিনি বললেন, তুমি এমন একটি দীন সম্পর্কে জানতে চেয়েছ, যার সন্ধান দেওয়ার মত কাউকে তুমি পাবে না। যারা এর সন্ধান দিতে পারত, তারা সকলেই এ দুনিয়া ছেড়ে চলে গেছেন। তবে একজন নবীর আগমনে আসন্ন। এটাই তাঁর যুগ। ইতিমধ্যেই যায়দ ইহুদী এবং খৃষ্ট ধর্মকে যাচাই করে অপছন্দ করেছিলেন। পাদ্মীর এসব কথা শুনে তিনি দ্রুত সেখানে থেকে বের হয়ে মক্কার উদ্দেশ্যে রওয়ানা হন। লাখ্মীদের এলাকায় পৌছার পর দুর্বৃত্তরা তাঁর উপর চড়াও হয় এবং তাঁকে হত্যা করে।

ওয়ারাকা ইব্ন নওফল তাঁর শোকগাথায় বলেছিলেন :

رَشَدْتَ وَأَنْعَمْتَ أَبْنَ عَمْرُو وَأَنَّمَا - تَجَنَّبْتَ شَنُورًا مِنَ النَّارِ حَامِيًّا  
بِدِينَكَ رَبًا لَيْسَ رَبُّ كَمِشْلِهِ - وَتَرْكَكَ أَوْثَانَ الطَّوَاغِيْ كَمَا هِيَا  
وَقَدْ شُدِّرْتُ الْإِنْسَانَ رَحْمَةً رَبِّهِ - وَلَوْكَانَ تَحْتَ الْأَرْضِ سِنِيْنَ وَادِيَا

—হে ইব্ন আমর! তুমি সুপথ পেয়েছ ও কল্যাণ প্রাণ্ড হয়েছ। আর এক অনুপম রবের প্রতি বিশ্বাস স্থাপন ও প্রতিমা পূজা বর্জন করার ফলে জাহানাম থেকে মুক্তি লাভ করেছ, বছরের পর বছর মাটির নীচে অবস্থান করলেও আল্লাহর রহমত মানুষের কাছে পৌছবেই।

মুহাম্মদ ইব্ন উসমান ইব্ন আবু শায়বা বর্ণনা করেন যে, যায়েদ ইব্ন আমর ইব্ন নুফায়ল জাহিলী যুগে সত্য দীন অনুসন্ধান করে বেড়াতেন। একদা এক ইহুদীর নিকট গিয়ে বললেন, আমাকে তোমার ধর্মে দীক্ষা দান কর! ইহুদীটি বলল, আমি তোমাকে আমার ধর্মে দীক্ষিত করবো না, কেননা তাতে তুমি আল্লাহর রোষে পতিত হবে। একথা শুনে তিনি বললেন তা' হলে আমি আল্লাহর রোষ থেকে পালাই। অতঃপর তিনি এক খৃষ্টানের নিকট গিয়ে বললেন, আমি চাই যে, আমাকে তুমি তোমার ধর্মে দীক্ষিত কর। খৃষ্টান বলল না, আমি তাতে রাজি নই। কেননা তাতে তুমি আন্তির শিকারে পরিণত হবে। জবাবে তিনি বললেন, তা হলে আন্তি থেকে পালাই। এবার খৃষ্টান লোকটি তাকে বলল, তবে আমি তোমাকে এমন একটি দীনের সন্ধান দিতে পারি, তুমি তার অনুসরণ করলে হিদায়াত পেয়ে যাবে। যায়দ জিজ্ঞেস করলেন, কোন্ সে দীন? খৃষ্টান বলল, তাহলো ইবরাহীমের দীন। বর্ণনাকারী বলেন, একথা শুনে যায়দ বললেন, হে আল্লাহ! আমি তোমাকে সাক্ষী রেখে বলছি, আমি ইবরাহীমের দীনের অনুসারী। এ নিয়ে আমার জীবন এবং এ নিয়েই আমার মরণ। বর্ণনাকারী বলেন, যায়দের এসব ঘটনা শুনে রাস্তুল্লাহ (সা) বলেছিলেন : “যায়দ ইব্ন আমর কিয়ামতের দিন একাই একটি উম্মতের মর্যাদা পাবে।”

মুসা ইব্ন উক্বা (র) ইব্ন উমর (রা) থেকে অনুরূপ বর্ণনা করেছেন।

মুহাম্মদ ইব্ন সা'দ (র) আন্দুর রহমান (রা) থেকে বর্ণনা করেন যে, যায়দ ইব্ন আমর ইব্ন নুফায়ল বলেছেন, আমি ইহুদী খৃষ্টান উভয় ধর্মকে যাচাই করে দেখেছি একটিও আমার মনঃপৃত হয়নি। অতঃপর সিরিয়া গিয়ে সেখানকার এক গীর্জার পাদ্রীর সঙ্গে দেখা করলাম এবং আমার সমাজ ত্যাগ করে আসা, মৃত্যুপূজা, ইহুদী ও খৃষ্টান ধর্মের প্রতি অনীহার কথা জানালাম। আমার সব বৃত্তান্ত শুনে পাদ্রী বললেন, তুমি তো দেখছি, ইবরাহীমের দীন অনুসন্ধান করছ হে মক্কার ভাই ! তুমি এমন একটি দীনের সন্ধান করছ বর্তমানে যার অনুসরণ করার মত একজন মানুষও পাওয়া যাবে না। তা হলো তোমার পিতা ইবরাহীমের দীন। তিনি সরল সঠিক পথের অনুসারী ছিলেন। ইহুদী বা খৃষ্টান ছিলেন না। তিনি নামায পড়তেন এবং তোমার শহরে অবস্থিত সেই ঘরটির প্রতি মুখ করে সিজদা করতেন। তুমি তোমার শহরে চলে যাও, ওখানেই

অবস্থান কর। আল্লাহ তোমার দেশে তোমার সম্প্রদায় থেকে এমন এক ব্যক্তিকে প্রেরণ করবেন, যিনি সরল সঠিক দীনে ইবরাহীম নিয়ে আত্মপ্রকাশ করবেন। আল্লাহর নিকট তিনি হবেন মৃত্তির সেরা মানুষ।

ইউনুস ইব্ন ইসহাক থেকে বর্ণনা করেছেন যে, যায়দ ইব্ন আমর ইব্ন নুফায়ল এর বংশের জনৈক ব্যক্তি বলেছেন যে, যায়দ ইব্ন আমর যখনই কা'বায় প্রবশ করতেন, তখন বলতেন, আমি হাজির, আমি সত্যের অনুসারী, আমি এক আল্লাহর দাসত্বে বিশ্বাসী। আমি আশ্রয় প্রার্থনা করছি, যেমন আশ্রয় প্রার্থনা করেছিলেন ইবরাহীম (আ) এই স্থানে প্রার্থনা করেছিলেন। হে আল্লাহ ! আমার নাক তোমার জন্য ধূলামলিন হোক, তুমি আমাকে যখন যেমন বোৰা বহন করতে বলবে, আমি তা-ই বহন করব। পুণ্যই আমি কামনা করি।

আবু দাউদ তায়ালিসী (র) সাঈদ ইব্ন যায়দ ইব্ন আমর (রা) থেকে বর্ণনা করেন যে, যায়দ ইব্ন আমর এবং ওরাকা ইব্ন নওফল দীনের সঙ্গানে বের হন। মওসেল নামক স্থানে জনৈক পাদ্রীর সঙ্গে তাঁদের সাক্ষাত হয়। পাদ্রী যায়দ ইব্ন আমরকে জিজ্ঞেস করল, হে উষ্টারোহী ! তুমি কোথা থেকে এসেছ? যায়দ বললেন, আমি ইবরাহীম (আ)-এর এলাকা থেকে এসেছি। পাদ্রী বলল, তা এখানে এসেছ কিসের সঙ্গানে? যায়দ বললেন, এসেছি দীনের সঙ্গানে। পাদ্রীটি বলল, তা হলে তুমি ফিরে যাও ! তুমি যে দীনের সঙ্গান করছ, তা তোমার অঞ্চলে আত্মপ্রকাশ করার সংস্কারনাই বেশী। অবশেষে খৃষ্টান হতে চাইলে তিনি আমাকে বারণ করেন। তখন যায়দ **لَبِيلَ حَقًا** বলতে বলতে ফিরে আসেন।

বর্ণনাকারী বলেন, যায়দের পুত্র সাঈদ, যিনি জাল্লাতের সুসংবাদ প্রাণ দশজনের একজন লোক ছিলেন, তা তো আপনি দেখেছেন ও শুনেছেন। তাঁর জন্য ক্ষমা প্রার্থনা করুন! রাসূলুল্লাহ (সা) বললেন, হ্যাঁ, করব। তিনি তো কিয়ামতের দিন একা একটি উম্মতরূপে উঠিত হবেন।

একদিন যায়দ ইব্ন আমর রাসূলুল্লাহ (সা)-এর নিকট আসেন। রাসূলুল্লাহ (সা) তখন যায়দ ইব্ন হারিছাকে সঙ্গে নিয়ে একটি খাল্লা থেকে আহার করেছিলেন। যায়দ ইব্ন আমরকে খেতে আহ্বান করা হলে তিনি বললেন, ভাতিজা! আমি দেবতার নামে বলি দেওয়া পশু খাই না।”<sup>১</sup>

মুহাম্মদ ইব্ন সা'দ হিজ্র ইব্ন আবু ইহাব থেকে বর্ণনা করেছেন যে, হিজ্র বলেন, যায়দ ইব্ন আমর সিরিয়া থেকে ফিরে আসার পর একদিন আমি দেখতে পেলাম যে, তিনি সূর্যের দিকে লক্ষ্য রাখছেন। আমি তখন বুওয়ানা মূর্তির কাছে দাঁড়িয়ে। সূর্য পঞ্চম দিকে ঢলে পড়লে কিবলার দিকে মুখ করে তিনি দু'সিজদায় এক রাকাত নামায আদায় করেন। তারপর বলেন : এই হলো ইবরাহীম ও ইসমাইলের কিবলা। আমি পাথরের পূজাও করি না এবং পাথরের উদ্দেশ্যে নামাযও পড়ি না। মূর্তির নামে বলি দেওয়া পশু খাই না, লটারীর মাধ্যমে ভাগ্য নির্ণয় করি না। মরণ পর্যন্ত আমি এই ঘরের দিকে মুখ করে নামায পড়ে যাব।

১. স্বত্বত রসূলুল্লাহ (সা)-যে দেবতার নামে ঘৰাইকৃত পশু গোশত আহার করতেন না, তা তাঁর জানা ছিল না।

যায়দ ইব্ন আমর হজ্জ করতেন এবং আরাফায় অবস্থান করতেন। তিনি তালবিয়া পড়তেন এবং তাতে বলতেন, “তোমার দরবারে আমি হাজির। তোমার কোনো অংশিদার নেই। নেই কোন সমকক্ষ।” অতঃপর লাবাইক বলতে বলতে পায়ে হেঁটে আরাফা থেকে ফিরে আসতেন।

ওয়াকিদী আমির ইব্ন রবীয়া থেকে বর্ণনা করেন যে, তিনি বলেন, আমি যায়দ ইব্ন আমরকে বলতে শুনেছি যে আমি ইসমাইল ও আব্দুল মুত্তালিবের বংশ থেকে আগমনকারী একজন নবীর অপেক্ষায় আছি। তবে তাঁকে পেয়ে আমি তাঁর প্রতি ঈমান আনতে তাঁর প্রতি বিশ্বাস স্থাপন করতে এবং তাঁকে নবী বলে সাক্ষ্য দিতে পারব বলে মনে হয় না। যদি তুমি ততদিন পর্যন্ত বেঁচে থাক এবং তাঁর সাক্ষ্য লাভে ধন্য হও, তাহলে তাঁকে আমার সালাম জানাবে। তিনি কেমন হবেন, আমি তোমাকে তা বলে দেব, যার ফলে তাঁকে চিনতে তোমার মোটেই বেগ থেকে হবে না। আমি বললাম, তবে তা বলুন! তিনি বললেন, তিনি না অধিক লস্বা না বেশী খাট। মাথার চুল বেশীও নয় কমও না। লালিমা তাঁর চাঁথের অবিছেদ্য অংশ, দুই কাঁধের মাঝে থাকবে নবুওতের মহর। নাম হবে আহমদ। এই নগরী তাঁর জন্মস্থান এবং এখনেই তিনি নবুওত লাভ করবেন। পরে তাঁর সম্পদায় তাঁকে জন্মভূমি থেকে বের করে দিবে এবং তাঁর দীনের বিরুদ্ধাচরণ করবে। ফলে তিনি ইয়াসরিবে হিজরত করবেন। ওখানেই তিনি প্রতিষ্ঠা লাভ করবেন। সাবধান! তুম যেন তাঁর ব্যাপারে প্রতারিত না হও। আমি ইবরাহীমের দীনের সন্ধানে দেশময় ঘুরে বেরিয়েছি। ইহুদী খৃষ্টান মজুসী যাকেই এ ব্যাপারে জিজ্ঞাসা করেছি, প্রত্যেকেই বলেছে যে, অচিরেই এ দীন আত্মপ্রকাশ করবে। সেই নবী সম্পর্কে আমি তোমাকে যে বিবরণ দিলাম, তারা সকলেই আমাকে এরূপই বলেছে। তারা আরো বলেছে যে, তিনি ব্যতীত আর কোন নবীর আগমন ঘটবে না।

আমির ইব্ন রবীয়া বলেন, ইসলাম গ্রহণের পর আমি রাসূলুল্লাহ (সা)-কে যায়দ ইব্ন আমরের এসব কথা জানিয়েছি এবং তাঁর আমানতও পৌছিয়েছি। নবী করীম (সা) তাঁর সালামের জবাব দেন এবং তাঁর জন্য রহমতের দোয়া করেন এবং বলেন, আমি তাঁকে জান্মাতে বেশ শান-শওকতে বিচরণ করতে দেখেছি।

ইমাম বুখারী (র) আব্দুল্লাহ ইব্ন আমর (রা) থেকে বর্ণনা করেন যে, ইব্ন উমর (রা) বলেন, ওহী অবতরণ শুরু হওয়ার আগে একদিন বালদাহ-এর নিম্নাঞ্চলে যায়দ ইব্ন আমর-এর সঙ্গে নবী করীম (সা)-এর সাক্ষাত হয়। আমি তাঁর সামনে খাপ্তা এগিয়ে দিই। কিন্তু তিনি তা থেতে অস্বীকার করেন। তখন যায়দ বলে উঠলেন : আমিও তোমাদের দেবতার মামে বলি দেওয়া পশ্চ খাই না এবং সে পশ্চও আমি মুখে দেই না, যা তোমরা গাইরুল্লাহুর নামে যবাই কর। উল্লেখ্য যে, যায়দ ইব্ন আমর যবাইর ব্যাপারে কুরাইশদের সমালোচনা করে বলতেন : বকরী সৃষ্টি করেছেন আল্লাহ। আল্লাহই আকাশ থেকে পানি অবতারণ করে ঘাস উৎপন্ন করে এর খাদ্যের ব্যবস্থা করেছেন। আর কুরাইশের লোকেরা কিনা তা যবাই করে গাইরুল্লাহুর নামে!

মূসা ইব্ন উক্বা বর্ণনা করেন যে, যায়দ ইব্ন ‘আমর ইব্ন নুফায়ল একবার দীনের সন্ধানে সিরিয়ার উদ্দেশ্যে রওয়ানা হন। পথে এক ইহুদী আলিমের সাক্ষাত পেয়ে তাকে তাদের দীন

সম্পর্কে জিজ্ঞাসা করেন এবং বলেন, আমি আপনাদের দীন গ্রহণ করতে আগ্রহী। অতএব এ সম্পর্কে আমাকে অবহিত করুন। জবাবে তিনি বললেন, আমাদের দীনে আসতে হলে তোমাকে আল্লাহর গ্যবের ভার মাথায় নিয়ে আসতে হবে। এ কথা শুনে যায়দ বললেন, আমি তো আল্লাহর গ্যব থেকেই পালিয়ে এসেছি আল্লাহর গ্যবের সমান্যও আমি বহন করতে পারব না, সে সাধ্যও আমার নেই। সম্ভব হলে আমাকে অন্য কোন দীনের সঙ্কান দিন। ইহুদী আলিম বললেন, আমার বিবেচনায় তুমি ‘হানীফ’ হতে পার। যায়দ জিজ্ঞাসা করলেন, ‘হানীফ’ আবার কি? তিনি বললেন, হানীফ হলো ইবরাহীম (আ)-এর দীন, যিনি ইহুদীও ছিলেন না, খৃষ্টানও ছিলেন না। তিনি আল্লাহ ছাড়া আর কারো ইবাদত করতেন না। ইহুদী পশ্চিতের বজ্ব্য শুনে যায়দ বেরিয়ে এলেন। তারপর দু'হাত উপরে তুলে বলে উঠেন, “আল্লাহ! তুমি সাক্ষী, আমি ইবরাহীমের দীন গ্রহণ করলাম।”

লায়ছ বলেন, আস্মা বিনতে আবু বকর (রা) বলেছেন আমি একদিন দেখলাম যে, যায়দ কা'বার সাথে হেলান দিয়ে দাঁড়িয়ে বলছেন, “হে কুরাইশ সম্প্রদায়! তোমাদের মধ্যে একমাত্র আমিই ইবরাহীমের দীনের অনুসারী।”

যায়দ শিশু কন্যাদেরকে জীবন্ত করব দেওয়া থেকে রক্ষা করতেন। কাউকে নিজ কন্যা সন্তান জীবন্ত করব দিতে দেখলে তিনি বলতেন, একে হত্যা করো না, আমাকে দিয়ে দাও, আমি এর ব্যয় ভার বহন করব। লালন-পালন করার পর বড় হলে কন্যার পিতাকে বলতেন, “ইচ্ছে হলে তোমার সন্তানকে এবার তুমি নিয়ে যেতে পার, আর যদি বল, এখনও আমি এর ভরণ-পোষণ বহন করতে পারি।” এ বর্ণনাটি বুখারীর। ইব্ন আসাকির ভিন্ন সূত্রে অনুরূপ বর্ণনা করেছেন।

আব্দুর রহমান ইব্ন আবু যিনাদ বর্ণনা করেন যে, আস্মা বিনতে আবু বকর (রা) বলেছেন, আমি দেখেছি যে, যায়দ ইব্ন আমর কা'বার সঙ্গে হেলান দিয়ে বলছেন, “হে কুরাইশ সম্প্রদায়! তোমরা ব্যভিচার থেকে দূরে থাক। ব্যভিচার দারিদ্র্য ডেকে আনে।”

মুহাম্মদ ইব্ন উছমান ইব্ন আবু শায়বা জাবির (রা) থেকে বর্ণনা করেছেন যে, তিনি বলেন, রাসূলুল্লাহ (সা)-কে যায়দ ইব্ন আমর সম্পর্কে জিজ্ঞাসা করা হয়েছিল যে, জাহিলী যুগে তো তিনি কিবলার দিকে মুখ করে বলতেন, ইবরাহীমের যিনি ইলাহ, আমার ইলাহও তিনি। ইবরাহীমের দীনই আমার দীন। আবার তিনি সিজদাও করতেন। তাঁর কী হবে? জবাবে নবী করীম (সা) বললেন, আমার ও ঈসার মাঝখানে একা তাকে একটি উম্মত হিসাবে উঠিত করা হবে। এ বর্ণনাটির সনদ উন্মত্ত ও হাসান পর্যায়ের।

ওয়াকিদী ..... খারিজা ইব্ন আব্দুল্লাহ থেকে বর্ণনা করেন যে, তিনি বলেছেন, আমি যায়দ ইব্ন আমর সম্পর্কে সাইদ ইব্ন মুসায়িব (রা)-কে বলতে শুনেছি যে, রাসূলুল্লাহ (সা)-এর প্রতি ওই অবতরণের পাঁচ বছর আগে যায়দ ইব্ন আমর যখন মারা যান, তখন কুরাইশরা কা'বা ঘর পুনঃনির্মাণ করছিল। মৃত্যুর আগে প্রায়ই তিনি বলতেন, “আমি ইবরাহীমের দীনের অনুসারী।” তাঁর ছেলে সাইদ ইব্ন যায়দ ইসলাম গ্রহণ করেন এবং রাসূলুল্লাহ (সা)-এর অনুসারী হন। উমর ইব্ন খাত্তাব (রা) ও সাইদ ইব্ন যায়দ (রা) একদিন,

রাসুলুল্লাহ (সা)-এর নিকট এসে যায়দ ইব্ন আমর সম্পর্কে জানতে চাইলে তিনি বললেন, “আল্লাহ তাঁকে ক্ষমা করে দিয়েছেন ও তাঁর প্রতি রহম করেছেন। কারণ তিনি ইবরাহীমের দীনের উপর ইতিকাল করেছেন।” বর্ণনাকারী বলেন, সেই থেকে কোন মুসলমান ক্ষমা ও রহমতের দোয়া ছাড়া তার নাম উচ্চারণ করেন না। এ বর্ণনাটির উল্লেখের পর সাঈদ ইব্ন মুসায়িব বলতেন :

رَحْمَةُ اللَّهِ وَغَفْرَالهُ

মুহাম্মদ ইব্ন সা'দ বর্ণনা করেন যে, ইয়াহুয়া সা'দী বলেছেন, যায়দ ইব্ন আমর মকায় মারা যান এবং হেরার পাদদেশে সমাহিত হন। তবে আগে আমরা বলে এসেছি যে, সিরিয়ার বালক অঞ্চলের মায়কা'আ নামক স্থানে বনু লাখমের একদল দুর্ব্বলের আক্রমণে তিনি নিহত হন। আল্লাহই সম্যক অবগত।

বাগিনদী ..... আয়েশা (রা) থেকে বর্ণনা করেছেন যে, তিনি বলেছেন, রাসুলুল্লাহ (সা) বলেছেন “আমি জানতে প্রবেশ করে যায়দ ইব্ন আমর ইব্ন নুফায়লের দু'টি অট্টালিকা দেখতে পেয়েছি।” এ সনদটি উত্তম, তবে কোন কিতাবে এর উল্লেখ পাওয়া যায় না।

যায়দ ইব্ন আমর ইব্ন নুফায়লের কিছু কবিতা আমরা সৃষ্টির সূচনা অধ্যায়ে উল্লেখ করে এসেছি। তার দু'টি পংক্তি নিম্নরূপ :

إِلَيْهِ أَهْدَى مِدْحَاتِي وَثَنَائِيَا - وَقَوْلًا رَضِيًّا لَأَيْنِي الدَّهَرْبَاقِيَا  
إِلَيْهِ أَطْلَكَ الْأَعْلَى الَّذِي لَيْسَ فَوْقَهُ - إِلَهُ وَلَرَبَ يَكُونُ مُدَانِيَا

—আমার সকল প্রশংসা আল্লাহর জন্য নিবেদিত যিনি রাজাধিরাজ, যাঁর উপর কোন ইলাহ নেই এবং এমন কোন রবও নেই, যে তাঁর সমকক্ষ হতে পারে।

তবে কারও কারও মতে এ পংক্তি দুটো উমাইয়া ইব্নে আবুস সালত এর।

মুহাম্মদ ইব্ন ইসহাক এবং যুবায়র ইব্ন বাক্কার প্রমুখ বর্ণিত যায়দ ইব্ন আমর-এর তাওহীদ সংক্রান্ত কয়েকটি কবিতা নিম্নরূপ :

وَأَسْلَمْتُ وَجْهِيَ لِمَنْ أَسْلَمْتُ - لَهُ الْأَرْضُ تَحْمِلُ صَخْرًا ثَقَالًا  
دَحَاهَا فَلَمَّا اسْتَوَتْ شَدَّهَا - سَوَاءٌ وَأَرْسِيَ عَلَيْهَا الْجِبَالَا  
وَأَسْلَمْتُ وَجْهِيَ لِمَنْ أَسْلَمْتُ - لَهُ الْمَزْنُ تَحْمِلُ عَزْبًا زَلَالًا  
إِذَا هِيَ سَيْقَتُ إِلَيْ بَلْدَةٍ - أَطَاعَتْ فَصَبَّتْ عَلَيْهَا سَجَالًا  
وَأَسْلَمْتُ وَجْهِيَ لِمَنْ أَسْلَمْتُ - لَهُ الرَّيْحَ تُصْرَفُ حَالًا فَحَالًا

—আমি নিজেকে সঁপে দিলাম সেই মহান সত্ত্বার হাতে, যার কাছে মাথা নত করে ভারী পাথর বহনকারী পৃথিবী। যাকে বিস্তৃত করার পর যখন তা সমতল হয় তখন পাহাড় চাপা দিয়ে তিনি তাকে প্রোত্তিত করেন।

আমি আত্মসমর্পণ করলাম, সেই সত্ত্বার কাছে, সুমিষ্ট পানি বহনকারী মেঘমালা যার অনুগত, যে মেঘের পানি দ্বারা সিঙ্গ গোটা পৃথিবী।

আমি আত্মসমর্পণ করলাম সেই সত্ত্বার কাছে, যার কাছে আত্মসমর্পণ করেছে বায়ু, যে বায়ু এক সময় এক একভাবে প্রবাহিত হয়।

মুহাম্মদ ইব্ন ইসহাক হিশাম ইব্ন উরওয়া (রা) থেকে বর্ণনা করেন যে, তিনি বলেন, আমার আববা বলেছেন, যায়দ ইব্ন আমর ইব্ন নুফায়ল কাব্যাকারে বলেছিলেন :

أَرْبُّ وَاحِدٌ أَمْ أَلْفُ رَبٌّ - أَيْنُ إِذَا تَقْسَمَتِ الْأُمُورُ  
عَزَّلَتُ اللَّاتُ وَالْعَزَّى حَمِيعًا - كَذَالِكَ يَفْعَلُ الْجَلْدُ الصَّابُورُ  
فَلَا الْغَرِيْبُ أَدِينُ وَلَا ابْتِيْأ - وَلَا صَنَمُ بَنِي عَمْرِو وَأَزْوَرِ  
وَلَا غُنْمًا أَدِينُ وَكَانَ رَبِّا - لَنَا فِي الدَّهْرِ اذْحَلْمِي يَسِيرُ  
عَجِبْتُ وَفِي الْتَّيَالَى مَعْجِبَاتٍ - وَفِي الْاِيَامِ يَعْرَفُهَا الْبَصِيرُ  
بَأَنَّ اللَّهَ قَدْ افْتَنَ رَجَالًا - كَثِيرًا كَانَ شَانِهِمُ الْفَجُورُ  
وَابْقَى اخْرِيْنَ يَرْقُومُ - فَيَرْبِلُ مِنْهُمُ الطَّفْلُ الصَّغِيرُ  
وَبِيْنَا الْمَرءُ يَعْثِرُ شَابًّا يَوْمًا - كَمَا يَتَرُوحُ الغَصْنُ النَّضِيرُ  
وَلَكِنَ اعْبُدُ الرَّحْمَنَ رَبِّي - لِيَغْفِرَ ذَنْبِي الرَّبُّ الْغَفُورُ  
فَتَقْوِيُ اللَّهُ بِكُمْ احْفَظُوهَا - مَتَى مَا تَحْفَظُوهَا لَا تَبُورُوا  
وَتَرِي الْاَبْرَارِ دَارِهِمْ جَنَانٌ - وَلِلْكُفَّارِ حَامِيَةٌ سَعِيرٌ  
وَخَزْيٌ فِي الْحَيَاةِ وَإِنَّ يَمْؤُودًا - يَلْاقُو مَا تَضْيِيقُ بِهِ الصُّدُورُ

এক রবের আনুগত্য করব নাকি হাজার রবের ? যদিও বিষয় বিভিন্ন। আমি লাত- উয্যাস সব ত্যাগ করেছি। ধৈর্যশীল ও সহিষ্ণু লোকেরা এমনই করে থাকে।

আমি উয্যাকে মানি না, মানি না তার দুই কন্যাকেও। বনু আমর ও বনু আয়ওর এর দুই প্রতিমাকেও না।

গুনমকেও আমি মানি না। আমি বুদ্ধিতে যখন অপরিপক্ষ তখন থেকেই আমার রব একজন। আমি বিশ্বিত হয়েছি। বস্তুত রাত্রিকালে অনেক বিশ্বয়কর ঘটনা ঘটে থাকে। আর বিচক্ষণ লোকেরা দিনের বেলা সেসব উপলব্ধি করতে সক্ষম হন। বহু পাপাচারীকে আল্লাহ ধ্রংস করে দিয়েছেন আর সমাজের কিছু সাধু লোকদের রেখে দিয়েছেন, যাদের ছোট শিশুরা আস্তে আস্তে বড় হচ্ছে।

মানুষ যখন হোচ্ট খায়, তখন একদিন তওবা করে যেমন সবুজ ডাল-পালা এক সময় পল্লবিত হয়।

আমি আমার রব রহমানের ইবাদত করি। এই আশায় যে, ক্ষমাশীল রব আমার সব পাপ মাফ করে দেবেন।

তোমরা তোমাদের রব আল্লাহর প্রতি তাকওয়া সংরক্ষণ কর। যতক্ষণ তোমরা তা' করবে, ততক্ষণ পর্যন্ত ধ্বংস হবে না।

পুন্যবানদের আবাস হবে জান্নাত। আর কফিরদের ঠিকানা জাহানাম। পার্থিব জীবনে তাদের জন্য আছে লাঞ্ছন। আর মৃত্যুর পরে যা পাবে, তাতে তাদের হৃদয় সংকুচিতই হবে।

আবুল কাসিম বগবী আসমা বিনতে আবু বকর (রা) থেকে ভিন্ন সূত্রে উক্ত পংক্তিগুলো ইয়ৎ পরিবর্তন সহ বর্ণনা করেছেন।

জিনদেরকে আমি আমার থেকে দূরে সরিয়ে রেখেছি। ধৈর্যশীল ও সহিষ্ণু লোকেরা এমনই করে থাকে। আমি উত্থাকে মানি না, তার দুই কন্যাকেও না। বন্ধু তস্মি-এর প্রতিমার প্রতিও আমার আস্থা নেই।

আমি গুনম এর আনুগত্য করি না। শৈশব থেকেই আমি এক রবের অনুসারী। বিষয় নানাবিধ হলেও আমি কি এক রব ছেড়ে হাজার রবের আনুগত্য করব?

তোমার কি জানা নেই যে, আল্লাহ এমন বহু লোককে ধ্বংস করেছেন, যারা ছিল পাপিষ্ঠ? আর অবশিষ্ট রেখেছেন সাধু লোকদের, যাদের ছোট্ট শিশুরা এখন বড় হচ্ছে?

আসমা বিনতে আবু বকর (রা) বলেন, এসব শুনে ওয়ারাকা ইব্ন নওফল বলেছিলেন :

رَشَدْتَ وَأَنْعَمْتَ أَبْنَ عَمْرٍ وَأَنَّمَا - تَجَنَّبْتَ تَنُورًا مِنَ النَّارِ حَامِيًّا  
لِدِينِكَ رَبًا لَيْسَ رَبًا كَمِثْلِهِ - وَتَرْبَكَ جِنَانَ الْجَبَالِ كَمَا هِيَ  
أَقُولُ إِذَا اهْبَطْتُ أَرْضًا مَخْوَفَةً - حَنَانِيْكَ لَا تُظْهِرُ عَلَى الْأَعْادِيَ  
حَنَانِيْكَ أَنَّ الْجِنَّ كَانَتْ رَجَاءُهُمْ - وَأَنْتَ إِلَهِي رَبُّنَا وَرَجَائِيَا  
لَتُدْرِكُنَ الْمَرءَ رَحْمَةَ رَبِّهِ - وَإِنْ كَانَ تَحْتَ الْأَرْضِ سَيِّعِينَ وَادِيَا  
أَدِينُ لِرَبِّ لَسْتَجِيبُ وَلَا أَرِيَ - أَدِينُ لِمَنْ لَا يَسْمَعُ الدَّهْرُ وَأَعِيَا  
أَقُولُ إِذَا صَلَيْتُ فِي كُلِّ بَيْعَةٍ - تَبَارَكْتَ قَدْ أَكْثَرْتُ بِإِسْمِكَ رَاعِيَا

সুপথ পেয়ে গিয়েছ ও নিয়ামত লাভ করেছ হে ইবনে আমর এবং উক্তপ্ত অগ্নিকুণ্ড থেকে তুমি বেঁচে গিয়েছ। এক অনুপম রবের আনুগত্য করে এবং পাহাড়ের জিনদের বর্জন করে অঙ্ককার থেকে মুক্তি পেয়ে তুমি আলোর পথের সন্ধান পেয়েছ।

কোনো ভয়াল জনপদে অবতরণ করলে আমি বলি, আমি তোমার দয়া চাই, শক্রকে আমার উপর বিজয়ী করো না । তুমি আমার রব, তুমই আমার আশা-ভরসা, হে আমার রব?

আল্লাহর রহমত মানুষের নাগাল পাবেই । যদিও তারা সত্ত্বে স্তর মাটির নীচে অবস্থান করে ।

আমি এমন রবকে মান্য করি, যিনি ডাকে সাড়া দেন । জীবনভর ডাকলেও যার সাড়া-শব্দ পাওয়া যায় না, তাকে আমি মানি না । যে কোনো উপাসনালয়ে ইবাদতকালে আমি বলি, তুমি মহান, তোমাকেই আমি পুনঃপুনঃ আস্ত্রান করি ।

পূর্বেই বর্ণিত হয়েছে যে, যায়দ ইব্ন আমর দীনের সন্ধানে সিরিয়া গিয়েছিলেন । তাঁর সঙ্গে ছিলেন ওয়ারাকা ইব্ন নওফল, উছমান ইব্ন হৃয়াইরিছ ও উবাইদুল্লাহ ইব্ন জাহশ । যায়দ ব্যক্তিত অন্য তিনজন খৃষ্টধর্ম গ্রহণ করেন । যায়দ নতুন করে কোন ধর্ম অবলম্বন না করে এক লা-শারীক আল্লাহর ইবাদতের উপরই অটল থেকে স্বভাবজাতভাবেই খতটুকু সন্ত্ব ইবরাহীমের দীনের উপর থাকার চেষ্টা করেন । ওয়ারাকা ইব্ন নওফলের বৃত্তান্ত পরে আসছে । উছমান ইব্ন হৃয়াইরিছ সিরিয়ায় বসবাস করেন এবং কায়সারের নৈকট্যে অবস্থান করে সে দেশেই মারা যান, তার একটি বিস্ময়কর ঘটনা উমুবী বিস্তারিত বর্ণনা করেছেন । সংক্ষেপে ঘটনাটি এরূপ :

কায়সারের নিকট গিয়ে উছমান নিজ সম্প্রদায়ের বিকল্পে অনুযোগ করেন । তা' শুনে কায়সার সিরিয়ার আরব অধ্যুষিত অঞ্চলের শাসক ইব্ন জাফনাকে কুরাইশের সঙ্গে যুদ্ধ করার জন্য সৈন্য প্রেরণের আদেশ দেন । শাসক সে মতে আক্রমণের সিদ্ধান্ত নেন । তখন সেখানকার আরবরা তা থেকে বারণ করে । যুক্তি হিসাবে মক্কা শরীকের মাহাত্ম্য এবং আসহাবে ফীলের সঙ্গে আল্লাহ যে আচরণ করেন, তার কথা তারা উল্লেখ করে । ইব্ন জাফনা উছমান ইব্ন হৃয়াইরিছকে বিষ মাখা একটি রঙিন পোশাক পরিয়ে দেয়, যার বিষক্রিয়ায় সে মারা যায় । যায়দ ইব্ন আমর ইব্ন নুফায়ল তার মৃত্যুর শোক প্রকাশ করে কয়েকটি পংক্তি রচনা করেন । উমুবী পংক্তিগুলো উল্লেখ করেছেন । কলেবর বৃক্ষির আশংকায় আমরা তা উল্লেখ করলাম না । উছমান ইব্ন হৃয়াইরিছের মৃত্যুর ঘটনাটি ঘটেছিল রাসূলুল্লাহ (সা)-এর নবুওত প্রাপ্তির কমবেশী তিন বছর আগে । আল্লাহই সম্যক অবগত ।

## ইসা (আ) ও রাসূলুল্লাহ (সা)-এর মধ্যবর্তী যুগের কয়েকটি ঘটনা

### (ক) কা'বা নির্মাণ

কেউ কেউ বলেন, সর্বপ্রথম যিনি কা'বা ঘর নির্মাণ করেন তিনি হলেন আদম (আ) আবদুল্লাহ ইব্ন আমর বর্ণিত এ সম্পর্কে একটি মারফু' হাদীসও আছে। তবে এর সনদে ইব্নুল হায়'আ নামক একজন দুর্বল রাবী রয়েছেন। বিশুদ্ধতর অভিযন্ত হলে, সর্বপ্রথম যিনি কা'বা ঘর নির্মাণ করেছেন, তিনি হলেন ইবরাহীম (আ)। ইতিপূর্বে এ বিষয়ে আলোচনা করা হয়েছে। সিমাক ইব্ন হারব আলী ইব্ন আবু তালিব থেকে এরূপ বর্ণনা করেছেন। আলী (রা) বলেন, অতঃপর কা'বাঘর ধ্রংস হয়ে গেলে আমালিকা বংশীয়রা তা নির্মাণ করে। তারপর আবারও ধ্রংস হলে জুরহুম বংশীয়রা তা নির্মাণ করে। পুনরায় ধ্রংস হলে এবার কুরাইশরা তা নির্মাণ করে। কুরাইশের কা'বাঘর পুনঃনির্মাণের আলোচনা পরে আসছে। তা ঘটেছিল নবী করীম (সা)-এর নবুওত লাভের পাঁচ বছর, মতান্তরে পনের বছর আগে। যুহুরী বলেন, রাসূলুল্লাহ (সা) তখন যৌবনে উপনীত। যথাস্থানে এ বিষয়ে বিস্তারিত আলোচনা হবে ইন্শাআল্লাহ।

### (খ) কা'ব ইব্ন লুওয়াই

আবু নু'আয়ম..... আবু সালামা সূত্রে বর্ণনা করেন যে, তিনি বলেন, কা'ব ইব্ন লুওয়াই প্রতি শুক্রবার সম্প্রদায়ের শোকদেরকে সমবেত করে ভাষণ দিতেন। কুরাইশরা সে দিনটিকে বলতো 'আক্রম'। বজ্রতায় তিনি বলতেন, হে শোক সকল! তোমরা শ্রবণ কর, শিক্ষা লাভ কর ও অনুধাবন কর! অঙ্ককার রাত, আলোকোজ্জ্বল দিন বিছানা স্বরূপ পৃথিবী ছাদ আকাশ স্বরূপ, কীলকস্বরূপ পাহাড়রাজি আর পথ নির্দেশক তারকারাজি আগের পরের নির্বিশেষে সকল সকল, নারী ও পুরুষ সর্বপ্রথম স্বীকারোক্তি بِلِي-এর প্রতি ইঙ্গিতকারী বিষয় এবং রহ। তোমরা রক্তের আঝীয়তা বজায় রেখে চল। বৈবাহিক সম্পর্ক রক্ষা কর। অর্থ-সম্পদকে ফলপুদ বানাও। মৃত্যুবরণকারী কাউকে কি তোমরা ফিরে আসতে কিংবা মৃত ব্যক্তিকে পুনরুদ্ধিত হবে দেখেছ? আসল বাড়ী তোমাদের সম্মুখে। তোমরা যা বলছ, ব্যাপার তার বিপরীত। তোমাদের মর্যাদাকে তোমরা উৎকর্ষিত করে তোল এবং এর উপর দৃঢ় থাক। অচিরেই আসছে এক মহা সংবাদ। মহান এক নবী আত্মপ্রকাশ করছেন বলে। অতঃপর তিনি আবৃত্তি করেন :

نَهَارٌ وَلَيْلٌ كُلُّ يَوْمٍ بَحَارِثٌ - سَوَاءٌ عَلَيْنَا لَيْلَاهَا وَنَهَارَهَا  
يَؤُوبَانِ بِالْأَحْدَاثِ حَتَّى تَأْوِبَا - وَبِالنِّعَمِ الضَّافِفِي عَلَيْنَا سُتُورَهَا  
عَلَى غَفْلَةٍ يَأْتِي النَّبِيُّ مُحَمَّدٌ - فَيُخْبَرُ أَخْبَارًا صَدُوقٌ خَيْرُهَا

— রাত ও দিন প্রত্যহ নিত্য-নতুন ঘটনা নিয়ে আসছে। সেই রাত ও দিন সবই আমাদের জন্য সমান। বিভিন্ন ঘটনা-দুর্ঘটনা নিয়ে রাত-দিন ফিরে আসে। প্রভৃত প্রাচুর্য নিয়ে আমাদের উপর তার আবরণ ঢেলে দেয়। নবী মুহাম্মদ এসে পড়বেন, তেমরা টেরও পাবে না। এসে তিনি বহু সংবাদ প্রদান করবেন, সংবাদদাতা হবেন মহা সত্যবাদী।

অতঙ্গের তিনি বলতেন : সেদিন পর্যন্ত যদি আমি বেঁচে থাকতাম, তাহলে অবশ্যই আমি উটের উপর দাঁড়িয়ে থাকার ন্যায় ঠায় দাঁড়িয়ে থাকতাম এবং বাছুরের ন্যায় দৌড়াতাম। তারপর বললেন :

يَالَّتِينَ شَاهِدًا نَجْوَاءَ دَعْوَتِهِ - صَبِّئُ الْعَشِيرَةُ تَبْغِي الْحَقَّ خَذْلَانًا

হায়, যেদিন সমাজের মানুষ সত্যকে পদানত করতে চাইবে, সেদিন যদি আমি তাঁর দাওয়াতের সামনে উপস্থিত থাকতে পারতাম !

বর্ণনাকারী বলেন, কা'ব ইব্ন লুওয়াই এর মৃত্যু এবং রাসূল (সা)-এর নবুওত লাভের মাঝে ব্যবধান ছিল পাঁচশত ষাট বছর।

### (গ) যমযম কৃপ পুনঃখনন

জুরুত্ব গোত্র যমযম কৃপ বন্ধ করে দেয়ার পর থেকে আবদুল মুত্তালিবের সময়কাল পর্যন্ত তার কোন চিহ্ন বিদ্যমান ছিল না। মুহাম্মদ ইব্ন ইসহাক বর্ণনা করেন যে, একদা আবদুল মুত্তালিব হিজরে তথা হাতীমে ঘূর্মিয়ে ছিলেন। এসম্পর্কে তিনি বলেন যে, হিজরে ঘূর্মন্ত অবস্থায় আমি স্বপ্নে দেখলাম। এক ব্যক্তি এসে বলল, ‘তুমি ‘তায়েবা’ খনন কর।’ আমি জিজ্ঞাসা করলাম, তায়েবা কী? কিন্তু আমার প্রশ্নের জবাব না দিয়েই সে চলে গেল। পরদিন রাতে আমি যখন বিছানায় গেলাম এবং ঘূর্মিয়ে পড়লাম, লোকটি এসে পুনরায় আমাকে বলল, ‘বাররা’ খনন কর। আমি জিজ্ঞাসা করলাম, ‘বাররা’ কী? লোকটি আমাকে জবাব না দিয়েই চলে গেল। তৃতীয় রাতে আবারো স্বপ্নে দেখলাম যে, কে যেন আমাকে বলছে, ‘মায়নুনা’ খনন কর। আমি জিজ্ঞাসা করলাম, মায়নুনা কী? পরের রাতে আবারো এসে সে বলল, ‘যমযম খনন কর।’ আমি জিজ্ঞাসা করলাম, যমযম কী? সে বলল, যা কখনো শুকাবে না, মহান হাজীগণ যার পানি পান করবেন। গোবর ও রক্তের মধ্যখানে যার অবস্থান, সাদা পা বিশিষ্ট কাকের নিকটে, পিংপড়ার বসতির কাছে।

আদ্বুল মুত্তালিব বলেন, পরিচয় ও জায়গার নির্দেশনা পেয়ে আমি কোদাল নিয়ে সেখানে গেলাম। পুত্র হারিছ ইব্ন আদ্বুল মুত্তালিবও সঙ্গে ছিল। সে সময় পর্যন্ত তাঁর অন্য কোন পুত্র ছিল না। খনন কার্য শুরু হয়ে এক সময়ে তা শেষ হলো। আদ্বুল মুত্তালিব পানি দেখতে পেয়ে উচ্চস্থরে আল্লাহ আকবর বলে উঠলেন। তাকবীর ধ্বনি শুনে কুরাইশরা বুঝল যে, আদ্বুল মুত্তালিব এর উদ্দেশ্যে হাসিল হয়ে গেছে। ফলে তারা তাঁর নিকট গিয়ে বলল, হে আদ্বুল মুত্তালিব! আপনি যে কৃপের সঙ্কান পেয়েছেন, তা আমাদের পিতা ইসমাঈলের কৃপ এবং নিঃসন্দেহে তাতে আমাদের অধিকার আছে। অতএব আমাদেরকে তার ভাগ দিতে হবে। আদ্বুল মুত্তালিব বললেন, না, তা হবে না। এ কৃপ শুধু আমাকেই দেওয়া হয়েছে, এতে তোমাদের কোন অংশ নেই। কুরাইশরা বলল, আমরা এর দাবি ছাড়ব না। প্রয়োজনে আপনার সঙ্গে লড়াই করে হলেও আমরা আমাদের অধিকার আদায় করে ছাড়ব। আদ্বুল মুত্তালিব বললেন, ঠিক আছে, তা-ই যদি করো, তা হলে একজন লোক ঠিক কর, আমরা তার উপর এর বিচারের ভার অর্পণ করব। কুরাইশরা বলল, বনূ সাদ ইব্ন হৃয়াইমের গণক ঠাকুরণীর কাছে চলুন। আদ্বুল মুত্তালিব বললেন, ঠিক আছে। এই গণক: ঠাকুরণীর আবাসস্থল ছিল সিরিয়ার দিকে।

আদ্বুল মুত্তালিব রওয়ানা হলেন। সঙ্গে তাঁর বনূ উমাইয়া এবং কুরাইশের প্রত্যেক গোত্রের একজন করে একদল লোক। তখনকার দিনে তা ছিল এক বিরান মরু প্রান্তর। এক সময়ে আদ্বুল মুত্তালিব ও তাঁর সঙ্গীদের পানি শেষ হয়ে গেল। তারা তৎক্ষণাত কাতর হয়ে পড়লেন। এমন কি ধ্রাণ হারাবার উপক্রম হল। ফলে আদ্বুল মুত্তালিবের সঙ্গীরা অন্যদের নিকট পানি চাইল। কিন্তু তারা পানি দিতে অস্থীকৃতি জানিয়ে বলল, আমরা নিজেরাও তোমাদের মত এ মরু প্রান্তরে বিপন্ন হওয়ার আশংকা করছি। অগত্যা আদ্বুল মুত্তালিব সঙ্গীদেরকে বললেন, গায়ে কিছুটা শক্তি-সামর্থ্য থাকতেই তোমরা নিজেদের জন্য গর্ত খনন করে রাখ, যাতে কেউ মারা গেলে সঙ্গীরা তাকে সেই গর্তে পুঁতে রাখতে পারে। এভাবে সর্বশেষ একজন হয়ত সমাধি থেকে বঞ্চিত হবে। তা হয় হোক। গোটা কাফেলা বিনা দাফনে থাকা অপেক্ষা একজন থাকাই ভালো। সঙ্গীরা বলল, আপনার এই আদেশ অতি উত্তম। আমরা তা-ই করব। প্রত্যেকেই নিজের জন্য গর্ত খনন করল এবং বসে মৃত্যুর অপেক্ষা করতে লাগল।

অতঃপর আদ্বুল মুত্তালিব সাথীদের বললেন, আমরা এভাবে নিজেদেরকে মৃত্যুর হাতে সোপর্দ করে বসে রইলাম। চেষ্টা করলে হয়ত আল্লাহ কোন প্রকারে পানির ব্যবস্থা করেও দিবেন। বসে না থেকে তোমরা সামনে অগ্রসর হয়ে দেখ। তারা রওয়ানা হলো। আদ্বুল মুত্তালিবের উট উঠে দাঁড়াতেই তার পায়ের নীচ থেকে সুমিষ্ট পানির ফোয়ারা বইতে শুরু করল। আদ্বুল মুত্তালিব তাকবীর ধ্বনি দিয়ে উঠলেন। সংগীরাও তাকবীর দিয়ে উঠল। আদ্বুল মুত্তালিব বাহন থেকে নেমে পানি পান করলেন। সংগীরাও পানি পান করে তৎক্ষণ নিবারণ করল এবং আপন আপন মশক ভরে নিল। অতঃপর আদ্বুল মুত্তালিব কুরাইশের গোত্রসমূহের প্রতিনিধিদেরকে আহ্বান করলেন। এতক্ষণ তারা তাকিয়ে এসব অবস্থা দেখছিল। আদ্বুল মুত্তালিব বললেন, “এসো এসো এই যে পানি! আল্লাহ আমাদের তৎক্ষণ নিবারণ করেছেন।”

তারাও সেই পানি পান করল এবং পরিত্থ হলো। অতঃপর বলল, আল্লাহ আপনাকে আমাদের উপর বিজয়ী করেছেন। শপথ আল্লাহর, যমযমের ব্যাপারে আমরা আপনার সঙ্গে আর কখনো বিবাদ করব না। এই মরু অঞ্চলে যিনি আপনাকে এ পানি দান করলেন, তিনিই আপনাকে যমযম দান করেছেন। অতএব নিরাপদে আপনি আপনার কৃপের নিকট ফিরে যান। আব্দুল মুত্তালিব ফিরে গেলেন। প্রতিপক্ষও তাঁর সঙ্গে ফিরে গেল। যমযম সম্পর্কিত বিবাদের মীমাংসা এভাবেই হয়ে গেল। গণক ঠাকুরগীর কাছে আর যাওয়ার প্রয়োজন হলো না। তারা তাঁর হাতেই যমযমের অধিকার ছেড়ে দিল।

ইব্ন ইসহাক বলেন, এই হলো আলী ইব্ন আবু তালিব (রা) থেকে বর্ণিত যমযম সম্পর্কিত বর্ণনা। অন্য এক সূত্রে আমি শুনেছি যে, আব্দুল মুত্তালিব বর্ণনা করেছেন, স্বপ্নে যখন তাঁকে যমযম খনন করার আদেশ দেওয়া হয়েছিল, তখন এ-ও বলা হয়েছিল— এরপর তুমি পরিষ্কার-পরিচ্ছন্ন পানির জন্য দোয়া করবে। আল্লাহর ঘরের হাজীরা তা' পান করবে। এই কৃপ যতদিন টিকে থাকবে, তা থেকে কোন ভয়ের কারণ থাকবে না।

বর্ণনাকারী বলেন, এ সময় আব্দুল মুত্তালিব কুরাইশের নিকট গিয়ে বললেন, তোমরা জেনে রাখ, আমি যমযম খননের জন্যে আদিষ্ট হয়েছি। তারা জিজ্ঞাসা করল, যমযম কোথায় তা কি আপনাকে বলে দেওয়া হয়েছে? আব্দুল মুত্তালিব বললেন, না জানানো হয়নি। লোকেরা বলল, তা হলে এ স্বপ্নটি যে বিছানায় শয়ে দেখেছিলেন, আজও সে বিছানায় ঘুমাবেন। এই স্বপ্ন যদি সত্যিই আল্লাহর পক্ষ থেকে হয়ে থাকে, তা হলে আল্লাহ বিষয়টা বিস্তারিত জানিয়ে দিবেন। আর যদি তা' শয়তানের পক্ষ থেকে হয়ে থাকে তাহলে সে আর আসবে না। আব্দুল মুত্তালিব ফিরে গেলেন এবং ঘুমিয়ে পড়লেন। এবারও স্বপ্ন দেখলেন, কে যেন বলছে, যমযম খনন কর, যদি তুমি তা কর তা' হলে লজ্জিত হবে না। তা তোমার মহান পিতার উত্তরাধিকার; কখনো তা' শুকাবে না। হাজীগণকে তুমি তা' থেকে পান করাবে। মানতকারীরা সেখানে প্রাচুর্যের জন্য মানত করবে। তা পৈত্রিক সম্পত্তি হবে এবং মজবুত বন্ধন হবে। তার স্থান তুমি জান আর তা রক্ত ও গোবরের মধ্যবর্তী স্থানে রয়েছে।

ইব্ন ইসহাক বলেন, আব্দুল মুত্তালিবকে যখন স্বপ্নে এ সব কথা বলা হলো, তখন তিনি জিজ্ঞাসা করলেন, কৃপটির অবস্থান কোথায়? বলা হলো পিংপড়ের টিবির নিকট। আগামীকাল ওখানে কাক ঠোক্রাবে।

উক্ত বিবরণ দু'টির কোন্টি যথার্থ, তা আল্লাহই ভাল জানেন। আব্দুল মুত্তালিব পরের দিন পুত্র হারিছকে সঙ্গে নিয়ে বের হলেন। সে সময়ে হারিছ ছাড়া তাঁর আর কোন পুত্র ছিল না। উমুবীর বর্ণনা মতে, তাঁর গোলাম পিংপড়ের টিবিতে গিয়ে দেখতে পেলেন যে, আসাফ ও নায়লা মৃত্যুদণ্ডের মধ্যখানে কাক ঠোকরাচ্ছে। এই দুই মৃত্যির নিকট কুরাইশেরা পশ্চ বলি দিত। আব্দুল মুত্তালিব কোদাল দিয়ে মাটি খুঁড়তে শুরু করেন। দেখে কুরাইশের লোকেরা ছুটে এসে বলল, আল্লাহর কসম! আমরা তোমাকে এই জায়গার মাটি খুঁড়তে দেব না। আমাদের দুই দেবতার মধ্যকার এই স্থানে আমরা পশ্চ বলি দেই। শুনে আব্দুল মুত্তালিব পুত্র হারিছকে বললেন, আমি

কৃপ খনন করা পর্যন্ত তুমি আমার হেফাজতের ব্যবস্থা কর। আল্লাহর কসম, আমি যে কাজের আদেশ পেয়েছি, তা আমি বাস্তবায়ন করবই। আব্দুল মুত্তালিবের দৃঢ়তা দেখে কুরাইশের লোকের তাঁকে আর খনন কাজে বাধা দিল না।

আব্দুল মুত্তালিব খনন কার্য চালাতে থাকলেন। অন্ন একটু খনন করার পরই পানি বেরিয়ে এলো। আব্দুল মুত্তালিব তাকবীর ধ্বনি দিয়ে উঠলেন এবং পরিষ্কার বুরাতে পারলেন যে, তিনি যে স্বপ্ন দেখেছেন, তা সত্য।

বেশ কিছুটা খনন করার পর আব্দুল মুত্তালিব তাতে স্বর্ণের দু'টি হরিণ মূর্তি পান। জুরহুম গোত্র এখানে তা পুঁতে রেখেছিল। সেখানে তিনি কয়েকটি তলোয়ার এবং কিছু বর্ম পেলেন। দেখে কুরাইশেরা বলল, “আব্দুল মুত্তালিব! এতে তোমার সঙ্গে আমাদের ভাগ আছে।” আব্দুল মুত্তালিব বললেন, “না, তা হবে না। তবে একটি সুরাহায় আসতে পার। এসো লটারীর মাধ্যমে আমরা এর মীমাংসা করি।” কুরাইশেরা বলল, তা কিভাবে হবে বলুন। আব্দুল মুত্তালিব বললেন, কা'বার নামে দু'টি তীর নাও। আমার নামে নাও দু'টি এবং তোমাদের নামে দু'টি। যার তীর যে জিনিসটির উপর গিয়ে পড়বে সে তার মালিক হবে। আর যার তীর লক্ষ্যচ্যুত হবে, সে কিছুই পাবে না। কুরাইশেরা বলল, আপনার প্রস্তাৱটি ন্যায়সঙ্গত।

আব্দুল মুত্তালিব কা'বার নামে দু'টি হলুদ তীর নিলেন। নিজের জন্য নিলেন দু'টি কালো তীর এবং কুরাইশদের জন্য নিলেন দু'টি সাদা তীর। কুরাইশের বড় দেবতা তার নিকটবর্তী তীর নিক্ষেপকারীর নিকট তীরগুলি অর্পণ করে। হোবল- যে কারণে আরু সুফিয়ান ওহুদ যুদ্ধের দিন বলেছিল হোবলের জয় হোক-- আব্দুল মুত্তালিব আল্লাহর নিকট দোয়া করতে লাগলেন :

اللَّهُمَّ أَنْتَ الْمَلِكُ الْمَحْمُودُ - رَبِّي أَنْتَ الْمُبْدِئُ الْمُعِيدُ  
وَمُمْسِكُ الرَّأْسِيَةِ الْجَلْمُودُ - مِنْ عِنْدِكَ الطَّارِفُ وَالثَّلِيدُ  
إِنْ شِئْتَ أَهْمَتَ لِمَا تُرِيدُ - لِمَوْضَعِ الْحَلِيَّةِ وَالْحَدِيدِ  
فَبَيْنَ الْيَوْمِ لِمَا تُرِيدُ - إِنِّي نَذَرْتُ الْعَاهِدَ الْمَعْهُودَ  
اجْعَلْلَهُ رَبِّي لِي فَلَا أَعُودُ

হে আল্লাহ! আপনি প্রশংসিত রাজাধিরাজ। আপনি আমার প্রতিপালক আপনিই সৃষ্টির সূচনাকারী এবং পুনঃসৃষ্টিকারী। আপনি পাথুরে পাহাড়কে সুদৃঢ় করে রেখেছেন। আপনার নিকট থেকে আসে অর্থ ও পশু সম্পদ। আপনি চাইলে আমার মনে ইলহাম করবেন কা'বার ঐ স্থানটি যেখানে ইবরাহীম ও ইসমাইল (আ)-এর স্বর্ণলঙ্কার ও অন্তর্শস্ত্র প্রোথিত রয়েছে। আজ আপনি আমাকে অবহিত করেন আপনার ইচ্ছা যদি আপনার মর্জি হয়। আমি শপথ করেছি। আপনি আমাকে তা' দিয়ে দিন। আমি আর কিছু চাইবো না।

এবার তীর নিক্ষেপ শুরু হলো। হলুদ তীর দু'টি গিয়ে হরিণ মূর্তির উপর পতিত হলো। যা' ছিল কা'বার জন্য। কালো দু'টি গিয়ে পড়ল তরবারী ও বর্মগুলোর উপর। এগুলো পেলেন

আদুল মুত্তালিব। কুরাইশদের সাদা তীর দু'টো লক্ষ্যচ্ছৃত হলো। আদুল মুত্তালিব তরবারী এবং হরিণ মৃত্তি দু'টি কা'বার দরজায় স্থাপন করে রাখেন। লোকের ধারণা তা-ই ছিল কা'বার গায়ে প্রথম সোনার অলংকার। তারপর আদুল মুত্তালিব যমযম কৃপে হাজীদের পানি পানের ব্যবস্থা করেন।

ইবন ইসহাক প্রমুখ বলেন, আদুল মুত্তালিবের আমলে যমযম উদ্ঘাটিত হওয়ার আগে মক্কায় আরো অনেকগুলো কৃপ ছিল। ইবন ইসহাক সেগুলোর সংখ্যা এবং নামধারণও উল্লেখ করেছেন। সবশেষে বলেন, কিন্তু যমযম অন্যসব কৃপের উপর প্রাধান্য লাভ করে এবং মানুষ অন্যান্য কৃপ ছেড়ে যমযমের প্রতি ছুটে আসে। কারণ যমযম মসজিদুল হারামে অবস্থিত। আর এর পানি সব কৃপ অপেক্ষা উত্তম। সর্বোপরি, যমযম ইবরাহীম (আ)-এর পুত্র ইসমাইল (আ)-এর কৃপ। আবদে মানাফের গোত্র এই কৃপ নিয়ে কুরাইশের অন্যান্য গোত্র এবং সমস্ত আরবের উপর গর্ব করত।

হ্যরত আবুয়র (রা)-এর ইসলাম গ্রহণ বিষয়ক মুসলিম শ্রীফের এক হাদীসে আছে যে, রাসূলুল্লাহ (সা) যমযম সম্পর্কে বলেছেন : **إِنَّهَا لِطَعَامٌ طُعمٌ وَشَفَاءٌ سَقَمٌ**

“এই যমযম তার পানকারীর জন্য খাদ্য স্বরূপ এবং তা রোগের নিরাময়ও বটে।”

ইমাম আহমদ হ্যরত জাবির ইবন আবুল্লাহ (রা)-এর বরাতে বলেন যে, রাসূলুল্লাহ (সা) বলেছেন : **مَاءَ زَمْزَمٍ لِمَا شُرِبَ مِنْهُ**

“যমযমের পানি যে উদ্দেশ্যে পান করা হয় তা পূরণ হয়।”

**ইবন মাজাহ্র বর্ণনায় এর পাঠ হচ্ছে :** **مَاءَ زَمْزَمٍ لِمَا شُرِبَ لَهُ**

হাকিম (র) ইবন আব্বাস (রা)-এর বরাতে বর্ণনা করেন যে, তিনি জনেক ব্যক্তিকে বলেছেন, তুমি যখন যমযমের পানি পান করবে, তখন কিবলার দিকে মুখ করবে, বিসমিল্লাহ বলবে, তিনি নিঃশ্঵াসে পান করবে এবং পরিতৃপ্তি সহকারে পান করবে। যখন পান করা শেষ করবে, তখন ‘আল-হামদু লিল্লাহ’ বলবে। কারণ, রাসূলুল্লাহ (সা) বলেছেন : “আমাদের ও মুনাফিকদের মাঝে পার্থক্য হলো, ওরা যমযমের পানি তৃপ্তি সহকারে পান করে না।”

আদুল মুত্তালিব থেকে বর্ণিত আছে যে, তিনি বলেছেন : “হে আল্লাহ! এই যমযমের পানি আমি গোসলকারীর জন্য হালাল মনে করি না। যমযমের পানি পানকারীর জন্য বৈধ।” কেউ কেউ এ উক্তিটি আব্বাস (রা)-এর বলে মত প্রকাশ করলেও বিশুদ্ধ মতে এটি আবদুল মুত্তালিবেরই উক্তি। কেননা তিনিই এটি পুনঃ খনন করেছিলেন।

উমারী তাঁর মাগায়ীতে বর্ণনা করেছেন যে, আবু উবায়দ ইয়াহুয়া ইবন সাঈদ ও আদুর রহমান ইবন হারমালাহ সূত্রে বর্ণনা করেছেন। আদুর রহমান ইবন হারমালা বলেন, আমি সাঈদ ইবন মুসায়্যাবকে বলতে শুনেছি যে, আদুল মুত্তালিব ইবন হাশিম যখন যমযম খনন করলেন তখন বলেছিলেন, “এই কৃপ গোসলকারীর জন্য হালাল নয়, এটি কেবল পানকারীর জন্যই বৈধ।” তিনি যমযম কৃপে দু'টি হাউজ তৈরি করে দিয়েছিলেন। একটি পান করার জন্য

অপরটি ওজু করার জন্য। তখন তিনি বলেছিলেন, একে আমি গোসলের জন্য ব্যবহারের অনুমতি দেবে না। তাঁর উদ্দেশ্যে ছিল মসজিদকে পবিত্র রাখা।

আবু উবায়দ অন্য এক সূত্রে বর্ণনা করেছেন যে, আসিম ইবন আবুন্নাজুদ আবাস (রা)-কে বলতে শুনেছেন, আমি একে গোসলকারীর জন্য হালাল করব না। এটি পানকারীর জন্য বৈধ। আব্দুর রহমান ইবন মাহ্নী সুফিয়ান ও আব্দুর রহমান ইবন আলাকামা সূত্রেও ইবন আবাস (রা) থেকে অনুরূপ বর্ণিত আছে।

মূলত যময়মের পানি দ্বারা গোসল করা নিষিদ্ধ নয়। কিন্তু আব্দুল মুত্তালিব ও আবাস (রা) এ কাজ থেকে মানুষকে নিরঞ্জনস্থিত করার জন্য এমনটি বলেছিলেন বলে মনে হয়।

উল্লেখ্য যে, আব্দুল মুত্তালিব যতদিন বেঁচে ছিলেন, ততদিন পর্যন্ত তিনিই যময়মের তত্ত্বাবধানের দায়িত্ব পালন করেন। তাঁর মৃত্যুর পর সেই দায়িত্ব পুত্র আবু তালিবের উপর ন্যাত হয়।

আবু তালিব অভ্যর্থন্ত হয়ে পড়েন। বাধ্য হয়ে তিনি তাঁর ভাই আবাস-এর নিকট থেকে দশ হাজার মুদ্রা ঝণ নিয়ে হাজীদের জন্য যময়মের কাজে ব্যয় করেন। কথা ছিল, পরের বছর সে ঝণ শোধ করে দেবেন। কিন্তু একবছর চলে যাওয়ার পরও আবু তালিবের স্বচ্ছলতা ফিরে আসল না। তাই তিনি আবাসকে বললেন, তুমি আমাকে চৌদ্দ হাজার মুদ্রা ঝণ দাও। আগামী বছর আমি তোমার সব পাওনা পরিশোধ করে দেব। জবাবে আবাস (রা) বললেন, এই শর্তে দিতে পারি যে, যদি আপনি যথাসময়ে ঝণ শোধ করতে না পারেন, তাহলে যময়মের কর্তৃত্ব আমার হাতে চলে আসবে। আবু তালিব শর্তটি মেনে নেন। এক বছর চলে যাওয়ার পরও আবু তালিব ঝণ পরিশোধ করার কোন ব্যবস্থা করতে পারলেন না। ফলে শর্ত অনুযায়ী যময়মের দায়িত্বভার আবাসকে দিয়ে দেন। আবাসের পরে যময়মের দায়িত্ব আবাসের পুত্র আব্দুল্লাহর হাতে আসে। আব্দুল্লাহর পরে আসে আলী ইবন আব্দুল্লাহ ইবন আবাসের হাতে। তারপর আসে দাউদ ইবন আলীর হাতে। অতঃপর সুলায়মান ইবন আলীর হাতে। অতঃপর সুসা ইবন আলীর হাতে। অতঃপর মনসুর যময়মের দায়িত্বভার গ্রহণ করেন এবং তাঁর আয়াদকৃত গোলাম আবু রায়ীনকে দেখা-শোনার দায়িত্ব অর্পণ করেন। উমুরী এন্কপ বর্ণনা করেছেন।

## আবদুল মুত্তালিবের পুত্র যবাহ করার মানত

ইব্ন ইসহাক বলেন, যময়ম খনন করার সময় কুরাইশের সঙ্গে আবদুল মুত্তালিবের যে বিবাদ হয়েছিল, তার প্রেক্ষিতে তিনি মানত করেছিলেন যে যদি তাঁর দশটি সন্তান জন্ম নেয় এবং বয়ঃপ্রাপ্ত হয়ে তাঁকে শক্রদের থেকে রক্ষা করার উপযুক্ত হয়, তাহলে তাদের একজনকে কা'বার নিকটে আল্লাহর উদ্দেশ্যে জবাই করবেন। যখন তাঁর সন্তান সংখ্যা দশে উপরীত হয় এবং তিনি উপলক্ষি করলেন যে, তারা তাঁকে রক্ষা করতে সমর্থ, তখন তাদের সকলকে একত্রিত করে তিনি তার মানতের কথা অবহিত করলেন এবং তা বাস্তবায়নের জন্য তাদের প্রতি আহ্বান জানালেন। তারা হলেন হারিছ, যুবায়র, হাজাল, যেরার, মুকাওয়িম, আবু লাহাব, আববাস, হাময়া, আবু তালিব ও আবদুল্লাহ। পিতার আহ্বানে সাড়া দিয়ে পুত্ররা বললেন, আমরা কিভাবে আপনার এই মানত পূরণ করতে পারি? আবদুল মুত্তালিব বললেন, তীরে নিজের নাম লিখে আমার কাছে নিয়ে এসো। পুত্ররা তা করলেন। আবদুল মুত্তালিব তাঁদেরকে কা'বার অভ্যন্তরে হোবল দেবতার মূর্তির নিকট নিয়ে যান।

উল্লেখ্য যে, কা'বার জন্য নিবেদিত উপটোকনাদি কা'বা স্থিত একটি গহরে রাখা হত। আর হোবলের নিকট সাতটি লটারীর তীর ছিল। বিশেষ কোন সমস্যা দেখা দিলে মুশরিকরা তার নিকট গিয়ে লটারী ফেলে মীমাংসায় আসত। বিশেষ প্রক্রিয়ায় এই তীর থেকে যে নির্দেশনা পাওয়া যেত, তাই তারা সর্বান্তকরণে মেনে নিত।

আবদুল মুত্তালিব পুত্রদের নিয়ে হোবলের কাছে গেলেন এবং যথারীতি লটারী তীর তুললেন। নাম আসল আবদুল্লাহ। আবদুল্লাহ ছিলেন পুত্রদের মধ্যে সর্বকনিষ্ঠ এবং তাঁর সর্বাধিক প্রিয়। আবদুল মুত্তালিব পুত্র আবদুল্লাহর হাত ধরলেন এবং ছুরি নিয়ে তাকে জবাই করার জন্য আসাফ ও নায়েলা প্রতিমা দুইটির দিকে অগ্রসর হলেন। তা দেখতে পেয়ে কুরাইশ তাদের মজলিস থেকে দৌড়ে এসে বলল, আবদুল মুত্তালিব! আপনার উদ্দেশ্য কী? আবদুল মুত্তালিব বললেন, আমি একে জবাই করব। কুরাইশ এবং আবদুল মুত্তালিবের পুত্ররা বললেন, আল্লাহর কসম! কোন নিশ্চিত বিকল্প না হওয়া পর্যন্ত আপনি একে জবাই করতে পারবেন না। যদি তা' করেন, তা'হলে পুত্র বলি দেওয়ার ধারা চালু হয়ে যাবে। তা'হলে মানুষের নিরাপত্তা কেমন করে রক্ষিত হবে?

ইউনুস ইব্ন বুকায়র ইব্ন ইসহাক থেকে বর্ণনা করেন যে, জবাই করার জন্য যখন আবদুল মুত্তালিব আবদুল্লাহকে পায়ের নীচে চেপে ধরেন, তখন আব্বাস আবদুল্লাহকে পিতার পদতল থেকে টেনে সরিয়ে নেন। এর কারণে আবদুল মুত্তালিব আব্বাসের মুখ্যগুলে এমন প্রচণ্ড আঘাত করেন যে, মৃত্যু পর্যন্ত সে আঘাতের দাগ থেকে যায়।

অতঃপর কুরাইশরা আবদুল মুত্তালিবকে পরামর্শ দিল যে, হিজায়ে একজন গণক ঠাকুরণী আছে। তার অনুগত জিন আছে। তার কাছে গিয়ে আপনি এ বিষয়ে আলাপ করুন। তারপর সে আপনাকে যা আদেশ করে, আপনি তা-ই করুন, তাতে আমরা আপনাকে বাধা দিব না। যদি সে আবদুল্লাহকে জবাই করতে বলে, আপনি তা-ই করতে পারবেন। আর যদি আবদুল্লাহকে নিষ্কৃতি দিয়ে আপনাকে অন্য কোন পরামর্শ দেয়, তবে তা-ও আপনি মেনে নেবেন।

সে মতে আবদুল মুত্তালিব দল-বলসহ মদীনা অভিমুখে রওয়ানা হলেন। মদীনা শহরে এসে তিনি গণকের সাক্ষাৎ পেলেন। তার নাম ছিল সাজাহ। আবদুল মুত্তালিব তার সঙ্গে আলাপ-আলোচনা করলেন এবং নিজের সমস্যার কথা জানালেন। বিশ্বারিত শুনে গণক ঠাকুরণী বলল, আজ আপনারা ফিরে যান, আমার অনুগত জিন যখন আসবে; তখন তার কাছ থেকে আমি এ সমস্যার সমাধান জেনে রাখব। আবদুল মুত্তালিব সঙ্গীদের নিয়ে ফিরে গেলেন। গণক ঠাকুরণীর নিকট থেকে বের হয়ে এসে আবদুল মুত্তালিব আল্লাহর নিকট দোয়া করতে লাগলেন। পরদিন যথাসময়ে তারা গণক ঠাকুরণীর নিকট গিয়ে উপস্থিত হন। গণক ঠাকুরণী বলল, আপনাদের সমস্যার সমাধান আমি পেয়ে গেছি। আচ্ছা, আপনাদের সমাজে মুক্তিপেণ্ঠের পরিমাণ কত? তারা বলল, দশটি উট। গণক ঠাকুরণী বলল, আপনারা দেশে ফিরে যান। গিয়ে দশটি উট নিন। এই দশটি উট ও ছেলেটির মধ্যে লটারী করুন। লটারীতে যদি ছেলেটির নাম আসে, তাহলে আরও দশটি উট নিয়ে আবারো লটারী করুন। আর যদি উটের নাম আসে, তাহলে পুরো স্তুলে উটগুলো জবাই করুন। এতেই তোমাদের প্রতু সন্তুষ্ট হয়েছেন বলে ধরে নেয়া যাবে। ছেলেটির জীবনও তাতে বেঁচে যাবে।

আবদুল মুত্তালিব সঙ্গীদের নিয়ে মক্কায় ফিরে আসলেন। সকলের সম্মতিক্রমে লটারী শুরু হলো। আবদুল মুত্তালিব আল্লাহর নিকট দোয়া করতে লাগলেন। দশটি উট এবং আবদুল্লাহকে উপস্থিত করা হল। লটারী টানা হলো। নাম আসল আবদুল্লাহর। এবার আরো দশটি উট বাড়িয়ে লটারী দেওয়া হলো। এভাবে দশটি করে উট বাড়িয়ে লটারী টানা হলো। কিন্তু প্রতিবারই আবদুল্লাহর নাম উঠতে লাগল। অবশেষে একশত উট আর আবদুল্লাহর মধ্যে লটারী দেওয়া হলে উটের নাম উঠলো। আবদুল মুত্তালিব তখন হোবলের নিকট দাঁড়িয়ে আল্লাহর কাছে দোয়া করছিলেন। কুরাইশের লোকেরা তাঁকে বলল, সমস্যার সমাধান হয়ে গেছে। আল্লাহ আপনার প্রতি সন্তুষ্ট হয়েছেন। কিন্তু আবদুল মুত্তালিব বললেন, না, এতে হবে না। আরো তিনবার লটারী না করে আমি নিশ্চিত হতে পারছি না। অগত্যা লোকেরা আরো তিনবার লটারী দিল। প্রতিবারই উটের নাম আসল। এবার উটগুলো জবাই করা হলো আর আবদুল্লাহ বেঁচে গেলেন।

এক বর্ণনায় আছে যে, উটের সংখ্যা একশ'তে পৌছার পরও আবদুল্লাহর নাম আসে। তখন আরো একশত বাড়িয়ে লটারী দেওয়া হয়। এবারও আবদুল্লাহর নাম আসলে উট আরো একশত বাড়ানো হয়। এভাবে তিনশত উট আর আবদুল্লাহর মাঝে লটারী দেওয়ার পর উটের নাম আসে। তখন গিয়ে আবদুল মুতালিব উটগুলো জবাই করেন। তবে প্রথম বর্ণনাটিই বিশুদ্ধতর। আল্লাহই ভাল জানেন।

এক বর্ণনায় আছে যে, জনেক মহিলা ইব্ন আব্বাস (রা)-এর নিকট এসে জিজ্ঞাসা করে যে, সে মানত করেছিল কা'বার নিকটে তার একটি সন্তান বলি দেবে। এখন তার করণীয় কী? জবাবে ইব্ন আব্বাস (রা) তাকে একশত উট জবাই করার আদেশ দেন এবং মহিলাকে আবদুল মুতালিবের ঘটনাটি শুনিয়ে দেন। আবার মহিলা আবদুল্লাহ ইব্ন উমর (রা)-কে সমস্যাটির কথা জানালে তিনি কোন সিদ্ধান্ত দানে বিরত থাকেন। মারওয়ান ইব্ন হাকাম তখন মদীনার গভর্নর। তিনি সংবাদ শুনে বললেন দু'জনের একজনের সিদ্ধান্তও সঠিক হয়নি; অতঃপর তিনি মহিলাকে পুত্র জবাই করতে নিষেধ করে দিয়ে তার সাধ্যমত সংকাজ করতে আদেশ দেন। উট জবাই করার আদেশ তিনি দিলেন না। গর্বে একপ সমস্যায় মানুষ মারওয়ানের ফয়সালা অনুযায়ীই আমল করতে শুরু করে।

## আমিনা বিনতে ওহ্ব যুহরিয়ার সঙ্গে পুত্র আবদুল্লাহুর বিবাহ

ইবন ইসহাক বলেন, ঐতিহাসিকদের মতে, অতঃপর আবদুল মুতালির পুত্র আবদুল্লাহুর হাত ধরে বনু আসাদ ইবন আবদুল উয়া ইবন কুসাই এর এক মহিলার নিকট গমন করেন। মহিলাটি হলো ওয়ারাকা ইবন নওফলের বোন। তাঁর নাম ছিল উষ্মে কিতাল। সে সময়ে সে কাবার নিকট অবস্থান করছিল। আবদুল্লাহুর দেখে সে বলল, আবদুল্লাহ! তুমি যাচ্ছ কোথায়? আবদুল্লাহ বললেন, আমি আমার আকরার সঙ্গে যাচ্ছি। মহিলাটি বলল, যদি তুমি এই মুহূর্তে আমার সাথে মিলিত হতে সম্ভত হও তা হলে আমি তোমার বদলে যে সংখ্যক উট জবাই করা হয়েছে, সে সংখ্যক উট তোমাকে দেব। জবাবে আবদুল্লাহ বললেন, আমি আমার আকরার সঙ্গে আছি। তাঁকে ছেড়ে অন্যত্র যাওয়া বা তাঁর মতের বাইরে কিছু করা আমার পক্ষে সম্ভব নয়। আবদুল্লাহুর নিয়ে আবদুল মুতালির ওহ্ব ইবন আবদে মানাফ, ইবন যুহরা ইবন কিলাব ইবন মুররা ইবন কাব ইবনে লুওয়াই ইবন গালিব ইবন ফিহর এর নিকট যান। ওহ্ব ইবন আবদে মানাফ তখন বয়স ও মর্যাদায় বনু যুহরার সর্দার ছিলেন। আলাপ-আলোচনার পর তাঁর কন্যা আমিনার সঙ্গে আবদুল্লাহুর বিবাহ হয়ে যায়। আমিনাও ছিলেন তাঁর সম্প্রদায়ের মহিলাদের নেতৃৱী। ঐতিহাসিকদের মতে বাড়িতে নিয়ে আসার পর আমিনার সঙ্গে আবদুল্লাহুর বাসর হয়। তাতে রাসূলুল্লাহ (সা) তাঁর গর্ভে আসেন।

অতঃপর আবদুল্লাহ পুনরায় বনু আসাদের উল্লিখিত মহিলার নিকট যান। কিন্তু মহিলাটি এবার তাঁকে কিছুই বলল না। আবদুল্লাহ বললেন, কী ব্যাপার, আজ যে কোন প্রস্তাবই করছ না, যেমনটি গতকাল করেছিলে? মহিলাটি বলল, গতকাল তোমার সঙ্গে যে নূর ছিল, এখন আর তা নেই। তোমাকে এখন আর আমার প্রয়োজন নেই। উল্লেখ্য যে, এই মহিলা তার ভাই ওয়ারাকা ইবন নওফলের নিকট শুনেছিল যে, এই উষ্মাতের মধ্যে একজন নবী আগমন করবেন। তাই তার আকাঞ্চ্ছা ছিল যে, সেই নবী তারই গর্ভ থেকে জন্মান্ত করুন। কিন্তু আল্লাহ তাঁকে সর্বাধিক সন্তুষ্ট ও পবিত্র বৎশে প্রেরণ করেছেন। যেমন : এক আয়তে আল্লাহ তা'আলা বলেছেন :

اللَّهُ أَعْلَمُ حِيْثُ يَجْعَلُ رَسَالَتَهُ

“আল্লাহ রিসালাতের ভার কার উপর অর্পণ করবেন, তা তিনিই ভাল জানেন।”  
(৬ : ১২৪)

রাসূলুল্লাহ (সা)-এর জন্মের বিস্তারিত কাহিনী পরে আলোচনা করা হবে।

উষ্মে কিতাল বিনতে নওফল তার ব্যর্থতার জন্যে অনুত্তাপ প্রকাশ করতে গিয়ে নিষ্ঠোক্ত পংক্তিগুলো আবৃত্তি করেছিলেন। ইবন ইসহাক সূত্রে বর্ণিত বায়হাকীর বর্ণনা থেকে তার প্রমাণ পাওয়া যায়

عَلَيْكَ بَأْلٌ رَّهْرَةَ حَيْثُ كَانُوا - وَأَمِنَةُ الَّتِي حَمَلَتْ غُلَامًا  
 تَرِيَ الْمَهْدِيَ حِينَ نَزَا عَلَيْهَا - وَنُورًا قَدْ تَقَدَّمَهُ إِمَامًا  
 فَكُلُّ الْخَلْقِ يَرْجُوهُ جَمِيعًا - يَسُودُ النَّاسَ مُهْتَدِيًّا إِمَامًا  
 بَرَاهُ اللَّهُ مِنْ نُورٍ صَفَاهُ - فَأَذَهَبَ نُورُهُ عَنَّ الظَّلَامَ  
 وَذَالِكَ صَنْعُ رَبِّكَ اذْ حَبَاهُ - إِذَا مَا سَارَ يَوْمًا وَآفًَا مَا  
 فَيَهْدِي أَهْلَ مَكَّةَ بَعْدَ كُفْرٍ - وَيَفْرُضُ بَعْدَ ذَلِكَمُ الصِّيَامًا

—শোন, তুমি যুহুরার বংশধরদের আঁকড়ে ধরে রাখবে তারা যেখানেই থাকুক। আর আমিনা যে একজন বালককে গর্তে ধারণ করেছে। হেদায়াতের অংশপথিককে দেখতে পাবে যখন সে তার উপর উপগত হবে আর ঐ নূরকে যা তার সম্মুখে গথ প্রদর্শক হিসাবে চলে। সব মানুষ তাঁকে কামনা করে। তিনি হেদায়াত প্রাণ্ত ও ইমাম হয়ে মানুষের নেতা হবেন। আল্লাহ তাঁকে পরিষ্কন্ন নির্মল নূর দ্বারা সৃষ্টি করেছেন। তারপর তাঁর নূর আমাদের থেকে অঙ্ককার দূরীভূত করেছে।

তা আল্লাহর সৃষ্টি। তিনি তা দান করেছেন। দিনের বেলা যখন তিনি চলমান থাকেন অথবা স্বস্থানে অবস্থান করেন।

কুফরীর পর তিনি মক্কাবাসীদের হেদায়াত দান করবেন। তারপর তিনি তাদের উপর সিয়াম সাধনা ফরয করবেন। আবু বকর মুহাম্মদ ইব্ন জাফর ইব্ন সাহল আল খারায়েতী ইব্ন আবুবাস (রা) থেকে বর্ণনা করেন যে, তিনি বলেছেন, বিবাহ করানোর উদ্দেশ্যে আবদুল মুত্তালিব যখন পুত্র আবদুল্লাহকে নিয়ে রওয়ানা হন তখন তিনি তাবাল'র এক ইহুদী গণক ঠাকুরণীর নিকট যান। এই মহিলাটি বিভিন্ন কিতাব পড়াশুনা করেছিল। তার নাম ছিল ফাতেমা বিনতে মুর আল খাস'আমিয়া। মহিলাটি আবদুল্লাহর চেহারায় নবুয়তের নূর দেখতে পেয়ে বলে উঠল, ওহে যুবক! তুমি কি এই মুহূর্তে আমার সঙ্গে মিলিত হতে পার? তবে তোমাকে আমি একশত উট প্রদান করব। জবাবে আবদুল্লাহ বললেন :

أَمَّا الْحَرَامُ فَا لِمَاتُ دُونَهُ - وَالْحُلُّ لَا حَلُّ فَاسْتَبِّنْهُ  
 فَكَيْفَ بِالْأَمْرِ الَّذِي تَبْغِينَهُ - يَحْمِي الْكَرِيمُ عِرْضَهُ وَدِينَهُ

—এতে হারাম! আর হারামের পরিণতি হচ্ছে ধ্বংস। আমি তো বৈধ পরিণয়ের সকান করছি। কী করে আমি তোমার আহ্বানে সাড়া দিই? সন্তুষ্ট মানুষ তো নিজের মান মর্যাদা ও দীন-ঈমান রক্ষা করে চলে!

আবদুল্লাহ পিতার সঙ্গে চলে যান। পিতা আমিনা বিনতে ওহবের সঙ্গে তাঁকে বিবাহ দিলেন। আবদুল্লাহ আমিনার নিকট তিনি দিন অবস্থান করেন। অতঃপর এক সময়ে গণক ঠাকুরণীর নিকট গেলে মহিলাটি জিজ্ঞাসা করল, আমার নিকট থেকে গিয়ে তুমি কী করলে? আবদুল্লাহ তাকে বিবাহের সংবাদ শনালেন। শুনে মহিলাটি বলল, আমি চরিত্রহীনা নারী নই।

তবে তোমার চেহারায় বিশেষ নূর দেখে চেয়েছিলাম যে, তা আমার মধ্যে আসুক। কিন্তু আল্লাহর ইচ্ছা ছিল অন্যরকম। এই বলে মহিলাটি কয়েকটি পঞ্জি আবৃত্তি করেন।

إِنِّي رَأَيْتُ مَخْيَلَةً لَمَعَتْ-فَتَلَّا لَاتْ بُحْنَاتَمِ الْقَطْرِ  
فَلَمَّا إِتَّهَا نُورًا يَضْئِلُ لَهُ-مَا حَوْلَهُ كَأَصَاءَةَ الْبَدْرِ  
وَرَجَوْتُهَا فَخَرَّا أَبْوَءُ بِهِ-مَا كُلُّ قَادِرٍ زَنَدِهِ يُورِي  
لِلَّهِ مَا رُهْرِيَّةُ سُلْبَتْ-ثُوبِيْكَ مَا إِسْتَلَبَتْ وَمَا تَدْرِي

আমি একটি মেঘখণ্ডকে আলোকময় হতে দেখেছি। ফলে মেঘমালা আলোকিত হয়ে উঠেছে। আমি তাকে এমন একটি নূর মনে করলাম। যার কারণে পূর্ণিমার চাঁদের আলোকিত করার ন্যায় তার পার্শ্ববর্তী সবকিছু আলোকিত হয়ে গেল।

আমি তাকে এমন গর্বের বস্তু হিসেবে বরণ করে নিলাম, যাকে আমি নিয়েই আসব। প্রত্যেক চকমকি প্রজ্জ্বলিতকারী তা প্রজ্জ্বলিত করতে পারে না।

আল্লাহর শপথ, যুহরিয়া গোত্রের নারী তোমার সাধারণ কোন বন্ধু ছিনিয়ে নেয়ানি অথচ তুমি তা জান না। ফাতেমা আরো বলে -

بَنِي هَাশِمٍ قَدْ غَادَرَتْ مِنْ أَخِيكُمْ-أَمِينَةُ أَذْلِلْبَاهِ يَعْتَرِكَانِ  
كَمَا غَادَرَ الْمَصْبَاحُ عِنْدَ خُمُودِهِ-فَتَائِلَ قَدْ مِيَشَّتْ لَهُ بِدَهَانِ  
وَمَا كُلُّ مَا يَحْوِي الْفَتَيَّ مِنْ تِلَادِهِ-بِحُزْمٍ وَلَامًا فَاتَّهُ لِتَوَانِي  
فَأَجْمَلُ إِذَا طَالَبَتْ إِمْرَأًا فَإِنَّهُ- سِيَّكْفِيْكَهُ جَدًا إِنْ يَعْتَلِجَانِ  
سِيَّكْفِيْكَهُ إِمَাযَدُ مُقْفَلَةُ- وَإِمَّا يَدُ مَبْسُوْتَهُ نِبْنَانِ  
وَلِمَا حَوَّتْ مِنْهُ أَمِينَةَ مَاحَوَتْ-حَوَّتْ مِنْهُ فَخْرًا مَالَذِالَّكَ ثَانِ

—হে বনূ হাশিম! আমিনা তোমাদের ভাইকে ধারণ করেছে যখন তারা মধুযামিনী উদযাপন করেছে। যেমনি ভাবে প্রদীপের আলো নির্বাপিত হওয়ার সময় তৈল মিশ্রিত সলতেকে ধারণ করে।

যুবক যা অর্জন করে তার সবটুকু পৈত্রিক সম্পত্তি নয়। আর যা সে নষ্ট করে তা সে উদাসীনতার কারণে নষ্ট করে না। তুমি সৌজন্যমূলক আচরণ করতে থাক যদি তুমি নেতৃত্ব চাও। কারণ তোমার বহু সন্তান-সন্ততির অধিকারী দাদা আর মানাই তোমার নেতৃত্বের জন্য যথেষ্ট। তোমার নেতৃত্বের জন্য যথেষ্ট হবে তুমি কৃপণ হও অথবা দাতাই হও। আমিনা তার থেকে এক মহান সন্তান ধারণ করেছে। তিনি এমন এক গৌরবময় সন্তান ধারণ করেছেন যার তুলনা নাই।

ইমাম আবু নু'আয়ম তার দালায়িলুন নবুওয়াতে বর্ণনা করেন যে, ইব্ন আকবাস (রা) বলেছেন, আবদুল মুত্তালিব এক শীতের সফরে ইয়ামানে যান। সেখানে তিনি এক ইহুদী পশ্চিতের সাথে সাক্ষাৎ করেন। আবদুল মুত্তালিবের ভাষায়, তখন জনেক আহলি কিতাব আমাকে বলল, আপনার অনুমতি পেলে আমি আপনার শরীরের কিছু অংশ দেখতে চাই। আমি বললাম, হ্যাঁ, দেখতে পার, যদি তা গোপন অঙ্গ না হয়। আবদুল মুত্তালিব বলেন, অনুমতি পেয়ে লোকটি এক এক করে উভয় নাকের ভিতরে খুঁটিয়ে দেখল। অতঃপর বলে উঠল, আমি সাক্ষ্য দিচ্ছি যে, তোমার দু'হাতের এক হাতে রাজত্ব আর অপর হাতে রয়েছে নবুওত। আর আমি তা বন্ধ যুহুরায় দেখতে পাচ্ছি। এ কেমন করে হলো? আমি বললাম, 'শাগাহ' আছে? আমি বললাম, 'শাগাহ' আবার কী? লোকটি বলল, তাহলে ফিরে গিয়ে যুহুরা গোত্রে একটা বিয়ে করে নেবেন।

আবদুল মুত্তালিব দেশে ফিরে গেলেন এবং হালা বিনতে ওহ্ল ইব্ন আবদে মানাফ ইব্ন যাহরাকে বিয়ে করলেন। হালার গর্ভে হাময়া ও সাফিয়া জন্মগ্রহণ করলেন। অতঃপর আবদুল্লাহ ইব্ন আবদুল মুত্তালিব আমিনা বিনতে ওহবকে বিবাহ করেন। আমিনার গর্ভে জন্মলাভ করেন রাসূলুল্লাহ (সা)। আবদুল্লাহ আমিনাকে বিয়ে করার পর কুরাইশরা বলাবলি করতে শুরু করে যে, আবদুল্লাহ তার পিতা আবদুল মুত্তালিবকে সাত করে দিয়েছে।

بِسْمِ اللَّهِ الرَّحْمَنِ الرَّحِيمِ

## রাসূলুল্লাহ (সা)-এর পরিত্র জীবন-চরিত

আল্লাহ তা'আলা বলেন :

اللَّهُ أَعْلَمُ حَيْثُ يَجْعَلُ رِسَالَتَهُ

“আল্লাহ রিসালাতের ভার কার উপর অর্পণ করবেন তা তিনিই ভালো জানেন।” (৬১২৪)

রোমান স্ট্রাট হিরাক্রিয়াস আবু সুফিয়ানকে রাসূলুল্লাহ (সা)-এর পরিচয় সম্পর্কে যে ক'টি প্রশ্ন করেছিলেন, তাতে তিনি একথাও জিজ্ঞাসা করেছিলেন যে, তোমাদের মাঝে তাঁর বংশ মর্যাদা কেমন? উত্তরে আবু সুফিয়ান বলেছিলেন, আমাদের মধ্যে তিনি সন্তান্ত বংশীয়। তখন হিরাক্রিয়াস বলেছিলেন, এমনিভাবে সব রাসূলই নিজ নিজ সমাজের সন্তান্ত বংশে প্রেরিত হয়ে থাকেন। অর্থাৎ রাসূলগণ বংশগতভাবে সকলের চাইতে সন্তান্ত আর তাঁদের বংশের জনসংখ্যাও সর্বাধিক হয়ে থাকে।

রাসূলুল্লাহ (সা) হলেন আদম সন্তানদের মধ্যে সর্বশ্রেষ্ঠ এবং ইহকাল-পরকালে তাদের গর্বের ধন। তাঁর উপনাম আবুল কাসিম ও আবু ইবরাহীম। তিনিই মুহাম্মদ, আহমাদ, আলমাহী-ঘাঁর মাধ্যমে কৃতরের মূলোৎপাটিত হয়। তিনিই আল-আকিব-ঘাঁর পরে আর কোন নবী নেই। আল-হাশির-ঘাঁর পদপ্রাপ্তে সকল মানুষকে সমবেত করা হবে; তিনি আল-মুকফী, নবীউর রহমত, নবীউত তওবা, নবীউল মালহামাহ, খাতামুন্নাবিয়িন, আল-ফাতিহ, তাহা, ইয়াসীন ও আবদুল্লাহ।

বায়হাকী বলেন, কোন কোন আলিম রাসূলুল্লাহ (সা)-এর আরও অনেক নামের উল্লেখ করেছেন। কুরআনে আল্লাহ তাঁকে রাসূল, নবী, আমীন, শাহিদ, মুবাশ্শির, নায়ির, দাঁইআন ইলাল্লাহি বিইয়নিহী, সিরাজাম মুনীরা, রাউফুর রাহীম ও মুয়াক্কির অভিধায় অভিহিত করেছেন। আল্লাহ তাঁকে রহমত, নিয়ামত ও হাদী বানিয়েছেন। সীরাত আলোচনার পর স্বতন্ত্র একটি অধ্যায়ে আমরা রাসূলুল্লাহ (সা)-এর নাম সংক্রান্ত হাদীসসমূহ উদ্ভৃত করব। এ বিষয়ে বহু হাদীস বর্ণিত হয়েছে। বায়হাকী ও ইবন আসাকির সেগুলো সংকলন করেছেন। তাছাড়া স্বতন্ত্রভাবে অনেকে এ বিষয়ে বহু গ্রন্থও রচনা করেছেন। এমনকি কেউ কেউ তো রাসূলুল্লাহ (সা)-এর এক হাজার নামের তালিকা সংকলনের কসরত পর্যন্ত করেছেন। তিরমিয়ী শরীফের ভাষ্যকার ইবনুল আরাবী আল-মালিকী তাঁর ‘আল আহওয়ায়ী’ গচ্ছে রাসূলুল্লাহ (সা)-এর চৌষট্টি নামের উল্লেখ করেছেন।

রাসূলুল্লাহ (সা) হলেন অবদুল্লাহর পুত্র। আবদুল্লাহ ছিলেন তাঁর পিতা আবদুল মুত্তালিবের কনিষ্ঠ পুত্র। এই আবদুল্লাহই ইতিহাসে ‘দ্বিতীয় যুবীহ’ বলে খ্যাত, যাঁর বদলে একশত উট জবাই করা হয়েছিল। পূর্বে এ বিষয়ে আলোচনা করা হয়েছে।

যুহরী বলেন, আবদুল্লাহ ছিলেন কুরাইশের সবচাইতে সুন্দরী ব্যক্তি। তার ভাইরা হচ্ছেন হারিস, ঘুবায়র, হামায়া, যিরার, আবু তালিব (যার আসল নাম আবদে মানাফ), আবু লাহাব (যার আসল নাম আব্দুল উয্যা) মুকাওয়িম (যার আসল নাম আবদুল কা'বা)। কারও কারও মতে মুকাওয়িম আর আবদুল কা'বা ভিন্ন ভিন্ন দুই ব্যক্তি। হাজাল (যার আসল নাম মুগীরা)-প্রখ্যাত দানশীল, গায়দাক- (যার আসল নাম নওফল) কারও কারও মতে গায়দাক আর হাজাল এক ও অভিন্ন ব্যক্তি। এরা সকলেই ছিলেন রাসূলুল্লাহ (সা)-এর চাচা। তাঁর ফুর্ফী ছিলেন ছয়জন। তাঁরা হলেন, আরওয়া, বাররা, উমায়মাহ, সাফিয়াহ, আতিকাহ ও উম্মে হাকীম— যার অপর নাম বায়ায়া। এদের প্রত্যেকের ব্যাপারে পরে আলোচনা করব ইনশাআল্লাহ। এরা সকলে ছিলেন আবদুল মুত্তালিবের সন্তান। আবদুল মুত্তালিবের আসল নাম ছিল শায়বাহ। তাঁর মাথায় কয়েকটি সাদা চুল ছিল বলে তাঁকে শায়বাহ বলা হতো। আবার তাঁর বদান্যতার কারণে তাঁকে শায়বাতুল হামদও বলা হতো।

তাঁকে আবদুল মুত্তালিব নামে আখ্যায়িত করার নেপথ্য কারণ এই যে, তাঁর পিতা হাশিম বাণিজ্যোপলক্ষে যখন মদীনার পথে সিরিয়া অভিমুখে রওয়ানা হন, তখন একস্থানে আমর ইবনে যায়েদ (ইবনে লাবীদ ইবনে হারাম ইবনে খিদাশ ইবনে খানদাফ ইবনে ‘আদী ইবনে নাজ্জার আল-খাজরাজী আন-নাজ্জারী)-এর বাড়িতে মেহমান হন। আমর ইবনে যায়েদ ছিলেন তাঁর সম্প্রদায়ের সরদার। এ সময়ে তার সালমা নামী এক কন্যাকে দেখে হাশিম মুঞ্চ হন। তিনি তাকে বিবাহের জন্য তার পিতার নিকট প্রস্তাব দেন। আমর ইবন যায়েদ এই শর্তে মেয়েকে তার নিকট বিয়ে দেন যে, মেয়ে পিত্রালয়েই অবস্থান করবে। কারো কারো মতে, বিবাহের শর্ত এই ছিল যে, মদীনায় ছাড়া সালমা সন্তান প্রসব করতে পারবে না। সিরিয়া থেকে ফিরে হাশিম স্ত্রী সালমাৰ সঙ্গে বাস করেন এবং তাকে সঙ্গে নিয়ে মকায় চলে আসেন। পরে পুনরায় ব্যবসা উপলক্ষে বের হলে স্ত্রীকেও তিনি সঙ্গে করে নিয়ে যান। স্ত্রী সালমা তখন গর্ভবতী। ফলে তাকে মদীনায় রেখে হাশিম সিরিয়া গমন করেন। কিন্তু ঘটনাক্রমে গাজায় তাঁর মৃত্যু ঘটে। স্ত্রী সালমা যথাসময়ে একটি পুত্র সন্তান প্রসব করেন। তিনি তার নাম রাখেন শায়বা। শায়বা দীর্ঘ সাত বছর তাঁর মাতুলালয় আদী ইবন নাজ্জার গোত্রে অবস্থান করে। এরপর চাচা মুত্তালিব ইবনে আব্দ মানাফ এসে একদিন শায়বাকে গোপনে মায়ের নিকট হতে নিয়ে মকায় চলে যান। লোকেরা দেখে জিজ্ঞাসা করে, আপনার সঙ্গে এই বালকটি কে? উত্তরে মুত্তালিব বলেন, عبدي (অর্থাৎ আমার গোলাম)। জনতা তাঁকে সাদরে বরণ করে নেয় এবং তাকে আবদুল মুত্তালিব বা মুত্তালিবের গোলাম বলে ডাকতে শুরু করে এবং এই নামই প্রসিদ্ধি লাভ করে। আবদুল মুত্তালিব ধীরে ধীরে বড় হতে থাকেন। এক পর্যায়ে কুরাইশ সমাজের নেতৃত্বের আসন লাভ করেন। সকলের সেরা ব্যক্তি বলে পরিচিতি লাভ করেন। আবদুল মুত্তালিব এখন সকলের মধ্যমণি। হাজীদের পানি পান করানো (সিকায়া) এবং জনকল্যাণমূলক সব কাজ (রিফাদা)-এর নেতৃত্ব

মুস্তালিবের পরে এখন তাঁর হাতে । জুরহমের আমল থেকে পরিত্যক্ত হয়ে থাকা যমযম কৃপ তিনি পুনঃ খনন করেন । যমযম খননকালে প্রাণ সোনার হরিণ মূর্তিদ্বয়ের সোনা দ্বারা তিনিই সর্বপ্রথম কাঁবার দরজায় প্রলেপ দেন । আবদুল মুস্তালিবের ভাই-বোনেরা হচ্ছেন আসাদ, ফুয়লা, আবু সাইফী, হায়া, খালেদা, রুকাইয়া, শিফা ও য'য়ীফা । এরা সকলে হাশিমের পুত্র-কন্যা । হাশিমের আসল নাম আমর । কোনো এক দুর্ভিক্ষের বছর গোশতের সঙ্গে ছারীদ তথা ঝোল মিশ্রিত রুটির টুকরা দুর্ভিক্ষ কবলিত অসহায় লোকদের খাবার দিয়েছিলেন বলে লোকেরা তাঁকে হাশিম নাম দেয় । হাশিম শব্দের অর্থ মিশ্রণকারী । হাশিম ছিলেন তাঁর পিতার জ্যেষ্ঠ পুত্র । ইবন জারীর বর্ণনা করেন যে, হাশিম ছিলেন তাঁর তাই আবদে শামস এর জমজ । হাশিম যখন মায়ের পেট থেকে বের হন তখন তার পা আবদে শামস এর মাথার সঙ্গে আটকে ছিল । এতে দু'জনের শরীর থেকেই রক্তক্ষরণ হয় । এতে লোকেরা মন্তব্য করে যে, এর ফলে এই দু' ভাইয়ের সন্তানদের মাঝে বিবাদ জন্ম নেবে । কার্যত হয়েছেও তাই । একশ' তেক্রিশ হিজরী সনে বনু আববাস ও বনু উমাইয়া ইবনে আবদে শামস-এর মধ্যে ভয়াবহ সংঘাত অনুষ্ঠিত হয় ।

হাশিমের তৃতীয় সহোদর হলেন মুস্তালিব । মুস্তালিব ছিলেন পিতার কনিষ্ঠ সন্তান । তাঁর মায়ের নাম অতিকা বিনতে মুররা-ইবন হিলাল । তার চতুর্থ ভাইয়ের নাম নওফল । নওফল আরেক মায়ের সন্তান । তার নাম ওয়াকিদা বিনতে আমর আল মায়েনিয়াহ । পিতার মৃত্যুর পর এরা প্রত্যেকেই নেতৃত্বে আসীন হন । সমাজের মানুষ তাদেরকে আগকর্তা বলে অভিহিত করত । কারণ তারা বিভিন্ন দেশের রাজা-বাদশাহদের সঙ্গে যোগাযোগ স্থাপন করে কুরাইশদের জন্য যে কোনো দেশে ব্যবসা করতে যাওয়ার অবাধ নিরাপত্তা এনে দিয়েছিলেন । হাশিম সিরিয়া, রোম ও গাস্সান থেকে, আবদে শামস হাবশার রাজা বড় নাজাশী থেকে, নওফল কিসরা থেকে এবং মুস্তালিব হিম্যার এর রাজগুলো থেকে নিরাপত্তা এনে দেন । কবির ভাষায় :

يَا يَهُا الرَّجُلُ الْمَحْوُلُ رِحْلَهُ - أَلَا نَرَأْلَتْ بِالْعَبْدِ مَنَافٍ

— ওহে পরিভ্রমণকারী মুসাফির! তুমি তো আবদে মানাফের বংশের লোকদের আতিথেয়তা গ্রহণ না করে ছাড়নি!

পিতার মৃত্যুর পর হাশিমের দায়িত্বে ছিল সিকায়া তথা হাজীদের পানি পান করানো ও রিফাদা তথা জনকল্যাণমূলক কাজ । আর হাশিম ও তাঁর ভাই মুস্তালিবের মৌখ দায়িত্বে ছিল আর্দ্ধায় স্বজনের বৎশ তালিকা সংরক্ষণ করা । তাঁরা সব ভাই জাহিলিয়াত ও ইসলামের উভয় পরিবেশে একান্তভুক্ত ছিলেন, কখনো কিন্ন হননি । রাসূলুল্লাহ (সা)-এর বন্দী জীবনে তাঁরা ও গিরিবর্তে তাঁর সঙ্গে অবস্থান করেছিলেন । সরে গিয়েছিল শুধু আবদে শামস ও নওফল । এ কারণে আবু তালিব তাদের সম্পর্কে বলতেন :

جَزَى اللَّهُ عَنِّيْ عَبْدٌ شَمْسٌ وَنَوْفَلًا - عَقُوبَةَ شَرِّ عَاجِلًا غَيْرَ أَجَلٍ

— অন্তিবিলম্বে আল্লাহ যেন আবদে শামস ও নওফলকে শাস্তি দিয়ে তাদের অপকর্মের বিচার করেন ।

আবু তালিবের পুত্রগণ এক একজন এক স্থানে মারা যান। অন্য কোন পিতার সন্তানদের সাধারণত এভাবে মৃত্যুবরণ করতে দেখা যায় না। যেমনঃ হাশিম জেরজালেমের গাজা উপত্যকায় মৃত্যুবরণ করেন, আবদে শামস মারা যায় মক্কায়, নওফল ইরাকের সালামান নামক স্থানে আর মুত্তালিবের মৃত্যু হয় ইয়েমেনের রায়মান নামক জায়গায়। অনুপম রূপের কারণে মুত্তালিবকে কামরও (চন্দ্র) বলা হতো। হাশিম, আবদে শামস, নওফল ও মুত্তালিব এই চার ভাইই সর্বজন পরিচিত। এদের আরেকজন অখ্যাত ভাই ছিলেন, তাঁর নাম ছিল আবু আমর বা আবদ। তবে তাঁর আসল নাম আবদে কুসাই। এই অখ্যাতির কারণে মানুষ তাকে তাদের আপন ভাই বলে গণ্য করত না। এরপর তাদের আর কোনো ভাই ছিলেন না। যুবায়র ইবনে বাক্সার প্রমুখ একথা বলেছেন।

মুত্তালিবের ছয় বোন ছিলেন। তাঁদের নাম ছিল তামায়ুর, হায়্যা, রীতা, কিলাবা, উম্মুল আখসা ও উম্মে সুফিয়ান। এঁরা সকলে আবদে মানাফের সন্তান ছিলেন। মানাফ একটি মূর্তির নাম। আবদে মানাফের প্রকৃত নাম ছিল মুগীরা। পিতার জীবন্দশাতেই তিনি সমাজের নেতৃত্ব দিতেন। সকলের কাছে তিনি একজন শ্রদ্ধাভাজন ও মাননীয় ব্যক্তি বলে পরিচিত ছিলেন। আবদে মানাফ ছিলেন আবদুন্দার এর ভাই। আবদুন্দার ছিলেন পিতার বড় সন্তান। মৃত্যুকালে পিতা তাকেই নিজের স্ত্রাভিক্ষি হওয়ার ওসিয়ত করে যান। আবদুল উত্থ্যা, আব্দ, বাররাহ এবং তাখান্নুরও আবদে মানাফের ভাই। এদের মায়ের নাম ছিল হৃয়াই বিনতে হালীল। হৃয়াই এর পিতা হালীল ছিলেন খুয়ায়া গোত্রের সর্বশেষ শাসনকর্তা। তাঁরা সকলেই কুসাই-এর সন্তান ছিলেন। কুসাই-এর আসল নাম যায়েদ। কুসাই নামকরণের কারণ হলো, পিতার মৃত্যুর পর তার মা পুনরায় রবীয়া ইবন হিয়াম ইবন আয়রা এর সঙ্গে বিবাহ বন্ধনে আবদ্ধ হন। বিবাহের পর রবীয়া স্ত্রীকে নিয়ে নিজ দেশে রওয়ানা হন। শিশু যয়েদও তখন মায়ের সঙ্গে ছিলেন। সেই থেকে তিনি কুসাই নামে অভিহিত হন। কুসাই শব্দের অর্থ হচ্ছে দূরদেশী। অতঃপর বড় হয়ে তিনি মক্কায় ফিরে আসেন। কুরায়শরা এদিক-সেদিক বিক্ষিণ্ণ হয়ে যাওয়ার পর কুসাই বিভিন্ন এলাকা থেকে খুঁজে এনে আবার তাদেরকে মক্কায় প্রতিষ্ঠিত করেন। বায়তুল্লাহর দখল থেকে বনি খুয়াআকে উৎখাত করে তাদেরকে মক্কা থেকে বের করে দেন। সত্য স্ব-স্থানে প্রতিষ্ঠিত এবং কুসাই এককভাবে কুরাইশের নেতৃত্বের আসনে অধিষ্ঠিত হন। দৌত্যকর্ম, যময়ম কৃপ থেকে হাজীদের পান করানো, বায়তুল্লাহর রক্ষণাবেক্ষণ, যুদ্ধের সময় পতাকা বহন এবং দারুণ নাদওয়া ইত্যাদি সবকিছুই তাঁর দায়িত্বে ছিল। বিখ্যাত দারুণ-নাদওয়া তাঁর ঘরেই ছিল। তাই কবি বলেন :

**قُصَّىٰ لِعْمَرٍ كَانَ يُدْعَى مُجَمِّعًا - بِهِ جَمْعُ اللَّهِ الْقَبَائِلَ مِنْ فِهْرٍ**

—আমার জীবনের শপথ! কুসাই ছিলেন সকলের মিলন সাধনকারী। তাঁর মাধ্যমে আল্লাহ ফিহর এর সব কটি গোত্রকে ঐক্যবদ্ধ করেছিলেন।

কুসাই ছিলেন যাহরার ভাই। তাঁরা দু'জন ছিলেন কিলাবের পুত্র। তাইম ও ইয়াকয়া আবু মাখ্যুমের ভাই। তাঁরা তিনজনই ছিলেন মুররা-এর পুত্র। মুররার ভাই ছিলেন আদী ও হাসীস।  
আল-বিদায়া ওয়ান নিহায়া (২য় খণ্ড) ৬০—

তারা তিনজন ছিলেন কা'ব এর পুত্র। কা'ব প্রতি জুমাৰারে তার সপ্তদায়ের উদ্দেশ্যে ভাষণ দিতেন এবং তাদেরকে রাসূলুল্লাহ (সা)-এর আগমনের সুসংবাদ শোনাতেন এবং এ সংক্রান্ত নানা রকম কবিতা আবৃত্তি করে শোনাতেন। যেমন আমরা পূর্বে বলে এসেছি। কা'ব ছিলেন আমের, সামাহ, খুয়ায়মাহ, সা'দ, হারিছ ও আওফ-এর ভাই। তারা সাতজন ছিলেন লুওয়াই-এর পুত্র, আল আদরাম-এর ভাই। লুওয়াই ছিলেন তাইম-এর ভাই আবু তাইম আল-আদরাম ছিলেন গালিব এর পুত্র। হারিছ ও গালিবের ভাই ছিলেন মুহারিব। এরা তিনজন ছিলেন ফিহর এর সন্তান। ফিহর ছিল হারিছ-এর ভাই। তাদের পিতা ছিলেন মালিক। মালিক ছিলেন সালত ইয়াখ্লুদের ভাই। এরা তিনজন ছিলেন নায়র প্রের পুত্র। বিশুদ্ধ বর্ণনা মতে, এই নায়র-ই ছিলেন কুরায়শ বংশের স্থপতি। আমরা পূর্বে এর প্রমাণও পেশ করে এসেছি। নায়র ছিলেন মালিক, মালকান ও আবদে মানাত প্রমুখের ভাই। তাঁরা সকলে ছিলেন কিনানার পুত্র। আসাদ, আসদাহ ও হাওন ছিলেন কিনানার ভাই। এরা সকলেই ছিলেন খুয়ায়মার পুত্র। খুয়ায়মা ছিলেন হ্যায়লের ভাই। খুয়ায়মা ও হ্যায়ল ছিলেন মুদরিকাহর পুত্র। মুদরিকার আসল নাম ছিল আমর। তার ভাই ছিলেন তাবিখা, যার আসল ছিল নাম আমির। মুদরিকা, তাবিখা, ও কামআ তিনি জনই ছিলেন ইলিয়াসের পুত্র। ইলিয়াসের এক ভাই ছিলেন গায়লান। গায়লান ছিলেন কায়স গোত্রের পিতা। এই ইলিয়াস ও গায়লান দুইজন ছিলেন রবীয়ার ভাই মুয়ার এর সন্তান। মুয়ার ও রবীয়াকে সরাসরি ইসমাঈল (আ)-এর বংশধর বলে দাবি করা হয়। আনমার ও ইয়াদ তায়ামুনা নামে এন্দের আরও দুই ভাই ছিলেন। এই চার ভাই ছিলেন কুয়াআর ভাই নেয়ার-এর সন্তান। এই অভিমত তাঁদের, যাঁরা মনে করেন যে, কুয়াআ হিজায়ী ও আদনানী বংশোন্তৃত। উপরে এ বিষয়ে আলোচনা হয়েছে। নেয়ার ও কুয়াআ মা'আদ ইবনে আদনান-এর সন্তান।

আরবদের যে বংশনামা আমরা বর্ণনা করলাম, এ ব্যাপারে আলিমগণের কোনো দ্বিমত নেই। এই বংশ তালিকায় প্রমাণিত হয় যে, আরবের সকল গোত্রের বংশ পরম্পরা এই পর্যন্ত গিয়ে পৌছে। এ কারণেই হ্যরত ইবনে আব্বাস (রা) প্রমুখ

قُلْ لَا إِسْلَكُمْ عَلَيْهِ أَجْرٌ إِلَّا الْمَوَدَّةُ فِي الْقُرْبَىٰ

বল, আমি এর বিনিময়ে তোমাদের নিকট থেকে আঙীয়ের সৌহার্দ্য ব্যতীত অন্য কোন প্রতিদান চাই না। (৪২:২৩) এই আয়াতের ব্যাখ্যায় বলেছেন যে, কুরায়শের যত গোত্র আছে তাতে এমন কোনো গোত্র নেই, যাদের সঙ্গে রাসূলুল্লাহ (সা)-এর বংশ সম্পৃক্ত নয়। ইবনে আব্বাস (রা) যথার্থই বলেছেন। আমি তো এ-ও বলতে চাই যে, আরবের সকল আদনানী গোত্র পিতৃকূলের দিক থেকে রাসূল (সা) পর্যন্ত গিয়ে পৌছে। অনেক গোত্র মাতৃকূলের দিক থেকেও এর সাথে সম্পর্কিত। মুহাম্মদ ইবন ইসহাক প্রমুখ এরূপই বলেছেন। হাফিজ ইবনে আসাকির-এর অভিমতও অনুরূপ। আদনানের জীবন চরিতে আমরা তার বংশনামা এবং সে সম্পর্কিত মতভেদের উল্লেখ করেছি। আর এও বলেছি যে, আদনান নিশ্চিতরূপে ইসমাঈল (আ)-এর বংশধর। যদিও তাঁদের দু'জনের মধ্যে কত পুরুষের ব্যবধান, তাতে মতবিরোধ

রয়েছে। উপরে আমরা এ বিষয়ে বিস্তারিত আলোচনা করে এসেছি। আদনান থেকে আদম (আ) পর্যন্ত বংশধারাও উল্লেখ করেছি এবং এ সম্পর্কিত আবুল আবাস এর একটি কবিতাও উন্নত করেছি। হিজায়ী আরবের ইতিহাসে এসবের উল্লেখ পাওয়া যায়। ইমাম আবু জাফর ইবনে জারীর তাঁর ‘তারীখ’ গ্রন্থের প্রথম দিকে এ বিষয়ে বিস্তারিতভাবে মনোজ্ঞ আলোচনা করেছেন।

**বায়হাকী**---- আনাস (রা) থেকে বর্ণনা করেন যে, তিনি বলেছেন, নবী করীম (সা)-এর নিকট সংবাদ এলো যে, কিন্দাহ গোত্রের কতিপয় লোক মনে করে যে, তারা আর নবী করীম (সা) একই বংশোদ্ধৃত। এ সংবাদ শুনে নবী করীম (সা) বললেন : ‘আবাস এবং আবু সুফিয়ান ইবনে হারবও একুপ বলত এবং নিরাপত্তা লাভ করত। আর আমরা নিজেদের বংশধারা অঙ্গীকার করি না। আমরা নায়র ইবনে কিনানা এর বংশধর।’ এ বর্ণনার সন্দেহ আছে। বর্ণনাকারী বলেন, এরপর নবী করীম (সা) খুতৰা দান করেন। তাতে তিনি বলেন :

আমি মুহাম্মদ ইবনে আবদুল মুত্তালিব ইবনে হাশিম ইবন আবদে মানাফ ইবনে কুসাই ইবনে কিলাব ইবনে মুররা ইবন কাব ইবন লুওয়াই ইবন গালিব ইবন ফিহর ইবন মালিক ইবন নায়র ইবন কিনানাহ ইবন খুয়ায়মা ইবন মুদ্রিকা ইবন ইলিয়াস ইবন মুয়ার ইবন নিয়ার। মানুষের গোত্র যেখানেই বিভক্ত হয়েছে সেখানেই আল্লাহ আমাকে উন্নত ভাগে স্থান দিয়েছেন। যেমন : আমি পিতা-মাতা থেকে বৈধভাবে জন্মলাভ করেছি, জাহিলিয়াতের ব্যতিচার আমার বংশলতিকাকে স্পর্শ করতে পারেনি। আমার জন্ম বৈবাহিক সম্পর্ক থেকে, অবৈধ সম্পর্ক থেকে নয়। এই পরিত্রার ধারা আদম থেকে আমার আবো-আশা পর্যন্ত অব্যাহতভাবে চলে এসেছে। অতএব ব্যক্তির দিক থেকেও আমি তোমাদের মধ্যে সেরা; বংশের দিক থেকেও। এ সনদটি অত্যন্ত ‘গরীব’ পর্যায়ের। এতে কুদামী নামক একজন দুর্বল রাবীর একক বর্ণনা রয়েছে। তবে এর সমর্থনে অন্যান্য বর্ণনা পরে আসছে। আবদুর রাজ্ঞাক বর্ণনা করেন যে, আবু জাফর আল - বাকির পবিত্র কুরআনের **لَقَدْ جَاءَكُمْ رَسُولٌ مِّنْ أَنفُسِكُمْ** এই আয়াতের ব্যাখ্যায় বলেছেন, রাসূলুল্লাহ (সা)-কে জাহিলী যুগের সন্তান জন্মের কোন অবৈধ উপায় স্পর্শ করেনি। তিনি আরও বলেন, রাসূলুল্লাহ (সা) নিজে বলেছেন :

**إِنَّ خَرْجَتْ مِنْ نِكَاحٍ وَلَمْ اخْرَجْ مِنْ سَفَّاحٍ**

- ‘অবৈধ সম্পর্ক থেকে নয়-আমি বৈবাহিক বন্ধন থেকে জন্মলাভ করেছি। এটি একটি উন্নত মুরসাল রিওয়ায়ত।

**বায়হাকী**.... মুহাম্মদ (র)-এর পিতা থেকে বর্ণনা করেন যে, রাসূলুল্লাহ (সা) বলেছেন : নিশ্চয় আল্লাহ আমাকে বৈবাহিক বন্ধন থেকে নির্গত করেছেন-অবৈধ সম্পর্ক থেকে নয়। উমর (রা) আলী ইবনে আবু তালিব থেকে বর্ণনা করেন যে, রাসূলুল্লাহ (সা) বলেছেন :

**إِنَّ اللَّهَ أَخْرَجَنِي مِنَ النِّكَاحِ وَلَمْ يَخْرُجْنِي مِنَ السَّفَّاحِ**

- অবৈধ সম্পর্ক থেকে নয়, বৈবাহিক সম্বন্ধ থেকে আমি নির্গত হয়েছি। আদম থেকে আমার আব্বা-আমা আমাকে জন্ম দেওয়া পর্যন্ত আমার বংশধারায় এই পরিত্রাতা অব্যাহত ছিল। আমার জন্মে জাহিলিয়াতের কোন অপকর্ম আমাকে শ্রেণি করতে পারেনি। বর্ণনাটি বিশুদ্ধ হওয়ার ব্যাপারে সন্দেহ রয়েছে।

ইবন আব্বাস (রা) থেকে বর্ণিত, রাসূলুল্লাহ (সা) বলেছেন :

مَا وَلَدَنِي مِنْ نِكَاحٍ أَهْلُ الْجَاهِلِيَّةِ شَتِّيْ

জাহিলী যুগের লোকদের কোন বিবাহ আমাকে জন্ম দেয়নি। যে বিবাহ থেকে আমার জন্ম তা ইসলামের বিবাহ। এ বর্ণনাটি গরিব পর্যায়ের। মুহাম্মদ ইবন সাদ বর্ণনা করেন, হযরত আয়েশা (রা)-এর বরাতে অনুরূপ হাদীস বর্ণনা করেছেন। ইবন আসাকির ইবনে আব্বাস (রা) সূত্রে **وَتَقْلِبُكَ فِي السَّاجِدِينَ** (সিজদাকারীদের সঙ্গে তোমার উঠা-বসা দেখেন। ২৬ : ২১৯) এই আয়াতের ব্যাখ্যায় বলেছেন : অর্থাৎ এক নবীর পরে আরেক নবী আসেন। এক পর্যায়ে আমিও নবীরূপে আবির্ভূত হয়েছি। ইবন সাদ মুহাম্মদ কালৰীর পিতার সূত্রে বলেন, তিনি বলেছেন, আমি রাসূলুল্লাহ (সা)-এর মায়ের বংশধারার পাঁচশত মহিলার তালিকা সংকলন করেছি। তাঁদের কোন একজনকে না ব্যাডিচারী পেয়েছি, না জাহিলিয়াতের কোন অনাচারে সম্পৃক্ত পেয়েছি। বুখারী শরীফে আবু হুরায়রা (রা) থেকে বর্ণিত আছে যে, রাসূলুল্লাহ (সা) বলেছেন :

بُعِثْتُ مِنْ خَيْرِ قَرْوَنِ بَنِيْ أَدَمَ قَرْنًا فَقَرْنًا حَتَّىٰ بُعِثْتُ مِنَ الْقَرْنِ  
الَّذِي كُنْتُ فِيهِ

— মানব ইতিহাসের সর্বাপেক্ষা উত্তম যুগে আমি প্রেরিত হয়েছি। এক এক করে বহু যুগ অতিক্রান্ত হওয়ার পর এই যুগে এসে আমার আবির্ভাব হয়েছে।

সহীহ মুসলিমে ওয়াছিলা ইবন আসকা' থেকে বর্ণিত আছে যে, রাসূলুল্লাহ (সা) বলেছেন : আল্লাহ ইবরাহীমের বংশ থেকে ইসমাইলকে, ইসমাইলের বংশ থেকে বনু কিনানাকে, বনু কিনানা থেকে কুরায়শকে এবং কুরায়শ থেকে বনু হাশিমকে নির্বাচিত করেছেন। আর আমাকে নির্বাচিত করেছেন হাশিম থেকে।

ইমাম আহমদ---মুত্তালিব ইবন আবু ওয়াদাআহ আব্বাস (রা) থেকে বর্ণনা করেন যে, তিনি বলেছেন, একদা লোকেরা কানা ঘুষা শুরু করলে সে খবর রাসূলুল্লাহ (সা)-এর কানে আসে। ফলে তিনি মিস্ত্রে উঠে বললেন : ‘আমি কে?’ জনতা জবাব দিল, আপনি আল্লাহর রাসূল (সা)। নবী করীম (সা) বললেন : “আমি আবদুল মুত্তালিব এর পুত্র আবদুল্লাহর সন্তান মুহাম্মদ। আল্লাহ জগত সৃষ্টি করে আমাকে সৃষ্টির সেরা বানিয়েছেন। সকল মানুষকে দুইটি দলে বিভক্ত করে আমাকে শ্রেষ্ঠ দলে স্থান দিয়েছেন। আবাব বিভিন্ন গোত্র সৃষ্টি করে আমাকে সেরা গোত্রে রেখেছেন। অতঃপর সব গোত্রকে বিভিন্ন পরিবারে বিভক্ত করে আমাকে তাদের শ্রেষ্ঠ

পরিবারের সদস্য করেছেন। ফলে আমি পরিবারের দিক থেকেও তোমাদের মধ্যে শ্রেষ্ঠ এবং ব্যক্তিগত দিক থেকেও তোমাদের মধ্যে সেরা।”

ইয়াকুব ইবন সুফিয়ান ----আবাস ইবন আবদুল মুতালিব সূত্রে বর্ণনা করেন যে, তিনি বলেছেন, আমি একদিন বললাম, ইয়া রাসূলুল্লাহ! কুরাইশরা যখন নিজেরা পরম্পরে মিলিত হয়, তখন হাসিমুখে মিলিত হয়। আর আমাদের সঙ্গে সাক্ষাত হলে তাদের চেহারায় বৈরীভাব ফুটে ওঠে। একথা শুনে রাসূলুল্লাহ (সা) অত্যন্ত ক্ষুঁক হলেন। তারপর বললেন :

وَالَّذِي نَفْسُ مُحَمَّدٍ بِيَدِهِ لَا يَدْخُلُ قَلْبَ رَجُلٍ أَلِيمٍ حَتَّىٰ يُحِبَّكُمُ اللَّهُ  
وَلِرَسُولِهِ

“ঘাঁর মুঠোয় মুহাম্মদের জীবন, আমি তাঁর শপথ করে বলছি, ততক্ষণ পর্যন্ত কোন মানুষের হাদয়ে ঈমান প্রবেশ করবে না, যতক্ষণ না সে আল্লাহ ও তাঁর রাসূলের সন্তুষ্টি লাভের উদ্দেশ্যে তোমাদের ভালোবাসবে।” আবাস (রা) বলেন, একথা শুনে আমি বললাম, ইয়া রাসূলুল্লাহ! কুরাইশরা একদিন বসে তাদের বংশধারা নিয়ে আলোচনায় প্রবৃত্ত হলো। তাতে আপনাকে তারা কোন এক উষ্র ভূমিতে অবস্থিত খেজুর গাছের সঙ্গে তুলনা করল। শুনে রাসূলুল্লাহ (সা) বললেন : “আল্লাহ বিশ্বজগত সৃষ্টি করে আমাকে সৃষ্টির সেরা দলের অন্তর্ভুক্ত করলেন। অতঃপর সৃষ্টির সব মানুষকে বিভিন্ন গোত্রে বিভক্ত করলেন, তাতে গোত্র হিসাবেও আমাকে সকলের শ্রেষ্ঠ গোত্রে রাখলেন। অতঃপর যখন মানুষগুলোকে বিভিন্ন পরিবারে বিভক্ত করলেন, তখনও পরিবারের দিক থেকেও আমাকে সকলের শ্রেষ্ঠ পরিবারভুক্ত করলেন। অতএব আমি ব্যক্তি হিসাবেও সৃষ্টির সেরা পরিবার হিসাবেও সকলের শ্রেষ্ঠ।”

ইবন আবাস (রা) থেকে বর্ণিত আছে যে, রাসূলুল্লাহ (সা) বলেছেন :

“আল্লাহ সৃষ্টির সকল মানুষকে দু’ভাগে বিভক্ত করেন। তাতে দু’ভাগের মধ্যে যেভাগ শ্রেষ্ঠ, আমাকে তার অন্তর্ভুক্ত করেন।” কুরআনের আয়াত ও সহাবীর আয়াত -এর এটাই তাৎপর্য। আমি তাঁর ডানের লোকদের অন্তর্ভুক্ত। আবার আমি এর সকলের সেরা। এই দুই ভাগকে আবার তিনভাগে ভাগ করেন। আমাকে তার মধ্যকার শ্রেষ্ঠ ভাগে রাখেন। পবিত্র কুরআনের আয়াত এ-একথাই বলা হয়েছে। আমি এই দলকে বিভিন্ন গোত্রে বিভক্ত করেছেন। আমাকে বানিয়েছেন সবচেয়ে শ্রেষ্ঠ গোত্রের মানুষ :

وَجَعَلْنَا كُمْ شُعُوبًا وَقَبَائِلَ لِتَعَارِفُوا إِنَّ أَكْرَمَكُمْ عِنْدَ اللَّهِ أَتْقَانُكُمْ إِنَّ  
اللَّهَ عَلَيْمٌ خَبِيرٌ.

(আমি তোমাদেরকে বিভিন্ন জাতি ও গোত্রে বিভক্ত করেছি, যাতে তোমরা একে অপরকে চিনতে পার। তোমাদের যে যত মুতাকী, আল্লাহর নিকট সে তত মর্যাদাবান। আল্লাহ সর্বজ্ঞানী

ও সর্বজ্ঞতা। ৪৯ : ১৩) আয়াতের এটাই অর্থ। আমি আদমের সন্তানদের সর্বাপেক্ষা মুত্তাকী এবং আল্লাহর নিকট সবচাইতে র্যাদাসম্পন্ন। কথাটা গর্ব নয়। অতঃপর গোত্রগুলোকে বিভিন্ন পরিবারে বিভক্ত করেন এবং আমাকে শ্রেষ্ঠ পরিবারের অন্তর্ভুক্ত করেন। আল্লাহর বাণী :

إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيرًا .

(হে আহলে বায়ত!) আল্লাহ তোমাদের থেকে পক্ষিলতা দূর করে তোমাদেরকে সর্বোত্তমভাবে পবিত্র করতে চান।) আয়াতে এ দিকেই ইঙ্গিত করা হয়েছে। ফলে আমি ও আমার পরিবার যাবতীয় পাপ-পক্ষিলতা থেকে পবিত্র। বর্ণনাটি গরীব ও মুনকার পর্যায়ের। হাকিম ও বায়হাকী..... ইবনে উমর (রা) থেকে বর্ণনা করেন যে, তিনি বলেন, আমরা একদিন রাসূলুল্লাহ (সা)-এর ঘরের আঙিনায় বসা ছিলাম। এ সময় এক মহিলা সে স্থান দিয়ে অতিক্রম করেন। দেখে একজন বলল, ইনি রাসূলুল্লাহ (সা)-এর কন্যা। ঠিক তখন আবু সুফিয়ান বলল, হাশিম গোত্রে মুহাম্মদের দৃষ্টিত হচ্ছে গোবরে পদ্মফুলের মতো। মহিলাটি চলে গেলেন এবং কথাটা রাসূলুল্লাহ (সা)-এর কানে দিলেন। শুনে রাসূলুল্লাহ (সা) আমাদের নিকট আসলেন। তাঁর চেহারায় তখন অসন্তোষ স্পষ্ট বুবা যাচ্ছিল। এসে তিনি বললেন : “ব্যাপার কি, আমি কী সব কথাবার্তা শুনতে পাচ্ছি? আল্লাহ সাত আকাশ সৃষ্টি করে তার উর্ধ্বগুলোকে যাদেরকে ইচ্ছা স্থান দিলেন। অতঃপর তাঁর সৃষ্টির মধ্যে বনী আদমকে মনোনীত করলেন। বনী আদমের মধ্য থেকে মনোনীত করলেন আরবদেরকে আর আরবদের মধ্য থেকে মনোনীত করলেন মুঘারকে। মুঘার-এর থেকে মনোনীত করলেন কুরাইশকে, কুরাইশ থেকে বনু হাশিমকে, আর বনু হাশিম থেকে আমাকে। অতএব আমি সেরাব সেরা। ফলে যে ব্যক্তি আরবদেরকে ভালোবাসল, সে আমার খাতিরেই তাদেরকে ভালোবাসল। আর যে ব্যক্তি আরবদের সঙ্গে বিদ্বেষ পোষণ করল, আমার সঙ্গে বিদ্বেষ থাকার কারণেই তাদের সঙ্গে সে বিদ্বেষ পোষণ করল।”

তবে সহীহ বুখারীতে বর্ণিত হয়েছে যে, রাসূলুল্লাহ (সা) বলেছেন :

إِنَّمَا سَيِّدُ الدُّنْدُلِ أَدَمُ يَوْمَ الْقِيَامَةِ وَلَا فَخْرٌ

“আমি কিয়ামতের দিন আদম সন্তানদের সরদার রূপে থাকবো। এটা আমার গর্ব নয়।”

হাকিম ও বায়হাকী..... আয়েশা (রা) থেকে বর্ণনা করেন যে, তিনি বলেছেন, রাসূলুল্লাহ (সা) বলেছেন : “জিবরাইল আমাকে বললেন যে, আমি পৃথিবীটা পূর্ব থেকে পশ্চিম পর্যন্ত তন্ম তন্ম করে দেখলাম, মুহাম্মদ অপেক্ষা শ্রেষ্ঠ কাউকে পেলাম না। আবার পৃথিবীটা পূর্ব থেকে পশ্চিম পর্যন্ত উলট-পালট করলাম; কিন্তু হাশিমের গোত্র অপেক্ষা উত্তম কোন গোত্রের খোঁজ পেলাম না।” বায়হাকী মন্তব্য করেন যে, বর্ণনাগুলোতে দুর্বলতা থাকলেও একটি অপরটির সমর্থক হওয়ায় গ্রহণযোগ্যতা বৃদ্ধি পেয়েছে।

ঠিক এই মর্মে আবু তালিব নবী করীম (সা)-এর প্রশংসায় বলতেন :

إِذَا جَمَعْتُ يَوْمًا قُرَيْشًا لِمُفْخِرٍ - فَعَبْدُ مَنَافِ سِرُّهَا وَصَمِيمُهَا

فَإِنْ حَمَلَتْ أَشْرَافُ عَبْدِ مَنَافِهَا - فَفِي هَاشِمٍ أَشْرَأْفُهَا وَقَدِيمُهَا

وَإِنْ فَخَرَتْ يُومًا فَإِنَّ مُحَمَّدًا - هُوَ الْمُصْطَفَى مِنْ سَرَّهَا وَكَرِيمُهَا  
تَدَاعَتْ قُرْيَشٌ غَثَّهَا وَسَمِّيَّهَا - عَلَيْنَا فَلَمْ تَظْفَرْ وَطَاشَتْ جُلُومُهَا  
وَكُنَّا قَدِيمًا لَا تُقْرُ ظَلَامَةً - إِذَا مَا شَنَوْا صُرْخَ الدُّرُودِ نُقِيمُهَا  
وَنَحْمِي حِمَاهَا كُلَّ يَوْمٍ كَرِيمَهَا - وَنَضْرِبُ عَنْ أَحْجَارِهَا مَنْ يَرُوْمُهَا  
بِنَا إِنْتَعَشَ الْعُودُ الدَّوَاءُ وَإِنَّمَا - بِاَكْنَافِنَا تَنْدَى وَتَنْمَى أَرْوَمُهَا

কুরাইশ যদি কখনো গৌরব করার জন্য সমবেত হয়, তো আবদে মানাফ-ই সেই মহান  
ব্যক্তি, যাকে নিয়ে কুরাইশ গর্ব করতে পারে। আবার আবদে মানাফের সম্মান ও অভিজাত  
ব্যক্তিদের খুঁজে পেতে চাইলে তাদেরকে হাশিম গোত্রেই খুঁজত হবে।

তারা যদি আরো গৌরব করতে চায়, তাহলে মুহাম্মদকে নিয়েই তা করতে হবে। কেননা  
মুহাম্মদই হলেন তাদের মধ্যে মহান ব্যক্তিদের বাছাই করা হচ্ছে।

কুরাইশের শীর্ণ মোটা সকলে আমাদের বিরুদ্ধে লড়তে চেয়েছিল। কিন্তু তাতে তারা সফল  
হয়নি এবং তাদের বৃন্দির বিভাট ঘটেছে।

অতীতে আমরা অত্যাচার স্থীকার করতাম না। লোকে অবজ্ঞা ভরে মুখ ফিরিয়ে নিলে  
আমরা তা সোজা করে দিতাম। যে কোন দুর্দিনে আমরা তাদের রক্ষণাবেক্ষণ করতাম আর  
বিরুদ্ধবাদীদের প্রতিরোধ করতাম। আমাদের উসিলায় মেতিয়ে পড়া কাঠ সোজা হয়ে দাঁড়াত  
এবং আমাদের এই সহযোগিতায় তা সজীব হতো এবং বৃন্দি লাভ করত।

আবুস সাকান খারীম ইবনে আউস সূত্রে বলেন, রাসূলুল্লাহ (সা) তাৰুক থেকে ফিরে আসা  
কালে আমি তাঁর দরবারে হাজির হলাম, তখন আমি ইসলাম গ্রহণ করি। তখন শুনতে পেলাম,  
আবাস ইবনে আবদুল মুজালিব বলছেন, হে আল্লাহর রাসূল! আমি আপনার প্রশংসা করতে  
চাই। জবাবে রাসূলুল্লাহ (সা) বললেন, আচ্ছা বল, আল্লাহ তোমার মুখে ফুল চন্দন ফুটান!  
অনুমতি পেয়ে বলতে শুরু করলেন :

مِنْ قَبْلِهَا طَبَّتِ فِي الظِّلَالِ وَفِي - مُسْتَوْدِعٌ حَيْثُ يُخْصَفُ الْوَرَقُ  
ثُمَّ هَبَطَتِ الْبِلَادُ لَا يَسْرُ أَنَّ - تَ وَلَا مُضَغَّةٌ وَلَا عَلَقُ  
بَلْ نُطْفَةٌ تَرْكُبُ السَّفِينَ وَقَدْ - الْجَمَ نَسْرًا وَأَهْلَهُ الْفَرَقُ  
تَنَقَّلَ مِنْ صُلْبٍ إِلَى رَحِمٍ - إِذَا مَضَى عَالَمُ بَدَأَ طَبَقُ  
حَتَّى احْتَوَى بَيْتَكَ الْمُهِيمِنَ مِنْ - خُنْدُفٌ عَلَيْهِ تَحْتَهَا النُّطَقُ  
وَأَنْتَ لَمَّا وَلِدْتَ أَشْرَقَتِ الْأَرْضُ - وَضَاءَتِ بِنُورِكَ الْأَفْقُ  
فَنَحْنُ فِي ذَلِكَ الضَّيَاءِ وَفِي أَلِّ - نُورٌ وَسُبُّلُ الرَّشَادِ نَخْتَرِقُ

এক সময়ে আপনি অবস্থান করেছেন, ছায়াময় এবং সংরক্ষিত স্থানে। তারপর আপনি ধরায় অবতরণ করলেন। তখন আপনি না পূর্ণাঙ্গ মানব, না গোশতের টুকরা, না রক্তপিণ্ড। বরং এক ফেঁটা বীর্য কিশতিতে আরোহণ করে আসলেন। অথচ, তখনকার সব জনপদ ভেসে গিয়েছিল প্লাবনের পানিতে। তারপর আপনি পিতার মেরুদণ্ড থেকে মায়ের গর্ভে স্থানান্তরিত হলেন এবং ধীরে ধীরে একজন পূর্ণাঙ্গ মানবের রূপ ধারণ করলেন। নিজ ঘরের শোভা হয়ে এক সময়ে ভূমিষ্ঠ হলেন পৃথিবীতে। আপনি যখন জন্মগ্রহণ করলেন, তখন আপনার আলোকিত হল সমগ্র পৃথিবী। এখন সেই আলোতে আমরা পথ চলি।

এই কবিতাঙ্গলো হাস্সান ইবনে সাবিত (রা)-এর নামেও বর্ণিত হয়েছে। যেমন : ইবন আসাকির ইবন আব্বাস (রা)-এর বরাতে বর্ণনা করেন যে, তিনি বলেন, একদিন আমি রাসূলুল্লাহ (সা)-কে জিজ্ঞাসা করলাম, আমার আব্বা-আম্মা আপনার জন্য কুরবান হোন। বলুন তো, আদম (আ) যখন জান্নাতে, আপনি তখন কোথায় ছিলেন? ইবন আব্বাস (রা) বলেন, আমার এ প্রশ্ন শুনে নবী করীম (সা) হেসে উঠলেন। এমনকি তাঁর সামনের ক'টি দাঁত দেখা গেল। তারপর তিনি বলেন : আমি আদমের মেরুদণ্ডে ছিলাম। আমার পিতৃপুরুষ নৃহ (আ) তাঁর মেরুদণ্ডে করে আমাকে নিয়ে কিশতিতে আরোহণ করেন। তারপর আমাকে আমার পিতৃপুরুষ ইবরাহীমের মেরুদণ্ডে করে (অগ্নিকুণ্ডে) নিক্ষেপ করা হয়। আমার বংশ লতিকার কোন পিতা-মাতাই জীবনে কখনো ব্যভিচারে সম্পৃক্ত হননি। আল্লাহ আমাকে কুলীন মেরুদণ্ড থেকে পৃত-পবিত্র জরায়ুতে স্থানান্তরিত করতে থাকেন। আমার পরিচয় হেদায়াতের উপর প্রতিষ্ঠিত। যখনই মানুষ ভালো-মন্দ দু'দলে বিভক্ত হয়, আমি ভালো ও শ্রেষ্ঠ দলে থাকি; আল্লাহ নবুওত দ্বারা আমার অঙ্গীকার এবং ইসলাম দ্বারা আমার প্রতিশ্রুতি নিয়েছেন। তাওরাত ও ইনজীলে আমার সুসংবাদ প্রকাশ করেছেন এবং প্রত্যেক নবীকে আমার বিস্তারিত পরিচয় জানিয়েছেন। আমার নূরে বিশ্বজগত এবং আমার মুখ্যমণ্ডলে মেঘমালা আলোকিত হয়। আল্লাহ আমাকে তার কিতাব শিক্ষা দিয়েছেন এবং তার নামে আমার মর্যাদা বৃদ্ধি করেছেন। আল্লাহ তাঁর নিজের নাম থেকে বের করে আমার নাম রেখেছেন। ফলে আরশের অধিপতি হলেন মাহমুদ আর আমি হলাম মুহাম্মদ ও আহমদ। আল্লাহ আমাকে হাউয়ে কাওছার দিয়ে ধন্য করার প্রতিশ্রুতি দিয়েছেন এবং আমাকে সর্বপ্রথম সুপারিশকারী এবং সর্বপ্রথম সুপারিশ মঞ্জুরকৃত ব্যক্তিকে মনোনীত করেছেন। এরপর আল্লাহ তা'আলা আমার উস্তরের জন্য শ্রেষ্ঠ যুগে আমার আবির্ভাব ঘটিয়েছেন। আমার উস্তর অত্যধিক প্রশংসকারী। তারা সৎকাজের আদেশ করে এবং অন্যায় কাজ থেকে বারণ করে।'

ইবন আব্বাস (রা) বলেন, তখন হাস্সান ইবন সাবিত নবী করীম (সা)-এর শানে পূর্বোক্ত পংক্তিগুলো আবৃত্তি করেন যাতে বলা হয়েছে-

قبلها طبت في الظليل وفيه - مُسْتَوْدِعُ يَوْمٍ يَخْصُفُ الورق .....

শুনে নবী করীম (সা) বললেন, আল্লাহ হাস্সানের প্রতি রহমত করুন। তৎক্ষণাৎ আলী ইবন আবু তালিব বলে উঠলেন, কা'বার প্রভূর শপথ, হাস্সানের জন্য জান্নাত ওয়াজিব হয়ে গেছে। ইবন আসাকির এ বর্ণনাটিকে ‘গরীব’ বলেছেন। আমার মতে এগুলো মনকারণ বটে।

## রাসূলুল্লাহ (সা)-এর জন্ম

রাসূলুল্লাহ (সা) সোমবার দিন জন্মগ্রহণ করেন। ইমাম মুসলিম তাঁর সহীহ মুসলিমে আবু কাতাদা (র) থেকে বর্ণনা করেছেন যে, এক বেদুইন জিজ্ঞাসা করল, ইয়া রাসূলুল্লাহ! সোমবার দিনের রোধা সম্পর্কে আপনি কী বলেন? জবাবে রাসূলুল্লাহ (সা) বললেন : “ঐ দিনেই তো আমার জন্ম এবং ঐ দিনেই আমার প্রতি ওহী অবতীর্ণ হয়।”

ইমাম আহমদ (র) ইবন আব্বাস (রা)-এর বরাতে বর্ণনা করেন যে, তিনি বলেন, রাসূলুল্লাহ (সা) জন্মগ্রহণ করেছেন সোমবার দিন, নবৃত্ত পেয়েছেন সোমবার দিন, মদীনা হিজরতের উদ্দেশ্যে মক্কা ত্যাগ করেছেন সোমবার দিন, মদীনায় পৌছেছেন সোমবার দিন, তাঁর ওফাত হয়েছে সোমবার দিন এবং হাজরে আসওয়াদ স্থাপন করেছেন সোমবার দিন। অপর এক বর্ণনায় আছে, সূরা মায়িদার আয়াত কুমْ دِيْنَكُمْ أَكْمَلْتُ لَكُمْ دِيْنَكُمْ (আজ আমি তোমাদের জন্য তোমাদের দীনকে পরিপূর্ণ করে দিলাম) এর অবতরণ এবং বদর যুদ্ধও এই সোমবার দিন সংঘটিত হয়েছে। কিন্তু এই অভিযোগটি সঠিক নয়। কারণ, ইবন আসাকিরের মতে নির্ভরযোগ্য অভিমত হলো, বদর যুদ্ধ ও আলোচ্য আয়াতের অবতরণ শুক্রবার দিন হয়েছে। তার অভিমতটিই যথার্থ। আবদুল্লাহ ইবন উমর (রা) ইবন আব্বাস (রা) থেকে বর্ণনা করেছেন যে, তিনি বলেছেন, রাসূলুল্লাহ (সা) সোমবার দিন জন্মগ্রহণ করেছেন এবং সোমবার দিনই ইস্তিকাল করেছেন। এভাবে ভিন্ন সূত্রে ইবনে আব্বাস (রা) থেকে বর্ণিত আছে যে, রাসূলুল্লাহ (সা) সোমবার দিন জন্ম গ্রহণ করেছেন, তাঁর সোমবার দিন জন্মগ্রহণ করার ব্যাপারে কারণও কোন দ্বিমত নেই। যিনি বলেছেন যে, রাসূলুল্লাহ (সা) রবিউল আউয়াল মাসের সতের তারিখ শুক্রবার দিন জন্মগ্রহণ করেছেন, তিনি মারাঞ্চক ভুল করেছেন। হাফিজ ইবনে দিহইয়া জনেক শিয়ার ‘ইলামুর রাবী বি-ইলামিল হাদী’ নামক প্রচ্ছ থেকে একটি বর্ণনা উদ্ধৃত করেন। তিনি একে যানীক বলে মন্তব্য করেছেন। এটা আসলেও দুর্বল।

জমহুর আলিমগণের সর্বসম্মত সিদ্ধান্ত যে, রাসূলুল্লাহ (সা) জন্মের মাসটি হলো রবিউল আউয়াল মাস। তারিখের ব্যাপারে নানা অভিমত রয়েছে। ইবন আবদুল বার তাঁর ইসতিয়াব প্রচ্ছে রবিউল আউয়াল মাসের ২ তারিখের কথা উল্লেখ করেছেন। ওয়াকিদীও অনুমত বর্ণনা করেছেন।

হ্রাস্যদী ইবন হায়ম থেকে ৮ তারিখের কথা উল্লেখ করেছেন। মালিক, আকীল ও ইউনুস ইবন ইয়ায়ীদ প্রমুখ যুহুরী মুহাম্মদ ইবন জুবায়র ইবন মুঁইম সূত্রে এই অভিমত বর্ণনা করেছেন। ইবন আবদুল বার বর্ণনা করেছেন যে, ঐতিহাসিকগণ এই অভিমতকে সঠিক বলে সিদ্ধান্ত দিয়েছেন। হাফিয় মুহাম্মদ ইবন মূসা আল-খাওয়ারেয়মী এই অভিমতটি অকাট্য বলে দাবি করেছেন। হাফিয় আবুল খাতাব ইবন দিহইয়া তাঁর ‘আত তানভীর ফী মাওলিদিল বাশীরিন নায়ীর’ গ্রন্থে এই অভিমতকে প্রাধান্য দিয়েছেন। কারও কারও মতে, রবিউল আউয়াল মাসের দশ তারিখ। ইবন দিহইয়া তাঁর কিতাবে এই অভিমত উদ্ধৃত করেছেন। ইবন আসাকির আবু জাফর আল-বাকির থেকে এবং মুজালিদ (ব) শা'বী থেকে এই অভিমত উদ্ধৃত করেছেন। কারও কারও মতে রবিউল আউয়াল মাসের বার তারিখ। ইবন ইসহাক এ অভিমতের পক্ষে সুস্পষ্ট বক্তব্য পেশ করেছেন।

ইবন আবু শায়বা তাঁর ‘মুসান্নাফ’ গ্রন্থে হযরত জাবির (রা) এবং ইবন আববাস (রা) সূত্রে বর্ণনা করেছেন যে, তারা বলেন, রাসূলুল্লাহ (সা) হাতির ঘটনার বছর রবিউল আউয়াল মাসের আঠার তারিখ সোমবারে জন্মগ্রহণ করেন। এই দিনেই তিনি নবুওত লাভ করেন। এই দিনেই তাঁর মিরাজের ঘটনা সংঘটিত হয়, এই দিনেই তিনি হিজরত করেন এবং এই দিনেই তাঁর গুফাত হয়। জমহুরের নিকট এই অভিমতই প্রসিদ্ধ। আল্লাহই সম্যক জ্ঞাত।

কারও কারও মতে, রবিউল আউয়ালের সতের তারিখ। ইবন দিহইয়া কোন কোন শিয়া আলিম থেকে এটি উদ্ধৃত করেছেন। কেউ কেউ বলেন, রবিউল আউয়ালের ৮ দিন বাকী থাকতে তিনি জন্মগ্রহণ করেন। ইবন দিহইয়া ইবন হায়ম থেকে এই অভিমত উদ্ধৃত করেছেন। তবে ইবন হায়ম থেকে বিশুদ্ধভাবে বর্ণিত দু'টি মতের বিশুদ্ধতর প্রথমটি হচ্ছে নবী করীম (সা)-এর জন্ম রবিউল আউয়ালের আট তারিখ। তা থেকে বর্ণিত দ্বিতীয় অভিমতটি হচ্ছে এই যে, রাসূলুল্লাহ (সা) রম্যান মাসে জন্মগ্রহণ করেছেন। এটি অত্যন্ত গরীব পর্যায়ের বর্ণনা। এই অভিমতের ভিত্তি এই যে, যেহেতু সর্বসম্মত মতে কোনও এক রম্যান মাসে নবী করীম (সা)-এর প্রতি প্রথম ওহী নায়িল হয় আর তা ছিল তাঁর চলিশ বছর বয়সে, কাজেই তাঁর জন্মও রম্যান মাসেই হয়ে থাকবে। তবে এই অভিমতটিতে বিতর্কের অবকাশ রয়েছে।

খায়ছামা ইবন সুলায়মান..... ইবন আববাস (রা) সূত্রে বর্ণনা করেন যে, রাসূলুল্লাহ (সা) রবিউল মাসে সোমবার দিন জন্মগ্রহণ করেন। রবিউল আউয়াল মাসের শুরুর দিকে সোমবার তিনি নবুওত লাভ করেন এবং ঐ মাসেরই সোমবার তার প্রতি সূরা বাকারা নায়িল হয়। ইবন আসাকিরের এ বর্ণনা অত্যন্ত গরীব পর্যায়ের। মুবায়র ইবন বাকার বলেন, নবী করীম (সা)-কে তাঁর মা আবী তালিবের পিরিসকটে দ্বিতীয় জামরার নিকটে আইয়ামে তাশরীকে গঠে ধারণ করেন এবং রম্যান মাসের বার তারিখে তিনি সেই মাঝাতেই স্থুমিষ্ট হন, যা পরবর্তীতে হাজার ইবন ইউসুফ এর ভাই মুহাম্মদ ইবন ইউসুফ-এর বাড়ি হলে পরিচিত হয়।

হাফিজ ইবন আসাকির বর্ণনা করেন যে, রাসূলুল্লাহ (সা) মুহাররামের দশ তারিখে মামের গঠে আসেন এবং রম্যান মাসের বার তারিখ সোমবার জন্মগ্রহণ করেন। এটি ছিল হাফিজের ঘটনার ২৩তম বছরে। কবিত আছে যে, খলীফা হাফ্জুল্লেব রচনাদ এর মা খায়জায়ান যখন হচ্জে

মাত্র ক্ষেত্রে প্রতিক্রিয়া করে আসছে। এই সময়ে আড়িটিউনের প্রতিক্রিয়া করে আসছে।

ইবন ইসহাক বলেন, রাসলিলাহু (সা)-এর জন্মের ঘটনাটি ঘটেছিল হঞ্জী বাহিনীর চকোরাতে দক্ষ প্রয়োগে আক্রমণের বছর। জমলুরের নিকট এটাই প্রসিদ্ধ অভিযন্ত। ইবরাহীম ইবন মুনয়ির হিয়াম বলেন, রাসলিলাহু (সা) যে হঞ্জীবাহিনীর ঘটনার বছর জন্মগ্রহণ করেছেন, এবং এর চলিশ কাল চতুর্ভূত ফুকান্দ নামে জমলুর প্রতি আক্রমণ করেছেন। এবং এর পুরুষ ও পুত্র প্রয়োগে বছরের মাথায় নব্বওত লাভ করেছেন, তাতে আমাদের আলিমগণের কারও কোনও সংশয়

ନେଇ । ବାଯହକୀ ଇବନ ଆବାସ (ରା) ଥେକେ ବର୍ଣ୍ଣନା କରେନ ଯେ, ତିନି ବଲେଛେନ, ରାସୁଲୁହାଇ (ସା) ହଟ୍ଟିଆଇମୀର ଘଟନାର ସିଙ୍ଗର ଜୁମାତ କରେଇଲେ । ଇଥିମୁଁ ଇନ୍ଦ୍ରାକ ବର୍ଣ୍ଣନ କରେଇଲେ ଯେ, କାହିଁଏ ଇବନ ଆଶ୍ଵରାଜୀ ହର୍ଷାର ବଳେଇଲେ, ଅପରି ପ୍ରସଂଗ ରାସୁଲୁହାଇ (ସା) ହଟ୍ଟିଆଇମୀର ଘଟନାର ବହୁର ଜ୍ଞାନପଥଙ୍କ କାହିଁ । ଅଧିକେ ଜାନ୍ମ ପ୍ରକାର ସମ୍ପଦରେ ଉତ୍ତରମାନ (ସା) ବର୍ମା ଇହମୁଁ ଇଥିମୁଁ ଜ୍ଞାନାଛ ଗୋତ୍ରେର କୁବାଛ ଇବନ ଆଶ୍ଵରାଜୀକେ ‘ଜୀଜୀବୀସା’ କରେଇଲେମୁଁ, ଆଖନି ବଡ଼, ନେକି ରାସୁଲୁହାଇ (ସା) ବଡ଼ ଜୀବୀବେ ତିନି ବଲଲେନ, ବଡ଼ ତୋ ରାସୁଲୁହାଇ (ସା)-ଙ୍କ । ତଥେ ଆମି ତୋର ଆମେ ଦୁମିଯାତେ ଏପେଥି । ହଟ୍ଟିଆଇମୀର ଏକସମୀକ୍ଷା ଆମି କାହିଁକି ଦେବାଛି । ଇବନ ଇନ୍ଦ୍ରାକ ବଳେମ, ଉକମ୍ବ-ଏଇ ବହୁର ରାସୁଲୁହାଇ(ସା)-ଏର ବର୍ଣ୍ଣନ ଛିଲ ବିଶ ବର୍ତ୍ତନାତ୍ମକ

‘याहुइवन इंस्टी के विनेन्’ फिजारै युक्तेर घटमा इंती धोहीरी घटनार विश्व विष्व पर संधाटित इर्रेहेछा कम्पनी पुनर्निर्माणेर घटना इंटेहेके फिजारैर पनेनेर विष्व पर । आर रास्लुल्लाहै (सा) अन्वरुत्तम भजित्तु करेन्ति को धो ‘पुनर्निर्माणेर’ आठ विष्व पर ‘युहायन इधन जुवायर इवन इन्द्रुत्तम बजेन्मोग्न उक्तिर द्वारा विष्वेत्तिल इंतीर घटनार पनेनेर विष्व पर । काँवा पुनर्निर्माण इर्रेहेके उक्तिर द्वारा विष्व पर । आर रास्लुल्लाहै निवृत्त लाभ करेन्ति को धो ‘पुनर्निर्माणेर’ विनेनेर विष्व पर ।

হাফিজ বায়হাকী বর্ণনা করেন যে, আবুল হুওয়ায়িরিছ বলেন, আমি শুনেছি যে, আবদুল  
 (বায়হাকী) মালিক ইস্কুন মারওয়ান কুবাছ ইবন আহশাম কিনানাকে জিজ্ঞাসা করেছেন, কুবাছ! তুম্হি বড়, না  
 চার্দোত্তর কুমি চক্ষু ছয়ামে প্রাচীজ্ঞাত প্রতিচাক প্রচ্ছেক প্রতিপ্রচ্ছেক প্রচ্ছেক প্রচ্ছেক  
 রাসূলপ্রভাই (সা) বড়! জবাবে কুবাছ বললেন, রাসূলপ্রভাই (সা) আমা অপৈক্ষ বড়। তবে আমার  
 বয়স তাঁর চাইতে বেশি। রাসূলপ্রভাই (সা) ইস্তির ঘটনার বছর জনগ্রহণ করেছেন। আমর স্পষ্ট  
 মনে আছে যে, আমার মা আমাকে নিয়ে হাতির বিষ্ঠার নিকট গিয়ে দাড়িয়েছিলেন। আব  
 রাসূলপ্রভাই (সা) জন্মের ছাপুক্ত প্রয়োগে তেকান চাইলেই উন্মুক্ত

ইয়াকুব ইবন সুফিয়ান বেশির কর্তৃত অধীক্ষণ সুওয়াহীল ইবন কাশাফ মালোছেক, আমি ওয়াসিম সুলতান হ  
চ (সা)-এর সুমরহুমসী। হজিতুল মুসলিম ব্রহ্মুল আমার জন্মক বাসের কৈ মনেন যে সুওয়াহীল ইবন  
প্রাণালী সম্পর্কে এবং রূপিত্ব আছে তে পিছিন বল্পেছেন, আমি রাসুলুল্লাহ (সা)-এর দ্বন্দ্বের  
ভেটান মহাস্থান ইবন জুবাইর ইবন মুসাইম রুক্কেল তাতীর সুমিত্রাক বাহুর রামসুল্লাহ (সা) জন্মাত্তেই

করেন। এর পনের বছর পর অনুষ্ঠিত হয় উকায মেলা। পঁচিশ বছর পর কা'বা পুনঃনির্মিত হয়। চল্লিশ বছরের মাথায নবী করীম (সা) নবুওত লাভ করেন।

সারকথা, জমহুর-এর অভিমত অনুযায়ী রাসূলুল্লাহ (সা) হস্তির ঘটনার বছর জন্মগ্রহণ করেছেন। কারও মতে হস্তির ঘটনার একমাস পরে। কারও মতে চল্লিশ দিন পরে, অপর কারও মতে পঞ্চাশ দিন পরে। পঞ্চাশ দিনের অভিমতই সর্বাধিক প্রসিদ্ধ।

আবু জাফর বাকের (র) থেকে বর্ণিত যে, হস্তি বাহিনীর আগমনের ঘটনা মুহাররমের মধ্য ভাগে ঘটেছিল আর রাসূলুল্লাহ (সা)-এর জন্মের ঘটনা ঘটে তার পঞ্চাশ দিন পরে। অন্যরা বলেন, না বরং হস্তির ঘটনা ঘটেছে রাসূলুল্লাহ (সা)-এর জন্মের দশ বছর আগে। ইবন আব্যা এর্রাপ বলেছেন। কারও কারও মতে, তেইশ বছর আগে। কেউ কেউ বলেছেন, ত্রিশ বছর পরে। মুসা ইবন উকবা যুহরী থেকে এই অভিমত ব্যক্ত করেন এবং তিনি ওই অভিমত সমর্থনও করেছেন। আবু যাকারিয়া আজলানী বলেন, রাসূলুল্লাহ (সা)-এর জন্ম হস্তির ঘটনার চল্লিশ বছর পরের ঘটনা। ইবন আসাকিরের এই বর্ণনা অত্যন্ত গরীব পর্যায়ের। ইবন আববাস (রা) থেকে একটি বর্ণনা আছে যে, তিনি বলেছেন রাসূলুল্লাহ (সা) হস্তির ঘটনার পনের বছর আগে জন্মগ্রহণ করেন। তবে এই বর্ণনাটি গরীব, মুনক্কার ও দুর্বল। তবে রাসূলুল্লাহ (সা)-এর জন্ম হস্তির ঘটনার বছরে হওয়ার বিষয়টি প্রায় সর্বসম্মত।

## রাসূলুল্লাহ (সা)-এর জন্মের বিবরণ

আমরা পূর্বে উল্লেখ করে এসেছি যে, আবদুল মুত্তালিব পুত্র আবদুল্লাহকে যবেহ করার মান্তব করে পরে আল্লাহরই ইচ্ছায় তার পরিবর্তে একশত উট যবেহ করেন। কারণ, মহান আল্লাহর তা'আলা মির্দারণ মোস্তাবেক আবদুল্লাহর ঘোরসে সম্প্রতি আদম সত্তামের সরদার সর্বশেষ রাসূল ও উর্দু মধীর আবিষ্ঠার পূর্বেই মির্দারিত করে রেখেছিলেন। এরপর আবদুল মুত্তালিব তাঁকে কুরাইশের এক সজ্ঞাত পরিবারে বুকিমতী বিচক্ষণ কর্ম্ম আমিনা বিনতে ওহব (ইবন আবদে আমাক ইবন ধাররা)-এর সঙ্গে বিবাহ দেন। তাঁদের মিলনের পর রাসূলুল্লাহ (সা) আমিনার পাঞ্জে আসেন। বলাবাত্ত্বল্য, ওরাকা ইবন নওফলের বোধ উল্লেখ কিভাল রাকীকা বিনতে নওফল আমিনার সঙ্গে মিলনের পূর্বে আবদুল্লাহর ললাটে নূর দেখতে পেয়েছিলেন। ফলে তিনি উক্ত নূরের ছোঁয়া লাভ করতে উদয়ীব হয়ে পড়েন। কারণ তিনি তার ভাই-এর নিকট শুনতে পেয়েছিলেন যে, মুহাম্মদ নামক একজন নবী আবির্ভূত হবেন এবং সে সময়টি আসন্ন। তাই তিনি আবদুল্লাহর সাথে মিলনের জন্য, মতান্তরে বিবাহের জন্য নিজেকে পেশ করেন। বিবাহের প্রস্তাবের কথাই সমধিক প্রসিদ্ধ। কিন্তু আবদুল্লাহ সে প্রস্তাব প্রত্যাখ্যান করেন। পরবর্তীতে সেই নূর আমিনার মধ্যে স্থানান্তরিত হলে ওরাকা ইবন নওফলের বোনের প্রস্তাব অগ্রহ্য করার জন্য আবদুল্লাহ অনেকটা বিব্রত বোধ করেন। এবার তিনি নিজে অনুরূপ প্রস্তাব দিলে মহিলাটি বলে এখন আর তোমাকে দিয়ে আমার কোন প্রয়োজন নেই। তখন সে সৌভাগ্য থেকে বঞ্চিত হওয়ায় আক্ষেপ করে এবং অত্যন্ত উচ্চমানের কয়েকটি পংক্তি আবৃত্তি করে। উল্লেখ যে, এভাবে চারিত্রিক পবিত্রতা রক্ষার ব্যাপারটি রাসূলুল্লাহ (সা)-এর কারণেই ঘটেছিল, আবদুল্লাহর জন্য নয়। আল্লাহ তা'আলা বলেন :

اللَّهُ أَعْلَمُ حِينَ يَجْعَلُ رِسَالَةً

“রাসূল কাকে বানাবেন, আল্লাহ নিজেই তা ভালো জানেন।”

ইতিপূর্বে এ মর্মে একটি হাদীস উদ্ভৃত হয়েছে যে, রাসূলুল্লাহ (সা) বলেছেন যে, অবৈধ মিলনে নয় বৈবাহিক বন্ধন থেকেই তিনি জন্মাভ করেছেন।

রাসূলুল্লাহ (সা) মাত্ত্বার্ডে থাকা অবস্থায় তার পিতা আবদুল্লাহ ইস্তিকাল করেন। এটাই প্রসিদ্ধ অভিযন্ত। মুহাম্মদ ইবন সা'দ বর্ণনা করেন যে, আইয়ুব বলেন, আবদুল্লাহ ইবন আবদুল মুত্তালিব কুরাইশ-এর এক বণিক কাফেলার সঙ্গে সিরিয়ার গাজা অঞ্চলে যান। বাণিজ্য শেষে ফেরার পথে মদীনা পৌছলে আবদুল্লাহ অসুস্থ হয়ে পড়েন। ফলে তিনি তাঁর মাতৃলগোষ্ঠী বনী আদী ইবন নাজার-এর কাছে থেকে যান এবং তাদের নিকট অসুস্থ অবস্থায় এক মাস অবস্থান করেন। সঙ্গীরা মক্কা পৌছলে আবদুল মুত্তালিব পুত্রের কথা জানতে চাইলে তারা বলে, তাঁকে

অসুস্থ অবস্থায় তাঁর মাতৃলালয়ে রেখে এসেছি। খবর শুনে আবদুল মুত্তালিব তাঁর বড় ছেলে হারিছকে প্রেরণ করেন। হারিছ মদীনায় গিয়ে দেখেন, আবদুল্লাহর ইত্তিকাল হয়েছে এবং দারহন্নাবিগায় তাঁকে দাফন করা হয়েছে। তখন তিনি ফিরে এসে পিতাকে ঘটনা সম্পর্কে অবহিত করেন। সৎবাদ শুনে পিতা আবদুল মুত্তালিব ও আবদুল্লাহর ভাই-বোনেরা শোকাহত হয়ে পড়েন। রাসূলুল্লাহ (সা) তখন মায়ের গর্ভে। মৃত্যুকালে আবদুল্লাহর বয়স ছিল পঁচিশ বছর।

ওয়াকিদী বলেন, আমাদের দৃষ্টিতে আবদুল্লাহর মৃত্যুর ব্যাপারে এটিই সর্বাপেক্ষা সঠিক অভিমত। তিনি বর্ণনা করেন যে, আবদুল মুত্তালিব আবদুল্লাহকে খেজুর আনবার জন্য মদীনা প্রেরণ করেছিলেন। সেখানে তিনি ইত্তিকাল করেন।

মুহাম্মদ ইবন সাদ বর্ণনা করেন যে, রাসূলুল্লাহ (সা)-এর বয়স যখন আটাশ মাস, তখন তাঁর পিতা আবদুল্লাহর মৃত্যু হয়। কারও কারও মতে, তখন তাঁর বয়স ছিল সাত মাস। তবে মুহাম্মদ ইবন সাদ-এর নিজের অভিমত হলো, আবদুল্লাহ মৃত্যুকালে রাসূলুল্লাহ (সা) মাত্ত্বগতে ছিলেন। যুবায়র ইবন বাক্কার-এর বর্ণনা মতে পিতার মৃত্যুকালে রাসূলুল্লাহ (সা) ছিলেন দুই মাসের শিশু। মায়ের মৃত্যুর সময় তাঁর বয়স ছিল বার বছর আর যখন তাঁর দাদার মৃত্যু হয়, তখন তিনি আট বছরের কিশোর। মৃত্যুকালে দাদা আবদুল মুত্তালিব চাচা আবু তালিবের হাতে তাঁর শালন-পালনের ভার অর্পণ করে যান। ওয়াকিদী ও তাঁর লিপিকার (ইবন সাদ) পিতার মৃত্যুর সময় রাসূলুল্লাহ (সা) মায়ের গর্ভে ছিলেন। এটিই এভীমত্ত্বের উর্ধ্বতন স্তর। এমর্মে হাদীছ পূর্বেই উদ্বৃত্ত হয়েছে যে, রাসূলুল্লাহ (সা) বলেছেন, “আমি গর্ভে থাকাবস্থায় আমার মা স্বপ্নে দেখেন যে, যেন তাঁর মধ্য থেকে একটি নূর বের হয়ে সিরিয়ার রাজপ্রাসাদসমূহ আলোকিত করে ফেলেছে।” মুহাম্মদ ইবন ইসহাক বলেন, আমিনা বিনতে ওহব নিজে বলতেন যে, রাসূলুল্লাহ (সা) তার গর্ভে থাকাকালে স্বপ্নে কে যেন তাকে বলে যায়, তুমি এই উশ্মতের সরদারকে গর্ভে ধারণ করেছ। তিনি ভূমিষ্ঠ হলে তুমি বলবে, একে আমি সকল হিংসুকের অনিষ্ট ও যাবতীয় বিপদাপদ থেকে এক আল্লাহর আশ্রয়ে সোপর্দ করছি। কারণ প্রশংসার্হ আল্লাহর নিকট তিনি মর্যাদাবান। তাঁর সঙ্গে এমন একটি নূর বের হবে, যা সিরিয়ার রাজপ্রাসাদ সমূহকে আলোকিত করে ফেলবে। ভূমিষ্ঠ হলে তুমি তার নাম রাখবে মুহাম্মদ, তাওরাতে তাঁর নাম আহমদ। আকাশ ও পৃথিবীর অধিবাসীরা তাঁর প্রশংসা করে। ইনজীলেও তাঁর নাম আহমদ। আর কুরআনে তাঁর নাম মুহাম্মদ।

আমিনার স্বপ্ন সম্পর্কিত এই দু'টি হাদীস প্রমাণ করে যে, তিনি স্বপ্নে দেখেছিলেন যেন তাঁর মধ্য হতে এমন একটি নূর বের হয়েছিল, যাতে সিরিয়ার প্রাসাদসমূহ আলোকিত হয়ে যায়। অতঃপর নবী করীম (সা)-এর জন্মের পর তিনি এই স্বপ্নের বাস্তবরূপ প্রত্যক্ষ করেন।

মুহাম্মদ ইবন সাদ (র) ইবন আব্বাস (রা) থেকে বর্ণনা করেন যে, আমিনা বিনতে ওহব বলেছেন— মুহাম্মদ আমার গর্ভে থাকাবস্থায় প্রসব পর্যন্ত তাঁর জন্য আমি বিন্দুমাত্র কষ্ট অনুভব করিনি। প্রসবের সময় তাঁর সঙ্গে একটি নূর বের হয়, যা পৃথিবীর পূর্ব থেকে পশ্চিম পর্যন্ত সব আলোকিত করে তোলে। আমার গর্ভ থেকে বের হওয়াকালে তিনি উভয় হাতে মাটিতে ভর দেন। অতঃপর হাতে এক মুঠো মাটি নিয়ে আসমানের দিকে উঁচু করেন। কারো কারো মতে

রাসূলুল্লাহ (সা) দুই হাঁটুতে ভর করে হামাগুড়িরত অবস্থায় ভূমিষ্ঠ হন। আর তাঁর সঙ্গে এমন একটি আলো নিগত হয় যে, তার আলোতে সিরিয়ার রাজপ্রাসাদ ও হাট-বাজার সব আলোকিত হয়ে যায়। আমিনা বলেন, সেই আলোতে বসরার উটের ঘাড়সমূহ দৃশ্যমান হয়ে উঠে। তখন শিশু নবীর মাথা আসমানের দিকে উথিত ছিল। বায়হাকী উহুমান ইবন আবুল 'আস থেকে বর্ণনা করেন যে, তিনি বলেন, আমার মা আমাকে বলেন যে, আমিনা বিনতে ওহব শিশু নবীকে প্রসবের সময় তিনি ঘটনাস্থলে উপস্থিত ছিলেন। তিনি বলেন, সে রাতে আমিনার ঘরে আমি নূর ছাড়া আর কিছুই দেখতে পাইনি। আমি দেখতে পেলাম, আকাশের তারকাগুলো যেন এসে আমার গায়ের ওপর পড়ছে।

কাজী ইয়ায় আবদুর রহমান ইবন আওফ এর মা শিফা থেকে বর্ণনা করেন যে, তিনি শুনেছেন, রাসূলুল্লাহ (সা) দুই হাতে ভর করে ভূমিষ্ঠ হয়ে কেঁদে ওঠেন। তখন আমি শুনতে পেলাম, কেউ একজন বলে উঠলেন : “আল্লাহ আপনাকে রহম করুন”। আর তাঁর সঙ্গে এমন এক আলো উত্তীর্ণ হয় যে, তাতে রোমের রাজপ্রাসাদসমূহ দৃশ্যমান হয়ে ওঠে।

মুহাম্মদ ইবন ইসহাক বলেন, রাসূলুল্লাহ (সা) ভূমিষ্ঠ হওয়ার পর আমিনা তাঁর দাসী মারফত আবদুল মুতালিবের নিকট খবর পাঠান। স্বামী আবদুল্লাহ তো আমিনার অস্তঃসন্তা অবস্থায়ই মারা গিয়েছিলেন। কথিত আছে যে, আবদুল্লাহ যখন মৃত্যুবরণ করেন, রাসূলুল্লাহ (সা) তখন আটাশ মাসের শিশু। তবে কোন্টা সঠিক, তা আল্লাহই ভালো জানেন।

দাসী গিয়ে আবদুল মুতালিবকে বলে যে, দেখে আসুন, আপনার একটি নাতি হয়েছে। আবদুল মুতালিব আমিনার নিকট আসলে আমিনা সব ঘটনা খুলে বলেন। এই সন্তানের ব্যাপারে তিনি বলে কি দেখেছিলেন এবং তার কি নাম রাখতে আদিষ্ট হয়েছেন, তাও তিনি ব্যক্ত করেন। সব শুনে আবদুল মুতালিব রাসূলুল্লাহ (সা)-কে নিয়ে কাবার অভ্যন্তরে ‘হোবল’ এর কাছে গিয়ে দাঁড়িয়ে তাঁর জন্য দোয়া করেন এবং মহান আল্লাহর সমীপে কৃতজ্ঞতা জ্ঞাপন করে বলেন :

الْحَمْدُ لِلّهِ الَّذِي أَعْطَانِي - هَذَا الْغُلَامُ الطَّيِّبُ الْأَرْدَانِ

قَدْ سَادَ فِي الْمَهْدِ عَلَى الْغِلْمَانِ - أَعِيذهُ بِالْبَيْتِ ذِي الْأَرْكَانِ

حَتَّىٰ يَكُونَ بُلْغَةً الْفِتِيَانِ - حَتَّىٰ أَرَاهُ بَالِغَ الْبُنْيَانِ

أَعِيذهُ مِنْ كُلِّ ذِي شَنَانِ - مِنْ حَاسِدٍ مُضْطَرِبٍ الْعِنَانِ

ذِي هَمَّةٍ لَيْسَ لَهُ عَيْنَانِ - حَتَّىٰ أَرَاهُ رَافِعَ الْلِسَانِ

أَنْتَ الَّذِي سُمِّيْتَ فِي الْقُرْآنِ - فِي كُتُبٍ ثَابِتَةٍ الْمَثَانِيْ

أَحَمَّدُ مَكْتُوبٍ عَلَى الْلِسَانِ

— সকল প্রশংসা সেই আল্লাহর, যিনি আমাকে পরিত্ব আস্তিন এর অধিকারী এই শিশুটি দান করেছেন। আমার বাসনা, দোলনায় বসেই এই শিশু আর সব শিশুর ওপর কর্তৃত করবে। রুক্ন বিশিষ্ট ঘরের নিকট আমি এর জন্য আশ্রয় প্রার্থনা করছি। এই শিশুকে আমি যুবকদের আদর্শরূপে পরিণত বয়সে দেখতে চাই। সকল অনিষ্ট ও হিংসুকের বিদ্বেষ থেকে এর জন্য আমি আশ্রয় চাই। আমি আশ্রয় প্রার্থনা করছি উদ্ভিত ফণাবিশিষ্ট চক্ষুবিহীন সর্প থেকে। তুমিই (হে আমার প্রিয় নাতি!) কুরআনে-মহান গ্রন্থসমূহে আহমদ নামে আখ্যায়িত এবং লোকজনের রসনায় তোমার নামটি লিপিবদ্ধ রয়েছে।

বায়হাকী বর্ণনা করেন, ইবন আবুস (রা) তাঁর পিতা আবুস (রা) থেকে বর্ণনা করেন যে, তিনি বলেন, রাসূলুল্লাহ (সা) খ্তনাকৃত ও নাড়ি কর্তিত জন্মগ্রহণ করেন দেখে তাঁর দাদা আবদুল মুত্তালিব মুঞ্জ হয়ে যান এবং বলেন, উত্তরকালে আমার এই সন্তানটি যশস্বী হবে। বাস্তবেও তাই হয়েছে। এর বিশুদ্ধতা সন্দেহমুক্ত নয়। অনুরূপ একটি বর্ণনা আবু নুয়ায়মেরও রয়েছে। কেউ কেউ একে বিশুদ্ধ এমন কি মুতাওয়াতির মৰ্যায়ের পর্যন্ত বলেছেন। কিন্তু তাও সন্দেহমুক্ত নয়। ইবন আসাকির বর্ণনা করেন যে, আনাস (রা) বলেন, রাসূলুল্লাহ (সা) বলেছেন : “আল্লাহর নিকট আমার মর্যাদার একটি হলো এই যে, আমি খ্তনাকৃত অবস্থায় জন্মান্ত করেছি এবং আমার লজ্জা স্থান কেউ দেখতে পায়নি।”

হাফিজ ইবন আসাকির আবু বাকরাহ থেকে বর্ণনা করেন যে, তিনি বলেন, জিবরীল (আ) যখন নবী করীম (সা)-এর বক্ষ বিদারণ (সীনা চাক) করেন, তখন তিনি তাঁর খ্তনাও করেন। এটা নিতান্ত ‘গরীব’ পর্যায়ের। অন্য এক সূত্রে বর্ণিত আছে, নবী করীম (সা)-এর দাদা আবদুল মুত্তালিব তার খাতনা করেন এবং সেই উপলক্ষে কুরাইশদেরকে দাওয়াত দিয়ে আপ্যায়িত করেন।

বায়হাকী আবুল হাকাম তানুয়ী থেকে বর্ণনা করেন যে, তিনি বলেছেন, কুরাইশদের সমাজে নিয়ম ছিল যে, কোন সন্তান জন্ম হলে তারা নবজাতককে পরবর্তী ভোর পর্যন্ত কতিপয় কুরাইশ মহিলাদের নিকট দিয়ে রাখত। শিশুটিকে তারা পাথর নির্মিত ডেগ দিয়ে ঢেকে রাখতো। রাসূলুল্লাহ (সা) ভূমিষ্ঠ হলে নিয়ম অনুযায়ী আবদুল মুত্তালিব তাঁকেও সেই মহিলাদের হাতে অর্পণ করেন। মহিলারা তাকেও ডেগ দিয়ে ঢেকে রাখে। ভোর হলে এসে তারা দেখতে পায় যে, ডেগ ফেটে দ্বিখণ্ডিত হয়ে আছে আর শিশু মুহাম্মদ দু'চোখ খুলে বিক্ষারিত নয়নে আকাশের দিকে তাকিয়ে আছেন। মহিলারা দৌড়ে আবদুল মুত্তালিবের নিকট এসে বলে, কি আশ্র্য, এরূপ নবজাতক তো আমরা কখনও দেখিনি। ভোরে এসে আমরা দেখতে পেলাম যে, ডেগ ফেটে দ্বিখণ্ডিত হয়ে আছে আর সে চোখ দু'টো খুলে বিক্ষারিত নয়নে আকাশের দিকে তাকিয়ে আছে! শুনে আবদুল মুত্তালিব বললেন, তাকে তোমরা হেফাজত কর, আমি আশা করি, ভবিষ্যতে এই শিশু যশস্বী হবে কিংবা বললেন, সে প্রচুর কল্যাণের অধিকারী হবে। সগুম দিনে আবদুল মুত্তালিব তাঁর আকীকা করেন এবং কুরাইশদেরকে দাওয়াত করেন। আহার শেষে মেহমানরা বলল, আবদুল মুত্তালিব! যে সন্তানের উপলক্ষে আজকের এই নিমজ্জনের আয়োজন, তার নাম কি রাখলে? আবদুল মুত্তালিব বললেন, আমি তার নাম মুহাম্মদ রেখেছি। শুনে তারা আল-বিদায়া ওয়ান নিহায়া (২য় খণ্ড) ৬২—

বলল, পরিবারের অন্যদের নামের সঙ্গে মিল রেখে নাম রাখলেন না যে! আবদুল মুত্তালিব বললেন, আমার ইচ্ছা, আসমানে স্বয়ং আল্লাহ আর যমীনে তাঁর সৃষ্টিকূল তাঁর প্রশংসা করবেন। ভাষাবিদগণ বলেন, মুহাম্মদ কেবল তাঁকেই বলা হয়ে থাকে, যিনি যাবতীয় মহৎ শুণের ধারক। যেমন : কবি বলেন-

**إِلَيْكَ أَبَيْتُ اللَّاعِنَ أَعْلَمْتُ نَاقَتِي - إِلَى الْمَاجِدِ الْقِرْمِ الْكَرِيمِ الْمُحَمَّدِ**

— দূর হয়ে যাও, তুমি অভিশাপকে অঙ্গীকার করেছ। আমি আমার উচ্চীকে সর্বগুণে প্রশংসিত, সম্মানিত, আদরে লালিত মর্যাদাবান মুহাম্মদের উদ্দেশ্যে পরিচালিত করেছি।

কোন কোন আলিম বলেন, আল্লাহ ইলহাম করেছিলেন যে, তোমরা এর নাম রাখ মুহাম্মদ। কারণ, এই শিশুর মধ্যে যাবতীয় মহৎগুণ বিদ্যমান। যাতে নামে ও কাজে মিল হয় এবং যাতে নাম ও নামকরণ আকারে ও তাৎপর্যে সাযুজ্যপূর্ণ হয়। যেমন নবীজি (সা)-এর চাচা আবু তালিব বলেন :

**وَشَقَّ لَهُ مِنْ إِسْمِهِ لِيُجَلِّهُ - فَذُو الْعَرْشِ مَحْمُودٌ وَهَذَا مُحَمَّدٌ**

— মর্যাদা দানের উদ্দেশ্যে আল্লাহ তাঁর জন্য নিজের নাম থেকে মাম শের করে এনেছেন। আরশের অধিপতি আল্লাহর নাম ‘মাহমুদ’ আর ইনি মুহাম্মদ।

কারও কারও মতে এই পংক্তিটি হাস্সান ইবনে সাবিত-এর রচিত।

রাসূলুল্লাহ (সা)-এর নামসমূহ এবং তাঁর শামায়িল তথা অবয়বের বর্ণনা, পৃত-পরিত্র, নবুওতের প্রমাণাদি ও মর্যাদার বিবরণ সীরাত অধ্যায়ের শেষে উল্লেখ করব, ইনশাআল্লাহ।

বায়হাকী আববাস ইবন আবদুল মুত্তালিব থেকে বর্ণনা করেন যে, তিনি বলেন, আমি একদিন বললাম, ইয়া রাসূলুল্লাহ! আপনার নবুওতের একটি আলামত আমাকে আপনার দীন কবুল করতে উদ্ধৃত করেছিল। দোলনায় থাকতে আমি আপনাকে দেখেছি যে, আপনি চাঁদের সঙ্গে কথা বলছেন এবং নিজের আঙুল দিয়ে চাঁদের প্রতি ইঁগিত করছেন। আপনি যেদিকে ইশারা করতেন চাঁদ সেদিকেই ঝুঁকে পড়তো। জবাবে নবী করীম (সা) বললেন, “আমি তখন চাঁদের সঙ্গে কথা বলতাম এবং চাঁদ আমার সঙ্গে কথা বলতো এবং আমার কান্না ভুলিয়ে দিত। আর আমি আরশের নিচে চাঁদের সিজদা করা কালে তার পতনের শব্দ শুনতে পেতাম।” রাবী বলেন, এ বর্ণনার রাবী একজন মাত্র আর তিনি অজ্ঞাত পরিচয়।

## রাসূলুল্লাহ (সা)-এর জন্মের রাতে সংঘটিত আলোকিক ঘটনাবলী

রাসূলুল্লাহ (সা) যে রাতে ভূমিষ্ঠ হন, সে রাতে অসংখ্য মৃতির উপুড় হয়ে পড়া ও স্থানচ্যুত হওয়া, হাবশা অধিপতি নাজাশীর দেখা ঘটনার বিবরণ, জন্মের সময় রাসূলুল্লাহ (সা)-এর সঙ্গে নূর বের হয়ে তাতে সিরিয়ার প্রাসাদসমূহ আলোকিত হয়ে যাওয়া; রাসূল (সা)-এর মাত্রগুর্ড থেকে হামাগুড়ি দিয়ে আকাশপানে মাথা তুলে বের হয়ে আসা, তেগ ফেটে বিখ্যাত হয়ে যাওয়া, রাসূলুল্লাহ (সা) যে ঘরে জন্মাত্ত করেন, সে ধর্মটি আলোকিত হয়ে যাওয়া এবং নক্ষত্ররাজি মানুষের মিকটবর্তী হয়ে যাওয়া ইত্যাদি ঘটনার বিবরণ আমরা ইতিপূর্বে ‘অজ্ঞাত স্থান থেকে জিনের কথা বলা’ অধ্যায়ে উল্লেখ করে এসেছি।

সুহায়লী বর্ণনা করেন যে, ইবলীস জীবনে চারবার বিলাপ করে : ১. অভিশপ্ত হওয়ার সময় । ২. জাগ্নাত থেকে বিতাড়িত হওয়ার সময় । ৩. রাসূলুল্লাহ (সা)-এর জন্মের সময় এবং ৪. সূরা ফাতিহা নামিল হওয়ার সময় ।

মুহাম্মদ ইবন ইসহাক হ্যরত আয়েশা (রা) থেকে বর্ণনা করেন যে, তিনি বলেন, এক ইহুদী মক্কায় বাস করত । সে সেখানে ব্যবসা-বাণিজ্য করতো । রাসূলুল্লাহ (সা) যে রাতে ভূমিষ্ঠ হন সে রাতে কুরাইশ এর এক মজলিসে সে বলল, আজ রাতে কি তোমাদের মধ্যে কারও কোনও সন্তানের জন্ম হয়েছে? জবাবে তারা বলল, আল্লাহর কসম! আমরা এ রকম কিছুই জানি না । ইহুদীটি বলল, আল্লাহ আকবর! তোমাদের অজ্ঞাতে ঘটে থাকলে তো কোনও অসুবিধা নেই । তবে তোমরা খোঁজ করে দেখ এবং যা বলছি স্মরণ রাখ । এ রাতে আখেরী নবী ভূমিষ্ঠ হয়েছেন । তাঁর দুই কাঁধের মধ্যবর্তী স্থানে একটি চিহ্ন আছে । তাতে ঘোড়ার কেশের মত একগুচ্ছ চুল আছে । দুরাত তিনি দুধ পান করবেন না । কারণ একটি দুষ্ট জিন তাঁর মুখে আঙ্গুল ঢুকিয়ে দিয়েছে । ফলে তাঁকে দুধ পান থেকে নিবৃত্ত রাখা হয়েছে ।

শুনে লোকজন মজলিস ছেড়ে উঠে চতুর্দিক ছড়িয়ে পড়ে । ইহুদীর কথায় তারা হতঙ্গ স্তুষ্টির! ঘরে গিয়ে প্রত্যেকে তারা ঘরের লোকদেরকে এ খবরটি শুনায় । শুনে তারা বলে উঠে, হ্যা, আল্লাহর শপথ! আন্দুল্লাহ ইবন আবদুল মুতালিবের একটি পুত্র সন্তান ভূমিষ্ঠ হয়েছে । তারা তার নাম রেখেছে মুহাম্মদ । এবার তারা ইহুদীর কথা ও এই নবজাতক সম্পর্কে কানাঘুষা করতে করতে ইহুদীর নিকট যায় এবং তাকে এ খবরটি জানায় । ইহুদীটি বলল, তোমরা আমাকে নিয়ে চল, আমি তাকে একটু দেখব । লোকেরা ইহুদীকে নিয়ে আমেনার ঘরে গিয়ে তাকে বলল, তোমার পুত্রটিকে একটু আমাদের কাছে দাও । আমেনা পুত্রকে তাদের কাছে দিলে তারা তার

পিঠের কাপড় সরিয়ে ইহুদীর বর্ণিত নির্দশনটি দেখতে পায়। সাথে সাথে ইহুদী অজ্ঞান হয়ে মাটিতে লুটিয়ে পড়ে। তার জ্ঞান ফিরলে লোকেরা তাকে বলল, কী ব্যাপার, আপনার হয়েছে কি? ইহুদীটি বলল, আল্লাহর শপথ! নবুওত বনী ইসরাইল থেকে বিদায় নিল! তোমরা এতে আনন্দিত হও, হে কুরাইশের দল! আল্লাহর শপথ, তোমাদের সহায়তায় তিনি এমন বিজয় লাভ করবেন যে, প্রাচ্যে-প্রতীচ্যে তাঁর সুসমাচার ছড়িয়ে পড়বে। মুহাম্মদ ইবন ইসহাক বর্ণনা করেন যে, হাস্সান ইবন সাবিত (রা) বলেছেন, আমি তখন সাত কি আট বছরের বালক। যা শুনি বা দেখি, তা বুঝবার বয়স তখন আমার হয়েছে। হঠাৎ একদিন সকাল বেলা ইয়াসরিবে জনৈক ইহুদীকে চীৎকার করে বলতে শুনলাম, হে ইহুদী সমাজ! চীৎকার শুনে লোকজন তার নিকট এসে ভীড় জমায় এবং বলে, বল, কি হয়েছে তোমার! সে বলল আহমদ নামের যে লোকটির জন্য হওয়ার কথা, এই রাতে তার তারকা উদিত হয়েছে।

হাফিজ আবু নুয়ায়ম ‘দালায়িলুন্বুওয়াহ’ কিতাবে বর্ণনা করেছেন যে, আবু মালিক ইবন সিনান বলেন, একদা আমি গল্পগুজব করার জন্য আবদুল আশহাল গোত্রে যাই। তখন আমরা তাদের সঙ্গে সঙ্কিবদ্ধ। সে সময়ে আমি শুনতে পেলাম যে, ইউশা নামক এক ইহুদী বলছে, ‘আহমদ নবীর’ আগমনের সময় ঘনিয়ে এসেছে। তিনি হেরেম থেকে বেরিয়ে আসবেন। এ কথা শুনে খণ্ডীফা ইবন ছালাবা আল-আশহালী উপহাস করে জিজ্ঞাসা করল, তার পরিচয় কী হে? ইহুদী বলল, তিনি হবেন এমন এক ব্যক্তি যিনি না হবেন বেঁটে, না লস্বা। দু'চোখে তাঁর লালিমা থাকবে। তিনি হবেন কমলীওয়ালা। তিনিও গাধায় সওয়ার হবেন। তার কাঁধে তরবারী ঝুলানো থাকবে। এই নগরী হবে তাঁর হিজরত স্থল। আবু মালিক ইবন সিনান বলেন, ইহুদীর কথায় অভিভূত হয়ে আমি আমার স্বগোত্র বনু খাদরায় চলে এলাম। আমার নিকট থেকে ঘটনার বিবরণ শুনে এক ব্যক্তি বলে উঠল, এ কথা কি ইউশা একাই বলছে, নাকি ইয়াসরিবের সব ইহুদীর একই কথা! আবু মালিক বলেন, এই ঘটনার পর আমি বনু কুরায়য়ার নিকট যাই। সেখান গিয়ে দেখতে পেলাম, একদল মানুষ আখেরী নবী সম্পর্কেই আলাপ-আলোচনা করছে। কথা প্রসঙ্গে যুবায়র ইবন বাতা বললেন, সেই লাল নক্ষত্রটি উদিত হয়ে গেছে, যা কখনও কোনও নবীর আগমন বা আবির্ভাবের উপলক্ষ ছাড়া কোনদিন উদিত হয় না। এখন তো আহমদ ছাড়া আর কোন নবীর আগমনের বাকী নেই। আর এই ইয়াসরিবই হবে তাঁর হিজরত স্থল।

আবু সাইদ (রা) বলেন, রাসূলুল্লাহ (সা) মদীনা আগমন করার পর আমার আকরা তাঁকে এই ঘটনাটি শুনান। শুনে রাসূলুল্লাহ (সা) বললেনঃ ‘যুবায়র যদি মুসলমান হত, তাহলে নেতৃত্বানীয় অনেক ইহুদীও মুসলমান হয়ে যেত। কারণ ওরা এর অনুগত।’

আবু নুয়ায়ম (র) বর্ণনা করেন যে, যায়দ ইবন সাবিত (রা) বলেন, বনু কুরায়য়া ও বনু নবীর এর ইহুদী পশ্চিমগণ নবী করীম (সা)-এর পরিচিতি সম্পর্কে আলোচনা করতেন। অবশেষে লাল নক্ষত্র উদিত হয়ে গেলে তারা ঘোষণা করে যে, ইনিই আখেরী নবী; এর পরে আর কোনও নবী আসবেন না। নাম তাঁর আহমদ এবং তাঁর হিজরত স্থল হবে ইয়াসরিব। কিন্তু যখন নবী করীম (সা) হিজরত করে মদীনায় আসলেন আর তারা তাঁকে অগ্রাহ্য করে, হিংসা

କିମ୍ବା ନୁମାନ ହବନ ମୁନ୍ୟର ଏର ନିକଟ ଏ ମମେ ପତ୍ର ଲାଖେନ୍ଦ୍ରଙ୍କାଳେ ହେଲାଯାଇଛି ।

ব্যক্তির সন্ধান দেব, যিনি এর জবাব দিতে সক্ষম হবেন। কিসরা তাঁকে ঘটনাটি খুলে বলেন। জবাবে আবদুল মাসীহ বলেন, আমার এক মামা এর জবাব দিতে পারবেন। তিনি সিরিয়ার সাতীহ নামক স্থানের উপকণ্ঠে বাস করেন। কিসরা বললেন, ঠিক আছে। তুমি তার কাছে গিয়ে দেখ, সে এর জবাব দিতে পারে কিনা। আমি যা জানতে চাই তাকে তা জিজ্ঞেস করে তার ব্যাখ্যা জেনে এসো। আবদুল মাসীহ সঙ্গে সঙ্গে সিরিয়ায় রওয়ানা হয়ে মুমুর্শ সাতীহ এর নিকট পৌছেন। তিনি তাকে সালাম দিয়ে কুশলাদি জিজ্ঞাসা করেন। কিন্তু সাতীহ সালামের কোন জবাবও দিলেন না বা কোন কথাও বললেন না। তখন আবদুল মাসীহ কবিতার কয়েকটি পংক্তি আবৃত্তি করেন। তা শুনে এবার সাতীহ মাথা তুলে বলেন, আবদুল মাসীহ! উটের পিঠে চড়ে তুমি সাতীহ এর নিকট এসেছ। অথচ সে তখন মৃত্যুপথযাত্রী। আমি জানি, তোমাকে সাসান বংশের বাদশাহ প্রেরণ করেছেন। রাজপ্রাসাদ প্রকল্পিত হওয়ায়, অগ্নিকুণ্ড নিতে যাওয়ায় এবং মুবিয়নের স্বপ্ন যাতে তিনি দেখতে পেয়েছেন যে, উটগুলো ঘোড়াগুলোকে তাড়া করছে এবং দজলা অতিক্রম করে জনপদসম্মূহে ছড়িয়ে পড়েছে। শোন হে আবদুল মাসীহ! যখন তিলাওয়াত বৃক্ষি পাবে, মোটা ছড়িওয়ালা আত্মপ্রকাশ করবেন, সামাওয়া উপত্যকা প্রাবিত হবে, সাওয়াহুদ্র শুকিয়ে যাবে এবং পারস্যের অগ্নিকুণ্ড নিতে যাবে, তখন শাম আর সাতীহ এর জন্য শাম থাকবে না। গম্ভীজের সমসংখ্যক রাজা-রাণী তার কর্তৃত্ব কেড়ে নেবে, আর সেই সময়টি এসে পড়েছে। একথাটি উচ্চারণ করেই সাতীহ মৃত্যুর কোলে ঢলে পড়েন।

আবদুল মাসীহ তখনই বাহনে চড়ে কবিতা আবৃত্তি করতে করতে রওয়ানা হয়ে পড়েন। কিসরার নিকট এসে তিনি তাকে শুনান। সাতীহ যা বলেছেন, তার বিবরণ দেন। শুনে কিসরা বলে উঠেন, তার মানে দাঁড়াল, আমার পর চৌদজন রাজা রাজত্ব করবে।

বাস্তবিক পরবর্তী চার বছরে দশজন রাজা পারস্যের সিংহাসনে বসেন। অবশিষ্টগণ রাজত্ব করেন হ্যরত উসমান (রা)-এর খিলাফত পর্যন্ত। বায়বীও অনুরূপ বর্ণনা উদ্ভৃত করেছেন। আমার মতে, পারস্যের সর্বশেষ রাজা যার নিকট থেকে রাজত্ব ছিনিয়ে নেয়া হয়-তিনি হলেন, ইয়ায়দাগির্দ ইবন শাহরিয়ার ইবন পারভেজ ইবন হুরমুয় ইবন নওশিরওয়া। এই রাজার আমলেই রাজপ্রাসাদে ফাটল ধরে। তার আগে তার পূর্বসূরীরা তিনি হাজার একশ' চৌষট্টি বছর রাজত্ব করেছিলেন। এদের সর্বপ্রথম রাজা ছিলেন খিওয়ারত ইবন উমাইম ইবন লাওয় ইবন সাম ইবন নূহ।

আলোচ্য সাতীহ এর পরিচয় প্রসঙ্গে ইবন আসাকির তাঁর ইতিহাস প্রচ্ছে লিখেছেন যে, এই লোকটির নাম রবী ইবন রবীয়া ইবন মাসউদ ইবন মাযিন ইবন আদী ইবন মাযিন ইবন আল-আয়দ। কেউ কেউ তাঁকে রবী ইবন মাসউদও বলেছেন। তাঁর মা রিদআ বিনতে সাদ ইবনুল হারিশ আল-হাজৰী। তাঁর বৎস লতিকা তিনুভাবেও বর্ণিত হয়েছে। ইবনে আসাকির-এর মতে তিনি জাবিয়ায় বাস করতেন। তিনি আবু হাতিম সাজিসতামী থেকে বর্ণনা করেন যে, তাঁর কয়েকজন শায়খ বলেছেন, সাতীহ হচ্ছে লোকমান ইবন 'আদ-এর পরবর্তী যুগের মানুষ। মহাপ্লাবনের আমলে তাঁর জন্ম। বাদশাহ হীলাওয়াসের আমল পর্যন্ত তিনি জীবিত ছিলেন। অর্থাৎ প্রায় ত্রিশ প্রজন্মের আবু তিনি জাত করেন। তাঁর আবাস ছিল তাঁর বাহরাইল।

আবদুল কায়স গোত্র দাবি করে যে, সাতীহ তাদের বংশের লোক, অপরদিকে আয়দ গোত্রীয়দের দাবি হচ্ছে যে, তিনি তাদের বংশের। অধিকাংশ মুহাম্মদিস সাতীহকে আয়দ বংশীয় বলে অভিমত প্রকাশ করেন। তবে আমি বুঝে উঠতে পারছি না যে, তাঁর প্রকৃত পরিচয় কী? তবে তাঁর বংশধররা নিজেদেরকে আয়দবংশীয় বলে দাবি করেন।

ইবন আব্বাস (রা) থেকে বর্ণিত আছে যে, তিনি বলেছেন, সাতীহ-এর সঙ্গে আদম সন্তানের কারো কোনও মিল ছিল না। তাঁর দেহ ছিল গোশতের একটি টুকরা, যার মাথায় দু'চোখে ও দু'হাতে ছাড়া আর কোথাও অস্থি অথবা শিরা ছিল না। কাপড় যেভাবে ভাঁজ করা যায় তেমনি তাকেও দু'পা থেকে ঘাড় পর্যন্ত ভাঁজ করা যেত। জিহবা ছাড়া আর দেহে নাড়োবার মত কিছুই ছিল না। কেউ কেউ বলেন, সাতীহ রেগে গেলে তাঁর দেহ ফুলে যেত এবং তিনি বসে পড়তেন।

ইবন আব্বাস (রা) আরও বলেন, সাতীহ একবার মকায় এসেছিলেন। কুসাই এর দুই পুত্র আব্দে শামস ও আবদে মানাফ সহ মকার নেতৃত্বান্বিত অনেকে তাঁর সঙ্গে সাক্ষাত করতে আসেন। তারা তাঁকে পরীক্ষা করার উদ্দেশ্যে বিভিন্ন বিষয়ে প্রশ্ন করেন। সব প্রশ্নের ঠিক ঠিক জবাব তিনি দেন। শেষ যুগে কী ঘটবে, সে বিষয়েও তারা তাঁকে জিজ্ঞাসা করে। জবাবে তিনি বলেন, আশ্লাহ আমাকে যা ইলহাম করেছেন, তার আলোকে বলছি যে, হে আরব জাতি! তোমরা এখন চরম বার্ধক্যের যুগে উপনীত। তোমাদের আর অনারবদের বুদ্ধি-বিচক্ষণতা সমান। তোমাদের নিকট না আছে বিদ্যা, না আছে বুদ্ধি। তবে তোমাদের পরবর্তীদের মধ্যে এমন কিছু বিবেকবান লোকের আবির্ভাব ঘটবে যে, তারা নানা প্রকার বিদ্যা অর্বেষণ করবে। সেই বিদ্যার আলোকে তারা মৃত্তি ভেঙ্গে চুরমার করে ফেলবে, ঘোগ্য লোকের অনুসরণ করবে, অনারবদের হত্যা করবে এবং বকরীর পাল তালাশ করে বেড়াবে। অতঃপর এই নগরবাসীদের মধ্যে হতে এমন একজন সুপথপ্রাণ নবীর আবির্ভাব ঘটবে, যিনি সত্য ও সঠিক পথের দিক-নির্দেশনা করবেন এবং বহু দেবতার উপাসনা পরিহার করে এক ‘রব’ এর ইবাদত করবেন। অতঃপর আশ্লাহ তাঁকে প্রশংসিত এক স্থানে তুলে নেবেন। তখন তিনি ইহজগত থেকে আড়ালে থাকবেন; কিন্তু আকাশে থাকবেন প্রকাশমান। তারপর এমন এক সিদ্ধিক তথা মহাসত্যবাদী তাঁর স্থলাভিষিক্ত হবেন, যিনি বিচার করবেন সঠিক এবং অধিকার প্রদানে হবেন অকৃষ্টচিন্ত।

এরপর সরজ-সঠিক পথের অনুসারী, অভিজ্ঞ ও সম্মান্ত এক ব্যক্তি তাঁর স্থলাভিষিক্ত হবেন। অতিথেয়তা ও ন্যায় বিচারে তিনি হবেন সর্বজনবিদিত। অতঃপর সাতীহ হযরত উহমান (রা), তাঁর হত্যা এবং তৎপরবর্তী বনু উমাইয়া ও বনু আব্বাসের যুগে যা কিছু ঘটবে, সব উল্লেখ করেন। এরপর যত ফেতনা ও যুদ্ধ-বিঘ্ন সংঘটিত হবে, তাও তার বক্তব্য থেকে বাদ পড়েন। ইবন আসাকির ইবন আব্বাস (রা) থেকে এই বর্ণনাটি বিস্তারিত উল্লেখ করেছেন।

উপরে আমরা উল্লেখ করে এসেছি যে, এক স্থানের ব্যাখ্যায় সাতীহ ইয়ামানের বাদশাহ রবীয়া ইবন নাসরকে ইয়ামানে কী কী অরাজকতা দেখা দিবে এবং কিভাবে ক্ষমতার হাত বদল হবে, সবকিছুর ভবিষ্যতবাণী করেছিলেন। এমনকি একথা বলেছিলেন যে, এক পর্যায়ে

করেছিলেন। তাছাড়া আমরা এমন বর্ণনাও পেয়েছি যে, নবী করীম (সা)-কে সাতাই সম্পর্কে জিজ্ঞাসা করলে হৃষি মনে হলো এইটা: “সাতাই গ্রন্থ প্রকরণ করা, যাকে তাৰ স্বত্ত্বাত কদৱ  
কৰলে নাপুৰ শব্দ নাহিৰ সময়ে তাৰ মুখে পুৰো পুৰো জীবনৰ মূল্য জান ও তাৰ পুৰো জীবনৰ  
চাহুণ্ডি চাব, চাহুণ্ডি ভুকি গ্ৰাম চালাকালৈ চাব ও চাহুণ্ডি চাব তিচাহুণ্ডি গচু পাতড় চাহুণ্ডি  
নিহুন্ডি আমাৰ মুক্তে, চিহ্নিত যোগীতা ক্রোতু ইয়াৰ্মাণী ক্রিত্বাৰে পুৰী বৰ্ষনূৰ ক্রোতু পুৰি মেৰি। সময় সহ  
এমন হাদীস আছে যাৰে ক্রোতু আৰু পুৰী আপিচ্ছ ইলক সিন্ধুৰ আৰু আৰামদৰীৰ কৰ্মসূচিৰ একজুপ  
বিবৰণ পাওয় যায়। কিন্তু তাও বিশুদ্ধ নহয়। কণ্ঠ ও ভুক্তি দ্বারা এক চৰকাৰ চৰাতে চৰাকাৰ  
কৰে অনেকোটা বজোৱে বাস্তিক ঘৰমিপ্ৰাণী (কৰে হৰে আৰু কৰিব আৰু কৰিব নোলে কৰিব) হৈয়ে জৰুৰী বলোকৰ্তৃত  
সম্ভাবনাৰ উপৰাক্ষেত্রে পুৰী পুৰী কৰিব।

কেননা, উপরিউক্ত বর্ণনায় আমরা বলেছি যে, সাতীহ তার ভাগিনাকে বলেছিলেন, হে আবদুল মাসীহ! যখন তিলাওয়াত বৃন্দি পাবে, শক্ত ছড়িওয়ালা আত্মপ্রকাশ করবেন, সামাওয়ার উপত্যকা ফুঁসে উঠবে, সাওয়াহুদ্দ শুকিয়ে যাবে ও পারস্যের অগ্নিকুণ্ড নিভে যাবে, সাতীহ-এর জন্য শাম আর শাম থাকবে না, গঞ্জের সংখ্যার সমান সংখ্যক রাজা-রাণী শামের রাজত্ব করবে। আর যা আসবার, তা আসবেই।

এরপর সাতীহর মৃত্যু হয়। ঘটনাটা ছিল রাসূলুল্লাহ (সা)-এর জন্মের একমাস কিংবা তার চাইতে কিছু কম পরে। তাঁর মৃত্যুর ঘটনা ঘটে ইরাকের সীমান্তবর্তী সিরিয়ার কোন এক প্রত্যন্ত অঞ্চলে। আল্লাহই সর্বজ্ঞ।

ইবন তাররার আল হারীরি বলেন, সাতীহ সাতশ' বছরের আয়ু পেয়েছিলেন। আবার কেউ বলেন, পাঁচশ' বছর, কেউ বলেন, তিনশ' বছর। ইবন আসাকির বর্ণনা করেন যে, এক বাদশাহ সাতীহকে একটি শিশুর বৎশ পরিচয় সম্পর্কে জিজ্ঞাসা করেন, যার পিতৃপরিচয় সম্পর্কে মতভেদ ছিল। জবাবে সাতীহ অত্যন্ত স্পষ্টভাবে তার সমাধান দেন। এমনি এক জটিল সমস্যার সমাধান পেয়ে বাদশাহ তাঁকে বললেন, সাতীহ! তোমার এই বিদ্যার উৎস সম্পর্কে তুমি আমাকে বলবে কি? জবাবে সাতীহ বললেন, এই বিদ্যা আমার নিজস্ব নয়। আমি এই বিদ্যা লাভ করেছি, আমার সেই ভাইয়ের নিকট থেকে, যিনি সিনাই পর্বতে ওহী শ্রবণ করেছিলেন। বাদশাহ বললেন, এমন নয় তো যে, তোমার সেই জিন ভাইটি সর্বক্ষণ তোমার সঙ্গে ধাকে-কখনো তোমার থেকে বিচ্ছিন্ন হয় না! না, এমন নয়— বরং আমি যখন বিচ্ছিন্ন হয়ে পড়ি, সেও আলাদা হয়ে যাব। তবে সে যা বলে, আমি তা ছাড়া অন্যকিছু বলি না।

উপরে বর্ণিত হয়েছে যে, সাতীহ এবং আরেকজন ভবিষ্যত্বস্তা (ইবন মসআব ইবন ইয়াশকুর ইবন রাহম ইবন বুসর ইবন উকবা) একই দিনে জন্মগ্রহণ করেছিলেন। জন্মের পর তাদেরকে তারীফা বিনতে হসাইন আল হামীদিয়াহ নাম্মী এক গণক ঠাকুরণীর নিকট নিয়ে যাওয়া হয়। সে তাদের মুখে খুধু দেয়। ফলে তার থেকে তারা জ্যোতিষবিদ্যা লাভ করে। আর সেই গণক ঠাকুরণী সেদিনই মারা যায়। সাতীহ ছিলেন আধা মানুষ। কথিত আছে যে, খালিদ ইবন আবদুল্লাহ আল-কাসরী তাঁরই বংশের লোক। উল্লেখ্য যে, শিক্ষ সাতীহ-এর বেশ কিছুকাল আগে মারা যান।

অপরদিকে আবদুল মাসীহ ইবন ‘আমর ইবন কায়স ইবন হায়য়ান ইবন নুফায়লা আল-গাসুসানী আন-নাসরানী ছিলেন একজন প্রবীণ ব্যক্তি। হাফিজ ইবন আসাকির তাঁর ইতিহাস গ্রন্থে তাঁর জীবন-চরিত আলোচনা করেছেন এবং বলেছেন, এই আবদুল মাসীহ-ই খালিদ ইবন ওলীদ (রা)-এর সঙ্গে সংক্ষি করেছিলেন। এই প্রসঙ্গে ইবন আসাকির দীর্ঘ একটি কাহিনীও উল্লেখ করেছেন এবং এও লিখেছেন যে, খালিদ ইবন ওলীদ (রা) এক সময় তার হাত থেকে বিষ খেয়েছিলেন। কিন্তু তা তাঁর বিদ্যুমাত্র অনিষ্ট করেনি। কেননা বিষের পাত্র হাতে নিয়ে তিনি বলেছিলেন :

بِسْمِ اللّٰهِ وَبِاللّٰهِ رَبِّ الْأَرْضِ وَالسَّمَاءِ الدُّنْيَا لَا يَضُرُّ مَعَ اسْمِهِ أَذْيٌ

এই বলে তিনি পাত্রস্থ পদার্থগুলো খেয়ে ফেলেন। খালিদ ইবনে ওলীদের জ্ঞান হারাবার উপক্রম হয়। সঙ্গে সঙ্গে তিনি দু'হাতে নিজের দু'হাতে চাপড় মারেন এবং ঘর্মাঙ্ক হন। তিনি জ্ঞান ফিরে পান। তখন আবদুল মাসীহকে তিনি কয়েকটি পংক্তি আব্দি করে শুনান।

আবু নুআয়ম শুআয়ব এর দাদা থেকে বর্ণনা করেন যে, তিনি বলেন, মাররূয় যাহরান নামক স্থানে একজন ধর্ম্যাজক বাস করতেন। তার নাম ছিল 'ইস। তিনি সিরিয়ার অধিবাসী ছিলেন। তিনি ছিলেন 'আস ইবন ওয়ায়েল এর আশ্রিত। আল্লাহ তাঁকে প্রচুর জ্ঞান দান করেছিলেন এবং তাতে মক্কাবাসীদের জন্য বহু উপকার করেছিলেন। তাঁর একটি উপাসনালয় ছিল, তাতেই তিনি সর্বদা থাকতেন। বছরে কেবল একবার মক্কায় আসতেন এবং মক্কাবাসীদের সাথে দেখা সাক্ষাত করতেন। তিনি তাদেরকে বলতেন, হে মক্কাবাসী! অচিরেই তোমাদের মাঝে এমন এক নবজাতকের আবির্ভাব হবে, সমগ্র আরব যার ধর্ম অবলম্বন করবে এবং আজম তথা আরবের বাইরেও তার রাজত্ব ছড়িয়ে পড়বে। এই সেই সময় যে ব্যক্তি তাঁকে পাবে এবং তাঁর আনুগত্য করবে, সে কৃতকার্য হবে। আর যে ব্যক্তি তাঁকে পেয়েও তাঁর বিরুদ্ধাচরণ করবে, সে ব্যর্থকাম হবে। আল্লাহর শপথ! তাঁর অনুসন্ধান ব্যতীত অন্য কোন উদ্দেশ্যে মদ-রুটি ও শাস্তির দেশ ত্যাগ করে আমি এই অভাব-অশাস্তি ও নিরাপত্তাহীনতার দেশে আসিনি। মক্কায় কোন সন্তান ভূমিষ্ঠ হলেই তিনি তার ব্যাপারে খোঁজ-খবর নিতেন এবং শুনে বলতেন, না, এখন তার আগমন ঘটেনি। তখন তাঁকে বলা হতো, তাহলে বলুন না, সেই শিশুটি কেমন হবে? তিনি বলতেন, না, বলা যাবে না। প্রতীক্ষিত সেই মহান শিশুটির পরিচয় তিনি তার নিরাপত্তার খতিরেই গোপন রাখতেন। কারণ তিনি জানতেন যে, সেই শিশুটির স্বজাতি তার অনিষ্ট করার চেষ্টা করবে।

রাসূলুল্লাহ (সা) যে রাতে ভূমিষ্ঠ হন। সেদিন প্রত্যুষে আবদুল্লাহ ইবন আবদুল মুতালিব এসে ঈসের উপাসনালয়ের প্রধান ফটকের কাছে দাঁড়িয়ে তাকে ডাক দেন। ডাক শুনে তিনি আওয়াজ করে জিজ্ঞেস করেন, কে? তিনি বললেন, আমি আবদুল্লাহ। যাজক তার নিকটে এসে বললেন, তুমি তার পিতা হও। আমি সেই শিশুটির কথা তোমাদের বলতাম যে, তিনি সোমবার দিনে ভূমিষ্ঠ হবেন, সোমবারে নবুওত লাভ করবেন এবং সোমবারেই তাঁর ইস্তিকাল হবে। সেই প্রতীক্ষিত শিশুটি ভূমিষ্ঠ হয়ে গেছেন। আবদুল্লাহ বললেন, আজ প্রত্যুষে আমার একটি সন্তান জন্মেছে। জিজ্ঞাসা করলেন, তাঁর কি নাম রেখেছেন? আবদুল্লাহ বললেন, নাম রেখেছি, মুহাম্মদ। পাদ্রী বললেন, হে কা'বার সেবায়েতগণ! আমারও কাম্না এই ছিল যে, সেই শিশুটি যেন আপনাদের মধ্য থেকেই আগমন করেন। তিনটি লক্ষণে আমি বুঝতে পেরেছি যে, আপনার পুত্রই সেই প্রতীক্ষিত শিশু। এক, গত রাতে তাঁর নক্ষত্র উদিত হয়েছে। দুই, আজ তিনি ভূমিষ্ঠ হয়েছেন এবং তিনি, তাঁর নাম মুহাম্মদ। আপনি যান। আমি আপনাদেরকে যে শিশুটির কথা বলতাম, আপনার পুত্র তিনিই। আবদুল্লাহ জিজ্ঞাসা করলেন, আপনি কি করে বুঝলেন যে, আমার পুত্রই তিনি? আজকে তো অন্য শিশুরও জন্ম হয়ে থাকতে পারে? পাদ্রী বললেন, আপনার পুত্রের সঙ্গে তাঁর নাম মিলে গেছে। আর আবদুল্লাহ আলিমদের জন্য তাঁর ইলমকে সন্দেহজনক করেন না। কারণ, তা হলো অকাট্য প্রমাণ স্বরূপ।

তাছাড়া এর আরও একটি প্রমাণ হলো, আপনার পুত্র এখন ব্যাথাগ্রস্ত। তাঁর এই ব্যথা তিনিদিন পর্যন্ত অব্যাহত থাকবে। এতে তাঁর ক্ষুধা প্রকাশ পাবে! অতঃপর তিনি সুস্থিতা লাভ করবেন। আপনি আপনার জিহ্বাকে সংঘত করে চলবেন। কেননা, তাঁর প্রতি এত বেশি বিদ্রে পোষণ করা হবে, যা কখনো অন্য কারও বেলায় হয়নি এবং তাঁর উপর এত বেশি অত্যাচার হবে, যা অন্য কারও উপর কোনদিন হয়নি। তাঁর কথা বলার বয়স পর্যন্ত যদি আপনি বেঁচে থাকেন এবং তিনি তাঁর দাওয়াতের কাজ শুরু করেন, তাহলে আপনার স্বজাতির পক্ষ থেকে আপনি এমন আচরণ দেখতে পাবেন, যা আপনি সহ্য করতে পারবেন না। তখন ধৈর্যধারণ আর লাঞ্ছন ভোগ করা ব্যতীত কোন গতি থাকবে না। অতএব আপনি আপনার জিহ্বাকে সংঘত রাখবেন এবং তাঁকে চোখে চোখে রাখবেন। আবদুল্লাহ জিঙ্গসা করলেন, শিশুটির আয়ু কত হবে? পাদ্রী বললেন, আয়ু তাঁর বেশি হোক আর কম হোক সত্ত্বে পৌছবে না। সত্ত্বের নিচে ষাটের ওপরে যে কোন বেজোড় সংখ্যার বয়সে তাঁর মৃত্যু হবে। আর এই হবে তাঁর উচ্চতের অধিকাংশের গড় আয়ু।

বর্ণনাকারী বলেন, মুহাররমের দশ তারিখে রাসূলুল্লাহ (সা) মাঘের গর্ভে আসেন এবং হস্তিবাহিনীর মুক্তির তেইশ দিন আগে রমযান মাসের বার তারিখে সোমবার ভূমিষ্ঠ হন।

### রাসূলুল্লাহ (সা)-এর লালন-পালনকারী ও দাই-মাগণের বিবরণ

উষ্মে আয়মান রাসূলুল্লাহ (সা)-কে লালন-পালন করতেন। তাঁর আসল নাম ছিল বারাক— এই উষ্মে আয়মানকে রাসূলুল্লাহ (সা) উত্তরাধিকার সূত্রে পেয়েছিলেন। পরবর্তীকালে নবী করীম (সা) তাঁকে আয়াদ করে তাঁর আয়াদকৃত গোলাম যায়েদ ইবনে হারিছার সঙ্গে বিবাহ দেন। এই স্তুর গর্ভেই যায়েদ ইবনে হারিছার পুত্র উসামা ইবনে যায়েদ (রা)-এর জন্ম হয়।

হালীমা সা'দিয়ার আগে তাঁর যা আমিনা এবং আবু লাহাব-এর দাসী ছুওয়াইবা (রা) রাসূলুল্লাহ (সা)-কে দুধপান করাতেন।

ইমাম বুখারী ও মুসলিম তাঁদের সহীহদ্বয়ে বর্ণনা করেন যে, আবু সুফিয়ানের কন্যা উষ্মে হাবীবা একদিন রাসূল (সা)-কে বললেন, ইয়া রাসূলুল্লাহ! আপনি আমার বোন আয়মাহ বিনত আবু সুফিয়ানকে বিয়ে করুন! উত্তরে রাসূল (সা) বললেন : এটি কি তুমি পছন্দ কর? আমি বললাম : জী হ্যাঁ। তবে আমিই তো আপনার একমাত্র স্ত্রী নই? কল্যাণ লাভে আমার বোনটি আমার সাথে শরীক হোক এটি আমার পছন্দনীয়। রাসূলুল্লাহ (সা) বললেন : কিন্তু আমার জন্য হালাল হবে না। উষ্মে হাবীবাহ বলেন, তখন আমি বললাম, আমরা কিন্তু বলাবলি করছি যে, আপনি আবু সালামার কন্যাকে বিয়ে করতে আগ্রহী। এক বর্ণনায় আবু সালামার কন্যা দুরৱার নামও উল্লেখ আছে। রাসূলুল্লাহ (সা) বললেন : তুমি কি উষ্মে সালামার কন্যার কথা বলছ? আমি বললাম, জী হ্যাঁ। তিনি বললেন : উষ্মে সালামার কন্যা যদি আমার স্ত্রীর সাথে আগত পালিতা কন্যা নাও হত, তবুও সে আমার জন্য হালাল হত না। কারণ সে আমার দুধ ভাই এর কন্যা। ছুওয়াইবা আমি এবং আবু সালামা উভয়কেই দুধ পান করান। অতএব তোমরা আমার

কাছে তোমাদের কন্যা ও বোনদের কোন প্রস্তাব নিয়ে এস না । বুখারীর বর্ণনায় এও আছে যে, উরওয়া (র) বলেন, ছুওয়াইবা হচ্ছেন আবু লাহাবের আয়াদকৃত দাসী । মুক্তি পাওয়ার পর তিনি রাসূলুল্লাহ (সা)-কে দুধ পান করিয়ে ছিলেন । আবু লাহাব এর মৃত্যুর পর তারই পরিবারের কেউ একজন তাকে অত্যন্ত বিমর্শ অবস্থায় স্বপ্নে দেখেন । তখন তিনি তাকে জিজ্ঞেস করেন, আপনি এখন কি হালে আছেন? আবু লাহাব বলল, তোমাদের থেকে বিচ্ছিন্ন হওয়ার পর এ পর্যন্ত আমি কোন কল্যাণ চোখে দেখিনি । তবে ছুওয়াইবাকে মুক্ত করে দেয়ার বদৌলতে আমি এই পর্যায়ে উপনীত হয়েছি । এই বলে সে তার বৃদ্ধাঙ্গলি ও তর্জনীয় মধ্যবর্তী স্থানে অবস্থিত একটি ছিদ্রের প্রতি ইংগিত করে ।

সুহায়লী প্রমুখ উল্লেখ করেছেন, আবু লাহাবকে যিনি স্বপ্নে দেখেছিলেন, তিনি তারই ভাই আব্বাস (রা) । ঘটনাটি ঘটেছিল আবু লাহাবের মৃত্যুর এক বছর পর, বদর যুদ্ধের পরে । সেই স্বপ্নের বিবরণে একথাও উল্লেখ আছে যে, আবু লাহাব আব্বাসকে বলেছিল যে, সোমবার দিবসে আমার শান্তি লঘু করা হয় । অভিজ্ঞ মহল বলেন, তার কারণ এই ছিল যে, ছুওয়াইবা যখন আবু লাহাবকে তার ভাতিজা মুহাম্মদ ইবন আব্দুল্লাহর জন্মের সুসংবাদ প্রদান করে, তৎক্ষণাৎ সে ছুওয়াইবাকে আয়াদ করে দিয়েছিল । এটা তারই পুরক্ষার স্বরূপ ।

### হালীমার ঘরে রাসূলুল্লাহ (সা)

মুহাম্মদ ইবন ইসহাক বলেন; অতঃপর রাসূলুল্লাহ (সা)-এর জন্য হালীমা বিনতে আবী যুওয়াইব-এর দুধপানের ব্যবস্থা করা হয় । হালীমার পিতা আবু যুওয়াইব-এর পুরো নাম আবদুল্লাহ ইবন হারিছ । তাঁর বংশলতিকা হচ্ছে এরপ । আবদুল্লাহ ইবন শাজনাহ ইবন জাবির ইবন রিয়াম ইবন নাসিরা ইবন সাদ ইবন বকর ইবন হাওয়ায়িন ইবনে মনসুর ইবন ইকরিমা ইবন হাফসা ইবন কায়স আইলান ইবন মুয়ার । ইবন ইসহাক বলেন : আর রাসূলুল্লাহ (সা)-এর দুধপিতা-তথা হালীমার স্বামীর নাম হারিছ ইবন আবদুল উয়্যা ইবন রিফাআ ইবন মিলান ইবন নাসিরা ইবন সা'দ ইবন বকর ইবন হাওয়ায়িন । নবী করীম (সা)-এর দুধ ভাই বোনদের নাম যথাক্রমে আবদুল্লাহ ইবন হারিছ, আনীসা বিনতে হারিছ ও হ্যাফা বিনতে হারিছ । হ্যাফা অপর নাম শায়মা । ঐতিহাসিকগণ বলেন, এই শায়মাই তার মায়ের সঙ্গে রাসূলুল্লাহ (সা)-কে তাদের বাড়িতে তাঁর অবস্থানকালে লালন-পালন করতেন ।

ইবন ইসহাক আবদুল্লাহ ইবন জাফর ইবন আবু তালিব সূত্রে বর্ণনা করেন যে, তিনি বলেন, আমি হালীমা বিনতে হারিছ সম্পর্কে শুনেছি যে, তিনি বলেছেন : কোন এক দুর্ভিক্ষের বছর দুঃখপোষ্য শিশু সংগ্রহের জন্য বনু সা'দের কয়েকজন মহিলার সঙ্গে আমি মক্কায় যাই । (ওয়াকেদী তার সনদে উল্লেখ করেছেন যে, দুঃখপোষ্য শিশু অবেষণকারী মহিলাদের সংখ্যা ছিল দশ) । দুর্বল একটি গাধীতে সওয়ার হয়ে আমি মক্কায় পৌছি । আমার সঙ্গে ছিল আমারই একটি শিশু সন্তান আর একটি বুড়ো উটনী । আল্লাহর শপথ! উটনীটি আমার এক ফেঁটা দুধও দিচ্ছিল না । আর শিশুটির যত্নগায় আমরা সেই রাতে একবিলুও ঘুমাতে পারিনি । কারণ তাকে খাওয়াবার মত না পেয়েছি আমার স্তনে এক ফেঁটা দুধ, না পেয়েছি তাকে পান করাবার মত উটনীর সামান্য দুধ । তবে আমরা এই সংকট কাটিয়ে উঠে স্বচ্ছতা লাভে আশাবাদী ছিলাম ।

যা হোক, অতি দুর্বল গাধীটির পিঠে সওয়ার হয়ে আমরা মক্কা এসে পৌছলাম। দুর্বলতার কারণে গাধীটি আমাদেরকে যেন বহন করতে পারছিল না। আমি আল্লাহর শপথ করে বলছি, আমাদের সব ক'জন মহিলার সম্মুখেই রাসুলুল্লাহ (সা)-কে পেশ করা হয়েছিল। কিন্তু শিশুটি এতীম শুনে কেউই তাঁকে গ্রহণ করতে সম্ভত হল না। আমরা বললাম, এই এতীম শিশুর মা আমাদের কি করতে পারবে? আমরা তো শিশুর পিতার নিকট থেকে সুযোগ-সুবিধা আশা করি। আর এই শিশুটির মা—সে তো আমাদের কিছুই করতে পারবে না।

যা হোক, আমি ছাড়া আমার সঙ্গী সব মহিলা একটি করে শিশু নিয়ে নেয়। আমরা যখন মুহাম্মদ ছাড়া আর কোন শিশুই পেলাম না এবং ফেরার জন্য প্রস্তুতি গ্রহণ করলাম; তখন আমার স্বামী হারিছকে বললাম, আল্লাহর শপথ, শিশু সন্তান না নিয়ে এইভাবে শূন্য হাতে ফিরে যেতে আমার খারাপ লাগছে। আমি ওই এতীম শিশুটিকে অবশ্যই নিয়ে যাব। স্বামী বললেন, ঠিক আছে, তাই কর! হতে পারে, আল্লাহ তার মধ্যে আমাদের জন্য বরকত রেখেছেন। আমি গিয়ে শিশুটিকে নিয়ে নিলাম। আল্লাহর শপথ, আমি তো তাঁকে গ্রহণ করেছিলাম অন্য শিশু না পেয়ে নিতান্ত নিরূপায় হয়ে। এতীম মুহাম্মদকে নিয়ে আমি আমার বাহনের কাছে গেলাম। আমি লক্ষ্য করলাম, আমার স্তনদ্বয় পর্যাঙ্গ দুধে পরিপূর্ণ। শিশু মুহাম্মদ তৃষ্ণির সাথে তা পান করে এবং তার দুধ ভাইও সেই দুধ পান করে ত্প্ত হয়। আমার স্বামী উটনীর নিকট গেলেন। তিনি দেখতে পান যে, তার স্তন দুধে পরিপূর্ণ। উটনী থেকে তিনি দুধ দোহন করলেন। নিজে পান করলেন, আমিও তৃষ্ণি সহকারে পান করলাম। আমরা শাস্তিতে রাত কাটালাম।

সকালে ঘূর্ম থেকে উঠে আমার স্বামী আমাকে বললেন, হালীমা! আল্লাহর শপথ, আমার মনে হচ্ছে, তুমি একটি বরকতময় শিশুই নিয়েছ। দেখলে না, ওকে আনার পর থেকে এই রাতে আমরা কত কল্যাণ ও বরকত লাভ করলাম! এরপর থেকে আল্লাহ আমাদের জন্য এই কল্যাণ আরও বৃদ্ধি করতে থাকেন।

এরপর আমরা সকালে বাড়ির উদ্দেশ্যে রওয়ানা হলাম। শপথ আল্লাহর! আমার গাধীটি আমাদের নিয়ে এত দ্রুতগতিতে ছুটে চলে যে, সঙ্গের একটি গাধাও তার নাগাল পাচ্ছিল না। তা দেখে আমার সঙ্গীরা বলতে শুরু করে যে, আবু যুআইব-এর কন্যা! ব্যাপারটা কী? এই কি তোমার সেই গাধী, যাতে করে তুমি আমাদের সঙ্গে এসেছিলে? আমি বললাম, হ্যা, এটিই আমার সেই গাধী, যাতে চড়ে আমি তোমাদের সঙ্গে এসেছিলাম। তারা বলল, আল্লাহর শপথ! নিশ্চয় এর বিশেষ কোন রহস্য আছে!

এভাবে আমরা বনু সাদ-এর এলাকায় এসে পৌছলাম। তখন এই ভূখণ অপেক্ষা আল্লাহর জরীনে অধিকতর অনুর্বর কোন ভূমি ছিল বলে আমার মনে হয় না। আমার বকরীর পাল সারাদিন চরে সন্ধ্যাবেলা তৃপ্তি পেটে স্তন দুধ নিয়ে ফিরে আসতে শুরু করে। আমরা ইচ্ছামত দুধ দোহন করতে লাগলাম। অথচ, আমাদের আশেপাশে তখন কারও বকরী এক ফোটা দুধ দিচ্ছিল না। প্রতিবেশীর বকরীগুলো সারাদিন চরে সন্ধ্যাবেলা ক্ষুধার্ত পেটেই ফিরে আসতো। তারা তাদের রাখালদের বলে দেয় যে, আবু যুআইব-এর কন্যার বকরী পাল যেখানে চরে, আজ থেকে আমাদের বকরীগুলোও তোমরা সেখানেই চরাবে। ফলে, তারা তাদের বকরী

আমার বকরী পালের সঙ্গে চরাতে শুরু করে। কিন্তু তার পরও তাদের বকরী সেই দুখবিহীন ক্ষুধার্ত অবস্থায় ফিরতো আর আমার বকরী ফিরতো তঃপেটে স্তন ভর্তি দুখ নিয়েই। এইভাবে দু'দু'টি বছর পর্যন্ত আল্লাহ আমাদেরকে বরকত দান করতে থাকেন।

দুর্ভিক্ষের কারণে তখনকার পারিপার্শ্বিক অবস্থা এই ছিল যে, পরিণত বয়সের একটি যুবককে একটি কিশোরের সঙ্গে তুলনা করা মুশকিল ছিল। কিন্তু আল্লাহর শপথ, দু'টি বছর অতিক্রান্ত হতে না হতে মুহাম্মদ একটি নাদুস-নুদুস বালকে পরিণত হন। আমরা তাঁকে তার মায়ের নিকট নিয়ে গেলাম। অথচ, তার বরকত থেকে বঞ্চিত হওয়ার আশংকায় তাকে ফিরিয়ে দিতে আমাদের মন সরছিল না। যা হোক, তার মা তাকে দেখার পর আমি বললাম, আরও একটি বছরের জন্য আপনার পুত্রকে আমার নিকট দিয়ে দিন। আমি মক্কার মহামারীতে ছেলেটির আক্রান্ত হয়ে পড়ার আশংকা করছি। আল্লাহর শপথ, আমি কথাটা বারবার বলায় শেষ পর্যন্ত তিনি সম্ভত হয়ে পেটে বললেন, ঠিক আছে নিয়ে যাও!

তাঁকে সঙ্গে করে আমরা বাড়ি চলে গেলাম। দুই কি তিন মাস কেটে গেল। একদিন তিনি তাঁর দুধ-শরীক এক ভাইয়ের সঙ্গে আমাদের বাড়ির পেছনে বকরী চুরাতে যান। হঠাৎ তাঁর ভাইটি দৌড়ে এসে বলল, আমাদের ঐ কুরাইশী ভাইকে সাদা পোশাক পরা দু'জন লোক এসে তাকে শুইয়ে তার পেট চিরে ফেলেছে! খবর শুনে আমি ও তাঁর দুধ পিতা দৌড়ে তার নিকট পিয়ে দেখতে পেলাম, বির্বৎ অবস্থায় তিনি দাঁড়িয়ে আছেন। তাঁর দুধ পিতা তাঁকে বুকে জড়িয়ে ধরে জিজ্ঞাসা করেন, বাবা! তোমার কী হয়েছে? জবাবে তিনি বললেন, সাদা পোশাক পরা দু'জন লোক এসে আমাকে শুইয়ে ফেলে এবং আমার পেট চিরে পেটের ভেতর থেকে কী যেন বের করে ফেলে দিল! তারপর আমার পেট আগে যেমন ছিল তেমনি করে দেয়। হালীমা বলেন, আমরা তাঁকে ঘরে নিয়ে গেলাম। তাঁর দুধ পিতা বললেন, হালীমা! আশংকা হয় যে, আমার এই সন্তানটিকে জিনে পেয়ে বসেছে। চল, আমরা যা আশঙ্কা করছি, কিছু একটা ঘটে যাওয়ার আগেই ভালোয় ভালোয় আমরা তাঁকে তাঁর পরিবারের কাছে ফিরিয়ে দিয়ে আসি। তাঁকে নিয়ে আমরা তাঁর মায়ের কাছে চলে গেলাম। দেখে তার মা জিজ্ঞাসা করলেন, ব্যাপার কী, হে মেহশীল ধাত্রী? আমার পুত্রের প্রতি তোমাদের দু'জনের এত অগ্রহ থাকা সত্ত্বেও তোমরা একে ফিরিয়ে আনলে কেন? হালীমা ও তাঁর স্বামী বললেন, আল্লাহর শপথ! আল্লাহর অনুগ্রহে আমরা আমাদের দায়িত্ব পালন করেছি। এখন এর ব্যাপারে আমাদের মনে নানা আপদ-বিপদের আশংকা হচ্ছে। তাই আপনার পুত্রকে আপনার নিকট ফিরিয়ে দিতে আসলাম।

তখন তিনি বলেন, তোমরা কিসের আশংকা করছ? কী ঘটেছে সত্যি করে আমাকে খুলে বল! আমরা তাকে ঘটনার বৃত্তান্ত শোনালাম। শুনে তিনি বললেন, তোমরা কি এর ব্যাপারে দুষ্ট জিনের ভয় করছ? কখনো নয়, আল্লাহর শপথ! আমার এই পুত্রের উপর শয়তানের কোন হাত থাকতে পারে না। আল্লাহর শপথ! আমরা এই পুত্র ভবিষ্যতে বিরাট কিছু হবে। আমি কি তোমাদেরকে এর ঘটনা শোনাব? আমার বললাম, জী হ্যাঁ, শোনান। তিনি বললেন, ও যখন আমার গর্ভে, তখন একদিন আমি স্বত্ত্বে দেখলাম, যেন আমার ভেতর থেকে এক বালক আলো

বের হয়ে তাতে সিরিয়ার সকল রাজপ্রাসাদ আলোকিত হয়ে গেছে। আবার আমি যখন তাকে প্রসব করি, তখন সে আকাশ পানে মাথা তুলে দু'হাতে ভর করে হামাগুড়ি দিয়ে ভূমিষ্ঠ হয়। সুতরাং তোমরা এ নিয়ে দুচ্ছিন্তা করো না! এ বর্ণনাটি আরও একাধিক সূত্রেও বর্ণিত হয়েছে। সীরাত ও মাগারী বিশেষজ্ঞদের দৃষ্টিতে এটি একটি প্রসিদ্ধ বর্ণনা।

ওয়াকিদী.... ইবন আব্বাসের বরাতে বর্ণনা করেন যে, তিনি বলেছেন, হালীমা একদিন নবী করীম (সা)-এর সঙ্গানে বের হন। খুঁজে খুঁজে একস্থানে তাকে তার বোনের সঙ্গে পান। তখন তাদের পালের পশ্চগুলো শুয়ে রয়েছিল। দেখে হালীমা বললেন, তোমরা এই গরমের মধ্যে বসে আছ? জবাবে শিশু নবীর বোন বললেন, আশ্মা! আমার এ ভাইটির তো গরম পাচ্ছে না। দেখলাম, একখণ্ড মেঘ ওকে ছায়া দিচ্ছে। ও থামলে মেঘও থেমে যায়, ও চললে মেঘও ওর সাথে সাথে চলতে শুরু করে। এই অবস্থায়ই আমরা এই জায়গায় এসে পৌছেছি।

ইব্ন ইসহাক খালিদ ইব্ন মাদান সূত্রে বর্ণনা করেন যে, তিনি বলেছেন, কয়েকজন সাহাবী একদিন রাসূলুল্লাহ (সা)-কে বললেন, আমাদেরকে আগমান নিজের সম্পর্কে কিছু বলুন। নবী করীম (সা) বললেন, হ্যাঁ, বলছি; 'আমি আমার পিতা ইবরাহীমের দোয়া ও ঈসার সুসংবাদ। আর আমি গর্ভে থাকাবস্থায় আমার আশ্মা স্পন্দে দেখেন, তাঁর ভেতর থেকে এক বালক নূর বেরিয়ে আসে, যার আলোকে সিরিয়ার রাজপ্রাসাদসমূহ আলোকিত হয়ে উঠে। সা'দ ইব্ন বকর গোত্রে আমি লালিত-পালিত হই। একদিন আমি আমাদের ছাগল-ভেড়া চরাছিলাম। এমন সময় সাদা পোশাক পরিহিত দু'জন লোক আমার নিকট আসে। সঙ্গে তাদের বরফ ভর্তি একটি সোনার তশতরী। আমাকে তারা শুইয়ে ফেলে, আমার পেট চিরে ফেলে তারপর হৃৎপিণ্ড বের করে তা চিরে ভিতর থেকে কালো রংয়ের একটি রক্তপিণ্ড বের করে ফেলে দেয়। তারপর সাথে আনা বরফ দ্বারা আমার হৃৎপিণ্ড ও পেট ধূয়ে দিয়ে আমাকে স্বাভাবিক অবস্থায় ফিরিয়ে আনে। তারপর তাদের একজন অপরজনকে বলে, একে তার দশজন উচ্চতের সঙ্গে ওজন কর। অপরজন আমাকে আমার দশজন উচ্চতের সঙ্গে ওজন করে। আমার পাল্লা ভারী হয়। তারপর বলে, এবার তাকে তার একশ' উচ্চতের সঙ্গে ওজন কর! সে আমাকে একশ' জনের সঙ্গে ওজন করে। এবারও আমার পাল্লা ভারী হয়। আবার বলে, এবার তাকে তার উচ্চতের এক হাজার জনের সঙ্গে ওজন কর। আমাকে এক হাজার জনের সঙ্গে ওজন করে। এবারও আমার পাল্লা ভারী হয়। এইবার লোকটি বলে, হয়েছে, আর প্রয়োজন নেই। একে তার সমস্ত উচ্চতের সঙ্গেও যদি ওজন করা হয়, তবু তার পাল্লাই ভারী হবে। এ সনদটি উত্তম।

আবু নুআয়ম তাঁর 'দালায়িল' প্রস্ত্রে বর্ণনা করেন যে, উত্তো ইব্ন আবদুল্লাহ বলেন, এক ব্যক্তি রাসূলুল্লাহ (সা)-কে জিজ্ঞাসা করে, ইয়া রাসূলুল্লাহ! আপনার প্রথম জীবনের অবস্থা কেমন ছিল? জবাবে নবী করীম (সা) বললেন, যে মহিলা আমাকে দুধ পান করাতেন, তিনি ছিলেন বনু সাদ গোত্রীয়। একদিন আমি আর তার এক পুত্র ভেড়া-বকরী চরানোর জন্য মাঠে যাই। যাওয়ার সময় সঙ্গে করে খাবার কিছু নিয়ে যাইনি। তাই আমি আমার দুধ ভাইকে বললাম, তুমি গিয়ে আশ্মার নিকট থেকে খাবার নিয়ে এস। আমার ভাই চলে গেল আর আমি পশুপালের নিকট রয়ে গেলাম। হঠাৎ দেখি, শকুনের মত দুটি সাদা রংয়ের পাখি আমার দিকে

ধেয়ে আসছে। এসে একটি অপরটিকে বলে, এই কি সেই লোক? অপরটি বলল, হ্যাঁ। তারপর তারা দ্রুত আমার একেবারে নিকটে এসে আমাকে চিৎ করে শুইয়ে আমার পেট চিরে ফেলে। তারপর আমার হৃদপিণ্ড বের করে তার মধ্য থেকে দু'টি কালো বক্তপিণ্ড বের করে। তারপর বরফের পানি দিয়ে আমার পেট ধূয়ে নেয়। তারপর ঠাণ্ডা পানি দিয়ে আমার হৃদপিণ্ড ধোয়। তারপর আমার হৃদয়ে প্রশান্তি ঢেলে দেয়। তারপর একজন অপরজনকে বলে, এবার সেলাই করে দাও। পেট সেলাই করে আমার ওপর নবুওতের মোহর অংকিত করে দেয়। তারপর একজন অপরজনকে বলে, একে দাঁড়ির এক পাল্লায় রেখে আর তার উচ্চতের এক হাজার জনকে অপর পাল্লায় রেখে ওজন কর। সে মতে আমাকে ওজন করা হল। আমি দেখলাম, এক হাজার জনের পাল্লা উপরে ওঠে গেল। আমার ভয় হচ্ছিল, তাদের কেউ আমার পর হৃমড়ি খেয়ে পড়ে কিনা। তখন একজন বলল, যদি এর সকল উচ্চতের সঙ্গেও একে ওজন করা হয়, তবু এর পাল্লা ভারী হবে।

তারপর তারা আমাকে ফেলে চলে যায়। আমি ভীষণ ভয় পেয়ে গেলাম। তারপর মাঝের নিকট গিয়ে ঘটনা খুলে বললাম। শুনে তিনিও শংকিত হয়ে পড়েন: পাছে আমার কোন ক্ষতি হয়ে যায়; তাই তিনি বললেন, তোমার জন্য আমি আল্লাহর আশ্রয় প্রার্থনা করি। সঙ্গে সঙ্গে তিনি উটের পিঠে করে আমাকে আমার আশ্চর্য নিকট নিয়ে গেলেন। বললেন, আমি আমার আমানত বুঝিয়ে দিলাম ও দায়িত্ব পালন করলাম। এই বলে তিনি আমার সব ঘটনা খুলে বললেন। কিন্তু সব শুনেও আমার আশ্চর্য বিন্দুমাত্র বিচলিত হলেন না। তিনি বললেন, আমি স্বপ্নে দেখেছি, আমার ভেতর থেকে এক ঝলক নূর বের হয়, যার আলোকে সিরিয়ার রাজ-প্রাসাদগুলো আলোকিত হয়ে যায়। এই বর্ণনায় এমন একজন রাবী রয়েছেন যার জাল হাদীস রটনার দুর্নাম রয়েছে—যদ্বরূপ হাফিজ ইব্ন আসাকির বর্ণনা করেন যে, আবুয়র গিফারী (রা) বলেছেন, একদিন আমি বললাম, ইয়া রাসূলুল্লাহ! আপনি কি করে জানলেন এবং কিভাবে নিশ্চিত হলেন যে, আপনি নবী? উত্তরে রাসূলুল্লাহ (সা) বললেন, ‘শোন হে আবু যর! আমি মক্কার উপকঠে অবস্থান করছিলাম। এই সময়ে দু’জন ফেরেশতা আমার নিকট আগমন করেন। একজন মাটিতে অবস্থণ করেন আর অপরজন আকাশ ও জমিনের মধ্যখানে অবস্থান করেন। এক পর্যায়ে তাঁদের একজন অপরজনকে জিজ্ঞাসা করলেন, ইনিই কি সেই লোক? অপরজন বললেন হ্যাঁ, ইনিই সেই লোক। তখন প্রথমজন বললেন: একে একজন মানুষের সঙ্গে ওজন কর। ফেরেশতা আমাকে একজন মানুষের সঙ্গে ওজন করে। ওজনে আমার পাল্লা ভারী হয়।

ইব্ন আসাকির সম্পূর্ণ হাদীসটি উল্লেখ করেছেন। এতে তিনি নবী করীম (সা)-এর বক্ষবিদারণ, বক্ষ সেলাই ও দুই কাঁধের মাঝে মোহরে নবুওত স্থাপনের কথাও উল্লেখ করেছেন। এ বর্ণনায় অতিরিক্ত আছে— এরপর তারা চলে যান। আমি যেন এখনো তা দিব্যি দেখতে পাচ্ছি।

সহীহ মুসলিমে আনাস ইব্ন মালিক (রা) থেকে বর্ণিত হয়েছে যে, তিনি বলেন, একদিন শিশু নবীর নিকট জিবরীল (আ) আগমন করেন। নবী করীম (সা) তখন অন্য বালকদের সাথে খেলা করছিলেন। জিবরীল (আ) শিশু নবীকে ধরে মাটিতে শুইয়ে তাঁর পেট চিরে তাঁর হৃদপিণ্ড

বের করে আনেন। তারপর হৃৎপিণ্ড থেকে একটি কালো রক্তপিণ্ড বের করেন এবং বলেন, এটি শয়তানের অংশ। তারপর সোনার একটি পাত্রে যমযমের পানি দ্বারা হৃদপিণ্ডটি ধুয়ে নেন। অতঃপর তা যথাস্থানে স্থাপন করে দেন।

ঘটনা দেখে বালকরা দৌড়ে নবীজির দুধ-মায়ের নিকট এসে বলে, মুহাম্মদকে খুন করা হয়েছে। শুনে সকলে তাঁর নিকট দৌড়ে আসে। তখন তার মুখমণ্ডল ফ্যাকাশে। আনাস (রা) বলেন, আমি তার বুকে সেই সেলাইয়ের দাগ দেখতে পেতাম।

ইব্ন আসাকির আনাস (রা) সূত্রে আরও বর্ণনা করেন যে, তিনি বলেছেন, নামায মদীনায় ফরয হয়। দুইজন ফেরেশতা রাসূলুল্লাহ (সা)-এর নিকট এসে তাকে যমযমের কাছে নিয়ে যান। তারপর তার পেট চিরে নাড়িভুঁড়ি বের করে একটি সোনার পেয়ালায় নিয়ে যমযমের পানি দ্বারা তা ধুয়ে দেন। তারপর তার উদরকে প্রজ্ঞা ও ইলম দ্বারা ভরে দেন।

অন্য সূত্রে আনাস (রা) থেকে আরও বর্ণিত আছে। তিনি বলেছেন, পরপর তিনি রাত রাসূলুল্লাহ (সা)-এর নিকট কয়েকজন ফেরেশতা আগমন করেন। তাদের একজন অন্যদেরকে বলেন, মানুষের শ্রেষ্ঠ ব্যক্তি এবং তাদের মেতাকে নিয়ে চল। ফেরেশতারা তাকে যমযমের নিকট নিয়ে যান এবং তাঁর পেট বিদীর্ণ করেন। তারপর একটি সোনার পাত্র এনে শিশু নবীর পেটকে ধুয়ে তা প্রজ্ঞাও ঈমান দ্বারা ভরে দেন।

উল্লেখ্য যে, সহীহ বুখারী ও মুসলিমে বিভিন্ন সূত্রে বর্ণিত মি'রাজের হাদীসেও উক্ত রাতে নবীজির বক্ষবিদারণ এবং যমযমের পানি দ্বারা তা ধোত করার ঘটনা উল্লেখিত হয়েছে। তবে এতে কোনও বৈপরীত্য নেই। কারণ, হতে পারে একই ঘটনা নবী করীম (সা)-এর জীবনে দু'বার ঘটেছে। একবার তাঁর শৈশবে আর একবার মি'রাজের রাতে, তাঁকে উর্ধ্বজগতে আরোহণ এবং আল্লাহর সঙ্গে সরাসরি কথা বলার উপযোগীর জন্য প্রস্তুতি করার লক্ষ্যে।

ইব্ন ইসহাক বলেন, রাসূলুল্লাহ (সা) তাঁর সাহাবীগণকে বলতেন, “আমি তোমাদের শ্রেষ্ঠ আরবী, আমি কুরাইশী এবং দুধপান করেছি আমি সা'দ ইবন বকর গোত্রে।”

ইব্ন ইসহাক আরো বলেন, দুধ ছাড়ানোর পর হালীমা শিশু নবীকে তাঁর মায়ের নিকট ফিরিয়ে দিতে যাওয়ার পথে একদিন তিনি নবীজিকে নিয়ে কোথাও যাচ্ছিলেন। পথে নাসারাদের একটি কাফেলার সঙ্গে তাদের সাক্ষাত হয়। দেখে কাফেলার লোকেরা শিশু নবীর দিকে এগিয়ে এসে তাঁকে চুমো খায় এবং বলে, এই বালকটিকে অবশ্যই আমরা আমাদের রাজার নিকট নিয়ে যাব। কারণ, ছেলেটি ভবিষ্যতে বিরাট কিছু হবে। হালীমা বড় কষ্টে পুত্রকে তাদের হাত থেকে ছাড়িয়ে আনেন। ইব্ন ইসহাক বলেন, উক্ত কাফেলার হাত থেকে মুক্ত করে তাঁকে নিয়ে যখন হালীমা মক্কার নিকটে চলে আসেন, তখন হঠাৎ শিশু নবী (সা) হারিয়ে যান। অনেক খোঁজাখুঁজি করে হালীমা আর তাঁকে পেলেন না। সংবাদ পেয়ে দাদা আবদুল মুত্তালিব নিজে এবং আরও একদল লোক তাঁর সন্ধানে বেরিয়ে পড়েন। খুঁজতে খুঁজতে ওয়ারাকা ইব্ন নওফল ও অপর এক ব্যক্তি তাঁর সন্ধান পান। পেয়ে তাঁকে তারা দাদা আবদুল মুত্তালিবের নিকট নিয়ে যান। আবদুল মুত্তালিব শিশু নবীজিকে কাঁধে তুলে নিয়ে বায়তুল্লাহয় চলে যান এবং তাওয়াকে শিশু নবীজির নিরাপত্তার জন্য দোয়া করেন। অতঃপর তাঁকে তাঁর মায়ের নিকট ফিরিয়ে দেন।

আল-বিদায়া ওয়ান নিহায়া (২য় খণ্ড) ৬৪—

উমাবী বর্ণনা করেন যে, আবদুল মুত্তালিব পুত্র আবদুল্লাহকে আদেশ করেন, যেন তিনি শিশু নবীজিকে সঙ্গে করে নিয়ে আরবের বিভিন্ন গোত্রে ঘুরে তার জন্য একজন দাই-মা ঠিক করে নেন। আবদুল্লাহ শিশু নবীকে দুধ পান করানোর জন্য পারিষ্ঠিকের বিনিময়ে হালীমাকে ঠিক করেন।

বর্ণিত আছে যে, শিশু নবী হালীমার নিকট ছয় বছর অবস্থান করেন। এই সময়ে তাঁর দাদা বছরে একবার তাঁকে দেখতে যেতেন। বক্ষবিদারণের ঘটনা ঘটে যাওয়ার পর হালীমা শিশু নবীকে তাঁর মায়ের নিকট ফিরিয়ে দিয়ে যান। তিনি যখন আট বছরের বালক, তখন মা আমিনা মৃত্যুবরণ করেন। এবার দাদা আবদুল মুত্তালিব তাঁর লালন-পালনের দায়িত্ব নেন। তাঁর দশ বছর বয়সের সময় দাদা আবদুল মুত্তালিবও মারা যান। তখন নবীজির লালন-পালনের দায়িত্ব হাতে নেন, তাঁর দুই আপন চাচা যুবায়র ও আবু তালিব। তের বছর বয়সে তিনি চাচা যুবায়র-এর সঙ্গে ইয়ামান গমন করেন। এই সফরে তাঁর কয়েকটি আলোকিক ঘটনা প্রকাশ পায়। তার একটি হলো, চলার পথে একটি উট তাকে দেখেই বসে পাড়। এমনকি তার বুক মাটি স্পর্শ করে। নবীজি (সা) তাতে চড়ে বসেন। আরেকটি ঘটনা হলো, ইয়ামানের একস্থানে তখন বাঁধভাঙ্গা প্লাবন হচ্ছিল। নবীজির উসিলায় আল্লাহ তাআলা বন্যার পানি শুকিয়ে দেন। কাফেলার সকলে অন্যায়ে পথ অতিক্রম করে। তারপর চাচা যুবায়র নবীজির চৌদ বছর বয়সে মারা যান। এইবার চাচা আবু তালিব একাই নবীজি (সা)-কে লালন-পালন করতে শুরু করেন। এ বর্ণনায় একজন দুর্বল রাবী রয়েছেন। \*

মোটকথা, রাসূলুল্লাহ (সা)-এর শৈশবেই হালীমা সাদিয়া ও তাঁর পরিবার-পরিজনের ওপর তাঁর বরকত প্রকাশ পায়। তারপর সেই বরকত হাওয়ায়িন গোত্রের সকলের ওপর ছড়িয়ে পড়ে; পরবর্তীকালে যখন তাদের সঙ্গে সংঘর্ষের পর নবী করীম (সা) তাদেরকে বন্দী করেন তখন তারা সেই দুধপানের দোহাই দিয়ে তাঁর নিকট ক্ষমা প্রার্থনা করে। নবী করীম (সা) তাদেরকে মুক্তিদান করেন এবং তাদের প্রতি অনুগ্রহ প্রদর্শন করেন। এটি মক্কা বিজয়ের একমাস পরের ঘটনা। পরে যথাস্থানে এ বিষয়ে বিতারিত আলোচনা আসবে, ইন্শাআল্লাহ।

হাওয়ায়িন-এর ঘটনা সম্পর্কে ইব্ন ইসহাক বর্ণনা করেন যে, ‘আমর ইবনে শুয়াইব এর দাদা বলেছেন, তুনায়নে আমরা রাসূলুল্লাহ (সা)-এর সঙ্গে ছিলাম। তিনি তাদের থেকে প্রাণ গন্তীমতের মাল ও বন্দীদের নিয়ে রওয়ানা হলে হাওয়ায়িন-এর একটি প্রতিনিধি দল জিয়িররানা নামক স্থানে তার সঙ্গে সাক্ষাত করে। তারা তখন ইসলাম গ্রহণ করে ফেলেছে। এসে তারা বলল, ইয়া রাসূলুল্লাহ! আমরা আপনার আপনজন ও আঝীয়। আমরা যে বিপদে পড়েছি তা আপনার অজানা নয়। আপনি আমাদের প্রতি দয়া করুন, আল্লাহ আপনার প্রতি দয়া করবেন। যুহায়র ইব্ন সরদ নামক তাদের একজন বক্তা দাঁড়িয়ে বলে, ‘ইয়া রাসূলুল্লাহ! বন্দী মহিলাদের মধ্যে আপনার ঐসব খালা আর বোনরাও আছে, যারা আপনাকে কোলে-কাঁধে নিয়ে লালন-পালন করেছিল। এখন যদি আমরা শিমর এর পুত্র কিংবা নুমান ইব্ন মুনয়ির এর পুত্রকে

দুধপান করিয়ে থাকতাম এবং পরে যদি তাদের পক্ষ থেকেও আমাদের প্রতি সেইরূপ বিপদ আসতো, যেমন এসেছে, আপনার পক্ষ থেকে, তাহলে তো আমরা তাদের অনুগ্রহ প্রত্যাশা করতাম। অথচ, আপনি হচ্ছেন শ্রেষ্ঠ অভিভাবক। এই বলে সে কবিতার কয়েকটি পংক্তি আবৃত্তি করে :

أَمْنِنْ عَلَيْنَا رَسُولُ اللَّهِ فِي كَرَمٍ - فَإِنَّكَ الْمَرءُ تَرْجُوهُ وَتَدْخُرُ  
 أَمْنِنْ عَلَى بَيْضَةٍ قَدْ عَاقَهَا قَدَرٌ - مُهَزَّقُ شَمْلُهَا فِي دَهْرِهَا غَيْرَ  
 أَبْقَتْ لَنَا الدَّهْرَ هَنَافًا عَلَى حَزَنٍ - عَلَى قُلُوبِهِمُ الْغَمَاءُ وَالْغَمَرُ  
 إِنَّمَا تُدَارِكَهَا نِعْمَاءُ تَسْتَرُهَا - يَا أَرْحَمَ النَّاسِ حِلْمًا حِينَ يُخْتَبِرُ  
 أَمْنِنْ عَلَى نِسْوَةٍ قَدْ كُنْتَ تَرْضَعُهَا - إِذْ فُوكَ يَمْلِئُهُ مِنْ مَحِيقَصَهَا ذَكْرُ  
 أَمْنِنْ عَلَى نِسْوَةٍ قَدْ كُنْتَ تَرْضَعُهَا - وَإِذْ يُزِيَّنُكَ مَا تَائِيَ وَمَا تَدَرُ  
 لَا تَجْعَلْنَا كَمَنْ شَالَتْ نَعَامَتْهُ - وَاسْتَبْقِ مِنَا فَإِنَّكَ مَعْشَرُ زَهْرٍ  
 إِنَّا لَنَشْكُرُ لِلنَّعْمَى وَإِنْ كَفَرْتْ - وَعِنْدَنَا بَعْدَ هَذَا الْيَوْمِ مُدَّحْرٌ

—হে আল্লাহর রসূল! মহানুভবতা দ্বারা আপনি আমাদের প্রতি অনুগ্রহ করুন। আপনিই আমাদের প্রত্যাশিত ও নির্বাচিত ব্যক্তি।

আপনি এমন রমণীর প্রতি অনুগ্রহ করুন, ভাগ্য যাকে (তার স্বগোত্রের কাছে ফিরে যাওয়া থেকে) বিরত রেখেছে, যার জীবন বিপর্যস্ত হয়ে পড়েছে এবং তার জীবন ধারায় এসেছে পরিবর্তন।

যে আমাদের যুগকে বানিয়ে রেখেছে দুঃখে আর্তনাদকারী। ঐ সকল লোক যাদের রয়েছে সীমাহীন মর্মবেদনা ও দুঃখের প্রচণ্ড চাপ।

যদি না আপনার পক্ষ থেকে সম্প্রসারিত বরকতময় হাত তার ক্ষতিপূরণ করে। হে শ্রেষ্ঠ সহনশীল মানব! যার সহনশীলতা প্রকাশ পায় যখন তাকে পরীক্ষা করা হয়।

আপনি সেই মহিলাদের প্রতি অনুগ্রহ করুন, যাদের দুধ আপনি পান করেছেন। যখন আপনার সুখ তাদের দুধেপূর্ণ থাকতো। অনুগ্রহ করুন সেই সব মহিলাদের প্রতি তখন আপনার জন্য শোভনীয় হত, আপনি যা করতেন এবং যা করতেন না সবই।

আপনি আমাদের ঐ ব্যক্তির ন্যায় করবেন না, যে মৃত্যুবরণ করেছে। আপনি আমাদেরকে বাঁচিয়ে রাখুন। কেননা, আমরা একটি সমজ্জ্বল সম্প্রদায়।

নিশ্চয় আমরা নিয়ামতের শোকের আদায় করে থাকি, যদিও অন্যত্র তার না-শোকরী করা হয়। আমাদের এ কৃতজ্ঞতা আজকের দিনের পরও বহাল থাকবে।

উল্লেখ্য যে, যুহায়র ইব্ন সরদ ছিলেন তাঁর গোত্রের নেতা। তিনি বলেন, হুনায়নের দিন আমাদেরকে বন্ধী করে রাসূলুল্লাহ (সা) যখন আমাদের নারী-পুরুষদের আলাদা করছিলেন, তখন হঠাতে আমি তাঁর সম্মুখে গিয়ে দাঁড়িয়ে যাই এবং কবিতার ছদ্মে তাঁর হাওয়ায়িন গোত্রে প্রতিপালিত হওয়ার কথা শ্রবণ করিয়ে দেই। অন্য বর্ণনায় এ মৎস্তিশুলোতে ঈষৎ শান্তিক পরিবর্তন সহ বর্ধিত আরো কয়েকটি চরণ আছে, যা নিম্নরূপ।

فَأَلْبِسِ الْعَفْوَ مِنْ قُدْ كَنْتَ تَرْضِعَةً - مِنْ أَمَّهَا تِكَ إنَّ الْعَفْوَ وَتَنْتَصِرُ

إِنَا نُؤْمِلُ عَفْوًا مِنْكَ ثَلِبْسَه - هَذِي الْبَرِيَّةِ إِذْ تَعْفُو وَتَنْتَصِرُ

فَاغْفِرْ عَفَا اللَّهُ عَمَّا أَنْتَ رَاهِبَه - يَوْمَ الْقِيَامَةِ إِذْ يَهْدِي لَكَ الظَّفَرَوْ

— হে আল্লাহর রাসূল! স্বাচ্ছন্দ্য প্রদানের ক্ষেত্রে আপনি আমাদের প্রতি অনুগ্রহ করুন; আপনিই আমাদের কাঞ্জিক্ত ও প্রত্যাশিত ব্যক্তি।

সুতরাং আপনি আপনার যে মায়ের দুধ পান করতেন, তাকে আপনি ক্ষমার পোশাক পরিয়ে দিম। ক্ষমা খ্যাতি প্রসারের হেতু হয়ে থাকে।

আমরা আপনার নিকট ক্ষমার প্রত্যাশা করি, যা দ্বারা আপনি এই কয়েকটি প্রাণীকে আচ্ছাদিত করবেন।

অতএব, আপনি আমাদের ক্ষমা করে দিন! আশক্কাজনক পরিস্থিতি থেকে কিয়ামতের দিন আল্লাহ আপনাকে রক্ষা করবেন। যখন আপনাকে সফলতা প্রদান করা হবে।

সবকিছু শুনে রাসূলুল্লাহ (সা) বললেন, ‘এই গনীমত ও বন্দীদের মধ্যকার যারা আমার ও বনু আবদুল মুত্তালিবের ভাগে আসবে, তা আমি আল্লাহর ওয়াক্তে তোমাদেরকে দান করে দিলাম।’

একথা শুনে আনসারগণ বললেন, তাহলে যা আমাদের ভাগে আসবে, আমরাও তা আল্লাহ ও তার রাসূলের খাতিরে দান করলাম।

এই সময়ে রাসূলুল্লাহ (সা) নারী ও শিশুসহ ছয় হাজার লোককে মুক্তি দান করেছিলেন এবং তাদেরকে বিপুল সংখ্যক পশু ও দাস-দাসী প্রদান করেন। আবুল হসায়ন ইব্ন ফারিস মন্তব্য করেন যে, সেই দিন নবী করীম (সা) যে সম্পদ ফিরিয়ে দেন এবং যেসব বন্দীদের মুক্ত করে দেন, তার মূল্য ছিল পঞ্চাশ কোটি দেরাহম। আর এইসব ছিল তাদের জীবনে পাওয়া নবীজির নগদ বরকত। যারা দুনিয়ার জীবনে নবী করীম (সা)-এর অনুসরণ করবে, আর্থিকভাবে তারা তাঁর যে কি পরিমাণ বরকত লাভ করবে তা সহজেই অনুমেয়।

ইব্ন ইসহাক বলেন, হাজীমার ঘরে দুধগুলি শৰ্ব শেষে ফিরে এসে রাসূলুল্লাহ (সা) আল্লাহর হেফাজতে মা আমিনা ও পরে দাদা আবিদুল মুত্তালিব-এর সঙ্গে বসবাস করতে শুরু করেন। আল্লাহ তাঁকে উত্তমরূপে লালন-পালন করতে আরম্ভ। তাঁর বয়স ছয় বছরে উপনীত হলে মা আমিনা ইস্তিকাল করেন।

ইব্ন ইসহাক বলেন, আবদুল্লাহ ইব্ন আবু বকর ইব্ন মুহাম্মদ ইব্ন আমর ইব্ন হায়ম বর্ণনা করেন যে, রাসূলুল্লাহ (সা)-এর বয়স যখন ছয় বছর, তখন তাঁর মা আমিনা মক্কা ও মদীনার মধ্যবর্তী আবওয়া নামক স্থানে ইস্তিকাল করেন। নবীজিকে সঙ্গে করে তিনি তার মাতুলালয়ে বেড়াতে গিয়েছিলেন। তাঁরা ছিলেন আদী ইব্ন নাজার গোত্রভুক্ত। মক্কায় প্রত্যাবর্তনের পথে তাঁর ইস্তিকাল হয়।

ওয়াকিদী বলেন, রাসূলুল্লাহ (সা)-কে সঙ্গে করে মা মদীনায় তার মাতুলালয়ে যান। দাসী উম্মে আয়মানও সঙ্গে ছিলেন। রাসূলুল্লাহ (সা)-এর বয়স তখন ছয় বছর।

উম্মে আয়মান বলেন, এ সময়ে একদিন দু'জন ইহুদী আমার নিকট এসে বলল, আহমদকে নিয়ে এস দেখি! আমরা তাঁকে দেখতে এসেছি। তারা তাঁকে দেখে ফিরিয়ে দিয়ে একজন অপরজনকে বলে, এ ছেলেই এই উম্মতের নবী। আর এটাই হল তাঁর হিজরত স্থল। একে কেন্দ্র করে অনেক যুদ্ধবিহুরের ঘটনা ঘটবে। মা আমিনা এ সংবাদ শুনে ঘাবড়ে যান এবং তাঁকে নিয়ে ফেরত রওয়ানা হন। এই ফেরার পথেই আবওয়া নামক স্থানে তার ইস্তিকাল হয়।

ইমাম আহমদ বর্ণনা করেন যে, বুরায়দা (রা) বলেন, একদিন আমরা রাসূলুল্লাহ (সা)-এর সঙ্গে বের হই। ওয়াদ্দান নামক স্থানে উপনীত হলে নবী করীম (সা) বললেন, ‘তোমরা এখানে অবস্থান কর, আমি আসছি। এই বলে তিনি চলে গেলেন। কিছুক্ষণ পর তিনি ভারাক্রান্ত হৃদয়ে ফিরে আসেন। এসে বুললেনঃ

আমি আমার আশ্মার কবরের কাছে গিয়ে আমার রব-এর নিকট তাঁর জন্য সুপারিশ করার অনুমতি চাই। কিন্তু তিনি আমাকে তা থেকে বারণ করলেন। আর আমি তোমাদেরকে ইতিপূর্বে যিয়ারত করতে বারণ করেছিলাম। এখন থেকে তোমরা কবর যিয়ারত করবে। তিনিদিনের পর কুরবানীর পশুর গোশত খেতেও আমি তোমাদেরকে বারণ করেছিলাম। এখন থেকে যে ক'দিন ইচ্ছা তা থেতে পারবে এবং যতদিন ইচ্ছা ধরে রাখতে পারবে। তোমাদেরকে আমি মদের পাত্রে পানি পান করতে নিষেধ করেছিলাম। এখন থেকে সেই নিষেধাজ্ঞাও তুলে নিলাম।

বায়হাকী বর্ণনা করেন যে, হ্যরত বুরায়দা (রা) বলেছেন, একদিন রাসূলুল্লাহ (সা) একটি কবরের নিকট গিয়ে বসে পড়েন। দেখাদেখি লোকেরাও তাঁর চতুর্পার্শে বসে পড়ে। বসে নবী করীম (সা) মাঝে নাড়তে নাড়তে কাঁদতে লাগলেন। উমর (রা) তাঁর নিকটে এগিয়ে গিয়ে জিজ্ঞেস করেন, আপনি কাঁদছেন কেন ইয়া রাসূলুল্লাহ (সা)? নবী করীম (সা) বললেন, ‘এটি আমার আশ্মা আমিনা বিনতে ওহব-এর কবর। আমার রব-এর নিকট আমি তাঁর এই কবরটি যিয়ারত করার অনুমতি চেয়েছিলাম। তিনি আমাকে অনুমতি দেন, কিন্তু তাঁর মাগফিরাতের আবেদন করার অনুমতি চাইলে তিনি তাতে সম্মতি দিলেন না। মায়ের কথা ভেবে আমি কাঁদছি। বর্ণনাকারী বলেন, সেইদিনের মত এত বেশি সময় ধরে কাঁদতে নবীজিকে কথনও দেখা যায়নি।

আবদুল্লাহ ইব্ন মাসউদ (রা)-এর বরাতে বায়হাকী বর্ণনা করেন, ইব্ন মাসউদ (রা) বলেন, রাসূলুল্লাহ (সা) এক দিন কবরস্থান যিয়ারত করতে বের হন। আমরাও তাঁর সঙ্গে বের হলাম। তাঁর আদেশে আমরা এক জায়গায় বসে পড়লাম। তিনি ঘুরে ঘুরে কবর দেখছেন। এক পর্যায়ে একটি কবরের নিকট গিয়ে তিনি দাঁড়িয়ে যান। দীর্ঘক্ষণ পর্যন্ত নিম্নস্থরে কি যেন বলতে থাকেন। তারপর তিনি কেঁদে উঠেন। তাঁর কান্না দেখে আমরাও কেঁদে ফেললাম। অবশেষে তিনি আমাদের কাছে ফিরে আসেন। উমর ইব্ন খাতাব (রা) এগিয়ে গিয়ে জিজ্ঞাসা করেন, ইয়া রাসূলুল্লাহ (সা)! আপনি কাঁদছেন কেন? আপনার কান্না তো আমাদেরকেও কাঁদিয়েছে এবং ভয় পাইয়ে দিয়েছে! তিনি আমাদের নিকটে এসে বসলেন এবং বললেন, “আমার কান্না বুঝি তোমাদেরকে ভয় পাইয়ে দিয়েছে?” আমরা বললাম, “জী হ্যাঁ”। তিনি বললেন, ‘যে কবরটির সামনে আমাকে তোমরা কথা বলতে দেখেছ, সেটি আমিনা বিনতে ওহব-এর কবর। আমার রব-এর নিকট আমি তার যিয়ারত করার অনুমতি প্রার্থনা করেছিলাম। তিনি আমাকে অনুমতি প্রদান করেন। আবার তাঁর জন্য ক্ষমা প্রার্থনার অনুমতিও চেয়েছিলাম, কিন্তু আমার রব সেই অনুমতি দিলেন না এবং আমার প্রতি নাখিল করলেন :

مَا كَانَ لِلنَّبِيِّ وَالَّذِينَ أَمْنَوْا أَنْ يَسْتَغْفِرُوا لِلْمُشْرِكِينَ وَلَوْ كَانُواْ  
أُولَئِيْ قُرْبَى مِنْ بَعْدِ مَا تَبَيَّنَ لَهُمْ أَنَّهُمْ أَصْحَابُ الْجَحِيْمِ . وَمَا كَانَ  
إِسْتَغْفَارُ ابْرَاهِيْمَ لَابِيْهِ إِلَّا عَنْ مَوْعِدَةٍ وَعَدَهَا إِيَّاهُ فَلَمَّا تَبَيَّنَ لَهُ أَنَّهُ عَدُوُّ  
لِلَّهِ تَبَرَّأَ مِنْهُ أَنَّ ابْرَاهِيْمَ لَا وَآهَ حَلِيمُ .

“আঞ্চীয়-স্বজন হলেও মুশরিকদের জন্য ক্ষমা প্রার্থনা করা নবী এবং মুমিনদের জন্য সংগত নয়। যখন একথা সুন্পষ্ট হয়ে গিয়েছে যে, তারা জাহানামী। ইবরাহীম তার পিতার জন্য ক্ষমা প্রার্থনা করেছিল, তাকে এর প্রতিশ্রূতি দিয়েছিল বলে। অতঃপর যখন তার নিকট এ কথা সুন্পষ্ট হলো যে, সে আল্লাহর শক্ত তখন ইবরাহীম তার সাথে সম্পর্ক ছিন্ন করল। ইবরাহীম তো কোমল-হৃদয় ও সহনশীল।” (তাওবা : ১১৩-১১৪)

ফলে মায়ের জন্য পুত্রের হৃদয় যেভাবে বিগলিত হয় আমার অবস্থাও ঠিক তাই হলো। এ কারণেই আমি কেঁদেছি।” বর্ণনাটি গরীব পর্যায়ের। হাদীছের প্রসিদ্ধ হয় কিতাবে তার উল্লেখ নেই। ইমাম মুসলিম হযরত আবু হুরায়রা (রা) থেকে বর্ণনা করেন যে, তিনি বলেন, রাসূলুল্লাহ (সা) একদিন তাঁর মায়ের কবর যিয়ারত করেন। তখন তিনি নিজেও কান্নাকাটি করেন এবং আশেপাশের লোকদেরও কাঁদান। তারপর তিনি বলেন, “আমার রব-এর নিকট আমি আমার মায়ের কবর জিয়ারত করার অনুমতি প্রার্থনা করলে তিনি আমাকে অনুমতি দেন। কিন্তু মায়ের জন্য ক্ষমা প্রার্থনা করার অনুমতি চাইলে আমার রব আমাকে সেই অনুমতি দেননি। এখন থেকে তোমরা কবর যিয়ারত করবে, কবর তোমাদেরকে মৃত্যুর কথা আরণ করিয়ে দিবে।” ইমাম মুসলিম আনাস (রা) থেকে বর্ণনা করেন যে, তিনি বলেন, এক ব্যক্তি বলল, ইয়া রাসূলুল্লাহ (সা)! বলুন তো আমার আবা কোথায়? নবী করীম (সা) বললেন, ‘জাহানামে’। একথা শুনে

লোকটি ফিরে যেতে উদ্যত হলে তিনি তাকে ডেকে বললেন, “আমার পিতা এবং তোমার পিতা উভয়েই জাহানামে।”

বায়হাকী হয়রত সা'দ (রা) থেকে বর্ণনা করেন যে, তিনি বলেন, এক বেদুঈন নবী করীম (সা)-এর নিকট এসে বলল, আমার আবু আত্মীয় বৎসল ছিলেন। তার অমুক অমুক গুণ ছিল। এখন তিনি কোথায় আছেন? জবাবে নবী করীম (সা) বললেন, ‘জাহানামে’। বর্ণনাকারী বলেন, একথা শুনে বেদুঈন অস্থির হয়ে পড়ে এবং বলে, ইয়া রাসূলুল্লাহ (সা)! আপনার পিতা কোথায়? নবী করীম (সা) বললেন, ‘যখনই তুমি কোন কাফিরের কবর অতিক্রম করবে, তাকে জাহানামের সংবাদ দেবে। বর্ণনাকারী বলেন, এরপর লোকটি মুসলমান হয়ে যায়।

পরে সে বলে, রাসূলুল্লাহ (সা) আমার উপর একটি কষ্টকর কাজ দিলেন। এরপর থেকে আমি যখনই যে কাফিরের কবরের নিকট দিয়ে অতিক্রম করেছি, তাকেই জাহানামের সংবাদে দিয়েছি। এটাও গরীব পর্যায়ের বর্ণনা, বিশুদ্ধ হাদীসসমূহে অনুকূল।

ইমাম আহমদ বর্ণনা করেন যে, আবদুল্লাহ ইব্ন আমর (রা) বলেছেন, একদিন আমরা রাসূলুল্লাহ (সা)-এর সঙ্গে হাঁটছিলাম। হঠাৎ একজন মহিলা দেখা গেল। তাকে নবী করীম (সা) চিনেছেন বলে আমরা ধারণা করিনি। রাস্তার মধ্যখানে এসে নবী করীম (সা) দাঁড়িয়ে যান। মহিলাও নবীজির নিকটে এসে দাঁড়ান। তখন দেখা গেল, তিনি রাসূলুল্লাহ (সা)-এর কন্যা ফাতিমা। নবী করীম (সা) বলনে, ফাতিমা! কিসে তোমাকে তোমার ঘর থেকে বের করে আনলো? ফাতিমা (রা) বললেন, এই গৃহবাসীদের মৃতের আত্মার মাগফেরাত প্রার্থনা ও সমবেদনা প্রকাশের জন্য এখানে এসেছি। নবী করীম (সা) বললেন, বোধহয় তুমি তাদের সঙ্গে কবর পর্যন্ত গিয়েছিলে? জবাবে তিনি বললেনঃ লোকদের সঙ্গে মৃতের কবর পর্যন্ত যাওয়া থেকে আল্লাহ আমাকে রক্ষা করুন। আমি তো এ বিষয়ে আপনি যা বলে থাকেন তা শুনেছি। নবী করীম (সা) বললেন, “যদি তুমি তাদের সঙ্গে কবর পর্যন্ত যেতে, তবে জান্নাত দেখতে পেতে না, যতক্ষণ না তোমার বাপের দাদা তা প্রত্যক্ষ করতেন।” আহমদ আবু দাউদ, নাসায়ি ও বায়হাকী প্রমুখ হাদীসটি বর্ণনা করেছেন। তবে এর একজন রাবীকে অনেকে বিতর্কিত বলেছেন। আবদুল মুত্তালিব জাহেলী দীনের অনুসারী ঝরপেই মারা যান। তবে তাঁর এবং আবু তালিবের দীনের ব্যাপারে শিয়াদের ভিন্নমত রয়েছে। আবু তালিবের ওফাত অধ্যায়ে এ বিষয়ে আলোকপাত করা হবে।

বায়হাকী তাঁর ‘দালায়লুন নুবুওয়াহ’ গ্রন্থে এই হাদীসগুলো উল্লেখ করে মন্তব্য করেন যে, রাসূলুল্লাহ (সা)-এর পিতা-মাতা ও দাদার অবস্থা আধিরাতে কেন এরূপ হবে না? তারা তো পৌত্রিক অবস্থায় মৃত্যুবরণ করেছেন এবং ঈসা (আ)-এর দীনেরও তাঁরা অনুসরণ করতেন না। তবে তাঁদের এই কুফরীতে রাসূলুল্লাহ (সা)-এর বংশ পরিচয়ে কোন কল্পক আসে না। কারণ, কাফিরে কাফিরে বিবাহ শুন্দ। এ কারণেই স্বামী স্ত্রী একত্রে ইসলাম গ্রহণ করলে বিবাহ নবায়ন করতে হয় না বা তাতে বিবাহ বিচ্ছেদ ঘটাতে হয় না। উল্লেখ্য যে, একাধিক সূত্রে বর্ণিত একটি হাদীসে আছে যে, দুই নবীর মধ্যবর্তী সময়কার মানুষ, অপ্রাপ্ত বয়স্ক শিশু, পাগল

এবং বধিরদেরকে কিয়ামতের চতুরে পরীক্ষা করা হবে। তখন তাদের কেউ জবাব দিতে পারবে, কেউ পারবে না। আমার মতে এই হাদীসের বক্তব্য আর নবী করীম (সা)-এর পিতা-মাতা ও দাদা সম্পর্কে জাহান্নামী হওয়ার সংবাদ প্রদানের মধ্যে কোন বিরোধ নেই। কেননা, সে সময় এরাও এই শ্রেণীর অন্তর্ভুক্ত হবেন, যারা জবাব দানে অক্ষম হবে।

وَمَا كُنَّا مُعَذِّبِينَ حَتَّى نَبْعَثَ رَسُولًا .

এই আয়াতের তাফসীরে আমি বিষয়টি বিস্তারিতভাবে আলোচনা করেছি।

সুহায়লী কর্তৃক বর্ণিত এক হাদীসে আছে যে, আয়েশা (রা) বলেন, রাসূলুল্লাহ (সা)-এর দোয়ায় আল্লাহ তা'আলা তাঁর পিতা-মাতা দু'জনকেই জীবিত করেছিলেন। জীবন পেয়ে তারা নবীর প্রতি ঈমান আনয়ন করেন। আল্লাহর কুদরতের প্রতি দৃষ্টিপাত করলে এমনটি সন্তুষ্পৰ হলেও প্রকৃত পক্ষে এই বর্ণনাটি একান্তই 'মুনকার' পর্যায়ের। সহিংস হাদীসে এর বিপরীত বক্তব্য রয়েছে। আল্লাহই সম্যক জ্ঞাত।

ইব্ন ইসহাক বলেন, মা আমিনা বিনতে ওহব-এর মৃত্যুর পর রাসূলুল্লাহ (সা) দাদা আবদুল মুত্তালিব ইব্ন হাশিম-এর তত্ত্বাবধানে থাকেন। সে সময়ে কা'বার ছায়ায় আবদুল মুত্তালিবের জন্য বিছানা পাতা হত। আবদুল মুত্তালিব তাতে বসতেন এবং তাঁর সন্তান-সন্ততিরা সেই বিছানার চারদিকে বসে পড়ত। তাঁর সম্মানার্থে কেউই বিছানার উপরে উঠে বসত না। নাদুস-নুদুস বালক নবী (সা)-ও সেই মজলিসে আসতেন এবং আবদুল মুত্তালিবের বিছানার ওপর বসে পড়তেন। তা দেখে তাঁর চাচারা তাঁকে ধরে সরিয়ে বসাবার চেষ্টা করতেন। কিন্তু আবদুল মুত্তালিব বলতেন, আমার এ নাতিটিকে তোমরা ছেড়ে দাও। আল্লাহর শপথ! ভবিষ্যতে ও বিরাট কিছু হবে। এই বলে আবদুল মুত্তালিব নবীজিকে নিজ হাতে ধরে নিজের বিছানায় বসিয়ে নিয়ে পিঠে হাত বুলিয়ে দিতেন এবং তিনি যা করতে চাইতেন, তাতে সহযোগিতা করতেন।

ওয়াকিদী একাধিক সূত্রে বর্ণনা করেন যে, রাসূলুল্লাহ (সা) মা আমিনার কাছে থাকতেন। মায়ের ইন্তিকাল হলে দাদা আবদুল মুত্তালিব তাঁর লালন-পালনের দায়িত্ব গ্রহণ করেন। আবদুল মুত্তালিব তাঁকে নিজের ঔরসজাত সন্তানদের চাইতেও বেশি ম্লেচ্ছ করতেন এবং সব সময় তাঁকে কাছে কাছে রাখতেন। শয়নে-স্বপনে সর্বাবস্থায় নবীজি দাদা আবদুল মুত্তালিবের একান্তে যেতে পারতেন। দাদার বিছানায় গিয়ে বসলে আবদুল মুত্তালিব বলতেন, 'একে তোমরা ছেড়ে দাও, আমার এই সন্তানটি কালে রাজ্য প্রতিষ্ঠা করবে।'

বনু মুদলাজ এর একদল লোক আবদুল মুত্তালিবকে বলল, এই ছেলের প্রতি বিশেষভাবে দৃষ্টি রাখবেন। কারণ এর পায়ের আকৃতি মাকামে ইব্রাহীমের পায়ের আকৃতির সাথে অধিক সাদৃশ্যপূর্ণ আর কোন পা আমরা দেখিঞ্চি। একথা শুনে আবদুল মুত্তালিব আবু তালিবকে বললেন, শোন, এরা কী বলছে! সেই জন্মে থেকে আবু তালিব নবী করীম (সা)-কে বিশেষ

হেফাজতে রাখতে শুরু করেন। আবদুল মুত্তালিব উষ্মে আয়মানকে—যিনি নবীজিকে কোলে-কাঁখে নিতেন-বলেছিলেন, ‘বারাকাহ! আমার এই নাতির ব্যাপারে উদাসীন হয়ো না। আমি একে সিদ্রাতুল মুনতাহার নিকট বালকদের সঙ্গে দেখতে পেয়েছি। আর আহলে কিতাবদের ধারণা আমার এই সন্তানটি এই উস্তরের নবী হবে, উল্লেখ্য যে, আবদুল মুত্তালিব যখনই খানা খেতেন বলতেন, আমার নাতিকে নিয়ে এস। তখন নবীজিকে তাঁর কাছে এনে দেয়া হত। মৃত্যুকালে আবদুল মুত্তালিব আবু তালিবকে রাসূলুল্লাহ (সা)-এর দেখাশুনা করার জন্য অসিয়ত করে যান। এই অসিয়তের পরেই তিনি মৃত্যুবরণ করেন এবং হাজুন নামক স্থানে সমাধিষ্ঠ হন।

ইব্ন ইসহাক বলেন, রাসূলুল্লাহ (সা) আট বছরে উপনীত হলে তাঁর দাদা আবদুল মুত্তালিব মৃত্যুবরণ করেন। মৃত্যুর প্রাক্কালে তিনি তাঁর কন্যাদের ডেকে তাদের বিলাপ করার আদেশ দেন। সেই মেয়েরা হলো, আরওয়া, উমাইয়া, বাররা, সাফিয়া, আতিকা ও উষ্মে হাকীম আল-বায়য়া। তাদের পিতাকে শুনিয়ে তারা যে কবিতা আবৃত্তি করেছিলেন ইব্ন ইসহাক সেগুলি উদ্ধৃত করেন। এগুলো ছিল খুবই মর্মস্পন্দনী বিলাপ। ইব্ন ইসহাক এ বিষয়ে বিস্তারিত আলোচনা করেছেন। ইব্ন ইশাম বলেন, এই কবিতাগুলো যে তাদেরই, তা যথার্থ বলে কোন কাব্য বিশারদই স্বীকার করেন নি।

ইব্ন ইসহাক বলেন, আবদুল মুত্তালিব ইব্ন হাশিমের মৃত্যুর পর যমযম ও পানি পান করানো (সিকায়া)-এর দায়িত্ব তাঁর পুত্র আবাসের ওপর অর্পিত হয়। আবাস (রা) বয়সে তার ভাইদের মধ্যে সকলের কনিষ্ঠ। ইসলামের প্রতিষ্ঠা লাভ করা পর্যন্ত এই দায়িত্ব তাঁরই হতে থাকে। রাসূলুল্লাহ (সা)-ও এই দায়িত্ব তাঁরই হাতে বহাল রাখেন। দাদা আবদুল মুত্তালিবের মৃত্যুর পর রাসূলুল্লাহ (সা) আবদুল মুত্তালিবের ওসিয়ত অনুসূরে চাচা আবু তালিব-এর তত্ত্বাবধানে থাকতে শুরু করেন। আবু তালিব ছিলেন রাসূলুল্লাহ (সা)-এর পিতা আবদুল্লাহর সহোদর। তাঁদের দু'জনেরই মা হলেন, ফাতিমা বিনতে আমর ইব্ন ‘আয়িয ইব্ন ইমরান ইব্ন মাখযুম। রাসূলুল্লাহ (সা) চাচার সঙ্গে সঙ্গেই থাকতেন।

ওয়াকিদীর বর্ণনায় আরো আছে, আবু তালিবের সৎসার ছিল অসচ্ছল। রাসূলুল্লাহ (সা)-কে তিনি এত বেশি আদর করতেন যে, নিজের ঔরসজাত সন্তানদেরকে তত আদর করতেন না। রাসূলুল্লাহ (সা)-কে নিজের পার্শ্বে না নিয়ে তিনি স্মৃতাতেন না। বাইরে কোথাও গেলে তাঁকেও সঙ্গে করে নিয়ে যেতেন। তাঁকে সঙ্গে নিয়ে তিনি আহার করতেন। তাঁকে ছাড়া আহার করলে আবু তালিব এবং তাঁর পরিবারের কারও আহারে ভূষ্ণি আসত না। সবাই বেতে বসলে আবু তালিব বলতেন, তোমরা একটু অপেক্ষা কর, আমার আদরের দুলালটি এসে যাক। রাসূলুল্লাহ (সা) এসে তাদের সঙ্গে আহার করলে তাদের আহার্য উদ্বৃত্ত থাকতো। এ ব্যাপারে আবু তালিব বলতেন, তুমি বড় বরকতময়। সকালে ঘুম থেকে উঠলে সবাইকে যেখানে মলিন ও আলুথালু মনে হত, সেখানে রাসূলুল্লাহকে অনেক দীক্ষিময় ও লাবণ্যময় দেখাতো।

হাসান ইব্ন আরাফা (র) বর্ণনা করেন যে, ইব্ন আকবাস (রা) সূত্রে বলেছেন, তোর হলে আবু তালিব শিশুদের জন্য একপাত্রে খাওয়ার আয়োজন করতেন। শিশুরা বসে কাড়াকাড়ি করে খেতে শুরু করত। কিন্তু রাসূলুল্লাহ (স) সেই কাড়াকাড়িতে যোগ দিতেন না। তিনি হাত সরিয়ে নিতেন। দেখে চাচা আবু তালিব তার জন্য আলাদা পাত্রের ব্যবস্থা করেন।

ইব্ন ইসহাক বর্ণনা করেন, লাহাব গোত্রের এক ব্যক্তি গণক ছিল। লোকটি মক্কায় আসলে কুরাইশের লোকেরা তাদের সন্তানদেরকে তার কাছে নিয়ে যেত। একবার রাসূলুল্লাহ (সা)-এর ওপর গণকের চোখ পড়ে। এক পর্যায়ে সে বলে, ওই ছেলেটিকে আমার কাছে নিয়ে এসো। তার অতিরিক্ত আগ্রহ দেখে আবু তালিব তাঁকে সরিয়ে নিয়ে যান। কিন্তু গণক বলতে থাকে, আরে এইমাত্র আমি যে ছেলেটিকে দেখলাম, ওকে একটু আমার কাছে নিয়ে এস। আল্লাহর শপথ, ভবিষ্যতে ও বিরাট কিছু হবে। বর্ণনাকারী বলেন, কিন্তু আবু তালিব নবীজিকে নিয়ে সরে পড়েন।

## চাচা আবু তালিবের সঙ্গে রাসূলুল্লাহ (সা)-এর সিরিয়া সফর এবং পাদ্রী বাহীরার সঙ্গে সাক্ষাত প্রসঙ্গ

ইব্ন ইসহাক বলেন, অতঃপর আবু তালিব বাণিজোপলক্ষে একটি কাফেলার সঙ্গে সিরিয়া রওয়ানা হন। প্রস্তুতি সম্পন্ন করে যেই মাত্র তিনি রওয়ানা হন, ঠিক তখনি রাসূলুল্লাহ (সা) তাঁকে জড়িয়ে ধরেন। এতে তাঁর প্রতি আবু তালিব বিগলিত হয়ে পড়েন এবং বলে ওঠেন, আল্লাহর শপথ! একে আমি সঙ্গে করে নিয়ে যাব। আমি তাকে আমার থেকে বিছিন্ন করব না, সেও কখনো আমার থেকে বিছিন্ন হবে না।

যা হোক, রাসূলুল্লাহ (সা)-কে সঙ্গে করে আবু তালিব রওয়ানা হন। কাফেলা সিরিয়ার বুসরা নামক এক স্থানে যাত্রা বিরতি করে। সেখানকার একটি গীর্জায় এক পাদ্রী অবস্থান করেন। তাঁর নাম ছিল বাহীরা।

খ্রিস্টীয় ধর্মের তিনি বড় পণ্ডিত ছিলেন। পাদ্রীত্ব গ্রহণ অবধি তিনি ঐ গীর্জায়ই সব সময় থাকতেন। খ্রিস্টীয় ধর্মগ্রন্থে তিনিই ছিলেন শৈর্ষস্থানীয় পণ্ডিত। উত্তরাধিকার সূত্রে এই জ্ঞান তারা পেয়ে থাকেন।

মক্কার এই বণিক কাফেলা এর আগেও বছুবার এ পথ চলাচল করেছে। কিন্তু পাদ্রী বাহীরা এতকাল পর্যন্ত কখনো তাদের সঙ্গে কথাও বলেন নি এবং তাদের প্রতি ফিরেও তাকান নি। কিন্তু এই যাত্রায় কাফেলা পাদ্রীর গীর্জার নিকটে অবতরণ করলে পাদ্রী তাদের জন্য খাবারের আয়োজন করেন। কাফেলার লোকজনের ধারণা মতে, পাদ্রী তাঁর গীর্জায় বসে কিছু একটা লক্ষ্য করেই এমনটি করেছিলেন। তাদের ধারণা, পাদ্রী কাফেলার মাঝে রাসূলুল্লাহ (সা)-কে দেখে ফেলেছিলেন। ফলে তখন একখণ্ড মেঘ দলের মধ্য থেকে শুধু রাসূলুল্লাহ (সা)-কেই ছায়া দিচ্ছিল। কাফেলার লোকেরা আরও সামনে অগ্সর হয়ে পাদ্রীর কাছাকাছি একটি গাছের ডাল-পালা ঝুকে থাকছে লক্ষ্য করেন। এসব দেখে পাদ্রী তাঁর গীর্জা হতে বেরিয়ে আসেন। এদিকে তাঁর আদেশে খাবার প্রস্তুত করা হয়। এবার তিনি কাফেলার নিকট লোক প্রেরণ করেন। কাফেলার প্রতিনিধি দল পাদ্রীর নিকট উপস্থিত হলে পাদ্রী বলেন, ওহে কুরাইশ সম্পদায়! আমি তোমাদের জন্য খাবারের আয়োজন করেছি। আমার একান্ত কামনা তোমরা প্রত্যেকে আমার এই আয়োজনে উপস্থিত হবে, বড় ছোট, গোলাম-আয়াদ সকলে। জবাবে একজন বলল, আজ আপনি ব্যতিক্রম কিছু করছেন দেখছি। ইতিপূর্বে কখনো তো আপনি আমাদের জন্য একপ আয়োজন করেন নি। অথচ এর আগেও বছুবার আমরা এই পথে যাতায়াত করেছি। আজ এমন

কি হলো বলুন তো? বাহীরা বললেন, ঠিকই বলেছ! তোমার কথা যথার্থ। ব্যাপার তেমন কিছু নয়। তোমরা মেহমান। একবেলা খাবার খাইয়ে তোমাদের মেহমানদারী করতে আশা করেছিলাম আর কি!

কুরাইশ বণিক কাফেলার সকলেই পাদ্রীর নিকট সমবেত হন। বয়সে ছোট হওয়ার কারণে রাসূলুল্লাহ (সা) গাছের নিচে তাদের মালপত্রের নিকট থেকে যান। পাদ্রী যখন দেখলেন যে, কাফেলার সব লোকই এসেছে। কিন্তু তিনি যে গুণ ও লক্ষণের কথা জানতেন, তা কারো মধ্যে দেখা যাচ্ছে না। তখন তিনি বললেন, হে কুরাইশ সম্প্রদায়! আমার খাবার থেকে তোমাদের একজনও যেন বাদ না যায়। লোকেরা বলল, হে বাহীরা! আপনার নিকট যাদের আসা উচিত ছিল, তাদের একজনও অনুপস্থিত নেই। কেবল বয়সে আমাদের সকলের ছোট একটি বালক তাঁবুতে রয়ে গেছে। পাদ্রী বলল, “না, তা করো না। ওকেও ডেকে পাঠাও, যেন সেও তোমাদের সঙ্গে এই খাবারে শরীক হতে পারে।” বর্ণনাকারী বললেন এর জবাবে কাফেলার এক কুরাইশ সদস্য বলে উঠল, লাত-ওজ্জার শপথ! মুহাম্মদ ইব্ন আবদুল্লাহ ইব্ন আবদুল মুতালিব এই খাবারে আমাদের মধ্য থেকে অনুপস্থিত থাকা আমাদের জন্য দুর্ভাগ্যই বটে। অতঃপর সে উঠে গিয়ে মুহাম্মদ (সা)-কে কোলে করে এনে সকলের সঙ্গে আহারে বসিয়ে দেয়। বাহীরা তাঁকে দেখে গভীর দৃষ্টিতে তাঁর দিকে তাকিয়ে থাকেন এবং তার দেহে সেসব লক্ষণ দেখার চেষ্টা করেন, যা তিনি তাঁর কিতাবে ইতিপূর্বে পেয়েছিলেন।

আহার পর্ব শেষে সকলে এদিক-ওদিক ছড়িয়ে পড়ল। এই সুযোগে বাহীরা রাসূলুল্লাহ (সা)-এর কাছে গিয়ে বললেন, “হে বালক! আমি তোমাকে লাত-ওজ্জার শপথ দিয়ে জানতে চাচ্ছি, আমি তোমাকে যা জিজ্ঞেস করবো, তার যথার্থ জবাব দিবে কি?” বাহীরা লাত-ওজ্জার নামে এই জন্যই কসম খেয়েছিলেন যে, তিনি মুহাম্মদ (সা)-এর সম্প্রদায়কে এ দুই নামের শপথ করতে অভ্যন্ত বলে শুনেছিলেন। যা হোক, জবাবে রাসূলুল্লাহ (সা) বললেন, আপনি আমাকে লাত-ওজ্জার নামে কিছু জিজ্ঞেস করবেন না। আল্লাহর শপথ! আমি এই দু'টোর মত অন্য কিছুকেই এত ঘৃণা করি না। বাহীরা বললেন, আল্লাহর শপথ! আমি তোমাকে যা যা জিজ্ঞেস করবো, তার যথার্থ জবাব তুমি দিবে কি? রাসূলুল্লাহ (সা) বললেন, আপনার যা ইচ্ছে হয় জিজ্ঞেস করুন। বাহীরা রাসূলুল্লাহ (সা)-কে তাঁর ঘূম, আকার-আকৃতি ইত্যাদি সব বিষয়ে জিজ্ঞেস করতে শুরু করলেন। রাসূলুল্লাহ (সা) এক এক করে সব প্রশ্নের জবাব দিলেন। তাঁর প্রদত্ত সব বিবরণ বাহীরার পূর্ব থেকে জানা নবীর গুণাবলীর সঙ্গে হ্রস্ব মিলে যায়। তারপর বাহীরা তাঁর পিঠে দৃষ্টিপাত করে পূর্ব থেকে জানা বিবরণ অনুযায়ী তার দু'কঙ্কের মধ্যবর্তী স্থানে নবুওতের মহর দেখতে পান।

পাদ্রী বাহীরা এবার নবীজির চাচা আবু তালিব-এর দিকে ফিরে বললেন। এই বালক আপমার কী হয়? আবু তালিব বললেন, আমার পুত্র। বাহীরা বললেন, না সে আপনার পুত্র নয়। এই বালকের পিতা জীবিত থাকতে পারে না। আবু তালিব বললেন, ও আমার ভাতিজা। পাদ্রী বললেন, ওর পিতার কি হয়েছে? আবু তালিব বললেন, ও যখন তার মায়ের গর্ভে তখন ওর পিতা মারা যান। পাদ্রী বললেন, ঠিক বলেছেন। ভাতিজাকে নিয়ে আপনি দেশে ফিরে যান।

আর ওর ব্যাপারে ইহুদীদের থেকে সতর্ক থাকবেন। আল্লাহর শপথ! ইহুদীরা যদি ওকে দেখতে পায় আর আমি ওর ব্যাপারে যা কিছু বুঝতে পেরেছি, যদি তারা তা বুঝতে পারে, তাহলে ওরা ওর অনিষ্ট করবে। আপনার এই ভজিতটি ভবিষ্যতে বিশিষ্ট মর্যাদার অধিকারী হবেন। আপনি ওকে নিয়ে শীত্র দেশে ফিরে যান। আবু তালিব সিরিয়ার বাণিজ্য শেষ করে রাসূল্লাহ (সা)-কে নিয়ে তাড়াতাড়ি মুক্তায় ফিরে আসেন।

ইবন ইসহাক বলেন, যারীরা, ছামামা ও দারিসমা আহলে কিতাবের এই তিন ব্যক্তি ও বাহীরার মত উক্ত সফরে রাসূল্লাহ (সা)-কে দেখেছিল এবং তাকে সন্মান করতে পেরেছিল। তারা রাসূল (সা)-এর ক্ষতিসংধৰণ করার চেষ্টাও করে। বাহীরা তাদেরকে মিবৃত করেন। তিনি তাদেরকে আল্লাহর কথা এবং তাওরাতে মুহাম্মদ (সা) সম্পর্কে যে বিবরণ আছে, সে সবের কথা শ্বরণ করিয়ে দেন। তারা তাঁর বক্তব্য বুঝে ফেলে এবং তাঁকে সত্য বলে মেনে নেয়। ফলে তারা মুহাম্মদ (সা)-কে ছেড়ে দিয়ে ফিরে যায়।

ইউনুস ইবন বুকায়র ইবন ইসহাক থেকে বর্ণনা করেন যে, আবু তালিব উক্ত ঘটনার বিবরণ দিয়ে তিনটি কাসীদা আবৃত্তি করেছিলেন। এতো গেল ইবন ইসহাক এর বর্ণনা: অন্য এক মুসলিমদেও মারফু সূত্রে অনুরূপ বর্ণিত হয়েছে।

হাফিজ আবু বকর আল-খারায়েতী বর্ণনা করেন যে, আবু বকর ইবন আবু মূসা তার পিতা থেকে বর্ণনা করেছেন যে, আবু তালিব সিরিয়ার উদ্দেশ্যে রওয়ানা হন। তার সঙ্গে রাসূল্লাহ (সা)-সহ আরও কয়েকজন কুরাইশী ব্যক্তি। পাদ্রী বাহীরার এলাকায় গিয়ে তারা যাত্রা বিরতি করে। তাদেরকে দেখে পাদ্রী বেরিয়ে আসেন। এর আগেও তারা এই পথে চলাচল করত; কিন্তু পাদ্রী কখনো বেরিয়ে আসেন নি, তাদের প্রতি ফিরেও তাকান নি। যা হোক কুরাইশ কাফেলা অবতরণ করে আর পাদ্রী বেরিয়ে তাদের নিকটে চলে আসেন। এসেই তিনি নবীজি (সা)-এর হাত ধরে ফেলে বলেন, “ইনি বিশ্বজগতের সরদার!” বায়হাকীর বর্ণনায় অতিরিক্ত রয়েছে, “ইনি বিশ্বজগতের প্রভুর রাসূল! আল্লাহ তাঁকে বিশ্বজগতের জন্য রহমত বানিয়ে প্রেরণ করেছেন।” একথা শুনে কুরায়শের কয়েকজন প্রবীণ ব্যক্তি বলে উঠল, আপনি তার সম্পর্কে কী জানেন? পাদ্রী বললেন, তোমরা পেছনের ঐ পাহাড়ের পাদদেশ অতিক্রম করার সময় প্রতিটি গাছ, প্রতিটি পাথর তাঁর প্রতি সিজদায় লুটিয়ে পড়েছিল। আর এগুলো নবী ছাড়া অন্য কাউকেই সিজদা করে না। আর আমি তাঁকে তাঁর কাঁধের সামান্য নিচে অবস্থিত মহরে নবৃত্ত দেখে সন্মান করতে পেরেছি।

অতঃপর পাদ্রী ফিরে গিয়ে তাদের জন্য খাবার প্রস্তুত করেন এবং খাবার নিয়ে এসে দেখতে পেলেন যে, একটি মেঘখণ্ড নবীজি (সা)-কে ছায়া প্রদান করছে। তিনি তখন উঠের দেখাশোনা করেছিলেন। কাফেলার কাছে এসে তিনি বললেন, ঐ দেখ মেঘ ওঁকে ছায়া দিচ্ছে। লোকেরা নবীজিকে গাছের ছায়া তলে নিয়ে আসে। নবীজি (সা) গাছের ছায়ায় বসা মাত্র ছায়া তাঁর প্রতি ঝুঁকে পড়ে। পাদ্রী বললেন, “লক্ষ্য কর, গাছের ছায়া ওর প্রতি ঝুঁকে পড়েছে।” বর্ণনাকারী বলেন, পাদ্রী তখন কাফেলার লোকদেরকে শপথ দিয়ে বললেন, যেন তারা নবীজি (সা)-কে নিয়ে রোম্যে না যায়। কারণ রোমবাসী তাকে দেখলে লক্ষণ দেখে চিনে ফেলবে এবং

হত্যা করে ফেলবে। এ কথা বলেই পাত্রী মুখ ফিরিয়েই দেখতে পেলেন যে, সাতজন রোমক এগিয়ে আসছে। বর্ণনাকারী বলেন, দেখে পাত্রী তাদের প্রতি এগিয়ে গিয়ে জিজ্ঞেস করলেন, তোমাদের আগমনের উদ্দেশ্য কী? জবাবে তারা বলল, আসলাম, কারণ আমরা জনতে পেরেছি যে, এই নগরীতে এ মাসেই এই নবীর আগমন ঘটতে যাচ্ছে। তাই প্রতিটি রাস্তায় লোক প্রেরণ করা হয়েছে। আর আমরা আপনার এ পথ দিয়ে তাঁর আগমনের সংবাদ পেয়েছি। পাত্রী বললেন, আচ্ছা, তোমাদের পেছনে কি কেউ আছে তোমাদের চাইতে উত্তম? তারা বলল, না। আমরা কেবল নবীর এই পথে আগমনের সংবাদ পেয়েই এসেছি। পাত্রী বললেন, আচ্ছা, বলতো, আল্লাহ যে কাজ সম্পাদন করার ইচ্ছা করেন, তা প্রতিরোধ করার ক্ষমতা কি কোন মানুষের আছে? তারা বলল, ‘না’। বর্ণনাকারী বলেন, একথার পর তারা পাত্রীর শিষ্যত্ব গ্রহণ করে এবং তার সাহচর্য অবলম্বন করে।

বর্ণনাকারী বলেন, এরপর পাত্রী কুরাইশ কাফেলাকে লক্ষ্য করে জিজ্ঞেস করেন, আমি তোমাদেরকে আল্লাহর কসম দিয়ে জিজ্ঞেস করছি, বল তো, এই বালকের অভিভাবক কে? জবাবে তারা বলল, আরু তালিব। পাত্রী নবীজির ব্যাপারে পুনঃপুনঃ অনুরোধ করায় আরু বকর ও বিলালকে সাথে দিয়ে নবীজিকে মক্কায় ফেরত পাঠিয়ে দেন। পাত্রী পাথেয় হিসাবে কিছু পিঠা ও যয়তুন তেল তাঁর সঙ্গে দিয়ে দেন।

তিরমিয়ী, হাকিম, বাযহাকী ও ইব্ন আসাকির এবং আরও বহু হাদীসবেতো ভিন্ন ভিন্ন সূত্রে অনুরূপ বর্ণনা করেছেন। এই হাদীসটির সনদ গরীব পর্যায়ের। ইমাম তিরমিয়ী বলেছেন, বর্ণনাটি হাসান ও গরীব। বাযহাকী ও ইব্ন আসাকিরও এটি উদ্বৃত্ত করেছেন।

আমার মতে, এ বর্ণনাটিতে কয়েকটি গারাবাত বিদ্যমান। প্রথমত, এটি সাহাবীগণের মুরসাল বর্ণনার অন্তর্ভুক্ত। কারণ আরু মূসা আশআরী আরবে আগমন করেছেন খায়বারের বছর অর্থাৎ হিজরতের সপ্তম বছর। ইব্ন ইসহাক যে তাকে মক্কা থেকে হাবশায় হিজরতকারী অভিহিত করেছেন, সে তথ্য গ্রহণযোগ্য নয়। অতএব বর্ণনাটি মুরসাল। কারণ, ঘটনাটি যখন ঘটে, তখন রাসূল (সা)-এর বয়স ছিল বার বছর। সপ্তবত আরু মূসা এ প্রসিদ্ধ ঘটনাটি অন্য কারো মুখে শুনেই বর্ণনা করেছেন।

দ্বিতীয়ত, এর চেয়ে বিশুद্ধতর হাদীসেও মেঘের কথা উল্লেখ নেই। তৃতীয়ত, এই যে বলা হল, আরু বকর তার সঙ্গে বিলালকে প্রেরণ করলেন, কথাটাও গ্রহণযোগ্য নয়; কারণ, সে সময়ে রাসূলুল্লাহ (সা)-এর বয়স ছিল বার বছর, তাহলে আরু বকর এর বয়স ছিল নয় কি দশ বছর। আর বিলালের বয়স তার চেয়েও কম। এমতাবস্থায় প্রশ্ন জাগে, ঘটনাটি যখন ঘটে, তখন আরু বকরই বা কোথায় ছিলেন, বিলালই বা ছিলেন কোথায়? দু'জনই তো তখন ঘটনাস্থলে অনুপস্থিত। তবে, একথা বলা যায় যে, ঘটনাটি এক্ষেপ ঘটেছিল ঠিকই। তবে এটি অন্য কোন ঘটনা কিংবা তখন রাসূলুল্লাহ (সা)-এর বয়স বার বছর হওয়ার বর্ণনাটি সঠিক নয়। কারণ, ওয়াকিদী ছাড়া আর কেউ বার বছরের কথা উল্লেখ করেন নি। সুহায়লী বর্ণনা করেছেন যে, সে সময়ে রাসূলুল্লাহ (সা)-এর বয়স ছিল নয় বছর। আল্লাহই ভালো জানেন।

মুহাম্মদ ইব্ন সালিহ সূত্রে ওয়াকিদী বর্ণনা করেছেন যে, রাসূলুল্লাহ (সা)-এর বয়স যখন বার বছর, তখন তিনি চাচা আবু তালিব এর সাথে একটি বণিক কাফেলার সাথে সিরিয়া সফর করেন। পথে তারা পাদ্রী বাহীরার মেহমান হন। তখন বাহীরা আবু তালিবের কানে কানে কী যেন বললেন। নবীজি (সা)-এর প্রতি বিশেষভাবে লক্ষ্য রাখার জন্য বলেন। ফলে আবু তালিব তাঁকে মক্কায় ফেরত পাঠিয়ে দেন।

মহান আল্লাহর হেফাজতে আবু তালিবের নিকট থেকে রাসূলুল্লাহ (সা) যৌবনপ্রাপ্ত হন। এ সময়ে আল্লাহ তাকে বিশেষ ব্যবস্থাপনায় যাবতীয় জাহিলী কর্মকাণ্ড ও দোষ-ক্রটি থেকে মুক্ত রাখেন। ফলে তিনি সমাজে ব্যক্তিত্বে সকলের শ্রেষ্ঠ, চরিত্রে সর্বোত্তম, আলাপে-ব্যবহারে, উঠায়-বসায় সবচাইতে ভদ্র, সহনশীলতা-বিশ্বস্ততায় সবচাইতে মহান, কথা-বার্তায় সত্যবাদী, সমস্ত অশ্লীলতা ও নোংরামী থেকে মুক্ত। কখনো তাঁকে নিন্দাবাদ করতে বা কারো সাথে কলহ-বিবাদ করতে দেখা যায়নি। সব দেখে তাঁর স্বজাতি তাঁর নাম দেয় ‘আল-আমীন’। আল্লাহ প্রদত্ত এসব গুণাবলি দেখে আবু তালিব নিজের মৃত্যু পর্যন্ত তাঁর রক্ষণাবেক্ষণ ও সাহায্য-সহযোগিতা অব্যাহত রাখেন।

মুহাম্মদ ইব্ন সা'দ আবু মুজলিয় থেকে বর্ণনা করেন যে, আবদুল্লাহ'র মৃত্যুর পর আবু তালিব মুহাম্মদ (সা)-এর প্রতি বিশেষভাবে যত্নবান হন। নবীজি (সা)-কে সঙ্গে না নিয়ে তিনি সফর করতেন না। একবার (নবীজিকে সঙ্গে নিয়ে) তিনি সিরিয়ার অভিযুক্তে রওয়ানা হন। পথে এক স্থানে যাত্রা বিরতি দেন। এক পাদ্রী সেখানে এসে বলেন, তোমাদের মধ্যে একজন পুণ্যবান ব্যক্তি আছেন। অতঃপর বললেন, এই বালকের পিতা কোথায়? জবাবে আবু তালিব বললেন, এই তো আমিই তার অভিভাবক। পাদ্রী বললেন, এই বালকের প্রতি বিশেষভাবে লক্ষ্য রাখবেন। একে নিয়ে সিরিয়া যাবেন না। ইহুদীরা বড় হিংসাপ্রায়ণ। সুযোগ পেলে তারা এর ক্ষতি করবে বলে আমি আশংকা করছি। আবু তালিব বললেন, একথা শুধু আপনিই বলছেন না, এটা আল্লাহরও কথা। অতঃপর আবু তালিব তাঁকে মক্কা ফেরতে পাঠান এবং বলেন, হে আল্লাহ! মুহাম্মদকে আমি তোমার হাতে সোপর্দ করলাম। আবু তালিব মৃত্যু পর্যন্ত মুহাম্মদ (সা)-এর দেখাশুনা করেন।

### বাহীরার কাহিনী

সুহায়লী যুহরীর সীরাত গ্রন্থ থেকে বর্ণনা করেন যে, বাহীরা একজন ইহুদী পণ্ডিত ছিলেন। আমার মতে, উপরের কাহিনী থেকে যা বুঝা যায়, তা হলো, বাহীরা ছিলেন খৃষ্টান পাদ্রী। আল্লাহই সম্যক অবহিত। মাসউদী থেকে বর্ণিত বাহীরা আবদুল কায়স গোত্রের লোক ছিলেন। তাঁর আসল নাম ছিল জারজীস।

ইব্ন কুতায়বার ‘মা'আরিফ’ কিতাবে আছে, ইসলামের সামান্য পূর্বে জাহেলী যুগে এক ব্যক্তি শুনতে পেয়েছিলেন যে, কে যেন বলছে, পৃথিবীর সেরা মানুষ তিনজন। বাহীরা, রিআব ইব্ন বারা আশ-শান্নী এবং তৃতীয়জনের আগমন এখনও ঘটেনি। সেই তৃতীয়জন ছিলেন প্রতীক্ষিত রাসূলুল্লাহ (সা)। ইব্ন কুতায়বা বলেন, এই ঘোষণা শ্রবণের পর রিআব ইব্ন শান্নী এবং তার পিতার কবরে অবিরাম হালকা বৃষ্টিপাত হতে দেখা গিয়েছিল।

## সায়ফ ইবন ফী-ইয়ায়ান-এর বর্ণনা এবং নবী করীম (সা) সম্পর্কে তাঁর সুসংবাদ প্রদান

হাফিজ আবু বকর মুহাম্মদ ইবন জাফর ইবন সাহল খারাইতি তাঁর ‘হাওয়াতিফুল জান’ নামক গ্রন্থে উল্লেখ করেছেন যে, আলী ইবন হারব আব্দুল্লাহ ইবন আব্বাস (রা) সূত্রে বর্ণনা করেন, সায়ফ ইবন ফী-ইয়ায়ান এক সময় হাবশার (ইথিওপিয়া)-এর শাসন ক্ষমতা লাভ করেন। ইবন মুনিয়িরের মতে সায়ফ ইবন ফী-ইয়ায়ানের নাম নু‘মান ইবন কায়স। এটি ছিল রাসূলুল্লাহ (সা)-এর জন্মের দু'বছর পরের ঘটনা।

এ উপলক্ষে আরবের প্রতিনিধি ও কবিগণ তাঁকে অভিনন্দন জানাতে এবং তাঁর জনকল্যাণমূলক কর্মতৎপরতায় প্রশংসা জ্ঞাপনের উদ্দেশ্যে তাঁর নিকট হাজির হন। কুরায়শ বংশীয় প্রতিনিধি দলে অন্যান্য নেতার মধ্যে আব্দুল মুতালিব ইবন হাশিম, উমাইয়া ইবন আবদ শাম্স আবু আব্দুল্লাহ, আব্দুল্লাহ ইবন জাদ'আন এবং খুওয়াইলিদ ইবন আসাদ প্রমুখ ও ছিলেন। তারা সান্তায় গিয়ে সায়ফ-এর সাথে সাক্ষাত করেন। তখন তিনি গামাদান পর্বতের চূড়ায় নির্মিত রাজপ্রাসাদে অবস্থান করছিলেন। কবি উমাইয়া ইবন আবী সালত তাঁর নিম্নোক্ত কবিতায় গামাদান পর্বতের কথা উল্লেখ করেছেন :

وَأَشْرَبْ هَنِيئًا عَلَيْكَ الْتَّاجُ مُرْتَفِعًا - فِي رَأْسِ غَمَدَانَ دَارًا مِنْكَ مَحْلَلًا

“আপনি তৃষ্ণি সহকারে পান করুন, আপনার মাথায় আছে সুউচ্চ মুকুট। আপনার অবস্থান হলো গামাদান পর্বতের চূড়ায় অবস্থিত রাজপ্রাসাদে।”

রাজপ্রহরী রাজাৰ নিকট গিয়ে আগস্তুকদের অবস্থান সম্পর্কে তাঁকে অবহিত করলো। রাজা তাঁদেরকে প্রবেশের অনুমতি দিলেন। তাঁর নিকটবর্তী হয়ে আব্দুল মুতালিব কথা বলার অনুমতি চাইলেন। রাজা বললেন, আপনি যদি আমার সম্মুখে দাঁড়িয়ে কথা বলার যোগ্যতা রাখেন তবে আপনাকে অনুমতি দিলাম। আপনি কথা বলুন।

আব্দুল মুতালিব বলতে শুরু করলেন, হে রাজন! আল্লাহ তা‘আলা আপনাকে এমন একটি উচ্চ স্থানে বসিয়েছেন যা অর্জন করা দুর্কর, যা সুরক্ষিত এবং সুমহান। তিনি আপনাকে এমন বংশের অন্তর্ভুক্ত করেছেন যার উৎস পরিত্র, মূল সুমিষ্ট, শিকড় সুদৃঢ় এবং যার শাখ- প্রশাখা বিস্তৃত হয়েছে সর্বাধিক মর্যাদাবান স্থানে ও প্রান্তে।

হে রাজন! আপনি আরবের রাজা এবং তাদের বসন্ত কাল স্বরূপ যার দ্বারা জনপদগুলো সবুজ-শ্যামল হয়েছে। আপনি আরবদের শীর্ষতম ব্যক্তি, আপনার প্রতি মাথা নত করে আরবের শহর-নগরগুলো। আপনি তাদের স্তুত যার উপর তারা নির্ভর করে। আপনি তাদের আশ্রয়স্থল যেখানে এসে লোকজন আশ্রয় লাভ করে। আপনার পূর্বপুরুষগণ ছিলেন অত্যন্ত সন্তুষ্ট। আমাদের জন্যে আপনি তাদের উন্নত উত্তরাধিকারী। তাঁরা যার পূর্বপুরুষ তিনি কখনো নিষ্পত্ত হতে পারেন না এবং আপনি যাদের উত্তর পুরুষ তাঁরা কখনো ধ্বংস হতে পারেন না।

মহারাজ! আমরা মহান আল্লাহর হারাম শরীফের অধিবাসী এবং তাঁর পবিত্র ঘরের তত্ত্বাবধায়ক। আপনার যে বিপদ আমাদের বেদনাহত করে রেখেছিল বিপদ থেকে মুক্তি লাভের মহাউৎসবে আপনাকে অভিনন্দন জানানোর তাগিদে আমরা আপনার নিকট এসেছি। আমরা অভিবাদন জ্ঞাপনকারী দল। দীর্ঘদিন অবস্থান করে আপনার বোৰা হয়ে থাকার দল নই।

রাজা বললেন, হে সুবক্তা! আপনার পরিচয় কি? তিনি বললেন, আমি হাশিমের পুত্র আব্দুল মুত্তালিব। রাজা বললেন, আমাদের ভাগে? হ্যাঁ, তিনি উত্তর দিলেন। রাজা বললেন, “নিকটে আসুন।” অতঃপর তিনি তাঁকে কাছে টেনে নিলেন। তাঁকে এবং তাঁর সাথীদেরকে সামনে নিয়ে তিনি বললেন, “মারহাবা! স্বাগতম” — আপনারা এসেছেন মিত্রদেশে, এসেছেন প্রচুর দানশীল রাজার নিকট, তিনি আপনাদেরকে প্রচুর পরিমাণে দান করবেন।

রাজা আপনাদের বক্তব্য শুনেছেন, আপনাদের আঙীয়তার পরিচয় পেয়েছেন। তিনি আপনাদের পবিত্র উসিলাও গ্রহণ করেছেন। আপনাদের জন্যে সার্বক্ষণিক মেহমানদারীর ব্যবস্থা রয়েছে। যতদিন মন চায় আপনারা এখানে অবস্থান করুন! আপনাদের জন্যে আতিথ্য ও সম্মানের সুব্যবস্থা রয়েছে। বিদায়ক্ষণে আপনাদের জন্যে উপহারের ব্যবস্থা থাকবে। এরপর তাঁরা মেহমানখানা ও সম্মানিত অতিথিদের বিশ্রামাগারে গমন করেন। তাঁরা একমাস সেখানে অবস্থান করেন।

ইতিমধ্যে তাঁরাও রাজার সাথে সাক্ষাত করেন নি আর রাজাও তাঁদের বিদায়ের অনুমতি দেন নি। একদিন তাঁদের কথা রাজার স্মরণ হলো। লোক মারফত তিনি আব্দুল মুত্তালিবকে ডেকে পাঠালেন। অতঃপর একান্ত সান্নিধ্যে এনে তাঁকে বললেন, হে আব্দুল মুত্তালিব! আমার জানা কিছু গোপন তত্ত্ব আমি আপনাকে জানাব। আপনার স্থানে অন্য কেউ হলে কিন্তু তাকে আমি তা জানাতাম না। আমি আপনাকে দূরদর্শিতা ও বিচক্ষণতার খনিকরণে দেখতে পাচ্ছি। তাই আপনার নিকট তা ব্যক্ত করছি। আল্লাহ্ তা'আলা যতদিন এ সংবাদ প্রকাশের অনুমতি না দিবেন ততদিন যেন এটি গোপন থাকে। আল্লাহ্ তা'আলা নিশ্চয়ই তাঁর ইচ্ছা পূরণ করবেন।

আমি আমার নিজের পছন্দের গোপন কিতাব ও লুকায়িত অভিজ্ঞতায় একটি গুরুত্বপূর্ণ সংবাদ ও সুমহান বিষয় পেয়েছি যাতে সাধারণতাবে সকল মানুষের জন্যে এবং বিশেষভাবে আল-বিদায়া ওয়ান নিহায়া (২য় খণ্ড) ৬৬—

আপনার সম্প্রদায় ও আপনার নিজের জন্যে মর্যাদার জীবন ও পরিপূর্ণ সম্মানের পূর্বাভাস রয়েছে। আব্দুল মুত্তালিব বললেন, আপনার মত লোকেরাই চিরসুখী ও পুণ্যময় জীবনের অধিকারী হয়ে থাকেন। পশ্চ সম্পদের মালিক মরুবাসী দলে দলে আপনার জন্যে কোরবানী হউক! বলুন তো এই বিষয়টি কি? রাজা বললেন, তেহামা অঞ্চলে একটি শিশুর জন্ম হবে। তাঁর দু' কাঁধের মধ্যেবর্তী স্থানে মোহর অংকিত থাকবে। নেতৃত্ব তাঁরই হবে। কিয়ামত পর্যন্ত তাঁরই বদৌলতে আপনাদের নেতৃত্ব প্রতিষ্ঠিত থাকবে।

আব্দুল মুত্তালিব বললেন, আল্লাহ্ অনিষ্ট থেকে রক্ষা করুন: একটি প্রতিনিধিদল যত অধিক কল্যাণ নিয়ে দেশে ফিরে যায় তার চাইতে অধিক কল্যাণ নিয়ে আমরা স্বদেশে ফিরছি। মহারাজের পক্ষ থেকে অভয় পেলে আমি আমার সুসংবাদ বিষয়ে এমন আরও কিছু বিষয় জিজ্ঞেস করতাম যা দ্বারা আমার আনন্দ আরো বৃদ্ধি পেত। ইব্ন ফী-ইয়ায়ান বললেন, এটিই তাঁর আবির্ভাবের সময়। এমনও হতে পারে যে, ইতিমধ্যে তাঁর জন্ম হয়ে গেছে। তাঁর নাম মুহাম্মদ। তাঁর পিতা-মাতা দু'জনেরই মৃত্যু হবে। দাদা ও চাচা তাঁর লালিন-পালন করবেন। আল্লাহ্ তাঁকে প্রকাশ্যে প্রেরণ করবেন। আমাদের মধ্য থেকে তাঁর সাহায্যকারী নির্ধারিত করবেন। এসব সাহায্যকারী দ্বারা তিনি তাঁর বন্ধুদেরকে বিজয় দিবেন এবং তাঁর শক্রদেরকে লাঞ্ছিত করবেন। তাঁদের দ্বারা মানুষের সন্তুষ্ম রক্ষা করবেন। তাঁদের মাধ্যমে সেরা ভূখণ্ডলো জয় করাবেন, মূর্তিগুলো ভেঙ্গে ফেলবেন, পূজা-অর্চনার অগ্নিকুণ্ড নিভিয়ে দিবেন, দয়াময় আল্লাহর ইবাদত চালু হবে এবং শয়তান বিতাড়িত হবে। তাঁর বক্তব্য হবে সুস্পষ্ট; বিচার মীমাংসায় তিনি হবেন ন্যায়পরায়ণ। তিনি সৎকাজের আদেশ দিবেন এবং নিজে তা আমল করবেন। অসৎকাজে বারণ করবেন এবং নিজে তা বর্জন করবেন।

আব্দুল মুত্তালিব বললেন, মহারাজ! আপনি সৌভাগ্যবান হউন, আপনার উন্নতি হোক, আপনার রাজত্ব দীর্ঘস্থায়ী হোক এবং আপনি দীর্ঘজীবী হউন। আমি এটুকু বলার ধৃষ্টতা দেখছি যে, মহারাজ কি আমাকে গোপনে আরো একটু বিস্তারিত জানাবেন? তিনি তে! ইতিমধ্যে আমার নিকট অনেকটা পরিষ্কার করে দিয়েছেন।

তখন ইব্ন ফী-ইয়ায়ান বললেন, গিলাফ আচ্ছাদিত বায়তুল্লাহ্ শরীফের কসম, কাঁধের চিহ্ন দ্বারা এটা আমার কাছে নিশ্চিত যে, হে আব্দুল মুত্তালিব! আপনিই তাঁর পিতামহ! তাতে এতটুকু মিথ্যা নেই। একথা শুনে আব্দুল মুত্তালিব সিজদায় লুটিয়ে পড়লেন। রাজা বললেন, মাথা তুলুন। আপনার হৃদয় প্রশান্তি লাভ করুক। আপনার মর্যাদা সুউচ্চ হোক। আমি যা বলেছি তা থেকে আপনি কি কিছুটা অনুমান করতে পেরেছেন? আব্দুল মুত্তালিব বললেন, মহারাজ! আমার এক পুত্র ছিল। সে ছিল আমার পরম স্নেহের। নিজ বংশের ওহব তনয় আমিনা নামের এক সন্ত্রান্ত মহিলার সাথে আমি তার বিবাহ দিয়েছিলাম। তাঁর গর্ভে জন্ম নেয় একপুত্র সন্তান। আমি তাঁর নাম রেখেছি মুহাম্মদ। সে মাতৃগর্ভে থাকা অবস্থায় তাঁর পিতা মারা যায়। শৈশবে সে তাঁর মাকে হারায়। আমি নিজে এবং তাঁর চাচা দুজনে তাঁর লালিন-পালনের ভার নিয়েছি।

ইব্ন যী-ইয়ায়ান বললেন, আপনি যা বলেছেন তা যদি ঠিক হয়ে থাকে তবে আপনি আপনার ওই পৌত্রের প্রতি সতর্ক দৃষ্টি রাখবেন এবং ইহুদীদের পক্ষ থেকে যাতে তার অনিষ্ট না হয় সে ব্যাপারে সজাগ থাকবেন। কারণ ওরা তাঁর শঙ্কা; তবে তাঁর কোন ক্ষতি করবে এমন সুযোগ আল্লাহ তাদেরকে দেবেন না। আমি আপনাকে যা বলেছি আপনার সাথীদের কাছ থেকে আপনি তা গোপন রাখবেন। কারণ আমি নিশ্চিত নই যে, নেতৃত্বের আকাঙ্ক্ষা তাদের মধ্যে সৃষ্টি হবে না এবং নেতৃত্ব লাভের লোভে তারা আপনার পৌত্রকে বিপদে ফেলবে না। কিংবা তার বিরুদ্ধে ষড়যন্ত্রের ফাঁদ তৈরি করবে না। বস্তুত তারা বা তাদের বংশধরেরা এরূপ করবেই।

তাঁর নবুওত প্রাণির পূর্বে আমার মৃত্যু হবে এটা যদি আমার জ্ঞাত না থাকতো আমি আমার অশ্঵ারোহী ও পদাতিক বাহিনীসহ আমি তাঁর নিকট যেতাম এবং তাঁর রাজধানী ইয়াসরিবে উপস্থিত হতাম। পূর্বাভাস দানকারী শুণে কিতাবে আমি পেয়েছি যে, ইয়াসরিবেই তাঁর রাজত্ব কায়েম হবে। আরবের নেতৃস্থানীয় ব্যক্তিবর্গ তাঁর অনুসরণ করবেন। আয়ু পেলে তাঁর অনুসরণে আমি আরবের সকল স্থানে গমন করতাম। কিন্তু আপনার সাথে যাঁরা রয়েছেন তাঁদের মধ্যে কোন অপরাধ না থাকা সত্ত্বেও আমি এই দায়িত্ব শুধু আপনার উপরই অর্পণ করছি।

অতঃপর তিনি প্রতিনিধিদলের সকলকে জনপ্রতি দশজন খ্রীতদাস, দশজন দাসী, একশ উট, একজোড়া চাদর, পাঁচ রতল<sup>১</sup> স্বর্ণ, দশ রতল রৌপ্য এবং পূর্ণ এক রতল করে কস্তুরী উপহার প্রদানের নির্দেশ দিলেন। আবদুল মুত্তালিবের জন্যে তার দশগুণ উপহার প্রদানের নির্দেশ দিলেন। তিনি আবদুল মুত্তালিবকে বললেন, “এক বছর পর আপনি আবার আসবেন।” কিন্তু এক বছর পূর্ণ হওয়ার আগেই ইব্ন যী-ইয়ায়ানের মৃত্যু হয়। আবদুল মুত্তালিব প্রায়ই বলতেন, “রাজার দেয়া রাজকীয় উপহারের কারণে তোমাদের কেউ আমাকে হিংসা করো না। কারণ তা একদিন শেষ হয়ে যাবে বরং তোমরা আমাকে স্টর্ব করতে পার, তার সেই উপহারের জন্যে যা অবশিষ্ট থাকবে আমার জন্যে এবং আমার বংশধরদের জন্যে। আর তাহলো আমার বংশের সুনাম, মর্যাদা ও গৌরব। তাকে যদি জিজ্ঞেস করা হতো কখন আসবে এ মর্যাদা ও সম্মান তখন তিনি বলতেন, অতি সত্ত্বর জানতে পারবে। কিছুটা দেরিতে হলেও।

এ প্রসংগে কবি উমাইয়া বলেন :

جَلَبْتَا النُّصْحَ تَحْقِبَةً الْمَطَابِيَا - عَلَى أَكْوَارِ أَجْمَالٍ وَنُوقٍ

আমরা উপদেশ সংগ্রহ করেছি, পালে পালে উট ও উষ্ণী চালিয়ে দূর দেশে ভ্রমণ করে এগুলো সংগ্রহ করা হয়েছে।

১. রতল বা রিতল ৪০ তোলা ওজনের সমপরিমাণ।

**مُقْلَفَةٌ مَرَأَتِهَا تَعَالَى - إِلَى صَنْعَاءَ مِنْ فَجِ عَمِيقٍ**

উষ্টীগুলোর চারণ ভূমি সজীব ঘাস লতায় পরিপূর্ণ। সেগুলো দূর দূরান্ত থেকে সান'আ রাজ্যে আসে।

**تَوْمُ بِنًا ابْنَ ذِي يَزِنَ وَتَغْرِي - بِذَاتِ بُطُونِهَا ذَمَ الْطَّرِيقِ**

এগুলো আমাদেরকে নিয়ে গিয়েছে ইব্ন যী-ইয়ায়ানের নিকট উদয়স্থ পুষ্টিকর খাদ্য থেকে পাওয়া শক্তিবলে তারা পথের সকল বাধা অতিক্রম করেছে।

**وَتَرْعَى مِنْ مَحَابِّهِ بُرُوقًا - مُوَاصِلَةُ الْوَمِيْضِ إِلَى بُرُوقِ**

ইব্ন যী-ইয়ায়ানের বদান্যতায় সেগুলো লেজ নেড়ে নেড়ে পরম আনন্দে বারুক ঘাস খাচ্ছিল। নিজেদের চোখ ধাঁধানো চমৎকারিত্ব ও চাকচিকের সাথে আরো সৌন্দর্য যোগ করছিল।

**فَلَمَّا وَصَلَّتْ صَنْعَاءَ حَلَّتْ - بِدَارِ الْمَلِكِ وَالْحَسَبِ الْعَرِيقِ**

সান'আ পৌঁছে সেগুলো রাজপ্রাসাদে ও পরম মর্যাদার স্থানে অবতরণ করল।

হাফিজ আবু নুআয়ম ‘আদ দালাইল’ এন্টে এরূপ ঘটনাই বিশদভাবে উন্নত করেছেন।

আবু বকর খারাইতী.... খলীফা থেকে বর্ণিত। তিনি বলেন, আমি মুহাম্মদ ইব্ন উছমান ইব্ন রবীআ ইব্ন সাওআ ইব্ন খাচ্ছাম ইব্ন সা'দকে জিজ্ঞেস করেছিলাম, আপনার পিতা আপনার নাম ‘মুহাম্মদ’ রেখেছিলেন কেন? উত্তরে তিনি বললেন, ‘আপনি আমাকে যে প্রশ্ন করেছেন আমি আমার পিতাকে সে প্রশ্ন করেছিলাম। তখন আমার পিতা উত্তরে বললেন, বলী তামীমের আমরা চারজন লোক এক সফরে বের হয়েছিলাম। সেই চারজন হলাম আমি উছমান ইব্ন রবী‘আ, সুফয়ান ইব্ন মুজাশ ইব্ন দারিম, উসামা ইব্ন মালিক ইব্ন জুনদুব ইব্ন আকীদ এবং ইয়ায়িদ ইব্ন রবী‘আ ইব্ন কিনানা ইব্ন হারদাস ইব্ন মায়িন। আমরা যাচ্ছিলাম গাসসানের রাজা ইব্ন জাফনার সাথে সাক্ষাত করা উদ্দেশ্যে। সিরিয়ায় পৌঁছে আমরা একটি জলাশয়ের নিকট যাত্রা বিবরি করি। জলাশয়টির আশেপাশে ছিল প্রচুর বৃক্ষরাজি, আমরা সেখানে নিজেদের মধ্যে আলাপ-আলোচনা করেছিলাম, জনেক ধর্ম্যাজক আমাদের কথাবার্তা শুনে ফেলেন। তিনি আমাদের নিকট উপস্থিত হলেন এবং বললেন, আপনাদের ভাষা তো এ দেশের ভাষা নয়। আমরা বললাম, হ্যাঁ, আমরা মুদার গোত্রের লোক। তিনি বললেন, কোন মুদার গোত্রের লোক? আমরা বললাম, খানদাফের মুদার গোত্রের লোক। তখন তিনি বললেন, অতিসত্ত্ব প্রেরিত হবেন একজন নবী। তিনি হলেন সর্বশেষ নবী। আপনারা তাড়াতাড়ি তাঁর নিকট যাবেন এবং তাঁর থেকে আপনাদের যে কল্যাণ হাসিল করবার তা করবেন, তাহলে আপনারা সৎপথ পাবেন। আমরা বললাম, তাঁর নাম কি? তিনি বললেন, তাঁর নাম মুহাম্মদ। আমার পিতা বললেন, অতঃপর আমরা ইব্ন জাফনার সাথে সাক্ষাত শেষে

দেশে ফিরে 'আসি। পরবর্তীতে আমাদের প্রত্যেকের ঘরে একটি করে পুত্র সন্তান জন্মেয়। আমরা তাদের প্রত্যেকের নাম 'মুহাম্মদ' রাখি। এই আশায় যে, নিজ পুত্রটিই যেন ঐ সুসংবাদ প্রাপ্ত নবী হন।

হাফিজ আবু বকর খারাইতি..... জাবির ইব্ন জিদান সুত্রে বলেছেন, আওস ইব্ন হারিছা ইব্ন..... যখন মৃত্যুশয্যায় তখন তাঁর গাসসান সম্প্রদায়ের লোকজন তাঁর নিকট উপস্থিত হয়। তারা তাঁকে বলেছিল, আপনি তো দেখতেই পাচ্ছেন যে, আল্লাহর ডাক আপনার প্রতি এসে পড়েছে। যৌবনে বিয়ে করার জন্যে আমরা আপনাকে বলেছিলাম, আপনি তা প্রত্যাখ্যান করেছেন। এই যে আপনার ভাই খায়রাজ তাঁর পাঁচ-পাঁচটি পুত্র সন্তান রয়েছে। অথচ মালিক নামের একটি পুত্র ব্যতীত আপনার কোন সন্তান নেই। তিনি বললেন, মালিকের মত পুত্র যে রেখে যাবে সে কখনো ধৰ্ম হবে না। যে মহান সন্তা পাথরের সাথে চকমকির ঘরণ থেকে আগুন বের করেন তিনি আমার পুত্র মালিককে বংশধর ও সাহসী উত্তরাধিকারী প্রদানে সক্ষম, সবাইকেই তো মৃত্যুর স্বাদ গ্রহণ করতে হবে।

এরপর তিনি তাঁর পুত্র মালিককে ডেকে বললেন, হে বৎস! অপমান অপেক্ষা মৃত্যুই শ্রেষ্ঠ, তিরস্কৃত হওয়ার চাইতে শাস্তি পাওয়াই উত্তম। অস্ত্রিতা অপেক্ষা দৃঢ়তা উত্তম, দারিদ্র্য অপেক্ষা কবর উত্তম। যারা সংখ্যায় কম হয় তারা লাঞ্ছিত হয়। যে বার বার আক্রমণ করে শেষ পর্যন্ত সে পালিয়ে যায়। যে ব্যক্তি মর্যাদাবান মানুষকে সম্মান দেয় সে নিজের পরিজনকে রক্ষা করে। কালের দুটো রূপ, কখনো তোমার পক্ষে থাকবে আর কখনো থাকবে তোমার বিপক্ষে। যখন তোমার পক্ষে থাকবে তখন তুমি গর্ব করো না। যখন তোমার বিপক্ষে যাবে তখন ধৈর্যধারণ করবে। দুটোই অচিরে শেষ হয়ে যাবে। এ অবস্থা থেকে রক্ষা পাবে না কোন প্রতাপশালী মুকুট পরিহিত সন্তাট আর না কোন নিম্ন স্তরের নির্বোধ মূর্খ। তোমার কল্যাণকর সময়ের জন্যে আল্লাহ তোমাকে নিরাপদ রাখুন। তোমার প্রতিপালক তোমাকে দীর্ঘজীবী করুন। তারপর তিনি আবৃত্তি করেন তার স্বরচিত কবিতা।

شَهِدْتُ السَّبَائِيَاً يَوْمَ الْمُحْرِقِ - وَأَدْرَكَ أَمْرِيْ صَيْحَةَ اللَّهِ فِي الْحِجْرِ

মুহরিক বংশের যুদ্ধের দিনে আমি যুদ্ধবন্দীদেরকে দেখেছি। আর হিজর অঞ্চলে (সেখানকার অধিবাসীদেরকে ধৰ্ম করার জন্যে) আল্লাহর প্রেরিত বজ্রনিনাদ আমি শুনেছি।

فَلَمْ أَرِ ذَامِلْكٍ مِنَ النَّاسِ وَاحِدًا - وَلَا سُوقَةَ الْأَلَى الْمَوْتِ وَالْقَبْرِ

আমি রাজা-বাদশাহ ও মুর্খ-গবেট সবাইকে দেখেছি যে, তারা সুনিশ্চিতভাবে মৃত্যু ও কবরের দিকে অগ্রসরমান।

تَعْمَلُ الَّذِي أَرْدَى شَمُودًا وَجْرَهُمَا - سَيَعْقِبُ لِيْ نَسْلًا عَلَى أَخِرِ الدَّهْرِ

যে মহান প্রভু ছামুদ ও জুরহুম গোত্র ধৰ্ম করেছেন অবিলম্বে তিনি আমাকে এমন বংশধর দান করবেন যারা শেষ যুগ পর্যন্ত পর্যায়ক্রমে আগমন করবে।

تَقْرِبُهُمْ مِنْ أَلْعَمْرِ وَبْنِ عَامِرٍ - عَيْوُنُ لَدَى الدَّاعِي إِلَى طَلَبِ الْوَتْرِ

তাদেরকে দেখে আমার পিতৃকুল আমির ইবন 'আমির বংশের শোকদের নয়ন জুড়াবে।  
এমন এক আহ্বানকারীর নিকট তারা থাকবে যে প্রতিশোধ গ্রহণের আহ্বান জানাবে।

فَإِنْ لَمْ تَكُنْ إِلَيْا مُ - أَبْلَيْنَ جَدَّتِي

وَشَيْبَنَ رَأْسِي - وَالْمَشِيبُ مَعَ الْعُمُرِ -

হায় ! কালের আবর্তন যদি আমার শক্তিকে জীর্ণশীর্ণ করে না দিত আর আমার মাথাকে সাদা রংয়ে রঙিন করে না দিত। অবশ্য বাস্তবতা তো এই যে, বয়সের কারণে চুল সাদা হয়।

فَإِنْ لَتَأْرِبَا بِعَلَى فَوْقَ عَرْشِهِ - عَلِيِّمًا بِمَا يَأْتِي مِنَ الْخَيْرِ وَالشَّرِّ

নিশ্চয়ই আমাদের একজন প্রভু রয়েছেন। তিনি আরশের উপর সমাসীন, ভাল-মন্দ কি ঘটছে সে সম্পর্কে তিনি সম্পূর্ণ ওয়াকিফহাল।

أَلْمَ يَأْتِ قَوْمٍ أَنَّ لِلَّهِ دَعْوَةً - يَفْوُزُ بِهَا أَهْلُ السَّعَادَةِ الْبَرِّ

আমাদের সম্প্রদায়ের নিকট এ সংবাদ কি আসেনি যে, 'আল্লাহ'র পক্ষ থেকে এক আহ্বান ও দাওয়াত রয়েছে। ঐ আহ্বানে সাড়া দিয়ে ভাগ্যবান ও পুণ্যবান ব্যক্তিরা সফলকাম হবে।

إِذَا بَعَثَ الْمَبْعُوثُ مِنْ أَلِ غَالِبٍ - بِمَكَّةَ فِيمَا بَيْنَ مَكَّةَ وَالْحِجْرِ

যখন মক্কার অধিবাসী গালিব বংশ থেকে রাসূল প্রেরিত হবেন মক্কা ও হিজরের মধ্যবর্তী স্থানে।

هُنَالِكَ فَابْغُوا لَضَرَّةً بِبِلَادِكُمْ - بَنِيْ عَامِرٍ إِنَّ السَّعَادَةَ فِي النَّصْرِ

সেখানে তোমাদের শহরে তোমরা তাঁকে সাহায্য করবে, হে আমার পিতৃপুরুষ 'আমিরের বংশধরগণ ! আরণ রেখো, তাঁকে সাহায্য করার মধ্যেই তোমাদের কল্যাণ নিহিত।

এর অব্যবহিত পরেই তিনি ইন্তেকাল করেন।

### জিনদের অদৃশ্য আহ্বান

ইতিপূর্বেই আলোচিত হয়েছে যে, ভবিষ্যত বক্তা শিক্ষ ও সাতীহ নবী করীম (সা)-এর আগমনের সুসংবাদ দিয়ে ইয়ামানের রাজা রাবী 'আ ইবন নাসরকে বলেছিলেন : “তিনি পুতুল পরিত্র রাসূল, উর্ধ্বজগত থেকে তাঁর নিকট ওহী আসবে।” রাসূলুল্লাহ (সা)-এর জন্য বৃত্তান্ত বিষয়ক অধ্যায়ে আবদুল মসীহকে লক্ষ্য করে প্রদত্ত সাতীহ-এর নিম্নের বক্তব্য আসবে “যখন তিলাওয়াতের প্রাচুর্য ঘটবে, সাওয়া হৃদ শুকিয়ে যাবে এবং মহা-মর্যাদার অধিকারী ব্যক্তির

আবির্ভাব ঘটবে।” এ কথার দ্বারা তিনি রাসূলুল্লাহ (সা)-কে বুঝিয়েছেন। এ সম্পর্কে বিস্তারিত বিবরণ পরে আসছে। বুখারী আবদুল্লাহ ইব্ন উমর (রা) সূত্রে বর্ণনা করেন, তিনি বলেন, আমি হযরত উমর (রা)-কে যত বিষয়ে এ কথা বলতে শুনেছি “এবিষয়ে আমার ধারণা এই” তা সব কটাই তাঁর ধারণা মুতাবিকই হয়েছে।

একদিনের ঘটনা। হযরত উমর (রা) এক জায়গায় বসা ছিলেন। তাঁর পাশ দিয়ে একজন সুদর্শন লোক হেঁটে গেল। তিনি বললেন, “হযরত আমার ধারণা ভুল হবে, নতুবা এটা নিশ্চিত যে, এলোক তার জাহিলী যুগের ধর্ম অনুসরণ করে চলছে অথবা কোন এক সময় লোকটি গণক ছিল। লোকটিকে আমার নিকট নিয়ে এস।” তখন লোকটিকে ডাক হলো। হযরত উমর (রা) তাঁর ধারণার কথা লোকটির নিকট ব্যক্ত করলেন। উত্তরে লোকটি বলল, “আজ আমাকে যে পরিস্থিতির সম্মুখীন করা হলো কোন মুসলমানকে ইতিপূর্বে একপ পরিস্থিতির সম্মুখীন হতে আমি দেখিনি।” হযরত উমর (রা) বললেন, “তোমার বৃত্তান্ত না বলা পর্যন্ত আমি তোমাকে ছাড়ছি না।” সে বলল, “জাহিলী যুগে আমি গণক ছিলাম।” হযরত উমর (রা) বললেন “তোমার জিন তোমার নিকট যত সংবাদ এনেছে তার মধ্যে সর্বাধিক আশ্চর্যজনক সংবাদ কোনটি?” সে বলল, একদিন আমি বাজারের মধ্যে ছিলাম। তখন দেখলাম, অত্যন্ত অস্থির ও অশান্তভাবে সে আমার নিকট উপস্থিত হলো এবং বলল :

أَلْمَ تَرَ الْجِنَ وَأَبْلَسْهَا - وَيَأْسَهَا مِنْ بَعْدِ اِنْكَاسِهَا  
وَلَحُوقُهَا بِالْقِلَاصِ وَأَحْلَسْهَا

আপনি কি দেখেছেন জিন জাতিকে এবং তাদের নৈরাশ্যকে? এবং উপুড় হয়ে পড়ে যাওয়ার পর তাদের হতাশাকে? আরও কি দেখেছেন সফরের জন্যে তাদের উষ্টী প্রস্তুত করা?

হযরত উমর (রা) বললেন, সে ঠিকই বলেছে। একদিন আমি ওদের দেবতাদের পাশে ঘুমিয়েছিলাম। স্বপ্নে দেখি, এক আগুন্তুক একটি বাচ্চুর নিয়ে উপস্থিত। সে বাচ্চুরটি জবাই করে দিল। তখন এক অদৃশ্য চিৎকারকারী এমন বিকট শব্দে চিৎকার করে উঠল যা আমি আগে কখনো শুনিনি। চিৎকার দিয়ে সে বলল, হে বীর ও সাহসী ব্যক্তি! সফলতার পথ এসেছে। প্রাঞ্জল, ভাষী এক ব্যক্তি এসেছেন, তিনি বলছেন “লা-ইলাহা ইল্লাহ-আল্লাহ ব্যতীত কোন ইলাহ নেই।” তাঁর অহ্বানে সাড়া দিয়ে লোকজন দলে দলে তাঁর দিকে অগ্রসর হচ্ছে। তখন আমি বললাম, “এরূপ স্বপ্নের মধ্যে কী রহস্য আছে তা না জানা পর্যন্ত আমি ক্ষান্ত হব না। এরপর পুনরায় উক্ত ঘোষক ঘোষণা দিল, হে বীর ও সাহসী ব্যক্তি! সফলতার পথ এসে গেছে। প্রাঞ্জল- ভাষী লোকটি এসে গেছেন। তিনি বলছেন, “লা-ইলাহা ইল্লাহ-আল্লাহ ব্যতীত কোন ইলাহ নেই।” তখন আমি উঠে দাঁড়ালাম। অল্পক্ষণের মধ্যেই আমাকে বলে দেয়া হলো যে, ইনি নবী। হাদীসটি ইমাম বুখারী (র) এককভাবে তাঁর গ্রন্থে উল্লেখ করেছেন।

হ্যরত উমর (রা) যে লোকটিকে ডেকে এনেছিলেন তাঁর নাম সাওয়াদ ইব্ন কারিব আল আয়দী। কেউ কেউ বলেন, তিনি বালক পর্বতের পাহাড়ী উপত্যকার অধিবাসী ও সান্দস বংশীয় লোক ছিলেন। তিনি রাসূলুল্লাহ (সা)-এর সঙ্গ পেয়েছেন এবং তাঁর প্রেরিত প্রতিনিধিদলের অন্তর্ভুক্ত হয়ে ছিলেন। আবু হাতিম এবং ইব্ন মান্দা বলেন, সাঈদ ইবন জুবায়র ও আবু জাফর মুহাম্মদ ইব্ন আলী প্রমুখ তাঁর বরাতে হাদীস বর্ণনা করেছেন। ইমাম বুখারী (র) বলেছেন, উক্ত ব্যক্তি রাসূলুল্লাহ (সা)-এর সাহাবীদের অন্তর্ভুক্ত ছিলেন। আহমদ ইব্ন রাওহ আল-বারায়াই দারা কুতনী প্রমুখ সাহাবীর নামের তালিকায় তাঁর নাম উল্লেখ করেছেন। হাফিজ আবদুল গণী ইব্ন সাঈদ আল মিসরী বলেছেন, উক্ত ব্যক্তির নাম ওয়াও বর্ণে তাশদীদ বিহীন সাওয়াদ ইব্ন কারিব। মুহাম্মদ ইব্ন ক'ব আল কুরায়ী সূত্রে উছমান আল ওয়াক্কাসী বলেছেন, উক্ত ব্যক্তি ইয়ামানের সন্তান লোকদের একজন ছিলেন। আবু নু'আয়ম 'আদ দালাইল' গ্রন্থে বর্ণনা করেছেন। উপরোক্ত হাদীস অন্যান্য সনদে ইমাম বুখারীর বর্ণনা অপেক্ষা দীর্ঘতরও বিস্তারিতভাবে বর্ণিত হয়েছে। মুহাম্মদ ইব্ন ইসহাক বলেন, হ্যরত উমর (রা) একদিন মসজিদে নববীতে লোকজনের সমাবেশে উপবিষ্ট ছিলেন। তখন একজন আরব হ্যরত উমর (রা)-এর খৌজে মসজিদে প্রবেশ করে। লোকটির দিকে তাকিয়ে উমর (রা) বললেন, এই লোকটি হয় তো মাত্র কিছুদিন আগে শিরক ত্যাগ করেছে নতুবা জাহেলী যুগে সে গণক ছিল। লোকটি তাঁকে সালাম দিল এবং সেখানে বসে পড়ল। উমর (রা) তাকে বললেন, “আপনি কি ইসলাম গ্রহণ করেছেন?” হে আমীরুল মুমিনীন! হ্যাঁ, আমি ইসলাম গ্রহণ করেছি, এই ব্যক্তি উন্নত দিলেন। তিনি বললেন, আপনি কী জাহেলী যুগে গণক ছিলেন? লোকটি বলল, সুবহানাল্লাহ! হে আমীরুল মুমিনীন! আপনি আমার ব্যাপারে এমন একটি ধারণা পোষণ করেছেন এবং আমাকে এমন একটি প্রশ্নের সম্মতী করেছেন আমার মনে হয় শাসনভাব গ্রহণ করার পর কোন লোককেই আপনি এমন প্রশ্ন করেন নি।

হ্যরত উমর (রা) বললেন, হে আল্লাহ! ক্ষমা করুন, আমরা তো জাহেলী যুগে এর চেয়ে অনেক মন্দ কাজে লিপ্ত ছিলাম। আমরা মূর্তিপূজা করতাম এবং প্রতিমার সাথে কোলাকুলি করতাম। অবশেষে আল্লাহ তা'আলা তাঁর রাসূল ও ইসলাম দ্বারা আমাদেরকে সম্মানিত করেছেন। ঐ ব্যক্তিটি বললেন, হ্যাঁ, আমীরুল মুমিনীন! জাহেলী যুগে আমি গণক ছিলাম। হ্যরত উমর (রা) বললেন, তা'হলে বলুন দেখি আপনার সাথী শয়তান আপনাকে কি সংবাদ দিয়েছে? তিনি বললেন, ইসলামের আবির্ভাবের মাসখানেক কিংবা তারও কম সময় পূর্বে আমার সাথী শয়তান আমার নিকট এসে বলল,

الْمُتَرَى إِلَى الْجِنِّ وَابْلَسْهَا -

وَأَيْسَهَا مِنْ دِينِهَا وَلُجُوقُهَا بِالْقِلَاصِ وَاحْلَاسَهَا

আপনি জিন জাতিকে এবং তাদের মৈরাশ্যকে দেখেছেন কী? এবং আপনি কি দেখেছেন তাদের উপুড় হয়ে পড়ে যাওয়ার পর দিন সম্পর্কে তাদের হতাশা? এও কি দেখেছেন যে, তারা উন্নীর নিকট গিয়ে উন্নীকে সফরের জন্যে প্রচুর করছে?

ইব্ন ইসহাক বলেন, উপরোক্ত বক্তব্য ছন্দোবদ্ধ গদ্য বটে, কবিতা নয়, তখন হয়রত উমার (রা) লোকজনকে উদ্দেশ করে বললেন, আল্লাহর কসম, আমি জাহেলী যুগে একদিন কুরায়শ বংশীয় কতক লোকের সাথে এক প্রতিমার নিকট ছিলাম। জনেক আরব ওই প্রতিমার উদ্দেশে একটি বাচ্চুর জবাই করল। আমরা অপেক্ষায় ছিলাম যে, সেটির গোশতের একটা অংশ আমাদেরকে দেয়া হবে। হঠাৎ ওই বাচ্চুরের পেট থেকে আমি একটা বিকট চিৎকার শুনতে পাই, তেমন বিকট চিৎকার আমি ইতিপূর্বে কোনদিন শুনিনি। এটি ইসলামের আবির্ভাবের মাস খানেক কিংবা তারও কম সময়ের পূর্বের ঘটনা। এ শব্দ ছিল, “হ বীর ও সাহসী ব্যক্তি! সফলতার পথ এসে গেছে। প্রাঞ্জলভাষী লোক ডেকে ডেকে বলছেন, ‘লা-ইলাহা ইল্লাল্লাহ-আল্লাহ ব্যতীত কোন ইলাহ নেই।’” ইব্ন হিশামের বর্ণনায় এসেছে “আবির্ভূত হয়েছেন একজন লোক যিনি প্রাঞ্জল ভাষায় উচ্চ স্বরে ডেকে ডেকে বলছেন— লা-ইলাহা ইল্লাল্লাহ।”

عَجِبْتُ لِلْجِنِّ وَأَبْلَسَهَا وَشَدَّهَا الْعَيْسَ بِاحْلَاسِهَا

জিনদেরকে দেখে, তাদের হতাশা দেখে এবং সফরের উদ্দেশ্যে উন্মুক্তির পিঠে আসন প্রস্তুত দেখে আমি অবাক হয়েছি।

تَهْوِي إِلَى مَكَّةَ تَبْغِي الْهُدًى - مَا مُؤْمِنُوا الْجَنَّ كَانُوا جَاسِهَا

তারা মক্কার উদ্দেশে যাত্রা করছে হোয়াতের অবসরে ঈমানদার জিনগণ তাদের নাপাক  
বেঙ্গীমানদারদের মত নয়।

হাফিজ আবু ইয়া'লা মুসিলী - মুহাম্মদ ইব্ন কা'ব আল-কুরায়ী সূত্রে বর্ণনা করেন যে, একদিন উমর ইব্ন খাতাব (রা) বসা ছিলেন, তাঁর পাশ দিয়ে যাচ্ছিল এক লোক। একজন বলল, হে আমীরুল মুমিনীন! আপনি কি এ লোকটিকে চেনেন? তিনি বললেন, ঐ লোক কে? লোকজন বলল, সে তো সাওয়াদ ইব্ন কারিব। তার জিন সহচর তার নিকট রাসূলুল্লাহ (সা)-এর অবির্ভাবের সংবাদ নিয়ে এসেছিল। উমর (রা) তাকে ডেকে পাঠালেন। আর তিনি বললেন, আপনি কি সাওয়াদ ইব্ন কারিব? তিনি বললেন, হ্যাঁ। হ্যারত উমর (রা) বললেন, আপনি কি এখনও আপনার গণক পেশায় নিয়োজিত আছেন? এতে ঐ ব্যক্তি রেগে ঘান এবং বলেন, “হে আমীরুল মুমিনীন! আমার ইসলাম গ্রহণের পর থেকে এ পর্যন্ত কেউ আমাকে একপ অপমানজনক কথা বলেনি। হ্যারত উমর (রা) বললেন, সুবহানাল্লাহ! তাতে কি? আমাদের শিরকবাদী জীবনে আমরা আপনার গণক পেশার চেয়ে অধিক মন্দ কাজে লিষ্ট ছিলাম। যা হোক রাসূলুল্লাহ (সা)-এর অবির্ভাব সম্পর্কে আপনার জিন সহচর আপনাকে কি বলেছিল তা আমাদেরকে একট বলন।

তিনি বললেন, “আমীরগুল মুমিনীন! একরাতে আমি কিছুটা নিদ্রা ও কিছুটা সজাগ এমন  
অবস্থায় ছিলাম। আমাকে পদাঘাত করে তখন আমার জিন সহচর বলল, সাওয়াদ ইবন কারিব!

আল-বিদায়া ওয়ান নিহায়া (২য় খণ্ড) ৬৭—

ওঠ, ওঠ, আমি যা বলি তা শোন এবং বিবেক থাকলে তা বুঝে নাও। লুওয়াই ইব্ন গালিবের বংশধর থেকে একজন রাসূল প্রেরিত হয়েছেন। তিনি মানুষকে আল্লাহর প্রতি এবং আল্লাহর ইবাদতের প্রতি ডাকছেন। তারপর সে এই কবিতা পাঠ করে :

عَجِبْتُ لِلْجِنِّ وَتَطَلَّبُهَا - وَشَدَّهَا الْعِيْسَ بِأَقْتَابِهَا

জিনদেরকে দেখে তাদের অব্বেষণ প্রক্রিয়া দেখে এবং উষ্ণীর পিছে আসন লাগিয়ে তাদের সফর প্রস্তুতি দেখে আমি অবাক হয়েছি।

تَهْوِيْ إِلَى مَكَّةَ تَبْغِي الْهُدَى - مَا صَادِقُ الْجِنِّ كَكَذَابِهَا

তারা যাত্রা করছে মক্কার উদ্দেশ্যে হোয়ায়ত অব্বেষণে সত্য প্রাণ জিন তাদের মধ্যকার মিথ্যকদের ন্যায় নয়।

فَارْحَلْ إِلَى الْمَهْفُورَةِ مِنْ هَاشِمٍ - لَيْسَ قُدَّامَاهَا كَأَذْنَابِهَا

অতএব, তুমি বনী হাশিম গোত্রের ঐ বিশিষ্ট পৃত পবিত্র মানুষটির নিকট যাও। জিনদের অগ্রবর্তী দল তাদের পশ্চাত্বর্তীদলের মত নয়। তখন আমি বললাম, রেখে দাও তোমার ওসব, আমাকে একটু ঘুমোতে দাও! সঙ্ক্ষে থেকেই আমার ঘুম পেয়েছে। অতঃপর দ্বিতীয় রাতেও সে আমার নিকট আসে এবং আমাকে পদাঘাত করে পূর্বোল্লিখিত কথাগুলো বলে এবং ঐ কবিতার পংক্তিগুলো আবৃত্তি করে পদাঘাত করে।

আমি বললাম, ছাড় ছাড় আমাকে ঘুমোতে দাও। সঙ্ক্ষে থেকেই আমার ঘুম পেয়েছে।

তৃতীয় রাতেও সে আমার নিকট আসে এবং আমাকে পদাঘাত করে পূর্বের কথাগুলো ও কবিতার পুনরাবৃত্তি করে।

লোকটি বলল, এবার আমি উঠে দাঁড়ালাম এবং বললাম, আল্লাহ তাআ'লা আমাকে পরীক্ষা করছেন।

আমি আমার উষ্ণীতে সওয়ার হয়ে শহরে অর্ধাং মক্কায় এলাম। সেখানে পৌঁছে রাসূলল্লাহ (সা) ও তাঁর সাহাবীদেরকে দেখলাম। আমি তাঁর নিকটবর্তী হলাম এবং বললাম, ইয়া রাসূলল্লাহ (সা)! আমার কথা শুনুন। তিনি বললেন, বল! তখন আমি এই কবিতা পাঠ করলাম :

أَتَانِيْ نَجِيْ بَعْدَ مَرْءِ وَرْقَةَ - وَلَمْ يَكُ فِيمَا قَدْ تَلَوْتُ بِكَاذِبِ

বিশ্রাম গ্রহণ ও শয়নের পর আমার গোপন সহচর উপস্থিত হয়েছে আমার নিকট। আমি যা বলছি তা মোটেই মিথ্যা নয়

ثَلَاثَ لَيَالِ قَوْلُ كُلَّ لَيْلَةٍ - أَتَاكَ رَسُولُ مِنْ لُؤَيْ بْنِ غَالِبِ

সে এসেছে একে একে তিন রাত। প্রতিরাতে তার বক্তব্য ছিল লুওয়াই ইব্ন গালিবের বংশ থেকে তোমাদের নিকট একজন রাসূল এসেছেন।

فَشَمَرْتُ عَنْ ذِيْلِ إِلَزَارَ وَوَسْطَتْ - بِالرَّعْلُبُ الْوَحْنَاءُ غَيْرَ السَّبَابِ

অতঃপর আমি আমার লুঙ্গি গুটিয়ে ফেলে সফর শুরু করি। আমার প্রচণ্ড শক্তির অধিকারী উদ্ধৃতি আমাকে নিয়ে বিস্তৃত বিশাল বালুময় প্রাঞ্চির অতিক্রম করে।

فَأَشْهَدُ أَنَّ اللَّهَ لَا شَيْءٌ غَيْرَهُ - وَأَنَّكَ مَامُونٌ عَلَى كُلِّ غَالِبٍ

এখন আমি সাক্ষ্য দিচ্ছি যে, আল্লাহ ব্যতীত অন্য কোন উপাস্য নেই। আমি আরো সাক্ষ্য দিচ্ছি যে, সকল বিজয়ী বীরের মোকাবিলায় আপনি সর্বাদ নিরাপদ থাকবেন।

وَأَنَّكَ أَدْنَى الْمُرْسَلِبْنَ وَسِيلَةً - إِلَى اللَّهِ يَا ابْنَ الْاَكْرَمِينَ الْأَطَالِبِ

আল্লাহর সাথে মিলনের ক্ষেত্রে আপনি আল্লাহর নিকটতম ইস্মূল হে পবিত্র ও সম্মানিত বংশের বংশধর।

فَمُرْنَا بِمَا يَأْتِيكَ يَأْخِيرَ مَنْ مَشَى - وَإِنْ كَانَ فِيمَا جَاءَ شَيْبُ الدَّوَائِبِ

হে পৃথিবীতে পদচারণকারী ও পদার্পণকারী সকল লোকের মধ্যে উৎকৃষ্টতম ব্যক্তি! আপনার নিকট যা এসেছে আমাদেরকে তা পালনের নির্দেশ দিন। যদিও তার মধ্যে থাকে চুল পাকিয়ে দেয়ার মত কঠিন বিষয়সমূহ।

وَكُنْ لِّيْ شَفِيعًا يَوْمَ لَا ذُوْ شَفَاعَةٍ - سُوَالِكَ بِمُغْنٍ عَنْ سَوَادِبْنِ قَارِبٍ

আপনি সেদিন আমার জন্যে সুপারিশকারী হবেন যেদিন এ সাওয়াদ ইব্ন কারিবকে রক্ষা করার মত কোন সুপারিশকারী থাকবে না।

আমার কথা শুনে রাসুলুল্লাহ (সা) ও তাঁর সাহাবীগণ খুবই আনন্দিত হলেন। তাঁদের মুখ্যগুলে খুশির চিহ্ন ফুঠে ওঠে।

বর্ণনাকারী বলেন, সাওয়াদ ইব্ন কারিবের বক্তব্য শুনে হ্যারত উমর (রা) লাফিয়ে উঠে তাঁকে বুকে জড়িয়ে ধরে বললেন, আপনার মুখ থেকে এ বর্ণনা শোনার জন্যে আমি অনেক দিন থেকে আকাঙ্ক্ষা করে আসছিলাম। আচ্ছা, আপনার ঐ জিন সহচর এখনও কি আপনার নিকট আসে? জবাবে সাওয়াদ বললেন, না। আমি যখন থেকে কুরআন মজীদ পাঠ করতে শুরু করেছি তখন থেকে সে আমার নিকট আর আসে না। ঐ জিনের স্থলে আল্লাহর কিতাব কতই না উত্তম।

এরপর হ্যারত উমর (রা) বললেন, একদিন আমি কুরায়শের আলে যরীহ নামক এক গোত্রের মধ্যে ছিলাম। তারা একটি বাচ্চুর জবাই করেছিল। কসাই সেটিকে কাটাকুটা করেছিল। হঠাৎ বাচ্চুরটির পেট থেকে আমরা এক শব্দ শুনতে পেলাম। কিন্তু চোখে কিছু দেখলাম না। ঐ শব্দমালা ছিলঃ হে যরীহ বংশের লোকজন! সফলতার পথ এসে গেছে। একজন ঘোষক প্রাঙ্গল

ভাষ্য ঘোষণা দিচ্ছেন এবং সাক্ষ্য দিচ্ছেন যে, আল্লাহ্ ব্যতীত কোন ইলাহ নেই। এই সন্দেহ হাদীসটির সনদে বিচ্ছিন্নতা রয়েছে। তবে ইমাম বুখারী (র)-এর বর্ণনায় এর সমর্থন মিলে। এ ব্যাপারে মুহাদ্দিসগণ একমত যে, বাছুরের পেট থেকে শব্দ শ্রবণকারী ছিলেন হ্যরত উমর ইব্ন খাতাব (রা)।

হাফিজ খাইরাতী তাঁর হাওয়াতিফুল জান পুস্তকে উল্লেখ করেছেন যে, আবু মূসা ইমরান ইব্ন মূসা ..... আবু জাফর মুহাম্মদ ইব্ন আলী সূত্রে বলেন, সাওয়াদ ইব্ন কারিব মাদুসী হ্যরত উমর ইব্ন খাতাব (রা)-এর সাথে সাক্ষাত করলেন। উমর ইব্ন খাতাব (রা) বললেন, হে সাওয়াদ ইব্ন কারিব! আমি আল্লাহর দোহাই দিয়ে বলছি, বলুন তো, আপনি কি আপনার গণক পেশায় এখনও বহাল আছেন? সাওয়াদ বললেন, হে আমীরুল মুমিনীন! সুবহানাল্লাহ্, আপনি আমাকে যে প্রশ্নের সম্মুখীন করেছেন আপনার কোন সাথীকে আপনি কখনো এমন প্রশ্নের সম্মুখীন করেন নি। হ্যরত উমর (রা) বললেন, সুবহানাল্লাহ্, হে সাওয়াদ! আমাদের শিরকবাদী জীবনে আমরা যা করেছি তা আপনার গণক পেশা অপেক্ষা জঘন্যতর ছিল। আল্লাহর কসম, হে সাওয়াদ! আপনার একটি ঘটনার বর্ণনা আমার নিকট পৌঁছেছে যা খুবই চমৎকার। সাওয়াদ বললেন, হে আমীরুল মুমিনীন! হ্যাঁ সেটি খুবই আশ্চর্যজনক বটে। হ্যরত উমর (রা) বললেন, ঠিক আছে ঐ ঘটনাটি আমাকে শোনান।

সাওয়াদ বললেন, জাহেলী যুগে আমি গণক পেশায় নিয়োজিত ছিলাম। তারপর তিনি জিনের পরপর তিনরাত আগমন ও কবিতা আবৃত্তির কথা বিশদভাবে তাঁর নিকট বর্ণনা করেন। তারপর তাঁর ইসলাম গ্রহণ ও কবিতা আবৃত্তির কথাও তাঁকে শোনান। তারপর হ্যরত উমরের সাথে তাঁর কথোপকথনের কথাও উল্লেখিত হয়েছে। অতঃপর পূর্বোল্লিখিত ঘটনার ন্যায় বর্ণনা করে যখন তিনি কবিতার শেষের পঞ্জিটিতে বললেন :

وَكُنْ لِّيْ شَفِيعاً يَوْمَ لَا دُوْ قَرَابَةٍ - سِوَاكَ بِمُغْنِ عَنْ سَوَادِبْ قَارِبٍ

এবং আপনি আমার জন্যে সুপারিশকারী হবেন সেদিন, যেদিন আপনি ব্যতীত সাওয়াদ ইব্ন কারিবকে রক্ষা করার কোন নিকটাত্ত্বায় থাকবে না।

তখন রাসূলল্লাহ্ (সা) বললেন, তুমি তোমার সম্প্রদায়ের নিকট ফিরে যাও এবং তাদের মাঝে এ কবিতাটি আবৃত্তি কর।

হাফিজ ইব্ন আসাকির ও সাঈদ ইব্ন জুবায়র (র) সূত্রে উক্ত ঘটনাটি আনুপ্রিক বর্ণনা করেছেন। তবে তিনি এতটুকু অতিরিক্ত বর্ণনা করেছেন যে, কবিতার শেষ চরণ আবৃত্তি করার পর রাসূলল্লাহ্ (সা) এমনভাবে হেসে উঠলেন যে, তাঁর মাড়ির দাঁতগুলো দেখা গেল। তিনি বললেন, হে সাওয়াদ! তুমি সফলকাম হয়েছ।

আবু নু'আয়ম তাঁর 'দালাইল' গ্রন্থে আল্লাহল্লাহ্ ইব্ন মুহাম্মদ ইব্ন জাফর আল্লাহল্লাহ্ আল ওমানী থেকে বর্ণনা করেছেন। তিনি বলেছেন, আমাদের মধ্যে মায়িন ইব্ন আয়ুব নামে এক লোক ছিল। সে একটি মূর্তির সেবায়েত ছিল। মূর্তিটি অবস্থিত ছিল ওমানের সুমায়া নামক থামে। বানু সামিত, বানু হৃতামা ও মুহরা গোত্রগুলো ঐ মূর্তির পূজা করত। তারা মায়িনের

মাতুল গোত্র। তার মায়ের নাম যায়নাৰ বিনত আন্দুল্লাহ ইব্ন রবী'আ ইব্ন খুওয়াইস। খুওয়াইস হলো বানু নারানের অন্তর্ভুক্ত।

মায়িন বলেন, একদিনের ঘটনা। আমরা বলি ও মূর্তিৰ উদ্দেশে আমরা একটি পশ্চ বলি দেই। তখন মূর্তিৰ ভেতর থেকে আমি একটি শব্দ শুনতে পাই। সে বলছিল, হে মায়িন! আমি যা বলি তা শোন তাহলে তুমি খুশিই হতে। কল্যাণ এসে গেছে। অকল্যাণ বিলুপ্ত হয়েছে। মুদার গোত্র হতে একজন নবী প্রেরিত হয়েছেন মহান আল্লাহর দীন নিয়ে। সুতরাং তুমি পাথরের তৈরি মূর্তি পরিত্যাগ কর। তাহলে জাহানামের আগুন থেকে রক্ষা পাবে।

মায়িন বললেন, এতে আমি ভীষণ বিচলিত হয়ে পড়ি। কয়েক দিন পর আমরা ওই মূর্তিৰ উদ্দেশে আরেকটি পশ্চ বলি দেই। তখন পুনরায় আমি ওই মূর্তিটিকে বলতে শুনি, সে বলছিল— তুমি আমার নিকট আস, আমার নিকট আস, আমি যা বলি তা শোন, অগ্রাহ্য করো না। ইনি প্রেরিত নবী ও রাসূল। আসমানী সত্য নিয়ে তিনি আবির্ভূত হয়েছেন। তুমি তাঁর প্রতি ঝোমান আন, তাহলে লেলিহান শিখাময় আগুন থেকে রক্ষা পাবে। ওই আগনের জ্বালানি হবে বড় বড় পাথর।

মায়িন বলেন, আমি তখন মনে মনে বললাম, এটি তো নিশ্চয়ই আশ্চর্যজনক ব্যাপার। এটি তো আমার জন্যে কল্যাণকর। এ সময়ে আরো অঞ্চল থেকে একজন লোক আমাদের নিকট আসে। আমি বললাম, ওখানকার সংবাদ কী? সে বলল, সেখানে আহমদ নামে একজন লোক আবির্ভূত হয়েছেন। যারা তাঁর নিকট আসে তিনি তাদেরকে বলেন, “তোমরা আল্লাহর প্রতি আহবানকারীর ডাকে সাড়া দাও। আমি বললাম, এটি তো আমি যা শুনেছি তার বাস্তব রূপ। অতঃপর আমি মূর্তিটিৰ উপর ঝাপিয়ে পড়ি এবং সেটি ভেঙে চুরমার করে ফেলি। এরপর আমি সওয়ারীতে আরোহণ করি এবং সরাসিরি রাসূলুল্লাহ (সা)-এর নিকট গিয়ে উপস্থিত হই। আল্লাহ তা'আলা আমার বক্ষকে ইসলাম গ্রহণের জন্যে প্রশংস্ত করে দেন। আমি ইসলাম গ্রহণ করি। তখন আমি বলি :

كَسَرْتُ بِأَجْرٍ أَجْرًا وَكَانَ لَنَا - رَبًّا نُطِيفٌ بِهِ ضَلَالٌ بِتَضْلِيلٍ

আমি বাজির মূর্তিকে ভেঙে খান খান করে ফেলেছি। অথচ এক সময় সেটি আমাদের উপাস্য ছিল। আমরা চরম গোমরাহী ও আস্তিহেতু সেটির চারদিকে তাওয়াফ করতাম।

فَالْهَامِشِيُّ هَدَانَا مِنْ ضَلَالِنَا - وَلَمْ يَكُنْ دِينُهُ مِنِّيْ عَلَى مَالٍ

হাশেম বংশীয় লোক মুহাম্মদ (সা) আমাদেরকে গোমরাহী থেকে বের করে এনে হেদায়ত দিয়েছেন তাঁর দীন-ধর্ম আর তা কখনও আমার কল্পনায়ও ছিল না।

يَا رَاكِبًا بِلَفْنٍ عَمْرُوا وَأَخْوَتَهَا - أَنِّيْ لِمَنْ قَالَ رَبِّيْ بِأَجْرٍ قَالِيْ

হে আরোহী পথিক! আমর ও তার সম্প্রদায়কে জানিয়ে দাও, যে ব্যক্তি বলবে, আমার প্রভু বাজির মূর্তি, আমি তার শক্তি।

এখানে তিনি আমার দ্বারা সামিতকে এবং তার গোত্রের দ্বারা হৃতামা গোত্রকে বুঝিয়েছেন। মাধ্যমিক বলেন, অতপর আমি রাসূলুল্লাহ (সা)-কে বললাম, ইয়া রাসূলুল্লাহ! আমি তো একজন আনন্দপিয়াসী এবং মারীসঙ্গ ও সুরাপানে নিজেকে ধর্ষনের মুখে নিষ্কেপকারী মানুষ। সময়ের বিবর্তন আমাকে পর্যুদস্ত করেছে এবং তা আমাদের ধন-সম্পদ বিনষ্ট করে দিয়েছে। আমার জীবিতদাসীদেরকে দুর্বল করে দিয়েছে। আমার কোন সন্তান-সন্ততি নেই। ইয়া রাসূলুল্লাহ (সা)! আপনি আল্লাহর নিকট দোয়া করুন, আমার সমস্যাগুলো তিনি যেন দূর করে দেন, আমাকে যেন লজ্জাবোধ দান করেন এবং আমাকে একটি সন্তান প্রদান করেন। তখন রাসূলুল্লাহ (সা) বললেন, হে আল্লাহ! তাকে আনন্দ পিয়াসের পরিবর্তে কুরআন পাঠের আগ্রহ, হারামের পরিবর্তে হালাল, পাপাচারিতা ও ব্যতিচারের পরিবর্তে পবিত্রতা দান করুন। আপনি তাকে লজ্জাবোধ এবং সন্তান দান করুন।

মাধ্যমিক বলেন, অতঃপর আল্লাহ তা'আলা আমার বিপদগুলো দূর করে দিলেন। ওয়ান অঞ্চল উর্বর ও উৎপাদনশীল হয়ে গঠিলো। আমি ৪জন মহিলাকে বিয়ে করি। কুরআন মজীদের অর্ধাংশ মুখ্যত্ব করে ফেলি এবং আল্লাহ তা'আলা আমাকে একটি পুত্র সন্তান দান করেন। তার নাম রাখি হাইয়ান ইবন মাধিন। অতপর মাধিন এই কবিতাটি আবৃত্তি করেন :

**إِلَيْكَ رَسُولُ اللَّهِ خَبَّئْتُ مَطْيَّبَيْ - تَجُوبُ الْفَيَا فِي مِنْ عُمَانَ إِلَى الْعَرَجِ**

হে আল্লাহর রাসূল! আমার সওয়ারী আপনার নিকটই এসেছে। বহু মরু বিয়াবান অতিক্রম করে ওয়ান থেকে সে আরজে এসেছে।

**لَتَشْفَعَ لِيْ يَا حَيْرَ مَنْ وَطَئَ الْحَصْنِيْ - فَيَغْفِرُ لِيْ رَبِّيْ فَارْجِعْ بِالْفَلْقِ**

হে পৃথিবী পৃষ্ঠের শ্রেষ্ঠতম ব্যক্তিত্ব, যেন আপনি আমার জন্যে সুপারিশ করেন। ফলশ্রুতিতে আমার প্রতিপালক আমাকে ক্ষমা করে দেন এবং আমি সফলকাম হয়ে ফিরে যাই।

**إِلَى مَعْشَرِ خَالِفَتْ فِي اللَّهِ دِينَهُمْ - فَلَا رَأِيْهُمْ رَايِ وَلَا شَرْجُهُمْ شَرْجِيْ**

আমি ফিরে যাব এমন এক সম্পদায়ের নিকট আল্লাহর সন্তুষ্টি লাভের জন্যে আমি যাদের ধর্মের বিরোধিতা করছি। সুতরাং তাদের মতবাদ আমার মতবাদ নয় এবং তাদের অবস্থান আমার অবস্থানের মত নয়।

**وَكُنْتُ أَمْرًا ، بِالْخَمْرِ وَالْعَهْرِ مُؤْلِعًا - شَبَابِيْ حَتَّى اذْنَ الْجِسمِ بِالنَّهْجِ**

আমার যৌবনকালে আমি সুরা ও নারী সঙ্গে আকর্ষ নিমজ্জিত ছিলাম। এক সময় আমার শরীর দুর্বলতা ও শক্তিহীনতার জানান দেয়।

**فَبَدَلْتِيْ بِالْخَمْرِ خَوْفًا وَخَشِيَّةً - وَبِالْعَهْرِ إِحْمَانًا فَحَصَنَ لِيْ فَرَاجِيْ**

অতঃপর আল্লাহ তা'আলা আমাকে মদ্য পানের পরিবর্তে খোদাভীতি দান করলেন। আর ব্যতিচারের পরিবর্তে দিলেন পবিত্রতা। অনন্তর তিনি আমার যৌনাংগকে অবৈধ ব্যবহার থেকে পবিত্র রাখলেন।

فَاصْبَحَتْ هَمَّىٰ فِي الْجَهَادِ وَنَيَّتِيْ - فَلِلَّهِ مَا صَوْمِيْ وَلِلَّهِ مَاحَجِيْ

অতঃপর আমার মন-মানসিকতা ও ইচ্ছা - অনুভূতি জিহাদমুখী হয়ে পড়ে। সুতরাং আমার রোয়া ও হজ্জ একমাত্র আল্লাহ'র উদ্দেশেই নিবেদিত।

মাঝিন বলেন, আমি আমার সম্প্রদায়ের নিকট ফিরে এলে তারা আমাকে দূরে তাড়িয়ে একঘরে করে দিল এবং আমাকে গালমন্দ করল। তারা তাদের জনৈক কবিকে আমার প্রতি নিদাবাদ বর্ষণের জন্যে বলল। সে আমার নিদাবাদ করল। আমি বললাম, আমি যদি তার জবাব দিতে যাই তবে তা হবে নিজেরই নিদাবাদ। অতঃপর আমি ওদেরকে ছেড়ে চলে আসি। তাদের মধ্য থেকে বহু শোকের একটি দল আমার সাথে সাক্ষাত করে। ইতিপূর্বে আমি তাদের দেখাশোনা ও তত্ত্বাবধান করতাম। তারা বলল, চাচাত ভাই! আমরা আপনার প্রতি অন্যায় আচরণ করেছি। এখন সেজন্যে আমরা দুঃখ প্রকাশ করছি। আপনি যদি আপনার নতুন ধর্মত্যাগে অঙ্গীকৃতি জানান তবে তা আপনার ব্যাপর। এখন আপনি আমাদের সাথে ফিরে চলুন এবং আমাদেরকে দেখাশোনা ও তত্ত্বাবধানের কাজ করুন। আপনার ব্যাপার আপনার নিজেরই এখতিয়ারে থাকবে। তখন আমি তাদের সাথে ফিরে যাই এবং বলি :

لِبُغْضِكُمْ عِنْدَنَا مُرُّ مَدَاقَتْهُ - وَبَغْضُنَا عِنْدَكُمْ يَا قَوْمَ لَبَنِ

আমাদের প্রতি তোমাদের বিদ্বেষকে আমরা তিক্ত জ্ঞান করি। আর তোমাদের প্রতি আমাদের বিদ্বেষকে হে আমার সম্প্রদায় তোমরা দুধ সম জ্ঞান কর।

لَا يَفْطُنُ الدَّهْرُ اِنْ بِئْتُ مَعَابِكُمْ - وَكُلُّكُمْ حِينَ يُنْسِيْ عَيْبَنَا فَطَنِ

আমি যখন তোমাদের দোষ বর্ণনা করি তখন আমি চালাক ও কুশলী বলে বিবেচিত হই না, কিন্তু তোমরা যখন আমাদের দোষ বর্ণনা কর তখন তা' চাতুর্য বলে বিবেচিত হয়।

شَاعِرُنَا مُفْحَمْ عَنْكُمْ وَشَاعِرُكُمْ - فِي حَدَبِنَا مُبْلِغٌ فِي شَتَمِنَا لَسِنِ

তোমাদের নিদাবাদে আমাদের কবি থাকে নীরব আর তোমাদের কবি আমাদেরকে গালাগাল দিয়ে ঘাড় বাঁকা করে দিতে সিদ্ধহস্ত। আমাদেরকে গালমন্দ করতে সে বাকপটু।

مَا فِي الْقُلُوبِ عَلَيْكُمْ فَاعْلَمُوا وَغَرْ - وَفِي قُلُوبِكُمُ الْبَغْضَاءُ وَالْأَحْنِ

মনে রেখো, আমাদের অন্তরে তোমাদের প্রতি কোন হিংসা-বিদ্বেষ নেই। অথচ তোমাদের মনে রয়েছে বিদ্বেষ ও গোপন শক্রতা।

মাঝিন বলেন, অতঃপর আল্লাহ'র তা'আলা তাদের সকলকে হেদায়ত দান করেন এবং তাদের সকলেই ইসলাম গ্রহণ করে।

হাফিজ আবু লুয়ায়ম..... হয়রত জাবির ইবন আবদিল্লাহ (রা) সূত্রে বর্ণনা করেন, রাসূলুল্লাহ (সা)-এর আবির্ভাবের সংবাদ সর্বপ্রথম মদীনায় পৌছে এভাবে যে, মদীনার জনৈকা মহিলার অনুগত একটি জিন ছিল। একদিন সাদা পাখির আকৃতি নিয়ে সে মহিলার নিকট আসে এবং একটি দেয়ালের ওপর বসে থাকে। মহিলা বলে, “তুমি নেমে আমাদের নিকটে আসছ না

কেন? আস, আমরা পরম্পরে কথার্বাতা বলি এবং সংবাদ আদান-প্রদান করি। জবাবে জিনটি বলল, “মুক্তায় একজন নবী প্রেরিত হয়েছেন। তিনি ব্যভিচার নিষিদ্ধ করেছেন এবং আমাদের মনের শান্তি কেড়ে নিয়েছেন।”

ওয়াকিদী বলেন..... আলী ইব্ন হুসায়ন সূত্রে বলেন, রাসূলুল্লাহ (সা) সম্পর্কে মদীনায় প্রথম সংবাদ আসে এভাবে যে, সেখানে ফাতিমা নামী এক মহিলা ছিল। তার ছিল একটি অনুগত জিন। একদিন জিনটি তার নিকট এল এবং দেয়ালের ওপর দাঁড়িয়ে রইল। সে বলল, তুমি নেমে আসছ না কেন? জিনটি বলল, না, নামবো না! কারণ একজন রাসূল প্রেরিত হয়েছেন, তিনি ব্যভিচার হারাম করে দিয়েছেন।

অন্য এক তাবেঙ্গ মুরসালভাবে এ হাদীসটি বর্ণনা করেছেন এবং বলেছেন যে, ওই জিনটির নাম ছিল ইব্ন লাওয়ান। তিনি এও উল্লেখ করেছেন যে, দীর্ঘদিন যাবত জিনটি মহিলার নিকট অনুপস্থিত ছিল। পরে যখন জিনটি আসে তখন সে জিনটিকে গালমন্দ করে। তখন জিনটি বলল, আমি ওই প্রেরিত রাসূলের নিকট গিয়েছিলাম। আমি তাকে ব্যভিচার হারাম ঘোষণা করতে শুনেছি। সুতরাং তোমার প্রতি সালাম। তোমার নিকট থেকে চির বিদায়।

ওয়াকিদী বলেন, মুহাম্মদ ইব্ন সালিহ উসমান ইবন আফ্ফান (রা) সূত্রে বলেছেন, একসময় একটি ব্যবসায়ী কাফেলার সদস্যরূপে আমরা সিরিয়া যাত্রা করি। এটি রাসূলুল্লাহ (সা)-এর আবির্ভাবের পূর্বের ঘটনা। আমরা যখন সিরিয়ার প্রবেশদ্বারে পৌছি তখন সেখানকার জন্মেক গণক মহিলা আমাদের নিকট এলো। সে বলল, আমার জিন সাথী আমার নিকট এসে দেয়ালের ওপর অবস্থান নিল। আমি বললাম তেতরে আসছ না কেন? সে বলল, এখন আমার জন্মে সে পথ খোলা নেই। আহমদ নামের একজন নবী আবির্ভূত হয়েছেন। তিনি এমন একটি বিষয় নিয়ে এসেছেন যার বিরোধিতা করার ক্ষমতা আমাদের নেই। হ্যরত উসমান (রা) বলেন, এরপর আমি মুক্তায় ফিরে আসি। সেখানে রাসূলুল্লাহ (সা)-কে পেলাম যে, তিনি রাসূলরূপে আবির্ভূত হয়েছেন এবং মানুষকে আল্লাহর প্রতি ডাকছেন।

ওয়াকিদী বলেন, মুহাম্মদ ইব্ন আবদুল্লাহ যুহরী বলেছেন, পূর্বুগে ওহী বিষয়ক আলোচনা শোনা যেত। জিনরা তা শুনতে পেত। ইসলামের যখন আগমন ঘটল তখন জিনদেরকে ওহী শোনার পথ রুদ্ধ করে দেয়া হলো। বানু আসাদ গোত্রে সাঈরা নামে এক মহিলার একটি অনুগত জিন ছিল। যখন দেখা গেল যে, ওহী শোনা আর সম্ভব হচ্ছে না তখন জিনটি মহিলার নিকট উপস্থিত হয় এবং তার বুকে ঝাঁপিয়ে পড়ে। এরপর সে একটি চিৎকার দেয় যে, ওই মহিলা সংজ্ঞানীয় হয়ে পড়ে। তার বুকের মধ্য থেকে জিনটি বলতে শুরু করে কঠোরতা কার্যকর করা হয়েছে, দলে দলে জিনদের উর্ধ্বাকাশে গমন বন্ধ করে দেয়া হয়েছে। সাধ্যাতীত নির্দেশ জারি করা হয়েছে। আর আহমদ (সা) ব্যভিচার হারাম ঘোষণা করেছেন।

হাফিজ আবু বকর খারাইঢ়ী বলেন, আব্দুল্লাহ ইব্ন মুহাম্মদ বালভী.....মিরদাস ইব্ন কায়স সাদূসী সূত্রে বর্ণনা করেন—আমি একসময় রাসূলুল্লাহ (সা)-এর নিকট হাজির হই। তখন তাঁর সম্মুখে গণক পেশা সম্পর্কে এবং তাঁর আবির্ভাবের ফলে কীভাবে ওই গণক পেশা

পর্যন্ত হয়ে পড়ে সে সম্পর্কে আলোচনা হচ্ছিল। আমি বললাম, ইয়া রাসূলাল্লাহ্ (সা)! এ বিষয়ে আমার কিছু অভিজ্ঞতা আছে। আমি তা আপনার সম্মুখে ব্যক্ত করছি। আমাদের একজন ক্রীতদাসী ছিল, তার নাম খালাসাহ্। তার সম্পর্কে ভাল ছাড়া খারাপ ধারণা আমরা কোনদিন পোষণ করিনি। একদিনের ঘটনা, সে আমাদের নিকট এসে বলে, হে দাওস সম্প্রদায়! আশৰ্য, আমার ওপর যা ঘটে গেল তা ভীষণ আশৰ্যের ব্যাপার। আপনারা কি আমার ব্যাপারে ভাল ছাড়া অন্য কোন ধারণা পোষণ করেন? আমরা বললাম, ব্যাপর কী? সে বলল, আমি আমার বকরী পালের মধ্যে ছিলাম। হঠাৎ একটি অঙ্ককার এসে আমাকে ঢেকে ফেলে, এরই মধ্যে আমি নারী- পুরুষের ঘৌন সঙ্গম অনুভব করি। এখন তো আমি আশংকা করছি যে, হয়ত আমি গর্ভবতী হয়ে পড়েছি। মূলত তাই হলো। তার প্রসবকালীন সময় ঘনিয়ে এলো। সে একটি চ্যাপ্টা ও ঝুলন্ত কান বিশিষ্ট সন্তান প্রসব করে। তার কান দুটো ছিল কুকুরের কানের মতো। সে আমাদের মধ্যে কিছুদিন থাকার পরই অন্য বাচ্চাদের সাথে খেলাধুলা শুরু করে। হঠাৎ সে লাফিয়ে উঠে এবং নিজের পরিধেয় বন্ত খুলে ফেলে উচ্চস্বরে চিৎকার করে বলতে থাকে, হায় দুর্ভোগ! হায় দুর্ভোগ! হায় দুর্ভোগ! গানাম গোত্রের জন্য দুর্ভোগ। ফাহম গোত্রের জন্যে দুর্ভোগ। খায়ল ভূমিতে আগুন প্রজ্বলনকারীর জন্যে দুর্ভোগ। আকাবার অধিবাসীদের সাথে আল্লাহ্ আছেন। ওদের মধ্যে কতক সুদর্শন সাহসী উত্তম যুবক রয়েছে।

বর্ণনাকারী বলেন, অতঃপর আমরা সওয়ারীতে আরোহণ করলাম এবং অন্তর্শস্ত্রে সজিত হলাম। এরপর আমরা বললাম, ধূতিরি, এখন তুমি কী করতে বল? সে বলে, কোন ঝতুমতি মহিলা সংগ্রহ করা যাবে? আমরা বললাম, আমাদের মধ্য থেকে কে তার দায়িত্ব নেবে? সে বলল, আমাদের মধ্য থেকে একজন বৃক্ষ লোক তার দায়িত্ব নেবে। তবে আল্লাহ্ কসম, ওই মহিলা আমার নিকট একজন সতী সাধবী মা বটে। আমরা বললাম, ঠিক আছে ওকে তাড়াতাড়ি নিয়ে এসো। মহিলাটিকে নিয়ে আসা হলো। ওই শিশু একটি পাহাড়ে উঠল। মহিলাটিকে সে বলল, আপনার জামা-কাপড় খুলে ফেলে দিন এবং আপনি ওদের সম্মুখে বের হন। উপস্থিত লোকজনকে সে বলল, তোমরা তার পেছনে পেছনে যাও। আমাদের মধ্যে এক লোকের নাম ছিল আহমদ ইব্ন হাবিস। সে বলল, হে আহমদ ইব্ন হাবিস! আপনি বিপক্ষদলের প্রথম অশ্বারোহীকে ঠেকাবেন। আহমদ আক্রমণ করলেন। ওদের প্রথম অশ্বারোহীকে তিনি বর্ণাঘাত করলেন। সে মাটিতে লুটিয়ে পড়ল। অন্য সবাই পালিয়ে গেল। আমরা ওদের ফেলে যাওয়া মালামাল লুটে নিলাম। সেখানে আমরা একটি গৃহ নির্মাণ করি। সেটির নাম দেই যুল খালাসাহ্। ওই শিশুটি আমাদেরকে যা যা বলত, বাস্তবে তা-ই ঘটে। ইয়া রাসূলাল্লাহ্ (সা)! অবশ্যে যখন আপনার অবির্ভাবের সময় হলো তখন একদিন সে আমাদেরকে বলল, হে দাওস সম্প্রদায়! বানু হারিছ ইব্ন কা'ব হামলা করেছে। তখন আমরা সওয়ারীতে আরোহণ করলাম। সে আমাদেরকে বলল, আপনারা খুব দ্রুত ঘোড়া ছোটাবেন। তাদের চোখে-মুখে মাটি নিক্ষেপ করবেন। সকাল বেলা ওদেরকে দেশান্তর করবেন। সন্ধ্যাবেলা আপনারা মদপান করবেন। তার নির্দেশমত আমরা ওদের মুখোমুখি হলাম। কিন্তু তারা আমাদেরকে পরাজিত করে এবং আল-বিদায়া ওয়ান নিহায়া (২য় খণ্ড) ৬৮—

আমাদের বিরুদ্ধে বিজয় অর্জন করে। এরপর আমরা তার নিকট ফিরে এসে বলি, তোমার কী অবস্থা? সে আমাদের দিকে তাকাল। চোখ দুটো তার রক্তিম। কান দুটো ফোলা ফোলা। রাগে সে যেন ফেটে পড়বে। সে উঠে দাঁড়ায়। আমরা সওয়ারীতে উঠে বসি। কিছু সময় আমরা তার নিকট থেকে দূরে সরে থাকি। কিছুক্ষণ অপেক্ষা করার পর সে আমাদেরকে ডাকে এবং বলে, আপনারা কি এমন কোন যুদ্ধে অংশগ্রহণে অগ্রহী আছেন যে যুদ্ধ আপনাদের জন্যে সম্ভান, গৌরব, শক্তিশালী রাজ্য এবং আপনাদের হাতে ধন সম্পদ এনে দেবে? আমরা বললাম, তা তো আমাদের খুবই প্রয়োজন। সে বলল, আপনারা সওয়ারীতে আরোহণ করুন আমরা সওয়ারীতে উঠলাম। এবার কী নির্দেশ? আমরা বললাম। সে বলল, বানু হারিছ ইব্ন মাসলামাহ গোত্রের বিরুদ্ধে যুদ্ধ করতে চলুন। এরপর বলল, একটু থামুন। আমরা থামলাম। সে বলল, বরং ফাহম গোত্রের বিরুদ্ধে যুদ্ধ করতে এগিয়ে যান। এরপর বলল, না, ওদেরকে তো আপনারা ধ্রংস করতে পারবেন না। আপনারা বরং মুদার গোত্রের বিরুদ্ধে যুদ্ধে অগ্রসর হউন। ওদের প্রচুর পশ্চ ও ধন সম্পদ রয়েছে। এরপর বলল, না, ওদিকে নয় বরং দুরায়দ ইব্ন সু'য়া-এর গোত্রের দিকে অগ্রসর হউন। ওরা সংখ্যায়ও কম, শক্তিতেও দুর্বল। এরপর সে বলল, না, আপনারা বরং কা'ব ইব্ন রবী'আ গোত্রের বিরুদ্ধে অগ্রসর হউন। আমির ইব্ন সা'সা'আ-এর স্বামী পরিত্যক্ত স্ত্রীরা ওদেরকে বসবাস করার স্থান দিয়েছে। সুতরাং যুদ্ধ তাদের বিরুদ্ধে হোক। তার নির্দেশনায় আমরা কা'ব ইব্ন রবী'আ গোত্রের বিরুদ্ধে যুদ্ধ শুরু করি। কিন্তু ওরা আমাদেরকে পরাজিত করে এবং পর্যন্ত ও লাঞ্ছিত করে ছেড়ে দেয়। আমরা ফিরে আসি। আমরা তাকে বললাম, দুর্ভোগ তোমার। আমাদেরকে নিয়ে তুমি কী কাণ্ড শুরু করে দিয়েছ? সে বলল, আমি নিজেই তো এর রহস্য খুঁজে পাচ্ছি না। আমার গোপন সহচর ইতিপূর্বে আমার সাথে সত্য কথা বলত। এখন দেখি সে মিথ্যা বলছে। আপনারা এক কাজ করুন। একাধারে তিনদিন আপনারা আমাকে আমার ঘরের মধ্যে বন্দী করে রাখুন। এরপর আপনারা আমার নিকট আসবেন। তার কথামত আমরা তাকে বন্দী করে রাখি। তিনদিন পর দরজা খুলে আমরা তার নিকট যাই। তখন তাকে দেখাছিল সে যেন একটি জুলন্ত পাথর। সে বলল, হে দাওস সম্প্রদায়! আকাশকে সংরক্ষিত করে রাখা হয়েছে এবং সর্বশ্রেষ্ঠ নবী আগমন করেছেন। আমরা জিজ্ঞেস করলাম, কোথায়? সে বলল, মকায়। আরো শুনে নিন, অচিরেই আমার মৃত্যু হবে। আপনারা তখন আমাকে পাহাড়ের চূড়ায় দাফন করবেন। কারণ অবিলম্বে আমি আগুন রূপে জুলে উঠব। আপনারা যদি আমাকে রেখে দেন তবে আমি আপনাদের লাঙ্ঘনার কারণ হবো। আপনারা যখন লক্ষ্য করবেন যে, আমি জুলে উঠেছি এবং শিখাময় হয়ে গিয়েছি তখন আমার প্রতি তিনটি পাথর নিক্ষেপ করবেন।

প্রতিটি পাথর নিক্ষেপের সময় বলবেন, হে আল্লাহ! আপনার নাম নিয়ে এ পাথর নিক্ষেপ করছি। তা'হলে আমি প্রশংসিত হবো ও নির্বাপিত হবো। যথাসময়ে তার মৃত্যু হয় এবং সে শিখাময় আগুনে পরিণত হয়। তার নির্দেশ মোতাবেক আমরা সব কিছুর ব্যবস্থা করি। “হে আল্লাহ! আপনার নাম নিয়ে নিক্ষেপ করছি” বলে আমরা তিনটি পাথর নিক্ষেপ করি। ফলে সে প্রশংসিত হয় ও নিভে যায়। এরপর আমরা কিছুদিন অপেক্ষা করি। অতঃপর আমাদের এলাকার

হজে গমনকারী লোকেরা হজ থেকে ফিরে আসে। ইয়া রাসূলুল্লাহ! তারা এসে আমাদেরকে আপনার আবির্ভাবের সংবাদ দেয়। উল্লেখ্য যে, হাদীস শাস্ত্রবিশারদদের মতে এটি নিতান্তই গরীব পর্যায়ের হাদীস।

আল ওয়াকিদী..... নাদর ইব্ন সুফয়ান হ্যালী তার পিতা থেকে বর্ণনা করেছেন, তিনি বলেছেন, আমাদের এক ব্যবসায়ী কাফেলা নিয়ে একবার আমরা সিরিয়া যাত্রা করি। যারকা ও মা'আন নামক স্থানের মাঝে যাত্রা বিরতি করে আমরা রাত্রি যাপন করছিলাম। হঠাৎ আমরা দেখতে পাই এক অশ্বারোহীকে। আকাশ ও পৃথিবীর মাঝে দাঁড়িয়ে সে বলছে, “হে নিদ্রামগ্ন ব্যক্তিগণ! জেগে ওঠ, জেগে ওঠ। এখন ঘুমানোর সময় নয়। নবী আহমদ (সা) আবির্ভূত হয়েছেন। ফলে জিনদেরকে চূড়ান্তভাবে বিতাড়িত করা হয়েছে। একথা শুনে আমরা বিচলিত হয়ে পড়ি। আমরা সবাই ছিলাম তরুণ সহ্যাত্রী, আমরা সকলেই ওই ঘোষণা শুনেছি। এ অবস্থায় আমরা নিজ পরিবার-পরিজনের নিকট ফিরে আসি। আমরা এসে শুনতে পাই যে, আমাদের দেশে কুরায়শ বংশীয় লোকদের ঘৰ্তো পার্থক্যের কথা আলোচনা হচ্ছে যে, বানু আবদিল মুজালিব গোত্র থেকে আবির্ভূত এক নবী নিয়ে কুরাফ্পগণ মতভেদ করছিল। ওই নবীর নাম আহমদ। এ বর্ণনাটি আবু নু'আয়মের। খারাইতী বলেন, আবুজুল্লাহ ইব্ন মুহাম্মদ বলতী..... ইয়াহুয়া ইব্ন উরওয়া তাঁর পিতা থেকে বর্ণনা করেছেন যে, ওয়ারাকা ইব্ন নাওফল, যায়দ ইব্ন আমর ইব্ন নুফায়ল, আবুজুল্লাহ ইব্ন জাহশ এবং উছমান ইব্ন হওয়াইরিছ প্রমুখ ব্যক্তিসহ একদল কুরায়শী লোক একদিন তাদের একটি প্রতিমার নিকট ছিলো। প্রতি বছর ওই দিনটিকে তারা উৎসবের দিনরাপে নির্ধারিত করেছিল। তারা ওই প্রতিমাটি শুধু করত এবং সেটির উদ্দেশ্যে পশু বলি দিত। তারপর ধূমধামের সাথে খাওয়া-দাওয়া ও মদপান করত। তারা সেটির নিকট অবস্থান এবং তা প্রদক্ষিণ করতো, ওইদিন তারা রাত্রি বেলা প্রতিমার নিকট যায়। তারা সেটিকে মুখ থুবড়ে পড়ে থাকতে দেখে। তাতে তারা ব্যথিত হয়। তারা মূর্তিটিকে যথাস্থানে পুনঃস্থাপন করে। সেটি অবিলম্বে দুঃখজনকভাবে উল্টে পড়ে যায়। তারা আবার সেটিকে যথাস্থানে স্থাপন করে। সেটি আবার পড়ে যায়। এ অবস্থা দেখে তারা দুশিষ্টগ্রস্ত হয়ে পড়ে এবং এটিকে একটি গুরুতর বিষয়রাপে গণ্য করে। উছমান ইব্ন হওয়াইরিছ বললেন, মূর্তিটির হলো কি? বারবার পড়ে যাচ্ছে, নিচয়ই কোন গুরুতর ঘটনা ঘটেছে। মূলত এ ঘটনা ঘটেছিল রাসূলুল্লাহ (সা)-এর জন্মগ্রহণের রাতে। অতঃপর উছমান আবৃত্তি করেন :

أَيَا صَنَمُ الْعِيدِ الَّذِي صُفِّ حَوْلَهُ - صَنَادِيدُ وَفَدٌ مِّنْ بَعِيدٍ وَقَرِيبٍ

হে উৎসব পালনের মূর্তি! যার চতুর্দিকে উপস্থিত হয়েছে কাছের ও দূরের প্রতিনিধি দলের নেতৃবর্গ।

تَنْكَسْتَ مَقْلُوبًا فَمَا أَذَاكَ قُلْ لَنَا - أَذَاكَ سَفِيهًّا أَمْ تَنْكَسْتُ لِلْعَثْبِ

তুমি তো উপুড় হয়ে মুখ থুবড়ে পড়ে গিয়েছে। আমাদেরকে তুমি বলে দাও, কোন নির্বোধ ব্যক্তি তোমাকে কষ্ট দিয়েছে কি? না তুমি রাগারিত হয়ে পড়ে রয়েছ।

فَإِنْ كَانَ مِنْ ذَنْبِ أَتَيْنَا فَإِنَّا - نَبُوءُ بِإِقْرَارِ وَنَلْوَى عَنِ الذَّنْبِ

যদি আমরা কোন অপরাধ করে থাকি তবে আমরা সেই অপরাধ স্বীকার করব এবং ওই অপরাধ থেকে ফিরে আসব।

وَإِنْ كُنْتَ مَغْلُوبًا وَنَكْسَتْ صَاغِرًا - فَمَا أَنْتَ فِي الْأَوْثَانِ بِالسَّيِّدِ الرَّبِّ

আর তুমি যদি পরাজিত হয়ে থাক এবং লাঞ্ছিত ও অপমানিত হয়ে মুখ খুবড়ে পড়ে গিয়ে থাক তবে তো নিশ্চিতভাবে তুমি প্রতিমাণলোর নেতা ও শ্রেষ্ঠতম নও।

এরপর তারা মূর্তিটিকে ধরে যথা স্থানে পুনঃস্থাপন করে দেয়। যথাযথভাবে স্থাপিত হওয়ার পর সেটির ভেতর থেকে এক অদ্ব্য ঘোষক চিন্কার করে তাদের উদ্দেশে বলতে শুরু করে :

تَرَوْيٰ لِمَوْلُودٍ اِنَّارَتْ بِنُورِهِ - جَمِيعٌ فِي جَاجِ الْاَرْضِ فِي الشَّرْقِ وَالْغَربِ

সে তো ধৰ্ম হয়েছে এক নব জাতকের কারণে। যার জ্যোতিত পূর্বে-পশ্চিমে সমগ্র বিশ্ব আলোকিত হয়ে উঠেছে।

وَخَرَّتْ لَهُ الْأَوْثَانُ دُلْرًا وَأَرْعَدَتْ - قُلُوبُ مُلُوكِ الْاَرْضِ طُرًا مِنَ الرُّعْبِ

তাঁর আবির্ভাবে মুঝ হয়ে সকল প্রতিমা মাথা নত করেছে। আর তাঁর ভয়ে বিশ্বের সকল রাজা-বাদশাহর অন্তর কেঁপে উঠেছে।

وَنَارٌ جَمِيعُ الْفَرْسِ بَاخَتْ وَأَظْلَمَتْ - وَقَدْبَاتْ شَاهُ الْفَرْسِ فِيْ أَعْظَمِ الْكُرَبِ

অগ্নিপূজক সকল পারস্যবাসীর আগুন নিভে গিয়েছে এবং অঙ্ককারাচ্ছন্ন হয়ে পড়েছে। পারস্যের প্রতাপশালী সম্রাট প্রচণ্ড অস্তির মধ্যে রাত্রি যাপন করেছে।

وَصُيُّتْ عَنِ الْكُهَانِ بِالْغَيْبِ جِنْهَا - فَلَا مُخْبِرٌ عَنْهُمْ بِحَقٍّ وَلَا كِذَابٌ

গণকদের জিনগুলো তাদের নিকট অদৃশ্যের সংবাদ আনয়নে বাধাগ্রস্ত হয়েছে। সুতরাং তাদের নিকট সত্য-মিথ্যা কোন প্রকার সংবাদ আনয়নের কেউ থাকল না।

فَيَا لِقُصَيِّ إِرْجِعُوا عَنْ ضَلَالِكُمْ - وَهَبُوا إِلَى الْاسْلَامِ وَالْمَنْزِلِ الرَّحِبِ

সুতরাং হে কুসাই বংশভুক্ত লোকজন ! তোমরা তোমাদের গোমরাহী থেকে ফিরে আস। আর ইসলাম ও বিশাল প্রাঙ্গণের দিকে দ্রুত এগিয়ে যাও।

এ শব্দ শুনে তারা নির্জনে গিয়ে পরামর্শ করে পরম্পরে বলাবলি করল। আসুন আমরা সবাই একমত হই যে, এ বিষয়টি আমরা সম্পূর্ণরূপে গোপন রেখে দেই। কাউকেই জানতে দেব না। সবাই একথায় রাজী হলো। তবে ওয়ারাকা ইব্ন নওফল বললেন, আল্লাহর কসম ! তোমরা তো জান যে, তোমাদের সম্প্রদায় প্রকৃতপক্ষে কোন ধর্মের উপর প্রতিষ্ঠিত নয়। তারা সঠিক ও যুক্তিসম্মত পথ থেকে বিচ্যুত হয়েছে। এবং ইব্রাহীম (আ)-এর দীন ছেড়ে দিয়েছে। তোমরা পাথরের তৈরি যে মূর্তির তাওয়াফ করছ সেটি তো কিছুই শুনতে পায় না। কিছুই দেখতে পায় না। কোন কল্যাণও করতে পারে না, অকল্যাণও নয়। হে আমার সম্প্রদায় !

তোমরা নিজেদের জন্যে সঠিক ধর্ম খুঁজে নাও । একথা শুনে তারা চারদিকে ছড়িয়ে পড়ে এবং ইব্রাহীম (আ)-এর হানীফ ও সত্য ধর্ম খুঁজতে থাকে । বস্তুত ওয়ারাকা ইব্ন নওফল খৃষ্ট ধর্মে দীক্ষিত হন এবং কিতাবাদি অধ্যয়ন করে প্রচুর জ্ঞান অর্জন করেন ।

উচ্মান ইব্ন ভুওয়াইরিছ রোমান সম্বাটের দরবারে উপস্থিত হয়ে খৃষ্ট ধর্ম গ্রহণ করেন এবং সম্বাটের দরবারে মর্যাদা লাভ করেন । যায়দ ইব্ন আমর ইব্ন নুফায়ল বের হতে চেয়েছিলেন, কিন্তু তিনি বন্দী হয়ে পড়েন । পরবর্তীতে তিনি বের হয়ে জাকিরা অঞ্চলের রিক্কা নামক স্থানে গিয়ে উপস্থিত হন । সেখানে একজন অভিজ্ঞ ধর্ম্যাজকের সাথে তাঁর সাক্ষাত হয় । নিজের অভিপ্রায়ের কথা যাজকের নিকট প্রকাশ করেন । যাজক বললেন, আপনি তো এমন এক দীন ধর্মের সন্ধান করেছেন, আপনাকে কেউই দেখতে পারবে না । তবে শুনুন—এমন এক সময় ঘনিয়ে এসেছে যে সময়ে আপনার নিজ শহর থেকে একজন নবী আত্মপ্রকাশ করবেন । তিনি দীন-ই হানীফ তথা সঠিক দীন সহকারে প্রেরিত হবেন । একথা শুনে তিনি মুক্তার উদ্দেশে ফিরতি যাত্রা করেন । পথিমধ্যে লাখম গোর্তীয় ডাকাতেরা তার উপর হামলা চালায় এবং তাকে হত্যা করে ।

আন্দুল্লাহ ইব্ন জাহশ মুক্তাতেই থেকে যান । এক সময় রাসূলুল্লাহ (সা)-এর আবির্ভাব ঘটে । হাবশায় হিজরতকারী দলের সাথে আন্দুল্লাহ ইব্ন জাহশ ও হাবশা গমন করেন । সেখানে গিয়ে তিনি ইসলাম ধর্ম ত্যাগ করে খৃষ্ট ধর্ম গ্রহণ করেন । শেষ পর্যন্ত খৃষ্ট ধর্মের উপর তার মৃত্যু হয় । যায়দ ইব্ন আমর ইব্ন নুফায়লের জীবনী প্রসঙ্গে এ বর্ণনার সমর্থক একটি বর্ণনা ইতিপূর্বে বর্ণিত হয়েছে ।

খারাইতী বলেন, আহমদ ইব্ন ইসহাক..... আব্বাস ইব্ন মিরদাস সূত্রে বর্ণনা করেন, একদিন দুপুর বেলা তিনি তাঁর দুঃখবর্তী উন্নীগুলোর পরিচর্যা করছিলেন । হঠাৎ তিনি একটি সাদা উটপাখি দেখতে পান । পাখিটির পিঠে ছিল একজন দুঃখবল পোশাক পরিহিত আরোহী । সে বলল, হে আব্বাস ইব্ন মিরদাস! তুমি কি দেখনি যে, আকাশ তার প্রহরীদের দ্বারা নিজেকে রক্ষা করতে সক্ষম হয়েছে, যুদ্ধ কয়েকবার তার পানীয় পান করেছে এবং অশ্বদলের পিঠের আসন খুলে রাখা হয়েছে? মনে রেখ যিনি সততা ও খোদাইতি সহকারে সোমবারের দিনে মঙ্গলবারের রাতে আগমন করলেন তিনি কুসওয়া উন্নীর মালিক । একথা শুনে শংকিত সন্তুষ্ট হয়ে আমি ফিরে আসি । যা আমি দেখলাম এবং যা আমি শুনলাম তাতে আমি ভয় পেয়ে গেলাম । অতঃপর আমি আমাদের নিজস্ব একটি প্রতিমার নিকট উপস্থিত হই । প্রতিমাটির নাম যামাদ । আমরা সেটির উপাসনা করতাম এবং সেটির মধ্যে অবস্থানকারী জিনের সাথে কথা বলতাম । আমি তার চারপাশ ঘেড়ে-মুছে পরিষ্কার করলাম, তারপর সেটির দেহে হাত বুলিয়ে দিয়ে সেটিকে চুমু খেলাম তখন শুনতে পেলাম যে, তার মধ্যে অবস্থানকারী জিনটি বলছে :

قُلْ لِلْقَبَائِلِ مِنْ سَلِيمٍ كُلُّهَا - هَلَكَ الضَّمَادُ وَفَازَ أَهْلُ الْمَسْجِدِ

সমগ্র সুলায়ম গোত্রে বলে দাও যে, যামাদ প্রতিমা ধ্বংস হয়েছে এবং মসজিদওয়ালা লোকেরা সফলকাম হয়েছে ।

**هَلَّكَ الْخَمَادُ وَكَانَ يُعْبُدُ مَرَّةً - قَبْلَ الصَّلَاةِ مَعَ النَّبِيِّ مُحَمَّدٍ**

যামাদ প্রতিমা ধ্বংস হয়েছে ! নবী মুহাম্মদ (সা)-এর সাথে নামায আদায়ের নিয়ম চালু হওয়ার পূর্বে এক সময় তার পূজা করা হতো বটে ।

**إِنَّ الَّذِي وَرِثَ النُّبُوَّةَ وَالْهُدَىٰ - بَعْدَ أَبْنِ مَرْيَمَ مِنْ قُرَيْشٍ مُهْتَدٍ**

মরিয়ম তনয় ঈসা (আ) এরপর কুরায়শ বংশীয় যিনি নবুয়াত ও হেদায়তের ক্ষেত্রে তাঁর স্থলাভিষিক্ত হয়েছেন নিশ্চয় তিনি প্রকৃত সত্য পথের দিশা পেয়েছেন ।

মূর্তির নিকট থেকে এ বক্তব্য শুনে আতঙ্কগ্রস্ত হয়ে আমি আমার সম্প্রদায়ের নিকট আসি এবং তাদেরকে সকল ঘটনা খুলে বলি । এরপর আমার গোত্র বানু হারিছা গোত্রের প্রায় তিনশ' লোক সহকারে আমি রাসূলুল্লাহ (সা)-এর দরবারে উপস্থিত হওয়ার উদ্দেশ্যে যাত্রা করি । তিনি তখন মদীনায় অবস্থান করছিলেন । আমরা মদীনার মসজিদে প্রবেশ করলাম । আমাকে দেখে তিনি বললেন, হে আবাস ! তুমি কোনু প্রেক্ষাপটে ইসলাম প্রহণের জন্যে এসেছ তা বল দেখি । আমি ইতিপূর্বে সংঘটিত ঘটনা তাঁর নিকট বর্ণনা করলাম । বিস্তারিত শুনে তিনি খুশি হলেন । তখন আমি নিজে এবং আমার সম্প্রদায় সকলে ইসলাম প্রহণ করি । হাফিজ আবু নু'আয়ম 'আদদালাইল' গ্রন্থে আবু বকর ইব্ন আবী আসিম সূত্রে আমর ইব্নে উছমান থেকে এ বর্ণনাটি উদ্ধৃত করেছেন । এরপর তিনি আসমাই আবাস ইব্ন মিরদাস ইব্ন সুলামী থেকে বর্ণনা করেছেন, আবাস বলেছেন আমার ইসলাম প্রহণের প্রাথমিক প্রেক্ষাপট এই ছিল যে, আমার পিতা মিরদাস যখন মৃত্যুগ্রহণ যাত্রী । তখন তিনি আমাকে ওসীয়ত করেন আমি যেন তাঁর প্রিয় প্রতিমা 'যামাদ'-এর সেবায়তু করি । তাঁর ওসীয়ত অনুযায়ী আমি মূর্তিটিকে একটি ঘরে স্থাপন করি । দৈনিক একবার করে আমি তার নিকট যেতাম । রাসূলুল্লাহ (সা)-এর আবির্ভাবের পর একদা মধ্য রাতে আমি একটি শব্দ শুনতে পাই । শব্দটি আমাকে আতঙ্কিত করে তোলে । কালবিলস্ব না করে সাহায্যের আশায় আমি যামাদ প্রতিমার নিকট উপস্থিত হই । তখন সেটির ভেতর থেকে শোনা যাচ্ছিল : সে পূর্বেল্লিখিত পংক্তিগুলো ঈষৎ শান্তিক পরিবর্তনসহ আবৃত্তি করছিল ।

এঘটনা আমি লোকজনের নিকট থেকে গোপন রাখি । লোকজন উৎসব থেকে ফিরে আসার পর একদিন আমি যাতু ইরক অঞ্চলের আকীক নামক স্থানে আমার উট বহরের মধ্যে পড়েছিলাম । তখন হঠাৎ আমি একটি শব্দ শুনি । তাকিয়ে দেখি একটি উটপাখির ডানাতে অবস্থানরত এক লোক বলছে, সেই জ্যোতির কথা বলছি যেটি সোমবার দিবাগত রাতে বানু আন্কা গোত্রের দেশে আল-আব্দা উদ্দীর মালিকের উপর নায়িল হয়েছে । এরপর তাঁর উত্তর দিক থেকে ঘোষণা দানকারী এক ঘোষক প্রত্যুত্তরে বলল :

**بَشَّرَ الْجِنَّ وَأَبْلَسَهَا - إِنَّ وَضَعَتْ الْمَطِّيُّ أَحْلَاسَهَا  
وَكَلَّاتِ السَّمَاءِ أَخْرَاسَهَا**

হতাশাগ্রস্ত জিন জাতিকে জানিয়ে দাও যে, বাহন উট তার পৃষ্ঠে আসন স্থাপন করেছে ।

এবং আকাশ তার প্রহরীদেরকে সুসংজ্ঞিত করেছে ।

এ সব দেখে ভীতসন্ত্বষ্ট হয়ে আমি লাফিয়ে উঠি। আমি উপলক্ষি করি, নিশ্চয়ই মুহাম্মদ (সা) প্রেরিত হয়েছেন। আমি তখন আমার অশ্বে আরোহণ করি এবং দ্রুত রাসূলুল্লাহ (সা)-এর নিকট উপস্থিত হই। আমি তাঁর হাতে বাই'আত করি। এরপর আমি 'যামাদ' মুর্তির নিকট ফিরে গিয়ে সেটিকে আগুনে পুড়িয়া ফেলি। তারপর পুনরায় রাসূলুল্লাহ (সা)-এর নিকট ফিরে আসি। তখন আমি নিম্নের কবিতাটি আবৃত্তি করি :

**لَعْمَرُكَ إِنِّي يَوْمَ أَجْعَلُ جَاهِلًا - ضَمَادًا لِرَبِّ الْعَلَمِينَ مُشَارِكًا**

আপনার জীবনের কসম, যে সময়ে আমি 'যামাদ' মুর্তিকে আল্লাহ রাবুল আলামীনের সমকক্ষ নির্ধারণ করতাম সে সময়ে আমি নিশ্চয় মূর্খ ও অজ্ঞ ছিলাম।

**وَتَرْكِيْ رَسُولَ اللَّهِ وَلَلَّادُوسَ حَوْلَهُ - أُولَئِكَ أَنْصَارُ لَهُ مَا أُولَئِكَ**

রাসূলুল্লাহ (সা)-কে আমি যে বর্জন করেছিলাম এবং তাঁর চারদিকে থাকা আওস সম্প্রদায়কে ওরা তো রাসূলুল্লাহ (সা)-এর সাহায্যকারী আনসারগণ।

**كَتَارِكٌ سَهْلٌ الْأَرْضٌ وَالْحَرَنْ يَبْتَغِي - لِيَسْتِلْكَ فِيْ وَعْثَ الْأُمُورِ مَسَالِكًا**

আমার ওই বর্জন হলো সে ব্যক্তির ন্যায় যে আপদকাণ্ডীন সময়ে সমতল ও ন্যূনতমি বর্জন করে কঠিন ও বন্ধুর পথের খোজ করে।

**فَأَمْنَتْ بِاللَّهِ الَّذِي أَنَا عَبْدُهُ - وَخَالَفْتُ مَنْ أَمْسَى يُرِيدُ الْمَهَالِكَ**

আমি ওই আল্লাহর প্রতি ঈমান এনেছি আমি যাঁর বান্দা এবং আমি বিরোধিতা করেছি সেই ব্যক্তির, যে ধর্মের পথ কামনায় দিন ও রাত করে।

**وَوَجَهْتُ وَجْهِيَ تَحْوِيْ مَكَّةَ قَاصِدًا - أَبَابِيْغُ نَبِيَّ الْأَكْرَمِينَ الْمُبَارَكَةَ**

আমি আমার মুখ ফিরিয়ে মক্কা অভিমুখী হয়েছি- শ্রেষ্ঠতম ও বরকতময় নবীর হাতে বাইয়াত করার উদ্দেশ্যে।

**نَبِيُّ أَتَانَا بَعْدَ عِيْسَى بِنَاطِقٍ - مِنَ الْحَقِّ فِيْهِ الْفَصْلُ كَذَلِكَ**

ঈসা (আ)-এর পর এই নবী আমাদের নিকট আগমন করেছেন। এমন এক আসমানী গ্রন্থ নিয়ে যেটি সত্য বর্ণনা করে এবং যার মধ্যে রয়েছে সুস্পষ্ট ফয়সালা।

**أَمِينٌ عَلَى الْقُرْآنِ أَوَّلُ شَافِعٍ - وَأَوَّلُ مَبْعُوتٍ يُجِيبُ الْمَلَائِكَ**

এই নবী কুরআন মজীদের আমানতদার। তিনি সর্বপ্রথম সুপারিশকারী এবং সর্বপ্রথম তিনি পুনর্জিত হবেন। তিনি ফেরেশতাদের ডাকে সাড়া দেন।

**تَلَّا فِي عُرَى الْإِسْلَامِ بَعْدَ اِنْتِقَاصِهَا - فَأَحْكَمُهَا حَتَّى أَقَامَ الْمَنَاسِكَ**

ইসলামের হাতলগুলো ভেঙে যাওয়ার পর তিনি সেগুলোকে জোড়া লাগিয়েছেন এবং মজবুত ও শক্তিশালী করেছেন। শেষ পর্যন্ত তিনি পরিপূর্ণ ইবাদতের নিয়ম-পদ্ধতি প্রতিষ্ঠা করলেন।

عَنِيتُكَ يَا حَيْرَ الْبَرِيَّةِ كُلُّهَا - تَوَسَّطْتَ فِي الْفَرْعَعِينَ وَالْمَجْدِ مَالِكًا

হে সমগ্র জগতের শ্রেষ্ঠ ব্যক্তি ! আমি ইতিপূর্বে আপনাকে কষ্ট দিয়েছি। উভয় জগতে আপনি সর্বোত্তম এবং মর্যাদার অধিকারী।

وَأَنْتَ الْمُصَفِّي مِنْ قُرَيْشٍ إِذَا سَمِّتْ - عَلَى ضَمْرِهَا تَبْقَى الْقُرُونُ

المباركا

আপনি কুরায়শ বংশের স্বচ্ছ ও পৃতঃপুরিত মানুষ। যুগ্মুগ ধরে তারা বরকতময় থাকবে যদি তারা আপনার পথের পথিক হয়।

إِذَا أَنْتُسِبَ الْحَيَانَ كَعْبُ وَمَالِكُ - وَجَدْنِيلَكَ مَحْضًا وَالنِّسَاءُ الْعَوَارِكَا

যখন কাঁব গোত্র ও মালিক গোত্রের বংশ পরিষ্ঠিয়া বর্ণন করা হয়, তখন আমরা আপনাকে খাঁটি ও নির্ভেজাল অভিজাত বংশসন্তুত পাই আর শুই গোঁগুলোর মহিলাদেরকে পাই পৃতঃপুরিত।

خَارَاهِتِي بَلِئِنْ، أَبَرَدُلَّاَهُ إِبْنُ مُهَاجِدَ بَلَّبِي..... مُهَاجِدَ إِبْنُ إِسْهَاكَ سُوْতِه  
বলেছেন, মুহাম্মদ ইব্ন মাসলামাহ-এর বংশীয় আবদুল্লাহ ইব্ন মাহমুদ নামের একজন আনসার শায়খ আমার নিকট হাদীস বর্ণনা করেছেন। তিনি বলেন যে, আমার নিকট সংবাদ পৌছেছে, খাঁছ 'আমে বংশের কয়েকজন লোক এ কথা বলত যে, নিম্নোক্ত ঘটনা আমাদেরকে ইসলামের প্রতি অনুপ্রাণিত করেছে। আমরা মৃত্তিপূজা করতাম। একদিন আমরা আমাদের এক প্রতিমার নিকট ছিলাম; তখন একদল লোক ওই প্রতিমার নিকট এসেছিল ফরিয়াদ করার জন্যে, তাদের মধ্যেকার কোন এক বিরোধ থেকে মুক্তি পাওয়ার জন্যে। তখন তাদের উদ্দেশে এক অদৃশ্য ঘোষক ঘোষণা দিল :

يَا يِهَا النَّاسُ ذُوُوا الْأَجْسَامِ - مِنْ بَيْنِ أَشْيَاهِ إِلَى غَلَامٍ

হে বিশালকায় লোক সকল ! ছেলে বুড়ো সবাই,

مَا أَنْتُمْ وَطَائِشُ الْأَحْلَامِ - وَمُسِنْدُ الْحُكْمِ إِلَى الْأَصْنَامِ

আর কতকাল তোমরা স্বপ্নে বিভের হয়ে থাকবে? আর সকল বিধি-বিধান প্রতিমাদের বলে মেনে চলবে?

كُلُّكُمْ فِي حَيْرَةِ نِيَامٍ - أَمْ لَا تَرَوْنَ مَا الَّذِي أَمَانَى

তোমাদের সকলেই কি অস্ত্রিতায় ভুগছ এবং নিদ্রাচ্ছন্ন হয়ে আছো ? আমার সম্মুখে কি আছে তার কিছুই কি তোমরা দেখছো না ?

مِنْ سَاطِعِ يَجْلُو دُجَى الظِّلَامِ - قَدْ لَاحَ لِلنَّاظِرِ مِنْ تَهَامِ

আমার সম্মুখে রয়েছে আলোক খণ্ড। সেটি অন্ধকারের কালিমাকে দূরীভূত করে দিচ্ছে। দৃষ্টিসম্পন্ন ব্যক্তির নিকট তিনি দৃশ্যমান। তিনি এসেছেন তিহামা অঞ্চল থেকে।

**ذَلِكَ نَبِيٌّ سَيِّدُ الْأَنَامِ - قَدْ جَاءَ بَعْدَ الْكُفْرِ بِالْإِسْلَامِ**

তিনি নবী, তিনি মানবকুল শ্রেষ্ঠ। কুফরী যুগের পর তিনি ইসলাম নিয়ে এসেছেন।

**أَكْرَمَةُ الرَّحْمَنِ مِنْ أَمَّامٍ - وَمِنْ رَسُولٍ صَادِقٍ لِكَلَامٍ**

আল্লাহ তা'আলা তাঁকে ইমামতি ও নেতৃত্ব দিয়ে এবং সত্যবাদী রাসূলরপে প্রেরণ করে সম্মানিত করেছেন।

**أَعْدَلُ ذِيْ حُكْمٍ مِنَ الْأَحْكَامِ - يَأْمُرُ بِالصَّلَاةِ وَالصَّيَامِ**

তিনি সর্বশ্রেষ্ঠ ন্যায়বিচারক। তিনি নামায-রোয়ার নির্দেশ দিয়ে থাকেন।

**وَلِلْبِرِّ وَالصَّلَاتِ لِلأَرْحَامِ - وَيَزِّجُ النَّاسَ عَنِ الْأَثَامِ**

সদাচরণ করতে এবং আঘাতীয়তা অঙ্গুণ রাখতে তিনি নির্দেশ দেন। পাপাচারিতা ও অন্যায় আচরণ থেকে মানুষকে তিনি সতর্ক করেন।

**وَالرِّجْسِ وَالْأَوْثَانِ وَالْحَرَامِ - مِنْ هَاشِمٍ فِي زَرْوَةِ السَّنَامِ**

তিনি লোকদেরকে নিবৃত্ত করেন অপবিত্রতা থেকে, মৃত্তিপূজা থেকে এবং হারাম কর্ম থেকে। তিনি এসেছেন সর্বাধিক মর্যাদাসম্পন্ন হাশেমী বংশ থেকে।

**مُسْتَعْلِنًا فِي الْبَلَدِ الْحَرَامِ**

সম্মানিত শহর মক্কা শরীফে তিনি তাঁর বাণী প্রচার করছেন। আমরা শুনে সেখান থেকে চলে নবী করীম (সা)-এর নিকট উপস্থিত হয়ে ইসলাম গ্রহণ করি।

খারাইতি বলেন, আবদুল্লাহ বলভী..... সাঈদ ইবন জুবায়র (র) সূত্রে বর্ণনা করেন, তামীম গোত্রের রাফি ইবন উমায়র নামক এক ব্যক্তি পথঘাট যার সবচেয়ে বেশি চেনা-জানা ছিল—গোত্রের মধ্যে তিনিই সর্বাধিক রাত্রি ভ্রমণকারী ছিলেন। বিপদাপদের মোকাবেলায় তিনি ছিলেন সকলের অগ্রণী। পথঘাট সম্পর্কে অবগতি ও রাত্রি ভ্রমণের দুঃসাহসরের কারণে আরবগণ তাঁকে ‘আরবের দামুস’ নামে অভিহিত করত<sup>১</sup>। তিনি তাঁর ইসলাম গ্রহণের ঘটনা বর্ণনা করে বলেন : একবারে আমি এক বালুকাময় অঞ্চল অতিক্রম করছিলাম। এক সময় আমার প্রচণ্ড ঘুম পায়। সওয়ারী থেকে নেমে সেটিকে বসিয়ে দিয়ে তার সম্মুখের দু'পায়ে মাথা রেখে আমি শুয়ে পড়ি এবং গভীর ঘুমে আচ্ছন্ন হয়ে পড়ি। ঘুমানোর পূর্বে আত্মরক্ষার জন্যে আমি নিমোক্ত বাক্য উচ্চারণ করি : “এই উপত্যকার নেতৃত্বে আসীন জিনের নিকট আমি সকল প্রকারের অত্যাচার ও দুঃখকষ্ট থেকে আশ্রয় কামনা করছি।” তখন আমি স্বপ্নে দেখি এক যুবা পুরুষ। সে আমার উদ্ধীর দিকে তৌক্ষ দৃষ্টিতে তাকাচ্ছে। তার হাতে একটি বর্ণ। বর্ণের আঘাতে সে আমার উদ্ধীর বক্ষ চিরে ফেলতে উদ্যত। এ স্বপ্ন দেখে আমি ভীতসন্ত্বষ্ট হয়ে ঘুম থেকে জেগে উঠি।

১. (دِعْمُونْص) দামুস এক প্রকার জলজ প্রাণী।

ডানে-বাঁয়ে তাকিয়ে দেখি কোথাও কেউ নেই। মনে মনে বললাম, এটি শয়তানের কুমন্ত্রণা। পুনরায় আমি ঘুমিয়ে পড়ি। এবারও একই স্বপ্ন দেখে আমি জেগে উঠি এবং উদ্ধীর চারদিকে ঘুরেফিরে খোঁজাখুঁজি করি কিন্তু কিছুই দেখতে পেলাম না। তবে এতটুকু দেখলাম যে, উদ্ধীটি ভয়ে থরথর করে কাঁপছে। আমি আবার ঘুমিয়ে পড়ি। আবারও সেই একই স্বপ্ন দেখি। এবারও আমি জেগে উঠি। তখন আমার উদ্ধীটি দস্তুর মত ছটফট করছে। এমন সময় হঠাৎ আমার দৃষ্টিগোচর হয় এক যুবা পুরুষ। স্বপ্নে যেমনটি দেখেছি ঠিক তেমন। তার হাতে একটি বর্ণ। সেখানে একজন বৃদ্ধ লোক। তিনি যুবকের বর্ণাটিকে আমার উদ্ধী থেকে ফিরিয়ে দিচ্ছেন। বৃদ্ধ লোকটি ওই যুবককে লক্ষ্য করে বলছেন :

يَا مَالِكَ بْنَ مُهَلَّهٍ بْنِ دِشَارٍ - مَهْلَلٌ فِي لَكَ مِشْرَرٍ وَأَزَارٍ

হে মালিক ইবন মুহালিল ইবন দিছার ! থাম, থাম, আমার ফিতা পাজামা সবকিছু তোমার জন্যে উৎসর্গ হোক।

عَنْ نَاقَةِ الْأَنْسِيِّ لَا تَعْرِضُ لَهَا - وَاحْتَرِبْهَا مَا شِئْتَ مِنْ أَوْارِيْ

ওই মানব সন্তানের উদ্ধীর ওপর আক্রমণ করা থেকে তুমি বিরত থাক। সেটির ওপর হামলা করো না, সেটির পরিবর্তে আমার ষাঁড়গুলো থেকে যা তোমার পছন্দ হয় নিয়ে যাও।

وَلَقْدَ بَدَأْتِ مِنْكَ مَا لَمْ أَحْتَسِبْ - لَا رَعِيْتَ قِرَائِيْتِيْ وَذَمَارِيْ

তোমার নিকট থেকে আমি এমন আচরণ পেয়েছি যা আমি কখনও কল্পনা করিনি। তুমি তো আমার আত্মীয়তার মর্যাদা দাওনি এবং আমার যতটুকু সন্তুষ্ম রক্ষা করা তোমার কর্তব্য ছিল তাও করনি।

تَسْمُوْ إِلَيْهِ بِحَرَبَةِ مَسْمُومَةٍ - تَبَا لِفْعَلِكَ يَا أَبَا الْغَفَارِ

আশচর্য ! বিষমিশ্রিত বর্ণ তুমি তার প্রতি উত্তোলন করেছ। ধিক তোমার অপকর্ম ! হে আবুল গিফার।

لَوْلَا الْحَيَاءِ وَإِنَّ أَهْلَكَ حِيرَةً - لَعِلْمَتْ مَا كَسْفَتْ مِنْ أَخْبَارِيْ

চক্ষুলজ্জা যদি না থাকত আর তোমার পরিবারবর্গ যদি আমার প্রতিবেশী না হতো তবে তুমি অবশ্য দেখতে পেতে আমার কী পরিস্থিত ক্ষেত্রের তুমি সঞ্চার করে দিয়েছ।

উত্তরে যুবা পুরুষটি বলল :

أَرَدْتُ أَنْ تَعْلُوَ وَتَخْفِضَ ذِكْرَنَا - فِي غَيْرِ مَزْرَبَةِ أَبَا الْعِزِيزِ أَرِ

হে আবুল স্ট্যার! তুমি কি নিজে সম্মান লাভের চেষ্টা করছ ? আর আমাদের কোন দোষ-ক্ষেত্র ব্যতীত আমাদের সুনাম সুখ্যাতি করিয়ে দেয়ার অপচেষ্টা করছ ?

مَاكَانَ فِيهِمْ سَيِّدٌ فِيمَا مَضِيَ - إِنَّ الْخِيَارِ هُمُّ بَنُو الْخِيَارِ

অতীত যুগে ওদের মধ্যে তো কোন নেতৃস্থানীয় ব্যক্তি জন্মায় নি। ভাল মানুষরা তো ভাল মানুষেরই সন্তান হয়ে থাকে।

فَاقْصِدْ لِقَصْدِكَ يَا مُعْكَبِرُ اِنَّمَا - كَانَ الْمُجِيرُ مُهْلِلٌ بْنُ دِشَارٍ

হে বন্য পশ ! তুমি তোমার পথে যাও। মূলত মুহালহিল ইব্ন দিছারই এতদক্ষলের আশ্রয়দাতা ছিল।

ওরা দু'জন কথা কাটাকাটি করছিল। হঠাৎ তিনটি বন্য ঝাঁড় বেরিয়ে এলো। যুবককে লক্ষ্য করে বৃন্দ বললেন, ভাতিজা ! আমার আশ্রয় প্রার্থী লোকটির উল্টোর পরিবর্তে এই তিনটি ঝাঁড়ের মধ্যে যেটি তোমার পছন্দ হয় সেটি তুমি নিয়ে যাও! একটি ঝাঁড় নিয়ে যুবকটি চলে গেল। অতঃপর বৃন্দ লোকটি আমাকে বলল, হে মানব সন্তান ! কোন মাটি-প্রাঞ্চরে অবতরণ করলে এবং সেখানকার ভয়-ভীতিতে শংকিত হলে এভাবে আশ্রয় কামনা করবে, “হে আল্লাহ! মুহাম্মদ (সা)-এর প্রতিপালক! এই প্রাঞ্চরের ক্ষয়ক্ষতি ও অনিষ্ট থেকে আমি আপনার আশ্রয় প্রার্থনা করছি।” খবরদার ! কোন জিনের আশ্রয় প্রার্থনা করো না। ওদের কাজ-কর্ম ও প্রভাব-প্রতিপন্থি এখন বাতিল ও অকার্যকর হয়ে পড়েছে। আমি তাঁকে বললাম, কে সেই মুহাম্মদ ? বৃন্দ বললেন, তিনি একজন আরবী নবী। এককভাবে পূর্বেরও নন, পশ্চিমের ও নন। সোমবার তিনি দুনিয়াতে এসেছেন। তাঁর বাসস্থান কোথায় ? আমি জিজ্ঞেস করলাম। তিনি বললেন, খেজুর বাগানসমূহ ইয়াসবির নগরীতে তিনি বসবাস করেন। ভোরের আলো প্রস্ফুটিত হওয়ার পর আমি আমার সওয়ারীতে আরোহণ করি এবং দ্রুত অগ্রসর হয়ে মদীনায় গিয়ে পৌঁছি। রাসূলুল্লাহ (সা) আমায় দেখেন। আমি কিছু বলার পূর্বেই তিনি আমাকে উপলক্ষ করে ঘটে যাওয়া সকল ঘটনা বলে দিলেন। তিনি আমাকে ইসলামের দাওয়াত দিলেন। আমি ইসলাম গ্রহণ করলাম। সাঙ্গে ইব্ন জুবায়র (রা) বলেন আমরা এই অভিমত পেশ করি যে,

وَأَنَّهُ كَانَ رِجَالُ مِنَ الْإِنْسِ - يَعْوِذُونَ بِرِجَالٍ مِنَ الْجِنِّ فَزَادُوهُمْ رَهْقًا

কত মানুষ কতক জিনের আশ্রয় কামনা করত ফলে ওরা জিনদের আত্মরিতা বাড়িয়ে দিত আয়াতটি আল্লাহ তা'আলা এই ব্যক্তি সম্পর্কে নাযিল করেছেন।

খারাইতি-হযরত আলী (রা)-এর বরাতে বর্ণনা করেন যে, তিনি বলেছেন, যদি তুমি কোন পার্বত্য উপত্যকায় যাও এবং হিংস্র জীবজন্তুর আশংকা কর তবে এই দোয়া পাঠ করবে : (أَعُوذُ بِدَانِيَالِ وَالْجُبُّ مِنْ شَرِّ الْأَسَدِ) আমি দানিয়াল ও তার শরণ নিছি সিংহের আক্রমণের বিপদ থেকে।

বালাভী ইব্ন আবুবাস (রা) সূত্রে জিনদের সাথে হযরত আলী (রা)-এর লড়াইয়ের ঘটনা বর্ণনা করেছেন। রাসূলুল্লাহ (সা) হযরত আলী (রা)-কে পানি আনয়নের জন্যে পাঠিয়েছিলেন, জিনরা তাঁকে বাধা দেয় এবং তাঁর বালতির রশি কেটে ফেলে। তখন তিনি তাদের বিরুদ্ধে

লড়াই করেন। এ ঘটনাটি ঘটেছিল জুহফা অঞ্চলে যাতুল আলম নামীয় কূপের নিকট। এটি একটি দীর্ঘ বর্ণনা এবং বর্ণনাটি অগ্রহণযোগ্যও বটে।

খারাইতি বলেন, আবুল হারিছ .....শা'বী (র) সূত্রে জনেক বাক্তি থেকে বর্ণনা করেছেন : তিনি বলেন, আমি একদিন উমর ইব্ন খাতাব (রা)-এর মজলিসে উপস্থিত ছিলাম। একদল সাহাবী তখন তাঁর নিকট বসা অবস্থায় ছিলেন। তাঁরা কুরআন মজীদের ফযীলত সম্পর্কে আলোচনা করছিলেন। একজন বললেন, সূরা নাহলের শেষ দিকের আয়াতগুলো অধিক ফযীলতময়। কেউ বললেন, সূরা ইয়াসীন। হযরত আলী (রা) বললেন, আয়াতুল কুরসী-এর ফযীলত সম্পর্কে আপনারা কতটুকু জানেন ? বস্তুত আয়াতুল কুরসীতে ৭০টি শব্দ রয়েছে এবং প্রত্যেক শব্দের বরকত রয়েছে।

বর্ণনাকারী বলেন, ওই মজলিসে আমর ইব্ন মাদীকারাবং ছিলেন। তিনি কোন মন্তব্য করছিলেন না। এবার তিনি বললেন, হায়! ‘বিসমিল্লাহির রাহমানির রাহীম’-এর ফযীলত সম্পর্কে আপনারা কেউ কিছু বলছেন না যে, তাঁকে লক্ষ্য করে হযরত উয়াব (রা) বললেন, এ বিষয়ে আপনি আপনার বক্তব্য পেশ করুন।

আমর ইব্ন মাদীকারাব বলতে শুরু করলেন : জাহেলিয়াতের যুগে সংঘটিত আমার এক ঘটনার কথা বলছি। একদিন আমার প্রচণ্ড ক্ষিধে পায়। খাদ্যের খোঁজে আমি আমার ঘোড়া নিয়ে এক বনের মধ্যে চুকে পড়ি। অনেক খোঁজাখুঁজির পর উটপাখির কয়েকটি ডিম ছাড়া আর কিছু পাওয়া গেল না। তা নিয়েই আমি ফিরছিলাম। হঠাৎ দেখি এক আরবী বৃক্ষ লোক তাঁর তাঁবুতে বসে রয়েছেন। তাঁর পাশে একটি বালিকা। বালিকাটি উদীয়মান সূর্যের ন্যায় ফুটফুটে সুন্দরী। বৃক্ষের অল্প কয়েকটি ছাগল ছিল। আমি তাঁকে বললাম, তোমার মা ধ্বংস হোক, তুমি আমার হাতে বন্দী। সে মাথা তুলে আমার দিকে তাকিয়ে বলল, যুবক ! তুমি যদি আমার আতিথ্য পেতে চাও তবে সওয়ারী থেকে নেমে আমার এখানে আস। আর যদি আমার পক্ষ থেকে কোন সাহায্য চাও, তাহলে আমি তোমাকে সাহায্য করবো। আমি বললাম, না তুমি আমার হাতে বন্দী। এবার সে বলল,

عَرَضْنَا عَلَيْكَ النُّزُلَ مِنَّا تَكُرُّمًا - فَلَمْ تَرْعَوْيَ جَهَلًا كَفِعْلِ الْأَشَائِمِ

আমাদের পক্ষ থেকে সম্মানজনকভাবে আমরা তোমাকে আতিথ্যের প্রস্তাব দিলাম। অবন্দনের ন্যায় অজ্ঞতা হেতু তুমি তা প্রত্যাখ্যান করলে।

وَجِئْتَ بِبِهْتَانٍ وَزُورٍ وَدُونَ مَا - تَمْنِيَتُهُ بِالْبَيْضِ حَزْ الغَلَاصِ

তুমি বরং অপবাদ ও মিথ্যা নিয়ে এসেছ। ওই ডিম দ্বারা তুমি যা কামনা করছ তার পরিণামে তোমার গর্দান কাটা যাবে।

অতঃপর সে ‘বিসমিল্লাহির রাহমানির রাহীম’ বলে আমার উপর ঝাপিয়ে পড়ে। তার বিশাল দেহের তলায় আমি যেন পিট হয়ে যাচ্ছিলাম। সে বলল, “আমি কি তোমাকে মেরে ফেলব ? না কি ছেড়ে দেব ? আমি বললাম, আমাকে ছেড়ে দাও! সে আমাকে ছেড়ে দিল।

আমার প্রবৃত্তি আমাকে পুনরায় তার বিরুদ্ধে যুক্তে প্ররোচিত করে। আমি বললাম, তোমার মা সন্তান হারা হোক! তুমি আমার হাতে বন্দী। সে বলল :

بِسْمِ اللَّهِ وَالرَّحْمَنِ فُزْنَا - هُنَالِكَ وَالرَّحِيمُ بِهِ قَهْرَنَا

দয়াময় আল্লাহর নামে আমি তখন সফল হয়েছি। পরম করুণাময় আল্লাহর নামে আমি তাকে পরাস্ত করেছি।

وَمَا تُفْنِيْ جَلَادَةً نَّىْ حَفَاظٍ - اِذَا يَوْمًا لِمَعْرِكَةٍ بَرَزَنَا

যদি আমরা কোন দিন যুদ্ধের জন্যে বের হই তবে কোন রক্ষাকর্তার শক্তিমত্তা আমাদের হাত থেকে কাউকে রক্ষা করতে পারবে না। অতঃপর সে আমার উপর ঝাঁপিয়ে পড়ে। আমি যেন তার শরীরের নিচে মাটিতে পিষ্ট হয়ে যাচ্ছিলাম। সে বলল, এখন তোমাকে মেরে ফেলব, না ছেড়ে দেব? আমি বললাম, বরং ছেড়ে দাও। সে আমাকে ছেড়ে দেয়। মুক্তি পেয়ে আমি কিছুদূর চলে যাই। এরপর আমি নিজেকে নিজে বলি, হে আমর! ওই বৃক্ষ লোকটি তোমাকে হারিয়ে দিল? তোমার জন্যে এখন বাঁচার চাইতে মরাই ভাল। আমি পুনরায় তার নিকট ফিরে আসি। আমি তাকে বলি : তুমি আমার হাতে বন্দী। তোমার মা সন্তানহারা হোক। সে বিসমিল্লাহির রাহমানির রাহীম বলে পুনরায় আমার ওপর ঝাঁপিয়ে পড়ে। তার দেহের নিচে আমি যেন পিষ্ট হয়ে যাচ্ছিলাম। সে বলল, এবার তোমাকে মেরে ফেলব, না ছেড়ে দেব? আমি বললাম, ছেড়ে দাও। সে বলল, না, না, আর নয়, তোমার মুক্তি সুন্দর পরাহত। এই মেয়ে, ছুরিটা নিয়ে এসো। মেয়েটি ছুরি নিয়ে আসলো। বৃক্ষ লোকটি আমার কপালের উপরের দিকের চুল কেটে দিল। আরবের প্রথা ছিল কারো উপর বিজয় লাভ করলে তার মাথার সম্মুখ ভাগের চুল কেটে দিয়ে তাকে ক্রীতদাস বানিয়ে নিত। এরপর অনেকদিন ক্রীতদাস রূপে আমি তার সেবা করেছি। একদিন সে বলল, হে আমর! আমি চাই তুমি আমার সাথে সওয়ারীতে বসবে এবং প্রান্তরে প্রান্তরে ঘুরে বেড়াবে। তোমার পক্ষ থেকে আমি কোন প্রকার ক্ষতির আশংকা করি না। কারণ আমি বিসমিল্লাহির রাহমানির রাহীম-এর বরকতে পরম বিশ্বাসী।

আমরা যাত্রা করলাম। যেতে যেতে বহুদূরে এক ভয়ংকর জিন-ভূত ভর্তি জঙ্গলে এসে পৌছি। উচ্চস্থরে সে বলে ওঠে : বিসমিল্লাহির রাহমানির রাহীম। ফলে সেখানকার সকল পাখি নিজ নিজ বাসা ছেড়ে উড়ে যায়। সে পুনরায় বিসমিল্লাহির রাহমানির রাহীম বলে ওঠে। এবার সকল হিংস্র জীবজন্ম নিজ নিজ বাসস্থান ছেড়ে পালিয়ে যায়। সে পুনরায় এর পুনরাবৃত্তি করে। এবার আমি দেখতে পেলাম যে, আমাদের সম্মুখে এক হাবশি লোক। ওই জঙ্গল থেকে সে বেরিয়ে আসছে। তাকে একটি দীর্ঘকায় খেজুর গাছের মতো দেখাচ্ছিল। আমার সাথী বৃক্ষ লোকটি আমাকে বলল, হে আমর! তুমি যখন দেখবে যে, আমরা প্রচণ্ড যুদ্ধে লিঙ্গ হয়েছি তখন তুমি বলবে, “বিসমিল্লাহির রাহমানির রাহীম”-এর বরকতে আমার সাথী ওর বিরুদ্ধে জয়ী হোক। আমি যখন দেখলাম, তারা দুজনেই যুদ্ধে লিঙ্গ হয়ে পড়েছে তখন আমি বললাম, “লাত ও উয্যা মূর্তির আশীর্বাদে আমার সাথী তার প্রতিপক্ষের বিরুদ্ধে জয়ী হোক। দেখা গেল আমার বৃক্ষ সাথী তার প্রতিপক্ষকে মোটেই জন্ম করতে পারছে না। আমার নিকট ফিরে এসে সে বলল,

আমি বুঝেছি তুমি আমার নির্দেশের বিপরীত কথা বলেছ। আমি দোষ স্থীকার করে বলি-হ্যাঁ, তা করেছি বটে, আর ওরপ করব না। সে বলল, ঠিক আছে, এবার যখন আমাদেরকে দণ্ডে লিঙ্গ দেখবে তখন তুমি বলবে, “বিসমিল্লাহির রাহমানির রাহীম”-এর বরকতে আমার সাথী জয়ী হোক। আমি সম্মতিসূচক উভয়ে বলি, হ্যাঁ, তা-ই হবে।

আমি যখন দেখলাম, তারা দুজনে প্রচণ্ড সংঘর্ষে লিঙ্গ হয়েছে, তখন বললাম, বিসমিল্লাহির রাহমানির রাহীমের বরকতে আমার সাথী জয়ী হোক। এবার আমার বৃদ্ধ সাথী তার প্রতিপক্ষকে চেপে ধরল এবং ছুরিকাঘাতে তার পেট চিরে ফেলল। তখন তার দেহ থেকে চিমনীর কালো কালির ন্যায় একটি বস্তু বের হলো। আমার সাথী বলল, হে আমর! এটি হলো তার হিংসা ও বিদ্রোহ।

ওই বালিকাটিকে তুমি চেন কি? আমি উভয়ের দিলাম না, চিনি না। সে বলল, বালিকাটি হলো সন্তুষ্ট জিন সালীল জুরহুনীর কন্যা ফারিআ। ওরা হলো তার বৎশের লোক। তার জ্ঞাতি ভাই। প্রতিবছর তারা আমার বিরুদ্ধে যুদ্ধে লিঙ্গ হয়। বিসমিল্লাহির রাহমানির রাহীম-এর বরকতে একজন লোক সব সময় আমাকে ওদের বিরুদ্ধে সাহায্য করে। এরপর সে বলল, এ কালো লোকটির প্রতি আমি কী আচরণ করেছি দেখেছ তো? এখন আমার ভীষণ ক্ষুধা পেয়েছে। তুমি আমাকে কিছু একটা এনে দাও, আমি খেয়ে নিই। খাদ্য সংগ্রহের জন্যে ঘোড়া ছুটিয়ে আমি বনের ভেতর ঢুকে পড়ি। খুঁজে পাই উট পাখির কয়েকটি ডিম। আমি তা নিয়ে আসি। তখন বৃদ্ধ নিদ্রামগু। তার মাথার নিচে আমি কাঠের ন্যায় কি একটা লক্ষ্য করলাম, আমি চুপিসারে সেটি টেনে নিলাম। দেখলাম সেটি একটি তরবারি। দৈর্ঘ্যে সাত বিঘত, আর প্রাণে এক বিঘত। তরবারি দ্বারা আমি তার পায়ের নলায় আঘাত করি। তার নলাসহ পা দু'টো আলাদা হয়ে যায়। পিঠে ভর দিয়ে সে সোজা হয়ে ওঠে এবং বলে ওঠে আল্লাহ্ তোকে ধ্রংস করুন।

হে বিশ্বাসঘাতক! কেমনতর বিশ্বাস ঘাতকতা করলি তুই!

হযরত উমর (রা) বললেন, তারপর তুমি কী করলে? আমি বললাম, অতঃপর আমি তাকে একের পর এক আঘাত করতে থাকি এবং তাকে খণ্ড বিখণ্ড করে ফেলি। তখন রাগে গরগর করতে করতে সে এ কবিতাটি আবৃত্তি করে :

**بِالْفَدْرِ نَلْتَ أَخَا الْإِسْلَامِ عَنْ كَتَبٍ - مَا إِنْ مَعْتُ كَذَا فِي مَسَالِفِ الْعَرَبِ**

বিশ্বাসঘাতকতা করে তুমি একজন মুসলমানকে কাবু করলে! পূর্ববর্তী যুগের আরবদের কেউ এমনটি করেছে বলে আমি কথনো শুনিনি।

**وَالْعَجْمُ تَائِفٌ مِمَّا جِئْتَهُ كَرَمًا - تَبَأْ لِمَا جِئْتَ فِي السَّيِّدِ الْأَرِبِ**

সদাচরণের বিনিময়ে তুমি যা করলে অনাবর লোকেরা তার নিদা করে। একজন জ্ঞানবান নেতার ব্যাপারে তুমি যা করেছ তার জন্যে তুমি ধ্রংস হও।

**إِنِّي لَاعْجِبُ اِنِّي نَائِفٌ قِتْلَةً - اِمْ كَيْفَ جَازَكَ عِنْ الدَّنْبِ لَمْ تَبِ**

তোমাকে হত্যা করতে পারলে আমি খুশি হতাম। অন্যথায় যে পাপের তুমি প্রতিবিধান করোনি তার প্রতিফল কী হবে?

**قِرْمٌ عَفَا عَنْكَ مَرْأَتٍ وَقَدْ عَلِقْتُ - بِالْجِسْمِ مِنْكَ يَدَاهُ مَوْضِعُ الْعَطَبِ**

তিনি একজন নেতৃস্থানীয় সন্ত্রাস ব্যক্তি। তিনি বারবার তোমাকে ক্ষমা করেছেন। অথচ তোমার কারণে তাঁর হাত বুলছে দেহের সাথে। তিনি এখন মৃত্যুপথযাত্রী।

**لَوْ كُنْتُ أَخْذُ فِي الْإِسْلَامِ مَا فَعَلُوا - فِي الْجَاهِلِيَّةِ أَهْلُ الشَّرِكِ وَالصُّلُبِ**

জাহেলী যুগে শিরকপন্থী ও খৃষ্টবাদীরা যা করত ইসলাম প্রহণের পর আমি যদি তা করতাম,

**إِذَا لَنَا لَتْكَ مِنْ عِرْنِيْ مُشْطَبَةٌ - تَدْعُونِ لِذَائِعَهَا بِالْوَدْلِ وَالْحَرْبِ**

তাহলে আমার পক্ষ থেকে শাস্তিস্বরূপ তুমি এমন একটি তরবারিয় আক্রমণ পেতে যা আক্রান্ত ব্যক্তির জন্যে দুঃখ ও ধূংসই দেকে আনে।

হ্যারত উমর (রা) জিঙ্গেস করলেন, বালিকাটির কি হলো ? আমি বললাম, এরপর আমি বালিকাটির নিকট যাই।

আমাকে দেখে সে বলল, বৃদ্ধটির কী হলো ? আমি বললাম,

হাবশি লোকটি তাকে খুন করেছে। সে বলল, এটি তোমার মিথ্যাচার ; বরং তুমিই বিশ্বাসঘাতকতা করে তাকে খুন করেছ। এরপর সে এ কবিতাটি আবৃত্তি করল :

**يَا عَيْنُ جُودِيْ لِلْفَارِسِ الْمِغْوَارِ - هُمْ جُودِيْ بِوَاكِفَاتِ غِزَارِ**

হে নয়ন আমার ! অশ্রু বর্ষণ কর ওই সাহসী অশ্বারোহী যোদ্ধার শোকে। অবোর অশ্রু প্রবাহে তুমি পুনরায় ক্রন্দন কর।

**لَا تَمْلِي الْبُكَاءَ إِذَا خَانَكِ الدَّهْرُ - بِوَافِ حَقِيقَةِ صَبَارٍ**

যুগ যখন একজন পরিপূর্ণ ও প্রকৃত ধৈর্যশীল মানুষ সম্পর্কে তোমার সাথে বিশ্বাসঘাতকতা করেছে তখন আর কান্না বন্ধ করো না।

**وَتَقِيِّ وَذِيْ وَقَارِ وَحْلُمِ - وَعَدِيلِ الْفَخَارِ يَوْمَ الْفَخَارِ**

এমন একজন মানুষ সম্পর্কে যিনি ছিলেন পরহেজগার, সংযমী, ব্যক্তিত্বসম্পন্ন, বুদ্ধিমান, ন্যায়পরায়ণ এবং গৌরব প্রকাশের প্রতিযোগিতায় প্রকৃত গৌরব প্রদর্শনের যোগ্য ব্যক্তি।

**لَهْفَ نَفْسِيْ عَلَى بَقَائِكَ عَمْرُو - أَسْلَمْتَكَ الْأَعْمَارَ لِلْأَقْدَارِ**

হায় আমার আঙ্গেপ হে আমর! তোমার বেঁচে থাকার জন্যে আয় তোমাকে নিরাপদ রেখেছে তোমার ভাগ্যের লিখন ভোগ করার জন্যে।

وَلَعْمَرِيْ لَوْ لَمْ تَرُمْهُ بَغْدَرِ - رُمْتَ لَيْثًا كَصَارِمِ بَتَّارِ

আমার জীবনের কসম, যদি বিশ্বাসঘাতকতা ব্যতীত স্বাভাবিকভাবে তাঁর বিরুদ্ধে যুদ্ধে লিপ্ত হতে তবে তুমি সম্মুখীন হতে এক দুঃসাহসী সিংহের যে ধারাল তরবারির মত কেটে টুকরো টুকরো করে দেয়।

আমর বলেন, তার কথায় আমি রেগে যাই। আমি আমার তরবারি কোষমুক্ত করি এবং তাকে খুন করার জন্যে তাঁবুতে চুকে পড়ি। কিন্তু তাঁবুতে কাউকেই খুঁজে পেলাম না। অতঃপর সেখানকার পশুগুলো নিয়ে আমি আমার বাড়ি ফিরে আসি।

এটি একটি বিশ্বাস কর বর্ণনা বটে। স্পষ্টত বোধ যায় যে, ওই বৃন্দ লোকটি একজন জিন ছিলেন এবং তিনি ইসলাম গ্রহণ করেছিলেন, তিনি কুরআন শিক্ষা করেছিলেন। ‘বিসমিল্লাহির রাহিমানির রাহীম’ তাঁর জানা ছিল। এই কলেমার দ্বারা তিনি বিপদ থেকে আশ্রয় কামনা করতেন। খারাইতি বলেন, আবদুল্লাহ ইবন মুহাম্মদ বলভী আসমা বিনতে আবু বকর (রা) সূত্রে বর্ণনা করেন যে, তিনি বলেছেন, যায়দ ইবন আমর ইবন নুফায়ল এবং ওয়ারাকা ইবন নাওফল সম্পর্কে কথিত আছে যে, তাঁরা দুজনে বাদশাহ নাজাশী-এর দরবারে গিয়েছিলেন। এটি হলো আবরাহা বাদশাহের মক্কা ত্যাগের পরের ঘটনা। তাঁরা বলেন, আমরা তাঁর নিকট উপস্থিত হওয়ার পর তিনি বলেন, হে কুরায়শদ্বয় ! আপনারা সত্যি করে বলুন তো আপনাদের মধ্যে এমন কোন শিশুর জন্য হয়েছি কি না যার পিতা তাকে জবাই করতে চেয়েছিলেন ? জবাই করার জন্যে নিশ্চয়তা লাভের উদ্দেশ্যে লটারি দেওয়া হলে ওই শিশুটি বেঁচে যায় এবং তার পরিবর্তে প্রচুর উট কুরবানী দেওয়া হয়। আমরা বললাম, হ্যাঁ। তিনি বলেন, শেষ পর্যন্ত ওই লোকটির কি হলো? আমরা বললাম, সে আমিনা বিন্ত ওহাব নামের এক মহিলাকে বিয়ে করেছে এবং তাকে অন্তঃসন্ত্ব রেখে সফরে বেরিয়েছে। তিনি বলেন, ওর কোন ছেলেমেয়ে জন্মেছে কিনা ?

ওয়ারাকা ইবন নাওফাল বলেন, জাঁহাপনা ! সে সম্পর্কে আমি আপনাকে বলছি শুনুন। একরাতে আমি আমাদের এক মূর্তির পাশে রাত কাটাই। আমরা ওই মূর্তির তাওয়াফ ও উপাসনা করতাম। হঠাৎ আমি তার উদর থেকে শুনতে পাই, সে বলছে :

وَلِدَ النَّبِيُّ فَزَلتُ الْأَمْلَاكُ - وَنَائِيَ الصَّلَالُ وَأَدْبَرَ الْأَشْرَاكَ

নবী জন্মগ্রহণ করেছেন, রাজা-বাদশাহগণ লাঞ্ছিত হয়েছে। গোমরাহী বিদূরিত হয়েছে এবং শিরক পৃষ্ঠ প্রদর্শন করে পালিয়েছে। এতটুকু বলে মূর্তিটি মুখ থুবড়ে পড়ে যায়।

এবার যায়দ ইবন আমর ইবন নুফায়ল বলেন, জাঁহাপনা ! এ বিষয়ে আমারও কিছুটা জানা আছে। নাজাশী বলেন, বলুন! যায়দ ইবন আমর বলতে লাগলেন : উনি যে রাতের ঘটনা বলেছেন ওই রাতেই আমি আমার বাড়ি থেকে বের হয়েছিলাম। আমার পরিবারের লোকেরা তখন আমিনার গর্ভের সন্তান সম্পর্কে আলোচনা করছিল। আমি আবু কুবায়স পাহাড়ে এসে উঠি। উদ্দেশ্য ছিল যে বিষয়টি নিয়ে আমি সন্দিহান ছিলাম সে বিষয়ে নির্জনে চিন্তা-ভাবনা

করব। হঠাৎ আমি দেখতে পেলাম, একজন লোক আকাশ থেকে কুবায়স পাহাড়ের ওপর অবতরণ করল, তার দুটো সবুজ পাখ। সে মক্কা নগরীর দিকে তাকিয়ে বলল, শয়তান লাঞ্ছিত হয়েছে, মূর্তি-প্রতিমা বাতিল ও অকার্যকর হয়েছে এবং বিশ্বাসভাজন আল-আমীন জন্মগ্রহণ করেছেন। এরপর তার সাথে থাকা একটি কাপড় সে পূর্ব দিগন্তে ও পশ্চিম দিগন্তে ছড়িয়ে দিল। আমি দেখলাম ওই কাপড়ে আকাশের নিচের সব কিছু দেকে গিয়েছে এবং এমন একটি জ্যোতি বিচ্ছুরিত হয়েছে যে, আমার দৃষ্টি শক্তি যেন ছিনিয়ে নেবে। এ দৃশ্য দেখে আমি ভয় পেয়ে যাই। এই আগস্তুক ডানা মেলে উড়ে গিয়ে কা'বা গৃহের উপর নামে আর তার দেহ থেকে এমন আলো ছড়িয়ে পড়ে যে, সমগ্র তেহামা অঞ্চল আলোকিত হয়ে যায়। সে বলল, এবার ভূমি পবিত্র হলো এবং তার বসন্তকাল শুরু হলো। কা'বা গৃহে অবস্থিত মূর্তিগুলোর প্রতি সে ইঙ্গিত করল আর সাথে সাথে সবগুলো মূর্তি মুখ থুবড়ে পড়ে গেল।

নাজাশী বললেন, হায় ! আপনারা এবার এ বিষয়ে আমি যে পরিস্থিতির সম্মুখীন হয়েছি তা শুনুন। আপনারা যে রাতের কথা বলেছেন সে রাতে আমি আমার নির্জন প্রকোষ্ঠে ঘুমিয়েছিলাম। হঠাৎ দেখি মাটি ফাঁক করে একটি ঘাঢ় ও মাথা বেরিয়ে এলো। সে বলছিল, হস্তী বাহিনীর ওপর ধ্বংস কার্যকর হয়েছে। ঝাঁকে ঝাঁকে আবাবীল ওদের প্রতি পাথরের কংকর নিক্ষেপ করেছে। হারাম শরীফের ইজ্জত বিনষ্টকারী ও দণ্ড প্রদর্শনকারী আশরাম<sup>১</sup> নিহত হয়েছে। মক্কা ও হারাম শরীফের অধিবাসী উম্মী নবী জন্মগ্রহণ করেছেন। তাঁর আহ্বানে যে সাড়া দেবে সে ভাগ্যবান হবে, আর যে প্রত্যাখ্যান করবে সে ধ্বংস হবে। এতটুকু বলে ওই মাথাটি জমীনের নিচে অদৃশ্য হয়ে যায়। এদৃশ্য দেখে আমি ভয়ে চিংকার করছিলাম কিন্তু আমি কোন কথা উচ্চারণ করতে পারছিলাম না। আমি দাঁড়াতে চেয়েছিলাম কিন্তু দাঁড়াতে পারিনি। এবার আমি স্বস্তে আমার নির্জন প্রকোষ্ঠের পর্দাগুলো ছিঁড়ে ফেলি। আমার পরিবারের লোকেরা তা শুনতে পায় এবং আমার নিকট আসে। আমার দৃষ্টিসীমা থেকে হাবশী লোকদেরকে সরিয়ে দেয়ার জন্যে আমি নির্দেশ দেই। তারা ওদেরকে সরিয়ে দেয়; এরপর আমার মুখ ও পা জড়তা মুক্ত হয়।

পারস্য সম্রাট কিসরার রাজপ্রাসাদের ১৪টি চূড়া নিচে পড়ে যাওয়া, তাদের পূজার অগ্নিকুণ্ড নিতে যাওয়া তাদের দু'জন বিজ্ঞ ব্যক্তির স্বপ্ন এবং সাতীহ-এর বক্তব্য ‘আবদুল মসীহ-এর হাতে’ এর ব্যাখ্যা ইত্যাদি বিষয় রাসূলুল্লাহ (সা)-এর জন্মগ্রহণ বিষয়ক অধ্যায়ে উল্লেখ করা হবে ইনশাআল্লাহ।

ইবন আসাকির তাঁর ইতিহাস প্রলেখে হারিছ ইবন হানী-এর জন্ম বৃত্তান্তে যমল ইবন আমর আল-আদবীর বরাতে উল্লেখ করেছেন যে, তিনি বলেছেন, বানু আয়রা গোত্রের একটি প্রতিমা ছিল। সেটির নাম ছিল সাম্মাম। তারা এর ভক্ত ছিল। সেটি অবস্থিত ছিল বানু হিন্দ ইবন হারাম ইবন দুবা ইবন আবদ ইবন কাছীর ইবন আয়রা গোত্রের এলাকায়। তারিক নামের এক লোক তার সেবায় ছিল। তারা ওই প্রতিমার নিকট পশ্চ বলি দিত। রাসূলুল্লাহ (সা) যখন

১. আবরাহার পূর্ণ নাম আবরাহাতুল আশরাম বা ঠোঁট কাটা আবরাহা ছিল।

আবির্ভূত হলেন তখন আমরা একটি শব্দ শুনলাম। ওই মূর্তি বলছে, হে বানু হিন্দ ইব্ন হারাম গোত্র! সত্য প্রকাশিত হয়েছে, হাম্মাম মূর্তি ধ্বংস হয়েছে। ইসলাম ধর্ম এসে শিরক বিদূরিত করে দিয়েছে।

বর্ণনাকারী বলেন, একথা শুনে আমরা সবাই বিচলিত হয়ে পড়ি : আমরা ভয় পেয়ে যাই ! এ অবস্থায় কয়েক দিন অতিবাহিত হয়। এরপর আমরা পুনরায় শুনতে পাই ওই মূর্তিটি বলছে : হে তারিক ! হে তারিক ! সত্যবাদী নবী প্রেরিত হয়েছেন বজ্র্য সম্বলিত ওহী সহকারে, তিহামা অঞ্চলে এক ঘোষক ঘোষণা দিয়েছেন যে, রাসূলুল্লাহ (সা)-এর সাহায্যকারিগণের জন্যে রয়েছে শান্তি ও নিরাপত্তা আর তাঁর প্রতি অবাধ্য যারা তাদের জন্যে রয়েছে অপমান ও অনুশোচনা। এখন থেকে কিয়ামত পর্যন্ত তোমাদের নিকট থেকে আমার বিদায়।

যমল বলেন, অতঃপর মূর্তিটি মুখ থুবড়ে পড়ে যায়। এরপর আমি একটি সওয়ারী ক্রয় করি এবং সেটির পিঠে চড়ে যাত্রা শুরু করি। অবশেষে আমার সম্পদায়ের কতগুলো লোক নিয়ে রাসূলুল্লাহ (সা)-এর নিকট উপস্থিত হই। তখন তাঁর উদ্দেশে আমি এই কবিতা আবৃত্তি করি :

**الْيَكْ رَسُولُ اللَّهِ أَعْمَلْتُ نَصَّهَا - وَكَلَفْتُهَا حَزَنًا وَغَوْرًا مِنَ الرَّمَلِ**

হে আল্লাহর রাসূল ! আমার এই উন্নীকে আমি আপনার নিকট দ্রুত চালিয়ে এনেছি এবং পাথুরে শৃঙ্খলার নিচু বালুকাময় প্রান্তের অতিক্রম করে তাকে আসতে বাধ্য করেছি।

**لَا نَصْرٌ خَيْرٌ النَّاسِ نَصْرًا مُوْزَرًا - وَأَعْقَدَ حَبْلًا مِنْ حِبَالِكَ فِي حَبْلِي**

এ উদ্দেশ্যে যে, আমি শ্রেষ্ঠতম মানুষটিকে দৃঢ়তার সাথে সাহায্য করব এবং আপনার রশিগুলোর সাথে আমার রশিকে গ্রহিত করে দেবো।

**وَأَشْهَدُ أَنَّ اللَّهَ لَا شَيْئَ غَيْرُهُ - أَدِينُ بِهِ مَا أَنْفَلْتُ قَدْمِيْ نَعْلِيْ**

আমি সাক্ষ্য দিচ্ছি যে, একমাত্র আল্লাহ তা'আলা ব্যতীত কোন উপাস্য নেই, যতদিন আমি বেঁচে থাকব ততদিন আমি এই দীন অনুসরণ করব।

বর্ণনাকারী বলেন, অতঃপর আমি ইসলাম গ্রহণ করি এবং রাসূলুল্লাহ (সা)-এর হাতে বাই'আত করি। আমি ইতিপূর্বে প্রতিমাটির মুখ থেকে যা শুনেছিলাম তা তাঁকে জানাই। তিনি বললেন, এটি জিনের উক্তি। এরপর তিনি বললেন, হে আরব সম্প্রদায় ! আমি তোমাদের প্রতি এবং সমগ্র সৃষ্টি জগতের প্রতি আল্লাহর রাসূলরূপে প্রেরিত হয়েছি। আমি সকলকে আল্লাহর আনুগত্য ও তাঁর একত্বাদের প্রতি আহ্বান করছি। আমি তাঁর বান্দা ও রাসূল। তোমরা আল্লাহর ঘরে হজ্জ করবে, বার মাসের মধ্যে এক মাস তথা রম্যান মাসের রোয়া রাখবে। যে ব্যক্তি আমার ডাকে সাড়া দেবে তার আতিথ্যের জন্যে থাকবে জান্নাত আর যে ব্যক্তি আমার অবাধ্য হবে, তার আবাসস্থল ঝুপে থাকবে জাহান্নাম।

বর্ণনাকারী বলেন, অতঃপর আমরা সবাই ইসলাম গ্রহণ করি এবং রাসূলুল্লাহ (সা) আমাদের জন্যে একটি পতাকা বেঁধে দেন। তিনি আমাদের পক্ষে একটি সনদপত্র লিখে দেন।

তাতে লেখা ছিল : বিসমিল্লাহির রাহমানির রাহিম, এটি আল্লাহর রাসূল মুহাম্মদ (সা)-এর পক্ষ থেকে যুসুল ইব্ন আমর ও তার সাথে যারা ইসলাম গ্রহণ করেছে তাদের প্রতি প্রদত্ত। আমি তাকে তার সম্প্রদায়ের প্রতি নেতৃত্বপে প্রেরণ করলাম। যে ব্যক্তি ইসলাম গ্রহণ করবে, সে আল্লাহ ও তাঁর রাসূলের দলভুক্ত হবে আর যে ইসলাম গ্রহণে অস্বীকৃতি জানাবে তার জন্যে মাত্র দু'মাস মেয়াদের নিরাপত্তা থাকবে। এ বর্ণনার সাক্ষী থাকেন হযরত আলী ইব্ন আবু তালিব (রা) ও মুহাম্মদ ইব্ন মাসলামা আনসারী। ইব্ন আসাকির এটিকে গরীব তথা অত্যন্ত বিরল বর্ণনা বলে মন্তব্য করেছেন।

সাঈদ ইব্ন ইয়াহ্যা ইব্ন সাঈদ উমাতী তাঁর 'মাগায়ী' গ্রন্থে উল্লেখ করেছেন যে, তাঁর চাচা মুহাম্মদ ইব্ন সাঈদ..... ইব্ন আবুস (রা) সূত্রে বর্ণনা করেছেন। তিনি বলেছেন, একটি জিন আবু কুবায়স পাহাড়ের উপর থেকে চিঠ্কার দিয়ে বলেছিল :

قَبْحُ اللَّهِ رَأَيْكُمْ أَلَّا نَهْرٌ - مَا أَدَقُ الْعُقُولُ وَالْأَفْهَامُ

হে ফিহরের বংশধরগণ! আল্লাহ তোমাদের অভিমতকে শীর্ষাধিক করে দিন। তোমাদের বিবেক-বিবেচনা করতই না ক্ষীণ!

حِينَ كَعْصِيٍ لِمَنْ يَعْبُدُ عَلَيْهَا - دِينَ أَبَائِهَا الْحُمَّةُ الْكَرَامُ

যখন তোমরা অবাধ্য হচ্ছো সেই ব্যক্তির, যে এতদঞ্চলে তার সম্মানিত ও মর্যাদাবান পূর্ব পুরুষদের ধর্মকে দোষারোপ ও সমালোচনা করেছে।

حَالَفَ الْجِنُّ جِنْ بُصْرِيٍ عَلَيْكُمْ - وَرِجَالُ الْخَيْلِ وَالْأَطَامِ

সে তো তোমাদের বিরুদ্ধে জিনদের সাথেও মৈত্রী চুক্তি করেছে। ওরা ছিল বুস্রা অঞ্চলের জিন। সে খেজুর বাগান সমৃদ্ধ এবং পাথরের তৈরি দুর্গের অধিবাসীদের সাথেও মৈত্রী বন্ধন স্থাপন করেছিল।

تُوشِّلُ الْخَيْلُ أَنْ تَرِدَهَا تَهَادِيْ - تَفْتُلُ الْقَوْمَ فِي حَرَامِ بِهَامِ

অবিলম্বে অশ্বদল ক্ষিপ্ত গতিতে এতদঞ্চলে প্রবেশ করবে এবং হারাম শরীফ এলাকায় নিজ সম্প্রদায়ের লোকদেরকে নির্বিচারে হত্যা করবে।

هَلْ كَرِيمٌ مِنْكُمْ لَهُ نَفْسٌ حُرٌّ - مَاجِدٌ الْوَالِدِينَ وَالْأَعْمَامَ

তোমাদের মধ্যে এমন কোন সন্তুষ্ট ব্যক্তি আছে কি, যার মধ্যে স্বাধীন মানুষের আত্মা ও মন-মানসিকতা আছে, যার পিতৃকুল-মাতৃকুল সন্তুষ্ট?

ضَارِبٌ ضَرْبَةً تَكُونُ نَكَالًاً - وَرَوَاحًا مِنْ كُرْبَةٍ وَأَغْتِمَامٍ

তোমাদের মধ্যে প্রচণ্ড আঘাত হানার ও আক্রমণ করার কোন লোক আছে কি? যার আক্রমণ হবে ওদের জন্যে উপযুক্ত শাস্তি? যার আঘাত এ সম্প্রদায়কে সকল দুঃখ-কষ্ট ও দুর্শিতা থেকে মুক্তি দেবে?

ইব্ন আব্বাস (রা) বলেন, অতঃপর এই কবিতাটি মক্কাবাসীদের মুখে মুখে উচ্চারিত হতে থাকে। তারা এটি আবৃত্তি করতে থাকে। রাসূলুল্লাহ (সা) বললেন, “এ হলো এক শয়তান, মানুষকে মৃত্তিপূজার দিকে ডাকছে। তার নাম মিস'আর। আল্লাহ তাকে লাঞ্ছিত করবেনই।” এ অবস্থায় তিনিনি অতিবাহিত হয়। তখন শোনা গেল যে, জনেক অদৃশ্য ঘোষণাকারী ঐ পাহাড়ে দাঁড়িয়ে চিৎকার করে বলছে :

نَحْنُ قَتَلْنَا فِيْ ثَلَثٍ مَسْعِرًا - اذْ سَفَهَ الْجِنْ وَسَنَ الْمُنْكَرَا

তিন দিনের মধ্যেই আমরা মিস'আরকে খুন করে ফেলেছি। যখন সে জিন জাতিকে মূর্খ বলে সাব্যস্ত করেছে এবং একটি মন্দ পথের সূচনা করেছে।

قَنَعْتُهُ سَيِّفًا حُسَامًا مُشَهَّرًا - بِشِتْمِ نَبِيِّنَا الْمُطَهَّرَا

একটি তীক্ষ্ণধার নাঙ্গা তরবারি দ্বারা আমি তার ঘাড়ে আঘাত করেছি। কারণ সে আমাদের পুত-পবিত্র নবীকে গালি দিয়েছে।

রাসূলুল্লাহ (সা) বললেন, এটি হলো এক শক্তিশালী জিন। তার নাম সামাজ। সে আমার প্রতি দ্বিমান এনেছে, আমি তার নাম রেখেছি আবদুল্লাহ। ইতিপূর্বে সে জনিয়েছিল যে, তিনিনি যাবত সে ঐ দুটি জিনটিকে খুঁজছিল। তখন হ্যরত আলী (রা) বললেন, ইয়া রাসূলুল্লাহ! আল্লাহ তা'আলা তাকে উত্তম প্রতিফল দান করছন।

হাফিজ আবু নু'আয়ম 'আদ-দালাইল' গ্রন্থে উল্লেখ করেছেন যে, আবদুল্লাহ ইব্ন মুহাম্মদ ..... হ্যরত সাদ ইব্ন উবাদা (রা) সূত্রে বলেছেন, হিজরতের পূর্বে কোন এক সময়ে একটি কাজে রাসূলুল্লাহ (সা) আমাকে 'হাদ্রামাওতে' পাঠিয়েছিলেন। পথে রাত হয়ে যায়। রাতের কিছু অংশ অতিবাহিত হওয়ার পর আমি এক অদৃশ্য ঘোষকের ঘোষণা শুনতে পাই। সে বলছিল :

أَبَا عَمْرِو نَاوَبَنِي السُّهُودُ - وَرَاحَ النُّومُ وَامْتَنَعَ الْهُجُورُ

হে আবু আমর ! নিদ্রাহীনতার বিপদ তো আমাকে পেয়ে বসেছে। আমার নিদ্রা পালিয়েছে এবং আমার ঘূম হারাম হয়ে গিয়েছে।

لِذِكْرِ عِصَابَةِ سَلْفُوا وَبَادُوا - وَكُلُّ الْخَلْقِ قَصَرَهُمْ يَبِيدُ

আমি শ্বরণ করছি সে সকল লোকের কথা, যারা ইতিপূর্বে ছিল এবং ধ্রংস হয়ে গিয়েছে। যে কেউ তাদেরকে খাটো করবে, সে নিশ্চিত ধ্রংস হবে।

تَوَلَّوْا وَأَرِدِينَ إِلَى الْمَنَايَا - حِيَاضًا لَيْسَ بِنَهْلَهَا الْوُرْدُورُ

মৃত্যুর ঘাটে অবতরণ করে তাঁরা চলে গিয়েছেন। তাঁরা গিয়েছেন এমন কূয়োতে, সেখানে অবতরণ করা পানি পানের জন্যে নয়।

مَضَوا لِسَبِيلِهِمْ وَبَقِيَّتُ خَلْفًا - وَحِيدًا لَيْسَ يُسْعِفُنِي وَحِيدًا

তাঁরা তাঁদের পথে চলে গিয়েছেন আর আমি একা পেছনে পড়ে রয়েছি। কেউই এখন আমাকে সাহায্য-সহায়তা করছে না।

**سُدَّى لَا أَسْتَطِعُ عِلَاجَ أَمْرٍ - إِذَا مَا عَالَجَ الطِّفْلُ الْوَلِيدُ**

আমি এখন বেকার। কোন কিছুরই প্রতিবিধান করার ক্ষমতা আমার নেই। অথচ ছোট ছোট শিশু-কিশোররা পর্যন্ত সব পরিস্থিতি সামাল দিয়ে যাচ্ছে।

**فَلَيْأَيْاً مَا بَقِيَّتُ إِلَى أُنَاسٍ - وَقَدْ بَاتَتْ بِمَهْلَكَهَا شَمْوُدٌ**

মানব সমাজে আমি যতদিন বেঁচে থাকব ততদিন আমার জীবন দুর্বিষহ ও সংকটময় থাকবে। সামুদ গোত্র তো তাদের ধর্মসন্ত্তলে রাত্রিযাপন করেছিল।

**وَعَادُ وَالْفَرْوَزُ بِذِي شُعُوبٍ - سَوَاءُ كُلُّهُمْ أَرَمُ حَصِيدٌ**

তেমনিভাবে ধৰ্ম হয়েছে আদ সম্প্রদায় এবং গিরিপথে বসবাসকারী কতক জনপদ। ওরা সবাই ক্ষত-বিক্ষত ও বিধ্বন্ত ইরাম সম্প্রদায়ের পর্যায়ভুক্ত।

বর্ণনাকারী বলেন, এরপর অন্য একজন চিৎকার করে বলতে ধূরূ করে। হে সুদর্শন পুরুষ! তোমার চিৎকারিত্ব ও সৌন্দর্যের দিন ফুরিয়ে গিয়েছে। সকল সৌন্দর্য ও চিৎকারিত্ব এখন যাহারা ও ইয়াসরিবের মধ্যবর্তী স্থানে। অপরজন বলল, হে দুর্বল ব্যক্তি! সেটি কি? উত্তরে সে বলল, শান্তির নবী, কল্যাণকর বাণী নিয়ে সমগ্র জগতের প্রতি প্রেরিত হয়েছেন। অতঃপর তাঁকে হারাম শরীফ থেকে বের করে খর্জুর বীথি ও পাথর-নির্মিত গৃহাঞ্চলের দিকে ঠেলে দেয়া হয়েছে। অন্যজন বলল, ওই নায়িলকৃত কিতাব, প্রেরিত নবী এবং মর্যাদাবান উচ্চী নবীর পরিচয় কি? উত্তরে সে বলল, তিনি হলেন লুওয়াই ইব্ন গালিব ফিহ্র ইব্ন মালিক ইব্ন নাদর ইব্ন কিনানা-এর বংশধর।

সে বলল, দূরে অনেক দূরে তার তুলনায় আমি তো অনেক বুড়িয়ে গিয়েছি। তার যুগের তুলনায় আমার যুগ অতীত হয়ে গিয়েছে। আমি তো দেখেছি যে, আমি আর নাদর ইব্ন কিনানা দুজনে একই লক্ষ্যবস্তুতে তীর নিক্ষেপ করেছি। আমরা একই সাথে ঠাণ্ডা দুধ পান করেছি। একদিন রৌদ্রোজ্জ্বল সকালে এক প্রকাণ্ড বৃক্ষের নিকট থেকে আমি আর সে এক সাথে বের হই। সূর্যোদয়ের সময় সে বেরিয়ে পড়ে এবং সূর্যাস্তের সময় ঘরে ফিরে যায়। এ সময়ে সে যা যা শুনেছে তার সবই বর্ণনা করেছে এবং যা' কিছু দেখেছে তার সবই স্মরণ রেখেছে। আলোচ্য ব্যক্তি যদি নাদর ইব্ন কিনানা-এর বংশধর হন, তবে তরবারি এখন কোষমুক্ত হবে, ভয়ভীতি দূরীভূত হবে, ব্যভিচার নির্মূল হবে এবং সুদ মূলোৎপাটিত হবে। সে বলল, ঠিক আছে পরবর্তীতে কী ঘটবে সে সম্পর্কে আমাকে কিছু বলুন! উত্তরে সে বলল, দুর্দশা, দুর্ভিক্ষ এবং দুঃসাহসিকতা দিদৃষ্টি হবে তবে খুয়া'আ গোত্রে তার কিছুটা অবশিষ্ট থাকবে। দুঃখ-কষ্ট এবং মিথ্যাচার বিলীন হয়ে যাবে। তবে খায়রাজ ও আওস গোত্রে তার কিছুটা অবশিষ্ট থাকবে। অহংকার, দাঙ্কিকতা, পরনিন্দা ও বিশ্বাসঘাতকতা নির্মূল হবে। তবে বানু বাকর তথা হাওয়ায়িন গোত্রে তার কিছুটা অবশিষ্ট থাকবে। লজ্জাকর কর্মগুলো এবং পাপাচারমূলক কাজসমূহ অপসৃত হবে। তবে খাছ'আম গোত্রে কিছুটা তার অবশিষ্ট থাকবে। সে বলল : অতঃপর কি ঘটবে সে সম্পর্কে কিছু বলুন! উত্তরে সে বলল, জংলী লোকেরা যখন বিজয় লাভ করবে আর হাররা অঞ্চল যখন নিষ্ঠেজ হয়ে যাবে তখন তুমি হিজরত নগরী মদীনা থেকে বেরিয়ে যাবে। আর

সালাম বিনিময় প্রথা যখন রহিত হবে এবং আত্মীয়তা সম্পর্ক বিচ্ছিন্ন হয়ে যাবে তখন মক্কা শরীফ থেকে বেরিয়ে যাবে ।

সে বলল, আরো কিছু বলুন । উত্তরে সে বলল, কান যদি না শুনত আর চোখ যদি ঝলমল করে না উঠত তবে আমি তোমাকে এমন বিষয়ের সংবাদ দিতাম যা শুনে তুমি অস্ত্রিং ও বিচলিত হয়ে পড়তে । এরপর সে বলল :

لَا مَنَامٌ هَذَا تَهْبِطُ بِنَعْيِمٍ - يَا أَبْنَ غَوْطٍ وَلَا صَبَاحٌ أَتَانَا

হে ইব্ন গাওত ! শান্তির ঘূম তুমি আর ঘুমাতে পারবে না । মুপ্রভাত আর কোনদিন আমাদের নিকট আসবে না ।

বর্ণনাকারী বলেন, এরপর সে এমন প্রচণ্ড আর্তচিংকার করল, সেটি যেন গর্ভবতী মহিলার প্রসবকালীন আর্তচিংকার । ক্রমান্বয়ে ভোর হলো । আমি গিয়ে দেশি একটি মৃত গুইসাপ ও একটি মৃত সাপ । বর্ণনাকারী বলেন, এ থেকেই আমি আঁচ করতে পারি যে রাসূলুল্লাহ (সা) ইতিমধ্যেই মদীনা শরীফ হিজরত করেছেন ।

মুহাম্মদ ইব্ন জাফর - সা'দ ইব্ন উবাদাহ থেকে বর্ণিত । তিনি বলেন, আকাবার শপথের রাতে রাসূলুল্লাহ (সা)-এর হাতে বায়'আত করার পর আমি বিশেষ প্রয়োজনে হাদ্রামাওত অঞ্চলের দিকে রওয়ানা করি । যথারীতি প্রয়োজন সেরে আমি বাড়ি ফিরছিলাম । পথেই আমার ঘূম পায় ! গভীর রাতে এক বিকট চিংকারে আমি ভড়কে যাই । আমি শুনতে পাই এক চিংকারকারী চিংকার করে বলছে :

أَبَا عَمْرٍو نَأَوَبِنِي السُّهُورُ - وَرَأَحَ النَّوْمُ وَأَزْقَطَ الْهُجُورُ

হে আবু আমর ! আমাকে নিদ্রাহীনতার বিপদ পেয়ে বসেছে । আমার নিদ্রা পালিয়েছে এবং শয়ন হারাম হয়ে গেছে । এরপর সে উপরোক্তিখন্তি দীর্ঘ কবিতা আবৃত্তি করে :

আবু নু'আয়ম বলেন, মুহাম্মদ ইব্ন জাফর তারীম আদ্দারী (রা) সূত্রে বর্ণনা করেন । তিনি বলেন, রাসূলুল্লাহ (সা) যখন নবুওত লাভ করেন, তখন আমি সিরিয়াতে অবস্থান করছিলাম । এক জরুরী কাজে আমি পথে বের হই । এ অবস্থায় রাত হয়ে যায় । প্রচলিত প্রথা অনুযায়ী আমি বলি, এ রাতে এ প্রাত্তরের নেতৃস্থানীয় জিনের আশ্রয়ে আমি নিজেকে সোপর্দ করলাম । অতঃপর আমি যখন নিদ্রামগ্ন হই তখন স্বপ্নে দেখি এক ঘোষককে । ইতিপূর্বে কখনো আমি তাকে দেখিনি । সে বলছে, “তুমি আল্লাহ'র নিকট আশ্রয় প্রার্থনা কর । কারণ আল্লাহ'র হুকুমের বিরুদ্ধে কোন জিন কাউকে আশ্রয় দিতে পারবে না ।” আমি বললাম, “হায় ! আল্লাহ'র কসম, আপনি এ কী বলছেন ?” সে বলল, আল-আমীন আল্লাহ'র রসূলরূপে আবির্ভূত হয়েছেন । হাজুন অঞ্চলে আমরা তাঁর পেছনে নামায পড়েছি । অতঃপর আমরা ইসলাম গ্রহণ করেছি । আমরা তাঁর আনুগত্যের শপথ নিয়েছি । জিনদের সকল ষড়যন্ত্র ব্যর্থ হয়ে গিয়েছে এবং তাদের প্রতি উক্ষাপিণ্ড নিক্ষিপ্ত হয়েছে । তুমি এখনি বিশ্ব প্রতিপালক আল্লাহ তা'আলার রাসূল মুহাম্মদ (সা)-এর নিকট যাও এবং ইসলাম গ্রহণ কর ।

বর্ণনাকারী তামীম আদদারী (রা) বলেন, সকাল বেলা আমি দীর়ই আইয়ুব নামক উপাসনালয়ে জনৈক ইহুদী ধর্ম্যাজকের সাথে সাক্ষাত করি এবং তাকে উক্ত ঘটনা অবহিত করি। তিনি বললেন, ওরা তোমাকে যথার্থই বলেছে। ওই নবী আবির্ভূত হওয়ার কথা মক্কার হারম শরীফে। তাঁর হিজরত স্থল মদীনার হারম শরীফ। তিনি সর্বশ্রেষ্ঠ নবী। সুতরাং তুমি অতি শীত্র তাঁর নিকট উপস্থিত হও। তামীম (রা) বলেন, অতঃপর আমি এ শহর থেকে রাসূলুল্লাহ (সা)-এর উদ্দেশে রওয়ানা করি এবং তাঁর নিকট উপস্থিত হয়ে ইসলাম গ্রহণ করি।

হাতিম ইব্ন ইসমাইল..... সাইদা হ্যালী সূত্রে বর্ণনা করেন যে, তিনি বলেছেন, একদিন আমরা আমাদের প্রতিমা সুওয়া-এর নিকট ছিলাম। আমাদের বোগাত্রান্ত দু'শটি বকরী আমরা তখন তাঁর নিকট বরকত লাভের জন্যে উপস্থিত করি। উদ্দেশ্য ছিল সেগুলোর বোগমুক্তি। তখন আমি শুনতে পাই যে, এক ঘোষক ওই মূর্তির পেট থেকে বলেছে, ‘জিনদের সকল ষড়যন্ত্র ব্যর্থ হয়েছে, আমাদের প্রতি উক্কাপিও নিক্ষেপ করা হচ্ছে। এসব হচ্ছে একজন নবীর কারণে। তাঁর নাম মুহাম্মদ (সা)। তখন আমি বললাম, আল্লাহর ক্ষম, আমি তো ভুল স্থানে এসে পড়েছি। অতঃপর আমি বকরীর পাল নিয়ে দ্রুত গতিতে বাড়ির দিকে যাত্রা করি। পথে এক ব্যক্তির সাথে আমার সাক্ষাত হয়। সে আমাকে রাসূলুল্লাহ (সা)-এর আবির্ভাবের কথা জানায়। আবু নু'আয়ম বর্ণনাটি এভাবেই সনদ ছাড়া উল্লেখ করেছেন।

এরপর আবু নু'আয়ম বলেন : উমর ইব্ন মুহাম্মাদ .....রাশেদ ইব্ন আব্দ রাবিবী সূত্রে বর্ণনা করেন, তিনি বলেন, সুওয়া নামের মূর্তি অবস্থিত ছিল মুআল্লাত নামক স্থানে। হ্যায়ল ও বানু যফর ইব্নে সুলায়ম গোত্রের লোকজন এটির পূজা করত। একদিন সুলায়ম গোত্রের পক্ষ থেকে কিছু উপচোকন দিয়ে বানু যফর গোত্রের লোকেরা রাশেদ ইব্ন আব্দ রাবিবীকে সুওয়া প্রতিমার নিকট প্রেরণ করে। রাশেদ বলেন, সুওয়া প্রতিমার নিকট পৌছার পূর্বে পথিমধ্যে ভোরবেলা আমি অন্য এক প্রতিমার নিকট পৌছি। হঠাৎ আমি শুনতে পাই, এই প্রতিমার পেট থেকে একজন যেন চিংকার করে বলেছে, অবাক কাও! অবাক কাও! আবদুল মুজালিবের বংশ থেকে এক নবী আবির্ভূত হয়েছেন! তিনি ব্যতিচার, সুন্দ এবং মূর্তির উদ্দেশ্যে বলিদান নিষিদ্ধ ঘোষণা করেছেন। তাঁর আগমনে আকাশকে সংরক্ষিত করে দেয়া হয়েছে এবং আমাদের প্রতি উক্কাপিও নিক্ষেপ করা হচ্ছে। হায়রে আশ্চর্য ব্যাপার! ভীষণ আশ্চর্য ব্যাপার! এরপর অন্য একটি প্রতিমার পেট থেকে একজন চিংকার করে বলতে শুরু করল, “দাশ্মার প্রতিমা পরিত্যক্ত হয়েছে, সেটির তো উপাসনা করা হতো। নবী আহ্মদ (সা) আবির্ভূত হয়েছেন। তিনি নামায পড়েন, যাকাত দান ও রোয়া পালনের নির্দেশ দেন। এবং পুণ্যকাজ ও আত্মীয়তার বন্ধন রক্ষা করে চলার নির্দেশ দেন। এরপর অপর একটি প্রতিমার পেট থেকে অন্য একজন চিংকার দিয়ে বলল :

إِنَّ الدِّيْرِ وَرِثَ النُّبُوَّةَ وَالْهُدَىٰ - بَعْدَ ابْنِ مَرِيمَ مِنْ قُرَيْشٍ مُهْتَدٍ

মারয়াম পুত্র ইসা (আ)-এর পর কুরায়শ বংশের যিনি নবুওত ও হেদায়ত করার দায়িত্ব পেয়েছেন নিশ্চয়ই তিনি সৎপথ প্রাপ্ত হয়েছেন।

نَبِيٌّ أَتَىٰ يُخْبِرُ بِمَا سَبَقَ - وَبِمَا يَكُونُ الْيَوْمَ حَقًا أَوْ غَدِير

সেই নবী আগমন করেছেন, অতীতে ঘটে যাওয়া এবং ভবিষ্যতে ঘটিতব্য সকল বিষয়ের যথার্থ সংবাদ নিয়ে।

রাশেদ বলেন, ভোরবেলা আমি ‘সুওয়া’ প্রতিমার নিকট যাই। সেখানে দেখতে পাই যে, দুটো শেয়াল তার চারদিকে জিভ দিয়ে চাটছে, তার উদ্দেশে নিরবেদিত নৈবেদ্যগুলো খেয়ে ফেলছে এবং ওই প্রতিমার গায়ে পেশাব করে তার ওপর হেলান দিয়ে বিশ্রাম নিচ্ছে। এ অবস্থায় রাশেদ বললেন :

أَرَبُّ يُبُولُ الشَّعْلَبَانَ بِرَأْسِهِ - لَفَدَلَّ مَنْ بَالَّتْ عَلَيْهِ النَّعَالِ

হায়! এটি কেমন দেবতা যার মাথায় দু'দুটো শেয়াল পেশাব করছে? যার গায়ে শেয়াল পেশাব করে তার জন্য সে তো নিশ্চিতভাবে লাঞ্ছিত।

এ ঘটনা ঘটেছিল রাসূলুল্লাহ (সা)-এর মদীনায় হিজরত কালে। লোকজন তখন তাঁর আগমন সম্পর্কে পরম্পর আলাপ-আলোচনা করছিল। রাশেদ তখন রাসূলুল্লাহ (সা)-এর সাথে সাক্ষাতের উদ্দেশ্যে যাত্রা করেন এবং মদীনায় এসে তাঁর সাথে সাক্ষাত করেন। তার সাথে কিন্তু তার পোষা কুকুরটিও ছিল। তখন রাশেদের নাম ছিল যালিম আর কুকুরের নাম ছিল রাশেদ। রাসূলুল্লাহ (সা) তাঁকে তার নাম জিজেস করেন। তিনি বললেন, তার নাম যালিম। এবার তিনি তার কুকুরের নাম জানতে চাইলেন। তিনি বললেন, কুকুরের নাম রাশেদ। রাসূলুল্লাহ (সা) বললেন, না, বরং তোমার নাম রাশেদ আর কুকুরের নাম যালিম। এ বলে তিনি মুচকি হাসলেন। এরপর তিনি রাসূলুল্লাহ (সা)-এর হাতে বায়’আত হন এবং তাঁর সাথে কিছুদিন মক্কায় অবস্থান করেন। পরবর্তীতে ওয়াহাত অঞ্চলের একখণ্ড জমি তার নামে বরাদ্দ দেয়ার জন্যে তিনি রাসূলুল্লাহ (সা)-এর নিকট আবেদন করেন। সংশ্লিষ্ট জমির বর্ণনাও তিনি রাসূলুল্লাহ (সা)-এর নিকট পেশ করেন। রাসূলুল্লাহ (সা) ওয়াহাত ভূখণ্ডের উচু অংশ তার নামে বরাদ্দ দেন। বরাদ্দকৃত জমির পরিমাণ হলো পরপর তিনবার পাথর নিষ্কেপের শেষ সীমানা পর্যন্ত। তিনি তাকে একটি পানি ভর্তি পাত্র দান করলেন। তাতে তিনি ফুঁ দিয়ে দেন এবং তাঁকে বলেন যে, এ পানি জমির উপরিভাগে ঢেলে দিবে আর অতিরিক্ত পানি নিতে লোকজনকে বাধা দেবে না। তিনি তাই করলেন। ওই পানি সদা প্রবহমান ঝর্ণায় পরিণত হয়। আজও সেটি প্রবহমান রয়েছে। তিনি ওই জমিতে খেজুর বাগান করেছিলেন। কথিত আছে যে, ওই পানি থেকে সমগ্র অঞ্চলে পানি সরবরাহ করা হতো। লোকজন ওই অঞ্চলকে “রাসূলুল্লাহ (সা)-এর পানির এলাকা” নামে আখ্যায়িত করতো। ওয়াহাতের অধিবাসীরা ওখানে গিয়ে গোসল করতো। রাশেদের নিষ্কিত পাথর রাকাব অঞ্চলে গিয়ে পৌছে। ওই অঞ্চল “রাকাব আল হাজার” নামে পরিচিত। পরবর্তীতে রাশেদ উক্ত সুওয়া প্রতিমার নিকট যান এবং সেটিকে ভেঙে ফেলেন।

আবু নু’আয়ম বলেন, সুলায়মান ইব্ন আহমদ আমর ইব্ন মুররা আল জুহানী (রা) সূত্রে বর্ণনা করেন। তিনি বলেন জাহেলী যুগের ঘটনা। আমার সম্প্রদায়ের কতক লোক নিয়ে আমি হজ্জ করতে যাই। একরাতে আমি একটি স্বপ্ন দেখি। তখন আমি মক্কায় অবস্থান করছিলাম।

আমি দেখি একটি উজ্জ্বল জ্যোতি। কা'বা গৃহ থেকে ঠিকরে বেরোছে এবং সুদূর ইয়াসরিবের পাহাড়গুলো ও জুহায়না গোত্রের জঙ্গল পর্যন্ত আলোকিত করে তুলছে। ওই জ্যোতির মধ্যে আমি শুনতে পেলাম যে, সে বলছে, অঙ্ককার কেটে গিয়েছে আলো ছাঁড়িয়ে পড়ছে, শেষ নবী প্রেরিত হয়েছেন। এরপর পুনরায় জ্যোতি ছাঁড়িয়ে পড়লো। ওই জ্যোতিতে আমি হীরা নগরীর রাজ-প্রাসাদসমূহ এবং মাদাইন নগরীর শুভতা স্পষ্ট দেখতে পাই। ওই জ্যোতির মধ্যে আমি শুনতে পাই কে যেন বলছে, ইসলাম প্রকাশিত হয়েছে, মূর্তি প্রতিমা ভেঙে গিয়েছে, আত্মীয়তার বন্ধন রক্ষিত হয়েছে। এস্বপ্ন দেখে আমি ভ্যাবাচ্যাকা খেয়ে সজাগ হয়ে যাই। আমার সম্প্রদায়ের লোকদেরকে ডেকে বলি যে, আল্লাহর কসম এ কুরায়শ গোত্রে নিশ্চয়ই গুরুত্বপূর্ণ কোন ঘটনা ঘটবে। আমি যা দেখেছি তাদের নিকট তা প্রকাশ করি।

আমরা যখন আমাদের দেশে ফিরে আসি তখন একজন লোক আমাদের নিকট আসেন এবং আমাদেরকে বলেন যে, আহমদ নামে এক ব্যক্তি রাসূলরূপে আবির্ভূত হয়েছেন। তখন আমি তাঁর নিকট গিয়ে আমার স্বপ্নের কথা তাঁকে বলি। তিনি বললেন, হে আমর ইব্ন মুররা! আমিই রাসূলরূপে প্রেরিত হয়েছি সমগ্র মানবকুলের প্রতি। আমি তাদেরকে ইসলামের প্রতি আহ্বান করি। পরম্পর খুনোখুনি ও রক্ষপাত বন্ধ করা, আত্মীয়তার বন্ধন অটুট রাখা, আল্লাহর ইবাদত করা, মূর্তিপূজা বর্জন করা, বায়তুল্লাহ্ শরীফের হজ্জ করা এবং বার মাসের মধ্যে এক মাস অর্থাৎ রম্যান মাসে রোজা রাখার নির্দেশ দেই। আমার আহ্বানে যে সাড়া দিবে সে জান্নাত পাবে। যে আমার অবাধ্য হবে, তার জন্যে রয়েছে জাহান্নাম। হে আমর ইব্ন মুররা! তুমি ঈমান আনয়ন কর, আল্লাহ তোমাকে জাহান্নামের আগুন থেকে রক্ষা করবেন।

أَشْهَدُ أَنْ لَا إِلَهَ إِلَّا اللَّهُ وَأَنَّكَ رَسُولُ اللَّهِ

তখন আমি বললাম, আমি সাক্ষ্য দিচ্ছি যে, আল্লাহ ব্যতীত কোন ইলাহ নেই এবং আপনিই আল্লাহর রাসূল। আপনি হালাল হারাম যা কিছু নিয়ে এসেছেন আমি তার সবই সত্য বলে বিশ্বাস করলাম— যদিও তাতে বহু মানুষ অসন্তুষ্ট হয়। এরপর আমি রাসূলুল্লাহ্ (সা)-এর সম্মুখে কবিতার কয়েকটি চরণ আবৃত্তি করি। এগুলো আমি তখনই রচনা করেছিলাম যখন আমি রাসূলুল্লাহ্ (সা)-এর আবির্ভাবের সংবাদ শুনেছিলাম। আমাদের একটি প্রতিমা ছিল। আমার পিতা ছিলেন সেটির সেবায়েত। আমি তখন প্রতিমাটির দিকে এগিয়ে যাই এবং সেটি ভেঙে ফেলি। তারপর আমি রাসূলুল্লাহ্ (সা)-এর দরবারে উপস্থিত হই। আমি এ কবিতা তাঁর সম্মুখে আবৃত্তি করি :

شَهِدتُّ بِإِنَّ اللَّهَ حَقٌّ وَأَنَّنِيْ - لِأَلِهَةِ الْأَحْجَارِ أَوْلُ تَارِكٍ

আমি সাক্ষ্য দিচ্ছি যে, আল্লাহ তাঁরালা সত্য এবং পাথরের তৈরি উপাস্যগুলোকে আমিই প্রথম বর্জনকারী।

فَشَمَرْتُ عَنْ سَاقِيْ إِزَارِ مُهَاجِرِ - إِلَيْكَ أَدْبُ الْغَوْرِ بَعْدَ الدَّكَارِ

আপনার প্রতি হিজরত করার মানসে আমি আমার লুঙ্গি পায়ের গোছার ওপর গুটিয়ে ফেলি। আমার দ্রুতগামী ঘোড়াকে আমি ধূলা উড়িয়ে ছুটিয়ে আপনার নিকট নিয়ে আসি।

**لَا صَحْبٌ خَيْرٌ النَّاسِ نَفْسًا وَالدِّلْدَأ - رَسُولُ مَلِيكِ النَّاسِ فَوْقَ الْحَبَائِكِ**

আমি রওয়ানা করেছি যিনি ব্যক্তিগত ও বংশগতভাবে শ্রেষ্ঠতম মানুষ তাঁর সান্নিধ্য লাভের উদ্দেশ্যে। উর্ধ্ব জগতে আসীন মানব জাতির মালিক মহান আল্লাহর তিনি রাসূল।

তখন রাসূলুল্লাহ (সা) বললেন, “মারহাবা হে আমর ইব্ন মুররা! তোমার প্রতি সাদর অভিনন্দন! আমি বললাম, ইয়া রাসূলুল্লাহ! আমার পিতামাতা আপনার জন্যে কুরবান হোক! আপনি আমাকে দায়িত্ব দিয়ে আমার সম্প্রদায়ের নিকট প্রেরণ করুন। হতে পারে, আল্লাহ তা'আলা আমার মাধ্যমে তাদের প্রতি অনুগ্রহ করবেন- যেমন আপনার মাধ্যমে মহান আল্লাহ আমার প্রতি অনুগ্রহ করেছেন। রাসূলুল্লাহ (সা) সত্যি সত্যি আমাকে ওদের প্রতি পাঠালেন। আমাকে উপদেশ দিয়ে তিনি বললেন, অবশ্যই সদা সত্য ও সঠিক কথা বলবে। রুক্ষ, অহংকারী এবং হিংসাপোষণকারী হবে না। আমার সম্প্রদায়ের নিকট আমি গমন করি। আমি তাদেরকে ডেকে বলি, হে বনী রিফা'আ সম্প্রদায়! হে বনী জুহায়না সম্প্রদায়! আমি রাসূলুল্লাহ (সা)-এর পক্ষ থেকে প্রতিনিধিরণে তোমাদের কাছে এসেছি। আমি তোমাদেরকে জান্নাতের দিকে আহ্বান করেছি এবং জাহান্নামের ব্যাপারে সতর্ক করছি। আমি তোমাদেরকে রক্তপাত বন্ধ করা, আঘীয়তার বন্ধন অটুট রাখা, আল্লাহর ইবাদত করা, মৃত্তিপূজা পরিত্যাগ করা, বায়তুল্লাহ শরীফে হজ্জ করা এবং বার মাসের মধ্যে এক মাস অর্থাৎ রম্যান মাসে রোয়া রাখার নির্দেশ দিচ্ছি। যে ব্যক্তি আমার ডাকে সাড়া দিবে সে জান্নাত পাবে আর যে ব্যক্তি তা অমান্য করবে তার জন্যে রয়েছে জাহান্নাম। হে জুহায়না সম্প্রদায়! সকল প্রশংসা আল্লাহর। তোমরা যে বংশের অন্তর্ভুক্ত, সে বংশের মধ্যে তিনি তোমাদেরকে শ্রেষ্ঠ গোত্রের মর্যাদা দিয়েছেন। জাহেলী যুগে অন্যদের নিকট যে সকল পাপাচারিতা ও অশ্রীলতা প্রিয় ছিল, তিনি সেগুলো তোমাদের নিকট অপ্রিয় সাব্যস্ত করে দিয়েছেন। অন্যরা তো দু'বোনকে একত্রে বিয়ে করত, পুত্রকে তার পিতার স্ত্রীর মালিকানা দিত এবং সম্মানিত মাসে পাপাচার করত, সুতরাং হে জুহায়না সম্প্রদায়! তোমরা লুওয়াই ইব্ন গালিবের বংশভূক্ত রাসূলরূপে আবির্ভূত এই নবীর ডাকে সাড়া দাও, তাহলে তোমরা দুনিয়ার সম্মান ও অর্থীরাতের মর্যাদা লাভ করতে পারবে। দ্রুত অতি দ্রুত তোমরা এ কাজে এগিয়ে যাও, তাহলে আল্লাহর নিকট তোমরা সম্মান লাভ করবে। একজন ব্যক্তিত সকলেই তাঁর আহবানে সাড়া দিল। ওই একজন লোক দাঁড়িয়ে বলল, হে আমর ইব্ন মুররা! আল্লাহ তোমার জীবনকে তিক্ত ও বিস্মাদ করে দিন। তুমি কি আমাদেরকে নির্দেশ দিচ্ছ যে, আমরা আমাদের উপাসনাগুলোকে পরিত্যাগ করি এবং আমাদের পূর্বপুরুষদের ধর্ম বর্জন করে তিহামাবাসী ওই কুরায়শ বংশীয় লোকটির আহবানে সাড়া দিয়ে আমাদের ঐক্যে ফাটল সৃষ্টি করি? না, না, তা কেন প্রশংসাযোগ্য কাজ নয়। তাতে কোন মর্যাদা নেই। এরপর সে নিম্নোক্ত কবিতাটি আবৃত্তি করল :

**إِنَّ أَبْنَ مُرَّةً قَدْ أَتَى بِمِقَالَةٍ - لَيْسَتْ هَفَالَّةٌ مَنْ يُرِيدُ صِلَاحًا**

ইব্ন মুররা এমন বক্তব্য নিয়ে এসেছে যা কল্যাণকামী কোন লোকের বক্তব্য হতে পারে না।

**إِنِّي لَا حُسْبٌ قَوْلُهُ وَفَعَالُهُ - يَوْمًا وَإِنْ طَالَ الزَّمَانُ رِيَاحًا**

আমি মনে করি, তার কথা ও কাজ বাতাসের ন্যায় শেকড়ইন ও অঙ্গায়ী।

**أَتُسَفِّهُ الْأَشْيَاخَ مِمْنُ قَدْ مَضِيَ - مَنْ رَأَمَ ذَلِكَ لَا أَصَابَ فَلَاحًا**

তুমি কি অতীত হয়ে যাওয়া মুরব্বী ও বৃদ্ধদেরকে মূর্খ ঠাওরাছ? যে ব্যক্তি একপ করে সে কখনো সফলতার মুখ দেখবে না। উত্তরে আমর ইব্ন মুররা বলেন, আমার এবং তোমার মধ্যে যে মিথ্যাবাদী আল্লাহ তার জীবনকে বিস্বাদ করে দিন, তার বাকশক্তি রহিত করে বোবা বানিয়ে দিন এবং তাকে দৃষ্টিইন অক্ষ বানিয়ে দিন। আমর ইব্ন মুররা বলেন, অবশেষে সে এ অবস্থায় মৃত্যুবরণ করেছে যে, তার মুখ অকেজো হয়ে পড়েছিল, কোন খাদ্যের স্বাদ সে পেত না এবং সে অক্ষ ও বোবা হয়ে গিয়েছিল।

আমর ইব্ন মুররা ও তাঁর সাথে যারা ইসলাম গ্রহণ করেছিলেন তাঁরা সকলে নবী করীম (সা)-এর নিকট উপস্থিত হয়েছিলেন। তিনি তাদেরকে সাদর বরণ করে নিয়েছিলেন। তিনি তাদেরকে কিছু উপহার এবং তাদের জন্যে একটি ফরমান লিখে দিয়েছিলেন। এ ফরমানটি ছিল একপ— বিসমিল্লাহির রাহমানির রাহীম। এটি রাসূলুল্লাহ (সা)-এর ভাষায় মহান আল্লাহর পক্ষ থেকে প্রেরিত ফরমান। এটি সত্য বাণী ও সত্য প্রকাশক। এটি প্রেরণ করা হলো আমর ইব্ন মুররা জুহনী-এর মাধ্যমে যুহায়না ইব্ন যায়দ গোত্রের নিকট। এ ভূখণের নিম্নাঞ্চল ও সমতল ভূমি, গভীর ও উচু ভূমি তোমাদের জন্যে বরাদ্দ দেয়া হলো। তোমরা এর ভূমিতে পশু চরাবে এবং এর পানি পান করবে। উৎপাদিত পণ্যের  $\frac{1}{4}$  অংশ দিতে বাধ্য থাকবে। পাঁচ ওয়াক্ত নামায আদায় করবে। একই সাথে তৰীয়া ও সারিমা (এক বছরের বাচুর আর দুধ ছেড়েছে অমন বাচুর) এর জন্যে একত্রে থাকলে দুটো বকরী আর আলাদা আলাদাভাবে হলে একটি করে বকরী প্রদান করতে হবে। কৃষি কাজে ব্যবহৃত পশুর ওপর যাকাত ফরয নয়। ফুল জাতীয় বস্তুর ওপরও যাকাত ফরয নয়। আমাদের সাথে যে সকল মুসলমান উপস্থিত ছিলেন তাঁরা কায়স ইব্ন শাম্সাসের লিখিত এ লিপিটির সাক্ষীরূপে থাকেন। ওই সময়ে আমর ইব্ন মুররা আবৃত্তি করছিলেন :

**أَلْمَ تَرَأَنَ اللَّهُ أَظْهَرَ دِينَهُ - وَبَيْنَ بُرْهَانَ الْقُرْآنِ لِعَامِرٍ**

তুমি দেখছ না যে, আল্লাহ তা'আলা তাঁর দীনকে বিজয়ী করে দিয়েছেন এবং অনুসন্ধিৎসু ব্যক্তির জন্যে কুরআনোর দলীলগুলো শ্পষ্ট করে দিয়েছেন।

**كِتَابٌ مِنَ الرَّحْمَنِ نُورٌ لِجَمِيعِنَا - وَأَحَلَّا فِنَا فِي كُلِّ بَادٍ وَحَاضِرٍ**

এটি দয়াময় আল্লাহর কিতাব আমাদের সকলের জন্যে এবং আমাদের মিত্রদের জন্যে শহরে-পল্লীতে সর্বত্রই এটি নূর।

إِلَى خَيْرٍ مَنْ يَمْشِيْ عَلَى الْأَرْضِ كُلُّهَا - وَأَفْضَلُهَا عِنْدَ اعْتِكَارِ الصَّرَائِيرِ

এটি নায়িল হয়েছে সে ব্যক্তির ওপর যিনি পৃথিবীতে পদচারণাকারী সকলের শ্রেষ্ঠ এবং বংশগতভাবেও যিনি সর্বোত্তম ।

أَطْعَنَا رَسُولُ اللَّهِ لِمَا تَقْطَعَتْ - بُطُونُ الْأَعَادِيِّ بِالظَّبَابِيِّ وَالْخَوَاطِرِ

আমরা রাসূলুল্লাহ (সা)-এর অনুসরণ করেছি তখনও যখন শক্রভূমি বিপদসংকুল ও ভীতিকর জনপদে পরিণত হয়েছে ।

فَتَحْنَ قَبِيلٌ قَدْ بُنِيَ الْمَجْدُ حَوْلَنَا - إِذَا اجْتَلَبْتُ فِي الْحَرْبِ هَامُ  
الْأَكَابِرِ

আমরা এমন এক জাতি যে, আমাদের চারদিকে মর্যাদা ও সম্মানের প্রাচীর নির্মিত । আমরা তখনও মর্যাদাবান, যুদ্ধে যখন নেতৃস্থানীয় ব্যক্তিদের খুলি উড়িয়ে দেয়া হয় ।

بَنُوا الْحَرْبَ نُفَرِّيهَا بِأَيْدٍ طَوِيلَةٍ - وَبِيُضٍ تَلَالَ فِي أَكْفِ الْمُغَاوِرِ

আমরা যোদ্ধা জাতি, দীর্ঘতে আমরা যুদ্ধের সাজে সজিত হই । প্রচণ্ড যোদ্ধার হাতে তখন উজ্জ্বল তরবারি ঝলমলিয়ে ওঠে ।

تَرَفِي حَوْلَهُ الْأَنْصَارِ تَحْمِيْ أَمِيرَهُمْ - بِسْمِ الْعَوَالِيِّ وَالصِّفَاحِ الْبَوَافِرِ

তুমি দেখতে পাবে তাঁর চারপাশে আনসারদেরকে । তারা তাদের সেনাপতিকে প্রহরা দিচ্ছে উচ্চ উচ্চ বর্ষা ও শান্তি তরবারি দ্বারা ।

إِذَا الْحَرْبُ دَارَتْ عِنْدَ كُلِّ عَظِيمَةٍ - وَدَارَتْ رَحَاهَا بِاللَّيْوُثِ الْهَوَاصِرِ

বড় বড় ঘটনায় যুদ্ধ যখন চলতে থাকে আর দুঃসাহসী হিংস্র সিংহদেরকে উপলক্ষ করে যখন যুদ্ধের চাকা ঘুরতে থাকে

تَبَلَّجَ مِنْهُ اللَّوْنَ وَأَزْدَادَ وَجْهَهُ - كَمِثْلِ ضِيَاءِ الْبَدْرِ بَيْنَ الزَّوَاهِيرِ

তখন তাঁর চেহারার জ্যোতির উজ্জ্বলতা বৃদ্ধি পায়, যেমন নক্ষত্রাজির মধ্যে পূর্ণিমার চাঁদের আলো । আবু উসমান সাইদ ইব্ন ইয়াহ্যা উমারী তাঁর মাগারী প্রস্ত্রে উল্লেখ করেছেন যে, আবদুল্লাহ..... জুহায়না গোত্রের জনৈক বৃদ্ধের বরাতে বলেছেন, একদা আমাদের মধ্যে এক ব্যক্তি কঠিন রোগে আক্রান্ত হয় । তখন তাকে অন্যত্র সরিয়ে নেয়া হয় । আমরা তার জন্যে কবর খনন করে ফেলি এবং তার দাফন-কাফনের ব্যবস্থা করি । দীর্ঘক্ষণ অচেতন থাকার পর হঠাৎ সে চোখ খুললো এবং তার হঁশ ফিরে এলো । তখন সে বলল, তোমরা কি আমার জন্যে কবর খুঁড়েছ? ওরা বলল, হ্যাঁ । সে বলল, ফুসাল কেমন আছে? ফুসাল ছিল তার চাচাতো ভাই । আমরা বললাম, সে ভাল আছে । একটু আগে সে তোমার কুশল জিঙ্গেস করে গেল । সে বলল, বস্তুত তাকেই এ কবরে কবরস্থ করা হবে । আমি যখন অচেতন ছিলাম তখন আমার নিকট এক ব্যক্তি এসে বলেছে, তোমার কি মাথা খারাপ হয়েছে, তুমি দেখছ না যে তোমার কবর খোঁড়া হচ্ছে? তোমার মা তো তোমার শোকে মৃত্যু পথযাত্রী হয়েছে । আচ্ছা বল দেখি আমরা যদি এই

কবর থেকে তোমাকে রক্ষা করি তারপর বড় বড় পাথর দিয়ে সেটি ভরে দিই এবং তারপর সেটিতে ফুসালকে নিক্ষেপ করি, যে ফুসাল তোমাকে এ অবস্থায় দেখে নিরুদ্ধে চলে গেল এবং সে ধারণা করল যে, তার এমন পরিণতি হবে না তাহলে তুমি কি তোমার প্রতিপালকের কৃতজ্ঞতা প্রকাশ করবে এবং আজ্ঞায়তার বন্ধন রক্ষা করবে এবং তুমি কি শিরক ও পথভ্রষ্টতা ত্যাগ করবে? আমি বললাম, হ্যাঁ, আমি তাই করব। ওই আগস্তুক বলল, ঠিক আছে, তুমি এখন উঠে দাঁড়াও, তোমার রোগ সেরে গিয়েছে। এবার লোকটি সুস্থ হয়ে গেল আর ফুসাল মারা গেল এবং তাকে ওই কবরে কবরস্থ করা হলো। জুহায়নী বলেন, এরপর আমি আমার জুহায়না গোত্রের ওই লোকটিকে দেখেছি যে নামায পড়ত, প্রতিমার নিন্দাবাদ করত।

উমাতী বলেন, আবদুল্লাহ বলেছেন, আমরা উমর ইব্ন খাত্বাব (রা)-এর সাথে একটি মজলিসে ছিলাম। সেখানে তাঁরা জিন সম্পর্কে আলোচনা করছিলেন। খুরায়ম ইব্ন ফাতিক আসাদী বললেন, আমি কিভাবে ইসলাম গ্রহণ করলাম তা আপনাকে বলবো কি? হ্যরত উমর (রা) বললেন, ঠিক আছে, বলুন। তিনি বলতে শুরু করলেন- একদিন আমি আমার হারিয়ে যাওয়া উটের পালের খোঁজে বের হই। আমি সেগুলোর পদচিহ্ন অনুসরণ করে অগ্নসর হচ্ছিলাম। উটের পাল উপরের দিকে উঠেছে আমি তেমন চিহ্ন দেখতে পাই! যেতে যেতে আমি ইরাকের আবরাক নামক স্থানে পৌছি। সেখানে আমি আমার বাহন থামিয়ে যাত্রা বিরতি করি। প্রচলিত নিয়ম অনুযায়ী আমি বললাম, “এ শহরের প্রধান জিন এবং এ প্রান্তরের সর্দারের আশ্রয় প্রার্থনা করছি। তখন আমি শুনতে পাই যে, আমার উদ্দেশে অদৃশ্য থেকে কে একজন বলছে :

وَيَحْكَ عِذْ بِاللَّهِ ذِي الْجَلَالِ - وَالْمَجْدُ وَالْعُلْيَاءِ وَالْأَفْضَالِ

ওহে তুমি মর্যাদাময় আল্লাহর নিকট আশ্রয় প্রার্থনা কর! তিনি সম্মানের অধিকারী এবং মাহাঝ্য ও শ্রেষ্ঠত্বের মালিক।

ثُمَّ اتْلُ آيَاتِ مِنِ الْأَنْفَالِ - وَوَحْدَ اللَّهُ وَلَا تَبَالِي

এরপর সূরা আনফালের কয়েকটি আয়াত তিলাওয়াত কর এবং আল্লাহর একত্র ঘোষণা কর। কোন পরোয়া নেই। খুরায়ম আসাদী বলেন, এতে আমি খুব ভড়কে যাই। অল্পক্ষণের মধ্যেই আমি সম্বিধ ফিরে পাই এবং বলি :

يَا أَيُّهَا الْهَادِفُ مَا تَقُولُ - أُرْشِدْ عِنْدَكَ أَمْ تُضْلِيلٌ

হে নেপথ্যচারী ঘোষক! আপনি কি বলছেন? আপনার নিকট কি সত্যপথের দিকনির্দেশনা আছে? না কি পথভ্রষ্টতা?

بَيْنَ هَذَانِ اللَّهُ مَا الْحَوْيُلُ

আল্লাহ আপনাকে সৎপথ প্রদর্শন করুন, সত্যপথ কোনটি স্পষ্টভাবে বলে দিন।

জবাবে সে বলল-

**هَذَا رَسُولُ اللَّهِ ذُو الْخَيْرَاتِ - بِيَتْرِبِ يَدْعُوا إِلَى النَّجَاهِ**

ইনি আল্লাহর রাসূল, সকল কল্যাণের আধার। তিনি অবস্থান করছেন ইয়াসরিব নগরীতে। ডাকছেন জান্নাত ও মুক্তির দিকে।

**يَأْمُرُ بِالْبِرِّ وَالصَّلَاةِ - وَيَنْهَا عَنِ الْمُنْكَارِ**

তিনি সৎকর্ম ও নামায আদায়ের নির্দেশ দেন। মানব জাতিকে বিপদাপদ থেকে রক্ষা করেন।

তখন আমি বললাম, আল্লাহর কসম, ওই রাসূলের নিকট গিয়ে তাঁর প্রতি ঈমান মা আনা পর্যন্ত আমি ক্ষান্ত হব না। অতঃপর আমি আমার বাহনে আরোহণ করলাম এবং রাসূলুল্লাহ (সা)-এর উদ্দেশ্যে যাত্রা করলাম। আমি বললাম -

**أَرْشِدْنِيْ أَرْشِدْنِيْ هَذِيْتَا - لَا جُعْتَ مَا عَشْتَ وَلَا عَرِيْتَا**

আমাকে ওই রাসূলের নিকট পৌঁছার পথ দেখিয়ে দিন। আপনি সংগঠ পেয়েছেন। যতদিন আপনি বেঁচে থাকবেন অঙ্গুত্ব ও বিবৰ্ত্ত হবেন না।

**وَلَا بَرِحْتَ سِيْدَادًا مُقِيْتَا - لَا تُؤْثِرِ الْخَيْرَ الَّذِي أَتَيْتَا  
عَلَى جَمِيعِ الْجِنِّ مَا بَقِيْتَا**

আজীবন আপনি নেতা ও তত্ত্বাবধায়ক থাকুন সকল জিনের ওপর। যে কল্যাণ আপনি অর্জন করেছেন তার ওপর অন্য কিছুকে প্রাধান্য দেবেন না। এবার সে বলল-

**صَاحِبَكَ اللَّهُ وَآدِيْ رَحْلَكَا - وَعَطَّمَ الْأَجْرَ وَعَافَ نَفْسَكَا**

আল্লাহ তা'আলা তোমাদের সাথে থাকবেন এবং তোমার সওয়ারী গন্তব্যস্থলে পৌঁছিয়ে দেবেন। তিনি তোমাকে মহান প্রতিদান প্রদান করবেন এবং তোমাকে বিপদাপদ থেকে রক্ষা করবেন।

**إِمْ بِهِ أَفْلَجْ رَبِّيْ حَقَّكَا - وَانْصُرْهُ نَصْرًا عَزِيزًا نَصْرَكَا**

তুমি তাঁর প্রতি ঈমান আনয়ন কর। আমার প্রতিপালক তোমার পাওনা পরিপূর্ণভাবে প্রদান করবেন। তুমি প্রবল ও দৃঢ়ভাবে তাঁকে সাহায্য কর তিনি তোমাকে সাহায্য করবেন।

আমি বললাম, আল্লাহ আপনাকে নিরাপদ রাখুন, আপনি কে? আমি রাসূলুল্লাহ (সা)-এর নিকট পৌঁছলে আপনার কথা বলব। তখন উন্নত এলো— আমি জিনদের রাজপুত্র নসীবায়নের জিনদের জন্য রাসূলুল্লাহ (সা)-এর নিয়োগকৃত নেতা। তোমার উত্তরণের জন্যে আমি যথেষ্ট। আমি ওগুলো ইন্শাআল্লাহ তোমার বাড়িতে পৌঁছিয়ে দেব।

বর্ণনাকারী বলেন, আমি মদীনা অভিমুখে যাত্রা করে জুমাবারে সেখানে গিয়ে পৌঁছি। লোকজন তখন মসজিদের দিকে আসছে। নবী করীম (সা) মিস্বরে দাঁড়িয়ে মুসল্লীদের উদ্দেশ্য খুতবা দিচ্ছিলেন। তাঁকে পূর্ণিমার চাঁদের মত দেখাচ্ছিল। আমি স্থির করলাম যে, রাসূলুল্লাহ

(সা)-এর নামায শেষ না হওয়া পর্যন্ত আমি মসজিদের দরজায় দাঁড়িয়ে থাকব। এরপর তাঁর কাছে গিয়ে ইসলাম গ্রহণ করব এবং আমার ইসলাম গ্রহণের উপরোক্ত প্রেক্ষাপট সম্পর্কে তাঁকে জানাবো।

মসজিদের দরজায় আমার বাহনটি দাঁড় করানোর পর হ্যরত আবু বকর (রা) বেরিয়ে এলেন এবং আমাকে স্বাগত জানিয়ে বললেন, আপনার ইসলাম গ্রহণের কথা আমরা পূর্বেই জেনেছি। আপনি মসজিদে চুকে পড়ুন এবং নামায আদায় করে নিন। আমি তাই করলাম। এরপর আমি রাসূলুল্লাহ (সা)-এর নিকট গেলাম। তিনি আমাকে আমার ইসলাম গ্রহণের প্রেক্ষাপট নিজেই জানিয়ে দিলেন। আল্লাহর তা'আলার প্রতি কৃতজ্ঞতা জানিয়ে আমি বললাম, আলহামদুল্লাহ সকল প্রশংসা আল্লাহর। রাসূলুল্লাহ (সা) বললেন, তোমার সাথী যে জিন সে তোমাকে দেয়া তার অঙ্গীকার পালন করেছে। বস্তুত ওই প্রকারের কাজ করার যোগ্যতা সে রাখে বটে। তোমার হারানো উটগুলো সে তোমার বাড়ি পৌঁছিয়ে দিয়েছে।

তাবারানী (র) তাঁর “মুজাম আলকবীর” গ্রন্থে খুরায়ম ইব্ন ফাতিকের জীবনী প্রসঙ্গে লিখেছেন যে, হুসায়ন ইব্ন ইসহাক..... হ্যরত আবু হুরায়রা (রা) সূত্রে বর্ণনা করেন, খুরায়ম ইব্ন ফাতিক (রা) হ্যরত উমর ইব্ন খাত্বাব (রা)-কে বলেছিলেন, হে আমীরুল মুমিনীন! আমার ইসলাম গ্রহণের সূচনালগ্ন সম্পর্কে আমি কি আপনাকে জানাব? হ্যরত উমর (রা) বললেন, হ্যাঁ জানান। তারপর তিনি পূর্বোক্ত বর্ণনার অনুরূপ ঘটনা বর্ণনা করলেন। তবে এ বর্ণনায় কিছু ভিন্নতা লক্ষ্য করা যায়। এতে আছে “আমার নিকট এসেছিলেন হ্যরত আবু বকর (রা)। তিনি আমাকে বললেন, “মসজিদে প্রবেশ করুন, আপনার ইসলাম গ্রহণের সংবাদ আমরা পেয়েছি। আমি বললাম, আমি তো ভালভাবে পবিত্রতা অর্জন করতে জানি না। তিনি আমাকে পবিত্রতা অর্জনের নিয়ম শিখিয়ে দিলেন। এরপর আমি মসজিদে প্রবেশ করলাম। আমি রাসূলুল্লাহ (সা)-কে দেখলাম যে, তিনি যেন পূর্ণিমার চাঁদ। তিনি বলছিলেন,

مَنْ مُسْلِمٌ تَوَضَّأَ فَاحْسَنَ وُضُوءً ثُمَّ صَلَّى صَلَةً يَحْفَظُهَا وَيَعْقِلُهَا إِلَّا دَخَلَ الْجَنَّةَ

যে মুসলিম ব্যক্তি সুন্দরভাবে ওয়ু করে এবং যথাযথভাবে ও পরিপূর্ণ মনোযোগের সাথে যে নামায আদায় করে সে নিশ্চয় জান্নাতে প্রবেশ করবে। হ্যরত উমর (রা) আমাকে বললেন, আপনার বক্তব্যের সমর্থনে প্রমাণ পেশ করুন নতুবা আমি আপনাকে শাস্তি দেব। তখন কুরায়শী শায়খ হ্যরত উসমান ইব্ন আফ্ফান (রা) আমার সমর্থনে সাক্ষ্য দিলেন। হ্যরত উমর (রা) তাঁর সাক্ষ্য গ্রহণ করলেন।

মুহাম্মদ ইব্ন উসমান সূত্রে বর্ণিত আছে যে, উমর ইব্ন খাত্বাব (রা) খুরায়ম ইব্ন ফাতিক (রা)-কে বলেছিলেন আমাকে এমন একটি ঘটনা শুনিয়ে দিন যা আমাকে তাক লাগিয়ে দেয়, তখন তিনি পূর্ববর্তী বর্ণনাটির অনুরূপ ঘটনা বর্ণনা করেন।

আবু নু'আয়ম বলেন, সুলায়মান আবদুল্লাহ ইব্ন দায়লামী থেকে বর্ণিত। এক লোক হ্যরত ইব্ন আবাস (রা)-এর নিকট এসে বলল, আমরা শুনেছি যে, আপনি সাতীহ সম্পর্কে আলোচনা করেন, এমনকি আপনি বলে থাকেন যে, আল্লাহ তা'আলা তাকে এমনভাবে সৃষ্টি করেছিলেন যে, অন্য কোন মানুষকে সেরূপ সৃষ্টি করেননি। ইব্ন আবাস (রা) বললেন, হ্যাঁ আল্লাহ তা'আলা সাতীহ গাস্সানীকে সৃষ্টি করেছেন গোলাকার কাঠের উপর স্তুপীকৃত গোশতের ন্যায়। তার শরীরে হাড়ও ছিল না রগও ছিল না। ছিল শুধু মাথায় খুলি আর হাতের দু'টো তালু। তার পা দু'টোকে সে গলার সাথে ভাঁজ করে রাখত যেমন কাপড় ভাঁজ করে রাখা হয়। জিহ্বা ব্যতীত তার দেহে এমন কোন অঙ্গ ছিল না যা নড়াচড়া করতে পারত। মুক্তা যাওয়ার সিদ্ধান্ত গ্রহণের পর তার দেহকে কাঠের ওপর উঠানো হয় এবং এভাবে সে মুক্তা পাঁচে। কুরায়শ বংশের নেতৃস্থানীয় চার ব্যক্তি অর্থাৎ আবদ শামস ইব্ন আবদ মানাফ, হাশিম ইব্ন আবদ মানাফ ইব্ন কুসাই, আহওয়াশ ইব্ন ফিহর এবং আকীল ইব্ন আবী ওয়াক্বাস তার নিকট উপস্থিত হন। তারা নিজেদের বংশপরিচয় গোপন করে বলেন, আমরা জুমাহ গোত্রের লোক, আপনার আগমন সংবাদ পেয়ে আপনার সাথে সাক্ষাত করতে এসেছি। আমরা মনে করি আপনার সম্মানার্থে আপনার সাথে দেখা করা আমাদের কর্তব্য। আকীল তার জন্যে উপহার স্বরূপ একটি ভারতীয় তরবারি এবং একটি রাদীনী বর্ণা নিয়ে যান। সাতীহ সেগুলো দেখতে পায় কিনা তা যাচাই করার জন্যে তারা সেগুলো রাখেন কা'বা গৃহের দরজার ওপর। সাতীহ বলল, হে আকীল! তোমার হাতখানা আমাকে দেখাও তো, সে তার হাত দেখাল। তখন সাতীহ বলল, হে আকীল! গোপন বিষয়ে জ্ঞাত সন্তার কসম, পাপ মোচনকারী এবং পরিপূর্ণ দায়িত্ব গ্রহণকারী সন্তার কসম, এই কা'বাগৃহের কসম, তুমি তো কিছু উপহার নিয়ে এসেছ আর তা হলো ভারতীয় তরবারি ও রাদীনী বর্ণা। তারা বললেন, সাতীহ! আপনি ঠিকই বলেছেন।

এবার সে বলল, আনন্দ দানকারীর কসম, রঙধনুর কসম, অন্যান্য আনন্দ সামগ্রীর কসম, আরবী ঘোড়ার কসম, খেজুর গাছ, তাজা ও কাঁচা খেজুরের কসম, কাক যেখানেই যায় ধরা পড়ে যায়। এখন তোমাদের বলে দিচ্ছি তোমরা তো জুমাহ গোত্রের লোক নও। তোমরা আরববাসী কুরায়শ গোত্রের লোক। তারা বলল, হ্যাঁ, হে সাতীহ! আমরা কা'বা শরীফ এলাকার অধিবাসী। আপনার জ্ঞান ও প্রজ্ঞা সম্পর্কে আমরা যা শুনেছি তার প্রেক্ষিতে আমরা আপনার সাথে সাক্ষাত করতে এসেছি। এখন আপনি আমাদের বলুন, আমাদের যুগে কি কি ঘটবে তারপরে কি কি ঘটবে! এ বিষয়ে নিশ্চয় আপনার অবগতি আছে। সে বলল, তোমরা ঠিকই বলেছ। আমার কথা— আমার প্রতি মহান আল্লাহর ইলহাম তথা গোপন সংবাদের কথা শোন।

হে আরব বংশীয় প্রতিনিধি দল! এখন তোমরা তোমাদের বার্ধক্যে পৌঁছে গেছ। তোমাদের আর অনারবদের দূরদৃষ্টি এখন সমান সমান। এখন তোমাদের কোন জ্ঞানও নেই প্রজ্ঞাও নেই। তোমাদের বংশধর থেকে অনেক পরম জ্ঞানী লোকের আবির্ভাব ঘটবে। নানা প্রকারের জ্ঞান তারা অর্জন করবে। তারা মৃত্তিগুলো ভেঙে ফেলবে। তারা দূর-দূরান্ত পর্যন্ত গিয়ে পৌঁছবে। অনারবদের হত্যা করবে। বকরীর পাল খুঁজে নেবে।

হে সাতীহ! প্রতিনিধি দলের ওরা কারা? সাতীহ বলল, রুকন বিশিষ্ট, নিরাপদ ও বসবাসকারী সমৃদ্ধ গৃহের কসম, তোমাদেরই বংশধর থেকে কতগুলো সন্তান জন্ম নেবে যারা প্রতিমাগুলো ভাংচুর করবে, শয়তানের উপাসনা প্রত্যাখ্যান করবে, দয়াময় আল্লাহর একত্র ঘোষণা করবে, সকল দীনের শ্রেষ্ঠ দীন প্রচার করবে। তারা উচ্চ মর্যাদা লাভ করবে এবং যুব সমাজকে দলে টেনে নিবে। তারা বলল, হে সাতীহ! কার বংশে ওরা জন্ম নেবে? বলল, সর্বাধিক মর্যাদাশীল সন্তান কসম, মর্যাদার স্তরে উন্নীত কারীর কসম, মরুভূমির বালুরাশি স্থানান্তরকারীর কসম এবং দ্বিগুণ চতুর্গণে বার্ধিতকারীর কসম, ওরা হাজার হাজার লোক জন্ম নিবে আবদ শামস ও আবদ মানাফের বংশে। বংশ পরম্পরায় তারা এভাবে জন্ম নিবে।

তারা বলল, হায়রে দুঃখ! হে সাতীহ! আপনি আমাদেরকে যা জানালেন তা তো আমাদের জন্যে অকল্যাণকর বটে। আচ্ছা বলুন তো ওরা কোন শহর থেকে বের হবে? সাতীহ বলল, চিরঞ্জীব সন্তান কসম, অনাদি অনন্ত সন্তান কসম, নিশ্চয় এই শহর থেকে বের হবে এক যুবক, যে সৎপথের দিক নির্দেশনা দেবে। ইয়াগৃহ ও ফানাদ প্রতিমা বর্জন করবে।

আল্লাহর শরীকরূপে কল্পিত সকল উপাস্যের উপাসনা থেকে মুক্ত থাকবে। একক প্রতিপালকের ইবাদত করবে। অবশেষে আল্লাহ তা'আলা তাকে সুনাম অর্জনকারী ও প্রশংসিতরূপে জীবন অবসান করবেন। পৃথিবী থেকে তিনি বিদায় নিবেন। উর্ধ্ব জগতে থাকবে তাঁর সাক্ষ্যগণ। এরপর তাঁর কর্মভার প্রহণ করবেন সিদ্ধীক (রা)। তিনি যখন বিচার করবেন, ন্যায় বিচার করবেন। মানুষের অধিকার ও পাওনা পরিশোধে তাঁর কোন ভয়ভীতি ও দায়িত্বহীনতা থাকবে না। এরপর ওই শাসনভার প্রহণ করবেন সঠিক দীনের অনুসারী একজন শুদ্ধভাজন ও অভিজ্ঞ ব্যক্তি। অসত্য কথাবার্তা তিনি কঠোরতার সাথে দমন করবেন। সৎলোকদের তিনি আপ্যায়ন করাবেন। সঠিক ধর্মতত্ত্বে তিনি সুদৃঢ় করবেন। এরপর একজন অভিজ্ঞ ব্যক্তির হাতে তাঁর দায়িত্ব ন্যস্ত করবেন। এ ব্যক্তি একই সাথে জন্মত এবং রাসূলুল্লাহ (সা)-এর অমৃতীয়তা দুটোরই অধিকারী হবেন। ফলে শক্রগণ শক্রতা ও বিদেশবশত তাঁকে হত্যা করবে। এরপর একজন মান্য-গণ্য ব্যক্তিকে ওই দায়িত্ব দেয়া হবে। এক সময় তাঁকেও হত্যা করা হবে। তাঁর হত্যার বিরুদ্ধে কতক লোক প্রতিবাদমুখ রহে।

এরপর একজন সাহায্যকারী ওই দায়িত্ব নেবে। তাঁর অভিমত দুষ্টলোকের অভিমতের সাথে মিলে যাবে। তখন পৃথিবীতে সেনাতন্ত্র চালু হবে। এরপর তাঁর পুত্র ওই দায়িত্ব প্রহণ করবে। সে ধনসম্পদ সংগ্রহে মনোনিবেশ করবে। লোকমুখে তার প্রশংসা হ্রাস পাবে। ধনসম্পদ আত্মসাত করবে এবং সে একাই সেগুলো ভোগ করবে। তারপর তার বংশধররা প্রচুর ধনসম্পদের মালিক হবে। এরপর একাধিক রাজা ওই পদে আসীন হবে। এতে কোন সন্দেহ নেই যে, তাদের মধ্যে খুনোখুনি ও রক্তপাত হবে।

আল-বিদায়া ওয়ান নিহায়া (২য় খণ্ড) ৭২—

এরপর একজন খোদাতীরু দরবেশ লোক ওই দায়িত্ব গ্রহণ করবেন। তিনি ওদেরকে কাপড়ের ন্যায় ভাঁজ করে গুটিয়ে ফেলবেন। এরপর দায়িত্ব নিবে একজন পাপাচারী লোক। সে সত্যকে দূরে সরিয়ে দেবে এবং ক্ষতিকর কাজগুলো কাছে টেনে নেবে। অন্যায়ভাবে রাজ্যগুলো জয় করবে। এরপর একজন খর্বকায় লোক ওই দায়িত্ব নেবে। তাঁর পৃষ্ঠদেশে একটি চিহ্ন থাকবে বটে। শান্তির সাথে তার মৃত্যু হবে। এরপর অল্পদিনের জন্মে; একজন অল্প বয়স্ক বালক ওই দায়িত্ব নেবে। সে রাজত্ব ত্যাগ করার পর তার শাসন রীতি বহাল রেখে তার ভাই প্রকাশে ওই দায়িত্ব নেবে। ধনসম্পদ ও সিংহাসনের প্রতি তার চরম আকর্ষণ থাকবে। এরপর দায়িত্ব নেবে একজন কর্মচক্রল ব্যক্তি। সে হবে দুনিয়াদার ও ভোগবিলাসী। তার বন্ধু-বান্ধবগণ হবে তার উপদেষ্টা। এক সময় তারা তার বিরুদ্ধে বিদ্রোহ করবে এবং তাকে পরিত্যাগ করবে। পরবর্তীতে তাকে হত্যা করে রাজত্ব দখল করে নেবে। এরপর ক্ষমতা নেবে একজন অর্থব অকর্মণ্য লোক। দেশটিকে সে বরবাদ করে ছাড়বে। তার রাজত্বে তার ছেলেরা সব ঘৃণার্হ হবে। তারপর সকল নগদেহী তথা নিকৃষ্ট লোকেরা রাষ্ট্র ক্ষমতা প্রাপ্তির চেষ্টা করবে এবং আক্ষেপকারী ব্যক্তি ক্ষমতা লাভ করবে। সে কাহতান বংশের নেয়ার গোত্রের প্রতি সন্তুষ্ট থাকবে। লেবানন ও বিনয়ানের মধ্যবর্তীস্থান দামেকে যখন দু'দল মুখোমুখি হবে তখন সে ইয়ামানকে দু'ভাগে ভাগ করবে। একদল হবে পরামর্শভিত্তিক শাসক, অপর দল হবে লাঞ্ছিত ও অপমানিত। তখন তুমি অশ্বারোহী ও তরবারির মাঝখানে শুধু হাত-পা বাঁধা শিকল পরা বন্দীদের দেখতে পাবে। তখন ঘর-দোর ও জনপদগুলো ধ্বংস হবে। বিধবাদের ধনসম্পদ লুণ্ঠিত হবে। গর্বতীদের গর্ভপাত ঘটবে। ভূমিকম্প শুরু হবে। দেশ তখন একজন আশ্রয়দাতা খুঁজবে। তখন নেয়ার গোত্র বিক্ষুল্জ হয়ে উঠবে। তারা ক্রীতদাস ও মন্দ লোকদেরকে কাছে টানবে। ভাল ও উত্তম লোকদেরকে দূরে ঠেলে দিবে। সফর মাসে নিত্য প্রয়োজনীয় দ্রব্য সামগ্রীর মূল্য বেড়ে যাবে। দেশে গৃহযুদ্ধ শুরু হবে। তারপর তারা পরিখা বিশিষ্ট স্থানের দিকে যাত্রা করবে। ওই স্থানটি হবে বৃক্ষরাজি বিশিষ্ট। নদনদী গতিরোধকরবে। দিবসের প্রথম ভাগে সে শক্তদেরকে পরাজিত করবে। তখন ভাল মানুষগুলো বেরিয়ে আসবে। কিন্তু নিদা ও বিশ্রাম তাদের কোন কল্যাণ বয়ে আনবে না। অবশেষে সে এক শহরে প্রবেশ করবে। সেখানে তার ইন্তিকাল হবে। তারপর পদাতিক তীরন্দাজ বাহিনী আসবে সাহসী লোকদেরকে হত্যা করতে এবং প্রহরীদেরকে বন্দী করতে। পথভ্রষ্টগণ তখন ধ্বংস হবে এবং তার মৃত্যু হবে উপকূল অঞ্চলে।

এরপর দীন ধর্ম বিনষ্ট হবে। কাজকর্ম উল্টে যাবে। আসমানী গ্রস্ত প্রত্যাখ্যান করা হবে। পুল ভেঙে ফেলা হবে। দ্বিপাঞ্চলে যারা থাকবে তারা ব্যতীত অন্য কেউ মাসের শেষ দিবস পর্যন্ত জীবিত থাকবে না। এরপর খাদ্যশস্য ধ্বংস হতে থাকবে। বেদুইন গ্রাম্য লোকেরা ক্ষমতা দখল করবে। সেই দুর্ভেগের যুগে তাদের মধ্যে এমন কোন লোক থাকবে না যে পাপাচারীদেরকে এবং বিধর্মীদেরকে দোষক্রটি ধরিয়ে দেবে। তখন যারা জীবিত থাকবে তারা মৃত্যুর ব্যাপারে নিশ্চিন্ত থাকবে না।

প্রতিনিধি দল বলল, হে সাতীহ! এরপর কী হবে? সে বলল, এরপর লম্বা রশির ন্যায় দীর্ঘকায় একজন ইয়ামানী লোক বেরিয়ে আসবে। তার দ্বারা আল্লাহ তা'আলা সকল ফিতনা-ফাসাদ নির্মূল করে দেবেন।

উপরোক্ত বর্ণনা একটি বিশ্বয়কর ও বিরল বর্ণনা বটে। এটির মধ্যে ফিতনা-ফাসাদ এবং শেষ যুগের বিপর্যয় সম্পর্কিত আলোচনা থাকার কারণে এবং এটির অসাধারণত্বের কারণে আমরা এটি উল্লেখ করেছি।

ইয়ামানের রাজা রায়ী'আ ইব্ন নাসরের সাথে শিক ও সাতীহের সাক্ষাত ও আলোচনা এবং রাসূলুল্লাহ (সা) সম্পর্কে তাদের সুসংবাদ দানের বিষয় ইতিপূর্বে বর্ণনা করা হয়েছে; অনুরূপভাবে আপন ভাগে আবদুল মাসীহের সাথে সাতীহের সংঘটিত ঘটনা যখন বানু সাসান বংশীয় পারস্য সম্রাট তাকে পাঠিয়েছিল রাজপ্রাসাদের চূড়া ধ্রংস এবং উপাসনার অগ্নিকুণ্ড নিভে যাওয়ার ঘটনা জানার জন্য, তাও ইতিপূর্বে উল্লেখ করা হয়েছে।

পারস্যের বিচারক ও আইন শাস্ত্রবিদের দেখা স্বপ্নের কথাও আলোচিত হয়েছে। এসব ঘটনা ঘটেছিল প্রিয়নবী হযরত মুহাম্মদ (সা)-এর জন্মগ্রহণের রাতে। তাঁর শরীয়ত ও ধর্ম তো অন্য সকল দীন-ধর্মকে রহিত করে দিয়েছে।

## রাসূলুল্লাহ (সা)-এর ঘোবন প্রাপ্তি ও আল্লাহর আশ্রয়

মুহাম্মদ ইবনে ইসহাক বলেন, রাসূলুল্লাহ (সা) ঘোবনে পদার্পণ করলেন। আল্লাহ তা'আলা তাঁর নিরাপত্তা দান করেন এবং জাহিলিয়াতের পংকিলতা থেকে তাঁকে রক্ষা করেন। এভাবে যখন তিনি বয়ঃপ্রাপ্ত হলেন, তখন তিনি ব্যক্তিত্বে সমাজের শ্রেষ্ঠ মানুষ, চরিত্রে সর্বাপেক্ষা সুন্দর, বংশ মর্যাদায় সবচাইতে কুলীন, প্রতিবেশী হিসেবে সর্বোত্তম, সহনশীলতায় সর্বশ্রেষ্ঠ, কথা-বার্তায় সর্বাধিক সত্যবাদী, বিশ্বস্ততায় সকলের সেরা এবং অশ্লীলতা ও মন্দ স্বভাব থেকে সর্বাধিক পরিত্র ও মুক্ত। সমাজের মানুষ এখন তাঁকে একমাত্র 'আল-আমীন' বা বিশ্বাসভাজন বলে সম্মৌখন করে।

মুহাম্মদ ইবনে ইসহাক বলেন, মহানবী (সা)-কে আল্লাহ তা'আলা যে শৈশবে রক্ষণাবেক্ষণ করেন এবং জাহিলিয়াতের প্রভাব থেকে মুক্ত রাখেন, সে সম্পর্কে রাসূলুল্লাহ (সা) বলেন : একদিন আমি কুরায়শ-এর কয়েকটি কিশোরের সঙ্গে অবস্থান করছিলাম। খেলার ছলে আমরা পাথর কুড়িয়ে এক জায়গা থেকে অন্য জায়গায় নিছিলাম। আমরা প্রত্যেকে পরনের লুঙ্গি খুলে তা' ঘাড়ে রেখে এর উপর পাথর বহন করছিলাম। আমি ওদের সঙ্গে একবার সামনে যাচ্ছিলাম আবার কখনো পেছনে পড়ছিলাম। এমন সময় অদৃশ্য থেকে কে একজন আমাকে প্রচণ্ড একটি ঘূরি মারলো এবং আমাকে বললো, লুঙ্গিটা পরে নাও। সঙ্গে সঙ্গে আমি লুঙ্গিটি কাঁধে থেকে নিয়ে পরে নিলাম। তারপর পুনরায় খালি কাঁধে পাথর বহন করতে শুরু করলাম। তখন আমার সাথীদের মধ্যে একমাত্র আমিই ছিলাম লুঙ্গি পরিহিত।

এই ঘটনাটি সহীহ বুখারীতে বর্ণিত কা'বা নির্মাণের সময়কার ঘটনার অনুরূপ। সে সময়ে তিনি এবং তাঁর চাচা আববাস পাথর বহন করছিলেন। ঘটনাটি যদি সে ঘটনা না হয়ে থাকে তবে এটা ছিল তার পূর্বভাস স্বরূপ। আল্লাহই ভালো জানেন।

আব্দুর রায়ঘাক বর্ণনা করেন যে, হযরত জাবির ইবনে আব্দুল্লাহ (রা) বলেছেন, কা'বা নির্মাণের সময় রাসূলুল্লাহ (সা) পাথর বহনের কাজে যোগ দেন। দেখে আববাস বললেন, লুঙ্গি কাঁধে রেখে পাথর বহন কর। রাসূলুল্লাহ (সা) তা-ই করলেন। সঙ্গে সঙ্গে তিনি মাটিতে লুটিয়ে পড়েন এবং তাঁর চক্ষুদ্বয় আকাশের দিকে নিবন্ধ হয়। কিছুক্ষণ পর তিনি উঠে দাঁড়িয়ে বললেন, আমার লুঙ্গি ! তখন আববাস তাঁকে লুঙ্গি পরিয়ে দেন। এটি বুখারী ও মুসলিমের বর্ণনা।

বায়হাকী ইবনে আববাস (রা) থেকে বর্ণনা করেন যে, তিনি বলেন, কুরায়শ যখন বায়তুল্লাহ নির্মাণ করে, তখন আববাস বায়তুল্লাহর দিকে পাথর বয়ে নিয়ে আসছিলেন। ইবনে আববাস বলেন, কুরায়শরা দু'জন দু'জন করে লোককে জুড়ি বেঁধে দেয়। পুরুষরা পাথর

স্থানান্তর করতো আর মহিলারা মশলা বহন করতো। আব্বাস বলেন, আমি এবং আমার ভাতিজাও সেই কাজে শরীক ছিলাম। আমরা লুঙ্গি কাঁধে রেখে তার উপরে করে পাথর বহন করতাম। কোন লোক আসতে দেখলে লুঙ্গিটা পরে নিতাম। এক পর্যায়ে আমি ইঁটছি আর মুহাম্মদ আমার সম্মুখে। হঠাৎ তিনি উপুড় হয়ে মাটিতে লুটিয়ে পড়েন। আমি আমার পাথরগুলো ফেলে দৌড়ে আসলাম। দেখতে পেলাম, মুহাম্মদ আকাশের দিকে তাকিয়ে আছেন। আমি জিজ্ঞেস করলাম, তোমার কী হয়েছে? তিনি উঠে দাঁড়ালেন এবং লুঙ্গিটা হাতে নিয়ে বললেন, “আমাকে উলংগ চলতে নিষেধ করা হয়েছে।” আব্বাস বলেন, মানুষ তাঁকে পাগল বলবে, এই ভয়ে আমি ঘটনাটা গোপন করে রাখতাম।

বায়হাকী বর্ণনা করেন যে, হ্যরত আলী (রা) বলেন, আমি·রাসূলুল্লাহ (সা)-কে বলতে শুনেছি, “জাহিলী যুগের মানুষ যে সব রীতি-নীতি পালন করত আমার মনে কখনো তার কোনটি পালন করার ইচ্ছা জাগ্রত হয়নি। তবে দুই রাতে তেমন কিছু করতে চেয়েছিলাম; কিন্তু আল্লাহ উভয় ঘটনায় আমাকে রক্ষা করেছেন। এক রাতে আমি ছাগলের পালের সঙ্গে ছিলাম। আমি আমার সঙ্গী যুবককে বললাম, তুমি আমার ছাগলগুলো দেখ, মক্কায় প্রবেশ করে আমি অন্য যুবকদের মত গল্প-গুজবে অংশগ্রহণ করে আসি। সঙ্গীটি বলল, ঠিক আছে, যাও। নবীজি (সা) বলেন, আমি মক্কা প্রবেশ করে প্রথম বাড়িতে পৌছেই বাজনার শব্দ শুনতে পেলাম। জিজ্ঞেস করলাম, এসব কী হচ্ছে? লোকেরা বলল, অমুক অমুককে বিয়ে করেছে। আমি বসে দেখতে শুরু করলাম। আল্লাহ আমাকে নিদ্রায় অচেতন করে দিলেন। আল্লাহর কসম, রৌদ্রের স্পর্শ ছাড়া অন্য কিছু আমাকে সজাগ করতে পারেনি। জাগ্রত হয়ে আমি সঙ্গীর কাছে ফিরে এলাম। সঙ্গীটি জিজ্ঞেস করলো, কী করেছো? আমি বললাম, কিছুই করিনি। তারপর তাকে ঘটনার ইতিবৃত্ত শোনালাম।

এরপর আরেক রাতে আমি সঙ্গীকে বললাম, তুমি আমার ছাগলগুলো দেখ, আমি একটু গল্প করে আসি। সঙ্গী তাতে সম্মত হলে আমি মক্কা প্রবেশ করে আগের রাতের ন্যায় এ রাতেও অনুরূপ বাজনার আওয়াজ শুনতে পেলাম। জিজ্ঞেস করলে বলা হলো যে, অমুক অমুককে বিয়ে করেছে। আমি বসে দেখতে শুরু করলাম। কিন্তু আল্লাহ আমাকে গভীর নিদ্রায় আচ্ছন্ন করে দিলেন। আল্লাহর কসম! রৌদ্রের স্পর্শ ছাড়া অন্য কিছু আমাকে জাগ্রত করতে পারেনি। জাগ্রত হয়ে আমি সঙ্গীর নিকট ফিরে গেলাম। সঙ্গী বলল, কী করেছো? আমি বললাম, কিছুই নয়। তারপর আমি তাকে ঘটনার ইতিবৃত্ত শোনালাম। আল্লাহর কসম, এরপর আর কখনো আমি এ ধরনের কাজের ইচ্ছে করিনি। শেষে পর্যন্ত আল্লাহ আমাকে নবুয়তের মর্যাদায় ভূষিত করেন। হাদিসটি অত্যন্ত গরীব পর্যায়ের।

হাফিজ বায়হাকী বর্ণনা করেন যে, হ্যরত যায়েদ ইবনে হারিছা (রা) বলেছেন, তামার তৈরি একটি দেব মূর্তি ছিল। নাম ছিল তার আসাফ ও নায়েলা। বায়তুল্লাহ তাওয়াফ করার সময় মুশরিকরা তাকে স্পর্শ করত। একদিন রাসূলুল্লাহ (সা) বায়তুল্লাহ তাওয়াফ করেন। আমিও তাঁর সঙ্গে তাওয়াফ করি। উক্ত দেব মূর্তিটি অতিক্রমকালে আমি তাকে স্পর্শ করি। দেখে রাসূলুল্লাহ (সা) বললেন, “ওটা স্পর্শ করো না।” যায়েদ ইবনে হারিছা বলেন, তাওয়াফের

মধ্যেই আমি মনে মনে বলি, আবারও আমি মূর্তিটি স্পর্শ করব; দেখি কী হয়। আমি পুনরায় ওটা স্পর্শ করলে রাসূলুল্লাহ (সা) বললেন, “তোমাকে নিষেধ করা হয়েছিল না ।” বায়হাকী বলেন, অপর এক সূত্রে বর্ণিত হয়েছে যে, যায়েদ বলেছেন, যে সঙ্গ তাঁকে সম্মানিত করেছেন এবং তাঁর ওপর কিতাব অবতারণ করেছেন, আমি তাঁর শপথ করে বলছি, তিনি কখনো কোন মৃত্তি স্পর্শ করেননি। এ অবস্থায়ই মহান আল্লাহ তাঁকে তাঁর মর্যাদায় অভিষিক্ত করেন এবং তাঁর ওপর কিতাব নায়িল করেন।

তা ছাড়া উপরে বর্ণিত হয়েছে যে, বাহীরা যখন রাসূলুল্লাহ (সা)-কে লাত ও উম্ম্যার নামে শপথ করে প্রশ্ন করেছিলেন, তখন তিনি বলেছিলেন, “এদের দোহাই দিয়ে আমাকে কিছু জিজেস করবেন না। আল্লাহর শপথ! আমার নিকট এদের চাইতে ঘৃণার পাত্র দ্বিতীয়টি আর নেই।”

হাফিজ আবু বকর বায়হাকী অপর এক সূত্রে বর্ণনা করেন যে, হ্যরত জাবির ইবনে আবুল্লাহ (রা) বলেন, রাসূলুল্লাহ (সা) মুশরিকদের সঙ্গে তাদের আচার-অনুষ্ঠানে যোগ দিতেন। একদিন তিনি শুনতে পেলেন যে, তাঁর পিছনে দুই ফেরেশতা। তাদের একজন অপরজনকে বলছেন, চল, আমরা রাসূলুল্লাহ (সা)-এর পিছনে গিয়ে দাঁড়াই। সঙ্গীটি বললেন, আমরা তাঁর পিছনে দাঁড়াই কী করে; তিনি যে মূর্তি চুম্বনের উদ্দেশ্যে যাচ্ছেন। রাবী জাবির বলেন, এরপর কখনো নবীজী (সা) মুশরিকদের সঙ্গে তাদের আচার- অনুষ্ঠানে যোগ দেননি।

বলা বাহুল্য যে, আলোচ্য হাদীসটি বিতর্কিত। উক্ত হাদীসের একজন রাবী উসমান ইবনে আবু শায়বার ব্যাপারে একাধিক ইমাম আপত্তি উত্থাপন করেছেন। এমনকি ইমাম আহমদ বলেছেন, তাঁর ভাই এ হাদীসের একটি বর্ণণ উচ্চারণ করতেন না।

ইমাম বায়হাকী কারো কারো থেকে বর্ণনা করেছেন যে, এ হাদীসের মর্ম হলো যারা দেব মূর্তি চুম্বন করত, নবী করীম (সা) তাদের সঙ্গে অনুষ্ঠানে যোগ দিয়েছিলেন। আর এ ঘটনাটি নবী করীম (সা)-এর প্রতি ওহী অবতারণের পূর্বের। আল্লাহই ভালো জানেন। যায়েদ ইবনে হারিছার হাদীসে তো বলা হয়েছে যে, নবুওতের মর্যাদায় ভূষিত হওয়ার আগে কখনো নবীজী (সা) মুশরিকদের আচার-অনুষ্ঠানে যোগ দেননি। এক হাদীসে আছে যে, রাসূলুল্লাহ (সা) আরাফার রাতে মুহ্যদালিফায় অবস্থান করতেন না। বরং লোকদের সঙ্গে আরাফাতেই অবস্থান করতেন। যেমন ইউনুস ইবনে বুকায়র বর্ণিত এক হাদীসে আছে, হ্যরত জুবায়র ইবনে মুতাইম (রা) বলেন, আমি রাসূলুল্লাহ (সা)-কে তাঁর সম্প্রদায়ের লোকদের মধ্য থেকে কেবল তাঁকেই আরাফাতে উটের ওপর অবস্থানরত দেখেছি। তিনি তখনো নিজ সম্প্রদায়ের দীনের অনুসারী ছিলেন। আল্লাহ তাঁকে তাওফীক দিয়েছিলেন বলেই এমনটি হয়েছে।

বায়হাকী বলেন, নিজ সম্প্রদায়ের দীন কথাটার অর্থ হলো ইবরাহীম ও ইসমাইল (আ)-এর দীনের অবশিষ্টাংশ। অন্যথায় নবী করীম (সা) জীবনে কখনো শিরক করেননি।

আমার মতে উপরের বর্ণনায় একথা বোঝা যায় যে, রাসূলুল্লাহ (সা) তাঁর প্রতি ওহী অবতারণের পূর্বেও আরাফায় অবস্থান করতেন। আল্লাহ তাওফীক দিয়েছিলেন বলেই এমনটি

সম্বৰ হয়েছে। ইমাম আহমদ ও ইয়া'কুব মহাম্মদ ইবনে ইসহাক সূত্রে এ হাদীসটি বর্ণনা করেছেন। তার ভাষা হলোঁ : আমি রাসূলুল্লাহ (সা)-কে তাঁর প্রতি ওহী অবতারণের পূর্বে লোকদের সঙ্গে আরাফায় উটের পিঠে অবস্থানরত দেখেছি। শেষ পর্যন্ত তিনি তাদের সাথেই ফিরতেন। আল্লাহ তাঁকে এর তওঁফীক দিয়েছিলেন।

হযরত জুবায়র ইবনে মুতাইম সূত্রে ইমাম আহমদ বর্ণনা করেন যে, তিনি বলেছেন, একদিন আরাফায় আমার উট হারিয়ে ফেলি। আমি তার খোঁজে বের হলাম। হঠাতে দেখি, নবী কর্যাম (সা) দাঁড়িয়ে আছেন। মনে মনে বললাম, ইনি তো হমস<sup>১</sup> গোত্রের মানুষ। এখানে কেন ইনি?

### ফিজার যুদ্ধে রাসূলুল্লাহ (সা)-এর উপস্থিতি

ইবনে ইসহাক বলেন, ফিজার যুদ্ধ যখন পুরোদমে চলছে, রাসূলুল্লাহ (সা) তখন কুড়ি বছরের যুবক। উল্লেখ্য যে, কিনানা এবং আয়লানের কায়স পরম্পরার বক্তু সম্পর্কীয় এই দু'টি গোত্র নিষিদ্ধ সময়ে এ যুদ্ধে জড়িয়ে পড়ার কারণে এ যুদ্ধকে ফিজার যুদ্ধ বা সীমালংঘন যুদ্ধ বলা হয়। এ যুদ্ধে কুরায়শ ও কিনানার নেতৃত্বে ছিলেন হারব ইবনে উমাইয়া ইবনে আবদে শামস। দিনের প্রথম ভাগে কায়স গোত্র কিনানার ওপর জয়লাভ করেছিল। দিনের মাঝামাঝিতে এসে বিজয় কিনানা গোত্রের হাতে চলে আসে।

ইবনে হিশাম বলেন, রাসূলুল্লাহ (সা) যখন চৌদ কিংবা পনের বছর বয়সে উপনীত হন, তখন সহযোগী কিনানাসহ কুরায়শ এবং আয়লানের কায়স-এর মধ্যে ফিজার যুদ্ধ শুরু হয়।

ঘটনার পটভূমি নিম্নরূপ : উরওয়া আর রিহাল (ইবন উত্বা ইবন জাফর ইবন কিলাব ইবন রবীয়া ইবন আমির ছা'ছা'আ ইবন মু'আবিয়া ইবন বকর ইবন হাওয়াফিন) নু'মান ইবনে মুনিয়িরকে ব্যবসা করার অনুমতি দেয়। এ খবর শুনে বনু যামুরা (ইবন বকর ইবন আবদে মানাত ইবন কিনানা) গোত্রের বারায় ইবনে কায়স বলে, কিনানার স্বার্থ নষ্ট করে তুমি নু'মানকে ব্যবসা করার অনুমতি দিলে ? উরওয়া আর রিহাল বলল, হ্যা, দিয়েছি সকলের স্বার্থে ব্যাপ্তি ঘটলেও। এ কথার পর উরওয়া আর রিহাল চলে যায়। বারায়ও প্রতিশোধ নেয়ার লক্ষ্যে সুযোগের সন্ধানে বেরিয়ে পড়ে। মক্কার উচু অঞ্চলের যী-তিলাল নামক স্থানের দক্ষিণে পৌছে উরওয়া অসতর্ক হয়ে পড়ে। সুযোগ বুঝে বারায় তার উপর ঝাপিয়ে পড়ে এবং তাকে হত্যা করে ফেলে। ঘটনাটি ঘটে নিষিদ্ধ মাসে। এ কারণে তা ফিজার নামে আখ্যায়িত হয়। এ ব্যাপারে গর্ব প্রকাশ করে বারায় কবিতার কয়েকটি পংক্তিও আওড়ায়। উরওয়ার এ হত্যাকাণ্ড প্রসঙ্গে লবীদ ইবন রবীয়াও কয়েকটি পংক্তি রচনা করেন।

ইবনে হিশাম বলেন, এরপর জনৈক ব্যক্তি কুরায়শের নিকট এসে সংবাদ দিল যে, বারায় উরওয়াকে খুন করে ফেলেছে। তা-ও আবার নিষিদ্ধ মাসে, উকায মেলার স্থানে। অতএব তোমরা হাওয়াফিন গোত্র যাতে টের না পায় সেভাবে নিরাপদ আশ্রয়ে চলে যাও। কিন্তু এর

১. হমস বলতে কুরায়শ গোত্র বোঝানো হতো। হমস মানে দৃঢ়তা। তারা দীনের ব্যাপারে অনুচ্ছ-অবিচল ধাকতো বলে তাদেরকে হমস বলা হতো।

মধ্যে হাওয়ায়িন ঘটনাটি জেনে ফেলে। তারা কুরায়শদের ধাওয়া করে। কুরায়শরা হারামে প্রবেশ করার পূর্বেই হাওয়ায়িনরা তাদেরকে নাগালে পেয়ে যায়। তখন সংঘর্ষ শুরু হয়। সারা দিন যুদ্ধশেষে রাতের বেলা কুরায়শরা হারামে প্রবেশ করতে সক্ষম হয়। ফলে হাওয়ায়িনরা নিবৃত্ত হয়। পরদিন আবার সংঘর্ষ শুরু হয়। এ সংঘর্ষ কয়েকদিন অব্যাহত থাকে। প্রত্যেক সম্প্রদায়ের লোক তাদের নেতাদের ওপর পূর্ণ নির্ভর করে।

কুরায়শ ও কিনানার সব ক'টি গোত্রের নেতৃত্ব একজনের হাতে ছিল। আর কায়স-এর সবগুলো গোত্রের নেতৃত্ব অপর একজনের হাতে ছিল। বর্ণনাকারী বলেন, রাসূলুল্লাহ (সা) এক দিন এ যুদ্ধে উপস্থিত হয়েছিলেন। তাঁর চাচারা তাঁকে সঙ্গে করে নিয়ে গিয়েছিলেন। এ প্রসঙ্গে রাসূলুল্লাহ (সা) নিজে বলেছেন : **كُنْتُ أَنْبِلُ عَلَىٰ أَعْمَامِي**

আমি শক্তদের নিক্ষিণি তীর কুড়িয়ে চাচাদের হাতে তুলে দিতাম।

ইব্নে হিশাম বলেন, ফিজারের যুদ্ধ দীর্ঘকাল পর্যন্ত চলেছিল, তা' আমার উল্লেখিত বর্ণনার চাইতেও দীর্ঘতর ছিল। সীরাত সম্পর্কিত আলোচনায় অপ্রাসঙ্গিক বলে এখানে তা উল্লেখ করা হলো না।

সুহায়লী বলেন, আববে ফিজার সংঘটিত হয়েছিল চারটি। মাসউদী এ যুদ্ধগুলোর কথা উল্লেখ করেছেন। এ যুদ্ধগুলোর সর্ব শেষটি হলো এই ফিজারমূল বারায়। ফিজারমূল বারায়ের যুদ্ধ হয়েছে চার দিন। (তখনকার দিনের নাম অনুসারে) ১. শামতা ২. আবলা। এ দু'দিনের লড়াই হয়েছে উকায়-এর নিকট। ৩. আশ শুরু। চারদিনের মধ্যে এ দিনের যুদ্ধই বেশি শুরুত্বপূর্ণ ছিল। এ দিনে রাসূলুল্লাহ (সা) উপস্থিত ছিলেন। এ দিনে কুরায়শ ও বনু কিনানার দুই নেতা হার্ব ইব্ন উমাইয়া এবং তার ভাই সুফিয়ান নিজেরা নিজেদেরকে শিকলে আটকে রাখে, যাতে বাহিনীর যোদ্ধারা পালিয়ে না যায়। এই দিনে কায়স গোত্র পালিয়ে যায়। তবে বনু নায়র নিজেদের অবস্থায় অটল থাকে। ৪. হারীরা। এই দিনের যুদ্ধ হয়েছিল নাখলার নিকট। তারপর বিবদমান উভয় পক্ষ আগামী বছর উকায়ের নিকট যুদ্ধে লিঙ্গ হওয়ার অঙ্গীকার ব্যক্ত করে। নির্দিষ্ট সময়ে তারা অঙ্গীকার পালনে লিঙ্গ হলে উভবা ইব্নে রবীয়া উটে সওয়ার হয়ে ডাক দিয়ে বলে, ওহে মুযার সম্প্রদায়! কোন যুক্তিতে তোমরা লড়াই করছ? জবাবে হাওয়ায়িনরা বলল, আপনি কী প্রস্তাব নিয়ে এসেছেন, বলুন। উভবা বলল, আমি সন্ধি করতে চাই। তারা বলল, সন্ধি কি শর্তে হবে বলুন। উভবা ইব্নে রবীয়া বলল: আমাদের হাতে তোমাদের যে সব লোক নিহত হয়েছে, আমরা তোমাদেরকে তাদের রক্তপণ পরিশোধ করব। তা আদায় না হওয়া পর্যন্ত আমাদের সম্পদ তোমাদের কাছে বন্ধক রাখব। আর তোমাদের নিকট আমরা যে রক্তপণ পাওনা আছি, তা মাফ করে দেব। শুনে হাওয়ায়িনরা বলল, এই চুক্তির দায়িত্ব কে নেবে? উভবা বলল, আমি। হাওয়ায়িনরা বলল, আপনি কে? উভবা বলল, আমি উভবা ইব্নে রবীয়া। অবশেষে উক্ত প্রস্তাব অনুযায়ী সন্ধি স্থাপিত হয় এবং যুদ্ধরত লোকদের নিকট চাল্লিশ ব্যক্তিকে প্রেরণ করা হয়। হাকীম ইব্নে হিয়াম (রা) তাদের একজন ছিলেন। যখন বনু আমির ইব্নে ছাঁছাঁআ দেখল যে, বন্ধক তাদের হাতে এসে গেছে, তখন তারা তাদের রক্তপণের দাবি ত্যাগ করে এবং এভাবে ফিজার যুদ্ধের অবসান ঘটে। ঐতিহাসিক উমাবী ফিজার-এর যুদ্ধসমূহ এবং

তার দিন-ক্ষণ সম্পর্কে আছরাম সূত্রে বিস্তারিত আলোকপাত করেছেন। আছরাম হলেন মুগীরা ইব্নে আলী। মুগীরা আবু উবায়দা মা'মার ইব্নে মুছান্না থেকে হাদীসটি বর্ণনা করেছেন।

### অধ্যায়

হাফিজ বায়হাকী বর্ণনা করেন যে, জুবায়র ইব্নে মুতাইম (রা) বলেন, রাসূলুল্লাহ (সা) বলেছেন, “আমি আমার চাচাদের সঙ্গে ‘হিলফুল মুতায়িবীনে’ উপস্থিত ছিলাম। এখন আমি তা’ ভঙ্গ করা পছন্দ করি না; বিনিময়ে বহমূল্য লাল উট দিলেও নয়।”

হয়রত আবু হুরায়রা (রা) বর্ণিত হাদীসে আছে ৪ রাসূলুল্লাহ (সা) বলেছেন, “হিলফুল মুতায়িবীন ছাড়া আমি কুরায়শদের কোন চুক্তিতে উপস্থিত ছিলাম না। এখন বিনিময়ে আমাকে লাল উট দেয়া হলেও আমি তা ভঙ্গ করা পছন্দ করি না।” আবু হুরায়রা (রা) বলেন, মুতায়িবীন বলতে বোঝানো হয়েছে হাশিম, উমাইয়া, যুহরা ও মাখ্যুমকে। বায়হাকী বলেন, হাদীসের এই ব্যাখ্যাটি মুদরাজ বা রাবীর বাড়তি বর্ণনা। এ রাবীর পরিচয়ও অজ্ঞাত। কোন কোন সীরাত বিশেষজ্ঞদের ধারণা, এখানে ‘হিলফুল মুতায়িবীন’ বলতে হিলফুল ফুয়ুল বোঝান হয়েছে। কেননা রাসূলুল্লাহ (সা) হিলফুল মুতায়িবীন-এর সময়কাল পাননি।

আমার মতে, এ ব্যাপারে কোন সন্দেহ নেই। তার কারণ কুরায়শরা অঙ্গীকারাবদ্ধ হয়েছিল কুসাই-এর মৃত্যুর পর। কুসাই কর্তৃক তাঁর পুত্র আব্দুল্লারকে সিকায়া, রিফাদা, লিওয়া, নাদওয়া ও হিজাবার দায়িত্ব প্রদানকে কেন্দ্র করে বিরোধ ছিল। এই সিদ্ধান্তে বনূ ‘আব্দে মানাফের আপত্তি ছিল। কুরায়শের সকল গোত্র এ ব্যাপারে সোচ্চার হয় এবং নিজ নিজ পক্ষের সহযোগিতা করার ব্যাপারে পরম্পর অঙ্গীকারাবদ্ধ হয়। এ খবর শুনে আব্দে মানাফের গোত্রের লোকরা একটি পাত্রে সুগন্ধি রেখে তাতে হাত রেখে তারাও অঙ্গীকার ব্যক্ত করে। বৈঠক থেকে উঠে তারা বায়তুল্লাহর খুঁটিতে হাত মুছে। এ কারণে তাঁদেরকে ‘মুতায়িবীন’ বা সুগন্ধিওয়ালা নাম দেয়া হয়। এ ঘটনাটি প্রাচীন আমলের। কাজেই প্রমাণিত হয় যে, আলোচ্য অঙ্গীকার দ্বারা হিলফুল ফুয়ুল বোঝানো হয়েছে। হিলফুল ফুয়ুল সম্পাদিত হয়েছিল আব্দুল্লাহ ইবন জাদ‘আনের ঘরে। যেমন হুমায়দী বর্ণনা করেন যে, রাসূলুল্লাহ (সা) বলেছেন, “আমি আব্দুল্লাহ ইব্নে জাদ‘আনের ঘরে একটি অঙ্গীকার অনুষ্ঠানে উপস্থিত হয়েছিলাম। ইসলামের যুগেও যদি আমাকে তেমন অঙ্গীকারের প্রতি আহ্বান করা হতো, আমি তাতে সাড়া দিতাম।” উপস্থিত ব্যক্তিবর্গ তাতে নগরবাসীর ওপর অত্যাচার ও অন্যায়ের প্রতিরোধ করার শপথ নিয়েছিলেন।

ঐতিহাসিকগণ বলেন, হিলফুল ফুয়ুল সম্পাদিত হয়েছিল রাসূলুল্লাহ (সা)-এর নবৃত্য লাভের কুড়ি বছর আগে যুলকা’দা মাসে, ফিজার যুদ্ধের চার মাস পরে। ফিজার সংঘটিত হয়েছিল একই বছরের শাবান মাসে।

হিলফুল ফুয়ুল ছিল আরবের ইতিহাসে সবাপেক্ষা শ্রেষ্ঠ শপথ। এ ব্যাপারে সর্বপ্রথম যিনি মুখ খুলেন এবং যিনি এর প্রস্তাব উথাপন করেন, তিনি হলেন যুবায়র ইব্নে আব্দুল মুত্তালিব।

যে পটভূমির ওপর ভিত্তি করে এই অঙ্গীকার সম্পাদিত হয়েছিল, তা হলো এই :

যাবীদ গোত্রের এক ব্যক্তি কিছু ব্যবসা পণ্য নিয়ে মুক্ত আসে। ‘আস ইবনে ওয়াইল তার থেকে কিছু সওন্দা ক্রয় করে। কিন্তু পরে সে তার মূল্য পরিশোধ করতে অঙ্গীকার করে। অগত্যা যাবীদী তার পাওনা আদায় করার জন্য আহলাফ তথা আবুদ্বুর, মাখ্যুম, জামহ, সাহম ও আদী ইবনে কা’ব-এর শরণাপন্ন হয়। কিন্তু তারা ‘আস ইবনে ওয়াইল-এর বিপক্ষে তাকেসাহায্য করতে পারবে না বলে জানিয়ে দেয় এবং তাকে শাসিয়ে দেয়। অবস্থা বেগতিক দেখে যাবীদী ভোরে আবু কুবায়স পর্বতে আরোহণ করে উচ্চ স্থরে কাব্যাকারে তার অত্যাচারিত হওয়ার কথা প্রচার করে। কুরায়শরা তখন কা’বা চতুরে আলাপ-আলোচনায় রত। যুবায়র ইবনে আব্দুল মুত্তালিব বিষয়টি গুরুত্বসহকারে বিবেচনা করেন এবং বলেন, ঘটনাটিকে এভাবে উপেক্ষা করা যায় না। এর একটা সুরাহা হওয়া দরকার। এবার হাশিম, যুহরা ও তাইম ইবনে মুর্রা আব্দুল্লাহ ইবনে জাদ’আন-এর বাড়িতে সমবেত হন। আব্দুল্লাহ ইবনে জাদ’আন মেহমানদের আপ্যায়নের ব্যবস্থা করেন। এ বৈঠকে যুদ্ধ নিষিদ্ধ মাস যুলকা’দায় তাঁরা আল্লাহর নামে এই মর্মে অঙ্গীকারাবদ্ধ হন যে, তাঁরা অত্যাচারিতের পক্ষে অত্যাচারীর বিরুদ্ধে ঐক্যবন্ধভাবে কাজ করবে, যাতে করে জালিম মজলুমের পাওনা আদায় করতে বাধ্য হয়। যতদিন পর্যন্ত সমুদ্রে ঢেউ উঠিত হবে, যতদিন পর্যন্ত হেরা ও ছাঁচীর পর্বতস্থ আপন স্থানে স্থির থাকবে, ততদিন পর্যন্ত আমাদের এই অঙ্গীকার অব্যাহত থাকবে। আর জীবন যাত্রায় আমরা একে অপরের সাহায্য করব। কুরায়শরা এই অঙ্গীকারকে ‘হিলফুল ফুয়ুল’ নামে নামকরণ করে এবং বলে, এরা একটি মহত কাজে আত্মনিয়োগ করেছে। তারপর এই যুবকরা আস ইবনে ওয়াইল-এর নিকট গিয়ে তার থেকে যাবীদীর পণ্য উদ্ধার করে তাকে ফেরত দেন। যুবায়র ইবনে আব্দুল মুত্তালিব এ ব্যাপারে বলেন :

إِنَّ الْفُضُولَ تَعَاقدُوا وَتَحَالَفُوا - أَلَا يُقْيِمُ بِبَطْنِ مَكَّةَ ظَالِمٌ  
أَمْ رَعَى إِلَيْهِ تَعَاقدُوا وَتَوَاقَّوا - فَالْجَارُ وَالْمُعْتَرِ فِيهِمْ سَالِمٌ

কয়েক মহান ব্যক্তি এই মর্মে অঙ্গীকারাবদ্ধ হয়েছে যে, মুক্ত বুকে কোনো জালিম পা রাখতে পারবে না; নগরবাসী বিদেশী সকলেই এখানে নিরাপদে অবস্থান করবে।

একটি গরীব পর্যায়ের হাদীসে কাসিম ইবনে ছাবিত উল্লেখ করেন, কাছ’আম গোত্রের এক ব্যক্তি হজ্জ কিংবা উমরাহ উপলক্ষে মুক্ত আগমন করে। তার একটি কন্যা তার সঙ্গে ছিল। মেয়েটি ছিল অত্যন্ত রূপসী এবং তার নাম ছিল কাতুল। নাবীহ ইবন হাজ্জাজ মেয়েটিকে পিতার নিকট হতে অপহরণ করে নিয়ে লুকিয়ে রাখে। ফলে কাছ’আমী লোকটি তার মেয়েকে উদ্ধারের ফরিয়াদ জানায়। তাকে তখন বলা হলো, তুমি ‘হিলফুল ফুয়ুল’ যুবসংঘের শরণাপন্ন হও। লোকটি কা’বার নিকটে দাঁড়িয়ে হাঁক দিল, হিলফুল ফুয়ুল-এর সদস্যগণ কে কোথায় আছেন? সঙ্গে সঙ্গে হিলফুল ফুয়ুল-এর কর্মীগণ কোষ্মুজ তরবারি হাতে চতুর্দিক হতে ছুটে আসেন এবং বলেন, তোমার সাহায্যকারীরা হাজির; তোমার কী হয়েছে? লোকটি বলল, নাবীহ আমার কন্যার ব্যাপারে আমার প্রতি জুলুম করেছে। আমার কন্যাকে সে জোর করে আমার থেকে ছিনয়ে নিয়েছে। অভিযোগ শুনে তারা লোকটিকে নিয়ে নাবীহ-এর গৃহের দরজায় গিয়ে

উপস্থিত হন। নাবীহ বেরিয়ে আসলে তারা বলেন, হতভাগা কোথাকার! মেয়েটিকে নিয়ে আয়। তুই তো জানিস্ আমরা কারা, কি কাজের শপথ নিয়েছি আমরা! নাবীহ বলল, ঠিক আছে, তা-ই করছি, তবে আমাকে একটি মাত্র রাতের অবকাশ দিন। তারা বললেন, না, আল্লাহর শপথ! কিছুতেই তা হতে পারে না। অগত্যা নাবীহ মেয়েটিকে তাঁদের হাতে অর্পণ করে। তখন সে আক্ষেপের সহিত কয়েকটি পংক্তি উচ্চারণ করে।

জুরহুম গোত্র ‘জালিমের বিরুদ্ধে মজলুমের সহায়তা দান’ বিষয়ক একটি অঙ্গীকার নিয়েছিল। কেউ কেউ বলেন, আলোচ্য অঙ্গীকারও জুরহুমের সেই অঙ্গীকারের অনুরূপ বলে একে হিলফুল ফুয়ুল নামে নামকরণ করা হয়েছে। যে তিন নেতৃস্থানীয় ব্যক্তির উদ্যোগে জুরহুমের সেই অঙ্গীকার সম্পাদিত হয়েছিল, তাদের প্রত্যেকেরই নাম ফায়ল ১. ফায়ল ইবনে ফুয়ালা ২. ফায়ল ইবনে ওয়াদা’আহ ৩. ফায়ল ইবনে হারিছ। এটা ইবনে কুতায়বার বক্তব্য। অন্যদের মতে তিনজনের নাম হলো, ১. ফায়ল ইবন শুরাজা ২. ফায়ল ইবনে বুয়া’আ ৩. ফায়ল ইবন কুয়া’আ। এটি সুহায়লীর বর্ণনা।

মুহাম্মদ ইবন ইসহাক বলেন : কুরায়শের কয়েকটি গোত্র পরম্পর হলক গ্রহণের আহ্বান জানায়। এ উদ্দেশ্যে তারা মক্কার সর্বজন শুক্রেয় ও প্রবীণ ব্যক্তি আল্লাহ ইবনে জাদ ‘আনের ঘরে সমবেত হন। সেদিনকার সেই বৈঠকে বনূ হাশিম, বনূ আল্লাল মুতালিব, বনূ আসাদ ইবনে আল্লাল উয়্যা, যুহুরা ইবন কিলাব এবং তায়ম ইবন মুররা পরম্পর এই মর্মে অঙ্গীকারাবন্ধ হন যে, মক্কার বাসিন্দা হোক কিংবা ভিন দেশের লোক হোক, যখনই কেউ অন্যের হাতে নির্যাতনের শিকার হবে, তারা তার সর্বাত্মক সাহায্যে এগিয়ে আসবেন। জুলুমের প্রতিকার না করা পর্যন্ত তারা ক্ষান্ত হবেন না। কুরায়শরা এই অঙ্গীকারকে হিলফুল ফুয়ুল নামে অভিহিত করে।

মুহাম্মদ ইবন ইসহাক বলেন, তালহা ইবন আল্লাহ ইবন ইসহাক বলেন, তালহা ইবন আল্লাহ ইবন আউফ যুহুরী বর্ণনা করেন যে, রাসূলুল্লাহ (সা) বলেছেন :

لقد شهدت في دار عبد الله بن جدعان حلفاً ما أحب أن لى به حمرا  
لنعم ولو دعى به في الإسلام لا جبت.

“আমি আল্লাহ ইবন জাদ‘আনের ঘরে এক অঙ্গীকার সভায় উপস্থিত ছিলাম। সেই অঙ্গীকার ভঙ্গ করার বিনিময়ে যদি আমাকে লাল উটও দেয়া হয় তবু আমি তাতে সম্মত হব না। আর ইসলামের আমলেও যদি তার প্রতি আহ্বান করা হতো আমি তাতে সাড়া দিতাম।”

ইবন ইসহাক বলেন : মুহাম্মদ ইবন ইবরাহীম ইবন হারিছ আত-তায়মী বর্ণনা করেন যে, হসায়ন ইবন আলী (রা) ও ওলীদ ইবনে উতবা ইবনে আবু সুফিয়ান-এর মধ্যে যুল-মারওয়ার কিছু সম্পদ নিয়ে বিবাদ ছিল। ওলীদ তখন মদীনার গভর্নর। তাঁর চাচা মু’আবিয়া ইবনে আবু সুফিয়ান তাকে মদীনার গভর্নর নিযুক্ত করেছিলেন। ক্ষমতার বলে ওলীদ পাওনা আদায়ে হসায়ন (রা)-এর ওপর অবিচার করেন। তখন হসায়ন (রা) বললেন. আমি আল্লাহর নামে শপথ করে বলছি, আপনি হয় আমার প্রতি সুবিচার করবেন, অন্যথায় তরবারি হাতে নিয়ে আমি

রাসূলুল্লাহ (সা)-এর মসজিদে দাঁড়িয়ে হিলফুল ফুয়ুল-এর কর্মদের আহ্বান করব। আদুল্লাহ ইব্ন মুবায়র তখন ওলীদের নিকট উপস্থিত ছিলেন। হৃসায়ন (রা)-এর কথা শুনে তিনি বললেন, আমি ও আল্লাহর নামে শপথ করে বলছি। হৃসায়ন যদি এরপ অহ্বান জানান তা'হলে আমি ও আমার তরবারি হাতে তাঁর পাশে এসে দাঁড়াব। হয় তিনি তাঁর ন্যায্য অধিকার ফিরে পাবেন, অন্যথায় আমরা একত্রে জীবন দেব।

বর্ণনাকারী বলেন, এ সংবাদ মিসওয়ার ইব্নে মাখরামার নিকট পৌছলে তিনিও একই কথা বলেন। আদুর রহমান ইব্ন উচ্চান ইব্ন উবায়েদুল্লাহ আত্তায়মীও অভিন্ন উক্তি করেন। ওলীদ ইব্নে উত্তবা সব খবর পেয়ে অবশ্যে হৃসায়ন (রা)-কে তাঁর ন্যায্য পাওনা বুঝিয়ে দেন। তাতে হৃসায়ন (রা) সন্তুষ্ট হয়ে যান।

### নবীজী (সা)-এর সাথে খাদীজা বিনতে খুওয়ায়লিদের বিবাহ

ইব্ন ইসহাক বলেন, খাদীজা বিনতে খুওয়ায়লিদ একজন সন্তোষ ব্যবসায়ী মহিলা ছিলেন। লাভে অংশীদারিত্বের চুক্তিতে পুরুষদেরকে তিনি তাঁর ব্যবসায় নিধোগ করতেন। রাসূলুল্লাহ (সা)-এর সত্যবাদিতা, বিশ্বস্ততা ও সচ্চরিত্বার কথা জানতে পেরে তিনি তাঁর নিকট প্রস্তাব পাঠালেন, যেন তিনি ব্যবসায় পণ্য নিয়ে সিরিয়া সফর করেন। বিনিময়ে তিনি তাঁকে অন্যদের তুলনায় অধিক মুনাফা প্রদানের প্রস্তাব করেন। সঙ্গে থাকবে খাদীজার গোলাম মায়সারা। রাসূলুল্লাহ (সা) খাদীজার এই প্রস্তাবে সম্মত হন এবং পণ্যসামগ্রী নিয়ে সিরিয়ার উদ্দেশ্যে রওয়ানা হন। তাঁর সঙ্গে খাদীজার গোলাম মায়সারাও রওয়ানা হন। সিরিয়া পৌছে রাসূলুল্লাহ (সা) জনৈক পাদ্রীর গির্জার নিকট একটি গাছের ছায়ায় অবস্থান গ্রহণ করেন। পাদ্রী মায়সারাকে ডেকে নিয়ে জিজেস করেন, গাছের নিচে অবতরণকারী ব্যক্তিটি কে? মায়সারা বললেন, ইনি হারমবাসী কুরায়শী বৎশের এক ব্যক্তি। পাদ্রী বললেন, এ যাবত এই গাছের নিচে নবী ব্যতীত কেউ অবতরণ করেন। তারপর রাসূলুল্লাহ (সা) তাঁর নিয়ে আসা ব্যবসা-পণ্য বিক্রি করলেন এবং বিক্রয়লক্ষ অর্থ দিয়ে তাঁর পছন্দমত অন্য মাল ক্রয় করলেন। এরপর মায়সারাকে নিয়ে মক্কার উদ্দেশ্যে রওয়ানা হলেন।

ঐতিহাসিকদের ধারণা, মায়সারা লক্ষ্য করেন যে, সূর্যের তাপ প্রথর হওয়ার সাথে সাথে দু'জন ফেরেশতা মুহাম্মদ (সা)-কে ছায়া প্রদান করছেন। তখন তিনি উটের পিঠে চড়ে এগিয়ে চলছিলেন। মক্কায় এসে খাদীজাকে তিনি তাঁর পণ্য বুঝিয়ে দেন। খাদীজা দিগ্নণ বা প্রায় দিগ্নণ মূল্যে তা বিক্রি করেন। মায়সারা খাদীজার নিকট পাদ্রীর মন্তব্যৰ কথা এবং নবীজী (সা)-কে দুই ফেরেশতার ছায়াদানের কথা ব্যক্ত করেন। আর খাদীজা ছিলেন একজন দৃঢ়চেতা, সন্তোষ ও বুদ্ধিমতী মহিলা।

মায়সারা ঘটনার ইতিবৃত্ত শুনালে খাদীজা (রা) রাসূলুল্লাহ (সা)-কে ডেকে পাঠালেন। ঐতিহাসিকদের ধারণা, হ্যরত খাদীজা (রা) রাসূলুল্লাহ (সা)-কে বলেন, চাচাতো ভাই! আপনার সুখ্যাতি, আপনার বিশ্বস্ততা, আপনার উন্নত চরিত্র, সত্যবাদিতা—এ সবের কারণে আমি আপনার প্রতি আকৃষ্ট। তারপর তিনি সরাসরি বিয়ের প্রস্তাব দেন। উল্লেখ্য যে, খাদীজা

(রা) কুরায়শ মহিলাদের মধ্যে বৎসরগতভাবে অতিশয় সজ্ঞান্ত, মর্যাদায় সকলের সেরা ও শ্রেষ্ঠ বিত্তবৃত্তি মহিলা ছিলেন। তাঁর সম্প্রদায়ের প্রত্যেকেই সুযোগ সাপেক্ষে তাঁর প্রতি লালায়িত ছিল। রাসূলুল্লাহ (সা) বিষয়টি তাঁর চাচাদের গোচরে দেন। শুনে চচ্চ! হামযা (রা) রাসূলুল্লাহ (সা)-কে নিয়ে খুওয়াইলিদ ইবনে আসাদ-এর নিকট গমন করেন। খুওয়াইলিদ-এর সঙ্গে আলাপ- আলোচনার পর খাদীজার সঙ্গে রাসূলুল্লাহ (সা)-এর বিবাহ সম্পাদন করেন।

ইব্নে হিশাম বলেন : মহর হিসাবে তাঁকে তিনি বিশটি উট প্রদান করেন। এটিই ছিল রাসূলুল্লাহ (সা)-এর প্রথম বিবাহ। খাদীজা (রা)-এর মৃত্যু পর্যন্ত রাসূলুল্লাহ (সা) আর কোন বিবাহ করেন নি।

ইব্নে ইসহাক বলেন : ইবরাহীম ব্যতীত রাসূলুল্লাহ (সা)-এর সকল সন্তান খাদীজার গর্ভেই জন্ম লাভ করেন। তাঁরা হলেন, ১. কাসিম। রাসূলুল্লাহ (সা)-এর আবুল কাসিম উপনামটি এই কাসিম-এর নামেই ছিল। ২. তায়িব ৩. তাহির ৪. যায়নাব ৫. রুক্কাইয়া ৬. উম্মে কুলসুম ৭. ফাতিমা (রায়িয়া আল্লাহু তা'আলা আনহুম আজমায়ী)।

ইব্নে হিশাম বলেন, রাসূলুল্লাহ (সা)-এর পুত্রদের মধ্যে কাসিম ছিলেন সকলের বড়। তারপর তায়িব। তারপর তাহির। আর কন্যাদের মধ্যে বড় হলেন, রুক্কাইয়া। তারপর যায়নাব, তারপর উম্মে কুলসুম, তারপর ফাতিমা (রা)।

বায়হাকী বলেন, আমি আবু বকর ইব্নে আবু খায়ছামার একটি লিপিতে পড়েছি; তাতে উল্লেখ আছে যে, মুস'আব ইব্নে আব্দুল্লাহ যুবায়রী বলেন, রাসূলুল্লাহ (সা)-এর জ্যেষ্ঠ পুত্রের নাম কাসিম, তারপর যায়নাব, তারপর আব্দুল্লাহ, তারপর উম্মে কুলসুম, তারপর আব্দুল্লাহ। তারপর ফাতিমা। তারপর রুক্কাইয়া। আর তাঁদের মধ্যে সর্বপ্রথম ইনতিকাল করেন কাসিম। তারপর আব্দুল্লাহ। আর খাদীজা (রা) আয়ু পেয়েছিলেন পঁয়ষষ্ঠি বছর। মতান্তরে পঞ্চাশ বছর। এ অভিমতটিই বিশুদ্ধতর। অন্যদের মতে কাসিম বাহনে আরোহণের উপযুক্ত এবং বুদ্ধিসম্পন্ন হয়ে রাসূলুল্লাহ (সা)-এর নবুওত লাভের পর মারা যান। কেউ কেউ বলেন, কাসিম যখন মারা যান তখন তিনি দুঃখপোষ্য শিশু। তাঁর মৃত্যুর পর রাসূলুল্লাহ (সা) বলেছিলেনঃ “ওর জন্য জানাতে শন্ত্যদাত্রী রাখা আছে। সে তার দুধ পানের মেয়াদ পূর্ণ করবে।” তবে প্রসিদ্ধ মতে, রাসূলুল্লাহ (সা)-এর এ উক্তিটি ছিল ইবরাহীম সম্পর্কে।

ইউনুস ইব্ন বুকায়র..... ইব্ন আবুরাস (রা) থেকে বর্ণনা করেন যে, তিনি বলেন, খাদীজার গর্ভে রাসূলুল্লাহ (সা)-এর দুই পুত্র সন্তান এবং চার কন্যা সন্তান জন্মগ্রহণ করেন। ১. কাসিম ২. আব্দুল্লাহ, ৩. ফাতিমা ৪. উম্মে কুলসুম ৫. যায়নাব ৬. রুক্কাইয়া। যুবায়র ইব্নে বাক্সার বলেন, আব্দুল্লাহ তায়িব ও তাহিরও বলা হতো। কারণ তিনি হ্যরতের নবুয়ত প্রাপ্তির পর জন্মলাভ করেছিলেন।

যাহোক, নবী করীম (সা)-এর অন্য পুত্রগণ তাঁর নবুওতের আগেই মারা যায়। অবশ্য কন্যাগণ নবুওতের যুগ লাভ করেন। তাঁরা ইসলাম করুল করেন এবং রাসূলুল্লাহ (সা)-এর সঙ্গে হিজরত করেন। ইব্নে হিশাম বলেন, ইবরাহীম-এর জন্ম মারিয়া কিবতিয়ার গর্ভে।

আলেকজান্দ্রিয়া-অধিপতি মুকাওকিস মারিয়াকে রাসূল (সা)-এর খেদমতে উপহাররূপে পাঠিয়েছিলেন। রাসূলুল্লাহ (সা)-এর সকল সহস্রিমনী ও সন্তানগণের ব্যাপারে আমরা ইনশাআল্লাহ স্বতন্ত্রভাবে সীরাত অধ্যায়ের শেষে আলোকপাত করব।

ইব্নে হিশাম বলেন, রাসূলুল্লাহ (সা) যখন খাদীজা (রা)-কে বিবাহ করেন, তখন তাঁর বয়স ছিল পঁচিশ বছর। একাধিক আলিম আমার নিকট এরূপ বর্ণনা দিয়েছেন। তন্মধ্যে আবু আমর আল-মাদানী বিশেষভাবে উল্লেখযোগ্য।

ইয়াকুব ইব্ন সুফিয়ান এক সূত্রে বর্ণনা করেন যে, ‘আমর ইব্ন আসাদ যখন খাদীজাকে রাসূলুল্লাহ (সা)-এর নিকট বিবাহ দেন তখন রাসূলুল্লাহ (সা)-এর বয়স ছিল পঁচিশ বছর। কুরায়শরা তখন কা’বা নির্মাণ করছে।

অনুরূপভাবে বায়হাকী হাকিম থেকে বর্ণনা করেন যে, রাসূলুল্লাহ (সা) যখন খাদীজা (রা)-কে বিবাহ করেন, তখন তাঁর বয়স ছিল পঁচিশ বছর। আবু খাদীজার বয়স তখন পঁয়ত্রিশ, মতান্তরে পঁচিশ।

### খাদীজাকে বিবাহ করার পূর্বে রাসূলুল্লাহ (সা)-এর পেশা

হ্যরত আবু হুরায়রা (রা) বর্ণনা করেন, যে, রাসূলুল্লাহ (সা) বলেছেন :

مَا بَعَثَ اللَّهُ نَبِيًّا إِلَّا رَأَىٰ غَنْمَ

“আল্লাহ এমন কোন নবী প্রেরণ করেন নি, যিনি ছাগল চরান নি।”

এ কথা শুনে সাহাবাগণ জিজ্ঞেস করলেন, ইয়া রাসূলুল্লাহ! আপনিও? নবী করীম (সা) বললেন : “হ্যাঁ আমিও কয়েকটি মুদ্রা (কীরাত)-এর বিনিময়ে মক্কাবাসীদের ছাগল চরিয়েছি।” আর কারো কারো মতে এর অর্থ ‘কারারীত’ নামক স্থানে বকরী চরিয়েছি। ইমাম বুখারী খাদীসটি বর্ণনা করেছেন।

ইমাম বায়হাকী রবী ইব্নে বদর, আবুয যুবায়র ও জাবির (রা) সূত্রে বর্ণনা করেন যে, তিনি বলেছেন, রাসূলুল্লাহ (সা) বলেন, “একটি জোয়ান উটনীর বিনিময়ে দুইটি সফরে আমি খাদীজার জন্য শৃঙ্খল দিয়েছি।”

ইমাম বায়হাকী (র) অপর এক সূত্রে ইব্নে আববাস (রা) থেকে বর্ণনা করেন যে, তিনি বলেছেন, খাদীজার পিতা খাদীজাকে রাসূলুল্লাহ (সা)-এর নিকট বিবাহ দেওয়াকালে যতদূর মনে হয় নেশাগত্ত ছিলেন।

ইমাম বায়হাকী অপর এক সূত্রে বর্ণনা করেন যে, হ্যরত আম্বার ইব্নে ইয়াসির যখনই লোকদেরকে রাসূল (সা)-এর খাদীজাকে বিবাহ করা সংক্রান্ত আলোচনা করতে শুনতেন, তখন বলতেন, রাসূল (সা)-এর খাদীজাকে বিবাহ করার বিষয়টি আমি সবচেয়ে ভালো জানি। আমি রাসূল (সা)-এর সমবয়সী ও অস্তরঙ্গ সঙ্গী ছিলাম। একদিন আমি তাঁর সঙ্গে বের হই। হায়ওয়ারা নামক স্থানে পৌছে আমরা দ্বিতীয়ে পেলাম যে, খাদীজার এক বোন বসে চামড়া

বিক্রি করছেন। দেখে তিনি আমাকে নিকটে ডাকেন। আমি তার নিকটে ফিরে যাই আর রাসূলুল্লাহ (সা) সেখানে আমার অপেক্ষায় থাকেন। খাদীজার বোনটি আমাকে বললেন, আচ্ছা তোমার এই সঙ্গী কি খাদীজাকে বিবাহ করতে আগ্রহী নয়? আমার (রা) বলেন, একথার কোন জবাব না দিয়ে আমি রাসূলুল্লাহ (সা)-এর নিকট গিয়ে তাঁকে বিষয়টি অবহিত করি। তখন রাসূলুল্লাহ (সা) বললেন, অবশ্যই আগ্রহী। খাদীজার বোনকে রাসূল (সা)-এর এ কথাটি জানালে তিনি বললেন, আগামীকাল সকালে আপনারা আমাদের বাড়িতে আসুন। আমরা পরদিন সকালে খাদীজার বাড়িতে গেলাম। গিয়ে দেখতে পেলাম যে, তারা একটি গরু জবাই করেছেন এবং খাদীজার পিতাকে উত্তম জামা-কাপড় পরিয়ে রেখেছেন। তখন তার দাড়িতে খেজাব মেঝে রেখেছিলেন। আমি খাদীজার ভাইয়ের সঙ্গে কথা বললাম। তিনি তাঁর পিতার সঙ্গে আলাপ করলেন। খাদীজার পিতা তখন মদপান করে নেশাগ্রস্ত ছিলেন। খাদীজার ভাই তাঁকে রাসূলুল্লাহ (সা)-এর মর্যাদা সম্পর্কে অবহিত করেন এবং খাদীজাকে তাঁর নিকট বিবাহ দেওয়ার কথা প্রস্তাব করেন। তিনি তাতে সম্মত দেন এবং তাঁকে বিবাহ দিয়ে দেন। তাঁরা গরুর গোশত রান্না করে তাঁদের আপ্যায়নের আয়োজন করেন। আমরা খাওয়া-দাওয়া করি।

এর মধ্যে খাদীজার পিতা ঘুমিয়ে পড়েন। কিছুক্ষণ পর ঘুম থেকে জাগ্রত হয়ে এই বলে চিংকার করে ওঠেন যে, আমার গায়ে এ সব কিসের পোশাক? দাড়িতে এসব কিসের খেজাব? এ খানাপিনা কিসের? জবাবে তাঁর যে কন্যা আমারের সঙ্গে কথা বলেছিলেন, তিনি বললেন, আপনার জামাতা মুহাম্মদ ইব্নে আব্দুল্লাহ আপনাকে এই পোশাক পরিয়েছেন। আর এই গাড়ীটি আপনার জন্য হাদিয়া এসেছিল; খাদীজার বিয়ে উপলক্ষে একে আমরা যবাই করেছি। কিন্তু তিনি খাদীজাকে মুহাম্মদ ইব্নে আব্দুল্লাহর নিকট বিয়ে দেওয়ার কথা অস্বীকার করে বসেন এবং উচ্চকষ্টে চিংকার করতে করতে বেরিয়ে হিজরে ইসমাইল তথা হাতীমে চলে আসেন। হাশিম গোত্রীয় লোকেরা রাসূলুল্লাহ (সা)-কে সঙ্গে নিয়ে বেরিয়ে আসেন এবং খাদীজার পিতার সঙ্গে কথা বলেন। খাদীজার পিতা বললেন. তোমাদের যে লোকটির নিকট আমি খাদীজাকে বিবাহ দিয়েছি বলে তোমাদের ধারণা, সে কোথায়? জবাবে রাসূল (সা) তাঁর সামনে এসে উপস্থিত হন। খাদীজার আরো নবীজী (সা)-কে এক মজর দেখে বললেন, আমি যদি এর নিকট খাদীজাকে বিবাহ দিয়ে থাকি তো ভালো, অন্যথায় এখন আমি খাদীজাকে এর নিকট বিবাহ দিয়ে দিলাম।

সুহায়লী উল্লেখ করেছেন যে, ইমাম যুহরী তাঁর সীরাত গ্রন্থে পূর্বোক্ত বর্ণনার মত খাদীজার পিতা যখন তাঁকে রাসূলুল্লাহ (সা)-এর নিকট বিবাহ দেন, তখন তিনি নেশাগ্রস্ত ছিলেন বলে বর্ণনা করেছেন: মুআম্মিলী বলেন, সর্বসম্মত সিদ্ধান্ত হলো, খাদীজার চাচা আমর ইব্নে আসাদ খাদীজাকে রাসূলুল্লাহ (সা)-এর নিকট বিবাহ দিয়েছিলেন। সুহায়লী এই অভিমতকেই প্রাধান্য দিয়েছেন। ইবনে আবুস ও আয়েশা (রা) অনুরূপ অভিমত বর্ণনা করেছেন যে, আয়েশা (রা) বলেন, খুওয়াইলিদ ফিজার যুদ্ধের আগেই ইন্তিকাল করেছিলেন। তুরো বাদশাহ যখন হাজরে আসওয়াদকে ইয়ামানে নিয়ে যেতে চেয়েছিলেন, তখন এই খুওয়াইলিদই তার বিরোধিতা করেছিলেন। খুওয়াইলিদ এর বিরুদ্ধে প্রতিবাদমুখ্য হয়ে উঠলে কুরায়শ-এর একদল লোকও

তার সঙ্গে যোগ দেয়। তারপর একদিন তুর্কা একটি ভয়ংকর স্বপ্ন দেখে এই পরিকল্পনা ত্যাগ করেন এবং হাজারে আসওয়াদকে যথাস্থানে বহাল রাখেন।

ইব্নে ইসহাক সীরাত গ্রন্থের পরিশিষ্টে লিখেছেন, খাদীজার ভাই 'আমর ইবনে খুওয়াইলিদ-ই খাদীজাকে রাসুলুল্লাহ (সা)-এর নিকট বিবাহ দিয়েছিলেন। আল্লাহ'ই ভালো জানেন।

### অধ্যায়

ইব্নে ইসহাক বলেন, গোলাম মায়সারা খাদীজার নিকট পান্তির কথা উল্লেখ করেছিল এবং সফরে দুই ফেরেশতা কর্তৃক নবীজী (সা)-কে ছায়া প্রদান করতে দেখেছিল, খাদীজা (রা) তাঁর চাচাতো ভাই ওয়ারাকা ইব্নে নওফল ইব্নে আসাদ ইব্নে আব্দুল ওয়্যাই ইব্নে কুসাইকে সে সম্পর্কে অবহিত করেন। শুনে ওয়ারাকা বললেন, খাদীজা! ঘটনাটি যদি সত্য হয়ে থাকে, তা হলে এ কথা নিশ্চিত যে, মুহাম্মদ এই উচ্চতের নবী। আর আমি নিজেও জানি যে, এই উচ্চতের জন্য একজন নবীর আবির্ভাব হতে যাচ্ছে। এটাই সেই যুগ। এরপর থেকে ওয়ারাকা বিষয়টি সপ্রমাণিত দেখার জন্য উদ্বেগ-উৎকষ্ট প্রকাশ করতে পূরুণ করেন এবং নিম্নোক্ত পংক্তিগুলো আবৃত্তি করেন।

لَجَّتْ وَكُنْتُ فِي الدِّكْرِ لَجُوْجًا - لَهُمْ طَالِمًا مَا بَعَثَ التَّشِيجًا  
وَوَصَفْ مِنْ خَدِيْجَةَ بَعْدَ وَصْفٍ - فَقَدْ طَالَ اِنْتِظَارِيَ بَا خَدِيْجَةًا  
بِبَطْنِ الْمَكْتَيْنِ عَلَى رَجَائِي - حَدِيْثَ أَنْ أَرَى مِنْهُ خَرُوجًا  
بِمَا حَبَرْنَا مِنْ قَوْلِ فَسِ - مِنَ الرَّهْبَانِ أَكْرَهَ أَنْ تَعُوْجَا  
بِأَنْ مُحَمَّدًا سَيَسُودُ قَوْمًا - وَيَخْصِمُ مِنْ يَكُونُ لَهُ حَجِيْجًا  
وَيُظْهِرُ فِي الْبِلَادِ ضِيَاءَ نُورِ - يَقُومُ بِهِ الْبَرِيَّةُ أَنْ تَمُوجَا  
فَيُلْقَى مِنْ يُحَارِبُهُ خَسَارًا - وَيُلْقَى مِنْ يُسَالِمُهُ فُلُوجًا  
فِيَا لِيْتَنِيْ إِذَا مَا كَانَ ذَاكُمْ - شَهِدْتُ وَكُنْتُ أَوْلَاهُمْ وَلُوْجًا  
وَلُوْجًا فِي الَّذِي كَرِهَتْ قُرِيْشٍ - وَلَوْ عَجَّتْ بِمَكْتَهَا عَجِيْجًا  
أَرْجِيْ فِي الَّذِي كَرِهُوْ أَجْمِيْعًا - إِلَى ذِي الْعَرْشِ أَنْ سَقَلُواْ عُرُوجًا  
وَهَلْ أَمْرُ السَّفَالَةِ غَيْرُ كُفْرٍ - مِنْ يَخْتَارُ مِنْ سَمَكَ الْبُرُوجَا

فَإِنْ بَيْقُوا وَأَبْقَى يَكُنْ أَمُورٌ - يَضْعِجُ الْكَافِرُونَ لَهَا ضَحِيجًا  
وَأَنْ أَهْلُكَ فَكُلُّ حَتْنِي سَيِّلَقَى - مِنَ الْأَقْدَارِ مَتَّلَفَةً خُرُوجًا

অর্থঃ আমি অতি আগ্রহের সাথে এমন একটি জিনিসকে বারবার বলে আসছি, যা দীর্ঘদিন যাবত অনেককে কাঁদিয়ে আসছে। খাদীজার নিকট থেকেও নতুন করে সে বিষয়ে নানাবিধ শুণের বিবরণ পাওয়া গেল। শোন খাদীজা! আমার প্রতীক্ষা অনেক দীর্ঘ হয়েছে। আমার প্রত্যাশা, মক্কার উচ্চভূমি ও নিম্নভূমির মধ্যখান থেকে যেন তোমার সে কথা বাস্তবায়িত হচ্ছে বলে দেখতে পাই, যে কথা তুমি খৃষ্টান ধর্ম্যাজকের সূত্রে জানালে। বস্তুত ধর্ম্যাজকের কথায় কোন হেরফের হোক, আমি তা চাই না।

সে প্রতীক্ষিত বিষয়টি এই যে, মুহাম্মদ অচিরেই সমাজের নেতা হবেন এবং নিজের বিজন্মবাদীদের তিনি পরাম্পরা করবেন। পৃথিবীর সর্বত্র তিনি এমন নূর ছড়াবেন, যা দ্বারা তিনি সমগ্র বিশ্বজগতকে উদ্ভাসিত করবেন। যারা তাঁর সঙ্গে যুদ্ধ করবেন, তারা পর্যুদস্ত ও ক্ষতিগ্রস্ত হবে। আর যারা তাঁর সঙ্গে শান্তি ও সম্প্রীতির বন্ধনে আবদ্ধ হয়ে তারা হবে স্থিতিশীল ও বিজয়ী।

হায়! যখন এ সব ঘটনা ঘটবে, তখন যদি আমি জীবিত থাকতে পারতাম, তা হলে তোমাদের সকলের আগে আমিই তাঁর দলভুক্ত হতাম। আমি সেই দলের অন্তর্ভুক্ত হতাম, যাকে কুরায়শ অত্যন্ত অপসন্দ করবে। যদিও তারা তাঁর বিরুদ্ধে চিংকার করে মক্কাকে প্রকস্পিত করে তুলবে। যাঁকে তারা সকলে অপসন্দ করবে, আমার প্রত্যাশা তিনি আরশের অধিপতির নিকট পৌঁছে যাবেন, যদিও তারা অধঃপতিত হবে। উর্ধ্বলোকে আরোহণকারীকে যারা গ্রহণ করে, তাদেরকে প্রত্যাখ্যান করা ছাড়া এই অধঃপতনের আর কোন কারণ নেই।

কুরায়শরা যদি বেঁচে থাকে আর আমিও যদি বেঁচে থাকি তবে সেদিন অঙ্গীকারকারীরা চিংকার করে তোলপাড় করবে। আর আমি যদি মারা যাই তাহলে যুবকরা দুর্ভাগ্যের কবল থেকে মুক্তির পথ প্রত্যক্ষ করবে।

ইব্নে ইসহাক সূত্রে বর্ণিত ইউনুস ইবনে বুকায়র-এর বর্ণনা মতে ওয়ারাকা ইব্নে নওফল আরো বলেছেন-

أَتَبْكِرُ أَمْ أَنْتَ الْعَشِيَّةَ رَائِعٌ - وَفِي الصَّدْرِ مِنْ أَضْمَارِ الْحَزْنِ قَادِحٌ  
لِفُرْقَةِ قَوْمٍ لَا أَحِبُّ فِرَاقَهُمْ - كَائِنَكَ عَنْهُمْ بَعْدَ يَوْمَيْنِ نَازِحٌ  
وَأَخْبَارِ صِدْقٍ خُبِرَتْ عَنْ مُحَمَّدٍ - يُخْبَرُهَا عَنْهُ إِذَا غَابَ نَاصِحٌ  
أَتَاكَ الَّذِي وَجَهْتِ يَا خَيْرَ حُرَّةٍ - بِغَوْرٍ وَبِالنَّجْدَيْنِ حَيْثُ الصَّحَاصِحُ

إِلَى سُوقِ بُصْرَىٰ فِي الرِّكَابِ أَلَّتِيْ غَدَتْ - وَهُنَّ مِنَ الْأَحْمَالِ قُعْصَ رَوَاحِ  
 فَيُخْرِنَا عَنْ كُلِّ خَيْرٍ بِعِلْمِهِ - وَلِلْحَقِّ أَبْوَابٌ لَهُنَّ مَفَاتِحٍ  
 بِأَنَّ ابْنَ عَبْدِ اللَّهِ أَحْمَدَ مُرْسَلٌ - إِلَى كُلِّ مَنْ ضَمَّتْ عَلَيْهِ الْأَبَاطِمُ  
 وَظَنَّى بِهِ أَنْ سَوْفَ يُبَعْثُ صَادِقًا - كَمَا أُرْسِلَ الْعَبْدَانَ لَهُنَّ مَفَاتِحٍ  
 وَمُوسَىٰ وَأَبْرَاهِيمَ حَتَّىٰ يُرَى لَهُ - يَهَاءٌ وَمَنْشُورٌ مِنَ الذِّكْرِ وَاضِمٌ  
 وَيَتَبِعُهُ حَيًّا لُؤْيٌ وَغَالِبٌ - شَيَّا يُهُمْ وَالْأَسِيَّبُونَ الْجَاجِحُ  
 فَإِنَّ أَبْقَ حَتَّىٰ يُدُوكَ النَّاسَ دَهْرٌ - فَإِنَّى بِهِ مُسْتَبْشِرٌ الْوُدُّ فَارِحٌ  
 وَإِلَّا فَإِنَّى بِهِ خَدِيجَةَ نَاعِمَىٰ - عَنْ أَرْضِكَ فِي الْأَرْضِ الْعَرِيْضَةِ سَائِحٌ

কী সকাল কী সন্ধ্যা, তোমার মনের ব্যথায় আমিও ব্যথিত। আমি আরো ব্যথিত সেই লোকদের বিরহে, যাদের বিরহ আমার কাম্য নয়। তুমিও বোধ হয় দু'দিন পর তাদের থেকে বিছিন্ন হয়ে যাবে। আমি আরো ব্যথিত সেই সত্য সংবাদের জন্য, যা মুহাম্মদ সম্পর্কে প্রকাশিত হয়েছে। তাঁর অনুপস্থিতিতেই যে শুভকামনাকারী তাঁর সম্পর্কে সংবাদ দিয়েছে।

ওহে নাজ্দ ও গাওর-এর শ্রেষ্ঠ রমণী! ভারী মাল বোঝাই উটের আরোহী বণিক কাফেলার সঙ্গে বুসরা বাজারে তুমি যে যুবককে প্রেরণ করেছিলে, এখন তিনি তোমার কাছে ফিরে এসেছেন। এখন তিনি আমাদেরকে সজ্ঞানে সংবাদ দিচ্ছে সার্বিক কল্যাণের। সত্য প্রকাশের অনেক দ্বার আছে, দ্বার খোলার জন্য আছে চাবি। তিনি সংবাদ দিচ্ছেন যে, এই প্রত্যন্ত মরু অঞ্চলের সকলের প্রতি আদ্দুল্লাহর পুত্র আহমদ প্রেরিত হচ্ছেন।

আমার দৃঢ় বিশ্বাস, তিনি হৃদ, সালিহ, মূসা ও ইবরাহীম (আ)-এর ন্যায় সত্যবাদীরূপে আবির্ভূত হবেন অচিরেই তাঁর খ্যাতি ছড়িয়ে পড়বে সর্বত্র। দিকে দিকে দৃষ্টিগোচর হতে শুরু করবে তাঁর উজ্জ্বল্য। আর তাঁর অনুসরণ করবে, লুওয়াই ও গালির গোত্র— আবাল-বৃক্ষ সকলে। তাঁর আবির্ভাব পর্যন্ত যদি আমি বেঁচে থাকি, তবে তাঁকে পেয়ে আমি বড়ই আনন্দিত হব। অন্যথায় জেনে রাখ হে খাদীজা! তোমার দেশ ত্যাগ করে আমি চলে যাব অন্য কোন প্রশংসন ভূখণ্ডে।

উমারী এর সঙ্গে যোগ করে আরো উল্লেখ করেছেন :

فَمُتَبِّعُ دِينِ الدِّيْنِ أَسَسَ الْبِنَى - وَكَانَ لَهُ فَضْلٌ عَلَى النَّاسِ رَاجِحٌ  
 وَأَسَسَ بُنْيَانًا بِمَكَّةَ ثَابِتًا - ثَلَاثًا فِيهِ بِالظَّلَامِ الْمَصَابِحُ

مَثَابًا لِأَفْنَاءِ الْقَبَائِلِ كُلُّهَا - تَخَبُّ إِلَيْهِ الْيَعْمَلَاتُ الطَّلَائِبُ  
حَرَاجِيْحُ أَمْثَالِ الْقَدَاحِ مِنَ السُّرِّيْ - يُعْلَقُ فِيْ أَرْسَاغِهِنَّ السَّرَّايمِ

ফলে মানুষ অনুসরণ করবে সেই ব্যক্তির দীনের, যিনি সব কল্যাণের কেন্দ্রবিন্দু, যিনি সৃষ্টির সেরা মানুষ। যিনি মকায় নির্মাণ করেছেন সুদৃঢ় এক ইমারত। সর্বত্র কুফরির ঘনঘটা সত্ত্বেও যে ঘরে জুলজুল জুলছে হেদায়াতের প্রদীপ। যে গৃহ সকল গোত্রের কেন্দ্রবিন্দু, যে ঘরের প্রতি চতুর্দিক থেকে ধেয়ে আসে দুর্বল ও সবল উট।

আবুল কাসিম সুহায়লী কর্তৃক তাঁর ‘আর রাউজুল উনুফ’ গ্রন্থে বর্ণিত ওয়ারাকা ইব্নে নওফলের আরো কয়েকটি পংক্তি নিম্নরূপ :

لَقَدْ نَصَحَتْ لِأَقْوَامٍ وَقُلْتُ لَهُمْ - أَنَا النَّذِيرُ فَلَا يَغْرِرُكُمْ أَحَدٌ  
لَا تَعْبُدُنِ إِلَهًا غَيْرَ خَالِقُكُمْ - فَإِنَّ دُعَوْكُمْ فَقَوْلُوا بِعَيْنِنَا حَدَّدُ  
سَبْحَانَ ذِي الْعِرْشِ سَبْحَانًا يَدْوُحُ لَهُ - وَقَبْلَنَا سَبْحُ الْجُودِيْ وَالْجَمَدِ  
مُسَخْرُ كُلُّ مَا تَحْتَ السَّمَاءِ لَهُ - لَا يَنْبَغِي أَنْ يُنَاوِي مُلْكَهُ أَحَدٌ  
لَا شَيْئٌ مِمَّا نَرَى تَبْقَى بَشَاشَتُهُ - يَبْقَى إِلَاهٌ وَيُؤْدِي الْمَالُ الْوَلَدُ  
لَمْ تُغْنِ عَنْ هُرْمُزِ يَوْمًا خَرَائِنُهُ - وَالْخَلْدُ قَدْحَاوَلَتْ عَادُ فَمَا خَلِدُوا  
وَلَا سُلَيْمَانٌ إِذْ تَجْرِي الرِّبَابِ بِهِ - وَالْجِنِّ وَالإِنْسِ تَجْرِي بَيْنَهَا الْبَرْدُ  
أَيْنِ الْمُلُوكُ الَّتِيْ كَانَتْ لِعِزَّتِهَا - مِنْ كُلِّ أُوبِ إِلَيْهَا وَافِدٌ يَفْدُ  
حَوْضِ هُنَالِكَ مَوْرُودٌ بِلَا كَذِبٍ - لَا بُدَّ مِنْ وَرْدِهِ يَوْمًا لِمَا وَرَدُوا

আমি অনেককে উপদেশ দিয়েছি যে, আমি সতর্ককারী। অতএব কেউ যেন তোমাদেরকে প্রতারিত করতে না পারে। তোমরা তোমাদের সৃষ্টিকর্তা ব্যতীত অন্য কারো দাসত্ব করবে না। যদি তারা তোমাদের আহ্বান করে, তবে বলে দিবে— তোমাদের ও আমাদের মাঝে প্রাচীর রয়েছে।

আমরা পবিত্রতা জ্ঞাপন করি আরশের অধিপতির, পবিত্রতা যাঁর অবিছেদ্য শুণ। আমাদের আগে জুনী পর্বত আর জড় পদার্থরাজি ও তার পবিত্রতা জ্ঞাপন করেছে। সৃষ্টির সবকিছু তাঁর অনুগত। তাঁর রাজত্বের প্রতি হাত বাড়ানো কারো জন্য উচিত নয়।

আমরা যা কিছু দেখছি, তার কোনটিরই ঔজ্জ্বল্য অবশিষ্ট থাকবে না। থাকবেন শুধু ইলাহ—সম্পদ-সন্তান সবই ধর্ম হয়ে যাবে। মহা শক্তিধর হরমুজ সন্তাটের ধন-ভাণ্ডার তাঁর

কাজে আসেনি। আদ জাতিও চিরদিন বেঁচে থাকতে চেয়েছিল, কিন্তু পারেনি। বায়ু বহন করে বেড়াত যে সুলায়মান (আ)-কে তিনিও থাকতে পারেননি। মৃত্যুর পরোয়ানা পায়ে পায়ে ঘূরছে জিন-মানব সকলের। সেই প্রতাপশালী রাজা-বাদশাহরা এখন কোথায়, যাদের কাছে চতুর্দিক থেকে দলে দলে মানুষ আগমন করতো?

মৃত্যু একটি কৃপ। এই কৃপে সব মানুষকে একদিন না একদিন অবতরণ করতেই হবে। যেমন অবতরণ করেছে অতীতের লোকেরা।

সুহায়লী বলেন, আবুল ফারাজ এ পংক্তিগুলো ওয়ারাকার বলে উল্লেখ করেছেন এবং আরো বলেছেন, এর মধ্যে কোন কোন পংক্তি উমায়া ইবনে আবি সালতের বলে উল্লেখ করা হয়। উমর (রা) মাঝেমধ্যে এ সব কবিতার পংক্তি প্রমাণস্বরূপ আবৃত্তি করতেন বলে আমরা পূর্বেই বলে এসেছি।

**রাসূলুল্লাহ (সা)-এর নবুওত নাভের পাঁচ বছর পূর্বে**

**কুরায়শ কর্তৃক কা'বার পুনর্নির্মাণ**

বায়হাকীর মতে কা'বা পুনর্নির্মাণের কাজ সম্পাদিত হয় রাসূলুল্লাহ (সা) খাদীজাকে বিবাহ করার পূর্বে। তবে প্রসিদ্ধ মতে কুরায়শ কর্তৃক কা'বা নির্মাণের ঘটনা ঘটে রাসূল (সা) খাদীজাকে বিবাহ করার দশ বছর পরে। ইমাম বায়হাকীর বর্ণনা মতে, পবিত্র কা'বা সর্বপ্রথম নির্মিত হয়েছিল হযরত ইবরাহীম (আ)-এর আমলে। ইবরাহীম (আ)-এর কাহিনীতে আমরা সে সম্পর্কে আলোচনা করে এসেছি। ইমাম বায়বাকী সহীহ বুখারীতে এ বিষয়ে বর্ণিত ইবনে আবুস রাবাস (রা)-এর একটি হাদীসও উল্লেখ করেছেন। সাথে সাথে পবিত্র কা'বা হযরত আদম (আ)-এর আমলে নির্মিত হওয়া সংক্রান্ত ইসরাইলী বর্ণনাগুলোও উল্লেখ করেছেন। সে সব বর্ণনা বিশুল্ক নয়। কেননা কুরআনের বক্তব্য থেকে পরিষ্কার বোৰা যায় যে, ইবরাহীম (আ)-ই সর্বপ্রথম কা'বা নির্মাণ করেন এবং তার ভিত্তি স্থাপন করেন। বলা বাহ্যিক, কা'বার অবস্থান স্থলটি পূর্ব থেকেই কেন্দ্রীয় মর্যাদার অধিকারী সকল যুগে, সব সময় সম্মানিত ছিল। যেমন আল-কুরআনে আল্লাহ তা'আলা বলেন :

إِنَّ أَوَّلَ بَيْتٍ وُضِعَ لِلنَّاسِ لِلَّذِي بِرَبِّكَأَ وَهُدًى لِلْعَالَمِينَ . فِيهِ  
آيَاتٌ بَيِّنَاتٌ مَقَامُ إِبْرَاهِيمَ . وَمَنْ دَخَلَهُ كَانَ امِنًا - وَلِلَّهِ عَلَى النَّاسِ حِجْ  
الْبَيْتِ مِنِ اسْتَطَاعَ إِلَيْهِ سَبِيلًا .

“নিশ্চয়ই মানব জাতির জন্য সর্বপ্রথম যে ঘর প্রতিষ্ঠিত হয়েছিল, তাতো বাকায় (অর্থাৎ মক্কায়) তা বরকতময় ও বিশ্বজগতের দিশারী। তাতে অনেক সুস্পষ্ট নির্দর্শন আছে, যেমন মাকামে ইবরাহীম। আর যে কেউ সেখানে প্রবেশ করে, সে নিরাপদ। মানুষের মধ্যে যার সেখানে যাওয়ার সামর্থ্য আছে, আল্লাহর উদ্দেশে ঐ ঘরের হজ্জ করা তার অবশ্য কর্তব্য। (আলে-ইমরান : ৯৬-৯৭)

সহীহ বুখারী ও মুসলিমে হয়রত আবু যর (রা) কর্তৃক বর্ণিত আছে যে, আবু যর (রা) বলেন, আমি একদিন জিজেস করলাম, ইয়া রাসূলুল্লাহ! কোন্‌মসজিদ সর্বপ্রথম প্রতিষ্ঠিত হয়? রাসূলুল্লাহ (সা) বললেন : ‘আল-মাসজিদুল হারাম’। আমি জিজেস করলাম, তারপর কোন্টি? নবী করীম (সা) বললেন : ‘আল- মাসজিদুল আক্সা’। আমি জিজেস করলাম, এই দু’য়ের মাঝে সময়ের ব্যবধান ছিল কতটুকু ? তিনি বললেন : ‘চল্লিশ বছর’।

এ বিষয়ে পূর্বে আমরা আলোচনা করে এসেছি এবং একথাও উল্লেখ করেছি যে, মাসজিদুল আকসার ভিত্তি স্থাপন করেন ইসমাইল তথা হয়রত ইয়াকুব (আ)।

সহীহ বুখারী ও মুসলিমে আছে যে, এই মক্কা নগরীকে আল্লাহ তা‘আলা আসমান যমীন সৃষ্টি করার দিন থেকেই সম্মানিত করেছেন। ফলে তা কিয়ামত পর্যন্ত সম্মানিতই থাকবে।

ইমাম বাযহাকী আব্দুল্লাহ ইবনে আমর (রা) থেকে বর্ণনা করেন যে, তিনি বলেন, প্রথিবী সৃষ্টির দুই হাজার বছর আগেও বাযতুল্লাহ বিদ্যমান ছিল। পবিত্র কুরআনের (وَإِذَا لَرْضُ مُدْتَ) (আর যখন প্রথিবীকে সম্প্রসারিত করা হলো) এর ব্যাখ্যায় তিনি বলেন, এই বাযতুল্লাহর নিচ থেকেই প্রথিবীকে সম্প্রসারিত করা হয়েছে। মানসুরও মুজাহিদ থেকে অনুরূপ অভিমত ব্যক্ত করেছেন।

আমার মতে, এই বর্ণনাটি অতিশয় গরীব পর্যায়ের। সম্ভবত এটি সেই দুই থলের একটি থেকে নেয়া, যা ইয়ারামুকের যুদ্ধের সময় আব্দুল্লাহ ইবনে আমর (রা)-এর হস্তগত হয়েছিল।

এ দু’টি ইসরাইলী বর্ণনায় ভরপুর ছিল। তাতে মুনকার ও গরীব বর্ণনাও ছিল অসংখ্য।

ইমাম বাযহাকী আরো বর্ণনা করেন, আব্দুল্লাহ ইবনে আমর ইবনুল ‘আস (রা) বলেন যে, রাসূলুল্লাহ (সা) বলেছেন : আল্লাহ তা‘আলা জিবরাইল (আ)-কে আদম ও হাওয়া (আ)-এর নিকট প্রেরণ করেন। জিবরাইল (আ) তাঁদের বললেন, আল্লাহ নির্দেশ দিয়েছেন, আমার সন্তুষ্টির উদ্দেশ্যে একটি ঘর নির্মাণ কর। এই বলে জিবরাইল (আ) তাঁদেরকে ঘরের চৌহন্দি চিহ্নিত করে দেন। আদম (আ) মাটি খনন ও হাওয়া (আ) মাটি স্থানান্তরের কাজ শুরু করে দেন। এক পর্যায়ে নিচ থেকে পানি তাঁদেরকে বলে, হে আদম! যথেষ্ট হয়েছে। আদম ও হাওয়া (আ) গৃহ নির্মাণ কাজ শেষ করলে আল্লাহ তা‘আলা আদম (আ)-এর প্রতি ঘরটি তাওয়াফ করতে প্রত্যাদেশ করেন এবং তাঁকে বলা হলো, তুমিই প্রথম মানুষ আর এটি প্রথম ঘর। এরপর কয়েক যুগ অতিক্রান্ত হওয়ার পর হয়রত নূহ (আ) সেই ঘরের হজ্জ করেন। এরপর আবার কয়েক যুগ অতিক্রান্ত হলে পরে এক সময় হয়রত ইবরাহিম (আ) গৃহটি পুনর্নির্মাণ করেন। বাযহাকী বলেন, ইবনে লাহীআ এমনি এককভাবে মারফু সূত্রে হাদীসটি বর্ণনা করেন। আমার মতে এ রাবী যয়ীফ এটা আব্দুল্লাহ ইবনে আমর-এর উক্তি হওয়ার অতিমতই অধিকতর শক্তিশালী ও নির্ভরযোগ্য।

রাবী বর্ণনা করেন যে, আদম (আ) বাযতুল্লাহর হজ্জ করেন। তখন একদল ফেরেশতা তাঁর নিকট এসে বলেন যে, আপনার হজ্জ কবুল হয়েছে। হে আদম ! আপনার পূর্বে আমরা দুই হাজার বছর ধরে হজ্জ করে আসছি।

ইউনুস ইবনে বুকায়র ইবনে ইসহাক থেকে বর্ণনা করেন যে, ইবনে ইসহাক বলেন, মদীনার নির্ভরযোগ্য একদল আমার নিকট উরওয়া ইবনে যুবায়র থেকে বর্ণনা করেন যে, উরওয়া বলেন, কোন নবীই এমন ছিলেন না যে, তিনি বায়তুল্লাহর হজ্জ করেন নি তবে হৃদ ও সালিহ (আ) এর ব্যতিক্রম। পূর্বে আমরা হৃদ ও সালিহ (আ) বায়তুল্লাহর হজ্জ করেছেন বলে উল্লেখ করেছি। তার অর্থ পারিভাষিক হজ্জ নয়- বরং কা'বার অবস্থানস্থল প্রদক্ষিণ যদিও সে সময় ওখানে কোন গৃহ ছিল না।

বায়হাকী বর্ণনা করেন যে, খালিদ ইবন 'আর'আরা বলেন, এক ব্যক্তি হযরত আলী (রা)-এর নিকট আল্লাহর বাণী :

إِنَّ أَوَّلَ بَيْتٍ وُضِعَ لِلنَّاسِ لَذِي مُبْكَأْ كَأَوَّلَى لِلْعَلَمِينَ

সম্পর্কে জিজ্ঞেস করেন যে, এটি কি পৃথিবীতে নির্মিত সর্বপ্রথম ঘর ? জবাবে তিনি বললেন, না, বরং এটি সর্বপ্রথম সেই গৃহ, যাতে মানবজাতির জন্য বরকত, পথের দিশা ও মাকামে ইবরাহীম রক্ষিত হয়েছে। আর এটি সর্বপ্রথম এমন ঘর, যাতে ক্লেট প্রবেশ করলে সে নিরাপদ। যদি তুমি বল, চাইলে আমি তোমাকে এই ঘর নির্মাণের ইতিবৃত্ত শোনাতে পারি। শোন তবে :

আল্লাহ তা'আলা হযরত ইবরাহীম (আ)-এর প্রতি প্রত্যাদেশ করলেন যে, তুমি পৃথিবীতে আমার উদ্দেশে একটি ঘর নির্মাণ কর। প্রত্যাদেশ পাওয়ার পর হযরত ইবরাহীম (আ)-এর হৃদয় ভয়ে সংকুচিত হয়ে ওঠে। আল্লাহ তা'আলা সাকীনা পাঠান আর তা হলো মস্তকবিশিষ্ট একটি প্রবল বায়ু প্রবাহ। ঐ বায়ু প্রবাহটি হযরত ইবরাহীম (আ)-কে আরবে নিয়ে আসে। তারপর তা বায়তুল্লাহর স্থানে সাপের মত কুণ্ডলী পাকায়! ইবরাহীম (আ) সেই স্থানে কা'বা নির্মাণ করেন। নির্মাণ কাজের শেষ পর্যায়ে হাজরে আসওয়াদ স্থাপনের সময় তিনি পুত্র ইসমাইলকে বললেন, আমাকে একটি পাথর খুঁজে এনে দাও। পাথর খুঁজে শূন্য হাতে ফিরে এসে ইসমাইল (আ) দেখলেন, 'হাজরে আসওয়াদ' যথাস্থানে স্থাপিত হয়ে আছে। পিতাকে জিজ্ঞেস করলেন, এটা আপনি কোথায় পেলেন ? জবাবে ইবরাহীম (আ) বললেন, তোমার ওপর ভরসা করতে পারেন না এমন এক সস্তা অর্থাৎ জিবরাইল আকাশ থেকে এটি এনে দিয়েছেন। তখন ইবরাহীম (আ) কা'বার নির্মাণ কাজ সমাপ্ত করেন।

হযরত আলী (রা) বলেন, এভাবে এক যুগ অতিক্রান্ত হওয়ার পর এক সময়ে কা'বাগৃহ বিধ্বস্ত হয়ে পড়ে। তখন আমালিকা সম্প্রদায় তা' পুনর্নির্মাণ করে। তারপর আবার বিধ্বস্ত হলে জুরহুমরা পুনর্নির্মাণ করে। আবার বিধ্বস্ত হলে এবার কুরায়শ সম্প্রদায় তা' নির্মাণ করে। রাসূলুল্লাহ (সা) তখন পরিণত যুবক। নির্মাণ কাজে সর্বশেষ হাজরে আসওয়াদ যথাস্থানে স্থাপন করতে গিয়ে কুরায়শদের মধ্যে বিরোধ দেখা দেয়। শেষে তারা সিদ্ধান্ত নেয় যে, সর্বপ্রথম যিনি এখানে উপস্থিত হবেন, তিনি আমাদের মাঝে এই বিরোধের সমাধান দেবেন। আমরা সকলে তাঁর সিদ্ধান্ত মেনে নেব। দেখা গেল, তারপর সর্বপ্রথম যিনি তাদের কাছে উপস্থিত হলেন, তিনি

রাসূলুল্লাহ (সা)। রাসূলুল্লাহ (সা) তাদের মধ্যে উদ্ভৃত সমস্যার সমাধান এভাবে প্রদান করেন যে, পাথরটিকে একটি চাদরে বসিয়ে তাদের সব ক'টি গোত্র প্রধান পাথরটিকে যথাস্থানে নিয়ে যাবে।

আবু দাউদ তায়লিসী আলী ইবনে আবী তালিব থেকে বর্ণনা করেন যে, আলী (বা) বলেন, জুরহমের পর যখন বায়তুল্লাহ বিধিত হয়ে পড়ে, তখন কুরায়শরা তা' পুনর্নির্মাণ করে। কিন্তু হাজরে আসওয়াদ স্থাপন নিয়ে তাদের মধ্যে বিরোধ দেখা দেয়। অবশেষে তারা এই মর্মে একমত হয় যে, অতঃপর যিনি সর্বপ্রথম এই দরজা দিয়ে কা'বায় প্রবেশ করবেন, তিনি হাজরে আসওয়াদ যথাস্থানে স্থাপন করবেন। তারপর কা'বার বনূ শায়বা দরজা দিয়ে সর্বপ্রথম রাসূলুল্লাহ (সা) প্রবেশ করেন। কা'বায় প্রবেশ করে রাসূলুল্লাহ (সা) একটি চাদর আনার আদেশ দেন। চাদর আনা হলে রাসূলুল্লাহ (সা) হাজরে আসওয়াদটি তার মধ্যখানে রাখেন এবং প্রত্যেক গোত্রপতিকে চাদরটি এক এক অংশ ধরবার আদেশ দেন। রাসূলুল্লাহ (সা)-এর আদেশমত গোত্রপতিরা পাথরটি তুলে নিয়ে যায়। শেষে রাসূলুল্লাহ (সা) নিজ হাতে কাপড় থেকে তুলে পাথরটি যথাস্থানে স্থাপন করে দেন।

ইয়াকুব ইবনে সুফিয়ান বর্ণনা করেন যে, ইবনে শিহাব বলেন, রাসূলুল্লাহ (সা) যখন যৌবনে পদার্পণ করেন, তখন এক মহিলা কা'বায় সুগন্ধির ধূনি দেয়। তখন একটি জুলন্ত অঙ্গার কা'বার গিলাফে পিয়ে পড়ে। এতে আগুন ধরে যায় এবং কা'বা ঘরটি পুড়ে যায়। তখন তারা তা ডেঙ্গে ফেলে। তারপর কুরায়শ পুড়ে যাওয়া ঘরটি মেরামত করে। হাজরে আসওয়াদের স্থান পর্যন্ত এসে তারা বিবাদে জড়িয়ে পড়ে, কোন্ গোত্র তা যথাস্থানে স্থাপন করবে। অবশেষে তারা বলে যে, এসো সর্বপ্রথম যিনি এখানে এসে উপস্থিত হবেন, তার ওপর মীমাংসার ভার অর্পণ করি। দেখা গেল, এরপর রাসূলুল্লাহ (সা) সর্বপ্রথম তাদের সামনে উপস্থিত হন। গায়ে তাঁর পশমী চাদর। কুরায়শ তাঁর ওপর মীমাংসার ভার অর্পণ করে। তিনি পাথরটিকে একটি কাপড়ে তুলে নেন। তারপর প্রত্যেক গোত্রে সরদারগণ বেরিয়ে আসেন। রাসূলুল্লাহ (সা) তাদের প্রত্যেককে কাপড়ের এক একটি অংশ ধরিয়ে দেন। তারা পাথরটিকে বহন করে নিয়ে যায় আর রাসূলুল্লাহ (সা) নিজ হাতে পাথরটি কাপড় থেকে তুলে যথাস্থানে স্থাপন করে দেন। সেই থেকে কুরায়শ তাঁকে 'আল-আয়ীন' নামে অভিহিত করতে থাকে। তখনো তাঁর ওপর ওহী অবতীর্ণ হয়নি। এরপর থেকে মক্কার লোকেরা উট জবাই করার আগে হাজরে আসওয়াদ স্পর্শ করতো। বর্ণনাটি সুসামঝস্যপূর্ণ এবং যুহুরীর সীরাত থেকে নেয়া হলেও আলোচ্য বর্ণনাটি কিছুটা ব্যতিক্রমধর্মী। যেমন বর্ণনায় বলা হয়েছে, 'রাসূলুল্লাহ (সা) যখন যৌবনে পদার্পণ করলেন অথবা প্রসিদ্ধ মতে যখন এই ঘটনাটি ঘটে, তখন রাসূলুল্লাহ (সা)- এর বয়স পঁয়ত্রিশ বছর। মুহাম্মদ ইবনে ইসহাক ইবনে ইয়াসার তা' স্পষ্টভাবে উল্লেখ করেছেন। মুসা ইবনে উকবা বলেন, কা'বার পুনর্নির্মাণের ঘটনা সংঘটিত হয় নবুওতের পনের বছর আগে। মুজাহিদ, উরওয়া, মুহাম্মদ ইবনে জুবায়র ইবনে মুতাইম প্রমুখের অভিমতও অনুরূপ।'

মূসা ইবনে উকবার ভাষ্যমতে ফিজার ও কা'বা নির্মাণের মাঝে সময়ের ব্যবধান ছিল পনের বছর।

আমার মতে, ফিজার ও হিলফুল ফুয়লের ঘটনা সংঘটিত হয় একই বছরে। তখন রাসূলুল্লাহ (সা)-এর বয়স বিশ বছর। এই উক্তিটি মুহাম্মদ ইবনে ইসহাকের মতকে শক্তিশালী করে।

মূসা ইবনে উকবা বলেন, কুরায়শের কা'বা গৃহ পুনর্নির্মাণের প্রতি উদ্বৃদ্ধ হওয়ার পটভূমি এই যে, বিভিন্ন সময়ের প্লাবনের ফলে কা'বার দেয়াল কিছুটা খসে পড়ে। তাতে কুরায়শ কা'বার অভ্যন্তরে পানি চুকে পড়ার আশংকা বোধ করে। অপরদিকে মালীহ নামক এক ব্যক্তি কা'বার সুগন্ধি চুরি করে নিয়ে যায়। তাই কুরায়শ কা'বার ভিত্তি আরো শক্ত করার এবং সাধারণ মানুষের প্রবেশ রোধ করার জন্য কা'বার দরজা আরো উঁচু করার সিদ্ধান্ত গ্রহণ করে। এরজন্য তারা অর্থ ও শ্রমিক সংগ্রহ করে। এবার তারা কা'বার গৃহ ভেঙে ফেলার জন্য প্রস্তুতি নেয় এবং এই বলে অন্যদের সতর্ক করে দেয় যেন কেউ এতে বাধা দিতে না আসে। ওলীদ ইবনে মুগীরা সর্বপ্রথম এগিয়ে আসেন এবং কা'বার কিয়দংশ ভেঙে ফেলেন। তার দেখাদেখি অন্যরাও তার অনুসরণ করে।

এতে কুরায়শরা আনন্দিত হয় এবং এর জন্য শ্রমিক নিয়োগ করে। কিন্তু একজন শ্রমিকও এক পা সামনে অগ্রসর হতে পারছে না। তারা যেন দেখছে যে, একটি সাপ কা'বা ঘর জড়িয়ে আছে। সাপটির 'লেজ আর মাথা একই জায়গায়। এতে তারা ভীত-সন্ত্রন্ত হয়ে পড়ে। তারা আশংকা বোধ করে যে, কা'বা ঘর ভেঙে ফেলার চেষ্টার ফলেই এমনটি হয়েছে। অর্থাৎ কা'বাই ছিল তাদের রক্ষাকবচ ও মর্যাদার হেতু। কুরায়শরা এবার কিংকর্তব্যবিমৃত হয়ে পড়ে। এবার মুগীরা ইবনে আব্দুল্লাহ ইবনে আমর ইবনে মাখযুম এগিয়ে আসেন। তিনি কুরায়শদের যথোপযুক্ত উপদেশ প্রদান করেন এবং তাদের আদেশ দেন যেন তারা ঝগড়া-বিবাদ না করে এবং কা'বা নির্মাণে বিদেশ পরিহার করে। তারা যেন কা'বা নির্মাণের কাজকে চার ভাগে ভাগ করে নেয় এবং এই মহান কাজে কোন হারাম সম্পদের মিশ্রণ না ঘটায়। বর্ণনাকারী বলেন, এবার কুরায়শরা মুগীরা ইবনে আব্দুল্লাহর উপদেশ অনুযায়ী কাজ করার উদ্দ্যোগ নিলে সাপটি আকাশে চলে যায় এবং অদৃশ্য হয়ে যায়। তাদের ধারণায় তা আল্লাহর পক্ষ থেকেই হয়েছিল। মূসা ইবনে উকবা বলেন, অনেকের ধারণা, একটি পাখি সাপটিকে ছোঁ মেরে ধরে নিয়ে আজইয়াদের দিকে নিক্ষেপ করে।

মুহাম্মদ ইবনে ইসহাক বলেন, রাসূলুল্লাহ (সা) যখন পঁয়ত্রিশ বছরে উপনীত হন, তখন কুরায়শরা কা'বা নির্মাণের জন্য সম্মত হয়। তাদের এ আয়োজনের অন্যতম উদ্দেশ্য ছিল কা'বার ছাদ স্থাপন করা। আরেকটি কারণ, তারা কা'বা গৃহ ধসে যাওয়ার আশংকা করছিল। উল্লেখ্য যে, সে সময় কা'বা ঘর উচ্চতায় একজন মানুষের উচ্চতার চেয়ে সামান্য বেশি উঁচু ছিল। তারা কা'বা গৃহকে আরো উঁচু এবং ছাদবিশিষ্ট করার পরিকল্পনা গ্রহণ করে। ঘটনার পটভূমি নিম্নরূপ :

একদল লোক কা'বার একটি মূল্যবান সম্পদ ছুরি করে। তা কা'বার মধ্যস্থলে একটি গর্তে রক্ষিত ছিল। পরবর্তীতে তা বনু মালীহ ইব্নে আমর ইব্নে খুয়া'আর দাবীক নামক জনেক গোলামের নিকট পাওয়া যায়। ফলে কুরায়শরা তার হাত কেটে দেয়। কুরায়শদের ধারণা ছিল, ওটি যারা ছুরি করেছিল তারাই তা দাবীক-এর নিকট রেখেছিল।

অপরদিকে রোম দেশীয় এক বণিকের একটি জাহাজ সমুদ্রে ভেসে জেদ্দায় এসে পৌঁছে এবং ভেঙে যায়। কুরায়শরা তার কাঠগুলো সংগ্রহ করে তা' দিয়ে তারা কা'বার ছাদ দেওয়ার ব্যবস্থা করে। উমুরী বলেন, জাহাজটি ছিল রোম সম্রাট কায়সার-এর। জাহাজটি পাথর, কাঠ, লোহা ইত্যাদি নির্মাণ সামগ্রী পরিবহনে নিয়োজিত ছিল। কায়সার বাকুম রুমীর সঙ্গে জাহাজটি সেই গির্জা অভিমুখে রওয়ানা করিয়েছিলেন, যা পারস্যবাসীরা আগনে পুড়িয়ে ফেলেছিল। জাহাজটি জেদ্দায় ঠেকে যাওয়ার পর আল্লাহ তার উপর দিয়ে প্রবল বায়ু প্রেরণ করেন। সেই বায়ুর ঝাপটায় জাহাজটি ভেঙে যায়।

ইব্ন ইসহাক বলেন, যেকায় একজন কিবতী ছুঁতার ছিল। কা'বা মেরামতের অনেক সরঞ্জাম সে প্রস্তুত করে দেয়। অপর দিকে একটি সাপ কা'বার কূপ থেকে বেরিয়ে এসে কিবতী তার প্রতিদিন যে কাজ আঞ্চাম দিত, তা শঙ্খণ্ড করে দিত। ভয়ংকর সেই সাপটি কা'বার দেয়ালে উঠে উকি ঝুকি মারত। কেউ তার নিকট অঘসর হলে সে মৃথ হা-করে ফণা ভুলে তাকিয়ে থাকত। এতে মানুষ ভীত-সন্ত্রস্ত হয়ে পড়ত। এমনিভাবে প্রতিদিনকার ন্যায় একদিন সাপটি কা'বার দেয়ালে উঠে উকি দিলে আল্লাহ একটি পাখি প্রেরণ করেন। পাখিটি সাপটিকে ছোঁ মেরে নিয়ে যায়। ফলে কুরায়শ বলে, আমরা বিশ্বাস করি যে, আল্লাহ আমাদের পরিকল্পনায় সন্তুষ্ট হয়েছেন। আমাদের আছে দক্ষ কারিগর, আছে কাঠ। আর সাপের সমস্যা থেকেও আল্লাহ আমাদের মুক্তি দিলেন।

সুহায়লী রাধীয়া থেকে বর্ণনা করেন, জুরহমের আমলে এক চোর কা'বার গুপ্ত ভাণ্ডার ছুরি করার উদ্দেশ্যে কা'বায় প্রবেশ করে। ছুরি করার জন্য লোকটি কূপে অবতরণ করলে কূপের পাড় তার ওপর ভেঙে পড়ে। সংবাদ পেয়ে কুরায়শরা তাকে বের করে আনে এবং ছুরি করা সম্পদ উদ্ধার করে। এরপর থেকে সেই কূপে একটি সাপ বসবাস করতে শুরু করে। সাপটির মাথা ছিল একটা ছাগল ছানার মাথার মত। পেট সাদা আর পিঠ কালো। সাপটি এই কূপে দীর্ঘ পাঁচ শ' বছর অবস্থান করে। এটাই ছিল সেই মুহাম্মদ ইব্নে ইসহাক বর্ণিত সাপ।

ইবনে ইসহাক বলেন, কুরায়শ যখন কা'বার পুরনো ভিত্তি ভেঙে নতুনভাবে ভিত্তি স্থাপনের সিদ্ধান্ত নেয়, তখন আবু ওহাব আমর ইব্নে আয়িদ ইব্নে আব্দ ইব্নে ইমরান ইবনে মাখযুম—ইব্ন হিশামের মতে আয়িদ ইব্ন ইমরান ইব্ন মাখযুম কা'বার একটি পাথর খসিয়ে নেয়। কিন্তু সঙ্গে সঙ্গে পাথরটি তার হাত থেকে লাফ দিয়ে স্থানে ফিরে যায়। তা' লক্ষ্য করে সে বলে, হে কুরায়শ সম্প্রদায়! কা'বা নির্মাণে তোমরা তোমাদের উপার্জিত পরিত্ব সম্পদ ব্যতীত অন্য কিছু মিশিয়ো না। এতে কোম গণিকার উপার্জন এবং সুদের এবং জুলুমের অর্থ যেন না

ତୁକେ । ଅନେକେର ଧାରଣା, ଏହି ଉତ୍ତିଟି ଓଲିଦ ଇବ୍ନ ମୁଗିରା ଇବ୍ନେ ଆବଦୁଲ୍ଲାହ୍ ଇବ୍ନ ଆମର ଇବ୍ନ ମାଥ୍ୟମ-ଏର । କିନ୍ତୁ ଇବ୍ନେ ଇସହାକ ଉତ୍ତିଟି ଆବୁ ଓହାବ ଇବ୍ନେ ଆମରେର ହେୟାର ମତଟିକେ ପ୍ରାଧାନ୍ୟ ଦିଯେଛେ । ଇବ୍ନେ ଇସହାକ ବଲେନ, ଉଚ୍ଚ ଆବୁ ଓହାବ ଛିଲେନ ରାସୂଲୁଲ୍ଲାହ୍ (ସା)-ଏର ପିତାର ମାମା । ତିନି ଅତ୍ୟନ୍ତ ସଭ୍ରାନ୍ତ ଓ ପ୍ରଶଂସାର୍ଥ ବାଙ୍ଗି ଛିଲେନ ।

ইব্বনে ইসহাক বলেন, তারপর কুরায়শরা কা'বাকে কয়েক ভাগে বিভক্ত করে নেয়। দরজার অংশ নির্মাণের দায়িত্ব নেয় বনু আবদ মানাফ ও যুহরা গোত্রদ্বয়; রুক্ন আসওয়াদ ও রুক্ন ইয়ামানীর মধ্যবর্তী স্থানের দায়িত্ব পায় বনু মাখযুম। আর কুরায়শের আরো কয়েকটি গোত্র তাদের সঙ্গে যিলে কাজ করে। কা'বার পিছনের অংশ পায় বনু জাম্হুর ও বনু সাহম।

অপৰদিকে বনু আবদুল্লাহ ইবনে কুসাই, বনু আসাদ ইবনে আবদুল্ল উয্যা ও বনু ‘আদী ইবনে কা’ব হিজৱ তথা হাতীম নির্মাণের দায়িত্বপ্রাপ্ত হয়।

ইব্ন ইসহাক বলেন, কা'বাগৃহ ভাঙ্গার কাজে অংশগ্রহণকারীদের একজন কা'বার দুইটি পাথরের মাঝে শাবল ঢুকিয়ে চাপ দেয়। তাতে একটি পাথর নড়ে উঠলে সাথে সাথে সমগ্র মক্কানগরী কেঁপে ওঠে। ফলে তারা ঐ অংশ ভাঙ্গ থেকে বিরত থাকে।

ମୂସା ଇବନ୍ ଉକବା ବଲେନ : ହୟରତ ଆଦୁଲାହ ଇବନ୍ ଆବରାସ (ରା)-ଏର ଧାରଣା, କୁରାଯଶ-ଏର କଟିଗ୍ୟ, ପ୍ରୀଣ ବ୍ୟକ୍ତି ବଲତେନ ଯେ, କୁରାଯଶରା ଯଥନ କା'ବାର କିଛୁ ପାଥର ଇବରାହିମ ଓ ଇସମାଈଲ (ଆ)-ଏର ଭିତ୍ତିର ନିକଟ ସରିଯେ ନିତେ ସମବେତ ହୟ, ତଥନ ତାଦେର ଏକଜନ ପ୍ରଥମ ଭିତ୍ତିର ଏକଟି ପାଥର ସରାତେ ଉଦ୍ୟତ ହୟ । ଅବଶ୍ୟ ତାର କଥା ଜାନା ଛିଲ ନା ଯେ, ଏଟି ପ୍ରଥମ ଭିତ୍ତିର ପାଥର ।

সরানোর উদ্দেশ্যে লোকটি পাথরটি তুলে নেয়ার সঙ্গে সঙ্গে জনতা পাথরের নিচে বিদ্যুতের বলক দেখতে পায়, যেন তা লোকটির চোখ বলসে দেয়ার উপক্রম হয় এবং পাথরটি তার হাত থেকে ছুটে গিয়ে যথাস্থানে বসে যায়। তা' দেখে লোকটি নিজে এবং নির্মাণ শ্রমিকরা ভীত হয়ে পড়ে। পাথরটি যখন তার নিচের বিদ্যুৎ ঘলকানি ঢেকে ফেলে, তখন শ্রমিকরা পুনরায় নির্মাণ কাজে আস্থানিয়োগ করে এবং বলাবলি করে— কেউ এই পাথর এবং এই স্তরের অন্য কিছু সরাবার চেষ্টা করো না।

ইব্ন ইসহাক বলেন, আমার নিকট বর্ণনা করা হয়েছে যে, কুরায়শরা রূক্ন-এ সুরিয়ানী ভাষায় লিখিত একটি লিপি পেয়েছিল। কিন্তু তারা তার মর্ম উক্তার করতে পারেনি। পরে জনৈক ইহুদী তাদেরকে লিপিটি পাঠ করে শোনায়। তাতে লেখা ছিল :

أَنَّ اللَّهُ ذُو بَكَّةَ خَلْقَتْهَا يَوْمَ خَلْقِ السَّمَاوَاتِ وَالْأَرْضِ وَصَوَرَتْ  
الشَّمْسَ وَالْقَمَرَ وَحَفَقَتْهَا بِسَبْعَةِ أَمْلَاكٍ حُنَفَاءَ لَا تَزُولُ حَتَّى يَزُولَ أَخْشَانِ  
بِهَا مُبَارَكٌ لِأَهْلِهَا فِي الْمَاءِ وَاللَّبَنِ

আমি মক্কার অধিপতি আল্লাহ। এই মক্কাকে আমি সেদিন সৃষ্টি করেছি, যেদিন আকাশসমূহ ও পৃথিবী সৃষ্টি করি এবং সূর্য ও চন্দ্রকে আকৃতি দান করি। এবং তাকে আমি সাতটি রাজ্য দ্বারা আচ্ছাদিত করি। এর পাহাড় দুটি স্থানান্তরিত না হওয়া পর্যন্ত এর কোন নড়চড় হবে না। এর অধিবাসীদের জন্য এটি পানি ও দুধসমৃদ্ধ, বরকতময়।

ইব্নে ইসহাক বলেন, আমার নিকট বর্ণিত হয়েছে যে, কুরায়শ রামাকামে ইবরাহীমে একটি লিপি পায়। তাতে লেখা ছিল : এটি আল্লাহর পবিত্র মক্কা। এর তিন পথে এখানকার অধীবাসীদের জীবিকা আসে। এর অধিবাসীদের কেউ এর মর্যাদা ক্ষুণ্ণ করতে পারবে না।

ইব্নে ইসহাক বলেন, লাইছ ইব্নে আবী সুলায়ম-এর ধারণা মতে, রাসূলুল্লাহ (সা)-এর আবির্ভাবের চালুশ বছর আগে কুরায়শরা কাঁবায় একটি লিপি পায়। তাতে লেখা ছিল :

مَنْ يَزْرَعْ خَيْرًا يَحْصِدُ غَبْطَةً وَمَنْ يَزْرَعْ شَرًا يَحْصِدُ نَدَامَةً يَعْمَلُونَ  
السَّيِّئَاتِ وَيُجْزَوْنَ الْحَسَنَاتِ أَجْلُ كَمَا يُجْتَنِي مِنِ الشَّوْكِ الْعَنْبِ

যে ব্যক্তি কল্যাণের বীজ বপন করবে, সে ঈর্ষণীয় ফসল তুলবে আর যে ব্যক্তি অকল্যাণের বীজ বপন করবে, সে অনুত্তাপের ফসল তুলবে। মানুষ কাজ করে অসৎ আর প্রতিদান চায় সৎকাজের? এটা যেমন কাটাময় বৃক্ষ থেকে আসুর ফল লাভ করা আর কি?

সাইদ ইব্নে ইয়াহইয়া আল-উমাবী বলেন, যুহরী সূত্রে বর্ণিত আছে যে, রাসূলুল্লাহ (সা) বলেছেন : মাকামে ইবরাহীমে তিনটি লিপি পাওয়া যায়। এক পাতায় লেখা ছিল

إِنِّي أَنَا اللَّهُ ذُو بَكَّةَ صَنَعْتُهَا يَوْمَ صَنَعْتُ الشَّمْسَ وَالْقَمَرَ  
وَحَفَقَتْهَا بِسَبْعَةِ أَمْلَاكٍ حُنَفَاءَ وَبَارَكْتَ لِأَهْلِهَا فِي الْلَّهْمِ وَاللَّبَنِ

আমি মক্কার অধিপতি আল্লাহ। চন্দ্র-সূর্য সৃষ্টি করার দিনই আমি তৈরি করেছি এবং সাতটি রাজ্য দ্বারা তাকে আবৃত করেছি ও তার অধিবাসীদের জন্য গোশতে ও দুধে বরকত দান করেছি।

দ্বিতীয় লিপিতে ছিল :

اَنِّي اَنَا اللَّهُ نُوبَكَةٌ خَلَقْتُ الرَّحْمَ وَشَقَقْتُ لَهَا مِنْ إِسْمِي فَمَنْ وَصَلَّهَا  
وَصَلَّتُهُ وَمَنْ قَطَعَهَا بَسْتَهُ

আমি মক্কার অধিপতি আল্লাহ। আমি রাহিম (আতীয়তা) সৃষ্টি করেছি এবং আমার নাম থেকে তার নামকরণ করেছি। অতএব, যে লোক তা বজায় রাখবে আমি তাকে কাছে টেনে আনবো। আর যে তা ছিন্ন করবে, আমিও তাকে ছিন্নভিন্ন করব।

তৃতীয় লিপিতে ছিল :

اَنِّي اَنَا اللَّهُ نُوبَكَةٌ خَلَقْتُ الْخَيْرِ وَالشَّرَّ وَقَدَرْتُهُ فَطُوبَى لِمَنْ اَجْرَيْتُ  
الْخَيْرَ عَلَى يَدِيهِ وَوَيْلٌ لِمَنْ اَجْرَيْتُ الشَّرَّ عَلَى يَدِيهِ

আমি মক্কার অধিপতি আল্লাহ। আমি কল্যাণ অকল্যাণ ও তার ভাগ্যলিপি নির্ধারণ করেছি। সুতরাং সুসংবাদ সেই ব্যক্তির জন্য, যার দুই হাতে আমি কল্যাণ চালু করেছি আর ধ্বংস সেই ব্যক্তির জন্য, যার দুই হাতে আমি চালু করেছি অকল্যাণ।

ইব্ন ইসহাক বলেন, তারপর কুরায়শ গোত্রগুলো কা'বা নির্মাণের জন্য পাথর সংগ্রহ করে। প্রত্যেক গোত্র স্বতন্ত্রভাবে পাথর সংগ্রহের কাজ সম্পন্ন করে। তারপর তারা কা'বা নির্মাণ করে। নির্মাণ কাজ ঝুক্ন (হাজরে আসওয়াদ)-এর স্থান পর্যন্ত পৌছলে তারা বিবাদে লিঙ্গ হয়ে পড়ে। প্রত্যেক গোত্রই চাইছিল যেন তারাই তাকে স্বস্থানে পুনঃস্থাপন করে, অন্য কেউ নয়। তাদের এই বিবাদ চরম আকার ধারণ করে। তারা পরম্পর অঙ্গীকার ব্যক্ত করে এবং যুদ্ধের জন্য প্রস্তুত হয়। বনু আবদুল্লাহর রক্ত ভর্তি একটি পাত্র উপস্থিত করে। তারপর তারা এবং বনু আদী ইব্ন কা'ব ইব্ন লুআই মৃত্যুর অঙ্গীকার ব্যক্ত করে এবং পাত্রের রক্তে হাত চুকায়। তাকে তারা 'লাকা'তুদাম' তথা রক্ত চুক্তি নামে আখ্যা দেয়। কুরায়শরা এই অবস্থায় চার কি পাঁচ দিন অতিবাহিত করে। তারপর তারা মসজিদে সমবেত হয়ে পরামর্শ করে। কোন কোন বর্ণনাকারীর ধারণা, সে সময়ের কুরায়শদের প্রবীণতম ব্যক্তি আবু উমাইয়া ইব্ন মুগীরা (ইব্ন আবদুল্লাহ ইব্ন আমর ইব্ন মাখ্যাম) বললেন, হে কুরায়শ সম্প্রদায়! তোমাদের বিবাদের মীমাংসা তোমরা এভাবে কর যে, মসজিদের এই দরজা দিয়ে সর্বপ্রথম যে ব্যক্তি প্রবেশ করবে, তার হাতে তোমরা এর মীমাংসার ভার অর্পণ করবে। সে তোমাদের মাঝে এই বিবাদের মীমাংসা করবে। এ প্রস্তাবে তারা সম্মত হয়। দেখা গেল, যিনি সর্ব প্রথম মসজিদে প্রবেশ করলেন, তিনি রাসূলুল্লাহ (সা)। রাসূলুল্লাহ (সা)-কে দেখে তারা বলে উঠল, এই যে আমাদের 'আল-আইন' মুহাম্মদ এসেছেন, তাঁর সিদ্ধান্তে আমরা রাজী। রাসূলুল্লাহ (সা) তাদের নিকটে গেলে তারা বিষয়টি তাঁকে জানায়। রাসূলুল্লাহ (সা) বললেন : "আমাকে একটি কাপড় এনে দাও।" কাপড় দেওয়া হলো। রাসূলুল্লাহ (সা) ঝুক্ন অর্থাৎ হাজরে আসওয়াদ নিজ হাতে তুলে সেই কাপড়ের

ওপর রাখলেন। তারপর বললেন : “প্রত্যেক গোত্র কাপড়ের এক একটি কোন্ ধর। তারপর সকলে মিলে তা তুলে নিয়ে যাও। তারা তা-ই করল। তা’ নিয়ে তারা যথাস্থানে পৌঁছলে তিনি নিজ হাতে তা স্থাপন করে দেন। উল্লেখ্য যে, কুরায়শরা রাসূলুল্লাহ্ (সা)-কে ইতিপূর্বেই ‘আল-আমীন’ নামে ডাকতো।

ইমাম আহমদ বলেন, সাইর ইব্ন আবদুল্লাহ্ বর্ণনা করেন যে, তিনি জাহেলী যুগে কা'বা নির্মাতাদের একজন ছিলেন। তিনি বলেন, আমার একটি পাথর ছিল। আল্লাহর স্থলে আমি তার ইবাদত করতাম। আমি গাঢ় দুধ নিয়ে আসতাম, যা ছিল আমার অতি প্রিয়। সেই দুধ উক্ত পাথরের গায়ে ছিটিয়ে দিতাম আর একটি কুরুর এসে তা চেতে খেত এবং এক পা উঠিয়ে তাতে পেশাব করে দিত। কা'বা নির্মাণের এক পর্যায়ে আমরা হাজরে আসওয়াদের স্থানে উপনীত হলাম। কিন্তু কেউ পাথরটি দেখতে পেলো না। হঠাৎ দেখা গেল, পাথরটি আমার পাথরগুলোর মধ্যখানে, দেখতে ঠিক মানুষের মাথার ন্যায়, যেন তা থেকে মানুষের মুখ্যমণ্ডল আঘাতকাশ করবে। দেখে কুরায়শের একটি গোত্র বলল, এটা আমরা স্থাপন করব: আরেক গোত্র বলল, না আমরা স্থাপন করব। লোকেরা বলল, এর সমাধানের জন্য তোমরা একজন সালিস নিযুক্ত কর। অবশ্যে সিদ্ধান্ত হলো, বাহির থেকে সর্বপ্রথম যিনি এখানে আসবেন, তিনিই এ সমস্যার সমাধান করবেন। আসলেন রাসূলুল্লাহ্ (সা)। তাঁকে দেখে লোকেরা বলে উঠল, তোমাদের মাঝে আল-আমীন এসে গেছেন। রাসূলুল্লাহ্ (সা)-কে তারা বিষয়টি অবহিত করল। তিনি পাথরটি একটি কাপড়ে রাখলেন। তারপর প্রত্যেক গোত্রকে ডাকলেন। তারা কাপড়ের এক একটি প্রান্ত ধরে পাথরটি তুলে যথাস্থানে নিয়ে যান। রাসূলুল্লাহ্ (সা) নিজ হাতে তা যথাস্থানে স্থাপন করেন।

ইব্ন ইসহাক বলেন, রাসূলুল্লাহ্ (সা)-এর আমলে কা'বা আঠার হাত লম্বা ছিল। প্রথমে কা'বাকে মিসরীয় কাপড় দ্বারা ঢেকে রাখা হতো। তারপর ‘বাকুর’ বন্তে দ্বারা ঢাকা হয়। সর্বপ্রথম যিনি কা'বায় রেশমী কাপড়ের গিলাফ পরান, তিনি হলেন হাজ্জাজ ইব্ন ইউসুফ।

আমার মতে, কুরায়শরা কা'বা থেকে হিজরকে বের করে ফেলে। পরিমাপে তা উক্তর দিক থেকে ছয় কি সাত হাত। এর কারণ অর্থের অভাব। কা'বাকে ছবছ ইবরাহীমী ভিত্তির ওপর নির্মাণ করার সামর্থ্য কুরায়শদের ছিল না। তারা পূর্ব দিকে কা'বার একটি মাত্র দরজা রাখে। আর তা স্থাপন করে উঁচু করে। যাতে ইচ্ছা করলেই যে কেউ তাতে প্রবেশ করতে না পারে, যেন প্রবেশাধিকার তাদের নিয়ন্ত্রণে থাকে।

সহীহ বুখারী ও মুসলিমে হ্যরত আয়েশা (রা) থেকে বর্ণিত আছে যে, রাসূলুল্লাহ্ (সা) তাঁকে বলেছিলেন :

الْمُتَرَى أَنَّ قَوْمَكَ قَصَرَتْ بِهِمُ النِّفَقَةُ وَلَوْلَا حَدْثَانُ قَوْمَكَ بِكُفْرٍ  
لَنَقْضَتْ الْكَعْبَةُ وَجَعَلَتْ لَهَا بَابًا شَرْقِيًّا وَبَابًا غَربِيًّا وَأَدْخَلَتْ فِيهَا الْحَجَرِ

তুমি কি জানো না যে, তোমার সম্পদায় অর্থ সংকটে ছিল? তোমার সম্পদায় নওমুসলিম না হলে আমি কা'বাকে ডেঙে নতুনভাবে নির্মাণ করতাম। তখন পূর্বমুখী একটি দরজা আর পশ্চিম মুখী একটি দরজা রাখতাম। আর হিজ্র তথা হাতীমকে কা'বার অন্তর্ভুক্ত করে নিতাম!

এ কারণে আবদুল্লাহ ইব্ন যুবায়র ক্ষমতাসীন হয়ে রাসূলুল্লাহ (সা)-এর নির্দেশনা মোতাবেক কা'বাকে পুনঃনির্মাণ করেন। তাতে কা'বা পরিপূর্ণরূপে ইবরাইম (আ)-এর ভিত্তিতে ফিরে আসে এবং যারপরনাই আকর্ষণীয় গৃহে পরিণত হয়। তিনি মাটি সংলগ্ন করে দু'টি দরজা তৈয়ার করেন। একটি পূর্বমুখী আর অপরটি পশ্চিমমুখী। একটি দিয়ে মানুষ প্রবেশ করতো, অপরটি দিয়ে বের হতো। তারপর হাজ্জাজ ইব্ন ইউসুফ ইব্ন যুবায়রকে হত্যা করে খলীফা আবদুল মালিক ইব্ন মারওয়ানের নিকট পত্র লেখেন। তাতে তিনি ইব্ন যুবায়র কর্তৃক কা'বা পুনঃনির্মাণের কথা উল্লেখ করেন। তখন তাদের বিশ্বাস ছিল, ইব্ন যুবায়র কাজটি নিজের মর্জিমত করেছিলেন। তাই খলীফা আবদুল মালিক ইব্ন মারওয়ান কা'বাকে পূর্বের মত করে নির্মাণ করার আদেশ দেন। তখন উত্তর দিকের দেয়াল ভেঙে হিজ্রকে বের করে ফেলা হয় এবং তার পাথরগুলোকে কা'বার মাটিতে স্যাত্তে পুঁতে রাখা হয়। দরজা দু'টো উঁচু করা হয় এবং পশ্চিম দিককে বক্ষ করে দিয়ে পূর্ব দিককে আগের মত রাখা হয়। পরবর্তীতে খলীফা মনসুর কা'বাকে ইব্ন যুবায়রের ভিত্তির ওপর ফিরিয়ে নেয়ার ব্যাপারে ইয়াম মালিকের মতামত চাইলে তিনি বলেন, রাজা-বাদশারা কা'বাকে তামাশার ধাত্রে পরিণত করুক আমি তা পছন্দ করি না। ফলে খলীফা মনসুর কা'বাকে পূর্বীবস্থায় রেখে দেন। এখনও তা সেই রূপেই বিদ্যমান।

কা'বার আশপাশ থেকে সর্বপ্রথম ঘরবাড়ি সরিয়ে দেন হ্যরত উমর ইবনুল খাতাব (রা)। মালিকদের নিকট থেকে ক্রয় করে তিনি সেগুলো ভেঙে ফেলেন। পরে হ্যরত উসমান (রা) আরো কয়েকটি বাড়ি ক্রয় করে সেগুলোও ভেঙে ফেলেন। তারপর ইব্ন যুবায়র (রা) তাঁর শাসনামলে কা'বার ভিতকে আরও মজবুত করেন। দেয়ালগুলোর সৌন্দর্য এবং দরজার সংখ্যা বৃদ্ধি করেন। তবে তিনি আর কিছু করতে পারেননি। তারপর আবদুল মালিক ইব্ন মারওয়ান খলীফা হয়ে কা'বার দেয়াল আরো উঁচু করেন এবং হাজ্জাজ ইব্ন ইউসুফের মাধ্যমে কা'বাকে রেশমী কাপড়ের গিলাফ ঢাকা আবৃত করেন। সুরা বাকারার আয়াত :

وَإِذْ يَرْفَعُ إِبْرَاهِيمُ الْقَوَاعِدَ مِنَ الْبَيْتِ وَاسْمَاعِيلُ

এর তাফসীরে আমরা কা'বা নির্মাণের কাহিনী এবং এতদসংক্রান্ত হাদীসসমূহ উল্লেখ করেছি। প্রয়োজনে সেখানে দেখে নেয়া যেতে পারে।

ইব্ন ইসহাক বলেন, যখন তারা কা'বার নির্মাণ কাজ তাদের ইচ্ছানুযায়ী শেষ করে তখন যুবায়র ইব্ন আবদুল মুতালিব তাদেরকে সেই সাপটির কাহিনী শোনান, যার ভয়ে কুরায়শরা কা'বা নির্মাণের কাজ করতে পারছিল না। ঘটনাটি তিনি কাব্যকারে বিবৃত করেন :

عَجِبَ لِمَا تَصْوِبَتِ الْعِقَابُ - إِلَى التَّعْبَانِ وَهِيَ لَهَا اضطِرَابٌ  
وَقَدْ كَانَتْ تَكُونُ لَهَا كَشِيسٌ - وَأَحْيَانًا يَكُونُ لَهَا وَثَابٌ  
إِذَا قَمَنَا إِلَى التَّا سِيسِ شَدَتْ - تَهِيبُنَا الْبَنَاءُ وَقَدْ نَهَابُ  
فَلَمَا أَنْ خَشِينَا الزَّجْرَ جَاءَتْ - عِقَابٌ تَنَلَّبُ لَهَا انصِبَابٌ  
فَضَمَّتْهَا إِلَيْهَا تَمْ خَلَتْ - لَنَا الْبَنَيَانُ لَيْسَ لَهَا حِجَابٌ  
فَقَمَنَا حَاسِدِينَ إِلَى بَنَاءِ - لَنَا مِنْهُ الْقَوَاعِدُ وَالْتَّرَابُ

غداة يرفع التاسيس منه - وليس على مساوينا ثياب  
اعزبه الملیک بنی لوى - فليس لأصله منهم ذهاب  
وقد حسدت هذالك بنوعدى - ومرة قد تقدمها كلام  
فبواانا الملیک بذاك عزا - وعنده الله يلتمس الشواب

যে সাপটি কুরায়শের উদ্বেগের কারণ হয়ে দাঁড়িয়েছিল, একটি ইংগল পাখি কিরূপ নির্ভুলভাবে তাকে ছোঁ মেরে নিয়ে গেল, তা দেখে আমি বিস্মিত হয়েছি। সাপটি কখনো কুণ্ডলী পাকিয়ে কখনো ফণা তুলে ছোবল মারার ভঙ্গিতে থাকত। যখনই আমরা কা'বা সংস্কারের উদ্যোগ নিয়েছি, তখনই সে রূপে দাঁড়িয়েছে এবং তার স্বভাবসূলভ ভীতিপ্রদ ভঙ্গিতে ভয় দেখিয়েছে। আমরা যখন এই আপদের ভয়ে আড়ষ্ট হয়ে গেলাম, তখন ইংগলটি এসে আমাদেরকে রক্ষা করল এবং সংস্কারের কাজে আমাদের আর কোন বাধা থাকল না।

পরদিন আমরা সকলে বিবন্ত্র অবস্থায় সংস্কার কাজে লেগে গেলাম। মহান আল্লাহ এ কাজটি করার সুযোগ দিয়ে বনু লুওয়াইকে অর্থাৎ আমাদেরকে গৌরবান্বিত করলেন। তবে তাদের পরে বনু আদী এবং বনু মুররাও এ কাজে এসে জড়ে হয়েছে। বনু কিলাব ছিল এ কাজে তাদের চেয়েও অগ্রণী। আল্লাহ আমাদেরকে কা'বার নিকট বসবাসের সুযোগ দিয়ে সম্মানিত করেছেন। আশা করা যায়, এ কাজের প্রতিদান আল্লাহর নিকট পাওয়া যাবে। উল্লেখ্য যে, এর আগে একটি অধ্যায়ে আমরা বলে এসেছি, আল্লাহ তা'আলা রাসূলুল্লাহ (সা)-কে জাহেলিয়াতের পক্ষিলতা থেকে সর্বতোভাবে নিরাপদ রেখেছিলেন। যেমন কা'বা নির্মাণের সময় তিনি এবং তাঁর চাচা আবুস রাস (রা) পাথর স্থানান্তরের কাজ করতেন। এক পর্যায়ে তিনি পরিধানের কাপড় খুলে তা' কাঁধের ওপর রেখে পাথর বহন করে নিয়ে যেতে শুরু করলেন। সঙ্গে সঙ্গে আল্লাহ তাঁকে কাপড় খুলতে বারণ করে দেন। ফলে তৎক্ষণাত্মে তিনি কাপড় পরে নেন।

### অধ্যায়

ইব্ন ইসহাক বলেন, কুরায়শদেরকে হুমুস নামে অভিহিত করা হতো। এর ধাতুগত অর্থ দীনের ব্যাপারে চরম কঠোরতা। তাদেরকে এই নামে নামকরণের কারণ হলো, তারা হারম শরীফকে সম্মান প্রদর্শনের ব্যাপারে বাঢ়াবাঢ়ি করতো। যে কারণে তারা আরাফার রাতে এখন থেকে বের হতো না। তারা বলত, আমরা হলাম হারমের সন্তান এবং এর অধিবাসী। ফলে তারা এ কথা আরাফায় অবস্থান বর্জন করত। এটা হ্যরত ইবরাহীম (আ)-এর অন্যতম স্মৃতি একথা জানা থাকা সত্ত্বেও তারা তা বর্জন করত। মনগড়া কুসংস্কার থেকে তারা একটুও নড়চড় করতো না। ইহরাম অবস্থায় তারা দুধ থেকে ছানা ঘি চর্বি কিছুই সংগ্রহ করত না। তারা পশমের তৈরি তাঁবুতে প্রবেশ করত না এবং ছায়ায় বসার প্রয়োজন হলে চামড়ার ঘর ছাড়া অন্য কোন ঘরের ছায়ায় বসত না। হজ্জ ও উমরা পালনকারীদেরকে তারা তাদের সরবরাহকৃত পোশাক ব্যতীত অন্য পোশাকে তাওয়াফ করতে এবং তাদের দেয়া খাবার ব্যতীত অন্য খাবার থেকে বারণ করত। হজ্জ উমরাহ পালনকারীদের কেউ যদি কুরায়শ, তাদের বংশধর কিংবা তাদের দলভুক্ত কিনানা ও খুয়া'আ কারোর নিকট থেকে কাপড় না পেত, তবে তাকে বিবন্ত তাওয়াফ করতে হতো। মহিলাদের ক্ষেত্রেও এটি প্রযোজ্য হতো। এ কারণে এমন পরিস্থিতিতে মহিলারা যথাস্থানে হাত রেখে বায়তুল্লাহ তাওয়াফ করত আর বলত :

الْيَوْمَ يَبْدُو وَبَعْضُهُ أُوكْلٌ - وَبَعْدَ هَذَا الْيَوْمِ لَا أَحَدٌ

আজ আমার লজ্জাস্থানের অংশবিশেষ বা পুরোটা বিবৰ্ত্ত হয়েছে ঠিক কিন্তু আজকের পর আর এমনটি হতে দেব না ।

যদি কেউ কোন হৃষীর কাপড় পাওয়া সত্ত্বেও সে নিজের কাপড় পরে তাওয়াফ করত তবে তাওয়াফ শেষে তাকে সেই কাপড় খুলে ফেলে দিতে হতো । পরে সেই কাপড় আর সে ব্যবহার করতে পারত না । তার বা অন্য কারো জন্য সেই কাপড় স্পর্শ করার অনুমতি ছিল না । আরব সেই কাপড়ের নাম দিয়েছিল ‘আল-লাকি’ । ইবন ইসহাক বলেন, কুরায়শ এমনি কুসংস্কারে নিমজ্জিত ছিল । এই অবস্থায় আল্লাহ মুহাম্মদ (সা)-কে প্রেরণ করেন এবং মুশরিকদের মনগড়া কুসংস্কার প্রতিরোধে তাঁর ওপর কুরআন নাষিল করেন । আল্লাহ তা'আলা বলেন :

ثُمَّ أَفْيِضُوا مِنْ حَيْثُ أَفَاضَ النَّاسُ وَاسْتَغْفِرُوا اللَّهُ، أَنَّ اللَّهَ غَفُورٌ  
رَّحِيمٌ -

তারপর অন্যরা যেখান থেকে প্রত্যাবর্তন করে, তোমরাও সেখান থেকে প্রত্যাবর্তন করবে আর আল্লাহর নিকট ক্ষমা প্রার্থনা করবে । বস্তুত আল্লাহ ক্ষমালীল পরম দয়ালু । (২ বাকারা : ১৯৯-২০০)

অর্থাৎ আরবের সর্বসাধারণ যেভাবে আরাফা থেকে প্রত্যাবর্তন করে, তেমনি তোমরাও আরাফা থেকে প্রত্যাবর্তন কর ।

আমরা আগেও উল্লেখ করে এসেছি যে, ওহী নায়িলের পূর্ব থেকেই রাসূলুল্লাহ (সা) আল্লাহ প্রদত্ত তা'আলা ক্ষমালীল আরাফায় অবস্থান করতেন ।

অন্য এক আয়াতে আল্লাহ তা'আলা কুরায়শরা স্লোকদের ওপর যে পোশাক ও যে খাবার হারাম করে নিয়েছিল, তা বাতিল ঘোষণা করে বলেন :

يَابْنِي أَدَمْ خُذُوا رِزْنَتَكُمْ عِنْدَ كُلِّ مَسْجِدٍ وَكُلُّوا وَأَشْرَبُوا وَلَا تُسْرِفُوا.  
إِنَّهُ لَا يُحِبُّ الْمُسْرِفِينَ . قُلْ مَنْ حَرَمَ زِينَةَ اللَّهِ الَّتِي أَخْرَجَ لِعِبَادِهِ  
وَالْطَّيِّبَاتِ مِنَ الرِّزْقِ -

অর্থাৎ হে বনী আদম! প্রত্যেক সালাতের সময় তোমরা সুন্দর পরিচ্ছন্দ পরিধান করবে, আহার করবে ও পান করবে; কিন্তু অপচয় করবে না । নিশ্চয় তিনি অপচয়কারীদের পছন্দ করেন না । বল, আল্লাহ তাঁর বান্দাদের জন্য যেসব শোভার বস্তু ও বিশুদ্ধ জীবিকা সৃষ্টি করেছেন, তা কে হারাম করলো? (আ'রাফ : ৩১-৩২)

যিয়াদ আল বুকায়ী ইবন ইসহাক সূত্রে বর্ণনা করেন যে, কুরায়শের এসব কুসংস্কার আবিষ্কারের ঘটনা হাতীর ঘটনার আগে ঘটেছিল, নাকি পরে তা'আমার জানা নেই ।

## রাসূলুল্লাহ (সা)-এর নবুওত লাভ এবং এতদ্সম্পর্কিত করেকটি পূর্বাভাস

মুহাম্মদ ইবন ইসহাক বলেন, অনেক ইহুদী পণ্ডিত, নাসারা গণক এবং আরবের অনেকে আবির্ভাবের আগেই রাসূলুল্লাহ (সা) সম্পর্কে বলাবলি করতেন যে, তাঁর আগমনের সময় ঘনিয়ে এসেছে। ইহুদী ও নাসারা পণ্ডিতগণ তাদের কিতাবসমূহে বর্ণিত রাসূল (সা)-এর শুণাবলী ও তাঁর আগমন কালের বিবরণ এবং তাদের নবীদের প্রতিশ্রুতি থেকে বিষয়টির ব্যাপারে অবহিত হতে পেরেছিলেন। যেমন আল্লাহ তা'আলা বলেন :

الَّذِينَ يَتَبَعُونَ الرَّسُولَ النَّبِيَّ الْأُمَّى الَّذِي يَجِدُونَهُ مَكْتُوبًا عِنْدَهُمْ  
فِي التُّورَاةِ وَالْإِنْجِيلِ

অর্থাৎ যারা অনুসরণ করে বার্তাবাহক উচ্চী নবীর, যার উল্লেখ তাওরাত ও ইন্জিল, যা তাদের নিকট আছে তাতে জিপিবৰ্ক পায়; (৭ আ'রাফ : ১৫৭)

আল্লাহ তা'আলা অন্যত্র বলেন :

وَإِذْ قَالَ عِيسَى ابْنُ مَرْيَمَ يَابْنِي إِسْرَائِيلَ إِنِّي رَسُولُ اللَّهِ إِلَيْكُمْ  
مُصَدِّقًا لِمَا بَيْنَ يَدَيِّ مِنَ التُّورَاةِ وَمُبَشِّرًا بِرَسُولٍ يَأْتِي مِنْ بَعْدِي  
اسْمُهُ أَحْمَدٌ.

শ্বরণ কর, যখন ঈসা ইবন মরিয়ম বলল, হে বনী ইসরাইল! আমি তোমাদের প্রতি প্রেরিত আল্লাহর রাসূল, আমার আগমন পূর্বের তাওরাতের সত্যায়নকারী রূপে এবং এমন এক রাসূলের সুসংবাদ দানকারী রূপে যিনি আমার পরে আগমন করবেন, যাঁর নাম হবে আহমদ।

আল্লাহ তা'আলা অন্য আয়াতে বলেন :

مُحَمَّدُ رَسُولُ اللَّهِ وَالَّذِينَ مَعَهُ أَشْدَاءُ عَلَى الْكُفَّارِ رَحْمَاءُ بِيْنَهُمْ تَرَاهُمْ  
رُكَعًا سُجَّدًا يَبْتَغُونَ فَضْلًا مِنَ اللَّهِ وَرَضِوَانًا سِيمَاهُمْ فِي وُجُوهِهِمْ مِنْ  
آثَرِ السُّجُودِ ذَالِكَ مَثَلُهُمْ فِي التُّورَاةِ وَمَثَلُهُمْ فِي الْإِنْجِيلِ.

মুহাম্মদ আল্লাহর রাসূল। তার সহচরগণ কাফিরদের প্রতি কঠোর এবং নিজেদের মধ্যে পরম্পরের প্রতি সহানুভূতিশীল; আল্লাহর অনুগ্রহ ও সন্তুষ্টি কামনায় তুমি তাদেরকে ঝুক্ক ও আল-বিদায়া ওয়ান নিহায়া (২য় খণ্ড) ৭৬—

সিজদায় অবনত দেখবে। তাদের লক্ষণ তাদের মুখমণ্ডলে সিজদার চিহ্ন পরিস্ফুটিত থাকবে; তাওরাতে তাদের বর্ণনা এইরূপ এবং ইনজীলেও এইরূপই। (৪৮ ফাতহ : ২৯)

অন্য আয়াতে আল্লাহ তা'আলা বলেন :

وَإِذَا أَخْذَ اللَّهُ مِيثَاقَ النَّبِيِّنَ لَمَا أَتَيْتُكُمْ مِنْ كِتَابٍ وَحْكَمَةً ثُمَّ جَاءَكُمْ رَسُولٌ مُصَدِّقٌ لِمَا مَعَكُمْ لِتُؤْمِنُنَّ بِهِ وَلَتَنْصَرِنَّهُ قَالَ أَفَرَرْتُمْ وَأَخْذَتُمْ عَلَى ذَلِكُمْ إِصْرِيْ قَالُوا أَفْرَرْنَا قَالَ فَأَشْهَدُوْا وَأَنَا مَعَكُمْ مِنَ الشَّاهِدِينَ.

অর্থাৎ স্মরণ কর, যখন আল্লাহ নবীদের অঙ্গীকার নিয়েছিলেন যে, তোমাদেরকে কিতাব ও হিকমত যা কিছু দিয়েছি অতপর তোমাদের কাছে যা আছে তার সমর্থকরূপে যখন একজন রাসূল আসবে তখন তোমরা অবশ্যই তার প্রতি ঈমান আনবে এবং তাকে সাহায্য করবে। তিনি বললেন, তোমরা কি স্বীকার করলে? এবং এ সম্পর্কে আমার অঙ্গীকার কি তোমরা গ্রহণ করলে? তারা বলল, আমরা স্বীকার করলাম। তিনি বললেন, তবে তোমরা সাক্ষী থাক এবং আমি তোমাদের সাথে সাক্ষী রইলাম। (৩ আলে ইমরান : ৮১)

সহীহ বুখারীতে ইব্ন আবুস (রা) থেকে বর্ণিত আছে যে, তিনি বলেন, আল্লাহ যত নবী প্রেরণ করেছেন, তাঁদের প্রত্যেকের নিকট থেকে এই অঙ্গীকার নিয়েছেন যে, যদি মুহাম্মদের আবির্ভাব ঘটে আর তখন তিনি জীবিত থাকেন, যেন অবশ্যই তিনি মুহাম্মদ (সা)-এর প্রতি ঈমান আনয়ন করেন এবং তাঁকে সাহায্য করেন। আর প্রত্যেক নবীকে আল্লাহ এই নির্দেশ দিয়েছেন, যেন তাঁরা নিজ নিজ উচ্চত থেকে এই অঙ্গীকার নিয়ে রাখেন যে, যদি মুহাম্মদের আবির্ভাব ঘটে আর তারা তখন জীবিত তাকে যেন তারা তাঁর প্রতি ঈমান আনে এবং তাঁকে সাহায্য করে এবং তাঁর অনুসরণ করে।

এই হাদীস দ্বারা জানা গেল যে, প্রত্যেক নবীই মুহাম্মদ (সা)-এর ব্যাপারে সুসংবাদ প্রদান করেছেন এবং তাঁর আনুগত্য করার আদেশ দিয়েছেন।

হ্যরত ইবরাহীম (আ) মক্কাবাসীদের জন্য যে দোয়া করেছিলেন, তাতে তিনি বলেছিলেন :

رَبَّنَا وَأَبْعَثْ فِيهِمْ رَسُولًا مِنْهُمْ يَتْلُوْ عَلَيْهِمْ آيَاتِكَ.

অর্থাৎ হ্যরত ইবরাহীম আপনি তাদের মধ্য হতে তাদের নিকট এক রাসূল প্রেরণ করবেন, যিনি আপনার আয়াতসমূহ তাদের নিকট তিলাওয়াত করবেন। (২ বাকারা : ১২৯)

ইমাম আহমদ বর্ণনা করেন যে, হ্যরত আবু উমামা (রা) বলেছেন, আমি বললাম, ইয়া রাসূলাল্লাহ! আপনার মিশনের সূচনা কি ছিল? জবাবে নবী করীম (সা) বললেন :

دَعْوَةُ أَبِي إِبْرَاهِيمَ وَبُشْرَى عِيسَى وَرَأَتْ أُمِّيْ أَنَّهُ يَخْرُجُ مِنْهَا نُورٌ  
أَضَاءَتْ لَهُ قُصُورُ الشَّامِ.

আমার মিশনের সূচনা আমার পিতা ইবরাহীমের দোয়া, ঈসার সুসংবাদ আর আমার মা দেখেছিলেন যে, তাঁর ভিতর থেকে এমন একটি আলো বের হচ্ছে, যার ফলে শামের

রাজ-প্রাসাদগুলো আলোকিত হয়ে গিয়েছিল। মুহাম্মদ ইব্ন ইসহাক অন্যান্য সাহাবী সূত্রেও অনুরূপ বর্ণনা করেছেন।

অর্থাৎ সাহাবী হ্যরত আবু উমামা (রা) জানতে চেয়েছিলেন যে, মানুষের মাঝে রাসূল (সা)-এর মিশনের সূচনা এবং তার প্রচার প্রসার কিভাবে হয়েছিল? তাই নবীজী (সা) সেই ইবরাহীমের দোয়ার কথা উল্লেখ করলেন, যিনি গোটা আরবের মধ্যমণি হিসেবে স্বীকৃত। তারপর ঈসা (আ)-এর সুসংবাদের কথা বললেন, যিনি বনী ইসরাইলের নবীদের সর্বশেষ নবী। উপরে এ ব্যাপারে আলোচনা হয়েছে। এতে প্রমাণিত হয় যে, এই দুই নবীর মাঝে আরো যে সব নবী ছিলেন, তাঁরাও মুহাম্মদ (সা) সম্পর্কে সুসংবাদ প্রদান করে গেছেন। পক্ষান্তরে উর্ধ্বজগতে হ্যরত আদম (আ)-এর সৃষ্টির পূর্ব থেকেই রাসূল (সা)-এর মিশন প্রসিদ্ধ, আলোচনার বিষয় এবং জ্ঞাত বিষয় ছিল। যেমন ইমাম আহমদ (র) ইরবাজ ইব্ন সারিয়া (রা) থেকে বর্ণনা করেন যে, ইরবাজ (রা) বলেন, রাসূলুল্লাহ (সা) বলেছেন :

إِنَّى عَبْدُ اللَّهِ حَاتَمُ النَّبِيِّينَ وَإِنَّ أَدَمَ لَمْنَجَدٌ فِي طِينَتِهِ وَسَأَنْبَئُكُمْ  
بِأَوْلَ ذَالِكَ دَعْوَةً إِبْرَاهِيمَ وَبَشَارَةً عِينِي سَلِّي بِيْ وَرُؤْيَاً أَمَّى الَّتِيْ رَأَتْ  
وَكَذَلِكَ أَمْهَاتُ الْمُؤْمِنِينَ.

আমি আল্লাহর বান্দা, সর্বশেষ নবী। অথচ আদম তখন তাঁর কাদামাটিতে লুটোপুটি খাচ্ছেন। আর আমি তোমাদেরকে এর সূচনা সম্পর্কে অবহিত করব। এটি ইবরাহীমের দোয়া, আমার ব্যাপারে ঈসার সুসংবাদ এবং আমার মায়ের দেখা স্বপ্ন। তদূপ মুমিনদের মাগণেরও।'

লায়ছ মু'আবিয়া ইব্ন সালিহ থেকে বর্ণনা করেন যে, মু'আবিয়া ইব্ন সালিহ বলেন, রাসূলুল্লাহ (সা)-এর মা তাঁকে প্রসব করার সময় একটি আলো দেখতে পান যার ফলে শামের রাজপ্রাসাদসমূহ আলোকিত হয়ে গিয়েছিল।

ইমাম আহমদ বর্ণনা করেন যে, মায়সারা আল-ফাজর (রা) বলেন, আমি বললাম, ইয়া রাসূলুল্লাহ! আপনি কখন থেকে নবী ছিলেন? জবাবে তিনি বললেনঃ

وَأَدَمْ بَيْنَ الرُّوحِ وَالْجَسَدِ

আদম যখন রহ আর দেহের মধ্যবর্তী অবস্থায় (আমি তখনও নবী)।

উমর ইব্ন আহমদ ইব্ন শাহীন দালায়িলুন্বুয়্যাতে বর্ণনা করেছেন যে, হ্যরত আবু হুরায়রা (রা) বলেছেন, রাসূলুল্লাহ (সা)-কে জিজেস করা হয়েছিল, আপনার জন্য নবুওত সাব্যস্ত হয় কখন? জবাবে নবী করীম (সা) বললেনঃ

بَيْنَ خَلْقِ أَدَمَ وَنَفْخِ الرُّوحِ فِيهِ

আদম-এর সৃষ্টি এবং তাঁর মধ্যে রূপ ফুঁকে দেয়ার সময়ও আমি নবী ছিলাম।

১. এটি সম্ভবত ছাপার তুল। ইমাম আহমদের মূল বর্ণনায় আছে : وَكَذَلِكَ أَمْهَاتُ الْمُؤْمِنِينَ (الأنبياء) - অর্থাৎ নবীগণের মাগণই একপ স্বপ্নই দেখে থাকেন। - মাওয়াহেব

وَأَدْمَ مُنْجَدِلٌ فِي طِينَتِهِ  
আদম তখন তাঁর সৃষ্টির উপাদান কাদা-মাটিতে গড়াগড়ি থাচ্ছেন।

হযরত আবু হুরায়রা (রা) থেকে বর্ণিত অপর এক হাদীসে আছে যে, রাসূলুল্লাহ (সা) পরিত্র কুরআনের আয়াত

وَإِذْ أَخَذْنَا مِنَ النَّبِيِّنَ مِثْقَاهُمْ وَمِنْكَ وَمِنْ نُوحٍ

এর ব্যাখ্যায় বলেছেন :

كُنْتُ أَوَّلُ النَّبِيِّنَ فِي الْخَلْقِ وَآخِرُهُمْ فِي الْبَعْثِ

সৃষ্টির বেলায় আমি সর্বপ্রথম নবী আর আবির্ভাবের দিক থেকে সকলের শেষ নবী।

এককালে জিন শয়তানরা আড়ি পেতে আসমানের সংবাদ সংগ্রহ করত। এভাবে তারা ফেরেশতাদের আলোচনা শুনে তা তাদের গণকদের কানে দিত। তখনও তারকা নিষ্কেপের মাধ্যমে তাদের বিভাড়িত করা হতো না। এভাবে রাসূলুল্লাহ (সা)-এর আবির্ভাব সংক্রান্ত কিছু তথ্যও তারা সংগ্রহ করে আরবের গণকদের শোনায়। ফলে আরবের মানুষ তা জেনে যায়। রাসূল (সা)-এর নবুওত প্রাণ্তির প্রাক্কালে শয়তানদের আকাশের সংবাদ শ্রবণের সে পথ রুদ্ধ করা হয় এবং শয়তান ও তারা যে সব স্থানে বসে সংবাদ শ্রবণ করত, তার মাঝে অন্তরাল সৃষ্টি করা হয়। তাদের প্রতি উরুপিণি নিষ্কেপ করা হয়। তাতে শয়তানরা বুঝে নেয় যে, আল্লাহর আদেশে নতুন কিছু একটা ঘটেছে বলেই এমন হচ্ছে। বর্ণনাকারী বলেন, এ প্রসঙ্গেই আল্লাহ তা'আলা তাঁর রাসূলের প্রতি নায়িল করেন :

قُلْ أُوْحِيَ إِلَىٰ أَنَّهُ أَسْتَمَعَ نَفَرٌ مِّنَ الْجِنِّ فَقَالُوا إِنَّا سَمِعْنَا قُرْآنًا  
عَجَبًا—يَهْدِي إِلَى الرُّشْدِ فَأَمَنَّا بِهِ—وَلَنْ نُشْرِكَ بِرَبِّنَا أَحَدًا.

বল, আমার প্রতি ওই প্রেরিত হয়েছে যে, জিনদের একটি দল মনোযোগ সহকারে শ্রবণ করেছে এবং বলেছে— আমরা তো এক বিশ্বয়কর কুরআন শ্রবণ করেছি, যা সঠিক পথ-নির্দেশ করে; ফলে আমরা তাতে বিশ্বাস স্থাপন করেছি। আমরা কখনো আমাদের প্রতিপালকের কোন শরীরীক স্থির করব না। (৭২ জিন : ১-২)

আমি আমার তাফসীর ঘন্টে এসব বিষয়ে আলোচনা করেছি।

আল্লাহ তা'আলা অন্যত্র বলেন :

وَإِذْ صَرَقْنَا إِلَيْكَ نَفَرًا مِّنَ الْجِنِّ يَسْتَمِعُونَ الْقُرْآنَ. فَلَمَّا حَضَرُوهُ  
قَالُوا أَنْصَطُوا فَلَمَّا قُضِيَ وَلَوْا إِلَىٰ قَوْمِهِمْ مُنْذِرِينَ. قَالُوا يَا قَوْمَنَا إِنَّا  
سَمِعْنَا كِتَابًا أَنْزَلَ مِنْ بَعْدِ مُوسَىٰ مُصَدِّقًا بَيْنَ يَدِيهِ يَهْدِي إِلَى الْحَقِّ  
وَإِلَى طَرِيقٍ مُسْتَقِيمٍ.

শ্রবণ কর, আমি তোমার প্রতি আকৃষ্ট করেছিলাম একদল জিনকে যারা কুরআন পাঠ শুনছিল। যখন তারা তার নিকট উপস্থিত হলো, তারা বলল, চুপ করে শ্রবণ কর। যখন কুরআন পাঠ সমাপ্ত হলো, তারা তাদের সম্প্রদায়ের নিকট ফিরে গেল সতর্ককারীরূপে। তারা বলল, হে আমাদের সম্প্রদায়! আমরা এমন এক কিতাবের পাঠ শ্রবণ করেছি, যা অবতীর্ণ হয়েছে মূসার পরে, এটা তার পূর্ববর্তী কিতাবকে সমর্থন করে এবং সত্য ও সরল পথের দিকে পরিচালিত করে। (৪৬ আহকাফ : ২৯-৩০)

মুহাম্মদ ইবন ইসহাক বর্ণনা করেন যে, ইয়াকুব ইবন উতবা ইবন মুগীরা ইবন আখনাস বলেন, উক্তা নিক্ষেপের ফলে সর্বপ্রথম ভয় পেয়েছিল সাকীফ গোত্রের একটি শাখা। আমর ইবন উমাইয়া নামক বনূ ইলাজ-এর অতি তীক্ষ্ণধী ও ধূর্ত এক ব্যক্তি ছিল। সাকীফ এর সেই লোকগুলো তার নিকট গিয়ে বলল, হে আমর! এসব উক্তা নিক্ষেপের ফলে আকাশে কী ঘটেছে, আপনি কী তা লক্ষ্য করছেন না? লোকটি বলল, হ্যাঁ, লক্ষ্য করছি বৈকি! তোমরা খোঁজ নিয়ে দেখ, এটি কোন্তা তারকা? যদি এটি জলে-স্থলে, শীতে-চীমে দিক নির্ণয়কারী সেই তারকা হয়, তবে আল্লাহর শপথ, এই ঘটনা দুনিয়ার বিপর্যয় আর এই সৃষ্টি জগতের ঋংস বৈ নয়। আর যদি এটি অন্য তারকা হয়, সেই তারকা যদি আপন স্থানে বাহাল থাকে, তবে বুঝতে হবে এটি আল্লাহর বিশেষ কোন সিদ্ধান্তের ফলে হয়েছে। তোমরা খোঁজ নিয়ে দেখ আসল ঘটনা কী?

ইবন ইসহাক বলেন, কোন কোন আলিম বর্ণনা করেন যে, বনূ সাহম গোত্রের এক মহিলা ছিল। নাম ছিল তার গাইতালাহ। জাহেলী যুগে সে জ্যোতিষী ছিল। এক রাতে তার জিন সঙ্গীটি তার নিকট আসে। এসে সে আওয়াজ দিয়ে বলে, ‘আমি যা জানবার জানি -উৎসর্গের দিন।’ কুরায়শরা এ সংবাদ শুনে বলল, সে আসলে কী বলতে যাচ্ছে? তারপর সে আরও এক রাতে এসে অনুরূপ আওয়াজ দিয়ে বলল, ঘাঁটি, জান ঘাঁটি কী? দক্ষিণের অভিজাত বাহিনী তাতে ধরাশায়ী হবে। এ সংবাদ পেয়েও কুরায়শরা বলল, লোকটি কী বলতে চায়? কিছু একটা ঘটতে যাচ্ছে বোধ হয়। তোমরা লক্ষ্য রাখ, কী ঘটে। কিন্তু তখনো তারা কিছুই বুঝে উঠতে পারল না। যখন ঘাঁটির নিকট বদর ও উহুদ যুদ্ধ সংঘটিত হলো তখন তারা বুঝতে পারল যে, জিনটি আসলে কী সংবাদ দিয়েছিল।

ইবন ইসহাক বর্ণনা করেন, আলী ইবন নাফি আল-জুরাশী বলেন যে, জাহেলী যুগে ইয়ামানের জামব গোত্রের একজন গণক ছিল। যখন রাসূলুল্লাহ (সা)-এর ব্যাপারে বলাবলি শুরু হলো এবং তা গোটা আরবে ছড়িয়ে পড়ল, তখন ঐ গোত্রের লোকেরা ঐ গণককে বলল, এই লোকটির ব্যাপারে একটু ভেবে দেখুন! তারা তার সঙ্গে সাক্ষাত করার জন্য এক পাহাড়ের পাদদেশে সমবেত হলো। সূর্য উদিত হলে সে তাদের সম্মুখে উপস্থিত হয়। তাদের নিকট পৌঁছে সে তার ধনুকের ওপর ভর দিয়ে দাঁড়িয়ে দীর্ঘক্ষণ আকাশের দিকে তাকিয়ে থাকে। তারপর মাথা দোলাতে দোলাতে বলে, লোক সকল! আল্লাহ মুহাম্মদকে সম্মানিত করেছেন, তাঁকে মনোনীত করেছেন ও তাঁর অন্তরকে পবিত্র করেছেন। লোক সকল! তোমাদের মাঝে তাঁর অবস্থান ক'দিনের মাত্র।’ এই বলে সে যেখান থেকে এসেছিল, দ্রুতপদে সেখানে চলে যায়। ইবন ইসহাক এরপর সাওয়াদ ইবন কারিব-এর কাহিনী উল্লেখ করেন। সেই আলোচনা আমরা ‘জিনদের অদ্য্যবাণী’ অধ্যায়ের জন্য রেখে দিলাম।

### অধ্যায়

ইব্ন ইসহাক বর্ণনা করেন, আসিম ইব্ন আমর ইব্ন কাতাদা'র গোত্রের কতিপয় লোক বিলে, আমরা ছিলাম মূর্তিপূজারী মুশরিক আর ইহুদীরা ছিল আহলে কিতাব। তাদের নিকট এমন বিদ্যা ছিল, যা আমাদের নিকট ছিল না। তাদের ও আমাদের মাঝে সর্বদা সংঘাত লেগেই থাকত। অপ্রীতিকর পরিস্থিতির শিকার হলে তারা আমাদেরকে বলত, প্রতিশ্রূত একজন নবীর আগমনের সময় ঘনিয়ে এসেছে। আদ ও ইরাম জাতিকে হত্যা করার ন্যায় আমরা তাঁর সঙ্গে যোগ দিয়ে তোমাদেরকে হত্যা করব। তাদের মুখ থেকে এ কথাটি আমরা বহুবার শুনেছি। কিন্তু রাসূলুল্লাহ (সা) আবির্ভূত হয়ে যখন আমাদেরকে আল্লাহর পথে আহ্বান করলেন, তখন আমরা তাঁর ডাকে সাড়া দিলাম। তারা আমাকে যাঁর ভয় দেখতে, আমরা তাঁকে চিনে ফেললাম এবং তাদের আগে আমরা তাঁর সঙ্গে যোগ দিলাম। আমরা তাঁর প্রতি দ্বিমান আনয়ন করলাম আর তারা তাঁকে অঙ্গীকার করল। তাই আমাদের ও তাদের ব্যাপারে এই আয়াতটি নায়িল হয়ঃ

وَلَمَّا جَاءَهُمْ كِتَابٌ مِّنْ عِنْدِ اللَّهِ مُصَدَّقٌ لِّمَا مَعَهُمْ وَكَانُوا مِنْ قَبْلٍ  
يَسْتَفْتَحُونَ عَلَى الَّذِينَ كَفَرُوا فَلَمَّا جَاءَهُمْ مَا عَرَفُوا كَفَرُوا بِهِ فَلَعْنَةُ اللَّهِ  
عَلَى الْكَافِرِينَ -

তাদের নিকট যা আছে, যখন আল্লাহর নিকট হতে তার সমর্থক কিতাব আসল; যদিও পূর্বে সত্য প্রত্যাখ্যানকারীদের বিরুদ্ধে তারা এর সাহায্যে বিজয় প্রার্থনা করত, তবুও তারা যা জ্ঞাত ছিল, যখন তা তাদের নিকট আসল, তখন তারা তা প্রত্যাখ্যান করল। সুতরাং কাফিরদের প্রতি আল্লাহর লান্ত। (২ বাকারা : ৮৯)

ইব্ন আবু নাজীহ সুত্রে আলী আল-আয়দী থেকে ওয়ারাকা বর্ণনা করেন যে, আলী আল-আয়দী বলেন, ইহুদীরা বলত, হে আল্লাহ! আমাদের জন্য আপনি এই নবীকে প্রেরণ করুন! তিনি আমাদের ও লোকদের মাঝে মীমাংসা করে দেবেন। তারা নবীর উসীলা দিয়ে বিজয় প্রার্থনা করত।

ইব্ন আবুস রাও (রা) থেকে বর্ণিত আছে যে, তিনি বলেন, ইহুদীরা খায়বারে গাতফানের সঙ্গে লড়াইয়ে লিঙ্গ হয়। এক পর্যায়ে ইহুদীরা পরাজিত হয়। তখন তারা এই দোয়া করে যে, 'হে আল্লাহ! সেই উচ্চী নবী মুহাম্মদের উসীলায় আমরা প্রতিপক্ষের ওপর বিজয় প্রার্থনা করছি, যাকে শেষ যমানায় প্রেরণ করবেন বলে আপনি আমাদের নিকট প্রতিশ্রূতি দিয়েছেন। তারপর যখন নবী করীম (সা) প্রেরিত হন তখন তারা তাঁকে অঙ্গীকার করে।

ইব্ন ইসহাক বলেন, বদরী সাহাবী সালামা ইব্ন সালাম ইবন ওকাশ (রা) বলেন, বনূ আবদুল আশহালের জনৈকে, ইহুদী আমাদের প্রতিবেশী ছিল। একদিন সে তার ঘর থেকে বের হয়ে আসে। আমি তখন আমার ঘরের আঙিনায় কম্বল বিছিয়ে শুয়ে আছি। আমি তখন সবেমাত্র কিশোর। যা হোক, লোকটি এসে কিয়ামত, পুনরুত্থান, হিসাব, মীয়ান ও জাহানামের কথা আলোচনা করে। বর্ণনাকারী বলেন, কথাটা সে মৃত্যুর পর পুনরুত্থানে বিশ্বাস করে না—

এমন মূর্তিপূজারী মুশরিকদের নিকট ব্যক্তি করলে তারা বলে, ধ্যাএ, এসবও আবার হবে নাকি? মৃত্যুর পর পুনরুত্থিত করে মানুষকে এমন জগতে নিয়ে যাওয়া হবে, যেখানে জান্নাত-জাহান্নাম আছে এবং সেখানে তাদেরকে কর্মফল দেয়া হবে, এমন কথা তোমার বিশ্বাস হয়? লোকটি বলল, হ্যাঁ, আমি এসবে বিশ্বাস করি। লোকেরা বলল, তা হলে এর লক্ষণ কী? সে বলল, এর লক্ষণ হলো, এই নগরী থেকে একজন নবী আবির্ভূত হবেন। মুক্তা ও ইয়ামানের প্রতি ইঙ্গিত করে সে বলল। লোকেরা জিজ্ঞেস করল, তাকে আমরা কবে দেখব? বর্ণনাকারী বলেন, জবাবে সে আমার প্রতি দৃষ্টিপাত করল। আমি তখন উপস্থিত লোকদের মধ্যে বয়সে সবচেয়ে কনিষ্ঠ। সে বলল, এই বালকটি যদি পরিণত বয়স লাভ করে তাহলে সে তাঁকে দেখতে পাবে। সালামা বলেন, আমি আল্লাহর শপথ করে বলছি, এরপর একবার একদিন অতিবাহিত হতে না হতেই আল্লাহ তাঁর রাসূল (সা)-কে প্রেরণ করেন। ইহুদী লোকটি তখন আমাদের মাঝে জীবিত। ফলে আমরা তাঁর প্রতি ঈমান আনয়ন করলাম, কিন্তু অবাধ্যতা ও হিংসাবশত সে তাঁকে অঙ্গীকার করল। আমরা তাকে বললাম, কী খবর! তুমি না আমাদেরকে কী সব কথা-বার্তা বলতে! সে বলল, বলতাম তো ঠিক, কিন্তু ইনি তিনি নন। আহমদ এবং বায়হাকী শাকিম সূত্রে এটি বর্ণনা করেছেন।

আবু নু'আয়ম 'দালায়িল' গ্রন্তে বর্ণনা করেছেন যে, মুহাম্মদ ইবনে সালামা বলেন, বনু আদুল আশ্হালে একজন ছাড়া আর কোন ইহুদী ছিল না। নাম তার ইউশা। আমি তখন বালক, সবেমাত্র লুঙ্গিপরা শুরু করেছি, তাকে বলতে শুনেছি, একজন নবী তোমাদের মাথায় ছায়া পাত করে রেখেছেন। এই ঘরের দিক থেকে তিনি আবির্ভূত হবেন। তারপর সে বায়তুল্লাহর দিকে ইশারা করে। বলে, যে ব্যক্তি তাঁকে পাবে সে যেন অবশ্যই তাঁর প্রতি ঈমান আনয়ন করে। এক সময় রাসূলুল্লাহ (সা) আবির্ভূত হলেন। আমরা তাঁর প্রতি ঈমান আনয়ন করলাম। আর সেই ইহুদী লোকটি আমাদের মাঝে উপস্থিত। কিন্তু বিদেশ ও অবাধ্যতাবশত সে ঈমান আনল না।

ইতিপূর্বে আমরা রাসূলুল্লাহ (সা)-এর আবির্ভাব ও তাঁর গুণ-পরিচয় প্রদানকারী এই ইউশা এবং রাসূলুল্লাহ (সা)-এর জন্ম-তারকার আত্মপ্রকাশ সংক্রান্ত যুবায়র ইবনে বাতা-এর আলোচনা করে এসেছি। ইবনে ইসহাক বলেন, আসিম ইবনে উমর ইবনে কাতাদা বর্ণনা করেছেন যে, বনু কুরায়জার জনৈক প্রবীণ ব্যক্তি আমাকে বলেছেন, আপনি বনু কুরায়জার জাতি-গোষ্ঠী বনু হাদাল-এর লোক ছালাবা ইবনে সা'য়া, উসায়দ ইবনে সা'য়া ও আসাদ ইবনে উবায়দ-এর ইসলাম প্রহণের পটভূমি জানেন কি? এরা জাহেলী যুগে বনু কুরায়জার সঙ্গে ছিল। তারপর ইসলামের যুগেও তারা বনু কুরায়জার নেতৃত্ব প্রদান করে। আমি বললাম, না, জানি না।

তিনি বললেন : সিরিয়ার অধিবাসী ইবনে হায়বান নামক এক ইহুদী ইসলামের আবির্ভাবের কয়েক বছর আগে আমাদের নিকট আসে। এসে লোকটি আমাদের মাঝে আত্মপ্রকাশ করে। আল্লাহর শপথ! তার অপেক্ষা উত্তম পাঁচ ওয়াক্ত নামায আদায়কারী আর কাউকে আমি দেখিনি। লোকটি আমাদের নিকট স্থায়িভাবে অবস্থান করতে শুরু করে। আমাদের অঞ্চলে কখনো অনাবৃষ্টি দেখা দিলে আমরা তাঁকে বলতাম, হে ইবনে হায়বান! আসুন আমাদের জন্য বৃষ্টির

প্রার্থনা করুন। জবাবে তিনি বলতেন, না, আল্লাহর শপথ! আগে সাদাকা পেশ না করলে আমি এ কাজ করতে পারব না। আমরা বলতাম, কত দিতে হবে বলুন। তিনি বলতেন, একসা' খেজুর কিংবা দুই মুদ যব। আমরা উক্ত পরিমাণ সাদাকা পেশ করতাম। এরপর তিনি আমাদের নিয়ে ফসলের মাঠে গিয়ে আমাদের জন্য বৃষ্টির প্রার্থনা করেন। আল্লাহর শপথ! তার সেই দোয়ার অনুষ্ঠান শেষ হতে না হতে আকাশে মেঘ জমে বৃষ্টিপাত শুরু হতো। এভাবে দু'বার তিনিবার নয়— তিনি বহুবার এরূপ দোয়া করেছেন। তারপর আমাদের নিকট থাকাবস্থায়ই তাঁর মৃত্যুর সময় হয়। যখন তিনি আঁচ করতে পারলেন যে, তার আর বাঁচা হবে না, তখন তিনি বললেন, হে ইছন্দী সম্প্রদায়! তোমরা কি জান, কিসে আমাকে প্রাচুর্যের দেশ থেকে এই অভাবের দেশে বের করে এনেছে? আমরা বললাম, আপনি ভালো জানেন। তিনি বললেন, আমি এমন এক নবীর আবির্ভাবের অপেক্ষায় এ দেশে এসেছি, যাঁর আবির্ভাবকাল অতি নিকটে। এই নগরী তাঁর হিজরত ভূমি। আমি আশা করতাম যে, তিনি আবির্ভূত হবেন আর আমি তাঁর অনুসরণ করব। তবে তাঁর সময় কিন্তু নিকটে। কাজেই হে ইছন্দী সম্প্রদায়! তোমাদের আগে যেন অন্য কেউ তার সঙ্গী হতে না পারে। আবির্ভূত হওয়ার পর যারা তাঁর বিরক্তিকারণ করবে, তাদের সঙ্গে তাঁর রক্তারণি হবে এবং বন্দীকরণ ও দাস বানানোর ঘটনা ঘটবে। অতএব কোন কিছু যেন তোমাদেরকে তাঁর অনুসরণ থেকে বিরত না রাখে। তারপর যখন রাসূল (সা) আবির্ভূত হলেন এবং বনু কুরায়জাকে অবরোধ করলেন, তখন যুবকরা বলল— এখন তারা টগবগে যুবক— হে বনু কুরায়জা সম্প্রদায়ের লোকজন! আল্লাহর কসম! ইনিই সেই নবী, ইবনে হায়বান তোমাদেরকে যার প্রতিশ্রূতি দিয়েছিলেন। তারা বলল, না ইনি সেই ব্যক্তি নন। যুবকরা বলল, হ্যাঁ, আল্লাহর কসম, তিনি যেসব গুণগুণের বিবরণ দিয়েছিলেন, সে অনুযায়ী ইনিই সেই ব্যক্তি। এরপর তারা দুর্গ থেকে নেমে এসে ইসলাম গ্রহণ করে নিজেদের রক্ত, সম্পদ ও পরিবার-পরিজনকে রক্ষা করে। ইবনে ইসহাক বলেন, ইছন্দীদের ব্যাপারে আমি যা জানতে পেরেছি, এই হলো তার বিবরণ।

আমরা উপরে উল্লেখ করে এসেছি যে, তুর্কা আল-ইয়ামানী— যার উপনাম আবু কারব তুর্বান আস'আদ মদীনা অবরোধ করতে এসেছিলেন। তখন দুইজন ইছন্দী পঞ্জিত তাঁর নিকট উপস্থিত হয়ে বললেন, এ কাজে সফলতা অর্জন করা আপনার পক্ষে সম্ভব নয়। কারণ এটি এমন আখেরী নবীর হিজরত ভূমি, যিনি শেষ যমানায় আগমন করার কথা। এ কথা শুনে তুর্কা তাঁর সংকল্প থেকে বিরত হন। আবু নু'আইম তার 'দালায়িল' এছে— উল্লেখ করেছেন যে, আবুল্লাহ ইবনে সালাম বলেছেন, আল্লাহ তা'আলা যখন যায়দ ইবনে স্বাইয়াকে হেনায়ত দান করার ইচ্ছা করলেন, যায়দ বললেন, দু'টি ব্যক্তিত নবুয়তের সব ক'টি লক্ষণই আমি প্রথম দর্শনে রাসূলল্লাহ (সা)-এর চেহারায় প্রত্যক্ষ করি। যে দু'টি লক্ষণ প্রথম দর্শনে দেখতে পাইনি, তা হলো তাঁর সহনশীলতা অঙ্গতার ওপর প্রবল থাকবে এবং তাঁর সঙ্গে অঙ্গতাসুলভ আচরণ যত বেশি করা হবে, তাঁর সহনশীলতা ততই বৃদ্ধি পাবে। যায়দ ইবনে স্বাইয়া বলে, ফলে আমি একাত্ত ঘনিষ্ঠতা লাভ করে তাঁর সহনশীলতা ও অঙ্গতা যাচাই করার প্রচেষ্টায় লেগে যাই। তারপর তিনি নবী করীম (সা)-এর নিকট ধারে মাল বিক্রয়ের কাহিনী উল্লেখ করেন এবং

বলেন, যখন সেই ঝণ পরিশোধ করার দিন-তারিখ এসে গেল, আমি তাঁর নিকট গিয়ে তাঁর জামার কলার এবং চাদর টেনে ধরি। তিনি তখন তাঁর সাহাবীগণের সঙ্গে এক জানায় উপস্থিত ছিলেন। আমি তাঁর প্রতি উগ্র মৃত্তিতে দৃষ্টিপাত করি এবং বলি, 'মুহাম্মদ! তুমি কি আমার পাওনা আদায় করবে না? আল্লাহর শপথ, আমি জানি, আব্দুল মুজালিবের বংশটাই লেনদেনে এভাবে টৌলবাহানা করতে অভ্যন্ত!' যায়দ বলেন, একথা শুনে উমর (রা) আমার প্রতি চোখ তুলে তাকালেন। তাঁর চোখ দু'টো যেন ভাটার মত জুলছে। তারপর তিনি বললেন, ওহে আল্লাহর দুশ্মন! তুই আল্লাহর রাসূলকে কী বল্ছিস আর তাঁর সঙ্গে কী আচরণ করছিস সবই আমি শুন্ছি, দেখছি। সেই আল্লাহর শপথ, যিনি তাঁকে সত্যসহ প্রেরণ করেছেন, আমি যদি তাঁর ভর্তসনার ভয় না করতাম, তা হলে তলোয়ার দিয়ে তোর গর্দান উড়িয়ে দিতাম। রাসূল (সা) তখন শাস্ত ও হাসিমুখে উমর (রা)-এর প্রতি তাকিয়ে আছেন। তারপর তিনি বললেনঃ

"হে উমর! আমার আর তার তোমার থেকে এর স্থলে অন্যরূপ ব্যবহার প্রাপ্য ছিল। তোমার উচিত ছিল, আমাকে ঝণ আদায়ে উত্তম পষ্ঠা অবলম্বন করার এবং তাকে আমার সঙ্গে উত্তম ব্যবহারের পরামর্শ দেয়া। যাও হে উমর! লোকটার পাওনা পরিশোধ করে দাও। আর বিশ্বসা" (প্রায় দেড় মণি) খেজুর বেশি দিয়ে দাও।"

এ ঘটনা দেখে যায়দ ইবনে সাইয়া মুসলমান হয়ে যান এবং তার পরবর্তীকালের সকল জিহাদে রাসূলুল্লাহ (সা)-এর সঙ্গে অংশগ্রহণ করেন। তাবুকের বছর তিনি ইনতিকাল করেন। আল্লাহ তাঁর প্রতি সদয় হোন! তারপর ইবনে ইসহাক হ্যরত সালমান ফারসী (রা)-এর ইসলাম গ্রহণের কাহিনী বর্ণনা করেন। তিনি বলেনঃ

হ্যরত আব্দুল্লাহ ইবনে আবাস (রা) বলেন, সালমান ফারসী (রা) নিজের মুখে আমাকে বলেছেন যে, আমি ছিলাম ইস্পাহানের অধিবাসী এবং পারসিক ধর্মাবলম্বী। যে গ্রামে আমার বাস ছিল তার নাম জাই। আমার পিতা ছিলেন সেই গ্রামের প্রধান। আমি ছিলাম পিতার সর্বাধিক প্রিয় পাত্র। মেহের আতিশায়ে তিনি আমাকে তাঁর গৃহে আবদ্ধ করে রাখতেন, যেমন দাসীদের ক্ষেত্রে করা হয়ে থাকে। মজুসী ধর্ম আমি অত্যন্ত নিষ্ঠার সাথে পালন করতাম। এক পর্যায়ে আমিই হলাম সেই অগ্নিকুণ্ডের রক্ষণাবেক্ষণকারী, যা সর্বদা প্রজ্ঞালিত রাখা হতো, এক মুহূর্তের জন্যও নিভতে দেয়া হতো না।

তিনি বলেন, আমার পিতা বিপুল জমি-জমার মালিক ছিলেন। তিনি নিজেই তাঁর জমি-জমার দেখাশুনা করতেন। একদিন তিনি কোন এক নির্মাণ কাজে হাত দেন। ফলে আমাকে তিনি বলেন, নির্মাণ কাজের ব্যস্ততার কারণে আজকের মত আমি জমিজমা দেখাশুনা করতে পারছি না। আজকের মত তুমি গিয়ে একটু তদারকি কর। তিনি আমাকে এ সংক্রান্ত কিছু নির্দেশও দেন। তারপর তিনি আমাকে বলেন, ফিরতে বিলম্ব করো না। কারণ তুমি আমার চোখের আড়ালে চলে গেলে জমিজমা চাইতে তুমই আমার বেশি ভাবনার কারণ হয়ে দাঁড়াও। তখন আমি কোন কাজই করতে পারি না।

আল-বিদায়া ওয়ান নিহায়া (২য় খণ্ড) ৭৭—

সালমান ফারসী (রা) বলেন : আমি আমার পিতার জমি দেখার জন্য রওয়ানা হলাম। খৃষ্টানদের একটি গির্জার নিকট দিয়ে যাওয়ার সময় গির্জার ভিতরে খৃষ্টানদের আওয়াজ পেলাম। তখন তারা উপাসনা করছিল। উল্লেখ্য যে, আমাকে ঘরে আটকে রাখার জন্য লোকজন যে আমার পিতাকে পরামর্শ দিয়েছিল, এতদিন আমি তা জানতাম না। যা হোক, শব্দ শুনে তাদের কর্মকাণ্ড দেখার জন্য আমি গির্জায় প্রবেশ করলাম। তাদের উপাসনা আমাকে মুঞ্চ করল এবং আমি তাদের প্রতি আকৃষ্ট হয়ে পড়ি। আমি মনে মনে বললাম, আল্লাহর শপথ, আমরা যে ধর্মে আছি, এই ধর্ম তার চেয়ে শ্রেষ্ঠতর। আল্লাহর কসম, তখন থেকে আমি তথায় সূর্য অস্ত যাওয়া পর্যন্ত ঠায় দাঁড়িয়ে রইলাম। পিতার জমিজমার কথা একদম ভুলেই গেলাম, ওখানে যাওয়া আর হলো না। তারপর আমি তাদেরকে বললাম, এই দীন আমি পাব কোথায়? তারা বলল, সিরিয়ায়। আমি পিতার নিকট ফিরে গেলাম। ততক্ষণে পিতা আমার অনুসন্ধানে লোক পাঠিয়ে দিয়েছেন এবং আমার চিন্তায় তার সব কাজ বন্ধ হয়ে গেছে। আমি উপস্থিত হলে তিনি বললেন বৎস! তুমি ছিলে কোথায়? আমি কি তোমাকে শীঘ্ৰ ফিরে আসার কথা বলে দেইনি? সালমান ফারসী (রা) বলেন, আমি বললাম, আকবাজান! যাওয়ার পথে আমি দেখলাম, কিছু লোক তাদের গির্জায় উপাসনারত। তাদের উপাসনা আমাকে মুঞ্চ করে। আমি আল্লাহর শপথ করে বলছি, সূর্যাস্ত পর্যন্ত আমি তাদের নিকট সেখানেই দাঁড়িয়ে থাকি। পিঙ্গ বললেন, বৎস! এই ধর্মে কোনো কল্যাণ নেই। তারচেয়ে তোমার ও তোমার পূর্বপুরুষদের ধর্মই উত্তম। আমি বললাম, কখনো নয়, আল্লাহর কসম! এই ধর্মই আমাদের ধর্ম অপেক্ষা শ্রেষ্ঠ। সালমান ফারসী বলেন, এতে পিতা আমাকে ভয়-ভীতি দেখান এবং পায়ে শিকল পরিয়ে আমাকে ঘরে আটকে রাখেন। আমি খৃষ্টানদের নিকট খবর পাঠালাম যে, তোমাদের নিকট সিরিয়ার কোনো কাফেলা আগমন করলে আমাকে যেন অবহিত করা হয়। এক সময় একটি কাফেলা আগমন করে। খৃষ্টানরা আমার কাছে সংবাদ পাঠায়। আমি বললাম, কাজ শেষ করে যখন তাদের স্বদেশে ফিরে যাওয়ার সময় হবে, তখন আমাকে একটু জানিয়ো। তিনি বলেন, তাদের স্বদেশ প্রত্যাবর্তনের সয়ম হলে খৃষ্টানরা আমাকে তা অবহিত করে। আমি পায়ের শিকল ভেঙে তাদের সঙ্গে রওয়ানা হলাম। এক সময়ে আমি সিরিয়া এসে পৌছলাম।

সিরিয়া এসে আমি সেখানকার অধিবাসীদের জিজ্ঞেস করলাম, এই ধর্মের অনুসারীদের শ্রেষ্ঠ বিদ্বান কে? তারা বলল, গির্জায় অবস্থানকারী প্রধান যাজক। আমি তার নিকট গিয়ে বললাম, আমি এই ধর্মের প্রতি আগ্রহী এবং আমি আপনার সাহচর্যে থাকতে চাই, গির্জায় আপনার সেবা করতে চাই এবং আপনার নিকট থেকে জ্ঞানার্জন করে আপনার সঙ্গে উপাসনা করতে চাই। তিনি বললেন, ভিতরে প্রবেশ কর। আমি তার সঙ্গে ভিতরে প্রবেশ করলাম। কিন্তু পরে বুঝতে পারলাম, লোকটি আসলে অসৎ। সে তার অনুসারীদের সাদকা দানের আদেশ দেয় ও সেজন্য উৎসাহিত করে, কিন্তু প্রদত্ত সব সাদকা সে নিজের জন্য কুক্ষিগত করে রাখে এবং গরীব মিসকীনদের কিছুই দেয় না। এভাবে সে সাত মটকা সোনা-রূপা সঞ্চয় করে। সালমান ফারসী বলেন, এসব আচরণ দেখে লোকটির প্রতি আমার মনে তীব্র ঘৃণার সংশ্লেষণ হয়। তারপর লোকটি মারা যায়। খৃষ্টানরা তাকে দাফন করার উদ্দেশ্যে সমবেত হলে আমি তাদেরকে বললাম, ইনি তো অসৎ লোক ছিলেন। ইনি আপনাদেরকে সাদকা দেয়ার আদেশ দিতেন এবং এজন্য

উৎসাহিত করতেন বটে; কিন্তু আপনারা সাদকা নিয়ে আসলে তিনি তা মিসকীনদের না দিয়ে সব নিজের জন্য রেখে দিতেন। তারা আমাকে বলল, আপনি তা জানলেন কী করে? আমি বললাম, আমি আপনাদেরকে তার গোপন ধন ভাণ্ডার দেখিয়ে দিচ্ছি। তারা বলল, ঠিক আছে, দেখান। সালমান ফারসী বলেন, আমি তাদেরকে তার গুপ্ত ভাণ্ডারের স্থানটি দেখিয়ে দিলাম। সেখান থেকে তারা সাত মটকা ভর্তি সোনা-কুপা উদ্ধার করে। দেখে তারা বলে, একে আমরা দাফনই করব না। তারা তাকে শূলে চড়ায় এবং প্রস্তরাঘাত করে। তারপর তারা অপর এক ব্যক্তিকে এনে তার স্থলে বসায়।

সালমান ফারসী (রা) বলেন, এই নতুন পাদ্রী রীতিমত উপাসনা করেন। তার মত দুনিয়ার প্রতি নির্মোহ, আখেরাতের প্রতি উৎসাহী এবং রাতদিন ইবাদতগুজার আর কাউকে আমি দেখিনি। আমি তাঁকে ভালোবাসলাম, যেমন ইতিপূর্বে আর কাউকে আমি ভালোবাসিনি। বেশ কিছুদিন আমি তাঁর সাহচর্যে অতিবাহিত করলাম। তারপর তাঁর মৃত্যুর সময় নিকটবর্তী হলে আমি তাঁকে বললাম, আমি আপনার সাহচর্যে ছিলাম এবং আপনাকে আমি সর্বাধিক ভালো বাসতাম। এখন আল্লাহর নির্দেশে আপনার মৃত্যু এসে উপস্থিত হয়েছে। কাজেই আপনি আমাকে কার নিকট যাওয়ার ওসীয়ত করছেন এবং আমাকে কী আদেশ দিচ্ছেন? তিনি বললেন, আল্লাহর শপথ! আমি যে ধর্মের অনুসারী ছিলাম, আজ সে ধর্মে তেমন কেউ আছেন বলে আমি জানি না। মানুষ ধ্বংস হয়ে গেছে এবং তারা আদর্শ পরিবর্তন করে ফেলেছে। তবে মুসলে অমুক নামের একজন লোক আছেন। তিনিও আমার দীনের অনুসারী। তুমি তাঁর সঙ্গে গিয়ে মিলিত হও।

সালমান ফারসী (রা) বলেন, তাঁর ইন্তিকাল ও দাফন-কাফনের পর আমি মুসলের উপরোক্তিখন্তি লোকটির সঙ্গে গিয়ে মিলিত হলাম। বললাম, জনাব! অমুক ব্যক্তি মৃত্যুর সময় আমাকে আপনার সঙ্গে মিলিত হওয়ার ওসীয়ত করে গেছেন এবং আমাকে অবহিত করেছেন যে, আপনি তাঁরই ধর্মের অনুসারী। তিনি বললেন, ঠিক আছে, তুমি আমার নিকট অবস্থান কর। আমি তাঁর নিকট অবস্থান করলাম। তাঁকে আমি তাঁর সঙ্গীর ধর্মের ওপর প্রতিষ্ঠিত উত্তম ব্যক্তিরপে পেয়েছি। কিন্তু অন্ন কিছুদিনের মধ্যেই তাঁর মৃত্যু ঘটে। মৃত্যুকালে আমি তাঁকে বললাম, জনাব! অমুক তো আপনার সান্নিধ্যে আসার জন্য আমাকে ওসীয়ত করেছিলেন। এখন আল্লাহর হৃকুমে আপনার মৃত্যুকাল উপস্থিত, আপনি আমাকে কার কাছে যাওয়ার উপদেশ দিচ্ছেন এবং আমাকে কী আদেশ করছেন? তিনি বললেন, বৎস, আমি আল্লাহর শপথ করে বলছি, আমরা যে দীনের ওপর প্রতিষ্ঠিত ছিলাম, সে দীনের অনুসারী আর একজন লোকও আছে বলে আমি জানি না। তবে নাসীবীনে অমুক নামের একজন লোক আছেন, তুমি তাঁর নিকট গিয়ে মিলিত হও। তারপর যখন তিনি মারা গেলেন এবং তাঁর দাফন-কাফন সম্পন্ন হলো তখন আমি নাসীবীনের লোকটির সঙ্গে মিলিত হলাম এবং তাঁকে আমার নিজের ইতিবৃত্ত ও আমার দুই সঙ্গী আমাকে যা আদেশ করেছেন তা তাঁর নিকট ব্যক্ত করলাম। তিনি বললেন, ঠিক আছে, তুমি আমার নিকট অবস্থান কর। আমি তাঁর নিকট অবস্থান করলাম। তাঁকেও আমি তাঁর দুই পূর্বসূরির ধর্মের ওপর প্রতিষ্ঠিত পেয়েছি। এবারও আমি একজন শ্রেষ্ঠ মানুষের সাহচর্যে

কাটালাম। কিন্তু আল্লাহর শপথ করে বলছি, কিছু দিন যেতেই তাঁরও মৃত্যু ঘনিয়ে আসে। মৃত্যুর আগে আমি তাঁকে বললাম, জনাব! অমুক ব্যক্তি আমাকে অমুকের নিকট যাওয়ার ওসীয়ত করেন। তারপর দ্বিতীয়জন তৃতীয় আরেকজনের নিকট যাওয়ার ওসীয়ত করেন। সবশেষে তৃতীয়জন আমাকে ওসীয়ত করেন আপনার নিকট আগমন করার জন্য। এখন আপনি আমাকে কার সান্নিধ্য অবলম্বনের উপদেশ দেবেন এবং আমাকে কী আদেশ দেবেন? বললেন, বৎস! আমি আল্লাহর শপথ করে বলছি, আমাদের ধর্মের ওপর প্রতিষ্ঠিত এমন একজন লোকও বেঁচে নেই; যার নিকট যাওয়ার জন্য আমি তোমাকে আদেশ করতে পারি। তবে রোমের আমুরিয়াহ নামক স্থানে একজন লোক আছেন, তিনি আমাদের ধর্মাবলম্বী। ইচ্ছে করলে তুমি তাঁর নিকট যেতে পার। কারণ, তিনিও আমাদের অভিন্ন পথের যাত্রী।

যখন তিনি মারা গেলেন এবং তার দাফন-কাফন সম্পন্ন হলো; আমি আমুরিয়ার সেই ব্যক্তির সঙ্গে সাক্ষাত করলাম এবং আমার বৃত্তান্ত শোনালাম। তিনি বললেন, ঠিক আছে, তুমি আমার নিকট থাক। আমি এবারও এমন এক ব্যক্তির সঙ্গে অবস্থান করতে শুরু করলাম, যিনি আমার পূর্বের গুরুদেরই ধর্মের অনুসারীদের মধ্যে শ্রেষ্ঠতম। সালমান ফারসী (রা) বলেন, এসময়ে আমি কিছু উপার্জনও করি। কয়েকটি গাড়ী ও ছাগল আমার মালিকানায় আসে। কিছুদিন অতিবাহিত হওয়ার পর তাঁরও মৃত্যুর সময় ঘনিয়ে আসে। তখন আমি তাঁকে বললাম, জনাব! আমি প্রথমে অমুকের সাহচর্যে ছিলাম। তারপর তিনি আমাকে অমুকের নিকট যাওয়ার ওসীয়ত করেন। এরপর তিনি অমুকের নিকট যাওয়ার ওসীয়ত করেন। সর্বশেষ ব্যক্তি আমাকে ওসীয়ত করেন আপনার সান্নিধ্য অবলম্বন করতে। এখন আপনি আমাকে কার সাহচর্য অবলম্বনের ওসীয়ত করবেন এবং আমাকে কী আদেশ দেবেন? তিনি বললেন, বৎস! আমি আল্লাহর শপথ করে বলছি, আমার জানা মতে আমাদের পথের যাত্রী এমন একজন লোকও বেঁচে নেই, আমি তোমাকে যার নিকট যাওয়ার আদেশ করতে পারি। তবে এমন একজন নবীর আবির্ভাবকাল ঘনিয়ে এসেছে, যিনি দীনে ইবরাহীমসহ প্রেরিত হবেন। আরব ভূমিতে তাঁর আবির্ভাব ঘটবে। এবং খেজুর বীথি বেষ্টিত ভূমি হবে তাঁর হিজরত স্থল। তাঁর প্রকাশ্য কিছু লক্ষণ থাকবে। তিনি হাদিয়া গ্রহণ করবেন, সাদকা থাবেন না। তাঁর দুই কাঁধের মাঝে থাকবে নবুওতের মোহর। সম্ভব হলে সেই দেশে গিয়ে তুমি তাঁর সঙ্গে মিলিত হও।

সালমান ফারসী (রা) বলেন, তারপর তিনি মৃত্যুবরণ করেন ও তাঁর দাফন-কাফন সম্পন্ন হয়। আমি আরো কিছুকাল আমুরিয়ায় অবস্থান করি। তারপর আমি একটি বণিক কাফেলার সাক্ষাত পেয়ে তাদেরকে বললাম, তোমরা আমাকে আরব ভূমিতে নিয়ে যাও, বিনিময়ে আমি তোমাদেরকে আমার এই গাড়ী ও ছাগলগুলো দিয়ে দেব। তারা বলল, ঠিক আছে, চল। আমি তাদেরকে আমার গাড়ী আর ছাগলগুলো দিয়ে দেই আর তারা আমাকে সঙ্গে করে নিয়ে যায়। কিন্তু ওয়াদীল কুরায় পৌছে তারা আমার প্রতি জুলুম করে। আমাকে তারা এক ইহুদীর নিকট দাসরূপে বিক্রি করে দেয়। আমি তার নিকট থাকতে শুরু করি। এ জায়গায় খেজুর বৃক্ষ দেখে আমি আশাবিত্ত হলাম যে, আমার গুরু আমাকে যে নগরীর কথা বলেছেন, এটাই সম্ভবত সেই নগরী।

আমি আমার মনিবের নিকট থাকছি। এ সময়ে বনু কুরায়জা বংশীয় তার এক চাচাতো ভাই মদীনা থেকে তার নিকট আগমন করে আমার মনিবের নিকট থেকে সে আমাকে কিমে মদীনায় নিয়ে যায়। আল্লাহর কসম! মদীনাকে দেখামাত্র আমি বুঝে ফেললাম, এটাই সেই নগরী আমার গুরু আমাকে যার কথা বলেছিলেন। আমি মদীনায় অবস্থান করতে থাকি।

ইতিমধ্যে রাসূলুল্লাহ (সা)-এর আবির্ভাব ঘটে গেছে। তিনি কিছুকাল মক্কায় অবস্থান করেন। গোলাম জীবনের ব্যস্ততার কারণে তাঁর কোনো আলোচনা আমি শুনতে পারছিলাম না। তারপর তিনি মদীনায় হিজরত করেন। আমি আল্লাহর শপথ করে বলছি, একদিন আমি আমার মনিবের খেজুর গাছের কাঁদি কাটার কাজ করছিলাম। মনিব তখন নিচে উপবিষ্ট। এমন সময়ে তার এক চাচাতো ভাই এসে তার নিকট থমকে দাঁড়ায় এবং বলে, আল্লাহ বনু কায়লার অঙ্গল করুন। তারা এখন কুবায় এমন এক ব্যক্তিকে দেখার জন্য ভিড় জমিয়ে আছে, যিনি আজই মক্কা থেকে এসেছেন এবং তিনি নিজেকে নবী বলে দাবি করেন। সালমান ফারসী (রা) বলেন, এ কথা শোনামাত্র আমার সমস্ত শরীরে কাঁপন ধরে যায়। আমার মনে হচ্ছিল যেন আমি গাছ থেকে মনিবের গায়ের ওপর পড়ে যাব। আমি খেজুর গাছ থেকে নিতে নমে মনিবের চাচাতো ভাইকে বললাম, আপনি কী কী যেন বলেছিলেন? সালমান ফারসী (রা) বলেন, আমার কৌতুহলপূর্ণ প্রশ্ন শুনে মনিব আমার গালে কশে এক চড় বসিয়ে দেয় এবং বলে ও কী বলছে, তাতে তোর কী? যা, তুই তোর কাজ করগে। আমি বললাম, না, এমনিতেই জিজ্ঞেস করলাম; মনে একটা কৌতুহল জাগল কি না তাই।

তিনি বলেন, আমার নিকট কিছু সংগ্রহ সম্পদ ছিল। সন্ধ্যাবেলা আমি সেগুলো নিয়ে রাসূলুল্লাহ (সা)-এর নিকট গেলাম। তিনি তখন কুবায়। নিকটে গিয়ে আমি তাঁকে বললাম, আমি জানতে পেরেছি যে, আপনি একজন পুণ্যবান ব্যক্তি। আপনার সঙ্গে যাঁরা আছেন, তাঁরা গরীব, অসহায়। এই জিনিসগুলো সাদকা দেয়ার উদ্দেশ্যে আমি সঞ্চয় করেছিলাম। আমি দেখলাম যে, অন্যদের তুলনায় আপনারাই এর অধিক হক্কার। এই বলে আমি জিনিসগুলো তাঁর দিকে এগিয়ে দিলাম। রাসূলুল্লাহ (সা) তাঁর সঙ্গীদের বললেন, তোমরা খাও এবং নিজে হাত গুটিয়ে নিলেন, খেলেন না। আমি মনে মনে বললাম, এই পেলাম একটি।

তারপর আমি ফিরে গেলাম এবং আরো কিছু জিনিস সংগ্রহ করলাম। ততদিনে রাসূলুল্লাহ (সা) মদীনায় চলে গেছেন। আমি আবারও তাঁর নিকট গেলাম এবং বললাম, আমি লক্ষ্য করেছি যে, আপনি সাদকা খান না। তাই আপনার সম্মানার্থে এগুলো আপনার জন্য হানিয়া। সালমান ফারসী (রা) বলেন, রাসূলুল্লাহ (সা) জিনিসগুলো হাতে নিয়ে নিজে কিছু খেলেন এবং সাহাবীদের খেতে আদেশ দেন। সাহাবীরাও তাঁর সঙ্গে আহারে অংশ নেন। তিনি বলেন, তখন আমি মনে মনে বললাম, এই পেলাম দু'টো।

তিনি বলেন, এরপর আরেকদিন আমি রাসূলুল্লাহ (সা)-এর<sup>খ</sup>দেমতে উপস্থিত হলাম। তিনি তখন বাকীউল গারকাদ গোরস্থানে জনৈক ব্যক্তির জানায় উপলক্ষে সাহাবী পরিবেষ্টিত

অবস্থায় বসে আছেন। গায়ে তাঁর দুটি চাদর। আমি তাঁকে সালাম দিয়ে তাঁর পেছন দিকে গিয়ে আমার সঙ্গীর বর্ণনা মোতাবেক তাঁর পিঠে মোহর আছে কিনা দেখতে লাগলাম। দেখে রাসূলুল্লাহ (সা) বুঝে ফেললেন যে, আমি কিছু একটা অনুসন্ধান করছি। ফলে তিনি নিজের পিঠ থেকে চাদর সরিয়ে ফেললেন। মোহরের প্রতি চোখ পড়া মাত্র আমি তা যে মোহরে নবৃত্য তা চিনে ফেললাম। দেখেই আমি তার ওপর ঝাপিয়ে পড়লাম এবং তাঁকে চুম্ব খেতে খেতে কাঁদতে লাগলাম। দেখে রাসূলুল্লাহ (সা) আমাকে বললেন, এদিকে এস। পেছন থেকে ফিরে আমি রাসূলুল্লাহ (সা)-এর সামনে আসলাম এবং আমি তাঁকে আমার কাহিনী শোনালাম, যেমন শোনালাম তোমাকে হে ইবনে আবাস! শুনে রাসূলুল্লাহ (সা) মুঞ্ছ হলেন এবং সাহাবীগণও তা শুনুন, তা তিনি চাইলেন।

তারপর সালমান গোলামির কাজে নিয়োগিত থাকেন। এভাবে বদর গেল, উভদ গেল রাসূলুল্লাহ (সা)-এর সঙ্গে সালমান (রা)-এর আর সাক্ষাত ঘটেনি। সালমান (রা) বলেন, এরপর একদিন রাসূলুল্লাহ (সা) আমাকে বললেন : “সালমান! তুমি তোমার মনিবের সঙ্গে মুক্তিপণের ব্যাপারে কথা বল। ফলে আমি আমার মনিবের সঙ্গে তিনশত খেজুর গাছ এবং চালিশ উকিয়ার বিনিময়ে মুক্তির চুক্তি করলাম। চুক্তি হলো— খেজুর গাছগুলোর চারা রোপণ করে ফলনশীল করে দিতে হবে। রাসূলুল্লাহ (সা) তাঁর সাহাবীদের বললেন, তোমরা তোমাদের ভাইয়ের সাহায্য কর। খেজুর গাছের ব্যাপারে তাঁরা আমাকে সাহায্য করেন। কেউ ত্রিশটি, কেউ বিশটি, কেউ পনেরটি, আবার কেউ দশটি চারা দিয়ে আমাকে সাহায্য করেন। তাঁরা প্রত্যেকে আমাকে নিজ নিজ সামর্থ্য অনুযায়ী সাহায্য করেন। এভাবে আমার তিনশ’ চারার ব্যবস্থা হয়ে যায়। তারপর রাসূলুল্লাহ (সা) আমাকে বললেন, যাও হে সালমান! গর্ত কর গিয়ে। গর্ত করার কাজ শেষ হলে আমার নিকট এস; আমি নিজ হাতে গর্তে চারা রোপণ করে দেবো। হ্যরত সালমান ফারসী (রা) বলেন, আমি গর্ত করলাম। আমার সঙ্গীরা একাজে আমাকে সহযোগিতা করেন। গর্ত করার কাজ শেষ হলে আমি রাসূলুল্লাহ (সা)-এর নিকট গিয়ে সংবাদ দিলাম। রাসূলুল্লাহ (সা) আমার সঙ্গে বাগানে আসেন। অমি তাঁকে একটি একটি করে চারা এগিয়ে দিলাম আর তিনি নিজ হাতে তা গর্তে রোপণ করলেন। এভাবে সব কটি চারা রোপণের কাজ শেষ হয়। আমি সেই স্তুতির শপথ করে বলছি, যার হাতে সালমানের জীবন, তার একটি চারাও মরেনি। এভাবে আমি খেজুর গাছ রোপণের চুক্তি বাস্তবায়ন করলাম। বাকি থাকল মাল। ইতিমধ্যে মুরগীর ডিমের ন্যায় এক টুকরো খনিজ সোনা রাসূলুল্লাহ (সা)-এর হস্তগত হয়। সঙ্গে সঙ্গে রাসূলুল্লাহ (সা) বললেন, মুক্তিপণের চুক্তিকারী ফারসী লোকটি কোথায়? সালমান ফারসী (রা) বলেন, আমাকে রাসূলুল্লাহ (সা)-এর নিকট ডেকে নেয়া হয়। নবী করীম (সা) বললেন : এটা নাও, এবং তোমার ঝণ পরিশোধ কর। আমি বললাম : এতে আর কী হবে? তখন রাসূলুল্লাহ (সা) বললেন, এর দ্বারা আল্লাহ তোমার মুক্তিপণ ও ঝণ আদায় করে দিবেন। আমি সোনার টুকরাটি হাতে নিয়ে ওজন করলাম। সালমানের জীবন যার হাতে, তার শপথ, সোনার টুকরাটির ওজন চালিশ উকিয়াই হয়েছে। আমি এর দ্বারা চুক্তি বাস্তবায়ন করলাম। সালমান আয়াদী লাভ করলেন। এবার আমি স্বাধীন মানুষ হিসেবে রাসূলুল্লাহ (সা)-এর সঙ্গে খনকে অংশ নিলাম। এরপর কোন একটি যুদ্ধেও আমি অনুপস্থিত থাকিনি।

ইবনে ইসহাক বর্ণনা করেন, সালমান (রা) বলেন, আমি যখন বললাম, ইয়া রাসূলুল্লাহ! এ দিয়ে আমার দায় শোধ হবে কী করে? তখন নবীজী (সা) জিনিসটি হাতে নিয়ে নিজের জিহবার ওপর উলট-পালট করলেন। তারপর বললেন : নাও, এটি দিয়েই সম্পূর্ণ দায় শোধ কর! আমি জিনিসটি হাতে নিলাম এবং তা দিয়েই আমি আমার চল্লিশ উকিয়ার দায় সম্পূর্ণ শোধ করলাম।

মুহাম্মদ ইবনে ইসহাক আরো বলেন, সালমান (রা) আমাকে বলেছেন যে, তিনি যখন রাসূলুল্লাহ (সা)-কে অবহিত করলেন যে, আমুরিয়ার লোকটি তাকে বলেছে যে, তুমি সিরিয়ার অমুক স্থানে যাও, সেখানে গভীর জঙ্গলে এক ব্যক্তি বাস করে এবং প্রতিবছর সে একবার জঙ্গল থেকে বেরিয়ে আসে। রোগঘন্ট মানুষেরা তার কাছে এসে আর্জি পেশ করে। সে যার জন্য দোয়া করে, সেই আরোগ্য লাভ করে। তুমি তার নিকট যাও, তুমি যে দীনের অনুসন্ধান করছ, সে তোমাকে তার সন্ধান দেবে। সালমান (রা) বলেন, আমি রওয়ানা হলাম এবং তার নির্দেশনা মোতাবেক উক্ত স্থানে গিয়ে উপনীত হলাম। দেখলাম, জনতা সমবেত হয়ে তার আত্মপ্রকাশের অপেক্ষায় প্রহর গুণছে। সেই রাত্রে তার আত্মপ্রকাশ করায় কথা। এক সময় তিনি জঙ্গল থেকে বেরিয়ে আসেন। জনতা তাকে ঘিরে ধরে। যে রোগীর জন্য তিনি দোয়া করছেন, সেই আরোগ্য লাভ করছে। স্থানীয় জনতার ভিড়ের কারণে আমি তাকে একান্তে পেলাম না। এক সময়ে তিনি লোকালয় ত্যাগ করে জঙ্গলে ঢুকে পড়লেন। আমি সেখানে গিয়ে তাকে ধরে বসি। তখন তার কাঁধ ছাড়া গোটা দেহই জঙ্গলে ঢুকে গেছে। আমি তাকে জাপটে ধরি। আমাকে দেখে আমার প্রতি মুখ ফিরিয়ে তিনি বললেন, কে তুমি? আমি বললাম, আল্লাহ আপনাকে রহম করুন! আমাকে আপনি সঠিক দীনে ইবরাহীমের সন্ধান দিন! তিনি বললেন, তুমি আমাকে এমন একটি বিষয়ের কথা জিজেস করেছ, যে বিষয়ে আজকাল মানুষ কিছু জানতে চায় না। তবে শোন, এই দীন নিয়ে যে নবীর আবির্ভাবের কথা, তার সময় ঘনিয়ে এসেছে। তিনি হবেন হারমের অধিবাসীদের একজন। তুমি তার নিকট যেও, তিনিই তোমাকে দীনে ইবরাহীমের ওপর পরিচালিত করবেন।

এ কাহিনী শুনে রাসূলুল্লাহ (সা) সালমান (রা)-কে বললেন : হে সালমান! তুমি আমাকে যা বলেছ, যদি তা সত্য বলে থাক, তাহলে তুমি ঈসা ইবনে মারয়াম-এর সাক্ষাত লাভ করেছ। এ বর্ণনার একজন বর্ণনাকারী অজ্ঞাত পরিচয় ব্যক্তি, তা ছাড়াও বর্ণনার সূত্রে বিচ্ছিন্নতাও রয়েছে। তুমি ঈসা (আ)-এর সাক্ষাত লাভ করেছ বলে উল্লেখিত উক্তিটি শুধু গবীব পর্যায়েরই নয়— মুনকার অর্থাৎ অগ্রহণযোগ্যও বটে। কেননা, হ্যরত ঈসা (আ)-এর ওফাত আর রাসূলুল্লাহ (সা)-এর নবুওত— মধ্যবর্তী শূন্যতার মেয়াদ ছিল কমপক্ষে চারশ বছর। করো কারো মতে সৌর হিসেবে ছয়শ বছর। আর হ্যরত সালমান ফারসী (রা)-এর আয় ছিল বড়জোর সাড়ে ‘তিনশ’ বছর। শুধু তাই নয়— আকবাস ইবনে ইয়ায়ীদ আল-বুহরানী তো এ মর্মে মাশায়িখদের মৈতেক্য উল্লেখ করেছেন যে, সালমান ফারসী (রা) বেঁচেছিলেন মাত্র দুইশ পঞ্চাশ বছর। তিনশ পঞ্চাশ বছরের অর্ধেক হওয়ার ব্যাপারে মতানৈক্য বিদ্যমান।

রাসূলুল্লাহ (সা) বলেছিলেন, তুমি ঈসা ইবনে মারয়ামের ওসীয়ত প্রাণ ব্যক্তির সঙ্গে সাক্ষাত করেছ। এটা সঠিক হওয়া অসম্ভব নয়।

সুহায়লী বলেন, অজ্ঞাত পরিচয় বর্ণনাকারীর নাম হচ্ছে হাসান ইবন আমারা। তিনি একজন দুর্বল বাবী। বর্ণনাটি বিশুদ্ধ হলে তা 'মুনকার' হবে না। কেননা ইবন জরীর উল্লেখ করেছেন যে, ঈসা (আ)-কে আসমানে উঠানোর পর তিনি পুনরায় আবির্ভূত হয়েছিলেন এবং তাঁর মা এবং অন্য এক স্ত্রীলোককে ত্রুশবিদ্ধ ব্যক্তির লাশের নিকট কান্নাকাটি করেছেন বলে দেখতে পান। তখন তিনি নিহত হননি বলে তাদের জানিয়ে দেন। এরপর ইওয়ারীগণকে বিভিন্ন দিকে প্রেরণ করেন। সুহায়লী বলেন, একবার তাঁর অবতরণ যখন সম্ভব হয়েছিল তখন একাধিকবার অবতরণ করাও সম্ভবপর। শেষবার তিনি প্রকাশ্যে অবতরণ করে ত্রুশ ধ্বংস করবেন, শূকর নিধন করবেন এবং তখন বনী জুয়ামের এক মহিলাকে বিবাহ করবেন। যখন তাঁর ইন্তিকাল হবে তখন তাঁকে রাসূলুল্লাহ (সা)-এর রওয়া শরীফের হজরায় দাফন করা হবে।

ইমাম বাযহাকী 'দালায়িলুন নুরুওয়াত' গ্রন্থে অপর এক সূত্রে সালমান ফারসী (রা)-এর ইসলাম গ্রহণের কাহিনী বর্ণনা করেছেন। তাতে রয়েছে যে, ইয়াযীদ ইবানে সাওহান বলেন যে, তিনি শুনেছেন, সালমান ফারসী (রা) নিজে তাঁর ইসলাম গ্রহণের কাহিনী বর্ণনা করেছেন যে, তিনি 'রামাহুরমুয়' অঞ্চলের অধিবাসী ছিলেন। তাঁর এক বড় ভাই ছিল অতিশয় বিশ্বাশী। সালমান (রা) ছিলেন দরিদ্র। তিনি বিশ্বাশী ভাইয়ের আশ্রয়ে থাকতেন। গ্রাম প্রধানের ছেলে ছিল তাঁর সঙ্গী। সে তাঁর সঙ্গে তাদের এক শিক্ষা শুরুর নিকট যাওয়া-আসা করত। ঐ ছেলেটি গুহায় অবস্থানকারী কতিপয় খৃস্টানের নিকটও যেত। সালমান (রা) একদিন আবদার করলেন, তিনিও তাদের সঙ্গে গুহায় যাবেন। জবাবে ছেলেটি তাঁকে বলল, তোমার বয়স কম। আমার আশংকা হয়, তুমি তাদের তথ্য ফাঁস করে দিবে আর তাঁর ফলে আমার আবক্ষা তাদেরকে হত্যা করে ফেলবেন। কিন্তু সালমান ছিলেন নাহোড় বান্দা। তিনি নিশ্চয়তা দিলেন যে, তাঁর কারণে তাদের কোন ক্ষতি হবে না। অবশ্যে সালমান (রা) তাঁর সঙ্গে সেখানে গেলেন। দেখলেন, সেখানে ছয় কি সাতজন লোক, ইবাদত করতে করতে তাদের আস্থা দেহ থেকে বেরিয়ে যাওয়ার মত অবস্থা। তাঁরা দিনে রোয়া রাখেন আর সারারাত জেগে ইবাদত করেন। তাঁরা লতাপাতা আর যা পান তাই খান। ছেলেটি তাঁকে তাদের পরিচয় দিয়ে বলল, এরা পূর্ববর্তী রাস্তাগণের প্রতি ঈমান রাখেন এবং বিশ্বাস করেন যে, ঈসা আল্লাহর বান্দা, তাঁর রাসূল এবং তাঁর এক দাসীর পুত্র। বিভিন্ন মু'জিয়া দ্বারা তিনি তাঁকে সাহায্য করেছেন। গুহার লোকেরা তাঁকে বলল, শোন বালক! নিশ্চয় তোমার একজন রব আছেন। মৃত্যুর পর তুমি পুনরায় জীবিত হবে। তোমার সামনে রয়েছে জান্মাত ও জাহানাম। আর এই যারা আগুন পূজা করে, তাঁরা কুফরের ধারক ও বিভ্রান্ত। তাদের কর্মকাণ্ডে আল্লাহ সন্তুষ্ট নন। তাঁরা আল্লাহর দীনের ওপর প্রতিষ্ঠিত নয়। তাঁরপর থেকে সালমান (রা) ঐ ছেলের সঙ্গে তাদের কাছে যেতে থাকেন এবং শেষ পর্যন্ত সম্পূর্ণরূপে তাদের সঙ্গে থেকে যান। কিন্তু ক'দিন যেতে না যেতে সে দেশের রাজা তাদেরকে ওখান থেকে তাড়িয়ে দেয় এবং নির্বাসনে পাঠিয়ে দেয়। সে রাজা ছিলেন সেই বালকের পিতা, যার সঙ্গ ধরে সালমান (রা) সেখানে আসা-যাওয়া করতেন। রাজা তাঁর পুত্রকে নিজের কাছে আটকে রাখেন। সালমান (রা) তাঁর বড় ভাইয়ের নিকট তাদের দীনের দাওয়াত পেশ করেন। জবাবে সে বলে, আমি জীবিকা উপার্জনের কাজে নিজেকে নিয়েই ব্যস্ত। সালমান তখন সে সব ইবাদতকারী সঙ্গীদের সাথে রওয়ানা হলেন। এক সময় তাঁর মুসেলের

গির্জায় গিয়ে প্রবেশ করে। গির্জার লোকেরা তাদের সালাম করে।

সালমান (রা) বলেন, এরপর তারা আমাকে ওখানে ফেলে যেতে চান কিন্তু আমি তাদের সঙ্গ ত্যাগ করতে অস্বীকার করি। আমরা রওয়ানা হলাম এবং কয়েকটি পাহাড়ের মধ্যবর্তী এক উপত্যকায় গিয়ে উপনীত হলাম। সেখানকার পান্দীগণ আমাদের দিকে এগিয়ে আসেন এবং আমাদেরকে সালাম করেন। আমাদের নিকট সমবেত হয়ে তারা ঝুশল বিনিময় করেন। তাদের অনুপস্থিতির কারণ এবং আমার পরিচয় জানতে চায়। সঙ্গীরা আমার পরিচয় দিতে গিয়ে আমার প্রশংসা করেন। তখন সেখানে অপর এক মহান ব্যক্তির আগমন ঘটে। তিনি উপস্থিত সকলের উদ্দেশে ভাষণ দেন। তিনি আল্লাহর প্রশংসা জ্ঞাপন করেন। রাসূলগণ এবং তাঁদের মিশনের কথা উল্লেখ করেন। তিনি হ্যরত ঈসা (আ)-এর কথা আলোচনা করেন এবং বলেন যে, ঈসা (আ) ছিলেন আল্লাহর বান্দা ও তাঁর রাসূল। লোকটি উপস্থিত জনতাকে কল্যাণকর কাজ করার আদেশ এবং অন্যায় কাজ পরিহার করার উপদেশ দিয়ে তার ভাষণ সমাপ্ত করেন।

বর্ণনাকারী বলেন, তারপর তারা বিদায় নিতে উদ্যত হলে সালমান ফারসী (রা) ভাষণদানকারী লোকটিকে অনুসরণ করেন এবং তার সঙ্গ লাভ করেন। সালমান ফারসী (রা) বলেন, এই লোকটি দিনে রোয়া রাখতেন আর সারারাত জেগে ইবাদত করতেন। সপ্তাহের প্রতিটি দিন তাঁর একইভাবে অতিবাহিত হতো। সময়ে সময়ে জনতার মাঝে গিয়ে ওয়াজ করতেন ও ভাল কাজের আদেশ এবং মন্দ কাজ থেকে নিষেধ করতেন। এভাবে দীর্ঘদিন কেটে যায়। তারপর এক সময়ে তিনি বায়তুল মুকাদ্দাস জিয়ারাত করার ইচ্ছা করেন। সালমান ফারসী (রা) তার সঙ্গী হন। সালমান ফারসী (রা) বলেন, চলার পথে খানিক পর পর তিনি আমার প্রতি দৃষ্টিপাত করতেন এবং আমার দিকে ফিরে আমাকে নসীহত করতেন। তিনি বলতেন যে, আমার একজন রব আছেন, আমার সামনে জান্নাত-জাহান্নাম ও হিসাব-নিকাশ রয়েছে। তা ছাড়া প্রতি শনিবার তিনি তাঁর সম্প্রদায়কে যেসব উপদেশ দিতেন, আমাকেও সেসব বলতে লাগলেন। তিনি আমাকে যা বললেন তার মধ্যে গুরুত্বপূর্ণ বক্তব্য হলো—‘হে সালমান! আল্লাহ অনিবিলিষ্বে একজন রাসূল প্রেরণ করবেন, যার নাম হবে আহমদ। আরবের কোন এক নিম্ন অঞ্চল থেকে তার আবির্ভাব ঘটবে। তিনি হাদিয়া গ্রহণ করবেন, সাদকা খাবেন না। তার দুই কাঁধের মাঝে নুরুওতের মোহর থাকবে। এটাই তার আবির্ভাবের সময়, আর বেশি দেরি নেই। আমি বৃদ্ধ হয়ে গেছি। তাঁকে পেয়ে যেতে পারব বলে মনে হয় না। তুমি যদি তাঁকে পাও, তাহলে তাঁকে মেনে নেবে এবং তাঁর অনুসরণ করবে।

সালমান ফারসী (রা) বলেন, আমি তখন তাকে জিজেস করলাম, যদি তিনি আমাকে আপনার দীন, আপনার নীতি-আদর্শ ত্যাগ করতে বলেন, তখন আমি কি করব? জবাবে তিনি বললেন, যদি তিনি তেমন কোন আদেশ করেন, তাহলে মনে রাখবে তিনি যা নিয়ে আসবেন, তাই সত্য এবং তিনি যা বলবেন, তাতেই আল্লাহ তা'আলার সন্তুষ্টি।

সালমান ফারসী (রা) তারপর তাদের দু'জনের বায়তুল মুকাদ্দাস গমন এবং তার সঙ্গী সেখানে কোথায় কোথায় নামায আদায় করলেন তার কাহিনী বর্ণনা করেন। তিনি আরও বর্ণনা আল-বিদায়া ওয়ান নিহায়া (২য় খণ্ড) ৭৮—

করেন যে, বায়তুল মুকাদ্দাস গিয়ে তাঁর সঙ্গী এক সময়ে ঘুমিয়ে পড়েন। ঘুমানোর আগে তাঁকে বলে দেন যে, ছায়া যখন অমুক স্থানে পৌছবে তখন যেন তিনি তাঁকে জাগিয়ে দেন। কিন্তু সালমান ফারসী (রা) তাঁর বিশ্রামে ব্যাঘাত না ঘটানোর জন্য আরও অনেক পরে তাঁকে ঘুম থেকে ওঠান। জেগে উঠে তিনি আল্লাহর নাম উচ্চারণ করেন এবং সালমান (রা)-কে তিরক্ষার করেন। তখন এক পঙ্কু ব্যক্তি তার কাছে যাঞ্ছা করে বলে, হে আল্লাহর বান্দা! আপনি এখানে আসার পর আপনার কাছে কিছু চেয়েছিলাম কিন্তু আপনি আমাকে কিছু দেননি, এখন আবার আপনার কাছে যাঞ্ছা করছি। তিনি এদিক তাকিয়ে কাউকে দেখতে পেলেন না, তখন পঙ্কু লোকটির হাত ধরে বললেন, উঠে দাঁড়াও আল্লাহর নাম নিয়ে। সে তখন সম্পূর্ণ সুস্থ রূপে উঠে দাঁড়ালো যেন সে দড়ির বাঁধন থেকে মুক্ত হয়েছে।

তারপর তাঁরা দু'জন বায়তুল মুকাদ্দাস থেকে বের হন। লোকটি তখন আমাকে বলল, হে আল্লাহর বান্দা! আমার সামান-পত্র আমার মাথায় তুলে দাও। আমি আমার পরিজনের নিকট চলে যাই এবং তাদেরকে সুসংবাদ প্রদান করি। আমি তাই করলাম: হঠাৎ করে আমার সঙ্গী কোন্ দিকে যেন উধাও হয়ে গেলেন, আমি টেরই পেলাম না। আমি সম্মুখে এগিয়ে গেলাম এবং তাকে খোঁজ করতে লাগলাম। একদল লোককে জিজ্ঞেস করলাম; তারা বলল, সামনে দেখ। আমি আরও সামনে এগিয়ে গেলাম। দেখা হলো আরবের বনু কালবের একটি কাফেলার সাথে। তাদেরকেও জিজ্ঞেস করলাম। তারা আমার ভাষা শুনে তাদের একজন উট থামিয়ে আমাকে তার পিছনে ঢিঁড়িয়ে নেয়! তাদের দেশে নিয়ে এসে তারা আমাকে বিক্রি করে ফেলে। এক আনসারী মহিলা আমাকে কিনে নিয়ে তার একটি বাগান রক্ষণাবেক্ষণের কাজে নিয়োজিত করে। ইতিমধ্যে রাসূলুল্লাহ (সা) মদীনায় আগমন করেন। তারপর সালমান ফারসী (রা) তার সঙ্গীর বক্তব্য যাচাই করে দেখার উদ্দেশ্যে হাদিয়া ও সাদকা নিয়ে রাসূলুল্লাহ (সা)-এর নিকট গমন করার কথা উল্লেখ করেন। সে সময়ে তিনি মোহরে নবৃত্ত দেখারও চেষ্টা করেন। সঙ্গীর বর্ণনা মোতাবেক রাসূলুল্লাহ (সা)-এর দুই কাঁধের মাঝে মোহরে নবৃত্ত দেখে তৎক্ষণাত তিনি ঈমান আনেন এবং নিজের ওপর দিয়ে বয়ে যাওয়া ঘটনার ইতিবৃত্ত শোনান। রাসূলুল্লাহ (সা)-এর আদেশে হ্যরত আবু বকর সিদ্দিক (রা) তাঁকে তাঁর মহিলা মনিবের নিকট থেকে কিনে নিয়ে আয়াদ করে দেন।

সালমান ফারসী (রা) বলেন, তারপর একদিন আমি রাসূলুল্লাহ (সা)-কে খৃষ্টধর্ম সম্পর্কে জিজ্ঞেস করলাম। জবাবে তিনি বললেন : তাদের মধ্যে কোন মঙ্গল নেই।

সালমান ফারসী (রা) বলেন, এতে আমি এতদিন যাদের সাহচর্যে ছিলাম বিশেষত বায়তুল মুকাদ্দাসে যে সাধু লোকটি আমার সঙ্গে ছিলেন তাদের ব্যাপারে আমার মন ভারী হয়ে যায়! এক পর্যায়ে আল্লাহ তা'আলা তাঁর রাসূলের ওপর নিশ্চোক্ত আয়াতটি নাযিল করেন :

لَتَجِدَنَّ أَشَدَّ النَّاسَ عَدَاوَةً لِّلَّذِينَ أَمْنَوْا إِلَيْهُوْ وَالَّذِينَ أَشْرَكُواْ .  
وَلَتَجِدَنَّ أَقْرَبَهُمْ مَوْدَةً لِّلَّذِينَ أَمْنَوْا إِلَيْهُوْ قَالُواْ إِنَّا نَصَارَىٰ . ذَالِكَ بِأَنَّ  
مِنْهُمْ قَسِيسِينَ وَرُهْبَانًا وَأَنَّهُمْ لَا يَسْتَكْبِرُونَ .

অবশ্য মু'মিনদের প্রতি শক্রতায় মানুষের মধ্যে ইহুদী ও মুশরিকদেরকেই তুমি সর্বাধিক উগ্র দেখবে এবং যারা বলে 'আমরা খৃষ্টান' মানুষের মধ্যে তাদেরকেই তুমি মুমিনদের নিকটতর বস্তুরপে দেখবে। কারণ, তাদের মধ্যে অনেক পশ্চিত ও সংসারবিবাগী আছে, আর তারা অহংকারও করে না। (৫ মায়িদা : ৮২)

এই আয়াত নাযিল হওয়ার পর রাসূলুল্লাহ (সা) আমাকে ডেকে পাঠান। আমি ভীত মনে হাজির হয়ে তাঁর সামনে বসলাম। তিনি বিসমিল্লাহির রাহমানির রাহীম পড়ে

ذَلِكَ بِأَنَّ مِنْهُمْ قُسْيَسِينَ وَرُهْبَانًا وَأَنَّهُمْ لَا يَسْتَكْبِرُونَ.

তিলাওয়াত করলেন তারপর বললেন :

সালমান! তুমি যাদের সাহচর্যে ছিলে তারা এবং তোমার সেই সঙ্গী নাসারা ছিল না। তারা ছিল মুসলিম।

আমি বললাম, ইয়া রাসূলুল্লাহ! যে সস্তা আপনাকে সত্যসহ প্রেরণ করেছেন, তাঁর শপথ! আমার সঙ্গী লোকটি আমাকে আপনার আনুগত্য করার আদেশ করেছিলেন। তখন আমি তাকে বলেছিলাম, যদি তিনি আমাকে আপনার দীন ত্যাগ করতে বলেন তাহলে? জবাবে তিনি বলেছিলেন— হ্যাঁ, তাহলে তুমি আমার দীন বর্জন করে তাঁকেই অনুসরণ করবে। কারণ তিনি যা আদেশ করবেন সত্য এবং আল্লাহর সন্তুষ্টি তারই মধ্যে নিহিত।

এই বর্ণনায় বহু বিষয় গরীব পর্যায়ের রয়েছে। তাছাড়া এটা মুহাম্মদ ইবন ইসহাকের বর্ণনার সঙ্গে কিছুটা সাংঘর্ষিক। ইবন ইসহাকের বর্ণনার সূত্র অধিক নির্ভরযোগ্য এবং বুখারীর বর্ণনার সঙ্গে অধিক সামঞ্জস্যপূর্ণ। বুখারীর এক সূত্রে সালমান ফারসী (রা) থেকে বর্ণিত আছে যে, তিনি পর্যায়ক্রমে তেরজন গুরুর শিষ্যত্ব গ্রহণ করেছিলেন। এক গুরু তাঁকে অপর গুরুর নিকট প্রেরণ করেছিলেন।

সুহায়লীর মতে তিনি ত্রিশজন মনিবের হাত বদল হয়েছিলেন। এক মনিব তাকে অপর মনিবের হাতে তুলে দেয়। হাফিজ আবু নু'আয়মের দালায়িল গ্রন্থের এক বর্ণনায় আছে যে, সালমান ফারসী (রা) যে মহিলা মনিবের সঙ্গে মুকাতাবা (মুক্তিপণ চুক্তি) করেছিলেন, তার নাম ছিল হালবাসাহ।

### এ সম্পর্কিত আরও কয়েকটি আশ্চর্য ঘটনা

আবু নু'আয়ম তার দালায়িল গ্রন্থে বর্ণনা করেন যে, সান্দির ইবনে সাওয়াদা আল আমেরী বলেন, একটি উন্নত জাতের উট আমার অত্যন্ত প্রিয় ছিল। সে উটের পিঠে চড়ে ব্যবসার উদ্দেশ্যে আমি দূর-দূরান্ত সফর করতাম। একবার আমি ব্যবসার পণ্য নিয়ে সিরিয়া থেকে মক্কায় আসি। সফর শেষে কোন এক রাতে মক্কায় এসে উপনীত হই। রাতের আঁধার কেটে জ্যোৎস্না এলো। হঠাৎ মাথা তুলে আমি দেখতে পেলাম, পাহাড়ের মত উঁচু কয়েকটি তাঁবু। তাঁবুগুলো তায়েফের চামড়ায় ঢাকা। তারই পার্শ্বে কয়েকটি উট জবাই করা হলো আর কয়েকটি উট কোথায় যেন নিয়ে যাওয়া হচ্ছে। সম্মুখের পাত্রে খাদ্যদ্রব্য রাখা। কয়েকজন লোক বলছে,

আপনারা তাড়াতাড়ি আসুন, আপনারা তাড়াতাড়ি আসুন। অপর এক ব্যক্তি এক উঁচুস্থানে দাঁড়িয়ে উচ্চস্থরে বলছে : ওহে আল্লাহর মেহমানগণ! আপনারা খেতে আসুন। আরেকজন সিঁড়িতে দাঁড়িয়ে বলছে, আপনাদের যাদের খাওয়া শেষ হয়েছে, চলে যান; আবার রাতের খাওয়ায় অংশ নেবেন। এসব দেখে আমার চোখ ছানাবড়া। আমি সর্দারের সঙ্গে দেখা করার উদ্দেশ্যে এগিয়ে গেলাম। আমাকে আমার একজন সঙ্গী চিনে ফেলে। সে বলল, আপনি সামনে এগিয়ে যান। সামনে এগিয়ে গিয়ে আমি একজন প্রবীণ ব্যক্তিকে দেখতে পেলাম। লোকটির দু'চোয়াল দাগে ভরা। ব্যক্তিত্বের জ্যোতি যেন তার দুই কপোল থেকে ঠিকরে পড়ছে। মাথায় তাঁর কালো পাগড়ি। পাগড়ির পাশ দিয়ে কালো চুল দেখা যাচ্ছিল। আর হাতে একটি লাঠি। তার চারপাশে আরো কয়েকজন প্রবীণ লোক উপবিষ্ট। তারা সকলেই নৌরব। সিরিয়া থেকে আসা একটি সংবাদের প্রতি তাঁদের সকলের দৃষ্টি নিবন্ধ। সংবাদটি হলো : নিরক্ষর নবীর তারকা উদয়ের এটিই সময়। প্রবীণ লোকটিকে দেখে আমি ভাবলাম, ইনিই বুঝি তিনি। তাই আমি বললাম, আস্সালুমা আলাইকা ইয়া রাসূলাল্লাহ! তিনি বলাপেন, থাম, থাম, আমি নই। তুমি আমাকেই নবী বানিয়ে ফেললে। বিব্রত হয়ে অমি জিজ্ঞেস করলাম, ইনি তাহলে কে? পার্শ্বের লোকেরা জবাব দিল, ইনি আবু নাজলাহ-মানে হাশিম ইবনে আবদে মানাফ। আমি বললাম, আল্লাহর শপথ, ইনি নিশ্চয়ই সিরিয়ার গাস্সানের নয়; বরং আরবের কোন সন্তান ব্যক্তি হবেন। উল্লেখ্য যে, হাশিম ইবনে আবদে মানাফের যে আপ্যায়নের কাহিনী বর্ণনা করা হলো, তা ছিল ‘রিফাদাহ’ তথা হজ্জ মওসুমে হাজীদের আপ্যায়ন।

অপর এক সূত্রে আবু নু'আয়ম আবু জাহম থেকে বর্ণনা করেন যে, আমি শুনেছি, আবু তালিব আবদুল মুত্তালিব থেকে বর্ণনা করেছেন, আবদুল মুত্তালিব বলেন :

একদিন আমি হিজরে অর্থাৎ হাতীমে ঘুমিয়ে ছিলাম। এই ঘুমে ভয়ানক এক স্থপ্তি দেখে আমি আতঙ্কিত হয়ে উঠলাম। ঘুম থেকে জাগ্রত হয়ে আমি এক জ্যোতিষিণীর নিকট গেলাম। আমার গায়ে ছিল নকশী রেশমী চাদর এবং আমার লম্বা চুল ঘাড়ে ঝুলছিল। আমার প্রতি দৃষ্টিপাত করে তিনি আমার চেহারায় পরিবর্তন টের পেয়ে যান। আমি তখন আমার সমাজের নেতা। জ্যোতিষিণী বললেন, ঘটনা কী? আমাদের সরদার এমন বিবর্ণ চেহারায় আমার নিকট আসলেন কেন? কোন বিপদ-আপদে পড়েছেন বুঝি? আমি বললাম হ্যাঁ। তার নিয়ম ছিল, কেউ তার নিকট আসলে প্রথমে আগত্বুককে তার ডান হাত চুম্বন করতে হতো এবং তার মাথার তালুতে হাত রাখতে হতো। এরপর তার সঙ্গে কথা বলার ও সমস্যার কথা জানানোর সুযোগ পাওয়া যেত। সমাজের নেতা হওয়ার কারণে আমি এসব করলাম না।

এবার আমি বসে বললাম, গত রাতে আমি হিজরে ঘুমিয়ে ছিলাম। দেখি, একটি গাছ মাটি থেকে অংকুরিত হয়ে বড় হয়ে আকাশ ছুঁই ছুঁই করছে। ডালগুলো ছড়িয়ে পড়েছে পৃথিবীর পূর্ব থেকে পশ্চিম পর্যন্ত। গাছটি এতই আলোকময় যে, তার চেয়ে উজ্জ্বল আলো আমি আর দেখিনি। সূর্যের আলো থেকে তা ছিল সত্ত্বর গুণ বেশি। আরও দেখলাম, আরব আজম তাকে সিজদা করে আছে। প্রতি মুহূর্তে গাছটির পরিধি, উজ্জ্বল্য ও উচ্চতা বেড়েই চলেছে। গাছটি উজ্জ্বল্য ক্ষণে খানিকটা ম্লান হয় আবার পরক্ষণে উজ্জ্বল হয়। আমি আরও দেখলাম, কুরায়শের

একদল লোক গাছটির ডাল ধরে ঝুলে আছে। কুরায়শেরই অপর একটি দল গাছটি কেটে ফেলার চেষ্টা করছে। কাটার উদ্দেশ্যে তারা গাছের নিকটে গেলে এক যুবক তাদের হটিয়ে দেয়।

সেই যুবকের মত এত সুন্ধী আর সৌরভময় যুবক আমি আর কখনো দেখিনি। যুবক পিটিয়ে তাদের হাড়-গোড় ভেঙে দিচ্ছিলেন এবং চোখ উপত্তে ফেলচ্ছিলেন। আমি দু'হাত বাড়িয়ে গাছ থেকে কিছু নিতে চাইলাম। কিন্তু যুবক আমাকে বারণ করল। আমি বললাম, তাহলে এ গাছ কাদের জন্য? তিনি বললেন, যারা গাছ ধরে ঝুলে আছে এবং যারা তোমার আগে এসেছে, এ গাছ তাদের জন্য। এতটুকু দেখার পর এক ভীত-সন্ত্রন্ত অবস্থায় আমার ঘুম ভেঙে যায়।

আমি দেখতে পেলাম স্বপ্নের বিবরণ শুনে জ্যোতিষিণীর চেহারার রং পাল্টে গেছে। সে বলল, আপনার স্বপ্ন যদি সত্য হয়ে থাকে, তাহলে আপনার বংশে এমন এক ব্যক্তি জন্ম নেবেন যিনি পূর্ব থেকে পশ্চিম পর্যন্ত গোটা পৃথিবীর রাজা হবেন। মানুষ তার ধর্ম্মত প্রহণ করবে।

এই ঘটনার বিবরণ দেওয়ার পর আবদুল মুতালিব আবু তালিবকে বললেন, উক্ত সন্তানটি বোধ হয় তুমিই হবে।

রাসূলুল্লাহ (সা)-এর জন্মের এবং নবৃত্ত লাভের পর আবু তালিব প্রায়শই এই ঘটনাটি বলে বেড়াতেন। তারপর তিনি বলেন, আবুল কাসেম আল আমীনই ছিল সেই গাছ। মানুষ আবু তালিবকে জিজেস করত, আপনি কি তার প্রতি ঈমান আনবেন না? জবাবে তিনি বলতেন, গালমন্দ আর নিন্দার ভয়েই তো তা পারছি না।

আবু নূ'আয়ম ....ইবনে আববাস (রা) থেকে বর্ণনা করেন যে, আববাস (রা) বলেন, ব্যবসা করার জন্য এক কাফেলার সঙ্গে আমি ইয়ামন যাই। সেখানে একদিন আমি খাবার তৈরি করতাম এবং আবু সুফিয়ান ও অন্যদের নিয়ে খেতাম, অন্যদিন আবু সুফিয়ান রান্নাবান্না করতেন এবং সকলকে নিয়ে খেতেন। একদিন আমার রান্নার পালা ছিল। আবু সুফিয়ান বললেন, আবুল ফয়ল তুমি কি আহার্য ও সঙ্গীদের নিয়ে আমার বাসস্থানে আসবে? আমি রাজী হলাম। সেখানে আবু সুফিয়ান ছিলেন কাফেলার অন্যতম সদস্য। আমরা ইয়ামন পৌছলাম। একদিন আহার শেষে অন্যদের বিদায় করে একান্তে বসে আবু সুফিয়ান আমাকে বললেন, আবুল ফয়ল! আপনি কি জানেন যে, আপনার ভাতিজা মনে করে যে, সে আল্লাহর রাসূল? আমি বললাম, আমার কোন্ ভাতিজা! আবু সুফিয়ান বললেন, আমার নিকটও বিষয়টি গোপন করছেন দেখিছি? একজন ছাড়া আপনার কোন্ ভাতিজা এমনটি বলতে পারে? আমি বললাম, বলুন না, আপনি কার কথা বলছেন? তিনি বললেন, আবদুল্লাহর পুত্র মুহাম্মদ। আমি বললাম, এই কাজ করে ফেলেছে ও? তিনি বললেন, হ্যাঁ করে ফেলেছে। এই বলে তিনি হানযালা ইবনে আবু সুফিয়ানের পাঠানো একটি পত্র বের করে দেন। তাতে লেখা আছে : আমি আপনাকে অবহিত করছি যে, মুহাম্মদ আবৃত্তাহে দাঁড়িয়ে ঘোষণা দিয়েছে যে, “আমি রাসূল। আপনাদেরকে আমি মহান আল্লাহর পথে আহ্বান করছি।” আববাস (রা) বলেন, জবাবে আমি বললাম, হে আবু হানযালা! আমি তো তাকে সত্যবাদীই পাছি। আবু সুফিয়ান বললেন, থাম হে আবুল ফয়ল।

আল্লাহর শপথ! মুহাম্মদ এমনটি বলুক, আমি তা পছন্দ করি না। হে আব্দুল মুত্তালিবের পুত্র! ওর এরপ কথায় আমি ক্ষতির আশংকা করছি। আমি আল্লাহর শপথ করে বলছি, কুরায়শের এমনিতেই বলাবলি করছে যে, তোমাদের হাতে বহু ক্ষমতা পুঁজীভৃত হয়ে আছে। আমি আপনাকে দোহাই দিয়ে জিজ্ঞেস করছি হে আবুল ফয়ল! আপনি কি ঐ কথাটা শুনেননি? আমি বললাম, হ্যাঁ, শুনেছি বটে। আবু সুফিয়ান বললেন, আল্লাহর কসম, এটা তোমার অকল্যাণ বয়ে আনবে। আমি বললাম, হতে পারে এটা আমাদের জন্য কল্যাণই বয়ে আনবে।

এরপর অল্প ক'দিন যেতে না যেতেই আবদুল্লাহ ইবনে হ্যাফা খবর নিয়ে এলেন। তখন তিনি ঈমান এনেছেন। সেই খবর ইয়ামনের বিভিন্ন অনুষ্ঠানে ছড়িয়ে পড়ে। আবু সুফিয়ানও ইয়ামনের এক মজলিসে বসতেন। এক ইহুদী পণ্ডিত সেই মজলিসে আলোচনা করতেন। সেই ইহুদী আবু সুফিয়ানকে জিজ্ঞেস করলেন যে, আমি জানতে পেলাম যে, এই যে লোকটি কি যেন বলেছে, তার চাচা নাকি আপনাদের মধ্যে আছেন? আবু সুফিয়ান বললেন, ঠিকই শুনেছেন, আমিই তার চাচা। ইহুদী বললেন, মানে, আপনি তার পিতার ভাই? আবু সুফিয়ান বললেন, হ্যাঁ। ইহুদী বললেন, তবে তার সম্পর্কে বলুন। আবু সুফিয়ান বললেন, আমাকে এসব জিজ্ঞেস করবেন না। ও এমন কিছু দাবি করুক, আমি কথনো-ই তা পছন্দ করব না। আবার তার দোষও বলব না। তবে তার চেয়ে উগ্র মানুষও তো আছে। এতে ইহুদী বুরতে পারলেন যে, আবু সুফিয়ান মিথ্যাও বলতে পারছেন না আবার তার দোষও বলতে চাচ্ছেন না। তাই তিনি বললেন, এতে ইহুদী ও মূসার তাওরাতের কোন ক্ষতি হবে না।

আবাস (রা) বলেন, তারপর ইহুদী পণ্ডিত আমাকে ডেকে পাঠান। আমি পরদিন সেই মজলিসে গিয়ে বসি। আবু সুফিয়ান ইবনে হারব-ও সেই মজলিসে উপস্থিত ছিলেন। পণ্ডিত তো আছেনই। আমি পণ্ডিতকে বললাম, খবর পেলাম, আপনি আমার চাচাতো ভাই-এর নিকট সেই ব্যক্তি সম্পর্কে জানতে চেয়েছেন, যার ধারণা সে আল্লাহর রাসূল? আর আপনাকে তিনি উক্ত ব্যক্তির চাচা বলে পরিচয় দিয়েছেন? তিনি তো তার চাচা নন। তিনি তার চাচাতো ভাই। তার চাচা হলাম আমি, মানে আমি তার পিতার ভাই। পাত্রী অবাক হয়ে বললেন, আপনি তার পিতার ভাই! আমি বললাম হ্যাঁ, আমি তার পিতার ভাই। শুনে পণ্ডিত আবু সুফিয়ানের প্রতি মুখ ফিরিয়ে জিজ্ঞেস করলেন, ইনি কি সত্য বলেছেন? আবু সুফিয়ান বললেন, হ্যাঁ, সত্য বলেছেন। আমি বললাম, আরো কিছু জানবার থাকলে আমাকে জিজ্ঞেস করুন, যদি আমি মিথ্যা বলি, তাহলে ইর্ণি তার প্রতিবাদ করবেন। এবার পণ্ডিত আমার প্রতি মুখ ফিরিয়ে বললেন, দোহাই আপনার, সত্য বলবেন। আপনার ভাতিজার কি কারো প্রতি আসঙ্গি ছিল, না সে মূর্খ? আমি বললাম না, আব্দুল মুত্তালিবের প্রভুর শপথ! সে মিথ্যাও বলেনি, খিয়ানতও করেনি। কুরায়শের নিকট তার নাম ছিল আল-আমীন। পণ্ডিত বললেন, সে কি কথনো নিজ হাতে লিখেছে? আবাস (রা) বলেন, আমি মনে করলাম, নিজ হাতে লিখেছে বললেই বোধ হয় তার পক্ষে কল্যাণকর হবে। ফলে তাই বলতে চেয়েছিলাম। কিন্তু পরে আবু সুফিয়ানের উপস্থিতির কথা মনে পড়ল। ভাবলাম, একথা বললে তো তিনি তার প্রতিবাদ করবেন ও আমাকে মিথ্যা প্রতিপন্থ করবেন। তখন আমি বললাম, না, সে লিখতে জানে না।

এ তথ্য শুনে পশ্চিত লাফিয়ে ওঠেন। তবে তার গায়ের চাদর খসে পড়ে। তিনি বললেন, ইহুদীরা জবাই হয়ে গেছে, ইহুদীরা খুন হয়ে গেছে! আকবাস (রা) বলেন, তারপর আমরা যখন বাড়ি ফিরে আসি, তখন আবু সুফিয়ান বললেন, আবুল ফয়ল! ইহুদীয়া তো তোমার ভাতিজার নাম শুনলে আঁতকে ওঠে। আমি বললাম, আপনি তো যা দেখার তাই দেখেছেন। আমিও তাই দেখছি। আচ্ছা, তার প্রতি সৈমান আনতে আপনার অসুবিধা কোথায়? হে আবু সুফিয়ান! সে যদি হক হয়ে থাকে, তাহলে আপনি সকলের আগে-ভাগে সৈমান এনে ফেললেন: আর যদি সে বাতিলই হয়ে থাকে, তাহলে মনে করবেন আপনার আরো সমর্যাদার আর দশজন যা করল, আপনি তাই করলেন। আবু সুফিয়ান বললেন, অংশি তার প্রতি সৈমান আনব না যতক্ষণ না আমি কোদায় ঘোড় সওয়ার বাহিনী দেখব। আমি বললাম, আপনি কী বলছেন? তিনি বললেন, মুখে একটি কথা এসে গেল, তাই বললাম। অন্যথায় আমি জানি, কোদা থেকে বেরিয়ে আসার জন্য আল্লাহ কোনো ঘোড় সওয়ার বাহিনী ছেড়ে দেবেন না। আকবাস (রা) বলেন, যখন রাসূলুল্লাহ (সা) মুক্ত বিজয়ের জন্য আসলেন এবং আমরা কোদা থেকে তাঁর ঘোড়সওয়ার বাহিনী বেরিয়ে আসছে দেখতে পাই তখন আমি আবু সুফিয়ানকে জিজ্ঞেস করলাম, আবু সুফিয়ান! কথাটা কি এখন আপনার মনে পড়ছে? আবু সুফিয়ান বললেন, আল্লাহর শপথ, মনে পড়ছে বৈ কি। আমি প্রশংসা করছি সেই আল্লাহর, যিনি আমাকে ইসলামের পথ দেখিয়েছেন।

এ বর্ণনাটি হাসান পর্যায়ের। এ থেকে সত্যের আভা ফুটে উঠছে; যদিও এর কেন কোন বর্ণনাকারীর ব্যাপারে বিতর্ক রয়েছে। এর আগে আমরা উমাইয়া ইবনে আবুস সালত-এর সঙ্গে আবু সুফিয়ানের ঘটনার কথা উল্লেখ করেছি। সেই ঘটনার সঙ্গে আলোচ্য ঘটনার মিল আছে। আবার পরে রোম স্ম্বাট হিরাকুন্যাসের সঙ্গে তাঁর যে ঘটনা ঘটেছিল, তাও উল্লেখ করা হবে। রোম স্ম্বাট হিরাকুন্যাস আবু সুফিয়ানকে রাসূলুল্লাহ (সা)-এর শুণ-পরিচয় সম্পর্কে জিজ্ঞেস করেছিলেন এবং তা থেকে নবী করীম (সা)-এর সত্যতা, নবুওত ও রিসালাতের প্রমাণ পেয়ে বলেছিলেন: আমি জানতাম যে, তিনি আত্মপ্রকাশ করবেন। কিন্তু তিনি যে আপনাদের মধ্য থেকে হবেন, তা অবশ্য ধারণা করিনি। আমি যদি জানতাম যে, আমি আমার দায়িত্ব ছেড়ে তাঁর কাছে যেতে পারব তাহলে তাঁর সাক্ষাতের জন্য কষ্ট করে হলেও চলে যেতাম। যদি আমি তাঁর কাছে থাকতাম, তাহলে আমি তাঁর দু'পা ধুয়ে দিতাম। তুমি যা বলেছ, যদি সব সত্য হয়ে থাকে, তা হলে অবশ্যই তিনি আমার এই দু'পায়ের জায়গাটুকুরও অধিকারী হবেন। প্রকৃতপক্ষে ঘটেছেও তাই।

### আমর ইবনে মুররা আল জুহানীর কাহিনী

তাবারানী বর্ণনা করেন যে, ইয়াসির ইবন সুওয়ায়দ (রা) বরাতে বলেছেন যে, জুহানী বলেন, আমি জাহেলী যুগে আমার সম্পদায়ের এক দল লোকের সঙ্গে হজ্জ করতে যাই। মুক্ত অবস্থানকালে একদিন আমি স্বপ্নে দেখলাম, এক খণ্ড আলো কা'বা থেকে বিচ্ছুরিত হয়ে ইয়াসরিবের পর্বত পর্যন্ত আলোকিত হয়ে গেছে। আমি শুনতে পেলাম যে, সেই আলোক খণ্ডের মধ্য থেকে কে যেন বলছে, অঙ্ককার বিদূরিত হয়েছে, আলো বিচ্ছুরিত হয়েছে আর শেষ নবী প্রেরিত হয়েছেন। এরপর আলোক খণ্ডটি আরো উজ্জ্বল হয়ে যায়। আমি হীরার রাজপ্রাসাদ ও

মাদায়েনের শুভতা দেখতে পেলাম। আলোর মধ্য থেকে পুনরায় একটি শুন্দি শুনতে পেলাম যে, কে যেন বলছে, ইসলাম প্রকাশ লাভ করেছে, প্রতিমাসমূহ চূর্ণ-বিচূর্ণ হয়েছে এবং আঞ্চলিক সম্পর্ক অটুট হয়েছে। এসব দেখে আমি ভীত-অবস্থায় জেগে গেলাম। জেগে উঠে আমার সম্প্রদায়ের লোকদের বললাম, আল্লাহর শপথ! কুরায়শের মধ্যে একটি ঘটনা ঘটতে যাচ্ছে। আমি তাদেরকে আমার স্বপ্নের কথা বললাম। হজ্জ সম্পাদন করে যখন আমরা দেশে ফিরে এলাম, তখন আহমদ নামে এক ব্যক্তি আমার নিকট আসেন। আমি তাকে আমার স্বপ্নের কথা বলি। তিনি বললেন, হে আমর ইবনে মুররা! আমিই সকল মানুষের প্রতি প্রেরিত নবী। আমি লোকদের ইসলামের প্রতি আহ্�বান করি এবং তাদেরকে রক্তারঙ্গি বক্ষ করার, আঞ্চলিক সম্পর্ক বজায় রাখার, আল্লাহর ইবাদত করার, প্রতিমাসমূহ বর্জন করার, বাযতুল্লাহর হজ্জ করার এবং বার মাসের একমাস রম্যানের রোগা রাখার আদেশ করি; যে ব্যক্তি আমার এ আহ্বানে সাড়া দেবে, তার জন্য রয়েছে জান্মাত। আর যে তা অমান্য করবে, তার জন্যে রয়েছে জাহানাম। সুতরাং হে আমর! তুমি ঈমান আন; আল্লাহ তোমাকে জাহানামের বিভীষিকা থেকে রক্ষা করবেন।

জবাবে আমি বললাম :

أَشْهِدُ أَنْ لَا إِلَهَ إِلَّا اللَّهُ وَأَنَّكَ رَسُولُ اللَّهِ أَمْنَتْ بِمَا جِئْتَ مِنْ حَلَالٍ  
وَحَرَامٍ وَإِنْ رَغِبَ ذَالِكَ كَثِيرًا مِنَ الْأَقْوَامِ

অর্থাৎ আমি সাক্ষ্য দিচ্ছি যে, আল্লাহ ছাড়া আর কোন ইলাহ নেই, আর আপনি আল্লাহর রাসূল। আপনি যে হালাল ও হারাম আনয়ন করেছেন, আমি তার প্রতি ঈমান আনলাম। যদিও এ ঘোষণা বহু লোককে ক্ষেপিয়ে তুলবে।

তারপর আমি কয়েকটি পংক্তি আবৃত্তি করলাম। রাসূলুল্লাহ (সা) সম্পর্কে প্রথম যখন শুনতে পেয়েছিলাম তখনও আমি সেই পংক্তিগুলো আবৃত্তি করেছিলাম। আর আমাদের একটি প্রতিমা ছিল। আমার আকৃতি তার দেখাশুনা করতেন। আমি উঠে গিয়ে সেটি ভেঙে ফেলি। তারপর আমি রাসূলুল্লাহ (সা)-এর নিকট যাই। নবী করীম (সা)-এর সামনে উপস্থিত হয়ে আমি এই পংক্তিগুলো আবৃত্তি করি :

شَهَدْتَ بِأَنَّ اللَّهَ حَقٌّ وَإِنِّي - لَا إِلَهَ إِلَّا حَجَارٌ أَوْ تَارِكٌ  
وَشَمِرْتُ عَنْ سَاقِ الْأَزَارِ مَهَاجِرًا - إِلَيْكَ أَجُوبُ الْفَقْرَ بَعْدَ الدِّكَارِ  
لَا صَحْبٌ خَيْرٌ النَّاسِ نَفْسًا وَوَالْدًا - رَسُولُ مَلِيكِ النَّاسِ فَوْقُ الْحَبَائِكِ

অর্থাৎ আমি সাক্ষ্য দিচ্ছি যে, আল্লাহই সত্য এবং পাথরের দেবতাদেরকে আমিই প্রথম বর্জনকারী। আমি কাপড় গুটিয়ে শক্ত পাথরে প্রান্তর অতিক্রম করে আপনার নিকট হিজরত করে এসেছি। আমার উদ্দেশ্য হলো— বংশ মর্যাদা এবং সভায় যিনি শ্রেষ্ঠ তাঁর সাহচর্য লাভ করা। তিনি মানুষ এবং আসমানী রাস্তাসমূহের শাহানশাহ আল্লাহর রসূল।

শুনে নবী করীম (সা) বললেন : ‘মারহাবা ! হে আমর ইবনে মুররা !’ তারপর আমি বললাম, হে আল্লাহর রাসূল ! আমাকে আপনি আমার সম্প্রদায়ের নিকট প্রেরণ করুন । হয়ত আমার দ্বারা আল্লাহ তাজের প্রতি অনুগ্রহ করবেন, যেমন আপনার উসিলায় তিনি আমার প্রতি অনুগ্রহ করেছেন । রাসূলুল্লাহ (সা) আমাকে আমার সম্প্রদায়ের নিকট প্রেরণ করলেন এবং বলে দিলেনঃ

عليك بالرفق والقول الشديد ولا تكن مفظا ولا متكبرا ولا حسودا

“কোমলতা ও সত্য কথা অবলম্বন করবে । কঠোর অহংকারী ও হিংসুক হবে না ।”

আমর ইবনে মুররা জানান যে, তিনি তার সম্প্রদায়ের নিকট আসেন এবং রাসূলুল্লাহ (সা) তাকে যে বিষয়ের প্রতি আস্থান করেছিলেন, তিনিও নিজ সম্প্রদায়ের লোকদের সে বিষয়ের প্রতি আস্থান জানান । তাঁর আস্থানে একজন ব্যক্তিত তারা সকলে ইসগাম গ্রহণ করেন ।

তারপর আমর ইবনে মুররা তাদের একদল লোক সঙ্গে নিয়ে রাসূলুল্লাহ (সা)-এর নিকট আগমন করেন । রাসূলুল্লাহ (সা) তাদের সাদর সম্ভাষণ জানান এবং তাদেরকে একটি লিপি লিখে দেন । তাতে লেখা ছিল :

بِسْمِ اللَّهِ الرَّحْمَنِ الرَّحِيمِ - هَذَا كِتَابٌ مِّنْ أَنْدَلُبِ الْمَوْلَى  
- بِكِتابٍ صَادِقٍ وَّحْقٍ نَاطِقٍ مَعْ عَمَرَابِنِ مَرْيَمَةِ الْجَهْنَى لِجَهِينَةِ بْنِ زِيدِ أَنَّ  
لَكُمْ بَطْوَنَ الْأَرْضِ وَسَهْوَلَاهَا وَتَلَاعَ الْأَوْدِيَةِ وَظَهُورَاهَا - تَزَرَّعُونَ نَبَاتَهُ  
وَتَشَرِّبُونَ صَافِيهِ عَلَى أَنْ تَقْرُوا بِالْخَمْسِ وَتَصْلُوا صَلَةَ الْخَمْسِ وَفِي  
الْتَّبِيعَةِ وَالصَّرِيقَةِ إِنْ اجْتَمَعْتُمْ إِنْ تَقْرَقَنَا شَاءَ شَاءَ لَيْسَ عَلَى أَهْلِ  
الْمَيْرَةِ صَدَقَةٌ لِيَسْ الْوَرْدَةُ الْلَّبْقَةُ .

অর্থাৎ 'বিস্মিল্লাহির রাহমানির রাহীম' । এটি আল্লাহর পক্ষ থেকে আল্লাহর রাসূলের যবানে আমর ইবনে মুররা জুহানীর হাতে জুহায়না ইবনে ঘায়দ-এর প্রতি শিখিত পত্র । এ পত্রের মর্ম সম্পূর্ণ সত্য ও সঠিক । তোমরা মাটির গর্ত ও উপরিভাগ এবং তোমাদের উপত্যকার উচু ও সমতল ভূমি ব্যবহারের অধিকারী । তাতে তোমরা ফসল উৎপন্ন কর ও তার পরিচ্ছন্ন পান কর । তোমাদের দায়িত্ব শুধু, তোমরা পাঁচটি বিষয়ের প্রতি বিশ্বাস স্থাপন করবে । পাঁচ ওয়াজ্জ সালাত আদায় করবে এবং পশু ও সম্পদের যাকাত এক বছরের ছাগলের বাচ্চা বা মুখ বাঁধা বাচ্চা একজিত হোক বা বিছিন্ন ধাক-একটি করে বকরী যাকাত দিতে হবে । যার প্রয়োজনের অতিরিক্ত সম্পদ নেই— তার সদকা দিতে হবে না । যাকাত আদায়ে উভয় মাল নেয়া যাবে না ।

বর্ণনাকারী বলেন, কায়স ইবনে শাস্মাস শিখিত এ পত্রে উপস্থিত সকল মুসলমান আমাদের নবী করীম (সা)-এর পক্ষে সাক্ষী থাকেন ।

আল্লাহ তা'আলা বলেন :

وَإِذْ أَخْذَنَا مِنَ النَّبِيِّينَ مِيْثَاقَهُمْ وَمِنْكَ وَمِنْ نُوحٍ وَإِبْرَاهِيمَ وَمُوسَى  
وَعِيسَى ابْنَ مَرْيَمَ وَأَخْذَنَا مِنْهُمْ مِيْثَاقًا غَلِيْظًا -

শ্বরণ কর, যখন আমি নবীদের নিকট থেকে অঙ্গীকার গ্রহণ করেছিলাম এবং তোমার নিকট থেকেও এবং নূহ, ইবরাহীম, মূসা, মারয়াম-তনয় ঈসার নিকট হতে। তাদের নিকট হতে গ্রহণ করেছিলেন দৃঢ় অঙ্গীকার। (৩৩ আহ্যাব : ৭)

প্রথম যুগের অনেক আলিম বলেছেন : আল্লাহ তা'আলা যেদিন **بِرَبِّكُمْ** (অমি কি তোমাদের বর নই?) বলে বনী আদমের অঙ্গীকার নিয়েছিলেন, সেদিন তিনি নবীদের নিকট থেকে এক বিশেষ অঙ্গীকার গ্রহণ করেছিলেন। বিশেষভাবে শরীয়তশারী সেই মহান পাঁচ নবীর নিকট থেকে, যাদের প্রথমজন হলেন হ্যরত নূহ (আ) আর সর্বশেষ জন হলেন হ্যরত মুহাম্মদ (সা)।

হাফিজ আবু নু'আয়ম 'দালায়িলুন নুবুওয়াত' এছে বর্ণনা করেছেন যে, হ্যরত আবু হুরায়রা (রা) বলেছেন, নবী করীম (সা)-কে জিজেস করা হয়েছিল, আপনার জন্য নবুওত সাব্যস্ত হয় কখন? জবাবে নবী করীম (সা) বললেন : আদম-এর সৃষ্টি ও তার মধ্যে রুহ সঞ্চারের মধ্যবর্তী সময়ে। তি঱মিয়া অনুরূপ একটি হাদীস বর্ণনা করে মন্তব্য করেছেন, এটি একটি একক বর্ণনা।

আবু নু'আয়ম আরো বর্ণনা করেছেন যে, হ্যরত উমর (রা) একদিন বললেন, ইয়া রাসূলুল্লাহ! আপনি নবী হয়েছেন কবে? জবাবে নবী করীম (সা) বললেন, আদম যখন তাঁর সৃষ্টির উপাদান কাদা-মাটিতে গড়াগড়ি খাচ্ছিলেন।

অপর এক সূত্রে ইবনে আবাস (রা) থেকে বর্ণিত আছে যে, ইবনে আবাস (রা) বলেন, প্রশ্ন করা হলো, ইয়া রাসূলুল্লাহ। আপনি কবে নবী হয়েছেন? নবী করীম (সা) বললেন, আদমের অবস্থান তখন রুহ ও দেহের মাঝে।

আদম (আ)-এর কাহিনীতে বর্ণিত এক হাদীসে আমরা উল্লেখ করে এসেছি যে, আল্লাহ তা'আলা যখন আদমের পৃষ্ঠদেশ থেকে তাঁর সন্তানদের বের করেন, তখনই তিনি মর্যাদা অনুপাতে নবীগণকে নূরের বৈশিষ্ট্য দান করেন। আর মুহাম্মদ (সা)-এর নূর যে তাঁদের সকলের নূরের তুলনায় অধিক উজ্জ্বল ও মহান, তা বলার অপেক্ষা রাখে না। এটা নবী করীম (সা)-এর সুউচ্চ মর্যাদা ও মহত্ত্বের সুপ্রস্ত প্রমাণ।

এই মর্মে ইমাম আহমদ (র) বলেন, ইরবায ইবনে সারিয়া (রা) বর্ণনা করেছেন যে, রাসূলুল্লাহ (সা) বলেছেন :

إِنَّى عِنْدَ اللَّهِ لِخَاتَمِ النَّبِيِّنَ وَإِنَّ أَدَمَ لِمُنْجَدِلٍ فِي طِينِتِهِ وَسَانِبِئِكُمْ  
بَاوْلَ ذَالِكَ دُعْوَةً إِبْرَاهِيمَ وَبِشَارَةً عِيسَى بْنَ وَرْؤَيَا أُمِّي التَّى رَأَتْ  
وَكَذَالِكَ أَمْهَاتُ الْمُؤْمِنِينَ يَرِينَ

অর্থাৎ আদম যখন তাঁর সৃষ্টির উপাদান কাদা-মাটিতে গড়াগড়ি খাচ্ছিলেন, আমি তখনই আল্লাহর নিকট শেষ নবী। আমি তোমাদেরকে তার সূচনার কথা জানাব। তাহলো, আমার পিতা ইবরাহীম (আ)-এর দোষা, আমার সম্পর্কে ঈসা (আ)-এর সুসংবাদ এবং আমার মায়ের স্ফ্রপণ। এরপ স্ফ্রপণের মাগণই দেখে থাকেন।

লাইছ ও ইবনে ওহব আবদুর রহমান ইবনে মাহদী থেকে এবং আবদুল্লাহ সালিহ মুআবিয়া ইবনে সালিহ থেকেও হাদীসটি বর্ণনা করেছেন। তাঁদের বর্ণনায় অতিরিক্ত রয়েছে যে, নবী করীম (সা)-কে প্রসব করার সময় তাঁর মা এমন একটি আলো দেখতে পেয়েছিলেন, যার আলোকে সিরিয়ার প্রাসাদসমূহ আলোকিত হয়ে গিয়েছিল।

ইমাম আহমদ.... মায়সারা আল-ফাজরের বরাতে বর্ণনা করেছেন যে, মায়সারা বলেছেন, আমি বললাম, ইয়া রাসূলুল্লাহ! আপনি নবী হয়েছেন কর্তৃ? জবাবে নবী করীম (সা) বলেন : “আদম তখন আস্তা ও দেহের মধ্যবর্তী অবস্থানে ছিলেন।”

হাফিজ আবু নুআয়ম তাঁর ‘দালায়িলুন নুবুওয়াত’ গ্রন্থে আবু হুরায়রা (রা) থেকে বর্ণনা করেছেন যে, তিনি বলেছেন, রাসূলুল্লাহ (সা) আল্লাহর কালাম :

وَإِذْ أَخْذَنَا مِنَ النَّبِيِّنَ مِيَثَاقَهُمْ

এর ব্যাখ্যায় বলেছেন :

كُنْتُ أَوَّلَ النَّبِيِّنَ فِي الْخَلْقِ وَآخِرُهُمْ فِي الْبَعْثِ

অর্থাৎ : সৃষ্টিতে আমি নবীগণের প্রথম আর আবির্ভাবে সকলের শেষ।

বলা বাহ্য যে, আসমান-যমীন সৃষ্টি করার পূর্ব থেকেই আল্লাহ পাক জানতেন যে, মুহাম্মদ (সা) সর্বশেষ নবী। এমতাবস্থায় এই যে বলা হচ্ছে, আদম যখন ক্রহ ও দেহের মাঝে অবস্থান করছিলেন, তখন তিনি নবী ছিলেন, এটা উর্ধ্ব জগতের ঘোষণা মাত্র। অর্থাৎ উর্ধ্ব জগতের ঘোষণাটা হয়েছিল এভাবে। আল্লাহ তা'আলা তো বিষয়টি পূর্ব থেকেই জানতেন।

আবু নু‘আয়ম আবু হুরায়রা (রা) থেকে একটি মুক্তাফাক আলাইছি (বুখারী-মুসলিম সম্মিলিত) হাদীস বর্ণনা করেছেন যে, রাসূলুল্লাহ (সা) বলেছেন :

نَحْنُ الْأَخْرُونَ السَّابِقُونَ يَوْمَ الْقِيَامَةِ الْمُقْضَى لِهُمْ قَبْلَ الْخَلَائِقِ بِيَدِهِمْ أَوْتُوا الْكِتَابَ مِنْ قَبْلِنَا وَأَوْتَيْنَا مِنْ بَعْدِهِمْ.

অর্থাৎ আমরা সর্বশেষ জাতি। কিয়ামতের দিন আল্লাহর দরবারে উপস্থিত হব সকলের আগে। আমার উম্মতের বিচারকার্যও সম্পাদন হবে অন্য সব উম্মতের পূর্বে। পার্থক্য শুধু এটুকু যে, অন্যান্য উম্মতকে কিতাব দেয়া হয়েছে আমাদের আগে আর আমরা পেয়েছি তাদের পরে।

হাদীসটি বর্ণনা করার পর আবু নু'আয়ম এর ব্যাখ্যা হিসেবে বলেন, রাসূলুল্লাহ (সা)-এর আবির্ভাবে সব নবীর শেষ এবং তাঁরই দ্বারা নবুওত সমাপ্ত করা হয়েছে। তবে কিয়ামতের দিন তিনি সকলের আগে উপস্থিত হবেন। কারণ নবুওত ও অঙ্গীকারের তালিকায় তাঁর নাম সকলের শীর্ষে।

আবু নু'আয়ম আরও বলেন যে, এ হাদীসে রাসূলুল্লাহ (সা)-এর মর্যাদার কথা বলা হয়েছে যে, আল্লাহ আদম সৃষ্টিরও আগে রাসূলুল্লাহ (সা)-এর জন্য নবুওত সাব্যস্ত করেছেন। সম্ভবত এটাই ফেরেশতাগণের নিকট আল্লাহ তা'আলা জানিয়ে দিয়েছেন যে, তিনিই হবেন শেষ নবী।

হাকিম তার মুস্তাদরাক গ্রন্থে হ্যরত উমর ইবনুল খাত্বাব (রা) থেকে বর্ণনা করেছেন যে, উমর (রা) বলেন, রাসূলুল্লাহ (সা) বলেছেন :

“আদম যখন ভুল করে বসেন তখন তিনি বলেছিলেন, হে আমার রব! আপনার নিকট আমি মুহাম্মদের উসিলায় প্রার্থনা করছি, আপনি আমায় ক্ষমা করে দিন। তখন আল্লাহ বললেন, আদম! তুমি মুহাম্মদকে চিনলে কি করে? আমি তো এখনও তাকে সৃষ্টিই করিনি! আদম বললেন, হে আমার রব! আপনি যখন নিজ কুদরতী হাতে আমাকে সৃষ্টি করেছিলেন ও আমার মধ্যে রহ সংগ্রহ করেছিলেন, সে সময়ে আমি মাথা তুলে আরশের খুঁটিসমূহে :

لَا إِلَهَ إِلَّا اللَّهُ مُحَمَّدُ رَسُولُ اللَّهِ

লিখিত দেখেছিলাম। তাতেই আমি বুঝে ফেলেছি যে, আপনি আপনার সর্বাধিক প্রিয় ব্যক্তি ব্যতীত অন্য কারো নাম আপনার নিজের নামের সঙ্গে যুক্ত করেন নি। আল্লাহ তা'আলা বললেন, আদম! তুমি ঠিকই বলেছ। অবশ্যই তিনি আমার কাছে সৃষ্টির সবচেয়ে প্রিয় ব্যক্তি। যাক তুমি যখন তার উসিলা দিয়ে ক্ষমা প্রার্থনা করেই ফেলেছ, আমি তোমাকে ক্ষমা করে দিলাম। ‘আর মুহাম্মদ যদি নাই হতো, আমি তোমাকে সৃষ্টিই করতাম না।’ বায়হাকী বলেন, আবদুর রহমান ইবন যায়দ ইবন আসলামের একক বর্ণনা অথচ তিনি একজন দুর্বল রাবী। আল্লাহ তা'আলা বলেন :

وَإِذْ أَخَذَ اللَّهُ مِيثَاقَ النَّبِيِّنَ لِمَا أَتَيْتُكُمْ مِنْ كِتَابٍ وَحِكْمَةٍ ثُمَّ جَاءَكُمْ رَسُولٌ مُّصَدِّقٌ لِمَا مَعَكُمْ لَتُؤْمِنُنَّ بِهِ وَلَتَنْصُرُنَّهُ قَالَ أَقْرَرْتُمْ وَأَخَذْتُمْ

عَلَى ذَلِكَ إِصْرِيْ قَالُوا أَقْرَرْنَا قَالَ فَأَشْهَدُوْا وَآنَا مَعْكُمْ مِنَ الشَّاهِدِيْنَ.  
فَمَنْ تَوَلَّ بَعْدَ ذَلِكَ فَأُولَئِكَ هُمُ الْفَاسِقُونَ.

শরণ কর, যখন আল্লাহ নবীদের অঙ্গীকার নিয়েছিলেন, তোমাদেরকে কিতাব ও হিকমত যা কিছু দিয়েছি, তারপর তোমাদের কাছে যা আছে তার সমর্থকরণে যখন একজন রাসূল আসবে তখন নিশ্চয় তোমরা তাকে বিশ্বাস করবে এবং তাকে সাহায্য করবে। তিনি বললেন, তোমরা কি স্বীকার করলে? তারা বলল, আমরা স্বীকার করলাম। তিনি বললেন, তবে তোমরা সাক্ষী থাক, আমিও তোমাদের সঙ্গে সাক্ষী রইলাম। (৩ আলে ইমরান : ৮১)

আলী ইবনে আবু তালিব ও অবদুল্লাহ ইবনে আব্বাস (রা) বলেন, আল্লাহ যখন যে নবীকে প্রেরণ করেছেন, তারই নিকট থেকে এ অঙ্গীকার নিয়েছেন যে, তিনি জীবিত থাকা অবস্থায় যদি মুহাম্মদ (সা) প্রেরিত হন তাহলে অবশ্যই যেন তিনি তার প্রতি ঈমান আনেন এবং তাকে সাহায্য করেন। আর আদেশ দিয়েছেন যেন তাঁর উম্মতের নিকট থেকে এই অঙ্গীকার নিয়ে রাখেন যে, যদি মুহাম্মদ (সা) প্রেরিত হন আর তারা তখন জীবিত থাকে, তবে যেন অবশ্যই তারা তাঁর প্রতি ঈমান আনে ও তাঁকে সাহায্য করে।

এভাবে অঙ্গীকার নিয়ে আল্লাহ তা'আলা বুঝিয়ে দিয়েছেন যে, মুহাম্মদ (সা) সৃষ্টির সর্বশ্রেষ্ঠ ব্যক্তিত্ব।

বায়তুল্লাহর নির্মাণ কাজ শেষ করে হযরত ইবরাহীম (আ) যে দোয়া করেছিলেন, তাতেও নবী করীম (সা)-এর শ্রেষ্ঠত্ব ফুটে উঠেছে। তা হলো :

رَبَّنَا وَابْعَثْ فِيهِمْ رَسُولًا مِنْهُمْ يَتْلُوْ عَلَيْهِمْ آيَاتِكَ وَيُعَلِّمُهُمُ الْكِتَابَ  
وَالْحِكْمَةَ وَيَزْكِيْهِمْ إِنَّكَ أَنْتَ الْعَزِيزُ الْحَكِيمُ.

হে আমাদের প্রতিপালক! তাদের মধ্য থেকে তাদের নিকট একজন রাসূল প্রেরণ করুন যে তোমার আয়াতসমূহ তাদের নিকট আবৃত্তি করবে, তাদেরকে কিতাব ও হিকমত শিক্ষা দিবে এবং তাদেরকে পবিত্র করবে। তুমি পরাক্রমশালী, প্রজ্ঞাময়। (২ বাকারা : ১২৯)

রাসূলুল্লাহ (সা)-এর মিশন সম্পর্কে বিশ্ববাসীর সামনে এটিই প্রথম ঘোষণা, যা ঘোষিত হয়েছে এমন এক মহান নবীর মুখে, শ্রেষ্ঠত্ব ও মর্যাদায় নবী করীম (সা)-এর পরই যাঁর অবস্থান।

ইমাম আহমদ বর্ণনা করেন যে, আবু উমামা (রা) বলেন, আমি বললাম, হে আল্লাহর নবী! আপনার মিশনের প্রারম্ভ হয়েছিল কিভাবে? নবী করীম (সা) বললেন : আমার পিতা ইবরাহীমের দোয়া, ঈসার সুসংবাদ এবং মায়ের স্বপ্ন যাতে তিনি দেখেছেন, তাঁর ভিতর থেকে এমন একটি আলো নির্গত হয় যে, তাতে সিরিয়ার প্রাসাদসমূহ আলোকিত হয়ে যায়। এটি ইমাম আহমদের একক বর্ণনা।

হাফিজ আবু বকর ইবনে আবু আসিম কিতাবুল মাওলিদে বর্ণনা করেন যে, এক বেদুইন এসে বলল, ইয়া রাসূলুল্লাহ! আপনার নবুওতের সূচনা কী ছিল? জবাবে নবী করীম (সা) বললেন : আল্লাহ আমার থেকে অঙ্গীকার নিয়েছেন, যেমন অঙ্গীকার নিয়েছেন অন্য নবীদের থেকে। আর আমার মা স্বপ্নে দেখেছিলেন যে, তার দুই পায়ের মধ্যস্থল থেকে একটি প্রদীপ নির্গত হয় এবং তাতে সিরিয়ার প্রাসাদসমূহ আলোকিত হয়ে যায়।

মুহাম্মদ ইবনে ইসহাক বর্ণনা করেন, সাহাবাগণ একদিন বললেন, ইয়া রাসূলুল্লাহ! আমাদেরকে আপনার নিজের সম্পর্কে কিছু বলুন। রাসূলুল্লাহ (সা) বললেন : আমি আমার পিতা ইবরাহীম-এর (আ) দোয়া, ঈসা (আ)-এর সুসংবাদ আর আমাকে গর্ভে ধারণের পর আমার মা স্বপ্নে দেখেন যে, তার থেকে একটি আলো বের হয়, যার ফলে সিরিয়ার বুসরা নগরী আলোকিত হয়ে যায়। এ বর্ণনার সূত্র উত্তম।

নবী করীম (সা)-এর এ রক্তব্যে বুসরাবাসীদের জন্যও সুসংবাদ রয়েছে। বাস্তবেও দেখা গেছে নবুওতের নূর সিরিয়ার বুসরায়-ই সর্বপ্রথম বিচ্ছুরিত হয়েছিল: শুধু তাই নয়, সমগ্র সিরিয়ার মধ্যে বুসরা নগরী-ই সর্বাগ্রে মুসলমানদের আয়তে আসে। হযরত আবু বকর সিন্দিক (রা)-এর খিলাফতকালে এক সঞ্চি চুক্তির মাধ্যমে এই বুসরা জয় হয়েছিল। এর বিস্তারিত বিবরণ পরে আসবে।

রাসূলুল্লাহ (সা) দ্রু'বার বুসরায় গিয়েছিলেন। একবার তার চাচা আবু তালিবের সঙ্গে। তখন তাঁর বয়স বার বছর। বহীরা পান্তির ঘটনা সেখানেই ঘটেছিল। আরেকবার গিয়েছিলেন খাদীজা (রা)-এর গোলাম মায়সারার সঙ্গে, খাদীজা (রা)-এর ব্যবসা পণ্য নিয়ে। এই বুসরায়ই রাসূলুল্লাহ (সা)-এর উন্নী বসে পড়েছিল এবং তাতে তার চিহ্ন রয়ে গিয়েছিল বলে পরে কথিত আছে। তা স্থানান্তরিত করে সে স্থানে একটি মসজিদ নির্মিত হয়। বর্তমানে সেটি একটি প্রসিদ্ধ মসজিদ। এই বুসরায়ই ৬৫৪ সালে হিজাজ থেকে নির্গত অগ্নিশিখায় উটের ঘাড় আলোকিত হওয়ার ঘটনা ঘটেছিল। ঠিক যেমনটি এ মর্মে নবী করীম (সা) একটি তবিষ্যদ্বাণী করেছিলেন। তা হলো : হিজাজ ভূমি থেকে অগ্নি নির্গত হবে, যার শিখায় বুসরা নগরীতে উটের ঘাড় আলোকিত হবে।

ইনশাআল্লাহ যথাস্থানে এ বিষয়ে বিস্তারিত আলোচনা হবে।

আল্লাহ তা'আলা বলেন :

الَّذِينَ يَتَبَعُونَ الرَّسُولَ النَّبِيَّ الْأُمَّى الَّذِي يَجِدُونَهُ مَكْتُوبًا عِنْدَهُمْ  
فِي التُّورَاةِ وَإِلَانِجِيلِ يَأْمُرُهُمْ بِالْمَعْرُوفِ وَيَنْهَاهُمْ عَنِ الْمُنْكَرِ وَيُحِلُّ لَهُمْ  
الطَّيَّبَاتِ وَيُحَرِّمُ عَلَيْهِمُ الْخَبَائِثَ وَيَضْعُ عَنْهُمْ إِصْرَهُمْ وَالْأَغْلَالَ الَّتِي

كَانَتْ عَلَيْهِمْ فَالَّذِينَ أَمْنُوا بِهِ وَعَزَّرُوهُ وَتَصَرُّوهُ وَاتَّبَعُوا النُّورَ الَّذِي  
أُنْزِلَ مَعَهُ أَوْ لَيْكَ هُمُ الْمُفْلِحُونَ.

যারা অনুসরণ করে বার্তাবাহক উম্মী নবীর, যার উল্লেখ তাওরাত ও ইনজীল, যা তাদের নিকট আছে, তাতে লিপিবদ্ধ পায়, সে তাদেরকে সৎ কাজের নির্দেশ দেয় ও অসৎ কার্যে বাধা দেয়, যে তাদের জন্য পবিত্র বস্তু বৈধ করে এবং যে মুক্ত করে তাদেরকে তাদের গুরুত্বার হতে ও শৃঙ্খল হতে, যা তাদের ওপর ছিল। সুতরাং যারা তার প্রতি বিশ্বাস স্থাপন করে, তাকে সম্মান করে, তাকে সাহায্য করে এবং যে নূর তার সাথে অবর্তীর্ণ হয়েছে, তার অনুসরণ করে তারাই সফলকাম। (৭ আ'রাফ : ১৫৭)

ইমাম আহমদ বর্ণনা করেন যে, এক বেদুইন বলেছে, রাসূলুল্লাহ (সা)-এর জীবন্দশায় ব্যবসার পণ্য নিয়ে একবার আমি মদীনা যাই। ক্রয়-বিক্রয় শেষ করে আমি মনে মনে বললাম, আজ অবশ্যই আমি ঐ লোকটির কাছে যাব এবং তিনি কি বলেন, ঘুনব। বেদুইন বলে, যখন আমি তাঁর সাক্ষাত পেলাম, তখন তিনি আবু বকর (রা) ও উমর (রা)-কে দু'পাশে নিয়ে হাঁটেন।

আমি তাঁদের অনুসরণ করলাম। হাঁটতে হাঁটতে তারা এক ইহুদীর নিকট গমন করেন। ইহুদী লোকটির অপরূপ সুন্দরী একটি ছেলে মৃত্যু শয্যায় ছিল। ইহুদী লোকটি তারই পার্শ্বে বসে তাওরাত খুলে পাঠ করছে আর পুত্রের জন্য শোক প্রকাশ করছে। নবী করীম (সা) বললেন, যে সন্তা তাওরাত নায়িল করেছেন, তার কসম দিয়ে আমি তোমাকে জিজেস করছি। ‘তোমার কিতাবে কি তুমি আমার পরিচয় ও আবির্ভাব স্থলের কথা পাও?’ ইহুদী মাথা নেড়ে বলল, না, পাই না। সঙ্গে সঙ্গে তার পুত্র বলে উঠল, হঁা, যিনি তাওরাত নায়িল করেছেন, তাঁর শপথ! আমাদের কিতাবে আমরা আপনার পরিচয় ও আবির্ভাব স্থলের কথা পাই। আর আমি সাক্ষ্য দিচ্ছি যে, ‘আল্লাহ ছাড়া ইলাহ নেই এবং আপনি আল্লাহর রাসূল।’ তখন রাসূলুল্লাহ (সা) বললেন, ‘তোমাদের ভাইয়ের নিকট থেকে এই ইহুদীকে উঠিয়ে দাও।’ তারপর তিনি ছেলেটির দাফন-কাফনের ব্যবস্থা করেন ও জানায়ার সালাত আদায় করেন। এ বর্ণনার সূত্র উত্তম এবং সহীহ বর্ণনায় আনাস (রা) থেকে এর সমর্থন পাওয়া যায়।

আবুল কাসেম বগবী বর্ণনা করেন যে, এক সাহাবী বলেছেন—একদিন আমি নবী করীম (সা)-এর নিকট বসা ছিলাম। হঠাৎ একজন লোকের প্রতি রাসূলুল্লাহ (সা)-এর চোখ পড়ে। লোকটি ছিল ইহুদী। তার গায়ে জামা, পরণে পাজামা, পায়ে জুতা। নবী করীম (সা) তার সঙ্গে আলাপ শুরু করেন। লোকটি বলল : ইয়া রাসূলুল্লাহ! রাসূলুল্লাহ (সা) বললেন : তুমি কি সাক্ষ্য দিচ্ছ যে, আমি আল্লাহর রাসূল? লোকটি বলল, হঁা, পড়ি। নবী করীম (সা) বললেন : আর কুরআন? বলল, না। তবে আপনি চাইলে পড়তে পারি। নবী করীম (সা) বললেন : তাওরাত-ইনজীলে যা পড়,

তাতে আমাকে নবীরূপে পাও কি ? লোকটি বলল, আপনার পরিচয় ও আবির্ভাব স্থলের কথা আমরা পাই। কিন্তু যখন আপনি আবির্ভূত হলেন, তখন আমরা আশা করেছি, আপনি আমাদের মধ্য থেকে হবেন! কিন্তু যখন আমরা আপনাকে দেখলাম, তখন বুঝলাম, আপনি সেই ব্যক্তি নন। রাসূলুল্লাহ (সা) বললেন : কারণ কী হে ইহুদী ? ইহুদী বলল, আমরা লিপিবদ্ধ পাই যে, তাঁর উপরের স্তরের হাজার মানুষ বিনা হিসাবে জান্মাতে প্রবেশ করবে। আর আপনার সঙ্গে সামান্য ক'জন ছাড়া আর তো লোক দেখছি না। রাসূলুল্লাহ (সা) বললেন, আমার উপরের স্তরের হাজার আরও স্তরের হাজারের চেয়েও বেশি। এটি একক বর্ণনা।

মুহাম্মদ ইবন ইসহাক..... আবু হুরায়রা (বা)-এর বরাতে বর্ণনা করেন যে, একদিন রাসূলুল্লাহ (সা) ইহুদীদের নিকট গিয়ে বললেন, তোমাদের সবচেয়ে বেশি বিজ্ঞ ব্যক্তিকে ডেকে আন। তারা বললেন, তিনি হচ্ছেন আবুল্লাহ ইবনে সুরিয়া। নবী কর্মী (সা) তাকে একান্তে নিয়ে তার দীন, তাদের প্রতি আল্লাহ প্রদত্ত নিয়ামত, মানু-সালওয়া, মেঘ ছারা ছায়া প্রদান ইত্যাদির কসর দিয়ে বললেন : 'ভূমি কি আমাকে আল্লাহর রাস্তু বলে জান ?' লোকটি বলল, হ্যাঁ। আর আমি যা জানি, আমার সম্প্রদায়ও তাই জানে। আপনার শুণ-পরিচয় তো তাওরাতে সুস্পষ্ট বর্ণিত আছে। কিন্তু তারা আপনাকে হিংসা করে। রাসূলুল্লাহ (সা) বললেন : কিন্তু তোমাকে বারণ করে কে ? লোকটি বলল, আমি আমার সম্প্রদায়ের বিবরণাচরণকে অপছন্দ করি। তবে অচিরেই তারা আপনার অনুগামী হবে এবং ইসলাম গ্রহণ করবে। তখন আমিও ইসলাম গ্রহণ করব।

সালামা ইবনে ফায়ল... ইবনে আব্বাস (রা) থেকে বর্ণনা করেন যে, তিনি বলতেন : রাসূলুল্লাহ (সা) খায়বারের ইহুদীদের প্রতি একটি পত্র দিয়েছিলেন। পত্রটি ছিল নিম্নরূপ :

بِسْمِ اللَّهِ الرَّحْمَنِ الرَّحِيمِ مِنْ مُحَمَّدٍ رَسُولِ اللَّهِ صَاحِبِ مُوسَى  
وَآخِيهِ وَالْمُصَدِّقِ بِمَا جَاءَ بِهِ مُوسَى أَلَا إِنَّ اللَّهَ قَالَ لَكُمْ يَا مَعْشَرَ يَهُودِ  
وَأَهْلِ التَّوْرَاةِ أَنَّكُمْ تَجِدُونَ ذَالِكَ فِي كِتَابِكُمْ إِنَّ مُحَمَّدًا رَسُولُ اللَّهِ  
وَالَّذِينَ مَعَهُ أَشَدُّ أَعْلَى الْكُفَّارِ رُحْمَاءُ بَيْنَهُمْ تَرَاهُمْ رُكَعًا سُجَّدًا يَبْتَغُونَ  
فَضْلًا مِنَ اللَّهِ وَرَضِيُّوا نَاسٌ سِيمَاهُمْ فِي وُجُوهِهِمْ مِنْ أَثْرِ السُّجُودِ ذَلِكَ  
مَثَلُهُمْ فِي التَّوْرَاةِ وَمَثَلُهُمْ فِي الْأَنْجِيلِ كَزَرْعٍ أَخْرَجَ شَطَأً فَأَزْرَهُ  
فَأَسْتَغْلَظَ فَأَسْتَوَى عَلَى سُوقِهِ يُعْجِبُ الزُّرَاعَ لِيُغِيظَ بِهِمُ الْكُفَّارَ وَعَدَ اللَّهُ  
الَّذِينَ آمَنُوا وَعَمِلُوا الصَّالِحَاتِ مِنْهُمْ مَغْفِرَةً وَأَجْرًا عَظِيمًا) وَإِنِّي  
أُنْشِدُكُمْ بِاللَّهِ وَبِالَّذِي أَنْزَلَ عَلَيْكُمْ وَأَنْشِدُكُمْ بِالَّذِي أَطْعَمْ مِنْ كَانَ قَبْلَكُمْ

مِنْ أَسْلَافِكُمْ وَأَسْبَاطِكُمْ. الْمَنْ وَالسَّلْوَى وَأَنْبِئُكُمْ بِالَّذِي أَيْبَسَ الْبَحْرَ لَا  
بَأْكُمْ حَتَّى أَنْجَاكُمْ مِنْ فِرْعَوْنَ وَعَمَلَهُ إِلَّا أَخْبَرَتُمُونَا هُلْ تَجِدُونَ فِيمَا  
أَنْزَلَ اللَّهُ عَلَيْكُمْ أَنْ تُؤْمِنُوا بِمُحَمَّدٍ فَإِنْ كُنْتُمْ لَا تَجِدُونَ ذَالِكَ فِي كِتَابِكُمْ  
فَلَا كُرْهَ عَلَيْكُمْ قَدْ تَبَيَّنَ الرُّشْدُ مِنَ الْفَغْيَ وَأَدْعُوكُمْ إِلَى اللَّهِ وَإِلَى تَبَّيْهِ

অর্থাৎ ‘বিসমিল্লাহির রাহমানির রাহীম’। মুসার সঙ্গী ও তার ভাই এবং তার কিতাবের সত্যায়নকারী আল্লাহর রাসূল মুহাম্মদ-এর পক্ষ থেকে।

হে ইহুদী ও আহলে তাওরাত সম্পদায়। আল্লাহ তোমাদের উদ্দেশে বলেছেন এবং তোমাদের কিতাবেও তোমরা পাছ যে :

‘মুহাম্মদ আল্লাহর রাসূল। আর তার সহচরগণ কাফেরদের প্রতি কঠোর এবং নিজেদের মধ্যে পরম্পরের প্রতি সহানুভূতিশীল। আল্লাহর অনুগ্রহ ও সমৃষ্টি কামনায় তুমি তাদেরকে রক্ত  
ও সিজদায় অবনত দেখবে। তাদের লক্ষণ তাদের মুখমণ্ডলে সিঞ্জদায় চিহ্ন থাকবে। তাওরাতে  
তাদের কৰ্ম্মা একেপাই এবং ইনজালেও। তাদের দৃষ্টান্ত একটি চারাগাছ, যা হতে নির্গত হয়  
কিশলয় তারপর তা শক্ত ও পুষ্ট হয় এবং পরে কাণ্ডের ওপর দাঁড়ায় দৃঢ়ভাবে, যা চাষীর জন্য  
আনন্দদায়ক। এভাবে আল্লাহ মুমিনদের সমৃদ্ধি দ্বারা কাফিরদের অঙ্গৰ্জালা সৃষ্টি করেন। যারা  
ঈমান আনে ও সৎকর্ম করে আল্লাহ তাদেরকে প্রতিক্রিয়া দিয়েছেন ক্ষমা ও মহা পূরকারের।  
(৪৮ ফাতহ : ২৯)

আমি তোমাদেরকে কসম দিচ্ছি আল্লাহর ও সেই সত্ত্বার, যিনি তোমাদের প্রতি তাওরাত  
নায়িল করেছেন। আমি তোমাদেরকে কসম দিচ্ছি সেই সত্ত্বার, যিনি তোমাদের পূর্বসূরিদেরকে  
মান্না ও সালাওয়া খাইয়েছেন। আমি তোমাদেরকে কসম দিচ্ছি সেই সত্ত্বার, যিনি সমুদ্রকে  
শুকিয়ে তোমাদের পূর্বসূরিদের ফেরআউন ও তার কার্যকলাপ থেকে মুক্তি দিয়েছেন। বল তো,  
আল্লাহ তোমাদের ওপর যা নায়িল করেছেন, তাতে কি তোমরা এ কথা লিপিবদ্ধ পাও না যে,  
তোমরা মুহাম্মদের প্রতি ঈমান আনবে? যদি তোমাদের কিতাবে তোমরা কথাটা না পেয়ে থাক,  
তবে তোমাদের প্রতি কোন জোর-জবরদস্তি নেই। হিদায়াত গোমরাহী থেকে আলাদা হয়ে  
গেছে। আমি তোমাদেরকে আল্লাহ ও তাঁর নবীর প্রতি আহ্বান করছি।

মুহাম্মদ ইবনে ইসহাক ইবনে ইয়াসার ‘মুবতাদা’ গ্রন্থে উল্লেখ করেছেন যে, বুখত নাসর  
(নেবুঁচাদ নেয়ার) বায়তুল মুকাদ্দাস ধ্রংস এবং বনী ইসরাইলকে লাঞ্ছিত করার সাত বছর পর  
এক রাতে একটি ভয়ংকর স্বপ্ন দেখে। পরদিন গণক জ্যোতিষীদের সমবেত করে তাদের নিকট  
তার সেই স্বপ্নের ব্যাখ্যা সম্পর্কে জানতে চায়। তারা বলে, মহারাজ! স্বপ্নের বিবরণটা তুলে  
ধরলেই আমরা তার ব্যাখ্যা বলতে পারব। বুখত নাসর বলল, স্বপ্নের বিবরণ আমি ভুলে গেছি,  
কি দেখেছি এখন তা মনে নেই। তোমাদেরকে আমি ভিন্নদিন সময় দিলাম। এর মধ্যে তা  
আল-বিদায়া ওয়ান নিহায়া (২য় খণ্ড) ৮০—

বলতে না পারলে আমি তোমাদের সবাইকে হত্যা করব। রাজাৰ হমকিতে ভীত-সন্তুষ্ট হয়ে তারা ফিরে যায়।

হ্যরত দানিয়াল (আ) ছিলেন তখন বুখত নাসর-এর কারাগারে বন্দী। ঘটনাটি তাঁৰ কানে যায়। তাই জেলারকে তিনি বললেন, যাও, রাজাকে গিয়ে বল যে, এখানে এমন একজন লোক আছেন, যিনি আপনার স্বপ্ন ও তার ব্যাখ্যা সম্পর্কে অবহিত। সংবাদ পেয়ে রাজা দানিয়াল (আ)-কে ডেকে পাঠায়। দানিয়াল (আ) তার কক্ষে প্রবেশ করেন। কিন্তু প্রচলিত রীতি অনুযায়ী রাজাকে সিজদা করলেন না। রাজা বলল, আমাকে সিজদা করতে তোমায় কিসে বারণ করল? দানিয়াল (আ) বললেন, আল্লাহ আমাকে বিশেষ এক ইল্ম দান করেছেন এবং তাকে ব্যতীত কাউকে সিজদা না করার আদেশ দিয়েছেন। বুখত নাসর বলে, যারা তাদের রবকে দেওয়া অঙ্গীকার পূরণ করে, আমি তাদেরকে ভালবাসি। এবার বল, আমি কী স্বপ্ন দেখেছি। হ্যরত দানিয়াল (আ) বললেন :

আপনি দেখেছেন, বৃহৎ একটি প্রতিমা, যার দু'পা মাটিতে ঝুঁর মাথাটা আকাশে। প্রতিমাটির উর্ধ্বাংশ সোনার, মধ্যমাংশ রূপার এবং নিম্নাংশ তামার আর পায়ের গোছা দু'টো লোহার। পা দু'টো পোড়ামাটির। তার রূপ এবং শিল্পনেপুণ্য দেখে মুঝে হয়ে আপনি প্রতিমাটির প্রতি এক দৃষ্টে তাকিয়ে ছিলেন। ঠিক এ সময়ে আল্লাহ আকাশ থেকে একটি পাথর নিষ্কেপ করেন। পাথরটি প্রতিমার ঠিক মন্তক বরাবর নিষ্কিপ্ত হয়। প্রতিমাটি ভেঙে টুকরো টুকরো হয়ে যায়। সোনা, রূপা, তামা, লোহা ও পোড়ামাটি সব একাকার হয়ে যায়। আপনার মনে হলো যে, পৃথিবীর সব মানুষ আর সকল জিন একত্রিত হয়েও এর একটি উপাদানকে অপরাতি থেকে আলাদা করতে পারবে না। আকাশ থেকে নিষ্কিপ্ত পাথরটির প্রতি দৃষ্টিপাত করে আপনি দেখলেন যে, পাথরটি ধীরে ধীরে পুষ্ট, মোটা ও বড় হচ্ছে এবং চারদিক বিস্তৃত হতে হতে সমগ্র পৃথিবী গ্রাস করে ফেলেছে। তখন আপনি পাথর আর আকাশ ছাড়া কিছুই দেখছেন না।

স্বপ্নের বিবরণ শুনে বুখত নাসর বলল, তুমি ঠিক বলেছ। আমি এ স্বপ্নই দেখেছিলাম। এবার বল, তাৎপর্য কী?

দানিয়াল (আ) বললেন : প্রতিমটি হলো পৃথিবীর শুরু, মধ্যম ও শেষ যুগের বিভিন্ন জাতি। প্রতিমার গায়ে নিষ্কিপ্ত পাথর হলো সেই দীন, যাকে আল্লাহ শেষ যুগের উপরতের প্রতি অবর্তীর্ণ করবেন এবং সব জাতির ওপর দীনকে বিজয়ী করবেন। এ লক্ষ্যে আল্লাহ আরব থেকে একজন উম্মী নবী প্রেরণ করবেন। পাথরে যেমন প্রতিমার বিভিন্ন অংশকে পিষে একাকার করে ফেলেছে, তেমনি তিনিও সব জাতি আর সব ধর্মকে একাকার করে ফেলবেন। নিজের দীনকে তিনি অন্যসব দীনের ওপর বিজয়ী করবেন। পাথরের পৃথিবীময় ছড়িয়ে পরার ন্যায় তার দীন সমগ্র পৃথিবীতে ছড়িয়ে পড়বে। তার মাধ্যমে আল্লাহ সত্যকে প্রতিষ্ঠিত করবেন আর মিথ্যাকে দূরীভূত করবেন। বিভ্রান্ত মানুষকে সত্যের পথ দেখাবেন, নিরক্ষর লোকদের শিক্ষা দান

করবেন। দুর্বলদের শক্তিশালী করবেন, লাঞ্ছিতদের মর্যাদার আসনে অধিষ্ঠিত করবেন এবং অসহায়দের সাহায্য করবেন।

বর্ণনাকারী এ প্রসঙ্গে বুখত নাসর-এর বনী ইসরাইলকে দানিয়াল (আ)-এর হাতে মুক্তি দেয়ার বিস্তারিত কাহিনীও উল্লেখ করেন।

ওয়াকিদী বর্ণনা করেন যে, একবার ইক্সান্দারিয়ার (আলেকজান্দ্রিয়ার) রাজা মুকাওকিস-এর নিকট মুগীরা ইবন শু'বা প্রতিনিধিত্বপে গমন করেন। তখন মুকাওকিস রাসূলুল্লাহ (সা)-এর গুণ পরিচয় সম্পর্কে ঠিক সেসব প্রশ্ন করে, যা করেছিল হিরাকুন্ডিয়াস আবু সুফিয়ান ইবনে হারবকে। ওয়াকিদী একথাও উল্লেখ করেন যে, মুকাওকিস বিভিন্ন গির্জায় খৃষ্টান পণ্ডিতদেরকে রাসূলুল্লাহ (সা)-এর পরিচয় সম্পর্কে জিজ্ঞেস করেছিলেন। খৃষ্টান পণ্ডিতরা সে ব্যাপারে তাকে অবহিত করে। সে এক দীর্ঘ কাহিনী। হাফিজ আবু নু'আয়ম দালায়িলে তা বর্ণনা করেছেন।

বুখারী শরীফে আছে যে, রাসূলুল্লাহ (সা) একদিন ইহুদীদের কয়েকটি বিদ্যাপীঠ হয়ে কোথাও যাচ্ছিলেন। প্রসঙ্গক্রমে তিনি তাদেরকে বলেন, ওহে ইহুদী সম্প্রদায়! তোমরা মুসলমান হয়ে যাও। সেই সন্তার কসম যার হাতে আমার জীবন! তোমরা তোমাদের কিতাবসমূহে আমার পরিচয় পাছ নিশ্চয়ই।

ইমাম আহমদ বর্ণনা করেন যে, .... আতা ইবনে ইয়াসার বলেন, আমি একদিন আবদুল্লাহ ইবনে আমর ইবনুল 'আস-এর নিকট গিয়ে বললাম, তাওরাতে রাসূলুল্লাহ (সা)-এর কি পরিচয় বর্ণিত আছে আমাকে তা বলুন। জবাবে তিনি বললেন, রাসূলুল্লাহ (সা)-এর যে পরিচয় কুরআনে বিবৃত হয়েছে, তাওরাতে ছবছ তাই উল্লেখ আছে। তা হলো :

হে নবী! আমি তোমাকে সাক্ষ্যদানকারী, সুসংবাদদাতা, ভয় প্রদর্শনকারী ও উচ্চীদের আশ্রয়দাতা রূপে প্রেরণ করেছি। তুমি আমার বান্দা ও রাসূল। আমি তোমার নাম রেখেছি মুতাওয়াক্সিল। তুমি ভাষায় কর্কশ বা হ্রদয়ে কঠোর নও। তুমি হাটে-বাজারে চিংকার করে কথা বল না। তুমি মন্দকে মন্দ দ্বারা প্রতিরোধ কর না। তুমি ক্ষমাশীল। লা-ইলাহা ইল্লাল্লাহ'র বিশ্বাসী বানিয়ে পথভ্রষ্ট জাতিকে সোজা পথে আনা পর্যন্ত আল্লাহ তোমাকে তুলে নেবেন না। তোমার দ্বারা আল্লাহ অঙ্ক চক্ষু, বধির কান ও তালাবন্ধ হৃদয়সমূহ খুলে দেবেন। বুখারীও তিনি সূত্রে অনুরূপ বর্ণনা করেছেন। ইবন জরীরের বর্ণনায় অতিরিক্ত আছে যে, আতা ইবনে ইয়াসার বলেন, আমি কা'বকে এ ব্যাপারে জিজ্ঞেস করলে তিনিও ছবছ একই কথা বলেন, একটি বর্ণেরও পার্থক্য করেন নি।

হাফিজ আবু বকর বায়হাকী বর্ণনা করেন যে,..... আবদুল্লাহ ইবনে সালাম রাসূলুল্লাহ (সা)-এর পরিচয় সম্পর্কে ছবছ একই কথা বলতেন। কা'ব আল-আহবারও অভিন্ন কথা বলতেন। আমি বলি, আবদুল্লাহ ইবন সালাম (রা)-এর উক্তি যুক্তিগ্রাহ্য। তবে আবদুল্লাহ ইবন আমর (রা) অনেক বেশি বলতেন। ইয়ারমুকের দিন তিনি আহলে কিতাবের যে দু'টি বস্তা

পেয়েছিলেন তা থেকে তিনি প্রায়ই বর্ণনা করতেন। আদি যুগের অনেক আলিম আহলে কিতাবের সকল গ্রন্থকেই তাওরাত বলে আখ্যায়িত করতেন। মূসা (আ)-এর প্রতি নাযিলকৃত তাওরাতে তা রাখতেন না। অন্যান্য হাদীসে এ বর্ণনার সমর্থন পাওয়া যায়। ইউনুস বর্ণনা করেন যে, উম্মুক্বারদা (রা) বলেন, আমি একদিন কাঁ'ব আল আহবারকে জিজ্ঞেস করলাম, তাওরাতে আপনারা রাসূলুল্লাহ (সা)-এর পরিচয় কিরূপ পান? জবাবে তিনি বললেন : তাওরাতে তার পরিচয় হলো : মুহাম্মদ আল্লাহর রাসূল। তাঁর নাম মুতাওয়াক্রিল। তিনি কর্কশ নন, কঠোর নন। হাটে-বাজারে চিৎকার করে কথা বলে বেড়ান না। তাকে অনেক চাবিকাঠি দেয়া হয়েছে। তার দ্বারা আল্লাহ দৃষ্টিশক্তিইন চোখগুলোকে দৃষ্টিশক্তি, বধির কানগুলোকে শ্রবণশক্তি দান করবেন এবং বক্ত জিহাগুলোকে সোজা করবেন। ফলে তারা সাক্ষ্য দেবে যে, আল্লাহ ছাড়া কোন ইলাহ নেই। তিনি এক, তাঁর কোন শরীক নেই। তাঁর দ্বারা আল্লাহ মজলুমের সহায়তা করবেন এবং মজলুমকে জুলুমের কবল থেকে রক্ষা করবেন।

বায়হাকী বর্ণনা করেন যে,..... আবু হুরায়রা (রা) সূরা কাসাম-এর আয়াত :

وَمَا كُنْتُ بِجَانِبِ الطُّورِ إِذْنَادِيَّاً

(মুসাকে আমি যখন আহ্বান করেছিলাম, তখন তুমি ত্রু পর্বত পার্শ্বে উপস্থিত ছিলে না)-এর ব্যাখ্যায় বলেন, তখন আহ্বান করা হয়েছিল, হে মুহাম্মদের উচ্চত! তোমরা আমাকে আহ্বান করার আগেই আমি তোমাদের আহ্বান করুল করে নিয়েছি। যাঞ্চা করার আগেই আমি তোমাদেরকে দান করেছি।

ওহব ইবনে মুনাবিহ বর্ণনা করেন যে, আল্লাহ তা'আলা যাবুরে দাউদ (আ)-এর প্রতি প্রত্যাদেশ করেছিলেন, হে দাউদ! তোমার পর অটীরেই একজন নবী আসছেন। তার নাম হবে আহমদ ও মুহাম্মদ। তিনি হবেন সত্যবাদী ও সর্দার। আমি কখনো তার প্রতি ঝুঁক্ট হবো না, তিনি কখনো আমার প্রতি ঝুঁক্ট হবেন না। আমার কোন নাফরমানী না করতেই আমি তাঁর পূর্বাপর সব ঝুঁটি ক্ষমা করে দিয়েছি। তাঁর উচ্চত হবে রহমতপ্রাপ্ত। আমি নবীদের যেমন নফল দান করেছিলাম, তেমনি তাদেরকেও তা দান করেছি। আর তাদের ওপর এমন সব দায়িত্ব ফরয করেছি, যা করেছিলাম আমি রাসূলগণের ওপর। কিয়ামতের দিন যখন তারা আমার সামনে উপস্থিত হবে, তাদের নূর হবে নবীগণের নূরের অনুরূপ।'

এরপর আল্লাহ তা'আলা আরো বলেন, হে দাউদ! আমি মুহাম্মদকে এবং অন্যসব উচ্চতের ওপর তার উচ্চতকে ঝোঁক্ট দিয়েছি।

পবিত্র কুরআনের বহু সংখ্যক আলাতে ও আহলে কিতাবের গ্রন্থাদিতে রাসূলুল্লাহ (সা)-এর সুসংবাদ থাকার প্রয়াণ পাঞ্জুরা আছে। কুরআনে আমরা তা আলোকপাত করেছি ও। এর মধ্যে কয়েকটি আয়াত নিম্নরূপ :

আল্লাহর তা'আলা বলেন :

الَّذِينَ أَتَيْنَاهُمُ الْكِتَابَ مِنْ قَبْلِهِ هُمْ بِهِ يُؤْمِنُونَ . وَإِذَا يُتْلَى عَلَيْهِمْ  
قَالُوا أَمَّا بِهِ إِنَّهُ الْحَقُّ مِنْ رَبِّنَا إِنَّا كُنَّا مِنْ قَبْلِهِ مُسْلِمِينَ .

এর আগে আমি যাদেরকে কিতাব দিয়েছিলাম, তারা এতে বিশ্বাস করে। যখন তাদের নিকট তা আবৃত্তি করা হয়, তখন তারা বলে, আমরা এতে ঈমান আনি, এটা আমাদের প্রতিপালকের নিকট থেকে আগত সত্য। আমরা তো পূর্বেও আস্তসমর্পণকারী ছিলাম। (২৮ : কাসাস : ৫২, ৫৩)

الَّذِينَ أَتَيْنَاهُمُ الْكِتَابَ يَعْرِفُونَهُ كَمَا يَعْرِفُونَ أَبْنَاءَهُمْ وَإِنَّ فَرِيقًا  
مِنْهُمْ لِتَكْثِمُونَ الْحَقَّ وَهُمْ يَعْلَمُونَ .

যাদেরকে কিতাব দিয়েছি, তারা তাকে সেইরূপ চিনে, যেরূপ চিনে তাদের সন্তানদেরকে। আর তাদের একদল জেনে বুঝে সত্যকে গোপন রাখে। (২ : বাকারা : ১৪৬)

إِنَّ الدِّينَ أُوتِوا الْعِلْمَ مِنْ قَبْلِهِ إِذَا يُتْلَى عَلَيْهِمْ يَخِرُّونَ لِلْأَذْقَانِ سُجَّدًا  
وَيَقُولُونَ سُبْحَانَ رَبِّنَا إِنَّا كُنَّا وَعْدُ رَبِّنَا لَمْفَعُولًا .

যাদেরকে এর আগে জ্ঞান দেয়া হয়েছে, তাদের নিকট যখন তা পাঠ করা হয়, তখনই তারা সিজদায় লুটিয়ে পড়ে এবং বলে, আমাদের প্রতিপালক পবিত্র মহান। আমাদের প্রতিপালকের প্রতিশ্রূতি কার্যকরী হয়েই থাকে। (১৭ : বনী ইসরাইল : ১০৮)

অর্থাৎ আমাদের প্রতিপালক মুহাম্মদের অস্তিত্ব ও প্রেরণ সম্পর্কে যে প্রতিশ্রূতি দিয়েছেন, তা বাস্তবায়িত হবে নিশ্চিত। তাই আমরা পবিত্রতা ঘোষণা করি সেই সন্তান, যিনি ইচ্ছে করলেই যে কোন কাজ করতে সক্ষম। তাকে অক্ষম করবে এমন কোন শক্তি নেই। (১৭ : ইসরা : ১০৭, ১০৮)

অন্য আয়াতে খৃষ্টান পঞ্জিত ও সংসার বিরাগীদের সম্পর্কে আল্লাহর তা'আলা বলেন :

وَإِذَا سَمِعُوا مَا أُنْزِلَ إِلَيَ الرَّسُولِ تَرَى أَعْيُنَهُمْ تَفِيضُ مِنَ الدَّمْعِ مِمَّا  
عَرَفُوا مِنَ الْحَقِّ يَقُولُونَ رَبِّنَا أَمَّا فَاكْتُبْنَا مَعَ الشَّاهِدِينَ .

রাসূলের প্রতি যা অবর্তীণ হয়েছে, তা যখন তারা শ্রবণ করে, তখন তারা যে সত্য উপলব্ধি করে তার জন্য তুমি তাদের কচ্ছ অঙ্গবিগণিত দেখবে। তারা বলে, হে আমার প্রতিপালক! আমরা ঈমান এনেছি। সুতরাং তুমি আমাদেরকে সাক্ষ্যবহুদের তালিকাভুক্ত কর। (৫ : মায়দা : ৮৩)

তাছাড়া নাজাশী সালমান আল-ফারসী ও আবদুল্লাহ ইবনে সালাম প্রমুখের বাণীতে একথার সাক্ষ্য প্রমাণ পাওয়া যায়। সকল প্রশংসা ও প্রশংসন আল্লাহরই।

বিভিন্ন নবীর জীবন চরিত বর্ণনা প্রসঙ্গে যেমন হয়রত মুসা, শা'য়া, আরমিয়া ও দানিয়াল প্রমুখ নবীর কাহিনীতে আমরা তাদের বর্ণিত রাসূলুল্লাহ-এর আবির্ভাব, গুণ-পরিচয়, জন্মভূমি, হিজরত ভূমি ও তাঁর উম্মতের পরিচয় সম্পর্কে আলোকপাত করেছি।

অপর দিকে বনী ইসরাইলের সর্বশেষ নবী হয়রত ঈসা (আ)-এর মাধ্যমেও আল্লাহ তা'আলা রাসূলুল্লাহ (সা)-এর একপ সংবাদ প্রদান করেছেন। হয়রত ঈসা (আ) একদিন বনী ইসরাইলের মাঝে ভাষণ দিতে গিয়ে যা বলেছিলেন, কুরআন মজীদের ভাষায় তা হলো :

إِنَّ رَسُولَ اَللَّهِ إِلَيْكُمْ مُصَدِّقًا لِمَا بَيْنَ يَدَيْ مِنَ التُّورَةِ وَمُبَشِّرًا  
بِرَسُولٍ يَأْتِي مِنْ بَعْدِي إِسْمُهُ اَحْمَدُ .

আমি তোমাদের প্রতি আল্লাহর রাসূল। আমার পূর্ববর্তী কিতাব তা ওরাতের সত্যায়নকারী এবং এমন এক রাসূলের সুসংবাদদানকারী রূপে আমার আবির্ভাব, যিনি আমার পরে আগমন করবেন, যার নাম হবে আহমদ। (৬১ : সাফ : ৬)

ইনজীলে ‘ফারকালীত’ এর ব্যাপারে সুসংবাদ আছে। ফারকালীত দ্বারা মুহাম্মদ (সা)-কেই বুঝানো হয়েছে।

বায়হাকী বর্ণনা করেন যে,..... হয়রত আয়েশা (রা) বলেন, রাসূলুল্লাহ (সা) বলেছেন : ইনজীলে লিপিবদ্ধ আছে, কর্কশ নন, কঠোর নন, হাটে-বাজারে চিৎকারকারী নন। মন্দের প্রতিবিধান মন্দ দ্বারা করেন না বরং ক্ষমা করে দেন।

ইয়াকুব ইবনে সুফিয়ান বর্ণনা করেন যে,..... মুকাতিল ইবনে হিবান বলেছেন, আল্লাহ তা'আলা ঈসা ইবনে মারয়ামের প্রতি প্রত্যাদেশ করেন যে, আমার আদেশ পালনে তৎপর হও। শোন ও আনুগত্য কর হে চির কুমারী সাধীরী নারীর পুত্র। পিতা ছাড়া সৃষ্টি করে আমি তোমাকে বিশ্ব জগতের জন্য নির্দর্শন বানিয়েছি। অতএব, তুমি আমারই ইবাদত কর। সুরিয়ানী ভাষায় সুরানীদের বুঝাও। প্রচার করে দাও যে, আমিই সত্য, স্থিতিশীল, চিরস্তন। ঘোষণা কর যে, তোমরা নিরক্ষর উচ্চী নবীর প্রতি বিশ্বাস স্থাপন করবে, যিনি উট, বর্ম, মুকুট, জুতা ও লাঠির অধিকারী হবেন। যার মাথার চুল থাকবে কিছুটা কোঁকড়ানো। প্রশস্ত কপাল, জোড়া ভু আয়ত কাজল চোখ, দীর্ঘ চোখের পাতা, উন্নত নাক, উজ্জ্বল গাল ও ঘন দাঢ়ি। মুখমণ্ডলের ঘাম যেন মুক্তার দানা যা মেশকের সুস্থান ছড়াচ্ছে। তার ঘাড় যেন রূপার পাত্র দু'কষ্টা বেয়ে যেন সোনা গড়িয়ে পড়ে। বুক থেকে নাভি পর্যন্ত চুলের একটি রেখা। এ ছাড়া তার পেটে আর কোন চুল নেই। হাতের তালু ও পায়ের পাতা মাংসল। মানুষের সঙ্গে হাঁটার সময় তাকেই সর্বাপেক্ষা উচু দেখা যায়। হাঁটার সময় মনে হয় যেন তিনি উপর থেকে নিচে নামছেন। তার পুরুষ বংশধরদের সংখ্যা হবে অল্প। বায়হাকী তার দালাইল গ্রন্থে একপ বর্ণনা করেছেন। বায়হাকী বর্ণনা করেন যে, উসমান ইবনে হাকাম ইবনে রাফি ইবনে সিনান বলেন, তিনি তার পূর্ব পুরুষদের নিকট শুনেছেন যে, তাদের নিকট একটি লিপি ছিল। জাহেলী যুগে বংশপ্রস্পায়

লিপিটি তারা সংরক্ষণ করেন। ইসলামের আবির্ভাব কালেও লিপি তাদের নিকট সংরক্ষিত ছিল। রাসূলুল্লাহ (সা) যখন মদীনা আসেন, তখন তারা বিষয়টি তাকে জানান এবং লিপি এনে দেন। তাতে লেখা ছিল :

শুরু আল্লাহর নামে। আল্লাহর কথাই সত্য আর জালিমদের কথা ব্যর্থ। শেষ যমানায় এমন একটি জাতি আগমন করবে, যা যাদের আশেপাশের লোকজন পরীক্ষার সম্মুখীন হবে এবং যাদের মধ্যবর্তী লোকজনের সংখ্যা কমে যাবে এবং যারা সমুদ্রে ডুব দিয়ে হলেও শক্তকে ধাওয়া করবে। তাদের মধ্যে এমন সালাত থাকবে, যা নৃহ (আ)-এর সম্প্রদায়ে থাকলে তারা তুফানে ধ্বংস হতো না, যদি 'আদ সম্প্রদায়ে থাকত তাহলে তারা ঝঞ্চাবায়ুতে ধ্বংস হতো না, যদি তা ছামুদ সম্প্রদায়ে থাকত তাহলে বিকট নাদে তারা নিঃশেষ হতো না। শুরু আল্লাহর নামে। আল্লাহর কথাই সত্য আর জালিমদের কথা ব্যর্থ।

লিপিটির পাঠ শুনে রাসূলুল্লাহ (সা) বিস্মিত হন।

সূরা আরাফের আয়াত :

الَّذِي يَجْدُونَهُ مَكْتُوبًا عِنْدَهُمْ فِي التُّورَاةِ وَإِلَانْجِيلِ

এর ব্যাখ্যায় আমরা হিশাম ইবনে আস আল-উমারীর কাহিনী উল্লেখ করেছি যে, হিরাক্রিয়াসকে আল্লাহর প্রতি আহ্বান করার জন্য হ্যারত আবু বকর সিদ্দিক (রা) তাকে এক অভিযানে প্রেরণ করেছিলেন। হিরাক্রিয়াস আদম (আ) থেকে মুহাম্মদ (সা) পর্যন্ত নাম-পরিচয় ও আকার-আকৃতি সম্বলিত সব নবীর ছবি তাদেরকে বের করে দেখান। হিশাম ইবনে আস বর্ণনা করেন যে, হিরাক্রিয়াস যখন রাসূলুল্লাহ (সা)-এর ছবি বের করেন সঙ্গে সঙ্গে তিনি তার সম্মানার্থে দাঁড়িয়ে যান। তারপর বসে পড়ে গভীর দৃষ্টিতে ছবিটি দেখতে থাকেন। হিশাম ইবনে আস বলেন, আমরা তাকে জিজ্ঞেস করলাম, এই ছবি আপনি কোথায় পেলেন? তিনি বললেন, আদম আল্লাহর কাছে সকল নবীকে দেখার আবদার করেছিলেন। তখন তার কাছে আল্লাহ এই ছবিগুলো অবতারণ করেন। পৃথিবীর পঞ্চম প্রান্তে আদম-এর ভাগারে এগুলো রক্ষিত থাকে। যুলকারনাইন সেখান থেকে ছবিগুলো বের করিয়ে আনেন এবং দানিয়াল (আ)-এর হাতে তুলে দেন।

যা হোক, ছবিগুলো দেখানোর পর হিরাক্রিয়াস বলেন, আমার মন চাইছে যে, আমি আমার রাজত্ব ত্যাগ করে দেশ ছেড়ে গিয়ে মৃত্যু পর্যন্ত তাঁর রাজত্বে গিয়ে গোলাম হয়ে থাকি। এরপর আকর্ষণীয় উপটোকন দিয়ে তিনি আমাদের বিদায় দেন।

ফিরে এসে আমরা যা দেখে এসেছি, যা উপটোকন পেয়েছি এবং হিরাক্রিয়াস যা বলেছেন, আবু বকর সিদ্দিক (রা)-এর নিকট সবকিছু বিবৃত করি। শুনে তিনি কেঁদে ফেললেন এবং বললেন, অভাগা! আল্লাহ যদি তার কল্যাণ চান, তবে সে তাই করবে। হিশাম ইবনে 'আস এরপর বলেন, রাসূলুল্লাহ (সা) আমাদের বলেছেন যে, খৃষ্টান ও ইহুদীগণ তাদের কিতাবে মুহাম্মদ-এর পরিচয় দেখতে পায়।

উমাবী বর্ণনা করেন যে, ...আমর ইবনে উমাইয়া বলেন, আমি একবার নাজ্জাশীর নিকট থেকে কয়েকটি গোলাম নিয়ে আসি। আমাকে গোলামগুলো দান করেছিলেন। গোলামরা আমাকে বলল, আমাদের পরিচয় করিয়ে না দিলেও রাসূলুল্লাহ (সা)-কে দেখলে আমরা চিনে ফেলব। কিছুক্ষণ পর আবৃ বকর (রা) এলেন। আমি বললাম, ইনি? তারা বলল, না। এরপর আসলেন উমর (রা)। আমি বললাম, ইনি? তারা বলল, না, ইনিও নন। তারপর আমরা ঘরে প্রবেশ করলাম। রাসূলুল্লাহ (সা) তাশরীফ নিয়ে আসলেন। দেখেই তারা আমাকে ডাক দিয়ে বলে—হে আমর! ইনিই আল্লাহর রাসূল (সা)। আমি তাকিয়ে দেখলাম, আসলেই তিনি রাসূলুল্লাহ (সা) অথচ কেউ তাদেরকে তাঁর পরিচয় বলে দেয়নি। তাদের কিতাবে লিপিবদ্ধ লক্ষণ দেখেই তারা নবী করীম (সা)-কে চিনে ফেলে।

সাবার জীবন চরিত আলোচনায় আমরা উল্লেখ করে এসেছি যে, তিনি কাব্যাকারে রাসূলুল্লাহ (সা)-এর অস্তিত্ব সম্পর্কে তার সম্প্রদায়কে সতর্ক করে দিছিলেন ও সুসংবাদ দান করেছিলেন। এখন তার পুনরুল্লেখ নিষ্পত্তির জন্য। আমরা আরো উল্লেখ করেছি যে, তুর্কা ইয়ামানী যখন মদীনা অবরোধ করেছিলেন, তখন দু'জন ইহুদী পণ্ডিত তাকে বলেছিল, এই নগরী এমন এক নবীর হিজরত ভূমি, যিনি শেষ যামানায় আবির্ভূত হবেন। শুনে তুর্কা অবরোধ তুলে ফিরে যান এবং নবী করীম (সা)-কে সালাম জানিয়ে কবিতা রচনা করেন।

---